

Cax. 2
Lid.

Int 55
N^o 110

R.5
4/3



❧ **Fratri Dominici Soto Segouienfis, theolo-**
logi, ordinis Prædicatorum, Cæsareæ Maiestati à
sacris confessionibus, in Epistolam
Diui Pauli ad Romanos
COMMENTARIUM.

❧ *Eiusdem de Natura & Gratia, ad Sanctum Conci-*
lium Tridentinum Libri I I I.

❧ Secunda æditio nuperrimè ab Authore recognita, multisq; in locis aucta,
& à mendis quam maximè fieri potuit, repurgata.



SALMANTICAE,
Excudebat Andreas de Portonariis.
M. D. L. I.

Cum Priuilegio.

EL REY.

PO R quanto vos Andrea de Portonaris mercader de libros vezino dela ciudad de Salamanca, nos hezistes relacion , diziendo que vos teneys poder en causa ppria de fray Domingo de Soto, prior de Sātisteuan de la dicha ciudad, para nos supplicar os diessemos preuilegio para imprimir y vëder todas sus obras, que hasta aqui auia fecho, que son vna Epistola ad Romanos, de Natura & gracia, con vna Apologia contra Catharino, y vna Consultacion de los pobres, y vna Repeticion de Tegen-di secreti, y Summulas, Logica magna, y Phisica. Como parecia por vna scriptura signada de escriuano, de que ante los del nuestro consejo hizo presentacion, y nos supplicastes acatando ser obras muy vtils y prouechosas, os diessemos licencia y facultad, para que vos solo, o quiẽ vuestro poder ouiesse, pudiesseis imprimir y vender las dichas obras, o como la nuestra merced fuesse: lo qual visto por los del nuestro cõsejo, fue acordado que deuamos mandar dar esta nuestra carta para vos. En la dicha razon & nos tuuimos lo por bien. E por la presente por os hazer bien y merced, os doyl licencia y facultad, para que vos, o las personas que vuestro poder ouieren para ello, por tiempo y espacio de ocho años primeros siguientes, que corran y se cuenten dende el dia de la fecha desta mi cedula en adelante, podays imprimir y vender los dichos libros en estos nuestros Reynos y señorios, siendo primeramente tassado por los del nuestro consejo el precio, o como los ouieredes de vender. Y mandamos que por el dicho tiempo ninguna otra persona los pueda imprimir, ni vender, sin tener el dicho vuestro poder, como dicho es, so pena, que pierda la impresion que assi hiziere y vendiere, y los moldes, y aparejos con que lo hiziere, y mas incurra en pena de diez mil marauedis para la nuestra Camara. Y mandamos a los del nuestro consejo, Presidentes & Oydores de las nuestras audiencias, Alcaldes, Alguaziles de la nuestra Casa, Corte, y Chancillerias, y a otras qualesquier nuestras justicias de los nuestros Reynos y Señorios, a cada vno en su jurisdiccion que guarden y cumplan, & fagan guardar y cumplir esta nuestra cedula, por el dicho tiempo de los dichos ocho años, y contra lo en ella contenido, ni cõsientan yr, ni passar. Fecha en Valladolid a diez dias del mes de Nouiembre, de Mil y Quinientos y Cincuenta años.

Yo la Reyna.

*Por mandado de su M. su Alteza en su nombre.
Francisco de Ledesma.*

PHILIPPO MAGNO.

CAROLI. V. CAESARIS MAXI-

mi Filio, suus Frater Dominicus Soto

FOELICITATEM.



ACCIPE PRINCEPS MAXI-
mè qualescunq; meas has lucubrationes in Paulum, quas
sub claritudine nominis tui in lucem exire permitto.
Nam si diuinum cùm primis numen afflauerit, cuius
sunt fauore elucubratae, nullis possunt auiibus prodire
foelicius. Iam quippe orbem Cæsar, quem tot rebus clarè gestis perlu-
strauit, tamq; multis illustrauit victoriis, tuis partim gestit humeris im-
ponere, solem orientem (vt inter Apophthegmata Græcorum est) an-
nuuit adorari, experiri cupit, vt sis currus post longum eius, foelixq;
seculum gubernaturus. At cùm tot sint illi exhibita negocia, conflatq;
ingrata bella, quæ pro suæ amplitudine Maiestatis retrectare ne-
quiuit, quæq; adeò prosperrimo Marte patrauit, vna est tamen causa
fidei, pro qua sua sponte pia sæpe induit arma, laboresq; immensos per-
tulit, suos toties exercitus, fortunas, regna, vitam denique exposuit.
Hanc tu Inchyte Princeps si, secundum Deum, paternis votis obsecun-
dare cupis, toto pectore suscipias, huic consacres vitam, personam de-
uou eas, & quanta te manent clarissima sceptr a. Fudit pater, fugauitq;
hostes Christiani nominis, prostrauit fidei perturbatores: Christianam
itaq; seruauit religionem, quam nouatores homines iam diu demoliri per-
tendunt. Has victorias, tuum sit negocium, perpetuò prosegu i. Fient
enim Celsitudini tuæ frequenter obuia paterna vestigia, quæ pruden-
tiam, magnanimitatemq; tuam rectà ducant. At quauis armis tua re-
ferat rem transigere, hoc tamen potissimum est operæ precium, vt ama-
torem te, vti coepisti, fautoremq;, & omnino patronum bonarum lite-
rarum exhibere pergas. Nouerint, qui sacris præsertim elogiis inter-
pretandis, elucidandis, colendisq; & protegendis insudant, nullam rem
gratius ab Amplitudine tua acceptum iri. Hoc enim est, aduersus er-
rores quàm firmissimum veritatis præsidium.

Est autem inter omnes sacros codices Paulus, qui vt corruptè exposi-
tus, seminarium fuit errorum omnium huius tempestatis, ita, si sanè, in-

tegreq; intelligatur, vniuersos valeat protinus extirpare. Huius igitur
Epistolam ad Romanos, quæ & ordine, & dignitate cæteris antecellit,
meis rudibus meditationibus interlitam, Claritudini tuæ nuncupo.


Opus quidem, quod neq; tua Celsitudo, si dignum illud suo
nomine fuerit, vt caricam æstimabit, quam Diogenes
obtulit Aristoteli: neq; ego vicissim, si tua id
legerit Celsitudo, potero nihili pendere.

Nam etsi nemo alius legerit, dicam
quod poëta ille olim de Pla-
tone, Philppus vnus
mibi instar est
omnium.



¶ Cum hos nostros in Paulum Commentarios Antuerpiæ pri-
mum impressos, vt alienos relegerim, non equidem potui non
aliqua elucubratius lambere & efformare, quæ non adeò abso-
luta mihi visa sunt, primo partu prodisse. Admonitos ergo
velim Chalcographos quoslibet, siqui postmodum prælo eos
sunt reddituri, vt emunctiori hoc Salmantino vtantur
exemplari.

RERVM AC SENTENTIA- RVM, QVÆ IN HOC OPERE TRACTANTVR INDEX Locupletissimus.



A BRAM Pater omniū corde circuncisorū. 126.	B APTISMI sacramentum. 168
Abraham exemplum no- strum. 136. typus fidei nostræ. 138	Baptismus cur paruulis indultus. 127
Abrahæ sinus iustorum om- nium locus in Euange- lio nuncupatur. 131	Baptizatis cur in fronte delinitur chrisimate signum crucis. 291
Abraham cur circuncisus. 124	Barbari vnde dicti. 34
Abrahæ dignitas. 125	Beatitudo in quo actu consistit. 182
Abrahæ fidei encomium. 133	Beatus ob quam causam quis dicatur. 46
Abrahæ filij, qui dicantur. 126	Begardorum hæresis proscribitur. 349
Abrahæ stirpem vocat Paulus oliuam. 309	Bellum, nullum virtutis, pietatisue vestigium post se relinquit. 346
Abstinentiæ causa triplex. 365	Bene loqui, & bene precari in quo differant. 340
Abusus Principis, aut prælati non facit subditis fa- cultatem detrectandi obedientiam. 349	Beneficentia Reipub. maximè necessaria. 334
Acceptum ferre, quid. 123	Beneficia danda non fœneranda. 334
Adæ inobediētia, & Chrī obediētia discrimin. 163	Beneficiis cur nos priuat Deus. 318
Adam fuit peccati originalis causa. 149	Beneficium summum, quod in nos contulit Chri- stus, cuiusmodi sit. 111
Aedificari, mos loquendi Christianorum. 381	Bibliis sacris quanta debeatur veneratio. 10
Aeditio vulgata defenditur. 24	Blasphemia Spiritus sancti duplex. 67
Aeuae tentatio. 195	Bonitas Dei idem est, quod benignitas. 63
Aduentus Christi dignitas. 115	Bonitatis diuinæ ratio duplex. 268
Adulterum neminem reconciliat Deus, nisi liberè assentientem. 273	Bonorum genera tria describuntur. 336
Affectus naturalis etiam in dānatis perdurat. 309	Bonum, obiectum amoris. 336
Alta sapere quid sit, explicatur. 342	Bonus, & iustus in quo differant. 146
Amico ficto nihil in Republica exitiosius. 335	C ÆCITATIS Iudaicæ causa. 305
Amor Dei in nos infinitus. 146	Cæcitatibus Iudaicæ causæ effectrix non fuit Deus. 314
Amoris fraterni commendatio. 336	Caius inter Christianos fuit illustrissimus. 415
Amor proprius obstaculum est, ne fratrum mole- stias æquò feramus animo. 386	Carbones ignis in ytrunque partem vsurpantur in sa- cra scriptura. 347
Angeli cur penitere nequeant. 64	Carnium delectus non est superstitiosus. 365
Angeli subiecti vanitati humane. 227	Carnis appellatione hoies intelligit Paulus. 102
Angelorum expectatio. 226	Causarum genera quatuor. 322
Angustia vnde dicatur. 77	Celeritas misericordiæ ornamentū potissimū. 335
Anima vt viuificatrix est vnius corporis, ita & Chri- stianis omnibus spiritualiter vnus est pro anima Deus. 330	Certitudinis gratiæ assertores cōfutant. 236
Anima media est inter spiritum, & carnem. 174	Charitas Dei, & amicitia idem. 143
Animal omne diligit sui simile. 59	Charitas initiū, & forma est omniū virtutum. 395
Animarum transmutatio pythagorica. 80	Charitas Chrī immēsa. 146
Animorum immortalitas. 46	Charitatē habere erga aliquē, & reddere quid. 354
Antichristi persequutio, vctura, vt fur in nocte. 318	Charitatis facultates. 335
Antistitis curæ. 333	Charitatis diuinæ excellentia. 165
Apostolatus vox explicatur. 25	Christianorum epitheton. 293
Apostoli nomenclatura. 14	Christiani inter omnes mundi nationes florentis- simi. 308
Apostoli tria sunt officia. 15	Christiani antiquitus sancti distabantur. 27
Apostoli, & Prophete discrepantia. 332	Christi benignitas. 220
Apostolorum gratia. 25	Christi cum Adam collatio. 22
Aquila, & Prisca ciues Corinthij. 408	Christus primitiæ resurgentium, & radix renascen- tium in eius membra. 311
Arma lucis, quæ. 359	Christus non est filius adoptiuus. 220
Auditum esse duplicem describitur. 294	Christus quomodo mediator. 29. quo sensu præde- stinatus. 21. peccato mortuus. 173. spiritualis vi- tæ principium. 330. non persoluit diabolo. 111.
Auxilio suo priuatur à Deo quispiam duobus mo- dis. 52	lapis. 287. cur ex semine Dauidis factus. 19
	Circuncisio non pertinebat ad legem Moysi. 119
	Circuncisio, protestatio quedam legis erat, sicut nunc baptismus

INDEX.

baptismus.	91
Circūcisio pro populo circūciso vsurpatur.	391
Circūcisio an conferebat gratiam.	79
Ciues non minus honorant Principem reuerendo, quàm Princeps ciues præmiando.	74
Ciuium Romanorum priuilegium.	2
Clementia Dei inæstimabilis.	146
Cognoscendi Deum triplex est via.	44
Comessatio quid.	360
Commune quid Paulo dicatur.	376
Comos, Deus, qui præerat nocturnis comessatio- nibus.	360
Compræhensionis modus duplex.	321
Compunctio quid sit.	305
Concupiscentia quomodo sit peccatum.	151
Concupiscibilis ad quas feratur voluptates.	360
Confessio fidei, obseruantia mandatorum.	293
Cōfessio oris, nisi ex corde pficiscā, vana est.	293
Confessio oris triplici modo fit.	ibidem.
Configurari huic seculo, quid.	326
Confiteri Deo, quid.	373
Conscientia erronea obligat.	376
Conscientiæ diffinitio.	86
Contentio pro reluctantia contra fidem.	75
Conciliū, non ad malū, sed ad bonum refertur.	97
Contumeliosus quis dicatur.	58
Creationis humanæ causa.	117
Creatura irrationalis vanitati subiecta non vo- lens.	228
Creaturæ vanitas.	227
Crimina publica iudicare esse mala non est pecca- tum.	375
Criminum nostrorum causa non est Deus, sed Pra- ua voluntas.	271
Cubilis nomine quid Paulus significet.	361
Culpa nulla in Deum refunditur.	192
Culpa vbi nulla est, nulla potest esse remissio.	81
D æmones ministerium Dei exercēt in bonum nostrum.	351
Debitorum sumus Deo.	216
Deitatis, & diuinitatis differentia.	45
Dilectus ciborum apud nos diuersus ab illo Iudæo- rum.	365
Delibatio quid sit.	310
Delicti, & diminutionis discrimen.	309
Delicti, & gratiæ comparatio.	159
Destinari, ac prædestinari in quo differunt.	23
Dei nomine quid enunciat.	44
Dei finis, & propositum in reprobando hominibus bimembre.	270
Dei virtus sempiterna quomodo philosophis inno- tuit.	43
Deo non credere, quid.	339
Deo, & parentibus cur non satis rependimus pro beneficiis.	354
Deo authore nemo fit deterior.	269
Deo soli adherendum.	336
Deus, cur Deus spei nostræ dicatur.	403
Deus mentiri nescit.	94
Deus quādo dicitur recordari nostræ iustitiæ, quan- do item iniquitatis.	123
Deus erit iudex, & testis.	162
Deus, cur post Adæ casum statim operatus non est redemptionem nostram.	114

Deus nihil agit contra naturam.	315
Deus, quib? nos adducit modis ad pœnitentiā	65
Deus nihil facit ad malum nostrū respiciēs.	47
Deus quomodo in reprobos animaduertit.	41
Deus neminem cogit, vel ad bonum, vel ad ma- lum.	65
Deus finis omnium.	45
Deus vnus est.	44
Deus non est crudelis.	301
Deus quā offensus Adæ inobedientia.	163
Deus quomodo per creaturas representatur.	43
Deorum turba vnde oborta.	150
Diei extreme an iræ nomen potius indutū sit, quā misericordiæ.	67
Dies iræ accipitur pro die finali, & cuiuscunq; par- ticularis iudicii.	67
Dieta præsens remedium ad bonam hominis valetu- dinem.	365
Dilectio simulata, quæ dicatur.	335
Dilectionis debitum nunquā adeo soluitur, vt nōn debeat.	336
Discipuli vbi primū cognominati Christiani.	27
Doctores, quæ virtutes maximè necessariæ.	329
Dogmatum sacrorum antiquitas.	58
Dominiū iustorum.	245
Dona non solum confert Deus secundum gratiam, sed secundum laudem etiam distribuit.	331
Duellum nusquam est licitum.	346
E brietatis vitium.	360
Ecclesia errare non potest.	330
Ecclesia quid contra Pelagianos sanxerit.	110
Ecclesia cur in ieiuniis vsum carniū interdixe- rit.	365
Ecclesiæ pestis.	294
Ecclesiæ authoritati standum est.	294
Ecclesiæ circa scripturā sacrā authoritas.	365
Ecclesiæ corpus nil adeo scindit, ac superbia.	342
Ecclesiæ vnitas in quō consistit.	295
Eleemosynarum dignitas, & debitum.	402
Eleemosynæ antiquitus bādictio appellabatur.	403
Ελλην græcè significa Græcum, & Gentilem.	37
Eloquentia trilinguis bona, & mala.	9
Emortuum, quid.	136
Epistola ad Romanos Cenchris scripta.	4
Epistola ad Romanos argumentum est cæterarum omnium.	4
Esaiæ animus inuictus.	399
Euangelica prædicatio omni nationi debetur.	34
Euangelij definitio. 36. amplitudo.	27
Euangelij nomine quid Paulus intelligat.	18
Euangelij dignitates quinque.	15
Euangelium, qui verè receperūt excidere regno Dei non posse confutatur.	315
Euangelium an Iudæis venerit propter merita ope- rum legis.	8
Euangelium trifariam diuiditur.	18
Excæcat Deus non adiuuādo, sed deferendo.	305
Excellentia superbiā parturit.	364
Expandere manus quid sit.	301
F ama alienæ denigratores notantur.	99
Felicitas huius vitæ in honore non cōsistit.	74
Felicitas nostra in quo posita sit.	74
Felicitas nusquam nobis promissa est, nisi su- tionibus operum.	69

INDEX.

Festis diebus cur ab opere feriamur.	370	Gratia, non operū meritis, sed gratuito donat.	88
Fide iustificari, & gratis iustificari no est idē.	121	Gratia fuit ante Christi aduentum.	114
Fides assensione nostra fit.	106.	Gratiæ, & gloriæ discrimen.	70
voluntate. 297. non accipit pro Euangelio.	105.	Gratiæ regnum.	167
esse nequit, nisi ex auditu. 294. ex obedientia na-		Gratiæ suæ nemo certus fieri potest per certitudinē	
scitur voluntatis. 76. datur ad mensuram. 329.		fidei absq; speciali reuelatione.	131
prima causa est iustificationis. 110. non iustifi-		Gratiæ nostræ certitudo.	223
cat, nisi dum per charitatem operatur. 109. non		Gratiā pro apostolico munere vsurpat Paulus.	327
est ipsa, quæ operatur, sed nos per ipsam.	70	Gratiarum diuersæ mensuræ.	24
Fides non operanti, quomodo reputatur ad iusti-		Gula omnium vitiorum mater.	365
tiam.	121	Gulæ vitium, & enormitas.	60
Eides vna. 39. donum Dei.	298	H Elias, & Enoch circa finem mundi mitten-	
Ad fidem duo necessaria.	16 298	di.	317
Fide sola non iustificamur.	5 84 107	Hæreditas filiorum est vita æterna.	216
Fidei significatio duplex. 106. beneficia.	144	Hæreditas nostra Deus.	223
Fidei primitiæ prius à Iudæis susceptæ, quam à gen-		Hæresis negantium imagines recensentur.	50
tibus.	316	Hæretici sunt veluti arena sine calce.	135
Fidei obedire quid.	25	Hæreticus ignorantia laborans, blande ferendus, ac	
Fides, & humanæ disciplinæ in quibus differat.	25	veritatis admonendus.	410
A fide, & gratia in hac vita non excidimur, sed fran-		Hierusalem emporium: vnde diuulgata est fides in	
gimur.	311	orbem.	402
Fides, & gratia Euāgelica cunctis mortalibus neces-		Homicidium, primò inuidia patratū est.	58
saria est ad salutem.	35	Hominem lapsum expediebat esse mortalem.	159
In sola fide non est collocanda nostra fiducia.	73	Hominis pernitēs est alta sapere.	343
Fides, & gratia necessaria prius sunt, quā legis ope-		Homo se vendit peccando.	197
ra iusta habeantur apud Deum.	92	Homo nullus est, qui non mentiatur.	94
Fides mortua Christianum hominem efficere potest		Homo cur conditus.	45
absq; charitate.	109	Homo duabus constat portionibus.	197
Filij Dei sub lege erant.	218	Honor non est in honorato, sed in honorante.	75
Finis hominis duplex.	38	Honor humanæ naturę pensandus secundum suam	
Fœminarum pudor.	55	excellentiā.	54
Fragilia quæ sunt, vocat Paulus infirma.	146	Honor, qua ratione defendendus.	346
Frater non temerè indicandus.	368	Honoris definitio.	353
Fratres respectu Dei sumus omnes.	337	Honoris commendatio.	337
Figura quid.	326	Hospitalitatis laus.	340
Futurum omne indeterminatè verum est, vel fal-		Hostia vnde dicta.	324
sum.	282	Humilitas omnium virtutum parens.	327
G audendū quomodo cum gaudentibus.	482	I Dololatria, & peccatum contra naturam coæ-	
Gaudiū durare nequit, vbi pax non viget.	392	ua.	56
Gaulonitarum hæresis.	348	Idolum idem, quod simulachrum.	50
Gentes contra Iudæos.	7	Ignorantia quomodo excusat.	193
Gentes insitas esse contra naturam, quo significatu		Ignorantia est medicabile vitium.	410
capi debeat.	314	Immortalitas cur nobis ad futurum vsq; seculū dif-	
Gentium plenitudo, & vniuersitas saluandi Israelis		feratur	224
num ante extremum diem futura sit.	316	Immundum quid dicatur.	54
Gentium nomine orbis vniuersus intelligitur.	395	Impij, qui sine lege, & fide Dei vixerūt, sine iudicio	
Gladij nomine quid Paulus significet.	352	peribunt.	82
Gloria quemadmodum dicatur gratia.	69	Inclinare quosdam ad mala Deus pro suis meritis,	
Gloria triplex.	143	quomodo intelligatur.	52 268
Gloriæ, & honoris inte se discrimen.	74	Induere Christum, quid.	361
Gloriam, & honorem inter mortales qui consecran-		Indurare, quomodo dicatur Deus.	52 65
tur, procurant existimationem consequi probita-		Indurare, & excæcare, quomodo intelligi debe-	
tis.	74	ant.	301
Gloriandum cur sit in afflictionibus, & hostilibus		Infantes absq; vlla operum suorum præuisione præ-	
pugnis.	144	destinati.	273
Gloriari nos in Deo de spe hæreditatis eterne in hac		Inferni supplicia nemini optare possumus.	341
mortali vitalicet.	143	Infidelibus omnia sunt impura, & sordida.	380
Gloriari in Deo, quid sit.	148	Infidelitas in extremis etiam temporibus in aliqui-	
Glorificatione diuina indigent omnes.	111	bus duratura.	317
Græci exteras oēs nationes barbaras vocabāt.	34	Infidelium opera etiam bona, quæ ad suam falsam	
Græci, & Romani soli sub legibus viuebant.	60	religionem referuntur, sunt peccata.	385
Gratia, & pax in quibus differunt.	28	Ingratitudinis crimen quis committit.	63
Gratia Dei, & gratia domini nostri Iesu Christi ea-		Inimicos tribus maxie modis nobis demeremur.	340
dem.	413	Iniqui odio habendi propter iniquitatem, eorum	

INDEX.

tamen salus procuranda.	317	homines.	120
Iniquitas nulla est, quā Deus non odio habeat.	84	Iustitia Dei vnde dicatur.	39 104
Iniquitas in se comprehendit omne vitium.	57	Iustitia, altera est operum, altera fidei.	84
Iniuria à Deo nemo vnquam affigitur.	322	Iustitia legis, & iustitia fidei, in quo consistat, explicatur.	289
Iniustitia nostra nō est effectus iræ Dei, sed causa.	41	Iustitia hominis duplex.	33
Insitio contra naturam.	313	Iustitia supernaturalis, quæ dicatur.	38
Insitionis similitudo,	170	Iustitiam Dei nobis obuenire non ex operibus legis, sed per fidem Iesu Christi explicatur.	110
Inuidia contentionis mater.	361	Iustitia legis, & iustitia operū in quo differunt.	84
Inuidia morbus pusillorum.	364	Iustitia in duas secatur partes.	41
Inuidia in quo ab indignatione differat.	76	Iustitiæ operū, & iustitiæ fidei discriminē.	116 290
Inuocare nomen Domini, quid.	293	Iustitiæ liberi, qui dicantur.	182
Inuocatio an fidem præsupponat formatam	294	Iustitia fidei, sola existimatione iustitia apud Deum.	120
Iovinianus Christianorum Epicurus D. Hieronymo nuncupatur.	364	Iustitia operū duplici ratione dicitur iustitia apud homines.	120
Ira, triplex.	345	Iustitiæ fidei fructus supremus, quis.	292
Ira Dei dicitur iustissima Dei vindictio.	41	Iustitiæ Dei, & nostræ discriminē.	289
Ira Dei omnium est suppliciorum causa.	76	Iustitiam qui colit, placendo hominibus, placet Deo.	379
Iræ nomine quid Paulus intelligat.	130	Iustitiam apprehendere est iustum fieri recipiendo iustitiam.	108
Iræ reuelatio explicatio est iustitiæ.	41	Ius scriptum, maioris est authoritatis, quàm quod solo vsu tenetur.	86
Iudæi triplici honorabantur nomine.	38	Iusti sunt veluti viui lapides.	387
Iudæi de tribus gloriabantur.	60	Iustorum facies in hac vita.	293
Iudæi legis corticem cernebant quidem, non autem ad medullam vsq; penetrabant.	305	Iustum ex fide viuere, quo sensu interpretari debeat.	106
Iudæi cur non adepti iustitiam.	291	Iustum ex fide viuere, quomodo intelligi debeat, explicatur.	40
Iudæi cur cæteris miserabiliores.	319	Iustum pro impio mori, res demiranda est.	146
Iudæi sapientes.	35	Iustus, qui sibi videtur, idem sibi metuatur, quod in misero cernit.	314
Iudæi scriuarij nostri.	16	L egem audire idem est, quod recipere.	83
Iudæorum Deus. 11. 8. incredulitas. 94. privilegia. 92. crimina. 87. incredulitatis causa. 307. ab iectio. 298. tenacitas. 315. poena de idololatria. 300. error de iustificatione. 6. 109. tres errores 6. privilegia cōmunicata Gentibus.	284	L egem facere est viuere ad præscriptum legis.	ibidem
Iudæorum casus non fuit generalis.	300	Legem iram operari quid sit, explicatur.	130
Iudæorum error.	93 129 130	Legem factorum quam vocet Paulus.	116
Iudæorum, & Pelagianorum error idem.	110	Legis, & fidei discriminē.	41 131
Iudicare pro condemnare vsurpatur.	363	Legis diffinitio.	103
Iudicij diuini necessitas.	62	Legis factorum, & legis fidei discriminē.	115
Iudicij diuini ex quinque; commendatio.	61	Legis Moysi, & nostræ discriminē.	206
Iudicis summi clementia.	62	Legis notitia absq; operibus, euania est.	87
Iudicium rerū ex earundē causis sumendū est.	61	Legis opera quo pacto iustificent.	83
Iudicium temerarium fertur duobus modis.	358	Legis opera nulla ponenda in causa iustificationis, quomodo intelligi debeat, explicatur.	119
Iudicium humanum tripliciter fallax.	62	Legis cognitio neutiquā sufficit ad augendam, vel acquirendam iustitiam.	40
Iudicium mortis permutatum.	111	Legis cuiuscunq; finis, quis.	289
Iudicium Dei in vlciscenda idololatriæ impietate legitimū.	56	Legislitoris intentio est, vt per legem bonos faciat ciues.	138
Iuramenti circumstantiæ.	31	Lex nostra, efficacius spiritu persuadetur, quàm verbis.	8
Iuramenti comites.	ibidem	Lux Christi onus leue est, & iugum suaue.	99
Iuramentum quando licitum.	ibidem	Lex Euangelica dicitur lex gratiæ.	118
Iurationis Paulinæ ornatus.	ibidem	Lex Mosaica voluntas Dei erat, sed non principalis.	327
Iustificandi modus est duplex.	101	Lex vetus donum timoris.	218
Iustificari citra legis opera, quid sit.	120	Lex nra significantissimè dicitur lex gratiæ.	177
Iustificatio non solū fidei in scriptura, sed aliis etiā virtutibus adscribitur.	108	Lex humana quomodo sit ferenda.	192
Iustificatio, duplex.	40	Lex, vaticinium Christi erat.	16
Iustificatio non est opus naturæ, sed gratiæ.	47	Lex vetus, theatrum.	105
Iustificationis ratio explicatur.	109	Lex Euangelica dicitur lex gratiæ.	118
Iustificationis causa nulla, quàm diuina, æternaq; prædestinatio.	20		
Iustificorum gradus quatuor.	122		
Iustitia Dei Hinc redditur illustrior, quod promissam misericordiā, neq; iniquis abnegat.	95		
Iustitia, & misericordia Dei infinita.	208		
Iustitia Dei per infernū redditur illustrior.	280		
Iustitia operū, duplici ratione dicitur iustitia apud			

INDEX.

Lex fidei, quæ sit.	116
Libertum arbitriū cur Deus homini dederit.	107
Libertas Christiana, quæ.	366
Libertas vbi nulla est, nulla excogitari potest ratio meriti, vel culpæ.	269
Libertas vera, in quibus posita est.	181
Libertati tria obstant.	46
Linguarum donum quale.	8
Literales sensus varij.	10
Longanimitas Dei.	65
Longanimitatis, & patientiæ inter se discrimen.	63
Lucis æterni radij duo.	43
Lutherani in tribus à nobis dissentiunt.	5
Lutherani contra meritum operum.	68
Lutheranorum controuersia status.	38
Lutheranorū cōtrouersia de certitudine fidei.	132
Lutheranorum inconstantia. 349. de satisfactione error. 247. contra sanctorum orationes error. 248. de ciborum delectu calumniæ. 364. error de iustificatione.	105
Lutheri lerna. 294. hæretica vafricies.	292
M agistratus aptis, idoneisq; committendi.	25
Malicia est, vbi quis data opera sciens, & prudens malè agit.	57
Mala non permittit Deus; nisi, vt prouentus fiat bonorum locupletius.	319
Mala non sunt facienda.	97
Mala duo hereditaria.	149
Maledicere qua ratione liceat.	341
Malorum tolerantia infracti animi indicium.	143
Malum bono vincere est pulcherrimum.	346
Malum pro malo nulli reddendum.	343
Malum minus consulere est licitum.	97
Manichæorum heresis. 41. blasphemia.	189
Membra quomodo viua fiant hostia.	324
Membrorum genera duo.	330
Mendacium quid sit.	53
Mensa pro scripturæ sacræ pagina accipitur.	305
Mensura fidei quæ sit, explicatur.	329
Merita in operibus nostris, vt sunt suppliciorum, ita & præmiorum.	71
Meriti definitio.	70
Meritorum radix, quæ sit.	ibidem.
Meritorum radix, & præmiorū consummatio.	380
Militia huius vitæ nobis inter spem, ac metum est proposita.	78
Militia nostra describitur.	265
Militiæ Christianæ vertex.	412
Minister quis sit.	391
Ministri nuncupatione semper gauisus est Christus.	391
Misericordia Dei, an plus demiranda, quàm iustitia.	114
Misericordia dei inenarrabilis.	64
Misericordia Dei gratis iustificamur.	35
Misericordiæ hilaritas.	335
Mors pœna peccati.	155
A mortalitate cur hîc non liberamur.	214
Mortis, & resurrectionis Christi discrimen.	140
Mortui Christi, qui vocentur.	24
Mundus propter hominem conditus.	45
Munus vniuscuiusq; an sit legitimum quomodo cognoscendum.	330
Mysterium, quid vocet Paulus.	315

N atura humana diuina indiget gratia.	106
Naturalis Dei cognitio an sufficiens illis erat ad salutem, qui sub lege agebant naturali.	47
Nequitia, & iniquitas, idem pollent.	57
Numinis præsentia solet in scripturis gloria Domini appellari.	111
Nutui diuino parent omnia.	133
O bedientia, vt commendanda.	412
Obedientia, initium, & caput totius disciplinae.	348
Obedientia non cuius præstantia.	413
Obedientiæ rationes duæ.	352
Obedire quomodo debemus.	348
Obsecrare, quid.	31
Obsecratio, quid.	323
Obsecratio exterior sine æterna voce futilis est.	405
Obtrectator homo, & conuitiator, est sepulchro pestilentior.	287
Oculus impudicus, impudici cordis est nuntius.	99
Obnoxius alteri, quis dicatur.	59
Offendere in Christum quid sit, explicatur.	100
Offendiculum in habitu, & offensus in actu differunt.	287
Officium omne in tribus collocatur.	374
Oleæ, & oleastri metaphora explicatur.	49
Opera mala præuisa causa sunt reprobationis, bona verò non prædestinationis.	311
Opera tenebrarum peccata.	277
Opera etiam iusto sunt necessaria.	358
Operum nostrorum legitima intentio in Deum esse debet.	292
Opus nostrum dupliciter consideratum.	72
Oracula diuina, cur Iudæorum genti credita.	70
Orationis sedulitas plurima nobis confert emolumenta.	93
Orationis vtilitas.	338
Orationum genera quatuor.	31
Originalis culpæ ratio, & causa.	151
Originalis iustitiæ recompensatio.	167
Originalis labis diffinitionis explicatio.	156
Originalis remissio an in circūcisione fiebat.	126
Os obtrectatoris, ac maledici hianti sepulchro adsimilatur.	99
Ouium, & luporum discrimen.	296
P acis definitio.	28
Pacis voce, quid intelligendum est.	142
Pagani, Christum resurrexisse negant.	291
Palma, cur decreta victorum triumphis.	143
Parcimonia victus necessaria ad expeditius seruanda præcepta.	365
Paruuli dum baptizant, credunt aliquo modo.	127
Paruuli decedentes originis labe, cur ingressu regni cœlorum arceantur.	68
Passiones dicuntur animi morbi, & libidines.	54
Patientia, infracti animi indicium.	142
Patientiam pro tolerantia Dei vsurpat Paulus.	73
Patientiæ diuinæ causa.	64
Patientiæ munera.	73
Patientiæ duplex geus.	233
Patres Ecclesiæ speciali numine afflati, ad interpretandam sacram scripturam.	350
Patres non erant liberi à damnatione.	205
Pauli vita, & conuersio. 2. laudes. 213. humilitas eximia. 395. latissimæ peregrinationes. 398.	303

Iaconismus. 351. magnificum ingenium. 261.		Philosophi, quibus viis ad inuestigationem Dei in-	
breuiloquentia. 2. 12. nominis etymologia.		gressi.	44
12. modestia. 7. obscuritas. 9. phrasis, & stylus.		Philosophorum errores.	49
8. sermo Hebræo Græcus. 8. de gratia, & gloria		Phœbes fœmina præcipuæ authoritatis in Cen-	
mysterium. 69. mens acutissima. 130. vocatio		chris.	408
dignissima. 14. diuina mutatio. 12. modestia, &		Pœna non est voluntaria, vt culpa.	228
eloquentia. 32. Euangelium. 87. sapientia. 30.		Pœna suapte natura nō nisi ob culpā debetur.	277
diuinus intellectus.	143	Pœna damni inæqualis quo pacto dici possit.	71
Paulini generis commendatio.	302	Pœnam damni, & pœnam sensus, quomodo theolo-	
Paulus Apostolorum disertissimus. 8. non adiuit		gi discernunt.	71
Hispaniam. 401. induit personam humani gene-		Pontificis sanctitas.	27
ris. 190. quo pacto loquatur de Christo. 173.		Potentia Dei infinita.	322
an vxorem habuerit dubium. 2. cur ad Roma-		Potentia diuina, nota potissimum in malorum pu-	
nos scripserit? 5. iudex. 7. opifex artis scenefa-		nitione.	270
ctoriæ. 2. cur epistolas scripserit? 2. confertur		Potestatem non esse nisi à Deo, qua ratione intelli-	
cum Ioanne. 8. ciuis fuit Romanus. 1 in quibus		gi debeat, explicatur.	349
gloriam collocauit. 397. an fuerit binominis,		Prædestinatio quid sit.	271
necne. 11. nomen est Latinum. 11. nil aliud,		Prædestinatio non fit ex operibus, neq; præcedenti-	
quàm pusillum significat. 12. non est vulgo com-		bus, neq; subsequentibus.	275
mittendus.	9	Prædestinatio, & reprobatio nihil nobis adimunt li-	
Pauperibus non opitulandum ad fouendū eorum		bertatis.	281
peccata.	340	Prædestinatio nil ponit in nobis.	272
Pax vera est, cum vnusquisq; ius suum tranquillē		Prædestinationem inter & reprobationem quomo-	
possidet.	379	do differt.	278
Pax sectanda etiam cum labore nostro, damno, &		Prædestinationis nomen immerito inuisum.	241
opprobrio.	380	Prædestinatorū finis, vsus, & pparatio diuersa.	271
Pax margarita Christianis preciosissima. ibidem.		Prædicatio miraculis confirmata.	26
Pax mundana diuersa à Christi pace.	142	Prædicantium pedes speciosi.	296
Pax primum fidei munus.	141	Prædicatores mittit Deus duobus modis.	294
Peccandi per legem occasiones.	164	Prælatorum officium. 52. sollicitudo.	334
Peccatorum inter se comparatio.	54	Prælatorum erga subditos munus.	255
Peccatorum infidelium, ac fidelium inter se compa-		Præmiare vltra condignū cur Deus dicatur.	72
ratio.	78	Præscientia, an fuerit causa prædestinationis.	240
Peccatorum genera tredecim.	98	Præsciētia diuina nihil eripit nostræ libertati.	284
Peccata, sub diuersa figura materia sunt, tam iusti-		Præuaricatio esse nequit, nisi vbi nulla est lex.	130
tia, quam misericordiæ.	96	Probare quid.	326
Peccata quomodo tecta.	123	Probitas obiectum est charitatis.	146
Peccatū contra naturā dicitur duobus modis.	55	Promissio stulta, & infidelis displicet Deo.	91
Peccati appellatio. 191. pœna. 51. effectus. 153. dif-		Promissionum sensus spiritualis.	261
initio. 51. 189. regnū. 166. ante, & post legem		Propheta quis dicatur.	332
discrimen. 155. cognitio apud Ethnicos.	190	Prophetia quid sit.	332
In peccatis nos remorantur tres causæ.	64	Prophetia, idem est quod visio.	333
Peccato viuere quid.	168	Prophetia ad quam regulam perpendenda.	332
Peccatum esse omne, quod non est ex fide, quomodo		Prophetia pro theologiæ scientia accipitur.	333
Paulus intelligat, latissimè explicatur.	385	Prophetia nunc non est in ecclesia.	332
Peccatum damnauit Deus.	210	Prophetiæ duo sunt genera.	94
Peccatum vt appareat peccatum. 196. quando existi-		Propositum pro decreto, quod Deus statuit, vsurpa-	
matum mortuum. 193. idem, quod res illicita. 97.		tur.	122
nisi voluntarium esset, peccatum non esset. 46.		Prouidentia Christi.	296
107. cedit in bonum.	238	Prouocare in iram quid sit.	302
Peccatum quando remittitur, deletur de memoria		Proximi bona existimatio, quanti sit habenda.	374
Dei.	123	A sententia in proximum ferenda, summopere ca-	
Peccatum, & iustitia duo domini.	177	cauendum.	374
Pedes, & gressus spiritualiter sunt voluntatis affe-		Proximis quales nos exhibere debemus.	348
ctus.	99	Proximos plus tenemur diligere, quàm proprium	
Peierare sacrilegium.	31	corpus.	54
Pelagiana hæresis.	273	Prudentiæ munus triplex.	211
Pellicullæ circuncisæ significatio.	92	Punire citra condignum Deus cur dicitur.	72
Peregrini non sunt eliminandi.	340	Punitio iquicorum, in laudē cedit iustis.	351
Personarum acceptio non est in operibus meræ gra-		Pusillanimitatis vitium.	329
tia.	281	R ami naturales qui vocentur.	313
Petendum confidenter.	236	Rationabile obsequium quid sit.	325
Petitionis condiciones quatuor.	ibidem.	Reddere aliquem malum pro malo quando dica-	
Pharisæi vnde dicti.	15	tur.	343
		Redemptio	

INDEX.

Redemptio Christi per mortem suam, & cur fuerit nostra iustificatio.	112	Scripturæ sacræ genera diuersa.	389
Redemptionis mysterium duplex.	136	Scripturæ sensa quatenus populo à sacerdotibus docenda.	9
Redemptoris nostri munus.	142	Scripturæ custodia in lege veteri.	16
Regni celorum in hac vita initia.	162	Scripturam sacram absq; ecclesiæ decreto fide certa tenere non possumus.	17
Regni celestis pulchritudo.	166	Scripturarum dignitas.	18
Regnum peccati absurdum.	174	Scripturarum ex noua lege certitudo.	18
Regnum Dei lex est euangelica.	377	Seculi futuri, ac præsentis perfectiones.	98
Religionis encomium.	132	Seculi significatio duplex.	22
Religiosi vnde dicti.	15	Seminis nomen multiplex.	85
Reprobatio, an causam habeat in reprobis.	276	Sensu proprio abundare quid sit.	368
278		Sepulchrum patens quis dicatur.	99
Reprobationis causa finalis, quæ.	277	Seruire Deo regnare est.	162
Reputare, & imputare differunt.	45	Seruitus, duplicem habet significationem.	13
Res cunctæ aguntur propter finem.	45	Seruitutis peccati primus effectus.	181
Resurrectio Christi exemplar nostræ à peccatis reipsentia.	140	Seruorum, & filiorum discrimin.	220
Robur corporale, & firmitas spiritualis in quo differant.	386	Seueritas non est vitium, sed censoria iudicis grauitas.	174
Romanorum gloria.	36	Signaculum iustitiæ fidei quid sit.	79
Sacerdotis in prædicatione officium.	396	Signum, & prodigium in quo differant.	398
Saluatoris nomine in antiqua lege, qui cognominabantur.	37	Somnus triplex.	354
Salus per fidem Christi nobis promissa est, si fecerimus, quæ fides iubet.	38	Sors hominum misera.	413
Salus exhibita omnibus in vniuersum credentibus in Christum.	110	Sorte sua non contenti notantur.	333
Salus nemini contingere potest nisi per virtutem Euangelij.	37	Spei cum fide connexio.	333
Salus nostra non fide sola, sed spe, & charitate fundata est.	108	Spem non confundere, bifariam intelligitur.	142
Ad salutem humanam necessaria fuit semper homini Dei cognitio.	47	Spes ex fide nascitur, & fouetur vigore operum.	393
Salutem nostram Dei esse munus, quomodo intelligendum.	314	Spes nostra alitur per probationem, & experimentum operum fidei.	142
Salutis viam omni credenti strauit, aperuitq; Christus.	307	Spes non confundit, bifariam interpretari quis potest.	143
Salutis nostræ causæ tres.	112	Spes in cælo nulla.	233
Salus, & sanitas in quo differunt.	37	Spiritualia non debentur, sed temporalia.	403
Sanctificare Euangelium quid.	396	Spiritualia, quæ necessaria sunt ad salutem, non sunt dimittenda ob tollendum scandalum.	379
Sanctorum memores qui dicantur.	238	Spiritus sancto qui quarent.	337
Sanctos apud Deum adhibemus, tanquam aduocatos, ac intercessores.	51	Spiritus non loquitur viua voce.	294
Sanguinis Christi fructus fuit vniuersalis redemptio totius humani generis.	114	Spiritus sancti diuinitas.	28
Sanguis Christi semel effusus precium fuit æternæ redemptionis.	113	Spiritus Dei, & Christi idem.	215
Sapere plus, quam oportet, quis dicatur.	329	Spiritus sancti munus est, scripturas, quas ipse condidit, exponere.	296
Ad sobrietatem sapere quid.	369	Stoicorum dogma.	356
Sapere diem quid.	89	Subdimur eodem iure hominibus, quo Deo.	349
Sapientia nulla alia est, quam Deum nosse.	320	Subditi naturali ordine inferiores sunt superioribus magistratibus.	348
Sapientia, & scientia in quo differunt.	263	Suffragia plurimi facienda.	404
Saræ, & Rebeccæ similitudo.	112	Superbia peccati initium.	49 58
Satisfactio Christi.	11	Superbia excelentioribus insidiatur.	364
Saul primum nomen Pauli.	381	Surgere à somno, & expergisci, in quod differat.	54
Scandalizari, & offendi in quo differunt.	374	Temporum nostrorum calamitas.	90
Scandalizari quid sit.	374	Tertius, Pauli amanuensis.	4 414
Scandali diffinitio.	374	Testamenti veteris, & noui discrimen.	118
Scandali, & offendiculi discrepantia.	375	Testamentum vetus partitum legimus in legem, & prophetas.	100
Scandalum Phariseorum.	374	Theologi nimium Latinitatis studiosi, taxantur.	8
Scandalum persuadetur vitari quatuor rationibus.	377	Thesaurus triplex.	66
Scientia, & fides in quo differunt, explicatur.	291	Timor filialis, & castus quis.	218
		Timorem Domini abiicere præcipitum est omnium malorum.	99
		Timoris seruilis gradus diuersi.	218
		Timoris obiectum est malum.	217
		Tradere Deum homines in sua desideria quomodo intelligi debeat.	52
		Tria de Deo cognoscibilia.	44
		Tribu-	

INDEX.

Tribulatio vnde dicatur.	77	Vindicta, & diffentionis discrimen.	344
Tribulatio operatur patientiam.	142	Virginis intemeratę dignitas.	25
Tribunal vnde dicatur.	371	Virginis Deiparę laus.	304
Tributorum ius.	353	Virtus alitur honoribus.	352
Tributorum genera tria.	ibidem.	Minus de Virtutibus, quàm oportet, qui sapiant, & econuerso.	318
Trinitatis notiones.	18	Virtus nostra omnis in Deum referenda.	340
Trinitatis noticia non est nobis naturalis.	47	Virtus ancipitem habet significationem.	36
Tunicam Christi inconsutile, qui discindunt.	338	Virtutum, vitiorũq; opera quomodo infinita.	71
Tyrannos, & corruptos Principes sæpe permittit Deus ad vindictam scelerum populi.	347	Viueri Deo secundum carnem; quid.	216
V anitas à peccato ortum habuit.	229	Viueri alteri quid.	370
Vaticinia Christi.	113	Vita æterna gratia Dei nuncupatur.	69
Vbertas, & pinguedo, in quo differunt.	312	Vita æterna quomodo consistat in perceptione fructuum.	182
Vecordia humana.	173	Vitam nouam nemo potest inchoare, nisi quem præterita pœnituerit.	108
Ventris nomine intelliguntur corporalia ac temporalia.	412	Vitam longam nusquam promissit nobis scriptura.	66
Verbum in sacra scriptura solet accipi pro re gestata.	285	Voluntas antecedens non semper impletur.	277
Veritatem Dei iniustitia, & impietate detinere, quid.	41	Voluntas Dei pro eius lege accipitur.	328
Veritas Dei, pro diuina natura accipitur.	53	Voluntas conditionalis.	276
Via Dei quomodo dicantur inuestigabiles.	318	Vtile quid dicatur.	336
Vim vi repellere an liceat.	345	Vnicuius hæresis insanissima.	17
Vindicare proprium Dei munus.	345	Z elare pro Deo quid sit.	288
Vindicta, cur non licita autoritate priuata.	345		

FINIS.

I

❧ **Fratri Dominici Soto Segouienſis, theologi,**
ordinis Prædicatorum in Episto-
lam ad Romanos

COMMENTARIIL.



DIFFITERI porrò nequeo, veritum eſſe me, dum hoſce in diuū Pau- lum commentarios pararem, ne vitio mihi, temeritatiq; tribueretur, quòd poſt ita multos ſupremæ claſſis viros huic ego operi calamum admouere cogitaſſem. Nam etſi hæc cœlo delapſa ſapientia ita ſit in abdiſſimis diuinorum myſterijs recondita, adeoq; obuoluta cœleſtium ſecretorum ve- laminibus, vt quantuſcunq; fuerit ingenijs culta, explicataq; eloquijs, nun- quam non reliqui fiant complures lubrici, implexiq; loci, lucis pluſculæ appetentes: neq; in tam foelici ſegete tam eſſe poſſint vigilantes meſſores, qui non frequentif- ſimam ſpicam pauperibus poſt terga relinquant: tamen qui poſſim ego patrum lacunas ex- plere, & quæ ſiluerunt illi, ac (velut priſcus ille pictor, Agamemnonis faciem) prudenter velaue- re, quo eo auſu retegere, effingere & efformare tentabo? quippe qui licet valerem cubitu ſtatu- ram meam adaugere, nequirem tamen inter cupreſſos caput attollere. At verò in ea tempora inſoſicia, calamitoſa q; incidimus, quibus præcipui etiam ipſi Pauli enarratores, ſi ſuperſtites eſſent, proprios ſuos commentarios accuratius reuiſerent, quos denuò aduerſus neotericos in- terpretes, dubio procul, inſtaurarent. In id ſcilicet mortalium genus relapſi ſumus, quos ſua iam ætate graſſantes ſubnotauit Petrus Apoſtolus: nimirum qui ex ſuo cerebro doctrinam huius Apoſtoli perperam interpretantes, eo fidem euexerūt (vel demiferunt potius) vt chari- tatis officia, ſi non prorſus abiecerint, certè nō æſtiment pro dignitate. Aduerſus quorum do- gmata tres libros de natura & gratia ad ſanctum Concilium Tridentinum, cui tunc præter me ritum, meamq; dignitatem intereram, pro virili noſtra elucubratos dedimus. Sed cum eiufmo- di controuerſiæ (vt dicere cœpimus) ex intellectu Paulini huius, imò diuini theſauri dimana- uerint, opus illud in hanc me commentariorum altiore ſpeculationem traduxit: nempe vt duo deinceps labores mutua & vicaria ſe opera dilucidantes, ſimul valeant, & Paulum ab iſto- rum interpretamentis vindicare, & viam eiſdem finiendis controuerſijs firmitus ac validius cō- munire. Haud tamen eſt animus, cum hiſce aduerſarijs de eorum opinionibus pugnatius hic litigare: id enim iam illic, vt noſtra puſillitas tulit, abundè fecimus: quo ideo lectorem, vbi opus fuerit, remitemus: ſed ſenſum cum primis literalem eruere pro exili captu noſtro connitemur, mox vbicunq; locum idoneum obtulerit ratio, viuida Apoſtoli ſenſa afficiendis, permouen- diſq; legentium animis, pro noſtro tepente ſpiritu, accommodare conabimur. Hanc etenim operam, qualem antiqui patres ſacris biblijs nauare conſueuerunt, ab vniuerſis requiro, qui ea enarranda ſuſcipiunt. Quæcunq; enim ſcripta ſunt, ad noſtram doctrinam ſcripta ſunt: vt pote quæ non tantum intellectum erudiant, ſed animos alant, vt per patientiam & conſolationem ſcripturarum, ſpem habeamus.

Timantes.

Lutherant.

*Lib. authoris
de natur. &
gratia.*

*Intentio au-
thoris.*

❧ **PAULI VITA, EPISTOLARVM QVE**

numerus, ordo, & materia.

PAULVS, vt de ſe ipſe ad Ephēſ. teſtatur, Hebræus natione fuit, de tribu Benjamin, Pharifæus, Pharifæi filius (vt eſt in Actibus Apoſtolorum, & Hierony. in lib. de Scrip. Eccl. refert) ex oppido Iudææ Giſcalis oriundus. Quo, inquit, oppido à Romanis capto, cum parentibus ſuis Tharſum Ciliciæ commigrauit. Tametſi planè intelligere hoc nequeo. Nam cum ſe ipſe Act. 22. affirmet natum Tharſi, fidem videtur facere, quòd parentibus Tharſum prius commigrantibus, progenitus inibi fuerit. Porrò autem inde Hieroſolymam fuit ad Ga- malielem, à quo legem erudiretur, miſſus. Quòd autem ciuem ibidem ſe Romanum pro- fitetur, (vt hiftoriarum etiam rudibus obſequamur) de more Romanis erat ex municipi- bus ſuis ac prouincialibus, eos præfertim, qui bono eſſent ſanguine, quive eſſent de Repub. benemeriti,

Eph. 3.
Act. 3.
Act. 22.
Ciuis Rom. 1.
nus.

- Cicero.** benemeriti, ciuitate donare, qui proinde vndecunque essent oriundi ciues dicebantur Romani. Vnde Cice. 2. inuect. in Catili. Ciuium duo sunt genera, quidam nati, alij ciuitate donati. Quin & vrbes quæ in ditionem Romanorum veniebant, ciuitate donabantur. Cum ergo Tharsus ciuitas esset Romana, cuius pater Pauli ciuis erat, iure illo & Paulus inscriptus erat ciuis Romanus. His inter alia priuilegium erat, ne torqueri possent, aut poena vlla serui-
li plecti. Quo tunc Apostolus iure, ne vapularet, liberatus est. Haud ergo ita multum proba-
bilitatis præ se fert, tunc fuisse primum ciuitate donatum, quando Paulum Sergium ad fidem
adduxit. Nam præterquam, quod tunc vt stercora (vt ipse ait) omnia reputans, neuti-
quam huiusmodi honoris titulos ambiuisset, testimonium eodem loco subiicitur, quod pri-
uilegio ciuitatis iure hæreditario per parentes fruebatur, vtpote qui ciues fuissent Romani.
- Paul. opifex.** Etenim tribuno obijcienti, multo se negotio, & pecunia acquisiuisse, vt esset Romanus ciuis,
respondit Paulus, Ego autem & natus sum, scilicet in hoc honore. Vnde & bona eruitur con-
iectura, natum fuisse Tharsi. Fuit nihilominus opifex scenefactoriæ artis, vt legitur Act. 18.
id est, tabernaculorum construendorum. Nam & tabernaculorum Iudaicam celebritatem
scenopegiam appellant. An verò vxorem in matrimonium duxerit, nec ne, sunt qui vertant
in dubium, Euseb. 3. lib. Eccles. hyst. testimonio Clementis affirmat. Hoc ipsum tamen su-
per epistola ad Philippen. pluribus discutiemus. Nam verbum illud in cap. 4. Rogo te Ger-
mane (aut secundum aliam literam) germana compar, ansam huic dubio præbuit. Hic itaq;
prosperrimo natus sydere, Dei inquam misericordia in hoc ante sæcula destinatus, dum no-
men Christi odio persequens summo, properaret Damascum, voce eius quem insectabatur
de repente correptus, mentem mutauit, fidemq; suscipiens, fidei promulgandæ est Aposto-
lus institutus. Quo munere cum annos septem & triginta fuisset gloriosissime perfunctus,
anno demum Neronis. 14. pro ea quam prædicabat fide, animam posuit: eatenus quantum
coniectari licet, in ius Romani ciuis assertus, vt cum Petrus feruile subierit crucis supplicium,
ea ipse morte, quæ nobilitati decreta erat, capite scilicet truncatus occubuerit. Reliqua eius
præclarissima gesta in Act. Apostol. relata sunt. Egregias autem laudes Chrys. Pauli aman-
tissimus, copiose retulit, extulitq; eloquentissime. A quibus accumulandis nos hic, non ideo
tantum superfedemus, sed ob id vel maximè, quod tota doctrinæ Pauli enarratio nihil sanè
aliud quam perpetuum sit, idemq; mirificum encomium vitæ. Vas ergo istud organumq;
diuinum, in hoc selectum desuper, vt nomen Iesu Christi in omnes gentes euulgaret, non
satis sibi pro suo officio facere videbatur, dum alatus volucer, quas poterat orbis partes per-
uolaret prædicando, sed mundum vniuersum mente amoreq; complexus, quos adire nequi-
uerat, literis instituebat, recreabatq;. Enimuero quemadmodum (vt Hieron. author est) in
veteri testamento, post libros legis quæ Christum prænunciabat, necessaria fuit propheta-
rum doctrina, qua & fides venturi dilucidius illustraretur, & mores componerentur popu-
li, ita & in lege gratiæ, præter Euangelicam hystoriam, operæ precium fuit, vt Apostoli, pro-
phetarum successores, suis nobis verbis Euangelica sensa elucidarēt, nosq; ad religionem Chri-
stianam instituerent. ¶ Extant ergo Pauli epistolæ numero quatuordecim quæ legis deca-
logum numerumq; Euangeliorum complent. Vtpote ad ecclesias Gentium nouem. Hæ sunt,
Ad Romanos vna, duæ ad Corinth. vna ad Galat. ad Ephes. vna, ad Philippen. alia, & alia ad
Collof. atq; ad Theffal. duæ. Mox quatuor ad tres discipulos suos, videlicet ad Timoth. duæ,
vna ad Titum, & alia ad Phile. Deniq; quartadecima scribitur ad Hebræos: vt cum Græcis,
Romanis, Hebræisq; scripsisset, nulla fieret reliqua natio, cui suam Euangelicam doctrinam
non fuisset impertitus. Licet fuerint olim, qui de epistola ad Hebræos ambigebant, esset ne
Pauli: tum quod non est eius nomine & titulo, vt reliquæ, superscripta: tum quod stylus
& phrasis paulò sit politior, quam vt Paulum referat: quippe qui imperitus (vt ipse ait) ser-
mone, non tanto ornatu poliiuit reliquas. Quibus nos tamen in suo eiusdem capite respon-
debimus. At verò non sunt eodem temporis ordine scriptæ, quo in hoc catalogo conscriptæ.
Nam et si ordinis scripturæ certa nequeat à nobis haberi scientia, possumus de illo nihilomi-
nus tria quatuorve conijcere. Primum, duæ sunt Pauli epistolarum series, septem sunt Ro-
mæ, atque septem diuersis alijs locis scriptæ, vt ex earum Græcis titulis patet, & suis singulis
locis peculiariter adnotatur. Illæ autem septem quas, dum extra Romam ageret, ex varijs lo-
cis misit, sunt duæ ad Corinth. totidem ad Theffal. ad Timo. prior, & quæ est ad Titum, & quæ
ad Roman. Secundum, quod hic coniectamur, est. Inter eas quæ extra Romam scriptæ sunt,
epistola

epistola ad Roman. fuit nouissima. Hoc sic colligitur. Tunc eam Paulus Romam misit, quando profectioem ad Hierosolymas moliebatur, eleemosynas delaturus, quas Macedonia & Achaia in subsidium sanctorum qui erant Hierosolymis, erogauerant, vt ex eadem epistola capitu. 15. liquido constat. Quocirca, vt mox dicemus, ex Corintho censetur missa. Prius autem quam dicta eleemosynarum summa confecta esset & collecta, scripserat vtramque ad Corinthios, priorem ex Epheso per Timotheum, posteriorem verò per Titum ex Troade: commonefaciens eos & exhortans, vt præfatas eleemosynas contribuerent, collectasque seruarent, quoad ipse veniret ad importandum. Id quod patet in prioris capite. 16. & in posterioris capi. 8. & 9. Imò verò nondum certò tunc constituerat, vtrum ipse per se asportaturus esset Hierosolymas pecuniam, an esset per alios transmissurus. Ait enim eodem cap. 16. Quòd si dignum fuerit, vt ego eam, mecum ibunt, &c. Sed & priorem ad Timotheum in comper-
to est fuisse antesciptam, puta, quam miserat ei Ephesum ex Laodicea, dum in Macedo-
niam ad exigendas illiusmodi eleemosynas ire pergeret, vt legitur capitu. 1. vbi ait. Sicut ro-
gaui te vt maneres Ephesi, dum irem in Macedoniam. De his verò quæ sunt ad Thessaloni-
censes & ad Titum, tametsi non sit adeò manifestum, prius tempore fuisse scriptas, est ta-
men verò sumillimum. Etenim priorem ac subinde posteriorem ad Thessalon. dedit ex Athe-
nis, vt patet ex priori capitu. 3. Imò verò ex illis verbis cap. 4. De charitate autem fraternita-
tis, &c. coniicit Chrysost. mentionem etiam ibi fieri eiusmodi eleemosynarum. At quicquid
hoc veritatis contineat, satis est fuisse scriptas Athenis. Ad Titum verò scripserat ex Nico-
poli, vt liquet capi. 3. eiusdem epistolæ, quem reliquerat Cretæ: & fortè dum iret in Macedo-
niam: vt apparet capitu. 1. Dum verò ad Romanos scripsit, iam tunc Græciam à tergo relinque-
bat, in qua prædicta hæc loca sunt. illuc nunquam reuersurus. Ait enim cap. 15. quòd cum tunc
vsque fuisset eos visere prohibitus, vltius tamen locum non habens in illis regionibus (vi-
delicet vnde non iam fuisset expeditus) proficiscebatur in Hierusalem ministrare sanctis.
Quod cum consummauerim, inquit, proficiscar in Hispaniam: & tunc videbo vos. Si ergo in
exitu postremo è Græcia epistolam Romanis scripsit, certè omnium postrema est quas inde
miserat. Tertium quod ex his conficitur est, quòd præfata septem epistolæ, septem reliquas
antecefferint, quæ scriptæ sunt Romæ. Etenim dum epistolam ad Roma. scribebat, non vtiq;
Romam viserat, id quod edocet capitu. 1. Sæpe enim, inquit, proposui venire ad vos, & prohi-
bitus sum vsque huc. Ergo si cunctarum quæ alibi editæ sunt, hæc ad Roman. est vltima, inde
quarto colligitur, fuisse inter vniuersas ordine septimam. Quamquam epistolam ad Galatas
Chrysost. videtur magis probare, nō fuisse scriptam Romæ, sed eam potius præcessisse, quæ est
ad Romam. De hoc tamen loco proprio dicendum est. Igitur vt Prophetarum catalogus tem-
porum ordinem non obseruat, quo illi scripserunt, ita neque series epistolarum. Neq; verò ni-
hil penitus conducit (vt admonuit Chrysostom.) tempus nosse epistolarum, ad intelligendum
cur variè videatur Paulus ad diuersos locutus. Dum enim Romanis scriberet, erudiebat eos,
vt infirmis non nihil indulgerent, tanquam teneris in fide. Qui enim, inquit, infirmus est, ho-
lus manducet, & qui manducat, non manducantem, non spernat. Colossensibus verò longè
aliter præcipit: nempe ne gustent, nec trahant illa quæ sunt in interitu, id est, cibos, aut minu-
tiores cerimonias legis, cuius rei causa (præter alias) est tempus. Nam posterius multo, quam
ad Romanos, scripsit Colossensibus in fide iam prouectioribus. Quinimo iuxta Origenis
sententiam semetipsum ostendit Apostolus magis profecisse gratia & fide, dum posteriori-
bus scribit, quam dum prioribus. Etenim sub id temporis quo Corinthios instituebat, quam-
uis multum fuisset progressus, tamen vti secularibus affectionibus mutabundus ait, Castigo
corpus meum, & in seruitutem redigo, ne cum aliis prædicauerim ipse reprobus efficiar. At
verò postea ad Romanos, quasi iam firmus, altissimisque virtutum radicibus subnixus, Quis
nos, inquit, separabit à charitate Christi? tribulatio, an angustia, an fames? &c. Non autem
temere, & vt fors tulit, hoc ordine sunt epistolæ in catalogum dispositæ. Rationem eius Hie-
ronym. ex eorum habitu perpendit, quibus epistolæ mittebantur, ab infirmioribus videlicet
orlus. Erant enim, inquit, inter Romanos, qui non Dei se gratia, sed suis meritis crederent ef-
se saluatos: quæ proinde vitia Gentilitatis tanquam omnium pessima corrigi primum erat
necessarium: atque ob id epistola ad Romanos omnium est prima. Corinthios verò fide sa-
tis instructos de aliis peccatis minoribus, vt de incestu, increpat. Audirur inter vos forni-
catio, &c. A c deinde eodem protulit ordine. Attamen sanctus Thomas consyderatè profe-

*Epistolarū
argumenta
singula.*

Ad rationem ordinis huius de obiecto & epistolarum materia ratiocinatur, vtpote ex gratia Christi, quam Apostolus proposuerat propalare. Gratiam enim hanc considerare est & in corpore mystico Christi, cum in membris omnibus generatim, tum præsertim in præcipuis prælatis, & postremò in capite ipso Christo. In primis nouem epistolis ad Ecclesias Gentium habetur de gratia sermo, quatenus ad omnia attinet membra. Primum omnium in epistola ad Romanos propositum est, gratiam secundum suam absolutam naturam & necessitatem manifestare. Mox in priori ad Corinthios, ea ratione qua est & in sacramentis: quocirca in posteriori statim de ministris sacramentorum verba fiunt, & continuo ad Galat. superflua rescantur, abiiciunturque sacramenta vetusta. Deinde epistola ad Ephesios consequitur, in qua tractare coeptum est de gratiæ effectibus, scilicet de Ecclesiæ vnitatem. Et in ea quæ ad Philipenses, subiungitur de gratiæ confirmatione & promotione. In ea verò quæ est ad Colossen. instruimur qualiter per gratiam eandem sit nobis aduersus errores pro fide pugnandum. Ad Thessal. quemadmodum sit asserenda fides aduersus persecutiones: in prior quidem, aduersus præsentis, & in posteriori aduersus futuras, finalique iudicio proximas. Quæ omnia sunt gratiæ munera. In reliquis deinceps quatuor instituuntur prælati. In prior scilicet ad Timoth. vt sit ab eis Ecclesia Dei gubernanda, Ecclesiæq; vnitatem protegens. In posteriori verò, quàm ab illis sit propugnanda, quàmque eius hostes oppugnandi. In Tito peculiariter instruuntur Pontifices aduersus hæreticos: ac denique in Philemone, quid debeant seculares dominos ac principes docere & exhortari. Epistola demum, quæ postrema est, ad Hebræos, tota versatur in gratia, quæ fuit in Christo Iesu domino nostro. Omnia verò hæc suis peculiaribus prologis explicatius sunt tractanda.

EPISTOLA AD ROM.

*Epistola ad
Roma. Cen-
chris scripta*

PRIMVM igitur locum habet epistola ad Roman. quam modò in lucem prodire permittimus: veluti reliquarum specimen, quas diuino numini confisi, nisi alia nos necessaria negotia remorètur, breui speramus ei comites adhibere. Hanc quamq; sint (vt Haymo) qui ex Athenis iudicet esse missam (in quam sententiam D. Thomas citat hic quoque August.) multò tamen plures, & quidem merito, sunt, qui cum Hierony. & Orige. consentiunt: missam fuisse ex Corintho. Primum, quòd (vt paulò ante dicebam) inde missa est, vnde Apostolus iter Hierosolymam adornabat. Est autem plusquam coniectura, quòd peragratis prius Macedonia & Attica (vbi sunt Athenæ) & Achaia (vbi est Corinthus) à Cenchris portu, qui est Corinthi, solueret, vt nauigaret Hierosolymas. Ait enim cap. 15. Nunc verò locum non habens in his regionibus, videlicet quem non iam eundem inuiserim, &c. Transmiserat ergo iam tunc Athenas. Secundò, epistolam hanc per Phœben ciuem Cenchreæ misit, quæ iter tunc fortè Romam habebat, quam cap. 16. Romanis commēdat. Postremò inter alios Caius quoque in hac epistola salutē dicit Romanis, vt patet eodē cap. quem Caium liquet fuisse Corinthium: quandoquidē in priori epistola gratias Apostolus Deo habeat quòd neminē Corinthi baptizauerit præter Crispū & Caium. Si tamen lubet dicere qd Athenis scripta, aut forsan coepta, Corinthi data est Phœbe ad Romanos, parum refert. Fuit Paulo Amanuensis in hac epistola scribenda quidam Tertius nomine, vt cap. eodem habetur. Attamen licet aliena manu quādoque vteretur, propria tamen proculdubio omnibus epistolis subscribebat, vt certam haberēt authoris fidem. Vnde in calce. 1. Corin. Salutatio inquit, mea manu subscripta. Imò ad Philemonem. Ego Paulus scripsi mea manu. ¶ Argumētum huius epistolæ, penè omnium est commune & generale. Quod illis proinde est ob oculos cōtinenter habendū, quicūque in Paulo versantur. Tria namque sunt quæ diuinitate hic plenus Apostolus suis in vniuersum epistolis Christiani nominis professores edocere perseuerat, persuasosq; ac cōmonefactos summo opere habere cōtēdit. Primū, vt nostri mortaliū generis originali illa iustitia destituti, vnde nos depulit Adæ præuaricatio, imbecillitate, inopiā, ac miseriā cognoscamus, atq; adeò perpēdamus, qd simus nulla virtute, nullaq; penitus reliqua facultate, vt valeamus nostris nos viribus in gratia apud Deum constituere, vllūmve, quod ei placeat, exhibere opus, quodq; aliqua sit apud suam maiestatem retributione dignum. Secundum huic appendens, in quod neruos totos intendit, viribusque incumbit, est, quòd iustificatio nostra & cum Deo reconciliatio, ipsius solius, absq; meritis nostris præcedenti

Amanuensis

cedentibus opus est, idq; per fidem & gratiã vnus mediatoris, redemptoris, ac seruatoris, & sospitatoris nostri Iesu Christi : per quem ideò quicquid est in nobis Deo gratum, ad æternamq; felicitatem spectans, obtinemus : cui perinde vni huiusmodi beneficia cuncta referre accepta tenemur. Tertium Paulini propositi membrum est, nos per fidem & gratiam domini nostri Iesu Christi iustificatos expergefaceri, adhortari, & (quæ sui erat sanctissimi pectoris energia) extimulando perurgere, ne suscepta gratia in nobis vacua frustraneaque sit, sed per officia omnia & virtutum munia charitatem excolamus, atque adeò ope eius præuerti subsidioq; frãti, qui dat nobis velle & operari, meritis promoueamur æternis. Hic ergo triplo in idem inspecet, ac sedulo meditetur, per necessarium est, quisq; sese Paulo mancipauerit. Hæc autem tria sunt, in quibus interpretandis neoterici Germani dissidium à nobis ex diametro fecerunt. Dissentiunt inquam, à nobis articulis tribus : nempe de operibus liberi arbitrii triplicibus : vt pote ante iustificationem, in iustificatione, & post iustificationem : vt initio secundi libri de natura & gratia adnotauimus. Aiunt enim opera præcedentia iustificationem, omnia esse simpliciter peccata : in puncto iustificationis concurrentia, neque dispositoria esse ad gratiam, neq; vllius momenti : ac demum illa quæ iustificationem subsequuntur, nulli? esse meriti ad vitam æternam, Imò quatenus à concupiscencia dimanant, omnia esse peccata. His veruntamen aduersatur per omnia catholica orthodoxorum veritas. Sic enim gratiã Dei, quæ super naturam est, iure suo, & merito extulerunt semper Ecclesiæ patroni, vt naturam nostram, quæ Dei quoq; præstantissimum est figmentum, non adeò deiecerint indigne, quo minus possit homo, culpis aliàs inquinatus, per influentiam Dei generalem opera nonnulla exhibere, quæ licet non sint æterni præmii merita, tamen neque sint peccata, sed vt cunque honesta, quæ vocant moraliter bona. Item sic semper agnouit Ecclesia, per gratiam præuenientem nos à Deo iustificari, vt tamen non veluti pecudes ad se pertrahat, sed (quæ nostra natura est) libere : ob idq; tunc nos per fidem iustificat, quando per opera simul liberi nostri arbitrii, quæ fides iubet, ad gratiam nos suscipiendam fauore suo disponit ac præparat. Ac demum eatenus per auxilium gratiæ augetur deinceps nostra iustitia, quatenus eidem nos augmẽto operam impendimus per charitatis officia, quæ merita sunt vitæ æternæ. Quocirca non sola fide (vt falsò ipsi prædicant) sed fide per charitatem operante iustificamur : hoc est, dum per actus fidei, spei, & charitatis, puta poenitentia, Dei munere disponimus, suo assentes numini, vt ex iniustis iustos nos, ad se trahendo, constituat. De adultis quippe loquimur. Hanc autem doctrinam veritatem, quàm pro facultate nostra valuimus amplissimè, in præfato opere disputauimus. Quod in tres libros iuxta hoc tripartitum Pauli argumentum, & trinum Lutheranae errorum caput, distribuimus. In quorum primo de statu hominis peccatoris, in secundo de iustificatione, ac deniq; in tertio de potestate iustificati pertractauim? Hic autem specimen duntaxat causæ ob oculos lectori nudum posuimus, quod cum verbis Pauli conferat, vbicunq; de hac re loquitur : atq; adeò perpendat, quàm illis Apostolus nihil faueat, imò q̃ pro nobis apertè pronunciet. In diuerticulum autem vt reuertamur, argumentum hoc tripartitum, quod in suis epistolis Paulus ferè tractare persistit, explicatius in hac ad Rom. longèq; maiori emphasi edisserit. Quippè vbi vix apiculus est vllus, qui non redoleat, vel nostras ab Adam hæreditarias egestates, ærumnas, & miseras, vel Christi in nos misericordiam & gratiam, vel, quam in Christo renati & insiti debemus adhibere morum culturam, vt eisdem diuinis fauoribus adiuti, omni officio & diligentia magis ac magis proficiamus coram Deo & hominibus. Itaq; vt paulò ante diximus, cum propositum Pauli in vniuersis epistolis fuerit, gratiam Dei manifestare, in hac ad Romanos exorditur de gratia secundum suam absolutam naturam dicere. Qua de re in capite omnium collocatur, ceu fundamentum acrobatur, quo nostra Christianorum fides religioquẽ subnixa consistit. Neque verò mysterio fortè caruit, quòd princeps hoc, illustrissimumq; argumentum Romanis, id est, principi ac totius orbis celeberrimæ vrbi nuncuparetur. Porro vt quæ caput fuerat Gentilitatis, eadem & fidei susciperet, quod modo habet, patrociniũ. Nam & ob hoc ipsum forsitan mysterium apostolorum principes eandem urbem suo sanguine rubricarunt. ¶ Fuit autem Paulo peculiaris causa materiaq; scribendi, dissidium & factio Christianorum, qui Romæ ex vtroq; populo, Iudæorum scilicet & Gentium conuertebantur ad fidem. Diuersum etenim Romanis acciderat ab eo, quod postea Galatis. Hi nanq; cum recte fuissent initio per Paulum instituti, per

Lutherano-
rum dissidium à
nobis.

Veritas ca-
tholica.

Nō sola fide
iustificamur

Argumentū
huius episto-
la ad Rom.

Causa cu-
ad Rom. scri-
psit.

*Epistolarii
argumenta
singula.*

Etò rationem ordinis huius de obiecto & epistolarum materia ratiocinatur, vtpote ex gratia Christi, quam Apostolus proposuerat propalare. Gratiam enim hanc considerare est & in corpore mystico Christi, cum in membris omnibus generatim, tum præsertim in præcipuis prælatis, & postremò in capite ipso Christo. In primis nouem epistolis ad Ecclesias Gentium habetur de gratia sermo, quatenus ad omnia attinet membra. Primùm omnium in epistola ad Romanos propositum est, gratiam secundum suam absolutam naturam & necessitatem manifestare. Mox in priori ad Corinthios, ea ratione qua est & in sacramentis: quocirca in posteriori statim de ministris sacramentorum verba fiunt, & continuo ad Galat. superflua refecantur, abiiciunturque sacramenta vetusta. Deinde epistola ad Ephesios consequitur, in qua tractare cœptum est de gratiæ effectibus, scilicet de Ecclesiæ vnitate. Et in ea quæ ad Philippenfes, subiungitur de gratiæ confirmatione & promotione. In ea verò quæ est ad Colossen. instruimur qualiter per gratiam eandem sit nobis aduersus errores pro fide pugnandum. Ad Thessal. quemadmodum sit asserenda fides aduersus persecutiones: in prioribus quidem, aduersus præsentis, & in posteriori aduersus futuras, finalique iudicio proximas. Quæ omnia sunt gratiæ munera. In reliquis deinceps quatuor instituuntur prælati. In prioribus scilicet ad Timoth. vt sit ab eis Ecclesia Dei gubernanda, Ecclesiæq; vnitas protegendæ. In posteriori verò, quàm ab illis sit propugnanda, quàmq; eius hostes oppugnandi. In Tito peculiariter instruuntur Pontifices aduersus hæreticos: ac denique in Philemone, quid debeant seculares dominos ac principes docere & exhortari. Epistola demum, quæ postrema est, ad Hebræos, tota versatur in gratia, quæ fuit in Christo Iesu domino nostro. Omnia verò hæc suis peculiaribus prologis explicatijs sunt tractanda.

EPISTOLA AD ROM.

*Epistola ad
Roma. Cen-
chris scripta*

PRIMVM igitur locum habet epistola ad Roman. quam modò in lucem prodire permittimus: veluti reliquarum specimen, quas diuino numini confisi, nisi alia nos necessaria negotia remorètur, breui speramus ei comites adhibere. Hanc quamq; sint (vt Haymo) qui ex Athenis iudicet esse missam (in quam sententiam D. Thomas citat hic quoq; August.) multò tamen plures, & quidem merito, sunt, qui cum Hierony. & Orige. consentiunt: missam fuisse ex Corintho. Primùm, quòd (vt paulò ante dicebam) inde missa est, vnde Apostolus iter Hierosolymam adornabat. Est autem plusquam coniectura, quòd peragratis prius Macedonia & Attica (vbi sunt Athenæ) & Achaia (vbi est Corinthus) à Cenchrìs portu, qui est Corinthi, solueret, vt nauigaret Hierosolymas. Ait enim cap. 15. Nunc verò locum non habens in his regionibus, videlicet quem non iam eundem inuiserim, &c. Transmiserat ergo iam tunc Athenas. Secundò, epistolam hanc per Phœben ciuem Cenchræ misit, quæ iter tunc fortè Romam habebat, quam cap. 16. Romanis commēdat. Postremò inter alios Caius quoq; in hac epistola salutē dicit Romanis, vt patet eodē cap. quem Caium liquet fuisse Corinthium: quandoquidē in priori epistola gratias Apostolus Deo habeat quòd neminē Corinthi baptizauerit præter Crispū & Caium. Si tamen lubet dicere qd Athenis scripta, aut forsan cœpta, Corinthi data est Phœbe ad Romanos, parum refert. Fuit Paulo Amanuensìs in hac epistola scribenda quidam Tertius nomine, vt cap. eodem habetur. Attamen licet aliena manu quādoq; vteretur, propria tamen proculdubio omnibus epistolis subscribebat, vt certam haberēt authoris fidem. Vnde in calce. i. Corin. Salutatio inquit, mea manu subscripta. Imò ad Philemonem. Ego Paulus scripsi mea manu. ¶ Argumētum huius epistolæ, penè omnium est commune & generale. Quod illis proinde est ob oculos cōtinenter habendū, quicūq; in Paulo versantur. Tria namq; sunt quæ diuinitate hic plenus Apostolus suis in vniuersum epistolis Christiani nominis professores edocere persequeratur, persuasosq; ac cōmonefactos summo opere habere cōtēdit. Primū, vt nostri mortaliū generis originali illa iustitia destituti, vnde nos depulit Adæ præuaricatio, imbecillitatē, inopiā, ac miseriam cognoscamus, atq; adeò perpēdamus, q̄ simus nulla virtute, nullaq; penitus reliqua facultate, vt valeamus nostris nos viribus in gratia apud Deum constituere, vllūmve, quod ei placeat, exhibere opus, quodq; aliqua sit apud suam maiestatem retributione dignum. Secundum huic appendens, in quod neruos totos intendit, viribusque incumbit, est, quòd iustificatio nostra & cum Deo reconciliatio, ipsius solius, absq; meritis nostris præcedenti

Amanuensìs

cedentibus opus est, idq; per fidem & gratiā vnius mediatoris, redemptoris, ac seruatoris, & sospitatoris nostri Iesu Christi : per quem ideo quicquid est in nobis Deo gratum, ad æternamq; felicitatem spectans, obtinemus : cui perinde vni huiusmodi beneficia cuncta referre accepta tenemur. Tertium Paulini propositi membrum est, nos per fidem & gratiam domini nostri Iesu Christi iustificatos expergefacerere, adhortari, & (quæ sui erat sanctissimi pectoris energia) extimulando perurgere, ne suscepta gratia in nobis vacua frustraneaquē sit, sed per officia omnia & virtutum munia charitatem excolamus, atque adeo ope eius præuen-
ti subsidioq; frāti, qui dat nobis velle & operari, meritis promoueamur æternis. Hic ergo tri-
formis scopus est, ad quem suam vsquequaq; doctrinam ac pennē verba singula refert : quem
proinde identidem inspecet, ac sedulo meditetur, per necessarium est, quisq; sese Paulo man-
cipauerit. Hæc autem tria sunt, in quibus interpretandis neoterici Germani dissidium à nobis
ex diametro fecerunt. Dissentiunt inquam, à nobis articulis tribus : nempe de operibus liberi
arbitrii triplicibus : vtpote ante iustificationem, in iustificatione, & post iustificationem : vt ini-
tio secundi libri de natura & gratia adnotauimus. Aiunt enim opera præcedentia iustificatio-
nem, omnia esse simpliciter peccata : in puncto iustificationis concurrentia, neque dispositoria
esse ad gratiam, neq; vllius momenti : ac demum illa quæ iustificationem subsequuntur, nulli
esse meriti ad vitam æternam, Imò quatenus à concupiscencia dimanant, omnia esse peccata.
His veruntamen aduersatur per omnia catholica orthodoxorum veritas. Sic enim gratiā Dei,
quæ super naturam est, iure suo, & merito extulerunt semper Ecclesiæ patroni, vt naturam no-
stram, quæ Dei quoq; præstantissimum est figmentum, non adeo deiecerint indigne, quo mi-
nus possit homo, culpis alijs inquinatus, per influentiam Dei generalem opera nonnulla ex-
hibere, quæ licet non sint æterni præmii merita, tamen neque sint peccata, sed vtcunque hone-
sta, quæ vocant moraliter bona. Item sic semper agnouit Ecclesia, per gratiam præuenientem
nos à Deo iustificari, vt tamen non veluti pecudes ad se pertrahat, sed (quæ nostra natura est)
libere : ob idq; tunc nos per fidem iustificat, quando per opera simul liberi nostri arbitrii, quæ
fides iubet, ad gratiam nos suscipiendam fauore suo disponit ac præparat. Ac demum eate-
nus per auxilium gratiæ augetur deinceps nostra iustitia, quatenus eidem nos augmēto ope-
ram impendimus per charitatis officia, quæ merita sunt vitæ æternæ. Quocirca non sola fide
(vt falsò ipsi prædicant) sed fide per charitatem operante iustificamur : hoc est, dum per actus
fidei, spei, & charitatis, puta poenitentia, Dei munere disponimur, suo assentientes numini, vt
ex iniustis iustos nos, ad se trahendo, constituat. De adultis quippe loquimur. Hanc autem
trinam veritatem, quā pro facultate nostra valuimus amplissimè, in præfato opere dispu-
tauimus. Quod in tres libros iuxta hoc tripartitum Pauli argumentum, & trinum Luthera-
norum errorum caput, distribuimus. In quorum primo de statu hominis peccatoris, in secun-
do de iustificatione, ac deniq; in tertio de potestate iustificati pertractauim⁹. Hic autem speci-
men duntaxat causæ ob oculos lectori nudum posuimus, quod cum verbis Pauli conferat,
vbicunq; de hac re loquitur : atq; adeo perpendat, quā illis Apostolus nihil faueat, imò q̃
pro nobis apertè pronunciet. In diuerticulum autem vt reuertamur, argumentum hoc tri-
partitum, quod in suis epistolis Paulus serè tractare persistit, explicatius in hac ad Rom. lon-
geq; maiori emphasi edisserit. Quippè vbi vix apiculus est vllus, qui non redoleat, vel nostras
ab Adam hæreditarias egestates, ærumnas, & miseras, vel Christi in nos misericordiam
& gratiam, vel, quam in Christo renati & insiti debemus adhibere morum culturam, vt eis-
dem diuinis fauoribus adiuti, omni officio & diligentia magis ac magis proficiamus coram
Deo & hominibus. Itaq; vt paulò ante diximus, cum propositum Pauli in vniuersis episto-
lis fuerit, gratiam Dei manifestare, in hac ad Romanos exorditur de gratia secundum suam
absolutam naturam dicere. Qua de re in capite omnium collocatur, ceu fundamentum acro-
bur, quo nostra Christianorum fides religioquē subnixa consistit. Neque verò mysterio for-
tè caruit, quòd princeps hoc, illustrissimumq; argumentum Romanis, id est, principi ac totius
orbis celeberrimæ vrbi nuncuparetur. Porro vt quæ caput fuerat Gentilitatis, eadem & fidei
susceperet, quod modo habet, patrociniū. Nam & ob hoc ipsum forsan mysterium apo-
stolorum principes eandem urbem suo sanguine rubricarunt. ¶ Fuit autem Paulo peculia-
ris causa materiaq; scribendi, dissidium & factio Christianorum, qui Romæ ex vtroq; populo,
Iudæorum scilicet & Gentium conuertebantur ad fidem. Diuersum etenim Romanis acci-
derat ab eo, quod postea Galatis. Hi nanq; cum recte fuissent initio per Paulum instituti, per

Lutherano-
rum dissidium à
nobis.

Veritas ca-
tholica.

Nō sola fide
iustificamur

Argumentū
huius episto-
le ad Rom.

Causa cu-
ad Rom. scri-
psit.

fraudem postea à pseudo apostolis ad legis cerimonias retrahebantur, Romanos vero, contra ab eisdem fallis apostolis prauè peruerlequè informatos, Paulus hac epistola probe synce-
raque legis veritate reformat. Nam primi qui Romam Euangelium attulere (vt in Glossa hic
ordinaria scriptum est) fuerunt à Hierosolymis Christiani quidam ex Iudaismo conuersi. Id

Euse. namque quod Eusebius narrat, Petrum primum Romanis predicasse, intelligendum est (vt
ait eadem Glossa) inter apostolos. Siquidem anteaquàm Petrus illuc applicuisset allatum eò
dem fuerat Euangelium. Quocirca dum hanc Paulus epistolam misit, fortè nondum Petrus
Romanos inuiserat, vel nondum eos instituerat, Aliàs nō tam cuperet eis euangelizare, quàm

Hierony. exprimit statim capit. 1. Tametsi Hierony. aliter sentiat super illud, Vt aliquid impartiar, &c.
Erat autem sub id temporis Iudæa Romanorum prouincia, quam obrem frequentes iam tunc

Act. 18. Iudæi Romam domicilia traduxerant, quos Claudius postea Cæsar vrbe relegauit, vt *Act. 18.*
scriptum legitur. Sed illo defuncto probabile est fuisse reuersos. Cum ergo Romæ prædicatio

*Romanorū
linguam.* ne eorum qui ab Hierosolymis aduentauerant bonus numerus, tam ex Iudaismo, quàm ex
paganismo nomina Christo dedisset, antiqua odia fouebant, inq; diuersa studia dissecti tumul-
tuabantur. Fuerat enim semper Iudæorum genti inuisa præputiata gentilitas. At cum sint

August. quàm plurimi, qui litigium hoc eleganter denarrent, haud tamen erit fortasse superuacaneū,
illud ex nostro perexiguo iudicio in præsentia depromere. Porro ex Iudaismo neoterici per-
suadere gentibus contendeant, quòd ipsi per opera legis gratiam euangelicam fuissent com-
meriti. Id quod August. palàm edocet, tum hic, vbi ait quæstionem huius epistolæ esse,

vt rum solis Iudæis Euangelium domini nostri Iesu Christi venerit, propter merita operum le-
gis, &c. Tum clarè ad Simplicia. lib. 1. q. 2. vbi inquit, Israelitas gloriari, quòd datæ sibi legi
feruissent: & ex hoc euangelicam gratiam, tanquàm debitam meritis suis perceperissent, quia
legi seruiebant. Vnde nolebant eandem gratiam dari gentibus, tanquàm indignis, nisi Iudai-
ca sacramenta fusciperent. Hæc ille. Quin verò forsan, si coniectari liceat, aduentum ipsum

*Authoris cō
iectura de iu-
daeorum er-
rore.* Messie arbitrabantur eadem legis cultura promeruisse: nam cum Christus non aduenerit nisi
vt legis conditor euangelicæ, eiusdemq; gratiæ largitor, si illa dona censebant meruisse (vt ait
Aug. idem & de aduentu ipsius Christi sentiebant. Vel sic, quod eodem redit. Certum est in il-
lo fuisse Iudæos errore, quòd operibus legis commeruissent iustificari: nā huius blasphemix
reos facit eos Paulus per totum huius epistolæ decursum: cum ergo certo illi crederent spera-

Es. 45. rentq; in hoc Messiam aduenturum, vt eos saluos faceret (vnde illud, Rorate cœli desuper &
nubes pluant iustum: aperiatur terra & germinet Saluatorem, & huius generis plurima) pari-
ratione hallucinabantur, & eisdem meritis debitum fuisse eius aduentum. Itaq; si ratiocinatio
hæc nostra solida est, cogitabant, promissionem Messie, Abrahæ & patribus, veluti stipulatio-
ne quadam fuisse factam, nempe si legem seruarent. Et quoniam ipsi in fide perseuerauerant,
Deum aiebant, quasi debitam sibi mercedem, misisse filium suum. Hanc considerationem exi-
stimo impendio ad intellectum Pauli conducere, vt cap. 1. 3. & 4. adnotabimus. Eam vtique ob-
rem se tam insolenter iactabant, filios esse Abrahæ, quasi quibus hereditario iure regnum cœ-

*Tres Iudæo-
rū errores.* lorum obueneret. Quod etiam Christo redemptori nostro identidem obiectabant. Ex hinc
ergo in tres subinde errores collapsi sunt Iudæi Fuerunt etenim primum tantillum tem-
poris in ea cæcitare, quòd lex Euangelica Abrahæ & semini eius peculiariter promissa, non
esset in gentes euulganda ac prophananda: in hunc sensum interpretantes verba Christi,

Non sum missus nisi ad oues quæ perierunt domus Israel. Et, In viam gentium ne abieritis,
sed potius ite ad oues, quæ perierunt domus Israel. Quin & Petrus aliquandiu, vel ignora-
uit, vel hæsitauit, non esse cum illis mensa communicandum in cibis vetitis. Qua de re (vt
Act. 10. & 11. legitur) anteq̃ nuncii à Cornelio sic eum ambiguum occupassent, diuinitus edo-
ctus est in linteo ciborum communium pleno, omnia fuisse purificata. Atque eam ob causam

audientes apostoli & fratres qui erant in Iudæa, quasi præter suam opinionem & expectatio-
nem, quòd & gentes receperissent verbum Dei, disceptabant cum Petro, à Cornelio reuerso,
quare introisset ad viros præputium habentes, & manducasset cum illis: quibus expurgare se
opus habuit Petrus, quòd cœlitus id fuisset admonitus. Mox autè postq̃ persuasi ex suis etiā
prophetis fuerunt, quòd ad Christum congregandæ essent omnes gentes ab extremis terræ
(vt habetur Hierem. 16. & Iohel. 3. & frequentissimè in lege illa) licet gentes admitterent in
consortium Euangelii, contendere nihil oscius perseuerabant, necessariam esse circumcisionē,
atq; adeò priscā legem, vt *Act. 15.* patet. Erat enim populus ille (vt Iosephus, & li. 3. Euseb. refert)

inter

*Ioseph. et Eu-
se. de Iudæis.*

inter mortales legis suæ amantissimus, tenacissimusq; , vt quam à Deo ipso receperat. Adeò vt in hac parte nonnihil legi veteri præ gentium ritibus deferentes Apostoli , aliquandiu permiserint circuncisionem & legales illas lotiones. Quia Paulus circuncidit Timotheum , & purificauit se. Et generalis Apostolorum synodus tres præterea cereimonias importunis illis molestisq; hominibus in tempus indulgit. Quin verò eo tertio vesano errore tenebantur, quòd quemadmodum antiquitus profelytos , hoc est , ad se ex gentibus transuectantes suo ipsorum iudicio & facultate à Deo concessa in contubernium legis admittebant , ita essent tunc in Ecclesiam Euangelicam incircuncisi recipiendi , quasi per suam auctoritatem : per suæ scilicet legis sacramentorumq; ac rituum præuiam professionem : quod nuper citatus ad Simplician. August. affirmat , vt non tantum Christo , sed quodam etiam pacto sibi adscribendum esset beneficium illud . Qua de causa Apostolos , præsertim Paulum , acriter obiurgabant , quòd Ethnicos antequàm circunciderent, baptizarent: iniquo animo ferentes , quòd qui tanto tempore aduentum Christi præstolantes, pondus legis pertulissent, nullum præ Gentibus essent habituri in lege gratiæ honoris titulum. Porro autem Christiani ex Gentibus conuersi , quippe qui Hebræorum legem semper habuerant exosam , nouam citius abnegassent , quàm professuri forent antiquam: ob idq; scelera illis vicissim fortasse, flagitiaq; & sacrilegia violatæ sæpe legis obijciebant. Vtpote qui ita multis, eisdemq; amplissimis beneficijs, miraculis, ac prodigijs, superne exornati, tantis, tamq; nefandis piaculis in beneficentissimum Deum ingrati extitissent . Quapropter non fuisse creditu possibile, salutem per Christum exhibitam ab eis ipsis fuisse commeritam , qui legem illam, Christianæ fidei prænunciam, toties non perfregissent modo, verum ad idola peruersi perfide repudiassent . Atq; vt aliud nihil perpetrassent, Christum tamen ipsum præsentem probris, conuitijs, contumelijsq; affectum extremo utiq; crucis supplicio peremissent . Quapropter si beneficium Christianæ salutis vlla præire quiuissent hominum merita, sibi potius hoc esse deferendum : nempe qui de cultis idolis , nonnullam, quæ impietatem sibi attenuaret , haberent excusationem . Nimirum quòd non cum ipsis Deus adeò fuisset familiariter proloquutus, cum tamen illi, dum cum duce suo loquebatur in facie, tunc Deum alterum constabant . Cæterum naturalem legem & philosophiam, quas Deus in mortalium mentibus seminauerat, maiori lōge cura & cultu fuissent semper ipsi venerati. Hoc enim allegare poterant, à cæteris scilicet mundi nationibus facile Romanis semper fuisse concessum, quod pro fide, pro iustitia, proq; Repub. opes, fortunas omnes, vitam deniq; deuouissent. Legem ergo quæ cum Euangelio esset duratura, non illam censerit quæ præter significationem nihil reliqui, quod ad mores conferret, de se præstitisset, sed naturalem solam, cuius equidem præcepta æternum permanerent. ¶ Huiusmodi litibus ac iurgijs dirimendis in medium se dat hac epistola Paulus. Qui tamen non admodum sit erudito sermone, nec verba à Demosthene sit mutuatus, reliquas tamen eloquentiæ partes scientissime seruat . Ex arte nanq; acutissimè dementiam, vesaniamq; vtriusq; factionis reprimit. Commonstrat enim primum, quòd quauis in legis vllius facultate , aut naturalis aut scriptæ, positum fuisset, vt eius operibus posset quispiam salutem apud Deum promereri, neutram tamen vel Iudæi vel Gentes ea fide & studio custodissent, vt illa essent mercede digni. Deinde persuadere prosequitur , quòd etiam si legem ad vnguem utique exactissimè seruassent, nullius tamen vnquam fuisset legis facultas , vt per eius opera posset quispiam filiorum Adæ naturaliter demereri gratiam Dei, ne dum Christi aduentum : quippe quod, negotium sit supernaturale. Quamobrem beneficium hoc non ex operibus legis aut naturalis aut scriptæ, sed ex diuina nobis spontanea & gratuita promissione exhibitum fuisse. Neque rursus promissionem illam Mesiæ (id in quo plurimum epistola hæc versatur) ex obseruantia legis fuisse pendentem : imò cum fidem illi multis modis defregissent, nihilominus Deum, quod gratuito fuerat pollicitus, firmum id certumq; pro sua misericordia voluisse. Ex quo utiq; colligit, salutem nostram nullis legis operibus, sed vni Christo deberi . Nempè qui, non quod debitum hominibus esset, aduenisset, at vt suam promissi fidem solueret. Quandoquidem si quis opus aliquod Deo gratiosum impendere vnquam studuit, id non aliter quàm per fidem prius, gratiamq; Dei iustificatus præstare potuisset. Elicit tandem, eos, filios esse Abraham; non solos, qui circuncisionem illam in carne circumferrent, sed vniuersos, quibus fides, quam suscepit Abraham, hæreret in corde. ¶ Sanè verò in tenellis illis neophytis reuincendis rigorem Modestia cius. orbitatemque obiurgandi lenitate quadam Christiana attemperat, ne vlla faucios contumelia

melia exasperet. Sed tamen simul dum amanter loquitur, aculeos nihilominus abdit amarus, ut superbiam eorum, qua deturgebant, retunderet, atque adeo Evangelica disciplina syncretè & candidè imbutos vno angulari lapide Christo Iesu parietes ambos compingeret.

Questio epistolæ ex August.

¶ Eligitur quæstio huius epistolæ (ut verba referamus Augustini) vtrum Iudæis solis Evangelium Domini nostri Iesu Christi venerit propter merita operum legis, an verò nullis operum meritis præcedentibus, omnibus gentibus venerit iustificatio fidei, quæ est in Christo Iesu, ut non quia iusti erant homines, crederent, sed credendo iustificati, deinde iuste vivere inciperent. Hoc ergo, inquit, docere intendit Apostolus, omnibus præuenisse gratiam Evangelij Domini nostri Iesu Christi: quod propterea beneficium, gratiam vocari ostendit, quia non quasi debitum iustitiæ redditum est, sed gratuito donatum. Hæc Augustinus. Cui Ambrosius. Origenes. & reliqui ad stipulantur. Hoc argumentum est, unde adeo est nomen Pauli celebratum. In hac peragenda causa ita se præ ceteris extulit, ut eundem locum inter epistola-

Paulus cõfer- tur cū Ioāne.

rum scriptores sacros obtineat, quem habet inter Evangelistas Ioannes. Quid nisi nunquam supra pectus Domini recubuit, unde exurgeret arcana Dei, at usque ad tertium raptus est cœlum, ubi illa videret. Ille à Christo in humanitate viuentē lactatus est, quod posset sapienter verbi diuinitatem enunciare, hic autem in diuinitate contemplatus, quæ posset digne de gratia crucifixi hominis prædicare. Nam iudicaui me, inquit, nihil scire inter vos, nisi Christum, & hunc crucifixum.

Pauli phrasise & stylus.

¶ Verum enimvero de phrasi & stylo Apostoli id etiamnum præmonendum restat, quod donum linguarum, quo ceteri Apostoli in Pentecoste, Paulus autem post suam conuersionem perfusus fuit, non ad fastum suppeditatum illis est, sed ad utilitatem, ut habetur. 1. Corinth. 12. Et ideo quemadmodum scientiarum naturalium non ampliorem sortiti sunt revelationem, quam quæ ad propagandam fidem satis erat, ita neque linguarum politi-

Donum linguarum quale

tiem edocti, neque omnem prorsus artificialem eloquentiam, sed eo usque penitus huiusmodi gratia donati, ut vel singulis omnium gentium linguis loquerentur, vel (quod modo non disputamus) sua propria loquentes ab vniuersis planè nationibus intelligerentur. Neque hoc verò absque Dei consultissima prouidentia factum est. Quoniam lex religioque nostra, ut fide potius quam rationibus percipitur, sic spiritu, quam verbis persuadetur efficacius. Ne ergo hominum genus, qui ad leporem & splendorem humanæ sapientiæ assueti fuerant, maiestate sermonis spauescens, diuinis latentibus sensibus negligentius animum appellerent, consulendum à Deo nobis fuit, ut Evangelij sapientia spiritualis, non in sublimitate sermonis, nec in sapien-

Aduersus theologos nihil miratim studiosos.

tia verbi, quæ carnales aures demulcet, traderetur. Quod utinam animaduertenter nouiisti huius seculi paraphrastæ, qui Pauli ipsius personam induere ausi, ea ipsum perpoliunt & incrustant elaborata elegantia, ut grammaticorum plebi, paraphrascos dulcedine scilicet delitissime quidem, quia numine afflati, at non ita nitide. Quapropter etsi imperitus, inquit, sermone, sed non scientia. Tametsi dum prædicabant, haud dubium est, quin essent efficacissimi. Quorsum hæc? quod licet præclarus hic calamus spiritus sancti diuinis vbique mysterijs exundet, magnificaque sit sapientia refertissimus, tamē si verborum nitorem luculentiamque spectes, picturatumque ornamentum, non adeo elegans, neque ita multa est suauitate fluens. Quinimo, quod vsu venire comperimus ijs, qui cum non sint usque adeo in re latina prouecti, latinum (ut sic dixerim) pellucens loquuntur, quo phrasin suam quisque vernaculam prodit, idem & in Paulo perspectum est. Etenim ubi græcè scribit, tota dictio hebraïsinis scattet, ut non inepte sermonem hebræo græcum dixeris. Neque loquendi artem pluris facit, dum spiritus impetum non abruptat. Quocirca hyperbatis, & (quos pleonasmos vocant) verborum redundantij, alijsque id genus, quæ in rhetore non leuia sunt vitia, frequens est. Id quod in causa est, ut crebris in locis à multis non intelligatur, & à pluribus etiam, si audire fers, habeatur despectui. Quanquam Augustinus libro. 4. de doctrina Christi. cap. 7. ubi argumentum hoc discutit. Sicut, inquit, Apostolum præcepta eloquentiæ secutum fuisse non dicimus, ita quod eius sapientiam secuta sit eloquentia, non negamus. Hoc autem quibus locis occurrerit, adnotabimus: nempe quemadmodum crebro rhetorum schematibus eleganter vtatur, & illis quæ ad verborum structuram sententiarumque compositionem attinent, dignitatibus. Fuit namque Apostolorum disertissimus, non modo hebraicè, cuius monumentum est epistola ad Hebræos, quam sua scripsit materna lingua, verum etiam græcè. Ea enim fuit fortè causarum aliqua, cur fuerit selectus in gentes. Quapropter & Lysitris Mercurius tanquam diu-

verbi ha

verbi habitus est & nuncupatus. ¶ Ut autem ad obscuritatem Pauli regrediamur, Origen. difficultatis huius epistolæ ad Roman. alteram quoque subdit causam. Nempe quod quæstio- *Obscuritas* nes in ea plurimas mouet, quibus innitentes hæretici tantum fidei & gratiæ Dei tribuunt, vt Pauli. arbitrii libertatem à Deo homini concessam conentur euertere: id quod Petrus Apostolus Ori- *Orig.* geneipso explicatius testatur: dicens, in epistolis Pauli quædam esse intellectu difficilia, quæ indocti & instabiles deprauant. Quomodo autem deprauent, exponit in lib. de fide & operib. *Augu. de fid.* August. vbi miseranda hæc tempora nostra graphicè depingit. Inter alias enim, inquit, obscu- *et ope. c. 14.* ras Apostoli Pauli sententias, illam etiam, iustificari hominem per fidem sine operibus, quidam ita intellexerunt, vt professæ fide, opera iustitiæ sint cõtèmnenda. Qua de re alii apostoli, scilicet Petrus, Ioannes, Iacobus, & Iudas epistolas suas contra hanc maximè dirigunt intentionem, vt vehementer adstruant, fidem sine operibus nihil valere. Hactenus August. Illud autem hic vbi de obscuritate Pauli loquimur, silentio non arbitror prætereundum, quod recentes isti Pauli interpretes persuadere hominibus pertendunt. Agnoscunt imprimis obscuritatem maximam Pauli, adeo vt quidam eorum in prologo eius dixerit, quod vtilitatem huius epistolæ æquat ac penè superat difficultas: quæ sanè auxesis longè fuisset venustior, Christianæq; modestiæ propinquior, si diuersa ratione, & vtilitas & difficultas explicaretur: puta si dixisset bonus ille author, quod difficultatem superat vtilitas: siquidem vtilitati sacræ paginæ nihil est quod adæquari possit. Quod autem in iis magis est admirandum, hoc sanè censeo, quod cum *is est Paulus vulgo cõmittendus.* tam densam in Paulo fateantur caliginem, euulgari eum nihil oscius iubent in populum, opificibusque interpretantur, atque adeo vulgari lingua versum circumferendum putant ac terendum manibus indoctæ plebis. Equidem non ignoro à Chrysostomo, Pauli studiosissimo, nonnunquam populum admoneri, vt quas quotidie lectiones Euangelij & epistolarum in Ecclesia audiunt, domi meditentur, dentque operam, vt intelligant. Chrysostomi autem documentum ita est auscultandum, vt populares plana perspicuaq; sensa scripturæ à sacerdotibus simpliciter doceri studeant, quæ in rem sibi ad componendos mores esse possint. Iuxta sententiam Malachiæ prophetæ, Labia sacerdotis custodiunt scientiam, & legem requirunt ex ore eius: quia angelus Domini est. At verò vt vnusquilibet de plebe scrutator velit esse maiestatis, atque his maximè temporibus, quando tanto cum periculo de doctrina Pauli decertatur, tamque multi iuga numerositate translationum in diuersa sensa discissa est, distracta, & detorta probare nequeo.

DE AE DITIONIBVS.

AT verò vetus vulgataque æditio est, quam enarrandam assumpsimus. Enimvero, vt mi- *Æditio vulgata.* Animè inficias ierim, trilingues huius ætatis homines nonnihil lucis potuisse sacræ paginæ affundere suis annotationibus, si se extra in marginibus continuissent, tamen quod textuales limites adeo audenter temerauerint, indolendum quidem est plurimum. Laborabant *Trilinguis eloquentia, et bona et mala.* fateor Theologorum scholæ barbarie immodica, at nescio an nocentior iam sit tam sedula tamque improba & anxia Latinitatis cura. Nam præterquam quod maximam iam homines optimamq; vitæ partem studio huic nauare pergunt, quâ superioribus disciplinis iniquè subripiunt, id iam authoritatis hoc linguarum nitore, qui populo seruit, vulgusq; delectat, sibi arrogarunt, vt (quod minimè ab Ecclesia in istis literatoribus ferendum esset) nemo iam inter ipsos satis se in Græcis promouisse arbitretur, nisi sacram verterit paginam, idq; tam singulariter ac licenter, vt à cæteris sua differat traductio: haud alia Theologiæ mysteria venerantes, quæ è suis sunt Homero ac Cicerone venati: videlicet vt venustissimam quamque voculam affectent. Legitimum olim Patribus legimus & diuino iussu solenne, vt inter populum & ar- *Ios. 3. 2. R. 3. 6.* cam legis spatium duorum millium cubitorum interiaceret, neq; vlli propius accedere fas esset: & qui ei manum officiosus admouerat, ne eam boues excuterent, poenas temeritatis suæ interemptus dedit. Modo autem (si diis placet, nam Deo certum est non placere) nemini prorsus interdictum est, sed rhetorculo cuiq; liberrimū, non arcam modò legis, sed verba ipsa, nec sine sensus graui periculo impetere, mutare, vertere, & peruertere. Quibus profecto (absit inuidia verbo) non possum sententiam illam non metuere, quam Ioan. in contaminatores *Apoca. vlti. verbo-*

verborum legis pronunciat. Contestor enim, inquit, omni audienti verba prophetiæ libri huius. Si quis apposuerit ad hæc, apponet Deus super illum plagas scriptas in libro isto: & si quis diminuerit de verbis libri prophetiæ huius, auferet Deus partem eius de libro vitæ, & de ciuitate sanctæ, & de his quæ scripta sunt in libro isto, dicit qui testimonium perhibet istorum. Neque verò me latet, salua scripturæ veritate, variari nonnunquam posse inter transla-

*Varii sensus
literales.
August.*

tionum verba. Sed tamen cum litera vna, neque infrequenter, præcipuè autem apud Paulum, varios sensus, etiam literales ferat (vt author est Augu. 3. de doct. Christ. cap. 27. & 12. conf. cap. 20.) quique citra iniuriam sacræ paginæ suos quisq; fautores & propugnatores, eosdemq; viros graues fortiti sæpe sunt, non est profecto vsq; adeò magna laus interpretis (etsi hac ætate pro summo ducatur) amphibologiam & ambiguitatē ab scriptura excludere, atq; ita traduce-

*Veneratio q̃
bibliis sacris
debetur.*

re, vt non possit litera nisi vnum capere sensum. Quiniimo illa debetur inaccessæ bibliorum maiestati veneratio & reuerentia, ne os spiritus sancti, plurimis foecundum mysteriis, ac literæ intelligentiis, vlla ex parte obstruatur. Accedit huc quod turba hæc tam variatarum translationum non potest non maiestatem scripturæ sacræ indignè deiicere & exauthorare, atque tunc vel exitiosissimè, si eiusmodi æditiones vulgaribus idiomatibus, vt coeperunt, euulgari perrexerint. Itaque vt ad intermissa redeamus, cum his iustissimis de causis nuperrimè sancta

*Cōcilium Tri-
dentinum.*

Synodus veterem æditionem ex vniuersis vnā elegerit ac receperit, eandem nos defendendam suscepimus, atq; ab istorum nouatorū traductoribus pro virili nostra vin-

*Admonetur
typographi.*

dicandā. Quam idcirco precor obtestorq; vt quiuis typographus fideliter intertextam curet, qui nostra hæc excuderit commentaria. Igitur diuinum

imprimis fauorem precati, sub patrocínio diui huius Apostoli, ac sacrosanctæ matris Ecclesiæ censura, enarrationem ad Dei laudem auspicamur.

CAPVT PRIMVM.



PAULUS. Epistolā hāc, in sedecim capita Patres diuiserūt. Quid, quodq; cōtineat, in singulis eorum prænотabimus.

Distributio.

Primum hoc in tres partes distribuitur. Prima

Salutatio. vsq; ad verbū istud, Primū quidem, salutatio est. Secunda verō vsq; ad illud, Non enim erubescō Euangelium, prologi vicē habet. Exinde autē incipit narratio, quā illic in sua ex ordine membra dispertitam curabimus. Igitur cū epistolā initium quicunq; ex arte scribit, à salutatione capiat (vt est, Cicero Lentulo: aut Hieronymus Augustino salutem) hac vna ratione Apostolus (quicquid alij effingant) à proprio nomine orsus est. Id quod in cūctis epistolis obseruat, prāterquam in illa quæ est ad Hebræos: cuius illic subiiciemus causam. Porro autē quāuis de hoc nomine variæ diuersæq; sint interpretū sententiæ, tamē hanc omnium esse cōmunē necessarium est, quod Paulo, vt qui Hebræus natus est, idēq; ex tribu Beniamin, primū à sua statim circun-

Saul primū nomē Pauli. cisione nomen fuerit, Saul, Hebræis celebre, præfatæ potissimum tribui, vnde fuerat ille *Act. 9.* in regem assumptus: cuius *Act. 9.* extat testimonium. Nam vbi nos legimus, Saule Saule quid me persequeris? in codice Græco, eodem idiomate quo Christus loquebatur, seruatum est, Saul Saul. Attamen in more vtriusque est, puta Græcis & Latinis, vt huiusmodi Hebraica nomina suis declinationibus inflectant: ceu Adam, Adamus: Ioseph, Io-

Saulus. sēphus. Vnde qui ab Hebræis appellabatur Saul, à Græcis (etiam tunc in Iudaismo) nuncupatus est Σαῦλ, à Latinis verō Saulus:

Paulus, Latini nomen. vt *Act. 7. & 8.* scriptura testatur. De altero item nomine, quod est, Paulus, illud etiam primum in cōfesso est omnibus, quod sit Latinis peculiare: quibusdam scilicet Romanorum familiis Gētile: vt, Paulus Aemilius, Paulus Sergius. Neque apud alios vsquam Gentium in vsu fuit vnquam, nisi quasi Latinum.

Vtrum autem Apostolo à puero statim fuerit geminum nomen, Hebraicum videlicet & Latinum, an verō quando nomen Christo in baptismate dedit vnā tunc cum religione Habreum etiam nomen commutauerit, id quidem inter sacros doctores controuertitur. Chryso. in ea est sententia, qui diu-

nitus commutatum illi nomen existimet, vt neq; in hac re quicquā minus haberet, quā Petrus, qui ex Simone appellatus est Cephas: vel quā Zebedæi filii, qui Beonerges sunt cognominati. Chrysostomo adhæret Beda. super *Act.* Ambrosius eodem ferè alludens ait, quod quemadmodum Isaac à risu quem matri fecit, & Jacob à calcaneo quem supplantauit fratris, sortiti sunt nomina, ita Apostolus, qui prius propter inquietudinem fuerat Saulus, postmodū Paulus, id est, quietus nuncupatus est. *August. in lib. de spi. & lit. cap. 7.* Non ob aliud nomen, inquit, elegit Pauli, nisi vt se paruum ostenderet. Sed Hieronymus in enarratione epistolæ ad philemonē censet nomen hoc quasi trophæum vsurpasse à Paulo Sergio, quem (vt legitur *Act. 13.*) primam frugem obtulit Christo: quo & *Augustin.* quoque spectat *lib. 8. confess.* Ceu Romanus ille Scipio à debellata in Aphrica Carthagine, Aphricani sibi nomen fecit. Neque Hieronymus primus fuit huius sententiæ author, quippe quā vetustior Origenes, vt suo iam tempore vulgatam, commemorat, at non approbat. Quinimo adstruit, Paulum à puero statim fuisse binominem, Saul scilicet nominatum & Paulum: velut Salomon dictus est Ididai: Matthæus, Leui: & id genus binomii complures. Cui quidem sententiæ (quantum mea fert tenuis opinio) plausibilis adimunt coniecturæ. Primum quod cū vocatio & baptis-

Origenis sententia probat de nōre Pauli gemino.

mus Pauli tam sint *Actuum. 9.* explicatē denarrata, si nouo coelitus tunc nomine fuisset insignitus, neutiquam id Lucas finisset: præsertim cū aliorum, quibus nomina sunt commutata expressē meminerit scriptura. Deinde quia noua nomina non nisi mysterii gratia delata sunt coelitus viris sanctis ad exprimendum (vt. q. 37. in. 3. p. author est S. Thomas) gratuitum aliquod donum personæ collatum, vt *Gen. 17.* Appellaberis Abraham, quia patrem multarum Gentium constitui te. Et Iacob, vel à lucta cum angelo, vel quia vidit super scalam Deum, dictus est, Israel. Et *Matth. 16.* Tu es Petrus, & super hanc petram, &c. nomine verō, Paulus, non designatur officium aliquod, dignitasve, aut mysterium Apostoli huius: solum enim propter virtutem humilitatis nec ipse mutasset nomen, nec mutaretur à Deo. Et maximē quod nomina diuinitus missa, Hebraica sunt, & tunc recentia: hoc verō prius Latinis fuerat iam pridem vsurpatum. Ad hanc,

Act. 13.
Adversus
Hierony.

hæc, si à Deo commutatum esse illi nomen, id commodissimè effectum esset, aut in eius vocatione, aut in baptismo, vbi proinde extinctum esset nomen Sauli: at verò non modo in eius conuersione, verum & post baptismum nuncupatus est Saulus. Segregate mihi, inquit, Saulum & Barnabam. Et aduersus Hieronymum, nobilissimum aliàs scripturarū interpretem, præterquam quòd illud de Paulo Sergio nihil aliud est quàm coniectura, insinuat se quoq; argumentum, quòd ante cōuersionem Sergij legitur eodem cap. Saulus qui & Paulus, Et præterea ex hac nominum copulatione nouum etiam desumitur argumentum. Oratio enim hæc, Saulus qui & Paulus, significatè exprimit, vtroque simul nomine appellatum. Nam si nomen submutasset, dictum esset, Saulus, qui postea Paulus, aut Paulus, qui antea Saulus. Accedit huc, quòd nisi prius de nomine Pauli notus fuisset, non se hoc solo nomine de improuiso vbique, & minimè apud Iudeos nuncupasset. Postremò deniq; fidem mihi facit, quòd consuetudo fuerit Iudæis, nominibus nonnunquam appellari aut Græcorum, vt

2. Mach. 4. 2. Machab. 4. de Iafone & Menelao scriptum habetur, aut etiam Romanorum, iis cum primis, qui ciues fuissent Romani: qualis (vt suprà dicebamus) natus fuit Paulus. Qui proinde & Saulus propter legem, & propter honorem ciuitatis Paulus ab infantia (vt cōiector) nuncupatus est. Tametsi qui in Iudaismo nomen plurimum vsurpabat Sauli, postea in Christianismo nunquam se nisi Paulum appellare visus est: tunc vt Hebræo nomine vnà cum lege reiecto, Christianum vbique se de nomine prædicaret, tum etiam quòd Gentium propriè Apostolus selectus erat, quibus celebrior habebatur illa nominatio. Et confirmatur hæc sententia à simili in Ioanne, qui cognominatus est Marcus,

Act. 12. vt habetur in eisdem Act. cap. 12. id est, simul nominatus. Non enim, quantum opinor: Marcus, cognomen erat, sed nomen, vt cum nomine Hebræo, Ioannes, quod abiecit, habuerit simul & Romanum, Marcus, quòd retinuit. Cuius & aliud exemplum est in Leui. & Matthæ. Per multa hic præterea scrutantur doctores etymologiarum mysteria, ad rem forsitan non ita multum pertinentia. Hierony. ait vocem, Paulus, Hebræis sonare, mirabilem, de quo apud aliquos malè audit, quòd contra suum ipsius alibi documentum, etymologiam vnius linguæ ab alia

Etymologia
nois Pau

diuersa asciuerit. Nam Paulus (vt diximus) vox Latina est. Igitur vt de hoc tantillum dicamus, Saul, Hebræis idem pollet quòd petitus, seu postulatus, eò quòd Saul postulatus fuit Rex à populo: quoniam ab huiusmodi actibus & euentis Hebræi nomina efformabant. Et ita (si sic loqui iubet) fuit à Deo Paulus ad apostolatū accersitus. Σαῦλ verò abiecta ὕ Græcè significat commotionem, sonat enim propriè Σαλῶ maris fluctum. Sed tamen Paulus, tametsi Latina vox sit, potest nihilominus Græca vox similis deriuari à παύωμαι, quod est, quiesco, vnde παῦλας quietem vocant: vt Paulus, idem sit quòd quietus. Qua ratione ait Ambros. ex Saulo Paulus, id est, ex violento quietus. Hæc Patribus & tempori præter ingenium nostrum dedimus, Etenim vt ratio nonnunquam etymologiarum habēda est, tamen neque adeò crebro sunt obseruandæ, neque persequendæ tam anxie. Quod ad rem verò attinet, Paulus Latine nil aliud quàm pusillum significat: quod nomen vndecunque Paulo obtigerit, quàm maximè ipsi competit. Non eò tantum, quòd de se vbique humiliter & abiectè sentiat, blasphemum se nimirum vocans, contumeliosum, abortiuum, atq; adeo apostolorum minimum, sed quòd vel in hoc ad regnū cœlorum spectare videatur, quòd velut minimum granum sinapis, & quod in Iudaico agro computruerat, eò sit honoris diuinitus sublimatus, vt in virtute spiritus sancti nō tantum (quod ipse ait) partem orbis, quæ ab Hierusalem vsque ad Illyricum patet, sed orbem ipsum Euangelio compleuerit, idq; signis & prodigijs corroborauerit, tāq; excelsos atq; frugiferos præterea nobis mysteriorum culmos reliquerit, quibus volucres cœli, Euangelici, inquā, Ecclesiæ doctores, infidentes, nunquam satis queant, quantum in eis abditur diuinæ sapientiæ, meditatione exhaurire.

Paulus,
pusillus.

Laus Pauli.

Seruus Iesu Christi.

Mox nomini suos tres subdit voces, scilicet, seruus, Apostolus, segregatus, quibus suā conditionem, vitæq; institutum, ac prærogatiuam proloquitur. Igitur qui spiritum Pauli legendo ebibere cupis studiose lector, iam hinc te ad delibandum accommoda: atque hanc primum suspice mutationem dexteræ excelsi: qua ex persecutore factus est vase electionis. Qui enim hætenus non modò inimicus erat Iesu Christi, sed quasi acerrim⁹ hostis in omnes huius nominis viros ac mulieres virus

Tres voces.

Diuina Pauli
mutatio.

virus efflabat, quo victos pduceret, perderet, & extingueret, qualis iam de repente prodeat, contemplantur. Seruus, inquit, Iesu Christi. Quid ita? Qui legis (ait) antea zelo non secundum scientiam super omnes coetaneos meos, causam quamdam, aduersus nomen Christi inuehebar, super omnes nunc antecessores meos apostolos, vnius Christi negotium gero. In ea penitus causa haereo, vt nomen hoc toto orbe habeatur honorificum. Huic obeundo, muneri vitam consecraui. Seruus enim quantumcunque est, domini est, & ego quidquid sum, gratia Dei sum. Sed si quis id obiciat, quod Galatas ipse docuit, nempe q postquam misit Deus spiritum filij sui in corda nostra, clamantem, Abba, pater, non iam serui sumus, sed liberi. Huic respondetur primum, quod licet mirifica Dei bonitas sit, filios nos appellare (iam non dicam vos seruos, sed amicos) nostra tamen debet esse modestia, vt contra pro honore maximo dicamus, eius nos seruos agnoscere. Nam cum feceritis, inquit, quicunque precepta sunt vobis, dicite, Serui inutiles sumus. Praeterea seruitus, vna est, cum mancipium, non tam vltro, quam metu seruit; quoadmodum vetus populus, quasi sub ferula in paedagogia agebat legis: quippe cui nondum tradebatur hereditas, quae quidem seruitus non congruit Euangelicis nobis: quippe quibus Christus aditum pandens ad regnum, facultatem subinde fecit, vt filij Dei nominemur, & simus. Quae duarum legum intercapedinem verba illa designant, iam non dicam vos seruos (puta vt olim) sed amicos. Altera vero est seruitus, libertatis plena, quae a timore filiali proficiscitur: dum sua quisque sponte cogitata ratione benefico patri obsequium repedit, quae se Paulus (veluti Moses olim, Abraham, David, & Iob & reliqui selecti patres) appellat seruum Iesu Christi. Id quod & Graece δουλος (quae vox hic est) exprimit, a δουλος quod est, colo. Quod si seruo a seruando nomen imponere, tam iuris prudentes, ex eo quod in bello captis vita seruetur, quam etiam philosophi, propterea quod qui ab elegantioribus doctrina & moribus instituuntur, eorum serui existimantur, vtraque sane de causa serui omnes sumus Iesu Christi: quippe a quo & redempti sumus, & saluberrimis institutis gubernamur. Quae de re optime componuntur, Seruus Iesu, id est, seruatoris. Appositum est & cognomen Christi, quod est vn-

ctus. Hoc enim ritum reges sacerdotesque & prophetae in lege veteri olim initiabantur, quibus venturi Christi praesignabantur munera. Vnde quod Graeci, Christus, nos vero vinctus, id Hebraei dicebant Mefsias.

Vocatus Apostolus.

Cum seruus se pronunciaffet, mox gen^o obsequij subiugit, quo Christo inserviebat. Sunt enim (vt auctor est ipse ad Eph^o) ministeriorum diuisiones, secundum donationem spiritus sancti. Nam posuit Deus, inquit, quosdam apostolos, quosdam autem prophetas & euangelistas. Quod autem non dixerit simpliciter, apostolus, sed, vocatus apostolus, sunt qui authoritatis gratia per antonomasiam dictum existimet, Hefychij forsitan antiquissimi auctoris adducti sententia, qui ait, vocatus apostolus, idem esse quod, nobilis apostolus. Sed sunt qui contra modestie malint adscribere, vt Anselmus: nempe vt amplitudinem vocis apostoli temperaret, quale est, Bernardus vocatus Abbas. Attamen vtrunq; videtur extremum: nam prima sententia humanum quiddam & ab eius humilitate, modestiaque, alienum Paulo videtur impingere. Qui enim se minimum apostolorum censet, & alibi indignum etiam qui vocetur apostolus, quomodo se per excellentiam apostolorum apostolum iactasset? In altera vero opinione nescio quid occultitur, quod veritati quodammodo detrahit. Etenim, vocatus apostolus, iuxta hanc glossam, non tam esse apostolum, quam vocari, insinuat. Paulus vero (vt in suis ferme epistolis, & maxime, vbi contra pseudoapostolos scribit, perspicuum est) nullo adhibito tali temperamento, plane se apostolum (quod vere erat) profiteretur. Igitur, vocatus apostolus, forte idem est, quod, existens apostolus. Nam, vocari, Hebraice idem saepe est quod, esse. Vel forsitan, vocatus, dixerit, vt modum, quo apostolatium inerat, demonstraret. Habet enim nominis potius vim, quam participij: vt sit sensus, vocatione apostolus. Ob idque, Graece non participium, sed nomen extat δουλος. Et quanquam non adeo perspicue, vtrunq; tamen internoscitur latine haec differentia. Vbi enim dicimus, Romanorum Reges, & Venetiarum duces, sunt electi, non id tantum enunciamus, quod in individuo, fuerint aliquando electi, sed quod non sunt apud illos nati duces aut reges: non hereditate, aliave ratione obeunt

Ephe. 4.

Vocatus apostolus.

Vocamen.

B impe-

Gala. 4.

Ioan. 15.

Luc. 16.

Seruus duplici.

Seruus Iesu Christi.

imperium, q̄ electione. Quo pacto Dauid & Saul fuerunt etiam reges electi. Sic Paulus vocatus, id est, non natus apostolus, vt ciuis natus Romanus: non hæreditario iure, aut (quo mentem intendit) ex legis meritis, aut q̄ ipse huiusmodi honoris ambiēs, à lege, institutoq; parentum descuiisset, sed quod esset vocatus apostolus, hoc est sola Dei vocatione institutus. Ea enim ratione, qua, dicere, in deo, idem est quod, facere (nā ipse dixit & facta sunt) usurpatissimum erat in lege, vt q̄ ad mun^o aliquod, vel functionē assumebatur à Deo, diceretur vocati: vt Esa. 48. Audi me Iacob & Israel, quē ego voco. Quod alii eodē quinto calu transferunt, vocate mi. Et. 49. Dñs ab vtero vocauit me. Quapropter vtitatissimu est Paulo, conuersos ad fidē, appellare, vocatos: Cuius figure sunt, & hic paulo inferius illa, vocatis Iesu Christi, & vocatis sanctis. Et. I. Cor. I. Ipsi autē vocatis, Iudæis, atq; Græcis. &c. Quin & in veteri lege legimus. Soph. I. Iuxta est dies dñi. Et infra. Sanctificauit vocatos suos. Imò vero ex hoc scripturæ idomate sancti usurparunt sermonem illum, Bernardus vocatus abbas, Anselmus vocatus episcopus, id est, sine meritis propriis vocatione Dei. Cui successit & quod modo in more est, Paulus miseratione diuina Papa. Communiuit præterea Apostolus hac voce auctoritatem suam aduersus pseudoapostolos, qui fidē ei imminuere ac derogare moliebantur, quæ diuinæ auctoritati debetur, eo quod non fuisset electus à Christo, ex quo ratio Apostoli constat, atq; adeo nec eius fuisset reuelationibus imbutus. Quo ergo huiusmodi detractionem propulsaret vocatum se ait Apostolum, diuinitusq; subinde, tum doctrina perfusum, tum etiā adiutum gratia. Huc pertinet quod ad Galat. 2. ait, Qui operatus est Petro in apostolatū circūcisionis, operatus est & mihi inter gentes: atq; id quod ait hic infra, Per quem accepimus gratiam & apostolatū. Quin ad cumulum etiam auctoritatis eius accedit, quod cum alios in natura mortali degens, elegisset Christus, hunc iam cælo receptus euocauit. Neque verò muta sorte, vt Matthiam, sed viua voce, deq; proprio eodemq; congeminato nomine Saul, Saul.

Segregatus in Euangelium Dei.

De illa segregatione hoc quidā interpretatur, vt Hieron. quando missus est gentibus

prædicatum, quoniam à reliquo tunc apostolorum collegio fuit segregatus. Legitur enim Act. 13. Segregate mihi Saulum & Barnabam. Ita vt quod dixerat, vocatus apostolus, hac prærogatiua amplificaret. Attamen phrasis hæc non videtur hunc sensum exhibere: dixisset enim tunc potius, segregatus in gentes, aut quid simile, quo peculiaris designaretur segregatio à reliquis apostolis. Cum ergo ait, Segregatus in euangelium dei, nihil sibi propriè videtur præceteris arrogasse, sed inuis potius ipsum apostolicum descripsisse. Idem enim pollet, Apostolus, quod, segregatus & destinatus ad promulgandū Euangelium. Est ergo hic eleganter vsus rhetorum figura, quā dicunt definitionem. Nam vt quod in genere dixerat. Seruus, idem in specie nomine apostoli explicuit, ita & quæ esset apostoli functio, definitione patefecit. Ambr. segregatus, inquit, à synagoga: vbi & Augustino: nescio quid discriminis perspectum est inter Ecclesiam nostram & veterum synagogam, quippe quod cum Ecclesia Græcis à verbo cadat, quod est, conuoco, synagoga verò ab eo, quod est, congrego, & illud quidem hominibus magis, hoc verò pecorum gregibus congruat, ea inquit, fortè de causa Paulus in Ecclesiam, vbi ratione viuatur, vocatum se dixit, à synagoga verò, segregatum. Hæc Aug. Tameti profecto, segregatus, hic nihil humile significare videatur, sed honorificum. Est enim græce ἀποχωρισμός, quod est selectus, sepositus & secretus. Nā & medici selectas illustresq; sententias ἀποχωρισμός vocant. Quo circa segregatus forsitan ait (quo Chryl. & Orige. propendunt) ab vtero matris suæ, idq; ab æterno. Quæ ratione ad Galat. 1. Cum autem, inquit, placuit ei qui me segregauit ex vtero matris meæ. Hoc enim, quauis alii ex coetu id synagogæ interpretentur Paulino tamen instituto propius apparet, vt de ventre naturalis matris ad literā intelligatur. Cum enim vbiq; atq; in hac potissimum epistola, & ad Gal. negotium suscepisset præscindendi Iudæis supercilium legis, & admonendi, omnia beneficia nobis gratuita Dei voluntate obuenire, perinde est Paulo, de ventre matris meæ, ac si dixisset, nullis meis pensatis meritis, antequam natus essem, more sacris literis consueto. Hieron. 1. Priusquam te formarem in vtero noui te. Et Esa. 49. Dominus ab vtero vocauit me. Et quod hic cap.

Apostoli nomenclatura.

Definitionis figura.

Aug. de ecclesia & synagoga.

Segregatus.

id est apud paulum de ventre matris meæ quod est nullis meis meritis.

late persequitur de Iacob: & Esau, qui antequam essent nati, aut aliquid boni vel mali fecissent, segregati sunt, alter in vas honoris, alter in contumeliæ. Allusio est ergo hæc quòd quemadmodum imperator exercitus ratione & consilio alios signiferos eligit, alios qui exercitum ducant, ita Christus alios euocauit apostolos, alios pastores, &c.

In euangelium Dei.

Tria apostoli officia.

Oeconomia

Atqui consultò non dixit restrictè, Segregatus ad prædicandum Euangelium, quod est vnum particulare officium, ad apostolorum quoque successores deriuatū. Sed dixit simpliciter, in Euangelium, vt dignitates omnes functionesque apostolicas complecteretur. Tria enim sunt apostoli munia, scilicet Euangelium promulgare, idque spiritu prophetico, doctrinam miraculis confirmare, ac demum Euangelii professores gubernare. Elegantissimam idcirco œconomiam in his verbis Pauli videre mihi videor, dū duabus præcedentibus vocibus, vocatus apostolus, duas subinde alteras expositorias, suam vtrique accommodat. Quod enim præmiserat, vocatus, exponit per, segregatus, id est, sine meritis meis altissimo Dei consilio ex mortalium grege selectus: quòd vero dixit, apostolus, id per Euangelicam functionem describit. Ab exordio ergo statim ad causam se insinuat, quam agit. Nempe Romanorum tumore comprimit, qui partim legi naturæ, partim scriptæ beneficia recepta referebant. Nam quod de se ipse pronuntiat, idem illos cōmonefacit, de se ipsis, vt sentiant. Neque mala est præterea coniectura, si quis dixerit, Paulum segregationis verbo ad sectam etiam allusisse Phariseorum, quam in Iudaismo profitebatur. Nam Pharisei non ex eo tantum illo nomine appellabantur, quòd vitæ instituto & vestitus fortasse delectu secreti erant à vulgò, sed inde potissimum quòd legi meditandæ & interpretandæ erant segregati: ob idque pharisei dicebantur, quod Hebræis est, interpretes. Quemadmodum, teste Cicerone, & religiosi à relegendo dicti sunt: vt quorū officium esse debet, legere & (qua vulgi mores componant) philosophiam relegere. Alludens ergo ad Iudaismum in quo erat tunc segregatus in legem Moysis, ait, Segregatus iam in Euangelium Dei.

Pharisei.

Religiosi.

Quod ante promiserat.

Postquā sese Paulus pluribus fortasse quā alibi vsu epithetis apud Romanos cōmendauit, propterea quòd & mortaliū clarissimis

& de altissima fidei materia scripturus, opus habebat contra pseudo apostolos auctoritatē asserere suam, continuo anteq̃ personas nominet, quibus salutem dicit (non tam anxius de rhetoricis preceptionibus, quā spiritui obsequens) trinam parenthesim interponit. Prima est, qua Euangelium cuius meminit, suis titulis ac dignitatibus luculentissime exornat. Enimuero cum functionem apostolicam in Euangelio diuulgando collocasset, necessarium erat, Euangelii, tum rem describere, tum manifestare auctoritatem: iis vel maxime, quibus neque ipse, neque aliorum apostolorum quispiam prædicauerat. Et quidem verbum ipsum, Euangelium Dei, satis præ se maiestatis fert. Nā cum Euangelium, idem sit, quod bonus faustusque nuncius, Euangelium Dei (à quo nihil, nisi eximium promanat) esse non potest, nisi optatissimum, & quod humanas mentes sui nominatione sursum rapiat. Quo proinde verbo (quod Chrysostomus adnotat) functionem suam super prophetarū vaticinia commendat. Diffinit ergo extollitque Euangelium ex suis causis, initisque & qualitatibus: quæ sunt numero quinque. Primum ex auctore Deo qui promiserat. Porro is cum sit (vno etiā consensu philosophorū) immutabilis naturæ, nō potuit nō seruare promissi fidem, & cum nec fallere possit nec falli, nequit esse illud quod reuelauerit, nisi firmæ indubitataque veritatis. Accedit secundo ad pondus Euangelicæ auctoritatis, antiquitas reuelationis: est enim nostrum ingenium, vt quæ noua sunt & de improviso exorta, figmenta esse credamus: ea verò quæ iam olim fuerant, diuinis præsertim oraculis, prædicta, quoniā eorum expectatione tenebamur, facile recipimus. Quamobrem Christus postquā suam discipulis mortem, & à mortuis resurrectionem prædixerat. Hoc nunc, inquit, dixi vobis priusquam fiat, vt postquam factum fuerit, credatis. Et in Actibus apostolus Petrus, quo fidei plus & auctoritatis dictis suis adstrueret, Nos vobis, inquit, annunciamus eam quæ ad patres nostros repromissio facta est. Hac ergo de causa Deus tot antea seculis mittendum à se in carne filiū pollicitus est mūdo, nepe vt tanto mysterio percipiendo sese homines fide exercentes, adpararent: vtpote quòd si exemplo nos imparatos occupasset, ingenti opus fuisset negotio antequam mentibus nostris conciperetur.

Trina parenthesis.

Euangelium

Quinque gradus et gradus

Antiquitas

Per prophetas suos.

Tertia digni
tas.Tertio effert euāgelii dignitatē inde quod
prēnūciāuerit illud De⁹ per pphetas suos.

Hier. 23.

Nā sunt (vt Titū ipse admonet) aliqui pprii
hominū prophete, qui teste Hiere. uisione
cordis sui loquuntur, nō de ore domini, Et
erant demonum oracula, qui patrē mēda-

2. p. 1.

cū geniti miseros mortales prestigiis elude-
bant. Et quālibet gentibus fuerant nōnul-
la de Christo mysteria a suis Sybillis decā-
tata, extarentq; nōnulla venturi praelagia
(qualis erat illa Athenis superscriptio, Igno-
to deo) erant tamē rara hęc testimonia, exi-
liaq; & inferiora, q̄ quibus Apostolus diui-
nā autoritatē cōmuniret. Prophetas ergo
Dei vocat, quibus in aurē arcana sua sugge-
rebat Deus, quę, ceu suo ipsius ore, euulga-
rēt. Qui quidē nō solū de Mēsia autore
euāgelii vaticinati sunt (vt vbiq; apud ip̄os
est cernere) sed euāgelii etiā ipsum de nomi-
ne prēnūciarūt. Dabit. n. inquit Dauid, dñs
verbū euāgelizātibus virtute multa. Et Esa.

Esa. 61.

61. Ad annunciandū mansuetis misit me do-
minus, vt predicarē captiuis indulgentiam.
Et Hiere. 3. i. Dabo legē meā in visceribus eo-
rū, & in corde eorum scribā eam. Nec tantū
a prophetis prēnūciatū est euāgelii, sed lex
ipsa, tota erat vaticiniū Christi: vt infra cap.
3. latius patebit. Vnde & iudæos Christus te-
stimonijs Dauid de sua diuinitate conuin-
cit: vt qui pater eius secundum hominē fue-
rat, testem eundem diuinitatis produceret.
Apertissimo ergo hic testimonio condem-
nantur Manichæi (vt adnotauit Hiero.) re-
pudiantes testamentum vetus, quod euā-
gelio manifestum tribuit testimonium.ex, vatici-
ni Christi.

In scripturis sanctis.

Quarta di-
gnitas.Adiungit quarto loco ad robur euāgeli-
cæ autoritatis, quod prophetarū vetulissi-
ma testimonia per scripturas sanctas perpe-
tuę memorię p̄dita sunt. Nā nisi literis (qui-
bus cū absentibus colloquimur) fuissent ad
nos perlata, neutiquā adstruere nobis pos-
sent fidē euāgelii. Quapropter sanctas (qua
tenus ad rē hic pertinet) nō ob id tantū ap-
pellat scripturas, quod spiritu sancto inspi-
rātē (teste Petro) fuerint sancti loquuti, aut
quod sanctificationem nostram contineāt,
sed pręterea (quod vox ipsa sanctitatis lati-
nis auribus exhibet) quia integrę, purę, in-
corruptęq; sunt, & quibus nihil potest vel
falsi, vel ambigui esse commixtū. Nā nisi au-
thor earum spiritus sanctus incontamina-Scripturā
sc. scriptas.

tas, illibatasq; seruasset, nunquam pro diui-
nis haberentur. Fuit equidem Lacedæmo-
nijs, Atheniensibus, Romanis, ethnicis de-
niq; vniuersis religiosum ac solenne, leges
suas & scita in eis incidere, quo essent in san-
cta custodia: tamen (vt Iosephus in lib. de iu-
dæorum antiquitatibus, & Euseb. lib. 3. re-
fert) nulli vnquam genti tanta fuit religio,
suas leges ab omni corruptione & prauari-
catione pręseruare, quanta Hebreis. Quip-
pe qui quando sub tentorijs vagi oberra-
bant, caltraq; vno atq; altero subinde loco
metabantur, tunc iussu dei in arca de lignis
setim auro mundissimo intus & foris deau-
rata, aureaq; micante corona, legem (vt quę
euāgelio daturā erat testimonium) decre-
tis ex primoribus, qui humeris baiularent,
ante castra pręferebant. Pro qua tuenda vi-
tam exponere erant paratissimi. Hanc po-
stea in templo, quo populus quotidie sacri-
ficatum confluebat, & intra sancta san-
ctorum reconditam venerabantur. Qua de
re scite August. scriniarios nostros. existi-
mat Iudæos, codicem portantes vnde Chri-
stianus credat. Vide quanta sapientia Pau-
lus autoritatem euāgelii veluti inter Scyl-
lam & Charibdin nauigans, a suspitione, tā
nouitatis, q̄ antiquitatis asserit. Nam quia
noua, vana esse solent, a vetustate comen-
dat euangelium, sed quia temporis longin-
quitas multa nutrit fabulosa, testes summę
authoritatis adhibet, quorū vaticinia in sa-
crario scripturarum ad nos vsq; fidelissimē
asseruata sunt. ¶ Sed obiciat hic q; fortē,
quod ab apostolorū seculo nō fuerit nobis
sacrorum bibliorū volumina tāto studio ac
religione scrinijs obsignata, id quod absq;
responso, vel hoc maximē tempore, non est
prętereundum. Responso autem est, quod
legis nostrę, quę apostolico testimonio
spiritualis est longe aliam spiritus sanct⁹ ha-
bet rationē & curam, videlicet vt absq;
corporeis illis impedimentis integram fidem
scripturarū custodiat per autoritatem Ec-
clesiæ. Duo enim (vt. 2. 2. q. 6. author est S.
Thomas) sunt ad assensum fidei necessaria,
scilicet habitus intellectus, quo inclinamur
appellimurq; ad credendum ea quę a Deo
reuelata sunt. Et pręterea vt ipsa nobis ea-
dem proponantur, hoc est, indubitato con-
stituatur, quānam sint illa quę sunt reuela-
ta. Et vtrumq; donum est supra naturale: a-
liās non posset in Ecclesia vna constare fi-
des. Quoniam neq; villæ coniecturę, ratio-
nes,

Iosephus.

Custodia

Scripturę in
legē veteri.Iudæi scrinia
rii nostri.

Questio.

Certitudo
ScripturarūDuo ad fidē
necessaria.

nes, aut testimonia humana certissimam fecissent fidem (qualis est catholica) hæc aut illa diuinitus enunciata, nisi nobis id cõ-
litus indicaretur. Neq; illis rursus super ca-
ptum nostrũ propositis prõptissimo obse-
quio quiuus præberet assensum, nisi numine
afflatus, vt ea crederet, quæ naturalis ratio
non suadet. Habitũ autem, quo inclinamur
ad assensum, Deº nobis infundit, sed autho-
ritatẽ infallibilem proponẽdi elargitus est
Ecclesiæ, vbi Petrũ vniuersalẽ pastorem &

*Authoritas
Ecclesiæ cir-
ca scripturã
sacram.*

vicarium instituit: & vbi ait, Ego rogavi pro
te, vt non deficiat fides tua. Hac autem au-
thoritate proponendi nobis fidem bifariã
Ecclesia fungitur. Primo definiendo, hunc
illum esse authorem diuinum, puta hunc
esse Moysen, Esaiam, Matthæũ, vel Paulum,
vel ex aliis vnumquemlibet. Secundo expri-
mendo hunc vel illum sensum ex sacra scri-
ptura, decernẽdoq; illũ esse de fide: vt quod
spiritus sanctus à patre filioq; pcedat, quod
mater Christi fuit mater Dei, quod fuit vir-
go perpetua, & id genus cætera. De hoc ve-
ro secũdo munere nihil ad rem modo, sed
propter primum ait cõtra epistolã Mani-
chei cap. 5. Aug. Euangelio nõ crederem ni-
si me Ecclesiæ catholice commoneret autho-
ritas: quod est, nisi Ecclesia mihi, vt hoc esse
Euangelium crederem, iuberet. Non enim est
illius sententiæ Aug. quod Ioãnes aut quiuus
alius apostolorũ aliqua Ecclesiæ authorita-
te indigeret, vt fides ei esset certissima adhi-
benda, si modo cõstaret hunc esse apostolũ.

*Aug. Euãg.
non cred.*

Est enim apostolis, ceu in diuinis organis,
authoritas ipsiº Dei, quibº proinde etiã an-
gelus de coelo (vt ait Paulus) aliud euangeli-
zaret, firmissima debetur fides. At q̃ hæc sit
apostolica doctrina, aliussve cuiusq; autho-
ris sacri, Ecclesiæ munus est pronũciare. Por-
rò autem hac ratione necessariũ nobis fuit
diuinitus consultum iri. Nã quãuis autogra-
pha ipsa apostolorũ (vt contra Faustum li.
28. ait Aug.) alicubi relicta essent, quin etiã
si Christus ipse seruator noster legem in ta-
bulis æneis incidisset, quæ ad nos vsque su-
perstites, essent, nõ haberemus certissimã fi-
dem, quæ esset catholica & diuina, hæc esse
scripta Christi aut apostolorũ: quippe qui
nõ possemus nõ hesitare, an forsan illis quæ
ipsi scripserunt pereũtibz, alia fuissent sup-
posita. Adde quod etiã si hominẽ statuisset
perpetuũ, vel certe angelum, qui nobis esset
scripturarũ custos ac testis nõ esset tãta cer-
titudinis scripturarũ, quãta est necessaria ad fi-

*Aug. docu-
mentum.*

dem catholicam. Vnum enim principũ fi-
dei est, hos quibº vtimur, libros esse canoni-
cos. Et ideo concludit Aug. necessariã fuisse
publicã Ecclesiæ authoritatẽ, cuius dicto de
hac re stãdũ esset. Qua de re insanissima fuit
heresis Vuitcles, qui referẽte Vualdẽsi, t. 2. Vuitcles. in-
cap. 19. ne ecclesiasticã admitteret de hac re
sania.
authoritatẽ, fateri mallebat, huius esse celi-
tus reuelationis subsidium implorandũ. Quã
amentia & ab inferis reuocauit Lutherº, ne-
que sui relinquere volunt. Sed quinam sunt
q̃ hæc vnq̃ reuelationũ lumina peculiariter
receperint? aut quomodo tuti esse, securiq;
possunt, nõ venire ab angelo Satanæ, qui se
pe in angelũ lucis trãformatur? Longẽ pro-
fecto tutius ac sanctiº nos instituerũt Eccle-
siæ patres, vt præter Augustinum vetustissi-
mus Irenæus aduersus Valentinianos lib. 3. & Irenæus.
de præscriptionibus hereticorum Tertullia-
nus: nempe quod apostolorũ aliorumq; sa-
cros codices, nisi Ecclesiæ decreto, fide certa
tenere nõ possumus. Atq; hoc demũ Nico-
laus Papa. 19. d. cap. Si Romanorũ scripto de
finiuit. Hac ergo ratioẽ scripturas illibatas
indubitatasq; & (vt ait Paulus) sanctas reti-
nemº, q̃ certissimi atq; tutissimi per fidẽ ca-
tholicã sumº, paracleto spũ, quẽ filiº à patre
nobiscũ eternũ permãsurũ misit, curẽ esse,
vt quoties Ecclesia hũc vel illũ sacrorũ cano-
nẽ p̃scripserit, nullatus error subesse queat.

*Cap. Si Rom.
d. 19.*

De filio suo.

Materiã deniq; ac subiectũ sancti Euãge-
lii subiungit, vt celeberrimã eius, augustissi-
mãq; authoritatẽ ex quinq; (vt diximº) no-
minibº cõcludat: sanẽ q̃ & à Deo, & tot ante
seculis, & per eximios pphetas, & in sanctis
simis scripturis, & de filio suo promississet.
Qua vtiq; rōne mundũ in magnã spẽ vettu-
ri Dei mitteret, ingentiq; afficeret cupidita-
te vidẽdi, quo maiori venientẽ alacritate &
obsequio exciperẽt. Hoc enim suggerebat
ipse nobis saluator noster, vbi dicebat, Mul-
ti prophete & iusti cupierũt videre, quẽ vos
videtis. ¶ Sed nũquid Euangelium de filio est
solo? an nõ de tota etiã trinitate? Profecto to-
ta in ipso trinitas nobis innotuit. Nã etsi deũ
quod vnus esset, & rerũ genitor, philosophi
(licet id quidẽ hallucinãtes) cognouissent,
& pphetæ de mysterio trinitatis qualẽ qua-
lem fecissent sub vmbra mẽtionẽ, personas
tamẽ illas vnus essentiẽ de noĩe, ante euãge-
lium, nõ nouerat mundus. Quamobrẽ Chri-
stus morti proximus, Pater, inquit, venit ho-

*Quinta di-
gnitas.*

*Quæstio de
filio suo.*

Ioan. 17.

ra, clarifica filium tuum, vt filius tuus clarificet te, vt cognoscant te solum Deum, & quem misisti Iesum Christum. Ego te clarificauit super terrā, &c. Et de triade tota paulo ante, Ego rogabo patrem, & alium paracletum dabit vobis. Quocirca iussi sunt apostoli prædicare Euangelium, baptizantes in nomine patris & filii & spiritus sancti. Quid ergo est quod ait, de filio suo? Hoc sane quod Euangelium de re noua est, videlicet de aduentu Dei, pater verò non est, sed neque spiritus sanctus carnem indutus. Qui ergo venturus prænunciatus est, quique nostram salutem est operatus, filius fuit, & ideo Euangelium promissum propriè est de filio. Cui veruntamen, demandatum negotium est, vt altissimum trinitatis mysterium annunciarer, vtpote cuius fides & professio ad nostram nobis salutem necessaria est. Neq; verò Paulus trinitatis hic notiones tacitus præteriiuit. Nam vbi ait, Euangelium Dei, patrem designat, vt de quo subdit, qd' ante promiserat de filio suo, Quod vero interiecit, per prophetas suos in scripturis sanctis, spiritum sanctum insinuat, prophetarum doctorem. Perinde ergo est, ac si dixisset, Euangelium, quod pater per spiritum sanctum de filio suo promissit. ¶ Vt autem hanc descriptionem Euangelii expediam, dubitatio altera est, quid nomine intelligat Euangelii. Vtrum historiam quatuor euangelistarum? hæc enim peculiari-ter censetur hoc nomine; quibus tamen euangelistis Paulus non annumeratur, an verò prædicationem intelligat suam, quam videtur 2. Timoth. 2. appellare Euangelium suum? Respondetur, quod nomen Euangelii id penitus significat, quod bona annunciatio: vt euangelizo vobis gaudium magnum, Luc. 2. Sed tamen ecclesiastico iam vsu, verbis prophetarum & apostolorum receptissimo, tantum vsurpatur pro annunciatione & prædicatione, quæ sit de Christo per diuinam reuelationem. Atq; hic tripliciter. Primo modo Euangelium idem est quod diuina prædicatione de Christo, seu venturo, seu iam incarnato, quomodo & priscorum prophetie & prædicationes, Euangelium dici possunt. Vt Esa. 40. Ascende tu qui euangelizas Sion. Secundo autem strictioreq; modo idem est quod annunciatio, id est, publica prædicatione ex diuina reuelatione de Christo incarnato, qua scilicet annuncietur factus secundum carnem (vt subdit hic Paulus) & prædestina-

tus filius Dei in virtute in salutem omni creditur: atque hoc pacto accipit in præsentia. Quod enim vocatus hic ait & segregatus in euangelium, repetit, i. ad Cor. i. dicens. Non enim misit me Christus baptizare, sed euangelizare. Et Gal. i. Cum placuit ei qui me segregauit ex utero matris meæ & vocauit per gratiam suam, vt reuelaret filium suum in me, vt euangelizarem illi in gentibus. Quam nimirum notionem prædicationem suam, siue verbo, siue scripto appellat euangelium suum, atq; hac ratione totum nouum testamentum appellatur lex euangelica, vt distinguitur à lege veteri. At tertio modo historia ipsa prædicta Christi vsq; ad ascensionem & eius propria de se ipso prædicatione dicitur arctissime euangelium. Atq; hac ratione secernitur à reliqua parte noui testamenti. Neq; ita multum referret, si hoc modo acciperetur in præsentiarum. Nam ipsa prædicatione apostolorum, explicatio fuit prædicationis Christi: tamen si significanter accipitur secundo modo. Scripta verò aut prædicationes aliorum sanctorum post apostolos, quinimo neq; ecclesiastica decreta digna sunt nomine euangelii: quia non sunt immedie reuelationes Dei, vti sacerdos, etià si fauore & (quod aiunt) manu neta spiritus sancti, Ecclesia errare nequeat.

Qui factus est ei ex semine Dauid secundum carnem.

Quoniam in explanatione euangelii filium Dei nominauerat, secundam illico de ipso parenthesin subtextit, qua mysterium totum sui aduentus trino sermone dilucidat. Primo quod qui sempiternus est vni-genitus patris, Deus verus de Deo vero, per quem vniuersa sunt condita, idem ipse in tempore verus factus est homo. Secundo quod idem vere Deus & homo in hoc prædestinatus est filius Dei in virtute, vt potestatem nobis faceret filios Dei fieri, quo post mortalem hanc vitam altera nos donaret æterna. Et tertio quod per ipsum Dei & hominum mediatorem cuncta nobis proueniunt beneficia diuina. Igitur dum ait, qui factus, &c. discernit filium naturalem, de quo promissum fuerat euangelium, ab adoptiuo. Vnde Hilar. Hic verus & proprius filius: origine, non adoptione: veritate, non nuncupatione: natiuitate: non creatione. Addubitat autem hic Chrys. cur fuerit ab homine auspicatus, cum humana natura in Christo ignobilior sit, quam diuina: vult tamē

Gal. i.

Trinitatis
notiones.Quid notet
Euangelii.Euangelium
trifarium di-
citur.Secunda pa-
renthesis.

Hilar.

Chrys.

tamē responsum esse, quòd ordo & via fuerit, vt ab imis ad summa perduceremur. Ad iungere veruntamen ad causam possumus, quòd ordinem obseruauerit Apostolus cognitionis nostrę, quę porrò cum à sensu oritur, à corporea humanitate ad diuinitatē p̄greditur. Aut certe, quòd cū dicēdo, de filio suo, diuinitatē iā Christi designasset, naturā assumptā proxime subnexuit, vt inde quasi circulo quodā ad diuinā iterū reuerteretur, dicēs, Qui prędestinatus filius Dei. ¶ Sed alia paululo grauior de hoc subit me cogitatio. Cur ex semine Dauidis et nō poti⁹ Abrahę enunciat Christus factus. Intelligere nanq; mihi videor idcirco Paulum hic ex semine, nō Abrahę, sed Dauidis dixisse, quòd vulgo Christus filius Dauidis fuerit olim celebriter nuncupatus, Abrahę verò non itē. Nā interrogati pharisęi, cuius fili⁹ Messias esset, respōdent, Dauid. Et quoties miserēū supplices misericordiā postulatum adibant honoris gratia filiū appellabāt Dauid. Sed verò hæc est quę me cōtra submouet hesitatio. Et si Dauidi quoq; postea facta fuerit p̄missio, de cuius fructu sessur⁹ Messias foret super sedē eius, tamē primus cui arcanū venturi detectum est, & cui primū sp̄sio facta, & cū quo primum, data acceptaq; fide, percussus est foed⁹, Abrahā planē fuit. Ille characterē circumcisionis accepit, cui⁹ minister (teste Paulo) missus est Christus. Deniq; cū populo illi tā erat ḡiosum, esse genus Abrahę, quippe qui eius se filios prędicabāt, quare Christus non pari causā tam dicebatur Abrahę filius, q̄ Dauid? Pręterea cum toties (vt est in lib. Gen.) repetita sit benedictio seminis Abrahę: vt, In semine tuo benedicentur oēs gentes. Et, Multiplicabo semen tuū super arenam maris & super astra cęli, cur Paulus non pulcherrima vsus est hic allusio ne illius seminis, vt diceret, Qui factus est ei ex semine Abrahę, scilicet vt eadē voce qua fuerat p̄missio facta, pronūciaretur impleta? Causam fortē huius sic possumus conuicere. Binus fuit generis delectus factus venturo Messia, prior quidē certę selectęq; gētis ex orbe vniuerso, q̄ esset illustrissima, quęq; lege & more fidē venturi Dei profiteretur. Hic factus est in Abrahā, cum quo De⁹, quasi cum persona publica toti⁹ orbis de salute humani generis pactus est, qui proinde carnis fuit caractere signatus, quo esset genus ipsius internotum. Hac de causa vti Romanis, Lacedęmoniis, Thebanis, singulis de

niq; gentibus, suum cuiq; gētile nomē erat, ita & circuncisus ille populus, filii Abrahę nuncupabantur, quasi populus Deo elect⁹, vniq; Deo colēdo addictus. Sed alter fuit delectus familię ex illo populo, quę esset Christi prosapia, & hic factus est in Dauid. Quocirca reiecta domo Saul, arbitrio Dei select⁹ est rex, quo etiam honoris fastigio genus Christi secundum carnem nobilitatū esset & illustre. Ob idq; prophetę non vaticinabantur venturū ex semine Abrahę (id enim ex vetusta sponsione Dei firmum erat) sed ex familia Dauid. Egre dietur virga de radice Iesse. Et, Suscitabo Dauid germen iustū, & alia id gen⁹ plurima. Igitur sicuti, licet Romani à Romulo, tamē nobiles pręclariq; inter illos à propria familia cognominabātur Camilli, aut Cęsares, ita Christus, non filius Abrahę, sed Dauid nuncupabatur. Quam obrem (quę mea est existimatio) Matth. in cap. genealogię Saluatoris nō proposuit, Liber generationis Iesu Christi filii Abraham sed filii Dauid, qui Dauid fuit filius Abrahę. Hac itaq; ratione Paulus ait, Ex semine Dauid. Quo pręterea titulo excellētiā Christi sanguinis prędicat: nimirū qui regibus illius gentis fuerit progenitus. Sed tamē, secū dum carnē, vt contra Foti. & Arri. alteram habere sempiternā Dei naturā, insinuaret. Pronomen, ei, nō habent gręci oēs codices, *Factus est ei.* quod tamen cuncti habent latini. Et quauis non adeo sit magni momenti, habet tū significationis non nihil, vt non absolutē dicatur factus: sed Deo patri factus ea loquendi forma, qua dicimus, Natus est Philippo Hispaniarū principi fili⁹: more vsitatissimo scripturę. Vt Agar peperit Abrahę filiū. Et *Gen. 16.* natus est ei ex Agar Ismael, &c. De Theologia verò harum prędicationum, Deus fact⁹ est homo, qui tamen homo non est factus Deus, & de hęreticorum erroribus, qui nascentem Ecclesiam de hac re molestarunt, non est pręsentis muneris dicere, sed ad tertium pertinet sententiarum librum. Origenes obseruat vocem, carnē, quasi illa ratiōe fuerit posita, quòd anima, q̄ non traducitur de potētia materię, nō tam propriē fit, q̄ caro. Attamē forsan nō huc cōspexit, Paulus, sed noīe carnis totum intellexit hominē, vt Esa. 66. Veniet omnis caro, vt adoret corā facie mea. Quod cōtra Arrium facit, qui dicebat Christum nō assumpsisse animā, sed verbū ei fuisse p̄ anima. Expresserūt pręterea hominem nomine carnis, & Ioan. Vbi ait, Et

verbum caro factum est, & in presentia Paulus, vel quò magis clemētiā & humilitatē Dei ab infimæ partis assumptione cōmendaret, vel (quod mihi potissimū probatur) quia infirmitas carnis & concupiscentia aduersus spiritū, a originali peccato pullulās, nostrorum est actualium causa. Et ideo qui in hoc de cælo descēdit, vt peccata deleret, factus caro prædicari voluit, vt per illam vilem imbecillamq; naturā, qua victus homo est, & seruus peccati, intelligeret se, Christo victore, redemptum. Nihil est cur cum grāmaticis disceptemus, dicendum ne sit, fact⁹, an verò genitus. Nam primum græce γέννητός est, per simplex υ & ο micron quod est fact⁹, nō γινώσκουσιν per duplex, & ω mega quod est, genito. Et præterea similiter Ioā. ait, Verbum caro factū est. Ad hæc, factus, significatius explicat, op⁹ fuisse spiritus sancti absq; virili semine, genit⁹, nāq; suspicionem iniiceret, quòd esset genitus humano more.

Qui prædestinatus est filius Dei in virtute.

Postquam Christum de humana natura declarauit, prosequitur de diuina dicere. Sunt autem verba hæc de quibus enarratores magno interuallo disidēt. Primum omnium latini codices summo consensu habēt prædestinatus, græci verò, quanuis plurimi habent ἐπιδοτεῖς, id est, destinato, est tamen prægrande argumentum habuisse olim aliquos προορισθέντες: prædestinato, alias nemo vertisset, qui prædestinatus est. Tamen si Origenes solis in latinis codicib⁹ affirmet esse, prædestinatus, nisi forte eius interpretes literam vitiauit. Græcum etenim Origenem non vidi, quem consulerem. At non tanti referre ad rem existimo particulam, præ, vt de illa sit pertinacius depugnandum. Est autem ἐπιδοτεῖς, idem quod definitus, ab ἐπι(ω, vn de ἐπισμός, quod philosophis est definitio. Quanuis alii vertāt declaratus (quod idem est) & alii, pronunciatus. Origenis autem fides interpretes trāsferat, destinatus. Hinc inter te. Orig. & August. Origenem & Augustinum conflata lis est. Aug. tum alibi crebro, tū in de prædestinat. sanct. cap. 15. ait. Christum, quatenus homo est, fuisse prædestinatum. Orig. vero negat: neq; tamen alia de causa, nisi quòd particula, præ, antecessiōem temporis importat. Et ideo, prædestinatus, inquit, nemo, nisi qui aliquando non fuit, Christus autem, vt qui semper Deus fuit, destinatus quidē est, at nō

prædestinatus. Chrysostomus autem nō significationem (vt Origenes) destinatus, amplectitur, sed illam prorsus quæ est, definit⁹ & declaratus: qui idcirco hic nullū reputat subesse respectum ad Deum mittētem filiū in carne, vt ab eo fuerit aut prædestinatus, aut destinatus, sed duntaxat censet significari, quòd fili⁹ Dei qui in mortali carne apparuit filius Dauid, patefecit & declarauit se esse Deum, ex illa virtute spirit⁹ sancti, qua resurrexit à mortuis. Iuxta illud Ioan. 2. Soluite tēplum hoc (quo cognoscatis me esse hominem) & in triduo (vt manifestem me esse Deum) reedificabo illud. Et Ioā. 8. Cum exaltaueritis filium hominis à terra, tūc cognoscetis quòd ego sum. At quāquā sensus hic non adeo à Pauli contextu (præsertim græco) abhorreat, mirari tamē certe satis nequeo, cur tanta concordia & applausu his retro annis triginta susceptus, omnibus sit & probatus, vt D. Augustinum eiusq; affectatorē, D. Thomā atque alios non vulgaris existimationis viros, quasi indignos, qui audiantur, explodant: cū tamē, si quam in hac epistola causam agit Paulus, meliori mente attenderent, non nihil fortē de rigore cēsendi remitterent. Est enim eius (vt sæpe diximus) institutū, Romanos ita instruere & cōformare, vt crederent, neminem filiorū Ade humanis operib⁹ assequi posse iustificationis beneficium, sed sola gratia & misericordia Iesu Christi. Ex quo manifeste colligitur, iustificationis eiusdē nullā aliā causam fuisse (vt cap. 9. fusi⁹ dicturi sumus) q̄ diuinā eternamq; prædestinationē. Nā si dū iustificamur opera nostra non sunt causa quæ antecedit volūtātē Dei, sed Deus præuenit, consequens fit, vt neq; dum nos ab æterno prædestinauit, opera nostra prospexerit, tā q̄ causam, sed quia prædestinauit nos ad gloriā destinauit ad gratiā: & ideo statuit dispo-

Indignè citatur sensus August.

Paulinū institutum.

Prædestinatio.

Nulla est inter August. & Chrysost. discordia.

Discordia inter Orig. & August.

semper videtur libero arbitrio. Nam si ita de Chry

de Chrysoſtomo ſentiunt, vt qui opera noſtra, quatenus primam iuſtificationis gratiam antecedit, cauſam illius & meritū eſſe crediderint, Pelagianū eū planē faciunt, quā notā doctiſſimo & ſanctiſſimo Chryſoſtomo inurere, impietas eſſet. Si tamē ita eum intelligunt, vt agnouerit iuſtificationem eorum, qui libero iam arbitrio vtuntur, ita Deum ab æterno præordināſſe, vt nemo niſi aſſentiens vocationi & inſpirationi ipſius, & motioni cooperans, iuſtificetur, hoc ipſum eſt, quod Theologi oēs docti, ipſiſſimum Auguſtinum ſecuti, cuius dictum eſt, Qui creauit te ſine te, nō iuſtificabit te ſine te. Sin verō velint gloriam qui ſupremus eſt prædeſtinationis ſcopus, nō niſi propter propria præuiſa opera cōferri, id qui dem de adultis nemo negat: vt cap. 2. dicturi ſumus. At nullatenus conſequitur, Deus ſta tuit Laurētio ob martyrium gloriā, vel augmētum gloriæ: ergo martyrium fuit cauſa vt prædeſtinaretur. Præordinamur enim ad gloriā, & ideo ad præueniētem gratiam per merita Chriſti, vt per officia noſtra, coopera nte Deo, perueniamus ad eandē gloriā. Ob idq; opera ſunt cauſa, nō quidē prædeſtinationis, ſed effectus eius, vt cap. 9. planē elucidabimus. In paruuliſ verō ſola merita Chriſti cauſa exiſtunt tam gloriæ, q̄ gratiæ, vt cap. 2. oſtenſuri ſumus. Vt ergo ad Paulinum pro poſitum redeamus, cū aduentus Chriſti cauſa fuerit iuſtitia noſtra, operæ præcium duxit ſtatim in frōte ipſa epiſtolæ ſcopū ob oculos figere, quo totam referre ſtatuerat: nēpe hanc filij Dei manifeſtationem in carne nō ex cōdignis meritis huma ni generis, ſed ex æterna & gratuita prædeſtinatione Dei nobis obueniſſe. Hoc re vera tū cūctis antiquis Latinis, tū præcipuē Auguſtino prudēter exploratum eſt, & ſapiēter perſpectum. Cuius ideo verba in lib. de prædeſt. ſanct. cap. 13. non pigeat audire, eos præfertim, qui D. Thomæ inuētum hoc eſſe putant. Præclariſſimū, inquit, lumē prædeſtinationis & gratiæ ipſe ſaluator eſt, ipſe mediator Dei & hominum homo Chriſtus Ieſus. Ille enim homo vt à verbo patri coæterno in vnitate perſonæ aſſumptus filius Dei vnigenit⁹ eſſet, vnde hoc meruit? quod eius bonū qualecūq; præceſſit, vt ad hanc ineffabilē excellentiā perueniret? Et infra, Appareat itaq; nobis in noſtro capite ipſe fons gratiæ, vnde ſecūdu vniuſcuiuſq; men ſuram ſe per cūcta eius membra diſfundit.

Fit ea gratia ab initio fidei ſuæ homo quicūq; Chriſtianus, qua gratia homo ille ab initio ſuo factus eſt Chriſtus. De ipſo ſpū eſt hic renatus, de quo eſt ille nat⁹: eodē ſpi ritu fit in nobis remiſſio peccatorū, quo ſpi ritu factū eſt, vt nullū haberet ille peccatū. Ipſa eſt igitur prædeſtinatio ſanctorū, quæ in ſancto ſanctorum maximē claruit. Quā negare quis poteſt rectē intelligentiū eloquia veritatis? Nam & ipſum dñm gloriæ (inquā tum homo factus eſt Dei filius) prædeſtinatum eſſe dicimus. Clamat doctor gētium in capite epiſtolarū ſuarū, Qui prædeſtinatus eſt fili⁹ Dei, &c. Et paulō inferius cōcludit, Sicut ergo prædeſtinatus eſt ille vnus, vt caput noſtrū eſſet, ita multi prædeſtinati ſumus, vt membra eius eſſemus. Humana hic merita cōticeſcant quæ perierunt per Adā, & regnet, q̄ regnat, Dei gratia per dñm noſtrum Ieſum Chriſtum. Quiſquis in capite noſtro præcedentia merita ſingularis illius generationis inuenerit, ipſe in nobis membris eius præcedentia merita multiplicata regenerationis ingrat. Hæc illic Aug. atq; hiſ etiā plura in hoc argumentū confert in lib. de bono perfeueratiæ. & ſuper Ioan. tract. 110. Neq; verō ſolū ppter Auguſtini authoritatē hæc retulimus, quanq̄ & dignus ipſe erat, cuius huc testimoniū accerſitum curare: ſed in hoc quoq; tot verba retulimus, vt liberum lectore docilem, attentumq; habere mus, quēadmodū Pauli ratiocinatio hæc eſt, quod ſi noſtra ſingulorū iuſtificatione ſine præuiſis meritis noſtris fit, idē ſolidiori ratione & de Chriſti aduentu conſiteremur. Nempe vt tumorē iam hinc retundere inci peret Iudæorum, qui (vt in prologo præfati ſumus) ſuis meritis arrogabāt incarnationem Chriſti. At arguunt quidā, quod ſaltē nihil hic Paulus de prædeſtinatione Chriſti ad gloriā cogitauerit, in quo tamē verā conſiſtit prædeſtinationis ratio. Ad hoc primum reſpōdetur, q̄ neq; Aug. neq; alij doctores aiunt niſi quod fuit prædeſtinatus, vt eſſet filius Dei in virtute (vt ait Paulus) & caput ac redēptor noſter. Sed præterea dicimus, hoc pertinere ad verā prædeſtinationē: cū quod prædeſtinari vt eſſet fili⁹ Dei, includit gloriā eius: quādoquidē ratione diuini ſuppoſiti debetur illi & gloria, etiā ſecundū humanitatem: tum præcipuē quod cū redēptio fuit cauſa noſtræ glorificationis prædeſtinari vt eſſet redemptor, verē pertinet ad prædeſtinationē noſtrā, quæ fit ad gloriā.

B 5 Obuiā

Auguſt.

Paulinū pro poſitum.

Aug. de prædeſtinatione.

Argumentū.

Reſponſio.

*Orig. cōtra p̄destinatio-
nē Christi.* Obuiam huc nihilo secius exit nobis Orige-
nes, quod non prædestinatur, nisi qui non-
dum est, sed futurus est, idcirco quod, præ,
anteceffionem designat: Christus autem,
qui Deus est, coæternus est patri. Haymo.
hac de causa ait, quod humanitas quæ an-
tea non erat, prædestinata est vniri verbo.
Est tamen hoc, vt verum sit, sanè intelli-
gendum de homine. Nam non prædesti-
natur, nisi suppositum cuius est agere pro-
pter finem, quo destinatur: humanitas ve-
rò non agit. Secundum hæresim Nestorij,
Nestorius. qui dicebat suppositum alterum humanū
coniunctum esse diuino, huic locus esset re-
sponsioni, nobis autem nequaquā cōgruit,
vt qui vnum suppositum vtriusque confi-
temur naturæ. Respondetur ergo primò,
*Respsio de
p̄destina-
Christi.* quod non ita multum dimicamus de vocu-
la illa præpositionis. Etenim, siue, prædesti-
natus, legatur, siue, destinatus, satis est, pro-
positū Dei aliquod æternū significari abs-
que vllis nostris meritis filium destinantis,
vt idem esset Deus & homo. Quod certè
Origenes non negat, sed solum contendit,
quod nos prædestinati, Christus verò non,
nisi destinatus dicendus sit: cum quo sen-
tit Hieronymus in enarratione epistolæ ad
Ephes. cap. 1. Idcirco forte quod destinari
est respectu rei iam existentis quæ ad futu-
rum opus ordinatur: prædestinari autē re-
spectu rei quæ nondū est. Ceu si quis eum,
quē iam habet filium, rei vxoriæ destinet,
*Legitima re-
spsio.* cum verò, qui nondum natus est, coelibatui
prædestinet. Verum & secundo responde-
tur, q̄ particulam ipsam, præ, quæ in exem-
plarib⁹ Latinis vniuersim legitur, tueri pos-
sumus. Etenim inter alia quæ Christo se-
cundum humanā naturam competunt, nō
autem secundum diuinam, vt vulnerari, fa-
mescere, sitire, &c. venit etiam, prædestinari,
quoniam licet persona semper fuerit filius
Dei, ob idq; non concedatur quod homo
Christus fact⁹ est filius Dei (quod dicit rea-
lem inceptionem diuinitatis) sed quod fi-
lius Dei factus est homo: tamen quoniam
prædestinatio solum dicit actum mētis, tu-
to affirmare possumus, quod Christ⁹, qua-
tenus existit in humana natura, prædesti-
natus est esse filius Dei in virtute: iuxta ver-
bum Augustini loco citato de prædestina-
sanct. vbi ait, Prædestinatus est ergo Iesus,
vt qui futurus erat secundum carnem filius
Dauid, esset tamen in virtute filius Dei se-
cundum spiritum sanctificationis. (In virtu

te.) Clarissime nunc ablatius hic lucet, di-
stinguit enim inter nostrā & Christi præ-
destinationem, nimirum quod nos præde-
stinamur esse filij Dei adoptiui, Christus ve-
rò prædestinatur esse filius Dei in virtute,
seu potentia, id est, filius naturalis, vt am-
plius iam nunc explicabitur.

Secūdū spiritū sanctificatiōis.

Hebraismus est, Hebræi namque adie-
ctiua sæpenumero reddunt per genitium
nominis verbalis, vt, vas electum, vas ele-
ctionis, odorem suauem, odorem suauita-
tis. Et ita spiritum sanctum, spiritum san-
ctitatis (vt aliqui vertūt) sed tamen melius
habet, spiritum sanctificationis, vt exprima-
tur per participium, quod est, spiritum san-
ctificantem, Est enim hoc in re præsentī si-
gnificantius. Sēsus quippe est, quod cū nos
prædestinati sum⁹, vt Deo in filios adopta-
ti, sanctificemur, Christus prædestinatus
est esse filius Dei in virtute spiritus sancti-
ficantis nos, per remissionem peccatorum.
Iuxta illud. 1. Corinth. 1. Qui factus est sa-
pientia nobis à Deo & iustitia & sanctifi-
catio. Et cap. 6, Sed sanctificati estis in no-
mine domini nostri Iesu Christi & in spi-
ritu Dei nostri. Quocirca verbum hoc non
tam propriè referri videtur ad opus illud
spiritus sancti, cuius obumbratione conce-
ptus est Christus, vt quod in virgine nasce-
retur, sanctum esset. Licet hunc etiam sen-
sum, præter alios doctores odoratus fue-
rit in his verbis Augusti. loco proximè ci-
tato de prædestinatio. sanct. Non tamen, in-
quam, tam propriè ad hoc refertur, quàm
ad spiritum per quem nos ipse sanctificat.
Est enim diffinitio hæc præcedentis verbi,
in virtute, Nempe quod prædestinatus sit
in ea virtute, qua nos sanctificaret: sic nan-
que cap. 3. concludit, vt sit ipse iust⁹ & iusti-
ficans. Iuxta illud Ioan. 1. Dedit eis potesta-
tem filios Dei fieri. Quapropter & super
ipsum baptizatum spiritus sanct⁹ descendit,
& eius facultatemq; habet donādi spiritum
sanctificatē. Secundum illud, Paracletus
quem ego mittam vobis. Et, Sicut misit me
viuens pater & ego mitto vos. Accipite spi-
ritum sanctum, quorum remiseritis peccata
remittuntur eis, &c. Quamobrem haud di-
splicet eorum lectio, qui non illic faciunt
comina, qui prædestinatus est filius Dei: sed
orationē ita continuant, vt prædestinatio in
totū præseat, quod est, filius Dei in virtute
secun-

Hebræi adie-
ctiuis carēt.

sanctificatio.

Ioan. 1.

10. 15. & 20.

secundum spiritum sanctificationis. Nam et si homo Christus omnem haberet (vt erat) potentiam Dei, non tamen predestinatus est esse filius Dei ad vniuersa patranda quae virtute diuina poterat, vt creare, annihilare, mundum, sed ad ea tantum quae ad nostram spectabant salutem: scilicet vt nos in gratiam patri reconciliaret, legibus institueret, ecclesiasticos magistratus erigeret, & (quod omnium consummatio est) mortuis, in vitam immortalē reuocatis, prout quisque, gessisset in corpore, retribuere. Et hoc est quod subditur.

Ex resurrectione mortuorum.

Græca amphibologia. Hanc etenim particulam omnes agnoscunt interpretari esse precedentium. Est nihilominus in controuersia propter Græcam amphibologiam. Græci enim ablatiuo carent, in cuius vicem substituant genitiuum. Et ideo, mortuorum, potest Latine reddi per ablatiuum, vt plerique iam nunc secundum Chrysostomum & Græcos, ferè legunt hoc modo, Qui declarat^{us} est filius Dei illa virtute spiritus sancti, qua ipse resurrexit à mortuis. At verò lectio hæc, vt non est quam ego obnixè contēdam respuere, ita nec illa est quæ mihi sit probatissima. Nam primum Græcis obseruatissimum est, eiusmodi genitiuis habetibus vim ablatiuorum præfigere præpositionem, ex, vel similem, sicut nos diceremus, ex resurrectione ex mortuis, vel à mortuis: quæ tamē nulla est hic Græcè. Et præterea non solum prisci omnes Latini, sed Origenes etiā Græcus legit per genitiuum: vt sit sensus, quod virtus illa spiritus sanctificantis in qua destinatus, vel predestinatus est esse filius Dei, potissimum declarata est ex resurrectione mortuorum. Cum scilicet ipse propria virtute resurgens causa fuit resurrectionis nostræ, secundum illud 1. Cor. 6. Deus dominum suscitauit, & nos suscitabit per virtutem suam. Quocirca & cap. hic. 15. testimonio resurgentis Christi fidem adstruit resurrectionis nostræ. Si resurrectio, inquit, mortuorum non est, nec Christus resurrexit. Et infra demum subiicit, Quod Christus resurrexit à mortuis, quonia per hominem mors, & per hominem resurrectio mortuorum. Neque forsan ad illos tantum mortuos alludit (vt vult Origenes) qui cum Christo, resurgente à monumētis excitati sunt, vt testes suæ essent resurrectionis, sed ad illam (vt reor) postremam dei celebratissimam resurrectionem mortuorum. Vide tur enim Paulus loqui idiomate tunc inter ver-

bi ministros vulgatissimo. Nimirum qui aduersus Sadducæos negantes resurrectionem mortuorum, his modo citatis, & eiusmodi testimoniis resurrectionem vniuersalem asserabant. Ob idque sensus est, virtutem illam sanctificandi in qua Christus predestinatus est, quanta fuerit, ex illa resurrectione fore manifestandam. Quamobrem cum alia potuisset diuinitatis Christi clarissima documenta commemorare, nempe quod dæmonia eiecisset, & varias infirmitates curasset, quodque dum spiritum exhalaret, velut templi scissum fuisset, & sol obtenebratus: ceteris tamē omnibus prætermisissis, resurrectionis mortuorum penitus comeminit: quippe quæ summum futurum esset spiritus sanctificantis opus. In summa comparatione Christi cum Adam hoc verbo insinuauit. Nimirum quod sicut infirmitate ille puaricatus genus nostrum in mortem adegerit, ita in hac virtute predestinatus fuerit Christus, vt mortis nexibus abruptis, liber ipse à mortuis, resurgeret, atque adeo nos spiritu viuificante regentos immortalitate donaret. Iuxta illud ad Cor. 15. Sicut in Adam omnes moriuntur, ita & in Christo omnes viuificabuntur. Considerandum hic demum est, quam ex arte duarum Christi naturarum, alteram alteri obiecerit, quo earum intervallum magis fieret perspicuum. Non enim satis duxit carni spiritum opponere, sed quia caro in nobis, infirma, immunda, & mortalis est, ait, Christum predestinatum esse in virtute, contra infirmitatem: secundum spiritum sanctificationis, contra immunditiam: ex resurrectione mortuorum, contra mortalitatem.

Iesu Christi domini nostri.

Et de hoc itē verbo dissidium est eadem de causa, scilicet an sit Latine casu paterno, an ablatiuo reddendum. Græcè namque illa omnia sunt in eodem casu, genitiuo scilicet, filij sui, facti predestinati, Iesu Christi, quorum primum citra controuersiam redditur per ablatiuum. De filio suo, atque duo item sequentia, facti & predestinati, absque dubio sunt prioris adiectiua. Quæ aliqui proinde transferunt in eodem ablatiuo, alij verò per nominatiuum cum relatiuo. Sed tamen hoc postremum, Iesu Christi, anceps est. Etenim Neoterici traductores pro indubitato habent esse substantiuum illius, quod est, filio suo. Et ideo aliqui omnes quatuor voces traducunt per eundem ablatiuum, scilicet, de filio suo, facto secundum

*Collatio
Christi cum
Adam.*

1. Cor. 15.

1. Cor. 6.

cundum carnem prædestinato filio Dei, Iesu Christo domino nostro. Alij verò tria vltima per nominatiuū, vtpote de filio suo; qui factus est ei secundum carnem, qui prædestinat⁹ est, &c. Iesus Christus dñs noster. Alij autē legunt, qui factus est, qui p̄destinatus, Iesu Christo dño nr̄o, vt semper respondeat illi quod est, filio suo. At verò et si lectio hæc nō habeat vnde redarguatur, neq; dissonet lectioni Græcæ, nō tñ est adeo perspicua & indubitata, vt sit vulgaris æditio abiicienda. Atqui si nulla hic p̄destinationis fieret memoria, fateor, ita tūc aptè quadrasset litera, Qui declaratus est filius Dei ex resurrectione mortuorū Iesu Christo dño nostro. Sin verò p̄destinat⁹ (quod reor) aut destinatus, legēdum est, tūc optimè cōstat lectio æditionis vulgaræ. Porro vt genitiuus hic nō eō referatur, vt sit pariter ablatiuus, sed potius genitoris casus, atq; adeo modus illius, quod est, mortuorū: vt sit sensus, q̄ diuina Christi virtus & potestas detecta sit & patefacta ex resurrectione mortuorum, qui sunt eiusdem Iesu Christi domini nostri.

Quā lectionē Aug. & Latini patres, Græcè etiam periti sequuntur. Et vocat mortuos Iesu Christi vel omnes in vniuersum, idcirco q̄ omnes eius virtutē & potentia resumpturi sunt viuētia corpora, vel eos forsan peculiariter secundū sententiā Augustini & Hiero. qui eius fide & gratiā ad eius quoq; gloriā & felicitatem suscitādi sunt. Eo quo loquitur p̄cto. 1. Cor. 15. vbi ait, In Christo omnes viuificabuntur, vnusquisq; autē suo ordine. Primitiæ Christus (ille enim omniū fuit resurgentium primus) deinde ii qui sunt Christi, qui in aduentum eius crediderunt. Nam calamitosa illa reprobtorum turba, licet resurget iussu Christi, non tamen instar resurrectionis eius, vt similibus dotibus corporis donetur. Vnum hic tamen restat, ad quod respondeatur, videlicet, quòd si, Iesu Christi, non refertur ad, filio suo, sed est genitiuus illius quod est, mortuorū, efferri deberet per relatiuum, vt diceretur, ex resurrectione mortuorū eius. Nam cū p̄ximè antecessisset, de filio suo, repetere nomen ipsum Iesu Christi, non est phrasis Latina. Sūt qui p̄tori hoc Pauli tribuāt, qui Christo plenus tertio quoq; verbo nomen eius depromebat. Quare sexies vel septies prolutum hic obseruāt. At verò nō id fortè temerè & incogitater faciebat. Est enim hebraismus, in sacra pagina cōsuetissimus (vt

author est Aug. sup Psal. 61. & lib. de Trin. 12.) vt loco pronominis repetatur nomen quod præcellerat, Sicut audiuius sic vidimus in ciuitate dñi virtutū, in ciuitate Dei nostri, De⁹ fundauit eam in æternū, pro eo quod est, ipse fundauit eā. Et in P̄tateucho sæpenumero, Fecit Moses, sicut p̄cepit dominus Mosi, pro eo quod est sicut p̄cepit dominus ei. Et ita, mortuorum Iesu Christi, pro hoc quod Latini dicerēt, mortuorū ei⁹. Propter hūc, huiusq; generis alios locos in prologo de hoc crimine interptes huius seculi in iudicium deferebā, quòd satis scripturæ sacræ facerēt si sua adnotamēta ī marginibus circūscriberent: multo inquam sanctius veneranda eius maiestātē reuererentur, si non textum eo versus, omni posthabita Theologia, traducēdo inuerterēt, quocunq; eorum sententia propendet. Id quod profecto citra magnā iniuriam, non modo sanctorum patrū qui multiuga sensa in fecundissima sacra pagina meditantur, sed & ipsius etiam sancti flaminis, qui tanta foccūditate eandem dictauit, fieri nequit.

Per quem accepimus gratiā & apostolatū.

In tertio membro parenthesis secundæ, qua filius Dei describitur, demonstratum ēt Apostolus, per ipsum factum hominem p̄destinatumq; filium Dei, ac perinde mediatorē Dei & hominū cuncta nobis obuenire, quæ ad nostrā spectāt salutem, siue ad personam propriē attineant, siue ad cōmune bonum. Quæ duo donorum genera duabus vocibus designat, gratiā & apostolatū, Reperias quosdā, q̄ eādē rem vtriq; subiectā arbitrētur, ita vt noīe gratiæ nō illam gratū faciētē intelligāt, sed apostolatū ipsum, qui munus est gratuito imp̄sum. Achi dixisset, per quē accepimus gratiā hāc apostolatus. Aug. verò (id quod nō solum coniunctio copulatiua innuit, sed mēti literæ p̄pius accedit (tanq̄ duo legit, Gratiā, inquit, cum omnibus fidelibus, apostolatū autē cum ceteris apostolis. Et Hieron. gratiam in baptismo, apostolatu in quando à spiritu sancto directus est. Atqui copiam hic cumulata gratiæ exprimere mihi videtur, vt idone⁹ esset cui apostolatus cōcrederetur. Enimvero quāuis gratiarū eiusmodi dona q̄ in publicā vtilitatē conferūtur absq; iustificatē gratia, sceleratis nōnunq̄ hoīb⁹ cū iustis & lētis cōmunia esse possint, iuxta illud Matth. 7.

Multi

Vulgata æditio defenditur.

August.

Mortui Iesu Christi.
1. Cor. 15.

Dubitatio.

septies nomen Christi.

Aduersus Neotericos.

August.

Hiero.

Gratiarū diuersæ mēsuræ.

Multi dicēt mihi in illa diē, Domine Domine, nōne in nomine tuo pphetauim⁹, &c; Eos tamē quos Deus ad tales dignitates ac functiones asciscit, vel maximē ad apostolatū, qui summū omniū in Ecclesiā fastigiū obtinet, nunq̃ nisi gratia & virtutib⁹ pro dignitate prēmunitos super Ecclesiā cādelabra erigit. Licet sua inde culpa decidere possint, vt Iudas. Vnde Sufficiētia, inquit alibi, nra ex Deo est, qui & idoneos nos fecit ministrōs noui testamēti. Quare qui Ecclesiā antistites immeritō præsident, sibi videāt a quo sint dēmone in Ecclesiā obtrusi. Neq; verō eadē sunt quæ ad omnia obeunda munia, desiderātur merita & gratiarū plenitudines. Nam de Christo, qui Dei & hominū mediator dignē esse nequerat, vt gratiā nobis Dei ad iustū mereretur, nisi immēse ipse charus gratusq; esset patri, ait Euāgelista, Verbū caro factū est, plenum gratiæ & veritatis, nēpe sine mensura & modo. Et Deiparæ virginī, Aue, (ait angelus) grā plena, nō scilicet vtcunq; gratiosa, sed eo diuinitus gratia & fauore super omnes angelorū hierarchias subleuata, quo esse loco apud Deū decebat, cui nomē ipse suæ paternitatis erat cōmunicaturus, videlicet q̃ eius filij mater erat futura, cuius ipse pater erat. Et p̃tō martyrē Stephanum plenum gratia & fortitudine legimus, vtpōte ad iustū, quātum in eo desiderari poterat, q̃ martyriū inuictissimū exercit⁹ dux futurus erat. Mortaliū em̃ principum solertia esse debet & prudentia, aptos idoneosq; explorare, quib⁹ magistratus fidant: sed Deus immortalis dignos ipse facit, quorū fidei negotia sua & causas committat. Qua autē mensura emetiri Christus debuit apostolis gratiā, facile est perpendere. Nēpe qui de media sublata plebe in hoc delegabantur, vt Euangelium quocūq; terrarum propagarēt, quod non verbis tātum persuaderēt, sed signis & prodigiis cōfirmarēt. Neq; obiectos hostes armis debellarēt, sed (quod potētia diuinæ præclarissimū testimonium est) sine pera, sine baculo, velut oues maētati, mirifica mansuetudine lupos pterrefacerēt, euincerēt, fugarēt, pfligarēt, ruerēt, ac prosternerent. Accepit ergo Paulus nō apostolatū modo, sed gratiā & cetera dona eidē functioni necessaria: & dona quidē, q̃ alij forsan apostoli consummatiora. Nam abundātius, inquit, illis omnib⁹ laboraui: nō ego autē, sed gratia Dei mecū, Sanē verō de hac voce apostolatus obmur-

murāt quidā, nec satis esse Latinam, nec verbū Græcū ἀποστολή fideliter reddere. Apostolatus nāq; & clericatus & episcopatus, magistratus ipsos significāt, ἀποστολή verō (quod est in Græco) significat functionē & administrationem ap̃lici muneris. Sicuti ἀποστολή administrationē episcopalis dignitatis. Et ideo trāsferendū erat (vt dicūt) Gratiam & apostolatus functionē. At sunt iam hmoi nōia in hoc significatu Latine vsurpata, vt significēt functiones ipsas. Et p̃terea quis, apostolatus, pro dignitate ipsa & magistratu accipiat, forsan & hoc ipsū voluit significare Paulus. Et ideo fortē interpretēs nō tam vocē, q̃ sensum Pauli studuit exprimere. Neq; verō incōsulto dixit, per quē, & nō a quo. Quoniā a Deo, vt est nomē naturæ, cuncta dimanāt q̃ in reb⁹ fiunt creatis. Vnde illud est Theologorum axioma, Opera Trinitatis indiuisa sunt extra. Ea verō q̃ ad nostrā salutē spectāt, per Christū tanquam per mediatorem nostrum donantur nobis.

Ad obediendum fidei in omnibus gentibus.

Vel est sensus, vt ipse gentibus prædicando obediret fidei, vel pot⁹ quod in hoc ei⁹ esset p̃dicatio intentā, vt audiētes assensum p̃berent fidei. Est enim Græcē, ad obedientiam fidei, quod est, vt obediatur fidei. Quā ob rem etsi obedientiā hic forsan quis possit eam subaudire, quæ ad mores omnes extēditur, secūdum illud ad Corin. Ideo scripsi vobis vt cognoscā experimentum vestrum, an in omnib⁹ obediētes sitis, tamen obedire fidei impræsentiariū ex propria hui⁹ virtutis ratione & actū accipiendum est. Etenim vt, obedire iustitiæ, idē pollet, quod in iustitiæ officiis esse, & obedire fortitudini, tali virtuti operam dare: ita ad obediendum fidei, perinde est, ac si dixisset, vt gētes omnes credāt, fidemq; assensu suscipiāt. Et verbo vsus est, obedire, vt quantū est inter fidem & humanas disciplinas discriminis explicaret. Hæ namq; cū naturali mētis acie & lumine cernātur, cōpellere euincereq; possunt intellectū: fides autē inuisibiliū diuinorum, quæ nisi per lucē illā mortalium oculis inaccessam, cōspecta esse nequeunt, non argumētum vi, syllogismorūq; acumine demonstratur, sed volūtario obsequio tacitaq; auscultatione suscipitur. Vnde illud est 2. Cor. 10. In captiuitatem redigentes omnem intellectum in obsequium Christi. Et cap. hic. 10.

Non

Dignitas in-
temerate vir-
ginis.

Stephanus.

Interest iter
Deū & hu-
manos prin-
cipes.

Apostolorū
gratia.

1. Cor. 15.

Apostolat⁹.

Axioma theo-
logorum.

Obedientia
fidei.

2. Cor. 2.

Differentia
inter fidē &
humanas di-
sciplinas.

2. Cor. 10.

Roma, 10.

Non omnes obediunt Euangelio. Et subditur, Esaias dicit. Domine quis credet auditui nostro. Est ergo sensus, In hoc ascitus sum ad apostolatū, non ut philosophorum more inani verborum disputatione demonstrare contendam veritatem fidei, sed (quod ait Theophylactus) ut audientes obediēter credant. Vbi nota incredulitatis utriusque populo impingit, Iudeorum videlicet qui signa petebant, & gentium qui sapientiam & philosophicam persuasionem postulabant, ut est. 1. Corin. 1. Tācui provide tissimē cōsultū à Deo mortaliū generi fuerit, ut euāgelica p̄dicatio (ut habetur Marci ultimo) miraculorum signis cōfirmaretur.

*Predicatio
miraculis cō
firmata.*

Chryso.

*In omnibus
gentibus.*

Nā cū cognitio humana à sensu incipiat, cōsentaneū fuit, ut sensilibus miraculis ad supernaturaliū fidē hoīes promouerētur, quibus afflatus internus spūs sancti efficax esset. Vnde de Chryso. Nō ap̄si res ita gessissent, nisi spiritus sanctus viā p̄muniret. Et Theophyl. Euangelii p̄dicare, ap̄lorū est muneris, Dei verò audientibus persuadere (*In omnibus gentibus*) Videtur quibusdā Paulus hoc dixisse eo significatu, quo gentes à Iudeis sepe distinguit. Veluti infra cap. 11. Gētiū se p̄prie apostolū pronunciat. Et Gal. 2. Qui operatus est, inquit, Petro in apostolatū circuncisionis, operatus est & mihi iter gētes. Et pertinere huc aiunt, quod subdit, in quibus estis & vos vocati, quasi inueniens, Romanos in sortem ditionēque sui p̄prie apostolatus venisse, tāquā natione Gētiles: qui p̄pterea obsecundare ei tenebātur. Hoc tamē nō est verisimile. Quod enim ait, apostolatū accepimus, non suo peculiariter, sed apostolorū nomine dictum existimo. Et ideo gētiū hic nomine vniuersas nationes cōprehendit. Alludit ergo ad illa verba Marci ultimo, vbi apostoli in mūdū vniuersum missi, iussi sunt docere oēs gētes, cuiuscūque essent nominis & cōditionis: ad differētiā antiquæ legis exiguis spatiis cōstrictæ. Iuxta illud Esa. 49. Parum est ut sis mihi seruus ad suscitandas tribus Iacob & feces Israel conuertēdas. Dedi enim te in lucem gētiū, ut perueniat salus mea usque ad extremum terræ. Quod in hanc nostram sententiam citat Paulus, ipse Act. 13.

Pro nomine eius.

Nōnulli (quorū videtur esse Ambrosius & Hieron.) exponunt, nominē eius, pro hoc quod est, vice eius. Nā sicut Christus vice & auctoritate patris missus est, ita & vice & potestate Christi delegati sunt ap̄si: secundum illud

Ioā. 20. Sicut misit me viuēs pater, & ego mitto vos, At verò quanquā ap̄si legatione pro Christo fungerentur (ut habetur. 2. Cor. 5.) non tamē huic loco significatio hæc planē coaptari videtur, neque enim cohæret primō verbo, ut legas, per quē accepimus gratiam & apostolatū, vice eius. Nec rursus cōgruit secundo membro, scilicet, ad obediendum fidei, vice eius. Et idcirco fortasse occultatius rem coniectatur Chrysostomus, & Augustinus. nempe ut, nomen eius, in proposito materiam fidei designet, ut sit sensus, ad obediendum fidei, quæ est de nomine eius, vel super nomine eius. Videlicet ut gentes credant in nomē ipsius: nam *in* non solum, pro, verū idem quod, de, & super, significat. Prædicabāt namque apostoli non esse aliud nomē sub cælo datum quo salus pateret hominibus. Ob idque quo celebrius haberetur, baptizare cōsueuerūt in nomine Christi, ut patet Act. 9. Accedit ad hūc sensum, quod erat Paulus propriē organū ac vas à Christo selectū, ad importandū nomen ipsius coram gentibus, cuius hic nominis meminit. Quāuis non displicet lectio, pro nomine, hoc est, ad gloriā nominis eius.

Act. 9.

In quibus estis & vos vocati Iesu Christi.

Tres parētheses interiectas hic prænotauimus. Primam quæ Euangelio, alteram tribus membris quæ filio Dei accommodata est, & hanc tertiā, quæ est de Romanis: utpote qui inter præfatas gētes sunt vocati. Et quidem Chryso. ad Romanorum hoc deiectionem pertinere autumat: nempe ut suæ eos sortis & cum ceteris gentibus æqualitatis inde admoneret, quod non præ aliis gentibus, sed inter alios, citra prærogatiuā, essent vocati. At forsan cuius apparere cōtra potest honoris id gratia & laudis dictū. Cū enim se primum, mox Euangelium commēdauerit, captare Romanorum p̄git beneuolētiā, quod ubi primū gētibz prædicatū fuisset Euangelium, ipsi protinus nomina dedissent, quorum fidē paulopost effulgere ait in vniuerso mundo. At ne nimiam eis præberet ansam extollentiæ, non ait, in quorum religionem vosmetipsos contulistis, aut fidē dedistis, sed quò id totum Christo acceptū referrent, in quibus (inquit) estis & vos vocati Iesu Christi, id est, in quorum numerū dignatione & largitate Iesu Christi adscripti estis. Vnde, vocati Iesu Christi, idem est, quod à Iesu Christo. Sicut statim, dilectis Dei, quæ!

Tertia parēthesi.

*Contrarie
sententiæ.*

Amplitudo
Euangelii.

quod est, à Deo. Vbi & authore Aug. Amplitudo Euangelij præ veteri lege laudatur. Quasi dixisset, Licet ex genere Israel nō sitis, quia tñ Euāgelium in gētes oēs expāditur (vbi nō est Iudæi discrimen & Græci) vos quoq; vocati estis. Igitur q̄ ratione dixerat, vocatus apostolus, ait vocati Iesu Christi, qd̄ est, Christiani. Et cōsonat p̄terea verbo verbū. Cuius em̄ se scholę vocatū magistrū, p̄fiteretur, eiusdē subiūgit eos vocatos esse discipulos. Porro (vt Act. ii. memorię p̄ditū est) Antiochię primum discipuli cognominati sunt Christiani, instar philosophorū, quorū alii Stoici, alij Pythagorici, aut Academici, aut Peripatetici à suo qsq; capite cognominabātur. Et ne vllū p̄teriret locū, quo nō seruiret ei, quā agebat, causę, admonitos eos hic habere fatagit, primū fūe inter se paritatis, imo verō vnitatis, vt nō iam deinceps ad Romanorū genū & symbolū vel Iudæorū clamitassent, sed vno p̄fessionis vinculo & nomine in Christo cōseruēt cōnexi. Deinde (quod Ambr. agnouit) vt qui inter alias gētes pariter vocati essent, vti alię Christianorū nationes faciebāt, ita & ipsi neq; minimā antiquę legis particulam admitterent.

Omnibus qui sunt Romę dilectis Dei vocatis sanctis.

Variat translationem.

Omnibus.

Cū sermonē hacten⁹ suspēdisset, personas iam de more nominat q̄b⁹ salutē imperitur. Vbi nō desunt interpretes, qui trāsferūt. Qui estis Romę. Est em̄ Græcē, nō verbū, sed participiū, existentib⁹ Romę, quod per tertiā secūdāve p̄sonā traduci potest. Obseruatissimū tñ ex arte est, p̄sonā q̄ salutatur in tertiā p̄sona reponi. Vt Cic. Bruto suo salutē. Quamq; neq; aliam lectionem respicio, idcirco quod in secūda p̄sona præmiserat, in quib⁹ estis & vos vocati, Omnibus, inquit, vtrosq; ex Iudæis gētib⁹q; cōuersos complexus, vt qui in vnā Ecclesiam coalescebāt, cōmuni nomine salutaret, atq; vt hac ratione factionū fimbrias rescinderet (*Dilectis Dei*) nimirū q̄ non toti Romanorū Reipublicę, sed Christianis peculiari ter scribebat. Participiū duriusculę genitiuo adhæret latinē, mollius nāq; sonaret, dilectis Deo, sed tamē Græcē non est nisi nomen, charis, id est, amicis Dei, & ferre id potest latinus sermo, vt reddatur, dilectis Dei, quippe quod esse quoq; potest nomen. Id quod & Augustini aurib⁹ benignitatē Dei insonat. Nō enim ait, diligētib⁹ Deū, quasi

August.

nos pri⁹ dilexerim⁹, sed, dilectis Dei, id est, à Deo. Siqdē (vt habetur. i. Ioā. 4.) Ipse prior dilexit nos āte merita n̄ra, vt adamati redimare valeremus. Quod & subiectū nomē, vacatis sanctis, explicat⁹ elucida, quod est, ad sanctitatem ascitis, seu vocatione sanctis, nō ex anteactis meritis, sermone ap̄lis cōsuetū, vt Iudas Iesu Christi seruus, &c. Is q̄ sunt in Deo patre dilectis & Christo Iesu cōseruatis & vocatis. Atq; eo sunt vocati, q̄ pri⁹ dilecti, vt vocatio effectus amoris sit, vocationis verō op⁹, sanctitas. Etenim quos predestinauit, iquit, hos & vocauit, & quos vocauit, hos & iustificauit. Sub id quidē tempus nascētis Ecclesię i more erat, quorū baptisate abluēbātur, promiscuē sanctos nuncupari. Tum quia mos etiā fuerat antiquę legis. Vt Leui. ii. Sancti eritis, quia ego sanctus sum. Et Deut. 7. Populus sanct⁹ est dño. Tum quoq; quod, sanctum, ad verbū sonat, purum, mundum, & sordibus penitus defecatum, Deo denique dicatum. In talem verō nos splendorem & nitorem restituit baptisimi gratia, dū Deo nos cōsecrat. Vnde Ephe. i. Elegit nos, &c. vt essem⁹ sancti & immaculati. Quo ergo augustissimū hoc spiritus sancti donū orientib⁹ tūc Christianis magis commēdaretur, sancti dictitabātur, Vt ad Philip. Salutate omnē sanctū. Et, Salutāt vos oēs sancti. Quin & se ipse citra insolentię notā eodē vsu nūcupauit sanctum. Mihi autē sanctorū minimo. Eadem em̄ de causa per man⁹ impositionē, quorū pectorib⁹ iternę spirit⁹ sanctus illabebatur, corū oculis sensibiliter effulgebat, vti habetur Act. 10. & 19. Post verō adolescente Ecclesia inter patres tantū & proceres hoc durauit. Ita em̄ Basilii, Chrysost. Hieron. & horum similes mutuo se nomine & honore sanctitatis honestabāt. Sed tñ adulta iam ac senescente religione diuos duntaxat hoc titulo censemus, vt quos firmitas sempiternę sanctitatis securos iā, tutosq; fecerit. In terris autē vnum est Ecclesię caput, quod sanctitatis nominatione veneramur. Primū vt admoniti simus, quanto sit honore à nobis vicarius Christi suspiciendus. Deinde vt de suo ipse epitheto vicissim itelligat, quo debeat gradu reliquo corpori antecellere, qui vniuersorum iudex & censor in specula Christianę Reipublicę publicitus sedet.

Antiquitus
sc̄ti dictitabātur
Christiani.

Act. 10.

Sanctitas p̄
ticipis.

Gratia vobis & pax à Deo patre & domino n̄ro Iesu Christo.

Animo

Salutatio
Commun.

Differt inter
gratiam &
pacem.

Gal. 5.

Pax vera.

Animo hic reputandum est, ut apostoli, forma salutandi gentibus celebratissima reiecta, nouam Christianos docuerint. Erat enim gentium salutatio, salutem aut bene agere, illud crebrius Latinis, Graecis hoc plarium usurpatum. At apostoli, praesertim Paulus, temporariam salutem non tanti estimantes, ut sit Christianis exoptanda, gratiam imprecantur & pacem. Nam praeterquam quod Iudaeis fertur salutatio pacis solennis fuisse, cecinit quoque celestis ille noster nati Saluatoris, Gloria in excelsis Deo, & in terra pax hominibus. Sicuti olim fuerat praecantatum. Oricetur in diebus eius iustitia & abundantia pacis. Vnde redemptor ipse. In quamcumque, inquit, domum intraueritis primū dicite, Pax huic domui. Neque, verò idem pollet, gratia, & pax. Nam gratia via est ad pacem. Illa quippe radix est meritorum prima: pax verò, optimus fructus. Exordium enim salutis nostrae à dilectione Dei sumitur, non quod nos ipsum, sed quia ipse nos prior diligit: per illam namque, gratis nobis erata condonat, atque exinde charitate qua se redamemus, impendit, charitate autem consequitur gaudium, gaudium verò pax. Nam fructus spiritus (inquit Paulus) charitas gaudium, pax. Enimuero qui manet in charitate, in Deo manet & Deus in eo. Ob idque, quasi optato bono potius, gaudio perfunditur, ac protinus fruitur pace. Est enim pax habitus sedati animi, atque à cupiditatibus ac desideriorum fluctibus pacati. Erat praeterea seditiosis Romanis deique legis primatu tumultuarius congruentissima salutatio, Gratia & pax. (A Deo patre) Gratia verumtamen & pax hominibus deprecanda illa est quae à Deo patre nobis impartitur. Quo verbo Paulus gratiam illam & pacem, quae inter homines sunt, fallaces & adulterinas refellit. Vnde Christus seruator noster, Pacem, inquit, meam do vobis, pacem relinquo vobis: non quomodo mundus dat, ego do vobis. Pax enim (vt. 19. de ciuitate Dei, auctor est Aug.) est tranquillitas ordinis, vel ordinata concordia. Vbi ergo rerum ordo iuseque unicuique non seruatur, imago quidem esse potest pacis, eo quod iniuriam passis facultas non suppetit repetendi, haud tamē vera est pax. Mūdāna pax est, dū propriis vniuersisque affectionibus obtemperat, atque nulla vel ordinis vel iustitiae ratione habita, animū explet. Sed vera est, cū suo quisque iure continetur, alienū ne violet, cuique intus animi rationi, vt par est, obsequitur: cū denique exi-

gua haec angustiae mundi bona, in comune possideri nescia, praepetitionibus illis, Non adulerabis, non fur tuum facies, &c. veluti certis limitibus circumscripta, per partes possidentur. Haec inquam, vera pax est huius Christianae militiae. Nam alia est pax quae exuperat omnem sensum, vbi immensum illud pelagus infinitorum bonorum, quod nullis terminis intercluditur, deposito corpore mortis huius possidentur. Vbi scilicet, vt fluentium societas fuerit numerosissima, ita erit voluptas singulorum maxima, pax cunctis firmissima, quietissima possessio, atque adeo felicissima. (A Deo patre & domino nostro Iesu Christo.) In aliquibus Graecorum exemplaribus, pronomē, nostro, non attexitur voci, domino, sed, patre, scilicet, a Deo patre nostro, & domino Iesu Christo. Vnde cum apud illos vterque, possit esse, tam ablatiuus, quam genitiuus, fit ipsis sermo anceps. Posset enim legi, a Deo patre nostro, & domini Iesu Christi, quasi idem sit nobis pater communis cum Christo. In pluribus tamen, nostro, copulatur cum, domino, & sic absque omni amphibologia sensus est, gratia & pace conferri nobis a Deo patre & a domino nostro Iesu Christo. Nepe ab illo, ut in quo primū auctoritas praesidet, & a Christo, quatenus mediator est Dei & hominum. Sed tunc perplexior profecto exoritur quaestio de casu, Deo patre, & quidem responsione digna: Vtrum sit nomen naturae, ita ut accipiat pro Deo in tribus subsistēte personis, an verò proprie pro persona, quae gignit filium. Deus enim primo modo est pater noster per creationem & gubernationem. Iuxta illud Deuter. Nūquid non ipse est pater tuus qui possedit te, & fecit & creauit te? Et in Euangelio, vbi orare docemur, eodem significatu accipitur, Pater noster. Ad hanc dubitationem illi qui legunt, a patre nostro, & domini Iesu Christi, necesse habent respondere, quod nomen patris, enunciat hic de prima persona, quae est pater Christi. Atque hinc haeretici nati sunt occasionem inficiandi diuinitatem spiritus sancti, nepe quod duas hic tantum personas nominaret Apostolus. Cū quibus hic, pinde Aug. serio de hoc conflictatur. At verò duobus modis huiusmodi haereticis obuiā a nobis itur. Primo quod etiam si acciperetur hic, pater, pro prima persona, non erat illico necessaria expressa mentio spiritus sancti: tū quia argumentum huius epistolae totum instruitur de Christo, & ideo licet nulla fie-

Pax celestis.

Variatio lectionis.

Questio de patre.

Deu. 32.

Matt. 6.

Diuinitas spiritus sancti.

ret mētio spiritus sancti, nihil inde colligitur contra eius diuinitatem, tum etiā quia appellatione donorum gratiæ & pacis, insinuat personam spiritus sancti. Sed præterea manifestum est, patre nostro, non significare hic nisi Deum in tribus personis, cuius autoritate cuncta nobis obueniunt bona. Eo quod opera Trinitatis (vt supra diximus) indiuisa sunt extra.

Christus quo mediator.

Quocirca Christus licet aduocatus sit apud patrem (vt habetur. 1. Ioan. 2.) non est tamen mediator inter patrem suum, sed inter Deum & homines. Ita enim ait Paulus. Vnus Deus, vnus mediator Dei & hominum. Et ideo non dicit hic, à Deo patre & filio suo, sed, & domino nostro, Neque stare idcirco potest lectio, à Deo patre & domini Iesu Christi, sed, à Deo qui est pater noster, & à Iesu Christo, qui est dominus noster. Erat enim apostolis solenne, Christum appellare dominum, vt Ioan. 20. vidimus dominum.

Christus dominus.

Et. 21. Dominus est. Quam ecclesia consuetudinem etiā nunc seruat, in calce precationum concludens, per dominum nostrum Iesum Christum: puta cui tanquam mediatori seruitium debeamus. Neque verò absque adnotatione prætereundum est, quod non dixit, à Deo patre, & Deo nostro Iesu Christo, ne deos duos (quæ Arrij fuit impietas) introducere videretur. Vnde (vt Tertulliani aduersus

Annotationum.

Tertul.

Praxeam observatio est) vbi Paulus patrem & filium coniungit, neque ambos dominos, neque ambos, deos appellat, sed patrem Deum & filium Dominum: vt illud etiā est. 2. Cor. 1. Deus & pater domini nostri Iesu Christi. Non quod filius non sit Deus, vt pater, neque quod pater non sit dominus, vt filius, sed quod vnus idemque sint ambo Deus & dominus. Vnde Philip. 2. vbi diuinitatem filij manifestè comprobatur, comparatione ad patrem, non ait, Qui cum in forma Dei esset non rapinam arbitratus est se esse Deum (ne alium à patre deum falsus quis suspicaretur) sed se esse æqualem Deo, quod est, deitate parem.

Philip. 2.

Epilogus salutationis.

Ecce diuinam Pauli salutationem, vbi à sua primum persona, deinde à re ipsa de qua dicturus est, attentionem & docilitatem venatus est. Etenim si attentio (vt inter rhetorum præceptiones refertur) inde potissimum excitatur, vbi de rebus maximis, altissimis atque insolitis dicturus se orator pollicetur, vnde quæso potuit comparare Paulus maiorem, quam cum apostolus legatusque Dei, de ipsius filio, tot retro seculis per diuinos prophetas in scripturis sanctis, fœderè sempiterno mortalibus promisso, dicturus prodiret? Inde verò eos dociles

reddit, quod non excogitatis à se argumētis, sed prophetarum testimoniis, & quas sibi Deus afflauerit rationibus, cuius apostolatu fungitur, rem agere proponit. Nam beneuolentiā in exordio statim sibi aucupatur.

Docilitas.

Primum quidē gratias ago Deo meo per Iesum Christum pro omnibus vobis, quia fides vestra annuntiatur in vniuerso mundo.

Post salutationem exorditur epistolam. Exordium autem, quod secunda pars est huius capitis, vsque ad verbum, Non enim erubesco Euangelium, totum in hoc expendit, vt suum erga Romanos beneuolum & amicum animum aperiat, quo eorum quoque in se reciprocum amorem venari valeat. Id quod operæ precium erat, antequam eos criminationibus suggillationibusque aggrediretur. Nam cum Paulus apud illos ex Iudaismo cōuersos, veluti legis hostis, malè audiret, potuisset facilè illis in suspensionem venire, quod sese potius vlciscendi causa, quam vt eos corrigeret, maledicta illa iactaret. Sed est hic præterea præfatis Ecclesiæ, & quibus cura incumbit animarum egregium documentum, quo corripiendi acerbiter, in quam sæpè numero necessarium illis est incidere, Christiana lenitate mitigare discant: quinimo à beneuolentia initium sumere correptionis. Vt cum vtrunque (vt ait Augustinus) sit necessarium, amari potius appetant, quam timeri. Atqui articulis septem præfationem hanc absoluit. Inchoat enim primum ab eorum laude, quod fides ipsorum in vniuersum orbem emicaret. Vbi multa profecto sunt annotatu dignissima. Intētus enim cum primis in negotium quod susceperat vt Romanorum videlicet fastum supprimeret, non ait, Laudo vos de fide ista vestra tam firma, tamque cōstati, aut quid huiusmodi, quod propriè virtuti possent adscribere, sed totum Deo & sospitatori nostro Christo trāsribit secundum illud Iacob. 1. Omne datum optimum & omne donum perfectum desursum est. (Primum quidem, gratias ago Deo meo.) Sanctissima est eloquentia, quæ cum ab eorum laude videatur initium capere, potius à gratiarum diuinarum actione initur, ex qua omnis debet oratio proficisci. Ac denique ita hic Christianos instituit, ne de vanis honorum nominibus, vnde inanem gloriam aucupantur homines, sed de his penitus quæ ad virtutem & religionem pertinent: proximos laudemus: ac ne tunc quidem

Exordium epistole.

Beneuolentiā comparat sibi Apostolus.

Documentum salutare.

Septem mēbra.

Multa adnotanda.

A gratiarum actione exorditur.

C homi-

homines, sed bonorum omnium largitorē. Etenim virtutum opera, non tam quod sint merita nostra, q̄ quod dona Dei, laudi sunt danda ab omnibus in hac vita. Deus enim est qui, quatenus sunt merita, laudabit, remu-

Primum.

nerabitq; tempore suo. Vox, (*Primum*) nihil aliud mysterij abdit, quàm quod est captandis initiis accommodata: velut, iam primum omnium satis constat Gratias de receptis beneficiis agimus, vti de fide hic Romanorum

Deo meo.

(*Deo meo*) Deum omnium (vt infra cap. 4.) suum ipsius peculiarem, sanctorum idioma te nominat. Habet enim emphasim huiusmodi sermo & significationem necessitudinis cuiusdā singularis, aut ex parte Dei, qui speciali quadā prę ceteris cura tali homini prospicit, aut ex parte hominis, q̄ singulare studium gerit colendi Deum: porro cui solus Deus pro omni bono est. Vtraq; etenim ratione olim Deus Hebræorum p̄dicabatur, vt

Exod. 3.

Exo. 3. & Deus Abrahā & Deus Isaac & Deus Iacob. Sed pręter has causas, ob quas iure optimo id Paulus poterat, forte, Deo meo, dixit, vt legitimus pastor, quo amplius explicaret, quàm pro suo proprio, bonum eorum duceret, id est, Deo, qui mihi hoc beneficiū, propriē in vobis largit^o est. Veluti Moses in beneficio transmissi maris, Deus meus & glorificabo eum. (*Per Iesum Christum*) vtrunque mediatoris munus est, veluti sacerdotis & pontificis nostri, puta, & dona nobis à Deo deferre, & n̄ras vicissim ante cōspectum eius preces & sacrificia offerre. Quapropter in precationibus ecclesiasticis subiūgimus, Per dominum nostrum Iesum Christum. Et Pau-

Heb. 3.

lus Heb. 3. Considerate, inquit, ap̄stolum & pontificem confessionis nostrę Iesum, qui fidelis est ei qui pręfecit illum: sicut & Moses in omni domo eius. Vt enim Moses inter Deū & populum internuncium agebat, p̄ces populi in auribus Dei exponens, à quo & legem rursus & mandata populo renūciabat, ita Christus nuncius delegatus est atq; institutus sacerdos noster apud Deum. Imo tanto amplius (inquit Paulus) Christus Mose, quanto amplioris glorię est qui pręfecit Mo- sen, q̄ pręfectus ipse Moses. Ob idq; qui paulo ante, ap̄stolatam se recepisse per Christū confessus est, per quem & gratiam & pacem Romanis item optauerat, per eundem etiam

ib.

nunc gratias Deo refert (*Pro omnibus vobis*) Omnes, vti suprà, communi appellatione cōplectitur, ne factiosis hominibus, & de honore cōcertantibus, flammā accēderet iurgadi,

vtrius populi nominationem anteferreret. Atqui esse potest, vt quod Græcē est *ἰσχυρὸν* idē sit hic quod, de, vt, pro vobis, materiam designet gratiarum actionis. Ac si dicat, Gratias ago de vobis quod per clementiā diuinā Ecclesię insiti sitis: vt quorum accessione fides Christi tantum incrementi & fulgoris acceperit. Aut, pro vobis, id est, nomine vestro.

(*Quod fides vestra annuntiatur in vniuerso mūdo*)

Non eis congratulatur (quod Chryso. obseruat) terrena atq; caduca, vtpote imperij ditio- nem & gloriam, quę nihili sunt æstimanda, sed fidem. Quin age lector, q̄ se Paulus sapiē- ter causę insinuet, specularē. Nullū eorū officium, neq; charitatem, quę maior est fide, cōmemorat, pręter vnā fidem, hac nimirū ductus ratione. Cū hęc esset virtus de qua

Pauli sapientia.

Fides.

totum argumētū huius epistolę instituisset, quę est Christianę fundamentum religionis, essetq; Romanos reprehēsurus, ac vellicaturus, quod fidē non pro dignitate penderent atq; suspicerēt, legi scriptę vel naturali illud tribuētēs, quod fidei erat propriū: captat inde primum eorū beneuolentiā, q̄ Romę fuerit suscepta fides, vnde, cū caput esset & arx ac publicū forum totius orbis, nomē Christi amplissimē posset diuulgari. Sed & hinc etiā mirificē se accingit ad causam, eos vtiq; comonefaciēs, vt cogitarēt quēadmodū in sua opinione periclitaretur tota mundi fides. Nā cum essent positi in exēplū vniuerso mūdo, suam vel veram vel falsam doctrinā probare poterāt & seq̄ nationes alię. Vniuersus mun-

Vniuersus mundus.

us, non intelligitur iuxta propriā verbi notationem. Nondum enim tunc pręconiū Euāgelij in vniuersos orbis angulos euolauerat, quia neq; ad Antipodas tam breui quiuerat penetrare, quod cap. 10. repetendū nobis est. Sed vel est hyperbole, quę sacris literis nihil officit: vt est illud Mat. 19. Facilius est camelū per foramē acus trāsire, &c. nihil enim mētitur qui superlationis schemate nomē alicuius illustriissimi viri toto orbe terrarum celebratum dixerit: vel fortē Romanis Romanq loquitur more, qui eadem hyperbole ditio- nem suā & dominatū, quo latissimē patere significarēt, vniuersum orbē appellabant: vt est illud Euāgelij, Exiit ædictum à Cæsare Augusto, vt describeretur vniuersus orbis.

Hyperbole non officit vero.

Luc. 2.

Testis enim mihi est Deus cui serui in spiritu meo in Euangelio filii eius, quod sine intermis-

sione

sione memoriam vestri facio semper in orationibus meis.

*Secūda pars
prologi.*

*Quatuor o-
rationum ge-
nera.*

Obsecrare.

*Augustin.
De licito in-
ramento.*

*Hierony.
Iuramēti co-
mites.*

Matth. 5.

Secūdum mēbrū sermonis, quē de sua in Romanos explicāda beneuolētia instituerat, est, q̄ sine intermissione orabat p̄ eis. Quatuor enim sunt, q̄ ad Timotheū iubet fieri in Ecclesia, pro regib⁹, & pro vitæ trāquillitate. Hæ sunt obsecrationes, orationes, postulationes, & gratiarū actiones. Et quidē gratiarum actio, vt paulò ante dicebam⁹, de receptis est beneficiis, quas quidē gratias iā nunc fecit p̄ ea, quā suscepērāt fide: oratio autē cum postulatione ad ea q̄ defunt, impetranda funditur, sed obsecratio, quædā est, adiecta cōiuratione, impcatio, vt cum p̄ sanctæ incarnationis mysterium: aut per passionem eius & crucem, Deū qui nos exaudiat, adiuram⁹. Vnde, obsecrare, ob sacra precari. Has hic Paulus speciatim gradatione quadam coordinat, præmisso iuramento. Sunt autē qui cogitant orationē hāc, Testis mihi est Deus, non esse Paulo iuramentum, propterea quòd Græcè non est nisi, Testis meus est Deus, Quod videtur narratiue prolātū, potius q̄ sub forma testis inuocādi. Sed re vera & verbum Græcum habet etiam attestādi formā, tametsi magis id consonum interpres Latinis auribus reddiderit: & crebro Paulo in more est, vbi necessitas occurrat, iurare, vt Gal. 1. Ecce corā Deo quia nō mētiar, & alibi sæpe (vt auctor est Augu.) in lib. de serm. dñi in monte, & cōtra mendaciū, & contra Manichæos. In quib⁹ locis hoc exēplo Pauli cōprobat, nō esse illicitū, quinimo nonnunq̄ ex causa honestum esse religionis officium, ad Dei pertinēs cultum: vtpote quē iurantes confitemur infallibilē omnium veritatem & prospiciētiā habere, vt cui omnia sunt in conspectu, etiā abditissima cordium: dūmodo suos habeat iuratio comites, vt ait super Hiere. Hierony. Nempe veritatem, iudicium, & iustitiam. Quandoquidem authore eodem Apostolo ad Heb. 6. Iuramētum omnis controuersię finis sit ad confirmationē. Qua de causa, inquit, & Deus ipse iuramēto per semetipsum Abrahæ promissiones obfirmavit. Quod autem habetur in Euāgelio, Sit sermo vester, est est, non non, quod autē amplius est à malo est, non intelligitur malum esse (ait August.) (ex culpa iurantis, sed vel ex culpa exigentis iuramentū, plus fortē nimio increduli, vel ob malum pœnæ: scilicet, propter ingenium & conditionē mortaliū, quibus post peccatum Adæ non est facile de

re occulta fidē adhibere citra testes, & iuramētū. Quare nō ait, quod amplius est, malū est, sed à malo est. Est autem peierare sacrilegiū: nēpe vbi Deo nota impingitur, aut ignoratiā, quod ipsum lateat quid homo habeat in corde, aut iniustitiā, quod veritatis cōsci⁹ cōtrariā attestetur falsitati. Sed citra necessitatē de rebus minutioribus iurare, temeritas est, & tātæ maiestatis irreuerentia: consuetudo verò periculosa, & q̄ ad periuriā viā sternit: iuxta illud Eccle. 23. Iurationi non assuescat os tuū, multi enim casus in illa. Iurat autē Paulus cum omnib⁹ iuramēti circumstātiis cautissimè ac circumspectissimè. Primū necessitate appulsus. Nam cum Romanorum illis pseudoapostolis infestus esset, non erat illis psuasus facile, quod tam propēso in eos esset animo, quod tñ creditu eisdē erat operæpretiū, vt eius doctrina proficerēt. Quin verò habet hic emphasis plurimum iuratio Pauli, ad efferendā, quā in eos gerebat charitatem. Secūdo iurat de re occultissima: vtpote de oratione, quā secreto absq; testibus agebat. Ac deniq; tertio in scripto vbi maturius & consultius loquimur. Sed tute animo tecum attētius quā exprimere ego valeam, reputa, q̄ congruenter, quantoq; cū decoro vestit pronatque iuramētum suum. Cui seruiō, inquit, in spiritu meo in Euāgelio filij eius. Vbi verbum Græcum λατρεύω, non significat, vtcūq; seruire, sed reuerenter, quasi Deum colere & adorare: vnde, latria, deriuatur, Theologorū vox. Vt ergo irreuerentiā iuramenti expurgaret, quod quis posset temerarium suspicari, ait, Testis est ille, quē nō solum extere, sed in spiritu meo summo opere reueor, tantum abest vt irreuerentissimè testē falsi appellerem. Et cui seruiō in Euāgelio filij eius, hoc est, in illo obsequij genere, vbi summa fides, ac veritas constātissima, necessaria est, quippe cuius ministris Deus arcana pectoris sui concredidit, q̄ summa fide propalarent. Perspice ergo quā sit iuramentum Pauli, non excusandum modo, sed planè laudandum. Chrysost. præterea in verbo, spiritu meo, meditatur sublimitatem cultus euāgelici respectu Gentilium rituum, Iudaicarumq; caeremoniarū, quorum prior vanus erat, & corporeus: alter autē: verus quidē, sed tamen & ipse corporeus, in animalibus mactādīs plurimum positus. At verò euangelicus ethnico contrarius est, quia verus, Iudaico autē præstantior, quia spiritualis. Vnde Ephes. 3. Qui in spiritu seruimus in Christo Iesu, & non in

Peierare sacrilegium.

Eccle. 23.

Iuramēti circumstātiæ.

Iurationis Pauline or-natus.

Chrysost.

*Sine inter-
missione.*

carne, (Quod sine intermissione, &c.) Non ait simpliciter, sine intermissione, quia & dormiebat & procurabat alia, sed sine intermissione, idem est, quod in omnibus suis orationibus, scilicet, quotiescunque stans horis orabat. Est enim prelati munus, cuius proinde & cura maxima esse deberet & vigilantissimum studium, non solum verbum in animis populi predicatio seminare, sed precationum iter assidue, agricolarum exemplo, apud Deum agere, qui humorem supernae caloremque sufficiens, sementem ad frugem usque prosperet ac proficiat. Nam ego, inquit, plauti, Apollo rigauit, Deus autem incrementum dedit.

Obsecras si quomodo tandem aliquando prosperum iter habeam, in voluntate Dei veniendi ad vos.

Tertia pars.

Tertia ratione benevolentiam colligit Romanorum, ex eo quod cuperet eos visere, atque ita cuperet, ut inter alias obsecrationes hoc plurimum peteret, ut sibi per alia negotia aliquando vacaret ad eos venire. Enimuero hoc forsitan de Paulo conquirebatur Romani, quod cum Christiani & ipsi essent, & in urbe quae orbis esset preclarissimum caput, atque eius ipsius ditionis, qui apostolus erat gentium, nullam aut perexiguam sui rationem duceret, siquidem cum Graeciam totam perlustrasset, nunquam, ut Romam veniret, contempsisset animo. Hanc ergo suspicionem hic animis eorum eximere molitur. Neque verò adverbiorum congeminatione illa & inculcatio, si quo modo, tandem aliquando, ociosa est, sed habet nescio quid energiae ad maiorem depromendum affectum. Nam, tandem, vehementiam praese fert desiderii. Et ideo ait, si quo modo, &c. id est, Si quacunque via & tempore mihi liceret, desiderium meum implerem. (Prosperum iter in voluntate Dei.) Non enim vel aeris inclementiam, vel locorum asperitatem metuebat, vel quod aliis implicitus secularibus negotiis praepediretur, sed id tantum optabat, si voluntas esset Dei, ut ab aliis, quibus ob causam ipsius distrahebatur, peregrinationibus tandem expediretur, quo facultas sibi fieret diuertendi Romam. Fuerat namque, (ut Galat. 2. meminit) cum Barnaba decretus in Macedoniam & circumiacentes regiones (unde epistolam hanc mittebat) tum praedicationis gratia, tum ut eleemosynas pauperibus, qui erant Hierosolymis procuraret. Et ideo ante tractatum negotium non inde abducere se poterat: imo neque absque nutu Dei, cui se totum addixerat, mouere pedem.

Desidero enim videre vos, ut aliquid impartiar vobis gratiae spiritualis ad confirmandos vos, id est, simul consolari in vobis per eam, quae inuicem est fide vestra atque mea.

Causam denique optati itineris exponit, quod ipsius erga illos voluntatis quantum est argumentum. Non enim eum visendi Romanos cupido inceserat, ut maiestatem spectaret urbis, superba aedificia, monumentaque vetustissima suspiceret, neque vlla iter ex huiusmodi voluptatibus, quas inanis hominum cura in visitandis amicis captare solet, sed ut aliquid illis impartiretur gratiae spiritualis. Aut nunquam, aut certe quam rarissime Paulo virtutis, fideique & gratiae nomen, in hac praesertim epistola, ab ore decedit: quorum enim solam fidem supra commendauerat, eis gratiam nunc gestit impartiri. Hic non est Graece χάρις, ut supra, ubi gratia & pax, sed χάρισμα, quod est, gratiae donum. Non enim eius functionis erat, gratiam iustificantem conferre, quod diuinum est munus, nisi praedicando, docendo, persuadendoque & exhortando: quae quidem genera gratiae gratis datae sunt, quae Romanis hic cupit impartiri. Addit, spiritualis, ut singulis verbis à terrenis, eos ad caelestia seuocare persequeret. Ambrosius non legit, impartiri, sed administrare. Et Chrysostomus. transmittere. Vbi notat Paulum insinuare, quod non promittat propria elargiri, sed quae acceperat communicare. Nihil tamen deterius habet, impartiri, nam & ea quae nobis, ut dispensamus demandantur, dicimur quoque impartiri. Sed est hic mentis attentione considerandum, quanta tum modestia, tum etiam sinceritate & eloquentia utatur. Etenim ne eum redarguerent, quod qui gratiam iam suscepissent, nullius amplius egerent, ait, Ad confirmandos vos, in ea scilicet quam suscepistis gratia. Unde constat quod non fuerat illis supra gratulatus fide, tanquam eis esset praeter ceteris nationibus firmissima (imo erat opinionibus pseudoapostolorum commixta & exulcerata) sed quod esset celebratissima: utpote quod admiratus esset mundus, Romam antiquissimas, & quas sanctissime colebant, patrias leges cum lege noua crucifixi hominis commutasse. At quia verbum confirmationis duriusculum & acerbè eorum forte animos percellere poterat, ut quo notam illis impingeret fluctuantis animi, altera sese exponit

*Quarta
pars.*

Fides & gratia.

*Ambrosius.
Chrysostomus.*

*Modestia &
eloquentia
Pauli.*

Respondetur
pro interprete.

exponit mitiori voce mutuae consolationis, quo videlicet temperamento omni se humanitate & comitate demitteret, ac parē se illis faceret, (*id est, simul consolari in vobis*) Interpretes huius temporis taxat hic veterē, quod duo verba Græca eiusdem formæ diuersē reddit Latine. Græci enim gerūdiis carēt, quib⁹ sufficiūt verba infinita. Græca sic habet lectio, Ad confirmare vos, id est, simul cōsolari in vobis. Quod autē isti ita vertēdū fuisse, vt vtrunq; ad illos pertineret: scilicet, ad cōfirmāndum vos, id est, ad hoc vt inter vos inuicē cōsolationē alterutrū capiat. Sunt veruntamen isti nimium cōsolores. Interpres namq; prospiciēs subsequētem orationē, per eam, quæ inuicem est, fidem vestrā atq; meam, qua palā fit, nō esse sensum, vt ipsi inter se inuicem se cōsolarentur, sed quod & illi ab Apostolo, & ab illis reciprocē ipse solamē caperet, licet dixisset, ad cōfirmāndos vos, (quod Latinus sermo postulabat) non subiūgit, ad cōsolandū vos, vel, ad vestrā inter vos cōsolationē, sed, simul cōsolari in vobis. Quod fateor pspicius dixisset, Vt nos inuicē mutuā cōsolationē capiamus. Sed fuisse hæc, paraphrasis potiusq; trāslatio. Atqui vt supra gratias aiebat agere se Deo suo, quasi eorū bonū, suum existimās propriū, ita & hic angī se desolatūq; innuit eorum dissidio, atq; adeo cupere de eorum pace solamen capere. Quocirca id quod ait, (*Per eam, qua inuicem est, fidem vestram atque meā*) referri vno modo potest ad vnam fidem Christi, vt sensus

Ambros.

fit iuxta expositionem Ambrosij, quod cum ipsi solidi fierent in fide eius prædicatione, per eandem fidem consolationem cum illis haberet etiam ipse, qui bonum illorum suū ipsius reputabat. Vel forte, fidem vestrā atq; meam, dixit, alludēs ad mutuam fidem, quā ipse illis tanq̃ discipulis Christi, atque sibi illi vicissim tanq̃ apostolo debebāt. Vt sit sensus, Desidero videre vos, vt cū vos experiar mihi auscultantes, atq; opera mea confirmatos cōsolatosq; solatium quoq; mihi afferat correctio vestra.

Nolo autē vos ignorare fratres, quod sæpe proposui venire ad vos, & prohibitus sum vsque adhuc: vt aliquē fructū habeā in vobis, sicut & in cæteris gentibus.

Quinta pars.

Quinto argumento pergit etiamnum animum erga eos suum patefacere: nempe qui non solum optabat postulabatq; à Deo

iter illuc prosperum, sed animo id sæpe etiā proposuerat, nisi fuisset prohibitus. Sūt qui vertere malint, præpeditus. Nam obstantia, inquit, negotia sūt, quæ impediunt: idq; vsu veniebat Paulo. Prohibet autem qui interdicit ne facias, quod illi non contingebat. At verò præterq̃ quod, prohiberi, sæpe etiam vsurpatur pro eo quod est impediri, forsā Apostol⁹ hoc loco id sentiebat, quod est propriè prohiberi. Non enim tam negotia aliorum trahentia causabatur, quàm quod esset à spiritu sancto prohibitus, cuius solius nutui sese permiserat. Talis enim erat apostolis loquendi consuetudo. Vnde Act. 16. de eodem Paulo & Sylla legitur, quod transeūtes Phrygiā & Galatiæ regionem vetiti sūt à spiritu sancto loqui, verbum Dei in Asia. Atqui Ambro. Orige. & Theophyl. ita consentiunt. Quinimo secundum Amb. hanc prohibitionem in culpā illorū reuocat Paulus. Ait enim à Deo fuisse prohibitum, qui sciēs adhuc imparatos illos, ad alias eum vrbes direxerit. Cui quidem sensui alterū etiam addit Orige. scilicet quod potuit & à Sathana prohiberi: quemadmodum ad Thessalō. ait. Voluimus venire ad vos semel & iterum, sed impediuit nos Sathanas. Hæc Orig. Qua forsā de causa præmiserat obsecrasse Deum, vt prosperū illi iter cōcederet: atque adeo per hoc quod ait, prohibitus, emollire Romanorū animos intendebat, vt à suis contentionibus desisterent, ne illē essent forsā in causa, cur nō ipsi fieret diuinitus facultas eos visitādi. Ambro. legit, Arbitror vos nō ignorare, quasi iam id fuisset Romanis compertum per fratres qui Romam venerant, quo & Hieron. respicit. Et forsā isti patres tale exemplar Græcum nacti sūt: in his tamen quæ modo circūferuntur non est nisi, Non volo (*vt aliquem fructum, etc.*) Hoc non proximo verbo, prohibitus sum, apponendum est, sed superiori, venire ad vos. Fuit enim hyperbaton hoc necessarium, videlicet, interferere impedimētum itineris ante propositi causam, ne postea solum orationis intercideret: vt confestim videbimus. Atqui (vt S. Thomas commemorat) referri hic fructus potest, nō solum ad fructum qui ex augmento fidei, Ecclesiæ Dei accresceret, verum & ad eum etiam quem Apostolus inde ad suorum meritum cumulū erat appositurus, secundū illud Ioan. 4. Qui meritis mercedem accipit, & fructum congregat in vitā æternam. Quin verò hunc secundū sensum locupletando persequitur Orige.

Prohiberi.

Ambro.

Orige.

1. Thess. 2.

Hyperbaton.

Fructū impartiar.

Orige.

edifferens, quomodo Paulus multarum diuitiarū cupidus, ex multis possessionib⁹ prouētus congregare desiderabat. Sensus autem prior est, qui menti literæ videtur magis consentaneus. Nam qui Deo plenus apostolico munere fungebatur, nō tam ad suorū meritōrum accessionem, quā ad amplificandam stabiliendamq; fidem in cordibus hominū coniciebat oculum, sciens inde charitatem locupletius citari, quod nō quærit quæ sua sunt. Itaq; quod antea dixerat, gratiæ spiritualis, hoc est quod explicatius modo ait, Vt aliquem fructū habeā in vobis, seu apud vos. Alludens ad mandatū illud Christi Ioā. 15. Posui vos vt eatis & fructum afferatis & fructus vester maneat. Tāetsi modestiæ causa nō dixit, faciā, sed, habēā. Atqui hic intellectus ex subiūctis cōtinuō verbis eruitur, quibus ait, se debitorē esse cūctis gentibus.

Græcis ac Barbaris, sapiētibus ac insipientibus debitor sum.

Sexta pars.

Sexta hæc pars est huius prologi, qua ita causam reddit, p̄ximę orationis, vt semper in cōciliāda beneuolētia p̄sistat. Ait enim ideo se tātōpere affectasse viā in urbem, q̄ vniuersis æquē sit debitor, cuiuscunq; sint nationis aut sortis. Quāobrem etsi Græcis prius prædicasset, nō est quia min⁹ deberet. Romanis, sed quod illuc fuerit à spiritu sancto appulsus. Orige. quatuor hos, non datiuos, sed ablatiuos esse censet. Nam Græcè in hac forma loquendi idem casus vtrique seruit, suppletā ergo particula, quibus, sic intexit hanc litteram. Sicut in cæteris gentibus Græcis ac Barbaris, sapiētibus & insipientibus, quibus debitor sum. Qui non utiq; esset inconcinnus ordo. Efferri nihilosecius bene Latine possunt, ac forte aptius, in datiuo, vt sit hoc membrum distinctum, quo redditur causa cur in Romanis, veluti in cæteris gētibus, fructus fidei facere cupit. ¶ Græcorum fuit olim idioma, exteris omnes nationes, barbaras appellare. Vel ex eo (vt Strab. libr. 14. author est) quod homines durē & asperē Græcam linguam pronunciantes, quasi bl̄sōs & balbos indicabant: atque inde à sono barbar, qui est balbutientiū, factitiō nōmine vocabant barbaros. Vel à Barbaria regione (vt aliis opinio est) cuius incolæ, quibus cū Græcis commercium erat, ineptissimi erāt, vt Græcè loquerentur. Vnde cūq; id tamē emanarit, vsus obtinuit, vt quibuscunq; nō erat lingua Græca, Barbari, & quicquid in Græcia esset pere-

Orige.

*Barbari.
Strabo.*

grinum, barbarum diceretur. Exinde ad naturam agrestem & incultos mores accommodari vocabulum coeptū est. Vnde Anacharidis extat dictū, in Solonē urbane reiectum. Is enim cum ex Scythia Athenas venisset, à Solonēq; barbarus esset salutatus, respōdit, Est per Iouem & Solon Anacharidis, ita vt Anacharidis Solonē barbarus. Et ideo. I. Cor. 4. Si nesciero, inquit, Apostolus, virtutem vocis, ero cui loquar, barbarus. Vsu tum demum Latini idem sibi vendicauerūt, vt ignaros suæ linguę, barbaros nuncuparent. Græcis ergo & barbaris, idem est, quod Græcis & reliquæ orbis parti: ac si dixisset, vniuerso orbi. Nisi mauis idem prorsus esse, Græcis & barbaris, quod statim diffinitionis schemate subdit, sapientibus & insipientibus. Sed præstat prior sensus. Quamq; Iudæos secundum Origenē neq; in Græcis posuit (vt quos paulo post Græcis cōtraponit) neq; barbaros appellasse est verisimile, sed appellatione Græci ac barbari, gentiū tantū vniuersitatem expressit, quibus erat propriē debitor, tanq̄ gētium apostolus. Nam Iudæorū populo (cui Christus præcipuē fuerat missus) pro manifesto habebat se esse debitorē, vt erāt reliqui apostoli. Sed de hoc Paulo post distinctius. Chryso. Barbarorum nomine Romanos vult cōprehendi, eo quod nō sunt natione Græci. Ambro. cōtra, Græcorum vocabulo omnes Romanos intelligit: id quod p̄suasu, facilius forte est. Haud enim est verisimile, quod in exordio statim tam dura, infamiq; barbarorum voce eorū animos perculisset, quorū affectabat beneuolentiā. Eō vel maxime quod vbi statim subdit, Sapiētibus & insipientibus, absq; dubio sapiētīū numero cōplexus est quoq; Romanos. Quippe q̄ iā sub id ætatis bonas literas artesq; ingenuas coluissent, ac legum politia morūq; elegātia reliquis antecellerēt nationibus. Accedit & huic coniectura, quod Romani vel ea forsan ratione quod Græcus Pythagoras in Italiā philosophiā intulit, vnde (vt author est Hieron.) magna Græcia Italiæ pars quedā dicta est, Græcorū appellatione concludebātur. Neq; verò dissentiā, si qs, Græcis ac barbaris, ad naturā referat, id est, tā elegātibus & ad literas natis hominibus, q̄ agreitibus & feris, Sapiētibus verò & insipientibus, ad artē: scilicet, tā eruditis & cultis, q̄ sciētiarū rudibus. Collige hinc ergo quod nullā natio, quāuis in remotissimis insulis abditissima, tam esse potest beluini ingenij, cui nō debeat euangelica prædicatio.

Anacharidis.

Chryso.

*Romani
Græcorū ap
pellatione.*

*Nota verita
tē catholicā.*

dicatio. Et est dubio procul, qui huic catholice veritati contradicit, condemnatissimus error. Alias neque vellet Deus omnes homines saluos fieri, nec fuisset Christus, vti vniuersalis redemptor, pro toto humano genere passus. Sunt autem qui sapientiū hic nomen Iudæis ascribant, propter peritiā legis, qua ad Euangelium poterant manu duci, & cōtrario gentes omnes, ob legis inscitiam, insipientium nomine intelligant. Sed tamen lectio hæc non adeo videtur legitima. Quicquid sibi tamen Paulus verbis huiusmodi voluerit, mirificum sanē diuinæ potentia, & virutis testimonium erat, quod cum Græcia omnium scientiarum emporium haberetur, totiusq; sapientiæ splendor & cultus, Roma verò imperiū mundi, homo natione Iudæus (gens toti orbi abiecta & inuisa) absq; humana vlla eruditione, artifex quidam tētoriorū futor, debitorem se Græcis Romanisq; erudiendis auderet prædicare. Sed ita Deo com placitum fuit, secundum altissimū iudicium suum, perdere sapientiā sapientum, & prudentiam prudentum reprobare. Nam quod infirmum est Dei, fortius est hominibus.

Ita quod in me promptum est & vobis qui Romæ estis, euangelizare.

Septima pars. Septimū est ac deniq; postremū prologi mēbrū, vbi conclusionē præmissorum facit. Concludit inquam gradationem, qua suum aduersus Romanos affectū exaggerat. Nempe quod in eodem pposito vidēdi eos, quod semper habuerat, adhuc perflisteret, quodq; idem iter, quod à Deo petierat prosperū, & procurauerat, etiā tunc esset promptissimus arripere: neq; per ipsum staret, quo min⁹ habita facultate, conficeret. Sed & coniunctio illa. (Et vobis qui estis Romæ euangelizare.) emphasin habet, ac si dixisset, Nihil plus cunctabor, & vobis qui in gloria summa estis & fastigio mundi, qui leges orbi præscribitis, & eloquentiæ numeros cum omni philosophiæ genere coniūgitis, euangelizare, quàm prouincialibus vestris ac subditis. Euangelizare vobis, ita est hic Græcè, scilicet in datiuo, sicut annunciare & prædicare vobis. Tametsi, euangelizo, eadem lingua & cum accusandi quoque casu construatur, sicuti, doceo, apud nos. Vnde, Pauperes euangelizantur, idē est, quod, Docentur Euangelium.

Nō enim erubescō Euangeliū:

virtus enim Dei est ī salutē omni credēti, Iudæo primū & Græco.

Submittit hic causam cur sit prōptus, etiā Romæ prædicare, quia scilicet non erubescit p̄dicationē Euāgelij. Ob idq; pleriq; interpretū ad exordium hunc textum pertinere existimant, enarrationē verò à subsequenti verbo, Reuelatur autem ira Dei, inchoari. Videtur autem nisi fallor, ita ad exordij calcē pertinere, vt sit etiā narrationis caput, atq; adeo nodus vtriusq; partis. Quin verò est propositio argumenti totius epistolæ. Quocirca hic p̄mittēda est totius diuisio ac distributio. Igitur (vt suprà dicebamus) tripartitū est epistolæ huius argumentū. Primū enim Romanos, in quibus & totum mortalium genus, admonitos habere satagit conditionis suæ & inopiæ post Adæ peccatum, vtpote qui suo pte ingenio & facultate naturali, redire in gratiā Dei nequeunt. Deinde (quod inde cōsequēs fit) omne studium totusq; conatus eius est, ita nos instituere, vt credamus, salutem & reconciliationem nostram, opus Dei esse per fidem & gratiam Iesu Christi. Tertiā demū partem in hoc expendit, vt nos per gratiam Dei iustificatos ad charitatis officia exhortetur. Duo priora tractat in vndecim priorib⁹ capitulis, at ita promiscuē cōmixtimq;, vt vix possint perspicuē discerni. Et ideo distributio quam possumus exactissimam facere, in quatuor fit præcipua membra: Siquidem in quatuor primis capitulis intendit illam constabilire conclusionem, quam profert cap. 3. Arbitramur iustificari hominem per fidem sine operibus legis, Vbi ostēdit gratiam Dei & fidem sic esse vniuersis vsquequaq; necessarias, vt absque illis nulla vllius legis opera Deo sint grata & accepta, tanquam vera iustitia, sed gratis nos propter eius misericordiam iustificari. In quatuor deinceps sequentibus patefacit earundem fidei & gratiæ amplissimam virtutem ac facultatem ad salutem, ad legisq; implementationem, denique ad consummationem vitæ Christianæ. In tribus autem subsequētib⁹ agit de origine eiusdem gratiæ & fidei iustificantium. Quibus tribus membris constitutis liquidò constabit, tum indigentia nostra, tum præcipuē potentissimū auxiliū Dei. Quartū deniq; mēbrū, puta à duodecimo capite vsq; ad finē, exhortatio ferē est hoīm iustificatōrū ad exaugēdam percolendamq; iustitiam. Proponit ergo statim hoc capite

Enarratio
nis caput.

Argumentū.

Distributio
in quatuor
membra.

Prothema. intentum prothema, scilicet fidem & gratiā euāgelicā cūctis esse mortalib⁹ necessariā ad salutem, vt sine quā nulla vnquā lex potuit hominem iustificare. Ait itaq; , Nō erubescō Euāgeliū. Enimuero cum ea esset Romanorū superbia & gloria, vt nihil humile saperēt, nihil deiectum & vulgare, vel admittere, vel certe audire dignarētur, nisi quod de media philosophia deprōptū esset, omniq; ornatū elegātia; neq; rursum in deos referrēt, nisi hoīes illustres, victoriisq; & triumphis clarissimos: pudere certē quemq; poterat, præconiū Romā inferre Iudæi hominis, & fabro (vt vulgo putabatur) prognati, qui non solū nullā habuisset vnq; armorū potentiā, verū scelerum reus factus, crucis dedecus inter latrones medius pertulisset. Hunc scilicet vnū Deū prædicare, contra verò Herculē, Iouē, aliosq; hoc genus indigetes atq; penates deos, veluti hominū portēta, eliminare, eorūq; delubris imaginē Dei affigere pendentis in patibulo, poterat circūspectissim⁹ quisq; erubescere, atq; is p̄sertim, qui nō eloquētia polleret Ciceronis, cui aures illi assueuerāt accomodare, sed ea sermonis incompta simplicitate vsurus foret, quā ad retundendā sapientiā huius seculi De⁹ prouiderat. Poterat inquā vnusquisq; id erubescere, nisi qui ab ore eiusdem Dei audisset, Qui me erubuerit & sermones meos, hūc filius hominis erubescet, cum venerit in maiestate sua & patris & sanctorū angelorū. Mirificē autē ac venustē Hier. expressit hunc Paulinū affectum. Ecquid enim Apostolus apud eos hoīes Euāgeliū Dei erubesceret facti hominis, qui non solū prodigiosos hoīes, verū animalia bruta colebāt vt deos, cum in primo admiranda pietas sit, & in altero horrendū dedecus. Vbi & hæretici pariter subnotantur, qui indignum reputabāt, vt hominē Deus indueret. Igitur nihil erat, cur Paulus Romanos erubesceret, qui nihil falsum, sed diuinam veritatem, qui nihil humile, sed summam pietatem prædicabat. Quin habebat potius ex quo idololatras illos pudefaceret. Vnde quod hic ait, Non erubescō, repetit ad Corinth. Prædicamus Christum crucifixum, Iudæis quidem scandalum, Gentibus autem stultitiā, ipsis autem, &c. Dei virtutem, & Dei sapientiam: Est rursus merito considerandum, quā ex arte qui in fronte statim salutationis nominauerat se apostolum, hoc est, ministrum segregatum in Euangelium, in calce itidem exordij verbum resumit Euangelij, vnde eius virtutem decentius

aggrediatur enarrare. Idcirco subdit (*Virtus enim Dei est*) Ecce propositionem thematis, ac Enarrationis initium. Quando verò ait quod Euangelium est virtus, non vsurpatur hic nomen Euangelij pro verbis euangelicis: ea ratione, qua Bartholomæus, Barnabas, ac cæteri quoq; sancti discipuli per tactum Euangeliorum sanabant à languoribus infirmos: sed vel accipitur pro ipsarum serie rerum, quemadmodū, quod Deus factus est homo, quod crucifixus est, &c. dicimus esse Euangelium, vel (quod eodē relabatur) accipitur pro verbis seu prædicatione, eo significato, quod per ipsam diuulgantur Dei hominis facti mysteria, quæ sunt nostræ causæ salutis. Vt sit huiusmodi verborum contextus, Euangelium est denuntiatio virtutis potētiaq; Dei, quæ per Christum Iesum salutem pollicetur, omniq; præstat credenti. Quemadmodum loquitur Christus Ioan. 6. Verba quæ ego loquor vobis, spiritus & vita sunt. Vtrunq; significatū nos Paulus eodem loco perq; sapienter docet. 1. Corint. 1. Verbum, inquit, crucis pereuntibus quidem stultitia est, iis autem qui salui fiunt, Dei virtus. Et paucis interiectis, Prædicamus Christum crucifixum, Iudæis quidem scandalum, Gentibus autē stultitiā, ipsis autē vocatis Iudæis atq; Græcis, Dei virtutē & Dei sapiētiā. Qui nanq; prius dixerat, verbū crucis virtutem esse, continuo repetit, Christum crucifixū, virtutē esse eadē, Virt⁹ quippe Latine nomē anceps est, nam opponitur & vitio & impotētie, Græcis verò diuersæ sunt voces ἀρετή & δύναμις, hic autē legēdum est in posteriori significatione, vt idem polleat quod potentia (*Virtus Dei*) Quoniā non est in hominis credētis, aut merito, aut facultate, saluum se per se facere, sed virtus Dei est, quæ per fidē saluū facit credentē, secundū illud. cap. 9. Non est volentis neq; currentis, sed Dei misereantis. Olim sub lege mittebātur desuper patribus angeli, qui eos à periculis seruarēt, vt Gen. 48. Angelus qui eruit me de cūctis malis, &c. in noua verò non nominatur nisi virtus Dei. Neq; verò ait, virtus Christi, sed Dei, vbi prima residet authoritas, à quo Christus eandem accepit. Iuxta illud. Data est mihi omnis potestas in cælo & in terra. Et dicitur virtus, non solū propter stupendam potestatem, quo moriens mortem vicit, & vitam donauit æternā, verum & propter admirandā victoriā fidei, cuius prædicationi, miraculis cōfirmatē, mūdus nō potuit resistere. Quod enim stultū est Dei, sapientius est hominibus,

Enarratio-
nis initium.

Euāgelium.

Ioan. 6.

1. Cor. 1.

Virtus Dei.

1. Cor. 1.

Salus.

minib⁹: & quod infirmū est Dei, forti⁹ est ho-
Salus. minibus. (In salutē omni credēti.) Salus, licet nō-
 nunquā pro sanitate accipiat, differūt tñ,
 q̄ sanitas est bonus corporis habitus, firmaq;
 valetudo. Salus aut̄ (vt hic accipitur) idē est q̄
 incolumitas, cū quis ab aliquo periculo serua-
 tur. Quēquidē gr̄cē diuerse sunt voces, *ὑγιαίνω*,
 id est, sanitas; *σωτηρία*, id est, salus. Vnde *σωτήρ*
 saluator. Hoc loco & quibusuis similib⁹ scri-
 pturē, accipitur hoc secūdo mō. Vt Exo. 14. su-
 per transitū maris rubri, ait Moyses, Nolite ti-
 mere, state & videte salutem dñi quā vobis fa-
 cturus est hodie. Et Iud. 15. de Sāplone. vbi mil-
 liariā illā turmā Philistinorum maxilla asini
 trucidauit. Tu dñe, inquit, dedisti in manu ser-
 uū tui salutē hāc & victoriā. Et 1. Reg. 11. tale est
 ad populū verbū Saulis cōgredientis cū Am-
 monitis. Cras erit vobis salus. Illā enim oēs sa-
 lutares victoriē; mysteria erāt spiritualis hui⁹
 per Christū conferendā salutis: quam proinde
 prophetē identidē vaticinabātur. Vt, Dñs
 illuminatio mea & salus mea. Et, Salus iusto-
 rū a dño. Et, Dñe virtus salutis meæ. Quibus
 ferē hic verbis vsus est Paulus. Et Zacharias,
 Quia visitauit & fecit redemptionem plebis
 suæ. Et erexit cornu salutis nostræ. Vnde du-
 ces omnes antiquæ legis, qui Christi figuram
 gerētes populo salutis fuere, Saluatoris appel-
 latione cognominabātur. Vt Gene. 41. Iud. 3.
 & quarti Reg. 15. cernitur. Quo alludens ange-
 lus, Christianæ salutis paronymus. Voca-
 bis, inquit, nomē eius Iesum. Ipse enim saluū
 faciet populum suum a peccatis eorum. Quæ
 tamen etymologia, nisi hebraice, splendorem
 non habet. Est enim (vt characteribus Latinis
 effigietur) Iasa verbū, seruare, vel si dicas, sal-
 uare, cuius verbale nomen, Iesua, id est, Serua-
 tor, vel Saluator. Est ergo perinde, ac si dixis-
 set, Vocabis nomen eius Saluatorē, ipse enim
 saluum faciet populum suum a peccatis eo-
 rum. Hoc autem verbum imprēsentiarū addē-
Saluator. dum duximus de nomine Saluator. Illi enim
 qui hac etate latinitatis tutelam nimio iure
 susceperunt, non, Saluator, admittunt, sed, serua-
 tor, aut liberator, aut sospitator. Quia saluare
 aiunt, non est Latinū, sed, saluere, defectiuum
 salutandi verbū neutrum, significans id quod,
 saluum esse. In actiua verō significatione pro
 eo quod est, saluum facere, non saluare, sed,
 seruare, dicunt Romani, atq; inde seruator, nō
 saluator. At verō licet, conseruatis, etiam dixe-
 rit Iudas, Dilectis & Christo conseruatis &
 vocatis, tamen cum saluare, & saluatus, & sal-
 uator, non solum sint in scriptura frequentif

fima, verum & solennes doctores & latinē ce-
 lebratissimi, vt Aug. Ambro. Cypria. Lactan.
 crebro vsurpent, non est cur nos ab illis absti-
 neam⁹, eo p̄sertim q̄ neq; Quintilian. neq;
 Cicero ipse ab hoc verbo abhorruere. Ait si-
 quidē ille. li. 2. ca. 10. At loquūtur & saluāt per
 sonarū discrimē. & Ci. li. 2. de na. de. Itaq; maxi-
 mē reip. partes in his bellis quibus reip. salus
 continetur nullis auspiciis administratur, nul-
 la perennia saluatur. Neq; vero est cur audiā-
 tur qui his locis fidē derogāt dicētes legendū
 forte, Seruant, & seruantur. Vt ergo ad literā
 vnde videmur discessisse, reuertamur, ait, vir-
 tutē Dei quē per Euangeliiū annunciatur, nō
 eā esse, q̄ est ad creandū mundū, vel ad liberā-
 dū seruandūq; populū a corporeis periculis,
 vt a diluuiō seruauit Noe; & ab Aegyptiis Is-
 raelē, sed in salutē aīæ omni credēti (*Iudæo pri-
 mū & Græco*) Quod dixerat, omni credēti, ex-
 primit subdens, Iudæo primū & Græco, id est,
 sine aliqua discrepātia humanę cōditionis. Sed
 p̄posuit, Iudæo, vt seruaret antiquitatis ordinem
 in credēdo: nā prius crediderūt in Abrahamo
 Iudæi. ¶ Dubitare hic q̄spiā pōt, an sub ista di-
 stinctione vniuersos mortales cōplectatur, ve-
 luti sub illa supiori, Gr̄cis ac Barbaris, Orig.
 quidē neq; per illā neq; per hāc cēset totū or-
 bē cōprehendi, sed ait, q̄ cū Gr̄ci duabus ap-
 pellationibus, Gr̄ci & Barbari, omne homi-
 nū gen⁹ exprimerēt, veriore distinctione vsus
 est Paulus sub trina appellatione, scilicet Iudæorū,
 Gr̄corū, & Barbarorū. Atqui forsan ita res
 habet (vt iā p̄notauimus) Iudæos nō venire
 aut Gr̄corum, aut Barbarorū nomine, sed ni-
 hilo secius verō simillimū est, q̄ per hanc mo-
 do bimbrem diuisionem intelligatur to-
 tum humanum genus. Sed annotandum est,
 quod *Ἰουδαῖοι* gr̄cē vno significato significat
 Gr̄cos, alio verō idem est, quod Gētilis, Vbi
 ergo suprà è regione ponuntur Gr̄ci & Bar-
 bari, accipitur primo modo pro illa natione,
 hic verō ubi opponitur Iudæo, idē pollet qd
 Gentilis. Cū enim Romę lis esset inter Iudæos
 & Gentiles de lege scripta & naturali, prima
 statim propositio Pauli est, salutē nemini cō-
 tingere posse, neq; Iudæo, neq; Gentili, nisi
 per virtutem Euangelii. Quocirca hoc sibi fa-
 miliarissimo binario Iudæi & Gr̄ci totū or-
 bis ambitum vbique complectitur. Adeo, vt
 Ephe. 2. inde vniuersitatē redemptionis Chri-
 sti patefaciat, q̄ ipse fuerit pax nostra faciens
 vtraque vnum. Nempē qui medio pariete ma-
 ceriæ, hoc est, ceremoniarū legis, diruto, duos
 populos condidit in semetipso in vnū nouū
 hominem

Scriptura te
stamonia.

Vocabis no-
men eius Ie-
sum.

Iudæo pri-
mū & Græ-
co.

Origē.

Gr̄ci &
Barbari.

Ephe. 2.

Lutherani.

hominem, ut ambos reconcilaret in vno corpore Deo. Et hoc est quod ait hic. Virtutem Euangelii esse in salutem omni credenti. Hic autem primus locus est Pauli, unde Lutherani ab orthodoxa patrum expositione discordant. Hinc argumentorum turbam ordiri inceptant, hinc bellum contra nos de iustificatione adoriuntur. Si enim, inquit, sal. 1^o apostolico testimonio omni in vniuersum patet credenti, quid aliud ad iustificationem desiderare oportet, aut exigere, quā vnicā fidem? Huius autem statum controuersie, et si

De natu. & grat. lib. 2. infra quoque commodius repetam cap. 3. tamē cap. 5. & 12. & 21.

Gala. 5. 1. Cor. 15.

Status controuersie Lutherano- rum.

Veritas catholica.

lib. 2. de nat. & grat. satis explicuerim, quam quia creberrimi subinde occurrunt loci huius figuræ, operæ prætiū est summatim hic eādem ex parte referre. Fatentur enim catholici per fidem, ut hic ait Paulus, iustificari credentes, sed tamen per eam fidem, quæ per charitatem operatur. Ut ipse idem Apostolus ad Galatas attestatur. Nam alias, etiam si tanta esset (ut ait ad Corinth.) quæ transferendis montibus sufficeret, nihil ad iustitiam coram Deo valeret: pro eo quod, teste eiusdem apostolici ordinis Iacobo, ociosa esset, quinetiam mortua. At neque illi negant fidem qua iustificamur, eam esse, quæ per charitatem operatur, sed tamen id verbotenus sustinent. Nam re vera bis per omnia à veritate distant. Concedimus enim omnes fide per charitatē operante apprehendi iustitiam Dei: attamen, ut cap. illic. 5. explicitum à nobis est, apprehendere, idem illis est, quod credere, puta intellectus assensione accipere verbum promissionis diuinæ, quod solum, ut aiunt, necessarium est ad salutem. Iustitiam autem & gratiam sola sic fide apprehensam subsequitur, secundum illos, charitas & reliquæ virtutes, quæ ideo nullatenus concurrunt ad primam iustitiam, sed sequuntur iustificatum. Vbi facillimum perspectu est, quemadmodum iuxta eorum dogma non iustificamur fide per charitatem operante, sed sola fide, id est, intellectus assensu, antequam per charitatem operemur. Veritas autem catholica est, fidem esse omnino necessariam ad salutem, per quam quidē apprehendimus, hoc est, cognoscimus unde pendeat & in quo consistat iustitia & salus nostra: veruntamen hanc Deus salutem in adultis per actus fidei & charitatis operatur qui ante gratiam informes sunt: post verò, formati. Deus enim ita nobis per fidem Christi pollicetur salutem, si fecerimus quæ fides iubet. Non enim solum ait, Qui crediderit,

sed, Qui crediderit & baptizatus fuerit. Et, nisi poenitentiam habueritis, omnes simul peribitis. Et, Si impius egerit poenitentiam, omnium iniquitatum eius non recordabor. Et, Conuertimini ad me & conuertar ad vos. Nō ergo satis est credere, ad iustitiam, sine actione poenitentiae. Quo circa fides non solum operatur per charitatem formatam in eo qui iam iustus est, sed per actus etiam quodāmodo charitatis disponit ad iustitiam: dum peccator numine afflatus diuinoque; attractus digito, assensum præbet Deo, libere nos mouenti atque diuinę motioni cooperatur per spem salutis & peccatorum detestationem. Igitur in hoc sensu audiendus est hic Paulus prædicās, Euāgelium, virtutem esse Dei in salutem omni credenti, ut lib. 2. citato latissimē à nobis disputatum est, vbi cap. 21. hunc Pauli locum peculiariter tractauimus, sed & cap. hic item 3. explicatius iterabitur idem locus.

3. Explicat.

Iustitia enim Dei in eo reuelatur ex fide in fidem.

Expositionem attexit eius quod dixerat, Virtus Dei in salutē. Salute enim nostra tūc re vera potimur, cū iusti habemur, sumusque; apud Deū. Iustitia namque, idē est quod equalitas inter duos. Atqui tunc res vnaquælibet iusta est, cū rectē se habet ad proprium finem. Finis autē hominis (ut lib. 1. de nat. & grat. differebam) nō vnus, ut in ceteris se inferioribus creaturis, sed duplex est, nempe naturalis & supernaturalis. Hic supremus est: in quem inferior ille refertur. Naturalis finis hominis est bonum honestum, quod est rationis obiectum. Et ideo naturalis eius iustitia est operari secundum rationem propter honestum. Hoc enim est viuere, ceu animal rationale: in quo proinde Aristoteles felicitatem humanam constituit. Sed alter homini finis est supernaturalis in visione amati Dei consistens. Quocirca iustitia supernaturalis est, in gratia Dei agere, atque ea præstare officia quæ illi sint grata acceptaque ad vitam æternam. Primus dicitur naturalis, quia suapte natura homo cum generali affluentia Dei potest talem exequi iustitiam. Potest quippe nonnulla opera moraliter bona agere, quæ licet non sint merita æternæ vitæ, atque adeo nec simpliciter bona, sunt tamen vtcunque bona, id est, iusta apud homines. Quod libr. eodem late discussimus. Iustitia autem supernaturalis nuncupatur hic ab Apostolo iustitia Dei. Vbi nihil refert qualiter geniti-

Iustitia

Finis hoīs duplex, & duplex iustitia.

Lib. 1. de nat. & gratia, cap. 21.

uum vsur-

Iustitia Dei. uum vsurpes, actiuēne, id est, iustitia quæ est à Deo, an verò obiectiue, id est, iustitia inter hominem & Deum: Seu, iustitia coram Deo. Iustitia enim nobis apud Deum inesse non potest, nisi Deo ipso auctore per iustitiam Christi. Hæc autem iustitia inde constat: primum vt in gratiam suam ac beneuolentiam (vnde nos Adam deiecit) restituat: mox vt iussa faciamus iuxta intentionem, qua nobis ab ipso præcepta sunt: puta vt digna sint præmio æterno: qualia esse nequeunt, nisi in eius nos gratia, sua ipsius ope asseramus. Posita ergo est salus nostra in hac iustitia Dei, quæ inde iustitia Dei dicitur, auctore Augusti. in lib. de spiritu & lit. quòd impartiendo eam iustos facit. Sicuti domini est salus, qua saluos facit. *Iustitia.* Quocirca non accipitur hic iustitia pro speciali virtutē, quæ distinguitur in commutatiuam & distributiuiam, sed pro toto virtutis genere, quod vniuersam probitatem comprehendit. Quemadmodum Matth. 3. Sic decet nos adimplere omnem iustitiam. Et ca. 5. Nisi abundauerit iustitia vestra plusquā scribarum & pharisæorum, non intrabitis in regnum cælorum. Hæc enim iustitia Dei est, quæ reuelatur in Euangelio. Tamen (quod mihi probabilissimum est) iustitia hic etiam accipi possit pro iustitia Christi, qui de condigno meruit nobis reconciliationis gratiam vt infra suo loco exactius latiusq; patebit. (Ex fide in fidem) Geminam hanc fidem variè enarratores, nec parum diuersè, interpretantur, nunc præcipuè postquā ex Ciceronis officina tam densa in Paulū prodiit enarratorum caterua. Igitur, vt nouas commentitiasq; expositiones missas faciamus, & complures alias, quæ in glossa referuntur, duæ sunt ad rem pertinentes. Prior quā Ambros. suggerit, est, iustitiam Dei reuelari ex fide, quam nobis ipse dat promittēdo salutem, in fidem quam nos illi vicissim tribuimus credendo. At verò doctissimus Ambros. potius videtur hic modum attingere, quò salutem acquirimus, q̄ quo nobis reuelatur. Adipiscimur enim tunc salutem, cum Deus confert quod promissit, annuentibus quidem nobis credendo. Reuelari verò ex fide in fidem, ordinem planè luminum ac successionē designare videtur. Quamobrem sensus omnium certissimus est, vt vtroq; loco assensus intelligatur credētium per reuelationem Dei. Nempe ex fide antiquorum patrum in fidem nostram. Hunc enim sensum Orige. Chrysosto. & reliqui patres magno hic consensu percipiunt.

Cum enim dixisset Paulus, Iustitiam Dei reuelari in Euangelio, obicere ei potuissent Iudæi, ante Euangelium reuelatam illis in lege fuisse salutem. Quocirca præocupans eos, qui sic reclamarent, ait, iustitiam hanc nō in Euangelio primum, sed ex fide in fidem reuelari, id est, primum in lege veteri patribus, quibus multifariè multisq; modis loq̄batur olim Deus in prophetis, per fidem implicitam & trinitatis & Christi, postea per explicitam nobis in Euangelio, quibus explicatius locutus est in filio. Quæ quidem fides licet ex parte obiecti, non duæ, sed vna sit, scilicet de vno Deo, deq; vno Messia, iuxta verbum Apostoli Ephes. 4. distinguuntur tamen accidentaria differentia expressionis & temporis. Quem enim ipsi credebant implicitè trinū, nos explicitè, & quæ ipsi operiebantur venturū, nos cōfitemur venisse. Est ergo sermo hic talis. Iustitia Dei per Christū q̄ sub fide antiquæ legis velabatur, nunc per fidem Euangelij reuelatur. Et apparet ex fide in fidem, dixisse, qua forma dialectici docēt ex præmissarum scientia progredi discipulum ad eam quæ est conclusionis. Quæ de causa Apostoli & Euangelistæ sæpe vtebātur testimoniis veteris testamēti, vt pximo textu patet, & cap. 3. repetemus. Reuelatio autē hæc iustitiæ Dei est, nemini vnquā mortalium per vlliū operā legis extitisse salutem, nisi per gratiā Dei in fide, vel implicita, vel explicita Iesu Christi. Gentilibus autem qui possent identidem redarguere, etiam in lege naturæ extra fidem Iudæorum patuisse sibi salutem, respondere hic differt: dicturus statim quomodo illis facta fuerit reuelatio iustitiæ Dei: atq; adeo inuisibilibus bonorū, per ea quæ facta sunt. Sicut scriptum est. Iustus autē ex fide viuet.

Testimonium hoc non assutum cogites sententiæ proximæ, reuelatur ex fide in fidem, sed superiori, in salutem omni credenti; Neque idcirco sit vitiosum hyperbaton, quinimo appositissimè prius exponere studuit, quidnam rei esset virtus illa in salutem: vtputa quòd esset iustitia Dei, quæ vita est omni credenti. Et quia dixerat, ex fide in fidem, è vestigio subiicit testimonium antiquæ legis, quomodo credenti pateat salus, videlicet quia iustus ex fide viuit. Est autem verbū hoc Abac. 2. Vbi translatio nostra habet, Iustus autem in fide sua viuet. Septuaginta verò, ex fide mea viuet. Et quidam codices La-

vna fides.

Reuelatio in fide.

Abac. 2.

tini

Hieron. tini habet, uiuit, de presenti. Hiero. septuaginta arbitratur fuisse deceptos similitudine q̄ maxima est characterū Hebræorū, 1, Iod & 1, Vau. Nam si dictio terminatur in, 1, Iod, legē dum est, mea. Si verò in, 1, Vau legendū, sua. At fortasse in re ambigua consultius septuaginta duxerūt vertere, mea, vt humanā salutē Deo trāscriberēt. Apostolus autē vtrūq; sup̄ presit, vbi idcirco alterutrū subitelligi licet. Nisi forte vel, sua, dixit, vel, mea, & a scriptorib⁹ neglectū est. Hic, secundus locus est, quē *Lutherani.* Lutherani pro se adferūt: porrò quē eō intellectū legunt, q̄ fides per se sit vita ipsius iusti, atq; adeo reliqua opera nihil ad iustitiā corā Deo conferant. Cū tñ (vt eodē cap. 21. lib. 2. demonstrauimus) non ille sit sensus, q̄ fides sit vita ipsa & forma qua homo est iust⁹, sed q̄ fides sit, q̄ iustum, tum in finē dirigat, tum alliciat ad virtutē. Ac si dixisset, Iustus nō pri⁹ recipit p̄m̄ium, q̄ operetur, sed in futurū prospiciēs operatur. Vnde, ex fide, inquit, *Hieron.* quia sine fide, hoc est, sine spe retributionis bonorū operū perficere virtutes nemo poterit. Quo sensu ait ipse ad Heb. Credere oportet accedentē ad Deū, quia est, & quia remunerator est. Atqui sensus hic planissimus est & perspicu⁹ in verbis p̄phetæ. Excitat enim illic Deus desides homines ac sensuales, qui nō nisi præsensibus cōmouentur, quibus ait, *Lib. 2. de natura & gratia. cap. 21.* Ecce qui incredulus est non erit recta anima eius in semetipso: iust⁹ autē in fide sua uiuet, id est, spe per fidē reuelata durabit in opere. Et Apostolus ipse ad Hebr. 10. eundē prorsus depromit intellectū, vbi ait, Nolite itaq; amittere confidentiam vestram, quæ magnam habet remunerationē: patientia enim vobis necessaria est, vt voluntatem Dei faciētes reportetis promissionem. Adhuc enim modicum aliquatulumquē qui venturus est, veniet, & non tardabit. Iustus autem meus ex fide uiuit, quod si subtraxerit se, nō placebit anime meæ. Viuit ergo iustus ex fide, dum propter Deum, quem fide cognoscit & propter p̄m̄ium, cuius sp̄e habet, ex fide, facit opera charitatis. Vbi status depingitur & conditio nostra à Deo peregrinātiū. Illi quippe triumphatores calicōlæ ex visione amātes viuunt, nos verò ex fide operātes. Atq; hic est quoq; sensus superioris conclusionis, quē hoc testimonio confirmatur, Euangelium est virtus Dei in salutem, omni credenti.

Reuelatur enim ira Dei de cēlo super oēm impietate & iniustitiā

hominum eorum, qui veritatem Dei in iniustitia detinent.

Præfixa itaque, explicata & testimonio scripturæ confirmata capitali propositione totius epistolæ, nimirum quod soli gratiæ Dei per merita Christi adscribenda salus sit totius humani generis, ad amplissimam eius corroboracionem descendit, tali ordine, secundum partitionem quam nuperrimē faciebamus. Primo in quatuor hisce capitulis dilucidat hanc secūdo loco propositā particulam, Iustitia enim Dei in eo reuelatur, demonstrando, (vt paulò ante dicebamus) necessitatem gratiæ & fidei euangelicæ. Mox in quatuor proximis edisserit priorem partem, scilicet, Virtus Dei est, explicando potestatem ac facultatem magnificam gratiæ iustificantis ad opera subsequētia perficiēda. Tertio in trib⁹ subsequētib⁹ explicat, quod ait, Iudæo primū & Græco, quēadmodum vtiq; vtriq; populo, id est, vniuerso orbi gratuito Dei munere eadē gratia obuenerit. Est autē in hac potissimū tractatione ob oculos habēda bimēbris illa diuisio iustificationis, quā lib. 2. de na. & gra. p̄fiximus. Prima enim est, qua q̄ iniustus erat, iustus fit: iuxta illud infra. 4. Credēti in eum qui iustificat impiū. Altera verò est, qua (vt est in Apocal.) qui iustus est, iustificatur adhuc. Prima est remissio peccatorum per gratiam operantem. Secūda verò est progressio ad vberiorē iustitiā per gratiā cooperatē. Tertiā illic iustificationis acceptionem adieciimus, vt iustificatio sit absolutio eius, qui reus in iudicio fit: cū scilicet secundum allegata & probata ab illo iudex sententiā profert: iuxta illud Pro. 17. Qui iustificat impiū & q̄ cōdēnat iustū, abominabilis est vterq;: de qua acceptione ī subsequētib⁹ aduersus Lutheranos redibit sermo. Attamen est hic maximopere speculāndus processus apostolicus ad intellectū literę, q̄ alias abstrusissima videtur. Etenim quoniā duo poterant hoīes allegare, quibus suam arrogarent iustitiā, scilicet, vel cognitionē seu receptionē legis, vel secundo opera quę fecissent secūdū legem, hunc in ostendenda gratiæ ac fidei necessitate ordinē tenet, q̄ primū patefacit, cognitionē seu receptionem legis sine operum exhibitione neutiq; sufficere ad iustitiā, vel acquirendam, vel augendam. Iustitiā dixerim, nec quæ apud Deū est, nec quæ apud homines. Et hoc pertractat vsq; ad illud locum cap. 3. Qui ex operibus legis, &c. Nempe

Ordo & distributio.

Iustificatio duplex.

Lib. 2. de natura & gratia. ca. 6.

Processus Apostoli.

Nempe commonstrando, non auditores legis, sed factores iustificari apud Deū. Quinimo in eos, qui auditores sunt & non factores, iram prorsus Dei reuelari. Illinc verò vsq; ad finem quarti capitis progreditur, vt confirmet, quòd neq; opera cuiusvis legis efficacia sunt primæ iustificationis, hoc est vt ex iniusto quis iustus fiat, sed eiusmodi causam iustitiæ ad fidem esse & ad gratiam Dei referendam. Quæ idcirco gratia & fides, causa quòque sunt, vt opera iustificati, auctioris sint iustificationis merita. Ex quibus deniq; colligit necessitatem gratiæ & fidei, vtpote quòd ex illis vtrunq; iustificationis genus omnino dependeat. Sed quo perspectior hæc tibi sit partitio, hinc oculis prospicere incipias discrimen inter legē et fidē, qd̄ Paulus in subsequētib⁹ expādit. Est enim hoc, q̄ legis, siue naturalis, siue scriptæ id, pr̄sum munus fuit, vt doceret quid bonū & quid malū: & ideo in excusabiles faciebat delinquentes: iustitia verò quæ est apud Deum, atque adeo impletio legis ad suam ipsius intentionem, beneficium est diuinum per fidem Christi. Quamobrem duo hic statim proponit. Primum quòd euangelium Christi redemptoris virtus Dei est in salutem, quippe in quo ipsius iustitia reuelatur. Alterum, quòd pariter in eo reuelatur ira eiusdem Dei in eos, qui veritatē eius per iniustitiam retinent. Atqui cognitionem legis absq; operibus nihili fieri apud Deum, quinimo præuaricatores per eandem reos constitui, præmonstrat de gentilibus in residuo hoc fragmento huius capituli, ac deinde vsque ad locum iam præsignatum cap. 3. quia ex operibus legis, palam idem facit in Iudæis: nimirum de ambobus concludens populis, quib⁹ est totum hominum genus complexus, quòd omne os obstruendum sit, omnisq; mundus subiiciendus Deo, vtpote in cuius arbitrio & beneplacito posita est nostra salus. In accusatione autem gentium tria peragit. Præmittit namq; primum, quam habuissent notitiam Dei, iurisq; naturalis, mox quanta nihilominus commisissent flagitia, ac demum quales exoluissent poenas. Haud ergo abrupta tibi ineptaq; videatur oratio hæc, dum de improviso à reuelatione iustitiæ Dei digreditur ad reuelationem iræ. Est enim potius artificiosissima continuatio: iustitia etenim duas habet partes, videlicet retributionem bonorum, & malorum vindictam: ob idq; reuelatio iræ, explicatio est iustitiæ. Quocirca ne proponenti Paulo, iustitiam Dei reuelari in Euange-

lio, obtenderent gentes, reuelationem iuris naturalis sibi satis fuisse, præuenit eos dicens, Imò reuelatur simul in eodem Euangelio & ira Dei super impietatem vestram, qui agnitionem illam naturalis iuris deprauatissimis moribus contaminastis. Et est vocum respondentia supra modum concinna, Iustitia Dei reuelatur ex fide, & Reuelatur ira Dei de cælo super omnem iniustitiam, licet sit modus conuersus. Nā iustitia nostra à Deo per fidē velut ex suo fonte promanar, ediuerso autē iniustitia nr̄a non est effectus iræ Dei sed causa. (*Ira Dei.*) Nulla in ipso est passio, sicuti in nobis, sed tamen iustissima eius vindictio, dicitur ira, nomine sumpto ab affectione quæ est in nobis. Non quidem propter similitudinem affectuum, nihil enim in Deo simile est iracundiæ nostræ, nempe qui (vt est in lib. Sap.) cum tranquillitate iudicat, sed propter similitudinem effectuum. Sic enim Deus absq; vlla concitatione animaduertit in reprobos, qualem homo percitus ira effectum facit in hostem. Sicuti in subuersiōe orbis dixit se poenituissē, quòd creasset hominē quoniam ita humanum genus deleuit de superficie terræ, quemadmodum deleret vas, figulus, quem poenituisset facti. Quāq; & potest accipi nomen, ira, pro effectū ipso. Iuxta illud Exod. 15. Misisti iram tuam & deuorauit eos ignis (*De cælo.*) Exaggeratio est ad incutiendum terribilius timorem. Præterquam quòd fortē adiectum est ad declarandum, flagitiosos illos atq; impios gentiles tanta licentia vixisse, ac si Deus (vt est in Iob) nostra de cælo non consyderaret, sed ambularet circa cardines eius: contra quā est in psalmo illo, Dominus de cælo prospexit super filios hominum, vt videat si est intelligens aut requirens Deū. ¶ At verò apparere cuipiā posset, non primum fuisse in Euangelio reuelatam iram Dei, imò non tam euidenter tamq; horribiliter in ipso, quā olim, cum in lege naturæ, tum etiam in lege scripta. Legimus enim pridem cæli cataractis apertis obrutum orbem, item ardētī sulphure è cælo iactato confelatas vrbes infandæ turpitudinis dedisse poenas, alibi hiatu terrę viuentes homines absorptos, atque alibi ab angelo cælitus misso permulta hominū millia trucidata, aliāq; id genus prodigia, quorum similia à Christo vsq; nato nunquā, aut certe vix vnquam accidisse legimus. Qua de causa Manichæi Deum veteris testamenti crudelem exstimabant. Quin vocabatur in lege, Deus ultionū. Quid

*Discrimen
inter legē
& fidem.*

*Tria in accusatione
gentium.*

Sap. 12.

Dubitatio.

Manichæi.

Humanum
genus.

Esa. 1.

Luc. 12. Noli
te timere eos
qui occidunt
corpus.

Quid ergo est quod ait Paulus, terrificam iram Dei cum Christo nato reuelatam de celo? Vt alia hic interim responsa intermittam, quod mihi in mentem venit, quodque euāge- ca hominum soboles animo deberemus altè recondere, ne adeo nos secure præcipites in vitia daremus, sic habet. Humanum genus ante scriptam legem infans erat, sub lege dein ceps, ceu puer (vt inquit Apostolus) sub pēda gogo: quib⁹ proinde hominibus tam officio- rum præmia, quàm erratorum supplicia (qua- lia illi etati conducentia sunt) præsentanea & sensibus peruia proponebantur. Si volueritis (ait per Prophetam illum) & audieritis, bona terræ comedetis: quod si nolueritis & me ad iracundiam prouocaueritis, gladius deuorabit vos. At vbi ad iustam ætatem adoleuit, vt in hereditatem mitteretur, nihil iam in Euangelio puerile, nullum nobis lex nostra temporarium statuit, vel præmium, vel supplicium. A visibilibus nos ad inuisibilia abducit, ad cēlestia attollit à terrenis. Cum ergo Apostolū hoc loco iram de celo euangelicam comminantem audio, multo maiore intelligo, quàm vel conflagrationem vrbium, vel orbis inundationem, nempe illam domini ac iudicis notitiam, vbi ait, Ne terreamini ab his qui occidunt corpus, & post hæc non habent amplius quid faciant. Ostendam autem vobis quem timeatis. Timete eum qui postquam occiderit, habet potestatem mittendi in gehennam. Quod perinde est, ac si dixisset, Non solum minus timendi sunt qui occidunt corpus, quàm qui torquere potest animas, eo quod maior corpore est anima, sed ex eo minus sunt metuen- di, quod non possunt, dum torquent, nō occidere. Si enim id valerent, ob id multo essent magis extimescendi. Fac dirum immanissimū q; tyrannum omni tormentorum genere in quempiam defæuire: videlicet qui hominem, vti pecus, coram iubeat excoriari, exenterari, dilaniari, torreri, & quouis alio (si quis excogitari potest) modo affligi, posseq; etiam tūc hominem illum non interficere, sed spiritum sensusq; vim in illo corpore in columnem retinere, vt quoties sibi libitū esset, in equuleū repeteret, eademq; tormenta iterum ac subin- de iterum integraret. Hæc certe potestas vehe- mentissimè perhorrenda esset. Vefuntamen cum in hominis facultate positum non sit, vt quem cruciat, non perimat: quinimo quo quis crudelius cruciat, citius interimit, non est cur tantopere occisores corporum timeā- tur. Nam illuc vsq; penit⁹ eorum terminatur

seuitia. At verò illius est potestas expauescen- da, à quo nec ipsa te mors valet eripere, sed post necem corporisq; interitum animam po- test cū resumpto immortal corpore sic sem- per discruciare, vt tamen nunq̃ exhaustiat vi- tam, Hęc vtiq; ira Dei est que reuelatur de cæ- lo, in lege quidem naturę qualiquali notitia, in lege vero scripta aliquanto maiori, sed in Euangelio explicatissime (*Super omnem impietatem & iniustitiam, etc.*) Impietas est hominum in parentes, in patriam, atq; cū primis in Deū in quos proprie nō est iustitia, quia nec esse potest equalitas obsequiorum ad suscepta be- neficia. Iniustitia verò ē inter homines. Et po- test hic fortè speciatim accipi, vt contraria est iustitię. quę in præstando seruandoq; suo vni cuiq; iure posita est. Tametsi possit etiam, nec adeo multum refert, generaliter accipi pro vniuersa vitiositate, contraria iustitię paulò superius cōmemoratę. Et est secundum quosdā hebraismus, vel fortè hypallage, idest sub- mutatio verborum, super omnem impietatē hominum, pro eo quod est, super impietatem omniū hominū. Sed nulla fortè opus est figu- ra. Vindex enim est de⁹ nō solum in singulos impios, verum & singularū impietatum. (*Qui veritatem Dei in iniustitia detinent.*) Id est veram co- gnitionē Dei, seu qua Deum homines nouerant, seu quam Deo authore receperāt. Vtrū- uis enim senseris, eodē recidas. Nā (vt ex sub- sequentibus iam iam liquebit) quauis notitia Deus nobis innotescat, eādem ipso magistro suscepimus. Quanq̃ in aliquibus exemplari- bus, præsertim græcis, non est genitiuus, Dei, sed tamen idem pollet, veritatem, quod veri- tatem Dei. Quid autem sit, veritatem Dei in iniustitia & impietate detinere, id sanè nō obi- ter & perfunctorie est contemplandum. Sciē- tiam nanq; & quancunq; notitiam à deo re- cipimus, in hoc eam ipse mentibus nostris in- sculpit, vt sui in nobis amorem ingeneret, ad suum nos alliciat cultum, & qua ad se recta pergamus, præmonstret viam. Qui ergo, quo suapte natura ducit, lucem huiusmodi non sequitur, sed moribus deuus aliorum defle- cit, is, quasi vim, violentiamq; inferens, veri- tatem Dei detinet, id est arcet, cohibet & velu- ti carceribus remoratur: multo profecto magis, quàm qui vel cælū à motu, vel solem ne il- luminaret inhiaberet. De hoc ergo impii iniu- sti q; Pauli iudicio censentur gentiles, quod cum Dei notitiam tali lege & fide recepissent vt totam in eius cultum & gloriam impende- rent, nequiter eam tamen perditissimisq; mo- ribus

Impietas.

Veritatem
detinere.

ribus polluerunt, ac simulachrorum cultura vitiarunt. Huius pulchrum Chrysost. exemplum supponit. Veluti sicui rex (inquit) thesaurum suum crederet, vt in suum ipsius regis honorem & splendorem dispensaret, in prædones ille tamen & meretrices perfide effunderet, is sanè grauius in regem peccasset. Quam vero nefande veritatem Dei impietate sua & iniquitate ethnici compresserint ac violauerint, explicatum progreditur.

Quia quod notum est Dei, manifestum est in illis: Deus enim illis manifestauit.

Duo radii Duo sunt radii lucis illius, quam Deus habitat inaccessibilem, nobis in hac mortali vita communicati: alter scilicet naturalis in natiq; nobis luminis, quo in rebus visibilibus, quantum nostrum fert ingenium, inuisibilia contemplamur: alter verò reuelata fidei. Idcirco cum de hoc secundo dixisset, iustitiam Dei reuelari in Euangelio ex fide in fidem, vtputa Iudæis & nobis, prosequitur nunc de priori modo dicere, per quem gentibus Deus innotuit, vt explicet, quā philosophi veritatem, quoq; pacto per iniustitiam detinuerūt.

Quod notum est Dei. Igitur, quod notum est Dei, non est dicere, quod notum est Deo: sed quod cognoscibile est de Deo, id est, quod per se ratio naturali acumine absq; speciali reuelatione speculando consequi valet: ad differentiam eorum, quæ naturalem rationem transcendunt: quæ dicuntur ignota. Hoc, inquit, in illis manifestum fuit, id est, inter illos. At ne Romani vel reliqui mundi sapientes insolentia intumescerent, cogitantes eiusmodi cognitionem Dei suo pte se ingenio & industria comparasse, subdit. (Deus enim illis manifestauit.) Hoc autem verbum nonnulli referunt ad manifestationem fidei. Quo profecto nihil esse potest literæ minus consentaneum, vt paulò inferius emunctius disputabitur. Loquitur enim hic de cognitione gentium, vt distinguitur contra cognitionem Iudæorum & euangelicam, quam paulò ante appellauit fidem. Et propterea hic dixit, Quod notum est Dei, id est, cognoscibile per ea quæ facta sunt, in quibus conspiciuntur inuisibilia, hoc est, manifeste intellectui demonstrantur (vt ait Hiero.) quasi alia non sint cognoscibilia, nisi per fidem, per quam non conspiciuntur, sed creduntur. Igitur lumen ipsum naturale, de quo ait Prophetas, Signatum est super nos lumen vultus tui domine, appellat, & quidem meritissimo ma-

nifestationem Dei. Nam etsi lumen hoc, debitum sit conditioni, & naturæ hominis, sicuti sua singulis naturis debita cōgenitaq; sunt accidentia, tamen quia Deus est naturæ parens, qui res ex nihilo condidit, opera ipsa naturalia, quæ fiunt per formas ab ipso rebus inditas, perq; generale auxilium, munera sunt eius. Ad confutandum ergo philosophorum opinionem, qui ignorantes mundi creationē, non ita pro dignitate Deo adscribebant beneficia naturæ, ait Paulus, Deus illis manifestauit, cui proinde cuncta debentur: nam & sensus nobis contulit, & hanc mundi fabricam, ceu librum, coram nobis aperuit, & inuestigatricem rationem adiecit, qua per effecta opera opificem suspiceremus. Atq; id est quod subdit.

Inuisibilia enim ipsius à creatura mundi per ea quæ facta sunt intellecta cōspiciuntur, sempiterna quoq; eius virtus & diuinitas.

Exponit quidnam illud sit, quod humana ratio scrutari de Deo valet, quibusq; sit vestigiis indagabile. Vbi hoc est ad eiusmodi interpretationem prænotandum, quod structura hæc mundi non est effectus Dei vniuocus (vt verba vsurpemus philosophiæ) sed æquiuiocus. Quod est, non esse effectum similis substantiæ (sicuti est arbor ex arbore genita, vel animal ex sui simili est) sed substantiæ & naturæ disparis ac dissimilis: veluti plantæ atq; animalia, opera sunt solis, à quo progignuntur. Ob idq; sicut effectus solis quos experimur, non eum secundum totam naturam representant, sed quatenus eorum est causa, vtputa, quod sit calidus, siccus, lucidus, &c. ita neque per creaturas innotescit nobis Deus secundum naturam & essentiam suam, sed secundum potentiam, qua est rerū effector. Agit autem extra se, quatenus vnus, (nam opera trinitatis indiuisa sunt extra) non autem qua ratione est trinus: sit ergo, vt quemadmodum qui nunquam vidisset solem, neutiquam ex rebus genitis cognouisset, cuius quantitatis aut figuræ esset (quod minus est astrologiæ) cuiusue esset essentiæ (quod pertinet ad metaphysicam) ita neque per creaturas altius à nobis conspicitur Deus, quàm vt intelligatur esse vnus, primæque rerum causa, incorporeus, infinitus, & cetera. Penitus illa verò sublimiusque calle- re quæ illi competunt in quantum trino, su-

Effectus vniuocus et æqui.

Quomodo Deus per creaturas representatur.

superioris



perioris est cognitionis, puta fidei, in enigma-
te: visionis autem, in propria specie. Hoc sanè
notitiarum interuallum verbis illis subno-
tare videtur Sapiens, Eccl. 3. Altiora te ne
quaesieris. Et subdit, Plurima supra sensum
hominis ostensa sunt tibi. Quod est, Illa
quæ eousq; sunt excelsa, vt intuitum natura-
lem excellant, nequaquam naturali vi mem-
tis explores: sunt tamē eorum tibi multa de-
super referata, quæ non debes ad rationis tru-
tinam perpēdere. Ugitur quæ de Deo hæc re-
rum vniuersitas nobis indicat, tria sunt hic
apud Paulum, scilicet, Inuisibilia Dei. Quod
est dicere, Essentia seu essentiae attributa,
quæ negationis forma proferuntur: vt quod
sit infinitus, immensus, &c. hæc enim signifi-
cat, inuisibilia. Mox Sempiterna eius virtus:
puta quòd sit principium operādi primum,
idemq; vnum. Actertio Diuinitas: quo no-
mine (vt reor) inaccessam maiestatem desi-
gnauit, sed quatenus in nos effusa, finis est no-
ster. Hæc autem tria triplici via ex creaturis
(vt author est in de diui. nomi. Dio.) peruesti-
gantur: scilicet efficientiæ, excellentiæ, & ne-
gationis. Qua de re non erit extraneum hic
adeò neq; peregrinū, vias quibus fuerint phi-
losophi ad inuestigationē Dei ingressi, præ-
currere, nempe vt intelligamus, quā nō fue-
rint excusabiles, qui debitam ei gloriam non
retulerūt. Primam nanq; viam, eandemq; re-
giam, cunctisq; propemodum celebratissi-
mam, à ratione motus ac mutationis rerum
sibi muniuere, quæ dicitur ratio efficientiæ.
Hac enim semita rimati sunt virtutem Dei,
& per virtutem cætera. Etenim per se notum
ac sensu compertissimum primum omnium
habuerunt, res corporeas vniuersas moueri:
nempe alterari ab se mutuo, corrūpi, & quæ
pereunt sementem facere, vnde similes repul-
lulent, quatenus soboles rerum temporaliū
perpetua generationum serie, æternum (vt in
eorum erat opinione) persisteret: cælos ve-
rò, harum vicissitudinis mutationum exper-
tes, loco saltem cieri. Sub hac autem sensuali
experiētia assumpserunt, quicquid mouetur,
ab aliquo moueri. Quod Arist. 7. & 8. Phy-
sicorum ratiocinatus est, acutè id quidem, sed
prolixius & implexe magis, quā vt hic ex-
tricare debeamus. Est tamē luce ipsa clarius,
quòd nunquā viride lignum ardere, calefce-
re ex se posset, nisi ab alio, quod calidum,
aut re sit, aut virtute, immutaretur, neq; luti
massa in vas se vllum ipsa efformaret, nisi fi-
gulus ex præconcepta animo forma eam ef-

fingeret. Ab hoc principio elucere illis cœ-
pit causarum series, naturalisq; catena, quali-
ter inferior quæq; à superioribus moueretur:
nempe sublunaria hæc agentia subiecta esse
cælestibus lationibus (quod in meteoris do-
cet Aristot.) vt eorum virtus inde gubernetur.
Perspexerunt enim, accedente ad nos so-
le, quā plurima terræ nascentia germinari,
quæ recedente, exarescunt. Vnde illud dictū
promanauit, Sol & homo generant hominē.
At qua causa & ratione terrena hæc à cælis
mouentur, & cælos necesse est (siquidem &
ipsos moueri rotariq; constat) ab alio circun-
ferri. Non est autē in causis in infinitum abi-
tio, quoniā tunc nulla esset prima, nulla au-
tem extante prima, quæ suppositas mouere
incipiat, fieri nequit motus: est ergo motor
primus, atq; adeo immobilis: nam aliās mo-
ueretur & ipse aliunde, Ecce quemadmodum
via motus & efficiētiæ peruestigata est supre-
ma virtus: quæ cū sit ipsa omnino immota,
omnium perinde sit mutationum principiū
& effectrix causa. Ex quo continuo secun-
dum consequens eadem via fit, supremam il-
lam causam, nō plures, sed vnum esse Deum.
Nomine enim Dei potentia quædā, virtusq;
enunciatur summa, ac per se sufficientissima.
Si autem duo essent dii, aut vnus alterius ope
eget, & tunc nō esset cunctipotens: aut per
se omnia posset, & tunc alter esset superua-
cuus. Quinimo vel vnus valeret alteri resiste-
re, & tunc alter non esset consummata virtu-
te: vel resistere nequiret, & tunc esset hic im-
becillus. Sed & qui admirandam mūdi com-
positionem inspexerint, qui ex mēbris tam
disparibus tanta concordia & vnitatem confœ-
deratis, compactus est, nō possunt non habere
persuasissimum vnius Dei esse figmentū.
Vnde Lactan. lib. 1. non philosophorum mo-
do omnium, sed poetarum quoq; confessio-
ne ostendit, vnitatem summi Dei receptissi-
mam fuisse semper in antiquitate. Id quod di-
fertissimè Cicer. in de nat. deor. luculenterq;
Aristo. & grauissimè in Parmenide Plato &
in conuiuio constituunt. Quocirca (vt ibidē
Lactan. & Cicero authores sunt) turbamil-
lam deorum Saturni, in quā, Cereris, Neptu-
ni & talium humana cōsuetudo introduxit;
de quorum origine & causa paulò post redi-
bit sermo. Quib⁹ nihilominus plurimos ad-
iunxit poetarum licentiosa loquacitas. At
quāuis diuersis eos rebus quasi fautores præ-
ferebant (vt Cererem frugibus, vitibus Bac-
chum) nemini tamen arrogabant efficiētiā

*Tria de Deo
cognoscibi-
lia.*

*Triples via
cognoscendi
Deum.
Dionys.*

*Via mot⁹ &
efficientiæ.*

Vnitatis Dei.

*Compositio
mundi.*

Lactan.

Cicero.

*Deorum
turbam.*

*Sempiterna
virtus.*

Dan. 7.

*Diuinitas &
deitas.*

*Deus, finis
omnium.*

*Agere pro-
pter finem.*

ea ratione, qua primo orbis motori. Tertio eadem efficientiæ semita insistentes contemplati sunt, virtutē illam vnius Dei, sempiternam esse. Quod ait hic Paulus, & propheta olim Daniel vbi dicebat, Potestas eius potestas æterna, quæ non auferetur. Quoniam virtus & substantia quæ immobilis est, illa quidem neq; habet vnde gigni, neq; à quo possit corrumpi. Quam quidem præterea æternitatem virtutis eadem ipsa generationū perpetua constantia planè demonstrat. Nam & materia, perpetua est, quæ proinde ex corrupto restat, subsequentiq; generationi subternitur, & (si legem naturalem duntaxat spectes) cælum itidem perpetuum est, vnde generationes perpetuētur. Quo fit, vt & primū efficiens sit maiori multo ratione sempiternum. En quemadmodum sempiterna Dei virtus philosophis innotuit, videlicet primum esse principium motus, idemq; vnum, ac deniq; sempiternum. Mox inde eadem efficientiæ methodo philosophantes speculati sunt diuinitatem Dei, quam hic nominat Paulus. Quo sanè nomine aliter denotari videtur essentia Dei, q̄ nomine deitatis. Deitas, nanq; naturā Dei absolute exprimit, sed, diuinitas, eandē significat, qua ratione rebus extra diffusā participatur, finisq; est omnium. Est enim id diuinum, quod est deitatis particeps, atq; adeo, diuinitas, idem pollet, quod participata, seu participans se deitas. Quamobrē Deus non dicitur diuinus: licet dicantur attributa diuina: quia significantur modo intelligendi humano, veluti accidentia. Cognouerunt inquam, Deum se quodammodo rebus cōmunicare, atq; adeo cuncta propter seipsum, seu supremum finē, mouere. Nō enim Deus appetitu & desiderio vllius rei acquirendæ quæ caret, operatur, sed amore suæ effundendæ bonitatis. Hanc autem rationem vltimi finis, veluti primi authoris, hoc pacto per eandem creaturarum motus potuerūt indagare. Res etenim cunctæ de se ipsæ palā prædicāt, agere se, vel agi propter finē: qd' Arist. Physi. 2. perquam sapienter disertum reliquit. Quis nam ignoret, vapores in hoc prorsus natura effectrice in aera sursum eleuari, vt pluat: pluere verò ppter fruges, fruges autē in animatiū vsum & alimoniam crescere. Et (quo cætera prætereamus) animalium, hominumq; præsertim membra & organa & potentiæ in sua quæq; officia, functionesq; distributa, firmissimo sunt testimonio, in suos ipsorum fines suapte natura referri. Cum res ergo irrationalia

les, quippe quæ non se ipse arbitrio moueāt, in suos se fines dirigere nequeant, planè colligitur à sapiente suo primo motore in suos quæq; dirigi, propelliq; fines: veluti mittitur in scopum sagitta. Et quoniam finem vnum in alium ordinari, compertum est, neq; verò est in infinitum per illos ascendere, sed ad summum sit tandē perueniendum, fit, vt ipse qui primus est motor, supremus quoq; sit finis, propter quem ipse cuncta fabricauit. Neq; verò id tantum, sed inde facile sapientes illi intelligebāt, virtutem illam primā, non ideo solum sempiternā esse, eandemq; omnium finem, quod esset perpetuo immota permāsura, sed quod iugi perpetuāq; prouidentia ab initio cuncta gubernaret. Vt est Sap. 14. Tua pater prouidentia ab initio cuncta gubernat. Et in Euangelio Ioan. 5. Pater meus vsq; modo operatur, & ego operor. Vnde Protagoras, qui de hoc dubitauit, & qui id negauerat Diagoras, atque adeo Democritus & Epicurus, qui res fortuna, casuq; agi profitebātur, ludibrio in reliquis philosophorum scholis habiti sunt. Quos Iob. cap. 22. illis ipsorum verbis subnotauit. Nubes latibulū eius, nec nostra cōsiderat. Nemo enim tam rudis vnquā fuit, tamq; feris moribus, inquit Lactan. ille Firmianus, quin oculos suos in cælum tollēs aliquam Dei prouidentiam intelligat ex ipsa rerum magnitudine, motu, dispositione, constantia, vtilitate & pulchritudine. Et lib. 2. de nat. deor. Cicero. Quid potest esse tam apertum, tamq; perspicuum, cum cælum suspeximus, cælestiaq; contemplati sumus, quā aliquod esse numē præstantissimæ mentis quo hæc regantur? Imo verò si te audire adhuc non tædet, non modo cognouerant, totam hanc rerum molem, esse propter Deum, verū explicatius id quidem: puta totam esse propter hominem conditam, hominem verò, vt Deum coleret. Aristot. inquam, & quos veritas creati mūdi latuit, docuerūt nihilosecius omnia existere propter hominem. At verò Plato, quem philosophorum Deum iure optimo, vel hac de re, nūcupauit antiquitas, nō id modo, verum (vt in Timæo disseruit) factum esse à Deo mundū, eundemq; propter hominē, tanquā eius domicilium, rerumque hanc vniuersitatem, quāta eam cernimus amplitudine vastissimā, ac dispositione pulcherrimā, in victum, vestitū, aliāque subsidia homini fuisse à Deo succētā. Quamobrē cum Aristot. in operatione secundum virtutē, humanam felicitatem collocasset, & in cōtem-

*Prouidentia.
Sap. 14.*

Iob. 22.

Lactan.

Cicero.

*Mundus pro-
pter hominē.*

Plato.

platione intelligentiarū, multo diuinius Plato, (quod in conuiuio disputat, & D. Aug. de ciuit. Dei lib. 8. meminit) hoc quod est, secundum virtutem viuere, nemini euenire affirmabat, præter eum qui notitiā, amorem, imitationemq; Dei haberet, neq; esse quēquam aliam ob causam beatū, q̄ p̄ Deo, qui summū bonū est, frui cōperit. Nam animorū immortalitatē nō solum Plato frequēter, & dubio procul Arist. sed etiā Stoicorū princeps Zeno pro cōpertissima habuit, qui & piorū sedes ab impiis longē discreuit. Hæc sunt in quorū meditationem voces nos istæ duæ miserūt, Sēpiterna virtus & diuinitas. Ex his demum diuinæ essentia attributa innotescūt, nēpe omnipotētia, qua cūcta creat, bonitas, ob quā operatur, & sapientia, qua gubernat vniuersa, atq; id genus alia, quę hic vocat Paulus, inuisibilia Dei. Nam et si simplicissima in se sint vna substātia, tamē cum nobis nō nisi per hæc perfectiones innotescāt, quæ in nobis multæ sunt & diuersæ, pluratio numero ait, inuisibilia. Et quanuis humana cognitio à virtute Dei ad eius essentiā cōtemplādo cōscendat, tamē quia essentia prior est secundum rationem, q̄ potētia, eo ordine quo in se sunt, ait, inuisibilia, virtus, & diuinitas. Et hæc de via efficientiæ. At verò (vt initio proponebamus) disquiritur quoq; ab hoībus attributorum Dei notitia per viam excellentiæ, vt quæ perfectionem delignant, sed tamē in nobis imperfecto sunt modo, perfectissima eadem meditemur esse in Deo. Sūt enim in nobis, esse, viuere, sapere, & reliqua huiusmodi limitato imperfectoq; modo, Deum autē suspicimus, per se esse, per se viuere, per se intelligere, & sapere, &c. Tertia deniq; methodus diuinæ explorādæ maiestatis est, negationis, id est, remotionis & depurationis eorū quæ in nobis cōposita, mortaliaq; sunt, aut quomodocūq; aliter inferioris ordinis, q̄ vt sint digna, quę diuinæ substātiæ apponātur. Nempe vt cū essentiæ nostræ angustæ sint, & ter minis certis ac periodis cōtractæ, in Deo infinitā, immēsamq; essentiam intelligamus, immortālē, incōprehensibilē. Et quæ in nobis, seu corpora, seu accidētia sensibilia sunt, incorporea illic, & per se subsistentia, & insensibilia existimemus. Quæ deniq; aut ex partib⁹, aliāve quauis ratione cōposita in nobis experimur, eadē simplicia, ab hisq; oībus cōditionibus immunia, nuda, pura, & defœcata Deo tribuamus, atque (vt Paulus ait) inuisibilia. Vbi autē ait, à creatura mundi, sunt qui noīe

creaturæ, hominē intelligāt, idiomate Greg. *A creatura mundi.* super illud Mar. 16. Prædicare Euangeliū omni creaturę. Vbi sentit hominē noīe creaturæ cēseri, eo q̄ sit ei cum omni creatura aliquid cōmune. At verò quāuis *κτίσις*, Græcis ambigua vox sit, tam creationē significans, q̄ rem quoq; creatā, eandemq; pariter ambiguitatē Latine habeat, creatura, tamen hic, creatura mundi (si genitiuū respicias) creationē equidē significare videtur, sicuti factura mūdi, genitura hominis. Vnde Aug. 8. de ci. Dei, cap. 9. & 11. & vbicūque in hunc locū incidit, ad tollendā dubietatē semper legit, à cōstitutione mundi. Est enim sensus, inaccessam illam antea lucem diuinā à creatione mundi effulgere promicareq; cōpisse, vtputa quod quantum est hoc ædificiū mundi, nihil aliud quā radius sit quidam, quo se Deus effundere & manifestare constituit.

Ita vt sint inexcusabiles, quia cū cognouissent Deū, non sicut Deum glorificauerunt, aut gratias egerunt.

Explicata notitia Dei quā habuerūt gentes, enarrare prosequitur, quā cōmiserint impietate: colligēs ex superiorib⁹, nullā habuisse excusationem, qua suam possent obtegere culpā. Nā si totā veritatē & omne diuinæ religionis arcanū ethnicorum philosophi attigerunt: nēpe si (quod loco nūc citato ait Aug.) *August.* de summo Deo ista senserūt, quod & rerum creaturarum esset effector, & lumē cognoscēdārū, & bonū agēdarū, quodq; ab illo nobis sit & principiū naturę, & veritas doctriņę, & felicitas vitę, nihil erat quo suę valerēt culpe ob tēdere. Hic tamē de verbo excusationis id cōsyderandū est, q̄ peccatum (authore Aug.) *Excusatio peccati.* nisi esset voluntariū, peccatū non esset. Quam obrem ea causā quę prauę actioni hoīs quipiam adimit libertatis, tantundē (vt docet. 3. Ethic. Arist.) de ratione culpe remittit. Tria autē inibi subiicit plenæ libertati aduersantia, per quę, si nō vbiq; integra tollitur culpa, p parte tamē semper excusatur. Hęc sunt, ignorātia, vis, atq; metus. Attamē nunq̄ ab his tribus excusationē prætendere vllus potest, nisi dum præcedūt velut causā operis, quod aliās nō fieret. Qualis ignorātia fuit Pauli insectātis Ecclesiā Christi, cuius p̄inde culpe veniā & misericordiā cōsecutus est. Gentes autē nō ob ignorātiā veri Dei ad idola peruersi sunt, sed de sua potius exultātes ac superbiētēs sapiētia

Animorū immortalitas.

Attributa diuina.

Via excellentiæ.

Via negationis.

Tria quæ ob stās libertati

*Ita, non est
Gracè.* pientia Deum studio cōtempserūt, ac subinde propter cōtemptū excæcati sunt ab ipso. Quocirca nec fuerūt per ignorantia excusabiles. Particula, ita, non est in codice Græco, eamq; ob causam aiunt quidā, non solum redundare, verum etiā sensum subuerrere, & sic vertendū ad verbum fuisse, Deus illis manifestauit, &c. in hoc vt sint inexcusabiles. Hanc autē lectionē ego non adeo pugnaciter auersarar, nisi literā in hūc sensum traheret, quod Deus in hoc ipsum contulerit gētibus cognitionem, vt non haberēt quo suā culpam excusarēt. Qui sensus falsus est. Nihil enim Deus facit ad malū nostrū respiciēs. Id quod Chry. hic prudēter admonet. Non enim, inquit, ea causa vt eos inexcusabiles redderet, tantum magisteriū pręstitit, sed vt illū cognoscentes excolerēt. Euenit tamē ex eorū culpa, vt non essent excusabiles. Cui⁹ alumnus Theo. exemplum ex psalmo supponit, Malum coram te feci, vt iustificeris in sermonibus tuis. Non enim propter hoc deliquit Dauid, vt Deus esset iustus, sed quia peccauit, iusta in ipsum fuit Dei animaduersio. Quare interpret non solum subuertit sensum per particulā, ita, verū elucidauit, quippe quæ non significat Deū eō retulisse quā sui cognitionē impertiuit hominibus, vt essent inexcusabiles: sed hoc tantū quod cognitio fuit causa, vt non possent ignorantiam impietati suæ prętere. At qui meditate de duobus inculcat illos Paulus: nēpe qd' neq; Deum glorificauerunt, neq; gratias egerūt, cū tamē ad vtranq; rationē Dei ex visibilibus penetrauisent: videlicet & q' causa esset efficiens prima, cui de acceptis beneficiis gratias agere debuissent, & qd' rerū omnium, ac maximē ipsorū hominū sup̄mus esset finis, cui idcirco se totos addicere tenebātur.

*Dispositio
Dei.* Nam sic Deus officia dispēsauit, vt mūdi hæc moles, pulchritudo, & cōstantia, veluti mutorum signa & nutus, gloriā eius prędicarēt, puta vt enarrarēt cæli gloriā Dei, & ignis, grandis, nix, glacies facerent verbum eius: audire autem hoc encomium soli rationali homini demandatū est: cui ideo pręceptū fuit gloriā in ipsum referre, ipsiq; pro his cūctis gratias agere: eo quod vniuersa hæc subiecisset sub pedib⁹ eius. Exurgit autē hic dubitatio iam partim submota. Vtrū naturalis Dei cognitio sufficiēs illis erat ad salutē, q' sub lege agebāt naturali. Nā si non erat sufficiēs, non facile apparet, quomodo illos poterat vsq; adeo excusatiōe expoliare, quin valerēt se ipsi per carentiā superioris notitiæ defendere. In con-

trarium verò, quod non fuerit sufficiēs, q' maxima sunt argumēta. Primum quod iustificatio non est opus naturæ, sed gratiæ, vt contra Pelagium decretū extat: ergo neq; ad iustitiā coram Deo satis est naturalis cōgnitio. Mox quod ad humanā salutē necessaria fuit semp homini cognitio Dei, non solum qua ratione vn⁹ est, rerūq; causa & finis, sed nonnulla etiā trinitatis. Nam oportet credere, authore Paulo, remuneratōrē esse: remuneratio verò per filiū Dei atq; spiritus sancti opē obuenit nobis: trinitatis autē notitia, non est nobis naturalis. Ad hæc, credere quoq; opus est, in illa fruitione inspecti Dei positā esse nostrā felicitatē, ad quorū profecto cognitionē frustra nostra niteremur natura, nisi alti⁹ nobis desuper affulgeret lumē. Postremò itaq; arguitur inde, q' videtur necessaria ad salutē, notitia aliqua originalis maculæ, propterea q' in nullo vnq; seculo, nisi per aliquod sacrificiū imaginē gerēs sacramēti, remissa fuit: illa autē notitia acquiri nullatenus nobis potest sola naturæ ope. Hæc videtur cōfirmare eorū opinionē, qui existimāt sermonē hunc apostolicū interpretandū esse de manifestatione Dei per fidē, quæ faciebat eos inexcusabiles. Cū tamē luce sit clarius, non loqui nisi de cognitione naturali, philosophorū ppria, ex creaturis elicitā, in quib⁹ inuisibilia inspicuntur, q' distinguitur contra obscurā diuinitus infusam fidē, qua creduntur. Igitur cū hoc sit hic cōstitutissimū, fit, vt quicqd' sit de ei⁹ sufficiētia ad salutē, ob eandē tñ naturalē cognitionem, teste Apost. fuerint inexcusabiles. Est enim hoc loco mēs ipsius, orbi palā facere, q' Deus neminē deseruisset aut neglexisset mortalium, sed mundū hoc sine creasset, vt esset nobis, non solum in alios vsus vite, at potissimū (vt. i. de doct. Chri. author est Aug.) in vehiculum, quo per rerū contēplationē Deū speculātes, ac perinde colentes, ab hac, vbi peregrinamur vita, transfueheremur in eternā patriam. Atq; hanc provinciā ac negotiū philosophiæ naturali demandauit, vt per sapiētes vulgus ad cultum Dei institueretur. Vnde Chry. explicās quomodo Græci, id est, quotquot sub lege naturæ degebāt, nullā poterāt impietatis excusationē habere. Nunquid, inquit, non audistis vocē cēlorū, qui enarrāt gloriā Dei per oculos nobis immissam, concentumq; rerū oīm pulcherrimū vndiq; tuba clarius intonantē? &c. Hæc autē oīa ad naturālē cognitionē pertinet: non ergo Paulus superioris meminit notitiōis fidei. Idē sentit Greg.

*Quo fuerint & Hieron. & reliqui. Quod autem cognitio
inexcusabiles. naturalis fecerit eos inexcusabiles, bifariam
Responsio. quis fortè cogitabit. Vno quippe modo, siue
ra illa esset opinio, quam lib. 2. de nat. & gra.
in prima impressione veneta probatiore exi-
stimabam: puta quòd in lege naturæ licet fuis-
set necessaria fides Christi ad salutem (quo-
niam nunquam fuit aliud nomē sub celo in
quo oporteat nos saluos fieri) tamen illa nō
esset necessaria, nisi quæ naturæ lumine habe-
ri poterat: ita vt naturalis cognitio quæ per
creaturas haberi potest, quòd vnus Deus est
principiū ac finis, qui ideo remunerator est,
diceretur fides, quæ in lege naturæ sufficie-
bat. Tunc etenim liquidò cōstaret, quomodo
cognitio naturalis excusationem auferebat
idololatriæ & iniquis gentib⁹: quoniā per illā
cum auxilio speciali Dei mouentis volunta-
tem, reconciliari cum Deo poterant. Hanc
equidem opinionem, præter autoritatē S.
Thomæ, qui super verbo illo cap. 2. naturali-
ter quæ legis sunt faciunt, huc videtur con-
nuere (licet. l. 2. q. 113. art. 4. in contrarium pro-
pendeat) hac argumentorum probabilitate
suadebam. Primum quòd in illis seculis sola
erat necessaria illa fides de Deo cōfusa, quòd
sit, & quòd inquirētibus se remunerator sit,
in quorum primo membro notitia implica-
tur trinitatis, & in altero mediatoris, qui fuit
Christus: ad hanc autem videtur natura pos-
se rerum contemplatione conscendere. Et
quod plurimum mouere quempiam potest,
non est creditu facile, aliam Deum exegisse
vnquam cognitionem sui ad salutem, quàm
illam quæ esset ab illo publicitus promulga-
ta: in lege autem naturæ non erat proposita
gentibus cognitio Dei, præter illam, quæ per
lumen naturæ consignata erat in mētibus ho-
minū: nullam ergo præterea requirebat: neq;
alia videtur fuisse necessaria. In lege autem
scripta & euangelica alia ratio est. Neq; verò
opinio hæc omnimodè impingeret in Pela-
gium, cum non adscribat iustificationem na-
turæ viribus, sed beneficio Dei supernatura-
liter mouētis affectum. Hoc enim proculdu-
bio semper fuit necessarium, quoniā iustifi-
catio, opus supernaturale est & donum Dei.
At verò licet nō desint fortè quibus hæc pro-
betur opinio de naturali fide, re tamen bene
inspecta, alteram omnino iam probo: non so-
lum quòd hoc ætatis malè audit hæc, quam
in scholis aliquādo sustinebam, verum quòd
patres sublime hoc iustificationis mysteriū,
non tam rationibus, q̃ sacris elogiis adstrue-*

bant, captiuātes nimirum intellectum in ob-
sequium fidei. Et aduersus Pelagium non so-
lū sancitum est, iustificari hominem absq;
operibus, verum quòd neq; initiū fidei à no-
bis est: cōtestante Apostolo, minimè nos suf-
ficere cogitare aliquid à nobis, quasi ex no-
bis. Et Ephe. 2. Gratia estis saluati per fidem,
& nō ex vobis: vbi fides asseritur gratiæ do-
num. Et Aug. Hyp. lib. 3. Fide, inquit, non alia
nisi quæ nūc est salui facti sunt omnes sancti,
qui ab exordio vsq; ad finem mundi salui fa-
cti, faciendiq; sunt: cum ergo hæc sit supnatu-
ralis, fit, vt semper talis fuerit necessaria, licet
nō adeo explicita. Igitur alio modo cognitio
hæc Dei naturalis, de qua hic loquitur Pau-
lus, quā per visibilia rimādo adepti sunt phi-
losophi, eos reddebat inexcusabiles: nēpe q̃
licet non fuisset sufficiens ad salutem, tamen
si iuxta eandem cognitionem ostendentem
illis vnum Deū in cuius gloriā tenebātur om-
nia referre, ius præceptaq; naturæ seruassent,
Deus suffecisset illis altiore notitiam fidei.

Aug. 11.

Quo redde-
bantur inex-
cusabiles.

Sed euauerūt in cogitationib⁹
suis, & obscuratum est insipiens
cor eorum: dicentes enim se esse
sapientes stulti facti sunt.

Perquā sapiēter Paulus, vbi cōfirmavit
q̃ ignorātia gētiū non antecessisset eorū im-
pietate & iniustitiā, vt possent eā suis sceleri-
bus obtexere, statim cōmōstrat, neq̃tiā poti⁹
& insolentiā eorū in causa fuisse suæ ipsorū
cēcitatis, mētisq; caliginis. (Sed euauerūt, etc.)
Res illa vana existimatur, quæ nihil habet so-
lidi, sed caret illo qd' suapte natura apta est
habere: seu quæ sibi à natura præscriptū sco-
pū & finē non assequitur, vti auellane crustu-
la nucleo vacua. Ergo cum finis intellectus
nostri qui ad imaginē Dei facti sumus, cogni-
tio sit diuina, quicunq; illius caret, vanus est,
sicuti & voluntas quæ rei alius q̃ Dei amo-
re tenetur, vana, Sapientis iudicio, censetur.
Vbi vniuersa quæ sub sole sunt ex eo vanita-
tum esse vanitates denunciat, quòd cum res
ipsæ explere desideria nequeāt nostra, earum
quoq; appetitiones vanæ sunt & futes. At-
qui cum mētis cognitio, tam lux intellectus
sit, q̃ etiā finis noster, vtrunq; est homo absq;
diuinorū sciētia, & vanus scilicet, & obtene-
bratus. Ob idq; qui cogitationes suas nō affi-
xerunt in Deū, sed ad creaturas submiserunt
se, merito ait eos, & euauisse in cogitatio-
nibus suis, & eorum animum obscuratū esse.

Res vana.

Eccles. 1.

Vanitas.

Nomi-

Nomine enim cordis in presentia Paulus animum nostrum designat, qua parte carnis factus, sensibilibus rebus subsidet. Quemadmodum facit paulò inferius, ubi desideria cordis nominat. Cum verò ait, obscuratum esse insipiens cor, non ita sentias, ut prius fuerit insipiens, quàm obscuratum, sed quòd per insipientiam (quæ est lucis priuatio) obscuratū est. Non quòd Deus se oculis eorum subduxisset, sed quòd illi se à vero sole auertissent (*dicentes enim se, &c.*) Dixerat, euanuisse in cogitationibus, ac perinde obscuratum fuisse illis cor, quorum vtriusque membri causam atque explanationē ex ordine subtexit. Enimverò quoniam dixerunt se esse sapientes, inde in vanitatem collapsi sunt. Animaduerte pie lector, ut sit omnis initium peccati (quod apud Sapiētē est) superbia. Postquàm enim philosophi, eò quòd tanto studio & sudore scientias nacti fuerant, earum sibi gloriam arrogassent, neque Deo retulissent receptas, deturgere statim inflarique coeperunt, atque inde in sectas se & symbola dissecare. ut alij Academici, alij Stoici, alij Pythagorici, alij aliis spumosis ac tumentibus nominibus insignirentur. Mox dogmata quisque sua profiteri instituit, nec tam lucem intellectus sectari, quàm alios oppugnare, propriaque tueri placita. Atque hinc sanè est, ut tam de naturalibus rerum principiis & causis, quàm de ratione morum usque ad eò varia diuersaque commenta & mōstra confinxerint, ut qui plerisque eorum legerit, nihil aliud quàm ab irato dæmone demētatos existimet. Dicentes ergo se esse sapientes, stulti facti sunt. Quas suprà dixerat mentis tenebras, easdem nunc stultitiam appellat. Bene ergo Esaias, Væ, inquit, qui sapientes estis in oculis vestris. Etenim quod in fabulis de formoso illo iuvene est, hoc ipsum illis euenisse videmus, ut cum non Deum suspicerent, sed in terram proni in sua se sapientia identidem spectarent, quasi humanā exuti effigiem, in vanitatem abierunt.

Et mutauerunt gloriā incorruptibilis Dei, in similitudinē imaginis corruptibilis hominis, & volucrū, & quadrupedū, & serpētū.

Non exigas Christiane lector diuinū nostrum oratorē ad regulas humanæ eloquentiæ. Non enim verba prodigit, quibus vestiatur oratio, sed si à loco illo, Reuelatur ira Dei, sermonē respicias, perpetua est catena,

ubi quodlibet verbum exponit præcedentis causam. Quo ergo insolētes sua scientia Gentiles deiectioni fuerint, explanat. Quia mutauerunt gloriā Dei in similitudinem animalium. Ut autē cōtinuatio huius textus fiat ad subsequētes, cōsiderandū est, tria esse in quibus officium omne collocatur: nēpe ut homo in Deū religiosus sit ac pius: sibi verò sobrius, pudicus & modestus: aliis autem iustus, frugi & bonus. Atque in omnes has partes infirmulat hic Paulus, illam gentium iniquitatem peccasse. Primum in Deum, quoniam mutauerunt gloriā incorruptibilis Dei in similitudinem corruptibilis creaturæ, Incorruptibilis Dei, alij transferunt, immortalis, alijque, indissolubilis: amplioris tamen significationis est, incorruptibilis. Deus namque non solum est immortalis, verum nulli corruptio ni mutationive, vitio aut cōtagio obnoxius. Neque interpret noster ignorabat *αφθαρτος* significare etiam immortalem. Nam transtu lit. i. ad Timot. i. Regi immortalis: sed nouerat nihilominus significare & incorruptibilem: nimirum à verbo cadens *φθίσις*, quod est corrumpo. Et nota, mutauerunt, nam immutabilem gloriā Dei mutauerunt transuleruntque in caducas ac fuitiles creaturas. (*In similitudinem*) Græcus casus per effectuum germinius redditur. Non enim est sensus, quod gloria versa sit in similitudinem, sed quòd mutata est ab illis gloria Dei, & ipsorum existimatione translata in creaturas, similitudine, id est, per similitudines deorum, quas ab se confictas adorabant. Sed parum interest. Nam & in similitudines ipsas, hoc est, deorum simulachra honores etiam diuinos referebāt: iuxta illud Sap. 14. Incommunicabile nomen imposuerunt lignis & lapidibus. Atque, ut D. Thomas obseruat, diuinis tribus tria è regione opponit humana. Gloriā, inquit, quæ ideo vera est & æterna, quòd veritatis atque adeo incorruptibilis est Dei, in similitudinem, quæ non est veritas, sed vmbra, neque solida, quia hominis, ob idque corruptibilis creaturæ. Quibus proinde verbis vehementer exprobat eorum impiam dementiam, quòd incorrupta veritate posthabita, euanidam vmbra, quin verò nugacissima mendacia deitate donassent. Nec refert, siue nomen gloriæ enuncies de illa, quæ est in Deo diuinitatis claritudo, quam mentiti sunt inesse creaturæ, siue de glorificatione, quam Deo debentes, impenderunt creaturæ. At quorum obsecro cogitas, similitudinem hominū ad-

D 3 rabāt?

Initiū peccati
in superbia.

Philosophorum
errores.

Esa. 5.

Narcissus.

In tribus col
locatur offi
cium omne.

Incorrupti
bilis.

In similitu
dinem.

Sap. 14.

rabant? Iouis, Iunonis, Bacchi, Veneris, Plu-
Deorum tonis, aliorumq; id genus, qui hominum po-
monstra. tius portēta, monstrorumq; prodigia habendi fuissent. Imo nec ibi quidem præcipitem naturam casum sistere permiserunt, verum & ad volucres demiserunt sese: atq; inde rursum ad quadrupedia, atq; ad ima vsq; reptilia colenda deiecti sunt infamatores illi naturæ nostræ, quos Deus ad imaginem suam cōdiderat, orbique præfecerat, & equauerat angelis, vt soli maiestati suæ subderentur. Luculenter quidē & eleganter per quatuor hæc præcipitia ruinam infatuati hominis deninxit. Vtpote qui supremo Deo neglecte, homines primū, par sibi animal, mox volucres supra se volantes, deinde subiectum sibi brutum pecus, ac demum abiectissimos serpentes adorasset. Neq; enim animantium vllam serpente inferiorem excogitare potuit, & quæ Deo magis aduersaretur: vtpote cuius effigiem indutus est circumuentor ille primorum hominum, vbi discordiarū inter genus nostrum & Deum atque inimicitiarum sementem fecit. Adorauerunt tamen & sculpta marmora, & ligna, luteaq; idola, quibus si faber, aut figulus tribuisset cor, authorem ipsum suum adorassent, vt in de verb. domini ait Augus. vide quā erant idololatræ illi inexcusabiles. Et enim cū solum hominem Deus volūtatē & mentē donasset, vt pro omni creatura Deo gratias referret, illi in saxa traducebant gloriam Dei, quæ non solum sine numine, sed sine sensu erant, reclamantia, non ipsa nos, sed Deus fecit nos. ¶ At pulset hic fortassis cuiuspiam animū. Qui mortaliū potuerint eō insanix furorisque collabi, vt non homines modo, eosdemque mortuos, sed pecora, lapides & robora pro diis ducerent? Initio quidem tyranni fuere, qui suis imaginibus templa, arasque erexerunt: vt de Belo Babyloniorum rege memoriæ proditum est. Deinde propter aliquā facinorā (vt propter urbem conditam Romulo) seu propter egregias victorias (vt Herculi aliisque compluribus) statuæ positæ sunt, quæ non habebantur vt dii, sed extabant in eorum memoriā, atque vt homines ad virtutum studium excitarent. Nam idolum idē est quod simulacrum. Cū verò sensuales homines imagines sensibus obiectas tanta veneratione suspicerent, data inde occasione, dæmonia illuc ingressa, responsa dare cœperunt, atque homines deludere, qui crederent subsidia, præsidiaque inde sibi à sta-

tuis ac delubris obuenire. Animalium verò cæterorum adorationem Aegyptus, a *Aegyptil.* strologiæ superstitionibus imbuta, edidit: quod libr. 7. est apud Strabonem diffusē. Cunctas nanque animalium effigies, quas in zodiaco compererant, vt Arietem, Taurum, Scorpionem & alia pro diis habebant. Cuius idcirco Deus admonitos fecit olim Iudæos ex Aegypto reduces, dicens, Ne for- *Deut. 5.* tē oculis eleuatis in cælum, videas Solem & Lunam, & omnia astra cæli, & errore deceptus adores ea & colas. Quin verò (vt author idem refert) non solum pecoribus penē vniuersis, sed capris & porris, quibus vescerentur, deferebant diuinos honores. Quin & crocodilus ferocissima belua Arsinoe urbe Aegypti à sacerdotibus mansuefacta colebatur: quam hic forsan commemorat Paulus nomine serpentum: sicuti & nomine volucrum, aquilas Romanorum, vel anseres ob custodiam capitolij sacros. Sed de his Eusebius, & Lactant. latissimè. Et. 8. de ciuit. Dei Augus. vbi celebratissimum illum Aegyptiorum Hermetem Trimegistum inducit, qui aiebat, veluti Deus summus omnium pater effector est cælestium deorum, ita & homines, terrestres sibi deos effingere. Est profecto altissima dignū meditatione, quā sit homo hinc rerum omnium miraculum, si dicto Dei audiens fuerit, vt qui ad eius imaginem factus, eius demū vt fiat particeps deitatis natus, idoneusq; sit: inde verò si ad Sathana tyrannidem descuerit, quanto ludibrio vanitatem eius antiquus ille hostis circūueret. Ex hoc autem loco recentes isti protestantes catholicos deferunt, & increpant, quod gentilitatis imagines ab orco reuocemus, idololatrarumq; æmuli colamus, contra prohibitionem legis Deuter. 5. Non facies tibi sculptile neq; omnem similitudinē *imagines.* quæ est in cælo desuper, & quæ est in terra deorsum, & eorum quæ sunt in aquis sub terra. Non adorabis ea, neque coles. De hoc tamen fusius hic decertare ratio enarrationis non permittit, sed satis admonuisse fuerit, in hunc olim errorem lapsos fuisse nonnullos, quorum fuit Seruius Marcellianensis Episcopus. Leo quartus Imperator, & Vualdensis. Qui error condemnatus est sub Gregorio tertio in Concilio Romano, & Franconiæ sub Adriano primo, & in concilio secundo Niceno, & postremo in sexta Synodo Constantinopolitana: quæ condemnatio inter decreta relata est, de con-
 se. dist.

Crocodylus.

Homo varius.

Lutheranide imaginibus.

Hereses negantium imagines.

De cōse. dif.
3. cap. vene-
rabiles.

se. dist. 3. cap. venerabiles. Neque aliæ erant antiquis imagines interdictæ, quàm astrorū & animalium, & piscium, quæ subnotantur nominibus illis, cæli, terræ, & aquarum. Quibus adorandis, cum totus penè mundus erat infectus, tū maximè populus ille suo pte ingenio deditus: à quo nunc periculo procul abest Christianorum orbis: vbi nulli vnquā tam rudes aut barbari fando auditi sunt, qui crucifixi, sanctorūve imagines, tanquam idola venerarentur. Sed quemadmodū tunc Cherubin in propitiatorio duos erigi Deus iussit, de quorum medio loquens, humanis etiam sensibus maiestatem suam ostenderet, ita modo, præsertim postquā Deus visibilis homo factus est, sanctissimè institutū est, vt suprema illa triumphantium Ecclesia, vbi Deus inter tot beatorū coronas medius regnat, in hac interim militanti ob oculos nobis obiceretur: tum, vt per visibilia (vt hic docet Paulus) ad felicitatem illam contemplandam promoueremur, tum vt sanctorū exempla animos nobis ad eorundem imitationem accenderent. Neque vlli Christianorum vsquam terrarū aut gentium in mentem venit, vt seu ab imagine, seu à diuis vllis auxiliū aliquod expectaret, quod per se ipsi possint ferre, sed eos tātum apud Deū aduocatos adhibemus. Verum de hoc emūctius. 1. Timot. 2. inter enarrandum, quēadmodum Christus vnus sit mediator Dei & hominū.

Propter quod tradidit illos De⁹ in desideria cordis eorum, in im-munditiam, vt contumeliis afficiant corpora sua in semetipsis.

Post idololatriā gentium, qua fuerant in Deum impij, attexit, quo pacto fuerint in se ipsos impudici & cōtumeliosi. Proponit autem secundū hoc vitiōrū genus, quasi poenā impietatis eorū, à Deo ipsis inflictā. Vbi hæc primum omnīū meditatio animum occupat meū, quā sint utiq; dirę, crudelesq; beluæ, quāq; in nos truces, atq; truculētæ, nostræ ipsoꝝ libidines. Qui enim homines de honore diuino in pecudes & serpentes foedissimè translato, acerrima supplicia debebāt, nō vris, leonib⁹ aut immanissimis tigribus traditi sunt laniādi ac deuorandi, sed in desideria cordiū suorū: ergo desideria nostra, sæuiora illis sunt, ac bestiis quibuscuis immaniora. Cuiusquidē causa nō est indagatu difficilis. Est enim animal quoddā, homo, rationa-

le, & mortale. Quapropter quæcūq; nobis mors, quālibet atrocissima cōtingat, nihil naturæ nostrę dissonū patimur, quādoquidem mortales morimur. Cum autem quicquam rationi aduersum, contrariūq; admittimus (quale omne est peccatum) tunc conditioni, naturæq; nostræ insignis irrogatur contumelia. Et quoniā nulla nos res externa intuitos, sed solum liberum arbitrium nostrum valet de rationis arce deturbare, nullum potuit in impios acerbius patibulum decerni, q̄ quod in propria traderentur desideria, atq; ea qui dem immunda & impudica, quæ voluntatē ad malum propellerent, quo naturam ipsam inquinarent, defœdarēt, & infamarent. Est autem locus hic quem Lutherani eo detorqueant, vt persuasum habeāt, Deum non modo causam esse peccati, verum ita efficacem, vt ad malum cōgat. Quinimo ita sit causa, vt solus ipse sit causa. De qua re præcipuam disputationem instruximus lib. 1. de nat. & gra. quam poterit consulere, quicūq; hunc locū intellectum sibi cupiat. Ait enim Lutherus art. 36. quod non est in potestate nostra, malas vias facere, sed mala opera in impiis Deus operatur; Et (vt alios silentio prætermittamus) Bucerus super hunc locum eouq; habet constitutissimum, Deum esse cōgentem causam peccati, vt qui hoc negauerit, Deum neget, esse Deum, quia negat esse efficacem causam illius effectus, quem vult fieri. Hoc enim, inquit, significat, Tradidit, Hanc verūtamen incredibilem absurditatem, absurdissimamq; impossibilitatē pro virili nostra confutauimus argumētis multis, ex natura, tum Dei, tum etiam peccati constructis. Est enim peccatum, opus contra diuinam regulam & voluntatem: quod autem Deus quoquo pacto quempiam contra regulam suam & voluntatem moueat, manifestaria contradictio est. Siquidem cum eadem in ipso res sit mentis regula, & voluntas, & potētia, iuxta regulam suam facit & voluntatē quicquid facit. Multo ergo magis est impossibile mouendo ad id cogere. Est præterea peccatum (vt verbis August. in de vera relig. vtamur) vsq; adeo voluntariū malum, vt nullo modo sit peccatum, si non sit volūtarium: id quod de peccatis etiā ipsis, quæ sunt poena peccati, repetit lib. 1. retractationū. Id ergo operis, quod Deo cogente fieret, imputari ab ipso in culpā, impossibile est. Quinimo si facere quod Deus, vel præcipit, vel consulit, adeo non est peccatum, vt sit etiā officium & obedi-

Lutherani.

Lib. 1. de nat.

et gra. cap.

17. et 18.

Lutherani.

Peccatum.

August. in de
ve. re. ca. 14.Lib. 1. retra.
cap. 15.

Pœna pec-
cati.

gantissime explicat, non aliter Deum indu-
rare corda, q̄ patienter tolerādo (vt cap. sequē-
ti etiam adnotabimus) schemate illo sermo-
nis, quo clementissimus herus in seruum ait,
Ego te talem serue feci. Patientia mea tuę ex-
titit insolentię causa. Quā expositionē sequi-
tur & Hieron. Quinimo & Pau. id exprimit,
vbi ait, Ignoras quoniā benignitas Dei ad pœ-
nitentiā te adducit? Secundū autem duritiā
tuā & impœnitens cor, &c. Hęc latissime tes-
timoniis q̄ plurimis inter enarrandum decre-
tum sanctę Tridētinę Synodi sessione sexta
cōfirmauimus. Vbi anathema esse iubetur,
qui dixerit, nō esse in hominis potestate, vias
suas malas facere, sed quod mala opera, ita vt
bona, Deus operatur. Quod autem inde huc
restat accersendū, est, quod nō quęcūq; per-
missio est censenda traditio aut induratio, sed
vbi iam catena malorū in profundū pertra-
xerit miserum. Vnde Apostolus hic, vbi pri-
mū ait gentes demutasse gloriā Dei in simili-
tudinē corruptibilis hominis, &c. non dixit
eos tūc tradi: tametsi id permisi commiserāt.
Sed cum deinceps carnalibus desideriis assue-
scebāt, tunc ait eos tradi in desideria cordis ip-
sorū, id est, cordis, quod nō Deus ab se coa-
ctu abalienauerat, sed quod illi libere ab ipso
fecerant alienum. Quam itidem libertatem
suggerit etiamnum Apostolus in subiūctis
verbis (vt contumeliis afficiant corpora sua in seme-
tipsis) Quod est, tali sua se ipsi sponte deturpa-
runt spurcitia, & affecerunt contumelia, qua-
lem ne ab hoste paterentur, vel mortem pri-
ip̄am perpeti debuissent.

Qui cōmutauerunt veritatem
Dei in mendacium, & coluerunt
& seruierunt creaturę potius quā
creatori: qui est benedictus in se-
cula. Amen.

Quę deinceps subsequūtur per ea, quę ha-
ctenus præcesserunt elucescunt. Nihil enim
pergit quicquā noui adicere, quam (quod in
more habet) explicatius repetere, in aliamq;
faciem vertere quę simpliciter dixerat. Refu-
mit nanquē gentium, tū impium idolorū cul-
tum, tū spurcitia infamē, qua se in pœnā per-
missi sunt defœdare, & conspurcare, vt distri-
ctiore oratione & exprobratione eorū insol-
entiam retundat, atq; adeo patefaciat, q̄ nō
fuerint per se digni diuina recōciliatione. Vn-
de quod dixerat, Mutauerunt gloriā Dei in si-
militudinem imaginis, &c. iterato perstringit

subdens, Et mutauerunt veritatē Dei in men-
dacium. Est enim hebraismus cuius supra me-
minimus, Dei, pro eius. Cū enim mox anteces-
serat, gloriā Dei, supponēdū deinde fuerat re-
latiuum. Veritas hic Dei fortē ab aliquo refe-
ratur ad cognitionē, quā philosophi à Deo ip-
so recipiētes falsis dogmatibus peruerterūt.
Attamē significatius accipitur pro natura di-
uina, quę cum in vno sit solū vero Deo, exis-
timata ab illis est creaturis competere, quę
deorum sunt portentosa mendacia. Est quip-
pe mēdacium, quicquid nō est id, quod reprę-
sentat. Iuxta illud Psal. Vt quid diligitis vani-
tatem & queritis mendacium. Atq; huc perti-
net quod subdit (Et coluerunt & seruierunt crea-
turę potius quā creatori.) Duo crimina quę su-
perius gentibus obiecerat, puta quod neq;
Deum glorificassent, nequē egissent illi gra-
tias, eadem ambo iam nunc maiori reficit
improperio. Est enim auxesis prodigiosa im-
pictatis insignisq; dementię amplificatio.
Quod enim Deo gloriam & gratias non ha-
buissent, ingrati animi delictū erat: quod au-
tem debitos Deo honoris titulos, aras, thura,
sacrificia, & id genus cultus in creaturas tran-
suertissent, inexprimibilis est perfidię sacrilegiū
videlicet quod creaturas nō modo Deo pari
iure exæquassent, verum honorificentius co-
lerent. Imò vero quod ait, potius, non eam fa-
cit comparisonem, quasi Deo etiam vero ali-
quatenus seruirent, sed Hilario lib. de trin. 12. Hilar.
interprete, tantundem est ac si dixisset, Præte-
rito, prætermisso quę Deo, soli creaturę di-
uina obsequia præstiterunt. (Qui est benedictus
in secula. Amen.) Pulcherrima conclusio & præ-
habita orationi accōmodissima. Est enim pe-
rinde ac si ita conclusisset, Quicquid autē im-
pii ac vanidici illi honoris & glorię moliti fue-
rint Deo detrahare, nihil tamē solidę inaccess-
fæq; maiestati ademptū est, vt quę à futili crea-
tura nullatenus pendet. Nihil ei deperit diui-
nitatis, sed est per se ipse benedictus, & omni
laudis nomine dignissimus, Amen, vox est he-
bręis affirmandi, idq; adeo cōstabiliendi, qđ
firmum fixumq; est & sempiternum.

Propterea tradidit illos Deus in
passiones ignominię.

Quęadmodū culpā idololatrię de q̄ prædi-
xerat, mutauerūt gloriā Dei, quo eā acri⁹ exul-
ceraret, iterato refricuit, subdēs, Et cōmutaue-
rūt veritatē, &c. ita & acerbitatē pœnę, q̄ in ge-
nere illis verbis perstrinxerat, tradidit illos in
desideria, explicati⁹ repetit ī specie, subiūgēs,
D 5 quod

Veritas.

Mēdacium.

Psal. 4.

Hilar.

Veritas Dei.

quod tradidit eos in passionibus ignominiae, Nam desiderium cordis, genus est ad affectus animi, libidinesq; complures, & perturbationes & morbos *πάθη* verò quod græcus codex habet, alii vertūt, affect^{us}, alii, morbos animi. Sed re vera, passio, quanvis nō sit latinis a deo frequens, egregie foedissimā libidinē effert. Namq; sub nomen passionis nō cadit apud philosophos quævis qualitatis susceptio sed illa quæ naturæ subiecti aduersatur. Vnde Arist. noluit absolute affirmare, intelligere, esse pati, sed per diminutionē, quoddam pati, id est, receptionem formæ, qua subiectum perficitur. Neq; aqua, dū calorē remittit, proprie censetur pati, utpote quæ in naturā redit suā, sed quando calefit, tūc proprie patitur: quippe quæ tunc euincitur, & de sua natura deturbatur. Morbi ergo animi & libidines, naturali ordini cōtrariæ, perq; proprie dicuntur passionibus.

Ignominia.

Ignominia componitur ex nomē, per negationē. Est enim nomē hominis idem qd honor eius & celebritas: iuxta illud, Meli^{us} est bonū nomē q̄ diuitiæ multæ. Quare ignominia est illud, quod ex diametro opponitur honori: ut contraponantur, nomē & ignominia, sicuti nobilitas & ignobilitas. Vbi hoc animaduertendū est, quod peccatorū spir. tualiu, ut sunt, infidelitas, superbia, iniustitia, & reliqua, ad peccata carnalia, & præsertim ad luxuriam, duplex est cōparationis ratio. Etenim si culpæ grauitatem spectes, peiora genere suo sunt spiritalia, vt. 1.2. q. 73. author est S. Tho. Primū ratione subiecti, puta spiritus, qui dignior est corpore, & per quem fieri debet in Deum conuersio. Nā corporis natura est, conuertere ad sensibilia. Secundo ex parte obiecti: quoniā per spiritalia, vel in Deū immediate peccam^{us}, vel in proximos, quos plustenemur diligere, q̄ proprium corpus. In quod authore Paulo, qui fornicatur, peccat: atq; adeo minus infert iniuriæ. Ac deniq; tertio ratiōe motiui, quia delectabilia tactus vehementius mouent q̄ spiritalia, vnde magis excusant. Si verò infamiam attendas & ignominiam, carnalia antecellūt spiritalibus. Vnde Gre. Carnalia, inquit, sunt minoris culpæ & maioris infamie. Cui^{us} ratio est in prōptu naturalis, quod honor humanæ naturæ pensandus est secundum suam excellentiā & præstantiā, respectu irrationabilium animalium. Actiones autem spirituales nō sunt nobis cum brutis communes, veluti sunt carnales. Qua de causā carnales primum dicuntur peculiariter immunditiæ. Est enim immundum, id quod mixtionē

Peccatorum cōparatio.

Grego.

Immundum

habet inferioris naturæ, vt dum aurum cum aliis cōfufum est metallis. Vnde Paul^{us} Ephe. 5. fornicatorem appellat immundū. Sunt præterea infames magis, plusq; contumeliæ & oprobrii irrogantes naturæ nostræ: sanè quam degenerem de honore proprio & excellentia ad vilitatem deiiciunt brutorum: quæ ideo, aut hore, 3. Ethico. Aristot. maiori sunt dignè exprobratione, maioriq; ab illis pudore suffundimur. Id quod Psal. indicat, vbi ait, Homo cū in honore esset nō intellexit (nam intellectu pascit ceteris animantibus) & ideo comparatus est iumentis. At vbi eousq; impuditiæ in præceptis corrui humana impudentia, vt in nefandam turpitudinē, brutis pecudibus incognitam, ferisq; ipsis intentatā volutetur, summam inde ignominiam & contumeliā totū contrahit genus nostrū: nimirū quod tūc nō solum comparatur iumentis, sed beluis etiam ipsis, cunctisq; pecoribus subsidet. Ob idq; passionibus ignominia dicuntur, quasi absurdiores ac magis detestandæ, q̄ quæ nominentur. Absurde ergo absurdissima desideria, imunditiā prius Apostol^{us} nominauit, mox cōtumeliās, ac demū passiones ignominia: quas passiones proximo inferiori textu explicatū properat.

Infame.

Arist.

Nam fœminæ eorum immutauerunt naturālē vsum in eū vsum qui est contra naturam. Similiter autem & masculi, relicto naturali vsum fœminæ, exarserunt in desideriis suis in inuicem, masculi in masculos turpitudinem operantes.

Heu nimium miserandum hominem post quā diuina semel orbatus luce, supernarum legum diruperit vincula. Profecto nulla procella tanto impetu, anchora in media tempestate diuulsa, transuersam nauim illidit in saxa. Perspice quo vitiorum voragine absorptos narrat Apostolus mortales illos, qui Deum, quem cognouerant, non glorificauerunt. A cognitione etenim veri Dei ad idola peruersi in horrendum protinus submersi sunt flagitiorum barathrum. De quibus (etsi pudor officium lingue superet) non veritus est Paul. fari, vt gentium infamiam euulgaret ad gloriā redemptoris, qui eis nihil osecius non occlusit salutis ianuam. (Nam fœminæ, etc.) Aut nullum est mysterium, quod a fœminis orsus fuerit: aut illas fortè anteposuit, quod quanvis non tam ratione polleat,

Deplorādos hominū carnis.

quā

Fœminarum pudor. quàm viri, pudor tamen, qui debet in eis præcellere, debuisset longius ab infano illo furore eas arcere. (*Mutauerunt naturalem usum.*) Quoniam in homine duæ sunt naturæ, vel duo potius distincti gradus, ex quibus vna constat natura, videlicet sensibilis & rationalis, duobus modis peccatum dicitur contra naturam. Vno quia est contra rationem: quo modo omne peccatum est contra naturam, vt. 4. capit. de diuin. nom. Dionysius, & 14. de ciuitate Dei August. authores sunt: ex eo, scilicet, quod cum homo, rationale animal, & speciem à ratione sortiatur, & nomen, quicquid est contra rationem, censetur propriè contra nostram naturam: vt lib. prim. de natur. & gratia, latius exposuimus. Sed altero modo peccatum dicitur contra naturam per antonomasiam: illud porro, quod non modo rationi, sed ordini etiam, quem appetitui sensitiui natura præscripsit, repugnat. Concubitus etenim vagus maris cum fœmina, quanuis fiat extra rationem, continetur tamen intra lineam, animalibus à natura positam, prolis gratia. Et ideo vocatur hic naturalis, etiam dum illegitimus est & peccatū: quia membris fit, à natura generationi destinatis. Quo circa & filii inde procreati, naturales dicuntur. Ob idq; optima est redargutio Augustini contra Iulianum, qui ex hoc quod usum fœminæ appellat hic Paulus naturalē, eliciebat, nullum inde contrahi peccatū originale. Redargutio quippe est, quod tunc stupra essent laudanda. At verò seminationes alię, quæcunq; præter illum ordinem fiant, illæ quidem simpliciter sunt contra naturam, puta quas non solum ratio, sed appetitus etiā naturalis detestatur. Ex his sic explanatis cōsequitur, peccatum contra naturam secundo modo in sola re venerea versari. Nam alia vitia non mutant speciem naturalis appetitus, sed per exorbitantiam à ratione patrantur. Est enim à natura ingenuus homini appetitus honoris, atq; etiā vindictę: sed per transgressionem rationis collabitur in superbiam, vel in iram. Pari modo appetitus naturalis est cibi ad conseruationem indiuidui, sed crapularationis modum transmittit. Attamen in venere non solum perueriti contingit is qui à ratione præfinitus est ordo (vti in adulterio) sed scopus præterea naturalis ipsius appetitus. Vbi autem ait, fœminas immutasse naturalem usum, posset forsan quispiam non alia fœminarum absurditatem cogitare, quā quod peruerso naturæ ordine seruirent ma-

sculis: attamen infandam etiam aliam suggerit Paulus: nempe quod sicut masculi in masculos exarserunt, id est, immaniori quàm naturali ardore æstuauerunt, ita & fœminæ inter se inuicem. Nam et si hæc plusquàm bestialis rabies non tam nefaria, tamq; turpi deformitate inter fœminas valeat, q̃ inter viros perpetrari, grassatur tamen in vtrunquē sexum: ita vt fœminis contingat amplexari se quoq; inique. Ob idq; seorsum adiecit de viris (*Similiter & masculi, relicto naturali usu fœminæ, exarserunt in desideriis suis in inuicem. &c.*) Habet autem hoc genus sceleris suos grauissimos numeros: adeo vt vbi fuerit pessime consummatum, tunc vel pollutionis species mutatur in genere moris, vel fit circumstantia eousq; prægrauans, vt debeat (vti reor) exprimi in confessionis sacramento. Compulit nos hic locus de fœditate hac pessima loqui, quod tamen flagitium meritò inter reliqua appellatur nefandum. Sanè quod & immanius sit ac portentuosius, quàm vt effari possit, turpius autem probrosiusq;, quàm vt debeat. Nam & angelis quoquē cælestibus ab impurissimis illis olim, mortaliumq; scelestissimis oblatum fuit, qui tamen cælesti pice ardentiq; sulphure absumpti, quàm Deo abominatio hæc, sit execrabilis, perpetuo suo fœtore nos admonent.

Gravitate
gradus.

Et mercedem quā oportuit erroris sui in semetipsis recipientes.

Confert tum demū cum culpa poenam, vt diuini iudicii splendeat iustitia. Porro autem multa speculantis animo occurrunt in vltione hac supplicia, quæ meritis illorum hominum respondent. Primum enim si inuersum suę naturæ ordinem cernas, optimè illum intelliges, ordini, quem diuinum ipsi peruerterant, respondere. Fuerat enim (vt præfati paulò ante sumus) is naturalis ordo rebus supernè inditus, vt animalia rationis expertia homini subiecta parerent, in homine verò sensualis, brutaq; pars superiori rationi obsecundaret: quæ quidem ratio Deo semper affixa, cætera subinde gubernaret. Vbi ergo homo ad imaginem Dei conditus, per insolentiam à ratione decidit, ac diuinam gloriam honorisq; titulos in brutorum simulachra, nefaria impietate, contulit, iusto statim iudicio in desideria carnis traditus est, quæ rationalem partem, non euincerent modo, verum eo dedecoris opprobriiq; pertraherent, vt hominē, simulachrum Dei brutorum

Mutationis
analogia.

torum naturæ substernerent. Mox, si modos quoq; conferas mutandi veritatem Dei in mendacium, vsumq; naturalem in abusum sexus, & ibidem quoq; spectatur analogia. Si enim illi Deum verum nō cognouissent, quanquā creaturam aliquam pro Deo adorassent, non idcirco condemnarētur, studio demutasse veritatem in mendacium, sed ex ignorantia existimarentur peccasse. At cum id ipse illis reuelasset, consulto falsos deos vero præferētes veritatem mutauerunt in mendaciū. Eodē quoq; pacto censendū in poena, quā erroris istius perfoluerunt. Si enim nō præsensissent, voluptatem inesse in re vxoria, licet contra naturam deliquissent, non iudicarentur meditato mutasse naturālē vsum: sed tamen quia natura magistra, edocti erant, in coniunctione maris & foemine legitimū vsum consistere, atq; adeo verā illic inesse voluptatē, qua possent cupiditatem suā, honestius explere, meritō facti sunt ingētissimæ scditatis rei, ob id quod scientes ac prudētes mutassent naturālē vsum id est, cogitato eū spreuissent, profanassentq; & diuertissent ad illum, in quo non erat vera oblectatio, sed quam ipsi vitiatō lutulentoq; gustu sentiebant in coenoso illo volutabro prodigiosæ corruptionis naturæ. Veluti qui linguā humore corrupto infectam patiūtur, gustum terræ, suauē sentiūt. Quapropter hoc nō vitium, sed vitiorum portentū est, nempe cui nemo obtendere potest, quod naturali sit allectus illecebra. Quin verō immanissima est libidinis furia, quæ oblectantem naturam, tā ingentiq; iniuriæ renitentem, in vefanam hāc rabiem adigere vnquā valet. Vide ergo q̄ fuerit legitimū iudicium Dei, quod in vlciscenda idololatriæ impietate refulsit. Siquidē qui veram Dei gloriam in deos falsos transcripserant, ita plectebantur, vt verum delectamentum naturę in deformem illam obscenitatem transferrent, vbi non est nisi horrendum delectationis monstrum. Et qui diuinum nomen monstruosa deorum cultura obscurabāt, suū etiam ipsi genus, quasi publici pudicitiae hostes, dehonestātes, ignobilissimum reddebāt. Et qui vnā Dei, indiuiduamq; naturam in deos plures dissecabant, vinculum quoq; iidē & scdus naturæ, quo duo sunt iuncti in carne vna, illegitimo coitu dissoluebāt. Atq; dū sexus vterq; alterum sibi concessum aspernabatur, in se ipsum reddebatur iniurius, & pro pagādo generi perniciosus. Qua deniq; ratione qui in Deum naturæ authorē, cuius beneficio vivebant, tā erāt peruerse iniqui, naturā

Legitimū iudicium Dei.

ipsam suā, in concessa illa ac turpissimē deflagrante libidine, non solum peruertebant, sed ple frustrati, prorsus exstinguebāt. Obseruat præterea hic enarratores, nefandū crimen ferē cōiunctū esse cū idololatria, quasi peculiarē eius vltionē. Atq; adeo sub idē ferē etatis exorta fuisse ambo. Nā paulo ante tps Abraham Bell^o ille Babylonicus idololatrare cœpit, quādo & Sodomorū vrbes de execranda turpitudine exustæ, pœnas luerunt. Tametsi & ante diluuiū, quādo omnis caro corruperat viam suam, eodē vitio contaminatū fuisse gen^o humanū, vero simile est. Nā propter quod aliud tam extimescēda animaduersio æquior fuisset? Neq; enim aut modō viget aut vlla vnquā etate viguit genus hoc stupri nefandissimum, quod naturam, quæ imaginem Dei gerit, in vsum prostituat pecuinis peiores, nisi vbi notitia Dei, sempiternēq; alterius vitæ, aut nulla est, aut perquā tenuis.

*Idololatria
& peccatū
contra natu-
ram coeua.*

Et sicut non probauerunt Deū habere in notitia, tradidit illos Deus in reprobū sensum, vt faciant ea quæ non conueniunt.

Tertio etiam nunc eandem repetit orationem, quippe conferens cum crimine impietatis ignorantiae pœnam. Existimant hoc loco nonnulli, quorum est D. Thomas, Paulum meditato singulis trium impietatum singula supplicia responderent supposuisse, vt ex eo quod peccauerūt in gloriam Dei, traditi sint in desideria: & quoniam peccauerunt in veritatem eius, traditi sint in pāsiones ignominiae: sed quia non probauerunt Deum habere in notitia, traditi sint in reprobū sensum. Origeni tamē non probatur tam anxia hæc relatio singulorum ad singula. Sed satis est, inquit, quod ex eo quod cōmiserunt tria, totidem passi sunt. At re vera videtur Apostolus sciēter & cogitata ratione, gloriæ quam Deo subtraxerant, subiecisse contrarium verbum contumeliarum, quas in se ipsi irrogauerunt: & veritati in mendacium commutatae supposuisse mutationē verę voluptatis in falsam et vanam: ac demum verbo probationis, scilicet, quod non probauerunt, obiecisse traditionem in reprobū sensum. Probare, nanq; id est, approbare (vt hic accipitur) & reprobare, contraria sunt. (Sicut non probauerunt Deum habere in notitia.) Sermo anceps est. Potest enim, Deum, actiue legi. Vt sit sensus: Tanta eos licentia & impudentia in omne vitiorum

S. Thom

Orig.

genus

genus sese profudisse, vt viderentur credere quòd Deus aut vitæ suæ pessimæ nō haberet notitiā, aut nullā eorum gereret curā. Sed tñ huic lectioni abest accusatiuus passiuus: quoniā non exprimitur, quid est illud quod Deus non haberet in notitia, nisi subaudiantur mores ipsorum. Et ideo iudicio pluriū magis cōsonat, vt Deū passiue legatur, hoc modo. Quoniā moribus suis non probauerūt, quòd Deū haberent in notitia. Illo enim crimine meriti sunt, vt qui diuinū lumē in se extinxissent, naturaliter subinde priuati, reprobæ suæ menti traderentur, hoc est, permitterētur carnalib⁹ flagitiis excēcari, vt reprobāda de rebus haberēt iudicia. In Græco nulla est equiuocatio, vbi legitur *νοῦς*, quod est, mentē. Et ideo, sensus (quod Latinē æquiucū est) nō de exteris hic potentiis, sed de interno mentis oculo enunciatur, qui est, vnde probitas peruersitasq; emanat in mores: secundū illud, Si oculus tuus fuerit simplex, totū corpus tuū lucidū erit: sin autē oculus tuus fuerit nequā, totum corpus tuū tenebrosū erit. Neq; legēdum est, improbū (vt quibusdam placet) sed reprobū. Quod non solum improbitatē morum, verū firmitatem in malo, mentisq; cæcitatem designat.

Repletos omni iniquitate, malitia, fornicatione, auaritia, nequitia, plenos inuidia, homicidio, contēptione, dolo, malignitate, susurrōes detractores, Deo odibiles, contumeliosos, superbos, elatos, inuētores malorum, parentibus non obediētes, insipientes, incompósitos, sine affectione, absq; fœdere, sine misericordia.

Igitur (vt partitionem sequamur quam supra præmisimus) postquā patefecit Apostolus, quo pacto fuissent illi mortales, tum in Deū impij, tum in se ipsos impudici, sermonē prosequitur, quo manifestet, postquā iam essent traditi in reprobū sensum, quā fuerint in omnē turpitudinē effusi, quāmq; in se inuicem inciuiles & iniqui. Construit autem criminum scelerumq; acruum ad numerū viginti trium. Non tamen existimauerim, in animo fuisse Paulo, hāc certam summā significanter congerere, sed amplificatione vsum, ea retulisse, oratorum more, quæ dum diuin⁹ impetus durabat, succurrebant, quibus om-

nium malorū sylua intelligatur. Nō sunt tamen temere aut absq; ratione & ordine conglomerata: sed prius supremo iniquitatis genere designat omnes vitiorū species. Etenim vt iustitia quādoq; est generale nomē, cōplectens omnē virtutē, ita, iniquitas, quæ idē pollet, quod, iniustitia, cōprehendit omne vitiiū. Ait autē Repletos omni iniquitate, ex eo quod nulla appetitui præscripta linea. quocunq; libido vocaret, effrænes ruerent. Vertit interpres repletos, per accusatiuū, vt referatur ad verbū, tradidit illos. Potuisset tamē nō ineptē trāsferre per nominatiuū, repleti (nā græcē si milis est casus) vt esset suppositū verbi, faciāt. At nihil interest. (*Malitia*) Si vocē respicias, effusissimā significationem habet omniū vitiorū, veluti, iniquitas, vtpote quòd contraponatur bonitati, quæ tantūdem, significat quantum, virtus: vsurpatur autem pro illa peruersitate, vbi quis data opera sciens & prudens male agit. Vnde in. 4. Tufcu. Cicer. Virtutis, inquit, contraria est vitiositas. Nam, malitia, cuiusdā vitii nomē est. Ab hoc ergo no mine exorditur peccata narrare, quæ vocantur cōmissionis, quæ sunt transgressiones prohibitionum negatiuarum, vsq; ad illud verbum, superbos. (*Fornicatione*) Non coarctatur hoc loco vox ad simplicem scortationem cum meretricibus in fornicibus prostitutis, sed patet ad quamuis illegitimam venerem infra naturales limites: vti sunt adulterium, incestus, & tales. (*Auaritia*) Fornicationi qua quis peccat in corpus suum, probe supposuit auaritiam, qua peccat in proximos. Quapropter hoc nomine quæuis iniustitia subnotatur, quoties quid quis præter ius suū vsurpat: vt sunt furtum, rapina & quæcunq; fraudulenta surreptio: quod verbum græcum *πλεονεξία*, significat à *πλεονεξία*, quod est plus habere. (*Nequitia*) Parum ab iniquitate distat. Est enim nomē etiamnum, quod de omni prauitate vsurpatur. Nam inter nequam, & iniquus, non ita multum differt. Quapropter quidam deducunt à nequeo, id est, faciēs quod iure nequit: attamē opponitur frugalitati, quæ significat animorum fœcunditatem. Et ideo, nequitia, significat sterilitatem virtutum, earum maxime quæ versantur in beneficentia erga proximos. (*Plenos inuidia*) Inuidere idē est quod, nimium videre, eo quòd inuidi animum semper habent intētum in aliorum fortunas. Vnde inuidia idem est, quod dolor alienę felicitatis: licet nonnunquā de odio prædicetur. Et sicuti inuidia diaboli (vt habetur Sap. 2.)

mors

mors introiuit in orbem, ita hoc fermè morbo tabescit mortalium charitas, quæ mutua deberet esse: atq; huius soboles sunt & progenies, ea quæ subsequuntur malorum germina (*Homicidio*.) Attexit homicidium inuidiæ, vel propter iucundam affinitatem vocum græcarum, φόνος, φόνος, vel fortè, vt à suprema iniuria initium aucuparetur omnium earū, quas inuidia parturit. Primum enim homicidium inuidia patratū est, qua frater æstuaui in fratrem (*contentione*) Proxime ad homicidiū quod est summā iniuria in opere, collocat cōtentionē: quæ vel designat iurgia & pugnas, vel honorum ambitiones, & conatus quibus plures eā dē rem competunt, vel certè verbosam veritatis oppugnationē. Nēpè vbi (vt ait Hierony.) non ratione aliquid, sed animi pertinacia defenditur, & vbi iam nō veritas quæritur, sed proximus fatigatur. Cum contentione autē graphice composuit (*dolo*) Ex contentione enim doli oriuntur, quibus fratrē circumuenit frater (*Malignitate*) Sicuti malitia ad bonitatē, ita ad benignitatē refertur malignitas, Et ideo ferè idē est quod nequitia. Nā frugalitas, cui diximus aduersari nequitia, & benignitas, in idem ferè cocūt. Fertilitas enim, & in terra fructuū, & virtutū in homine, tam benignitas dicitur, q̄ frugalitas: nisi quòd, nequitia, solū dicit sterilitatem & inutilitatē, malignitas verò asperitatē morū & difficultatem: quemadmodum maligna via dicitur, quæ difficilis est & aspera (*susurriones*) Hoc verbum & quod sequitur pertinent ad clandestinas iniurias. Susurro enim est qui clancularia maledictione discordias disseminat, aut odia in aliquē molitur. In quos susurriones illud profert Ecclesiasticus, Susurro & bilinguis, maledictus: multos enim conturbauit pacem habētes (*Detractores*) Manifestam significationem habet. Sunt enim qui alicui honorem & famam, occulto itidem vt susurro, arrodunt: de quibus scriptum est Ecclesiastici. 10. Si mordeat serpens in silentio, nihil eo minus habet qui occulte detrahit (*Deo odibiles*) Non videtur hoc ad nouum pertinere crimen: sed ne quempiā talis cogitatio falleret, quòd crimina hæc proxime nominata, quia vel intra animum cogitatione perpetrantur, vel saltē nō extra verba nō sint vsq; adeò grauiā, quæ possint dirimere amicitiam Dei, ideo subiecit, tales homines à Deo odio haberi: maxime detractores susurris serētes discordias. Vnde Prouer. 6. Sex sūt quæ odit dominus, & septimū detestatur anima eius. Hic est ille, qui seminat inter fratres

discordias, Etenim cū eiusmodi iniuriæ aperte charitatem proximi, nec quidem leuiter, offendant, consequens fit, vt & diuinā violent. Ioannis enim collectio est, Qui nō diligit fratrem suum quem videt, Deum quē non videt quomodo potest diligere? Quāuis Cypri. 4. legat, Deo abhorrentes, & alii vertant, Deo osores, videlicet qui Deum oderint (*contumeliosos*) Contumelia vel re vel conuitio fit, quæ à detractōne, tum obiecto difert, tū etiam modo. Est enim contumeliosus, qui alios, vel manu iniectione, vel maledictis dehonestat, vbi maior est contēptus, q̄ in detractōne. Nā qui detrahit, aut reuereri videtur, aut timere eum quem clam remordet. Et ideo contumelia (vt vult Seneca) à contemptu dicitur, quæ proinde honorem lēdit. Detractio verò deterrit famam & existimationem eius, cuius malam opinionem in aliorū aures dispergit (*Superbos*) Accedens ad delicta, quæ sunt præceptorum omisiones, præfigit eorum radicem. Est enim superbia (quod Ecclesia. 10. legitur) initiū omnis peccati: ea ex parte qua peccans eximitur à diuina obediētia. Superbire nāq; est superius q̄ ius est, ire, (*Elatos, inuētores malorum*) Associat superbiæ suam geminam prolem. Harū prior est elatio: quæ parum discriminatur à superbia: nisi quòd superbia est habitus appetendi præter ius & æquū excellentiam, vt nullius quis recipere velit leges, sed omnibus aliis ponere. Quæ malorū compluriū est sentina. Elatio autem est qua quis cum aliis se superlacione confert: vt euangelicus ille pharisæus, Nō sum sicut ceteri hominū. Superbi ex elatione nouorū inuentiones cōminiscūtur, quo egregii habeātur. Porro enī cotricula dogmatibus examinādis omniū fidissima, est autoritas vetustatis, in his vel maxime, quæ ad Christianā pertinet religionē. Et ideo quæ de repenti oboriūtur, suspitione nō carēt. Quā obrē idē est Paulo. Inuētores malorū, quod, inuētores nouorū. Id quod hæc imprimis ætate pestilentissimū est vitiū (*Parentibus nō obediētes*) Subiūgit sex omisiones affirmatiuarū præceptionū, quæ sunt ad proximos, quarū iniquissima est, parētibus nō obtēperare, quibus vitā debemus, Sed parentū nūcupatione maiores oēs, magistrosq; & magistratus cōplexus videtur, quibus obsequia, fides, honoresq; debētur (*Inspicientes, incompósitos*) Duo hæc meditato coniūgit, eò quòd græcè simillimo sunt charactere ἀσυνέτους & ἀσυνείδους. Caterum ex superbia in insipientiā ineuitabile præcipitium est, Sunt aut qui insipientiā ad obli

Ioan. 4.

Cypria.

Contumeliosus.

Seneca.

Superbus.

Inuentor malorum.

Antiquitas dogmatum.

Non obediētes.

Inspicientes

ad obliuionem & despectum Dei referat. Nā dixit insipies in corde suo, Nō est Deus. Incōpositos eos fortē appellat, qui nō sunt morū decentia & venustate externē appositi, sed chinnis & reliquis gestibus dissoluti. Quoniā impudicus oculus, teste August. impudici cordis est nuncius (*sine affectione*) Affectio & affectus nō vnus sunt omnino significatus: quoniam affectus generale nomen est, ad omnes animi motus relatum, tā bonos quā prauos affectio autē hic accipitur pro studioso amore in propinquos (id enim sonat *seivē*) quē natura mortalib⁹ ad societate ingenerauit. Quin animalibus brutis insitus à natura est mutu⁹ amor, vt saltem quā vna sunt specie cōmuni, concilietur. Diligit enim omne animal sui simile (vt est in Eccle. cap. 13. & ideo quia vbi abūdat iniquitas, refrigescit charitas, recensitis aliis iniquitatis vitiis, subdit, sine affectione.

Eccle. 13. Quæ nequit inter propinquos esse vlla, vbi

Abfq; fæ- nulla præfuerit charitas Dei (*abfq; fædere*) Nō
dere. quod fœdera non inirēt, sed quod pactis non

Abfq; mis- *miseriordia* Per omnes societatis rationes vio
ricordia. latas, ac diruptos numeros orationē deduxit, & quibus homines conciliantur, necessitudines & vincula, vt eos omnis ciuilitatis pollute, quin penitus exutæ humanitatis reos perageret. Sanē quos neq; innatus cōmunis amor in officio poterat retinere, quo mutuo se pectora amplexatur, nec fides humanorū fœderū, nec deniq; cōmiseratio vlla miserorum.

Qui cum iustitiā Dei cognouissent, nō intellexerunt, quoniā qui talia agunt digni sunt morte: non solum qui ea faciūt, sed etiam qui consentiunt facientibus.

Alludit in hac conclusione ad illa superiora verba, Iustitia Dei in eo reuelatur, & Reuelatur ira Dei de cælo, Quippe vt colligat, vtrūq; fuisse lumine naturæ gentibus notum, scilicet & iustorum præmium, & supplicium malefactorum. Litera verò hæc aliter multo habet græce, in his saltem qui circumferuntur modo codicibus, aliumq; sensum præbet. De sunt enim illis quatuor verba, quæ nos legimus. Ea sunt, non intellexerūt, & ex tribus sequētib⁹ relatiuis duo postrema: nam ita est prorsus. Qui cum iustitiā Dei cognouissent, quoniam (id est eam nimirum) quod qui talia agunt digni sunt morte, non solum ea faciunt, sed etiam consentiunt facientibus. Qui

quidem cōtextus adeò iis probatur, qui hoc ætatis traductores prodierunt, vt veteri interpreti notam preuaricationis moliantur inure. Et quidem ingenuē fateor, optimē sic lucere sensum Pauli. Enimvero litera nostra solū videtur eos ignorantia & incitā redarguere vtpote quod Deum cognouissent, non continuo suā ipsius vlticem legem intellexerint. Græca verò eos acrius incusat, nempe quod non ex ignorantia sed meditata industria & negotio tam absurda delicta & flagitia admisissent. Videlicet qui scientes, non solum bonitatem Dei, verum etiam talem esse iustitiā eius, vt qui talia agerent, digni essent morte, nihilominus non solum ea ipsi agerent, sed vt alii facerent, consentirent. Qua ratione præscindit eis Paulus excusationem ignorantia, tam Dei quā etiam legis naturalis & punitionis diuinæ. Imò verò inde erant magis improbandi, quod nec amore fuerint alleati, nec cōterriti metu. Quo videtur annuere & Ambrosiana lectio, quæ sic habet, Vsq; adeò iustitiam Dei cognouerunt, vt non negent hæc omnia quæ faciunt poena esse digna, & morte. Nihilofecius nō est cur vetus translatio ita acerbe flagelletur. Nam verisimile est sic Interpretem nostrum in suo codice græco legisse, & audio nunc etiam in aliquo ita reperiri: & potest præterea litera eundem fermē sensum recipere. Nempe quod cū Deum cognouissent, aut moribus suis excæcati non intellexerunt iustitiam eius, aut perinde licenter vivebant, ac si non intelligerent, quod qui talia agunt digni sunt morte, &c. Id autem quod ex loco isto nonnulli sibi videntur scite ratiocinari, videlicet, grauius esse consentire vel comprobare aliorum malefacta, q̄ si ipse qui consentis eadem cōmitteres, nō asseuerat certē hic Paulus, quippè cuius verba hoc duntaxat ponderis habent, quod non solum te delinquere, peccatū est, sed & peccantibus consentire, quorum aliquam geris curam. Vel, secundum aliam lectionem, quod non satis ipsi habebāt peccare, sed vt impunē id fieret, conuiuebant. Non quod inficias iuerim, quin scelestior sæpe sit, per quem alteri peccare licet, q̄ sit ipse qui impunitate ipsa, licentiāq; abutitur. At ratione est, iudicioq; discernendum. In principe namq; cui incumbit leges, tum adere, tū defendere, atque id maximē in ecclesiastico rectore, grauius peccatum esset malefacta publicitus impunē permittere, q̄ aliquod quandoq; ipsum tale peccatū admittere, & maximē si sciens lege decerneret, malum,

Consentientes in aliena peccata.

malū, bonū: & bonū, malū: aut si quis peccata laudaret, vt ait Chrysost. Attamen nō quēcūq; negligentia prelatus erga vnū subditū, etiā si mortale peccatū esset, grauior censenda est, q̄ si ipse idem cōmitteret. Quod si quis interroget, quidnā Paulo in mentē hic venit, vt de cōsentientibus meminerit? Facilis est coniectura, quod cū rē hactenus cū gētibus tractasset, nō tantū de hoc priuatim personas insinulat, qđ tanta fuerint morū peruersitate, sed ipsas preterea respublicas & principes & parentes per respectum ad filios increpat, quod impunē ea permitterēt: Romāos presertim, qui orbi tūc ius dicebāt. Nā cū totus decalogus sit de iure naturæ, quem propterea nouisse & sanxisse debuissent, multa nihilominus fiebant cōtra eū facinorosa crimina, quorum nulla in eorū legibus cautio scripta erat. Simplex enim fornicatio, quā liberam venerem appellabāt, nō habebatur apud eos pro illicita. Quinimō neq; in nefandam spurcitiam legimus scriptum ab illis capitale supplicium, vt par erat. Adde quod preter paucos Romanos & Græcos reliqui gentium sub nullis fermē legibus viuēbant. Neq; verō Romani idololatriam prouinciarum, quæ in suam ditionem venerant, vetabant: etiā si non omnem probarent, sed illa penitus pro criminibus ducebāt, quæ essent cum atroci iniuria coniuncta.

CAPVT SECVN.



Propter puod inexcusabilis es ò homo omnis qui iudicas. In quo enim alterū iudicas, teipsum condemnas: eadem enim agis: quæ iudicas.

Cum Ethnicorū vitā aduersim exegerit, in qua spectare possent, q̄ nō fuisset in suis ipsorum meritis, vt in gratiā Dei reciperēt; atq; adeo nihil eis profuisse cognitionem legis naturæ, eandem aduersus Iudæos accusationem aggreditur, scilicet, quod cognitio & receptio legis nihil sine eius custodia profuit. Hæc tribus his capitibus cōtinuat. Tria nāq; cum essent, ex quibus maximē gloriam aucupabantur, quibusq; sua apud Deum collocabant merita, nimirum lex, genus & circumcisio, singulatim de illis disserit. In hoc quidem cap. de lege, cuius susceptio non iustificabat,

& de circumcissione, quæ sine legis obseruantia nihil adultis proderat. Et in. 3. de genere, q̄ nihil ad rem faciebat. Sunt veruntamen huius capitis, veluti superioris, tres partes. Etenim vt ab vno ad alterū populū transitum faciat, sermonem ex præfatis deducit cōtra eos qui alienę sunt vitæ censores & iudices: quem sermonem illuc vsq; protendit, Non enim auditores legis, vbi incipit secunda pars capituli de insufficientia legis Iudæorū. Nempē quod legem recepisse nihil est sine operibus, vsq; ad verbum, Circumcisio. Inde autem succedit tertia de circumcissione. (*Propter quod, etc.*) Haud facile quidem est causale hoc relatiuum cum præcedētibus contexere, vt bene sit concinna textura. Nā etsi in comperto sit, esse inexcusabile, quicūq; cōmittit quod in alio taxauerit, non ita tamen apertē hactenus extat in supra dictis causa, propter quā id verū sit. Neq; omnino perspicuū est, cum ait, Inexcusabilis es ò homo, quosnā subnotauerit, gentes ne, quib⁹ cum hucusq; sermo illi erat, an, quos iam aggreditur, Iudæos, an verò omnes in vniuersum mortales. Quinimō videtur hoc verbum pugnare cū eo, quod proxime dixerat, Si enim hoīes illi non solum malefaciebāt, sed consensiebant malefacientibus, quo pacto verum est, quod iudicabant alios, id est, aliena errata vindicabant, aut reprehendebant, aut carpebant? Est ergo ad intellectum rei huius scopus suprafixus identidem inspectandus. In capite enim enarrationis proloquuti sumus, quod cum inter Christianos Romanos ex utroq; populo nouitios, simultates essēt, Pauli institutum est, ambos exæquare. Et ideo post congeriē scelerum gentilium in transitu ad Iudæos, quasi prothema concludens ait, (*Propter quod*) Et potest utroq; legi modo, scilicet continuatiuē, & illatiuē (*Inexcusabilis es ò homo, omnis qui iudicas*) Id est, tam Ethnicus quā Iudæus; qui alterum obiurgas populum, alienorumq; reprehensione crimina propria cōtegis ac dissimulas. Exprobrabant enim Iudæi gentibus, quod absq; veri Dei notitia athei, exlegesq; vixissent: illi verò contra Iudæis insultabant, quod legem quam veri Dei receperant, minimē seruassent, sed ad eandem idololatriam sæpe defecissent, vt est in diuina pagina frequentissimum. Quo circa Apostolus concludit ex superioribus, quod neutri sunt excusabiles, dum se alterutrū remordicant. Nempē ex hoc quod vtriq; populo reuelata fuit iustitia Dei: Iudæis scilicet per fidem, gentibus autē per ea visibilia, quæ facta

*Distributio
in tres partes.*

*Relatiuum can
sale.*

*Interpreta-
t.o.*

*De tribus In
dei gloria
bantur.*

facta sunt. Et nihilominus neq; illi scripta (vt in secunda parte capituli ostensus est) neq; hi naturalem custodierunt. Est ergo perinde ac si dixisset: Vos philosophi & gentes, qui suæ violatæ legis compellatis Iudæos & accusatis, eodem vos iudicio conuoluitis: nam & eadem facitis, neq; excusationem habetis ab ignorantia. Sed vos nihilominus Iudæi eandem sententiam, qua damnatis gentes, in vosmet ipsos pronuntiatis. Quandoquidem legem quam scripto recepisse gloriimini, nihilo fidelius seruastis, q̃ illi naturalē. Qua de re non est cur eorum cōtubernia dedignemini. Vnde Esa. 2. conqueritur Deus, Si mutauit gens Deos suos, & certē ipsi non sunt dii, populus verò meus mutauit gloriam meā in idolum. Sunt tamen qui existimant tantum hic incre pari iudices, qui publica fungentes autoritate, ea perpetrant mala, quæ in subditis puniunt, propter allusionem ad verbum præcedens, non solū ea faciunt, sed consentiunt faciētibus. Sed profecto multo melius quadrat expositio facta de ambobus populis inuicē collatis. Vtroq; enim modo delinquebant, & inter se scilicet, dum alterutrum sese carperet, & in se singuli, dum suis subditis mala permitterent. Tametsi nihil vetet, quin eadē sententia ad vniuersos iudicantes extendatur. Neq; verò idoneus est hic locus in quo tractetur de iudicio humano, quando sit vel licitum, vel temerarium, de quo fortē aliquid ca. 14. Sed id admonuisse satis fuerit, q̃ nulla sit hic condēnatio eius iudicij, quod publica exercetur autoritate: tametsi redarguantur iudices eisdē irretiti vitijs, quæ in subditis vlciscuntur. Nam inde redduntur inexcusabiles, quod non possunt ignorantiam sibi prætere, illa esse peccata, quorum erāt & iudices & vindices. Et hoc est quod subdit (*Eadē enim agis, quæ iudicas*) Quo enim quis aliena, vel culpā, vel punit, profitetur illa esse peccata. Atq; adeo si eadem admittit, in seipsum existimatur protulisse sententiam. Vnde Nathan propheta, quo maiore regem David pudore suffunderet, sua ipsum de aliena persona lata sententia cōdemnauit. Atq; in Verrem Cicero, Legem, inquit, sibi ipsi indicunt innocentia, continentia, virtutumq; omnium, qui ab altero rationem vitæ reposcunt. Et infra, Non modo accusator, sed ne obiurgator quidē ferendus est is, qui quod in altero vitium reprehendit, in eo ipse deprehenditur. Hæc ille. Quocirca pari ratione redduntur inexcusabiles, morū institutores. Et ideo Seneca philo-

sophos qui recta docentes, perditis erant moribus, in suum ait ipsorum conuiuium fuisse disertos. Damnatur autem iudicium temerarium: illud scilicet quod, vel de cogitationibus, nobis absconditis, conceipimus, vel ex fallacibus indicij de rebus occultis ferim⁹. Hoc enim nobis illic interdictum est, Nolite iudicare & non iudicabimini. At si iudicium, reprehensioq; via & ordine fiat, quo fratrem feruimus, officium est. Viam autē & rationem præscribit in de serm. Dom. in mōte. August. his verbis. Primū cogitemus cum aliquē reprehendere necessitas nos cogit, vtrum tale sit vitium, quod nunq̃ habuimus: & tunc cogitemus nos etiā habere potuisse, vel tale, quod habuimus, & nō habemus: & tunc tangat memoriam fragilitas communis, vt illam correctionem, non odium, sed misericordia præcedat. Si autem inuenimus nos in eodem vitio esse, non obiurgemus: sed congemiscamus, & ad pariter conandum inuitemus.

Scimus enim quoniam iudicium Dei est secundum veritatē in eos, qui talia agunt.

Quemadmodū ex perditis corruptisq; moribus gentium gradum fecit ad iudicium humanum redarguendum, ita ex humano ad commendandum diuinum, quasi per modū parenthesis, progreditur, vnde noua amplificatione accusationem Romanorum instaret. Quam nimirū ansam ex eo naetus videtur, quod dixerat de iudicantibus. In humana enim republica, iudices, præsertim procures ac principes, exemptos se à iudicijs arbitrantur. Cuius idcirco contrariū statuere hic pergit de iudicio Dei, puta cui nemo non subditur. Neq; sunt illi subditi iudicandi secundū acceptionem personarū, sed æquissima lance secundū opera. Commendat autē diuinū iudicium, à quinq; scilicet à veritate, vbi nulla subesse potest fallacia, à necessitate, quia est inuitabile, à longanimitate & beneuolentia iudicis, à summa deniq; æquitate & magnitudine retributionis. De primo ergo ait (*Scimus enim, quoniam iudicium Dei est secundum veritatem.*) Iudiciū quidē rerū, ex earundē causis fumentū est: externarū autē actionū radices ac fisis. bræ in pectore internè delitescūt, quousq; solus diuin⁹ intuitus penetrat. Deus ergo solus est, qui vt actionū momenta & pondera ad verū æstimare valet, ita & pro cuiusq; meritis iusta rependere. Ambas enim veritatis partes designat, vbi ait, Iudicium Dei secundum

Iudicium temerarium.

August.

Commendatio iudicii ex quinq;.

Iudicium rerum ex causis.

Secundum veritatem.

E

ritatem:

Esa. 2.

Iudicium licitum.

2. Reg. 12.

Cicero.

Seneca.

ritate: nempe & cognitionis expensionisq; meritorum: & præterea æquitatis iustitiæ in retributione: de qua paulò inferius fit sermo. Iudicium autem humanum triplici subest falsitatis periculo. Primo quod non potest homo iudicare de secretis cordium, vti deus qui scrutator eorum est. Secundo (si fiat auctoritate publica) quod iudicium non fertur, nisi secundum allegata & probata: vbi potest quoque subesse mendacium, ob fallaciam testium. Deus autem (vt est apud Hieremiam: Imò & apud ethnicum Ciceronem) erit iudex & testis. Tercio itaque quod non solet semper fieri secundum causæ merita, sed secundum personarum respectum. Quo paulò post redibit oratio.

Iudicium humanum tripliciter falsum.

Hierem. 29. Cicero.

Existimas autem hoc o homo, qui iudicas eos, qui talia agunt, & facis ea, quia tu effugies iudicium Dei?

Necessitas iudicii.

Subiungit secundo loco necessitatem diuini iudicii, quippe quod nemo potest effugere. Vbi tribus etiam nominibus integrare incipit illorum, imò nostri omnium accusationem, per tres videlicet interrogationes, Existimas, contemnis, ignoras. Primum quod nihilo plus extimescimus terribile illud iudicium, quam si nullum existimarem factum iri (o homo) Emphasin habet, per ironiam, execrandi: nam cum ex eo deberent mortales, tum certius presentiscere, tum grauius expauescere iudicium Dei, quod alios ipsi iudicant, inde contra ita sint excæcati, vt nullum se existiment subituros iudicium ipsius. Quauis autem hoc in vniuersos iudicatores censorsque proferatur, singulari tamen ratione in principes, præpositosque cõpetit. Hi namque cum ab omni sint prorsus iudicatu immunes, de consuetudine audiendi, non solum illos superiores iudices, verum & illos quidem, qui vel leuissime ipsos taxare audeant, aut iudicii diuini obliuiscuntur, aut concipere satis animo nequeunt, quod sint æquiori multo ipsi, districtiori que trutina librandi in die illa iræ, quam ipsi modo suorum subditorum errata persequuntur. Cum tamen tanto sit acerbior in ipsos animaduersio futura, quanto hic sunt magis à terrenis exempti potestatibus. Nam quominus quemque Deus subiectum esse alijs hominibus voluit, eo plus illi confidit, vt nihil in subditis vindicet, quod non in se prius ipse correxerit (o homo) O vos præsertim monarchæ, & Ecclesiæ maximè rectores, quos legum suarum custodes reliquit omnipotens, & suarum ouium pastores, si iura, quibus sub-

Principes & præpositi.

Ecclesiæ rectores.

ditos cogitis, non solum transgredimini, verum & in rem vestram summa licentia peruertitis. Existimatis ne, siue quod nullum vos forte maneat iudicium Dei, siue quod vlla vobis futura sit declinandi potestas? Sed quo abibitis à spiritu Dei? aut quo à facie eius fugietis? Præsertim vbi is qui primus à Christo Ecclesiæ præfectus est, admonitos nos fecerit, quod à domo Dei incipiet iudicium. Et reges præterrefaciat illic Sapiens, vbi ait: Horrendè & citò apparebit vobis dominus: quoniam iudicium durissimum in his, qui præfunt, fiet: exiguo enim conceditur misericordia: potentes autem potenter tormenta patientur.

1. Pet. 4. Sapien. 6.

An diuitias bonitatis eius & patientiæ & longanimitatis contemnis?

Tercio loco subnectit clementiam iudicis, eam ob causam tanta benignitate præstolantis iniquorum respicientiam, quod non vult mortem peccatoris, sed vt per poenitentiam effugiat iudicium. Hic autem secunda ratione stringit Romanorum culpam: ex suo scilicet contemptu & ingratitude. Atqui habet profecto locus hic, tum significationem multijugam, tum grauiissimam exaggerationem. Primum quippe causam depromit, cur iudicii diuini nec fides habeatur ab hominibus, nec subinde metus. Causa enim est mora & cunctatio Dei, suarum procrastinantis iniuriarum ultionem, vnde impunitatem sibi impij pollicentur. Id de quo naturales etiam philosophi disputauerunt: vt est apud Plutarchum, sub titulo, de sera numinis vindicta, super dictum illud Euripidis, Cunctatur: talis enim est numinis natura. Quod enim Deus de criminibus non confestim poenas reposcat, id (vt ait inibi Patroclus) prouidentiae fidem adimit. Inde namque amentia illa verba euomebant illi apud Iob: Circa coeli cardines ambulat, nec nostra considerat, quod cernebatur, homines impuros, flagitiosos, sacrilegos, nefarios & impios impunè viuere. Idem quoque argumentum fufius tractat David Psal. 72. Quam bonus Israel Deus: zelauit super iniquos, pacem peccatorum videns: cum hominibus non flagellantur. Et ideo tenuit eos superbia, & dixerunt quomodo scit Deus, etsi est scientia in excelsis. Et proculdubio, quibus non est fides alterius seculi & inferni, non potest non esse prægrande argumentum, quod nulla nostri cura Deum tangat. Ob idque concludit Psaltes, Existimabam vt cognoscerem, hoc la-

Clementia iudicis.

Secunda sententia Pauli.

Cunctatio Dei.

Plutarch.

Iob. 22.

Psal. 72.

hoc labor est ante me, donec intrem in san-
ctuarium Dei, & intelligam in nouissimis eo-
rum, id est, in finali iudicio. Et Eccles. 8. Quia
non profertur citò contra malos sententia,
absq; timore vllo filij hominum perpetrant
mala. Et Eccle. 5. Ne dixeris, peccaui, & quid
mihi accidit triste? Altissimus enim est patiens
redditor. Vt ergo ad litteram, hæc præmedita-
ti, reuertamur, grauissimè eos perurget de cõ-
temptu diuinæ clementiæ (*An diuitias bonitatis
eius & patientiæ & longanimitatis contemnis?*) Sin-
gula verba ad cumulum conferunt singularis
munificentia Dei, atq; ad exaggerandũ eo-
rum, imò nostrum contemptum & ingrati-
tudinem. Bonitas nanq; Dei idem est, quod be-
nignitas, qua in nos est tam largiter benefi-
cus: patientia verò, qua tam multa nostra sce-
lera & crimina sustinet, quibus fœdifiagi in
eum nos ipsi, iniuriq; , atq; impij & sacrilegi
existimus: sed longanimitas est, qua non se-
mel aut bis, sed longissimis vitæ spacijs nos
perfert. Quare ex ignorantia naturæ rerum
recentes isti traductores noua hic verba ex-
quirunt. Græce est *χρηστότης*, quod non signi-
ficat bonitatem morum, vt *ἀγαθότης*, sed bo-
nitatem, quæ est benignitas & beneficentiæ
virtus. Isti nostri latini vertunt, Diuitias leni-
tatis & mansuetudinis. At verò primum, bo-
nitas, tam propria vox est, imò magis huic si-
gnificationi accommoda, quàm lenitas. Dici-
mus enim terram bonam, pro eo, quod ferti-
lem & benignā ac frugiferam. Præterea neq;
norunt, quod bonitas, quatenus sui diffusi-
ua (vt ait Dionys.) prima in Deo est causa
omnium extra se factorum, & donorum po-
tissimum spirituum. Ex qua proinde ad
nostrum modum intelligendi effluit patien-
tia in peccatores. Lenitas autem, qualitas est
atq; ornatus bonitatis. Quocirca doctissimè
interpres noster primo hic loco transtulit, bo-
nitas, quo nomine primum fontem misericor-
diæ aperiret: infra verò, vbi græce similis vox
est *χρηστότης*, traduxit, benignitas, quod idē pol-
let, ac bonitas. Quocirca de quibusdam mi-
randum magis est insignibus theologis, qua-
lis est doctissimus Caietanus, qui citra vllum
examen & delectum, veluti oracula, summo
applausu in vniuersum suscipit istorum ad-
notationes: quas profecto non possumus nō
creberrimè expendere, easdemq; crebro pro
exili captu nostro, aliorum fretus subsidio,
refutare. Vbi precor nulla mihi, vel inuidiæ
nota, vel alia infamis inuratur, quam, si vlla
est Christiano fides, non agnosco: nisi igno-

rantia, quam syncerè confiteor. Ad rem er-
go redeamus. Origen. quem sequitur Augu-
stin. (vt refertur in gloss.) patientiam ad bo-
nitatem Dei refert, qua non statim pessimos
punit, eos scilicet qui studio & superbia pec-
cant: longanimitatem verò, ad eam qua tole-
rat minus malos, eos videlicet, qui infirmita-
te, ignorantiaue delinquant. Quasi hos sub-
stineat, illos verò, vt grauiores patienter fe-
rat. Potest tamen fortè vice versa sensus ex-
primi. Nam longanimitas vastissimam præ-
se fert animi capacitatem ingentissimæ pa-
tientia: quæ idcirco ad grauiora scelera vide-
tur respicere, quàm patientia. Tametsi nec
desint iam, qui patientia hoc loco, quæ græ-
cè est *ἀνοχία*, non ad tolerantiam Dei, sed ad
suam referant anthropopathiam, hoc est, in-
effabilem charitatem, qua ita compatitur ho-
minibus, vt nostram nimis doleat perditio-
nem. Haud tamen ita spontaneè videtur con-
uenire sensus. Neq; verò simpliciter ait, boni-
tatem, patientiam, & longanimitatem, sed,
Diuitias contemnis bonitatis & patientiæ &
longanimitatis. Hebraismus est, vt aliàs dixi-
mus. Nam Hebræi, quo efferant copiosissi-
mam & amplissimam bonitatem, dicunt co-
piam bonitatis. Et vehementiori significatio-
ne, inquit Paulus, Diuitias, quod simili sche-
mate profert Ephes. 2. vbi ait, Qui diues est in
misericordia. Colligantis ergo hominum in-
gratitudinem, neque illorum tunc tantum
Ethnicorum, quam vtinam nostra non trans-
cenderet. Ingratitudinis crimen ille commit-
tit (vti nomen sonat) qui contra gratiam ali-
cuius delinquit: gratia verò est beneficium ci-
tra debitum collatum: bonitate nos autem
Deus sua gratis tum condidit, tum cunctis,
beneficijs, tam naturalibus, quàm supra na-
turam ad regnum cœlorum spectantibus cu-
mulauit. Cum primum ergo quis in Deum
peccat, ingratus est in eius bonitatem. Sed
vbi crimen primum, alterius accessione, de-
grauat, ingratitude est in eius patientiam cri-
minosior. Cumulatio nanq; est ratio gratiæ
in peccatore tolerando (vt cui non solum ni-
hil debeat Deus boni, sed iustissimè etiam re-
pendere posset malum) quàm in mundo ex
nihilò condendo: quando & si nemo fuerat
bene de Deo, neq; tamen fuerat vllus malè
meritus. At verò cum quis non solum à Deo
auerfus, sed sensum etiam humanum exutus,
quocunq; ipsum sua rapit cupiditas, laxatis
habenis, licentissimè distrahitur, non solum
bonitate & patientia, sed & immensa Dei lon-
ganimitate.

ganimitate ingratisimus abutitur: sanè quæ
Prouerb. 18. in profundum malorum prolapsus (quod
 est inter Prouerbia) contemnit.

Ignoras quoniam benignitas Dei ad pœnitentiam te adducit?

Trinum tra-
didit.

2. Pet. 3.

Esa. 30.

Tres cause
quæ nos in
peccatis re-
morantur.

Inenarrabi-
lis Dei mis-
ericordia.
Causa pati-
tie Dei.

Tertia hæc interrogatio, expositio est cau-
 sæ, ob quam Deus iniquos tanta patientia
 operitur. Quæ quidem ea est, vt sua ineffabi-
 li benignitate atq; blandissima lenitate ad
 pœnitentiam emolliat adamantina pectora
 nostra. Vbi primum dilucidare videtur Pau-
 lus trinum illud præfatum, tradidit, puta in
 desideria cordium, in passionis ignominia,
 atq; in reprobum sensum. Nam etsi (vt illic
 dicebamus) nihil aliud sit, tradidit, q̄ permi-
 sit, ob idq; nulla possint exinde homines suo-
 rum malefactorum, vel culpam vel causam in
 Deum refundere, subrepere tamen Romanis
 in animum potuisset aliqua cogitatio incle-
 mentia Dei, quod saltem intendens ipsorum
 malū, præcipites eos ire tandiu fuisset. Huic
 ergo occurrens sinistra cogitationi, ait: Ignor-
 ras quod benignitas Dei ad pœnitentiam
 te adducit? Cuius simile est in alio Apostolo,
 Non tardat Deus promissis, sed patiēter agit
 propter vos, nolēs aliquos perire. Et in Esaia,
 Expectat vos Deus vt misereatur vestri. Et
 cum græcè sit participium, quod reddi pote-
 rat per, ignorans, tamen vehementioris repre-
 hensionis gratia vertit interpres per verbum.
 Est enim gradatio quædam, & auxesis in his
 tribus verbis, quibus subnotantur tres cause,
 quæ nos in peccatis remorantur. Etenim exi-
 stimare nullum fore iudicium; tum peccatū
 est, tum causa peccandi: grauius verò piacul-
 um & sacrilegium est, cum iudicium Dei su-
 biturum te noueris, exuberantissimam ni-
 hilominus eius benignitatem contemnere,
 differentis ac procrastinantis vltionem. Atq;
 hæc est causa iacendi in peccatis. Longè tamē
 scelestissima est impietas, causam nihilifacere
 suæ benignitatis: quæ est, vt nos lucrifaciat.
 Idq; causam accumulatur, nunquam emergen-
 di ex fordibus peccatorum. Quamobrem nō
 ait, ignoras, quasi allegans ignorantiam excu-
 santem, Sed, ignoras, ironice, quasi, non est
 cur ignores, sed contemptus benignitatis est
 tibi in causa, cur non consideres quo te fine
 expectet. O inenarrabilem, stupendamq; ac
 summa animi veneratione suspiciendam lon-
 ganimitatem Dei. Cuius causam deprehen-
 dere nequeas, nisi in amorem, quo se Deus
 ipse diligit, mentis oculos sustuleris. Ecquis

enim sibi persuadeat, ex solo amore nostri
 tam esse Deum cupidum nostræ salutis, nisi
 in suam ipsius gloriam redundaret, quæ al-
 tissima est huius patientiæ ratio? Prima nāq;
 Dei intentio in rerum conditione (vt cap. su-
 periori præloquebamur) nullum fuit extra
 se bonum, sed suum proprium. Non enim
 quod vilius indigens esset, sed vt suam ipsius
 deitatem quodam pacto diffunderet ac pro-
 laret, suumq; esset profusius gloriosum no-
 men, & angelum & hominem creare propo-
 suit, ac propter hominem, orbem. Quocirca,
 eum vnus hominis culpa totum genus no-
 strum inficiens, eandem intentionē Dei fru-
 strasset, ob suam ipsius gloriam instauran-
 dam, filium, qui plenē perfecteq; honori suo
 satisfaceret, ad nos destinauit. Igitur ne diui-
 num suum propositum tamq; ampla benefi-
 cia incassum sibi abierint, obstationem no-
 stram diuissimè expectat, nolens mortē pec-
 catoris, sed vt conuersus glorificet eius maie-
 statem. Nec tamen ideo minoris æstimandū
 à nobis est donum hoc ineffabile, quod refe-
 rat in gloriam Dei: imò pluris, quia multo
 inde excellentissimè sublimata est nostra na-
 tura, quod ad illam ipsius participationē fue-
 rit recepta. Sed ò iterum atq; iterum expaue-
 scendam patientiam Dei, cuius non fuerunt
 angeli capaces, sed eodē momento & à Deo
 auersi sunt, & nullo expectato redemptore,
 nulloq; indulto spacio pœnitendi, & defasti-
 gio coelorum præcipitati sunt, & in tartarorū
 abyssum obtrusi. Tametsi neq; huius eorum
 miserandæ cōditionis desint cause, quas pos-
 sumus meditari. Primum q̄ cum suapte natu-
 ra intellectuales fuerint, nulloq; proinde dis-
 cursu indigentes, sed omnia simul nouerint,
 nullam habebant excusationem deceptionis
 suæ, aut incōsiderationis, sicuti rationalis ho-
 mo: qui cum temporis curriculo rerum peri-
 tiam conquirat, vt faciliè potuit decipi, sic in-
 ducias temporis habere debuit, vt resipisce-
 ret. Adde, quod in angelis voluntas suo pro-
 portionatur intellectui: & ideo sicuti quic-
 quid natura sua cognoscūt, perspicuè & im-
 mobiliter apprehendunt, vt nos prima prin-
 cipia, à quibus nulla nos ratio dimouere va-
 let: ita post electionē sunt voluntate inflexi-
 biles, nec pœnitere valentes. Quapropter an-
 gelorum, & boni statim præmiati sunt, &
 mali protinus damnati. In homine verò alia
 est, diuersaq; ratio, vt intellectus, ita & volun-
 tatis. Adhæc, Angelis, natura sua immortalibus,
 nullum potuit certū indici tempus pœ-
 nitendi,

Cur angeli
pœnitere ne-
queant.

nitendi, veluti hoibus destinata est tota hæc vita mortalis. Vnde quod nobis est mors, illis fuit casus per primum peccatū, vt author est Damasc. Iam verò angelorum nō corrui-
 tota multitudo, vt in vno homine totū humanum genus: quod ideo nisi fuisset redemptū, nullus potiretur homo sine illo sempiternæ felicitatis. Postremò coeli vbi sedes est & thronus maiestatis Dei, peccatorū molē sustinere nequie-
 rant: quin vel superbos euomerēt, vel ipsi dirumperentur. Merito ergo Paulus (vt ad ipsum reuertamur) despectores patientiæ & longanimitatis durissimè increpat, qua nunq̃ angelos Deus, sed nos peculiariter ad poenitentiam adducit. Quin verò, nō longanimitatē modò, sed animi infinitatē dixeris, quæ tam multa scelerū genera, tanta æquanimi-
 tate & silentio perfert: siue leuiora sint, siue grauissima: siue ex ignorantia vel infirmitate, siue ex prauitate admittātur: siue in proximis, siue in diuinam ipsam bonitatē. Neq; priuatorū tantū crimina, verū prælatorū etiā & principū facinora, in cōmune bonū perniciosissima, quibus Deus suā fidit Rempub. atq; animas deniq; suo sanguine redemptas. Idq; nō tantū per diem, sed per pluriū annorum spacia. Nam si statim impios morte puniret æterna, breuissimè extingueret humanum genus. Vnde in li. sen. Prosp. Aug. Nisi Deus primò per misericordiā parceret, non inueniret, quos per iudiciū coronaret. Neq; verò tantū perfert procrastinando vindictā, sed veluti fidissimus iniquorū honoris ac famæ zelator & custos, lenissima dissimulatione, silentioq; cōtegite eorū delicta: solē suū sine discrimine mittens super bonos & malos, suāq; pluuiā super iustos & iniustos: de quo tamē scriptum est, q̃ in nouissimo manifestē veniet & nō filebit. At quibus nō modis obsecro ad poenitentiam nos adducit? Illuminādo, inspirando, pulsando. Per tam multa beneficia, tum naturæ, tum gratiæ alliciendo: preciosisissima pollicendo, terribilia minitādo: per lectiones, per prædicationes, per sanctorum exempla, longā largiendo vitā, repentinam mortē intentando, nihil utiq; omittēdo, quo possit sitim inextinguibilē significare suam salutis nostræ. Cui nihilominus exuberantissimæ ac tot noibus demirandæ clementiæ, is in nobis respondet beluinus sensus, vt ex his oibus preciosissimis beneficijs ac fauoribus infauitū nobis, acerbūq; furoris thesaurū cōsternemus in die iræ. Meritissimò ergo maius gaudiū est in cœlo super vno peccatore poe-

nitentiā agente, q̃ super nonaginta nouē iustis, qui nō indigēt poenitentia: nō solū propter difficultatē poenitendi, in quā delabitur peccator obdurati cordis, & propter periculum vnde poenitēs eripitur, verū ob eximiā gratiam, nunq̃ angelis impensam, vt, nonaginta nouē ouibus iustis in deserto relictis, quesitū Deus veniret hominē errantē, factus homo. Quamobrē effulgentior est ratio gratiæ poenitentiū, q̃ innocentium, pro eo q̃ in peccatoribus nō solū nulla est ratio debiti, verū vltionis maxima. Quid nobis hic respōdeant cæci isti detractores liberi arbitrii? Etenim si omnia nobis ex necessitate diuinæ voluntatis prouenirēt, quid Deo opus erat assensum nostrum postulare ac præsolari? Sineret ne, vt Ecclesiam suam, vel hæretici sic demolirentur, vel præfecti antiistites vsq; adeo negligenter, si cogendæ essent voluntates humanæ? minimè gentium. Attamen quia liberum arbitrium non coactus pertrahit, sed benignitate, authore hic Paulo, ad poenitentiam adducit, idcirco omni patientia & longanimitate affectat liberum nostrum assensionis obsequium. Verum lib. i. de natu. & grat. prolixè disputauimus, qualiter neminem Deus cogat vel ad bonum vel ad malum.

Secundum autem duritiam tuam & impoenitens cor thesaurizas tibi iram in die iræ, & reuelationis iusti iudicii Dei.

Subiungit antithesin cordis nostri. Contraponit in quā intentioni Dei peruersitatem nostri pectoris, qui exitiosissimè sua abutentes patientia, aliorum indulgentiā suā diuertimus, q̃ quò eā ipse dirigat. Differt enim Deus vltionē suā, vt nos ad emendationē emolliat, nos autē ex eodē beneficio occasionē nāscimur obduratius acervandi crimina. Hoc autē hic cum primis obseruandū est, quod supra iam prænotauimus: nempe q̃ neminem Deus intētionē sua indurat, sed cuncta in bonū nostrū ordinat: nos autē sumus qui nosmetipsos induramus. Iuxta dictū Iob: Dedit ei Deus locū poenitentiae, & ille abutitur eo in superbia. Quinimò inde dicitur induratū cor, quod non cedit tangenti Deo. Nimirum quod neq; tolerantis benignitate emollitur, neq; terribantis metu, cōminantisq; flectitur iracundia. Similitudo est Orige. lib. 3. de principijs, q̃ quemadmodū eadē pluuia terra bona herbas p̃fert bonas, mala verò malas, atq;

gaud. super vno peccatore.

Gratia poenitentium.

Detractores liberi arbitrii.

Indurare quomodo dicatur Deus.

Origen.

Damasc.

Longanimitas Dei.

August.

Psal. 49.

Quibus nos Deus modis adducit ad poenitentiam.

Luc. 15.

Maius est

eodem sole, quo lique fit cæra, indurefcit lutum, ita eadem patientia Dei cor alijs emollescit, alijs verò induratur. Vnde Aug. Quasi inuitus vindicat dominus qui in vitam, non in mortem, à principio constituit homines. Ipse enim infert sibi interitum, qui medentis contemplit consilium domini. Et Chrysost. Ille tibi omnia præstitit, ad pœnitentiam te euocans, tute autem inflexus manens colligis tibi iram. Et hoc est quod ait Paulus: Secundum duritiam tuam, nimirum propriam. Et impœnitens cor, id est, impœnitibile (si ita loqui licet) & pœnitere nescium. (*Thesaurizans iram*) Graphicè profectò & significantissimè thesauri voce recondita Dei iudicia patefacit, alludens, tum ad Euangeliũ, Nolite thesaurizare thesauros vestros super terram, tum præcipuè ad id, quod proximè dixerat, diuitias bonitatis. Enimuerò si thesauri qualitates inspicias, primùm qui thesaurizat, non solum aurum, aut preciosos lapillos congerit, verum minutiora etiam coaceruat, quæ precium cumuli possint augere. Mox nõ cuiuncq; temere, sed delecto amico, vel loco concredit, vbi sint recondita: neq; opibus illis vtitur vsq; ad finem: vt tunc tandem fructu thesauri, quos pertulit labores, & parsimoniam recõpenset. Pari modo thesaurus conficitur bonorũ operum. Nam etsi iusti in hac vita non adeò magna subsidia videantur ex suis laboribus recipere, in die tamen reuelationis patefiet, quanti æstimentur apud Deum eorum obsequia: nimirum, vel duo erogata minuta, & potus aquæ frigidæ. Qua ratione & thesauro abscondito cõparatum est regnũ coelorũ. Per cõtrarium ergo sumpta metaphora innuit Paulus, qd sicut pœnitentes misericordiã, ita & impœnitentes delictorũ suorũ sarcina thesaurizant irã. Cuius simile ait Iacobus, Theaurizastis vobis irã in nouissimis dieb. Et Deut. 32. de iniquorũ vltionibus, Nõne hæc cõdita sunt apud me, & signata in thesauris meis? Vnde Orige. triplicè in scripturis thesauri significantiã adnotauit. Est enim thesaurus in terra, in quo prohibet dominus thesaurizari: est thesaurus in cœlo, in quo iubentur fideles suas opes recondere: est & tertius hic iræ thesaurus ab Apostolo condemnatus. Theaurizator primus, animalis est, & stultus, de quo in Euangelio, Stulte hac nocte repetent abs te animã tuã. Secundus verò, spiritualis & sapiens: sed tertius, carnalis & saxeus. De quo hic dicitur, Secundũ duritiam tuã. Hactenus ille. Et enim qui perditẽ nunc obstinati, tam

Dei, qd sui ipsorum obliti, neq; maximorũ scelerũ existimant se reddituros esse rationẽ, tunc de minimo quoq; verbo ocioso respondebũt, omnia persoluentes vsq; ad minimũ quadrantẽ: atq; adeò qui increduli fuerãt, diuinæ illudentes patientiæ, suo periculo videbunt, tam esse Deum iustum in puniendo, qd est in expectando benignus. Quocirca, qui diuitias spreuerint bonitatis, easdem in iræ vehementiam cõuerfas experientur. Nam dulcis simul ac rectus dominus, & ita longanimis, & multæ misericordiæ, vt tamen sit postremò verax & iustus. Et ideo quò abundantior fuerit ac locupletior expectantis misericordia, eò erit & amarulentior, & acerbior iudicantis animaduersio. Quapropter qui lento hic gradu incedebat ad iracundiam, concitatissima illic sæuitia rapiet miseros in perennes cruces, quibus suam vindicet spretam clementiam. Nam etsi misericordia Dei infinita in se sit, facit eam tamen nobiscũ, veluti pleraq; omnia, in numero pòdere & mensura, vt hic Origenes tetigit. Aceruus autẽ nostrorũ criminũ & adamantina durities cordiũ fines illi præscribit. Vnde illud est, Nondũ cõpleta sunt peccata Amorrhæorũ vsq; nũc. Atqui etsi per prophetam nobis Deus pollicitus sit, qd in quacunq; die resipuerit peccator, suarũ amplius iniquitatum nõ recordabitur, & longanimitatẽ hic Paulus expectãtis enunciet, nusq; tamẽ longã vitam promisit nobis scriptura, imò verò admonuit, vt diẽ postremũ, veluti furẽ noctu, vigilantisimè operiremur. Documento nobis est, tum generalis illa orbis inundatio, quãdo Deũ pœnituit fecisse hominẽ, tum Sodomitũ cõflagratio, quemadmodũ, vt cumulatissima præcesserit misericordia, ita in maximam iracundiã Dei transformetur. Vnde in Psal. Existimasti iniquè, quod ero tui similis? hoc est, quod simili, qua tu causa delinquis, ego te perfero? hoc est, qd ceu tuis oblectatus delictis cõniueo? Haud ita falsus existimes. Redarguã em̃ te & statuã cõtra faciẽ tuã, vt tua te ipsius crimina reuincat. Heu qd sibi calamitosam metamorphosin adornat iniqui obdurãtes corda. In quã scilicet nõ irã clementissima expectatio Dei euadat, qui pœnitentię nostrę ac resipiscentię sitibundus adeò nos clemẽter sustinet, lentissimò ad irã, vt (si fas esset ita loq) sui ipsi videatur honoris & existimationis negligẽs? Nam fera eius, morosãq; vindicta ansam præbuit, vt sint qui existimẽt, nõ esse, qui hæc nostra cõsideret, Deum vllũ. Nos verò cõtra adeò cõtempui habemus ei⁹ misericordiã, vt metum

Misericordia Dei.

Gen. 15.

Ezech. 18.

Iniquorum mutatio.

metum etiam deponamus infinitæ iustitiæ. Quandoquidē inde duriores efficiamur, unde remollescere deberemus. Nam si angelorum nobis præscripta lex esset, nempe vt nullum nobis esset remissibile peccatum, sed cōfestim delinquentem infernus absorberet, nullā nō curam ac diligentiam adhiberemus seruandi nos in gratia Dei. At verò cū clementior hac parte in nos Deus sit, q̄ indulgias nobis pœnitendi indulget, quo sapius nos sibi reconciliat, securius nos atq; supini iacemus in vitijs. Quaquidem ratione peius impœnites pudefaciet vox illa: Ite in ignē æternum, qui paratus est diabolo & angelis eius. Non enim eò solum paratus peculiariter diabolo enunciabitur, q̄ eius suggestionē peccatū introiuit in orbem, sed ex eo præterea, q̄ illis propriè destinatus est, quibus nō est cōcessum pœnitentiæ tempus. Hōibus nanq; cōminatus est Deus locū illū, nō tam vlci scēdi animo, q̄ deterrendi. Sanē vt metus iustitię diuitias nobis misericordiæ custodiret. Quamobrē hoc homini improprio dabit, q̄ pœnitere, quod angelus nō potuit, ipse nō voluit. Atqui ex eo

Augst. Aug. finalem impœnitentiā (quam hic aliqui intelligūt voce duritię cordis) appellauit peccatū in spiritū sanctū, nimirū quod opponitur virtuti spiritus sancti remittendi peccata. Iuxta illud Ioan. 20. Accipite spiritū sanctū. Quorū remiseritis peccata. &c. Veluti & per alterū extremū peccatū desperationis itidem blasphemia in spiritū sanctū dicitur, quoniā eandem bonitatem diuerso modo lædit. Est ergo biformis spiritus sancti blasphemia, scilicet & per obstinationē, & per desperationē. Quam enim bonitatem nimium confidentes in irā peruertunt, eandē desperantes tollunt, Quæ idcirco blasphemia neutris remittetur, neq; in hoc seculo, neq; in futuro. (*In die iræ*) Dies finalis iudicij ac perinde cuiuscunq; particularis, dies domini solenniter appellatur, vt est sapissimē legere apud prophetas: vel quia de die illa nemo scit, nisi Christus: vt innuitur Ezech. 14. Et erit dies vna quę nota est domino: vel quod cū nos in hac vita arbitrio nostro viuere sinat, tunc ipse potestatem suā faciet manifestam, qua reddet vnicuiq; iuxta opera sua, qua maxime die ostendet se vniuersum dominum cum terrore magno & tremore: vt est Ioel. 2. Magnus dies domini, terribilis valde, & quis sustinebit eum? Vel forte dies domini idem est quod, iudicium domini: propter claritatem, qua manifestabit abscondita cordium: illo modo loquendi, Mihi pro

minimo est iudicari ab humano die.

Hæc autē dubitatio posset hic fortē cuiuspiam animum pulsare. Cur videlicet extreme illi diei, iræ magis nomen inditum sit, q̄ misericordiæ. Ita enim prophetauit Esaias, Ecce Esai. 13. dies domini veniet insanabilis furoris & iræ. Et Soph. Iuxta est dies domini. Et infra, Dies iræ dies illa, dies tribulationis. &c. Ratio dubitandi est hæc. Vtraq; virtus Dei, puta misericordia & iustitia, splendore summo manifestabitur illa die, nam misericordia & veritas præcedent faciem suam: in cunctis autem operibus Dei, cui proprium est maximē miseri, iustitiā antecedit misericordia, quæ suo pte genere, tum Deum excellentius commendat, tum nos etiam illecat suauius. Vnde Iacob. 2. Misericordia superexaltat iudicium: ergo vt homo de facie cognoscitur, ita & dies iudicij, à parte pulcherrima nominanda fuisset, dies misericordiæ. Quod si à iustitia debuisset nomen accipere, cum duæ illic sint futuræ iustitiæ functiones, præmiatio porro bonorum & punitio malorū, à digniori debuit nuncupari. Si aliquam hic tamen licet scrutari rationem, forsan hæc fuerit. Tempus misericordiæ non incipit in futura vita, quippè cū eadem numero, quæ tunc refulgentius promicabit, nunc exercetur, non solum in bonos & iustos, quibus gratia suppeditatur, qua gloriam promerentur, sed & in iniquos & prauos, quibus tempus indulgetur pœnitendi. Ira tamen & ultio malorum non incipit in hac vita, maximē in lege euangelica, per quā nullum temporarium supplicium statutum est in criminosos. Tametsi nonnullæ etiā scintillæ in hunc mundum iaculentur illius terrifici ignis, ne prorsus diuina prouidentia è mentibus hominum obliteretur. Igitur totū tempus huius vitæ, quo arbitrium nobis suppetit & potestas per Dei opem recuperandæ salutis, tempus dicitur (vt est in Psal.) miserendi, & tempus pœnitentiæ & gratiæ. Dies autem postrema vniuersalis, vel cuiusq; particularis, quæ pœnitentiæ vias occludit, ac initium est perpetui temporis, quo rigore iuris cum iniquis agendum est, videlicet quando calix qui est in manu domini, & nūc propinatur mistus, effundetur merus, vt bibant omnes peccatores terræ vsq; ad feces, dies iræ meritò nūcupatur: quippe in qua summa ira Dei patenter incipiet crimina vindicare. Horum ergo temporū confinia spectans hic Paulus, temporī benignitati & patientiæ ex aduerso statim obiecit diem iræ. Adiungens tamen

Dubitatio de die iræ.

Esai. 13.

Sophon. 1.

Iacob. 2.

Cur dies iræ

Psal. 74.

Augst.

Duplex blasphemia in spiritū sanctum.

Matth. 12. Dies iræ.

Orige.

(*Et reuelationis iusti iudicii Dei*) Orige. quem & Theophyla. sequitur, interferit cōiunctionē, legens, Et reuelationis, & iusti iudicii, vt non intelligatur reuelatio iudicii, sed reuelatio oc cultorum operum, secundum quā faciendū est iustum iudicium, vt statim sequitur. Et secundum lectionem cōmunem idem penē sensus est. Nam idem pollet, reuelatio iusti iudicii Dei, puta qui occulta tunc cordium pro palabit. Hoc ergo trino verbo mirifica significatione manifestat formam illius iudicii: videlicet ira, misericordiam Dei quodam modo terminante, qua illuc vsq; sustentata est impoenitentium obstinatio. Et reuelatione, qua omnia opera, cuiusnam sint valoris & meriti, ex causis suis omnibus & circumstantibus accidentibus erunt compertissima. Atq; adeo districta iustitia, quā omnium merita exactissima proportionē suis cuiusq; retributionibus exæquabit. Atqui vbi ait, iusti moderatur verbū iræ, vt non morbum animi intelligas, perturbantē iustitiā. Et præterea eisdem verbis respondet capitali enunciationi supra propositā, quam hic præcipuē tractat, Reuelatur ira Dei de cœlo. Quā pote in Euangelio reuelatur per fidē, & tunc reuelabitur palā oculis. Atque illos præterea remordet, quos taxauerat, existimare, nō esse futurū iudiciū, aut ignorare clementissimā tolerantiam Dei. Tunc enim reuelabitur & agnoscetur (vt ait Ambros.) quod modo futurum negatur.

Qui reddet vnicuiq; secundū opera eius.

Quarta qualitas iudicii.

Tria iam hætenus de diuino iudicio constituit, puta infallibilem veritatem, necessitatem ineuitabilem, ac iudicis benignitatem. Quarto itaq; loco de summa eiusdem æquitatē continuat orationem. Aequitatis autem ratio hæc est, quod vnicuiq; retribuatur non secundum personarum acceptionem, (quod paulo post concludet) sed secundum vniuscuiusq; opera. Hoc ergo primum in hac assertionē seruandum est, quod de illis tantum intelligitur, qui vsq; ad lucem & vsum liberi arbitrij adolefcunt. Nam prima gratia, quæ ante rationis lumen quibusdam, vel ex privilegio in vtero, vel communi lege per sacramentum confertur, ac perinde quæ illi respondet gloria, non rependitur pro operum præmio, imò est solius per se præmium passionis Christi, quæ quidem post gratia in causa est meritorum. Neq; ideo existimandus est Deus exceptor personarum, vt infra loco proprio

explanabimus. Pari ratione neq; paruuli cū sola decedentes originis labē arcentur ingrefsu regni cœlorum ob opus proprium, sed ob peccatum Adæ. Vnicuiq; ergo, siue probo siue reprobo, intellige. De illis nanq; legimus Ecclī. 16. Omnis misericordia faciet locū vnicuiq; secundū meritū operum suorum. Et Psal. 27. Da illis secundum opera eorum, & secundum nequitiam adinventionū ipsorum tribuē illis. Est enim Pauli sapientia, eloquentiaq; mirifica. Postquam enim veritatem diuini iudicii proposuit, quod iustorum nemo, neque iniquorum suffugere valeat, dulcia amarum commiscuit, & quæ læta sunt, tristibus. Iudicis, inquam, benignitatē clementissimam cum iracundiæ truculentia composuit: mox vtrumq; respiciens, subdit, reuelationem iusti iudicii, atq; occultorum manifestationem operum, ob hoc factum iri, vt vnusquisq;, seu bonus, seu prauus recipiat iuxta opera sua. Ex quo maximē æquitas, veritasq; iudicii, quam enarrantam proposuerat, resplendescet in die illa. Vnde David, Iudicabit, inquit, orbem terræ in æquitate. Quapropter vbi ait, secundū opera sua, illos respicit, quorum occasione sese in sermonem iudicii insinuauerat: puta censores ac taxatores alienæ vitæ, & potissimū rectores & principes, atq; id genus, quorum personæ in iudicijs captantur humanis, ne æqua lance cū hoībus inferioris classis librentur. Illic enim neq; pauper prece, neq; precio diues quicq; proficiet. Vnde neq; potentem vis, neq; callidum fraus, neq; vlla vtiq; sapientem, vel prudentia huius seculi, vel eloquentia valebit eripere. Quoniā vt est in Iob, nemini parceret, quasi verbis potentibus & ad deprecandū cōpositis. ¶ En locū alium insignē, vbi nos Lutherani adoriuntur, denegantes rationem vllam inesse meriti vitæ æternæ in operibus hoīs, quamlibet iam gratis iustificati. Triplicē nanq; litē nobis de operibus excitāt (vt in proloquio dicebamus) scilicet quod ante gratiam, vniuersa sint simpliciter peccata: quod in iustificatione non sunt, præter fidē, necessaria: quod neq; postea sunt æternæ vitæ merita, imò quatenus proles sunt concupiscentiæ, omnia sunt peccata. De alijs alibi, de hoc autem tertio per hoc ipsum, (præter alia complura) testimonium Pauli ita irretiuntur conuincunturq; vt nequeant, nisi per meras nugas elabi. Quam proinde materiam Lib. 3. de naturæ meriti condigni diffusissimē elucidauimus ac tur. 27. grat. discussimus lib. 3. de natura & grat. vbi etiam cap. 7. et. 8. ipsorum commenta abundē profligauimus. et. 9.

Ecclī. 16.

Psal. 27.

Iob. 41.

Lutherani contra meritum operum.

Lib. 3. de naturæ meriti condigni diffusissimē elucidauimus ac tur. 27. grat. discussimus lib. 3. de natura & grat. vbi etiam cap. 7. et. 8. ipsorum commenta abundē profligauimus. et. 9.

At verò

Aequitatis ratio.

At verò non possumus non capita generatim in similibus locis, semel saltē delibare. Duos nanq; effodit homo ille pestiferos fontes, ex quibus inter alios errores & hanc etiam abolitionem meriti deriuauit. Vnus est q; concupiscentia carnis est, etiam in renatis, peccatū originale. Ex quo elicit, nullis nos nostris operibus implere præcepta Dei, quia omnia promanant ex peccato. Atq; inde continuò fit: non esse meritoria vitæ æternæ. Nam si vis, inquit, ad vitam ingredi, serua mādāta. Alter est, quod negauit liberum arbitrium, quod planè ad rationem meriti requisitum est. Horum singula suis proprijs locis copiosissimis refutationibus explosimus, ac demum. 3. lib. rationem meriti cōdigni pro exilitate nostra cōstabiliuimus. Sed quod ad rem attinet præsentem, triforini commento deludere excogitarunt hoc atq; huic similia sacra elogia, vt in suo didagmate & in confes. augustana. & in lib. imperatorio, est videre. Primum est hoc, Vitam æternam solum elargitur nobis Deus ob promissionem, quam sola fide apprehendimus. Quoniam gratia non cōfertur nobis ex operibus, aliās, authore Paulo, non esset gratia: gloria verò consequitur gratiam: nam si filij, ergo heredes per Christum. Secundum est, Opera iusti sunt fructus fidei. Tertiò ex his inferunt, q; possunt eadem opera esse merita accidentarij præmij, tam in futuro seculo quàm in presenti: essentialis verò, minimè. At veritas catholica contra hanc stat ipsorum inscitiam. Etenim quanuis illa vitæ felicitas ex diuinis nobis pollicitationibus obuēiat, tamen quia nusquā nobis promissa legitur, nisi sub cōditionibus operum, Qui crediderit & baptizatus fuerit, saluus erit. Nisi poenitentia egeritis, omnes simul peribitis. Si vis ad vitam ingredi, serua mandata, nihil prohibet quin merces vitæ & ob promissiones conferatur nobis, & nihil osciui propter opera nostra. Nempe dum adultis liberè à Deo per motiones fidei, spei & poenitentia conuersis sic gratia absq; merito harum virtutū confertur, vt tamen non sine earū dispositione. Sanè verò post obtentā gratiam non est cur opera iusti non sint merita cumulationis gratiæ & gloriæ. Ex hac vtiq; legitima explanadi ratione colligere mihi videbar lib. 2. de nat. & grat. ca. 18. cum. S. Tho. locis illic citatis, q; non solū opera, quæ post tēpore gratiam consequuntur, merita sunt gloriæ, verū & opera illa preparatoria, quatenus gratia eodē instanti, quo infunditur, informantur, merita sunt: non quidem

illius gratiæ, sed profectò gloriæ quæ illi respondet. Cuius hic veritatis idcirco meminerim, q; ad explicationem huius Paulini loci q; plurimū confert. Haud enim intelligendum est, Deum vniciue repensurū in die iudicij secundum ea tantū opera, quæ post articulum iustificationis operatur, sed re vera secundum illa etiā quibus præparatur ad gratiam. Nam quātus est motus liberi arbitrij per auxilium speciale Dei, est & gradus gratiæ, quo reconciliamur, atq; adeò gloriæ, ad quā acceptamur. Exceptus hinc veruntamē cēsendus ille gradus est gratiæ, qui solius effectus est sacramenti, ac perinde gradus gloriæ, quæ illi respondet. Ex hac eadem veritate elucere tibi, emicareq; palam cernas recōditam sapientiā Pauli. Quæ quidem veritas minus considerata Lutheranos miserè fefellit. Vbiq; enim de gratia recōciliationis loquitur, opera quidem excludit quasi merita, vt cap. sequenti & 4. & vbiq; adnotabim⁹. Nam si gratia esset ex operibus, non esset gratia, sed merces. At vbiuis sermo illi est de retributione gloriæ, aut supplicij, id iuxta operum merita constituit emetiendū nobis à Deo, vt hoc maxime loco facit. Eodē veritatis clypeo lib. 3. de na. & gra. cap. 9. repellebamus Lutheranorū interpretamentū huius nuper citatæ authoritatis, si filij, ergo heredes per Christū. Nulla quippe inde cōsecutione fit, vt si gratia, per quam filij constituimur, donū sit gratuitum, nō mereamur gloriā, cuius efficimur heredes. Tum q; postquā geniti sumus filij, eommereri possumus apud patrē ampliorē hereditatis cumulū, tum etiam q; licet motus virtutū, quatenus materiales sunt dispositiōes gratiæ, merita non sint eiusdē, sunt tamen quatenus eodem instanti per gratiam infusāq; virtutes operamur, hereditatis æternæ meritorij. Hac etenim ratione luculentissimè Aug. in epistola. 2. ad Sixtū edisserit, quemadmodū gloria dicatur gratia. Non enim quòd nulla sunt iustorum merita: sunt enim, inquit, planè, quia iusti sunt, sed vt iusti fierēt, merita nō fuerūt. Et infra, Vnde & ipsa vita æterna, quæ vtiq; in fine fine habebitur, & ideo meritis præcedentibus redditur: tamen quia eadem merita, quibus redditur, non à nobis parata sunt per nostrā sufficientiā, sed in nobis facta per gratiam, etiam ipsa (scilicet vita æterna) gratia nuncupatur: non ob aliud nisi quia gratis datur: nec ideo quia meritis non datur, sed quia data sunt & ipsa merita, quibus datur. Atque id explicatissimè repetit lib. de gratia

Mysterium Pauli, de gratia & gloria.

Contra Lutheranos glossēma.

August.

Gratia Dei vita æterna.

Veritas catholica.

Lib. 2. de nat. & grat. cap. 18.

& libero arbitrio cap. 7. Vbi prudēter ac meditatō voces discernit, dum opera iustorum, & dona Dei vocat, vt quæ eius nobis proueniant auxilio, & merita simul nostra, quoniā per nostram etiam fiunt liberam voluntatē, per quam nostrarum sumus actionum dñi. Perspice ergo quā istī indignē fidem attollant: periculosisimē de operibus hallucinantur. Nam etsi opera fructus sint fidei, id quod nos vltro confitemur, neutiquam tamen per se ipsa fides fructificaret, sed id quidem facit, per liberum assensum atque obsequium nostrum. Atq; ad eō non est ipsa quæ operatur, sed nos per ipsam. Idq; est quod nos Paulus edocet, vbi ait, Necessē est accedentem ad Deum credere, quod est, & quod remunerator est. Ea enim est meritorum radix: nempe credere quod remunerator ille est, in cuius fide obsequia nostra collocamus. Et ideo est argumentum sperandarum rerum, quia mittit nos in spem, dirigens intentionem operum. Et idcirco exordiū est atq; initium spiritalis vitæ, vnde spes erigitur nostra, charitasq; erga Deum suscitatur, per quam operamur. Quocirca Paulus nō dicit, qd fides per se operatur, sed per charitatē. Iam verō si rationem scripturamq; sacram consulamus, quis poterit operum merita ignorare? Est enim meritū opus quodcunq; liberum, honestum, in utilitatem, honorēque cuiuspiā impensum, atq; eidem acceptum. Tale autem est opus virtutis præuia gratia exhibitum, per quam utiq; potestate accipimus, tum filios Dei fieri, tum etiam vt filij iam geniti, de patre nostro, eius exequendo mandata, bene mereamur. Iuxta verbum Pauli Heb. 5. Beneficētiæ & communionis nolite obliuisci, talibus enim hostijs promeretur Deus. Cur enim opera eorū, qui filij Dei, teste Ioanne, & nominantur & sunt, non sint illi accepta. Neq; verō tantum ad minora præmia (vt victi iam Lutherani fatētur) verū & ad vitam ipsam æternam, quā præparauit inquirētibus & diligentibus se. Nam si opera apud Deum merita non sunt, nisi virute præuiæ gratiæ, cuiusnam quæso sint potissimum mercedis digna, nisi gloriæ, cuius gratia est semen? Hunc nobis sensum locus ille exprimit, Si vis ad vitā ingredi, serua mandata. Et, Qui reliquerit domum, &c. propter nomen meum, centuplum accipiet, & vitam æternam possidebit. Ecce pari modo vtrunque præmium, tam accidentale quā essentiale, proponitur operi in Deū per suā ipsius gratiā relato. Cuius simile & illud est ad Ti-

moth. Pietas ad omnia utilis est, promissionē 1. Tim. 3. habens vitæ, quæ nunc est & futuræ. Quamobrem optimē semper patres consueuerunt diiudicare opus liberi arbitrij, vel secundum substantiam, hoc est, ex parte obiecti: vt pauperi stipem porrigere, aut potum aquę frigidæ, orare, &c. Et hac ratione, etiam si in gratia fiat, non est dignū vita æterna. Quo sanē sensu ait Paulus, filijs etiā ipsis Dei, non esse condignas passiones huius temporis ad futuram gloriam quę reuelabitur in nobis. Alio pacto consideratur idem opus, quatenus à gratia progenitum. Et hac ratione ait alibi, Quod in præsentī est momētaneum & leue tribulationis nostræ, supra modum in sublimitate æterni gloriæ pondus operatur in nobis. Accedit inuictum ineluctabileq; argumentum huiusmodi, Merces relatione dicitur ad meritū. Est enim meritum, opus, quo quis fit mercede dignus. Cū ergo in tam multis sit locis vtriusq; sacri eloquij celebratissima propositio mercedis, vt apud Esaiam, Deus in fortitudine veniet & ecce merces eius cū eo: cui concinit Deus ipse per Ioan. in Apocalypsi, Ecce venio cito & merces mea mecum est, reddere vnicuiq; secundum opera sua. Et in Euangelio, Gaudete & exultate, quoniam merces vestra copiosa est in cœlis, quis, rogo, non palam agnoscat rationem meriti in operibus iusti? Pondera verbum Pauli, Si gratia esset ex operibus, iam nō esset gratia, sed merces, merito operum debita. Ergo à contrario sensu, Si operibus reconciliati & iusti merces proponitur, palam fit, subesse in ipsis rationem meriti. Sed hac de causa tam multijuga, tamq; protensa disputatione hæc loco citato patefecimus, ne opus hic esset prolixitate. Ad locū ergo præsentem Pauli vt redeamus, animaduertendum est, quo pacto, qui gratiam, qua quis ex iniusto fit iustus, gratis vbiq; prædicat conferri, nihilominus in præsentiarū manifestē affirmat, retributionē factum iri vnicuiq; secundum opera. Vbi vox, secundum, causam planē præ se fert, quæ utiq; in operibus nequit esse alia, q̄ ratio meriti. Neque id (vt Lutherani hallucinantur) quicquam derogat gratiæ Christi, immo verō arrogat virtutis pluximum: nempe quod per ipsam potentes nos faciat mercedē abs se merendi, quā nobiscum pro sua misericordia pepigit nomine denarij diurni. Et hac de re alibi fidem seruantibus, coronā ait Pau. repositā iustitiæ, quā reddet, inquit, nobis in illa die iustus iudex. Neq; enim vel coronam dixisset, vel iustitiā,

Fructus
fidei.

Ratiome-
riti.

Heb. 5.

1. Ioan. 3.

Matth. 19.

Rom. 8.

2. Cor. 4.

Esa. 40.

Apoc. 22.

Matth. 5.

Discrimen
gratiæ &
gloriæ.

2. Tim. 4.

stitiæ, vel reddendâ à iusto iudice, nisi in hac nostra militia per conflictus cum dæmone, mûdo, & carne, bene de ipso mereremur. Ean-
1. Cor. 9. dem ob rem & ad Corinth. similitudine currentium in stadio brauium intuêdo, militan-tem Ecclesiâ depinxit. Accedit & huc, quòd per idẽ verbũ Apostolus in præsentia vtrinq; retributionẽ, tam bonorum, q̃ malorũ, enun-
2. Cor. 5. ciavit, nimirum secundũ opera: ob idq; in die iudicij, sicuti maledicti (vt iudicis verbis vta-
 mur) in ignem æternum relegandi sunt, ita & benedicti admittendi in regnũ, ob sua sin-
 gulorũ merita: nam sicut dicit illis, Quia esuriui, & non dedistis mihi mādūcare, ita dicturus est his, Quia esuriui, & dedistis mihi man-
 ducare. Non ergo est cur istis abnegemus sua bona merita, quando in illis agnoscimus ma-
 la. Iam verò qua obsecro alia de causa, teste
Augst. Paulo, sistẽdi omnes sunt ante tribunal Chri-
 sti, vt vnusquisq; referat propria corporis, ni-
 si vt perpenſis meritorũ momẽtis, vnusquili-
 bet recipiat prout gessit, seu bonũ, seu malũ? Sunt ergo, vt suppliciorũ, ita & præmiorum
 merita in operibus nostris. At cōtrariis fortẽ
 inquis, videtur Paulus infrà cap. 6. vbi inter
 hæc duo, puta mortem & vitam æternam, di-
 uersis oculis dignoscit. Stipẽdium quippe,
 inquit, peccati mors: gratia autẽ Dei, vita eter-
 na. Vbi in morte stipendiũ nominat, at in vi-
 ta æterna, non, nisi gratiã. Ad hoc iam suprã
 citauimus Augst. ad Six. vbi hũ clocũ enar-
 rans ait, non ideo hoc dixisse Paulum, q̃ vita
 æterna non fit etiam stipendiũ iustitiæ, pro-
 cedentis ex fide, quia sicut merito, inquit, pec-
 cati tanquam stipendium redditur mors, ita
 merito iustitiæ tanq̃ stipendium vita æterna.
 Vnde & merces appellatur plurimis sancta-
 rum scripturarũ locis. Sed dicitur gratia, ra-
 tione iam dicta, quia merita ipsa non à nobis
 parata sunt per nostram sufficientiam, sed in
 nobis facta per gratiam. Hęc ille omnia. Qua
De correptione & gratia. ca. 23. vtique; ratione, vt ait ipse de correptione & gratia. mi-
 sericordia Dei semper adhæret iustis, siue cū
 conuertuntur, siue cū præliantur, siue cū co-
 ronantur. Vbi insinuat gratiam operantem,
 à qua præuenimur: cooperantẽ, per quã me-
 remur: & præmiantem, dum coronamur.
Questio. ¶ Duplex ex his tamẽ reliquus fit scrupulus.
 Vnus, quomodo Deus æquitatem summam red-
 dat vniciq; secundũ opera, si ob temporalẽ,
 imò sæpẽ momentaneum lapsum perpetuas
 exigat poenas. Alter quidnã sibi theologi pa-
 radoxo illo cōminiscuntur. Præmiare scilicet
 Deum vltra, punire verò citra condignum,

si operum trutina perpẽdenda sunt præmia.
 Ad priorem Augst. respondet. 21. de ciuit. in *Augst.*
 retributione iustitiæ non considerari æqua-
 litatem temporis inter culpam & poenã. Nam
 & in ciuili republica pro breuissima adulterij
 culpa capite plectitur adultera: atq; adeò
 perpetuò priuatur viuientium societate. Hęc
 ille. Eò potissimũ q̃ cū infernales nunq̃ re-
 sipiscant, sed superbia eorũ ascendat semper,
 nunq̃ Deo satisfacere queunt, vt eis ignoscat.
 Est autẽ id diuinę retributioni equissimẽ cō-
 sentaneum, q̃ qui duas creaturas vitæ perpe-
 tue, angelum, inquam, & humanum animum
 in hoc condiderit, vt suæ essent ipsius (vt ait
 Petrus) cōsortes nature, quibus gratię quoq;
 subsidia supra naturales vires suppeditauerit,
 easdẽ, si in officio, vt filij, perseveret, ad suam
 secum sempiternã felicitatẽ admittat. Sin ve-
 rò quis violata fide, veluti transfuga, in hos-
 tibus castris suas fouerit vsq; ad mortem ini-
 micitias, hunc, ceu firmato odio ab hac mili-
 tia abscedentẽ, perpetuis cruciatibus addicat.
 Vt tam hostes q̃ filij, iuxta sua cuiusq; meri-
 ta, æternum sempiterni Dei sui, vel misericor-
 dia perfruantur, vel perferat iustitiam. Atqui
 si vtrorumq; opera speculemur, nonnullam
 infinitatis rationẽ in vtrisque contemplamur.
 Quemadmodũ enim iustorum officia, quia
 opera sunt, tum filiorũ Dei (nam tales nomi-
 namur & sumus) tum in immẽsam bonitatẽ
 ipsius ac gloriã relata, ac perpetuo vtiq; pro-
 posito confirmata, digna sunt vita æterna, ita
 & iniquorũ commissa, quibus ab illo infini-
 to bono perpetua intẽtione, veluti tenebra-
 rum filij, desciscunt, digna sunt perennis sup-
 plicij. Qua de re sapiẽter theologi poenas dā-
 ni & sensus ita discernunt, vt illa auersioni à
 Deo respõdeat, hęc verò cōuersioni ad creatu-
 ras. Atq; adeò q̃ hĩc ait Paulus, secundũ ope-
 ra, referendũ est ad poenas sensus, vt eadẽ sit.
 v.g. proportio inter tormẽta Iudæ & alia di-
 uitis epulonis, quæ fuerat inter eorũ delicta:
 iuxta illã legẽ antiquã, Pro mēſura delicti erit
 & plagarũ modus. Tameſi, vt in scholis olim
 adnotabã, forsan & poena ipsa dāni inæqua-
 lis erit modo quodam. Siquidem non est me-
 ra negatio, quę non recipit plus minũſue, sed
 carẽtia diuini conspectus, quę per se acerbius
 eos affligit, qui maiori odio Deũ habet. Idem
 enim exilium (pręter alias poenas sensus) gra-
 uius molestiusq; eò quis ferret, quò à maiori
 hoste magisq; sibi iniūso iuberetur. Quanq̃
 qui putat, poenã damni omnibus fore æqua-
 lem, forsan hæc priuatiõis molestiã in poenis
 sensus

*Virtutũ vi-
 tiorũq; ope-
 ra, quo mo-
 do infinita.*

*Pœna damni
 & pœna sen-
 sus.*

Deut. 25.

*Pœna damni
 inæqualis.*

*Vltra citra-
q; condignū*

sensus reponeret. Ad posteriorē autem quaestionem vt transeamus, prius membrum non est difficile. Cur scilicet dicatur De^o ultra condignum præmiare. Ex eo enim qd merita nostra, eius sunt dona: neq; ex parte obiecti adæquant dignitatem gloriæ, sed solum ratione suæ gratiæ, quicquid nobis gloriæ pro quantocunq; merito rependat, confert ultra condignum. Nimirum qd non per nostrā nos sufficientiā, sed per suam gratiā obtinemus. Quo sensu ait Pau. non esse cōdignas pāsiones huīus tēporis ad futurā gloriā, vt illic exposuimus. At verò quomodo citra condignū puniat, non ita est intellectu facile. Et ideo citra condignū ab aliquibus Deus punire dicitur, ex eo qd cū iustē nos eodē temporis articulo, quo delinquimus, posset in tartara cōijcere, indulget nihilominus nobis pro sua misericordia tempus vitæ, quo possimus resipiscere. At verò ratio hæc non constaret in angelis, qui simul & in culpam lapsi sunt, & supplicio traditi. Ob idq; secunda potest adhiberi expositio, quod quauis in inferno ex lege iam posita ad iustum Deus agat cum reprobis, nihilominus quia meritō potuisset acerbiora in illos supplicia statuere, dicitur citra condignum punire.

His quidem qui secundum patientiam boni operis, gloriam & honorem & incorruptionē, querentibus vitam æternam.

Quinto deniq; postremoq; loco ineffabilem magnitudinē præmiorū ac terrificam malorum supplicia subiungit: nimirum vt quod in genere prædixerat, vnicuiq; secundū opera, speciatim exponat. Atqui pro dignitate, ordine præfert bonorum remunerationē. In hac verò litera diuersitas cum primis lectionis est inter traductores. Duplex enim potest ex *Diuersa lectio.* Græca lectione, Latina elici. Prior vt, querentibus (quod græcè participium est) feratur in tres præcedētes accusatiuos, gloriā, & honore & incorruptionē, accusatiuus autē, vitā æternam, referatur ad superius verbū, reddet. Vnde si participiū exprimatur per relatiuū & verbum, lectio hæc conflabitur, Qui reddet vnicuiq; &c. his quidē qui secundū patientiam boni operis gloriā & honore, & incorruptionem quærunt, vitā æternā, scilicet reddet. Posterior vt, querentibus, regat accusatiuū proximē sequentē, vitam æternā, tres verò priores subdātur verbo, reddet. Ita vt participio

itidē verso per verbū, construatur oratio hæc, Qui reddet, &c. His quidē gloriā & honorem, & incorruptionē, qui secundū patientiā boni operis quærunt vitam æternā. Priorem lectionem amplexi sunt doctores Græci, vt Orige. Chry. & Theop. Posteriorē verò suggerit nobis vetus interpres: nisi qd eius contextus, dum relatiuum videtur sine verbo reliquisse, dissolutus apparet. Quocirca vtroque nomine malè audit apud istos recentiores, tū vt sententiæ peruersor, tum vtiq; vt barbarus. At verò anteq̃ hominē à barbarismo defendamus, de sententiæ respondeamus peruersitate. Primum omnes Latini secundā lectionē concorditer sequuntur. Hierony. enim hoc loco sic ait, Qui per patientiæ opera quærit vitam æternam, ista omnia consequitur. Eandemq; refert sententiā lib. 18. super Esaiam. Et Ambro. Dabit ergo eis gloriā & honorem. Et infra, Hi ergo quærunt vitam æternam, &c. Atq; eodē modo legit Gregor. super Iob. lib. 28. cap. 13. Quin & Ruffinus (de quo immeritō inculat eum Erasim.) lib. 3. peri. sic legit, His quidem qui secundū patientiam boni operis (iupple, sunt) gloria & incorruptio (scilicet reddetur) qui quærūt vitam æternam. Adde, quod neq; Iacobus Faber huius temporis interpres, lectionem hanc potuit refutare, sed solum participium mutauit in verbum, ne iaceret relatiuum desertum: transferens, Ihs qui per patientiam boni operis, quærunt vitam æternam, gloriā, &c. reddet. Porro autem si

*Lectio inter-
pretis con-
firmatur au-
thoritatibus*

*Confirmatur ex
rationibus.*

Matth. 7.

tēn ponere, iuxta verbum dñi, Quærite primum regnū Dei & iustitiā eius, & hæc omnia adiiciētur vobis. Vnde, vbi ait Psal. Inclinaui cor meum ad faciēdas iustificationes tuas in æternum propter retributionē, enarrātes intelligunt, propter vitam æternā: vtpote cuius obiectum est Deus. Hanc quippe proposuit nobis Christus, vbi ait, Si vis ad vitā ingredi, serua mandata. Præterea glorię, honorisq; & incorruptionis cōgeries explicatio est ac penē descriptio vitæ æternę: melius ergo rerum seruat decorum, si dicatur, q̄ quærentibus substantiam rei, reddentur illa, quæ inibi continentur, quā si cōtrario dicatur modo. Appositor enim oratio est, Quærentibus felicitatem, obueniet incolumitas, honor ac rerum affluentia, quā si contraria id figura proferas. Adde, q̄ lectioni huic ex arte opponitur quod subditur, ira & indignatio. Perinde ac si dixisset, His reddetur gloria & honor, illos verò manent cōtraria mala. Eidemq; lectioni gratanter arridet subsequēs repetitio. Quod enim præmiserat, Reddet gloriam & honorē, repetens subdit, Gloria autem & honor, sup-

Matth. 19.

ple, erit omni operanti bonum. At verò de

*Structura
orationis.*

structura oratiōis inficias ire nequimus, quin fuisset perspicacior. ac lenior, si participium verteretur per verbum, quod relatiuo redderetur. Quemadmodum vertit Faber Stapulensis, vtpote, Qui reddet, &c. His qui secundum patientiam boni operis quærent vitam æternam, gloriam & honorem. At potest nihilominus relatiuū optimē defendi, vt iacet. Quemadmodū legit, & Aug. 3. de doct. christ. cap. ii. Neq; verò mutilum manet (vt isti putant) carens verbo, supplendum enim est verbum substantiuum. Quinimo phrasis est Hebræis frequentissima. Apud quos adiectiuus carentes, perinde est, His qui secundum patientiam, scilicet fuerint, ac si dicas, patiētib. Cuius quidem simillima phrasi statim respondenter subnectitur, His autē qui sunt ex contentione, hoc est cōtentiosis. Nō ergo est cur isti tantopere regulis patrocinentur Donati. Nempe cū lectio sic planē constet, His quidem qui secundum patientiam boni operis (supple fuerint) id est, operis laborumq; patientibus, gloriā & honorē, scilicet reddet. Ita vt datiuus, quærentibus vitā æternam, appositus superiori pronomini, his, hunc sensum exhibeat, q̄ patientibus laborum illa bona reddentur, eō q̄ quærent vitam æternam. Vt

Sensus ergo interiorē sensum literæ penitus perscrutatus, notato, omnē hic Apostolum rationem

exerere tam meritorum, vbi ait, Patientiam, quā prāmiorū, vbi ait, Gloriam, &c. Igitur Patientia. patientiæ nomen vix potest hic, nisi violēter, vsurpari pro tolerantia Dei, qua nuperrimē dixerat, ferre nostra crimina (sicet huc videatur spectare Ambro.) vt sit sensus, q̄ bene illa vtentes quærent vitam æternam. Sed virtutē illam planissimē significat nostram, quæ est pars fortitudinis ad malorum tolerantiam, vt idem sit, Secundum patientiam boni operis, quod, Secundum perseverantiā in bono opere. Vbi optimē Chrysost. primū adnotauit, non in sola fide nostram collocandam fiduciam. Quandoquidem prætorium Dei, opera etiam ipsa examinabit. Quod si hac de causa Lutherani Chrysostomum in Pelagianos inclinare autumant, id ipsum & de Paulo possent asseuerare. Qui non tantum ait, secundum bonum opus, sed, secundum patientiam, hoc est, tolerantiam boni operis. Nam rectē agere, nisi in officio perduraueris vsq; ad mortē, non satis est. Et consonat superiori dicto, Iustus ex fide viuit. Nam inde opus est nobis patientia, quod operamur spe bonorum, quæ non videntur. Imò verò patientia non quācūq; exprimit perseverantiā, sed illam quæ est cum tolerantia & sustinētia, incursionum dæmonis & carnis. Potest enim in re suaui & grata esse perseverantia absq; patientia. Optima præterea resonantia fit, vbi patientiæ Dei supposuit patientiam nostrā. Nam si culpas ipse nostras tā fert clementer, vt resipiscamus à malo, cur nos molestias non patienter suffe ramus, vt perseverem⁹ in bono? Nescio quare hic quidam denegent genitiuum, boni operis, obiectum designare patientiæ. Siquidem qua parte bonū opus molestiā sæpenumero secum, laboremq; affert, & difficultatē, obiectum materiāq; eiusmodi virtutis est. Nam fili, ait ille Sapiens, accedens ad seruitutē Dei, præpara animam tuam ad tentationem. At qui, neq; nobis eluctandi qualescunque sunt hostes, verum, præter carnem & sanguinem, principes etiam & potestates, harumq; rectores tenebrarum. Excitat nos ergo vniuersos, vt neq; vlla nos terrimenta, neque labores, neq; pericula, ipsius etiam mortis, de officio deiiciant. Excitat, inquā, delicatos ac molles, ne grauedine ineundi boni operis pigrescāt: desides verò ac socordes, ne continuationis satietate nausitent: sed debiles & imbecillos, ne tentationum frangantur vehementia. Trina quippe hæc potestas huius virtutis est. Quare optimo quidem iure & meritō præclare

Chrysost.

Lutherani.

Eccle. 2.

Ephe. 6.

*Patientia
munera.*

claræ huic fortitudini decernitur meritorum palma. Propterea q̄ & pondus belli sustinet, & virtutū omnium opus perficit, & ad brauiū

Luc. 12. nos vsq; perducit. Nam in patientia vestra, ait ipse retributor noster, possidebitis, hoc

Iaco. 1. est, seruabitis animas vestras. Et Iaco. Patientia opus perfectum habet. Et utique rursus

Matth. 19. Christus, Qui perseuerauerit vsq; in finem, hic saluus erit. (*Gloriam & honorem & incorruptionem.*) Affabrè felicitàtem illam sempiternæ vitæ suis explicat numeris. Fuit enim

semper vel naturali lumine q̄ notissimū, gloriam, consequentem esse ex virtute, atq; ho-

Arist. 1. norem eidem deberi. Vnde. *1. Ethic. Arist. 1j.* inquit, omnes quorum vita in actione versatur, beatam vitam in honore putant. Nempe

quod supremum omnium, quæ præcellentibus exhibemus, honor est, eumq; elegantissimi quiq; præ rebus cunctis ducunt. Tametsi felicitàtem huius vitæ in honore non consistere,

vel inde probatur, quod qui gloriam & honorem inter mortales cōspectantur, id procurant, vt existimationem consequantur, se esse

probos: quo fit, vt tam honore q̄ gloria præstantior sit virtus ipsa, in cuius testimoniū illa ambiuntur. Ob hanc ergo affinitatem gloriæ & honoris cum virtute, & in sacris fernè

eloquijs encomij gratia iustorum cōponuntur: vt, Gloria & honore coronasti eum domine. Regi seculorum immortalis, inuisibili,

Psal. 8. soli Deo honor & gloria. Qua hic præfertim ratione Apostolus describit vitam æternam. Enimvero cū Christus legislator noster suæ

1. Tim. 1. ferendæ legis inde exordium sumpsisset, vt humanas de felicitàte opiniones confutatas

Matth. 5. proscriberet, scilicet quod neq; in diuitijs, neq; in honoris ambitione, aut voluptatibus,

vt philosophi olim docebant, sed in horum potius contemptu esset beatitudo recondita. Beati enim, inquit, pauperes, beati mites, beati qui lugent, idq; ipsum eius deinde promulgatores prædicare perseuerabāt, necesse erat

mundum admonere, quod fides, naturæ leges non dissolueret, vel abrogaret, sed compleret ac perficeret. Nimirum quod non condemnaret naturalem appetitum gloriæ & honoris, aliorumq; bonorum, quibus homines illectamentis virtutē amplexantur, sed ostenderet, vnde sunt legitima hæc verissimaque expetenda. Qua de causa & Christus affluentiam æternæ vitæ significatione conuiuij extulit. Et ego dispono vobis, &c. vt edatis & bibatis super mensam meam in regno meo. Atque pari ratione hic Paulus gloriosis Ro-

manis, si caducis honoribus posthabitis, solum æternam vitam conquirerent, gloriam & honorem proponit, atque hæc non qualia eorum philosophi docebant, sed quæ essent cum immortalitate coniuncta. Neq; verò idē sunt prorsus gloria & honor. Gloria quippe,

teste Ambrosio, est clara cum laude notitia. Quæ idcirco bifariā hic potest intelligi. Primo gloria Dei, beatis communicata. Notitiā enim sui, quæ gloria eius est, aspectu illo ineffabili impartitur cœlicolis. De qua David, Scitabor cū apparuerit gloria tua. Qua de re Deum Iacobus patrem luminū vocat. Quinimò si sublimius rem lubet speculari, pater (vt refert Orig.) fons gloriæ est, cuius splendor, vt ait ad Hebræ. Apostolus, est filius: de quo Psal. In splendoribus sanctorum ante luciferum genui te. Porro autem per Christum glorificatorem nostrum sanctis eadem gloria participatur, non solum secundum animas, quas iuxta verbum Esaie splendoribus implebit, verumetiam secundum corpus. Nam ipse reformabit corpus humilitatis nostræ configuratū corpori claritatis suæ. Quapropter fulgebunt, ait, iusti, sicut sol in regno patris eorum. Circumbunt siquidē in conspectu diuinæ maiestatis, veluti astra (vt innuit alibi Paulus) ante faciem solis, resplendentes suo quisq; fulgore, quo fuerint ab illa pro meritis irradiati. Potest itē nihilominus accipi hic gloria pro clara notitia, qua vnusquisq; beatorū erit cum ingēti laude notissimus, cū alijs, tum maximè Deo. Quo significatu opulentia dignitatisq; amplitudo, quæ latissimè patet, gloria nuncupatur. Vt Gen. 45. Ioseph fratribus ait, Ite & annūciate patri meo omnē gloriā meam. Vnde eos qui vel genere aliaue sunt re præcellsi, illustres clarosq; appellamus. Hæc, inquā, iustorū gloria, quæ hic calamitatū hyeme, aduersitatūq; nubilo occultitur, illic erit, Christo authore, spectatissima: videlicet dum cordium perspector pondus meritorum publicus propalabit. Esuriui enim, inquit, & dedistis mihi manducare, &c. Neq; delictorū sordes, gloriæ quicq; obnubilabunt illis, quorū fuerit ignominia, per poenitentia fructus contecta. Honorē verò semper dictitarūt philosophi quicquid alicui in testimoniū excellētiæ alicuius impenditur, ac potissimum virtutis, cuius honor est præmium, quantū ei possunt hoīes persolvere, siue reuerentia id fit, siue palma, aut res alia. Honorat nanq; tā princeps suo ordine ciues premian-

do, quàm ciues contra principem reuerendo.

Quo-

Gloria.

Es. 58.

1. Cor. 15.

Mat. 13.

1. Cor. 15.

Gen. 45.

Hono r.

Quocirca, vt gloria, ita & honor, vtroq; modo hic vsurpari potest. Primum pro illo inæstimabili, quo Deus honestabit foelicissimos illos, tã nominibus honorificis, quia nō iam seruos, sed amicos appellabit, quàm re ipsa: quia filij non tātum (vt ait Ioan.) nominabuntur, sed verē erunt. De quō miserrimi Sathanæ filij expauefacti turpiterq; pudētes clamabunt, Ecce quos habuimus in derisum, quomodo computati sunt inter filios Dei. O quàm sunt nimis honorificati amici tui bone Iesu, quibus prædixeras, eatenus qui tibi ministrassent honorificandos à patre tuo, qui in coelis est, vt vbicunq; tu esses, illic & minister tuus esset. Nam ita tuū nobis disposuisti regnum, vt tibi non solum cuncti circumfederēt ad mensam, verūm & primores, qui omnia propter te reliquissent, pro tribunali iudices assiderent ad iudicandum duodecim tribus Israel. Cui perinde exultantes sancti in gloria diuinas intonabūt grates illas, Dignus es dñe accipere librū & aperire signacula eius: quoniam occisus es, & redemisti nos Deo in sanguine tuo ex omni tribu & lingua & populo & natione, & fecisti nos Deo nostro regnū & sacerdotes, & regnabimus super terram. Ecce quo iure, quod Apostolus Heb. 2. duci nostro tribuit, nempe, Gloria & honore coronasti eum, id ipsum canit & de suis athleticis Ecclesia, ob singularem patientiam, qua, veluti agni, luporū rabiem sustinentes, de mundo gloriosissimè triūpharūt. Intelligi quoq; & hoc loco ille honor potest, quo se inuicem beati afficiunt, & pro cuiusq; merito & gradu, ad quē singuli per misericordiā Dei euecti fuerint, condecorāt. Etenim (vt cap. superiori contēplabamur) in possessione immēsi illius pelagi infinitorum bonorum, nulli est inuidiæ locus, qua qui inferiore sunt honore, in superiores exardeant. Quoniā suam vnusquisq; habet mensuram plenam, proq; sua dignitate confertā, & iuxta Christi promissum superfluentem. Vnde cū nihil vlli reliquū fiat, quod cupere amplius possit, non est cur decorū in mutuis deferendis honoribus non summopere conferuetur. In hac vita non est tanti faciendus honor, qui cū, authōre Arist. non fit in honorato, sed in honorāte, hoc est, non fit in potestate illius, qui honore dignus est, pro suo merito honorari, sed in arbitrio honorantis pro sua, vel voluntate, vel libidine, vnumquēlibet honorare, fit, vt sæpissimè iniquè distribuantur honores. In illa verò sacrosancta Hierusalem, vbi nulla esse volūtas

potest, nisi cū summa ratione coniuncta, nullus est qui, vel proprio possit fraudari honore, vel quenquā suo velit defraudare. Adde honorem illum esse legitimum, plurimiq; habendum, qui ab ijs, qui prudentia, probitateq; præstant, exhibetur. Quorum vtraq; suprema illic est: vbi Deus & visu præsens comprehenditur, & visus amore percolitur. Adiecit (Et *in corruptionem.*) Alij vertunt immortalem. Sed iam cap. præcedēti in verbo, incorruptibilis, adnotauimus verbum *φθίσιον*; non specialem tantum incorruptionem per mortem, sed generaliter significare idem q̃ corruptio. Quare non est cur *αφθαρσίαν*, aphtharsiam non traducatur per incorruptionem. Adiectum id tamen puta, primum (vt ait Chry.) ad aperiendū resurrectionis valuas. Omnes enim resurgemus in incorruptionē. Deinde ad significandū gloriæ & honoris soliditatem ac veritatem. Inde namq; philosophis tantum exhibuit negotij quæstio illa, Vtrum contingat in vita vera foelicitas, an verò requiratur, vt perduret etiam post mortē, quod foelicitas secum adfert connexam perpetuitatem, quæ in tanta rerum turbulentia minimè possibilis est viuētibz. Nam & defunctis multa quoq; possunt incommoda accidere, honorē huius seculi denigrantia. Illos autem, qui diuinæ præsentia potiuūt, si nostra, vera est, quæ verissima est, fides, quid obsecro potest offendere, quidue attingere eorum, quæ fiunt sub sole? Quapropter nomen hic incorruptionis, non hoc tantum præ se fert, quod coelestia bona nullum habebūt finem, sed quod nulla poterunt ex parte lædi. Quod enim corruptioni non subditur, omni prorsus alternationi subducitur: vt neque minui possit, neq; interpolari, alicūdēue detrimentum vllum accipere.

His autem qui sunt ex contentione, & qui non acquiescunt veritati, credūt autem iniquitati, ira & indignatio.

Retributioni iustorū contraponit infelicitium damnationē. Exponit autē tria demeritorū mēbra, suppliciorū verò quatuor. Nempe in hoc textu duo, atq; in proximo, duo altera. Ijs, inquit, qui sunt ex contētionē, id est, cōtentiosis. Hebræorū more sicuti, ij qui sunt ex circūcisione, pro eo quod est, circūcisi. Videri autē cuiuspiam potest, non seruasse decorum antithesis: non enim cōsonat contrapositio,

Sap. 5.

Apoc. 5.

Honor huius vite.

Incorruptio.

1. Cor. 15.

Contentio.

fitio, eorum qui sunt contentiosi, cum illis qui secundum patientiam, &c. At forsan respexit, resperfitq; hoc verbo Romanos de primatu concertantes: ac maxime Iudæos, contententes, per fidem euangelicam non abijci ceremonias legis, de quibus continuo subdit, Qui non acquiescunt veritati. Quam ob causam contentionem hic potissimum audio pro reluctancia contra fidem. Hæc quippe reluctancia vtramq; comprehendit contentionem, tam contra Deum inquam, reuelatorē fidei, quam etiam contra homines, defensores eiusdem. Est enim contentio, de qua hic loquitur Paulus, oratio pertinax, hoc est, impugnatio agnitæ veritatis. Quando quis non ex ignorantia, sed studio, vel veritatem oppugnat, vel doceri non sustinet. Quam peruicaciam Romanis impingit. Cum quo sensu probè cōsentiunt subsequētia verba, non consentire veritati, sed credere iniquitati. Sunt enim illa illius prioris expressio. Elucetq; præterea concensus cōtrapositionis. Nam vt patientia & perseuerantia fons est & robur bonorum omnium meritorum, ita & contentio contra fidem, radix est omnium malorum: ea parte, qua,

Greg. *authore Greg. 31. Moraliū, filia est superbiæ: quæ (vt est in Eccles.) initium est omnis peccati (Et qui non acquiescunt veritati, credunt autem iniquitati)* In græco duo sunt simplicia participia, vt priuatio & habitus, opposita. Ac si dicas, Increduli & creduli: seu inobedientes & obedientes. Quocirca neoterici carpunt hic interpretem, quod iucunditatem non seruauerit affinitatis verborum. Sanè vt diceret, Qui non obtemperant veritati, sed obtemperant iniustitiæ. Attamen forsan id fecit, vt diuersa verba mutua se opera elucidarēt. Idem enim pollet, acquiescere, quod credere. Nam fides ex obedientia nascitur voluntatis. Est enim contentiosi hominis non acquiescere veritati. Ambro. hic & August. lib. 3. de doct. Chri. & interpres Origenis pro, non acquiescunt, dicunt, diffidunt, sed credunt iniquitati.

Ordo literæ. Apparere item alicui potest præpostera oratio. Aptior enim fuisset & speciosior, si dixisset, Qui non credunt veritati, sed consentiunt iniquitati. Credimus enim veritati & cōsentimus iniquitati. Quam quidem oeconomiam scitè seruauit. 2. ad Thessa. 2. vbi ait, Vt iudicentur omnes, qui non crediderunt veritati, sed consenserunt iniquitati. Respondetur autem, illum modo citatum locum, expositorem esse huius, quæ interpretamur. Nempe quod sicut acquiescere, idem est quod cre-

dere, sic veritas idem est quod equitas: & iniquitas, idem quod falsitas. Quoniā veritas regula est in intellectu Dei: suæ ipsius voluntatis, cuius comparatione æquitas constituitur in opere. Et ideo oratio hæc & illa ad Thessa. eadem sunt prorsus (*ira & indignatio*) Primū Orig. qui pientissimè, vt supra diximus, negotiū suscepit disserendi, qualiter nulla nobis mala per intentionē Dei obueniāt, sed nobis nosmetipsi cuncta conflemus, dignouit hic orationis discrimen: quia cū supra dixisset, Reddet unicuiq; gloriā, &c. hic haud similiter ait, iram & indignationē, ne hæc quoq; referantur ad verbum, reddet, sed ira & indignatio: scilicet erit. Nimirum vt ostenderet, bona quidem diuino iustis beneficio reddi: mala verò iniquis ex illo thesauro obuenire, quem ipsi sibi condiderant. Similis figuræ & illud est. 1. Reg. 2. Glorificantes me glorificabo, contemnentes me afficientur ignominia. At verò ais, quod videntur malorum supplicia præfatis bonorum præmijs haud concinne opponi: puta gloriæ & honori, ira & indignatio. Fortasse Paulum non ita multū agebant huiusmodi cōsonantiæ, tamen & hic est nonnulla. Sunt enim græcæ duæ voces *ἔμνος* & *οργή*, quarum prima significat iræ primordia, dum ebullire incipit sanguis, altera verò, iram iam adultam & prorumpentem. Quare nonnulli, nec fortè ineptè, permutato ordine, vertūt, indignatio (quod minus videtur) & ira. Quæ quidē vt dictū est, non significāt passionē in deo, sed vindictā. Vt ergo gloria & honor ornamenta omnia æternæ vitæ designant, ita ira Dei, non modo concepta, sed effusa, omnium est suppliciorū causa, ac subinde ignominia ac vituperij, quæ gloriæ honorisq; sunt cōtraria. Quocirca secundū hanc expositionē si postponatur indignatio, tunc accipitur pro iracundia excauescentia: qui proprius etiā est eius significatus, vt, indignatio, addat supra irā. Quod si aliā adhuc (quæ legitima etiam est) significationē eiusdem nominis spectemus, nihilo constabit sensus incongruentius. Differt namq; ab inuidia indignatio, quod inuidemus digno bona quæ legitime possidet: indignamur verò, quod indignus fruatur bonis, quæ non meruit. Quo fit, vt indignatio sit etiā quasi dedignatio, dū athlotheta & iudex, cuius est præmia dare, indignū quēpiā reputat præmio. Vnde quēadmodū de electis dictū est Sap. 3. Tentauit eos Deus, & inuenit eos dignos se, ita probabit & reprobos, quos adeo publica sententia pro-

Orig.

1. Reg. 2.

Ira & indignatio.

Indignatio.

Sap. 3.

tia pronunciabit, se, suoq; cōspectu esse indignos. Quibus proinde (vt est in psal.) iurabit in ira sua, q non introibunt in requiē suam. Quæ quidē ignominia, omniū est maxima poenarū, quas luent miseri. Nempe dum allegantibus in nomine tuo prophetauimus, & virtutes multas fecimus, impropērāter respō debet iudex, Nunquam noui vos. Disceditē à me omnes qui operamini iniquitatem. Et interrogātes suæ cōdemnationis causam, cōuincet. Quia esuriui & non dedistis mihi māducare. Nudus fui & non vestistis me. Ite in ignē æternū. Quocirca iuxta hanc interpretationē, Ira significat executionē iustitiæ Dei, Indignatio verō sententiā, vt intelligant, quā dignam suis meritis sumat de ipsis ultionem. Quin verō & ipsi conuicti sibi met indignati confitebuntur, Errauimus à via veritatis.

Tribulatio & angustia in omnē animam operantis malum, Iudæi primū & Græci.

Sunt qui hæc duo, tribulatio & angustia, contexunt superioribus, ira & indignatio, Haud tamen ita concinna est oratio, ac si dissoluantur. Primū vt sit respondentia ad subsequens mēbrum. Gloria autē & honor, &c. Deinde quia necesse est hos nominatiuos ita dispensare, vt duo priores scilicet, ira, & indignatio, respondeant superiori datiuo, iis, reli qui verō duo, accusatiuo, in omnem animā. Præsertim quod cū duo proposuisset de æquitate iudicij, videlicet quod retribuendū illic sit, & iuxta opera, & vnicuique, expedita prima parte de operibus, transit hic ad explanandum quod dixerat vnicuique, puta sine vllius exceptione personæ. Atqui doctē S. Thomas inter hæc quatuor discreuit: nēpe quod duo priora teneāt se ex parte Dei, duo verō hæc ex parte hominis, hoc est, quod priora significant vindictam per modum actionis Dei modo exposito, hæc verō per modū passionis in reo. Traductores isti neoterici pro sua consueta libidine ad solum florem grammaticæ attendentes, vertunt, afflictio & anxietas: quod certē non facerent, si energiam verborum, consequentiamq; penitus inspicerēt. Tribulatio enim vel à tribula dicitur, qua segetes in area cōteruntur, vel à tribulo, seu ferreo, seu spineo, cuius pūctione acutissimus incutitur dolor. Quorū perinde vtrāq; allusione significatissimē exprimiūtur perhorrenda dānatorū tormenta. Angu-

stia verō significatus fumitur à breuissimo loco, vbi res aliqua arētissimē cōstringitur: indeq; trāsferitur ad pressurā animi, nullum habētis perfugium, quo se anxius cōferat, vt cruciantes poenas euadat. Quocirca oculatissimē distinxit Origenes tribulationē iustorū in hac vita à tribulatione iniquorū, videlicet q priorē illā in nulla sequatur angustia, eo q subsidium Dei, veluti asylum, sibi cōstituunt pij. De qua idcirco tribulatione ait Apostolus, Tribulatio patiētīā operatur. Et rursus, Tribulationē patimur, sed nō angustiamur. Et Dauid, In tribulatione dilatasti me. Quade causa Deus de sanctis suis, quos habere nouit intra cordis sui domiciliū spacia lōgē lateq; diffusa, dicit, Habitabo in eis & inambulabo. At verō iniquorū tribulationem angustia subsequitur, quæ cumulū suppliciorum perficit. In quorū angustissima corda diabolus ingreditur, non vt inambulet, sed vt tanquam serpens lateat in cauerna. Hec ille. Igitur si Dauid quo suum maximē mœrorem angoremq; animi expromeret, Tribulatio, ait, & angustia inuenerūt me, multo id significatius Paulus dixerit de miserrimis illis ac perditissimis, dum fuerint in tartara cōiecti. Illic enim, vt cap. superiori dicebamus, & truncem illum tormentorum aceruum patiētur, qui si mortales essent, singulis eos momentis absumeret, & in illis tamen angustis erunt conclusi, à quibus neque mors eos valeat eruere. Qua de re tribulatione simul & angustia corū animi afflictantur. Quibus & Christus non longē dissimiliter fletum, stridoremq; dentium cōminatur. Nanq; & tribulatio præfens lachrymas cogit, & metus futuræ, stridorē dentium. Et Dauid de Aegyptiorum ultione, immisit in eos indignationē & iram & tribulationē per angelos malos. Sequitur ergo (*in omnem animam hominis operantis malum*) In omnem animam, fortē dixit eo significatu, quo anima in scriptura pro homine frequenter vsurpatur. Nam in secundo statim retributionis mēbro, personas subiungit, Iudæo & Græco. Quanquā genitiuus reclamare videtur, quod potius accipiatur pro ipsamet anima, vel quia ante corporū resurrectionem animæ ipsæ interim contorquētur, vbi & heretici (vt ait Hiero.) confutātur, qui dicebant sola corpora delinquere. Vel quia vt sanctorum gloria & dotes ab anima exundant in corpus, ita & dānatorum supplicia. Eodem accedit quod tribulatio & angustia affectus morbosq; animæ enūciāt (*operantis*)

F Græcē

Orig.

Rom. 5.
2. Cor. 4.

Psal. 4.

Mat. 8.

Psal. 77.

Variatio le-
ctionis.

Tribulatio.



*Operantis
malum.*

Græcè non est simplex participium, sed compositum: quod reddi poterat, continenter seu perseveranter operantis malum. Id quod optime ad id respondet, quod similiter de iustis prædixerat, qui secundum patientiam boni operis, &c. (*Iudei primum & Græci*) Traductores recētes vertūt, Iudæiq; primū ac Græci, contentes, q; primū, non dicat ordinē Iudæi ad Græcū, sed amborū simul populorū ad barbaros. Et miror q; & Theologi nonnulli vsq; adeo fuerint istis additi, vt & hanc eorum lectionē susceperint. Nam cum Paulus (vt cap. superiori adnotauimus) horū populorū descriptione vniuersitatē orbis cōprehēdat, nullas hīc gētes reliquas facit, cum quib⁹ ambo populi conferantur, sed cōparat vnum ad alterū. Et re vera oratio Græca hūc sensum facit, Iudæi quidē primū, mox Græci, id est, Gentilis. Non enim strictim accipitur pro sola Græcorū natione. Vnde, primū, dicit, quia minus fuerāt Iudæi excusabiles. Nam cum perspicacior explicatioque in illis fuisset cognitio Dei, vēturiq; Melsiæ q; in gētib⁹, veluti qui præter lumen naturalis iuris scripta etiam lege fuerant illustrati, promptius, tāquam illis peculiariter promissum, obsequentiusq; debuissent ei auscultare: ob idq; grauiores debebant pœnas, cum aliorum criminum, tum potissimum reiectæ fidei. Vbi & hoc adnotāt Theologi, quod quauis omnis infidelium pœna, ratione infidelitatis, atrocior sit, quā illa quæ Christianis infligitur, tamē ob idem peccatum, quod nobis illisq; commune est, vt propter adulterium, vel furtum, ad maiora rapiētur supplicia Christiani: quasi minorem habētes excusationē ignorantia. Seruus enim sciens voluntatem domini sui, & non faciens, dignē plagis vapulabit multis.

*Comparatio
peccato. in
fi. & fid.*

Lec. 12.

Gloria autem & honor & pax omni operanti bonum, Iudæo primum & Græco.

Pax.

Quodnam, gloria & honor, significatum importet, explicatum iam supra satis est. Sed vice incorruptionis, quo rem lucidius exponeret, pacis appellationem substituit. Pax etenim pleniorē habet significandi emphasin, quā incorruptio, eō q; nō solum excludat quācunq; rerum contrarietate ad corruptionem pugnantium, verum includat summam tranquillitatem ac requiem, tam animi, q; corporis, perpetuis vinculis confirmatā. Hæc enim illa est pax Dei (vt ait in alio loco) quæ exu-

perat omnē sensum. De qua in Psalmo, Lauda Hierusalē dominū, lauda Deū tuum Sion: quoniam confortauit seras portarū tuarū, & posuit fines tuos pacē. (*Iudæo primum & Græco*) Eundē ordinem meritō tenet in præmiis, quæ in suppliciis enarrandis. Nam Iudæi, qui scriptam legem susceperant, omnes debuissent Ecclesiam prius ingredi, nisi quod (vt infra cap. n. dicturus est) ex parte cæcitas contigit in Israël, donec intraret plenitudo gentium. Vnde & Act. 13. Vobis oportebat primum loqui verbum Dei: sed quoniā repellitis illud, & indignos vos iudicatis æternæ vitæ, ecce conuertimur ad gētes. Hoc ergo retributionis bonorum ac malorum latissimo, stupendoque interuallo, quæ nos in die iudicii manet, exterritos nos curauit Paulus, atque admonitos, vt nobis perspectū esset, quæadmodum sit militia nobis huius vitæ inter spem metumq; proposita, quibus ideo scopus esse deberet, vt seruilem metū diuini iudicii, procedentes de virtute in virtutem, omni conatu excuteremus: neq; studium & vigilantiā prius remitteremus, quā spe firma optatissimum haberemus aduentum iudicis. Hunc enim mihi suggerunt sensum verba illa Apostoli. Reposita est mihi corona iustitiæ, quam reddet mihi dominus in illa die, iustus iudex: non solum autem mihi, sed & iis qui diligunt aduentum eius.

*Documentis
Pauli.*

Non enim est acceptio personarum apud Deum.

Concludit tandem quod de æquitate iudicii proposuerat, scilicet, Reddet unicuique secundum opera sua. Atqui in Græco clarius effulget contrapositio vocum. Est enim hæc vnica simplex dictio *προσωποληψία*, id est, personarum acceptio. Cuius contraria eademque simplex *δικαιοκρισία*, hoc est, iustum iudicium. Et ideo cum supra vbi dixit, reuelationis iusti iudicii, præposuisset hanc secundam, opponit illi modo negationem alterius, quasi cōcludens, inde constare æquitatem iudicii, quod nullum sit illic habitura locum personarum acceptio. Molestat nos hic etiamnum interpretum varietas, dum alij transferunt, discrimen personarum, atq; alij, respectus personarum. At verò cum nomen hoc cadat à verbo, *λαμβάνω*, quod per se significat accipio, & ita ipsi consentienter idem verbum transferunt ad Galat. 2. Deus personam hominis non accipit, non est cur in cōpositione non similiter traducatur acceptio

*Acceptio, dicitur
scribitur, respectus
etiamq; personarum.*

Acceptio per
sonarum.

ceptio personarum. Sicuti. Act. 10. Non est acceptor personarum Deus. Et Coloss. 3. Et Ephes. 6. Et in veteri testamento Deut. 10. Et quanuis Ciceroni priscisque Latinis non fuerit nomen hoc receptum, est tamen à doctoribus catholicis latinitate donatum. Acceptio ergo personarum peccatum est iustitiæ distributiæ contrarium: quod tunc contingit, quādo iudex qualitatem respicit personæ, nihil ponderis afferentem ad causam. Vt si quis propter consanguinitatem sacerdotium conferat indigno. Nam si in bonis patrimonialibus distribuēdistalem quis habeat respectum, non est cur existimetur personarum acceptor. Rursum quod Deus operum ponderator rationem habeat paupertatis mulierculæ, quæ duo æris minuta contulit in gazophylacium, ratione cuius paupertatis operi accreuit meritum, quodque personæ dignitatem, vnde grauat peccatū, consideret, vt si qui crimen commisit, persona erat publica, quæ scandalum dedit, nullus est personarum respectus: quandoquidē huiusmodi qualitates, & officium adaugent, & vitium. Inuectum ergo est verbum hoc ab Apostolo propter discrimen inter Iudæos & Græcos: nempe vt significaret has generis qualitates, aliāve id genus nihil in bilanci- bus Dei momentum inclinare, quippe quibus sola librentur opera. Ita tamen probatam censeas nominationem acceptionis personarum, vt minimē aliam, puta respectus personarum inficiat, & faciem. Item, λαμβάνω, & accipere, & in compositione, respicere. Quapropter respicere personam iudex prohibetur, id est, faciem, ne hominis qualitate, puta sexu, ætate, patria, genere, opibus, aut pauperie, idque genus reliquis, quæ extra rem & causam sunt, affectus animus iudicium corrumpat. Vnde Leuit. 19. Non consideres personā pauperis, nec honores vultum potentis. Et de Socrate legitur quod neque uxorem neque liberos in iudicium voluit adducere ad excitandam commiserationem. Et. 1. Rhetoricorum Aristot. partem illam oratoriæ condemnat, quæ ad commouendos affectus exposita est: Areopagum Atheniensium hac maximē ratione commendans, quod actor in causa id lege videretur facere. De quibus Areopagitis & Lucianus refert in Hermotimo, ideo noctu & in tenebris iudicare fuisse solitos, ne ad dicentes respicere possent, sed ad ea quæ di-

Arist.

cerentur. Sed est operæpretium tantisper diuertere ad quendam, qui hoc tempore Chrysostomi scholias prodiit, quem capite superiori in verbo, prædestinatus, subnotauimus. Hic inquam tria scholia appendit Chrysostomo in præsentiarum, à quibus si abstinuisset, multo esset ab illo melius lectori consultum. Primo super proximo illo verbo, Iudæo primū & Græco, adnotauit ex illa oratione Pauli, qua tanta paritate adæquat Iudæos & Græcos, elici, circuncisionem, nihil attulisse momenti illi populo ad reconciliationis gratiam. Non solum quod circuncisio non illam conferret, veluti nunc baptismus tanquam instrumentum passionis Christi (nam hoc etiam sanctus Thomas cum multis Theologis probè censuit) sed quod nulla illic fiebat reconciliatio à peccato originali, ita vt circuncisio pueri aliquam inde gratiam Dei retulissent. Nam tunc, inquit, quomodo esset par ratio apud Deum Iudæi & Græci absque vilo discrimine, vt hic Paulus explicatissimè disserit, concludens capite tertio, An Iudæorum Deus tantum? nonne & Gentium? Imo & Gentium; &c. Quinimo plus gratiæ possiderent, ait, tunc masculi Iudeorum, quā fœmellæ. Et. 1. ad Corinth. 7. expressè ait, Circuncisio nihil est, præputium nihil est, sed obseruatio mandatorum Dei. Quo fit, inquit, vt nulla ante Christi aduentum conferretur gratia vulgo & publicè, scilicet per sacrificium, licet fortè priuatim & occultè adultis quibusdam. Ecce qua isti ratione existimant, merum esse commetum scholasticorum, quod in circuncisione conferretur gratia. Hæc autem catholica veritas gratiæ circuncisionis infra cap. quarto constabit ex verbis Pauli, vbi ait, quod Abraham accepit signum circuncisionis, signaculum iustitiæ fidei. Nam quid obsecro aliud est signaculum iustitiæ fidei, quā indicium & protestatio illius fidei, per quam iustificabantur qui illam recipiebant: vt palam ait Augustinus ad Valerium contra Iulianum? Cuius verba illic recitabimus cum aliis locis, ex quibus hæc constabitur veritas: adeo vt contraria opinio, error sit non ferendus. Quippe ex quo protinus fiat consequens, vel quod nullum est peccatum originale, quod est hæreticum, vel quod vniuersi, qui ante rationis vsum obibant mortem, deperibant absque remedio reconciliatio- nis, quod planè est impium. Sed inde isti

Circuncisio
an cōferebat
gratiam.

August.

in hæc dogmata collabuntur; quòd scholasticos ab indicibus librorum salutant. Nullus enim vnquam Theologorum asseruit, gratiam conferri in circuncisione, qui non illico subiūgeret, per aliud etiam remedium prospexisse Deum gentibus omni seculo in lege naturæ: puta per aliquam formam sacrificij, quo possent paruuli mundari ab originali: quod libr. 2. de nat. & grat. tractauimus. Insignem enim notam inureret clementissimo Deo, quicumque diceret, vlla vnquā ætate destitutum fuisse humanum genus omni subsidio, quo minus possent aliqua fidei protestatione in gratiam eius homines cuiusq; ætatis restitui: quod quidem remedium perdurauit in populo Israel in foemellis, & ante octauum diem in masculis. Genuinus ergo syncerusq; intellectus Pauli, patribus Ecclesiæ celebratissimus, est, in hoc pares fuisse Iudæos & Græcos, quòd ante Christi aduentum, quicūq; vñ vnquam fuissent libero arbitrio, sine discretionē circuncisionis aut præputij, iudicandi erant secundum opera propria: quoniam tunc gentes non tenebantur circuncidi, sed poterāt in lege naturæ per speciale auxilium Dei salui fieri: quod nunc nemo potest sine baptismo. Pro paruulis verò prouisum erat vtriq; populo. Quòd autē masculis Iudæorum peculiaris esset indicta recōciliationis cerimonia, quā gratiā aliæ nationes, vel in eodē populo alter sexus alia via poterāt adipisci, neq; turbat equalitatem, de qua hic loquitur Paulus, neq; quicquam derogat diuinæ iustitiæ. Secūdum autem subiiciunt isti cōmentum super hoc verbo, Non enim est acceptio personarum apud Deum, vtpote ex quo sibi inferūt, neminem à Deo prædestinatum, nisi ob propria eiusdem præuifa opera. Et quò se planius explicēt, aiunt, futura vtriusq; opera, quæ eius cōspectui erāt in sua æternitate præsentia, causam fuisse, cur Iacob admisit in gratiam suam, Esau verò repulit. Nam defendere alia ratione nesciunt, quin personarum fuisset respector. At vide obsecro, quo isti literatores præcipitātur, eò nimirum vt denegent, vñ vnquam seculorum ante Christum passum, quempiam ante rationis vsum iustificatum fuisse, vel damnatum: ideo quòd in tali ætate nemo habere potest propriæ voluntatis opus, quoniā neq; hoc quidem admittunt, quòd ob solū Adæ peccatum condemnentur, vel infans, vel adultus. Ex quo manifestum fit, quòd in peccato originali veram rationem culpæ non agno-

scunt, neq; antiquum vñllū sacramentū, quo paruuli iustificarentur. Quod si ab his scisciteris, quid ergo de paruulis sentiant immaturè ætate defunctis, respōdet hic bonus pater, cuius scholia recitamus in tertio subsequenti scholio, quòd si fingere liceat transmigrations Pythagoricam, anima decedentis antea rationis lucē, demigrat in aliud corpus, vbi viuatur quo ad propria efficiat opera, secundum quæ iudicetur. Et quāuis id non audeat vsq; adeò indubiè affirmare, ait nihilominus fulciri posse sacris eloquiis. Veluti his Pauli, Qui reddet vnicuique secundum opera sua: quod in vniuersum de omnibus cuiusq; ætatis isti intelligunt. Et, Non est acceptio personarū apud Deum, horumq; similibus. Ecce quā fuerit nobis digressio hæc necessaria, tum vt lectorem cauere iuberemus, tum vt scriptores huiusmodi, aliās catholicos, obsecrarem, vt alias diligerent humiliores materias, in quibus suas linguas, & cum minori periculo, & quidem felicius perpolarēt. Hæc enim generalissima istorū intelligētia, quòd Deus neminē prædestinat, nisi propter propria opera, quæ sunt prædestinationis causa: atque adeò nemini reddendum sit, siue præmium, siue supplicium, nisi secūdū opera propria, multorum protinus emittit errorū sentes. Et quidem de prædestinatione Dei, cuius causam à nostris operibus pendere hallucinantur (quem errorem superiori cap. perfunctoriè attigimus) cap. 9. plenius dicturi sumus. Vbi demonstrabitur, ex diuina prædestinatione, licet merè gratis absq; operū causa fuerit, nullum effingi posse argumentum, quòd vlla inibi fuerit personarum acceptio. Atq; simul explicatius patebit, quemadmodum adultorū opera sint quidē æterni præmij meritum & causa, prædestinationis verò, nō item. Nunc verò, quā hæc quæ de infantibus philosophātur, sint & creditu impossibilia, & quæ affirmantur absurda, dicere est operæpretium. Illam primū omnium deridiculā metempsychosin Pythagoricorū certē nec effingere Philosopho licuit, quāto verò minus Theologo, & in re sacra. Etenim præterquā q̄ inter philosophos opinio illa nūquam aliter, quā ludibrio fuerit habita, argumenta cōtra ipsam adauget Christianorū schola. Deus quippe naturā ditauit, subleuauitq; per gratiam, non autem demutauit. Si ergo anima suapte natura, quia actus est corporis phisici, proprium sibi corpus vendicat, ita vt singulis in indiuiduo positis dispo-

Pythagorica
transmigratio
animarum.

Pythagoræ
metempsychosis:

Sesus germani
Pauli.

Secundus
error.

fictionibus singulæ coaptentur animæ, inopinabile est, ut Deus ratione operum hanc demutasset naturam in paruulis, quā non mutat in adultis, ut scilicet animæ oberrarent per corpora. Quorum quidem alia centum percurreret domicilia, si tot ante rationis discerniculum obirent homines, alia tantum duo. Adde, quod si animæ nunc paruulorum in gratia baptismali decedentium non commigrant, siquidem iam sunt in gratia, cur ante Christum natum? Præterea fac hoc temporis momento mille paruulos vita decedere in toto orbe, vis ne totidem, ne vno quidem minus, simul gigni, in quorum corpora continuo summittantur illorum animæ? An verò extra corpora censet operiri aliorum genituram, quo ad vsque se valeant in noua conferre corpuscula? Deridiculus sanè vtrunque est. Imo verò quomodo fieri tunc posset vniuersalis omnium resurrectio mortaliū in die iudicii? Neceſſe enim profecto eſſet, animam tunc vnā plurima reſumere caſſauera. Eſt ergo non tantum ludicrum commentum, ſed error pernicioſus in fidem. Hac igitur abiecta fictione à diuerticulo reuertamur, ut iſtos reuincamus adeò vniuerſaliter audientes, quod Deus reddet vnicuique iuxta opera ſua, ut nec de paruulis aliter ſentiant. Reſpondeant enim nobis de infantulis vniuerſis, qui ante Chriſtum natum mortui ſunt ſine propriis operibus. Enimuerò primum diffiteri ne quibunt originis labem veram eſſe culpam, quin proſinus Pelagianorum contagio inſiciantur. Omnes enim in Adam peccauiſus, & ſumus natura filij iræ. Aliàs neque Chriſtus fuiſſet naturæ redemptor ab originali, neque vllius fieret culpæ condonatio per paruulorum baptiſmata. Nam vbi nulla eſt culpa, nulla eſſe poſteſt, vel redemptio, vel remiſſio: de quo articulo latè cōtra Zuinglium diſputauimus lib. i. de natu. & gra. Si autem eandem maculam, ut catholici, confeſſeantur, cum nullum admittant ſacramentum paruulorum, aut formam ſacrificij reconciliationis, non ſolum in lege nature, verum neque in ſcripta Moſi, neceſſariò vel Charybdi abſorbētur, vel immergentur in Scylla. Si enim miſeros infantes ante libertatis tempus defunctos, omnes abſq; vllō remedio regno cælorum ablegēt, primum iam victi fatentur, illos abſque propriis operibus exilio cōdemnari propter delictum Adæ: & præterea, Deo inſignem crudelitatis notam inſcribunt, qui numero-

ſiſſimam animarum multitudinem tot ſeculis omni remedio deſtituerit. Sin verò quopiā eorum ſeruatos agnoſcant, tunc pariter concedere conuincuntur, illos non propter propria opera, ſed ob Chriſti ſola merita ſaluos fuiſſe. Et præterea reſpondere tenentur, quo pacto reconciliationis gratiam obtinuerint, ſi non per ſacramentum aut ſacrificij formam fides illis Chriſti fuerit applicita. Vide delirium illud ac veſaniam Pythagoricorū quā ſeriò gerebant iſti in peſtore, licet id cunctanter proferebant. Nam videbant aliàs, ne utiquam ſuſtineri poſſe interpretamētum ſuum vsquequaq; vniuerſaliter, quod vnicuiq; penes propria opera ſit reddendum. Sed enim, ut de paruulorum interim vetuſto ſacramento taceamus, in exemplis Hieremiæ & Baptiſtæ Ioannis, qui, teſte ſcriptura, ante rationis lumē in vtero ſunt gratia inſuſi, & præ omnibus in ſanctiſſima virgine, nunquid maniſeſtiſſimum eſt, in gratiam & amicitiam Dei reſoſitos fuiſſe paruulos ante Chriſtum natum, in qua, ſi de hac luce demigraſſent, gloria potirentur, non ſecundum propria opera? Quin age hunc tandem locū abſoluamus. Infantes iam modo, qui Chriſto per baptiſmum regenerati vita deſunguntur, nonne recipient in patria non ſecundū propria opera? neceſſe ergo eſt, ſententiam apoſtolicam non vsque adeò vniuerſim ſuſcipere, quin aliqua fiat exceptio. Cur igitur nō itidē cōfiteamur, in fide olim venturi ſaluatos fuiſſe q̄ plurimos? Hęc ego non ob iſtos equidem authores tantopere ſtatuiſſem vrgere, niſi & corruptela huius ætatis in metum me adegiſſet, ne huiusmodi opinionēs latius ſerperent. Igitur ut ad textus expoſitionem redeamus, quod ait Apoſtolus, vnicuiq; reddendum à Deo iuxta opera ſua, de iudice Deo intelligito, dum iis, qui rationis iudiciū ingreſſi, mortem obierint, præmia diſtribuet. Paruuli verò in omni cōſpectu ſine propriis operibus, partim ob meritum fidemq; Chriſti aliquo ſacramento applicitam, vel in lege naturæ aliquo ſacrificio, recipiebantur in regnum: partim verò (ut qui tale ſacrificium vel ſacramentū nō receperūt) ob peccatum Adæ, inde exulabūt: abſq; pœnarū verò ſenſu: quod lib. i. de na. & gra. diſputabamus. Vnde cōſtat, nullā hic ſubefſe acceptiōnem perſonarū. Quoniā acceptio perſonarū vitiū eſt, iuſtiæ diſtributiæ contrariū: iuſtiæ verò ratio nulla eſt, vbi nō eſt ratio debiti, ac proinde neq; ibidē ſubefſt perſonarū re-

*Expoſitio
mentis Pauli.*

*Acceptio per
ſonarum.*



specus. In prædestinatione autē lōgè minor ratio est debiti, sed est summa misericordia: & ideo neq; illic acceptio personarū locū habet, eo q̄ Iacob dilexerit, Esau autē odio habuerit: neq; verò vllā eius causam perscrutatur Paulus, vt cap. 9. adnotabimus, sed admiratione pauēfactus inclamat, O altitudo diuitiarū, &c. Effectus autē, vel reprobationis, vel prædestinationis, neq; paruulis post delictū Adā adueniūt sine meritis. Enimverò omnes in ipso deliquimus, omnesq; ē diuerso meruimus in Christo, quibus eius applicatur fides. Quocirca vti reprobi ob parētis noxā, sententiā exilij perferūt, ita & prædestinati ob merita Christi, sempiternæ potiūtur hæreditatis. Attamen in adultis iudicandis, de quibus hic propriè agit Paulus, acceptio esset personarū, nisi secūdū cuiusq; opera Deus illis rependeret. Quoniam etsi nostris officiis nulla per se inesse possit ratio debiti, diuina tamen præeūte & cooperāte gratia, tanq̄ obsequiis filiorum Dei debētur æternę vitæ præmia ex ipsius stipulatione, qua seruātibus mandata vitā illā repromisit: vt lib. tertio de nā. & gra. fusius à nobis discussum est. In angelis verò nulla apparuit acceptionis nota: porrò quos Deus absq; discrimine omnes ante propria ipsorum merita, sua dignatus est gratia, quē admodum & nostros primos parentes.

Quicumque enim sine lege peccauerunt, sine lege peribunt: & quicumque in lege peccauerunt, per legem iudicabuntur.

Secūda pars capituli.

Textus hic ita causam contextit superioris sententiæ, vt initiū quoq; præbeat secūdo principali membro huius capituli. Præfati enim sumus in eius exordio, idem velle commonstrare Paulum in hoc capite de Iudæis, quod de Gētibz patefecerat. Nempe notitiam susceptionemq; legis nihil absq; operibz prodesse, neq; verò circumcisionem aut genus: & hoc vsq; ad verbum illud. 3. cap. Quia ex operibus legis, &c. Vbi incipit tractare quòd neque opera satis sint ad iustificationem, nisi præeunte diuina gratia. Sed tamē oratio hæc præhabita de iudicio Dei, parēthesis fuit, quæ hucusq; protelauit primarium propositū, ad quod iam nunc in hac secunda parte regreditur: ita tamē, vt dictio minime abrumpatur, sed sit pendula ex præcedētī. Defendit nāq;, vt nō sit acceptio personarum apud Deum, respondens occultæ obiectioni, tum Genti-

lium, tum maximè Iudæorum. Nam de retributione fortè bonorum non metuebat Paulus illos reclamatuos. Hoc enim erat fauorabile, vt qui bona egissent, bona iidem essent recepturi. Attamen contra retributionē malorū poterat vterq; populus aliquid causari. Ethnicī quidem, quòd cum nulla à Deo fuissent lege instructi, nullum haberēt transgressionis opus, de quo deberent plekti. Iudæi verò, q̄ cum illi peculiariter scriptam legem, veluti familiares Dei recepissent, non deberet illos Deus, veluti gentēs, proscribere, vllisve suppliciis afficere. His ergo obuiās Paulus ait, absq; vllō personarum respectu, & illos qui sine lege peccauerūt (puta Gentes sine scripta) perituros, eos verò qui in lege peccassent (scilicet Iudæos) secundum legem fore iudicandos. Hæc autem verborum diuersitas in errorem quosdam coniecit, qui dicerent, eos, qui suscepta fide & lege deliquissent, iudicādos quidem fore & castigandos, non autem regno detrudendos in perpetua supplicia, cū de solis ex legibus pronūciat Paulus quòd sint perituri: de aliis verò, id duntaxat, quòd sint iudicandi. Est veruntamen hæc, hæresis apertissima. Nam q̄ Iudæi, legis antiq̄e professores, condemnandi sint, ac prorsus perituri, eo quòd fidem Christi non susceperunt, admonet Christus, vbi ait, tolerabilius fore Sodomæ in die iudicii, quàm illis. Imo quòd Christiani quoque, professores Euangelij, perituri sint ob legis transgressionem, docemur tum crebrò in Euāgelio, tum illo verbo Christi, Seruus qui nouit voluntatem domini sui, & nō fecit, plagis vapulabit multis. Sensus ergo huius loci exprimitur ex doctrina Gregorij super illud Iob. 36. Iudicium pauperibus tribuit, vbi ait, q̄ in futuro iudicio, impij, qui sine lege & fide Dei vixerunt, sine iudicio peribunt, id est, sine discussione operum: iuxta verbum Psalmistę, Non resurgent impij in iudicio, & Ioan. 5. Qui non credit iam iudicatus est. Illi verò, qui fidem professi, legem fregerunt, iudicabuntur discussionis iudicio, vt secundum cuiusque merita, vel pereant, vel absoluantur. Instar ciuilis Reip. vbi hostes regni & exteri, qui nūquam fidem præstiterūt, indicta causā exterminantur: ciues verò, non nisi examinati secundum leges, pœnas soluunt. Quòd si hic quispiam opponat. Gentes quoque non sine lege, sed in lege naturæ peccasse, respondetur, id Paulum hic non inficias ire. Nam cū peccatum esse ne-

Quorundā error.

Mat. 10.

Luc. 12.

Grego.

Obiectio.

queat,

queat, nisi contra legem (quia ubi non est, inquit, lex, nec prævaricatio) nõ peccassent, si nullam habuissent legem. De qua suprà dixerat, Deus illis reuelauit: & paulo hic inferius, Qui ostendunt opus legis scriptum in cordibus suis. Sed tamen quia in illis duobus populis iudicii formam instituerat delineare, & Iudæi de lege maximè gloriabantur, no mine hic legis intelligit scriptā, sanè vt ostenderet, nihilo minus puniendos, qui in lege il

Questio. la peccauerunt, quam Ethnicos. At maior aliquāto est causa ambigēdi hæc. Cum olim ante Christum passum exteræ nationes non tenerētur Mosaica lege, sed poterant lege naturæ saluos fieri, non apparet discriminis ratio, cur illi tāquam hostes, in dicta causa, essent perituri, & non potius iudicandi, veluti Iudæi: vt pariter secundum merita, vel præmia reciperent, vel supplicia. Hoc enim ætatis quando vnica lex euangelica vniuerso orbi est necessaria, facile est intellectu, quemadmodum qui foris sunt, non sint discussione iudicandi, sed abigendi tanquam publici hostes. Attamen in antiquitate non erat par ratio. Respondetur ergo, quod quauis Paulus ratione iam dicta discreuerit inter Iudæos factores scriptæ legis, & gentes, qui nullam diuinitus de scripto audierant, haud tamen adeo coarctare rem cogitauit, sed Iudæorum tantum supercilia subternere: qui putabant propterea nullam malè actorum reddituros fore rationem, eò quod lege Dei recepissent. Et ideo ait in vniuersum omnes esse iudicandos penes legis præceptiones. At nihilominus Ethnicis, qui lumine naturalis iuris vivebant, pari ratione erant iudicandi, atque adeo secundū opera cõdemnandi, vel remunerandi. Si qui verò Barbari (vt Origen. adnotauit) ea fuissent morum feritate, quibus obliterata esset atq; abolita lex etiam naturæ, illi quidem erāt sine lege perituri: sicuti iam modo quotquot euangelicam fidem non susceperint.

Non enim auditores legis iusti sunt apud Deum: sed factores legis iustificabuntur.

Explicatissimam iam hic profert conclusionem, quam demonstrare statuerat, scilicet, quod audiuisse legem nihil vnquam contulerit nisi ei prorsus, qui legi operam dederit. Id quod Iudæis propriè inculcat, quasi rationem subscribens eius quod dixerat, illos qui in lege peccassent, nihilo plus, imo multo mi

nus excusationis habere: & idcirco ad legis normam fore exigēdos. Nam audire, inquit, legem non sufficit ad iustitiam, sed requiritur, legis opera moribus exhibere. Secundū illam Christi doctrinā, Qui audit verba mea *Mat. 7.* hæc & non facit ea, similis est viro stulto: qui autē audit & facit, similis est sapiēti. Et Iacobus, Estote factores verbi, & nõ auditores tantum: quia si quis auditor est verbi, & non factor, hic cõparabitur viro, &c. Quocirca nullum imminet periculū ab amphibologia, vt factores hic legis (vt quidā metuūt) existimētur illi, qui leges cõdunt, quādoquidē vel oratio ipsa præcedēs admoneat, q̃ audire legem, idē sit, quod, recipere: facere verò, idē quod, implere. Qua quidē phrasi vtitur & Iacobus, ubi modo citatus est. Estote factores verbi, & non auditores tantū. Vnde Christus redemptor noster inter conditorē factorēq; legis distinguit, dicens, Nonne Moses dedit vobis legem, & nemo ex vobis facit legem. Subest tamen scrupulus in hac Pauli sentētia, eò quod non videatur sibi met ipsē constare: statim enim cap. 3. ac per totam fermè epistolā constitutus est, non ex operibus, sed gratis diuinitus obuenire nobis iustitiam: hic verò ait, factores legis iustificari. Quæ quidem contradictionis imago non parum negotij enarratoribus exhibuit. Atqui Ambrosius, *Ambro.* Hoc inquit dicit Paulus, quia non hi iusti sunt, qui audiunt legem, sed qui credunt in Christum, quem lex promisit: & hoc est, facere legem. At verò quanquam ita res habeat, vt nulla lex sine fide Christi satis sit ad salutem, non tamen apparet, quod facere legem, accipiat pro eo quod est, credere in Christum, sed pro eo quod est, viuere ad præscriptum legis. Enimvero quod gentes fuerat criminatus, scilicet reuelatione legis naturæ nihil eos fuisse adiutos, eo quod turpissimis eam moribus contaminassent, id iam nunc exprobat Iudæis. Necesse ergo est indagare, quo pacto legis opera iustificent.

August. Aug. lib. de spir. & lit. duobus aliis intellectibus hunc locum interpretatur. Prior est, vt iustificationē nõ intelligamus effectum esse impletionis legis, sed causam potius: vt sciamus, inquit, aliter eos nõ esse factores legis, nisi iustificētur, vt nõ iustificatio factoribus accedat, sed factores legis iustificatio præcedat. Hæc veruntamē non tā apparet legitima expositio, q̃ est vera sentētia. Nam etsi opera non sint Deo accepta priusq̃ gratuita iustificatio antecesserit, tamen Paulus non videtur

Lutherani.

*Lib. 1. de na.
& gra. cap.
11. & lib. 2.
cap. 19.*

*Iustitia operum
& iustitia fidei.*

hic nobis suggerere iustificationem illā, quæ causa est iustorum operum, sed aliā cuius opera sint causa. Est enim sensus, quod, audire legē, non est sufficiens causa vel comparandæ vel augendæ iustitiæ, sed legem officiis designare: ergo operari est causa iustitiæ. Ob idq; alterā adhibet expositionem: nempe quod diutius sit, Factores legis iustificabuntur, pro eo quod est, iusti habebuntur, iustiq; reputabuntur. At verò caue ne eo sensu intelligas, habebuntur, & reputabuntur, quo hæc verba excipiunt Lutherani. Videlicet quod iusti nō sint verē iusti, sed quod tales deputantur: eo quod Deus peccatum quod habent, eis non imputat. Aiunt enim, quod iustificari quempiam apud Deum, est iustum ab eo pronūciari: sicuti cap. 1. in tertio vsu huius verbi dicebam. Ita tamen quod sicut nonnunq iudex in foro secundū allegata & probata absoluit reū, qui re vera reus est, perinde vsu veniat apud Deum. Caue inquam ita sentias, quandoquidem blasphemia sit dicere, quod Deus, quem nihil latere potest, non imputat peccatum ei, qui re vera est in peccato. Quod lib. 1. & 2. de na. & gra. fecimus manifestū: haud enim iniquitas vlla est, quam Deus non odio habeat. Et ideo neminē Deus in iudicio iustificabit, hoc est, pronūciabit iustum, nisi quē re vera iustū inuenerit per diuinā suā gratiam. Qui quidē iustus si vsus fuerit libero arbitrio, faciēdo legis opera, iustificabitur, hoc est, accessionem indies incrementaq; faciet ad priorem iustitiam: vt in secunda iustificationis usurpatione suprà dicebamus. Hæc autē augmenta per gratiā Dei fiunt nobiscum cooperantem. Quemadmodum ait Iacobus, Videtis quoniā ex operibus iustificatur homo. Itaq; interpretatio Augustini est, quod factores legis non per opera antecedentia gratiam efficiuntur iusti, sed per opera subsequētia habebuntur iusti, veluti augentes iustitiam per vsum gratiæ. Attamen quod perspectior hic fiat locus, prænosse hic conuenit iustitiæ diuisionem, quam in calce subsequētis capituli præ se fert Apostolus. Est enim iustitia, altera quidem operum, altera verò fidei. Iustitia operum est operis rectitudo, sanē quod fit propter honestum, quando, & vbi oportet. Idq; si naturaliter solo generali Dei auxilio fiat, nō quidem est simpliciter virtus, sed tamen opus moraliter bonum: eo quod ciuilem humanamq; induat honestatē. Dicitur autem iustitia operum, tum quod est secundum naturam rationalis operis, tum quod

sua natura tantum opus iustificet: vt officiū fortitudinis aut temperantiæ: non autem gratam Deo exhibeat personam. Iustitia verò fidei (vt illam angelorum mittamus) est rectitudo quæ est à fide, hoc est reconciliatio hominis cum Deo per viuam fidem, ex qua deinceps promanantia opera, in Deum, vti in finem supernaturalem, relata, placita ei sunt, eademq; accepta ad vitam æternam. Vnde hæc est differentia formalis ex parte causæ inter iustitiam legis & iustitiam fidei, quam Apostolus infra cap. 10. discernit, q̄ illa consistit in operando, hæc autem in sanctæ credendo: quātum spectat ad primam receptionem iustitiæ. Dicere ergo congruenter possumus, quod loquitur hic Paulus de iustitia operum, non quidem præscindendo fidem, sed in genere. Quod est dicere, Non exactè docet quid omnino sufficiat ad veram iustitiam supernaturalem: sed hoc tantum in genere præfatur, quod audire, seu recipere legem, nulla est pars iustitiæ, nisi accesserint opera: quia lex est propter opera. Loquitur enim hic de adulterum iustitia, perseuerans in enarratione illius loci, Qui reddet vnique secundum opera sua. Quocirca factores legis iustificari apud Deum, non excludit necessitatem fidei, sed hoc reponit dilucidandum infra cap. 3. & 4. vbi liquebit, quod iustitia, si tantum sit ex operibus, habebit humanam laudem, id est, erit humana iustitia: attamen vt laudem habeat apud Deum, necessum est, ex fide diuinæ ope proficisci. Atqui optimus hic locus est, quo manifestum sit, solam fidem non esse satis ad salutem. Quippe cū audire legem, idem polleat, quod, legem atque adeò fidem suscipere, in quo ait Paulus, neminem iustificari antequam moribus legem obseruet. Quod vt luculentius pateat, recogitanda hic veritas illa est, cuius identidem meminimus, sci licet quod non solū iustificato necesse sit, factorem esse legis, vt cumulum exaugeat iustitiæ, sed quod neque ad primam iustificationem, seu reconciliationē satis adulto sit fides, nisi assensum præbeat, atque adeò facienda curet, quæ fides præcipit ad culpæ remissionem. Quæ sunt sperare, poenitere, &c. Hæc etenim opera, licet nō sint iustificationis merita, sunt tamen præparamenta necessaria. Qua nimirum ratione ad vtrūq; iustificationis genus protenditur veritas hæc in adulto, quod non auditores tantum, sed factores legis iustificabuntur apud Deum.

Cum

*Differentia
inter iustitiā
legis & iustitiā fidei.*

Contra Lutheranos.

*Nō sola fides
iustificat.*

Cum enim gentes quæ legem
no habēt, naturaliter ea quæ legis
sunt faciunt: eiusmodi legem non
habentes, ipsi sibi sunt lex.

Textus hic bifariam assui potest. Primum
illi mēbro, Quicūq; sine lege peccauerūt, &c.
Cum enim iste, qui proximē expositus est, ra-
tionē tradiderit, cur qui in lege peccauerint,
per eandē sint iudicādi (vti expositū à nobis
est) hic præsens exponit illud, quod latebat
in priori mēbro: videlicet quod quēadmodū
qui sine lege peccauerint (scilicet scripta) sine
lege peribunt, ita qui sine audita eadē lege, le-
gis mandata faciunt, iustā quoq; reportabūt
mercedem: nempe si faciunt mandata quo ad
substantiā operū, reportabūt humanā laudē,
si verò per Dei auxiliū, quo ad intētionē præ-
cipiētis, reportabunt mercedē à Deo, vt infra
exponetur. Vel fortē cōgruentius attexitur
proximē præcedenti. Est enim nō solū expo-
sitio, sed exaggeratio illius. Perinde ac si dixis-
set, Adeo audientia legis scriptæ, nisi operā illi
impenderis, nō sufficit ad iustitiā, vt neq; au-
dire eandē legē sit requisitū, sed qui sine lege
veteri, natura duce, naturalia præcepta custo-
diunt, iusti reputētur vel apud Deū eius ope,
vel citra illā, apud homines, vt patebit super
verbo, naturaliter. Quibus etiā verbis succidit
Iudeorū cristas, erroremq; illis eximit, in quo
forā sub tempus aduentus Christi versabā-
tur, vtpote q̄ extra illam, quā à Deo, scripto
susceperant legem, non patebat hominibus
salus. Vnde cū in ethnicos supra tā acri fuisset
accusatione inuectus, nunc vicissim eorundē
honorem refarcit, quippe qui legē quam solo
naturali dictamine sculptam gerebant in mē-
te, nihilo segnius seruauerint, q̄ Iudei illam, q̄
receperant expressam in tabulis. Ait ergo, q̄
cū gentes quæ legem nō habent, per senioriū
scilicet auditū à Deo (q̄ de causa à Iudeis ex-
leges cēsebātur) naturaliter quæ legis sunt fa-
ciunt, non illa intelligas legis opera, seu iudi-
cialia, seu cerimonialia, quæ super naturam
De^o illi populo peculiariter reuelauerat, iux-
ta dictum Psal. Nō fecit taliter omni nationi,
& iudicia sua non manifestauit eis: ad quorū
perinde obseruantia soli Iudei astricti erant,
secundum illud Deut. 33. Legem præcepit no-
bis Moyses hæreditatem multitudinis Iacob,
sed præcepta intellige decalogi ac moralia
reliqua, quibus vniuersum humanum genus
natura ipsa, tum instituit, tum etiā obligauit.

Qui, inquit, hæc naturaliter faciunt, ipsi sibi
sunt lex, id est, in se ipsis eiusmodi gerunt im-
pressam legem. Quam legem iam pridem di-
xerat à Deo illis quoq; reuelatam per ea quæ
facta sunt, ne Iudei superbirent, quod præter
suam, nulla esset alia lex diuinitus reuelata.
Tametsi & hæc quoq; moralia expressius Iu-
deis per legem scriptam illustrauerit, q̄ gen-
tibus per lumen naturæ. At verò assertio hæc
Pauli scrupulum ex eo offert, quod fauoris es
se videtur Pelagianorum, docentiū, posse im-
pleri ab homine naturaliter mandata legis.
Hunc tñ scrupulū possumus nobis absterge-
re, dicentes, id solū hic adstruere Paulū, quod
possit naturaliter homo legē implere, quan-
tum ad substantiam operum, quæ sint mora-
liter bona, nō tamen quantum ad intētionē
præcipientis, vt sint corā Deo meritoria: il-
lud enim vires naturæ non exuperat, prout
lib. i. de nat. & gra. disputauimus. Vbi etiā de-
narrauimus, quemadmodū primi parētes, na-
tura integra, hoc est, parte sensitiua per iusti-
tiam originalem rationi subdita, poterant na-
turaliter implere præcepta oīa quo ad sub-
stantiam operis: nos verò in natura lapsa nō
omnia, sed tamen aliqua. Licet tam illi, q̄ nos
nequimus absq; gratia ullū meritorie imple-
re. Et idcirco non ait hic gentes naturaliter
omnia, sed aliqua quæ legis sunt facere. Hanc
equidem expositionem adeo arbitror nō re-
probendam, vt sanē intellectam, necessariam
existimem. Quam & Aug. quoq; agnouit in-
de spir. & lit. cap. 28. vbi ait, quod neq; in ma-
lis adeo est detrita imago Dei, quin in sua im-
pietate aliqua legis opera faciant. Attamen
(quod illam examinemus) videtur nō esse ex
mēte Pauli, qui cum superiori textu præfatus
fuerit de factoribus legis, qui iusti sunt apud
Deum, præ se fert hic etiam de impletionem le-
gis orationem perpetuare, quæ fit secundum
intentionem præcipientis: nam alia non est
iustitia apud Deum. Quamobrem idem ipse
Aug. lib. eodē in priori expositione, de ope-
re Deo grato sentit hanc literam, vbi ait Pau.
Gentes naturaliter facere ea quæ legis sunt.
Sed exponit, naturaliter, non vt contraponi-
tur auxilio gratiæ, sed vt naturæ significat
inclinationem, per gratiam sanatē. Ex qua
etiam naturali inclinatione operamur opera
gratiæ. Et hæc prima est hic S. Thomæ expo-
sitio. Veruntamen ista ratione non adeo fit
perspicuū discrimen inter Gentes & Iudeos.
Nam hoc significatu Iudei etiam naturali-
ter benefaciebant eadē mandata legis, quini-

Questio.

Lib. i. de nat.
& gra. cap.
20. 21.

Aug.

Aug.

mo & Christiani modo in gratia existentes naturaliter seruant legem. Paulus verò hic peculiariter discernit in Gentes ac Iudæos. Imò tantum comparat cognitionē ad cognitionē: lumen inquam naturę legis, quod supra dixerat Deū illis reuelasse, ad notiā scriptę. Ob idq; altera expositio est S. Tho. (qđ spectat & Chrys.) vt naturaliter, referatur tantum ad cognitionē. Nempe quòd idem pręstitisset olim gentibus lumen naturę, quod Iudæis lex scilicet, ad diiudicandum inter rectū & prauū, licet in lege scripta explicatiora essent pręcepta, q̄ in lege naturę. Vnde colligit S. Thom. quòd cognitio naturalis, sufficiens erat Gentibus, ad ostendendū quid agēdū: iuxta illud *Psal. 4.* *Psal.* Quis ostendit nobis bona. Signatū est lumine vultus tui super nos. Et ad ostendendum Deum quatenus est, & remunerator est: quā quidem cognitionem naturalē satis fuisse videtur sentire ad salutem cum speciali auxilio Dei mouentis affectum. Et hanc ego expositionē probabiliorē existimabam lib. 2. de na. & gra. Sed tamen quia, vt cap. 1. dicebam, non adeo iā tutū cenſeo adſeuerare, naturalem cognitionē, sufficientem vllō fuisse seculo ad salutē, priorē expositionem pręfero: in hoc tamen sensu, quòd naturaliter quę legis sunt, facere potuerant, id est, pręcepta facere quo ad substantiam operum, Et ideo non dixit, naturaliter legem cōplent, sed quę legis sunt faciunt: quę si fecissent, vel si faciebant, Deus tunc succurrebat illis per auxilium speciale, illustrando eorum mētes altiori lumine, quo possent in Dei amicitiam recipi.

Qui ostendunt opus legis scriptū in cordibus suis: testimoniū reddente illis consciētia ipſorum, & inter se inuicē cogitationum ac cusantium, aut etiam defendentium, in die, cum iudicabit Deus occulta hominum, secundū Euāgelium meum: per Iesum Christū.

Exponit quod dixerat, Ipſi sibi sunt lex, id est, vice legis. Quoniā ostendunt opus legis, puta morale pręceptum, scriptum, id est, scriptitium. Habet enim gręcē vim potius noiſ, q̄ participii. Veluti iurisperiti dignoscunt inter ius scriptum & ius non scriptum. Continet namq; ius scriptum firmiorē stabilitatem, maiusq; authoritatis pōdus, q̄ quod solo vsu

tenetur (*in cordibus suis*) Modo loquendi scripture. Vt Prou. 3. Describe eam in tabulis cordis tui. Aug. de spi. & lit. quæſtionē ex his verbis mouet huiusmodi. Cum inter nouū vetusq; testamētum ita Paulus discriminet, vt vetus in tabulis Deus nouū verò in cordibus inscripserit: de quo vaticinatus fuerat Hiere. Dabo legē meā in visceribus eorū, & in corde eorū superscribā eā. Et Apoc. 2. Cor. 3. Epistola estis Christi ministrata à nobis, scripta, nō atramēto, sed spū Dei viui, nō in tabulis lapideis, sed in tabulis cordis carnalibus, & nunc simili figura de Gentium lege loquatur, nullū reliquū sit interuallū inter Gentes olim & nos modo euāgelicos. Hoc ergo argumēto concludit, Apostolū hoc intelligere de Gentibus ad nostrā conuersis fidē. At verò vt nihil Augustinianę authoritati depereat, vero similis est, fortē (vt ipse quoq; paulò inferius, & li. 2. de ser. do. docet) versari semper Apostolū in statu Gentium ante susceptā legē, de quibus dixerat. Qui sine lege peccauerūt, &, naturaliter quę legis sunt faciunt: nempe qui habebāt legē naturę cōplantatā in cordibus suis, id est, (interprete Orig.) in rationali parte animę. Quòd autem lex euangelica in visceribus spiritu Dei viui scripta sit, aliorū spectat: puta ad charitatē, quā Christus infudit in nos abūdē. Verūtamē non ait, In mente, sed in corde. Est quippe hoc membrū, in cuius cellulis spiritus vitales, motoresq; ingenerātur: atq; hac ratione trāsfertur nomē cordis in sacris, ad significandū voluntatē, quę omniū est potētiarū motrix: quare & tota mēte & toto corde iubemur Deum diligere. Vnde quia notiā naturalis iuris nō est merè speculatiua, sed prætica, quę coniunctā habet animi propēſionē in opus, idcirco ait, in cordibus suis. Qua quidē figura ait *Psal.* Inclina cor meū Deus in testimonia tua. Et ita forſan accipitur cor, vbi ait Christ⁹, De corde exeūt cogitationes. Nā quales sunt voluntatis affectus, tales cōstant cogitatus. Queni admodū verò ostēdant gentes scriptā in cordibus legē, explicat (*Testimoniū reddēte illis consciētia ipſorū*) Consciētia est applicatio scientiæ ad opus particulare, quā iudicatur, rectum ne sit, an prauum. Et quia iudiciū sumitur collationē facta ad legem, quę est actionū norma, (secundū illud cap. sequentis, Per legē cognitio peccati) fit, vt testimonium cōscientiæ sit manifestum iudicium legis, quę scripta est in mente. Est ergo sensus, quòd cū Gentes in lumine naturali consciētiā habeāt, vnum esse colendū summū rerum opificē, eaq; à nobis

August.

Hiere. 31.

In corde.

Psal. 118.

Consciētia.

præstanda aliis officia, quæ nobis metipsis optamus, per id ostendunt scriptitiâ gestare legem in cordib⁹ (*Et inter se inuicē cogitationū accusantū, aut etiā defendentiū*) Bone Deus q̄ isti græcissimi dilacerāt hoc loco autoritatē veteris interpretis, quàmq; aiunt oscitāter, quinimo ignoranter peruertisse hunc locū. Sunt enim græcæ ambæ dictiōes, cōsciētia, & cogitationū, in genitiuo, quarū vtraq; importare videtur vim ablatiui. Cū ergo transtulit, cōsciētia, in ablatiuo, eodē casu debuisset, inquit, traducere, cogitationibus. Et quidē confitendū est, quod luculētiōr fuisset versio, testimoniū red dēte cōscientia ipsorū, & inter se inuicē cogitationibus accusantib⁹, &c. vt, cogitationib⁹, esset appositio & quasi diffinitio cōsciētie. Et ita plurimi legunt authores latini. Imò verò sunt qui genitiuū, cogitationū, vsurpēt phrasi græca loco ablatiui: id quod nō apparet quā ratione fecisset interpret. Ob idq; dixerim potius, optimē sustineri genitiuū, qui regatur à noīe, cōscientia, iterū post coniūctionem subintellecto. In hoc videlicet sensu, Testimoniū reddente conscientia ipsorum, & conscientia cogitationū accusantiū, &c. Hic tamen sensus potest esse duplex, alter vt, cogitationum, sit obiectū cōscientiæ, quia esse homo potest cōsciū cogitationū suarū, sicuti externorū operum, atq; hoc pacto tuentur cōplures veterē interpretē. Ego verò facilius possem credere, vt, cogitationū, sit expressio materiæ, ex qua constat conscientia, vt quod dictum fuerat, cōscientia ipsorū, exprimat oratio subsequēs, conscientia cogitationū, hoc est, quæ constat ex cogitationib⁹, accusantibus aut etiā defendentibus. Nā illa est cōsciētia, dum ancipiti aīo vtrinq; ratio cogitationes adfert, iustum ne sit opus, an verò iniustū, honestū, an turpe vnde quandoq; rectam fert, quandoq; corruptam sententiā, siue accusando se, siue defendendo. Multi enim suæ iniquitati ignorantia prætexentes conuincētur in die iudicii à cogitatione, quæ accusabat, tale opus esse peccatum. Multi contra excusabuntur inuincibili ignorātia, quibus cogitatio, bona fide, persuasum debat licitum esse, quod faciebant (*In die qua iudicabit Deus occulta cordiū*) Non intelligas accusandos nos, aut defendendos, in die iudicii cogitationibus, quæ tunc erūt. Etenim quando oīm corda erunt patentissima, vel ad gloriam & laudem bonorum, vel ad dedecus, & cruciatus malorum, nulla futura est vacillans conscientia. Sed cogitationes ipsæ, quæ nos modo, vel consolantur, vel identidem com-

pungunt, superstitēs quidē tunc, vel secundū approbationē, vel secundū reatum, testimonium manifestū perhibebunt, quo vel iusti absoluantur, vel qui rei fuerint, condemnentur. Et est pulcherrima allusio ad illud, quod supra dixerat, Qui sine lege peccauerūt, sine lege peribunt. Etenim sicut factores legis iudicabuntur per legē, quæ ostendebat eis, quid sequi, quidq; deberent effugere, ita & gentes: quinimo oēs peccantes in ius naturæ, iudicabuntur per suas cogitatiōes, id ipsum proclamantes. Redarguet enim tunc vnumquemq; Deus (vt nobis per Psal. comminatur) et ante suā ipsiusmet faciem statuet, vt iuxta verbū Esa. agnitio vultus eorū respondeat eis, vnde vel cōfusione quisq; obruatur, vel perfundatur sempiterna gloria. Ecce quēadmodum cōscientia & in hoc seculo fiduciā parit, & in futuro gloriā, dicente Ioan. Si cor nostrū non reprehenderit nos, fiduciā habemus ad deū. Et Paul. Gloria nostra hæc est, testimonium cōscientiæ nostræ (*Secundū Euangelii meum*) Aliter supra vocauerat Euangelium Dei, aliter hic, suum. Est enim Dei authoris & reuelatoris: sed ait suum, tanq̄ ministri, id est, secundum quod euangelizare, docereq; soleo vos. Neq; veritus est dicere, Euangelium quod prædicabat esse suum, quāuis. i. Corint. i. baptisū, quo baptizabat renuat suum appellare. Quoniam cum baptisumus & gratiam conferat, & professio sit fidei, non potest propriē nuncupari, nisi Christi, per cuius vnus gratiam & fidem iustificamur. Euangelium verò non aliter sanctificationem operatur, quā mouendo audientium animos, quod ministris suo quoque modo conuenit (*Per Iesum Christum*) Non ad Euangelium, sed ad verbum, iudicabit, appositum est. Nam pater non iudicat quenquam, sed omne iudicium dedit filio. Puta cui, tanquam redemptori, vniuersale competit iudicium.

Si autē tu Iudæus cognominaris, & requiescis in lege, et gloriaris in Deo, & nosti voluntatē eius, & probas vtiliora instructus per legem.

Hic tandem peculiariter in Iudæis monstrat, quod superiori capit. præmonstrauerat in gentibus. Videlicet notitiam legis absq; operibus euanidam esse. Et quāuis nō tā foedē infandæq; vitiositatis hos, q̄ illos insimulet, tamen ex alia parte excusationem adimit: nimirum quod cum tot fauorib⁹ fuissent

Psal. 49.

Esa. 3.

1. Io. 3.

2. Cor. 1.

Euangelii
Pauli.

Iudeorum

omina.



fuiſſent præ gentibus à Deo cumu-
lati, vſq; adeo vt ſe orbis doctores profiterentur, eadem
ipſi delicta patraſſent, quorū reprehendo-
res venditabant ſeſe. Vbi & ad illa prima verba
huius capitis reſpicit, Inexcusa-
bilis es omnis qui iudicas. Et præterea amplifica-
t quod dixe-
rat, non audito-
res, ſed factores æſtimari apud
Deum, vtpote quod non ſolū facientes natu-
raliter legem ſine auditu, iuſti olim habeban-
tur, verum quod audito-
res cōtra abſq; opere,
peiores ſint exiſtimandi. Igitur cum in tertia
perſona locutus fuiſſet cū gentibus, apoſtro-
phe iam vtitur in ſecunda ad Iudæos, quæ ve-
hementiorem habet inſultandi acrimoniam.

Variatio
lectionis

Quidā græcorū codicū habent, *ἰσ*, quod eſt,
Ecce, quidam verō *ἰσ*, ſi tu autē Iudæus, &c,
vt traductio habet noſtra. In hac autē ſuggil-
latione Iudæorū magnificū ingenium Pauli
reſulget, vbi mirifica eloquentia eorū ſaſtum
retundit. Honeſtat quippe eos prius quinq;
prærogatiuis, quib⁹ præcellere ſe reliquis mor-
talibus arbitrabantur, mox quinq; actiones
ſubiungit, quas in alios vſurpabāt, vt inde ter-
tiō deiicere eos poſſit maiori cum rubore &
contumelia. Exorditur ergo à generis ac no-
minis claritudine (*Si autem tu Iudæus cognomina-*

Triplex Iu-
dæorum no-
men.

ris) Triplex erat Iudæis honorificentia nomē
vt ſcitē hic notauit Ambro. à tribus patriar-
chis deductū. Gloriabantur enim filios ſe fuiſ-
ſe Abrahæ ob fidei meritum, vt patet Ioan. 8.
Nuncupabantur & honoris gratia Iſraelitæ à
Iacob, qui propter auctam in ipſo eandē fidē,
appellatus eſt Iſrael. Vnde inter alia eorū ho-
neſtamenta ait Paulus, Iſraelitæ ſunt: & ego.
Tertiō dicti ſunt Iudæi, nō à Iuda Machabæo,
ſed à Iuda patriarcha, tū propter hitoriā, qđ
facta diuiſione tribuū, in tribu Iuda & Benia-
min, cuius caput erat Iudas, perpetuō durauit
lex & cultus Dei: tum maximē propter ſigni-

Gen. 49.

ficationē Chriſti, inde deſcēdētis. In cui⁹ figu-
rā benedixit ei pater ſuus dicens, Iuda te lau-
dabūt fratres tui, &c. Et ī Pſal. Facta eſt Iudæa

Pſal. 113.

ſanctificatio eius, Gentibus autē, Græcis ma-
ximē & Romanis hoc potiſſimum nomine ce-
lebrabatur popul⁹ ille. At nō, inquit, Iudæus
es, ſed Iudæus cognominaris. Vbi etiā vellicat
eorum arrogantiam, nō concedens illis rem,
ſed tantum nomen Iudæorū, vt de quibus cō-
cludere meditabatur, quod non eſt æſtiman-
dus verē Iudæus, qui in manifeſto circuncifio-
nem geſtat in carne, ſed is qui in ſpiritu circū-
cifus eſt corde. At meditatio hic præterea op⁹
eſt, quod verbū illud, Nō audito-
res legis, &c, quod hic exponitur, inductum ſupra fuit ad

cōfirmationē alterius, ſcilicet, quod Deus nō
ſit perſonarū acceptor: & ideo acutiſſimē hic
perſeuerat propalare perſonarum qualitates
quæ nihil habentur apud Deum. Non enim
propterea, quod Iudæus quiſpiā ſit, aut cuiuſ-
uis illuſtris proſapia, meliori loco eſt apud i-
pſum. (*Et requieſcis in lege*) Exiſtimanda eſt ar-
tificioſiſſima gradatio. A genere aſcendit ad
legē. Requieſcis, inquit, in lege. Orig. interpre-
tando addit, Omnem tibi requiem in legis li-
tera collocas. Quasi dicat, De hoc tibi places,
in hoc quieſcis, quod legē receperis, per quā
citra negotiū philoſophiæ, quæ agi debeant
certō cognoueris. Et ideo nihil mente vacil-
las, ſed firmū habens intellectum, requieſcis,
id eſt, nihil tibi amplius ad ſalutē deeſſe arbi-
traris, præter legem (*Et gloriaris in Deo*) A lege
aſſurgit ad Deum, id eſt, hoc tibi ad gloriam
ſatis habes, quod ſis peculiaris populus Dei.
Nempe de quib⁹ ſcriptū erat, Te elegit domi-
nus Deus tuus, vt ſis ei populus peculiaris de
cunctis populis, qui ſunt ſuper terrā. Ob quo-
rum ſalutem fecit magnalia in Aegypto, mira-
bilia in terra Cham, terrebilia in mari rubro.
Non tamen eos cōmendat à vera gloria, de
qua ait alibi, Qui gloriatur, in dño gloriatur:
ſed ſubnotat poti⁹ de vana, videlicet, quod
inde inſoleſcerēt, quod eſſent à Deo gentibus
prælati. Quinimo præpoſterē, vt ait Aug. de
ſpi. & lit. de Deo gloriabantur, non eo modo
quo poſtulat gratia, quæ nō operum meritis,
ſed gratuito donatur: at ita gloriabantur in
Deo, velut qui ſoli meruiſſent legē eius acci-
pere, quam ſua iuſtitia arbitrabātur implere.
(*Et noſti voluntatē eius*) Quartus aſcēſionis gra-
dus eſt, noſſe voluntatē Dei: quod munus eſt
legis. Nā manifeſtauit (vt eſt in pſal.) verbum
ſuum Iacob, iuſtitias & iudicia ſua Iſrael. Nec
fecit taliter omni nationi (*Et probas vtiliora*)
Explicatio eſt agnitę voluntatis Dei, quia ſci-
licet noſti per legē, nō ſolum bonū & malum
ſed bonū & melius. Spectās fortāſſe ad illud
Eſa. 48. Ego dominus docēs te vtilia. Vel for-
ſan eſt auxeſis. Noſti nō ſolum præcepta mo-
ralia, vti gentes per lumē naturæ, verū et ipſa
eadē multo perſpectius quantū ad Dei amo-
rem pertinent & proximi, quod erat maxi-
mum mandatū in lege, & in ſuper alia eximia
(vt legit Chryſo.) Et alludit fortē ad cerimo-
nialia & legalia, per quæ (ſi fiebant ex gra-
tia) cumulatio-
rior fiebat iuſtitia. Vel ſuggerit
conſilia, quæ adhibita erāt præceptis. Et ideo
addit, Inſtructus per legem, Neq; verō ait, fa-
cis voluntatem Dei, aut vtiliora: ſed, noſti &
probas,

Orig.

Deut. 7.

1. Corin. 1.

Aug.

Pſal. 147.

probas, vt in omnibus his quinq; descriptas intelligas qualitates personarū, quas Deus nō respicit, quia in his nō cōsistit iustitia: imō cū eiusmodi priuilegia, beneficia poti⁹ essent diuina, q̄ ipsorum merita, inde eos magis pudefacit, redarguitq; vrgentius ingratitudinis.

Confidis teipsum esse ducē cæcorū, lumē eorum, qui in tenebris sunt, eruditorē insipientiū, magistrū infantiū habentē formā scientiæ & veritatis in lege.

Subscribit quinq; continuò munera superioribus priuilegiis respondentia, quę pertinent ad ignorantium eruditionem, qua itidem præstare se gloriabantur exteris nationibus. Et alludit hic Paulus, tū ad profelytos, quos ad se venientes catechizabant, eruditosq; recipiebant in contubernium legis, tū ad iurgia Romanorū, Quoniam conuersi ex Iudaismo vsurpabant sibi magisteriū in alios. Hæc pariter quinq; gradatim effert per omnes ignorantie disciplinæq; numeros. Prima enim inscitie causa est, cū quis caret potētia: seu visu, dico, mētis, seu lumine. Qui orbi enim sunt oculis nō possunt doceri viā, sed tantū duci, Et ideo ait, (*Confidis teipsum esse ducē cæcorū.*) Non inquit, es, (nam hoc, officium esset) Sed confidis, vt iactantiam eorū exulceret. Atq; hoc respondet primæ dignitati, qua dixerat, Iudæus: quasi inde posset tanquā videns (quoniam notus in Iudæa Deus) cæcos gentiles ducere. Qui autem visu pollēt, luminis præterea egent. Ob idq; subdit, (*Lumen eorum, qui in tenebris sunt*) Qui gradus respondet superiori, Quiescis in lege, sanē quę lumē est. Vnde lex domini (inquit Psal.) immaculata, cōuertens animas: præceptum domini, lucidum, illuminans oculos. Illi autem qui visum habent & intellectus lumen, eruditione nihilominus indigent, vel consummatoris sapientiæ, vel primorum rudimentorum: propter priores ait, (*Eruditorem insipientium*) Et refertur ad tertium suprapositū gradum, gloriaris in Deo. Nam nulla est alia sapientia, q̄ nosse Deū: Propter posteriores verò subdit (*Magistrum infantiū.*) Qui est effectus notitię voluntatis Dei, quarto loco supra nominatæ. Secundum hanc etenim subiicienda sunt prima religionis rudimenta. Concludit deniq;, Habentem formam scientiæ & veritatis in lege. Formam, scilicet, nō rē. Sicuti concluderat in superiori ordine. Probas vt iliora instruct⁹ per legē, Veluti ait

Psal. 18.

Chrys. Formā. i. imaginē & exēplar veritatis, *Chrysost.* quam opere nō imitaris: cū tñ gētes sine tam expresse exēplari ductum naturæ sequuntur.

Qui ergo alium doces, teipsum non doces? qui prædicas non furādum, furaris? qui dicis nō mœchādum, mœcharis? qui abominaris idola, sacrilegiū facis? qui in lege gloriaris, per præuaricationem legis, Deum in honoras? Nomen enim Dei per vos blasphematur inter gentes, sicut scriptum est.

Chrysost. interroganter legit. Et habet vim quandam, maioremque vehementiam obiurgandi. Sed potest & remissius legi assertiuē. Estq; superiorum conclusio, quinque pariter membrorum. Primum nanquē concludit in genere (*Qui ergo alium doces teipsum non doces?*) Quo opprobrio illos respergit comparatione ad laudem supra memoratam gentium, qui legem non habentes, ipsi sibi sunt lex. Quasi dicat, illi absquē lege instituunt sese, vos autem per eam, qua alios profitemini instituere, nequaquam erudimini. Exauget enim iugiter eorum crimē, sanē quòd non solum auditores legis non facerent, quæ gentes sine auditione faciebant, sed quòd cum legis se quoquē doctores venditarent, non agerent, quæ docebant. Mox in specie id subdit explicatius per duo crimina in proximos, perq; duo sacrilegia in Deū. (*Qui prædicas non furandū, furaris.*) Hoc furtum Orige. & Ambro. mysticē interpretantur, sicuti & mœchiam. Nempē quòd aduentum Christi manifestum furabantur, id est, celabant, & relicta lege euangelica, adulterium faciebant cum synagoga. Sensus autem literalis non est, nisi quòd Iudæi per legem oculatius nouerant, atq; ideo prædicabāt grauitatem furti, & grauitatem adulterii, ac pariratione totius decalogi, quàm gentes, & tamen nihilo sanctius eadem obseruabant. Vnde idem pollet quod addit, (*Qui prædicas non mœchandū, mœcharis?*) Extabant enim ambo præcepta hæc in decalogo tanquam lethalia crimina, cum explicatissima prohibitionē, nō modo operis, sed cordis. Non concupisces domum proximi tui. Non desiderabis uxorem eius, non seruum, non ancillam, non bouem, nō asinum. Et pro vno boue quinq; repeteban-

Origene.

Exod. 20.

Leuit. 16.

petebantur, pro vna ouicula, oues quatuor. Sed & de adulterio cuius moeche, neq; non & adulteræ decretum erat capitale supplicium, Gentibus autem neq; erat tam lucida notitia neq; tā districta animaduersio. Ob idq; maiori erant Iudæi vituperio digni. (*Qui abominaris idola, sacrilegium facis?*) Subdit primum impietatis crimen in Deum, atq; adeo imprimis de pudendum idololatriæ. Quæ præcunctis aliis erat in lege abominabile. Nihil enim ita erat frequenter, verbisq; tam vrgentibus cautum, q̃, Non facietis vobis idolum & sculptile, nec titulos erigetis, neq; insignē lapidē ponetis in terra vestra, vt adoretis eum. Ego enim sum dominus Deus vester. Et Deut. 7. Iubebantur aras idolorū subuertere, confringere statuas, lucosq; succidere, & sculptilia comburere. Et tandē, Nec inferes quidpiam ex idolo in domū tuam, ne fias anathema. Quali spurcitiā detestaberis, & velut inquinamentum ac fordes abominationi habebis; quia anathema est. Adeo erat execrabilis idololatria, vt nec tangere illis liceret idolothyta, Et hoc est qd' ait, Abominaris, scilicet, per professionem legis. Et tamen sæpissimē, atq; adeo fœdissimē illa polluti fuerunt impietissima abominatione: vt ab initio statim receptæ legis constat, quando aurum conflagrant in execrandū vitulum, & historiis, tum Salomonis, tum sacris aliis cōpluribus scriptū est. At idololatriā vocat hic sacrilegium, quod est sacrorū violatio ac cōtaminatio (*Qui in lege gloriaris, per præuicationem legis Deum in honores?*) Cum lex diuinitus posita, regula sit diuinæ voluntatis, neq; nisi diuino munere obseruetur, obseruatiua eius & obedientia natura sua cedit in gloriam Dei. Iuxta illud, Sic luceat lux vestra coram hominibus, vt videant opera vestra bona, & glorificent patrē vestrum qui in cœlis est. Vice versa nulla re magis periclitatur diuinus honor apud exterarum nationes, q̃ cū populus, qui imaginem gerit peculiaris familiæ Dei, cuiusq; curam ipse propriè fert, legē cōtemnit, quā profitetur. Nanq; ob corruptos mores protinus blasphematur doctrina fidei vt author est Apostolus. i. Tim. 6. deinde nomen ipsum Dei, vt prophætæ deplorant, quib' locis hic citatur ab Apostolo, vbi ait, sicut scriptū est, Esai. 52. Dominatores eius iniquē agunt, & iugiter tota die nomē meū blasphematur. Et Ezech. 36. Polluerūt nomē sanctum meum, cum diceretur de eis, Populus domini iste est, & de terra eius egressi sunt. Et, Peperci nomini sancto meo, nō propter vos, sed p-

pter nomē sanctū meū, quod polluistis in Gentibus, ad quas intraistis. Potest præterea hoc etiā in sensu literalī referri ad tēporis articulum aduentus Christi. Nam cum in hoc potissimum lex illa data fuisset, vt populus de eodem aduentu Mesiæ instrueretur, (de quo ipsi gloriabantur) inde præsertim fiebat gentib' mysteriū illud creditu difficile, quod populus tot annorū centuriis illam edoctus legem, suū aduenientē Mesiā non agnosceret. Et ideo non solum perse ipsi blasphemabāt Christum, cui improperebant, quod in Beelzebub principe dæmoniorum eiiceret dæmonia, verū ob ipsorummet incredulitatem blasphemabatur ab Ethnicis, negatibus eius deitatis. Et cū ait, inhonoras, antithesi & contrapositione vtitur. Ac si dixisset, cū te tam eximiis honoris iam recensitis titulis Deus honestauerit, tu cōtra, eū turpiter de honestas. Sed vtinam ad nostra hæc turbulenta, luctuosaq; tempora non tam appositē accōmodari posset hic idē locus. Nam si tunc idcirco despiciabilis ac deridicula erat Gentibus lex Iudæorū, quod qui professores prædicabant sese vērū Dei, eisdem vitiis contaminatos cernebāt quibus & nationes alias: nos modo Christiani, qui Deum pro nobis e cœlo delapsū, & in carne pertulisse mortē crucis, profitemur, quam putas inquinatissimis nostris moribus ansam offerimus infidelibus exprobandi, & subfannādi, ceu cōmentitiā, legē nostrā, blasphemandiq; subinde nomē Dei nostri? Quin verò hanc heresum quam patimur truculentā pestem inde compertissimū est fuisse subortam, indeq; nutritam, quod qui ex nobis prodierunt, videntes iuxta verbū Esaiæ, Dominatores nostros iniquē agere, legesq; perfundare, leges ipsas cœpere nihili pendere, Ecclesiæ autoritatē denegare, prælatos conculcare, ac deniq; fuggillare doctrinam fidei.

Tempora nostra.

Esai. 52.

Circuncisio quidem prodest, si legem obserues, si autem præuicator legis sis, circuncisio tua præputium facta est. Tertia pars capituli.

Quod de lege hætenus constituit, id de circuncisione in hac tertia parte huius capituli persequitur. Nempē quod quemadmodū, recepisse legem, nullius erat laudis apud Deum, ita neq; circuncisiam gestare carnem, nisi legem seruassent: atq; adeo incircuncisos Ethnicos non minoris esse existimationis, si eadem præcepta naturæ compleuissent: vt equa constare

Circuncisio flaret rō totius humani generis. Ambro. quē nūnulli fecerantur, nomine circuncisionis non intelligit, nisi genus illud, populūq; Abrahe, per quē fuit recepta circūcisio, veluti nomine praputii designatur gētilitas. Et secundū hāc glossam nihil sibi vellet noui Paul⁹ hoc loco, sed in eadē re perseveraret: cōfirmās, nihil p- fuisse legis receptionē, quia neq; pderat esse illius familię, nisi legē custodiētibus. *Orige.* autē intelligit hic spūalem Chriastianorū circūcisionē. Haud tñ dubiū est (vt reliquus existimat doctorū cōtus) quin de ipso sacramento circūcisionis ineat hic sermo, quē cap. 4. late prosequitur. Nā de vtrāq; gloriabatur. s. de lege & circūcisione. Quā ppter ne reclamarēt, nihili Apostolū circūcisionē aestimare, praeuenit eorū querimoniā, dicēs, circūcisionē prodesse, nimirū ad delendā originālē culpā. De cuius quidē vsu atq; effectu nō nihil paulō ante praelibauimus, sed plenē cap. 4. dicturi sumus. Quod verō ad rē modo spectat, est, circūcisionē illis penitus profuisse, qui legē obseruassent. Erat enim protestatio quādā legis, si cuti nūc baptisimus, vbi populus ille nomina dabat, addicebatq; sese legi, iuxta verbū Paul. *Gal. 5.* Testificor omni circūcidētise, quoniā debitor est vniuersę legis faciendę. Et idcirco paruuli circūcisi qui in prima infantia morentur, absq; alio legis officio per illā professionē fidei seruabatur, tñ qui vsq; ad discretionē boni & prauī vixissent, si legē pręuaricabantur, ā gratia decidebāt circūcisionis. Et hoc est qd' subdit, Si autē pręuaricator legis sis, circūcisio tua pręputiū facta est. i. perinde habes, ac si nō fuisses circūciscus, sed mānsiles pręputiatus. *Hiere. 4.* Vnde Hiere. Omnes gētes pręputiū habent, domus autē Israel incircūcisi sunt corde. Quinimō non modo circūcisio iā inde frustranea erat, verū & peior ex eo fiebat Iudæi cōditio, quōd fidē promissi abnegasset. Nā displicet Deo (vt est in Eccle) In fidelis & stulta promissio. Intelligitur autē circūcisio profuisse ante euulgatū Euangeliū. Nā de hoc nostro tēpore ait eodē loco ad Galat. 5. Si Circūcidimini, Christi⁹ vobis nihil proderit. Et perspice quā oratio hęc superiori coaptetur. Circūcidi enī nihil aliud erat, quā audire, quod est, recipe re legē. Vnde sicut nō auditores, sed factores legis iusti reputantur apud Deū, ita neq; circūcisi, nisi legem rebus gestis designent.

Si igitur pręputium iustitias legis custodiat, nōne pręputiū illi⁹

in circuncisionem reputabitur? & iudicabit id quod ex natura est pręputium, legem consummans, te qui per literam & circuncisionem pręuaricator legis es?

Quemadmodū supra ad demonstrandum, quōd non auditores, sed factores legis iustificantur, induxit Ethnicos factores legis, quam nō audierant, ita & nunc eosdē adducit incircūcisos, implentes nihilominus legem. Si igitur pręputium, id est, pręputiata gentilitas, iustitias legis, id est, moralia pręcepta custodiat, nonne pręputium illius in circuncisionem reputabitur? id est, perinde erit eis apud Deum, ac si fuissent circūcisi? Huius autem ratio est, quōd ad circuncisionem non tenebantur. Nisi Iudæi. Secus enim loqueretur de lege euangelica, extra quam non sufficit impleri totum ius naturę. Et iudicabit, id est, accusabit seu condemnabit, id quod ex natura est pręputium, id est, gentilitas: legem cōsummans, hoc est, implens legem naturę. Te, qui per literam, puta per approbationem scriptę legis, & circuncisionem, pręuaricator es legis? Non quōd circūcisio causa esset pręuaricandi, sed quōd existens circūciscus pręuaricar legem. Quapropter non ait, pręputiū iudicabit circuncisionem, sed, te. Id quod ex natura est pręputium, periphrasis est, & illustratio pręputii gentilium, quod non erat eis voluntaria culpa (eo quōd non tenerentur illud rescindere) sed res naturalis. Ad differentiam pręputii, quod si aliquis Iudæus haberet, esset illi voluntarium crimen. Et ideo licet legem impleret, nihil ei prodesset. Iudicabit, autem perinde est, atq; illud Euangelii, Viri Niniuitę surgent in iudicio cum generatione istā, & condemnabunt eam. Et, Regina Austri surget in iudicio cum generatione istā, & condemnabit eam.

Nō enim qui in manifesto, Iudæus est: neq; quæ in manifesto in carne, est circūcisio: sed qui in abscondito, Iudæus est: & circūcisio, cordis in spū, nō litera. Cuius laus nō ex hominibus, sed ex Deo est.

Subscribit tādē alsignatq; rōnē factę equi- paratiōis inter Iudęos & Gręcos. Nēpē quōd apud Deū diuersa sit rō tā Iudæi q̄ Gręci, ab illa

Matth. 12.

illa q̄ est apud homines. Etenim apud ipsum, nō quī manifesto. (scilicet habet charactē Iudēi) Iudæus est. Sunt enim orationes istæ mutilæ, sed nihilo habētes minus venustatis in sua eclipfi. Neq; q̄ in manifesto in carne (videlicet facta est) illa est vera circūcisio: sed qui in abscondito, puta in animo Iudæus sit, ille verē Iudæus est, & circūcisio cordis in spū, illa est vera: nō litera, hoc est, nō autē illa, q̄ tantū est secundū literā. Vnde Phil. 3. Nos sumus circūcisio qui in spiritu Deo seruim⁹, Iudæus in abscondito, hoc est in animo, nō dicitur ppter ea, q̄ ad iustificationē necessariū esset Gentibus votū circūcisionis, sicuti nunc est baptismi, sed propterea q̄ cū foris in carne nō haberēt signaculū Iudaismi, seruaret nihilominus morales præceptiones legis. Pari modo intelligitur circūcisio cordis. Habet enim pudēda illa particula, quæ abscissione pelliculæ detegitur nōnullā imaginē cordis. Et ideo per similitudinē illi⁹ dixit Moses, Circūcidite duritiē cordis vestri. Et Hierē. Circūcidimini in dñō & auferte præputia cordiū vestrorū, id est, euellite idololatriā, q̄ præputiū est gentiū, ex pectore vestro. Atq; ad eundē modum vocat in præsentia circūcisionē cordis in spiritu, puritatē mētis. Iubebantur namq; (vt est in Genesi) circūcidere carnē præputiū in signū fœderis: quo abrupto, circūcisio reddebatur infrugifera (Cuius laus nō ex hoībus, sed ex Deo est.) Bellissima est cōclusio: relatiū enim, cuius, Iudæum refert, & est sensus, quod ratio hæc Iudæi, circūcisionisq; veritas, nō est estimāda ex probatione & cōmendatione humana, quæ recōditas rerum causas nō penetrat, sed ex Deo, cordiū inspectore. Cui⁹ enim ope ver⁹ Iudæus sit, quicūq; talis est, ei⁹ solius iudicio perpēditur.

CAP. TERTIVM.



Vid ergo amplius Iudæo est: aut quæ utilitas circūcisionis. Multū per omnem modum, primum quidem: quia credita sunt illis eloquia Dei.

Primum propositum Pauli in his quatuor capitulis (vt in primo dicebamus) est necessitatem asserere gratiæ Christi, vtpote sine qua nullius opera legis, efficacia esse possunt salutis. Ad cuius demonstrationem hanc ha-

tenus constituit parem rationem inter Iudæos & Græcos, quod habere cognitionem legis, siue naturalis, siue scriptæ, nullius pretii est apud Deum, sed qui faciunt opera legis, grati sunt Deo, iustiq; habentur: neq; verò Iudæis circūcisionem absq; legis custodia frugi extitisse. In hoc autē capite duo sunt præcipua membra. In primo namq; demonstrat, quod neq; genus neq; aliud personale priuilegium eisdem Iudæos iustificabat neq; in his præstantiores erant Græcis: sed vniuersos ait mortales æqua sorte complicatos fuisse delictis: ob idq; omnes egere diuina ope & fauore. In secundo autem membro, cuius initiū est, Quia ex operibus legis, exorditur differere hominis recōciliationem, nō ex operibus, sed ex fide & gratia Dei fieri: quæ ideo fides & gratia necessariæ prius sunt, quàm legis opera iusta habeantur apud Deū. Discutit ergo in hoc priori membro interrogationes, seu quæstiones duas. Enimvero cum eousq; visus fuerit deieciisse Iudæos, vt nullum eis præ Gentibus reliquerit priuilegium, concludens, nullam esse apud Deum discrepantiam, sed solum illum qui in abscondito est Iudæus, & illam, quæ cordis est spiritualis circūcisio, ab eo reputari, illico emergit inde quæstio prior de Iudæis (Quid ergo amplius Iudæo est?) Hoc siquidem generosum nomen, præter legem & circūcisionē, erat quod maximè ducebant gloriosum. Aliqui transferunt, Quid igitur habet, in quo præcellit Iudæus, sed profecto ineptè: quia hic non est de excellentia meritorum sermo, (quinimò subdit paulò post, nihilo Iudæos præcellere gentibus) sed de iis priuilegiis, quibus propriè De⁹ Iudæos, tanquàm suum peculium, illustrauerat. (Aut quæ utilitas circūcisionis?) Quasi dicat, Nunquid audisse auribus legem & carnali insigniri circūcisionis charactere, quo internotus erat populus ille in toto orbe, selectusq; in singularem cultum Dei, nihil erat? Respondet, multum, & id quidem per omnem modum. Quidam textus Græci habent, multa, scilicet utilitas: sed parum refert. Est enim prudentia Pauli inter Iudæos ac Græcos sic arbitrari, vtrunq; populum eatenus laudare, quatenus nequeat extollentiæ ansam arripere, ac neutrū eousq; deprimere, vt ius alterius violet, (Primum quidem. etc.) Incipit enarrare priuilegia. Quorum primum est, quod credita sunt illis eloquia Dei. Quamquàm Origen. primum, non refert ad ordinē priuilegiorum, sed ad verbum credita, videlicet,

Significatio
pellicula cir-
cuncisæ.

Distributio.

Interrogatio
primo.

Iudæus.

Variatio tra-
ductionis.

Priuilegia.
Iudæorum.

Orige.

cet,

cet, quod quauis post fuerint etiam gentibus eloquia credita, prius tamen fuerunt recepta Iudæis. At quia non dicit, Quod primum credita sunt: sed primum quod credita sunt, primum, videtur referri ad ordinem prærogatiuarum. Et ait, primum, quia per totam ferè epistolam denarrat eorū priuilegia: ob idq; dixit, inultum per omnem modum. Sed conspice, vt non enarret aliquod rectè factum Iudæorum, sed solum Dei beneficia. Quorum hoc planè maximum fuit, quod inter omnes mortales disquisiisset Deus Abraham, quin potius dignum fecisset, cui in aurem loqueretur, cuiq; arcana cōcederet venturi Messia: atq; adeo accepta dataq; fide, & Deus mittendum filium promitteret, & Abraham vicissim obedientiam. Ac deinde per Mosem legem verbo tradidisset. Vnde Dauid, Non fecit taliter omni nationi, & iudicia sua non manifestauit eis. Et Moyses, Interroga de diebus antiquis, qui fuerunt antè ex die, qua creauit Dominus hominem super faciem terræ, si facta est aliquando huiusmodi res, aut vnamquam cognitum est, vt audiret populus vocem domini loquentis de medio ignis, sicut tu audisti & vidisti, &c. Non enim tanti celsitudo mysterij communicanda ex templò erat toti orbi, ne margarita conculcetur inter porcos, sed selectæ familiæ erat committenda, quoadusq; mūdus adolereset in virum idoneum, cui promissus mitteretur. Quare non modo sanctis patribus (vt bene agnouit Chrysost.) sed toti Iudæorum genti credita sunt oracula. Quorū illos idcirco protinus reprehendit, qui non crediderunt.

Quid enim si quidam illorum non crediderūt? Nūquid incredulitas illorū fidem Dei euacuauit? Absit. Est autem Deus verax, oīs autē homo mendax, sicut scriptū est, Vt iustificeris in sermonibus tuis, & vincas cū iudicaris.

Occurrit hac interrogatione illis Paulus, qui possent in hac vita aduersus ipsum insurgere. Quauis populo illi cōcrediderit Deus oracula sua, suumque fuerit pollicitus filiū, illi tamen vice versa non credentes Deo, irritam fecerunt fidem eius, causaq; extiterūt, ne obligatam illis fidem seruaret. Anteuertit, inquam, Apostolus eos, quos sic prospiciebat argumentaturos: respondens, quod

incredulitas eorū non euacuauit fidē Dei. Et est verborū resonantia, dum dixerat, Credita sunt eis eloquia Dei: & subdit, quidam illorum non crediderūt. Hic locus est, quem, ni fallor, illustrissimum existimo, ad explicandum, tum Iudæorum errorem, tum præcipuè veritatem, quam Paulo in hac epistola propositum est adstruere, vt in prologo adnotauimus. Dubitare hic nanq; quis potest, quibus hic velit Paulus respondere, vtrū gentibus, volentibus hac argumentatione labefactare dignitatem Iudæorum, eò q̃ non crediderunt: an verò Iudæis, plus nimio illa superbientibus dignitate, quod credita sunt eis eloquia Dei. Et fortasse, in omnia perspicuus & intentus, vtrisque respondet, nihilominus potissimum Iudæis. Coniecturam enim hoc loco nobis facit Paulus, ita desipuissē Iudæos, vt crederent, promissum sibi fuisse saluatorē, quasi stipulatione quadam, nempe si ipsi vicissim credentes Deo fidem seruassent & legem. Et idcirco postea, tanquā illis debitum, aiebant aduenisse. Quò accedit, vt illic dicebamus, q̃ Iudæi arbitrabantur, operibus legis promereri diuinam gratiam: de quo errore redarguit eos Paulus in hac epistola: cū ergo notissimum esset, Christum aduenisse tanquam authorem gratiæ & salutis, consequens fit, vt vnā cogitarent, se promeruisse eisdem operibus aduentum eius. Paulus verò contrā intendit docere, quod promissio venturi Dei non fuit facta sub conditione aliqua, dependente ex hominum fide, vel volūtate, vel operibus. Ob idq; sicut Christus gratis promissus fuit, ita non venit ob aliquod debitum, sed vt Deus suam liberaret fidem, promissionem implens. Et ideo ait, q̃ licet quidam eorū non crediderunt, incredulitas illorū non euacuauit, id est, imminuit, vel infirmavit fidem Dei. Quocirca (quātum mea fert existimatio) nō dixit particulariter & indefinite, Quidam eorum, vt innueret, q̃ quorūdam perfidia non debuit officere aliorum fidei, ob quorum meritū & dignitatē venit. Non enim ait, nisi quod incredulitas hominum non euacuauit fidem Dei, suggerens quod quauis (vt Chrysost. sentire videtur) nemo credidisset, nec legi nauasset operam, nihilosecius venisset ad persoluendam promissionis fidem. Sed ait, Quidam eorum, quoniam multi ex patribus crediderunt. Hoc veruntamen fatendum est, q̃ aduētus nō fuit efficax nisi credulis: quippe quib⁹ solis Christi redēptio, & passionis eius participatur effectus. Quocirca nō

Iudæorum error.

Coniectura de promissio Messia.

Quidam eorum.

Fides. accipitur hic, fides, pro fide nostra, qua credimus Deo, sed pro fidelitate, puta pro firmitate, stabilitate, & constantia veritatis Dei. De qua alibi Paulus, Fidelis est qui repromisit.

(Est autem Deus verax, omnis autem homo mendax)

Abscissum hoc est ex Psal. 115. Vbi habetur,

Verax. Ego dixi in excessu meo, omnis homo mendax. Verax hic non solum significat, vel actum, vel consuetudinem dicendi veritatem, sed negationem potestatis mentiendi, sicut, mendax, potentiam dicit ac morem mentiendi. Ac si dixisset, Mendacium hominis nihil vel detraxit vel detruuit diuinæ fidei. Quoniam nullus est homo, qui non mentiatur: Deus autem mentiri nescit.

Causa falsitatis.

Causa enim falsitatis in dictis cuiuspiam altera duarum est, nempe quod habet, vel mentem falsam, vel prauam voluntatem. Primum homini inde accidit, quod veritatem a rebus sumit, ut, quia res ita sunt, taliter iudicat: in quo proinde sæpe decipitur, Deus autem non accipit veritatem ex rebus, sed causa ipse potius est rerum. Etenim quales res fore iudicat, tales efficit. Et ideo nequit inde falli. Voluntatem autem ex eo potest homo habere prauam, ut studio mentiatur, quod cum non sit ipsamet bonitas, nec veritatis regula, potest ab illa discordare: Deus autem, cuius voluntas & veritatis regula idem sunt, non potest distortam habere a veritate voluntatem, ut aliud nobis enunciet, quam mente habeat. Et hic est sensus Pauli, Deus fidelis est, negare seipsum non potest. Nempe quod cum per se ille sit ipsissima veritas, si veritatem declinaret, seipsum negaret. Quod

Ionæ. 3.

4. Reg. 20.

Propheta

commina

tionis.

si contra obijcias illud Ionæ. 3. Adhuc quadraginta dies & Niniue subuertetur. Et. 4. Reg. 20: ad regem Ezechiam, Morieris tu & non viues. Quæ prophetiæ non sunt completæ. Respondetur, duo esse genera prophetiæ: Alterum comminationis, quod non prædicitur, quasi sit omnino futurum, sed secundum præsentia hominum merita, si non mutetur. Iux-

Hierem. 18.

ta illud Hierem. 18. Repente loquar aduersus gentem & aduersus regnum: ut eradicem & destruiam, & disperdam, & dissipem illud: Si poenitentiam egerit gens illa, &c. Agam & ego poenitentiam super malo, &c. Alterum genus est prophetiæ prædestinationis, quæ ceu simpliciter implenda profertur, Illud Ionæ est prioris generis: promissio verò Christianæ salutis, posterioris, quæ nihil à nobis dependet. Promissio, inquam, venturi Christi, quoniam applicatio passionis eius singulariter ad membrorum salutem, & à sacramen-

to pendet quidem in paruulis: & in adultis à peculiari præterea cuiusque fide & assensione. Quoniam nemo, nisi qui crediderit, & baptizatus fuerit, saluus erit. Sed neque hoc modo cuiuspiam incredulitas fidem Dei euacuat. Etenim cum non fuerit pollicitus saluare, nisi credentem, non frangit fidem, dum incredulum non seruat. De Iudæorum autem incredulitate latissime patet scripturæ testimonia. *Iudæorum incredulitas.* Neque enim olim vel Deo vel prophetis, neque demum Christo præstiterunt fidem. Et utranque hic vellicat eorum incredulitatem. Ait enim David, Non crediderunt verbo eius. Et Christus ipse, Si veritatem dico vobis, quare vos non creditis mihi? Et causa quare non crediderunt Christo, fuit, quia non crediderunt Moysi, quantum ad verum futurorum intellectum. Vnde si credidissetis, inquit, Moysi, utique & mihi credidissetis. (Sicut scriptum est, ut iustificeris, etc.) Congeminat & alterum testimonium ex Psal. 50. eidem sententiæ accomodatissimum. Vbi enim David tanta animi angustia & mœrore veniam deprecatur flagitij scelerisque sui, nulla propria merita ante oculos Dei ponit, sed ipsius fidem, pollicentis veniam confessis crimina. Et ideo ait, Tibi soli peccaui (quoniam peccatum non esset, nisi quia contra legem tuam) miserere mei, ut iustificeris: hoc est iustus habearis atque censearis in sermonibus tuis, & vincas cum iudicaris, id est, cum te homines iudicauerint, hoc est, tecum expostulauerint in extremo iudicio, an promissa constanter persolueris, & ipsis quoque perfidis, qui fidem tibi promissam defregimus. Et alludit ad promissionem sibi à Deo factam de semine suo, sub his verbis, Ego ero ei in patrem, & ipse erit mihi in filium: qui si iniquè aliquid gesserit, arguam eum, &c. Misericordiam autem meam non auferam ab eo. 2. Reg. 7. Et de particularibus repromissionibus Levit. 26. Orabunt pro impietatibus suis, & recordabor fœderis mei. Et Deut. 30. Si ductus poenitudine cordis reuersus fueris ad Deum, reducet te ac miserebitur tibi. Et Ezech. 18. Si impius egerit poenitentiam, &c. Quapropter ubi Deus per prophetam Esa. 43. Criminationem præuaricantis populi proposuit, mox subdit, Reduc me in memoriam, & iudicemur simul: narra si quid habes ut iustificeris. Quibus verbis dies iudicii extremi designatur, ubi non solum Iudæorum, verum nemo omnium existeret, qui fidem non fregerit Deo, ipse verò solus iustificabitur, qui promissorum fidem, nec minima

ex parte

Fundamen-
tum Pauli.

Matth. 15.

Euacuauit.

ex parte cassauerit. Nulla ergo Iudæis reliqua sit occasio, vnde possint gloriam sibi arrogare, quandoquidem non propter eorum merita Deus stetit promissioni suæ: sed propter suam ipsius fidem. Et est considerandum, hanc sibi Paulum præstruxisse veritatem, vt viam sterneret ad principalem cõclusionem, quòd non ex operibus legis, sed ex fide Christi iustificamur. Quòd si Gentilis ex hinc colligeret, nullam ergo fuisse Iudæorum prærogatiuam, quòd facta illis fuerit promissio, & illis quoque respondet Paulus, quòd licet nõ fuerit eorum meritum, fuit tamen diuinum beneficium, quod præ cæteris gentibus illis propriè pollicitus est Deus, quem erat vniuersalem redemptorem missurus: iuxta suum ipsius verbum, Non sum missus nisi ad oues quæ perierunt domus Israel. Quidam non in præterito, euacuauit, sed in futuro, euacuabit, legunt. Sed nihil ad sententiam refert. Sicuti nihil interest, seu dicas, sit autem Deus verax, seu, est, seu, fiat optatiuè, vt ait Orige. Est enim græcè *ῥησιδω* in imperatiuo, & fortè interpretis vertit, esto, & vitio librariorum deperijt litera, o.

Si autem iniquitas nostra iustitiam Dei commendat, quid dicemus? Nūquid iniquus est Deus, qui infert iram? Secundum hominem dico. Absit, alioquin quomodo Deus iudicabit hūc mundum?

Blasphemia.

Intentio hīc Pauli perspicua est, omnibusque expostitoribus compertissima, litera tamen, non ita lucida: quoniam varijs modis, licet eodem tendentibus, induci potest. Cum enim inde fidem, iustitiamque Dei meritisumò extulisset, quòd etiam infidis fidelis est, & iniquis iustus, quidam nequā homines, ac veritatis irrisores exinde colligebant, per iniustitiam nostram atque perfidiam directè commendari, hoc est, illustrari & magnificari iustitiam & veritatē Dei. Quare duas subinde ratiocinationes extruebāt. Priorē sic, Si iniquitas nostra iustitiā Dei cõmendat, fit, vt ex nostra peccantiū iniquitate accrescat illi gloria & honor: atque adeo non sit digna, quæ dicatur iniquitas. Quinimò Deus dum nobis peccantibus irascitur, iniquus est potius: iniquus quippe haberetur rex, qui illos supplicio afficeret, qui suā ipsius gloriā magnificaret. Hāc

blasphemam delusionem recutit hoc loco Paulus, atque posteriorē in subsequenti textu. Quod verò ad phrasin & literæ inductionem *Phrasis Pauli.* attinet, anceps oratio est. Haud enim satis constat, an Paulus intendat negare antecedens hypotheticæ consequentiæ: scilicet, iniquitas nostra iustitiam Dei commendat, an verò, illo concessio, negare consequentiā: ergo iniquus est Deus. Aliqui (vt Sanctus Tho.) meditantur, occasionem arguendi vafros illos homines sumpsisse ex illa proxima coniunctione, vt iustificeris, sinistrè intellecta in sensu causali, quasi Dauid eo proposito peccasset, vt Deus iustificaretur, eiusque commendaretur iustitia: & ideo neque illum, neque alios peccatores esse dignos ira Dei. Ob idque Paulus velit ostendere, quòd illa coniunctio non est causalis, sed consecutiua. Itaque licet ex peccatis consequatur gloria Dei remittentis, non tamen fiunt illa voluntate. Secundum quam expositionem alicui videretur Apostolus negare antecedens præfactæ rationis, scilicet quod iniquitas nostra commendat iustitiam Dei, quia nemo illo fine delinquit. At verò fortasse (licet perparum distet) alia potest esse verborum explicatio, vt non intendat negare antecedens, sed consequentiā. Nam primum coniunctio illa, vt iustificeris, apud Psal. *Vt iustificeris.* forsitan refertur nõ ad verbum proximū, tibi soli peccaui, sed ad primum, Miserere mei: vt sit sensus, Miserere, vt iustificeris. Et quanuis referretur ad, tibi soli peccaui, nemo esset adeo hebes, qui suspicaretur significare, causam esse, & intentionem peccantis, vt Deus constitueretur iustus, cum sit sole clarius, non designare nisi consecutionem & euentū, scilicet, ex eo quòd peccata sunt materia diuinæ misericordiæ: quæ promissa est peccatoribus, commendari iustitiam & fidem diuinarum promissionum. Quare Paulus fortè non tractat, an coniunctio sit causalis, nec ne: sed esto non sit nisi consecutiua, nihilominus intendit fortasse concedere, quòd iniquitas nostra commendat iustitiam Dei, quanuis non directè, Nam etsi nemo tali mente delinquat, inde tamen illustrior redditur iustitia Dei, quod promissam misericordiam neque iniquis ipsis abnegat. Quare inferius ait, Vbi abundauit delictum, superabundauit & gratia. Sicuti grauitas morbi commendat artem medici, tantumquam materia in qua relucet. Quoniam nisi peccata essent, nõ splenderet misericordia iustificantis. Et si Deo homines fideles essent non tam claresceret promicaretque eius fides, quam

quàm cum ab eo seruatur etiam fœdifiagis. Quemadmodum fides Marci Reguli inde illustrior fuit, quòd hostibus seruata est. Inficiatur ergo Paulus solam illationem entymematis. Et hoc est quod ait, Si iniquitas nostra iustitiam Dei commendat: id est, esto ita fit, quid dicemus? Quasi dicat, Inferemus ne inde quòd Deus sit iniquus, dum infert irā, id est, dum supplicia sumit de iniquitate nostra, magnificante exaltantēq; eius iustitiam? (*Secundum hominem dico.*) Impietatem utiq; & absurditatem verbi supposita correptione mitigat. Ac si dixisset, Vt ita secundum argutiam illorum hominum loquar. Vel, si sic more humano, de Deo, salua eius reuerentia, loqui fas est. Quanuis Orige. reperisse quosdam autumet, qui legebant, aduersus hominem, vt esset vna oratio, Qui infert iram aduersus hominem. Sed lectio hæc non recipitur. (*Abstr*) Scilicet, vt consequentiam vllo pacto donemus. Est enim negatio exhorrentis affirmationem. Et causam subiungens ait (*Alioquin quomodo iudicabit Deus hunc mundum?*) Quod est, Si iniquitas esset, punire errata nostra, non illi legitimè competeret iudicium orbis: vtpotè qui quod bonum est, tanquam malum puniret, & prauis contrā præmia decerneret. Si enim iniquitas nostra, bona esset, contraria virtus, esset praua. Subintelligenda ergo est reuersio illationis hoc pacto, Deo autem iure competit sedere mundi iudicem, non ergo est iniquus. Quòd si tibi Paulus non appareat dubitationem totam exhaurire, quippe qui non aperit vitium consequentia, sed tantū negat consequens, puta Deum esse iniquum, respondetur, id tanquam apertissimum prætermittere. Iniquitas enim nostra non directè suapte natura, tanquam bonum opus, impulsu Dei factum, commendat eius iustitiam, vti est illud Euangelij, Videat opera vestra bona, & glorificent patrem vestrum: vel perinde atq; fabrica mundi manifestat eius potentiam & sapientiam: vel tanquam bona causa quæ illi proffit, ceu prudentia cōsiliarij iustitiam clarificat principis: sed tanq̃ malum culpæ, cuius remissio & iustificatio eximīa eius declarat misericordiā. Et ideo nō fit cōsequens, vt iniquus sit Deus, dum infert irā iniquis. Imò verò vtrāq; ratione iustificatus est, & dum indurata iniquitatē vlciscitur, & dum poenitentia emollitam remittit. Quò fit, vt peccata sub diuersa figura materia sint & iustitiæ & misericordiæ Dei, in qua vtrāq; eius virtus præfulget ad ipsius gloriā.

Si enim veritas Dei in meo mendacio abundauit in gloriam ipsius, quid adhuc & ego tanquam peccator iudicor, & non (sicut blasphemamur, & sicut aiunt quidam nos dicere) faciamus mala, vt veniant bona: quorum damnatio iusta est.

Quasi repetitio est superioris rationis, tamen si paulò diuersa. Duas enim virtutes Dei supra manifestauerat ex vitio nostro præluere, scilicet fidem, quam incredulitas nostra non euacuauit, eò quòd Deus verax sit, omnis autem homo mendax, & iustitiam ex iniquitate nostra excellentius effulgentem. Ex hoc secundo membro perueriores illi, ac deformatores veritatis cōmentabantur superioris rationē, & ex priori, hanc secundā. Quia ratione duo absurda colligebant, hoc pacto, Si ex mendacio nostro, id est, fidei violatione veritas Dei extollitur, eiusq; gloria fit splendidior, primum sequitur, q̃ homo, qui Deo fidē abnegat, nō est iudicandus peccator. Quinimò amplius præterea subsequitur, q̃ deberemus facere mala, vt inde euenirent bona, puta remissiones & condonationes peccatorum plurimæ, quæ in gloriā Dei cederent. Efformat autem rationē per apostrophē in propria persona, humilitatis gratia, suā confessus pristinā incredulitatē. De qua alibi, Erasmus & aliquando nos insipientes & increduli. Et ad Timoth. Quoniā prius fui blasphemus & persecutor & contumeliosus. Ait ergo, Si veritas Dei in meo mendacio abundauit in gloriam ipsius (quod antecedens tanq̃ cōfessum legendū est) quid adhuc & ego tanq̃ peccator iudicor? Quasi dicat, Nulla apparet ratio. Et non (*Sicut blasphemamur. &c.*) Nulla est eclypsis seu defectus (vt quidā putāt) vt aliquo opus sit supplemento verbi, sed hoc pacto constat plena oratio. Quid adhuc & ego tanq̃ peccator iudicor? Et cur nō faciamus mala, vt veniant bona? & in parenthesi (sicut blasphemamur, & sicut aiunt quidā nos dicere) hostes enim Euangelij (quorū forsan meminit Petrus, vbi ait indoctos & instabiles deprauare epistolas Pauli) cū audirēt prædicantes apostolos, per fidem, hoc est, nō ex meritis præcedentium operum salutē esse mortalibus propositam, diuinamq; misericordiam inde extollentes, quòd peccatorum multitudinē & grauitatem

Orige.

Duo absurda.

Matth. 5.

Peccata materia
iustitiæ, quā
misericordiæ.

grauitatem iniquis condonaret: atque adeo quò essent cumulationiora, eò patetior esset gratia Dei: ac deniq; legem subintrasse, vt abundaret delictum, ac subinde gratia (vt cap. 5. videbimus) talem prædicationem ludibrio ac deridiculo vertebant, interpretantes, nihil aliud esse, quàm per suasionem, vt homines effusissimè patrarent mala, ex quibus beneficium remissionis reportarent. Quæ quidem non solum erat maledicentia in homines, sed blasphemia in Deum. Ob idq; nò solum ait, maledicimur (quod notauit Orige.) seu male audimus, sed blasphemamur. Haud tibi tamen videatur Apostolus argumentum insolutum reliquisse. Nam vel verbum superius, absit, huc etiam referendum est ad negandam hanc secundam rationem, vel eam refutat, subdens. (*Quorum damnatio iusta est*) Relatiuum enim nò intelligatur referre eos, qui faciunt mala, vt veniant bona (quanquam & illi damnabiles quoq; sint) sed blasphemos illos impostores perinde de Deo paralogizantes, ac si quis de viro iusto argueret: Patientia viri iusti inde refulget, quòd iniurias perfert condonatq;, ergo irrogandæ sunt illi iniuriæ. Quæ quidem argutia, sordidissima est. Hic nò est locus tractandi paradoxum hoc, Non sunt facienda mala, vt inde eueniant bona, sed hoc duntaxat adnotandum, quod intelligitur de malis culpæ. Est enim peccatū, idem, quod res illicita: quare nullo pacto prætextu honestatis admittendum est. Manifestaria siquidem contradictio est, vt peccatū, hoc est, res illicita, quoquo pacto liceat. At qui eadem ratione nec licet facere malum minus ad euitandum maius. Neq; verò obstat verbum Concilij Toletani, dist. 13. vbi habetur, quòd duo mala, licet omnino cautissimè sint præcauenda, tamen si periculi necessitas vnum ex his perpetrare compulerit, id debemus resolvere, quod minori nexu noscitur obligari. Id enim præcisè illic admonemur, vt patet in subiuncto exemplo, quòd in male promissis, etiam iureiurando firmatis, rescindamus fidem: vt qui iurauit hominem occidere, potius frangat iuramentū, quàm occidat: quoniam frangere non est tunc peccatum, sed fecisse iuramentum. Consultare autem minus malum, quādo alia via nullatenus possumus amicum arcere ab eo crimine, quod est perniciosius, crediderim esse licitum. Quemadmodum enim meretrices ad vitanda adulteria permittuntur, ita qui amicum nulla alia ratione abducere ab adulterio valeret, non

Non sunt facienda mala.

Concil. Tolet.

Consultare minus malū.

esset absurdus, si consuleret, vt fornicatione simplici citius libidinem expleret. Quia consilium, non ad malum, sed ad bonum potius refertur: puta ad cauendum quod peius est. Quare consulens non eligit minus malum, sed alter qui facit. Id quod colligitur ex D. Gregorio eadem distin. cap. Nerui.

Quid ergo? præcellimus eos? Nequaquā. Causati enim sumus Iudæos & Græcos, omnes sub peccato esse, sicut scriptum est, Quia non est iustus quispiam, nò est intelligens aut requirens Deum, omnes declinauerunt, simul inutiles facti sunt, non est qui faciat bonum, non est vsq; ad vnū, sepulchrum patens est guttur eorum, linguis suis dolose agebant, venenum aspidum sub labiis eorum. Quorum os maledictione & amaritudine plenum est, veloces pedes eorum ad effundendū sanguinem, contritio & infelicitas in viis eorum, & viam pacis non agnouerunt, non est timor Dei ante oculos eorum.

Mirifica est oculatissimi Pauli eloquentia, ex solutione vnius quæstionis, alterā mouentis. Enimuerò cum in calce superioris capitis Iudæis Græcos exequasset, illico interrogauit, num abundantius quicquā Iudæis esset præ Gentibus? id autē vbi affirmasset, extemplò sciscitatur, an propterea Iudæi quoquo pacto illis præstent? Et respondet neganter. Quarū concordia responsionum hæc est in glossa ordinaria, quòd supra loquebatur de Iudæis sub lege Moysis agentibus, quando circumcisione & lege præferebātur Gentilibus. Nunc verò loquitur de Iudæis conuersis ad fidē, vbi vnum est baptisma omnibus commune. At profectò Paulus perseuerāter hucusq; loquitur de Iudæis & Gentibus ante aduentū Christi, quos omnes pariter cōcludit sub peccato, vt doceat vniuersos indigere gratia Dei. Igitur superius loquebatur de beneficijs diuinis, quibus Iudæi fuerūt propriè donati: hic autē

Concordia responsionū.



de proprijs operum meritis. Et ideo diuersis est vsus verbis. Supra enim nō dixit, Iudæum præcellere, sed aliquid amplius habuisse, id est, recepisse: hic autem amputat eis excellentiam: scilicet quæ ad virtutem propriam & merita refertur. Ob idq; in priori membro, vbi aliquid laudis videbatur tribuere Iudæis, in tertia persona id protulit: vbi verò hic eorum crimina reficit, humilitatis causa in prima persona ait, Quid ergo? præcellimus nos Iudæi eos? scilicet, Paganos. Nequaquam, Causati enim sumus. &c. id est, iam enim supra allatis causis cōmonstrauimus, Iudæos & Græcos omnes sub peccato esse. Vbi loqui censetur de solis peccatis actualibus. Nam de originali nihil hætenus meminit, sed de Gentibus id prorsus ostendit, quod cum Deum cognouissent, non sicut Deum glorificauerunt: & de Iudæis quod cum prædicarent non furandum, furarentur. &c. Atq; adeò neq; illos sua philosophia, neque hos legis cognitione quicquam promouisse (*Sicut scriptum est*) Apostolis nō erat necessarium scripturis suā prædicationem contestari, sicut neq; Deo, cuius erant organa. Utuntur autem, perinde atq; Christus ipse dominus noster eiusmodi testimonijs, ad elucidandum consonantiam vtriusq; legis. Apud illum potissimè incredulum populum, qui nihil præter suam legem recipiebat. Atqui Origen. prudenter hic admonuit, quod in nonnullis exemplaribus Latinorum in. 13. Psal. cōsequenter ex integro posita inueniuntur hæc omnia testimonia: in Græcis autem penè omnibus non amplius in. 13. Psal. scriptum est, quàm vsq; ad illū versiculum, Non est qui faciat bonum. Quocirca non abs re nonnulli coniecturam faciunt, aliquem forsan scriptorem inseruisse tres reliquos: quintum scilicet, qui incipit, sepulchrū patens, & sextum & septimum. Inde nimirum deceptum, quod credidit Paulum hæc omnia elogia ex eodem cōsequenter Psalmo citasse. Cum tamen qui animaduertit Psal. 52. qui idem est prorsus, qui. 13. eisdem tribus versiculis carere, vehementer suspicabitur, adiectitios esse ex Paulo in Psal. 13. Vt cūq; tamen hæc res habeat, Paulus nō dixit, sicut scriptum est in Psalmo, sed sicut scriptū est: tum in Psalmis, tū in Esaia, vel alibi. (*Non est iustus quisquam.*) Hoc non est expressum in Psalmo, nisi eliciatur ex eo quod subditur: Non est qui faciat bonū. Cū autem illud in propria forma seorsum citet, forsan est verò similius, quod hoc primum sit depromptum

Orig. de hac
Pauli citatio
ne.

ex illo Ecclēs. 7. Non est homo iustus in terra, qui faciat bonum, & nō peccet. Vel ex Micha, cuius in cap. 7. verba sunt, Perijt sanctus de terra, & rectus in hominibus non est. Et arbitror, loqui de iniustitia actuali, tum propter rationem à nobis paulò superius adductam, tum quia in subsequentibus de actualibus delictis loquitur. Quanquàm & de originali, quod lege communi omnes cōprehendit mortales, omniumq; causa fuit actualiū, non malè intelligi possit. Neq; intelligit iniustitiam, vt opponitur speciali virtuti, sed vitio sitatem in genere. Exorditur enim à genere, vnde ad particularia crimina speciatim descendat. Atqui si iniustitia hic ad originalem vsq; protenderetur, manifestum est, quod omnes nascimur filij iræ. Si verò de sola actuali sit sermo, intelligendum est de adultis, eo modo, quo ait Ioannes, Si dixerimus quod peccatū non habemus, ipsi nos seducimus. Tametsi nonnulli nihil aliud cogitent, Paulum enunciasse, quàm quod nullus sit per se iustus, sed per gratiam Dei: secundum illud Exod. 34. Nullus apud te dominator domine per se innocens est: sed tamen aufers iniquitatem atq; peccata. Et (Origene interprete) id tantum vult, quod hominum, si comparentur Deo, nemo est iustus. Attamen primus sensus est genuinus Pauli volentis, constituere omnes sub peccato. Et ideo in specie subiungit quinque omissionum genera, quatuor autem cōmissionum in verbo, atq; in opere totidem. Enimverò quoniam primus qui ad iustitiam supponitur lapis, est cognitio Dei, cui officia sunt cuncta referenda, neque verò cognitio quæcūq; sed practica, quæ in opus dirigit, ait. (*Non est intelligens, non est requirens Deum.*) Et est zeugma, vbi idem accusatiue ambo subijcitur participijs. Tertio subinde ponit (*Omnes declinauerunt*) Id est, absq; discrimine Iudæi & Græci defecerunt à veritatis tramite & scopo, quem non intellexerunt: puta animo quisq; suo obsequentes, ac detortos iniquitatis anfractus pererrantes. (*Simul inutiles facti sunt*) Voculam simul, siue antecedenti orationi, siue huic coniungas, perparum differt, Si aduerbiū modo est. Nam forsan officium habet coniunctionis ad superiora. Inutiles autem censentur, qui finem non assequuntur suum. Vnde cum rationalis homo ad imaginem Dei expressus, atque eius capax, à ratione deuius sit, ipsiusque caret amore, ne quicquam & in vanum accipit animam suam. (*Non est qui faciat bonum.*)

Eodem

I. Ioan. 1.

Tredecim genera peccatorum.

Inutiles.

Eodē modo intelligitur, quo: Non est iustus quisquam. Atqui hæc omisiones quinq; in Psalmo habentur. 13. perinde atq; in. 52. in quo tamen non legitur, non est vsq; ad vnum: & ideo non defunt qui arbitrentur redundare in Psalmo. 13. Tametsi non solum Latini, verū & Origenes & alij Græci ita legant. Et potest sensum exhibere, vel exclusorium, qui est, nō est qui faciat bonum præter vnum Christū, vel inclusiuum. Non est qui faciat bonum, scilicet, perfectē ita vt nunquam deficiat, neque vnus quidem ex puris hominibus. Nulla est hic altercatio, si ex priuilegio fuerit incolumis sanctissima virgo. (*Sepulchrum patens est guttur eorum.*) Transitum facit ad peccata, quæ committuntur verbo: quæ gradatione quadam graphicè depingit. Imprimis enim obtrektoris os, atq; maledici, hianti sepulchro adsimilat. Sepulchrum enim occlusum, homines significat, qui lethalia crimina specie bonæ vitæ extrinsecus contegunt. De quibus Christus dominus noster: Væ vobis hypocritæ, qui similes estis sepulchris dealbatis, quæ à foris parent hominibus speciosa, intus autem plena sunt ossibus mortuorum. &c. Patens verò sepulchrum est, homo, quem nullus, vel metus, vel pudor cohibet, sed in publicum scelerum foetorem expirat. Vel lætatus cum malè fecerit, vel pestifer, vt mala persuadeat, vel certè maledicus, vt alienum honorem famamq; deterat. Quin multò est sepulchro pestilentior obtrektor homo, & conuiuiator. Sepulchrum etenim neminem occidit, sed excipiendis mortuorum cadaueribus patet: maledici autem guttur adeò ad deuorandam alienam famam fatiscit, vt viuentes absorbeat. De cuius ore, vt est in Apocalypsi, procedit ignis & fumus & sulphur. Nam & famam exurit, & obnubilat gloriam, & putorem emittit, emunctis naribus intolerabilem. Ex hac maledicendi appetentia protinus existit dolus in lingua, iuxta verbum Hieremiæ, Sagitta vulnerans lingua eorum: dolum locuta est. Atqui hæc duo elogia secundum Origenis sententiam, non ex. 13. Psalmo, sed ex quinto ad scita sunt: quemadmodum & quod sequitur: Venenum aspidum sub labijs eorum, desumptum est ex Psalmo 139. cuius versiculus est, Acuerunt linguas suas sicut serpentes, venenum aspidum sub labijs eorum. Et Deuter. 32. Fel draconum, vinum eorum, & venenum aspidum insanabile. Dignissimi profectò sunt exitiosissimi denigratores alienæ famæ, qui cum monstri-

feris his beluis ac serpentibus componantur. (*Quorum os maledictione & amaritudine plenum est*) Hoc ex Psalmo. 9. allegatum est. Sed vide quanta accessione adaugetur detractorum vitium: sanè quorum os, ait, esse apertum, dolosum, veneficum, ac deniq; maledictione & amarulentia oppletum. Qui idcirco rabidi canes, hominibus inuisissimi, & ingratiissimi, tanquam publica perniciēs, deberent de Republica exterminari. Sunt enim (vt est in Prouerbio Salomonis) abominatio hominum, detractores, cum quibus commisceri vetatur. (*Veloces pedes eorum ad effundendum sanguinem*) Sub delictis oris ponit ea, quæ opere patrantur. Et sicut in illis orsus est à promptitudine obloquendi, scilicet quod haberent os hiantissimum, ita & in his inchoat à promptitudine malè agendi, quæ pedum velocitate designatur. Pedes enim & gressus, spiritualiter, sunt voluntatis adfectus. Porro autem in summa iniuria, puta in homicidio, reliquas omnes complectitur. Hunc versiculum cum duobus sequentibus ab Esai. cap. 59. vt illic adnotauit Hieronymus mutuatus est. Quanquam hic proximè subsequens, etiam Prouerb. 1. Extet. (*Contritio & infelicitas in viis eorum*) Hoc autem vel actiue potest intelligi: quoniam tribulationem alijs incutiunt, & infelicitè de iure suo deturbant. Vel forsan passiue delineatur hic perditorum vita, qui suis malis cupiditatibus iactati, infelicitissimè opprimuntur. Etenim lassati in via iniquitatis, viasq; ambulantes difficiles (vt proprio ipsi ore confitentur Sap. 5.) ad aliam properant sempiternam contritionem, & infelicitatem. Hoc est, ad pœnam sensus de qua Esaias: Comminuentur, sicut conteritur lagena figuli. Et ad pœnam damni, quæ est priuatio æternæ felicitatis. Quapropter meritò de miseris illis pronuntiatur Sap. 12. Infelices sunt, & inter mortuos spes eorum. Et huic sensui consonat antithesis, & contrapositio subsequens, (*Viam pacis non cognouerunt*) Nam lex Christi onus leue est, & iugum suauē, & viæ eius, viæ pacis, & in hac vita & futura. Vnde, Venite ad me, inquit, qui laboratis & onerati estis, & inuenietis requiem animabus vestris. Animabus scilicet, quarum requies verissima est, atq; omni tranquillitate sempiterna (*Non est timor Dei ante oculos eorum.*) Hoc est Psalmo 35. ascriptum est, vbi legitur, Dixit iniustus, vt delinquat in semetipso, non est timor Dei ante oculos eius. Nam sicut initium sapientiæ

Beatissima
virgo.

Sepulchrum.

Matth. 23.

Apocalyp. 9.

Hiere. 9.

Prouer. 24.

Sap. 5.

Esa. 30.

Sap. 12.

Matth. 11.

Psalm. 15.

timor Domini, ita & præcipitum omnium malorum est, abijcere timorem domini. Et ideo tantundem est, ac si concludisset hoc modo, In summa, in omne se vitiorum genus præcipientes dedunt, ac si nullus esset, quem vererentur, Deus. Et est emphasis. Vehementiorem enim habet significationem, quam si dixisset, Non habent timorem Domini. Nam res ipsæ sensuales, quibus carnales homines oblectantur, metum injiciunt futuræ vindictæ, quam sanè ante oculos repræsentant, nisi essent homines excæcati.

Scimus autem quoniam quæcunq; lex loquitur, iis qui in lege sunt, loquitur, ut omne os obstruatur, & subditus fiat omnis mundus Deo.

Optima periodo concludit hoc membrum, quo statuerat demonstrare, neque philosophiam Gentibus, neq; legis cognitionem Iudæis quicquam profuisse, ut Deo essent placentes, sed omnes pariter concidisse, eiusq; egere adiutrice ope, & iustificante fide, de qua properat sermonem ingredi. Est enim hæc prolepsis, id est, præoccupatio exceptionis, qua se poterant Iudæi protegere, videlicet, quod maledicta illa prophetarum non essent in se iactata, sed aduersus Gentes. Præscidit ergo eis exceptionem hanc, dicēs, quod quæcunq; lex loquitur, iis qui in lege sunt, id est, quibus lex posita est, loquitur. Lex autem non erat, Paganis, sed Iudæis ædita. Haud tamen omnino negat, quo minus multa sint in lege aduersus Gentes peculiariter inscripta. Ut illud Esai. 13. Onus Babylonis quod vidit Esaias filius Amos, Et multa similia. Sed tamen tunc Gentes ipsæ exprimuntur, de quibus est sermo. Quæcunq; autem absque speciali nominatione extant in lege reprehensiones (quales sunt istæ allegatæ) populo ipsi Israel intelliguntur obiectæ. Sed est præterea animaduertendum, quod vetus testamentum in tria nonnunquam dissectum legimus, scilicet in legem, Psalmos & Prophetas. Ut Lucæ ultimo, Necesse est impleri omnia, quæ scripta sunt in lege Moyse (quod est, in Peta-reucho) & Prophetis & Psalmis de me. Quandoq; verò in duo, ut Matth. 22. In his duobus mandatis pendet omnis lex & Prophetæ: ut Psalterium quoq; prophetiæ nomine comprehendatur. Nonnunquā verò generatim tota scriptura vetus legis appellatione designatur.

ut Ioan. 15. Ut impleatur sermo qui in lege eorum scriptus est, quia odio habuerunt me gratis. Et hoc modo usurpatur in præsentia nomen legis. (Ut omne os obstruatur & subditus fiat omnis mundus Deo.) Ut non solum illatiua est, ac indicatiua conclusionis, quæ ex prædictis colligitur, verum etiā causalis. Suggestit enim, duplici fine per scripturam reos fieri Iudæos, tantorumq; eos criminum damnari, altero proximo altero verò supremo. Proximus quidē, ut omne os obstruatur, supremus, ut subditus fiat omnis mundus Deo. Hanc ob causam Orig. ubi supra dictum est, Scimus q; quæcunq; lex loquitur. &c. de lege naturæ intelligit, quæ vniuersos mortales omni seculo erudiuit, quid esset peccatum. Aliās si lege, inquit, Moysi propriè intelligeretur, non fieret cōsequens, ut omne os obstrueretur, & fieret omnis mundus subditus Deo. At re vera cum post testimonia Mosaica legis continuò subiungat, q; lex his qui in lege sunt loquitur, verisimilius fit de eadem prorsus lege orationē subtexere, ad elidendam (ut diximus) Iudæorum excusationē. Ergo aliter cū alijs patribus sentiamus. Nempē q; retusa per suæ legis oracula Iudæorum insolentia, tum omne os reddebatur obstrusum, tum totus mundus Deo subditus. Quandoquidem gentes neq; ita se insolenter iactabant, neq; habebant quod suæ patentissimæ idololatriæ ac morū peruersitati obtenderent. Ecce finem & scopum Pauli in hac prioriparte huius capitis, imò in toto hætenus tractatu ab initio illo statim narrationis, Reuelatur ira Dei. Hætenus inquā tam Gentes de violata naturæ lege, q; Iudæos de scripta interpellauit, ambosq; populos omni vitiorum genere obrutos defædatosq; monstrauit, ut omni eos defensione nudaret, illisq; perinde ora cōpesceret. Et est allusio ad forum iudiciale, ubi reus, si quid habet, quo se possit purgare, tempus respondendi postulat, sin minus, silens condemnationē expectat. Sunt qui pro, subditus, reus, transferant: sed re vera non est mens Pauli meminisse reatus poenæ, sed concludere, q; omnis mundus conuictus culpæ, subditus fiat Deo, id est, humilis ac supplex prosternat se ante Deum, propriamq; cōfessus fragilitatem atq; inopiam, eius postulet subsidium, ut in cuius potestate & arbitrio posita est nostra salus. Quocirca parum refert, si transferas, obnoxius, cum græcè sit *ὑποδουλός*. Ille quippè obnoxius est alteri (autore Chrysost.) qui sibi ipsi ad defensionem non sufficit, sed alterius opus habet auxilio.

Orig.

Scopus
Pauli.

Subditus.

Quia

Esai. 13.

Partitio veteris
testamenti.

Matth. 22.

SECUN-
da Sectio hu-
ius capituli.

Quia ex operibus legis non iustificabitur omnis caro coram illo.

Hic more suo Paulus ita concludit membrum prius huius capituli, ut eodem loco initium faciat posterioris. Reuocanda enim huc sub oculos est partitio, quam cap. i. super verbo, Reuelatur ira Dei, præmisimus. Tali enim ordine (ut illic dicebamus) necessitas fidei ac gratiæ Christi in hisce prioribus quatuor capitulis adstruitur ab Apostolo, ut ex illo loco hucusque; præmonstrare fategerit, quod audisse recepisseque, seu naturalem, seu scriptam legem, nihili penditur ad salutem, nisi cura accesserit eidem obtemperandi legi. Neque verò Iudæi ullam præ Græcis sortiti sunt hac parte præcellentiam, vel à circumcissione, vel à genere, sed in hoc omnes pares fuerunt, quod vniuersi illaqueati erant delictorum reatibus. Hinc autem deinceps pergit elucidare, in hoc etiamnum pares fuisse omnes cuiuscunque, vel generis, vel fortis homines, quod primam iustitiam, hoc est, cum Deo reconciliationem, sine qua nulli esse possunt legitimi factores legis apud ipsum, nemo assequi vnquam potuit, poteritque in posterum merito suorum operum, sed per fidem & gratiam vnus Iesu Christi Domini nostri. Ex quibus cōfectum erit, omnem iustitiam nostram, siue dum initur, siue dum augetur, diuinæ gratiæ esse referendam, ut puta vel præuenienti, vel deinceps promouenti arbitrium nostrum. Horum enim duorum identidem opus est, meminisse modorum iustificationis. At cum duorum hactenus mentionem fecerit, puta legis & circumcissionis, quemadmodum demonstrauit, neutrius receptionem absque operibus satis fuisse, ut quis rationis lucem ingressus habeatur iustus apud Deum, ita modo constituere prosequitur, quod neque legis opera, neque verò circumcisio causa per se vnquam fuerunt humanæ salutis, sed vna fides & gratia Iesu Christi. Secundum hoc membrum de circumcissione tractat capite subsequenti: de priori autem statuit in huius residuo hanc bimembrem conclusionem. Arbitramur iustificari hominem per fidem sine operibus legis. Hoc igitur præsentī textu proponit partem negatiuā, rationem vnā subiiciens proximi textus. Ait siquidem, ex eo omne obstruendum, totumque subdendum mundum Deo, quod ex operibus legis non iustificabitur omnis caro coram ipso. Tametsi Chrysost.

silenter præterierit hunc textum. Non quod villo fuerit modo dubius, hanc esse orthodoxam veritatem, sed cum forsitan non ita legeretur in eo, quem ipse habebat codice, putauit, quoniam idem mox eodem tenore subiicitur, redundantem esse hoc loco. Legit igitur, Et subditus fiat omnis mundus Deo: per legem enim cognitio peccati. De qua lectione paulo post dicemus. Origenes verò & consentienter Latini vniuersi citra controuersiam interlegunt, Quia ex operibus, &c. Perpende ergo cum hactenus de iustitia operum sermonem habuerit, quam se ex arte gnauiter in legitimam causam insinuauerit illius, quæ veta est personarum iustificatio, hoc est, reconciliatio nostra. Vbi hoc cum primis animaduertendum nobis est, quod prudenter non ait, ex lege, sed, ex operibus legis. Vbi enim supra dixit, non auditores legis, sed factores iustificari apud Deum, illic nos habuit admonitos, solam legem, hoc est, notitiam legis de se non sufficere ad iustitiam, sed quia dixerat, factores legis iustificari, ne quis inde falsus crederet opera antecedentia fidem, meritoria esse iustitiæ, ait nunc, neque ex operibus legis cuiusmodi iustitiam emanare. Exoritur hic autem nonnulla dubitatio, de qua hic lege, naturali ne, an scripta, aut si maius, de quibus legis operibus sententia hæc Pauli auscultanda nobis sit. Sentire namque verba hæc quis fortè posset dicta, vel de legis obseruationibus, & cerimonijs, quæ figura olim erant atque vmbra futurorum, uti erat circumcisio & reliquæ id genus obseruantiae, vel de legis quoque moralibus præceptis, quæ in iure naturæ sunt. Et quod de solis intelligantur ceremonialibus, argumentum primum est, quod non est ita de Paulo existimandum, ut neget iustitiam inesse apud Deum mandatis illis moralibus, quæ ad ipsius cultum pertinent, fraternamque inter mortales charitatem fouent, atque adeo quibus proposita est vita æterna, sed solis illis quæ iam abolitæ sunt cerimonijs. Eadem enim erant in lege veteri mandata, de quibus ait in Euangelio Christus, Si vis ad vitam ingredi serua mandata: & de quibus Paulus aiebat supra, non auditores sed factores legis iustificari apud Deum. Præterea sententia hæc statim capite proximo, inde maxime corroboratur, quod Abraham ante circumcissionem in præputio, ut puta in statu naturæ legis iustificatus est, circumcisio verò inter cerimonias connumerabatur: easdem ergo hic denotat cerimonias appellatione legis, vbi ait, ex operibus legis neminem iustificari.

Orig.

Ex operibus legis.

Dubitatio præcipua de operibus legis.

Math. 19.

Duplex modus iustifi.

Conclusio Pauli.

Chrysost.

Gala.2.

Id quod præcipue conijcitur ex loco illo Gal.2. Vbi inter reprehendendum Petrum, eisdem, quibus hic, vtitur verbis. Nos enim, inquit, natura Iudæi, scientes quod non iustificabitur homo ex operibus legis. & cæt. Illic namq; solum redarguebat Petrum, quod nimius esset cerimoniarum obseruator: cerimoniarum ergo duntaxat esse videntur, ex quibus negat Apostolus iustificari hominem: iuxta illud ipsius verbum. 1. Cor. 7. Circumcisio nihil est, & præputium nihil est, sed obseruatio mandatorum Dei. Hæc veruntamen argumenta nihil obstant, quominus sancti omnes enarratores (& cum primis Aug. de spir. & lit. cap. 14.) consentiant, præceptiones hic etiamnum subnotari morales, nempe decalogum ipsum, cuius opera per se non iustificat: id quod dilucidum apud Paulum fit, ex verbis ipsis proximè subiunctis. Per eandem quippe legem, ex quibus operibus non iustificamur, subdit, fieri cognitionem peccati, lex autem per quam nobis innotescit peccatum, est præceptio ipsa moralis, morumq; regula. De qua lege ait infra cap. 7. Concupiscentiam nesciebam, nisi lex diceret, Non concupisces, quæ quidem prohibitio in Decalogo scripta est. Concinit & huic veritati collatio illa. 2. Cor.

2. Corint. 3.

3. Literæ antiquæ legis ad spiritum nouæ. Epistola enim, inquit, estis Christi ministrata à nobis, & scripta, non atramento, sed spiritu Dei viui: non in tabulis lapideis, sed in tabulis cordis carnalibus. Ac si dixisset, Lex illa decem præceptorum scripta in tabulis Moysi non vos iustificabat, sed gratia & fides digito Dei sculpta in cordibus vestris. De quibus subinde tabularum lege & spiritu paulò post inquit, Litera occidit, spiritus autè viuificat. Vnde perspectè illic August. adnotauit non solum cerimoniarum literam (qualis erat præceptio sabbati) verum opera cuncta Decalogi per se occidere. Nempe quod nil per se quicquam valebant, quam peccatum facere manifestum: vnde nostra excitatur appetentia. Vti infra in verbo, lex iram operatur, enarrabimus. Hanc ergo figamus in presentiarum vniuersalem regulam, quæ sit ad intelligentiam Pauli in subsequentibus constitutissima, quod ubicunq; adstruit, neminem ex operibus legis iustitiam assequi, & vbiuis legem confert cum gratia, moralia etiam opera complectitur: haud tamen illa præcisa, verum (vt per argumenta secundo loco supra facta reor euinci) vniuersa cuiuscunq; generis officia, siue naturæ, siue scriptæ legis, vel in veteri testamen-

August.

Regula adnotanda.

to, vel in nouo, tam moralia, quam cerimonialia. Tametsi cum bona pars antiquæ legis, imò prima & præcipua Decalogum, & reliquum ius naturæ continebat, non opus erat naturalem vel aliam exprimere legem, sed legis nomine, quo speciatim scriptam subindicat, omnes comprehendere. Nullum ergo hic facit discerniculum inter legem naturalem Gentium, & veterem Iudæorum, & nostram euangelicam, si modo opera per se ipsa nunc nostra moralia spectes, sed inter opera cuiusuis legis & fidem cum gratia Christi: hoc nimirum constituens, quod nulla est lex cuius per nos operibus, hoc est, viribus naturæ nostræ reconciliari possimus cum Deo, eiusq; inire iustitiam, nisi prius præuia fide & ope subnixi. At verò quia illo tempore soli erant Iudæi, qui legi suæ munus hoc adscribebant, illam specialiter excludit cum suis cunctis operibus, tam moralibus, quam cerimonialibus, vt perspectius patebit in subsequentibus. Quocirca inter confirmandum paradoxum hoc iustificationis, aliquando de tota lege generatim loquitur, quandoq; verò (vt supra priori loco argumentabamur) speciatim de cerimonijs, quæ multo minus iustificabant. Haud tamen est cur hinc Lutherani insultantes opera nostra prorsus abijciant, tanquam nihili sint habenda, vel ad reconciliationis opus, vel ad meritum hæreditatis æternæ. Sola enim hic Pelagianorum blasphemia contunditur, atq; adeò constituitur, merito præcedentium operum neminem fieri iustum: vt paulò hic post apertissimè dilucidabitur. Orige. in verbo, omnis caro, adnotauit, idcirco dictum esse, quia ad eos qui in carne sunt, opera legis spectant. Ita enim putat intelligendum esse, ex operibus legis non iustificari omnem carnem, quia omnis qui caro est, puta qui secundum carnem viuunt, ille non potest iustificari ex lege Dei. Quoniam qui in carne sunt (vt ait alibi idem Apostolus) Deo placere non possunt. At profectò (salua egregia autoritate Origenis) aliorum, altiusq; spectat Paulus. Hic enim sensus nemini poterat non esse comperitissimus. Vult ergo legis infirmitatē aperire. Nempe quod quauis quispiam summis naturæ neruis incumbat, vt faciat officia legis, nequit absq; fide præuia numinisq; suppetijs veram obtinere iustitiam. Quapropter appellatione carnis, homines intelligit, secundum vires naturæ, spiritus diuini auxilijs destitutos. Igitur vt ad argumenta superius contra obiecta non nihil respondeamus, qui factores sunt legis Decalogi,

Constitutum Pauli.

Lutherani.

Orige.

Rom. 8.

Factores legis.

calogi, cæterarumq; præceptionum moraliū, si id quidem sola facultate naturali præstent, iustitiam tunc exhibent operum, hoc est (vti antehac dicebamus) opera faciunt honesta naturali ciuiliq; æquitate, qua deniq; iustitia iusti sunt coram hominibus. Eademq; scitè appellat hic Ambro. temporalem iustitiam, vt quæ ad ciuilem statum & tranquillitatem attinet. Sed nō tamen, illa officia sunt quæ sufficiūt iustificare personā, nempe amicitia nos iungere cū Deo, quæ est æterna iustitia. Qui verò gratis per fidem recōciliatus, eadē postmodū adiutus cooperatrice gratia, mandata seruat, dignus is est vita æterna. Quod infra explicatius aliquanto repetendum nobis est.

Per legem enim cognitio peccati.

Verbum hoc vtriusq; sententiæ causam designare potest, & illius, videlicet proximæ, Quia ex operibus legis, & alterius superioris, Vt omne os obstruatur, & subditus fiat omnis mundus Deo, veluti Chryso. legit. Imò verò quauis interfitus sit textus, Quia ex operibus, (prout legitima habet lectio) potest nihilo incongruentius illuc spectare textus hic. Nempe vt sit sensus, ex eo omne os hominibus cuiuscunq; gentis obstruendum esse, ne possint suis delictis aliquam ab ignorantia excusationem obtendere, quod abundè, cum Græci per legē naturæ, tum præcipuè Iudæi per suam scriptam fuerint edocti discrimen boni & mali. At verò si hoc membrum, per legem enim cognitio peccati, cum altero componas, quod proximè subsequitur, scilicet, Nunc autem sine lege iustitia, venustius ambo coaptantur proximæ sententiæ, Quia ex operibus legis. Tunc tamen legenda est præsens litera cum præcisione in sensu exclusiuo. In hoc videlicet, Ex operibus legis non iustificabitur omnis caro: ex eo quod lex nihil de se maius præstet, quàm vt per ipsam nobis innotescat peccatum: cum tamē necessaria præterea sit vis & facultas eo pacto faciendi officia legis, quod Deo placita sint, grata, & accepta. Id quod solus Deus nobis largiri valet. Et hoc est quod subdit, Nunc autem sine lege iustitia. Quod autem per legem nobis cognitio fiat peccati, vel ex ipsa liquet ratione legis. Nam etsi lex Latinis à legendo (vt aiūt) dicta sit, eò quod publicitus legitur, dum promulgatur, est tamen norma & rationis regula, ostendens nobis viam, quibus officiis in legitimum scopum dirigamur. (Quæ proinde

Græcis nomos appellatur. Et quauis apud iuris prudentes, leges dicantur, iussa principum, est tamen lex splendor & regula diuini intellectus, quæ nos in diuinam dirigit voluntatem. Id quod nō modo antiqui patres, qui ab ore Dei legem per Moysen audierunt, & nos, qui eadē præcepta moralia per Christum legislatorem nostrum suscepimus, verum & ipsi inter Gentes philosophi agnouerunt. Definit quippe legem Cicero, quod sit certa ratio, è mente diuina manans, quæ recta suadeat, prohibeatq; contraria. Qua quidem ratione lux meritisimò censenda est, diuinitus emicans, cum primum ratio naturalis illuxerit: iuxta illud, Signatum est super nos lumen vultus tui domine: tametsi scripta lex longè clarius effulgeat. Quare & præceptum domini illuminans oculos. Et Prouerb. 6. Mandatum lucerna est: & lex, lux, & via vitæ. Hoc tamen fufius etiam inum tractabitur cap. 7. vbi ait Paulus, Concupiscentiam nesciebā, nisi lex diceret, Non concupisces. At verò quod nulli per se legi facultas sit aut potestas in gratiam nos Dei transmittendi, duabus diuersisq; causis astruximus lib. 1. de nat. & gratia. Quarum altera ijs peculiaris est, qui peccati labe inquinati sunt, altera verò illis etiam communis, si qui effingerentur homines in sua mera natura progeniti. Est etenim iustitia apud Deum, idem quod amicitia cum ipso, atq; acceptatio ad vitam æternam. Cum ergo vita illa, supernaturalis sit, nempe ordinem creatæ naturæ præcellens, fit, vt eiusmodi amicitia, munus etiam sit supernaturale. Quo palàm fit, vt tametsi quis æderetur præter legem homo absq; vlla, vel culpa, vel gratia, nullis suis tamen officiis posset hoc dignitatis pertingere. Quin verò neq; Adam in statu innocentia, si gratiam semoueas, id quidem potuisset. At verò eius poster, vt qui omnes nati sumus filij iræ, hac rursus secunda de causa nequimus nostris operibus gratiam reconciliationis promereri: quod neutiquam Deo possunt nostra officia placere, vt qui odio eidem sumus. Quamobrē officia hæc nequē nobis peccata remittere. Quo deniq; consequens fit, vt hæc legis virtus, ea sit prorsus quæ est, peccati rationem pandere: atq; adeò nec remittere valet delicta, nec regni hæreditatem conmereri.

Nunc autem sine lege iustitia Dei manifestata est, testificata à lege & prophetis.

Legis diffinitio.

Psal. 4.

Psal. 18.

Prouerb. 6.

Lib. 1. de nat.

& gra. ca. 4.

Altera lectio

Per legem cognitio peccati.



Ecce iam post repulsam legem, quæ iustitiam Dei non operatur, ad veram iustitiæ causam, gradum facit, præstituens primū, quemadmodum se habeat vera iustitia ad legem, idq; duabus cōparationibus. Prior est, quod ut lex ante incarnatum Christum virtute carebat iustificandi, ita nunc iustitia per Christum eiusq; ministros manifestata est absq; lege. Non equidem poterat significantius exprimi, quemadmodum, salus nostra non dependeat à lege, quàm demonstrando, quod non solum lex per se nō præstaret iustitiam, verū quod sine legis adminiculo sit per Evangelium manifestata. Et dicitur iustitia Dei: primum, quod beneficium est misericordiæ Dei (secundum Ambro.) de promissione originem habēs. Nam quia id quod promiserat Deus, reddidit, iustitia ei⁹ dicitur. Et præterea quia credentes nos, & per obedientiam ad se confugientes suscipit. Suscipere enim, iustitia dicitur. Quia nō suscipere cōfugientem, iniquitas inter homines reputatur. Aug. autem lib. 1. de gratia Christi, & rursum lib. de spiri. & lite. non ita legit hanc literam, ut sit sensus, Si ne lege manifestata, sed ut intercedat sic punctum, Nunc autē iustitia sine lege, id est, quæ sine legis ope fit, manifestata est. Nam quomodo, inquit, sine lege manifestata est, si per legem est testificata? Huiusmodi autē lectio inde in mentem venit Augustino, quod idem illi pollebat, manifestata, quod, testificata: cū tamen secundum alios doctores nō ita res habeat. Sed quod Paulino sensui magis accommodum est, manifestata intelligitur per Christum sine lege, testificata verò per legē. Itaq; iustitia Dei non modo fit sine lege veteri, verum & sine ipsa manifestatur per Evangelium. Quin verò quantum intersit discriminis inter manifestata & testificata, quamprimum subiiciam. Dicit autem meditatio, sine lege manifestata, & non, sine lege effecta, aut instituta, ne suspitionē alicui inijceret, quod tunc primum tempore Christi fuisset creata iustitia, cum tamen ab orbe vsq; condito patuerit salus credentibus in Christum, fide saltem obscura, & sub nubilo implicita. Id quod

tribus locis intelligit legem naturæ, in postremo verò legem Mosaicam. Quam illi opinionem eadem ratio suggessit, quæ fuit postea Augustini. Nempē, quod idem sint, manifestata, & testificata, quæ idcirco de eadem lege nō possunt negari, & rursus affirmari. Attamen indubiē existimauerim, ab illo loco, quia ex operibus legis, continenter in his etiam subsequētib; de eadem lege sermonem haberi. Nam aliās dissuta & nimium anceps esset oratio. Loquitur inquam specialiter de lege veteri, sed tamen in illa ambit quoq; naturalem. Et quod neutrius ministerio fuerit per Evangelium manifestata iustitia, sic accipe: Quænam fuit prædicatio Euangelij? Ecce agnus Dei, ecce qui tollit peccata mundi. Et, Ut sciatis quia filius hominis habet potestatem remittendi peccata. Et, Accipite spiritum sanctum, quorum remisistis peccata, remissa erunt. Et, Sic Deus dilexit mundum, ut filium suum unigenitū daret, ut omnis qui credit in eum non pereat, sed habeat vitam æternam. Et, Ego sum panis vitæ, qui venit ad me non esuriat, qui credit in me, nō sitiet in æternum. Et, Ego sum via veritas & vita. Et, Ego sum ostium. Per me si quis introierit, saluabitur. Atq; id genus plurima, quibus edoctus est mundus, per vnam fidem Iesu Christi viam condonari delicta nostra, aditumq; patere ad coelestem foelicitatem. Hæc verò per legem naturæ manifestari nequiverant: quippe quæ lumine naturali nō dilucescant. Neq; verò per legem veterem manifestata sunt, hoc est, explicata, hoc em̄ sonat, manifestari. Attamen fuit nihilominus iustitia hæc per legem illam testificata, hoc est, adumbrata, suisq; de lineata figuris. Atq; hoc est quod subditur, (Testificata à lege & prophetis.) Id est, testimonijs legis comprobata. Enimverò cum legem explosisset, ut per quam iustitia Dei nec fuerit exhibita, neq; verò manifestata, ne omnino illam videretur, veluti futilem ac superuacaneam proiecisse, subdit, non omnino fuisse inutilem. Porro q̄ in hoc, illam Deus promulgasset, ut esset testimonium iustitiæ per Christum manifestandæ. Testificari ergo minus est, quàm manifestari. Est enim Evangelium manifestatio, hoc est, expositio & elucidatio iustitiæ, quæ antiquæ legis inuolucris latebat: illa verò lex, testificatio eiusdem iustitiæ quæ diluxit in noua. Vnde Paul. Col. 1. Secundū dispensationem, quæ data est mihi in vobis, ut impleam verbum Dei, mysterium quod absconditum fuit à seculis, & à generationibus,

Iustitia Dei.

*Euangelica
predicatio.*

Aug. 1.

Heb. 11.

Orige.

*Testificari
& manifestare.*

Col. 1.

Gal. 3.

2. Cor. 3.

Matth. 1.

Ioan. 19.

A lege & prophetis.

Lex vetus theatrum.

1. Corint. 10.

2. Pet. 1.

bus, nunc autem manifestum est sanctis eius. Et ad Gal. 3. Priusquam veniret fides, sub lege custodiebamur conclusi, in eam fidem, quæ reuelanda erat. Quò itidem pertinere autumat Paulus. 2. Cor. 3. Velamen Moïsi legem promulgantis: quod quidè velamen ait, vsq; in hodiernum diem (scilicet redemptionis) in lectione veteris testamenti manere non reuelatum, quoniã in Christo euacuatur. Vtraq; ergo ratione Apostoli & Euangelistæ testimonia ex veteri testamento asciscunt. Porro vt vicaria opera, & nouum instrumentum veteris autoritate patefcant. Veluti est illud Matth. Hoc autem totum factum est, vt adimpleretur quod dictum est à domino per Prophetam dicentem, Ecce virgo in vtero habebit, & pariet filium. Et illud Ioan. Facta sunt hæc vt scriptura impleteretur, os non cõminuetis ex eo. Consultò autem ac meditò dixit, A lege & prophetis. Nam cui iustitiæ prophe- tæ verbo attestati sunt, eandem & lex re ipsa, hoc est, ritibus ac sacrificijs præsentabat. Vnde quauis lex pro tota hic lege accipiat, non tamen secundum omnes sui partes præfigurabat venturum Christum, sed secundum eam, quæ in cerimonia & neomenijs erat collocata. Nam moralia præcepta in eundem erant illis vsq; edicta, in quem nobis. Dicitur autem lex tota id facere, quod secundum quandam sui partem facit. Nihil enim aliud existimãda est tota illa prisca lex, q̃ vaticinium Christi: atq; adeò theatrum quoddam, quo futurorum comœdiam in conspectu mundi Deus exhibebat, & quo Christi mysteria cerimonia, prodigijs, ac rebus gestis adumbrabat, & quo demum humanum genus, quasi puerum, neq; idoneum cui palam fides reuelaretur, sub legis (vt ait Paulus) pædagogia educabat, vsq; dum in virum iam adultum (quod ipse vocat plenitudinem temporis) maturum esset, cui detectam tandem veritatem manifestaret. Vnde. 1. Cor. 10. Omnes in nube & in mari baptizati sunt: quia omnia in figura contingebant illis. De prophetis autem non est quòd multum moremur, quando quidem ob hoc fuerint prorsus numine pleni, quo venturum prædiceret Saluatorem. Vnde ad Iudæos Petrus Apostolus, De qua salute (scilicet animarum vestrarum) exquisierunt, atq; scrutati sunt prophe- tæ, qui de futura in nobis gratia prophetauerunt. Adeò vt Esaiam Hieronymus, vt Euangelistæ æstimauerit. Et Christus ipse redem-

ptor noster Dauidico vaticinio fidem suæ diuinitatis adstruxerit. In summa, si crederetis, inquit Moïsi, crederetis forsitan & mihi: de me enim ille scripsit.

Iustitia autè Dei per fidem Iesu Christi in omnes, & super omnes qui credunt in eum.

Accommodatissima hæc est explicatio, si ad primam Pauli propositionem mentem reuoces. Quod enim primo statim capite proposuerat, dicens: Iustitia enim Dei in eo (scilicet Euangelio) reuelatur ex fide in fidem, idem modo ipsum eisdem penè verbis pandit, Ait enim, iam nunc sine lege esse manifestatam. Qualis autem fuerit manifestatio, id quidem docet. Nimirum quòd huiusmodi iustitia, fit per fidem vnus Iesu Christi. Nempè quæ in legis vmbraculis delituit, per quam legem testificata est, & in Euangelio manifesta præfulget. Atqui hæc est secunda pars, videlicet affirmatiua conclusionis Pauli: quæ enunciat, quòd non ex operibus, sed per fidem iustificamur. Ex hoc autem limpidißimo fonte Lutherani, quem tanquam limphatici homines totum conturbarunt, putida sua dogmata hauserunt de iustificatione. Nanq; iustitiam Dei non ex operibus, sed per fidem existere, quidnam aliud est, inquiunt, quàm sola nos fide iustificari? & vsq; adeò sola, vt opera nostra, neq; præparamenta sint iustificatricis gratiæ? En primùm eorum assertum. Rursus si dum iusti efficimur, in filios vnâ, ac subinde hæredes (vt infra ait Pau.) adoptamur, longius eadè absunt opera, quàm vt vilo sint pacto æternæ vitæ merita. Hæc autem nos, atq; alia eorum in eandem sententiam cõmenta. 2. lib. de nat. & gra. diffusissimè tractauimus. Haud tamen hic grauabimur in

Secunda pars conclusionis

Lutherani.

Fides hic nõ accipitur pro Euangelio.

epilogum, ea quæ satis sint, contrahere. Primum ergo non est hic nomen fidei eo detorquendum, vt non pro actu vel habitu intellectus vsurpetur, sed pro Euangelio, vt distinguitur à lege veteri. Sic enim quidam arbitratur expediri hunc locum, scilicet quòd Pau. nihil aliud constituat, quàm quòd per opera legis veteris non iustificamur, sed per Euangelium, in quo & fides & spes & charitas & poenitentia cum reliquis virtutibus prædicatur. Etenim quòd hoc non sit apostolicum propositum, palam est. Quoniam non distinguit hic inter legem veterem & nouam, sed inter opera naturalia hominis, & fidem redemptoris Christi. Et hoc patet ex his, quæ paulò superius

perius dicebamus. Nam si appellatione operum, vniuersa cuiusq; legis moralia opera comprehenduntur (quæ in Euangelio quoq; scripta sunt) & fidem operibus è regione contraponit, fit, vt fides non accipiat singulariter pro Euangelio includente eadem opera. Et præterea id patebit cap. quarto, vbi Abraham constituitur pater omnium credentium per fidem, quam habuit ante Euangelium & legem. Accipitur ergo pro fide, quæ est mentis assensio, qua credimus (vt ait alibi Paul.) quod Deus est & remunerator est. Sed vt ad citatum lib. nostrum reuertamur, duos significatus in hoc nomine, fides, agnoscebamus illic cap. 6. Significat enim veritatem & constantiam, quæ in dictis seu affirmantis quidpiam, seu pollicentis inesse debet, quæ dicitur moralis virtus: in qua significatione hîc paulò ante dictum est, Nunquid incredulitas eorum fidem Dei euacuauit? id est, constantiam illam, qua ipse fidelis est. Significat præterea & intellectualem virtutē, puta assensum, quē denunciati, promittentiue nobis aliquid præbemus. Atq; in hoc significato accipitur hoc loco præfenti. Huiusmodi enim assensus, quem habemus dictis Dei, & quo potissimū in Christum credimus, primum est nostrę salutis initium ac fundamentum, vt libr. citato cap. 11. per amplē cōmonstrauimus: iuxta verbum Pauli, Sine fide impossibile est placere Deo. Accedentē enim ad Deum oportet credere quia est, & quia remunerator est. Enim uerò cum Deus per Christum sit author salutis nostrę, primum nostrum obsequium esse debet, fidē illi adhibere, reuelanti sese nobis, suamq; pollicenti gratiam. Neq; deest inter homines exemplum accommodatissimum. Etenim quemadmodum cūm fideiussor pro debitore exoluerit, necesse est, debitore ratā habere solutionem, vt sibi applicetur, hoc est, vt debito ipse absoluator, & fideiussori deinceps acceptū referat, ipsiq; se debitore agnoscant, simili modo cūm Christus suo nos beneficio liberauerit, non ante suū sanguinis precium nobis imputabitur, quā per fidē tanti mysterij eum credamus liberatorem fuisse nostrum, cui vicissim nos ipsos addicamus seruos. Adde quod cum finis ille noster, ad quē destinati sumus, ita nostram exuperet facultatem, vt neq; ipsum cognoscere naturaliter valeamus, neq; verò, nisi præmonstrato scopo, actionem illuc nostras possimus intēdere, necessarium nobis fuit lumen fidei, quod spem nostram erigeret, & in laborū nos patientia

sustentaret, animaretq; atq; in officio retineret. Quo sensu dictū illud interpretati sumus, Iustus ex fide viuit: nempē quod spe eorum, Heb. 10. quæ fides nobis pollicetur, perdurat in cultu ra iustitiæ. Atq; hoc pacto intelligendus est, & sanctorū ille catalogus, quo magnificē demonstrat Paul. quemadmodū fide Abel obtulit Deo, & fide Enoch translatus est. &c. Fuit enim hæc fides per omnia secula necessaria: cuius spe fieret quodcunq; opus Deo erat probandum. Ob idq; quicquid operum sub lege naturæ, vel in quacunq; alia extruxerit quis, nisi hoc fidei præstruxerit fundamentum, esse quidem potest ciuilitate, & (quod aiunt) moraliter bonū, haud tamen Deo gratum. Sed est meditandū præterea (vt in lib. 1. cap. 15. disputabamus) quod Deus haud nos veluti pecudes aut inanime organum trahit, sed (quæ nostra natura est) liberē, hoc est, illuminando, dirigendo, alliciendo, pulsando, & instigando. Nam etsi illam libertatē primus parens perdidit per peccatum, vt sine nouo Dei auxilio, ope & fauore nequeamus in eius gratiā redire, iuxta verbum Aug. in Enchirid. cap. 30. Libero arbitrio malē vtens homo & se perdidit & ipsum: tamen ea libertas, quæ homini naturalis est, vt liberē Deo assentiat, si velit, assentireq; renuat, si nolit, superstes est homini, quādiu fuerit rationis capax, Exclamante eodem Augustino cōtra duas epistolas Pelag. lib. 1. cap. 2. Quis nostrū dicat, quod primi hominis peccato perierit liberum arbitrium de humano genere? Libertas quidē perijt per peccatū: sed illa, quæ in paradiso fuit, habendi plenam cum immortalitate iustitiā, propter quod natura humana, diuina indiget gratia. Et in de Ecclesiast. dog. cap. 1. Postquam verò seductione serpentis per Euam cecidit Adam, naturæ bonum perdidit, pariter & vigorem arbitrij: non tamē electionem, ne non esset suum quod euitaret peccatum, nec meritō indulgeretur, quod non arbitrio diluisset. Manet itaq; ad quærendam salutē arbitrij libertas, id est, rationalis voluntas: sed admonente prius Deo, & inuitante ad salutē, vt vel eligat, vel sequatur, vel agat occasione salutis: hoc est, inspiratione Dei. Et infra, Sicut ergo initium salutis nostrę, Deo miserante, & inspirante habere nos credimus, ita arbitriū naturæ nostrę sequax esse diuinæ inspirationis liberē confitemur. Confecimus ergo, ita vt id neq; pertinacissimus cæcus non videat, fidē ita esse donū Dei præuenientis, illuminantisq; ac præmouentis liberū nostrū arbitriū,

Duo significatus fidei.

C

Heb. 11.

Exemplum.

2. Ratio.

Fides assensio nostra fit.

August.

August.

De Eccles. dog.

arbitriū, vt tamē sit etiam nostra liberē assentientium ipsius aspirationi & nutui. Id quod latissimē idē Aug. in lib. de prædest. sanct. cōstituit, & cōfirmat. Atq; id quidē ibidē vbi cōtra Pelagiū differebat, quod neq; initium fidei esset à nobis: cuius cōtrario errore tenebatur aliquando & Augustinus ipse. Illic inquam demonstrans, quemadmodū Deus est, qui nobis prior ad ostiū pulsat, nihilominus cōfiteretur, q̄ tam fides ipsa, q̄ quod subsequitur bonū opus, & Dei est & nostrū. Vtrunq; etenim ait nostrum est, propter arbitrium voluntatis, & vtrunq; tamen datum est per spiritum fidei & charitatis. Quam sententiam tum alibi sæpenumero, tum potissimū lib. retractationum repetendo probat. Quoniam credere, inquit, est cum assensione cogitare: assensio verò libertatem præ se fert. Vnde vbi dicit Paulus, quod non sumus sufficientes cogitare aliquid ex nobis, moderatur continuo verbum, adiciens, Quasi ex nobis. Nempē quod quāuis liber noster assensus necessarius sit, nisi nos tamen prius Deus suo lumine irradiauerit, suoq; tetigerit digito, nihil per nos ipsi possumus, ob idq; sufficientia nostra ex Deo est, cui perinde referenda est gloria. De hoc enim penitus damnatus fuit Pelagius, dicens, Deum à nobis præueniri. Quamobrem qui auxilium Dei imprecantes clamamus, Deus virtutum conuertere nos, vicissim ab illo commonemur, Conuertimini ad me in toto corde vestro. Et vbi ait Christus, Nemo potest venire ad me nisi pater qui misit me traxerit eum, statim subdit, Omnis qui audit à patre & didicit, venit ad me: nempe quod conuersio sic opus sit trahentis Dei, vt sit etiam nostrū liberē venientū. Sed quia ipse præuenit, non ait, duxerit, sed, traxerit: vt author est Aug. contra duas epistolas Pelagianorū lib. 1. cap. 19. Vbi & hoc itē addit, q̄ nemo venit, nisi velit. Nam homines, fieri nō potest vt nolētes credāt, sed Deus, inquit, facit, vt ex nolētibz sint volentes, hoc est, liberē assentientes. Vnde in enarratione Psal. 144. illam elicit celebrem sententiam, Qui creauit te sine te, non iustificabit te sine te. Hanc nostrā spontaneę assensionis necessitatem eo vsq; hīc confirmauerim, quod ad satis sit, ad demonstrandū, ita nos per fidem iustificari, vt tamen eadē fides, quatenus opus nostrum est, liberē sequentiū diuinum appulsum, sit dispositio necessaria, quam nos numine attracti afferimus ad iustificationem: quod ipsi magnopere respuere prætendunt. Atq; hæc vna causa est, cur inter

creaturas sola illa quæ intellectualis est, vt angelus, vel rationalis, vt homo, capax sit diuinę gratiæ & glorię: nempe solum libertatis arbitrium. Vnde in opusculo de libero arbitrio Bernardus, Tolle, inquit, liberum arbitrium, & non erit quod saluetur. Tolle gratiā, & non erit vnde saluetur. Et paulo post, Quod ergo à solo Deo, & soli datur libero arbitrio, tam absq; consensu esse non potest accipientis, quā absq; gratia dantis. Et ita gratię operanti salutem, liberum arbitriū dicitur cooperari, dum consentit, hoc est, dum saluatur. Proinde irrationalis spiritus salutem minimē capit, eō q̄ illi voluntarius consensus desit, quō Deo saluanti placidē obtemperet: siue iubenti ac quiescendo, siue pollicenti credendo, siue reddenti gratias agendo. Hactenus Bernard. Accedit & huc, quod nisi vltro nea assensio nostra antē iustificationem vllō pacto esset requisita, certē opus conuersionis nō esset opus nobis laudabile. Nam propter illa quæ nobis præter voluntatē nostram accidunt, nec laudamur, nec vituperamur. Et Paul. 1. Cor. 9. Si volens hoc facio, mercedem habeo. Imò verò neq; munus esset obedientiæ: atq; adeò iniquum esset præceptum suscipiendę fidei. Vt illud, Creditis in Deum, & in me credite. Neq; fidem nō suscipere de ore prædicantium, esset peccatum: quoniam peccatū (vt ait in de vera relig. Aug.) adeò voluntarium malum est, vt nullō modo sit peccatū, si non sit voluntarium. Vnde ad Damascum Hiero. Liberū arbitriū dedit Deus hominibz, vt viueret vnusquisq; nō ex imperiō Dei, sed obsequio suo: id est, nō necessitate, sed ex voluntate. Vt virtus haberet locū, & à ceteris animantibus distaret, dum ad exemplū Dei, permissum est nobis facere quod velimus. Postremò nisi venire ad fidem liberum nobis esset, sed coactū nos Deus pertraheret, cum (vt est in Apocal.) ad ostiū sit semper & pulset, quidnam esse posset in causa, cur non vniuersos ad se inuitos permoueret, veluti coelestes orbes, quos nunquam cessat circumagere? Quorsum denum admonitiones illæ creberrimę nihil aliud quā nostram liberam voluntatē allicientes, Venite ad me omnes qui laboratis. Et, Si quis vult post me venire, abneget semetipsum. Et, Qui potest capere capiat, qui non potest, abscedat. Et, Noli negligere legē Dei. Et, Quoties volui congregare filios tuos, vt gallina pullos (nempe blandē vocandō) & nolui. Ac deniq; Qui crediderit ac baptizatus fuerit, saluus erit.

Profecto

Credere.

Pelagius.

Ioan. 6.

August.

Bernard.

1. Corint. 9.

Ioan. 14.

August.

Hieron.

Non solafides.

Profecto nihil in his ac huiusmodi elogijs perspectius nobis esse potest, quàm nostrum assensum exigi ad iustificationem, tanquam dispositionem necessariam. Atqui ex his perquam facilis ac planissima erit via ad euincendum, non solam fidem esse, quæ iustificat, sed alios insuper habere comites, in eis qui vsu pollent liberi arbitrij, puta spem & charitatē, seu delictorum pœnitundinem, quibus Deum habemus offensum. Viam enim hanc primum ipsa nobis sternit. ratio fidei. Est enim (vt dicebamus) actus intellectus, quo assentimur Deo. Nempè quo certò credimus, veracem esse ac fidelem, tum in alijs suis assertis, tum maximè in suis pollicitationibus: cognitio autem hæc nulla est, nisi in illam nos transmittat obedientiam voluntatis, quā nobis ostendit esse necessariam, spemq; nostrā erigat, atq; accendat charitatem. Et quemadmodum voluntas est, qua sola (vt author est Aug.) delinquitur, ita duritiem eius emolliat, vt peccata amara detestatione abijciat. Quoniam (quæ verba sunt Augustini) nemo potest vitam nouam inchoare, nisi quem præteritę pœnituerit. Quocirca non solum fidei in scriptura, sed alijs etiam virtutibus iustificatio adscribitur. Vt enim hic habetur, per fidē nos iustificari, legimus quoq; & de pœnitentia, Nisi pœnitentiam egeritis, omnes simul peribitis. Et in Ecclesiastico, Altissimus odio habet peccatores, & misertus est pœnitentibus. Et in alio capite infra, Pœnitentibus dedit viam iustitiæ. Et apud Ezechielem, Si impius egerit pœnitentiam ab omnibus peccatis suis, vita viuet. Neq; solus Ioannes angelus Christi per pœnitentiam patere aiebat fores regni cœlorum, verum & Petrus illis, qui ad baptismum anhelabant, pœnitentiam vt agerent, prædicabat, vt pœnitentes baptizarentur in nomine Iesu Christi. Sed & de spe ait infra Paulus, Spe salui facti sumus. Et Ioā. Omnis qui habet hanc spem in eo (scilicet quoniam videbimus Deum sicuti est) sanctificat se, sicut & ille sanctus est. At verò de charitate obuia sunt, patentiaq; in hanc sententiam eloquia sacra. Ait enim Paulus, quòd plenitudo legis est dilectio. Et perspicue Ioā. Translati sumus de morte ad vitam, quoniā diligimus fratres. Et, Qui non diligit, manet in morte. Et Christus vtq; seruator noster, Qui diligit me, diligitur à patre meo. Non ergo sola fide, sed spe & charitate (cuius actus pœnitentia est) fundata est, facta, & tecta salus nostra. Neq; fides tota est, machina, sed

pietatis exordium, & fundamentum Christiani ædificij. Vt author est August. lib. i. de prædest. sanct. Spes autem, murus: ac deniq; charitas (author e Paulo) vinculum perfectionis, atq; adeò præparamentum proximum ad gratiam, veluti nexus, quo cum Deo copulamur. Atque vt semel omnia dicamus, fides iustificans non est ociosus intellectus actus, sed actiuosa illa fides & officiosa quæ per charitatem operatur. Iuxta verbum Apostoli ad Gal. 5. In Christo Iesu neq; circūcisio aliquid valet, neq; præputium, sed fides quæ per charitatem operatur. Quapropter, quod ait ad Ephe. habitare Christum per fidem in cordibus nostris, de hac sola intelligi potest, cum (teste Ioanne) Qui manet in charitate, in Deo manet, & Deus in eo. En statum, punctumq; controuersię, quæ nobis cum Lutheranis est de iustificatione. Conuenimus enim hoc verbo, quòd iustificamur fide per charitatē operante, rem tamen ipsi palam abnegant. Docent siquidem iustitiam Dei apprehendi sola fide, quia apprehendere iustitiam, id est, iustificari, nihil aliud illis est, quàm adhibere fidē pollicenti Deo, hoc est, fidenter credere veras sanctissimasque esse diuinas promissiones. Quod ad solū pertinet intellectus assensum. Atqui hoc se pacto explicat Lutherus in de libertate Christiana, vbi ait, Quòd cum verbū sola fide per intellectum apprehendatur, illē solus assensus apprehendit misericordiam, quam postea consequitur charitas, ac subinde opera. Sic quippe intelligunt verbum Pauli. Euangelium virtus Dei est in salutē, quod cum Euangelium, verbum sit quod solo assensu fidei percipitur, illo solo assensu percipitur salus. Perspice igitur duo hic potissimū q̄ absurdissima. Primum q̄ iustitia solo actu intellectus apprehendatur. Intellectus nanq; apprehensio, nihil aliud quàm cognitio, vel iudicium est. Apprehendere autem iustitiam, hoc est, iustum fieri, recipiendo iustitiam, ad voluntatem certē pertinet, cuius consensu cōmittitur peccatum. Apprehendo enim per intellectū, hoc est, iudico & credo, quòd qui crediderit & baptizatus fuerit, saluus erit, & quòd si iniquus, fide instructus, spe veniæ egerit pœnitentiam, vita viuet (huiusmodi enim sunt pollicitationes diuinæ) at verò promissam iustitiam non suscipiam, antequā eo me pacto accomodem diuino nutui, quo me fides docet. Altera istorum hallucinatio pestilens est, quòd non cernunt quemadmodum soli per se fidei & nō illi, quæ per charitatem operatur,

Gal. 5.

Status controuersia.

August.

Luc. 13.
Eccles. 12.

Ezec. 18.

Act. 2.

1. Ioan. 3.

Ioan. 14.

Alter error.

operatur, adscribunt causam esse iustitiæ. Quandoquidem solo actu intellectus, aiunt, iustitiam suscipi. Iustificatū verò (vt dicunt) per talem actum, consequitur deinceps actus spei & charitatis. At consequuntur, aiunt, tamen naturali consecutione. Re vera hoc est falsissimum & contra sensum hominis, quæ praua modo affectio non excæcauerit prorsus: vt lib. 2. de na. & gra. cap. 7. disserebamus.

Lib. 2. de na. & gra. ca. 7. Enimuerò ratio & essentia fidei non solum alia est à ratione charitatis, verum & natura sua prior, neq; ab illa dependēs, quippe quæ in intellectu consistit. Atq; adeò fides, etiam mortua, Christianum potest hominem efficere absque charitate. Iuxta verbum Pauli, Si habuero fidem ita vt montes transferam, charitatē autem nō habeam, nihil sum. Et Christianis loquebatur Ioan. vbi aiebat, Qui non diligit, manet in morte. Cōspectus enim ille Dei, quo felices animæ perfruuntur, vbi nullus est socordiae locus, nullum prorsus cum carne luctamen; nō potest illas non protinus in amorem rapere, perpetuoq; amoris nodo cum Deo habere coniūctas. Fides autē, quæ obscura hic est cognitio, & cum carne colluctatur, non adeò efficax est & ferax, vt charitatem, quam de se parturit, vbique pariat. Igitur Patres à primordiis vsq; Ecclesiæ hoc patet explicant rationē iustificationis, eorum, inquā, quibus lumen rationis affulserit (nanq; paruuli sacramento fidei abluti, iustitiam assequuntur) nempe quod Deus nullis nostris præcūtibz meritis fores nostri pectoris præpulset, corda irradiat, ad se alliciens, vt nos trahat & conuertat: cui si nos assentiētes annuimus, vt veniamus & conuertamur, tunc nos ad se permouet, motu primū fidei, mox spei, tandem charitatis in detestationem peccatorum. Instar illius qui cum auersum haberet vultum à sole, in illum se conuerti permitteret, vt lumen reciperet. Istos verò præparatorios motus, qua parte iustificationis gratiā antecedunt, negamus meritorios esse gratiæ, contra quam nobis tanquam Pelagianis Lutherani imponūt. Nam gratia, si esset ex meritis (vt ait Paul.) non esset gratia, sed meritisimo vocamus dispositiones, quibus nos spontaneos ad se Deus cōuertit, vt eius suscipiamus iustitiam. Quatenus verò iam opera sunt iustorum à diuina gratiā infusāq; charitate profluentia, audenter fatemur, merita esse, tum gloriæ, tum augmenti gratiæ: vt iam suprà super verbo, Qui reddet vnicuiq; &c. adnotauimus, & cap. sequēti repetemus. Per

Lib. 2. de na.

& gra. ca. 7.

1. Cor. 13.

1. Ioan. 3.

*Explicatio
rationis iustificationis.*

hæc igitur perspectissimus factus est sensus *Sensus Pauli
perspectus.* diuinæ huius Pauli doctrine: vtriusq; scilicet membri, & quod non ex operibus, & quod per fidē Christi iustificamur. Negatio quippe hæc solum refellit opera præcedentia diuinam gratiam, vt cuius negantur esse merita. Hoc enim erat prorsus, quod Iudæorum error continebat, scilicet, quod per suæ legis opera merebantur apud Deum iustitiæ præmia. Et ideo hoc duntaxat refutat hic Paul. Haud tamen inficias ire cogitauit, quin fides dum iustificat, secū habeat alias virtutes comites. Siquidem non iustificat, nisi dum, modo iam explicito, per charitatem operatur. Quamobrem nec asserit, per fidem nos iustificari, eo quod ipsa sola sit causa: sed quia primum fundamentū est, sine quo nulla opera cuiuscunq; legis efficacia sunt comparandæ salutis: quod Iudæorum superbia non agnoscebat. Atqui hunc sensum, tum sacra per se elogia efferunt, tum maximè Patrū testimonia perspicuè affirmant. Quorum aliqua huc à nobis ascita sunt, plurima verò 2. lib. de na. & gra. congesta. Vnde Augus. in enarratione *Augus.* Psal. 31. exponens illud, Ei qui non operatur, credēti autem in eum, qui iustificat impium, fides reputatur ad iustitiā, ait, nō quod absq; nostra cooperatione, sola fides iustificet, sed non operanti, inquit, id est, impio iacenti in peccato, atque adeò non bene operanti: hoc est, nihil meriti adferēti ad suam iustificationem: credenti tamen per auxilium Dei, fides reputatur illi ad iustitiam. Sed quæ fides, illa scilicet, quæ per charitatem operatur. Et de fide & oper. cap. 14. cum dicit, inquit, Apostolus, arbitrari se hominem iustificari per fidem sine operibus legis, nō hoc agit, vt præcepta, ac professā fide opera iustitiæ contemnantur, sed vt sciat se quisq; per fidem posse iustificari, etiam si legis opera non præcesserint: sequuntur enim iustificatum, nō præcedunt iustificandum. Neq; negat in puncto iustificationis simul alias dispositiones cum fide cōcurrere. Nam subdit, quod vbi ait Paul. fide nos iustificari, nō quamlibet fidem, qua in Deum creditur, sed eam salubrem planēq; euangelicam definiuit, quæ per dilectionem operatur. Ait verò quod opera sequuntur iustificatum, quatenus merita sunt, & rationē habent absolutæ virtutis. Et lib. 83. quæstio. 76. Vbi hanc materiam ex professo dilucidat, concilians Paulum, dicentem, fide hominem sine operibus iustificari, cum Iacobo, dicente, fidem cooperari operibus, ait, primū

H loqui-

loqui de operibus præcedentibus fidem: alterum vero de subsequētib. Et lib. de prædest. sanct. cap. 7. (vbi comparat fidē, & opera, quæ inde nascūtur, Israël, & Iudæ, qui ex Israël legitimus est) ex fide, inquit, ideo dicit Paul. iustificari hominem, non ex operibus, quia ipsa prima datur, ex qua impetrētur cætera, quæ propriè opera nuncupantur, in quibus iustè viuatur. Nota quòd fides non est sola, sed prima: cur autem prima? quia ex ipsa impetrantur cætera. Quomodo autem ipsa alia impetrentur, luculenter edisserit lib. de spir. & lite. potissimùm cap. 13. vbi hanc constituit inter legem operum & legem fidei distantiam, vt quod operum lex minando imperat, hoc fidei lex credendo impetrat. Credendo, id est, dum per eam cognoscimus, à quo debeamus auxilium petere. Vnde subdit, Ac per hoc lege operum, dicit Deus, fac quod iubeo: lege fidei, dicitur Deo, da quod iubes. Ideo enim iubet lex, vt admoneat quid faciat fides: id est, cui iubetur, si nondū potest, sciat quid petat. Et quando illa Aug. non adnotasset, expressè hoc docet Paul. vbi ait, Fidem esse argumentum rerum sperandarum, nempe indicans nobis, quo debeamus officia nostra referre. Et ideo accedentem ad Deum oportet credere, illum esse vnum remuneratorem, cuius fide & spe erectus iustus, viuat in officiis charitatis. Fides ergo nō sola, sed prima est causa iustificationis. Atqui cum principiū (vt est apud philosophos) virtute contineat subsequentes effectus, securus dicit hac ratione Paul. per fidem nos iustificari. Nam nisi nostra obfisteret libertas, carnis illecebris compressa, fides suo ingenio ferax est omnium bonorū: genitrix quidem spei, ac charitatis parēs. In summa, Non ex operibus, idem pollet, quòd non viribus nostris naturalibus, sed gratis per auxilium Dei. Quapropter quod hic & Gal. 2. & sæpe ait, Non ex operibus, idē pollet quod Ephe. 2. inquit, Non ex vobis, sed donum Dei est. Et Timo. 3. Nō ex operibus iustitiæ quæ fecimus nos, sed secundum suam misericordiā. Cessent ergo nos Lutherani maledictis proscindere, atque in familiam Pelagianorum obtrudere. Nos enim potius illos inde reuincimus, qđ doctrina hæc Pauli nullū præse alium fert intellectum, quàm quem Ecclesia ante tot annorum centurias, contra Pelagianos fanciuit. Quod autem contra Pelagium de hac re Ecclesia definiuit (vt apud Augustinum in epistola ad Paulinum,

& in concilio ipso Mileuitano cernimus) est, gratiam non secundum merita nostra dari, neque per liberum arbitrium sine Dei auxilio aliquid nos per nos ipsos facere operis, quod Deo gratum sit & acceptum. Atque adeò victoriam nostram non ex libero nostro arbitrio, sed ex Dei esse adiutorio. Ergo error Iudæorum quem hic Paul. reprehendit is ipse erat, quem Ecclesia contra Pelagium condemnauit: atque adeò veritas Paulini sensus, eadem, quam Ecclesia definiuit. Quin verò sibi ipsi caueant, vtrum ad se illud pertineat, quod lib. de fide & operibus cap. 14. commonet Aug. Porro quòd sententia hæc, sola nos fide iustificari, pessimè audit apud apostolos Petrum, & Iacobū, tanquam ex verbis deprauatis Pauli violenter exorta. Nam propter hanc inde exortam hæresim, ait, reliquos apostolos suas ædificasse epistolas: cuius authores Petr. deprauatores appellat epistolarum Pauli. Et Iacobus (inquit August.) vehementer infestus est eis, qui sapiunt, fidem sine operibus valere ad salutem, vsque adeò vt illos etiam dæmonibus comparet: dicens, quòd etiam dæmones credunt & cōtemiscunt. Nescio an plus satis, & cum legentium tædio: existimo tamen non sine operæ precio tā opere hæsisse nos in explicando, quidnam sit, iustitiam Dei nobis obuenire, non ex operibus legis, sed per fidē Iesu Christi. (In omnes & super omnes qui credunt in eum.) Dilatio est vniuersalis causæ, hoc est, explicatio iustitiæ fidei, quàm longè ac latè pateat. Perseuerat quippe in collatione fidei cum lege. Non enim solis illis, quibus data est lex, nempe Iudæis, exhibita est postea per Christum salus: sed omnibus in vniuersum credentibus in Christum. Quandoquidem non merito legis, sed fidei beneficio obuenit humano generi. In omnes, ergo amplitudinem fidei significat, super omnes, verò, eminentiam: sanè quòd non virtute legis aut naturæ vi, sed excelsiori causa atq; vtriq; præcellente prouenerit.

Error Iudæo-
rum & Pelagianorū, idē.

Nō enim est distinctio. Omnes enim peccauerunt, & egent gloria Dei.

Causam vtriusq; subscribit, scilicet, & generalitatis, & præminentie fidei. Causa verò ea est, quòd nullum est inter Iudæos & Græcos interstitium, sed omnes peccauerunt. Quare vt Græci nullam sibi possunt arro-

Non ex operibus.

Ecclesia contra Pelagianos.

arro-

arrogare gloriam à sua naturali lege, ita neque à sua sibi scripta, Iudæi. Quandoquidem utraque suos docuit subditos quid perfecti, quidque deberent in moribus fugere, tamen neutra præstitit auxilium aut originalem maculam delendi, aut cauendi actualia. Ob idque omnes egent gloria Dei. Sunt aliqui textus qui pro, gloria, habent, gratia. Attamen licet nonnunquam authores sancti videantur legere gratia, longè tamen frequentius legunt, gloria, & ita est Græcè *Μεγας*. Vnde sensus est, quod cum nihil à nobis meriti adferatur ad iustitiam, sed ex sola diuina clementia nobis obtingat, omnes indigent diuina glorificatione, id est, illa gratia, unde gloria Dei effulget. Quo fit, ut parui referat, gratia, ne, an, gloria legas, eo quod in eundem sensum ambo coeant. Est enim scripturæ mos, ubicunque insigne aliquod facinus memoratur, illà numinis præsentiam, gloriam domini appellare. Vt Exo. 24. Ascendente Mose in montem. Et habitauit, inquit, gloria domini super Sinai. Et. 1. Reg. 4. sublata arca domini, clamabat vxor illa Phinees, Translata est gloria de Israel, eò quod capta sit arca. Nisi fortè gloria Dei actiue audias in hoc sensu, Omnes egent gloria vera, quæ est à Deo. Ac si dixisset, possumus homines ex operibus legis gloriam inter homines venari: apud Deum verò non, nisi per fidem. Quemadmodum ait in initio sequentis capitis, Si Abraham ex operibus iustificatus est, habet gloriam, sed non apud Deum. Arrogantiam demum & hic deiicit Iudæorum, quibus nullum propter legem priuilegium relinquit in assequenda iustitia: quoniam nullo interiecto discrimine pares eos facit cum gentibus.

Iustificati gratis per gratiam ipsius.

Huic quod dixerat, per fidem Iesu Christi, explicationem attexit. Eò enim fides basis est, ac fundamentum Christianæ salutis, ac diuinæ fundamentum iustitiæ, quod iustificati sumus gratis per gratiam ipsius. Relatiuū quippe, ipsius, Christum refert, per quem Deus promissa compleuit sua, cui mūdus præstiterat fidem. At verò, gratis, &, per gratiam ipsius, sunt qui eodem referunt, nisi quod per emphasin congeminatum putant verbum, Crediderim ego verò (nisi mea fuerit ignorantia) per gratiam ipsius, speciosissimam illius esse diffinitionem, quod præ-

miserat, gratis. Enimuerò gratis alio nobis pacto condonare poterat Deus delicta nostra, utpote si absque redemptore villo, nullaque iustitiæ ratione habita, ignouisset humano generi, tam quod in primo parente, quam quod per se quisque deliquisset. Cum enim contra illum duntaxat peccatum fuerat, quomodocunque ipse nobis condonasset crimina nostra, in gratiam eius rediissemus. At verò non ita fuit consilium eius, sed ut gratia cumulatiflima, ita æquiflima iustitia vsus est, dum præ nimia in nos dilectione gratis nobis dedit filium suum, qui, cum persona esset infinitæ potentiæ, infinitumque amica, grataque & accepta Deo patri, per mortem, eandemque acerrimam, quam in carne pertulit, ad iustum exolueret eidem patri debita nostra. Ut qui sua ipsius efficeremur membra, suam iidem iustitiā adferremus ante tribunal suum, secundum mensuram donationis eiusdem: hoc est, prout quisque assensione sua & cooperatione vsus fuerit ope & gratia ipsius Christi. Nam reddet (ait Pau.) vnicuique secundum opera sua. Attamen quia non modo gratis donatus est Christus, sed gratis quoque conceditur & nobis, ut eius efficiamur membra, ait, gratis per gratiam ipsius, hoc est per talem gratiā, in qua summa fuit iustitia. Quo fit, ut cum dixerit, per gratiam ipsius, & addiderit (*per redemptionem quæ est in Christo Iesu*) non modo nulla sit repugnantia, verum perspicua eademque appositissima dilucidatio. Est enim redemptio ut meminit Origen. illud precium, quod hostibus solet pro captiuorum liberatione pendere. Gratia ergo summumque beneficium, quod in nos contulit Christus, fuit, quod se ipsum pro nobis tradidit. Illic enim (ut ipse author est Apostolus Col. 2.) Donauit nobis omnia delicta, delens quod aduersus nos erat, chirographum decreti, quod erat contrarium nobis: & ipsum tulit de medio, affigens illud cruci, & expolians principatus & potestates traduxit confidenter palam, triumphans illos in semetipso. Nec verò (quod Hiero. adnotauit) dixit, per emptionem (nam iam antea sui eramus per naturæ creationem) sed, per redemptionem: consonans Esaia vaticinio, Gratis venundati estis, & sine argento redimemini. Namque ut peccatis nos gratis ipsi tradimus Sathanæ, nullū inde reportantes emolumentū, ita sine villo nostro precio, preciosissimo sanguine illius, qui nullū fecit peccatū, redempti sumus. Fuit enim ineffabiliter

Permutatum iudiciū mortis. iudiciū mortis permutatū. Cum enim peccator homo placare Deum non poterat, factus est Deus homo, qui non fuis, sed alienis peccatis mortuus, à nostris nos propriis erueret. Atque adeò iustitia eius, nostra efficere-
Non persoluit diabolo. tur: secundū verbum Pauli. 2. Cor. 5. Eum qui non nouerat peccatum, pro nobis peccatū fecit: vt nos efficeremur iustitia Dei in ipso. Vt ergo ad literā reuertamur, eadem Christi redēptio, tū opus iustitiæ fuit, quod patri persoluit, tum etiā gratiæ, quam in nos effudit.

Abfit enim tam ingens vefania, vt quis dicat persoluisse pro nobis diabolo. Nam iniquo tyrāno quid homo debuisset? Imo verò quid opus erat Deo cum iniquissimo dæmone rationē illam inire iustitiæ? Sed satisfecit patri, quē iuxta verbū proximē subsequens, nobis fecit propitiū. Et sic vtiq; humanum genus à seruitute peccati liberauit, cui sua se sponte dederat. Nam vt est Ioan. 8. Omnis qui facit peccatum, seruus est peccati. Et. 2. Pet. 2. A

quo quis superatus est, huius & seruus est. Nullum tamē exinde ius diabolus in nos habebat, quod illi esset reddendum, sed exercebat tyrannidē. Atqui eo pacto satisfecit pro nobis, quo nulla poterat creatura. Id quod lib. 3. de na. & gra. cap. 6. meditabar. Enimvero quòd ait D. Aug. 13. de trinitate, haud defuisse Deo alium modum liberādi humanū genus, non eo sensu excipiendum est, quòd fuisset alius modus possibilis perfectę redemptionis, absolutęq; & consummatę satisfactionis. Sed quòd potuit (vt proximē dicebamus) delicta vniuersa omnino gratis nobis condonare, absque ratione vlla, vel redēptionis, vel satisfactionis. Potuit item fortē creaturam aliquam eo secum gradu amicitie gratis copulare, vt eius mortem in precium acceptaret pro toto humano debito. Hæc autē non fuisset perfectā satisfactio (vt probē author est S. Tho. in. 3. parte. q. 1.) cuius causa palam fit ex ratione ipsa satisfactionis. Est enim perfectā satisfactio, solutio debiti, quæ nulla ex parte à creditore, sed tota à debitore proficiscitur. Si enim ego à creditore meo argentum dono susciperem, quo debitū illi persoluerem, esset quidem satisfactio, sed quæ ex dono esset parta creditoris. Talisque esset illa creaturæ satisfactio. Christus verò, licet sua misericordia factus est homo, tamen quia suppositum erat diuinum æquale patri, quanuis nulla esset alia donatus creatura, opera ipsius (nam opera, non nature sunt, sed suppositorum) infiniti essent valo-

ris & precij. Ob idq; de se ad iustum satisfecit. Neq; enim existimaucrim hoc incomprehensibile incarnationis munus sine summa ratione & causa, ne dixerim, necessitate, collatum nobis à Deo esse. De quo proinde innumeras illi debemus gratias. Et hoc perspicieret hic S. Tho. adnotauit super hoc verbo, Quæ est in Christo Iesu, dicens, Quasi dicat in alio non poterat nobis esse redemptio. Atqui meditatio non dixit, per Christum, sed in Christo. Quoniam nō per aliud exterum precium, sed per mortem nos redemit, quam pertulit in seipso. Apposuit verò, Iesu, eò quòd sit saluatoris nomen, atque adeò redemptoris.

Quem proposuit Deus propitiatorem per fidem in sanguine ipsius, ad ostensionē iustitiæ suæ.

Mirificè cōnexa à Paulo hæc est explanationū catena, vt articulatim subsequēs membrum præcedētis mysteriū aperiat. Annectit, inquā, rationē, cur redēptio Christi per mortem suā, iustificatio fuerit nostra, Ratio quippe est, q̃ proposuit eum Deus, vt se ipsum Deū nobis propitiū faceret. Nempe q̃ cum in enarranda illa misericordia reconciliationis, nihil diuinæ iustitiæ debuisset adimere, quo minus fieret æquisima satisfactio, absolutissimaq; redemptio, id quod nulla creatura (vt modo dicebamus) præstare poterat, proposuit, hoc est, (Origene interprete, quo etiam & Chrysost. alludit, & Ambro.) ante secula in sua æternitate disposuit: vel (secundum Hieronymum) in promptu ob oculos omnium posuit filium suum propitiatorem, vt quicumq; per saluificam fidem eum susciperent, eius sanguine redempti Deum haberent propitiū. Haud enim otiose repetit, per fidem, sed appositissimè composuit redemptionem Christi & fidem nostram. Nimirū vt admoneret, quòd vana fuisset redemptio, nisi nobis per fidem, eam ratam habentibus applicaretur, vt paulò superius exponebamus. Quo fit, vt per gratiam, per redemptionem, per fidem, tres ex ordine causas nostræ salutis præ se ferāt, vtpote gratuitam Dei voluntatem, quæ prima est, æquisimā iustitiā Christi, & vtriusque ad nos applicationem. Vbi nos legimus, propitiatorem, Græcè est *ἰλαστήριον*, quæ vox, sine articulo, vti iacet, anceps est. Potest enim esse accusatiuus neutrius generis, & tunc significat propitiatoriū (vt

Tres cause salutis

Propitiatorē

Orig.

(vt legit Orig. & Theophyl.) vel potest esse masculini generis, & tunc idem est (vt vertit interpret noster) quod, propitiatorem. Quare hoc adnotauit Orig. quod cum Christus, & propitiatoriu fuerit, & pontifex, & hostia, vno eodemq; sensu, apostoli, propitiatoriu, vel propitiationem, vel, vt frequētius, inquit, in Latinis codicibus inuenitur, propitiatorē, eum nominant. Sed nihil interest, siue propitiator, siue propitiatoriu, siue propitiatio scriptum sit. Hæc Orig. Haud tamen audiendi sunt qui legunt reconciliatorem, vel aliam quamlibet id genus vocem. Est enim allusio venustissima veritatis ad figuram: scilicet quod antiquum propitiatorium, quod Exo.

Cōtra novos interpretes.

Exo. 25.

25. de auro mundissimo extrui iussum est, imponendum arcæ testamenti, Christi fuerat figura: qui corpus ex mundissima ac purissima carne, munere spiritus sancti indutus, Ecclesiæ erat præficiendus. Expurgatio itidem peccatorum, quam in sanguine hircorum & vitulorum pontifex, sancta olim ingressus, celebrabat quotannis, sacrificium Christi in cruce effigiabat, vti ipse Apostolus ad Heb. 9. cōmemorat, vbi ait, Quod Christus assiltes pontifex futurorum bonorum, perāplius & perfectius tabernaculum non manufactum, id est, non huius creationis, neq; per sanguinem hircorum aut vitulorum, sed per propriū sanguinē introiuit semel in sancta, æterna redemptione inuenta. Ille quippe vitulorum sanguis, quia non erat causa vniuersalis redemptionis, sed signum indulgentiæ particularium delictorum, identidem erat vna, ac subinde altera vice fundendus: sanguis verò Christi semel effusus æternæ fuit precium redemptionis. Eodem præterea loco Paulus & Christi corpus tabernaculo cōparat, & Christum ipsum, tum pontifici, tum etiā hostiæ.

Ioan. 1.

De qua ait Ioan. Ecce agnus Dei, qui tollit peccata mundi. Qua de causa mortem hic Christi non proprio nomine, sed sanguinis effusione designauit. Nempe vt ex integro constaret allusio. Ea quippe tunc pontifex significatione, hostiarum sanguinem contra propitiatorium pro peccatis aspergebat, vti legitur Levit. 16. quod sola tunc fide huius effundendi in cruce cruoris abstergebātur delicta. Ob idque ingrediens in mundum dicebat Christus, Hostiam & oblationem nolui, corpus autem adaptaui mihi. Tametsi & respicere hic quoque Paul. potuit ad sanguinem agni, quo deliniti sunt Iudæorū postes in exitu de Aegypto.

Heb. 10.

Ad ostensionem iustitiæ suæ, propter remissionem præcedentium delictorum, in sustentatione Dei, ad ostensionem iustitiæ eius in hoc tempore: vt sit ipse iustus, & iustificans eum, qui est ex fide Iesu Christi.

Perfistit in illo illustrando primo proposito. Iustitia enim Dei in eo reuelatur, cui videlicet cōsonant verba hæc, Ad ostensionē, &c. In quibus binus latet intellectus. Aut enim iustitia hic fidem Dei significat, seruata & constantissimè persolutam, dum quæ vnigenitū promiserat mundo, fidelissimè miserit: qua ipse iustitia iustus est, vt paulò post ait Apostolus, velut æquisimus in suis promissionibus. Et talis tunc sensus affuitur præcedēti sententiæ, Quem proposuit, &c. veluti fuerat pollicitus. Aut loquitur de iustitia, qua nos iustos cōstituit, scilicet, vel qua nos perfudit, vel fortè quā in se Christus stupendam pro nobis obtulit. Quæ igitur locus hic non nimis q̄ vehementer perterrefaciat, qui secū cogitando reputet, q̄ Deus filio suo pro nobis non pepercit? Perplexum me sanè habet, vtram præ altera demirer, misericordiam ne Dei, an iustitiā. Nam cum seruari integrā iustitiam haud aliter iudicauerit, quā per filium suū vnigenitū, eiusdemq; secum substantiæ, carne assumpta, crucifixum, sic nihilo fecius dilexerit mundum, vt nobis eum dederit propitiatorem in sanguine suo: vbi, quā sit iustitia eius extimescēda, fit manifestum. Quæ nam ergo putandū est imminere nobis supplicia à iustitia Dei, qui immensam hanc misericordiā effusi pro nobis sanguinis eius, vsq; adeo negligimus, vt non modo non rependamus ei vitam, verum neq; vllam geramus curā seruandi animas nostras, tanti precio sanguinis redemptas? Qui tamē inde vel maxime extimescere scelera nostra debemus, ac perpendere, quā dira sint ab iniquis exigenda supplicia neglectæ misericordiæ, quod non nisi tam tremenda interueniente iustitia Dei deletum fuerit chirographum, quod contra nos erat inscriptum. Hic autem sensus manifestatæ iustitiæ Dei apprimè quadrat cum suppositis cōtinuò verbis. (Propter remissionem præcedentium delictorum.)

Daplex intellectus.

Misericordia & iustitia.

Inde enim iustitia Dei fit manifesta, hoc est, solum illum posse iustificare, quod non mo-

do futura post delicta, verum vniuersa simul à mundi primordio patrata, siue sub lege natura, siue sub lege scripta, quæ videri Iudæis poterant per legem esse abolita, vsque ad donatum nobis Christum non fuerunt prorsus remissa, sed tunc primum per eius iustitiâ. Huius simile extat testimonium. 1. Ioan. 2. vbi ait de Christo, Quod ipse est propitiatio pro peccatis nostris: non autem pro nostris tantum, sed etiam pro totius mundi. Id quod & frequentissimis antiquitatis de Christo vaticiniis prædictum fuerat, qualia sunt, Copiosa apud eum redemptio. Et ipse redimet Israel ex omnibus iniquitatibus eius. Et, Rorate cæli desuper, & nubes pluant iustum: aperiatur terra & germinet saluatorem. Et Micheæ ultimo, Deponet iniquitates nostras, & proiciet in profundum maris omnia peccata nostra. Quare senex ille lætabundus excipiens vlnis redemptorem, nunc, inquit, dimittis seruum tuum in pace, quia viderunt oculi mei salutare tuum, quod parasti ante faciem omnium populorum. Neque adeo refert, vtrum, præcedentium, adiacere putes genitui, delictorum, an verò præcedentium, hominum, subaudias. Persequitur nanque Paulus principale argumentum suum de Iudæis & Græcis. Quorum neutros sua potuit lex à noxa seruare, sed omnes per Christi mortem salui facti sunt. Fuit quippe fructus sanguinis Christi, vniuersalis redemptio totius humani generis. Quoniam non est aliud nomen sub cælo, in quo oporteat nos saluos fieri. Ne quis verò hæsitare queat, an omnia in vniuersum priscorum crimina fuerint morte Christi condonata: imo verò quomodo illorum Patrum errata, qui iam pridem in gratia & amicitia Dei ab hac luce demigrarunt, non fuerint vsque ad tempus illud Christi dimissa, præsto occurrit ac subdit (*In substitutione Dei*) Est fortè Hebraismus supplemento egens relatiui, hoc est, quæ quidem peccata fuerunt in sustentatione Dei. Ac si dixisset, Haud quidem cuncta remissa sunt, at illorum omnino, qui in gratia, qualis tunc erat, defuncti sunt. Eorum etenim peccata qui vel per sacramentum, vel per poenitentiam participes fiebant effundendi sanguinis Christi, per eius fidem tolerabantur à Deo, vt morte eius remitterentur. Sanguinis quippe virtus per fidem operatur ac diffunditur, & eandem nobiscum sortiti sunt fidem antiqui, iuxta illud. 2. Corinth. 4.

Habentes eundem spiritum fidei credimus. Scilicet illi expectantes venturum, nos verò confitentes venisse. Quocirca, tamen si diffitendum non sit, ante Christi aduentum veram fuisse gratiam & amicitiam Dei, non solum in Patribus veteris testamenti, vt in Abraham & prophetis, verum in lege naturæ, vt in Noe, Melchisedech & Iob, & aliis, quos scriptura commemorat, modò rectos, modo iustos, modò inuenisse gratiam in oculis domini, tamen ad gradum illum amicitie, vt digni essent adeunda hæreditate, & conspectu Dei, qui debetur amicis, & filiis, illa olim gratia non pertingebat. Et ideo Patres sustinebantur in limbo suo, quoadusque precium redemptionis Christus solueret. Sustentari enim ac tolerari non nihil deterit, ac diminuit de flore gratiæ & amicitie. Nam qui tolerantur, nondum ad omnes amicitie numeros peruenerunt. Perinde res tunc habebat, ac si modò princeps reos quospiam & sibi offensos, neque ad suum omnino conspectum admittere vellet, neque verò omnino condonare, sed precibus victus, abstinere lege agere in illos, & velut in deposito custodiret, quoadusque fieret iniuriarum compensatio per alium, à quo certò sciebat satisfactum iri. Atqui forsan in hoc sensu de suo Baptista pronunciauit Christus, Qui minor est in regno cælorum, maior est illo. Conferebat enim illic gratiam familiæ euangelicæ, cum illa Patrum antiquæ legis, dicens, quod summa illorum, puta gratia Ioannis, qui fuit omnium maximus, non adæquabat gratiam baptismi: quæ cum sit minima in regno cælorum, hoc est, in Christianismo, tamen cæli fores continuo pandit. Huic consonat & verbum Pauli. 2. Corinth. 4. Ecce nunc tempus acceptabile, &c. Nunc propior est nostra salus, quàm cum credidimus. Loquitur enim, ac si vna esset Ecclesia à tempore Abraham, quando credere cœpit orbis pollicenti Deo salutem, vsque ad Christum, quando facta est (*Ad ostensionem iustitie eius in hoc tempore*) Repetitio hæc, Ad ostensionem, &c. minimè redundat, fuit nanque accommoda, & necessaria ad explanandū, cur Deus tam diu sustentauit priscorum delicta: causa enim fuit, vt hoc præfinito tempore suam patefaceret iustitiam. Quod si quis percontetur, cur qui diues est in misericordia, non statim postquam Sathan in mundum grassatus, omnia oppleuit sceleribus, hanc

Gratia ante Christi aduentum.

Exemplum.

Qui minor est in reg. cæ.

Rom. 13.

Dubitatio.

Vaticinia Christi. Psal. 129.

Esa. 45.

Dubium præcipuum.

hanc operatus est redemptionem, per quam aditus pateret cunctis ad regnum ab Abel iusto usque ad Ioan. Baptistam. Egregiā certē respondēt Patres rationē, scilicet ob superbiam edomandā humani generis. Siquidē cū protoparentes nostri prę superbia lapsi fuissent, ex re nostra erat, hominē prius in lege naturę arbitrio suo permitti, vt tenuitatē naturalis luminis, ac defectum scientiæ per absurdissimos philosophorū errores cognosceret: ac deinde sub ampliori luce legis scriptę exerceri, vt imbecillitatem naturalium virium, defectumque potentię, crescēte cum cognitione peccati, libidine, experiretur: atque adeo tam legi, quā naturę diffusus, ad Deū identidem manus attolleret, cuius diu expectatum auxilium pluris idcirco æstimaret. Præterquā quod dignitas ipsa venturi, hoc etiam postulabat, vt diu ipsum mundus præstolaretur. Erat enim mundus aliquod seculis (vt iam ante dicebamus) infantior, ac rudior, quā qui posset tantum beneficium agnoscere; quoadusq; venit plenitudo temporis. Non autem hic est locus hęc discutendi. Nam si morosus quispiam pressius rem vrgeat, quod alio forsan tempore si venisset, plures salui fuissent, id quod Christus ipse de Tyro & Sydone pronunciat, non audet August. in lib. de perseuerantia aliter respondere, quā quod non est volentis, neque currentis, sed miserentis Dei (*Vt sit ipse iustus & iustificās eum, qui est ex fide Iesu Christi*) Finis est totius periodi. Quod enim præfatus est, proposuisse Deum propitiorem filium suum, ad ostensionem iustitiæ suæ; id apertius concludit. Nempe quod hoc fecit, vt sit ipse iustus. Non quidem iustificatus, vt nos per susceptam iustitiam (de quibus dixerat, iustificati gratis) sed sua natura iustus, & ideo seruans promissam suam fidem iustificandi, nō quidem promiscuē ac temerē vniuersos, sed eos prorsus, qui sunt ex fide Iesu Christi, hoc est, qui ex fide nascuntur & coalescunt in corpus Christi. Nam dedit potestatem filios Dei fieri iis, qui credunt in nomine eius. Et, Nisi quis renatus fuerit ex aqua & spiritu sancto, nō intrabit in regnum celorum.

Vbi est ergo gloriatio tua? Exclusa est. Per quam legem? Factorum? Non: sed per legem fidei. Arbitramur enim, iustificari homi-

nem per fidē sine operibus legis.

Ex hac demum manifestatione iustitiæ Dei per sanguinem Iesu Christi concludit id, quod ab initio epistolę fuerat eius propositum, puta deprimere Iudæorum superbiam, oraque obturare, & obsepire, qui gloriam sibi suæ iustitiæ arrogabant, illosque Gētibus adæquare, ac deniq; omnium iustitiam Deo transcribere, vt illi soli adscribatur gloria. Vtutur autem interrogatione, vt vis sit, vehementiaque in verbis maior. Et quanuis gentes quoque attingat interrogatio, qui neq; à lege sua naturali gloriam sibi poterant vllam attribuere, peculiariter tamē inuehitur in Iudæos, quibus superiori capite inter cætera improbat, quod gloriarentur in lege. Et quanquam in Græcis nonnullis codicibus non extet, tua, sententia tamen eadem est. Neq; verò solum Latini, verum & Origen. Legit & Theophyl. August. autem lib. de spir. & lite. cap. 10. non vno sensu hanc gloriationem exponit. Ait enim, posse hic intelligi gloriationem laudabilem, quæ in domino est. Quæ quidem per iustitiam Christi exclusa est, hoc est, expressa, & (vt dictum est) ostensa. Vnde & exclusores, inquit, dicuntur quidam artifices argentarij. Hæc autem vera gloria, dicitur Iudæorum, quia non deberent nisi in domino gloriari. Sed tamen legitimus sensus ac genuinus Pauli est, de vitiosa gloriatione, quæ de superciliiis Iudæorum descendebat. Quam monstrauit esse exclusam, id est, depulsam, non per legem factorum, sed per legem fidei. Quoniam etsi gloriatio ex operibus legis promanans, in personas refundatur, illa tamen quæ nascitur ex fide, Deo debetur. Non autem ait simpliciter, per fidem, sed venustius, per legem fidei, vt lex vna, per legem aliam, appareat eiecta. Cū enim lex sit vis ac norma operum, quicquid eiusmodi vim habet, translata lex dicitur. Quare & infra cap. 7. legem mentis, appellat vim mentis ad optima deprecantem, legem autem membrorum, carnis illecebram & cupidinem: fides ergo nos, nostraque officia reificans, lex probè nuncupatur. Neq; verò dixit (vt notat Chrys.) Periit gloriatio tua, id est, quam à lege aucuparis, aut cessauit, aut quid simile, sed significatissimè, exclusa est, id est, repulsa per ostensionem iustitię fidei. Huc quoque spectat quod ait Ioan. lex per Moysen data est, gratia & veritas per Ie-

Dignitas ad-
uen. Christi.

August.

August.

Lex.

Exclusa.

Ioan. 1.



*Discrimen
ter legem fa-
ctorum & le-
gem fidei.*

August.

Eccl̃s. 2.

Psal. 118.

2. Cor. 3.

sum Christum facta est. Nempe gratia iustificationis & figurarum veritas. Vel gratia & iustitia. Deus enim per Moſen legem duntaxat dedit, qua doceret populum: at quicquid gratiæ ac iustitiæ ab orbe condito largitus est post peccatum, id per Christum factum est. Est verū tamen spectatius hæc consideranda discretio inter legem factorum & legem fidei. Imprimis lex factorum non hic censetur, præcisa illa portio legis veteris, quæ posita erat in ceremoniis & neomeniis (ut sapienter August. adnotavit in de spi. & lit.) sed lex vniuersa quæ mores instituit: ut iam suprà plenius disputauimus super verbo; Quia ex operibus legis. Eandem enim legem ex cuius operibus non iustificamur, cognominat hic pari ratione legem factorum. Ob idque neque constituit hic differentiam inter totam legem euangelicam, & legem veterem, de qua dicturi sumus in calce huius capituli. Nam & in Euangelio sunt eadem moralia præcepta, quæ erant in veteri, quorum officia per se non iustificunt. Et quemadmodum in lege illa sua erant sacrificia & ceremoniæ, quibus fidem Christi Patres profitebantur, ita sunt & in nostra. Et præterea, sicut nos tenemur lege fidei, id est, præcepto fidei, similiter obligabantur & illi. Nam illud, Accedentē ad Deū necesse est credere, vniuersos ab exordio mundi comprehendit mortales. Vnde Eccl̃s. 2. Qui time-tis Deum, credite illi. Et, Credidi, inquit Dauid, propter quod locutus sum. Quare lex illa non erat tota posita in externo cultu, sed potissimum eius fundamentum, sicuti & nostræ, erat interna fides, per quam cultores legis iustificabantur. Discrimen ergo hoc (ut author est loco citato August.) illud est prorsus, quod Apostolus constituit inter epistolam scriptam spiritu Dei viui penitus in cordibus, & illam quæ scribitur in tabulis lapideis, Et quod est inter literam occidentem, & spiritum viuificantem. Atqui ut perspicacius dicam, legem factorum appellat Apostolus legē quamlibet, seu externē scriptam, seu internē naturali lumine reuelatā, quæ vim tantum habet docendi, dirigendi, & imperandi ac prohibendi quæuis opera, siue moralia sint, siue ceremonialia: nulla tamen pollet facultate remittendi commissā peccata, neque efficiendi ea opera, quæ per se Deo placeant. Et ideo (ut infra patebit) eadē dicitur, occidens litera. Lex verò fidei est lumen supernē à Deo impressum penitissimē menti

bus nostris, qua rationē nos instituit, ac dirigit, unde debeamus fauorē petere, & opem, qua à peccatis liberati, Deoque reconciliati, possimus officia illa, quæ per legem docemur & iubemur, taliter perficere, ut in oculis eius grata sint & accepta. Et hoc est, quod ait ibidem Augu. scilicet, Quod operum lex minando imperat, hoc fieri lex credendo impetrat. Illa dicit, Non concupisces: ista dicit, Cum scirem quia nemo esse potest continens, nisi Deus det, adiū dominum, & deprecatus sum. Quod est dicere, Lex obligare quidem potest præuaticatores ad poenam, neutiquam tamē ad iustitiam satis adiuuare. Quocirca sub lege factorum, legem etiam Gentium complexus est. Lex autem fidei est de qua infra. 8. Lex spiritus vitæ quæ est in Christo Iesu. Et de qua prædixerat Hierem. cap. 31. Hoc est testamentum, quod disponam domui Israel post dies illos. Dabo leges meas in mentem eorum, & in corde eorum scribam eas. Atqui ex hoc legum intervallo innascitur & discrimen inter iustitiam operum, & iustitiam fidei, cuius iam suprà meminimus. Iustitia enim operum est humana rectitudo, quæ per naturalem facultatem in moribus est, secundum legis normam. Iustitia verò fidei, peccatorum remissio, ac sanctitas apud Deum. Quod autem hæc fuerit mens Pauli, apertissimum ex subiunctis verbis fit. Et enim ut paulò antea confirmauit, ex operibus legis non iustificari omnem carnem, eò quod per legem nihil aliud præstitum est, quam cognitio peccati, ita & nunc viceuersa comprobatur, per legem factorum nō excludi gloriationem personarum, hoc est, non esse adscribendam legi iustificationem, quia (Arbitramur, inquit, iustificari hominem per fidem, sine operibus legis) Est enim resumptio præcipuē hic propositæ conclusionis, cuius vtrunque membrum, scilicet, & quomodo non ex operibus legis, & qualiter per fidem parta sit nobis iustitia, iam satis in superioribus enucleatum est. Haud enim abiecta simpliciter sunt opera legis, sed ab hac præcisa ratione iustificandi, quæ est, reuocare hominē in gratiam Dei, quod opera præcedentia diuinum subsidium efficere non possunt. Sunt tamen deinceps necessaria ad cultū incrementumque iustitiæ. Id quod Orig. optime declarat eorum exemplis, qui de improviso sunt iustificati absque præcedentibus operibus, puta exēplo latronis, quem sua fides saluum fecit. Et exemplo Magdalene.

Sap. 8.

Iustitia operum & iustitia fidei.

Orig.

lenæ.

Lutherani. lenæ. Haud tamen est cur ex hac Origenis autoritate Lutherani exultent, ac si docuerit sola eos fide iustificatos. Nam verba latronis Memento mei, spem ac poenitentiam & charitatem demonstrant, quibus fuit vnâ cū motu fidei à Deo tractus. Et in Magdalena apertius id indicauit tum fletus, tum & Christi testimonium, Dimissa sunt ei peccata multa, quoniam dilexit multum.

An Iudæorum Deus tantum? Nonne & Gentium? Imò & Gentium: quoniam quidem vnus est Deus, qui iustificat circumcisionē ex fide, & præputium per fidem.

Hic intueor excelsum Pauli ingenium attolli ad causam altissimam ac principem, puta fontalem & efficientem, cur Deus quantū ad sufficientiam, omnium in vniuersum mortalium salutem fuerit operatus. Nam hætenus à causa materiali argumentum sumpserat quam itidem demonstrauit, generalem, scilicet, ex eo quod omnes tam Iudæi, quàm Græci peccauerunt, indignisse gloria iustificantis Dei. At verò ex huiusmodi indigentia non tã extruitur solidum argumentum, quod essent seruandi, quàm ex benignitate causę agentis.

Causa humana creatiōis. Videtur ergo mihi Paul. à primo fonte rem deducere. Hæc enim vna fuit Deo causa condendi humanum genus, (quod antehac dicebamus) vt nobiscum suam communicaret effusissimam deitatem. Ob id quę proprium ipsius munus est, aberrantes ab illo scopo in viam reducere, id quod naturalem exuperat facultatem nostram. Quo fit, vt prima causa

Argumentum Pauli. nostrę salutis sit Deus, qua ratione bonus est. Est ergo argumentum huiusmodi, Deo proprium est, eos iustificare, quorum est Deus: non tantum Deus est Iudæorum, sed etiam Gentium: iustificat ergo cum Iudæis pariter & Gentes. Et idcirco vna esse debet causa communis, per quam omnes iustificentur, sicuti vnus est & Deus qui iustificat: hæc non poterat esse lex, quæ non participabatur Gentibus: fit ergo, vt qui vnus est omnium Deus, per vnā ipsius fidem iustificet tam circumcisionem quàm præputiū, hoc est, vtrumque populum, tam recutiū illum ac circumcisum, quàm præputiatum. *Gal. 5.* Similiter ait Galat. 5. In Christo Iesu neque circumcisio aliquid valet, neque præputium, sed fides quę per charitatem operatur. Quod ait, ex fide, & per fidem, forsan idem est,

vt aiunt Hieronym. & Augustin. Nisi quis fortè hoc mysterii meditetur, quod, ex, significet remotiorem causam, per, verò, propriorem. Iudæi enim à fidei fundamento exorati, per legem tum postea coluerunt Deum. Gentes verò primum ad prædicationem Christi per fidem iustificati sunt. Et huc forsan spectat Orige. qui de re hac longam orditur homilian. At non absq; mysterio phrasi hac interrogandi vitur, An Iudæorum Deus tantum? Nam id quoq; Iudæi adstruebant. Nempe quod propter susceptam legem Deus verus, Deus Hebræorum proprie nūcuparetur, & Deus Abraham, & Deus Iacob, &c. Vt Exo. 5. & alibi crebrò videre est. Atq; ideo putabant sibi propriè aduenisse Messiam. Igitur de hoc errore illos hac deiecit sciscitatione. Nam etsi, ob peculiarem Dei cultum inter alias nationes, notus in Iudæa Deus diceretur, erat nihilominus (vt est in Psal.) Rex omnis terrę Deus. Vnde Hier. 10. Quis non timebit te, o rex Gentium. *Iudæorū Deus.*

Legem ergo destruimus per fidem. Absit: sed legem statuimus.

In fine tandem & calce capituli, hoc est, collationis fidei cum lege, lenit sedatq; Iudæorum animos, quos grauiter inde perturbare poterat, & consternare, quod visus semper est adeo fidē in sublime tollere, legemq; suppressimere, ac si fides aduersa esset legi, eamq; vti prauam & exitiosam cum idololatria Gentium auersaretur. Prosequitur autem eundē rogationis impetum, Nunquid ergo legem per fidem destruimus? Hoc est, abrogamus euacuamus, & proiciamus? Absit. Abhorrentis est. Sed legem statuimus, hoc est, constabilimus, & obfirmamus, scilicet, per fidem. At obiectat sese hic confestim Apostolo sua ipsius doctrina. 2. ad Corint. 3. vbi docet, Gloriam vultus Moysi promulgantis legem, eiusq; ministrationem, ac subinde legē euacuari per gloriam ac lumen Christi. Id quod ad Heb. 8. & 9. confirmat, commonens, antiquatam esse legem. Nam translato, inquit, sacerdotio, & legis quoq; necesse est translationem fieri. Hæc autem, quæ videtur, nulla est dissensio. Legem enim veterem bifariam est considerare, scilicet, qua parte ceremonias & iudicia continebat, & qua, moralia amplectebatur etiam præcepta. Vel si mauis, qua ratione figura vêturę erat euangelicę, vel qua officia imperabat, q̄ ad mores diuinumq;

Argumentum contra.

Heb. 7.

Lex vetus.

uinumq; cultum pertinebant. Et neutro modo infirmata est per fidem, sed utroq; dilucidata & asserta. Porro quantum ad vim operum inde potissimè corroborabatur, quod opera illa per se Deo placere non poterant, nisi quatenus fide nitebatur. Fides ergo, præterquam quod peccata remittebat, id quod lex nequibat, causa etiamnum erat, ut opera legis, quæ fierent ex gratia, tam cerimonialia, q̄ moralia accepta essent Deo, & apud ipsum meritoria. Et ideo lex quæ per se tantum valebat peccatum monstrare, vigorem accepit ac vim operandi per fidem. Sed & quatenus figura erat, per fidem est quoque illustrata & firmata, nempe demonstrantem, quam fuerit verax in suis vaticiniis, figurisq; & oraculis, quorum veritas patescit in Evangelio. Ob idq; dignitatem legis per hoc fides illustrat, quod maximè ostendit fuisse operæ precium tanquam Evangelii testem. Quapropter dixit, testificata à lege. At verò quoniam

Mat. 5. qua parte prænuncia erat Christi, ipso veniente, perfuncta iam est officio suo, hac ratione fides illam non quidem abrogauit, sed declarauit, cessasse. Et hic intimus est omnium sensus sententiæ illius Christi, Non veni soluere legem, sed adimplere. Quod est, Non abrogo legem, neq; tollo, sed quia non fuit edita nisi usq; ad me, per me impletum est tempus illius, ut iam deinceps abolita censeatur. Atq; hoc est, quod ait locis citatis Paul. euacuata esse legem, & antiquatam, & translatam per Christum. Veruntamen neq; isto modo fides Christi destruxit legem, imò explicuit ipsius munera & officia: quæ erant, tum peccata patetificare, tum legem prænunciare nostram: atq; hoc nomine fuisse vtilissimam suo tempore, tanquam pædagogum (ut ait alibi idem

Gal. 4. Apostolus) quoadusq; veniret plenitudo temporis. Euacuauit ergo fides legem, eo solum

1. Cor. 13. tropo loquendi, qui est ad Corinthios, Cum autem venerit quod perfectum est, euacuabitur quod ex parte est. At verò quoniam hucusq; solum inter legem quamcunq; & fidem Christi diximus, Paulum discriminatum esse non autem inter legem totam euangelicam & antiquam, superesse existimo, ut ad pleniorē prædictorum intelligentiam, veluti colophonem adhibentes, utcunq; discrepantiam inter

Discrimen eadem duo testamenta attingamus. Id quod *inter vetus* sermonis perpetuitas hætenus non permisit. *ac nouum* Igitur primum omnium inter nouum, vetustatis *testamentum* q; instrumentum sic nimirum conuenit, ut utrobique necessaria sit fides ad iustitiam, abs-

que quo fundamentò nulla fieri tunc poterant, neq; verò modo possunt opera, quæ digna sint æterna remuneratione, neq; adeo legitimo virtutis nomine: qua tamen præuia fide ac diuina ope, sicuti nunc, ita & tunc temporis omnia opera, siue moralia, siue cerimonialia, nomen habebant ac rem quidem simpliciter virtutis ac meriti apud Deum. Pertinebant enim tunc cerimoniarum ad obsequium & cultum Dei, veluti & modo nostræ. Discrepantiæ verò sunt potissimum tres. Prima, quæ nunc explicatior fides est, quam tunc. Qui enim tunc credebatur venturus, venisse iam creditur. Secunda, quod lex illa non erat adeo vniuersalis, atq; nostra. Poterant enim tunc extra illam legem Gentes saluari, quod nunc absq; nostræ professionis nequeunt. Tertia, quod mysterium salutis, quod in illa sperabatur, in nostra exhibitum est. Qua de causa lex euangelica dicitur lex gratiæ, sanè quod (vt paulò ante dicebamus) nunc Christus operatus salutem, ianuam patefecit regni. Quamobrem & nostra septem sacramenta, veluti instrumenta passionis eius, gratiā conferunt, quod Paulus antiquis denegat: appellans illa infirma & egena elementa, quæ facultate vacabant iustificandi. Tametsi (vt statim dicturi sumus) in circumcisione, gratia impendebatur originalem detergens labem, tanquam sub signo professæ fidei Christi. Abundatior tamen fit per nostrum baptismum.

Lex gratiæ.

CAP. QVARTVM.



QUID ergo dicemus inuenisse Abraham patrem nostrum secundum carnem?

Scopus quem sibi Paulus in his potissimum quatuor capitulis proposuerat (vt initio dicebamus) is est, ut ostendat, non nisi per vnā fidem Iesu Christi oblatam esse nobis à Deo iustitiam. Atque hoc præcipue contra Iudeos, quos de contrario errore deiicere satagit, atq; Gentibus aequales in hac parte facere. Eam autem Iudei virtutem iustificandi duobus tribuere poterant, scilicet legi, & circumcisioni. Quorum priori membro expedito, scilicet quod per opera legis non obtinetur iustitia Dei, pergit & de circumcisione, cuius iam supra cap. 2. sermonem inuit, idem commo-

strare,

Diuisio. strare, si per se consideretur. In quo totū hoc quartum caput infumit. Et quāuis non adeo necessaria esset huiusmodi partitio, possum⁹ ipsum tamen in quatuor articulos distribue-
Circuncisio re. Primum enim ostendit, Abraham nō ex circuncisione, sed ex fide fuisse iustificatum. Mox inde, vbi ait, Et signum accepit, aperit causam & finem, cur acceperit circuncisionis religionem. Tertio ab illo loco, Nō enim per legem, edocet, quod nec promissio futuræ redemptionis facta illi est per legem. Nam tam circuncisio, quā promissio legem multo tempore antecesserunt. Quarto deniq; ex illo verbo, Cui credidisti, vsque ad finem, multa effert commendatione fidem Abrahæ. Proponit igitur statim in fronte quæstionem. (*Quid ergo dicemus inuenisse Abraham.*) Simili enim oratione exorsus est caput præcedens. Quid amplius Iudæo est, aut quæ utilitas circuncisionis? Et est velut Iudæorum obiectio aduersus illa vltima verba, quibus constituit, exclusam adeptamquē fuisse Iudæis omnem gloriationis ansam, per fidem Christi. Poterant enim Apostolo reclamare, incassum tunc se obseruasse circuncisionis religionem, quam tamen Deus sanctissimo fœdere imperauerat Abrahæ. Meditatō enim in causa circuncisionis, nominat Abraham, quoniā circuncisio non pertinebat ad legem Mo-
Secundū carnem. sis, hoc est, non erat per ipsum mandata, sed Abraham multo antea dum promissionem redemptoris fide suscepit, iusus fuit cum sua posteritate illo charactere discerni ab orbe reliquo. Erat enim condecens per fidem venturi aliquandiu populum erudiri, antequam lege operum instrueretur. Primum vt antequam legem audiret, finem doceretur, ad quem scilicet, per ipsam erat perducendus. Nam in omni officio, cognitio finis prima basis est. Vnde illud existit Pauli, Accedētem ad Deū oportet credere. Deinde maximē vt spem salutis non in operibus legis, per quæ peccata remitti nequibant, sed in fide Christi homines collocarent. Quocirca accommodatissimum hinc Paulus extruit argumentum, nulla legis opera ponenda esse in causa iustificationis, quod Abrahamus non solum ante legem Mo-
 sis, sed ante circuncisionem legitur, quia credidit, assecutus iustitiam. Concludit ergo quasi ex prædictis, Quid ergo dicemus inuenisse Abraham patrem nostrum secundum carnem? Adiectionem, secundum carnem, sunt qui applicent verbo, inuenisse, (vt Ambrosius & sunt qui cum verbo, patrem no-

strum, coniungant, vt Origenis & alii auctores Græci & Augustin. Secundum Ambrosium sensus erit, Quid ergo dicemus inuenisse Abraham, hoc est, meruisse, vel fortē dono Dei acquisiuisse, per illam carnis circuncisionem? Et in hoc sensu videretur mihi Paulus, opposuisse circuncisionem in carne, circuncisioni cordis in spiritu, vt fecerat in fine secundi capituli. At verò secundum alios, nulla insinuat hic nominatio circuncisionis, vsque ad subsequētia, sed subintelligitur in genere sic, Quid dicemus inuenisse Abraham, qui secundum carnem pater est noster, scilicet per opera legis, qualis fuit circuncisio. Atqui præpositio, secundum, huic lectioni plus fauet. Nam aliās dixisset, per carnem. Arridet & eisdem sensui, quod paulō post colligit, Abraham, patrem fuisse secundum spiritum omnium credētium. De quibus ait Christus, Potens est Deus de lapidibus istis suscitare filios Abraham. Vt ostendat hanc veram esse paternitatem apud Deum: non autem illam, quam hic proponit secundum carnem. At non ita multum refert, vtram amplectamur lectionem. Dixit, patrem nostrum, non eō solum, quod & ipse proles etiam esset Abraham, sed quia in morte hanc habet humilitatem, vt vbi humiliare cogitat Iudæos, se vnā connumeret.

Si enim Abraham ex operibus iustificatus est, habet gloriam, sed non apud Deum.

Respondet ad quæstionem, haud quidem exprimēdo conclusionem, sed syllogismum, vnde colligitur. Respondet enim prius, quid non inuenit per opera legis. Hoc est, quod non inuenit iustitiam. Deinde in secunda sectione capituli, quid inuenit. Quia signaculum accepit iustitiæ. Syllogismus ergo Pauli est destruetorius. Si Abraham ex operibus iustificatus est, habuit gloriam, hoc est, nact⁹ est inde gloriam (puta apud homines) sed nō apud Deū: habuit autem gloriam apud Deum, ergo aliunde quā ex operibus iustificatus est. In priori præmissa subnotat discrimen inter iustitiam fidei, quæ sola existimatur iustitia apud Deū, & iustitiam operum. Non solū operum legis scriptæ, sed etiam naturalis. De illis enim loquitur hic etiam Paulus. Nam ex operibus legis scriptæ, quæ longē post Abraham ædita fuit, indubitatum erat non fuisse iustificatum. Hæc autem operum iustitia duplici

*Iustitia apud homines.*plici ratione dicitur iustitia apud homines. Vno modo, quod cum ad veram iustitiā, etiā moralem & civilem, non sufficiat opera fieri iuxta præceptionem legis, nisi recta etiam intentione, & homines non intueantur corda, sæpenumero opera, sinistra mente exhibita, falsò existimantur ab hominibus iusta. Sed in alio sensu iustitia quoq; operū, iustitia est suo modo apud homines, vt sæpius antea diximus, & in fine lib. 1. de nat. & grat. latissimè discussimus. Nempe quod opera, quæ facultate naturæ, secundum legem, intentione honesti, nequē alia adiuncta circūstantia praua, fiunt, quanuis non sint iustitia apud Deum, vt per quæ, nec peccatum remittitur, vt reconciliatio fiat cum Deo, atq; adeo neq; re, neq; nomine sint absolutæ virtutes, sunt tamē virtutes suo modo, hoc est, civiles & morales, cædemq; apud homines verè dignę premio, hoc est, honore, qui humanis legibus decretus vir tuti est. Atq; hunc arbitror etiam secundum sensum significatum esse hic ab Apostolo.

Quid enim dicit scriptura: Credidit Abraham Deo, & reputatū est illi ad iustitiam.

Proposita primum quæstione, subiunctoq; deinde responsorio syllogismo, subiungit tertio loco, probationem secundę præmissę, quam non explicite posuerat, scilicet, quod Abraham habuit gloriam apud Deum, et id quidem non per opera, sed per fidem. Probationem autem adsciscit à testimonio scripturę, Gen. 15. Existimo locum hunc Pauli postremo capitulo lib. 2. de nat. & grat. ita à nobis esse expositum, vt nullum hinc prorsus argumentum Lutherani, vnde validissimum putant, adferre valeant, ad cōfirmandum, quod iustificatio, hoc est, recōciliatio, solo fiat actu fidei. Etenim (quod satis mirari nequeo, eos non animaduertisse) illo temporis articulo, quo Gen. 15. facta est Abrahamæ promissio progignendi seminis, quando Deo credidit, non fuit primum iustificatus. Nam, vt Orig. perspicte adnotauit, iam ante multa eius officia, ceu viri iusti, Deo fuerant probata & grata, sanè cū iussui Dei iam obediens (vt ait Heb. 11. Paul.) fide exierat de terra sua, & de cognatione patris sui. Et apud conuallem Mambre ædificauerat in Hebron altare domino. Ac deniq; benedictione Melchisedech comprobatus fuerat iustus apud Deum, cuius significatione, panem ei obtulit & vinum. Quin

verò nemini ambigendum arbitror, quo minus statim à puero Deo fuerit gratissimus, scilicet protestatione illa fidei, qua erat in iure naturæ ab originali labe mundatus, veluti Abel, Enoch, Noe, & reliqui eius maiores. Adparabat enim ipsum Deus, efformabatq; secundum cor suum, vt cui mysteria fidei decreuerat reuelare. Elogium ergo hoc nulla apparentia significat, quod per illum tunc actum credendi iustificatus est, id est, ex iniusto iustus constitutus, sed hoc prorsus, quod actus ille fuit actus iustitiæ & obedientię, atq; adeo Deo acceptus. Sicuti si quis modo iustus probaret, susciperetq; aliquem articulum fidei, quem antea à se ignoratum, Ecclesia nunc expromeret ex Euangelio. Et sicut legitur Ioan. 2. de apostolis, quod post resurrectionem crediderunt sermonem, quem prædixerat Iesus de excitatione templi, sensum habuisse de ipsius corpore. Haud enim per illam fidem fuerūt primum iustificati, sed fuit illis virtus iustitię. Ita enim expresse habent verba, credidit Abraham Deo, & hoc ipsum credere, reputatum est ei ad iustitiam, id est, probatum à Deo est, veluti officium iustitiæ. Eadem enim phrasi legitur. 1. Macha. cap. 2. quod Abraham in tentatione inuentus est fidelis, & reputatum est illi ad iustitiam. Qui absq; dubio sermo non significat primam iustitiam. At verò redarguis contra, Quale ergo hinc Paulus comminiscitur argumētum pro fide contra opera legis? Reuera per quàm egregium, ad vtranq; conclusionis partem, tã negatiuam operum legis, quàm affirmatiuā fidei. Primum enim probat neq; ex legis Moisaicæ operibus, neq; verò ex circūcisione, vbi credebant Iudæi, remissam fuisse primum originis culpam, vllò fuisse pacto pendentem iustitiam apud Deum: si quidem ante legem & circūcisionem, virtutem præstitisset Abrahamus iustitiæ, per quam, consecutus est gloriam apud Deum. Secundò per illud officiū credendi Abraham, quo sub figura suæ prolis credidit donandum à Deo nobis redemptorem, commonstrare vult remissionem peccatorum, non nisi pereandem fidem factam vnquam fuisse, qua itidem subnixi operati sunt, quicunq; vel in lege nature, vel scripta, opera iusta fecerunt, quę Deo essent accepta. Vt magnificè denarrat Heb. vbi ait, quod fide plurimā hostiam Abel, quàm Cain obtulit Deo: non enim suggerit, quod sola fide iustificatus est, sed quod fide se exercuit in operibus iustitiæ. Et fide, inquit, qui vocatur Abraham

Dubitatio.

Hebr. 11.

braham obediuit in locum exire; quem accepturus erat in hæreditatem.

Ei autem qui operatur, merces non imputatur secundum gratiam, sed secundum debitum. Ei verò qui non operatur, credenti autem in eum, qui iustificat impium, reputatur fides eius ad iustitiam secundum propositum gratiæ Dei.

Quarto loco supponit Apostolus explanationem illius quod dixerat, reputatum ad iustitiam. Vt exinde per amplius diluceat, quidnam sit iustificari citra legis opera. Et sunt hic discretè annotandæ duæ antitheses, inter quatuor verba. Contraponit enim operanti, eum qui non operans credit, & deinde gratiam, debitæ mercedi. Operantem autem appellat illum, qui aliquo opere meretur, hoc est, debitam sibi facit mercedem. Quapropter huiusmodi operarii, mercenarii dicuntur. Et re vera eos hic intelligit operantes, quos supra nuncupauerat factores legis. Puta qui legis cultura & officii præmia eiusdem legis promerentur. Atq; contrario sensu non operans est, qui nulla prius præstitit legis opera, sed fides, quam habet pollicenti, primum ei fundamentum est assequendi beneficium. Sunt ergo verba hæc in formam talis syllogismi construenda. Si quis obtineret iustitiā apud Deū tanquam operans secundum legem, talis iustitia non conferretur ei quasi gratia, sed retribueretur tanq̃ iusta merces, quæ debetur operanti, si autem impenditur nunquam ante operanti, ob hoc quod credit iustificatori pollicenti, illi certè non redditur tanquam debita, sed confertur gratis ob solum propositum, hoc est, gratuitam voluntatem pollicentis: hoc autem secundo modo fit iustificatio impii: ergo fit gratis per fidem, & non redditur tanquam operib⁹ debita. Sciscitaris autem, qui hoc pertinet ad expositionem præcedentis autoritatis, inò quomodo hanc probat subiunctam præmissam? Profectò scientissimè. Haud tamè sic, vt sentiat Abraham illo loco fuisse ex impio in iustitiam primum constitutum (id enim iam exclusimus) & ideo hic minimè illius meminit, sed est locus à simili. Fuit enim illic Abrahæ facta promissio proles supra naturam propagandæ, nempe quod senibus

per emortuā corpora procreanda esset. Quæ de causa (vt in fine capituli ait Paulus) reputata est fides eius ad iustitiam, scilicet supernaturalem. Nam fides illa non potuit esse naturalis. Cōstat ergo inde analogia, quod quæ admodum tunc Abraham nullius exhibuit opus legis, aut naturalis, aut scriptæ, sed obedientia illa supernaturalis fidei, accepta fuit illi, tanquam iustitiæ opus, ita & impii iustificatione vsu venit, scilicet quod non operanti, videlicet (expositore August. in præfatione Psal. 31.) iacenti in peccato, atq; ideo nō bene operanti, neq; quicquā meriti adferenti ad suam iustificationem: credenti tamen per auxilium Dei, fides reputatur ad iustitiā: fides autem illa, quæ per charitatē operatur. Quocirca consultò Paulus non dicit credenti ei qui iustificat, sed, credenti in eum. Quæ phrasis voluntatis affectum designat comitem fidei, quo affectu ferimur in Deum. Vt autem plenius, manifestiusq; diluceat, quomodo non operanti fides reputatur ad iustitiam, mediteris oportet, quatuor illorum gradus, qui iustificantur, quos. 2. lib. de nat. & grat. singulatim discreuimus. Paruulis enim ante rationis lucem sola fides per sacramentum applicata, vt in lege veteri, seu sacramentum ipsum fidei, vt in noua, reputatur & sufficit ad iustitiam, per quod paruulus sacramentum, ea quidem ratione credere censetur, quod re vera obligatur voluntate parentum, fidem ad mortem vsq; substinere, ac legi obsequi Christi, cui damus illic nomina. Illi verò qui iam per ætatem compotes sunt rationis, si qui fortè essent cum sola macula originali, solo actu fidei baptismum suscipientes, salui fierent. Nam qui crediderit & baptizatus fuerit, saluus erit. Illa enim fides Dei, quod remunerator est, sp̃e secum affert, atq; intinctio ipsa baptismalis charitatem & obedientiam: quæ illi sufficeret absq; vlla poenitentia. Verum qui vnà cū natiua illa labe, aliis esset delictis, propria voluntate commaculatus, huic certè haud satis esset actus fidei, tametsi primus sit omnium necessarius, sed requiritur cum spe veniæ, per aliquam forsan in genere poenitentiam, obicem illū, qui gratiæ obstat, amouere, vel omni saltem praua affectione semota, baptismū suscipere in remissionem peccatorum. At verò qui de gratia baptismali dilabuntur, illi qui dem, nisi interueniat cum fide & spe singularis quoq; charitatis poenitentia, nunquā recuperabunt salutem. Est ergo merum & inane commentum Lutheranorum, qui, vt mordi-

cus retineant, sola nos fide iustificari, aiunt, idem esse, fide iustificari, & gratis iustificari.

Nam etsi ambo vera sint, non tamen sunt vñ. Grátis enim iustificari, hoc est, quod nullis præcedētib; meritis. Fide autem, est, quod in vñtibus libero arbitrio, ille sit primus actus, aliorumq; fundamentum & basis. Vt autem ad literæ contextum reuertamur, sciēs ac prudens non dixit, quod credere est iustitia, sed quod, reputatū est illi ad iustitiam.

*Reputatum
ad iustitiā.*

videlicet vt perseueraret in discerniculo iustitię fidei, & iustitię operum. Etenim militis. v. g. labores, qui stipendia facit, & cuiusvis suam locantis operam, non solum reputantur, sed sunt per se iusta opera, si comparētur ad mercedem. Et pariter legis officia moralia, si ad ciuile præmium referantur. Qui verò ex impie tate iniquitate ve sua respiscēs adsciscitur ad iustitiam Dei, illius, quia non adfert meritum vllum, meritò fides non dicitur iustitia, sed reputari, hoc est, ex gratuita volūtate Dei acceptari ad iustitiam. Quod si post partā gratis iustitiam iustus iam iustē agat, sicuti in illo actu credendi contigit Abraę, & illud quoque opus ex eo dicitur reputari ad iustitiam, non quod non sit vere meritorium, sed quod ratio meriti non ex naturali virtute arbitrii nostri, sed Dei munere existit. Quocirca in illo priori membro, ei autem qui operatur, &c. Suggestit nobis Paulus, id in iustitia regni cælorum quodam pacto accidere, quod in ciuili. Dignoscit enim inter eum, qui iam in iustitia constitutus per gratiam Dei operatur, atq; eum, qui reconciliatur. Nam etsi nihil hic quidem operans sit, quod sit meritum gratiæ quam ob causam huiusmodi preueniens gratia, operans nuncupatur, tamen qui gratis iustus est, ille sanę operans est, vtpote cuius opera per cooperatē Dei gratiam fiunt meritoria. Quę ideo (vt ait in lib. de na. & gra. & libe. arbi. Aug.) tum dona Dei sunt, vt sine cuius fauore, nec cogitare aliquid à nobis possumus, tum etiam merita nostra, propter liberum nostrum assensum. Particula illa finalis, Secundum propositum gratiæ Dei, in nōnulis codicibus Gręcis non scribitur. Quare nec Gręci enarratores illius meminerunt. Legit eam tamen interpretaturq; Hierony. cui & Ambro. subscribit, qui ait, propositum, idem valere quod decretum, quo Deus statuit, vt cessante lege, fidem posceret ad salutem, leguntq; etiam Latini alii. Quare credendum est, veterem interpretem tali fuisse vsum exemplari. Atqui liquidum est, per eam plurimum

*Et qui opera
tur.*

Aug.

*Secundū pro
positū. &c.*

lucis ad perspicuitatem literę adferri, tantum abest, vt vel minimū in sententia demutetur.

Sicut & Dauid dicit beatitudinem hominis, cui Deus accepto fert iustitiam sine operibus.

Accersit & Psalmistā quoque in testē eiusdem sententię ex Psalm. 31. Vbi nulla præmissa operum significatione, beatum vocat hominem, cui Deus non imputat peccatum. Et primò depromit sententiam Psalmi, quę est, hoc vno agi beatitudinem hominis, si Deus illi accepto fert iustitiam sine operibus. Versio nem istam in interpretis nostri, iuniores nō vno modo taxant, neq; ita multūm pudenter. Etenim vbi supra dictum est, Reputatum est illi, Et, Merces non imputatur, Et, Reputatur fides, Et hic vbi ait, Accepto fert, vna est græcē, eademq; dictio λογίζεται. Increpant ergo primum affectationē copiæ, velut puerilem, qđ idem verbum diuersis efferat. Deinde, quod alicui accepto ferre, non est Latinum, sed, acceptum ferre. Primum vt ad illud de reputare & imputare, respondeamus. Vt cunq; isti impenſe latinitati patrocinentur, inficias ire tamen nequeunt, quominus, reputare, in bonā partem accipiatur, imputare verò, in malam. Illorum enim duorum, qui cum Christo latrones crucifixi sunt, alterius confessio in laudem quidem & gloriam deputata est & reputata, alterius verò blasphemiam imputata ad culpam. Neq; diceret quis aptē, negationem Petri reputari ad infidelitatem, sed certē imputari: sicuti & fletus poenitentis, non est imputatus, sed reputatus pro iustitia. Vnde in Psalmo citato, Beatus vir, cui non imputauit dominus peccatū. Cum ergo vox Gręca, amphibola sit, variasq; huiusmodi versiones ferat, vbi res ad perfectionem spectabat, vertit interpretes, reputatum est illi ad iustitiam: sed quia prauitas est, oib; inquit aliquid reputari vt debitū, nō dixit sed o loco, qđ merces nō reputatur, sed non imputatur, secundum grām, sed secundum meritum. Tercio verò loco probē repetiuit, Reputatur fides ad iustitiam. At accepto ferre, quanquam sint qui simpliciter exponant, per hoc quod est, gratis dare, verū tamen non nihil amplius præ se fert mysterii, quod penitus est animaduertendum. Latine nanq; phrasēs sunt, acceptum alicui referre, & acceptum ferre. Dicitur enim quis acceptum quidpiam referre alteri, cum confitetur se id ab eodem accepisse. Veluti dum oconomus aliquid

Noni interp.

*Reputare &
imput*

*Acceptū re-
ferre & fer-*

aliquid à domino in expensas recepit, dicitur id domino acceptum referre, quod cum expēderit, dicitur & eidem expensum ferre. Quia nos ratione gratiam & gloriam, quin & dotes naturales Deo in vniuersum acceptas referimus, vt de cuius manu suscepimus vniuersas. At acceptum ferre (quod ad præsentem attinet expositionem) remissionem significat debitorum. Cum enim creditor debitum remittit debitori, dicitur illi acceptum ferre. Vnde verbum iuris dimanauit, acceptilatio. Vbi scilicet debitor qui non est soluendo, interrogat suum creditorem, vtrū acceptum habeat quicquid illi debebat, hoc est, pro accepto & soluto deputet, Tunc enim si creditor respōdeat, habeo quidem, acceptumq; tibi fero, remissio illa & condonatio, dicitur acceptilatio: quæ è regione opponitur iustæ solutioni. Pulcherrima ergo hic accommodatissimaq; oratione explicat Paulus, tum id quod dixerat, Reputatur fides ad iustitiam, tum clarissimè rationem nostræ iustificationis. Cum enim nos soluendo non simus Deo, acceptum fert ipse nobis nostrum debitum, id est, pro accepto ducit, si modo illi fidem pollicenti adhibeamus. Quocirca perspicacior esset, fateor, versio, cui Deus acceptam fert iustitiam sine operibus, hoc est, sine debiti solutione. Neq; mirum si interpretes ita verterit, & librariorum vitio fuerit mutatum. Attamen potest fortasse, accepto, aduerbialis esse datiuus, qui in eandem veniat sententiam. Assertur ex quibusdā quale exemplum, vt cum dicimus, Do tibi hanc rem pignori, seu locato, id est, in pignus, seu pro pignore, vel in locatum. Quo pacto & Deus fert iustitiam nobis accepto, id est, deputat in acceptam, seu pro accepta. At dum sensus patet, nihil te angat dictio.

Beati quorum remissæ sunt iniquitates, & quorum tecta sunt peccata. Beatus vir, cui non imputauit dominus peccatum.

Subnectit iam verba ipsa psalmi, in quibus, tametsi expresse non fiat exclusio operum, tamen simul tria hæc verba, remissæ, tecta, & non imputare, tantundem significant. Idem enim est, acceptum ferre alicui debitū, quod remittere, & absq; solutione condonare. Id quod alius propheta dixerat, Sine argēto redimemini. Et ad Titum Paul. Non ex operib⁹ iustitiæ, quæ fecimus nos. Vocat hæc autem beatitudinem, hoc nimirum seculo in

spe, post verò futuro, in re. Quoniam nullus illuc, post Adæ peccatum, patet nobis aditus; nisi per gratuitam huiusmodi condonationem peccaminum. Et videtur spectare ad vulgatum loquēdi modum. Cum enim quis absq; villo labore, & dispendio, in aliquem subuectus est honoris gradum, beatū talem acclamamus. Addit (Et quorum tecta sunt peccata.) Id est, perinde remissa, ac si prorsus essent obliuioni tradita. De qua re alius vates, Omnium iniquitatum eius, quas operatus est, nō recordabor. Dicitur enim Deus recordari iustitię nostrę, quando præmia largitur: iniquitatis verò, quando infer supplicia. (Sed nunquid non in die illa vniuersalis iudicii, omnium conspectui palam fient vniuersa iustorum crimina? Fient sanè. Nam referet vnusquisq; ante tribunal Christi (vt ait alibi Paulus) propria corporis, prout gessit, siue bonum, siue malum: nimirum vt nō solum in reprobōrum vindicta, iustitia refulgeat Dei, verum & in retributione iustorum, tam eadem pateat iustitia in laude bonorum operum, q̃ summa misericordia in delictorum remissione. Quod si hic hæsites, quomodo fieri tūc poterit, vt sua iustos peccamina non pudefaciant? eos cum primis, qui sceleratissima hic facinora, depudendaq; admiserunt flagitia, ob quę impossibile esset in hoc seculo correctissimos etiam quosq; & emendatissimos, non summo pudore suffundi? En tibi, qđ hic humana ratio excogitare non valet, respōdet Dauid, dum ait, Quorum tecta sunt peccata. Patebunt enim tunc propalam iustorum errata, nihil tamen confusionis à cōspectu illius vniuersitatis ipsi contrahent. Tanta erit contēgentis Dei misericordia, tātaq; poenitentię per fauorem eius virtus & gloria, tantavtiq; charitatis efficacia multitudinem operientis peccatorū, ac perinde abolentis ac si nunq̃ perpetrata fuissent. (Beatus vir, cui non imputauit dominus peccatum.) Repetitio fermè eiusdem rei est. Nisi quòd, vt remissio causa est, qua peccatum tegatur, ac cæletur, ita cēlatio ratio est, cur non imputetur. Etenim quia peccatū remittitur, deletur de memoria Dei, ob idq; non imputatur ad supplicium. Vt remissio referatur ad ablationē culpæ, tectio verò, ad obliuionē præteriti actus, sed non imputatio ad condonationem poenę. Quæ quidem tria cū plenissimè in martyrio fiant, interpretati nonnulli sunt (referēte Hierony.) peccamina per baptismum remitti, tegi laboribus poenitentię, non imputari per martyrium. At nihilominus ad remissionem

Acceptilatio

Optima
expli.

Ezech. 18.

Questio
quomodo te
cta peccata.

Esai. 52.

Luthera. lib.

1. de natu. &

gra. cap. 10.

Li. 2. ca. 19

fionem omnium cuiusvis peccatorum extenduntur, quoq; omnia tria. Tametsi hunc trinitatis ordinem aliter Origene, aliter Ambrosius, alii aliter exponant. At quàm ex hoc verbo Lutherani sinistrum sensum extorqueant. Haud enim nescio, vnde in hanc mentem fuerit illis istorum parens delapsus, qui docuerit, nullam fieri vnquam veram remissionem peccati, seu originalis, seu actualis, ita vt ratio ipsa culpæ omnino tollatur, sed sic prorsus, vt quæ perpetuò permanet, non imputetur à Deo. Et ita interpretatur, tum tegi, tum non imputari peccatum, ac deniq; fidem reputari ad iustitiam. Quapropter, quod in humano tribunali sæpè assolet, puta reum secundum testes absolui, qui tamen verè est in crimine, id & de sanctissimo Dei iudicio cogitare audet. At quis tãtam æquissimo Deo impingere absurditatem ausit, vt scilicet quempiam absoluat, qui non sit, vel potius quæ non perficiat ipse, vt verè sit iustus? Iniquitas enim quandiu manet in homine, non potest non odio haberi Deo: quippe qui, teste Dauid, viam iniquam, iniquitatem & iniquum, vt qui contra suam sunt voluntatem, iugiter odio habet: quæ autem odio habet, non remittit: ergo vel nulla est in iusto iniquitatis ratio, vel non remittitur: remittitur autem: ergo non remanet, sed verè tollitur: iuxta. Ioannis testimonium, Ecce agnus Dei: Ecce qui tollit peccata mundi. Adde quod cum peccatum id prorsus polleat quod offensa in Deum, si ipse iniquo parcit, quænam, quæso, excogitari potest ratio culpæ, quæ in ipso fiat reliqua? Haud ergo est cur in dubium cuiuspiam veniat quin, remittere, cõtegere, ac, non imputare peccata, idem sit, qd' prorsus condonare, abstergere, ac radicitus conuellere & tollere. Aliàs fictio esset, & non veritas, contra illud ipsissimæ veritatis verbũ, Pater sanctifica eos in veritate, sermo tuus veritas est. Et, Si filius vos liberauerit, verè liberi eritis. Verba sunt Augu. con. Epi. Pela. lib. 1. cap. 13. Dicimus baptisma, omnium dare indulgentiam peccatorum, & auferre crimina, non radere: neq; peccatorum radices in mala carne teneri, quasi rasorũ in capite capillorũ, vnde crescant iterum refecanda peccata. Et adpropositum luculentissimè 1 lib. de perfectione iustitiæ, Certè iustus est Deus: negare se ipsum non potest. Imputat autem Deus homini omne peccatum: quia neq; peccatum est, quicquid nõ imputabitur in peccatum. Hęc ille, Eadem vtq; ratione vbi ait, reputatur fi-

des ad iustitiam, verbum, reputatur, nihil detrahit verè iustitiæ. Quinimò quæcunq; Deus iustum reputat, idem verissimè est iustus per spiritum sanctum, quem effundit in nos abundè.

Beatitudo ergo hæc in circuncisione tantum manet, an etiam in præputio? Dicimus enim quia reputata est Abrahamæ fides ad iustitiã. Quomodo ergo reputata est in circuncisione, an in præputio? Non in circuncisione, sed in præputio.

In hac tandem postrema particula huius primæ sectionis dictorum conclusionem colligit. Nempè quod beatitudo hæc, & iustificationis felicitas non fuit facta per circuncisionem, quum ante ipsam susceptam de præputiato Abraham fuerit memoriæ proditum, reputatam fuisse eius fidem ad iustitiam. Atq; id quod de ipso legimus, de vniuerso quoq; tunc humano genere sentiendum nobis est. Quam enim ipse in lege naturæ per fidem afsecutus est iustitiam, eandem quoq; & olim poterant Gentes assequi, per eandem fidem, & posterius etiam nunc Christiani, sine circuncisionis charactere. Conficere enim aduersus Iudeos perseverat, non esse suscipiẽtibus Euangelium circuncisionem necessariam. Persistit autem in sua interrogandi figura, quæ certam designat fiduciam constabilitę sententiæ. In Græco tamen non est aduerbium, tantum, neq; verbum, manet, sed sic legitur, Beatitudo hæc in circuncisione est, an etiam in præputio? Est tamen omnino eadem sententia, quæ cum alii sic reddant, In circuncisionem cadit? alii verò, In circuncisionem venit? Licuit pari iure interpreti dicere, In circuncisione manet? Et exclusionis aduerbium, tantum, non ocio sum fuit, vt cui, responderent subsequentes particule, an etiam. Trunca enim fuisset oratio, In circuncisione manet? an etiam in præputio? Verba responsionis per se ipsa pate-

Tam manet

Et signum accepit circuncisionis, signaculum iustitiæ fidei, quæ est in præputio.

Secunda pars capituli.

Secundum iam hoc membrum est huius capituli, in quo postquã demonstraui, quod per



per circūcisionē non inierit Abrahamus gratiam cum Deo, neq; fuerit ascitus ad iustitiā eius, constituere prosequitur, in quemnam vsum, honorem ve, aut dignitatem illo fuerit caractere insignitus, atqui primū definit circūcisionis ingenium & naturam. Porro quæ non tam fuit data vt res, quā vt rei signum: ac deinde subiungit ipsius finem & propositum: quod fuit, vt esset Abraham credentium pater. Igitur postquā in Dei, inquit, iustitiā, per fidem constitutus est (*Signum accepit circūcisionis, signaculum iustitiæ fidei, quæ est in præputio*) Haud ita legeris, vt, signum, accommodes genitui iustitiæ, sed, signum circūcisionis, idē est, quod signum, quod est circūcisio. Vt pote quæ signum fuit istī fœderis inter Deum & Abraham, cū prole & posteritate eius. Ita

Gene. 17. enim legimus *Gene. 17.* Circūcidetur ex vobis omne masculinum: & circūcidetis carnē præputii vestri, vt sit in signum fœderis inter me & vos. Quod autē subsequitur, Signaculum iustitiæ fidei, definitio est & elucidatio præcedentis verbi. Fœdus enim illud, quod Deus cum Abrahamo iunxit, ita constitit, vt quia Deus illi amplissimam pollicitus fuerat prolem, per quam Christus erat venturus, cuiusq; perinde fide iustificatus fuit, ab illo vicissim hoc obsequium repoposcit, vt se, suamq; familiam perpetuò circūcideret, vt in mēbro illo, generationis ministro sigillationem gestaret promissæ prolis. Quocirca signum illud recisæ carnis signaculum fuit iustitiæ, quam fuerat per fidem consecutus. Meditatio ergo circūcisionem, nō appellat, vel causam, vel augmentum iustitiæ, sed signaculum penitus, ne inde Iudæi exultarent, dicentes, à circūcisione pendere iustitiā. Ob id quē adiecit, In præputio, hoc est, iustitiæ, quæ per fidem fuit in præputio, puta antequā circūcisionem fusciperet. Cernere enim mihi

Nota Abrahamæ historiæ. videor diuinitatem quandam in hystoria Abrahamæ, quem Deus in patrem omnium credentium instituebat. Enimvero quemadmodum in omni negotio finis primū & scopus præfigendus est, quo referantur post media, sic Deus sub imagine temporalium, æterna bona pollicitus est Abrahamæ, per ipsumq; vniuerso humano generi. Primū, inquam, omnium, *Gene. 12.* Iussit eum egredi de terra & cognatione sua in terram, quam illi esset monstraturus: vbi cælestem patriam sub vmbra pollicebatur, tum ipsi, tum genti, cuius erat per fidem futurus pater: & ideo (teste ad Hebræ. Paulo) fide exiuit. Mox quia sempiter-

na illa hæreditatis felicitas, nemini, nisi per fidem Christi, obtingere potest, pollicitus est illi *Genes. 15.* proprium legitimūq; hæredem, ex cuius vastissima propagine, procreandus esset naturalis Dei filius, per cuius iustitiam fidei, adeunda erat promissa prius cælestis hæreditas. Quem proinde Paulus locum, ad hoc propositum citauit, videlicet, quod credidit Abraham Deo, &c. Hæc verūtamen omnia ante circūcisionem peracta sunt, ne quis crederet, ob iustitiam illius obedientiæ, vel fuisse tunc iustificatum Abraham, vel quempiam in posterum iustificatum iri. Tandem quò popullus ille secretus esset à reliquis Gentibus, insignisq; inter omnes haberetur nationes, iussus est caractere illo circūcisionis signari. Qua de causa *Iosue. 5.* iussus est populus antequā Gentibus commisceretur præputia rescindere, quæ in deserto nutriuerant.

Vt sit pater omnium credentium per præputium, vt reputetur & illis ad iustitiam, & sit pater circūcisionis, non iis tantum, qui sunt ex circūcisione, sed iis, qui se etantur vestigia fidei, quæ est in præputio patris nostri Abrahamæ.

Apponit statim finē dati illi signi. Is nāq; fuit, vt esset pater omnium credentium per præputiū, Parui refert, utrū intelligas, pater per præputiū, hoc est, qui dū erat in præputio, constitutus est pater omnium credentium, an verò legas, credentium per præputiū, hoc est, omnium qui crediderint, etiā præputiatorum. Mens enī Pauli hoc loco est secundū binā circūcisionē duplicemq; Iudæū, cuius meminit, cap. 2. duas pariter dignoscere paternitates Abrahamæ, spiritualem scilicet, per fidē, quæ in vniuersum est omnium credentium, cuiuscunq; sint gentis: alteram carnalem per illā membri recisionē, quæ peculiaris erat illius, quæ ab ipso deriuata est, posteritatis. Hoc quippe dignatus est Deus Abrahamæ nomine Abrahamū, vt qui primus fuit, cū quo de futura salute voce pactus est: ac primus qui hanc sibi fidē expressiorē adhibuit, pater nūcuparetur omnium fidelium. Quæ quidem paternitas in infinitū præstantior erat illa carnali. Id quod Ioan. Bap. *Mat. 3.* Iudæis obicit. Ne velitis dicere intra vos, Patrē habemus Abrahamā (illa enim carnis propago, nihili ducitur apud Deū) sed potens est ipse de lapidibus (hoc est incredulis Gentibus) suscitare filios

Mens Pauli.

Abrahamæ dignitas.

Mat. 3.

Abrahæ, hoc est, fide regenerare Abrahæmo
filios: non in illam literalem terræ Iebusæorū
& Amorrhæorum, sed in æternā hereditatem
(*Ut reputetur & illis ad iustitiam, & sit pater circum-*
cisionis) Explicatius pandit rationem istius fi-
liationis spiritualis: puta quæ in hoc colloca-
tur, ut quemadmodum illi, ita & cunctis suis
per fidē regentis filii reputetur fides ad ius-
titiam. Qua nimirū ratione sit ipse pater cir-
cuncisionis, illius videlicet spiritualis, quā su-
pra dixerat fieri absconditē in corde. Patefa-
cit etiamnum amplitudinem ac generalitatē
paternitatis dicens. (*Non iis tantum, qui sunt ex*
circuncisione. &c.) Opponit, inquam, circunci-
sioni spirituali, carnalem, ut demonstrat hu-
iusmodi propagationis modum. Non enim il-
lis tantum factus est pater, qui filii eius sunt,
per circuncisæ carnis generationem (*Sed iis qui*
sectantur vestigia fidei.) Hoc est, qui per imitatio-
nem fidei, hoc adeunt filiorum munus. In tex-
tu Græco negatio non præcedit articulū, sed
sequitur: hoc modō, iis qui nō tantum ex cir-
cuncisōe sunt, sed iis qui sectantur vestigia fidei.
Et ideo aiunt neoterici traductores, non id af-
firmare hoc textu Paulum, quod Abrahā nō
tantū Iudæorū, verū etiam gentium fuerit
pater, sed hoc præcisē, quod nō sit verus Iudæo-
rū pater, ob præcisam pelliculam, nisi secten-
tur vestigia fidei. Quo & Chryso. applaudit.
At qui, si in secundo membro non repeteretur
græcē articulus, optimē cōstaret lectio, in
hoc sensu, iis qui non tantum ex circuncisio-
ne sunt, sed qui sectantur, &c. Cum tamen ar-
ticulis sicuti latine pronomen, repetatur, qua-
si duo ex æquo membra disiūgens, profectō
vero simile est, vel quod in antiquo codice ne-
gatio præponebatur articulo, vel quod etiam
si postponatur, eundem reddat sensum. Ob
idq; Theophyl. indiuiduus aliās Chrysostomi
assecla, nobiscum legit, & expressē Hiero.
scripturę obseruantissimus: & vbilibet Aug.
Quinimō & Ambro. quem tamen illi inique
pro se adferunt. Nam licet in textu negatio-
nem non præferat pronomini, subiungit ta-
men in cōmētario hæc verba, Hoc dicit, quia
credens Abraham, primus factus est pater cir-
cuncisionis, sed cordis, non tantum eorū qui
sunt ex eius origine, sed eorū qui similiter
credunt ex gentibus. Secundum carnē enim
Iudæorum pater est, secundū fidem verō om-
nium credētium. At verō quamuis sit qui ita
autumet, ut Paulus his verbis solum Iudæos
admoneat, non satis eis fuisse, ut filii essent A-
brahæ, incisione illa carnis insigniri, nisi insig-

ne quoq; fidei in corde gererent, tamen pro
indubitato habendum est & cōfitendum, ab
illo loco, Vt sit pater omnium credentium, id
constituere Paulum, quod Abraham per fi-
dem, quam Deo habuerit in præputio, pater
fuerit institutus, non solum Iudæorum, sed &
Gentium, hoc est, omnium corde circunciso-
rum. Imò neq; circuncisorum spiritualem ef-
se patrem, nisi eorum, qui fidem sequuntur.
Quam ego ob rem hoc sensu legerem, iis qui
non tantum circuncisi sint, sed iis, hoc est vni-
uersis, tam circuncisis, quā in circuncisis, qui
sectantur vestigia fidei, ut non duo populi di-
siuncti, sed vnus per fidem ex vtroq; conflat.
adnotetur. Iuxta verbum Christi, Ioan. 10. A-
lias oues habeo, quæ non sunt ex hoc ouile, il-
las oportet me adducere, ut fiat vnum ouile
& vnus pastor: & ideo vnus grex. Quod autē
se ita res habeat, infra expresso illo testimo-
nio Genesis, confirmat, Quia patrem multa-
rum gentium constitui te. Eademq; de causa
in constitutione huius periodi, cum dixisset,
patrem esse eorum, qui sectantur vestigia fi-
dei, annexuit. (*Quæ est in præputio patris nostri A-*
brahæ.) Id est, quæ, dum esset in præputio, iust
effectus est. Artificiosa etenim eloquētia ver-
bo respondet, quo fuerat sermonem exorsus.
Proposuerat enim. Quid ergo dicemus inue-
nisse Abraham patrem nostrum secundum
carnem? Et concludens ait, Patris nostri se-
cundum spiritum. Huc & illud attinet Io-
an. 8. quod Christus Iudæis obiecit, iactanti-
bus se filios fuisse Abrahæ, Scio enim, inquit
quia filii Abrahæ estis, (scilicet, secundum
carnem) sed queritis me interficere, quia ser-
mo meus non capit in vobis. Quod est, sed
non estis filii legitimi. Quippē qui sermonē
meum non capitis, ut ille, patris mei. Ob idq;
tanta ab illo intercapedine distatis, ut cum fi-
de ipse filium proprium occidere statuerit, in
obsequium Dei, vos me contrā, filium Dei,
præ infidelitate vestra, occidere moliamini.
Et infra, Si filii Abrahæ estis, opera Abrahæ
facite. Sicuti ait hic Paulus, eos esse filios
Abrahæ, qui sectantur vestigia fidei. Con-
gruit hic tamen aliquanto penitius, quæ-
stionem illam discutere, quam supra cap. 2. de
circuncisione tetigimus. An circuncisis con-
donatio, sub illa cerimonia, fieret originalis
culpæ. Non tantum enim Bucerus super ver-
bo. 3. cap. Quid amplius Iudæo est, cum Lu-
theranorum familia, verū & catholici non-
nulli, quos supra notabamus, minimē veren-
tur negare, vllam illic fuisse factam remis-
sionem

Constitu-
Pauli.

Lectio autē.

Ioan. 10.

Gene. 17.

Ioan. 8.

An in circū-
cisione remis-
sio fiat or-
iginalis.

Luthe.

Novi itēp.

Theoph.

Ambro.

nem, propterea quòd Paulus pares omnino & æquales constituit, respectu gratiæ, Iudæos & Gentes, neque opera scriptæ legis vllò gradu præfert legi naturæ. Neq; profectò defunt à parte hac sua negatiua probabilia argumenta. Quale illud præcipuè extat Pauli Galat. 2. Si ex lege est iustitia, Christus gratis mortuus est. Vnde & capit. 4. eos pudefacit, quòd iterum conuertantur ad infirma & egena elementa. Et præterea ex hoc præsentì loco non exilis fit coniectura, vbi tantopere contendit Apostolus demonstrare, quemadmodum ante circumcisionem iustitia fuerit in orbe apud Deum, cuius circūcisio nihil aliud est, quàm signaculum. Qua de re Abrahamū, patrem demonstrat esse omnium spiritualem per fidem, non per circumcisionem. Ac denique mirandum est, quòd cum originis labe in vtrunq; effunderetur sexum, peculiaris esset instituta cerimonia, per quam solis remitteretur masculis, idq; non ante octauum diē. Existimant ergo isti, inuentum esse scholasticorum, vllius factam olim remissionem culpæ, in circumcisione. Contra quos nihilo cunctantius retinenda nobis est catholica conclusio, cui⁹ negatio enormis error est, cum sancti Patres hanc veritatem veluti de media scriptura sacra elicitam semper probauerunt, scilicet, quòd in circumcisione abstergebatur natia illa macula, quàm à primo parente contrahimus. Qua propter circūcisio, signaculū fuit rei triplicis, scilicet præteritæ pmissionis, præsentis tunc remissionis, futuræq; ablutionis, circumcisionisq; cordium per baptismū Christi. Atq; his omnibus competens erat, vt in illa parte corporis fieret. Quandoquidem & signum erat, vt paulò ante dicebamus, propagandi per illud organum, promissum semen & signum quoq; remissionis culpæ, quæ per eiusdem concupiscentiam, nudatione illa (vt fertur) mitigabatur. Ac tertio denudatio illi⁹ paritula figuram habentis cordis, specimen ferebat futuræ per Christum cordium circumcisionis in baptismo, vbi veterem exuimus carneum hominem. Cuius figura illa fuit circūcisio in deserto, petrinis cultris facta. Petra enim erat Christus. Ob idq; præsentia baptismi circūcisionem abegit. Iuxta illud Gal. 5. Si circūcidimini, Christus nihil vobis proderit. Quinimò & futuram etiam nū designabat expoliationem corporum, in resurrectione ab omni passibilitate & mortalitate. Quæ etiam de causa, præter eam quæ de infantis te-

neritate veniebat: octauo die præcepta fuit, qui mysterium significat resurrectionis. Aliis verò, quæ nemini non sunt confessa, prætermisiss, quòd in circumcisione deleteretur originale, primum argumentum est hoc, quòd negare nullus potest, nisi vel hereticus, qui originalem culpam non agnouerit, vel blasphemus, qui in diuinam extiterit misericordiam iniurius, argumentum in q̄ primum est quòd omni seculo prouisum infantibus à Deo fuit, per aliquā formā sacrificii, qua fides remuneratoris Dei applicaretur, vt ante vsum rationis possent ab originis culpa emundari. Haud enim consentaneum esse videtur, vt qui in culpa erant, quam propria voluntate non admitterant, omni destituti præsidio, quotquot ante rationis vsum hac vita defungerentur, deperirēt. Hac enim de causa, ne hoc scilicet crudelitatis Deo adscriberetur, indultus à Christo per apostolos est paruulis euangelicis baptism⁹. Nisi forsitan quis diceret, quòd omnes tunc indiscriminatum, absq; aliqua applicatio ne fidei seruabantur, quòd absq; vlla prorsus probabilitate concederetur, Huic fundamento sententia hæc Pauli adhibita, appellantis circumcisionem signaculum iustitiæ fidei, facillimè rem comprobat. Nam cum nemo absq; sibi applicata fide Christi iustificari quæat, quia sine fide impossibile est placere Deo, & paruuli credere actu intellectus nequeant, consequens fit, vt semper fuerit aliqua sacrificii forma, per quod fides applicaretur illis, talis autem erat circūcisio, diuinitus instituta: quæ cum (authore hic Paulo) esset signaculū iustitiæ, quam per fidem consecutus est Abraham, certissimum, eadem esset, signum, vt qui cumq; eam reciperet, iustificaretur, per applicatam illi fidem: aliàs non erat, cur teneri paruuli ante rationis vsum iuberentur circūcidi. Accedit huc, quòd circūcisio erat quedā protestatio & professio fidei, per quam paruuli obligabantur legi, sicuti est modò baptismus, testificante ad Galat. Paulo, Omni homini circūcidenti se, quoniam debitor est vniuersæ legis faciendæ. Qua tunc obligationis ratione paruuli credere dicebantur, dum circūcidebantur, sicuti nunc nostri infantes dum baptizantur. Hac enim consideratione libro secundo de Natura & gratia sustentabamus vniuersalis illius sententiæ veritatem. Qui crediderit & baptizatus fuerit, saluus erit, etiam in paruulis, qui aliquo modo credunt. Non quòd vllum habeant actum fidei, vt incredibilis Lutherani, deridiculaq; con-

Octaua die.

Gal. 2.

Conclu.
Catho,Circūcisio
signaculum
triplex.

Gal. 5.

Paruuli dū
baptizantur
credunt ali-
quo modo,

tinet opinio: nec solum propter infusum habitum, sed propter obligationem, qua addicuntur fidei & legi. Qua quidem de causa decernuntur illis ab Ecclesia susceptores, qui eorum nomine interrogati respondeant, Credo. Acquisissimum ergo erat, ut qui per obligationem fidei Christi subdebantur legi, per eandem liberarentur ab illa innata culpa, cuius ipse erat futurus redemptor. Quem idcirco sensum

Gene. 17. meritisimò Patres agnouerunt in verbis legis, Masculus cuius preputii caro circumcisa non fuerit, delebitur anima illa de populo suo, quia pactum meum irritum fecit. Significatur enim ob culpam aliquam, delendam fore animam in circumcisi, quæ culpa in infan-

Col. 2. tulo, nulla esse, nisi originalis poterat. Huc præterea pertinet collatio illa Pauli circumcisionis cum baptismo Coloss. 2. aduersus Iudæos obtrudere connitentes cum Euangelio circumcisionem. Vbi ait. Circumcisi estis, circumcisione non manufacta, in expoliatione corporis carnis, sed circumcisione Christi, conscripti ei in baptismo. Vbi videtur sentire, id

Discrepantia. quod modò facit baptismus, fieri tunc olim in circumcisione. Nisi quòd circumcisio tunc non erat instrumentum passionis, quæ nondum erat exhibita, qualia modo sunt sacramenta nostra, sed tantum signaculum fidei, ut hic dicit Paulus. Quocirca illa non iustificabat, sed fides. Quum tamen nunc baptismus, ut instrumentalis virtus Christi, gratiam conferat, iuxta verbum Apostoli, ad Titum. 3. Saluos nos fecit per lauacrum regenerationis. Et eadem de causa, circumcisio non aperiebat regnum, licet gratia illic inibatur cum Deo. Ad stipulantur & huic veritati, apertis testimoniis sancti Patres.

Beda. Extat enim in hunc locum glossa Bedæ hæc, Idem salutare curationis auxilium circumcisio in lege contra originalis peccati vulnus præbebat, quod baptismus agere tempore reuelatæ gratiæ consuevit. Et Grego. in moralib. Quod apud nos valet aqua baptismatis, hoc egit apud veteres, vel pro paruulis, sola fides, vel pro maioribus, virtus sacrificii, vel pro iis, qui de Abrahæ stirpe prodierunt, mysterium circumcisionis. Non quòd in lege naturæ non esset aliqua saltem oblatio paruulorum, qua parentes fidem protestarentur pueri coram Deo, sed non erat certum diuinitus institutum sacrificium, quia nulla erat secretio tunc populi peculiaris Dei. Et contra

August. Iulianum August. Ex quo instituta est circumcisio in populo Dei, quæ erat signaculum fidei iustitiæ ad sanctificationem purgationis

valebat paruulis originalis, veterisq; peccati: sicut etiam baptismus ex illo cepit valere tempore ad inuolutionem hominis, ex quo institutus est. Ea verò, quæ obtendebantur argumenta, nihil deuincunt. Quod enim ait Paulus, Si ex lege est iustitia, Christus gratis est mortuus, hoc solum præ se fert, quòd per merita operum non acquiritur iustitia, ut cap. præce. expositum est: circumcisio autem non iustificabat per modum meriti: neq; verò per se tanquam opus legis, sed fides illic applicata. Appellat ergo ceremonias illas, infirma elementa, quia per se nihil efficiebant, sed erant umbra & veluti puerorum rudimenta, quibus erudiebantur ac præparabantur suscipiendò Euangelio. Ad alia verò argumenta, vide licet, quòd ante circumcisionem erat iustitia, & de foemellis, & ante octauum diem de masculis, ca. 2. responsum est, quòd in lege naturæ non deerat remedium etià pro paruulis: quod quidem durauit sub lege scripta tam pro foeminis, quàm pro paruulis ante diem octauum.

Nò enim per legem promissio Abrahæ, aut semini ei, ut hæres esset mundi, sed per iustitiam fidei.

Hæc, tertia est sectio huius capitis, ubi ad maiorem rei propositæ confirmationem, pergit de monstrare promissionem, quæ facta est Abrahæ, non esse impletam per legem, sed per iustitiam fidei. Haud enim sic audienda est hæc oratio, Nò. n. per legem promissio, ac si velit proponere, promissionem non esse factam per legem: id quippe neutiquam poterat in questionem incidere: non eo solùm, quod promissio res est à legis præceptionibus diuersissima, verum quòd antea etiam fuit à Deo facta, quæ lex data. Vbi ergo ait, Nò per legem promissio Abrahæ, subintelligendum est, seu soluta completa est. (Ut heres esset mundi.) Sub his quidem verbis nullibi facta legitur promissio, sed tamen tantundem illud est Gene. 12. In te benedicentur vniuersæ nationes terre. Hic autem locus est inter alios, per quem id confirmatur, quod à prologo vsq; identidem considerauimus. Videlicet, quòd promissiones illas factas Abrahæ Gene. 12. vastissimæ possidende terre, in quam Deus hereditatem eum esset missurus, & quæ in ipso benedicentur vniuersæ nationes terre (sub cuius figura promittebatur credentibus cælestis hereditas) & Gene. 15. quòd Ismael non esset eius heres futurus, sed ille qui egrederetur de utero suo, (qui umbra erat Christi) illas, inquam, promissiones conuersi ex Iudaismo interpretabatur, factas esse ad modum stipulationis

Gala. 2.

Tertia pars capituli.

Nota iudeorum errorem.

lationis, hoc est, si legem, quam circumcisione Abrahamæ profitebantur, custodirent. Et exinde illam colligebant blasphemiam, quam per hanc fermè totam epistolam expugnat Apostolus, nimirum per circumcisionem, & reliqua opera legis se iustificatos, ac perinde commeros fuisse ingressum æternæ hæreditatis: quod hic secundum membrum peculiariter videtur confutare. Atq; ideo (si quid nostra valet coniectura) censebant, propter meritum eiusdem seruata à se legis, Christum aduenisse. Nam planè fatebantur, quod venturus esset Messias tanquam redemptor, qui traditurus eis esset hæreditatem, Abrahamæ promissam. Inde enim modo in eam delapsi sunt cæcitatem, ut Messiam præstolentur, qui regna sit eis amplissima traditurus. Per hanc igitur cōsiderationem aperitur loci huius intelligentia. Confirmat enim Paulus, Abraham per fidem in præputio constitutum fuisse patrem omnium credentium, acutissimè ex propriis rei causis, per hoc scilicet, quod promissio facta Abrahamæ & semini eius, quod hæres esset mūdi, non est per legem impleta, hoc est, per hoc, quod Iudæi legis opera seruassent, quasi impletio promissionis ex legis impletione pederet, sed per iustitiam fidei: nā per hoc quod credidit, constitutus est credentiū pater, quibus debetur hæreditas cælestis, illic prænuntiata. Vnde infra. 8. cap. Hæres quidē Dei, cohæres autem Christi. Vtpote quæ Heb. i. ait constitutum à Deo fuisse hæredem vniuersorum. Et Galat. 3. Abrahamæ dictæ sunt promissiones, & semini eius. Non dicit, & seminibus: quasi in multis, sed quasi in vno. Et semini tuo qui est Christus. Intendit ergo hic Paulus hoc uti syllogismo, Si non per fidem, sed per legem procreati sunt Abrahamo filii, per legem & non per fidem in hæreditatem mitterentur (siquidem filiorum titulus, idem est, qui & ius hæreditatis) non autem per legem, sed per fidem adiri potest hæreditas, ergo per fidem & non per legem cōstituti sunt ei filii.

Si enim qui ex lege, hæredes sunt, ex inanita est fides, abolita est promissio. Lex enim iram operatur. Vbi enim non est lex, nec præuaricatio.

Commonstrat specialius vtramq; partem. Primum autē negatiuā (scilicet quod promissio non constat neq; impleta est ex lege) duobus argumentis. Locus prioris est ab illatio-

ne absurdi. (Si enī, inquit, qui ex lege, hæredes sunt) Hebraismus est Paulo peculiaris, eiusmodi, Si illi qui ex lege, scilicet, sunt (hic enim est cæsurā) id est, factores legis, ex legis operibus ius sibi faciunt hereditatis, tunc exinanita est fides, hoc est, exclusa est ab omni virtute & vigore, & perinde est, ac si nulla fuisset. Hoc & de fide Abrahamæ, quam Deo præstitit, intelligi potest, & de fide Dei pollicentis. Et hoc secundo modo idem est, Exinanita est fides, quod, Abolita est promissio. Vt talem suggerat sensum, Tunc neque promissio Dei suum habuit cōplementum, neq; suā ipse fidē liberavit, quippè cum ius hæreditatis non ex promissione acquisitū est, sed ex legis operibus. Si verò intelligas de fide Abrahamæ, quam ad iustitiam reputatam ubique cōtraponit operibus legis, tunc duo sunt distincta membra. Et sensus est, quod non fides Abrahamæ, sed opera legis reputata essent ei ad iustitiam, ac perinde promissio fuisset inanis. Sed infirmabit hanc quispiam fortè argumentationē, quod non sit consequens, si hæreditas nobis ratione promissionis obueniat, nullo pacto obuenire ex operibus legis. Et est argumentum quod à parte Iudæorum paulò antè informabamus. Nam promissio, dicerent illi, fuit quædam stipulatio & pactum, scilicet, quod Messias mitteretur, si illi modò legem sustinerent. At verò exceptio hæc & caullatio iam multis modis repulsa est ab Apostolo. Primum ex eo quod in verbis promissionis nulla est inserta mentio legis, nec facta est sub conditione, sed simplici absolutaquē forma. Deinde quod promissio multò antea facta fuit, quàm lex posita. Et quàmuis Genesi. 22. appareat promissam esse benedictionem gentium in semine Abrahamæ ob ipsius meritum (Sic enim habetur, Quia fecisti hæc rem, & non pepercisti filio tuo vnigenito propter me, benedicam tibi, &c.) illa tamen obedientia processit ex priori fide, quam antea dederat Deo, gratis eandem benedictionem pollicenti. Et præterea argumentum Pauli euidentissimum est. Nam si ex operib⁹ oriretur iustitia, iusq; conflaretur hereditatis id quidem fieret ex natura & equitate operū, quare nihil restaret, quod deberetur promissioni, atq; adeò abolita esset & explosa. Ad hæc, idcirco hætenus tantopere nixus est prodere, quomodo fuissent, tã Iudæi, q̃ Græci præuaricatores, factoresq; legis, ne ansam illis relinqueret vllam huius cōmentitię exceptionis, scilicet, quod pacta illis fuerit, collata ve-

Dubitatio.

Contra erro-
rē Iudæorū.

Syllogismus
Pauli.

hereditas propter opera legis. (*Lex enim iram operatur.*) Secunda ratio fumitur ex infirmitate legis, quinimo ex contrario eius ingenio. Est enim argumentatio hæc. Lex iram operatur, hoc est, vindictam & supplicium transgressoribus: ira autem potius in causa est exheredationis, quàm admissionis ad hereditatem: ergo per legem non est impleta hereditatis promissio. Dum ergo ait Paulus, quod lex iram operatur non intelligas nomine iræ, peccatum: quemadmodum ait infra capit. 7. quod occasione accepta peccatum per mandatum operatur in nobis omnem concupiscentiam, Hæc enim alia res est, illic tractanda. Hic autem iram appellat vindictam ipsam malefactorum. Etenim quoniã officium legis, ut supra dixerat, est, ut per ipsam fiat cognitio peccati, inde fit, ut per eandem eripiat delictoribus excusationis occasio, atque adeo ipsa sit causa, ut veniant merito plectendi: non quidem directa causa, sed per occasionem. Etenim legislatoris intentio, non est, nisi ut per legem (ut est. 2. Ethic.) bonos faciat ciues, quos ad fidelitatem perducatur. At praua nostra voluntas causam præbet, cur lex indirectè iram opereatur. Et hoc est quod in eandem sententiã ait Gala. 3. Quicumque ex operibus legis sunt, sub maledicto sunt, Scriptum est enim, Maledictus omnis qui non permanferit in omnibus quæ scripta sunt in libro legis, ut faciat ea. Et est alta mente hoc discrimen fidei & legis considerandum: scilicet, quod malorum supplicium non à beneficentissimo Deo directa intentione infligitur, sed lex est quæ illos punit. Deus enim nihil in eos agit, nisi secundum legem, quam tamen posuit intentione premiãdi. Premium verò & corona iustorum, non legi debetur, sed diuinæ misericordiæ per fidem: iusta illud Osee, Perditio, tua Israel, ex me tantum auxilium tuum. Quod quidem discriminem inde nascitur, quod lex præcipit quidem, non autem adiuuat. Sed quod lex iubet, fides Christi implet, qui (ut infra. 8. capit. audiemus) adiuuat infirmitatem nostrã. Causa verò cur lex iram operatur, subsequitur (*vbi enim non est lex, nec præuaricatio*) Scilicet, est, ac si dicat, Ira & supplicium solis debentur præuaricatoribus, & transgressoribus: præuaricatio autem esse nequit, vbi nulla est lex: ergo ira & supplicium ex lege dimanant. Continenter hic nomine legis, uti vbiq; supra, naturalis quoque comprehenditur. Nam etsi nulla fuisset scripta, nihilo secius violatio naturalis iuris, quod insculptum est mentibus nostris, deli-

ctum esset, Quamquã lex scripta, quo explicatio est, eò & minorem permittat excusationem, & idcirco iram opereatur sæuiorem.

¶ Attamen dubitatio hinc, quamuis exigua, resultat, quod prima peccati radix non exinde innascitur quod sit contra legem, sed quod contra venimus voluntati superioris, cui parere tenemur. Si enim per impossibile (ut impietas absit, & blasphemia verbo) nullus esset nobis superior, neq; Deus quidem, qui iure creationis subditum habet humanum genus, & nihilominus homo suapte natura, rationis vi polleret, certè facere contra, quam ratio dicat, licet peccatum quidem esset naturale, rationem tamen verè culpæ nullam haberet. Quoniam peccatum omne, inobedientia quædam est: inobedientia verò, veluti obsequium, non nisi respectu domini, aut præfecti est, cuius iure tenemur. Ob idq; David inquit, Tibi soli peccaui. Vnde & Theologi (ut S. Thom. 22.) colligunt, quod omnis lex præsupponit subiectionem suscipiētis legem ad dantem. Non ergo legis præuaricatio, sed violatio diuinæ voluntatis iram demeretur. Facillimum est tamen responsum, quod Paulus nihil horum denegat. Sed quoniam lex omnis, tam naturalis quam scripta, index & linea est voluntatis Dei, ideo præuaricationem legis delictum censet, voluntati Dei aduersum, dignumq; proinde illius iræ, quam comminatur lex. Vnde August. tam legem, quam Deum complexus, Peccatum, inquit, est dictum, &c. contra legem Dei.

Ideo ex fide, ut secundum gratiam firma sit promissio omni semini, non ei qui ex lege est solum, sed & ei qui ex fide est Abraham, qui pater est omnium nostrum, si cut scriptum est, Quia patrē multarum gentium posui te.

Post negationis demonstrationem, videlicet, Non ex lege hereditas, subnectit affirmationis causam, Ideo scilicet ex fide obuenisse filiis Abraham hereditatem, ut secundum gratiam firma, certaque & constantissima esset promissio omni semini. Namq; si ex legis per se operibus fuisset pendula, non haberet certitudinem: quoniã legis opera, quæ homo faciat, non habent firmitatem, sed lubrica sunt, & varietati subdita. Neq; si operibus scriptæ legis (ut Iudæi contendebant) fuisset

Nomē iræ.

Adnotatio
in signis de
lege & fide.

Osee. 13.

Dubium.

August.

fuiſſet alligata, tunc omni ſemini Abrahamæ, putà Gentibus ad fidei veſtigia ingreſſus pateret, Cum autem ex fide pendeat promiſſio, quæ ideo gratis impletur, non poteſt huius modi impletio non eſſe tam firma, quàm eſt Deus verax, neq; non ad omnes gentes ſuo-
 pte ingenio extendi, quarum eſt Deus. Potes- & hic fidem quoq; Dei intelligere, quæ cau- ſa fuit efficiens exoluendi promiſſi, Vel in- telligitur fides Abrahamæ, quæ reputata eſt ei ad iuſtitiam, & præfuit operibus legis. Vna enim ratione Paulus vtramq; fidem, & Dei ſcilicet, qui ſuæ ſtetit promiſſioni, & creden-
 tis Abrahamæ, ubiq; opponit operibus legis, vt-
 puta, quòd per alteram effecta eſt, impenſaq; iuſtitia, per alteram verò, ſuſcepta. Quam ob- rem Augu. in lib. de prædeſtinatione ſancto- rum, verbum hoc ad prædeſtinationē refert, Ait enim, ideo ex fide firmam eſſe promiſſio- nem, quia non de noſtra voluntatis poteſtate, ſed de ſua prædeſtinatione promiſit. Pro- miſit enim quòd ipſe factur⁹ fuerat, nō quòd homines. Quia etſi faciūt homines bona, quæ pertinent ad colendum Deum, ipſe facit, vt illi faciant quæ præcepit, non illi faciunt, vt ipſe faciat quòd promiſit. Alioqui vt Dei pro- miſſum compleatur, non in Dei, ſed in homi- num eſſet poteſtate. Haſtenus Auguſt. Dixe- rat, Et ſemini eius, repetit ergo eiſdem ſemi- nis numeroſitatem. (Non, inquit, ei, qui ex lege eſt ſolum, ſed ei qui ex fide eſt Abrahamæ.) Aduerbi- um, ſolum, vel non adiacet verbo proximè præce- denti, ſed apponendum eſt, pronomini, ei, in hoc ſenſu, Non ei tantummodo certa fit pro- miſſio, qui circūciſus eſt carne, ſed ei etiam Gentili, qui per fidem filius conſtitutus eſt Abrahamæ, vel ſi adiacet verbo, eſt, puta, qui ex lege eſt tantum, tunc legendum in eo ſenſu eſt, quem illic ſupra adnotauimus, iis qui nō tantum ex circūciſione. Huic enim ſenſui ad ſtipulatur ſubiunctū testimoniū legis. Sequi- tur nanq; (Qui pater eſt omnium noſtrum.) Hoc eſt, credentium, ſiue Iudeorum, ſiue Gentiliū. (Sicuti ſcriptum eſt. Qui patrem multarum gentium conſtituite.) Præteritum, conſtitui, de more pro- phetarum fungitur vice futuri, ob certitudi- nis firmitatem. Id eſt, non illius populi tantū, ſed vniuerſorum, qui fidem tecum mihi dede- rint. Quocirca iuſtorum omniū locus in Euā- gelio ſin⁹ Abrahamæ nūcupatur. Luc. 16. Et Mat- thei. 8. Multi ab oriente & occidente venient, & recumbent cum Abraham, Iſaac, & Ia- cob, in regno cælorum: filii autem regni, hoc eſt, qui ob circūciſionem tales ſe vendi-

tabant, eiiciuntur foras. Simile ad hoc propo- ſitum argumentum adfert Galat. 3. Scilicet, Gal. 3. quòd qui ex fide ſunt, ij ſunt filii Abrahamæ. Prouidens enim, inquit, ſcriptura, quia ex fi- de iuſtificat gentes Deus, prænunciauit Abra- hæ, quia benedicetur in te omnes gētes. Et cō- cludit, igitur qui ex fide ſunt, benedicentur cum fidei Abraham. Recentes traduſtores ge-
 minum illud relatiuū qui, more ſuo carpit. Nempè quòd deberet eſſe neutrius generis, re- ferens vocem, ſemini, At verò græcè non eſt relatiuum, ſed articulus datiui caſus, qui opti- mè reddi poterat per relatiuum masculini ge- neris, quòd quidem referat, non vocem, ſemi- ni, ſed eius ſignificatum, puta hominem. Ac- cipitur enim pro quouis hominū credentiū. Locus hic præſens eſt, vnde Lutherani ſuam
 illam extruunt controuerſiam de certitudine fidei. Duo enim hinc exiſtimant, omni occlu- ſo aſylo, contra nos conficere. Primū quòd ſola fide iuſtificamur, de quo iam illis abun- dè ſupra reſpondimus. Alterum quòd ex eo, quòd fide ſolum iuſtificamur, ſit palam con- ſequens, vnumquemlibet iuſtorum certum eſ- ſe gratiæ ſuæ & amicitie apud Deum. Hoc quippè, inquiunt, eſt argumentū Pauli, Quo- niam ex fide & non ex operibus iuſtifica- mur, firma, certaq; ſit promiſſio. Inferunt ipſi ergo cuiſcunque præſtanti Deo- talem fidem certitudo adnaſcitur ab eadem fide, quòd ob- tinuerit promiſſionem. De re ipſa ſatis ſuper- q; lib. 3. de nat. & gratia diſputauimus, quam
 poſtea diſputationem, inter reſpondendum
 cuidam reuerendo Epiſcopo explicatiſ dilu- cidauimus. Quibus tractatibus exiſtimo, ni fallor, demonſtratū eſſe, neminem lege cō- muni, hoc eſt, abſque ſpeciali reuelatione, cer- tum fieri poſſe per certitudinem fidei, in quo ſtatu ſit apud Deum. Vbi & hunc locum ex- poſuimus, qui proſectò nullus eſt, cui innitā- tur. Primū vtique literam detrūcant. Non enim ex eo quòd ex fide impleatur promiſ- ſio, inferit hic Paulus, quòd fiat firma & cer- ta, ſed, quòd fiat per gratiam & non ex operi- b⁹ firma omni ſemini. Arguit, inquam, quòd cum promiſſio ex fide ſit completa, non fuit firmata ex debito operum, ſed per gratiam. Neque verò fides & gratia eadē ſunt res prō- ſus, vt ſupra dicebamus. Tametiſ & fides ipſa gratia quēdam ſit, hoc eſt, donum Dei. Com- mentitia ergo eſt illorum collectio, & ab hac Paulina longo interuallo diſcrepans, Ex fide ſit promiſſio, ergo ex ſola fide ſit firma & cer-
 ta. Præterea ſenſus hic duplex eſſe poteſt. Ete-
 nim

Mēs accutiſ
 ſima Pauli.

Lutherani.

Lib. 3. de na-
 & gra. c. 20

ſinus Abra-
 hæ.

ſenſus du-
 plex.

nim aut de impleta promissione in genere intelligendus est sermo, hoc est, de missione redemptoris faciendæ; redemptione, aut de applicatione ad singulos. Si priore intelligatur modo, tunc fatemur, quod, quia promissio illa ex nullis pendebat legis operibus, sola Dei constantissima fide pollicentis sanctissime fuit impleta. Imò etiam si per impossibile nemo credidisset (vt initio præcedentis capituli dicebamus) Deus suo satisfecisset promisso, Ideoq; hanc promissionem esse completam, firmissima nobis est, & certissima fide tenendum. Et hunc forsan hic etiam Paul. præten- dit sensum contra Iudæos, qui contra existi- mabant, ob meritum legis datum fuisse Saluatorem. At verò si sermo hic Pauli intelli- gatur (vt præ se quoq; fert) de applicatione ad singulos, putà quod promissa salus in om- ne esset effundenda semen Abrahæ, hoc est, in omnes fide credentes, tunc quàmuis conce- damus idem esse, per gratiam, certà fieri pro- missionem, quod, per fidem (vt Origenes sen- tit) tamen quia fides hæc, illa est, quæ per cha- ritatem operatur, nemo communi lege esse potest certus, quod tali vigeat fide; quia non potest esse tutus, an habeat charitatem. At il- le solus, qui infantem baptizat, certus est cer- titudine fidei, in gratiam illum tunc Dei esse ab originali restitutum. Sed quàm sit etiã pul- chra, alia Lutherani interpretum obser- uatio in eum locum, vt hæres esset mundi, nō est silentio prætereundum. Nam huc vsq; cō- tinuatio Paulini textus nō fuit id meminisse Inde nimirum sibi colligunt, quod credentes, non solum cæli, verum & huius quoq; mun- di constituentur heredes. Ob idq; nihil esse prorsus omnium rerum, quas Deus in huma- nos condidit vsus, nempè vestium, ciborū, po- tus, auri: nihil in quā esse tam delicatum, quo non viri sancti pie & feliciter uti queant, atq; hac ratione illos qui ista interdunt (institu- tores scilicet religionum) aiunt alium spiritū esse sequutos, q̃ Christi. Pari argutia collige- re possunt, quod liceat viris sanctis omnium dominium vsurpare. Vide quodnam isti so- lent fulcire stabilimentum suorum dogmatū nimirum non solum spiritum Pauli ad terre- na demittere, sed eundem etiam vocare spiri- tum Christi, qui versatur in cibo & potu. Eui- dentius igitur per se est & confirmatius, q̃ vt istis respōdere teneamur, fide (iuxta verba hic Pauli) per charitatem operante, tātum homi- nes constitui heredes gloriæ: terrenorum ve- rò, non item. Imò quo parcius illis vtantur,

longiusq; ab illis vixerint abdicati, gloriofi de mundo triumphant: sic enim nihil habentes, omnia possident, imò pessundant, propi- usq; ad Christi paupertatem accedunt, cau- tius pericula cauent, quæ à rebus istis caducis nobis imminet, tutius deniq; ad eius felicitatem incedunt, quæ pauperibus & flentibus proposita est: apostolorum exemplo, qui om- nia relinquentes, sequuti sunt Christū. Neq; verò vllus vnquā fuit religionum patron⁹, qui coactu præcepto ve homines addigeret ad religiones, compelleret ve alia seruare, quā quæ præcepit Christū, sed tamen eius in- structi exemplo, vltroneos atq; spontaneos commonefaciunt, si velint esse perfecti, vt venditis quæ habent, expeditius eundem se- quantur Christum. Quod verò quisq; sua se sponte Deo consecratum vellit, additūmq; & voto obligatum eius consiliis, non solum hic locus, verum nullus alius in vniuersa scri- ptura prohibet: admonet verò multi, quos huc accersere operosum esset, & superuacane- um. Quod hic autem altius dentem figunt in Ecclesiam, quæ Christianum populum statis temporib⁹ esu carniū cohibet, cōmentariorū ratio nō permittit, vt fusius hoc loco dispute- tur. Nō enim superstitione illorū, id facit, quos notauit ad Timo. Paulus, prohibētes nubere, & abstinere à cibis, quos Deus creauit, sed vt carnis maceratione paratior sit spiritus obse- quentiorq; Deo. At de his satis. Regrediamur ad literam.

Encomium.
religionis.

Delect⁹ cibo

Ante Deum, cui credidisti, qui viuificat mortuos, & vocat ea quæ non sunt, tanq̃ ea quæ sunt.

Quarta pars
capituli.

Hæc iā quarta est, postremaq; sectio hui⁹ ca- pituli. q̃ tota est encomiū fidei Abrahæ, quin- q; sexve particulis articulatū. vculas illas, an- te Deū, sunt qui ad eloquiū illud ex Genesi ci- tatū referāt. Nō quod sint illic tanquā perpetua oratio Dei, sed quod Paulus eas adhibue- rit interpretamēti gratia. Huc videtur Orige. respicere, qui statim recitata autoritate, sub- dit, Et recte addidit ex sua interpretatione A- postolus, Ante eū, cui credidit Deū. Sequitur & S. Thom. & forsan ita res habet. At facilius crediderim perpetuationē esse Pauli ipsi⁹ ora- tionis: ita vt assuēdū hoc sit ad superiorē sentē- tiā, Qui pater est omniū nostrū, tanq̃ illi⁹ pars Hoc est, Qui pater est omniū nostrū ante De- um. Peculiare enī est Paulo, autoritate, quā citat interiecta. orōnem propriā & clausulam disfluere.

Orige.

Lutherani.
Vt hæres ef-
fet mundi.

Contra
Luthc.

diffuere. Quod hic eò præcipuè fecit, vt cum voce, ante Deum, eam postmodum, quæ subsequitur orationem, Cui credidisti. Qui vocat ea quæ non sunt, &c. cõtinuò colligaret. Adiecit autem, ante Deum; vel ad differentia illius paternitatis, quæ cognatione circũcisæ carnis propagatur: illa siquidẽ corã hominibus est, quæ autem fide coalescit, coram Deo: cui⁹ vice interpres trãstulit, Ante Deũ, vel fortè, Ante Deum, idem valet, quod, in præsentia Dei. Nam licet proles Abraham non erat præsens, sed futura in re, tamen erat æternitati Dei præsens. In quo sensu S. Th. putat, Ante Deum, moderamen esse illius præteriti verbi, cõstitui te, seu, posui te. Quoniam apud Deum, futura perinde sunt, vt præterita, & præsentia. Et hæc videtur interpretatio textui perquam germanè adherere. Nam licet sit (vt dicebamus) adiectio ad superiora verba Pauli, potest nihilominus facta esse ad exponẽdum verbum allati testimonij. Tamen si Chrysost. Theop. glossema nõ est cur displiceat, scilicet vt, ante Deum, idem sit, quod, Ad exẽplum Dei. Vt quemadmodum Deus non est partialis Deus, sed omnium vniuersalis pater, sic & Abraham. Et iterum, Quemadmodum non secundum naturalem cognationem pater est Deus, sed iuxta fidei familiaritatem, Sic & Abraham. Verba sunt Chrysost. Quinimo & i ea, quæ secundum carnem est, paternitate non nihil meditari possumus similitudinis. Enimuerò quemadmodum res Deus super naturam de nihilo, ædedit, ita & Abraham ex senili iam corpore, atque in emortuo Saræ vtero super naturam procreauit sobolem (*Cui credidisti*)

Qui vocat ea
quæ non sunt.

S. Tho.

Chrysost.

Orige.

distantia inter Iudæum & Græcum. Neque verò improbabilis est glossa hæc. Quamuis alij ferè Latini: & forsan sensatius Paulũ credant hic ad Abrahamum sermonem cõuertere. (*Qui viuificat mortuos, & vocat ea quæ non sunt, tanquam ea quæ sunt.*) Encõmium, quo fides Abraham commendatur, in duobus positum est. Primũ quod de illis rebus Deo fidẽ adhibuit, quæ præterea multis post seculis futuræ erant, quod excellebãt etiam naturæ ordinem. Videlicet, quod ætate iam confectus ex emortuo vtero Saræ suum propagaturus esset semen super stellas cæli, vbi & supernaturalis gratuitaq; adoptio Gætium per Christum aperiabatur. Ob idq; duo responderent de Deo enunciat prædicata, quæ eandem ipsi fidem arrogant & confirmant, ita vt meritissimò ipsum Abraham⁹ auscultauerit. Non enim erat cur cunetaretur Deo credere, quod seni sibi, aniliq; Saræ corpori, virtutem, quæ demortua erat, generãdi esset instauratur⁹, quũ ab eo crederet mortuos etiã posse ad vitam euocari. Nec id quidẽ quod in longum æuum promissio esset protelãda, quicq; eius fidẽ debilitabat, eo quod perinde Deus vocat ea quæ nõ sunt, atq; ea, quæ sunt, hoc est, eandẽ habet vtrorumq; potestatẽ. Et ideo de constituendis Habrahamo filiis ait de præterito, cõstitui. Nisi mauis vt posterius membrũ non referatur ad dilationẽ promissionis, sed sit prioris diffinitio. Hoc est, explicatio omnipotentia in viuificãdis mortuis. Non enim illi opus est alio molimine, quàm Nutu dei & voce, vt adesse faciat ea quæ nõ sunt: parent oĩa.

Encõmiũ fidei
dei Abrahami

Nutu dei
& voce, vt adesse
faciat ea quæ nõ sunt:
parent oĩa.

Ea quæ non
sunt.

Noniinterp.

gentium. Hanc ob rem, quod ait, Viuificat mortuos, nō ad solam resuscitationem mortuorum referendum est, sed ad omne illud, quod quoquo pacto recipit, vel vitam, vel vitalem virtutem. Nam literalis sensus est, quē statim exponit Paul⁹ de emortuis corporib. Abrahæ & vxoris eius. Atq; hinc facile colligat, q̄ sint interpretes nōnulli inepti, q̄ elegantiā causā vertūt, Qui vitæ restituit mortuos. Nā etsi sermo Græcus utrāq; permittat versionē, lat⁹ tamē patet, Viuificat mortuos, ob idq; significatius hic à nostro interprete trāslatū est. Mortuū enim appellat quicquid nō est viuens, etiā si nunq̄ habuisset vitā. Vnde sicut Adæ nō restituit Deus vitā, sed dedit nouam, sicuti & cunctis, qui in hanc lucē aduntur, ita ad spirituale sensum hui⁹ loci per gratiam viuificat omnes, qui nascuntur filij iræ, quibus tamē non restituit vitam, quam nunquam habuerunt. In secūdo quoq; membro nescio quid isti noui traductores moliantur. Aiunt enim nō esse Græcē, Qui vocat ea quæ non sunt tanq̄ ea quæ sunt, sed, Qui vocat ea quæ nō sunt, tanquā sint, seu perinde ac sint. At re vera, quamuis nōnulla videatur discrepantia, eō quod priori oratione comparatio fit inter res, quæ non sunt, & res quæ sunt, in secunda verō, inter res, dum non sunt, & easdem quando sunt, facillimē tamē in eundem coeunt sensum. Primū enim, Græcē participia sunt, quæ ad litteram sic trāseruntur, Qui vocat non entia, tanquam entia: seu non existentia, tanquam existentia. Et profectō tanquam existentia, vtranq; exhibet intelligentiam, scilicet & tanquam ea quæ sunt, & tanq̄ sint. Præterea idem est dicere, quod res dum non sunt, eodem modo obsequuntur Deo, ac si essent, & quod perinde illi obtemperant, atq; illæ, quæ sunt. Vnde August. super illum versiculum psal. 104. Vocauit famem de terra, ait, quod vocauit famem, quæ nō erat, ille qui vocat ea quæ non sunt, tāquam sint. Sed tamen in lib. de natura boni, ca. 26. Et in Enchiridio cap. 29. legit cum vetere interprete, tanquā ea quæ non sunt. Et ita legit Ambro. & Orige. qui per ea quæ non sunt, illos spiritaliter intelligit, qui mortui sunt delictis & peccatis, iuxta illud, Si charitatem nō habueris, nihil sum. Per ea verō quæ sunt, illos qui esse habent filiorum Dei. Quocirca August. super psal. 118. Non ad temporalem vocationem verbum accommodat, de qua ait Apostolus. Quos prædestinavit, hos & vocauit, sed ad æternā dispositionem, de qua ait ad Eph. 1.

August.

August.

Elegit nos in ipso, ante mundi constitutionē. Et infra hic. 9. cap. Cum nondum nati essent &c. Vnde sicut suprā dixit, vocatus apostolus, id est, diuina vocatione apostolus, ita hic docet, eos qui non dum in hanc lucem prodierunt, vocationis gratia filios Dei fieri. Potest & verbum, vocat, referri ad simplicia nomina rerum, quæ sunt in æterna dispositione. Enimuerō sicut de naturalibus habetur Ecclēs. 6. Qui futurus est, iam vocatum est nomen eius, & scitur, quod homo sit, ita & prædestinatorum nomina scripta sunt in libro vitæ. Ecce prima particula laudatæ fidei Abrahæ, qui Deo credidit potenti demortuam eius virtutem viuificare, veluti is, qui vocat ea quæ non sunt, tanquā ea quæ sunt.

Vocat.

Qui contra spem, in spem credit, vt fieret pater multarum gentium secūdum quod dictum est ei: sic erit semen tuum, sicut stelle cæli & arena maris.

Secunda particula est, superioris explicatoria. Nempe quod contra spem in spem credidit. Pulchra est paranomasia, id est, agnominatio duorum contra se positorum nominum, qua fides maximē Abrahæ commendatur. Alij vertunt, præter spem in spe, vel, sub spe. Et quidē, præter, bene habet, si ea modo significatione vsurpetur, quæ est, contra. At verō, in spe, non tam accommodum est, quam, in spem, Nam à fide, quæ est substantia sperandarum rerum, assurgitur in spem. Quæ quidem progressio aptius profertur per accusatiuum, vt dicamur, in spem credere. Est autē sententia Pauli hæc. Quod cum Abraham omni naturæ vigore ad generadū destitutus, Saram quoq; contemplatus, quæ non solum in sua iuuentute sterilis fuerat, verum legitimā iam ætatē esset supergressa, nullam inde spem prolis naturaliter posset concipere, contra hanc spem, id est, contra huiusmodi desperationis naturales causas credidit Deo in spem, hoc est, fidem illi habuit, ex qua supernaturali fide perductus est in spem sobolis, quam abnegabat natura. Historia est Gene. 15. Domine Deus quid dabis mihi? ego vadam absq; liberis. Et ecce vernaculus meus hæres me⁹ erit, Hoc ob desperatā naturalem facultatem generandi dicebat. Cum autem protinus audiuit sermonem domini. Non erit hic hæres tuus, sed qui egredietur de vte-

Sensus Pauli.

Histo. Abra.

Continuatio orationis. de vtero tuo, nihilo cunctantius credidit. (Vt fieret pater multarum gentium.) Sunt qui non se iungant orationem hanc à superiori. Sed ita transferant, In spem credidit, se fore patrem multarum gentium. At verò præterquam quòd Græcanica lectio, cui adeo ipsi impensè suffragatur, nōnihil eis hoc loco refragatur, lōgè sententiā deflectunt. Græcè enim, si syllabatim trāseras, sic extat, Ad fieri patrē multarum gentium, Quòd idem est ac si dicamus, Ad hoc vt fieret pater multarum gentium. Et quod sententiā sit diuersa, palām est. Nam isti volunt, quòd fieri patrem multarū gētiū, sit obiectum fidei Abrahæ. Vulgata verò æditio, quòd sit eius effectus & merces. Quam quidem lectionem, non solum Ambro. & Latini, sed Orige. quoque atq; Chrysost. sectantur. Ait enim Orige. quòd Abraham contra spem in spem crederet, vt pater fieret multarum gentium. Nempe in premiū eiusdem fidei. Et explicatius Chrysost. Si igitur, inquit, merces erat vt fieret pater multarum gentium, palām est, quòd illarū gentiū pater fieri debuit, pro quibus crediderat. Quòd si hic fortè quis hæreat, quòd cū Paulus spirituales paternitatem Abrahæ proposuerit constituere, dicens, quòd sit pater omnium nostrum ante Deum, quomodo ad paternitatem carnalem diuertit. Nam quòd ait, contra spem in spem credidisse, vt esset pater multarū gentiū, de spe sobolis per Isaac intelligitur, vt expositum est. Respondetur nullum hic esse diuerticulum, sed est propositi perpetuatio. Primū quia quantum ad meritum, ex eo quòd cōtra spem in spem credidit, propagandam sibi sobolem ex Isaac, commeruit pater fieri omnium credentium. Deinde cū Christus secundum carnem ex Isaac esset procreandus, vbi credidit in spem generandi Isaac, credidit simul in spem venturi Christi, per quem erant homines adsciscendi in filios Abrahæ. *Secundum quòd dictum est ei, Sic erit semen tuum, sicut stellæ cæli & arena maris*) Aemuli isti vulgatæ æditionis prætermittunt has ambas comparationes: vt quæ in Græcis nōnullis codicibus non extent. Imo verò aiunt, quòd cū Gene. 15. vnde ascriptum est elogium istud, non sit nisi hoc præcisè, Sic erit semen tuum, non esse vero simile, quòd Paulus quicquam addiderit. Istis veruntamen respondendum est, esse è cōuerso vero, simillimū, has comparationes à Paulo fuisse adiectas, vt integram citaret auctoritatem. Etenim in Gene. quia præmittitur, suspi-

ce cælum, & numera stellas, si potes, & continenter subditur, Sic erit semen tuum, integra extat sententia. Quæ tamen esset in Paulo trunca, si hoc præcisum postremū verbū citasset. Ob idq; ex præcedentibus verbis adhibuit, Sicut stellæ cæli. Reliquum verò adiecit vel ex Gene. 13. vbi habetur, Faciam semē tuum sicut puluērē terræ. Vel ex cap. 22. vbi vtrumq; expressum est, Multiplicabo semē tuum sicut stellas cæli, & arenam maris. Quo fit, vt in Græcis illis codicibus, quibus defunt hæc verba, prætermissa fuerint ab aliquo fortè sciolo, inde decepto, quòd in Gene. non sunt sub hac forma, quum tamē sint in re & virtute. Vnde & Orige. ipse Græcus, etiam in commento, ita legit, Igitur Abraham contra spem in spem credidit, vt pater fieret multarum gentium, quæ futuræ essent sicuti stellæ cæli, non solum multitudine, sed etiam claritate. Binam autem hanc collationem seminis Abrahæ cum stellis & arena, morosus satis esset. qui vsq; adeo exactè perscrutaretur, vt tot, ne vno quidē plures paucioresve existimaret fore filios Abrahæ, vel secundum carnem, vel secundum spiritum, quot sunt, vel stellæ cæli, vel arenæ maris. Primū quia neq; omnes carnales eius filij neq; illi soli, futuri sunt spirituales. Et ideo necesse est, vt alterutri vel plures sint, vel pauciores stellis. Mox quia neque arenæ in eodem sunt numero cum stellis. Id ergo tantū præ se ferunt huiusmodi cōparationes, quòd sicut vel sydera cæli, vel arenæ maris, seu terræ pulueres numerari, nisi à Deo solo, nō possunt, ita & numerus proliū Abrahæ, præ sua numerositate, soli ipsi notus est. Sūt quippe in rebus quæ sensibus supponuntur astræ in cælo, in terræque arenæ & pulueres, incomprehensibili multitudine. Quibus proinde innumerabiles numeri comparari solent. Vt Deut. 1. Dominus Deus vester multiplicauit vos, & estis hodie sicut stellæ cæli. Et. 3. Regum. 4. Iuda & Israel innumerabiles sicut arena maris sunt. Quidā verò inter has comparationes ita dignoscunt, vt prædestinatos, qui fidem Abrahæ operibus percolentes cælestibus sedibus refulgent, stellarum appellatione intelligant, non solū ob multitudinē, sed propter refulgentiam. De quibus alibi Paulus, stella differt à stella in claritate. Illos verò qui susceptam fidem vel moribus deturparunt, vel abiecerunt prorsus, collatos putent cum arena. Id quod profecto in hæreticos vel hac ætate quā proximè com-

Orige.

Stellæ & arena.

Deut. 1.

Aduersus hæreticos.

petere

petere cernimus, videlicet qui postquam se ab Ecclesia absciderunt, ita sunt, veluti sine calce arena, in diuersas dissecti opiniones, vt nullus cum alio cohæreat.

Et non infirmatus est in fide, nec cōsyderaui corpus suū emortuum, cū iam ferè centum esset annorū, & emortuā vuluā Saræ.

In hac tertia particula persistit luculentius explanare quod dixerat, Viuificat mortuos, & quod dixerat, Contra spem in spem credidit, vt cumulatius exponat robur ac firmitatem fidei Abrahæ. Ait enim, quod non cōsyderans corpus suum emortuum, mortuamque vuluam Saræ, vnde elanguens fides nutare poterat, & vacillare, spem totam solidissimā fide in omnipotentiam Dei trans-

Emortuum.

misit. Emortuum, præter suum publicum significatum, significat etiam idem quod, inualidum, ac viribus exhaustum ad aliquid faciendum. Id quod & effœtum appellatur. Dicitur enim effœta mulier quæ foetū ædedit. Vnde & illa quæ frequenti iam partu lassatā virtus defecit & calor ad concipiendū, effœta dicitur. Et hoc modo mortua hic affirmatur vuluā, id est, matrix Saræ, non solum sterilitate, sed senio, Desierant enim iam tunc ei fieri muliebria, vt habetur Genes. 18. Ait autem Paulus, cētum ferè annorum fuisse Abrahā, quia nonaginta nouem erat, cū facta fuit ei per angelos promissio, vt patet Gen. 17. Centum verò dum natus est Isaac, vt habetur ca. 21. Duo hic tamen posset quispiam sciscitari. Primum quomodo asseueret Paulus, emortuum fuisse corpus Abrahæ, qui post ex Cethura filios progeniuit. Alterum cur neget, cōsyderasse mortificationem sui corporis, cū contrā legatur Gene. 17. quod cū audiret pollicitationem prolis, cadēs in faciem suam riserit in corde suo, dicens. Putāne centenarius nascetur filius? Et Sara nonagenaria pariet? Ad primū bifariam respondent enarratores. Primò quod cū valētiore, solidiorq; necessarius sit vigor in viro, vt anum grauidam faciat, quā iuueniculam, destitutus erat virtute generandi ex Sara, non autem ex Cethura. In qua sententia est Hieronym. hic &

Duo dubia.

August. quæstio. 35. lib. 1. super Gene. At fortè melius sentiat, qui dixerit, inualuisse in eo per miraculum, absumptam virtutem naturalem ad generandum, non modò ex annosa Sara, verum ex Cethura, & ex quauis

adolescentula. Hæc enim intelligentia sublimius effert diuinum munus. Secundi autem interrogati responsio est, Quod Abraham primū audita voce Dei, secū reputauit naturæ imbecillitatem, nihil veruntamen hæsitando de diuina omnipotentia, sed de sensu forsan verborum, an is esset, quæ præ se ferebant in cortice. Sicuti Beata virgo non dubitando, sed modum percontando, ait, Quomodo fiet istud? Cū verò iteratò dictum est ei, q̄ verè Sara esset paritura, incunctanter credidit, ac nihilo hæsitātius, quā si nullam habuisset rationem emortui corporis. Et hoc est, quod ait Paulus. Non cōsyderaui. Sub hoc autem, quod Abraham non iuuenis ex iuuenicula, sed senex ex anu, & quæ sterilis semper fuerat, super naturam genuit Isaac, duplex latebat redemptionis mysterium. Primum videlicet, gignendi redemptionis. Nam quia omnimodum exemplum proponi non poterat, figura saltem præfuit, vt qui centenarius ex nonagenaria super ordinem naturæ prolem largiebatur, crederetur etiam posse, virgini absque suscepto semine obumbratione spiritus sancti fructum vētris donare. Admonemur illic præterea, quod cū adoptamur in filios Dei per fidē Abrahæ, non id assequimur propriis naturæ viribus, sed illius gratia & voluntate, qui præter facultatem naturæ sobolē, propagauit Abrahæ. Qua de re tam est meritò commendata eius fides, ob quam positus à Deo fuit pater multarum gētiū: atq; adeò in exemplum, vt quoties nos aliqua peruaferit calamitas aut procella, omneq; destituerit humanum subsidium, cōtra spem humanam, in diuinā credamus, nobis ipsis diffisi, in omnipotentia & bonitate Dei nostram collocantes fiduciam. Vnde & sequitur,

Duplex redēptionis mysterium.

Abrahā exēplū nostrū.

In repromissione etiam Dei nō hæsitauit diffidentia: sed confortatus est fide, dans gloriam Deo: plenissimè sciens: quia quæcūq; promisit Deus, potēs est & facere. Ideo & reputatū est illi ad iustitiā.

Qua planè quarta particula inculcatius eandem repetit laudem fidei. Nempe quod in repromissione Dei non hæsitauit. Neotericis non transferunt, nisi, In promissione, seu ad promissionem, Ambrosiana se auctoritate, protegentes. Cū tamen in vetustio-

revo-

re volumine Ambrosij non legi, nisi, in repromissione, & ita legit Hierony. & transfert Origenis interpretes. Quod & Græca dictio, *επαγγελία*, minime respuit, Atqui ait, in repromissione, vel quia non semel aut bis, sed iterum atque iterum, à cap. Gene. 12. vsq; ad. 22. iterata est. Vel fortè quod cum promissionē, appellauerit, illam, quæ facta est liberorum, repromissionē vocat, alteram honestadi exaltandi; eius eandem progeniem, tum amplissima possessione inimicorum suorum, tum etiā benedictione illa, qua pollicitus est Deus, benedicendas omnes gentes in semine eius. Et, nisi mea me fallit existimatio, fortè hic cōpurgare contendit Apostolus Abrahamum, qui Gene. 15. Labascere visus est fide. Siquidē spondente illi Deo terram Chaldaeorum, signum poposcit, dicens, Vnde scire possum, quod possessurus sum eam? Ait quippe Paulus, nullatenus inibi hæsitasse diffidentia, sed confortatum fuisse potius fide, dando gloriā Deo. Etenim cum morem Dei nouisset, qui foedera sua & pacta dato aliquo signo stabilire consuevit, ut apparet in arcu exhibito Noë in monimentū pacis, & in Achaz, Esai. 7. qui iussus est signum petere, reprehensusque à Deo, quod iusionem renuerit, Abraham nihil hæsitans signum etiam efflagitauit, quod esset promissionis stabilimentum. Vnde cum paulo hic superius negatiue dixisset, quod non fuerit infirmatus in fide, maiori hic cōmēdatione affirmat, quod fuerit confortatus fide, dans gloriā Deo, hoc est, debitum illi honorem deferens, in hoc, quod planissime sciebat, quod quæcūq; Deus promississet, potens esset facere. Qui enim Deo fidem denegat, impientissimè detrahit honori & existimationi Dei, qui summa, ipsaq; per se veritas est, cui ideo subest, cum voluerit, posse. Sap. 12. & Luc. 1. Non est impossibile apud Deum omne verbum. Qui verò incunctantem ei fidem præstat, gloriā illi & laudem tribuit iustam. Concludit igitur id, quod antea præmiserat, reputatum id esse illi ad iustitiam, quod eodem loco Gen. 15. scriptum est.

Non est autem scriptum tantū propter ipsum. Quia reputatū est illi ad iustitiā, sed & propter nos, quibus reputabitur credentibus in eum, qui suscitauit Iesum Christum dominum nostrum à mor-

tuis, qui traditus est propter delicta nostra, & resurrexit propter iustificationem nostram.

Extrema hac denique particula, fidem historiamque Abraham, qua ratione & sine texuerit Moses, ipseque hic Apostolus denarrandam susceperit, declarat, dicens, Non propter ipsum tantum, (licet etiam propter ipsius commendationem & Dei gloriā, qui tam fidelem effinxit, informauitque famulum) verum & propter nos quoque scriptam esse. Nempe ut nostris sit oculis obiectus in typum fidei nostræ, vnde fiduciam stabiliamus nostram: porro quibus si similis obtigerit fides, pariter ad iustitiam nobis reputabitur. Hac siquidem ratione pater ille positus est omnium credentium. At suspice ingenium Pauli, quā in hac conclusionē sit excelsum. Nulla in fide Abraham mentio facta est Christi redemptoris nostri, & tamen de filiis sequacibus ipsius non concludit simpliciter, credentibus. Sed (*credentibus in eum, qui suscitauit Iesum Christum dominum nostrum à mortuis*) Vbi non vnum tantum occultatur mysterium. Nam primum hanc insinuat ratiocinationē. Quod quemadmodum Abraham fides, qui non confyderauit suum, vxoriumque corpus emortuum, credens nimirum in eum, qui viuificat mortuos, reputata est ei ad iustitiam, ita cuiuslibet fides credentis in eum, qui suscitauit dominum nostrum Iesum Christum, ad eandem iustitiam reputabitur. Neque verò simplex est ratiocinatio, sed certè mirifica. Nam cum præmisset, Qui viuificat mortuos, illius iam nunc viuificati mortui meminit, cuius morte, omnium fuit mors spiritualis extincta, & cuius suscitatio, causa fuit cunctis resurgendi. Quapropter Abraham vbi credidit in Deum, mortuorum viuificatorem, & hanc quoque Christi suscitationem prospexit, quæ causa, exemplarq; est vniuersalis resurrectionis. Tametsi Orig. in oblato quoque sacrificio Isaac meditatur, mysterium hoc fidei Christi prospectum fuisse Abraham. Hæc enim quæ de fide credentis in eum, qui viuificat mortuos, ob futuram eius progeniem ex demortuis naturæ viribus, contulit huc Paulus, absq; vlla quoque violentia coaptari possunt fidei eiusdem Abraham, dum filium adorabat sacrificare, qui ariete mactato seruatus est. Illud quippe, vaticiniū fuit æterni patris, qui

In repromissione.

Mens Apostoli.

Achaz.

Deo non credere.

Ingenium Pauli.

Multiplex mysterium.

Orig.

Heb. II.

Traditus.

Mj. 20.

Dubitatio.

Discrimen-
ter mortē &
resur. Chri-
sti.

qui vnicū suū pro nobis prius tradidit, post
verò excitauit à mortuis. Tunc enim iterum
contra spem, in spem credidit. Fuisset enim il-
la spe depulsus, quā illi Deus fecerat multi-
plicandæ suę posteritatis ex Isaac, nisi arbitra-
tus fuisset (vt ait ad Heb. Paulus) quòd & à
mortuis suscitare potens est Deus. Meminit
præterea Apostolus domini nostri Iesu Chri-
sti, vt veram in conclusione subiiceret cau-
sam iustitiæ & salutis nostrę, Haud enim fi-
des, vel Abraham, vel nostra, pro iustitia habe-
tur apud Deum, nisi qua ratione subnititur
passioni Christi. Et idcirco subdit (*Qui tradi-
tus est propter delicta nostra, & resurrexit pro-
pter iustificationem nostram*) Traditus scilicet,
& à patre, qui proprio filio suo nō pepercit,
sed pro nobis omnibus tradidit illum. Infra
8. cap. Et à seipso, qui tradidit semecipsum
pro nobis. Ephe. 5. Et à traditore Iuda, de
quo ait redemptor ipse, Qui tradidit me tibi,
maius peccatum habet. Ac denique à Iudeis,
de quibus ait, Tradenteum gentibus ad illu-
dendum, &c. Sed heu quā vili, imo quā
nihili ducimus, traditum esse vnigenitū Dei,
& in manus peccatorum, & in mortem cru-
cis, propter delicta nostra. Profectò quando
nullum à nostris sceleribus periculum immi-
neret nobis damnationis æternę, neq; aliud
ab illis acciperemus incommodum, hoc nos
perterrere in ipsis debuisset maximè, quòd
causa fuerint immanissimè mortis Dei: vide-
licet quib⁹ adeò reddidimus offensum Deū,
vt non ante fuerit nobis propitiatus, quā
vnicus eius filius, splendor glorię & figura
substantiæ eius pro nobis litauerit sese, affi-
xus patibulo crucis, factus pro nobis ma-
ledictum. ¶ In hac veruntamen, quæ pul-
cherrima est, distributione, Tradit⁹ propter
delicta, & resurrexit propter iustificationē,
non nihil est quod interrogemus. Cum enim
iustificatio idem sit, quòd delictorum dele-
tio, si traditus est propter delicta nostra, tra-
ditus censetur, & propter iustificationem. Et
si resurrexit propter iustificationem, conse-
quens apparet, quòd & propter delicta si-
mul resurrexit. Cur ergo Apostolus prudēs
& cogitās dispertitur causas condonationis
delictorum, & iustificationis? Hic prænotato
cum primis opus est, quòd resurrectio nō eo-
dem pacto causa fuit salutis nostrę, quo pas-
sio. Hæc quippe causa fuit meritoria, illa ve-
rò nequaquam. Quoniam meritum non est,
nisi viatoris opus. Terminus autem viæ in
Christo mors fuit, cuius ideo resurrectio,

triumphus censendus est glorificati iam, etiā
secūdum corpus. Vbi nihil proinde fuit me-
riti, sed præmij plurimū, respectu humani-
tatis suæ: iuxta verbum Pauli, Factus est obe-
diens vsque ad mortem crucis, propter quod *Phil. 2.*
& Deus exaltauit illum, & donauit illi no-
men, quod est super omne nomē. Igitur cum
ait, Traditum propter delicta, & resurrexisse
propter iustificationē, non idem genus cau-
sę vtrobiq; designat præpositio illa, propter.
At verò passio non modo vt meritum, sed vt
Instrumentum, causa fuit quoq; & remissio-
nis & iustificationis, sicuti humanitas per ta-
ctum fuit salutare instrumentum mundandi
leprosum. Mar. 1. At quia iustificatio, motus
est quodammodo inter duo extrema, puta
qua ex peccatis extinctis, in nouam resurgi-
mus vitam, & terminus ille à quo (vt cum
philosophis loquamur) similitudinem gerit
mortis Christi, qua crucifixi sunt, aboli-
taq; nostra peccata: resurrectio verò effigies
est termini ad quem, scilicet nouæ vitę, appo-
sitissimè dixit, Traditus est propter delicta,
& resurrexit propter iustificationem. Fuit
nanque Christi resurrectio exemplaris causa
nostræ à delictis resipiscentiæ: iuxta illud, *Christi re-
surrectio*
Quomodo Christus resurrexit ex mortuis, *exemplar no-*
per gloriam patris, ita & nos in nouitate vi-
tæ ambulemus. Quamquam Hiero. nihil hic
amplius mysterij speculatus est, quā quòd *Hiero.*
resurrectio fuit necessaria, vt confirmaretur
iustitia credentium. Id quod sic alij interpre-
tantur, vt non intelligāt resurrectionem huc
à Paulo esse inductam, ceu causam iustifica-
tionis, hoc est, redemptionis, quæ per mortē
fuit perfecta, sed tanquam causam fidei no-
stræ, per quam nobis iustificatio applicatur.
Nam si non resurrexisset, non habuissemus
sufficiens testimoniū, quòd Deus, ille fuisset,
qui traditus fuerat, neq; fidem habuissemus
resurrectionis corporū: quæ est ad iustitiam
necessaria. Quam expositionem neque refu-
tauerim, neq; verò superiori prætulerim.

CAP. QVINTVM.



Iustificati ergo ex fi-
de, pacem habea-
mus ad Deū: per
dominum nostrū
Iesum Christum:

per

per quem habemus accessum per fidem in gratiam istam: in qua stamus & gloriamur in spe gloriæ filiorum Dei.

Sectionum illarum quatuor, in quas tota epistolam dispartiti in prologo sumus, prima iam in quatuor enarratis capitulis absoluta est: quæ in hoc tota insumpta fuit, ut necessitas fidei, per quâ solâ aditus patefcit nobis ad salutem & iustitiâ, quæ est apud Deum, demonstraretur. In his modo totidem subsequētibus, secundam partem suscepti muneris pertractat Apost. scilicet fidei potestatem & effectus. Ita enim dicebamus cap. i. super verbo, Reuelatur ira Dei, quod hucusque tractaturus esset illam particulâ, Iustitia Dei in eo (scilicet Euangelio) reuelatur. Abhinc verò alteram, puta, Virtus Dei est in salutem. Aperit ergo, ornatissimeque; amplificat eiusdem virtutis fidei, in quibus semel inualuerit. In prima ergo portione huius capituli, usque ad illum locum, Propterea sicut per unum hominem, &c. profert quidnam bonorum per hanc nobis fidem & gratiam obueniat, ac deinde à quibus nos malis & periculis eadem nos misericordia liberet. Nam usque; ad finem præsentis capituli, agit de ablutione originalis contagii. In sexto, quemadmodum eadem obrecti gratia, futura quoque; peccata cauemus. In septimo verò, quo pacto nos eadem fides à seruitute legis exemerit. In octauo demum, qua ratione eripuerit nos à damnatione. Diuidamus igitur capitulum hoc in tres partes. Prima iam designata est, usque; ad illud verbum, Propterea sicut per unum hominem. Ab illo autem usque; ad aliud, Sed non sicut delictum, ostendit, quomodo preuaricatio Adæ suam posteritatem, originum serie, contaminauerit. Atque; exinde usque; ad finem, qualiter conuerso ordine seruatoris gratia processerit. Igitur quatuor denarrat hic beneficia, quibus per fidem Christi donamur.

Diuisio capituli.
Primum fidei munus pax.

Habeamus.

Primum est, pax. Concludit enim ex postremis verbis superioris cap. (Iustificati ergo ex fide pacem habeamus) Est siquidem peccatum, id quod in inimicitiam nos Dei prosternit: si des verò, causa, quæ fores nobis aperit amicitiae. Ob idque; cum cūclusisset, historiam Abraham propter nos quoque; fuisse scriptam, qua erudimur, simili nos fide iustitiâ adipisci, gratiamque; inire & amicitiam cum Deo, prorsus inde profert primam fidei virtutem, ut scilicet tali iustificati fide pacem habeamus apud

Deum. Traductoris ferme huius ætatis non tam placet, habeamus, quam habemus. Nam Græcè eadem vox, *εχοντες, εχουμεν*, per, *ο*, micron seruit indicatiuo, & per, *ω*, mega imperatiuo. Et cum esse aliàs impensè soleant Græcorum fautores, hoc tamē loco Græcos omnes deserunt. Origenes enim manifestissime legit in imperandi modo. Nam ait, inuitari nos hoc loco à Paulo ad pacem Dei, in qua summa perfectionis consistit, quod planè propositum latè persequitur. Modus autem inuitandi non est indicatiuus, sed certè imperatiuus. Ad eundem modum & Chrysost. cuius utique verba sunt, Quid est quod dicit, pacem habeamus? Quidam ita interpretantur, ne videlicet pro lege denuò introducenda contēdamus. Quibus verbis ad imperatiuum conuiet. Et infra. Dicit itaque, pacem habeamus, hoc est, iam non peccemus amplius. Ecquid apertius? Nanque; de Theophylacto nullatenus ambigitur, quo minus in imperatiuo legerit. Et Hieronymus expresse ait, exhortatoriū esse verbum habeamus, quo admonetur tam Iudei, quam Græci, ut fide utriusque; iustificati, subiecti sunt Deo. Neque; in contrariū adeò pugnat, quod adferunt argumentum, scilicet quod loquitur Apostolus hic iustificatis iam fide, per quam fidem pacem tunc habet cum Deo, ad quam ideo commoneri non indiget. Quod autem hoc nihil peruinat, patet, Nam, habeamus, non id pollet hoc loco, quod, proceremus, ac si non haberemus, sed idem, quod, seruemus, ac retineamus. Ita scilicet pacem excolamus, quā fide acquisiuimus, ne in inimicitiam rursus relabamur. Adde quod particula, ergo, imperatiuo appetentius gaudet, veluti quo Romanos exhortetur. At verò ut aliam, quibus probatior est, lectionem, cōcedamus, iniquè tamē Lutheranorum interpretes intelligentiā suam de certitudine gratiæ hoc loco communire contendunt. Commentantur enim tantundem valere, fide nos iustificari, quantum, certos nos fieri de peccatorum condonatione. Vnde iustificati ex fide, idem illis est, quod iustorum singuli persuasionē euangelica certissimi facti suæ apud Deum iustitiæ: & idcirco adiectū esse, aiunt, pacem habemus, id est, tranquillitatem conscientiae. Hoc autem interpretamentum iam ante superiori capite depugnauius, & cap. 8. iterato discutiemus, inter exponendum testimonium, quod spiritus reddit spiritui nostro, quod sumus filij Dei. Qua verò res hunc locum spectat. Quanam rogo illatio est, si iustifi-

Orige.

Chrysost.

Contra Lutheranos.

Fides catho-
lica.

iustificari ex fide pacem habent, hoc est, amicitiam cum Deo, persuasissimum eisdem prorsus habere certitudine legitimæ fidei, in talē esse amicitiam constitutos? Id profectō ex fide catholica fixum est, quod Christus sufficientissimo sanguinis precio operatus sit salutē humani generis, ac perinde quod cui fuerit participatum hoc precium, sit in gratia Dei, quod verō eiusmodi precium verē sit, vel mihi, vel vnicuique applicitum, non est fides: nec qui hac fide dubius titubet, hæreticus est, imo verō nonnunquam in metu est iusto & utili. Est veruntamen confitendum nobis, fidei quæ per charitatem operatur ingenium, naturamque inesse peccādi, serenādi que (citra tamen certitudinem fidei) iustorum conscientias, plus minusve, secundum quod officiis charitatis prouectior unusquisque est. Quocirca voce hic pacis, non solum amicitia intelligenda est, quæ est apud Deū, verū & tranquillitas animi, quæ pariter est fructus fidei, ut habetur Gal. 5. Quapropter nouum exinde sumitur argumentum, legendum esse, habeamus, quod videtur Paulus, postquam Romanis patefecerat, nō lege, sed fide tam Gentes, quam Iudæos in amicitiam copulatos esse cum Deo, eisdem hoc verbo adhortari & excitare, uti, illis positis iurgiis & factionibus, quibus de legis meritis digladiabantur, sanctissimam pacem, quæ proles est fidei, custodirent. Non solum inter se omnes, sed intra se quisque. Pacem scilicet, quæ est apud Deum, quam rex Christus pacificus reliquit nobis, quæ in mandatorum obseruantia consistit, sicuti peccatis cum Deo bel ligeramus. Nam (vti cap. 1. dicebamus) alia est pax, quam mundus dat. Sathanque persuadet, & concupiscit caro. Nempe, ut, sensibus succumbēte ratione, manus in seruitutē demus cupidinibus nostris. Quæ pax sæuior est truculentiorque omnityrannide. De qua ait Christus, Non veni pacem mittere in terram, sed gladium (Per dominum nostrum Iesum Christum) Ne vllō nobis temporis momēto memoria non sit sospitatoris nostri ac domini Iesu Christi, identidem illius meminit. (Per quē habemus accessum per fidem in gratiam istā) Hæc eiusdem verbi inculcatio recētem mihi offert coniecturam, scriptum esse priori loco, habeamus. Quasi dixerit, Per eundem teneamus, nutriamusque indies, & moribus confoueamus pacem, per quem & accessum habeamus ad hanc gratiam. Atqui

Chrysost.

enim, Itaque si fides longē disiectos adduxit, multo magis iam prope constitutos in gratia continebit. Illis autem qui, habeamus, legunt, non ita applaudit hæc duplicatio. Satis siquidem fuisset dicere, Pacē habeamus per Iesum Christum dominum nostrum: vel, per fidem Iesu Christi domini nostri. Munus hic præterea panditur redēptoris. Ipse quippe est arbiter, & (vt legitur. 1. Timo. 2.) mediator Dei & hominum, ac ideo pax nostra, qui fecit vtraque vnum, per crucem interficiens inimicitias in semetipso. Epheso. 2. Et infra, Quoniam per ipsum habemus accessum (ambo scilicet populi) in vno spiritu ad patrem (In qua stamus) Hi, quibus omnia noua placent, stetimus, magis probant; propterea quod Græcè præteritū est. Attamen non infrequēter Græci præterito vtūtur loco præsentis. Quēadmodū & Matt. 2. venimus adorare eum, aoristus est vice præsentis. Quod profecto præsens tempus in hunc locum cōgruentius est, siue relatiuum, fidē, referat, siue, gratiam. Chrysost. enim, qui in secunda est opinione, palam legit, stamus, ac meditatō. Ait enim Paulum dixisse, stare nos in hac gratia, scilicet pace cum Deo, atque in gloria, hoc est, perpetuō immotos permanere, ad differentiam temporalium bonorum, quorum homines potiri non possunt in perpetuum. Sed & Ambro. qui relatiuum ad, fidem, accommodat, pariter annuit legisse in præsentis. Ait quippe, quod doctrina Christi erigimur stantes fide eius, hoc est, fundati ac roborati in fide. Sicuti infra. 11. Tu autem fide stas. Quin imo & copulatio cum sequenti verbo præsentis, gloriamur, subindicat &, stamus, eiusdem esse temporis. Sunt autem qui velint, Paulum, hoc quod est, stare, non de vniuersis iustis, sed de prouectioribus & perfectis adseuerasse, in quorū numero ipse erat. Nam incipientes & imbecilles, nutantes sunt potius, quam stantes. At verō forsan nihil dignouit inter status fidelium, sed vim & conditionem fidei, seu gratiæ expressit: quæ est, erigere nos & constabilire spe futurorum bonorum. Ob idque subiunxit (Et gloriamur in spe gloriæ filiorū Dei) Quāq̃ in compluribus Græcis exemplaribus non legatur, filiorū, sed, in spe gloriæ Dei, quæ lectio doctōribus Græcis receptissima est. At verō postquā Latini omnes codices cōsentienter habēt, filiorum, indubitata coniectura fit, ita quoque habuisse olim & Græcos. Præterquā quod multo fit absolutior perspicaciorque sentētia per hunc genitiuum.

Redemptoris
munus.

Eph. 2.

Nouū interp.

Mat. 2.
Venimus.

Chrysost.

Ambros.

Quorūdam
opinio.

Adhortatio
Romanorū.

Pax mun-
dana.

genituum. Nam spem gloriæ Dei vix neoterici illi animo conciperent, subdubitantes, an de spe gloriæ deberent id intelligere, quæ Deo est propria: de qua & ipse ait, Gloriam meam alteri non dabo. Quamobrem Origene cogitavit deesse aliquid, ut puta, in spe videnda gloriæ Dei: quod & Theophrastus suppleuit per alium genituum, scilicet, In spe bonorum quæ in nos sunt conferenda ad gloriam Dei. Lectio autem, in spe gloriæ filiorum Dei, rem planè eliquat. Adde, quod infra cap. 8. in conclusione huius modo incepti propositi eisdem verbis responderet concludit, Spiritum accepistis adoptionis filiorum Dei. Perspectum hic igitur nobis primum sit, qualiter in enarrandis gratuitis bonis orationem attollat Paulus. Hoc namque secundum est munus fidei, videlicet gloria: non solum quæ in cælo nos manet, sed qua etiam in terra fruimur, quam duplicem hic nobis ostendit. Harum prior est, in spe gloriæ filiorum Dei. Ait ergo non solum nactus nos per fidem pacem rerum presentium, sed & gloriari in spe futurorum. Etenim et si gloriari, exultareque detur nemini, nisi de his, quæ iam adeptus est bonis, tamen tamen certa est, & firma spes hereditatis æternæ, ut de illa nos propriè gloriari in Deo in hac vita mortali liceat. Potest quidem genituius, filiorum, accipi hic possessiue, pro his qui in hac vita habent talem spem: sed aptius forsitan accipiat, ut designet obiectum spei. Quod est dicere, Gloriamur in hac spe, quod futuri sumus in patria filij Dei, paterna hereditate perfruētes. Probè igitur Origene tres hic dignovit glorias. Primam veteris legis, quæ figura erat nostræ, velata tamen. Alteram legis Evangelicæ, in qua reuelata nobis sunt mysteria Christi. De quibus Paulus 2. Cor. 3. meminit. Vbi splendorem vultus Moysis recipientis legem, gloriam appellat, velamine obiectam (nam velabatur facies Moysis) tanquam umbram futurorum. Reuelatam verò gloriam nominat, lumen Evangelicæ fidei, quo ab ore proprio Christi suffusi, illustrati que sumus: per cuius presentiam, antiqua illa exclusa est. Et quod non de gloria hac reuelatæ fidei loquatur hic Paulus, per id liquet, quod ait, in spe. Nam fidem re ipsa iam nunc possidemus. Sed loquitur de tertia, quæ in spe sita est diuini illius fulgoris inaccessæ lucis Dei.

Non solum autem sed & gloriamur in tribulationibus.

Adfabrè locupletat officia fidei: sanè per quam non solum reconciliati sumus, & in pace & in spe futuræ gloriæ constituti, verum & eo usque subiecti, ut in tribulationibus quoque laboriose huius vite gloriemur. Et quauis (auctore Origene) ad illa quoque superiora, particula hæc referatur, concinnius tamen (contra, quam aliqui censent) ad hoc proximum membrum, gloriamur in spe. &c. Ac si dixisset, Non modo in spe futurorum bonorum, verum & in passione presentium malorum gloriamur. Cōcinit & Iacobus Paulo, ubi ait, Omne gaudium existimate fratres, cum in varias tentationes incideritis. At vide emphasim. Non enim satis ratus est dicere, quod labores æquanimiter ferimus ob spem futuræ gloriæ, verum quod gloriamur quoque & oblectamur in tribulationibus. Et est fortè dilutio maculæ, qua tunc blasphemæ legem nostram deturbabāt, nempe quod in tot pericula, calamitates, & martyria inuictos Christianos cōiiceret (nam Christianos illius ætatis potissimum fortè intuitus, hæc dicit) ob idque ait, tam longè illis abesse molestè illa ferre, ut quam maxime alacres & exultanter in domino gloriantes tyrannicis illis persecutionibus se obiectarent, spe refocillati filiorum Dei. Illud autem quod grammatici hic carpunt, quod magis fuisset latinum, Neque, id solum, minor est nota, quæ cui debemus respondere. Transulit namque interpret vetus ad litteram dictionem græcam, nihil sollicitus, an posset elegantius verti. At per spem interim quanta Christianis bonorum accessio facta est ab Evangelica fide. Fuit equidem in philosophorum institutis apud gentes, ut utranque fortunam quadrato animo ferrent, ne erumnarum, laborumque & calamitatum incurfus mentem perturbarent. At quod ex pressuris & mundi procellis voluptatem etiam caperemus, inauditum fuerat mortalibus, antequam ab ore audirent diuino, Beati pauperes, Beati qui lugent. Et, Qui persecutionem patiuntur. Sed qui meritum operum demoliri pertendunt, videant, quam hoc loco vinciantur. Hac quippe de causa docet hic Paulus. Gloriandum nobis in afflictionibus & hostilibus pugnis, quod si victoriam nobis Deus fauore suo & ope tribuerit, in meritum nobis cedunt felicitatis æternæ. Haud enim post mentionem spei filiorum Dei, subiungeret de gloriatione in tribulationibus, nisi ut explicaret, quomodo tribulatio, per suas subinde proles (ut patet ex proximo textu) spem tandem operatur. Causa verò esse non potest spei, nisi in ratione meriti.

Secundum ad munus fidei.

Diuinus intellectus Pauli.

Orig. de triplici gloria.

2. Cor. 3.

Neque, id solum.

Beneficia fidei.

Contra Liberianos. De merito.

2. Corint. 4. riti. Quò planè & illud attinet, 2. Cor. 4. quod in presenti est momentaneum & leue tribulationis nostræ, supra modum in sublimitate æternum gloriæ pondus operatur in nobis. Vnde & Ambro. hic causam, inquit, cur gloriandū sit in tribulationibus hanc scribit Paul. Quòd tribulatio augmentum faciat præmij. Et infra, Contemnere præsentia, & in pressura non cedere, magni meriti est apud Deum. Sed de his satis superq; cap. 2. dictum est. At verò præter hanc Paulinam causam spei, quifnam videat ducem suum ac vexillarium Christum, suam præferentem crucem, cui non aduersitates omnes, cunctiq; agones in arena Christiana dulcescant? Quis non pro summa gloria ducat, & suam se tollere crucem, vt sequatur magistrum? Nam quis in cœlesti illo gloriosissimo triumpho ducem ac caput suū suspiciat, splendorem gloriæ patris, ac figurā substantiæ eius, colaphis cæsum, sputo confectum, flagelli ac ferri vibicibus conspicuū (nam ita oportuit Christum pati, vt intraret in gloriam suam) quem non depudeat sine villo puluere & sudore huius militiæ inibi comparere? Nobis igitur absit gloriari nisi in cruce domini nostri Iesu Christi. Eò inquam virtutis prouchi connitamur, quo Paul. conscenderat: vt neq; mors neq; vita separare nos valeat à charitate Dei. His enim præcipue datum est in cruce Domini & tribulationibus gloriari & oblectari.

Scientes quòd tribulatio patientiam operatur, patientia autē probationē, probatio verò spem: spes autem non confundit: quia charitas Dei diffusa est in cordibus nostris per Spiritum sanctū, qui datus est nobis.

Optimè Aug. de doctri. Christ. cap. 7. inter defendendam, laudandamq; sacrorū authorum eloquentiam, hunc locum in exemplū profert. Vtpote quo Paul. mirificè vsus illo schemate est, quod Græci, climax, nostri verò,

Gradatio.

scalam quidem poterant, sed gradationem maluerunt appellare. Quæ figura sit, cum verba vel sensus ex ordine connectuntur, & veluti hic, ascensu quodam concathenantur. Hanc enim causam inducit, cur gloriandum nobis sit in tribulationibus, quod tribulatio patientiam operatur, patientia autem probationem, probatio verò spem. Vbi tria mem-

bra, secundum ex primo, ex secundo verò tertium cōnexa sunt. Ac deinceps, vt circuli decus obseruaretur, tribus alijs commatibus periodum ordine verso claudit. Videlicet, spes autem non confundit: quia charitas Dei diffusa est in cordibus nostris: per spiritum sanctum, qui datus est nobis. Neq; verborū perfectio tantum, sed & sensuum nexus artificium habent. Materia siquidem in qua propriè patientia versatur, est tribulatio, quo nomine & carnis incursus, & vniuersæ, quæ nobiscum cōflictantur aduersitates intelliguntur, quibus per patientiā fortitudinemq; obnitimur. Atq; idcirco ait, Tribulatio patientiam operatur. Non quidem (vt aiunt) directè, sed tanquam materia, in qua versatur exerceturq; virtus, ac perinde vegetatur atq; corroboratur. Veluti conflictu belli augefcit fortitudo. Nempe quæ, vt de ligno palmæ scribitur, contra molem & contra id, quo degrauiatur pondus, assurgit, quæ proinde arbor decreta est victorum triumphis. Patientia verò, malorumq; tolerantia, indicium est & examen infracti animi, quiq; anchora diuinæ gratiæ fundata in Deo est. Quare probè dixit, Patientia autem, probationem: iuxta verbum Prophetæ, Probasti cor meum, & visitasti nocte, igne (scilicet tribulationis) me examinasti. Cui consonat & Ecclesiasticus, In dolore sustine, & in humilitate tua patientiam habes: quoniam in igne probatur aurum & argentum: homines verò receptibiles in humilitate. Et inter proueria, Doctrina viri per patientiam noscitur. Quod autem per probationē succrescit spes, liquidum est. Nam qui legitime certauerit, hic saluus erit. Ob idq; ait, Probatio verò spem. Et respicit ad id quod prædixerat, gloriamur in spe. Igitur abeant, qui ita se prædicāt sola fide iustificari, vt per eam protinus certissimi fiant suæ iustitiæ: longè enim aliter nos hic Paulus instituit: nempe quòd per probationem & experimentū operum fidei, innascitur, aliturq; nostra spes. Id quod, vel experientia magistra, cōperimus. Vnde Aug. in Prolo. Psal. 31. Qui vult, inquit, habere bonam spem, habeat bonam cōscientiam. Vt autem habeat bonam cōscientiam, credat & operetur. Et Chrys. Tribulatio spem in nobis vigere facit. Huic autē assertioni, Patientia autem probationem (scilicet, operatur) reclamare videtur Iacobus, vbi conuerso modo ait, Quòd gaudeamus in temptationibus, scientes quòd probatio fidei patientiam operatur. Facile tamē inter ambos pax constabit

Tribulatio.

Patientia operatur tribulationem.

Palma in triumphis.

Psal. 16.

Ecclesi. 2.

Prouer. 19.

Contra Iheranos.

August.

Dubitatio.

constabit per distinctionem. Enimuero, si nomine probationis tentationem ipsam (vt Iacobus insinuat) intelligamus, tunc probatio operatur patientiam, perinde atq; dictum est de tribulatione. Idem quippe est Iacobo, Probatio patientiam operatur, quod Paulo, tribulatio patientiam. Si verò probatio vsurpetur pro eo, quod probatum esse & exploratum, id quidem effectus patientiæ est. Quo ni mirum sensu ait Paul. Patientia probationem operatur (*Spes autem non confundit*) Hæc retrogradatio præcedentē gradationem pulcherri me dilucidat, & à calumnia vtique vendicat. Etenim ne quis inde quod à victoria tribulationum progigni spem nostram audisset, humanis meritis iustitiam adscriberet, ostendit stabilimentum spei nostræ in Deo situm esse, qui in nos opulentia charitatis effudit, per quam fides in debellandis aduersis malis operatur in nobis. Spem quidem non confundere, bifariam interpretari quis potest. Primum vt sit responsio, quam gentibus, & filiis huius seculi obtendit, Christianos deridentibus, q̃ spe vana rerū futuri seculi tanta obirent præsentia discrimina & incommoda, cum vitæ etiam iactura. Respōdet inquam nullo Christianos pudore affici, eò quod ærumnas illas & persecutiones patiuntur præsentibus ob certam spem fidei. Vel melius, & ad rem propius ait, quod spes hæc non confundit, hoc est, nō pudefacit sperantes, sicuti spes humana. Spes enim tunc pudoris est causa, quando hominem frustratur, eluditq; vel quia sponsor nō seruat promissum, vel quod alia quauis ratio ne ille, qui sperabat, deceptū se, atq; adeo confusum cōperit. Vnde quia omnis homo mendax, de spe humana scriptum est, Maledictus homo qui confidit in homine. Illa verò quæ ponitur in Deo, qui nec falli nec fallere potest: cui neq; potestas deest, neq; benefacendi voluntas, cōfundere nequit vnq̃. Vnde Dauid, In te Domine speraui: non confundar in æternum. Et Eccl̃. 24. Qui audit me non confundetur. Et Esa. 49. Ego dominus: super quo non confundentur qui expectant eum. Causa autē cur nō cōfundit, est (*Quia charitas Dei diffusa est in cordibus nostris*) Orig. ait, non esse cuiuslibet hominis, nisi perfecti, qualis erat Paulus, vt in eius corde diffundatur charitas Dei: nempe in quibus perfecta charitas foras mittit timorem. Hoc verò asseuerat, non nisi propter verbum diffusa, seu, effusa, quod exuberantiam excellentiamq; significat charitatis. Attamen non negat, quia neq; negare po-

terat, quominus quicūq; iustus suffundatur charitate, seu per sacramentum, siue alia quacūq; via, reconcilietur Deo. Idem siquidem est charitas, quod amicitia Dei: ob idq; indiuidua comes est gratiæ. Et ideo probabilius est, Paul. in vniuersum de omnibus iustis hoc adstruere. Est veruntamē in quæstione positum, quam hic charitatē Dei intelligat Apostolus, illam ne scilicet, qua diligit Deus nos: quæ eius est diuina essentia, an verò illā, qua nobis inhaerente, ipsum diligimus, quæ quidē effectus est impressioq; in nobis diuinæ bonitatis. De prima legitur Iere. 31. Charitate perpetua dilexi te. Et de altera Paulus infra, Certus sum, quod neq; mors, neq; vita separabit nos à charitate Dei. Et de vtraq; redemptor noster, Qui diligit me, diligetur à patre meo. Aug. de spit. & lit. cap. 32. & vbicūq; in hunc incidit locum, posteriorē intelligit. Alij verò authores, priorem, & Orig. vtranq; In cuius sententiam tutò subscribere possumus. Neq; Aug. dexterè auscultatus, refragabitur. Charitas enim, quæ prima causa est nostræ salutis, non hæc nostra est, sed illa, qua nos ipse diligit. Haud enim quia boni nos primum sumus, ab ipso diligimur (quæ Pelagiana blasphemia est) sed per suam nos ipse dilectionē efficienter, & per gratiam formaliter bonos facit & iustos, suosq; subinde constituit dilectores per infusam in nos charitatem. Nam quis prior dedit illi & retribuetur ei? Et in hoc est charitas, non quasi nos dilexerimus Deum, sed quoniā ipse prior dilexit nos. Et, Non sumus sufficiens. cogitare aliquid à nobis, quasi ex nobis. Et, Per suam misericordiā saluos nos fecit. Atq; hoc genus quā plurima, quæ Augustinum adeo nō præterierunt, vt Hypog. & vbicūq; cum Pelagianis congregitur identidem illa repetat: p̃uincens, ita nos diuino fauore præueniri, vt neq; initium fidei à nobis sit. Igitur dicere probissimè possumus, charitatem, qua Deus nos diligit, in nos esse diffusam, eo loquendi modo, quo causa per effecta diffunditur. Quemadmodum liberalitatem principis, licet in ipso persistat, dicimus per beneficia diffundi in ciues. Neq; is modus Augustinum latebat. At ne ansam offerret suspicandi illud, quod Magister sententiarum opinatus est: nempe q̃ Spiritus sanctus per se ipse illaberetur nobis, cauit dicere, charitatem quæ Deus est, in nos effundi. Ob idq; locum hunc de illa, quæ nobis inest, interpretatus est. Non quod per illam, quasi à nobis iustificemur, sed quod si-

Questio de
charitate.

August.

1. Ioan. 4.

Charitas dei
diffusa.

Opinio magi
stri senten.

Spes non cō-
fundit.

Iere. 17.

Orig.

Lib. 2. de us. dilectores, ut operemur iusta. Tamen lib. 2. de na. & gra. inter explicandū formales causas iustificationis (nisi falsi sumus) declarauimus, modo quoque actus ipsos fidei, spei, & charitatis, qua scilicet ratione gratiam subsequuntur, veluti administratos eiusdem gratiæ & instrumenta, per quæ diuina potestas operatur, causas esse formales iustificandi, atque adeo gloriæ merita: licet quatenus gratiā antecedunt, merita non sint, sed materiales dispositiones. In genituo ergo, Dei, vel subiectum potes, vel effectricem causam intelligere. At qui etiam complures sint qui, effusa, transferat, verbum tamen græcum libenter suffert, ut, diffusa, quoque; transferatur. Quod eandem vim, opulentiamque; charitatis exprimit. Præterquam quod, diffusa, diuersos effectus Charitatis significantius exierit. Sunt etenim, non modo dona gratuita diuersa, verum & charitatis ipsius multijuga munia. Charitas enim patiens est, benigna est, non æmulator. &c. Porro autem ne cogitatio nobis subreperet, de dilectione ipsum loqui, qua per nostras nos vires, generali Dei influentia, eū, ut primā causam, diligere valeamus, adiecit (*Per spiritum sanctum, qui datus est nobis.*) Oratio enim hæc, tum suppetias præ se fert supernaturales, tum, in hoc quod ait, datus, gratuitū donū. Vulgare enim est, dona Dei, quæ propria totius sunt trinitatis; Spiritui sancto attribui, eo quod sola diuina voluntate donentur, per cuius modum Spiritus sanctus a patre & filio spiratur. Et inter cetera, charitas illi noua ratione adscribitur. Nempe quod per eum, qui nexus est patris & filij, statuit nos Deus, & inter nos, & secum amore cōglutinare. Vnde seruator noster, Vt sine, inquit, vnū in nobis, sicut & nos vnū sumus: Ex hoc autē verbo cōmentus opinionē suam est Magister sententiarum, quod Spiritus ipse sanctus secundū substantiā illabatur iustorum cordibus. At verò Paul. se ipsemet exponit, Sicut enim secundū substantiā nobis inesset, nullo esset alio opus habitu charitatis. Datur ergo Spiritus in effectu suo: nimirum per charitatem, quam in nos effundit. Adauget hoc tamen munificentiam hanc, quod non solum charitatem, sed Spiritum sanctum, ait, nobis donatum sicuti causa in suo datur effectu. Neque id solum in cordibus per charitatem, sed Ecclesiæ huic nostræ in Apostolis, tum ad remittendū peccata, tum in Pentecoste ad per-mulgandam nostram fidem est missus. Quod & Ambro. censet respexisse Paulum. Nam

inde quoque; illustrata plurimum est fides nostra, spesque; proinde corroborata. Quamobrem spiritus non datus est in persona sicuti Christus, quem nobis dedit pater factum hominem. At vide quā mirificè periodum absol. *Collectio period.* Cū enim de munere illo fidei dixisset, quod est spes filiorum Dei, patefacere continuo perrexit, non sola fide, sed ea quæ per charitatem operatur, constare spem nostrā. Atque; hanc ob causam tribulationū meminit, quarum cōflictu exierit sese, virescitque; patientia. Cuius probatione spes validius radicat. Radices tamen eius de bonitate Dei procedunt, qui charitatē nobis in pignus arrabonemque; futurę glorię donauit. Ait enim alibi Paulus, Qui confirmat nos, Deus, vobiscum in Christo, & qui vnxit nos, Deus: qui & signauit nos, & dedit pignus spiritus in cordibus nostris. Et ad Ephe. In quo (scilicet Christo) credentes, signati estis spiritu promissionis sancto, qui est pignus hereditatis nostræ. Igitur qui tam largiter tamque; opulenter Spiritu sancto corda, & pectora nostra perfudit, ut etiam in tribulationibus, pressurisque; huius mundi gloriemur in prelio, quale premiorum gaudium existimemus adparasse nobis in triumphum? At ne parum putemus, spiritum suum nobis donasse, audiamus, quomodo dederit quoque; & filium. *2. Corint. 1. Ephe. 1.*

Vt quid enim Christus cum adhuc infirmi essemus, secundū tempus pro impiis mortuus est: Vix enim pro iusto quis moritur: nam pro bono forsitan quis audeat mori.

Nō vna, sed duæ sunt significationes huius amodo subsequentis orationis. Haud enim amplificatio tantūmodo est, eademque; eximia firmitudinis, soliditatisque; spei nostræ, quæ non solum pignore donati nobis Spiritus sancti, sed charitate traditi filij stabilita est, verum & causam præterea subiicit hac eadē o. ratione Paulus ipsius donationis Spiritus sancti. Hec enim fuit, incarnatio, passioque; Christi: cuius merito charifinata nobis omnia elargitus est Deus. Et quanquā imperitum se Paul. sermone fateatur, prodit huc tamen diuina prædictus eloquentia. Recentiores non vertunt, Vt quid enim Christus, sed, Nam cum Christus. Eo quod in græco legunt, *ὅτι*, quod tantum valet, ut, quod enim, *ὅτι*, verò idem est, quod

Ut quid.

quod, vt quid, vel, ad quid, quod coniectura est legisse nostrum interpretem. Et forsan vocum confinitas occasione exhibuit, vt post commutaretur. Atqui præterquam quod Ambro. Hieron. & alij graues authores cum interprete nostro consentienter legunt, profectò interrogationes huiusmodi, tum decus adferunt, tum vim etiam adhibent orationi. Vel hoc maximè loco. Cum enim in corroboranda spe, quæ proles est fidei, perseueret, vehementia exacuit hac ex abrupto interrogatione, (*Vt quid enim Christus cum adhuc infirmi essemus, secundum tempus, mortuus est?*) Particula autem, secundum tempus, in ambiguo tenet commentatores, vtrum præcedenti accommodanda sit membro, vt legatur, cum infirmi essemus, secundum tempus, an verò subsequenti, vt cæsuræ sit, secundum tempus mortuus est. Et quanuis ad alterutrum referatur, non ita multum fortè interfit, consensu tamen magis vno antiquorum Patrum ad id quod sequitur applicatur. Id quod probabilius est. At quod aio, lectionem priorem probabilitatem habere, non est, quod cum quibusdam consentiam, id Apostolum adiecisse, vt mitigaret quod dixerat, infirmi, ac si infirmi secundum tempus, excusatio sit infirmitatis humani generis ante aduentum Christi, eò quod esset pro ratione temporis diuino subsidio destitutum. Hæc etenim excusatio, cum nihil addat ad cumulum misericordiæ Dei, quam hic Apostolus intendit commendare, non videtur esse de eius mente. Ob idq; si lectio illa recipitur, excusatio censenda potius est moræ diuini aduentus. Videlicet quod ne quis diuinam bonitatem culparet, quæ non antea perditò generi nostro succurrisset, hac præoccupatione respondet, illud non fuisse concedens: imò fuisse necessarium, infirmum per aliquot secula relinqui, vt suam homines nature miserabilem tenuitatem & inopiam experti, dilatum auxilium Dei, pluris tandem oblatum, facerent. Iuxta illud Act. 14. Qui (scilicet Deus) præteritis ætatibus permisit omnes gentes ambulare vijs suis. Quocirca, infirmi secundum tempus, idem, secundum hanc lectionem pollet, quod, infirmi secundum rationem temporis, hoc est, pro ratione ætatis humani generis. Quemadmodum dicimus, puerum præ ætate imbecillum. Quam doctrinam docet ad Gal. idem Apostolus. Nempe, qd tanq; paruuli eramus sub tutoribus & actoribus, quoadusq; veniret plenitudo temporis præfiniti à patre, hoc est, genus humanum

adultæ esset ætate, ac perinde idoneum fieret, cui traderetur hæreditas. Atqui, hoc fortè verum est, quod, infirmi, hic non significat peccati culpam: ea enim, mors proprius est, q infirmitas, secundum illud Ephe. 2. Cum essemus mortui peccatis: de qua ideo morte cõfestum subdit, Pro impijs. Et rursus, Pro peccatoribus, sed significat animi languorem orbitatemq; iustitiæ originalis, quo vulnere natura nostra læsa est eneruataq; adeò & infirmata, ne se posset in amicitia Dei recipere. Ea enim quæ fragilia sunt, dictitare solet Paulus infirma. Ita enim alibi ait, Infirmus in fide. Alibi autem, Infirma & egena elementa. Quanquã Orig. tribus his notionibus, infirmi, impijs, & peccatoribus, tres peccatorum rationes intelligit, scilicet eos qui ex ignorantia peccant, & eos qui ex malitia idola contra Deum colunt, & tertios qui iniurijs sunt in proximos. At verò his non obstantibus particula, secundum tempus (vt dicebamus) aptius cohæret subsequenti participio, mortuus est, vt Ambro. & Theo. glossant. Nempè vt sit moderatio, qd non mortuus est in perpetuum, aut lege cõmuni, vsq; ad vniuersalem resurrectionem, sed in triduum. Vnde Ambr. Ad tempus enim mortuus est, quia tertia die resurrexit. Nam de Origene, quem vi nonnulli perpellunt in prioris lectionem, nulla esse potest ambiguitas, quin fuerit posterioris amplexus: siquidem in suo cõmentario sic habet: Charitas Christi erga nos, quanta pensanda est, qui secundum illud tempus, quo passus est, pro impijs & iniustis mortem perpeti non refugit. Quapropter ex textu, commentarijs eius in textu, vtcunq; punctus fuerit, nullum mentis Origenis argumentum sumitur, sed impressoris. Hieron. autem sub dubio id relinquit: siue enim, inquit, secundum tempus infirmi, siue quia vltimo tempore passus est. Sunt igitur de hoc isti recentes interpretes meritisimò condemnandi, quod cum græcè simpliciter sit, *κατὰ καιρὸν*, secundum tempus, quod probatissimi authores ad, mortuus, apponunt, non satis habent suã glossata circumscribere, nisi textum ipsum in suum transcribant sensum, transferentes, secundum rationem temporis. Id quod participio, mortuus, quadrare nequit. Nam licet sit Christus mortuus præfinito tempore, non tamen secundum rationem temporis, vt doctè ante nos alius adnotauit. Siquidẽ mors eius non pendebat à tempore. Est igitur sententia Pauli, qd cū infirmi essemus, hoc est, insufficiẽtes, vt per nos ipsi possemus gratiã amicitiamq;

Ambro.
Hieron.

Secundum
tempus.

Infirmi.

Orig.

Ambro.

Hieron.

Contra
interpretes.

Sententia
Paul.

Act. 14.

Dei obire, atque adeò opis illius egeremus, Christus ad tempus pro impijs mortuus est. Illuc nimirum prospiciens, vbi dicturus erat, Christus resurgens ex mortuis iam non moritur: quod enim mortuus est peccato, mortuus est semel. Et est profectò ingeniosa hæc duplex contrapositio accuratè perspicienda: scilicet cū infirmi essemus, mortuus est Christus pro impijs. Nam quòd pro infirmo quis infirmetur, æquitatem quandam habet. At quòd quis mortem oppetat, vt alium quempiam morbo liberet, hoc certè longè est præclarius. Quòd si quis vitam daret propriam, vt innocentem seruaret, officium sanè esset egregium: at verò quòd iustus pro impio moriatur, demiranda res est. Quanto ergo mirabilis, q̃ Christus, qui summa bonitas est, pro ijs, qui in ipsum fuerant impientissimi, vt tam, & in cruce posuerit? Eam ob rem subdit exaggerationem. (*Vix enim pro iusto quis moritur. Nam pro bono forsitan quis audeat mori.*) Quauis, iustum, & bonum, possent hic fortè legi in neutro genere, vt sit sensus, pro iustitia & bonitate, tamen cōsensus Patrum est, vt masculinè vsurpentur pro homine virtute prædito. Idq̃; inde clarè constat, quòd respondent alijs masculinis, pijs, & peccatoribus. Est autè meditandum, quòd virtus, seu in intellectu sit, seu in appetitu, eò maior est ex parte subiecti, cæteris paribus, quo in obiecto minus habet motricis virtutis. Vt scientia, quia per demonstrationem tunc vincitur intellectus, nullum arguit subiecti meritum. At fides, quia non ex vi demonstrationis ingignitur, sed ex obedientia voluntatis, commendabilior est ex parte subiecti: tamen habitus scientiæ claritate antecellat. Pari modo in charitate, quanquam actus dilectionis probi hominis atq; amici, præstantior genere suo sit ex obiecto, dilectione inimici, tamè dilectio inimici maiorem vim indicat in habitu charitatis, pro eo q̃ non solum sese in amicos proferat, quòd ratione dicitur, sed etiam pateat vsq; ad inimicos, qui charitatē auersantur. Adde, q̃ quanto ratio obiecti minus habet honestatis, minor est virtus. Vt si quis sanguine, aut quauis alia necessitudine cōiunctos, aliàs minus probos, diligat. De quibus Christus, Si diligitis eos qui vos diligunt, quam mercedē habebitis? Nōne publicani hoc faciunt? Et si salutaueritis fratres vestros tantū, quid ampli⁹ facitis? Nōne & Ethnici hoc faciunt. Quali dicat, Hæ naturales dilectiones, nisi in Deum per gratiam relate, nullius sunt meriti apud

ipsum. Has verò infimas dilectionis causas, nō est dignatus Apost. in exemplū inducere, sed illā, qua studiosus diligitur. Probitas enim, legitimū obiectū est charitatis. Vt ergo mortē Christi pro impijs à cōtrario cōmendaret, ait, Vix enim pro iusto quis moritur. Ac si dicat, Cū id ratio deposcat, tamè vix & per quam raro cōtingit. Attamè quia quandoq; cōtingit, adiecit. (*Nam pro bono forsitan quis audeat mori.*) Quapropter eundē fortè significat vtraq; appellatione iusti & boni: vt ait Hiero. Et accipitur, quis, nō interroganter, sed definitè & assertiuè. Neq; tam propriè, quod græcè est, τόλμα, transfertur, sustineat, (vt quidā volunt) q̃; audeat. Temperat autè sententiam per, forsitan, & audeat, ad cōmonstrandum difficultatem & metum mortis. Nam cum vita, fundamentum sit stabilimentumq; bonorū omniū temporalium, & mors terribiliū omniū horren dissimū, vix vnus est aut alter, qui pro bono virtutis vitā exponat. Tametsi pro se quisq; vbi ægritudo semel animum occupat, multo sint plures, qui eum despondeant, atq; etiam pro mundi gloria deuoueant: vt in Ethnicorum historijs memoriæ de multis proditum legimus. Hanc ob causam Ambr. hic inter iustum & bonū discreuit, inter virum scilicet, qui probatæ iam est, adultæq; virtutis, quem censet nomine iusti, & innocentem puerum, quē cōcipit nomine boni. Nimirū q̃ pro innocente puero plures fortasse naturalis commiserationis affectus permouet, vt morti se obijciant: pro illo verò iusto, qui adultæ est ætatis, quia non est tanta à sensu cōmiseratio, licet sit rationis vis maior, vix reperiatur, qui id faciant. Orig. autem in verbo, bono, Christū recognoscit, pro quo martyres ausi sunt tam immodicis cruciatibus occumbere.

Commendat autem charitatē suam Deus in nobis: quoniam cum adhuc peccatores essemus, secundum tempus, Christus pro nobis mortuus est.

Progreditur Paulus, vt per gradus inæstimabilem hanc clemētiam beneficentiamq; Dei per Christū, quibus potest numeris efferat. Dei. Commēdat enim, inquit, hoc est, illustrat laudabilemq; & amabilem facit charitatē suā De⁹ in nobis, atq; inde præsertim spem nostrā cōfirmat, q̃ cum inimici eius essemus, & qui ab ipso statim pro parente nostro, quē tot beneficij donauerat, ornamentisq; insigniuerat, mortua-

*Inmessa Christi
fidei charitas.*

*Iustus et bo-
nus.*

*Adnotatio
de virtute.*

Ambr.

Matth. 5.

mortales fermè vniuersi, omni scelerum flagitiorumq; & idololatriæ genere oppleti eramus, atq; adeò in ipsum ingrati & perfidè impij, Cum tales scilicet essemus, nihilo minus Christus, Dei vnigenitus, nostram dignatus est induere naturam, in qua pro nostris impijs facinoribus eluendis truculentissimam obiret mortem. Id planè quod Ioan. dixerat: Sic Deus dilexit mundum, vt filium suum vnigenitum daret, explicare mihi videtur hic Paul. Nam in hoc quod ille dixerat, mundum, eum subnotauit mundū, à quo se Christus conquarebatur odio haberi: ob idq; ait Paul. cum inimici essemus. Et vbi dixit, daret, intellexit, quasi ad mortē adigeret: quod ait Paul. mortuus est. Ecce cur redemptor ipse ait, maiorem charitatem neminem habere, quàm vt animam suam ponat pro amicis suis: nempè vt culmen humanæ charitatis ostenderet. Quod tamen infinito modo diuina transcendit charitas. Nullam enim Deus inuenit in nobis, seu bonitatem, seu amicitia, quam diligeret, sed moriēdo pro nobis, nos, nisi per nos ipsos steterit, iustos effecit, & bonos. O certè infinitum amorem, qui Deum in mortem proiecit, qui dæmones vicit, stupefecit angelos, atq; homines constituit filios Dei. Hanc profecto nobis Dei hominis mortem dæmones inuidebant, cum Gentes olim, & si quæ sunt vsquam gentiles modò, furore exagitabant, vt de humano sanguine cruentas eis hostias cæderent. At Deus noster, qui humanæ author est vitæ, morte non delectatur humana. Mortem enim ipse (vt est in lib. Sap.) non fecit in humana natura, sed est per peccatum inducta. Adeò vt nec peccatoris ficiat mortem, sed malit, vt conuertatur & viuatur. Quocirca crucifixio Christi, si generalem mortis rationem mediteris, non fuit illi grata: eademq; multò minus, qua parte à perfidis parricidis summo scelere patrata est, sed quatenus ab vnigenito filio spontè oblata, gratissima illi fuit & infinito æstinata, Erat enim in altissima iustitia Dei hæc ratio recòdita perfectissimæ satisfactionis pro debito humanæ naturæ. Quam rationem in calce tertij capitis exponebamus. Nam de congruitatibus reliquis eiusdem mortis Christi in. 3. senten. abundè doctores edisserunt.

Multò igitur magis, nunc iustificati in sanguine ipsius salui erimus ab ira per ipsum. Si enim

cum inimici essemus, reconciliati sumus Deo per mortem filii eius, multò magis reconciliati, salui erimus in vita ipsius.

Collectio rationis est. Si enim tantum abfuit, vt in impios & peccatores meritam iram euomeret, vt etiam cum propriæ vitæ dispendio eos à morte liberaret, multò profecto libentius ac promptius effuso iam sanguine redemptos, omni procul ira, seruabit. Iræ autem hic insinuare videtur extremi iudicij, cuius metum eximere hic curat à iustorum animis. Aci dicat, Cuius eximium amorem in primo aduentu experti sumus, non est cur in altero extimescamus iram. Informat autè syllogismum explicatiuus. (*Si enim cum inimici essemus. &c.*) Argumentum est à minori ad maius, quod duplici comparatione fulcitur. Duabus scilicet Christi qualitatibus inter se collatis, duabusq; item, secum inuicem, nostris. Si enim mors Christi potuit inimicos reconciliare, multò facilius poterit eius vita reconciliatos saluare, hoc est, beare. Nam & vita resurgentis Christi in gloria valentior est multò, quàm mors in carne, & seruare amicos, longè facilius, quàm inimicos reconciliare. Sed erit quis fortè, cui argumentatio hæc Pauli subfrigida iudicetur. Nam quos semel Christus reconciliauerit, nulla esse potest hesitatio, fore beandos. Qui enim in amicitiam, Dei constituitur, is regno destinatur. Quid ergo opus erat tam instructa disputatione, ad confirmandam illis spem gloriæ, qui sunt in gratia Dei? Respondendum forsan, quòd cū fides, argumentum sit rerum non apparentium, neq; satis hic mente valeamus tam stupendam magnificentiam Dei comprehendere, vt in suum nos sit cōspectum admissurus, necessarium fuit argumentum ex his quæ facta à Deo pro nobis sunt, ad consolidandam titubantium spem. Nam ipsi quoq; reconciliati nutare poterant hesitantes, an essent pro officijs momentaneis, sensibusque laboribus, imò pro duobus erogatis minutis, & pro potu aquæ frigida, sempiterna illa diuinaq; bona recepturi, proq; enormibus remissis criminibus atq; impietatibus nullū daturi supplicium. Et ideo argumentatur, quòd qui tale sui erga nos amoris specimen exhibuit, vt per mortē nos vnigeniti sui in filios adoptaret, in spe nos certissima constituit, tum vt perfectè poenitentes omni essent metu liberi,

Ira iudicii.

Dubitatio.

tum vt quæcunq; officia iam filij constituti per eandem ei gratiam offeramus, & quoscunq; pro ipso sustineamus agones, æquissima libra in æterna beatitudine sit nobis remensurus. Neq; id solum, sed & iidem iusti, quibus precium iam sanguinis impertitū est & applicatū, firmiorē per eandē gratiā spem habeant diuinæ protectionis ad perseverandum, quoadusq; optato potiātur regno. Adde (licet menti hic Pauli nō sit ita multū germanus sensus) q̄ post peractam redemptionē, illi etiam Christiani, qui in peccato iacēt, maiori inde fiducia esse debent in Deum cōuersionis suæ, q̄ olim ante Christum natum. Nam qui in carne tot pro nobis pertulit iniurias, contumelias, flagella & vulnera, cur non sit multò paratior suppetias nobis ire, quàm ante indutam nostram mortalitatem?

Non solum autem, sed & gloriamur in Deo per Dominum nostrum Iesum Christum, per quem nunc reconciliationem accepimus.

Luculentissimam intueri conclusionem. Initium nanq; denarrandæ gloriationis iustorum, quæ prouentus est fidei, sumpsit ab spe futuræ felicitàtis. Huic statim supposuit, non id solum, sed & gloriarī eos in præsentibus tribulationibus. Iam nunc demum concludit, non solum in spe & tribulationibus, sed in Deo quoq; ipso gloriarī per dominum nostrum Iesum Christum. Et posset quis fortē exaggerationē huc vertere, quòd iusti non tantum de spe felicitàtis, quæ illis obuentura est oblectantur, (hæc enim lætitia de amore concupiscentiæ nascitur) sed quòd in Deo ipso suum collocant amorem beneuolentiæ, suamq; adeò gloriam, cum quo vnum ratione quadam futuri sunt. Gloriarī enim sic in Deo, est ipsum propter seipsum absque villo nostri respectu deamare. Hæc tamen sententia, licet legitimū amorem Dei exprimat, tamen minus huic textui videtur consentanea, propter id quod sequitur, per quem nunc reconciliationem accepimus. Sed est sensus, q̄ nō solum in spe futuri præmij gloriamur, ac subinde in meritorijs tribulationibus, sed in hoc iam percepto per Christum beneficio Dei, q̄ cum ipso sumus fide & charitate coniuncti, vel quo Chry. spectat, nō solū gloriamur, q̄ salui utcūq; facti sumus, sed & in hoc præterea, quod ab ipso omnipotente Deo sal-

Chrysost.

uati sumus. Quin & in hoc plurimum, q̄ tātū nos fecerit, vt nō per angelū, aut per aliū quolibet ex Potestatibus aut Seraphin, sed per vnigenitū filiū, eundemq;, nō angelica, sed nostra vestitū natura. Atq; in summa, q̄ idē vnigenitus, nō minori negotio, q̄ effuso sanguine, traditaq; in cruce vita, causam nostrā peregerit. Quamobrē, vnde nos aliqui fortē pudefacerent, q̄ tanta scilicet fuerit iniquitas nostra, vt nō nisi morte Dei aboleri æquissimē & congruentissimē potuerit, inde nos maxime gloriamur: nimirum, q̄ tam ingentia per id testimonia eius in nos beneuolentiæ cognouimus. Ecce quot nobis, quanti; bonorum fructus à fide prouenerunt.

Propterea, sicut per vnū hominem peccatū in hunc mundū intrauit, & per peccatū mors: & ita in oēs homines mors pertransiit, in quo omnes peccauerunt.

SECUN-
da pars ca-
pituli.

Hactenus prima pars huius capituli protensa est: in qua bona, quæ nobis per fidē obueniunt, denarrata sunt. Hinc iam mala, à quibus per eandem liberati sumus, recenseri incipiunt. Mala inquam, seu occasio mali, qualis fuit lex. Qui quidem tractatus vsq; ad finem 8. cap. perpetuatur. Exorditur autem Apost. à remissione originalis peccati: cuius idcirco rationem aperit & causam in hac secunda parte vsq; ad punctum, Sed non sicut delictum. Eam nimirum comparisonem prospiciens inter Adam & Christum, quòd sicut per illū inuecta culpa est in orbem, ac perinde mors, ita & per hunc delata ē cœlo est iustitia & salus. Quamobrem scopus hic obfigendus oculis nobis est in hac perpetua enarratione horum capitulorum quatuor, quòd mala omnia, quæ per delictum protoparentis nostri, nobis fuerunt hæreditaria, in duo hæc referuntur à Paulo, scilicet in peccatum & mortē, hoc est, culpā & poenā: nomine siquidē mortis, miseriae reliquas est complexus. Sicuti in subsequentijs cuncta beneficia Christi resoluit in gratiā & vitā æternam. Sed & nexū quoq; verborū, q̄ sit congruus, perspice. Cum enim de pace dixisset, qua per fidem Christi potiti sumus, bellum autem nobis præuaricatio Adæ conflauerit, optimē subiungit, Propterea, id est, si pacem per Christum, & quæ filiorum Dei est, spem adepti sumus, consequens sit, vt sicut per vnū hominē, &c. Hiero. si sua sunt hæc scholia, hominis voce, Euam

Duo mala
hæreditaria

intelligit,

intelligit, quæ primū transgressa est. Et pariter Ambr. quam ait in Adam fuisse, vtpote de cuius costa fabricata est. Attamen legitimus sensus est, vt Adam ipsum intelligamus. Nam etsi à muliere (vt Ecclī. 25. scriptum est) factū sit initium peccati, id intelligitur, quia ipsa, prius seducta, causa fuit Adē peccandi: verum tamen nisi Adam peccasset, qui principium fuit generationis efficiens, nulla serpsisset in nos cōtagio. Qua de causa Christus, quia nō virili semine genitus est, nullam cōtraxit labem. Atq; ideo nō hic modo, sed vbilibet nō Eua, sed Adam cum Christo, diuersa ratione, cōfertur. Imō, vt omnis tollatur ambiguitas, quod hic ait, vnum hominem, expressē dixit 1. Cor. 15. Sicut in Adam omnes moriūtur, ita in Christo omnes viuificabuntur. Ait verumtamen, nō per Adam, sed, per vnum hominē, alludens ad vnum alterum, itidem hominem, cuius solius morte liberati ab eisdem peccato & morte sumus. At oratio hæc tota, si attendas, manca videtur, & mutilata, sanē cui deest secundum cōparationis membrū. Debuisset enim ē regione cōtinenter opponi (vt notauit Orige.) ita & per vnum hominem iustitia introiuit in hunc mūdū, & per iustitiā vita, & ita in omnes homines vita pertransijt, in quo omnes iustificati sunt. Inuenias ergo inter nos traductores, quibus, hanc ob rem, placet expungi coniunctionē, & secundū, scilicet vt cōparatio inter hæc duo membra constet, Sicut per vnū hominē. &c. ita in omnes homines mors pertrāsijt. At præterq̃, q̃ tam Græci omnes, q̃ Latini, legūt coniunctionē, & frigida esset, & ineptissima cōparatio talis, Sicut per vnū hominē intrauit peccatū, & per peccatū mors, ita mors in omnes homines pertransijt. Et præterea isti nō penetrāt mysteriū collationis Christi cū Adamo. Est ergo tota hæc, vt iacet, oratio, vna pars cōparationis. Quod si alterā desideras, duobus iam modis respondet Orig. Primò q̃ meditatio subticuit alterū membrū propter negligentiores: ne scilicet audientes, iustitiam & vitā transisse iam per Christū in omnes homines, remissiores redderentur in bonis operibus. Cū tamē vita illa nō sit ociosis propofita, sed officiosis: de quibus scriptū est: Regnum cœlorū violenti rapiunt. Longē tamē & ad rem propius secundū eundē respōdetur, alterum membrū pluribus, more Paulino interiectis, illic infra correspondere, Sed nō sicut delictum, Vel si malis, inferius: Igitur sicut vnus delictum. &c. Vbi propter longum hyperbaton resumpsit

idem hoc ipsum membrū, cui alterū subderet. Simile est illud proximē citatū. 1. Cor. 15. Sicut in Adam omnes moriuntur, ita in Christo omnes viuificabuntur. Hic locus insignis est apud Paulū de originali peccato. De quo nos lib. 1. de nat. & grat. octo capitula scripsimus, quibus septem puncta disputauimus. Nempē an sit, quid fuerit in eius causa, quid sit, quomodo transfundatur, quinā eius effectus, quē etiā poena, & quomodo remittatur. Atqui q̃ vllum sit peccatū originale, nō poterat naturæ luce deprehēdi, nisi reuelatio fuisset supernaturalis: primū quidē Adē, post verò in lege naturæ sub nube quibusdā singulariter personis: in lege verò scripta vtriusq; pagine expressē vniuersis. Tametsi expressi⁹ in leg. Euang. Re verò diuinitus cognita, adhiberi naturali lumine ratio potest explicatoria. In veteri igitur instrumēto extat testimoniū Dauidis, qui se prædicat iniquitatibus conceptū, & in peccatis. Et secundū Hebraicā veritatem, In iniquitate, & in peccato. Et Ecclī. 25. A muliere initium factū est peccati: & per illā oēs morimur. Cui cōcinit & ex gētilitate Iob, viciatū suū cōceptū præsentis. Qui ideo malē precabatur diei, in qua nat⁹ fuerat, vnde tāta cōtraxerat mala. Et ca. 14. Quis pōt facere mūdū de immūdo conceptū semine? Et ca. 25. secundū septuaginta, Nemo mūdus absq; sorde: neq; infans, cuius est vnus diei vita super terrā. Vnde Euangelicus ille paronymus prodijt clamans, Ecce agnus Dei, ecce qui tollit peccata mundi. Siue vti Græci habent, peccatum mundi: vbi generale illud designatur. Cæterorū verò testium, quos modò prætermittimus, Paul. est omnium luculentissimus. Atq; in hoc præsertim loco, vbi ait, per vnum hominē peccatum intrasse in mūdū, in quo omnes peccauerūt. Hunc veruntamē locum Pelagiani) referente Aug. lib. 1. de pecc. me. & bap. par. cap. 9. & Hyp. lib. 2.) eo deflecebant, q̃ peccatū nō intrauit per Adā propagatione, sed imitatione: iuxta illud Osce. 6. Ipsi autē sicut Adam transgressi sunt pactū. Illos autē redarguit illic Aug. q̃ si imitationē illam commemorasset hic Paul. non vtique Adam, eius principem, sed diabolū quidem induxisset. De quo legitur in lib. Sap. Inuidia diaboli mors introiuit in orbem terrarū. Vbi & subditur, Imitantur autē illum, qui sunt ex parte eius. Et. 1. Ioan. 3. Qui facit peccatum, ex diabolo est: quoniam ab initio diabolus peccat. Fuit enim primus qui peccauit. Est præterea argumētum Augustini ex cōparatione

De originis macula.

Psal. 50.

Iob. 3.

Ioan. 1.

Pelagiani.

Osce. 6.

Sap. 2.

1. Ioan. 3.

Ecclī. 25.

Adā fuit originalis peccati causa.

Oratio manca.

Matth. 11.

inter Christum, & Adam desumptum. Scilicet sicut in Adam omnes moriuntur, ita in Christo omnes viuificabuntur: quam hic infra comparationem prosequitur etiam Paulus. Enimuerò per Christum non solum intrauit iustitia imitatione (quanuis & ipsum imitentur adulti) sed spiritali quoq; regeneratione, ut patet in infantibus regenitis lauacro baptismi. Fit ergo ut Adam quoq; , non solum imitatione, verum & generatione reos nos constituerit culpæ. Idem Chry. & Ambr. & doctores omnes tam Græci, quam Latini agnoscunt. Vnde Orige. ideo, inquit, nō meminit prioris delicti, seu seductæ mulieris, seu dæmonis seductoris, q̄ de illo peccato loqueretur, ex quo mors in omnes homines pertransierat: posteritatis autem successio, nō mulieri adscribitur, sed viro. Quo & exemplū asciscit ex Paul. Heb. 7. de Leui, qui multis retro annis, quam natus esset, decimatus est in lumbis Abrahæ. Pari ergo modo nos peccauimus in lumbis Adæ. Igitur vbi tanta est doctorum concordia, non essent profecto audiendi illi, sed exhibendi potius, qui hunc locum, etiam nunc inter catholicos in dubium reuocant, an de peccato originali intelligatur, præsertim quum ex subsequentibus verbis patentissimè appareat, ita esse intelligendum: iuxta illud Ephe. 2. Erasmus natura filij ire, id est, à genitura nostra, ut sit, natura, quasi, nascitura, seu ratione naturæ, quam à primo parente trahimus. At, quid dixerim, hūc locum in dubium reuocant? Imò extenuant interpretando, & eo vsq; corrumpunt, ut vix secundum illos, vires habeat vllas aduersus Pelagianos: quos tamē sancti patres per hunc locum acerrimè oppugnabant. Vbi enim legimus, Per vnum hominem, vertit Erasmus, Propter vnum hominē, cum tamen, *sic*, dum Græcè genitiuo adiungitur, ut hic, vniuersim significet idem, quod, per, Et vbi nos habemus, pertransijt, quod planè significat verbū græcum *διὰ*, iste vertit, peruasit. Et vbi nos legimus, in quo, ipse transfert, quatenus, seu, in eo quod. Propterea quòd particulæ græcæ has possunt quoq; translationes permittere. Citans pro se Hieronymiana scholia, quæ tamen ipse fatetur non esse Hieronymi. Quòd autem versiones istæ, seu peruerisiones Pelagianis patrocinentur, patet. Nam ipsi non negabant propter Adam peccatum peruasisse in nos, quatenus occasione inde sumpta, ad imitationem eius peccamus & nos. Per, verò significat, veram causam, scilicet, quòd per

Adam corrupta est nostra natura, atq; adeò per ipsum introiuit permanuitq; ad nos peccati macula, eò quòd in ipso peccante omnes peccauimus. Ob idq; , propter, non tam Pelagianis aduersatur, quam, per, Neq; , peruasit, quam, intrauit: neque, quatenus, seu, in eo quod, tantum, quantum, in quo: Nam peccare in Adam, est peccare suo peccato, sed peccare in eo quod ipse peccauit, est peccare ad eius imitationem, ut contendebant Pelagiani. Nunquid non satis esset istis (quod identidem meritò inculcamus) ut in suis commentarijs, textu intacto, placita sua proferrent? Arbitros huc appello, an expediat, huiusmodi traditiones lingua materna vulgo permitti, ut ei, qui in suggesto scripturam sacram secundum sanctos Patres exposuerit, bubulcus de plebe reclamet, secus haberi in textu. Sed ad rem redeamus. Erasmus enim in confirmatione veritatis illius, quòd ex Adæ delicto deriuatum in nos sit peccatum originale. In quos autem transierit, non est cur orthodoxus interroget. Siquidem respondere alijs verbis non liceat, quam apostolicis, In omnes homines mors pertransijt, in quo omnes peccauerūt. Cum enim peccatum, quod in mundū ingressum est, in causam induxisset subsequentis mortis, cōsequens facit, ut ita mors; hoc est, per peccatū, in omnes homines transierit, eò quòd in omnes transierit peccatum. Absit ut vllum hic verbū de sacratissima virgine genitrice Dei faciam: vtrum videlicet hac sententia concludatur, necne. Nam etsi Concilium Tridentinum decretū Sixti innouando, libertatē fecerit sentiendi in vtranq; , partem, est tamen exceptio beatę virginis ab hac vniuersali sententia Pauli vsq; adeò celebris, nō modo inter plebes, sed etiam inter bonos doctores: quales præcipuè sunt illustrissimi Parisienses, ut siqui hanc sibi exceptionem persuadere non possunt, ut cui Paul. refragare videtur haud tamen debeant publicitus talem prodere disputationem, adeò id absq; odio & inuidia nequirent facere. ¶ Ut verò ad textum reuertamur, & si fides sit, originis labe omnes nos infici, tamen causam huius, nimirum quòd Adam præuaricante, omnes in illo deliquimus, non facile est aperire. Si enim peccatum, authore contra Faustum Augustino, adeò sit voluntarium, ut aliàs non sit peccatum, quomodo antequam nasceremur, peccauimus? Et maximè in foro Dei, qui propensior est ad ignoscendum nobis, quam ad se vindicandum. Alioqui cur alia peccata, vel

Adar,

Orige.

Heb. 7.

Contra corruptos interpretes.

Ephe. 2.

Erasm.

Contra non traductio in linguam vulgarem.

In quos transijt.

Sacratissima virgo.

Causa peccati originalis

Adæ, vel aliorum parentum non in nos pariter transfunduntur? Adde, quòd cum delicto ri ipsi protoparenti condonata fuerit noxia, iuxta illud Sap. 10. Eduxit illū à delicto suo, nullavidetur relicta esse in nobis culpa. Hanc veruntamen causam lib. 1. de na. & gra. ita ferme exponebamus. Erat quidem homo ex duplici, diuersa q; parte compositus, anima scilicet & corpore. Atqui secundum animā, vnde speciem sortitur, tum immortalis, tum etiam ratione pollens, cuius proinde rationis ductu aptus est natus viuere: secundū verò corpus, mortalis: cuius ideo sensualitas rationē sæpe de via deturbat. Id igitur prouidentissimus, simul atq; in nos beneficētissimus Deus initio prospiciēs, in gratia primos homines, quā naturæ viribus inire nequiuierant, vel creauit, (vt credo) vel creatos post cōstituit, iustitiāq; vestiuit originali, quæ sensibus frēnum esset, vt iugiter, superstitē gratia, rationi parerent. Donauit eis præterea lignum vitæ, cuius esu perpetuæ immortalitatis potirētur. Sic itaq; pro animi dignitate dotatus est, insignitusq; totus homo, & (vt habetur Eccles. 7.) factus à Deo rectus. Hæc idcirco dona Adæ collata sunt, non utiq; vt singulari personæ, sed vt publicæ, & veluti cōmunia toti naturæ. Quæ ideo, perpetua originum serie, successura erāt in posterōs: vnde iustitia originalis nomē obtinuit. Quinimo (cuius rationē eod. lib. cap. 5. explicabam) in gratia quoq; fuissent proles creatæ. Haud tamen vel opinandum, vel certè cogitandum cum quibusdam est, per aliud singulare præceptū adstrictum fuisse Adam, aut pro se, aut pro sua posteritate, seruare dotes illas, q̄ per illud, quo prohibitus est edere de ligno scientiæ, tum quòd nullū illic aliud legitur, tum quòd neq; nos alijs præceptis tenemur custodire gratiam, quā illis, quibus tenemur custodire legem. Neq; verò vllum intercessit pactum inter Deum & Adam de seruanda iustitia, in quod parens ipse noster nomine totius naturæ cōsentiret. Commenta enim, hæc sunt omnia. Deo nanq; nullo opus erat consensu humano. Quandoquidem, velut author ipse naturæ, totum poterat genus in primo parente obligare: quo transgrediente, illis priuilegijs totam ideo posteritatē mul-
tare, quæ supra eius naturā illi supererogauerat. Per hæc ergo iam causa originalis culpæ clarescit. Enimvero, cum Adam non solum tota tunc esset natura humana, verū semētis, seminatioq; ipsius, vt in cuius lumbis totū genus nostrū virtute latebat, transgressione

illa prima præcepti, sub mortis interminatione toti naturæ positi, totam secum naturam vitiauit, in mortemq; ac mortalium miseras adegit. Vnde Aug. Hyp. art. 2. cum Adam, inquit, peccauit, natura in illo tota peccauit. Neq; hanc profectò Dei punitionē vllus mirabitur, qui consideret, non in alios casus & incommoda nos incidisse, ob illam culpam, q̄ in illa penitus, quæ à natura nobis inhæsis-
sent, nisi supernaturali nos ipse priuilegio præseruasset. Atq; hinc ratio colligitur, quæ peccatum illud fuit nobis voluntariū, videlicet, quòd in conseruanda illa iustitiā, toti naturæ impertita, voluntas Adæ, voluntas quodammodo totius generis reputabatur: perinde ac si præsentēs oēs fuisset, vt est regnū in voluntate regis. Nam in gratuitis illis beneficijs, seu cōferendis, seu amouendis, non erat (vti iā modò dicebamus) necessarius noster cōsensus. Atq; huc pertinet exemplum illud S. Tho. de membris, quæ vna totius sup-
positi volūtate delinquūt. Haud enim necessē est, exemplū adæquari omnino rei. Sed si-
cuti per actionē suppositi deriuatur peccatū ad membra, ita & illud ad nos per generationem. Atq; ideo Aug. lib. 1. retra. cap. 14. & 15. negantibus Pelagianis, peccatum origine cō-
trahi vllum, eò quòd nihil illic interueniat voluntarij, respondet, voluntarium esse voluntate primi parentis, quæ commissum fuit, quando diuini præcepti transgressio facta est: vnde factum est nobis peccatum hæreditarium. Mox ex eadē ratione colligitur, cur reliqua peccata, siue Adæ, siue aliorum parentum minimè cōmaculent sobolem. Videlicet quòd illa nō cōmittuntur vt à persona, quæ totam repræsentat naturam. Neq; per talia crimina priuatio fit donoriū, quæ toti sint tributa naturæ. Atq; adeò fit cōsequens, vt quauis primo parenti cōdonata fuerit, remissaq; noxia, quatenus erat personæ, quia restitutus fuit in gratiam, haud tamen quatenus erat naturæ. Sicuti modò vsu venit in sacro fonte: vbi remittitur originale, quatenus personā polluit, restat verò natura inquinata, vt qui baptizatus est, filios nihilo minus procreet infectos. At verò, vt rationē originalis culpæ pūctim attingam, duo primū oīm p̄ indubitatis (vt lib. 1. de na. & gra. ca. 8. dicebam) quiuis habere debet, qui nō vult Pelagian⁹ haberi. Primū q̄ sit vera culpa, alterū q̄ sit in singulis, nō solum quo ad reatū poenæ, verū & quo ad culpā. Id quod lib. 2. sen. dis. 30. contra quosdam adnotauit Petrus Lombar. Itaq; nō satis est dicere,

Aug.

Exemplū de membris.

August.

Alia peccata nō transfunduntur.

Ratio peccati originalis

cere, nos omnes peccasse peccato illo Adæ. Sed quod suam quisque inde trahit culpam, & proinde poenam. Hæc duo non solum colliguntur hic ex Paulo, verum habentur apud ipsum expressa. Ait enim, Cum peccatores essemus, ubi veram culpam nobis inesse demonstrat: culpam autem ante rationis arbitrium inesse infantibus aliam, quam originale, non est possibile. De qua loco præsentis liquidò pronunciat: In quo omnes peccauerunt. Quod circa August. lib. 1. retr. cap. 15. ait, reatu peccati Adæ nos esse implicatos, & ob hoc poenæ obnoxios. Vbi secernens reatum à poena, clarè docet, quod reatum poenæ antecedit in nobis reatus culpæ. Et super Psal. 50. Ideo, inquit, se in iniquitatibus dicit conceptum Dauid, quia in omnibus trahitur iniquitas ex Adam, & vinculum mortis. Nemo enim, ait, nascitur, nisi trahens poenam & meritum poenæ. Meritum autem poenæ peccatum est: omnis ergo qui nascitur per carnis concupiscentiam, peccatum trahit. Hæc ille. Et Hyp. ar. 2. Peccatum Adæ non solum ipsum, sed omne necavit genus humanum: cum eius damnationem simul & culpam suscepimus. Est autem hic Pauli sententia perspectior, quam quæ testimonio Augustini opus habeat. Nam per unum, inquit, hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt. Ecce non solum mortis poena, sed culpa prius in nos transiit, & idcirco poena. Item, Ideo Adam fuit forma Christi, quod sicut ex gratia Christi verè iustificamur, ita Adæ delicto omnes iniusti sumus, vereque peccatores constituti gratia autem in singulis est, ergo & culpa. His tanquam fide catholica, stabilitis, negotium exhibet explicatio rationis originalis culpæ. Nam cum peccatum propriè in actu consistat (est enim dictum vel factum. &c.) actus verò ille Adæ ita transierit, ut in nos nequiverit pertransire, difficile extricatu est, quomodo in nobis vera sit culpa, qua dum concipimur, vitiamur. Quod enim sensualitatis concupiscentia in nobis non sit ita propriè originalis culpa, ut quibusdam Aug. apparet docuisse, credo nos loco citato de nat. & gra. persuasum fecisse. Illud enim, quod in Adam non fuit peccatum, sed peccati effectus, profecto neque in nobis esse potest culpa, sed pariter effectus eius: talis autem est effrenata concupiscentia. Et præterea id quod post sanctum lauacrum perdurat in nobis, certè non est culpa, sed illud pla-

nè quod illic abstergitur: concupiscentia verò, absterfa culpa, relinquitur. Iam si ratione culpæ perspicias, res sit conspicua. Culpa enim propriè consistit in deuiatione illa à lege & voluntate Dei, quæ iniquitas est, & odio habetur Deo: ob quam, & gratia illius priuamur, & supplicio destinamur. Quamobrem neque priuatio gratiæ in nobis, neque exorbitantia & rebellio concupiscentiæ peccatum est, sed peccati damna: sicuti fuerunt in Adam. Placuit autem Augustino, concupiscentiam appellare peccatum, in odium Pelagij, eo quod hæreticus ille aiebat, concupiscentiam rem esse merè naturalem, quæ nunquam fuerat per originalem iustitiam coercita. Intelligit autem esse peccatum materialiter, ut aiunt. Neque verò eo pacto, quo materialis actio in peccato actuali denominatur peccatum, sed tanquam proximus effectus amissæ iustitiæ: ut latius loco citato exposuimus. Neque verò inimicitia (ut quidam autumant) propriè est peccatum, sed effectus peccati. Quod enim infans odio sit Deo, non est illi culpa, sed culpæ effectus. Eadem prorsus ratione neque priuatio originalis iustitiæ, eo sensu quem prima verborum facies præfert, peccatum est, sed peccati effectus, ut ex dictis palam sit. Et multò minus, si dicas, carentiam iustitiæ debitæ inesse. Nam cum post baptismum remaneat adhuc carentia iustitiæ, neque vllò inibi debito habendæ illius liberemur, consequens fieret, ut in legitime baptizato remaneret peccatū. Respondebamus ergo lib. citato cap. 9. eandem *Responsio an* esse in nobis rationem formalem originalis *thoris.* peccati, quæ fuit in Adam sui actualis: puta obliquitatem illam & deflexum animi à voluntate & lege Dei. Enimverò nullo alio peccato deliquimus omnes (de originali loquimur) quam illo, quo peccauit Adam. Ita enim ait Paulus, In quo omnes peccauerunt. Ob idque falsum est, ineptissimumque; esset dicere, quod peccamus originaliter: sed illud ipsum per originem trahimus cum natura. Vnde *August.* Aug. lib. 1. de pec. me. & bap. par. cap. 10. hunc enarrans locum, In quo omnes peccauerunt, siue relatiuum, peccatum referat, siue hominem, totum genus humanum ait peccasse in illo homine, & in illo peccato. At commodius *In quo.* multò refert hominem. Primum enim id indicat præpositio, in, congruentius enim dicimus, peccato peccare, quam in peccato: peccamus autem in ea persona, in qua virtute continemur. Sicuti regnum peccat in principe, qui nomine publico delinquit. Et præterea *huc*

August.

Explicatio
diffinitionis
originalis la-
bris.

Concupiscen-
tia quomodo
fit peccatum.

huc alludit cōparatio Pauli, quòd Adam fuit forma futuri. Putà, quòd sicut in illo carnales omnes filij gratiam Dei amisimus, ita in Christo spirituales filij eam recuperamus. Et alibi euidentius, Sicut in Adam omnes moriūtur, ita & in Christo omnes uiuificantur. Accedit & autoritas Orige. Chrysof. & Ambro. & ferme omnium Patrum qui ita interpretātur. ¶ Superest hic veruntamen respondere, quemadmodum ratio culpæ per generationem traducatur. Si quidem actuale illud Adæ delictum res fuit transitoria: neque in nobis inde aliud existit, quàm priuatio gratiæ & iustitiæ cum reliquis miserijs, quæ sunt mortis comites. Ob hanc rei difficultatem sunt & ex catholicis quoq; nonnulli, qui putant nō esse in singulis nostrum peccata singula originalia, sed ab illo vno Adæ actuali, nos omnes denominari peccatores. Quod quidē in nos transire dicitur secundum suos effectus, qui nobis insunt. Hoc autem reuera, nisi sanissime audiatur, falsum est, & contra textum Pauli (vt supra dicebamus) secundum sancto- rum sensum, & præterea contra modum loquendi Ecclesiæ aduersus Pelagium. Dicimur enim nasci nos in originali peccato, & peccatores, & filij iræ: quæ quidem locutiones aliquam in nobis culpæ labem & reatum denotant. Item in Conc. Mile. definitur, quòd trahimus peccatum originale. Et August. de fide ad Pet. ait: quòd nascimur cum peccato originali. Etiam supra ostendimus, q̄ transiit in nos, nō sola mors, sed peccatum prius, & per peccatum mors. Imò peccatum originale, si diffinias, nihil aliud est, quàm peccatum origine receptum. Quapropter consultissima iam Synodus Tridentina sess. 5. can. 3. optime sic rem explicuit, Peccatum quod origine vnum est, & propagatione transfusum, omnibus inest, vnicuiq; proprium. Sunt alij qui rem sibi expedisse videntur, respondentes, quòd illud Adæ peccatum rectē dicitur transfundi in nos, non per se, sed per effectus suos: putà priuationē gratiæ & iustitiæ atque immortalitatis. Sed horum opinio in eandē iam satis expugnata relabitur, videlicet, q̄ nō transit culpa, sed poena & effectus, seu defectus peccati. Cum tamen Paul. vtrunq; seorsum doceat: per se in nos transisse, scilicet & peccatum, vt causam mortis, & subinde mortem. Neq; ab effectu vilo peccati denominamur peccatores, sed certē a reatu culpæ: quæ causa est priuationis gratiæ: sicuti gratia, causa est remissionis culpæ. Arbitrabar ergo il-

lic, nescio an falsus, tum mentē hoc loco Pauli, tum ipsius interpretum sensum esse, quòd quemadmodum, transeunte actuali peccato, relinquitur in homine, præter hoc quòd reus est poenæ, reatus etiā culpæ, à quo vt forma, denominatur peccator (licet nulla sit alia qualitas, quàm respectus ad præteritā culpā) ita in nos reatū illum præuaricationis Adæ profundi: qui quidē reatus, respectus est ad suum ipsius delictum. Fac. v. g. quotquot erant post nascituri, filios Adæ, tunc viuere, omnes tunc reatum illū participarent, rei q; omnes haberentur & peccatores, licet non essent obnoxij poenæ sensus, sicuti ipse. Eadem igitur ratione per generationē, qua natura propagatur, traducitur & reatus idem. Atq; adeo vt suam quisq; recipit indiuiduā naturā, ita & suo inficitur reatu, quo nascitur formaliter peccator. Atqui hoc est quòd doctores aiunt, peccatum originale habere modū habitus. Non q̄ aliqua ingeneretur morbida qualitas carnis, qua anima, dum infunditur, deturpetur, (hoc namq; figmentū est) sed q̄ quemadmodum præeunte actu peccati, dicitur peccatum per modū habitus in homine remanere, quādiu nō respiscit, ita & in nos reatus ille transfunditur. Neq; aliud quicq̄ est, animam infici aduenientem carni, q̄ cum ipso corpore per generationem Adæ coire ad compingendam naturam, quæ in ipso vitata fuit. Quantum verò ad effectus attinet huiusmodi peccati, hoc est, defectus, damna, & incommoda, quæ inde cōtraximus, Paul. de morte præcise meminit: quam Deus fuerat primis parentibus cōminatus. At verò notamine mortis cuncta cōplexus est, quæ mortalibus accidunt detrimenta. Nam cum iustitia originalis partē hominis inferiorem rationi subditam in officio contineret, illa abeunte, partes omnes quatuor, quæ quoquo pacto sunt subiecta virtutis, vulnerata sunt. Nempe intellectus, ignorantia: voluntas, malitia: irascibilis, infirmitate: ac demum cōcupiscibilis, concupiscentia. Hæc enim sunt quatuor vulnera, quæ Beda probe colligit ab originali culpa nobis inflata. Si tamē ex ordine mala hæc poenæ disponenda sunt, primū fuit priuatio gratiæ: quòd generale damnum est omni peccato. Mox expoliatio originalis iustitiæ: quæ illi primo peccato Adæ fuit peculiaris poena. Inde verò alia sunt quatuor vulnera infixæ. Ac denique in corpore, morti iam subdito, subsecutæ sunt idcirco molestiæ, languores & ærumnæ, quibus corpus premitur, atteritur, & conficitur.

Peccatū per modum habitus

Anima inficitur.

Effectus peccati.

Beda super Lucā de quatuor naturæ vulneribus.

1. Corint. 15.

Detractio
ne originals
culpe.

Con. Mile.

Diffinitio
peccati origi-
nalis.

Con. Tridēt.

Alia opinio.

Catharinis.

Traductio
nis modus.

¶ Per-

Questio.

Luc. 10.

Aristo.

¶ Percōtabamur tamen lib. citato, cap. 3. Vbi hæc copiosius discussa sunt, quodnam esset interstitium inter hominem iustitia originali nudatum, huiusmodiq; fauciatum vibicibus & plagis, atq; illum, qui in puris naturalibus esset conditus. Quæstioni etenim huic occasionem offert parabola Euangelica, in qua genus nostrum comparatur homini incidenti in latrones, qui ab illis spoliatus, plagisq; affectus, relictus est semivivus: vbi theologi cum venerabili Beda concordēs affirmant, hominem expoliatū esse gratuitis, atq; in naturalibus vulneratū & læsum. Ad quod dicendum rebar, inter nos in culpa huiusmodi conceptos, & eum qui cum nuda natura nasceretur (præter rationem culpæ) non aliter, quantum ad operandi virtutem & vires spectat differre, quàm inter hominem vestimentis exutum, quibus fuerat indutus, & nudum natum, qui nunquā fuit vestitus. Nam quod per Adæ prævaricationem nullum fuerit corruptum in nobis principium naturale, consentienter docent theologi. 2. Sen. d. 30. & S. Tho. 1. 2. q. 81. Secundum Diony. 4. cap. de diui nomi. qui ait, bona naturalia, etiam in demonibus integra mansisse post peccatum: Quod autem nulla fuerit protoplasto ingenta qualitas per actum peccandi, quæ per carnis propaginem in posteros inferperet, inde fit liquidum, quod consensus ille spiritualis in peccatum, nō potuit tam perpetuam qualitatem corpori imprimere. Agnouit quidem Arist. 1. de ani. concitatione animi affici nonnunquā corpus: & vice versa affici etiam animum corporis commotione. Calefit etenim corpus ira, ac timore frigescit: sicuti & ex calore corporeo concitatur & turpis affectus animi. At eiusmodi qualitates, dispositiones quidem sunt transeuntes, haud tamen diuturni habitus. Et præterea quod actio vnā animæ, propterea quod delinquat in legem, peculiarem illam ingenerasset in illo primō homine qualitatem in corpore, quam non ingenerat quivis alius actus culpe, ridiculum esset concedere. Nisi quis adeo esset delirus, vt cōcederet diuino iudicio tributum esse peculiariter prævaricationi illi Adæ, vt eiusmodi crearet qualitatem. Adde, quod quanuis daretur, corpori Adæ infixam esse, tamen quod perpetua generatione in suam posteritatem diffunderetur, nulla est ratio probabile. Igitur si nullum principium naturæ nostræ per illam prævaricationem detractum aut detritum est, nullaq; nobis intrusa qualitas, effin-

gi non potest alius naturæ languor, aut debilitas ad bene agendum, propensiorve inclinatio ad malū, quàm si in puris naturalibus nasceremur. Sed ais, Debilitatæ sunt potentie illæ naturales, quas supra diximus vulneratas: aliās quomodo explicabitur, q̄ fuimus læsi in naturalibus? Et S. Thom. loco citato. 1. 2. ait, quod inclinatio naturalis ad virtutem diminuitur per peccatum. Ad hæc autem vt respondeatur, minimè diffitendum est, in eo ipso sceleroso homine, qui vitij sese tradit, ingenerari habitus secundum Aristot. in Ethic. lib. 2. quibus deprauatur corrumpiturq; natura, seu Adam ille sit, seu nostrum quilibet. Atq; hoc est penitus quod ait S. Thom. inclinationē naturalem ad virtutem diminui per peccatum. Neq; verò negauerim, longa consuetudine quorundam carnalium vitiorum cōplexionem nonnunq̄ naturalem demutari: quod forsan detrimentum, nil mirum, si transfundatur quandoq; in proximas proles. Quod verò per vnū eundemq; primū actum delicti Adæ, taliter natura in perpetuū fuerit attenuata, vt sit modo debilior, & languetior, quàm si in puris fuisset naturalibus condita, comprehendere nequeo. At fuit nihilominus in naturalibus læsa, ea ratione, quàm illic explicabam. Nemp̄ q̄ cum rationalis natura hominis sit secundū rationē agere, à quo tramite per sensualitatē cohibetur & deflectitur, donum illud iustitiæ, quod sensualitatem tōpescibat, perficiebat hominē in naturalibus: prohibendo scilicet ne sensualitas impedimentum esset rationis officij, quæ sunt homini naturalia. Ob idq; priuatio eiusdē doni, fuit plaga & vulnus in natura, quatenus homo inde relictus est mancus, & incursionibus diaboli, mundi, & carnis peruius, vt non possit iuxta naturam suam perpetuò operari. Veluti si natura hominis esset, rectā incedere, haberet nihilominus ligatū sibi canē aliorum trahentē, qui canem aliquo remedio coerceret, perficeret hominē in naturalibus, & qui remediū auferret, pari ratione læderet in eisdem. At ne cuiuspiam fortē doctrina hæc quicquā censeatur Pelagianum olere, animaduertendum est, quod præterquā q̄ fatemur in Adam omnes peccasse, omnesq; exinde in peccato nasci, quod ipse negabat, negamus quoq; defectus hos naturæ eo esse nobis prorsus naturales, quod tales omnino creati sumus: id quod ipse prædicabat, cuius idcirco erroris reprehensus iure ab Ecclesia fuit, & cōdemnatus. Sed dicimus, quod licet mors, morbiq; ac reliqui defectus

Læsa in naturalibus.

Nota contra Pelagian.

Mors poena peccati. *Contra quorundam opinioniones.* factus sint naturales ratione materiæ, (quia omne mixtum ex elementis est suapte natura corruptibile) tamen quia in prima nostri conditione donati supernè sumus imhortalitate, ut possemus nō mori, quam nostra ex culpa amissimus, mors, effectus est, poenāq; peccati. Vnde Genē. 3. Post cōdemnationem Adæ, ut in laboribus comederet. &c. subdit Deus, Donec reuertaris in terram, de qua sumptus es: quia pulvis es, & in puluerem reuerteris: nimirum ostendens mortem, naturalem esse nobis ratione materiæ. Sed est effectus peccati. remouentis prohibentem iustitiā. Atq; hic sensus illius est dicti Sap. 1. Deus mortē non facit. &c. Et huius Pauli, Per peccatum mors. Pari modo & de cōcupiscentiæ rebellionē cōflictuq; aduersus spiritum sentientum est, scilicet quod licet ex principiis naturæ nudē ortum habeat, tamen quia per donū gratuitū originalis iustitię compressa erat, factum est, ut dissolutio effrænatioq; ipsius, sit etiā opus ac poena peccati: eademq; tyrānus, & lex carnis, & peccati fomes. Eadē ratione de cōdemnatione & priuatione gratiæ & regni censendū. Nempe qd si homo in meris naturę dotibus fuisset conditus, tunc esse eum extrā gratiā & ius regni, mera fuisset negatio, quia nullo sibi iure cōpeterent: tamen quia in Adā ius quodam modo, prius habuimus, post verò perdimus, non negatio mera, sed priuatio est, & condemnatio, qd orbat beneficijs illis nascimur & filij iræ. Quocirca mirari quosdā soleo, qui per iudiciū hoc demonstrare nituntur peccatum originale, quod scilicet mortem ac reliquas calamitates & carnis pugnas patiatur: quasi non fuissent Adæ naturales, etiam si in nuda natura fuisset editus. Atq; alios itidem admiror, qui nimium durum arbitrantur, ob vnum peccatum Adæ, nos omnes in vitā adeo calamitosam adactos esse. Ac si aliud de nobis fecisset Deus, qd quod corruptibi naturæ nostræ innatū fuisset. Ob hoc ergo in initio proponebam, neq; peccatū originis, neq; originalem iustitiā innotescere potuisse naturali lumine, nisi diuina præcessisset reuelatio, quoniā mortē reliquasq; nostras infirmitates quouis lumine naturali reputasset naturales. Hæc autem omnia lib. illo nostro pro nostra exilitate abundē discussa explicataq; a nobis sunt: quæ tamen huc summam aspicere necessarium fuit in enarrationē huius loci. Quapropter de poena huius generis culpæ, deq; eius remissione, quæ ad hoc nihil pertinent, non est cur verbum addamus vllum.

Vsq; ad legem enim peccatum erat in mundo: peccatum autem non imputabatur, cū lex non esset.

Cū affirmasset Paul. per primum hominem, ingressum patuisse peccato in orbem, & per peccatum mortem, explicationem asserti sui defensionemq; subnectit. At verò doctores nimium variāt de intellectu huius textus: dum alij appellatione hic, legis, naturalē intelligunt: & quidem Orige. de singulis hominibus eum interpretatur, antequam attingāt vsum rationis: nimirum ut, vsq; ad legē, idem polleat, quod, vsq; ad vsum rationis: Tunc enim peccatū quidem est, sed mortuū, ut infra cap. 7. ipse ait Apost. & ideo ait hic, tunc ætatis non imputari: ob id videlicet quod licet infans opera faciat, quæ genere suo sint peccamina, extra culpā tamen est. Huic verò glossæ refragatur id quod ait, in mundo, Et præterea in puero qui non peccat, nullatenus est peccatum actuale, de quo Orig. loquitur. Alij verò, ut August. in de baptis. paru. Cui concors est, & Chryso. & in alia expositione Orige. Vtramq; cogitant hic legē designari, naturalem scilicet & illam Moysi. Ita tamē ut particula, vsq;, inclusiue audiatur. Ac si dixisset Paulus, quod vsque ad finem legis Moysi peccatum fuit in mundo, quia neq; illa, neq; naturalis illud quiuit abolere, ut in præcedentibus commostrauit. Non tamen imputabatur, scilicet vulgo apud homines. Alij in sententia nihil ferē distantes, legem intelligunt Euangelicā. Nant vsq; ad Christū exclusiue, peccatum non fuit perfectē abolitum, ut regnū pateret iustis. At verò sensus genuinus Pauli ægrē fert, ut aliam legem intelligamus, q̄ scriptam Moysi, eandemq; exclusiue. Quē sensum Ambro. & pleriq; alij agnoscūt. Nam etsi hoc à principio obseruauimus in Paulo, ut vbicunq; legem opponit gratiæ, tam naturalem intelligat, quā scriptā: hic tamē aperte discriminat inter illas, quantum ad peccati rationem, quod vsq; ad Euangelium durauit. Vnde quod prius dixit, vsque ad legem, illicò repetit, vsq; ad Moysen, per quem lata est lex: ut legitur Ioan. 1. Quin etiam nomen Moyses, pro lege ipsa usurpatum est, Luc. 16. Habēt Moysen & prophetas. Exponit itaq; prius peccati ingenium & cōditionem sub lege naturæ, vsq; ad scriptam exclusiue, & post inferius sub lege scripta, vbi ait, lex autem. & cat.

Diversitas interpretū.

Orige.

Sensus legitimus Pauli.

Discrimen

Discrimē pec- Discrimen autem est hoc, q̄ sub lege naturæ
cati ante & peccatum quidem erat in reputatione Dei, ta-
post legem. meti nō imputabatur inter homines: & hoc

tractat in hoc textu: adueniēte autē lege scri-
 pta, licet hominibus peccatum per ipsam in-
 notesceret, tamen vsque adeo non potuit lex
 ipsum superare, vt occasione ab eadē sumpta,
 magis etiā irroboraſceret, & exundaret atq;
 hoc infra proſequitur. Quam quidē peccati
 exaggerationē in hoc induxit, vt opulentiam
 magnificentiamq; gratiæ numeroſius ampli-
 ficaret. Sed est præterea figura locutionis ad-
 notanda. Videtur enim illos præuenire, qui
 dicere contrā poſſent, peccatum non fuiſſe
 cauſam mortis: pro eo quod ante legem scri-
 ptam, nullum erat peccatum (quia vbi nō est
 lex, nec præuaricatio) & tamē ab initio orbis
 mors ſemper ingruit in mortalium genus.
 His ergo reſpōdet Paulus, quod licet tunc ab
 hominibus nō reputaretur peccatum, erat il-
 lud nihilominus in reputatione Dei, cuius
 cauſa mors tunc regnabat. Eſt veruntamen &
 dubiū pariter, de quo peccato loquatur Pau-
 lus. Quidam enim, vt Chryſoſt. audiunt hoc
 de peccato originis ab Adam in nos deriua-
 to: alij verò de alijs, quæ poſt in ius naturæ
 perpetrabantur. At qui indubitato longē con-
 ſtantior eſt. luculentiorq; ſenſus prior: nam
 cū de peccato illo primo Adæ præfatus fuiſ-
 ſet, q̄ per illud mors introiuit, idem ipſum ait
 ſemper fuiſſe in mundo, per quod mors re-
 gnauit. Et nunc luceſcit ſenſus particulæ, non

Non imputa-
batur.

Ambro.

Dubitatio.

imputabatur, ſcilicet ab hominibus: quoniā
 in lege naturæ rariſſima tenuiſſimaq; erat no-
 titia originalis culpæ: vtpote quæ citra reue-
 lationem, quæ quibuſdā principibus viris fie-
 bat, per quos fortē diuulgabatur, haberi non
 poterat. Et ideo ait, q̄ non imputabatur, eo
 q̄ lex non erat, ſcilicet ſcripta, per quam illud
 innotuit. Poſſeſt nihilo ſecius & de peccatis
 actualibus (vti vult Ambr.) intelligi: ita vt ve-
 lit Apoſtolus oſtēdere, quemadmodum pec-
 catum illud primum Adæ indies adoleuiſſet:
 pluribus ſcilicet criminibus, ac ſcleribus per
 eius ſobolem coaceruatis enutritum eſſet &
 multiplicatum. Sed tunc non ita claret ſenſus
 verbi illius, non imputabatur, quia eiufmodi
 crimina non ſolum à Deo, verum & ab Ethni-
 cis hominibus imputabantur per legem natu-
 ræ, vindicabanturq;. Bina tamen eſſe poſſeſt
 expoſitio. Prior quod licet imputabantur, id
 eſt, agnoſcebantur ab illis mortalibus, tamen
 nō reputabātur peccata eſſe corā Deo: Nam
 etſi ſemel aut bis vltus fuiſſet illas iniurias,

vt in diluuiō, & in Sodōmīs, id tamē poſt ho-
 minibus tenuiter in memoria hæſerat. Et ſub
 notat eos forſan, quos Ariſtō. 5. Ethico. reſert
 in ea fuiſſe opinione, quod nihil eſſet natura-
 le iuſtum aut iniuſtum: ſed ſolum delinqui in
 leges humanas. Od idq; cum lex non eſſet, ſci-
 licet quam conſtaret à Deo præſcriptam, nō
 reputabatur, hæc ipſe curare, vt habetur Iob
 22. At quia etiam Gentes, vt in eorum extat
 hitorijs, non prorsus ignorabant Deorum
 vindictam, poſterior fortalſe præſtat expoſi-
 tio: nimirū quod nō imputabatur, ſcilicet ab
 hominibus: quia non legitimam attingebant
 rationem peccati, quæ in auerſione à Dei re-
 gula & voluntate conſiſtit, ob quod homines
 à regno in baratrum inferni relegantur, vt
 cap. 7. ſuper illud, Peccatum non cognoui ni-
 ſi per legem, apertius fiet. Quare neq; omnia
 peccata pro cuiusq; merito & grauitate (velu-
 ti Deus) exiſtimabāt, ſed illa tantum legibus
 cauebant, quæ tranquillitatem Reipublicæ
 perturbabant: vt furta, adulteria, homicidia,
 & id genus reliqua.

*Ariſtot. 5.
 Ethic.*

Sed regnauit mors ab Adam
 vsq; ad Moysen, etiam in eos qui
 non peccauerunt in ſimilitudinē
 præuaricationis Adæ, qui eſt for-
 mā futuri.

Duorū meminerat, peccati ſcilicet, & mor-
 tis, quorum alterum fuit cauſa alterius. Igitur
 cum de peccato conſtituerit, ante legē fuiſſe,
 ſubiungit & de morte, q̄ eodem ſeculo, puta
 vsq; ad Moſen, regnauit tanquam effectus &
 damnum atque vindicta eiufdem peccati. Et
 neq; hoc loco ſimillimi omnino ſunt enarra-
 tores: nanq; alij mortem hic ſpiritualem ſub-
 intelligunt: vtpote ipſa delicta. Hanc quippē
 mortem eò idcirco meditātur tunc regnaſſe,
 quod homines nō reputantes peccatum, ceu
 diuinam offenſionē, licentius, omniq; perfric-
 to pudore præcipitabantur in vitia. Sed ſe-
 cundū hanc expoſitionem non eſſet diuer-
 ſum pronuntiātū hoc de morte, ab eo, quod
 fuerat de peccato: ſiquidē iſtis idem eſt mors,
 quod peccatum: contrarium tamen videtur
 ſentire Paul. Alij ergo de tēporali morte hoc
 dictum putant. Iſq; niſi à Paulino propoſito
 declinemus, certiſſimus intellectus eſt. Proſe-
 quitur enim enarrare, quo pacto per pecca-
 tum inuecta fuerit mors, quæ in eius vltionē
 fuerat decreta. Dixit autē, nō ſimpliciter, fuit,
 ſed, regnauit, eo quod vniuerſo orbi domi-
 naretur,

*Dubitatio de
 qua moris.*

naretur, suāq; potestātē quasi vi quādā exerceret in omnes. Nam etsi peccatum quoque dicatur regnare (quoniā qui faciat peccatū, seruus est peccati) nō tamen regnat, nisi se homo voluntate illi subiecerit, per quam quoque voluntatem diuina præeunte gratia, potest se eius tyrannidi eximere: quamobrem & infra nos exhortatur Aposto. ne regnet peccatum in nostro mortali corpore. Mors autem post præuaricationem Adæ, quæ ius illi fecit regnandi aditumque velut tyranno pandit ad regnum, eo dominatur imperio, vt nullo spectato arbitrio nostro, vniuersos demetat. Nisi quipiam, vt Enoch & Elias, priuilegio fuerint exempti. Vel dicta fortē est, regnare vsq; ad Moysen, ad differentiam subsequētis inde seculi: eo quod cum ante legem perrara fuisset cognitio Dei (vt dictum est) rarissimi à morte æterna tunc liberabantur, quam diabolus, Aeuam aggressus, expetiuit potissimū & procurauit. Mors ergo tunc maximē regnabat, hoc est inualescebat, quādo temporalis mors suos plurimū mortuos in æternam illam transfinitebat, quam tentator potissimē procurauerat. Data verūtāmē scripto lex, vtcunq; hanc mortis tyrannidem suapte natura reprimebat, tū explicatius diuina mandata & fidem iustificatoris tradēs, tum (vt ait Orige.) purificationem peccatorum aperiens. Licet vsque ad Christum non fuerit omnino deuicta. Tunc nanque soluto precio, vitæq; foribus reueratis, iusti, qui, quasi in ymbra mortis, captiui tenebatur in limbo, in illam sunt inde cœlestem libertatem educti. (Etiam in eos qui non peccauerunt in similitudinem præuaricationis Adæ) Græcè, in similitudine, De hac veruntamen negatione, non diu lis fuit inter Patres. Ambros. enim eam expungit: quam in Latinis etiam codicibus de veteribus Græcis translatis ait minimē reperiri. In cuius sententiam citat Tertulianū, Victorinum, & Cyprianū. Origenes quoq; affirmatiuē legit, qui peccauerunt. Licet negationem in nonnullis exemplaribus haberi etiam agnoscat: quam idcirco lectionem haud prorsus aspernatur August. de pec. me. cap. II. Etsi sciam, inquit, plerosque Latinos codices negationem non habere: Græci autem codices, vnde in Latinam linguam interpretatio facta est, illam habent. Hæc illē. Et profecto mens Pauli in hanc negatiuam lectionem odedo propendet, vt citra violentiā, vix possit in alteram pertrahi, nisi & altera

Orig. eodem sensu exponatur. Origenis expositio

est, mortem regnare, non in vniuersos, sed in constantum, qui in similitudine Adæ peccauerunt, id est, in præuaricatores, qui se totā mēte peccato subiecerunt. Itaq; tam peccatum, quam mors pertrāsit quidē in omnes, quoniam & iustos quoq; leuiter attingit: regnat autem non nisi in illis, qui in vitiis obstinati perseverant, Vnde Paul. Non regnet peccatum, &c. Quē ferē intellectum sequitur Ambros. dicens in eos duntaxat regnare mortē, qui (vt dixerat Apost. cap. I.) cōtempto creatore, Deos sibi constituerunt, quos in iniuriā veri Dei colerent. Hos etenim existimat Ambros. peccare in similitudine Adæ, qui diabolo obediuit. Hæc veruntamen glossæ nō sunt ita multū Paulino proposito affines. Primò quod si de mortis regno distinguere volumus, ita vt non in omnes, sed in aliquos dominium obtineat non aliter id commodē fieri potest, quā si dicamus, non regnare in prædestinatos, quorum mors, quæ transitus est in vitam æterhā, dormitioni assimilatur: regnare autem in eos tātummodo, qui extra gratiam Dei obeuntes in perpetuam mortē destinantur: hi autē, neq; sunt soli idololatæ, neq; verò omnes. Possunt namq; & illi in mētem sanam redire. Addē, quod neq; omnes illi qui dānantur, neq; soli, delinquū in similitudinē Adæ: nam eius præuaricatio neq; fuit idololatria, sed gula vel superbia: neq; ita fuit obstinatus, quin statim ipsum facti poenituerit, vt in historia sacra legimus. Ob idq; neq; regnabit eo sensu in illo peccatū, quo admonet nos Paul. ne regnet peccatum in nostro mortali corpore, neq; regnauit in eo taliter mors, vt fuerit dānatus: quandoquidē auctoritas inducta Sapiēt. x. io. insinuat, fuisse saluū. Inter eos ergo qui similiter peccauerunt, multi sunt, in quos minimē regnauit mors in hoc sensu: sicuti neq; regnauit in illum: & eorundē itē qui superbia & gula, vti ille, peccāt, multi sunt in quib⁹ aliter regnauit mors, q̄ in illo. Et vice versa inter eos qui dissimiliter peccauerunt, cōplures reperias, in quib⁹ regnauit tam peccatū, q̄ mors. Iam verò, quod postremū est argumentū, Paul. citra discriminē in vniuersos innuit peruasisse inualuisseque mortē, qui in Adam peccauerunt. Inest igitur germanus sensus pauli in negatione. Etenim ne de infantium morte, in quib⁹ nullum apparet peccatū, argumentū fumeretur, quod mors non acquisiuisset ob peccatum, ius regnādi, ait, quod illos quoq; depascitur mors propter peccatum, licet nullam legem instar

Ambros.

Reprobatio.

Ambros. & Orige.

August.

Ver⁹ sensus.

Adæ propriæ voluntatis actu transgrediantur: eo nimirum quod omnes, ac ideo illi, in Adam peccauerunt. In hoc enim superiori pronuntiato explicando persistit. Atqui, intellectus hic adeo est paulo proprius, ut illi etiam qui negationem expungunt, ad eundem ferè cogantur reuerti. Videlicet mortem regnare in eos omnes, qui peccauerunt in similitudine Adæ, hoc est, qui tanquã progenies illius, eiusq; adeo præuaricationis rei, nascuntur illi similes. Vnde Theophy. ipse qui affirmatiuè legit, eò inquit Adæ similitudine, vel

Theoph.

Contra quosdam
neotericos.

In similitudinem.

Collatio
Christicum
Adam.

1. Cor. 15.

cæteri omnes crimine obstringuntur, quod cum Adam, tanquam progenitore, sunt peccati participes. Atqui, p hoc denuo & Pelagiani conuincuntur, & pude fieri quoq; deberent catholici, qui defendunt hoc loco agere Paulum non de peccato illo Adæ, genus humanum contaminante, sed de peccatis, quæ eius imitatione perpetrantur: quãdoquidem in eos ait Paul. Regnare quoq; mortem, qui non peccauerunt similitudine & imitatione Adæ. Sunt qui particulam, in similitudinem Adæ, sic diuertunt, ut non proximo verbò, peccauerunt, sed remotiori, regnauit, adiungant: ut legant: regnauit mors in similitudinem Adæ. In hac verò cõtextura nihil est probabilitatis. Neq; Chryf. (vt quidam putant) penitus inspectus, vllò modo huc conuiuet. (Quæst forma futuri.) Supple, Adæ. Etenim ob similitudinem, Christum appellat nouissimum Adam. 1. Cor. 15. Est enim antithesis, omnium, quæ excogitari possunt, pulcherrima atq; illustrissima & commendatione dignissima: utpote inter hominẽ & Deum, inter creaturam & creatorem, inter duo vtique diuersissima capita culpæ & gratiæ. Hæc autem analogia & forma multis nominibus cõstat. Primum sicuti terrenus Adam absq; patre de incorrupta terra, diuino munere plasmatus est, ita & cœlestis Christus de intemerata virgine, obunbratione Sspiritus sancti, genitoris vice fungentis est genitus. Mox sicut ille positus est veluti initium animalis vitæ, ita & hic sicuti fons spiritualis salutis: nã primus factus est in animam viuẽtem, nouissimus verò in spiritum viuificantem. Deinde sicut vxor illi de latere dormientis extructa est in officium propagandæ sobolis, ita & Christo de latere dormientis promanauit sponfa Ecclesia, quæ per aqua & sanguinis sacramenta prolem illi regneret. Præterea sicuti ille præscriptum Dei esu ligni transgressus, nos omnes, anteq̃ in lucẽ aditi quicquã

mali propria volũtate admitteremus, immerentes peremit, ita & nos Christus in ligno crucis voluntati obtemperas patris, antequã nasceremur ac bonũ faceremus vllum, quantum in se fuit, viuificauit. Quocirca sicut per vitiatã illius seminationẽ latente culpa nascimur filij ire, ita & per sacra Christi ablutionẽ occulta gratia renascimur filij Dei. In summa, per illius infirmitatẽ mors, & per huius potestatem resurrectio mortuorum. 1. Cor. 15.

Sed non sicut delictum, ita & donũ: si enim vnus delicto multi mortui sunt, multo magis gratia Dei & donũ, in gratia vnus hominis Iesu Christi in plures abundauit.

Hæc tertia sectio earum est, & postrema, in quas capitulum hoc dispersiti sumus. Tertia pars capituli.
Etenim, postquã in prima recensuit Apostolus bona quæ fidei beneficio recepimus, & in secunda enucleauit rationem originalis culpæ, atque per magna exaggeratione detrimenta eius & incommoda explicuit, in hoc residuo excellentiam mirificam & exuberantiam gratiæ Iesu Christi dignissimè extollit & amplificat: nimirum vt significantissimè patefaciat, quantò fuerit maior virtus nouissimi Adæ, quàm p̃imi infirmitas. Enimvero si collationem hanc Christi cum Adam in genere spectes, similitudines cernes, quas suprà commemorauimus: si verò rem in specie penitus inspicias, similitudinem deprehendes inter res longissimè dissimiles. Subest enim sub similitudine illa, quæ vterque fuit origo & fons, tum contrarietas maxima, quod alter fuit origo humanæ culpæ, condemnationis, & mortis, alter verò diuinæ gratiæ, & liberationis, & vitæ, tũ etiã longissimus excessus in forma. Igitur vbi primum similitudinẽ nominauit, scilicet quod Adam fuisset forma Christi, statim subdit dissimilitudinem & excessum: Fuit enim similitudo in causis, contrarietas in effectibus, & excessus in modo profusionis culpæ & gratiæ. Constituit ergo primum exuberantissimam copiam gratiæ in expurganda originis contagione, & eadẽ post in diluendis actualibus criminibus, quæ legis occasione succreuerunt. Illic, lex autẽ, &c. Connectit autem tres, quatuorve ex ordine comparationes lucidioris expositionis gratia, Est veruntamen memoria

ria retinēdū, quod sicut duo summam fecerunt damna, quę nobis dedit Adam, utpote peccatū & mors, ita & beneficia Christi fuerunt gratia & vita. Prima ergo cōparatio est inter Adę delictum & gratiā Christi, quatenus causę sunt mortis & vitę, quę in multitudine profusę sunt: nēpe quod nō sicut delictum, ita & gratia. Lapsus enim culpę ab infirmitate humana processit, gratię verō cumulus ex omnipotētia diuina, quę multo est maior in subleuāda creatura, q̄ infirmitas in deprimenda. (*Si enim vnus delicto, etc.*) Id est si vnus culpa multos potuit perdere ac mortis vinculis irretire, multo magis gratia Dei & donum in gratia vnus hominis Iesu Christi in plures abundauit, hoc est, affluentius exuberauit in vitam. Siquidem gratia Dei ex perenni infinitoque bonitatis fonte per suum vnigenitum deriuata, infinito interuallo potentior est, quā culpa imbecillitatis humanę: iuxta illud. 2. Corinth. 9. Potens est Deus omnem gratiam abundare facere in vobis. Eo vel maximē quod misericordia Dei & benignitas latius patentiusq; diffunditur, quā vltrix iustitia. Nā visitat Deus iniquitatem patrum in tertiam & quartā generationem: verbum autē & testamentū gratię, quod mandauit ad Abrahā, illud, inquit, Gen. 4. David, vsq; in mille generationes. Quāobrem ingēs fuit blasphemia illa Cain, Maior est iniquitas mea, q̄ vt veniā merear. Ait verō, gratia & donum, vel quod donum definitio est & expositio gratię, vel quod illa ad remissionē culpę refertur, hoc verō ad alia beneficia & dotes, quib⁹ iusti insuper cumulat⁹ donantur. Est & præterea luculētissima oppositio gratię & doni contra delictum. Hoc quippe propria fuit Adę, tū volūtate, tū infirmitate cōmissum, nobisq; in nocumentum & perniciē: gratia verō suprà nostras nobis vires grauitō impensa, tanq̄ beneficium Dei. At meditanter audi, quod ait, Gratia Dei in gratia Christi, vbi recolendum illud est, quod ca. 3. super verba, Iustificati gratis per gratiā ipsi⁹, speculabamur, videlicet quod quauis gratia Dei salui facti sumus, nō tamē tali gratia, in qua nō intercesserit summa Christi iustitia. Ob idq; ait, gratia Dei, donantis, scilicet nobis satisfactorem atq; adeo hospitalem & propitiorem nostrum, in cuius membra gratis quoq; recepti, & ab Adę contagio seruamur, & amplissimis ditamur gratię diuitiis. Nam de plenitudine eius nos omnes accepimus. At dubium profectō restat expli-

catu dignum, in quo hęc excellentię compa- *Orige. & Ambros.* ratio consistat inter delictum & gratiam. Origenes, nanq; & Ambrosius hanc gratię prælationem meditati sunt in illo comparatiuo, plures videlicet quod Adę culpa diffusa est in multos, gratia verō Christi in multo plures. Hærent nanque semper in ea expositione regni mortis, quę secundum illos non patuit in omnes, sed in idololatrias, & fortē in reprobos obstinatos, quos solos arbitrantur in similitudinem Adę peccasse, gratia verō Christi non solum ad huiusmodi scelerum & impietatum remissionem protenditur, verū & ad remissionem aliorum cuiusuis generis criminum. At verō August. lib. 1. de pecc. me. *August.* cuius sententiam cœtus ferē Theologorum in hac meritō expositione amplectitur, non accipit nomen, plures, comparatiuē, sed vt idem sit quod, multos: est enim mens Pauli iam suprà referata, quod mors regnauit in vniuersos, qui in Adam peccauerūt peccato illo per originē transmissō in totū genus humanū: atq; ideo non sunt plures, (vt ait illic cap. 11. qui gratiā Christi redēptoris eiusdē humani generis receperūt: imo pauciores, quoniā nō omnibus filiis Adę fides Christi licet affulsit, vt gratię redēptionis fierēt participes. Nisi ad angelos fortē appellaueris, quos dicas in gratiā quoq; Dei, merito crucis fuisse receptos. Hoc verūtamen nescio, cui fiat persuasum: quippe cum Christus nō angelorū, sed noster prorsus redēptor aduenerit. Nāq; vel si Adam non peccasset, neutiq; Christus fuisset carnem indutus (vt vult clarē Augu.) vel saltem modō non nisi ob nostram venit salutē, Nullā enim præterea aduentus sui causam confitemur in symbolo. Excessus ergo & præstātia gratię non collocatur in numero, sed in hoc, qd si vna culpa potuit gen⁹ humanū in mortē adigere, longē tum facilius, tū efficacius & copiosius poterit nos gratia in vitam restituere, secundum illud Ioan. 10. Ego ueni, vt vitam habeant & abundantius *Ioan. 10.* habeant. Dixit autem, multos, & plures, non ob mysterium aliud, quā vt respondentem loqueretur ad id quod dixerat, vnus delicto & vnus gratia. Vnde sicut hic ait, vnus delicto multos fuisse mortuos, ait Hebræ. *Heb. 2.* 2. de Christo, quod multos filios in gloriam adduxit. Sed est forsan, qui sic reclamet. Ergo gratia non fuit augustinior, quantum ad numerū, sed angustior & breuior, quā virtus delicti: quādoquidem culpa Adę vniuersos mortales infecit: gratia verō Christi non

omnib⁹ obtingit, imo multo in minori sunt numero, qui ea potiuntur, quàm quib⁹ applicatur. Huic autem respondendum dixerim, quòd non facit collationem Paulus in hoc, quòd gratia in effectu applicita fuerit pluribus, sed in eius ingenio vigore & virtute. Nèpe quòd suapte natura sufficientissima de se est, vt filios Adæ vniuersos reducat in vitam, quos ille perditos coniecit in mortē, atq; id multò potentius. Qui quidem genuinus sensus illius sententiæ est. 1. Ioan. 2. Ipse est propiciatio pro peccatis nostris: nō pro nostris autem tantum, sed etiam pro totius mundi.

1. Ioan. 2.

Quòd si sint, qui hoc beneficio non fruātur, sua ipsorū est culpa: nam vt est in Osea. Perditio, tua Israel: tantummodo in me auxilium tuū. Quocirca hic tam, multos, quàm, plures, pro omnib⁹ fortasse vsurpatur. Et si iniquorum culpa fiet diuortium illud Ioan. 5. vt in vltima resurrectione alij per hanc gratiā & donum Christi procedant in resurrectionē vitæ: alij verò eiusdē gratiæ indigni, in resurrectionem iudicij.

Osea. 13.

¶ Veruntamen restat hic dubitatio de hac excellentia gratiæ. Mors etenim, qua nos Adā implicuit, duplex fuit, dum nos & iure depulit sempiternę vitæ, & in ditionē tēporarię mortis addixit, nam de vtraq; illud intelligitur cap. 6. Stipendiū peccati, mors) gratia verò nos Christi, licet in ius illius vitę cœlestis restituerit, ab hac tamen præsenti morte non eripuit: nō ergo validior fuit gratiæ virtus, quàm violentiā culpæ, Præterquam quòd iustitiam originalem, qua dispoliati sumus, nunquam per gratiam Christi recuperauimus. Responso est, quòd donum originalis iustitiæ, quod primos parentes in ea immortalitate constituerat, vt possent non mori, & inferiorem partem hominis, rationis ordini subiugauerat, licet fuisset conforme naturæ animæ rationalis, erat nihilominus (vt præfati sumus) supernaturale: Atqui cum beneficium redemptionis nō fuerit instaurare naturam quantum ad intrinseca eius principia & natiuam conditionem, sed tantum quatenus ad sempiternam illam cœlestem vitam, qui erat supremus finis terrenæ immortalitatis, nō est nobis omnis ratio originalis iustitiæ refarcita. Expediebat enim ita cui naturæ lapsæ, hominem in sua mortalitate relinqui, in qua caro ad exercitium virtutis cum ratione cōfligeret, vt qui munere illo tranquillæ mētis præ sua superbia perfrui nesciuerat, tantorum modò malorū turbulentia humiliat⁹, diuina auxi-

lia & beneficia pluris pēderet, quibus suffultus mortale corpus laboribus & officiis militiæ huius maceraret, conficeretq; ac demū per Christi gratiam, sempiternam immortalitatem promeretur. Vbi corpus, quod seminatur animale & mortale, resurgeret spirituale & immortale. Et ideo licet nos gratia Christi in huius immortalitatem vitæ nō reduxerit, nihil ideo hoc detrahit gratiæ Christi, quominus fuerit efficaciæ maioris, quàm culpa: nam vita hæc nihili penditur apud Deū, nisi quatenus transitus est ad beatam illam cœlestem, in qua nos Christus vniuersos, quantum in se fuit, ad maiusque gloriæ culmen tam corporis, quàm animæ reuocauit. Id quod paulò adhuc inferius amplius explicabitur super verbo, vbi abūdauit delictum, superabundauit & gratia.

Et non sicut per vnum peccatum, ita & donum: nam iudiciū ex vno in condemnationem: gratia autem ex multis delictis in iustificationem.

In superiori cōparatione collata est gratia cum culpa secūdum effectus vitæ & mortis: in hac verò confertur secundum iustificationem & condemnationem. In Græco non est, Per vnum peccatum, sed, per vnum peccantem, Quemadmodum legit & hic Ambros. & de pec. me. Augu. Seu potius, per vnū qui peccauit. Est enim participiū actiuum præteritū: estq; consonantius superiori verbo, per vnum hominem. At forsan nostri interpretis codex nō habebat nisi, per vnum peccatum, etsi eodem litera hæc prorsus recidat. Præterquam quòd nomen nomini congruentius respondet, videlicet, & nō sicut per peccatum, ita & donum, & significatius exprimit vnū illud peccatum primum, quò fuimus omnes irretiti. Porro particulæ, ita, &, adiectæ sunt ad Græcum textum claritatis gratia. Alij verò licentius textum hunc adaugēt, quàm par fuerat, hoc modo, Et non sicut per vnum qui peccauit venerat mors, ita donum. In textu enim non est nisi, & nō sicut per vnum peccatum, seu qui peccauit, donum. Vbi comparatio manet pendula, nec satis definita, an intelligenda sit, vt isti volunt, & non sicut per vnus peccatum venerat mors. Quam idcirco cōparationē nullo modo illis licuit, sed fuit plusq̃ temeritas, coarctare in ipso sacro contextu. Præsertim quòd non tam ad mortem

Contra quorundam licentiam.

Expediebat hominilapsō esse mortali.

tem in priori comparatione memoratam ar-
ridet collatio hæc, quàm ad damnationem
& iustificationem subiunctam. (*Nam iudicium
ex vno, &c.*) Ac si dicat; Non qualis fuit per
vnius peccatum condemnatio, talis præcisè
fuit iustificatio. Nam iudiciū ex vno, scilicet
delicto, non, ex vno homine, vt August. de
nup. & concup. lib. 2. adnotauit: respondent
enim sibi mutuò, iudicium ex vno, & gratia
ex multis delictis. (*In condénationem*) videli-
cet multorum hominum: illud enim vnicum
fuit delictum, ob quod fuimus omnes iudica-
ti damnatiq; & iure hæreditatis cælestis eie-
cti, gratia verò contrà ex multis in iustifica-
tionem. Siquidē non modo ab illo nos tan-
tū Christus relaxauit, sed ob omnib⁹, quæ
per se vniuersi mortales suapte sponte vel
commiserant, vel commissuri erant. Forma
veruntamen loquendi in hoc textu verbum
desiderat, processione significans, hoc pa-
cto. Nam iudicium ex vno delicto emanauit.

*Condemnatio
& iustifica-
tio.*

1. Ioan. 2.

quò nos omnes in condemnationem delati
sumus, gratia verò Dei ex multis nos eripiēs,
ad iustificationē perduxit: fuit enim propi-
ciatio (vt ait Ioan.) pro peccatis totius mun-
di. In hac verò comparatione hoc obseruan-
dum est, quòd condénatio nō accipitur pro
sententiæ executione, quæ quidem executio,
supplicium est: nam tunc non è regione om-
nino & ex æquo respōderet illi, iustificatio:
nimirum cum supplicio præmium debeat cō-
trà locari: iustificatio autem, non præmium
est, vt quam nullum antecedit meritum, sed
est via ad præmium æternum. Sed accipitur
pro sententiæ prolatione, tunc enim appositè
& perpulchrè se mutuò cōspiciunt. Est enim
iudicij terminus, vel condénatio rei, vel abso-
lutio, quæ hic scripturæ more (vt suprà dictū
est) iustificatio nuncupatur. Quamuis condē-
natio forsan pro sententia corporalis mortis
hic vsurpetur, quæ in pœnā efus de ligno ve-
tito, posita erat. At, quia recompēsatio illius
facta non fuit à Christo per huius seculi vi-
tam, sed per illam cuius sumus in cœlo poti-
turi, ad quam per solam nobis iustificatio-
nem aditus fit, iustificationem obiecit condē-
nationi. Atqui & hunc quoq; locum Auguf.
lib. 1. de pec. me. cap. 12. aduersus Pelagia. opti-
mè ponderauit. Etenim si sermo hic Paulo
esset de peccatis, quæ per imitationem Adæ
increbuerūt in orbe, neq; dixisset in superio-
ri comparatione, quòd vnius dilecto multi
mortui sunt, sed potius ob sua cuiusq; delicta
propria: neq; verò in hac, ex vno delicto iu-

diciū in condemnationem, gratia verò ex
multis in iustificationem: quippe cū sicuti
gratia à multis nos seruat delictis, ita & in iu-
dicio damnationis, vindicta de vniuersis cri-
minibus sumitur. Edocet ergo hic dilucidè
Paulus, vnum fuisse tantum delictum in nos
omnes exundans, cuius scilicet rei facti, pœ-
na illa damnati sumus; In quocunq; die co-
mederis ex eo, morte morieris: paradisoque
vtraq; sumus exclusi, tam cœlesti, quàm ter-
rena. Cum hoc itaq; delicto Paulus hic gra-
tiam confert, quæ non solum hoc, sed quanta
fuerit actualium congeries, quæ homines suo
arbitrio coaceruant, delet. Vnde alia statim
effulget gratiæ præminentia & magnificen-
tia. Nimirum quòd illa originis culpa tātū
non cœlo depulit, ob quam tamen, si verum
habet vniuersalior opinio, nullos præter
carentiā diuinæ visionis patimur cruciat⁹ in-
ferni: grā verò ab illis nos liberat quoq; scele-
ribus, quæ illuc nos in supplicia obtrudunt.

Gene. 1.

*Alia gratiæ
p̄minentia.*

Si enim vnius delicto, mos re-
gnauit per vnum, multo magis
abundantiā gratiæ & donatio-
nis & iustitiæ accipientes, in vita
regnabūt per vnū Iesum Christū.

Optimo ordine quasi scala quadam tres
dissimilitudinis comparationes disposuit. Pri-
mū nanque gratiæ prærogatiuam genera-
liter in hoc constituit, quòd non sicut mors
per delictum, ita & per gratiam, supple, vita
facta est. Deinde quòd non sicut ex vno de-
licto processum est ad condemnationē, quæ
inflictio est mortis, ita ex vno, sed ex multis
delictis per gratiam remissio facta est in iu-
stificationem. Nunc demum, quia non so-
lūm mortis, sed regni quoque mortis memi-
nerat, illuc respiciens ait, quòd si vnius deli-
cto mors regnauit, hoc est, iure acquisito in-
gressum habuit per vnū, multo magis abun-
dantiā gratiæ accipientes regnabunt in vi-
ta. Et est pensiculatiū considerādum, quòd
in superioribus solius gratiæ mentionem fe-
cerit, hic elucidationis causa ait, accipientes
gratiam. Nimirum vt perpendamus nemi-
nem per se gratia in vitam restituere, nisi cui,
vel per sacramentum, vel, si rationis fuerit
compos, per suam sibi etiam assensionē par-
ticipetur: neque is fruatur perpetua vita, nisi
subsidio deinde fauorēq; eiusdem gratiæ of-
ficiis incūbat, operibusq; iustitiæ. Quare non

Tria mēbra.

solum dixit, accipientes gratiam, hoc est, cōdonationem peccatorum, quæ ex gratia fit, sed abundantiam gratiæ, ad iustē, scilicet quæ iusta sunt, exequendum. Sunt qui tria membra hic connumerent, videlicet gratiæ, & donationis, & iustitiæ: quorum est Ambro. At tamen in Græco non est secundo loco coniunctio: vbi ideo vnicum est membrum, donationis iustitiæ: siue sit descriptio illi⁹ quod præcesserat, ac si dixisset, abundantiam gratiæ, quæ est donatio iustitiæ: siue gratia referatur ad remissionem culpæ: donatio verò iustitiæ, ad auxilium gratiæ nobiscum cooperantis ad progressum iustitiæ. Haud tamen vnquam mediatoris oblitus, subiungit. (Per vnum Iesum Christum) Respondenter ad id quod de morte dixerat, per vnum hominē.

Initia regni
cælorum in
hac vita.

Hoc autem regnum vitæ per Christū, quod ipse appellauit regnum cælorum, in hoc quidem seculo haud infima habet initia: dum vtique iusti carnis affectionibus imperant, eiusque edomātes insultus pacata sunt mente, & veluti animi compotes, sui que ipsorum domini, in pace conquiescunt. Nulla eos miseria premit, nulla, vel calamitas perturbabat, vel ledit iniuria, nulla itaque tangit iniqua fortuna. Vnde illud, Seruire Deo regnare est. Cuius vtique regni libertatem expertus Apostol. Qui nos, inquit, separabit a charitate Christi? At verò consummata possessio tunc habebitur, quando tradiderit regnum patri. Et ideo de futuro ait hic Paul. In vita regnabunt, scilicet in illa beata, vbi ab omni mortis periculo & lege securi & tuti degent: nimirum vbi Christus erit rex omnium, iusti verò inferioribus absque ambitione prelati, superioribus absque rebellionē subditi, secum adeo quieti, suo cuiusque ordine singuli reges. De qua porro regnorum permutatione mortis & vitæ in sua Apocalypsi Ioan. cap. 20. resurgentes mortuos contemplatus, In his, inquit, scilicet beatis, secunda mors non habet potestatem, sed erunt sacerdotes Dei & Christi, & regnabunt cum illo mille annis, hoc est, seculis infinitis. Et nuncupat secundam mortem, non tam itera tam hanc separationem animæ a corpore (licet neque hanc vnquam rursus experientur) quam miserandam illam inferni, in quam iniquos mors hæc temporaria transmittit. Vnde Paulus, Omnes quidem resurgemus, sed non omnes immutabimur.

Seruire Deo.

Apoca. 20.

in omnes homines in condemnationem, sic et per vnus iustitiā, in omnes homines in iustificationem vitæ. Sicut enim per inobedientiam vnus hominis peccatores constituti sunt multi, ita & per vnus obeditionem iusti constituentur multi.

Collationem demum hanc, non superuacaneā existimes repetitionem, sed certē pulchram superiorū, tum collectionē, tum explicationē & cōclusionem. Est autem textus bimēbris, cuius prior pars propositio est cōclusionis, posterior verò eiusdē cōfirmatio. Præmiserat in cōparatione prima, quod si vnus delictō multi mortui sunt, multo magis gratia Dei in gratia Iesu Christi in plures abundauit: nunc verò quod dixerat, multi, & plures, apertius ait, omnes. Nam (vt præmonstratū est) in omnes inualuit tam mors per Adam, quam per Christū vita. Siquidē vt omnes in Adam peccauimus, ita & Christus propitiator est pro peccatis totius mūdi, & vt ait Paulus. 1. Timot. 4. Saluator omnium hominū, licet ex eo quod omnes hoc beneficio participant, adiecerit, Maximē autem fidelium. Et quod antea dixerat, in gratia Iesu Christi, patentius nūc repetit, dicens, per vnus iustitiā, quandoquidē (vt illic dicebā) in illo gratiæ culmine cumulatifima extitit, cōsummatissimaque iustitia. Et quod dixerat, abundauit, luculētius hic pari modo resumit, nā abundauit, inquit, in iustificationē vitæ. Allusit autē ad vitā eternā, quæ in hoc mūdo non donatur, sed iustificatio, per quā introitus ad illā aperitur. Qualis autē deimū fuerit culpa delicti, quātumque iustitiæ meritū, explicatissimē in specie subnectit (Sicut enim per inobedientiam, &c.) Fuit nāque vt delictū, inobedientia: ita & antidotum, obedia. Etenim esus arboris natura sua & obiecto nō fuisset delictū, nisi quia prohibitus. Et ideo nō nominatur hic gula, sed inobediētia: iuxta illud Gen. 3. Quia audisti vocē vxoris tuę. &c. Neque illud obstat Eccli. 10. Initiū omnis peccati superbia, quod Theologi de primo, tum angelorū, tum hominū crimine interpretātur. Nam primus superbiæ illius motus (authore. 2. super Gene. Augustin.) fuit elatio, qua noluit subesse & obedire. Quinimo, si adicere vllam hic coniecturam

1. Tim. 4.

Gen. 3.

August.

Igitur sicut per vnus delictū,

*Authoris cō
iectura de
inobedientia
Adæ.*

iecturam licet, noluit fortè non tantùm præcepto, verùm neq; diuinæ gubernationi subesse, Interdixerat enim eum Deus gustu arboris scientiæ boni & mali, vt homines curam sui ipsorum penes Deum ipsum esse, intelligerent, cui se ideo & sua, veluti cæci, ductori fiderent & committerēt: ille autem primus parens audito quòd aperirētur illi oculi, sciretq; vti Deus, bonum & malum, eo superbiæ ellatus est, vt fortasse cogitaret, absq; Dei ducatu & adminiculo se per se posse deinceps gubernare inter bonū & malū. Quā ob impietatem denudari meruit supernaturalibus illis dotibus ac præfidiis, vt à Deo desertus, quàm esset naturæ imbecille & fragilis, experiretur. Vt autē eo, vnde discessimus, regrediamur, cōtrario modo & Christi iustitia, obediētia fuit. Nam sicut mandatū dedit, inquit, mihi pater, sic facio. Est autem vt transgressio mādatorum, illegalis iniustitia, ita & obediētia, iustitia legalis: vt docet Ari. 5. Eth. Vnde Christ⁹, Sic decet nos inquit, adimplere omnē iustitiam. At verò interuallū immensum inter inobediētiā Adæ, Christi q; obediētiā, neq; angelus valet pro dignitate æstimare. Fuit nāq; vt illius inobediētia, grauissima, ita Christi obsequiū, stupēdū maximè. Nam cum Deus illum de luto finxisset, omnigenæ nihilomin⁹ cognitionis splendore illustrasset, iustitiæq; dotasset insignib⁹, & velut humani generis caput munificentissimè honestasset, vnus præterea interdicto esu ligni, idq; sub mortis cōminatione, reliquas illi cūcti generis arbores permisisset, illam tamen imple nequiuit præceptiunculam ferre, sed dum vxori à diabolo seductæ auscultauit, creatorem abnegauit suum, seq; adeò vno facinore genusq; suum cum vniuersa progenie perdidit. Sed age quàm fuerit hac inobedientia offensus Deus, quàmq; in nostrum omnium mortalium genus infensus, de contraria obedientia Christi perpendamus, quæ ad nostram reparationem operæ precii fuit. Haud enim antea placatus est, quàm fuerit iustitia eius ad omnes vsque numeros refarcita, per obediētiā nimirum haud alius, quàm vni geniti filij sui. Is enim cum natura sua parere nequisset, nostram pro nobis in similitudinem eiusdem peccati assumpsit, in qua posset obediens esse patri, cui erat æqualis, vsque ad mortem crucis: vt homo qui diuinæ cuiuspiā æqualitatis cupidus in lignum impeggerat, mortemq; ideo incurrerat, in ligno quoq; per eundem à se offensum Deum, gratiam

recuperaret & vitam. Ecce quemadmodum per illius hominis inobedientiam peccatores constituti sumus, in quo pro conditione sua, vel maxima fuerat obsequendi ratio, perq; illius obeditionem iustificati, qui præ maiestate sua obedire non poterat, nisi formam Dei pro nobis exinanisset. Ecce itaque periodi conclusionem hucusq; protractam. Dixerat enim, Propterea sicut per vnum hominem peccatum, &c. Concludit iam demū, sicut per inobedientiam vnus hominis peccatores constituti sunt multi, ita & per vnus obeditionem iusti constituētur multi. Est autem animaduertēdum hoc quod dicit, peccatores. Non enim ait solū, In mortem aliāsvē molestias, ac pœnas peccati adacti sumus, sed, peccatores constituti. Non ergo solū pœnis subiecti nascimur, verū & culpa infecti. Id quod præterea adnotādum est in eo quod ait, constituti. Vnde palām colligitur, de peccato originali loqui: nam, constituti, idem sonat, quod citra filiorum consensum parentis inobedientia rei facti anteaquā nascerentur: sicuti & obedientia Christi pari contrā forma iustos nos absque nostris constituit meritis. Quocirca nō solummodo ad adultos, sed etiam vsque ad infantes ante vsum rationis tam gratia hæc protenditur, q̄ illa culpa. Igitur depudēda est eorū catholicorū audacia, qui Pelagio hic fauentes aiunt, nō ita clarè hoc loco Paulū loqui de peccato originali, quin possit de peccatis per imitationem glossari. Atqui deberemus per hæc tandem satis superq; esse cōmoniti, quàm sit nostra miserorū rebellio detestāda. Factus est Deus obediens vsque ad necem crucis, vt nos suæ faceret consortes diuinitatis, atque adeò donaret æterna vita: nos autem peruersa vice tot illi nominibus debitam obedientiam sic passim subtrahimus, vt in obstinatā naturam dæmonum degenerantes, prolabamur in æternam mortem.

*Cōclusio pe-
riodi, sicut
per vnū ho-
minem.*

Peccatores.

*Quorūdam
impudentia.
Humanare-
bellio.*

Lex autem subintravit, vt abundaret delictum.

Vbi dixerat, per vnum hominem ingressum fuisse peccatum, illicò duas temporis differentias insinuauit in progressu peccati: alteram vsque ad legem, de qua differentia hætenus disseruit, alteram post datam legem Mosi, cuius amodò sermonem prosequitur. Quum enim asseruerit per gratiam Christi iustificatum absolutumque humanum genus non solū ab illa culpa, qua

Ioan. 14.

*Arist.
Mat. 3.*

*Inobedientia
Adæ & obe-
diētia christi*

*Quàm offen-
sus Deus.*

per Adæ delictum fuerat infectum, verum & ab aliis, quæ per propriam voluntatem admiserat, reclamare Iudæi poterant, id non nisi de peccatis Gentium in lege naturæ probabilitatem habere: causantes quod ipsi per legis scriptæ meritum vetusti originalis peccati veniam consequerentur, perque eius vigorem noua cauere poterant: aliâs incassum illis fuisset à Deo data. Vel responderet Paulus, quodnam tunc fuisset legis emolumentum. Respondet ergo, ad eam legem abfuisse eiusmodi facultatem, ut etiam subintraverit, ut abundaret, hoc est, exaugeretur delictum.

Chrysost. Chrysostom. obseruat, quod non dixit, data est, sed, subintravit, eo quod non in perpetuum, sed ad tempus fuerit posita. Attamen Euangelista non abhorruit à verbo, data, ubi

Ioan. 7. dixit, Lex per Moysen data est. Et Christus, Nonne Moyses dedit vobis legem, Neque ex eo dicitur subintrasse, quod latenter fuerit indicta, quippe quæ, & in monte, & tonantibus fulgurantibusque nubibus, atque buccinæ clangore fuit publicitus promulgata: sed dicitur subintrasse, vel propter latentiam, quæ coelabat arcana. Vel, subintravit, nihil habet mysterij, sed idem valet, quod subsecuta, seu superinducta est legi naturæ. At de hoc paulopost. ¶ Quomodo autem ad hoc fuerit subingressa, ut abundaret delictum, hoc plus prima facie ambiguitatis iniicere videtur. Hinc enim Marcio & Manichæus cæ-

Orig. contra Manicha.

Legitimus sensus.

teri; hæretici cōminiscebantur malignitatem legis, utpote quæ iniqua intentione fuisset posita. Qua de causa Orig. non de lege scripta hunc locum commentatur, sed de lege membrorum, quæ pugnat aduersus spiritum. Atque hanc subsequenter crebro agnoscit legem, ubicunque les inducitur ut occasio peccandi. At verò planus sensus est, quem post Chrysostomum, August. cæteri; Patres amplexi sunt, videlicet quod intelligitur de lege veteri: attamen coniunctio, ut, non est causalis, sed significat euentum, puta quid per vitium hominum occasione legis fuerit subsecutum: id quod infra cap. 7. copiosius edisserit Paulus, ubi ait, quod lex quidem sancta est & mandatum sanctum, licet prauis hominibus fuerit occasio peius offendendi. Fuit enim intentio Dei, per legem aperire diuersitatem recti & prauī, ut facilius homines & declinarent malum, & sequeretur bonum, deinde quoque aduentum prænunciare saluatoris. Ob idque hominibus bene natis, recteque institutis nulli fuit occasio mali, sed

plurimi causa boni. Vnde Gala. 3. Lex pedagogus noster fuit in Christo. Quoniam per per moralia præcepta instituebatur populus ille, & per ceremonialia, tum ab idololatria diuertebatur, tum admonebatur veteri Mesi. Peruerſi verò & rebelles multis modis inde nati sunt occasionem coaceruandi maiora peccata. Primum ex parte obiecti, eo quod clariori inde luce perfusa sunt moralia præcepta. Nam per legem cognitio peccati: cognitio autem, quia excusationem adimit, peccatum adaugēt. Quamobrem lex iram operatur. Secundò quod per legem scriptam adhibita sunt multa ceremonialium iudiciorumque præcepta: multitudo autem mandatorum, occasio esse solet crebrius offendendi. Tertiò & potissimum ratione subiecti, ob id quod appetitus humanus ardentior est in vetita. Cuius rationem præstò nobis offert obuia ipsa contrariorum natura. Est enim rebus suapte natura ingentum, ut contrarium in suum contrarium insurgat: ubi autem res aliqua voluntati interdicitur, tunc tanquam libertati contraria apprehenditur, & ideo quasi eandem libertatem propugnando ac defendendo maiori homo conatu renititur. Vnde August. de spir. & lit. cap. 4. Lex, inquit, prohibendo auget desiderium malum: sicut aque impetus si in eam partem non cesset influere, vehementior fit obice opposito, cuius molem cum euicerit, maiore cumulo præcipitatus violentius per prona prouoluitur. Et causam subdens ait, Nescio quo enim modo hoc ipsum quod concupiscitur, fit iucundius, cum vetatur. Hæc illæ. Ecce quemadmodum compressa per legem: cupido magis recrudescit, sicuti contrarium suo contrario circumseptum: nam in iis quæ licent, libertas ipsa faciendi dum libuerit, restinguit libidinem, ut coniugatis compertum est: in illa verò quæ interdicta sunt, quia tanquam ardua magnæque molis iudicantur, impetuosius fertur æger animus, quibus ideo maiori cum voluptate potitur. Quum ergo lex auxilium gratiæ non præberet ad mitigandam concupiscentiam (nam lex per Moysen data est, gratia & veritas per Iesum Christum facta est) eam peius inflammabat. Id quod nos Paulus infra docet cap. 7. Vnde (ut August. tractat. 3. super Ioan. prudenter adnotauit) ante experientiam legis dicebat superbus populus, Non deest qui impleat, sed deest qui iubeat: secundum illud Exod. 24. Omnia quæ locutus est Deus faciemus, & erimus

Occasiones peccandi per legem.

August.

Ioan. 1.

Exod. 24.

erimus obedientes: at post receptam legem, quæ non adminiculabatur, sed minabatur, ef-
feruere illis cœperunt appetitus idololatriæ
aliorumq; scelerum. Atq; hoc fortè signifi-
cavit Paul. verbo, subintravit, illud enim sub-
intrat (vt ait Orige.) quod vnà cū alio intrat:
bonæ autem intentioni legislatoris adiungi-
tur occasio mala ex hominum prauitate. Idem-
quæ est quod ait interpres Chrysostomi, O-
biter subiit: non quod obiter fuerit à Deo
lex posita: nam data fuit certo proposito,
sed quòd obiter fuit occasio peccandi. Ex his
præterea patet, quòd lex in proposito totam
veterem scripturam significat: quia non solū
præcepta tam cerimoniarum quàm morum
(licet hæc præcipue) verum & consilia om-
nia & Patrum exempla & documenta, qui-
bus populus illè ad virtutem instruebatur, au-
gebant illis delictorum grauitatem. Pos-
set quis forsan coniunctionem, vt, causaliter
exponere: non quòd de intentione legis fue-
rit delictum ipsum, sed vel cognitio delicti, vel
effectus eius: puta humiliatio populi, Quod
est dicere, Lex subintravit, vt cognitio fie-
ret peccati, siue vt populus suam recogno-
scens infirmitatem, humiliaretur. Sed nun-
quid singulare aliquid docet hic Paulus com-
petere in legem veterem, quod non sit com-
mune legi nature, omnique humane, quini-
mò & euangelicæ? Profectò ratio concludit
omni legi esse commune, occasionem esse pec-
candi: quoniam hoc non est vitium legis, sed
est hominum natura & ingenium: homines
autem eandem sortiti sunt naturam sub om-
ni lege. Videtur ergo hic Paulus omnem le-
gem designare. Idq; inde vel maximè liquet,
quòd hic legem distinguit contra fidem Chri-
sti, quæ (vt in lib. de spir. & lite. ait August.)
docet nos à quo debeamus auxilium petere,
vt faciamus quod lex iubet: lex autè, vt à gra-
tia & fide distinguitur, omnem legem com-
prehendit, vt illic cap. 3. adnotauimus, vbi ex-
ponebamus, non ex operibus legis, sed per fi-
dem hominem iustificari. Hoc autè est pecu-
liare legi veteri, quòd augendo cognitionem
peccati, & multiplicando præcepta, maiorem
obtulit occasionem, quàm lex naturæ: lex ve-
rò euangelica, quia non nisi naturalem deca-
logum continet cum paucorum sacramento-
rum obligatione, non attulit tantam occasio-
nem, sed est iugum suauē & onus leuē. Adde,
quòd lex euangelica cōtinet sacramenta, quæ
sunt velut riuuli preciosi iā effusi sanguinis
Christi, maxima gratiæ opulentia exundan-

tis, opemq; ferentis ad faciendum, non solū
quod ipsa iubet, sed quod quæcunq; lex hu-
mana inter Christianos sanctè constituit: quā
obrem non censetur tam propriè occasione
inde capi augendi peccata. De legibus autem
humanis longè alia est ratio: nam legislator
humanus, cum opera duntaxat externa pro-
curet emendare, licet gratiam non conferat,
tamen non dat magnam occasione[m] mali, quo-
niam timore gladii, quem non sine causa por-
tat, arcere ciues potest: lex autè Dei internos
quoq; cogitatus cohibet, qui sine afflatu nu-
minis euitari non possunt: ob idq; de lege om-
ni Dei, si fidē Christi & grām semoueas, pecu-
liariter dī, occasione[m] esse, vt abūdet delictum.

Vbi autem abundauit delictū,
superabundauit & gratia.

Iam verò tandem ad conclusionem se ora-
tionis applicans, mentem detegit, qua malig-
nitatem augmentumq; ac detrimentum cul-
pæ exaggerauerit: illa quippè mens fuit, vt
per hæc maximè amplificaret, efferrerq; effu-
sissimas gratiæ diuitias, Vbi & Iudeis illis re-
spondet, qui de sententia proximè præceden-
ti calumniam possent extruere in Deum: cur
scilicet prudens & sciens legem eis illam ve-
luti offendiculum, proposuisset, vt abunda-
ret delictum. His inquā licet respondere po-
tuisset, non extitisse hoc diuinū propositū,
sed vt eos probos faceret, attentosq; futuro
Messiæ (vt supra exponendo dicebamus) præ-
clarius tamen ac sublimius respondet, quòd
ipsa quoq; delictorum abundātia cessarit in
superabundantiam gratiæ, hoc est, vt gratia
opulentiùs & fructuosius exuberaret. Atq;
hoc tam à parte Dei largientis, quàm à nostra
recipientium. Nam vbi peccatum non solū
per originem ex illo primo Adē redundauit,
sed proprio cuiusque arbitrio auctū est &
multiplicatum, maior apparuit benignitas
saluatoris nostri Dei. Et quòd numerosiora
fuerunt & grauiora scelera, magis etiam
ac magis se exeruit grā ipsius nō modò, illud
vnum, sed plurima & grauissima condo-
nantis. Superabundauit ergo gratia ex nu-
mero. Itē ex qualitate & modo: quia non
solum in gratiā nos suam ex inimicis recepit,
sed plurimis cumulauit bonis per Spiritum-
sanctum, quē effudit in nos abundè: nimirū
vt per opera iustitiæ, quasi vi cœlo illata ipsi
potiremur regno. Quemadmodū enim infir-
mos corpore perfectè sanabat Christi, vt nul-
lus illis languor reliqu⁹ fieret, sed ea euaderet

Superabun-
danti gratia
numero.

Qualitate.

Excellentia
charitatis di-

L 5 vale



Subintravit

Subintrare
& obiter.

Lex in pro-
posito.

Dubitatio.

August.

valetudinis firmitate, vt posset qui iacebat in grabato, illud confestim humeris deportare, ita non solum nos à cōmissis culpis, earumq; ægritudinibus curat, verum quantum ad gratiæ virtutem pertinet, vires irroborat nobis aduersus tentamenta, vt possimus omnino futura cauere crimina, vt cap. subsequenti demon-

1. Cor. 9. monstraturus est Apostolus. Vnde. 1. Cor. 9.

Ex parte
premi.

Potens est Deus omnem gratiam abundare facere in vobis. Item ex parte præmii: nam mors, quæ decreta fuit in pœnam peccati, est hæc temporalis: & licet nos illud Adæ peccatum orbauerit iure regni, vitam nobis eandem instaurauit Christus, felicissimam videlicet illam sempiternam, cuius ingressus maiori cum triumpho patet nobis per ipsum, q̃ si status innotentiæ perdurasset. Tradet enim triūphator ipse noster gloriosissimus regnū patri, proprio sanguine comparatum, virginum laureis florens, confessorum meritis decoratū, martyrum stematibus, stigmatibusq; ac tropheis splendidum, quibus sanè ornāmentis caruisset felicitas illa nostra, nisi vbi abundauit delictum, superabundasset & gratia. Iā verò nescimus an homines tunc ante peccatum efferendi essent & sublimandi vsque ad choros angelorum, an verò sicut natura inferiores, ita deberent esse & gloria, de quo nihil temere affirmamus: at verò iam nunc fidem habemus, homines inter angelicas sedes collocatum iri: quinimò & Deiperam virginē super choros omnes angelorum exaltatam. In summa, si vera est concordior Patrum sententia, hoc nobis defuisset insigne, quòd si Adam non peccasset, non fuisset homo Deus. Ecce quàm ex parte Dei excreuerit gratia vltra culpæ incommoda. Sed à parte quoq; hominum, abundantia peccati, abundantior est quodammodo dispositio ad respiscendum. Nam quò delictorum acceruus maior est, & quò eorum pondus grauius, eò hominem bene natum abiectiorem humilioremq; reddit, vt opem magis supliciter exposulet à Deo, cautioremq; facit in futurum. Id quod de lamentis David facile est coniicere, & de lachrymis Magdalene, quæ de suis flagitiis odorificum confecit balsamum pœnitentiæ, vt audiret, dimissa sibi peccamina multa, quoniam dilexit multum: nam cui plus dimittitur, pl⁹ diligit. At rationem iam ipsam tandem sententiæ suæ ab ipso Apostolo audiamus.

A parte no-
stra,

Vt sicut regnauit peccatum in mortem, ita & gratia regnet per

iustitiam in vitam æternam per Iesum Christum dominum nostrum.

Conclusio est totius disputationis de redemptione à peccato, concludit inquam rationē excellentiæ gratiæ, illuc utiq; respiciens, vbi dixerat, mortem regnasse vsque ad legem. Nō autē resumit, vt sicut regnauit mors, sed quasi expositoriè, vt sicut regnauit peccatum in mortem, nam sicut mors effectus est peccati, ita & regnum peccati causa est regni mortis. Et pariter gratia causa est vitæ æternæ. Est enī semper intentus ad præfixum illum scopum, Per vnum hominem peccatū intrauit in mundum, & per peccatum mors, sub quibus duobus mala vniuersa naturæ lapsæ continentur, sicuti nomine gratiæ & vitæ æternæ comprehenduntur cuncta beneficia Christi. Neq; verò simpliciter dixit, Ita gratia regnet in vitam æternam, sed, ita gratia regnet per iustitiam. Quod quidem referri potest vel ad iustitiam Christi, quippè in quo iam diximus gratiam effulsisse, iustitia plenam, vel ad effectū ipsius gratiæ in nobis, quæ nostra fuit iustificatio, vel certè ad iustitiam operum, quæ iustificati diuino fauore præstant. Hoc enim capit. 2. super verbo, Qui reddet vnicuique, animaduersum à nobis fuit & perpensum, quòd vbiq; Paulus in sermonem incidit de dono gratiæ, illud absq; operum meritis adstruit nobis impendi, vbi verò de præmio vitæ æternæ, iustitiam operum in meritum commemorat, quæ per Dei gratiam fiunt. At verò neq; prætereū Peccati red-
dū silentio est, quòd peccatum regnare, nō gni.
est vtcunq; committi (tametsi consensus, non nullum seruitiū sit, iuxta illud, Qui facit peccatum, seruus est peccati) sed subditam ac penè vinctam habere libertatē. Vbi enim quis aut ignorātia delinquit, aut repentina animi cōmōtione corrui, peccatum non tam rex est, q̃ fur insidiatorq;: cum tamen iam homo obdurata mente prudens & sciens absq; vllō prauitatis sensu suis cupiditatibus inseruit, ita vt neq; legis mēoria, neq; vllō Dei metu tyrannidem iugumq; peccati valeat excutere, tunc iam in regnum prorsus desciiuit & dominatum eius. Id quod repetendum nobis est cap. proximo, vbi admonemur, ne regnet peccatum in nostro mortali corpore. Ex qua quidem re coniectura mihi de Apostolo fiet, q̃ meditatō superius in illo seculo ante scripta legem, non dixit, peccatum regnasse, sed tantum,

Adnotatio.

tum, fuisse peccatum, regnasse verò mortem: nam vbi adeò erat exilis cognitio peccati, vt non faris imputaretur, ibi non apertè regnabat, sed quasi per insidias prorepebat inualefcebatq;: mors autem in aperto grassabatur. At verò post latam scripto legem, quæ intrauit, vt per cognitionem recti & prauī abun- daret delictum, meritò ait, peccatum regnasse quasi quòd palàm homines suppeditasset. Id quod in Iudæorum idololatria tantopere il- lis à Deo prohibita, compertum est. Eadem analogia, neq; in eo iusto statim censenda est gratia regnare, qui vtcunq; adiuerit amicitia Dei, sed verè in eo, qui tali se illi charitatis glu- tino copulare studet, vt posita omni mundi cura, illi soli viuit. Vnde author ipse gratiæ re- demptor noster, pauperes, lugentes, & perfe- cutionem passos, beatos pronunciat: quasi ià regno gratiæ adscriptos, quæ illis patentissi- mè dominatur. At quia supra de originali iu- stitia argumentum extruximus, quòd non fuerit nobis per gratiam instaurata, hæc de- mum gratiæ recompensatio consideranda hic nobis suspiciendaq; restat, quòd licet nò prorsus sensualem partem rationi, vt illa iustitia, subdiderit, tamen quodam pacto præclarius nobiscum actum est per gratiam, quàm cum Adam per iustitiam illam. Doctrina est Augu- stini in lib. de correp. & gratia. Donum enim originalis iustitiæ præstabat, vt posset homo perseverare, si vellet, haud tamen dedit, vt per- seueraret: aliàs non cecidisset: at verò per gra- tiam Christi plurimis egregiis viris collatum est, vt perpetuò perseverarent: illis nempe qui nullum crimen admiserunt mortale: quā plurimis in super, vt martiribus, donatum est inter sæuissima immaniaq; tormenta perdu- rare vsq; ad mortem. Adam enim, inquit Au- gust. terrente nullo, & insuper contra Dei ter- rentis imperium, libero vsus arbitrio, non ste- tit in tanta non peccandi felicitate: isti autē, non dico terrente mundo, sed sequiente, ne sta- rent, steterunt in fide: cum videret ille bona præsentia, quæ fuerat relicturus, isti autē futu- ra bono, quæ accepturi fuerant, non cernerēt. Hęc ille. Super hæc autem omnia tum aposto- li confirmati sunt, vt nò solū non offenderet mortaliter, verū, neq; offendere possent: tū demum intemerata Virgo, vt neq; in leuif- sima venialia sublaberetur. Hæc autem om- nia per Iesum Christum dominum nostrum.

Regni gra-
tia.

Recompensatio
origi. iusti-
tia.

August.



V I D ergo dice-
mus? Manebimus
in peccato, vt gra-
tia abundet? Ab-
sit.

Ab illa parte præcedentis capitis, Propte-
rea sicut per vnum hominem, Apostolus (vt
dicebamus) cōmemorat mala, à quibus bene-
ficio Christi liberati expurgatiq; sumus, post
quam ergo hætenus egit, quemadmodum à
præteritis delictis fuerimus expediti, tam ab
infectione scilicet originis, quàm à peruersita-
te actualium criminum, in hoc modò capitu-
lo sermonem instituit de futuris: prosequen-
do explicationem exuberantis gratiæ: vtpote
quemadmodum eadem opitulante potentes
simus, atq; ideo debeamus nostras vincire ac
profligare cupiditates, relapsum cauere, in ea
demq; nos demū iustitia afferere. Partiamur
autē, si iuuat, capitulū in tria. Primò enim cō-
monstrat, quàm debeant iustificati per gra-
tiam Christi cautē illam custodire, duabus tri-
bus ve similitudinibus baptismi. Mox illic,
Non ergo regnet, subinfert exhortationem,
Ac tertio illic demum, humanum dico, eandē
amplificat. Præfigit igitur statim in fronte cō-
clusionem: nempe quòd non sit vlterius iusti-
ficatis in peccato viuendum. Quam quidem
per totum capitulum edisserit, eius argumen-
ta ex eadem gratiæ abundantia congeminan-
do. At verò, vt ex superiori disputatione de
præteritorum remissione, ad hanc de futuris
cauendis cum de coro se conferat, interroga-
tionem ex proximo verbo nascetē præmit-
tit. Cū enim videri alicui fortè posset, affir-
masse delictorum exundantiam in causa fuis-
se, vt illustrior fieret gratia, inducit blasphemū
sic improperantem. Ergo manendum
est in peccato, veluti in re, vnde tanta fit Deo
honoris accessio. Quam quidem protinus
blasphemiam execratur Pauli. Absit enim, in-
quit, vt ita cogitemus. Locus est quem capit.
3. abundē tractauimus inter elidendū similē
blasphemiam eorum, qui per irrationē dice-
bant, Faciamus mala, vt veniant bona. Qua
propter nulla est hic necessitas remorandi le-
ctorem. Si enim cōmentus fuisset Aposto-
lus, quòd delicta essent propriè & directè cau-
sa incrementi gratiæ, sicuti & iustorum virtutes
apta tunc fuisset argumētatio, cū tamen id nò
innuerit,

Partitio ca-
pituli.

innuerit, sed quòd sunt occasio, velut materia, quæ per gratiam aboletur, potius fit consequens, contraria conclusio. Scilicet quòd si gratia extinguit delicta, veluti rem diuinæ amicitiae aduersam, cauendum deinde nobis est, ne eodem reuoluamur: nam ideo nos Deus ad suam amicitiam adiungit, vt eam nunquam euertamus, sed colamus assidue. Nam cui plus dimittitur, is plus tenetur diligere. Fuit ergo hæc nihil aliud, quàm insinuatio ad principale propositum. Et ideo ex responsione, absit, eruenda nobis est conclusio & prothema totius capituli: scilicet, non est villo pacto manendum neu hærendum in peccato, neque illuc relabendum, sed perseverandum in iustitia.

Qui enim mortui sumus peccato, quomodo adhuc viuemus in illo?

Syllogismus est confirmatorius conclusio nis ex illo effectu gratiæ constructus, qui est peccatorum remissio. Sed & hic quoq; admonito opus est, quemadmodum in suo themate perit de peccato & morte per Adam admissis in mundum: componit enim mortem Christi, cui nos feliciter in baptismo per eius gratiam commorimur, funestæ morti, in quâ adacti per peccatum sumus. Hunc autem syllogismum sic possumus efformare. Qui mortui sunt peccato, iis non est amplius in illo viuendum: nos autem omnes mortui sumus peccato: nunquam ergo nobis viuendum est in vita peccati. Viuere peccato seu in peccato, idem est, quod vitam seruitio eius dicere: nam, seruus quicquid est, domini est. Ob idq; mori peccato (est enim datius casus) idē significat, quod dominium peccati excutere, quinimò & illud de memoria delere. Verbum est per quā familiare Paulo. Simili enim schemate ait, & Galat. 6. Mihi mundus crucifixus est, & ego mundo. Contraria autem significatio illius est, quod habetur Ephe. 2. Cum mortui essetis delictis, hoc est, per lethifera delicta. Atqui sicut hominem mori mundo, præstantius est, quàm mundum mori homini (nā emphasis est, & ego mundo) ita & plus mihi apparet dixisse Paul. cum ait, mortuos nos esse peccato, quàm si conuersim dixisset, peccatum nobis fuisse mortuum. Etenim peccatū tunc esset mihi mortuum, sicuti & mundus, quando nullam ego aliam gererem illius curam, quàm cadaueris: tunc autem ego essem mortuus peccato, vel mundo, quando pecca-

tum vel mundus nullam haberet memoriam mei. Vbi enim Paul. exagitabatur stimulo carnis, tunc quidem peccatum illi mortuum erat, quia neq; consentiebat neq; conuersabatur cum peccato: sed tamen ille non erat mortuus peccato, quoniam tentans caro aggrediebatur ipsum. Quo ergo maiori emphasi extolleret vim virtutēq; gratiæ, ait, per ipsam mortuos nos esse peccato, quatenus ad ipsius peccatū facultatem. Primam autem præmissam huius syllogismi non quidem exprimit, sed supponit assumptam pro indubitata, ex natura eorum quæ priuatiuè opponuntur: qui enim semel mortuus est, redire ad vitam nequit: quando quidem à priuatione, (vt ait Aristot.) ad habitum impossibilis est regressus. Vnde Esai. 26. Morientes non viuunt. Alterius verò subsumptæ demonstrationem subiungit talem.

An ignoratis fratres, quia qui cunq; baptizati sumus in Christo Iesu, in morte ipsius baptizati sumus? Consepulti enim sumus cū illo per baptismum in mortem: vt quomodo Christus surrexit à mortuis per gloriam patris, ita & nos in nouitate vitæ ambulemus.

Vbi quonam pacto per gratiam moriamur peccato, manifestum facit in baptismo. Sunt etenim sacramenta omnia (vt iādiu ante dicebamus) instrumenta, per quæ pretium mortis Christi in nos defluit, singula tamen peculiaribus actionibus spiritualibus vitæ ac commodantur. Est ergo baptismus, regeneratio per quam fide initiamur adoptamurq; in filios Dei, iuxta illud, Nisi quis renatus fuerit ex aqua & spiritu sancto, &c. At quia nemo potest nasci denuò Christo, coelesti Adæ, nisi præ mortuus fuerit terreno, ob hoc baptismus per singulare quoddam priuilegium assimilatus est, morti, & sepulturæ Christi: non solū quòd pretium illic mortis participatur nobis hoc enim & aliis sacramentis commune est, sed ob hanc insuper similitudinem, quòd vt Christus moriens extinxit nostra delicta, & resurrexit in nouam vitam, ita & in baptismo per plenissimam delictorum condonationē abolitionemq; & obliuionem, exuimus vitam peccati, & cum omni nitore gratiæ renascimur

Viuere peccato.

Galat. 6.

Ephe. 2.

Sacramentū baptismi.

Ioan. 3.

scimur in nouam vitam. Probat ergo Paul. mortuos nos esse peccato per hoc, quod dum in Christo baptizamur, in morte eius baptizamur. Habet autem vehementiæ plurimum interrogatio, An ignoratis fratres. Ac si dicat, Pudor esset turpissimus, si quis rem tam apertā ignoraret. Erat enim publica illa prædicatio. Et forsan (vt ait Orige.) inter catechismos edocebantur catechumeni mysteriū hoc. Et quamuis in vetustis codicibus tam

Orige. Latinis, quam Græcis, non sit, fratres, nihil tamen sententiæ mutatur: & ideo licet curiositate fortasse librariorum fuerit adiectum, tolleratur. In Græco ancipites orationes sunt hæ, quas interpret noster vertit per ablatiuos, in Christo; in morte, quæ quidem possunt vel sic verti, vel per accusandi casum; in Christum, & in mortem. Et sunt quibus magis secunda hæc versio probatur, vt hanc exhibeat intelligentiam, quod in hoc baptizamur, vt efficiamur membra Christi mortifici; eius participes. At quamuis ita sit, quod per baptismū inferamur Christo, huic tamē loco congruentior est ablatiuus, quemadmodum non solum antiqui omnes Latini, verū & Origen. clarē legit. Nempe vt tantum valeat, in Christo, quantum in nomine & virtute Christi: ad differentiam baptismi Ioannis: nam & apostoli intingebant in nomine Christi. At verò, in morte, non tam significat hic, in virtute, quā, in similitudine mortis Christi. Est enim Pauli institutum hic patefacere, qualiter baptismus in nomine Christi specimen præferat mortis eius. Imò neque mortis solum, sed & sepulturæ, & propter id, subdit. (*Consepulti enim sumus per baptismum cum illo in mortem.*) Apposuit utique, post mortem, sepulturam, vt mortis rationem augeret. At quod prius interpret reddiderat per ablatiuū consulto statim effert per accusatiuum: nimirum vt doceat, vtrūque Paulum tribuisse baptismum, vt pote & quod fiat in similitudine mortis Christi, & hoc præterea fine, vt in ei⁹ admittamur participiū. Et nota, consepulti in mortem, Christus nāque, sicuti omnes mortui, antea mortuus est, quā sepultus: nos vero sepelimur subtus aquā, vt participes mortis Christi moriamur peccato, Hanc ob causam (vt Damasce. lib. 4. capit. 10. auctor est) instituta fuit forma illa antiquitus per immersionē baptizandi: nempe vt sepultura illic Christi effigiaretur. Quapropter trina immersio non solum trinitatem Dei, sed mortis etiam Christi triduum refert. (*Vt quomodo Christus surrexit*

& mortuis per gloriam patris, ita & nos in nouitate vitæ ambulemus.) Optima hæc est conclusionis collectio. Enimuero cum ad hoc contulisset baptismum cum morte Christi, vt commemoraret præmissam illam superioris syllogismi, quod mortui sumus peccato, concludit nihilominus, non solum illam, sed principale propositionē: vt puta quod non est nobis manendum, viuendum, iacendūque in peccato. Quasi dicat, Hoc docemur admonemurque lauacro illo instar mortis Christi peracto, vt quemadmodum ipse surrexit à mortuis, ita nos, relictis in sepulchro baptismi funditis nostris culpis, in nouitate vitæ ambulemus, proficientes & de virtute in virtutem progredientes. Prædestinauit enim nos Deus non vna tantum forma, sed multifariā conformes fieri imagini filii sui, vt sit ille primogenitus in multis fratribus. Primum vt sicut nostra ipse delicta cruci confixit, eadem nos in baptismo sic relinquamus sepulta, vt neque sensus eorum vllus in nobis reliquus, quantum possibile est, fiat. Mox vt suam ipsius crucē baiulantes, corpus nostrum iugiter ac sedulo crucifigamus, quod ipse tum demum in similitudine gloriæ suæ suscitatur reformabit, configuratum corpori claritatis suæ. At resurrexisse Chr̄s dicitur per gl̄iam patris. Aut per gl̄iam, quā à patre recepit: per hoc. scilicet quod in terreno humilique corpore fuerat sepultus, post in corpore glorioso, mortis vinculis resolutus, ab inferis resurrexit: secundum illam ipsius præcationem, Nunc pater clarifica filium tuū sicut filius tuus clarificat te. Et ad Cor. Paul. Si crucifixus est ex infirmitate, viuat ex virtute Dei. Vel forte gloriam patris appellat, supernam ipsam immensamque virtutem & potestatem patri attributā, per quā ipse resurrexit: more scripturæ consueto, quæ vbicunque illustre ali quod miraculum inaccessæ maiestatis Dei effulget, gloriam illic Dei ait apparere, vt Exod. 16. De manna & coturnicum miraculo, Ecce gloria Dei apparuit in nube. Et capit. 40. de tabernaculo foederis, Oppertuit illud nubes & gloria Dei impleuit illud. Porro autem neque ociose hic gloriæ cōmēminit patris; sed vt accessio fieret venustatis ad collationem; quam inter resurrectionem Christi & nostram faciebat. Est enim perinde ac si dixisset, Vt sicut Christus per gloriosam virtutem patris surrexit à mortuis, non rursus relapsurus in mortē, ita & nos per suæ mortis virtutem excitati à peccatis, per eandem confirmati, in nouitate vitæ, hoc est, nouis

*Conformes
imagini filii
sui.*

*Per gloriam
patris.*

Ioan. 17.

2. Cor. 13.

Exod. 16.

*Translatio
Vetus.*

In Christo.

*Damasce. de
trina immersione.*

uis vitæ actionib⁹ & officiis ambulem⁹. Christum autem dixit resurrexisse per gloriam, quia re vera resurrexit cum omnibus gloriæ dotibus, nos verò non perinde hortatur, vt re surgamus à peccatis per gloriosam vitā, hāc enim expectamus in cœlo, sed vt tanq̃ viatores progrediamur in nouitate vitæ.

Si enim complantati facti sumus similitudini mortis eius, simul & resurrectionis erimus.

Adhibet & secundam confirmationem capitalis conclusionis per aliā similitudinem quæ est superiori cognata: per hoc enī quod in baptismo cōmorimur & cōsepelimur Christo, compingimur & illi in idem corpus, & veluti ramus arbori inferimur incorporamurq̃; in eius mēbra. Vnde ego, inquit, sum vitis vera, & vos palmites. Ex hac ergo allusione conficit alterū syllogismū, Quicumq; confiti sunt cōplantatiq; similitudini mortis ipsius, simul & resurrectionis (scilicet participes) erunt: vel simul complantati similitudini resurrectionis erunt: nam in hoc mortuus est, vt resurgeret: nos autem in baptismo complantati sumus similitudini mortis: erimus ergo participes resurrectionis. At verò licet in hoc tantū Paul. per hunc syllogismū appareat intentus, vt ex re, quæ est plantatio in morte, in spem nos transmittat resurrectionis, tamen non hic gradū sistit, sed eò vltra pergit, vt ab spe ipsa resurrectionis cōmonitos nos habeat & confirmatos, vt cum omni perseverantia in nouitate vitæ incedamus. Similitudo hæc autem insitionis in hoc posita est, quod sicut in situs ramus humorē excipit ab arbore, quo humore in eandē coalescit naturā, ita, & nos per intimum diuinæ gratiæ influxū, debem⁹ in Christo fructescere. Nam in hoc, inquit, vitis ipsa, clarificatus est pater meus, vt fructū plurimū afferatis. Cui sanè hic accinit consonanter Paul. vbi post resurrectionem per gloriam patris, plantationis meminit, quæ est in filio. Quo circa non possum, nescio an dixerim non subindignari, in bonos istos traductores neotericos, qui nullum verbum veteris interpretis non suo arbitratu demutant. Nam sicubi fortè tantillum illis iudicatur declinasse vel ab vna syllaba græca, iniquissimo ferunt animo: vbi verò ad literam omnino trāsfert, dictionē nihilo minus ita venustat, vt deprauet sensum. Est enim græcè σὺμφυτοί, quod syllabatim sonat, complantati: vertunt ipsi ta-

men participes, quæ profectò versio nō prorsus exhauit paulinam mentem: nam participare aliter res vna potest alterius virtutē sine insitione, vt terra participat influxum cœli. Paulus verò explicat non id solum, sed participationis modum, vt pote quod fiat veluti ramus exugit radicis succum. Quam quidem metaphoram luculentissimè Orige. edisserit. Neq; verò, insititii, vt alii transferūt, satis exprimit rei mysteriū, nisi dicas consiti, aut, cōplantati, siue prepositionē, con, ad populos duos Gentium, Iudæorumq; referens, qui ex diuersis legibus conglutinati sunt in Christo, vno fidei & charitatis nexu: siue (quod secundum Origenē probabilius est) ad complantationem nostram cum Christo in eodē corpore spectes. Est nanq; Christus satus plātatusq; in morte, vt fructificaret nobis: nos autem in similitudine eiusdem mortis consiti in illo & complantati, vt ex succo radicis eius (quod ait Origen.) radix quoq; nostra suscipiens, producat ramos iustitiæ & fructū adferat vitæ. Quamobrē non idem hic valet, con, quod, simul plantati: nam arborum quæ simul seruntur neutra alterius humore alitur, sed idem quod, in altera plantata arbōri plantati. Quo mihi profectò illud spectare videtur quod ait Christus, Ego sum vitis vera & vos palmites, & pater meus agricola est: nimirum quod idem agricola & filium plantauit in cruce, & nos illi complantat in baptismo, tanquam ligna secus decursus aquarum, vt de plenitudine ei⁹ nos omnes accipiamus. Quod si reclament isti, duo participia, complantati facti, ineptè coire, responderi potest, quod, cōplantati, vim fortè habet nominis. Quāquā neq; huiusmodi nenias obseruare vll⁹ debet. Sed enim neq; hoc silendum, quod non ait, complantati sumus morti ipsius, quinimò cū paulo ante dixisset, in morte ipsius baptizati sumus, nunc elucidationis gratia ait, complantati similitudini mortis eius. Neq; fuit per omnia similitudo, quoniam neq; omnino ipse mortu⁹ est peccatō, vt nos: neq; verò nos mortui sumus corpore, vt ipse. Etenim peccatum ipse nec fecit, neq; contraxit vllum, sed missus in similitudinē carnis peccati factus est pro nobis maledictum; chirographum debiti nostri affigens cruci: ac deinde sepultus est: nos verò haud quāquā corporaliter morimur, sed in aqua sepelimur baptismi, vbi peccata relinquimus, quæ verè, aut contraximus aut perpetrauimus.

Hoc

*Insitionis
similitudo.*

*Cōtranonous
interpretes,*

Cōplantati.

*Cōplantati
similitudini.*

Hoc scientes quia vetus homo noster simul crucifixus est, vt destruat corpus peccati, vt ultra nō seruiamus peccato.

Perspecti nobis hic sint munerum gradus baptismalis gratiæ eorum qui sunt, in morte baptizati, complantati, crucifixi. Primum in ablutionem culpæ, secundum in germinationem fructuum, tertium in concupiscentiæ mortificationem. Quocirca sicuti supra per sepul turam explicuerat mortis cōsumptionē, ita & modò complantationē per hoc exaggerat, quod insitus ramus sic emoritur propriamq; exhalat naturam, vt nulla ei super sit virtus propria, præter virtutē arboris. Talē etenim imaginatur insitionē nostram in Christo: nimirum quod non solum illic peccato cōmōrimur, id est, culpæ, sed quod inibi relinquitur radices etiam eius & fibras causas deniq; vniuersas peccandi, quasi cruci virtute Christi cōfixas deponimus, vt fructificēmus eidē Christo: iuxta illud Ioan. 15. Sicut palmes non potest ferre fructum à semetipso, ita nec vos nisi in me manseritis. Vnde vetus homo idem est in præsentia, quod homo, qualis per Adæ geniturā procreatur; vtpote non modò in peccato, sed in peccati fomite, cum aliisq; mortis legibus natus. vnde Gal. 5. Qui Christi sunt, carnem suam crucifixerunt cum vitiis & concupiscentiis. (Vt destruat corpus peccati.) Id est, consistentia & robur peccati. Tamen si fortē nulla opus est metaphora, sed corpus ipsum, quatenus est effrenata caro, dicitur & est corpus peccati: quod post nuncupabit corpus mortis. (Vt ultra non seruiamus peccato.) Ex singulis mēbris concludit principale propositū. scilicet non esse illis viuendū in peccato, qui gratiā semel beneficiumq; reconciliationis susceperunt: perinde atq; insitus ramus non viuit amplius vita propria, sed illa quam truncus ei summi nistrat. Est enim hic meditanda insitio hæc spiritualis nostri in Christo, quæ longē diuersa est ab illa, quæ fit per artem agriculturæ. Nemo enim inferit siluestrem arborē in preciosa, sed vice versa pīrum in quercu, nempe vt insitus ramus humorem quem fugit degeneris truci, in bonū fructū digerat: nos verò contra in baptismo, veluti steriles rami inserimur preciosissimæ arbori, q̄ Christ⁹ est, vt suo ipsius humore fructus gratiæ proferam⁹. Id quod cap. 11. repetendū nobis est. At verò obiectaret hic forsan quispiam Paulo cōtra

hanc ipsius doctrinam, experiētiā, qua vtiq; compertum nobis est, non adeo in baptismo crucifigi nostrum veterē hominem, destruiq; corpus peccati, quin perpetuo deinde bello ingentē nobis facessat molestiā: adeo vt & Paulus ipse vigere legē sentiret in suis mēbris repugnantem legi mentis: vnde & exclamabat, Quis me liberabit de corpore mortis huius? Responsum iam tamen supra tetigimus: quod est, Paulum, nihil aliud hic, q̄ naturam prorsus gratiæ vigoremq; & ingenū eius de finire, ac perinde scopum nobis ob oculos ponere, quò nos suo Marte iducere conatur. Est enim eius facultas armare nos & constabilire aduersus concupiscentiā, quā suapte natura enervare extinguereq; molitur. Hoc tamen vt perficiat, plurimo negotio opus est & inde fessio conatu: neq; enī libertatē nobis adimit: neq; naturā carnis, ob idq; fortē nō dixit Paulus, quod statim destruitur, corpus peccati, sed quod crucifigitur, hoc est, debilitatur ac viribus imminuitur vetus homo, vt exercitio destruat corpus peccati. Neq; dixit, ne peccemus vnquā (hoc enim præ nostra fragilitate nō fit possibile) sed ne amplius seruiamus peccato tanquā domino, in cuius nos dedamus tyrannidē. De quo statim ait, Non regnet peccatū, &c. Profectū autē hunc & progressum nostrū ad perimendū veterem hominē explicat ad cor, vbi hanc Christi mortem, cuius similitudini cōmōrimur, recinēs, ait. Deiciamur sed non perimus: semper mortificationē Iesu Christe in corpore nostro circumferentes, vt & vita Iesu manifestetur in corpore nostro. Et infra, licet is, qui foris est, noster homo corrumpatur, tamē is, qui intus est, renouatur de die in diem. Quod enim hic ait, ambulemus, illic ait, de die in diem. Talibus ergo gratiæ progressibus vsq; adeo sancti possunt veterem in se hominem confodere & crucifigere, vt dicant tunc demum cum Paulo, Viuo ego iam non ego, sed viuit in me Christus.

Qui enim mortuus est, iustificatus est à peccato. Si autem mortui sumus cum Christo, credimus quia simul etiam viuemus cum illo.

Periphrasis est & explanatio prædictorū. Dixerat quippe cōmori nos Christo in baptismo, exponit modò quid appellatiōe mortis senserit, Mori enim. scilicet nos in Christo, iustificari est à peccato. Nā etsi de redēptore ipso idē statim

Natura gratia.

2. Cor. 4.

Gal. 2.

Ioan. 15.

Gal. 5.

Dubitatio.

statim enunciaturus sit, quòd fuerit mortuus peccato, tamen id aliter interpretabimur. Ad iecerat autē supra, quod si complantati facti sumus similitudini mortis eius, simul & resurrectionis erimus: id ergo & nunc exponit, dicens, (*Si autem mortui sumus, &c.*) Enimvero si cōplantati sumus similitudini mortis eius ad fructificandū, consequens fit, vt simili modo cum ipso resurgentes collecturi simus percepturiq; fructus vitæ: primū in hoc seculo resurgentes à peccatis in nouam vitā: post verò exsuscitati à mortuis in vitam eternā. Ad

Ad duo re-
fer. intentio
Pauli.

Col. 3.

hæc enim duo refertur semper intentio Pauli per hæc ratiocinatiōes. Primū vt nostrā stimulans vecordiam debiti nos nostri admo-
neat, quā obstricti per baptismum sumus resurgere in perfectionem nouæ vitæ: iuxta il-
lud Col. 3. Si consurrexistis cum Christo, quæ sursum sunt quærite, quæ sursum sunt sapite, non quæ super terram. Alterum, vt, spem quoq; nobis corroboret resurrectionis nostræ, vt animos scilicet inde quoq; nobis consolidet persistendi in via, quæ in illam nos felicitatem perducatur. Hanc eandem intentionem potest, eodemque summo tandem exemplo confirmat.

Scientes quòd Christus resurgens à mortuis, iam non moritur: mors illi vltra non dominabitur. Quòd enim mortuus est, peccato mortuus est semel: quòd autem viuit, viuit Deo. Ita & vos existimate, vos mortuos quidem esse peccato: viuentes autem Deo in Christo Iesu.

Suprema in quā corroboratio hæc est conclusionis, vbi ita nos vehementer perurget ad perseuerandum in noua vita, vt velit nos imitatum ire Christi resurrectionem, qui tantū semel mortuus peccato, æternū iam viuit Deo. (*Scientes.*) Præmiserat, credimus quia simul viuemus cū Christo, eò quòd illius beatæ vitæ spem duntaxat per fidem habemus, subiungit autem, scientes quòd Christus resurgens, &c. Non quòd hæc non sit quoq; agnitio fidei, sed vt rem gestam vehementius depromeret. Resurgens, in græco participiū est præteriti, idem pollens, quod excitat°, seu potius, qui surrexit. At verò perdoctus interpres, eò quòd Christus non tam excitat° fuit

Resurgens

aliena virtute, quā propria resurgens, abstinent à participio, excitatus, & quia, resurgens, non habet latine participium præteriti, vsus est hoc præsentis: quod perinde valeret ac si dixisset, qui surrexit: nam Christus nō est resurgens modò, sed semel surrexit. Neque satis Paul. arbitratus est dixisse, non moritur, nisi adiecisset, mors illi vltra non dominabitur, quod est dicere, nullum iam mors ius habet in illum. Omnes quippe ærumnæ miseriæ dolores, & morbi, & quibus vndecunq; concutimur, calamitates, satellites sūt mortis, qui bus suo nos iure fatigat, macerat, atterit, & tandem absumit. In codicibus modo Græcis præsentis est temporis, tam, non dominatur, quā, non moritur, sed est vox futuri simillima illi: & ideo forsan in futuro legit interpret noster: quod certè significantius est ad pronuntiandum, quòd iā deinceps nunquā in perpetuum, vel minima mortis conditio accidere Christo potest: vt qui iam diuina perfruatur immortalitate. At verò interroget hic forsan quispiam Paulum, num Christo qui verus est Deus, ob idq; naturæ immortalis, vitæq; dominium habens & mortis, dominari potuit vnquam mors? Quid ego ait, mortem iam illi vltra non dominari, quasi vllum habuisset vnquam in eum ius? Porro neq; Paulus tale innuit dominum, quod fuerit absolutum ius. Sed tamen vbi se vltro Deus ad nostram demississet naturam, quam decuit secundum sua ipsius naturalia principia patibilem permittere, sua se sponte summisit dominatui mortis, quem post resurgendo reiecit, (*Quod enim mortuus est, peccato mortuus est semel.*) Probatio est conclusionis. In græco non nihil abditur amphibologiæ, vt transferri etiā possit, Quod enim mortuum est, vt referatur ad corpus: neq; ita adeo sensum variat, sed tamē versio vulgata significatior est ac luculentior ac si dicas, Hoc ipsum, quòd mortu° est, & ita omnes Patres legunt, vbi & cōma figunt hoc pacto, Quòd enim mortuus est, peccato mortuus est semel, hoc est, non quod naturæ mortalis esset, aut ob suam ipsius necessitatem, sed (vti iam supra dixit) traditus est propter delicta nostra. Et. 1. Pet. 3. Christus semel pro peccatis nostris mortuus est. Attende quā Paulus de Christo abiectionē videatur loqui. Etenim quod de nobis protulerat, mortuos scilicet esse se peccato, id ipsum nō veretur & de Christo adseuerare. Ea enim ipsi° est diuina in nos cle-
mentia, qui voluit per omnia fratribus adsimilari. Sed interest nihilo minus intervallo quā

Dubitatio.

Quod mor-
tuus est.

1. Pet. 3.

Quo pacto
loquatur de
Christo
Paulus.

Christi mortuū peccato. quā esse potest vastissimo. Ipse quippe mortuus est peccato: primum quod naturam nostram (vt modō dicebamus) gratis assumpsit, non de peccato, sed in similitudinem peccati, quam necessariō nos cum peccato trahimus: & ideo mortuus est peccato, hoc est, obsequēs morti, seu mortem persoluens, quā in poenā, non illius, sed nostri peccati introducta est. Deinde quod ipse mortuus est in precium debiti nostri, delendo nostrum peccatum: hoc enim illi fuit mori peccato, quod mori ad expurgandū peccatum: nobis autē mori peccato, est, expurgari seruariq; à peccato. Mortuus itaque ipse in cruce est morte iustificante à peccato; nos verò à morte in baptismo, qua iustificamur à peccato. Alterutram autē rationem inspectes, siue quod mortuus est ratione mortalis naturæ assumptæ, siue ratione peccati, non debuit mori nisi semel. Etenim ob naturæ necessitatem, nemo pluries moritur, sed & in precium redemptionis, atq; ad nostram perficiendam salutem vna abundabat mors Christi. Quid enim vnigenitus Dei fili? infinitoq; proinde iure amicus patri, accept? q; illi & gratus, offerre eidem poterat in precium humani debiti, quod non esset illi acceptissimum? quanto verò æquius per obedientiam vsq; ad mortem crucis. Vnde ad Heb. 2. Paul. pontificem antiquæ legis cum nostro conferens, ait, illum ad cleuendas forinsecus peccatorum sordes, iterato per sanguinē hircorum sacrificio, quotannis ingressum in sancta: Christum autem dum assisteret pontifex futurorum bonorum, per proprium sanguinem introisse semel, æterna redemptione inuenta, hoc est, redemptione quæ non esset iteranda & integranda, sed quæ vniuersis peccatis abolendis sufficeret tam futuris, quàm præteritis. Et infra, Neq; vt sæpe offerat semetipsum, quemadmodū pontifex intrat in sancta per singulos annos in sanguine alieno. Alioqui oportebat eū frequenter pati ab origine mundi. Et inferius, Et quemadmodum statutum est hominibus semel mori, post hoc autem iudicium, sic & Christus semel oblatus est ad multorum exhaurienda peccata, Vide quā sit locus ille huic concursus, vbi explicatur, quē admodum necessitati tam redemptionis, quā naturæ, secundum quam statutum est hominibus semel mori, satisfecisse Christum vna morte, Eadem episto. cap. 6. Impossibile, inquit, est eos qui semel sunt illuminati, gustauerunt etiam donum cœlestē, & participes facti sunt Spiritu sancti, gustauerūt in nullo mi-

nus bonū Dei verbum, virtutesq; seculi veteri, & lapsi sunt, rursus renouari ad poenitentiam, rursus crucifigētes sibi metipsis filiū Dei. Ex qb? verbis, Nouat? hereticus illū hausit in intellectu, q̄ relapsis nullū erat reliquū remediū poenitentiae. Cū tñ Paulus, interprete Augustino, & lib. i. de poeni. Amb. nihil sibi aliud velit, q̄ quod non possint omnino renouari ad nouā vitā, hoc est, purissimā innocentiam per resumptū baptismū: quod, veluti imago crucifixionis Christi nō potest iterari. Per hæc deniq; proditur eorum blasphemia hereticorum quos Orig. hic cōmemorat asseruisse, q̄ in futuris iterū seculis, vel eadem, vel similia pati necesse sit Christū, vt liberari possint etiā hi, quos in presenti vita dispensationis eius nō sanauit medicina. Hæc enim demētiam elidit Paul. vbi ait, semel mortuū viuere iā Deo, hoc est, vita Dei. (Ita & vos existimate fratres vos, mortuos quidē esse peccato, viuentes autē Deo in Christo Iesu.) Sunt qui legāt, Cogitate, sed profectō, Existimate, tū germanē & fideliter effert significatū verbi græci, tū etiā vehemētioris est emphaseos. Possunt enim & ij, qui iacēt in peccato cogitatione versare hæc mysteria absq; emendationis fructu: sed cū ait, ita vos existimate vos id est, vos metipsos, mortuos esse peccato, viuere autē Deo, maximū nobis pauorē incutit vt cūctis nostris actionib? existimem? nos ita mortuos esse peccato, & viuere Deo, vt nulla in nobis appareat figura peccati, sed solā præ nobis feram? numinis effigiē, cuius nutu influxuq; & spū viuimus. Atq; id ita sublimiter existimem?, vt cōstātia nostra & perseverantia imago quædā sit illius vitæ immortalis, quā Christus viuit Deo, talisq; nobis sit à morte peccati cautio, vt quædam nobis sit imitatio Christi, qui nō nisi semel pro nobis est mortu? En q̄ nos sedulō celebratissimo hoc exemplo mortis & resurrectionis Christi cōfirmatos studuit habere in noua vitā, quāq; deteritōs à vetusta morte. Nos verò cōtrā adeo vecordes supiniq; sumus & in nostras proni cupiditates, vt veluti ad oīa hæc monita surdi, nihil ducamus, sexcenties per Dei gratiā resurgentes, toties ingratissimos meditatō mortē peccati nobis ipsos consciscere, non modō in contumeliam Christi, qui postquā semel mortuus est peccato, resurrexit, nunquam iterum moriturus, verum & cum præsentissimo nostro periculo, ne nostra nos tandem ingratitudo eō nos vsq; tradat desiderijs nostris, vt ab ipsis obrudamur in tartara.

M Non

Nonatus.

Alii heretici

Non ergo regnet peccatum in vestro mortali corpore, vt obediatis concupiscentiis eius.

Secūda pars capituli.

Aug. Secūda hæc sectio est præsentis cap. in qua apostrophē facit Paulus exhortatoriam, ex superiori bus appendicem. Colligit nanq; ex præfatis, quā debeamus strenuē dimicare contra peccatum, ne regnet in nostro mortali corpore. Alludit hic autem ad id quod dixerat peccatum, data lege, regnasse in mortem: vnde conferens modō cum lege euangelicā gratiam, ait, non esse iam, vbi tanta opulentiā gratiæ donati fuisse; sumus, cur peccatum dominetur nobis, veluti olim Patribus sub lege. *Aug. tract. 41. super Ioan. Et de pec. me. lib. 2. cap. 28.* & alibi frequenter nomine peccati intelligit hoc loco concupiscentiā carnis, q̄ remanet in re natīs ad luctam. Eamq; ob rem existimat non dixisse Paulum, Non sit peccatum in vestro mortali corpore, quia hoc non est possibile, cum sit natura, sed nō regnet ita, vt obediatis concupiscentiis eius, hoc enim cū præiū adiutorio Dei positum est in arbitrio nostro. Quo & Chry. applaudens, ait. Non dixit, caro non viuat, neq; nō operetur, sed, peccatum non regnet. Non enim naturam tollere, sed voluntatē corrigere venit. Hec ille. Neq; verō à tantis Patribus despectum nobis est, non solum quod ea sit eorum auctoritas, verū quod neq; ab scōpo forsan ipsi defleant. At verō, vt supra dicebam, non est hic fortē necessaria vlla metaphora: sed quod accipiat peccatum secundum suam legitimā significationē. Ita enim perpetuō hic nomen vsurpauit ab illo loco, Per vnum hominē peccatum in hunc mūdum intrauit. Id quod modo delictum, modo peccatum appellat. Concupiscentia verō licet nō nunq; ab Apost. nuncupetur peccatum, vt cap. proximi sequen. videtur, vbi ait, Quod habitat in me peccatum non est tamen propriē peccatum, sed per translationem, vti ipse docet August. quia est effectus peccati, sicut scriptura, manus cuiusq; dicitur: & oratio, lingua. Possumus ergo dicere, neq; ineptē quidem, quod cum concupiscentia sit fomes & lex peccati, quam Paulus ait pugnare contra spiritum, eiusq; ideo illecebrosi affectus, & qui nos ad malum instigant, insultus, sint velut præceptiones seu milites peccati idem ipsi peccatum tunc dicitur regnare, quando huiusmodi cupidinibus consentim⁹ in obsequium illius culpe, quæ illic consum-

matur: qui enim facit peccatū, seruus est peccati. At verō quamuis quocunq; absoluto cōsensu cōmigremus in regnū peccati, tamē (vt supra dicebamus) non sumus illuc adeo detructi, neq; aperta adeo potentia imperitat nobis quo ad usq; libertatis nostræ potitur: quod fit, quando non solum ex ignorantia vel surreptione repentinoe casu, quasi per insidias occupamur à peccato, vel quoq; pacto repugnantes vincimur, sed vbi iam subacti traditiq; in desideria carnis vltro imus (vt ait alibi Pau.) post concupiscentias nostras. Quā forsan regni apertam tyrānidem subnotat hic dicens, vt obediatis concupiscentiis eius. Tamen si & agnosco omnem hic consensum in malū interdici, tanquam regnum peccati, vt *Aug. & patres docent.* Si codices nunc Græcē vulgatos consulas, placebit fortē translatio hæc vt obediatis ei, scilicet peccato, in concupiscentiis ipsius, quam lectionem secuti videntur Theophyl. & Ambro. Amplexi sunt tamen vulgatam Latini reliqui, cui & Orig. arridet. Et perparum refert, vtram probes. Sunt verū tamen sigillatim verba huius, subsequentiq; textus spectatissima contemplatione libranda, vt quorum singula plurimū exaggerationis adferant. Primū enim omnium libertatem nostram declarant, vnde opera nostra dependent. Enimverō, vt sine diuina ope nihil possumus, ita nisi illi assensum præbeamus non erit eius auxilium in nobis efficax. Aliās vana hæc esset exhortatio Pauli. In cuius ideo enarratione probē meditatur Orig. inter concupiscentiam peccati, quæ est in carne, & concupiscentiam spiritus, quæ est in mente, mediam esse animam, quæ per voluntatis assensum, vel regnum constituit peccati, vt obediamus concupiscentiis eius, vel regnum Dei, vt pareamus ipsius mādatis. Sed & quod ait, nō regnet peccatū, grauissima est dehortatio à re turpissima. Ecquid enim vel iniquius vel absurdius, quā peccatum regnare: rem scilicet, perhorrendam, vt quæ minus homini detrimēti importaret, si libertatem ei adimeret, vt esset iumentis similis, q̄ dum in spontaneam illum assensionem pertrahit, qua Deo fiat cōtrarius, ad cuius est & imaginem conditus, & regnum ascitus: quod quidem regnum, vt filius traderet patri, ad nostras se miseras demisit, factus obediens vsq; ad mortem crucis. Ad iecit, in vestro mortali corpore, vt propriū subiectum sedemq; designaret regni peccati. Dixerat enim supra, corp⁹ regnare in mortem, nunc autem peccatum in mortali corpore.

Variatio lectio

Libertas nostra

Inter spiritum & carnem media est anima

Absurdū regnū peccati

In vestro mortali corpore

re.

re. Vt enim stipendium peccati mors est, quæ nobis ratione corporis competit, ita & mortalitas eiusdem corporis, quod corrumpitur, agnatum habet in membris fomitem carnis aggrauantem animam, repugnantemq; spiritui, sollicitantem nos ad regnum peccati, & captiuantem eiusdem legibus. Ob idq; & liberari cupiunt sancti de corpore mortis huius, scientes, quod cum mortale hoc induerit immortalitatem, tunc implebitur sermo qui scriptus est, Absorpta est mors victoria tua. Agnouit hic præterea scite Chrysostomus copiam Christianæ gratiæ. Adā siquidē mortale nondum corpus habēs, cecidit: nos verò in corpore mortali per auxilium gratiæ excutere possumus regnum peccati. Neq; eo nos verò tantū pudore suffundit quod peccatum tyrānidē in nos regnet, sed eò maximē quod nos vltro obediāmus concupiscentiis eius: puta quod præclarissimā illam voluntatis libertatem ad hoc nobis à Deo donatam, vt in eius prorsus obsequium atq; honorem totam expenderemus, ob quod & dominium nobis mundi tradidit, eandem nos, veluti trāsfigā, ad seruitiū carnis secundū eius prudentiam, quæ inimica est Deo, in nostrā ipsorum sempiternā perniciem traducamus.

Sed neq; exhibeatis mēbra vestra, arma iniquitatis peccato: sed exhibete vos Deo, tanquā ex mortuis viuentes: & membra vestra, arma iustitiæ Deo.

Accessionem facit ad vehementiam orationis. Regnum enim peccati in interna voluntatis assensione constituitur, sed per membra foras verbo & opere proditur. Postquam ergo nos cōmonitos habet, ne in regnum peccati assensum præbeamus, adhortari ocysus properat, ne membra illi mancipemus, quæ sint illi arma iniquitatis: vbi profectò grauissimum nos percellit horrore. Nimirum, quod non modò iniquitatē ipsam de suo ipsius nomine abominandam, non sic prorsus execremur, vt vnde cunq; nobis veniret armata, omni conatu niteremur propulsare, verumquod cum ipsa nihil per se in nos possit, nos contra nos metipsums obarmemus ipsam, neq; aliis armis, quā nostris ipsorum membris, quibus nos Deus in naturales vsus dotauit ad gloriā suam. Hæc inquam membra iniqui faciunt arma illa, de quibus Ezechiel. Cum armis suis ad inferos descenderūt. Cuius quidē qui hostem patriæ vel armis instruit, vel intra moenia re-

cipit, proditor Reipublicæ iure pronūciatur: qui autē in seipsum hostem Dei admiittit, vnde Deum propellat, quo possit nomine dignè censerī? Manichæorum hic item error refutatur, qui dicebant, peccatum nos in corpore à natura insitum gestare. Nullum quippe in nos principatum haberet, doctore hic Paulo, nisi nos ei spontanei cederem, offerremusq; membra ipsa nostra, quibus nos debellaret. Accedit & ad cumulum pudoris nostri id quod præmiserat, crucifigi, scilicet, in baptismo veterem nostrum hominem in destructionem corporis peccati, quod est, eneruari & attenuari: qua propter non tantum in nos haberet vigorem et robur, nisi nos illi exhiberemus arma. Est autē exhibere, non magna illata nobis vi, sponte nostra præbere & dedere. (Sed exhibete vos Deo, &c.) Et hæc sanè cōparatio peccati ad Deum, iniquitatisq; ad iustitiam, per magnam habet ad pudefaciendum nos, energiam: imò hoc, verborum omnium quæ allata sunt, grauissimum est. Non peccato ad armandam iniquitatem, sed Deo exhibete vos, & membra vestra. Duo quippe ait, Exhibete vos ipsos Deo, tradentes illi voluntatem intrinsecus per consensum, & præterea forinsecus membra in obsequiū iustitiæ, Deo videlicet, à quo & ex nihilo formati estis, & ex peccato reformati. Ei vos mancipate, cuius utroq; iure estis mancipia. Et hoc est quod ait, tanquam ex mortuis viuentes, scilicet exhibete vos ei, per quem à morte estis in vitam reuocati. Tamen si & præfixum exemplar mortis & resurrectionis Christi identidem inspicat, Etenim qui adixerat, Christum semel mortuū viuere Deo, illius nos instar admonet, vt exhibeamus nos Deo tanquam ex mortuis viuentes, Regnat enim peccatum in mortem, Christus autem in vitam. (Et membra vestra arma iustitiæ Deo.) Sunt enim, vt iniquitatis, ita & iustitiæ arma, de quibus Ephe. 6. Paulus, Accipite armaturam Dei, vt possitis resistere in die malo, induti lorica iustitiæ, in omnibus fumentes scutum fidei & galeam salutis. &c. Sed nota, Exhibete Deo, Etenim, velut in malum, ita & in bonum liberi sumus. Idem quippe ipse qui ait, Nemo potest venire, nisi pater traxerit, admonet liberè nos trahi, vbi nostrā excitans voluntatem, ait, Venite ad me omnes, &c. Sed & quod ait, Deo, duplicem habere potest intelligentiam. Primam quod membris nostris militemus ipsi: alteram, quod nos illi ministremus arma, quibus pugnet pro nobis. Armat enim ipse nos, tum virtutes nobis

M 2 afflan-

Chrys.

Pudor no-
ster.

Armamus
iniquitatem.

Ezech. 32.

Manichæi.

Ephe. 6.

Ioan. 6.

Matth. 11.

afflando, tum & appellando nos ad earum exercitum: sed quodam etiam nos pacto ipsum vicissim armamus in nostram salutem, dum libere & potimur & utimur eisdem virtutibus, quibus nos ipse ut milites ducit in pugna, quos tamen coronet in gloria. Exhibeamus ergo nos ipsos illi ac nostra membra, cui nihil deperit, quod in eius militia insumptum fuerit, sed seminatur animale in corruptione, ignobilitate, & infirmitate, ut resurgat spirituale in corruptione, gloria & virtute.

Peccatum enim vobis non dominabitur: non enim sub lege estis, sed sub gratia.

Præoccupatio est & præuentio eorum, qui excusare cogitent ignauiam suam & malignitatem, causantes acerrimam carnis pugnam quam non esset possibile sustinere, quin obtemperarent peccato. Horum videlicet excusationem repellit dicens, quod peccatum post gratiam baptismi, ubi crucifixum, mortuum & sepultum est, non est iam validum ad dominandum euangelico populo, redemptore ipsorum testante, Si filius vos liberauerit, verè liberi eritis. Sed est prosectio dubitatio. Primum de qua hic lege loquatur, ubi ait Christianos non esse sub lege: mox qualis sit hæc eius ratio. Apparet enim loqui de lege in genere, ut naturalem etiam cum scripta comprehendat, ex eo quod legem distinguit contra gratiam, in qua distinctione quævis lex intelligitur: cum nulla absque gratia possit homines, vel constituit, vel conservare in amicitia Dei. Si autem sic loquatur de lege, manifestum est, Christianos etiam esse sub lege: tenentur quippe legibus utriusque tabulæ, quæ eliciuntur ex iure naturæ. Quod si loquatur de lege veteri, cuius vinculo per Euangelium relaxati sumus, ut cap. sequenti docturus est, tunc fortius instruitur argumentum aduersus hanc eius rationem: nam & multi sancti Patres fuerunt sub lege illa, in quos non dominabatur peccatum, & plurimi sunt modò in lege euangelica liberati ab illa lege, quibus tamen dominatur. Hic imprimis perspicuum est & constantissimum, significare Apostolum eam legem, quæ è regione opponitur gratiæ: ait enim, Non estis sub lege, sed sub gratia. Hoc autem præfixo, per facile se vnusquilibet extricare hinc posset, dicens, quod esse sub lege, idem valet, quod iacere in inimicitia Dei: tunc enim dilucida esset contrapositio legis & gra-

tie. Atque intellectum, hunc concipere hic videtur Ambro. Qui ait, illis dominari peccatum qui peccant, eosdemque esse sub lege, eo quod auctoritate legis rei fruit: quibus verò data est remissio, iam peccatum non dominari, neque illos esse sub lege, eo quod cessat iam circa eos auctoritas legis. Hæc ille. Eademque cætenus verissime, quatenus ait, tunc dominari peccatum, quando illud admittimus: nam qui facit peccatum, seruus est peccati. At verò Paulus vltimus censetur progressus, dum gratiam componit cum lege. Non enim tam videretur conferre personas ad personas, quam tempus ad tempus, seu statum sub lege euangelica, ad statum sub lege veteri. Loquitur liquidem Christianis, non peculiariter illis, qui erant illo tunc momento in gratia, sed vniuersis qui gratiam baptismi receperant, per quam exempti erant à iugo legis: nam si cum illis proprie qui erant in gratia loqueretur, non dixisset; Non enim iam estis, quasi nuperrimè: quando quidem & retroactis seculis, tam iuris naturalis, quam legis Mosæicæ, fuerant multi sub gratia, qui ideo ratione dicta non fuerant sub lege. Loquitur ergo Paulus de lege Mosæ. Et per hoc quod ait, esse sub lege, intelligit, iuxta primum verbi significatum, id quod est teneri lege: licet & de Christo qui non tenebatur illa, pronuntiaret, factum esse sub lege, eo quod venit ut obediret legi, quoad usque illam impleret. Quocirca nos non sumus sub lege illa: quoniam licet obligeamur decalogo, qui erat illius pars, id non est ob vinculum illud illius legis, ut cap. proximo demonstrat Paulus, ubi rem apertius tractabimus. Pari modo quod ait, esse sub gratia, non intelligit eo pacto, quo singuli iusti sunt in gratia, sed eo, quo legem euangelicam vocamus legem gratiæ. Quinimò hæc est sententia, quam statim capite proximo tractaturus est, scilicet, liberatos nos esse à lege per gratiam. Itaque confert cum Iudaismo Christianismum. Etenim cum in illo seculo Christus, qui author est gratiæ, non persoluisset redemptionis precium, quapropter nec valuerat tunc cœli patebant, neque fides illius populi tam erat aperta, neque legis illius sacramenta efficacia erant vllius gratiæ, auxilium, aut fauoris ad faciendâ iussâ legis, quæ & nuncupabatur lex gratiæ, sicuti neque lex naturæ, quæ illi antecesserat. Haud equidem diffitemur, fidem per circumcisionem applicitâ id circūcis cōtulisse, quod nobis, baptismus. Sed loquimur de sacramentis in genere, deque eorum vi

Ambro.

Ioan. 8.
Mens Pauli.

Iudo

per vbi

Ioan. 8.
Dubitatio
duplex.Nō sumus
sub lege.

Responsio.

&

Lex gratia & energia. At verò lex nostra significantissimè lex dicitur (vt est) gratiæ. Nempe quòd à latore ipso gratiæ prolata sit, & redemptionis sanguine rubricata, vbi & apertior est fides, quæ docet nos, fauorem diuinum implorare, & precepta vt rarissima, ita & explicatissima, ac demum adhibita sacramenta plurima gratiæ in subsidium implendæ legis. In summa, est lex, cuius tempore operatus est Christus mysterium gratiæ, seras referans regni cœlorum, quod mysterium omnibus retrò ætatibus absconsum fuerat, & cuius fide velut in deposito custodiebantur sancti & sustentabantur, quasi ab hoc tempore penduli, vt cap. 3. dicebamus. In quo sensu ait Euangelista, Lex per Moysen data est, gratia & veritas per Iesum Christum facta est. Nam etsi vnum illis extiterat circumcisionis sacramentum, per quod fide Christi applicata, iustificabantur, reliqua verò lex iubebat quidem, non autem iuuabat. Vult ergo commonefacere Paul. conuersos ad fidem, vt, qui in gratia sunt, solidius confirmatiusq; persistant aduersus regnū peccati, quàm illi qui olim sub lege naturali & scripta degebant, & qui relapsi fuerint, expeditius feruentiusq; & robustius respiscant: si quidem tanta affluētia gratiæ & dignationis diuinæ, sacramentorūq; & remediorū copia illis antecellunt. Eundē sensum agnouit Chrys. nempe quòd ante Christi aduentum, quando lex erat tantūmodo præcipiens, facillimum erat corpus nostrū mancipatu in seruitutem peccati: nunc autem per gratiam, quæ & priora dimittit, & ad futura quoq; cauenda nos munit, facilius illi resistere possumus. In eodem sensu legit & hunc locum Aug. in lib. de gratia & libe. arb. vbi ait, quòd peccatum dominatur sub lege, nō quia lex mala est, sed quia sub illa sunt, quos reos facit iubendo & non adiuuando.

Quid ergo? Peccabimus, quoniam non sumus sub lege, sed sub gratia? Absit.

Frequens est Paulo schema hoc præueniendi pseudo illos apostolos obseruatores & calumniatores verborum ipsius. Etenim vti supra ex eo quod dixerat, vbi abundauit delictum superabundasse & gratiam, deprauata mens subinferre poterat, hærendū esse in peccato, vt gratia exuberaret, ita modò ex hoc quod dixit, iam non esse Christianos sub lege, sed liberatos ab illa per gratiam, dicere il-

li cogitarent, quòd licentiam Paul. indulgeret explendi cupiditates carnis: nam vbi non est lex, nec præuaricatio, vt ipse dixerat. Hanc ergo calumniam recutit: & ideo sicut superius interrogauerat, quid ergo? Manebim⁹ in peccato? Hic sciscitatur, quid ergo? Peccabimus? & eodem verbo respondet, Absit, quæ aptissima est responsio ad manifestariam detestandum calumniam. Haud enim ita intellexerat absolutos esse ab illa prisca lege, vt nulla deinceps obligarentur noua: quinimò simul per eandem professionē baptismi, vbi veterē hominē exuimus in nouam vitā, legi quoq; addicimur nouæ. Et hoc est quod subiungit.

An nescitis quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiam?

Probat siquidē nō prorsus omni esse Christianos lege solutos. Et format hunc syllogismum, Quicumq; sese ad obediendū exhibuit iustitiæ, seruus est iustitiæ, Christiani sese in baptismo exhibent iustitiæ euangelicæ, ergo & serui eius sunt. Priorē præmissam assumit in hoc textu per interrogationē, quo vehementior sit oratio, An nescitis quod non minori sitis obligatione serui iustitiæ, cui vos in baptismo exhibuistis q̄ fueratis peccati, cui sub antiqua lege vestra vos sponte addixeratis? Imò multò arctiori vinculo & iure astricti estis iustitiæ. Nam peccatū per tyrannidem dominatur homini, qui ratione viget secundum quā nat⁹ est viuere: iustitia verò legitimo iure. Cōposuit duos quasi dominos & reges: putā, serui peccati, et, serui obeditionis, obeditionem enim appellauit obseruantiam diuinarū preceptionum, apposuitq; & duos fines ac terminos diuersos, scilicet, peccati in mortem, quia stipendium peccati mors, vt statim dicturus est, obeditionis autem ad iustitiam. Est autē fortasse qui dicat, quòd fuisset luculētior oppositio, si dixisset, siue inobedientiæ ad iniustitiam, siue obeditionis ad iustitiam: aut fortē hoc modo, siue peccati ad mortem, siue iustitiæ ad vitam: tunc enim singulis singula responderent ex æquo. At non solet Paulina grauitas tam esse verborū sollicita, quàm rerum obseruatrice. Sed dixit, peccati in mortem, illuc respiciens, vbi dixerat, peccatum regnare in mortem. Dixit autem obeditionis (quæ opponitur transgressioni peccati) ad iu-

M 3 stitiam,

Duo domini
peccatum &
iustitia.

Lex per Moysen etc.

Chrysost.

August.

stitiam, vt finem proximum obedientię exprimeret, qui est exercitium in operibus iustitię, per quod progredimur ad vitam æternā. Atq; id cogitata ratione, vt illos admone- ret, non ita fuisse emancipatos à lege per gra- tiam, quin essent semper debitores iustitię fa- ciendę: iustitia enim debitum significat.

Gratias autem Deo, quod fui- stis serui peccati, obedistis autem ex corde in eam formam doctri- nę in quam traditi estis. Liberati autem à peccato, serui facti estis iustitię.

Post priorem præmissam, nempe quod qui se deuouit iustitię adstrictus illi est, vt seruus, subnectit alteram: scilicet, Christianos addi- ctos esse & adscriptos ad obediendum iusti- tię. Profert se hic autem apostolicum pectus Deo plenum: non enim simpliciter ait, quod ex seruitute peccati sese contulissent in obse- quium iustitię, ne officium illud sibi arrogarent, sed vt Deo acceptum referrent: cui ideo gratias debebant, ait, Gratias ago Deo, quod cum serui essetis peccati, ex corde obedistis iu- stitię: quasi in memoriam reuocans, quod in frōte epistolę dixerat, Gratias ago Deo meo, quia fides vestra annunciatur vniuerso mun- do. In gręco, gratia, est in nominatiuo singu- laris numeri, Gratia Deo, vt subintelligatur verbum, sit. Interpres verò transtulit per accu- satiuum pluralem, vt subintelligatur verbum agimus. Quę quidem oratio (quicquid neote- ricorum schola reclamitet) multo fuit semper Christianis celebrior à primordiis Ecclesię, quàm gratia Deo. Id quod & sacra ipsa testā- tur, in quorum præfatione, vt gratias agamus domino Deo nostro, commonemur, & in fi- ne pariter concludimus, Deo gratias: quasi to- tam gratiarum congeriem de quibuslibet re- bus soli Deo referre debeamus. At verò satis sunt inepti, qui obiiciunt interpreti nostro, ita hunc locum esse ab eo traductum, vt gra- tiarum actio referatur ad proximam oratio- nem, quod fuistis serui peccati: si enim hoc, vi- tium fuisset, in Paulum ipsum refunderetur: sed nulla est vitii nota, vbi tam est apertus sen- sus: agit enim gratias non de seruitute pecca- ti, sed quod transcripti fuerint à peccato ad iu- stitiam per misericordiam diuinam, Gratias enim, inquit, Deo, quod cum fuissetis pri⁹ serui peccati, traducti per Dei misericordiam

estis in libertatem iustitię. Atqui lōgē cumu- lator est causa gratiarum agendarum, quod à peccati seruitute abdicati, adoptati fuerint in filios Dei, quān- si antea fuissent in puris naturalibus: iam enim aliās diximus, rationē gratię ibi esse maiorem, vbi minus est debiti: ille autem qui est in peccato, non solum non est dignus diuino fauore, sed est indign⁹, imò supplicio dignissimus. Auget autem rationē per hoc quod ait, ex corde, nam à peccatis po- test quis foris abstinere, pœnarum metu, in- trinsecus autem cor ab illis prorsus euellere, Deoq; fide optima consecrare, ibi quidem la- bor & virtus. (*In eam formam doctrine in quam tra- diti estis.*) Definitio est dilucidatioq; illius qđ dixerat, serui obeditionis ad iustitiam, idem enim, sed explicatius significat oratio præsens Obedistis in eam formam doctrine, puta in Euangelium: quod est dicere, iuxta formam doctrine vobis præscriptam. Neq; tamen op⁹ fuerat traducere, vt quidam volunt, In ea for- ma doctrine quę tradita est vobis, nam præ- terquā quod lectio gręca, nostrę omnino ap- plaudit, maiorem etiam habet energiam, ma- ioremq; honorem Euangelio defert, in quam traditi estis, quān, quę tradita est vobis. Nō enim solum Christus Euāgelium proposuit orbi, sed per gratiam suam redemptos nos à peccato eiusq; famulatui subductos, subdidit Euangelio, cuius dicto simus semper audien- tes. (*Liberi autem à peccato, serui facti estis iustitię.*) Conclusio est prop sita, nempe quod per illā obedientiam, quam doctrine euangelicę præ- stiterunt, ita sint relaxati à peccato, vt serui ta- men fuerint constituti iustitię. Datius est ca- sus, ac si dixisset, mancipati estis iustitię. ¶ At- tentum hoc autem loco lectorem reddere vo- lumus aduersus illud Lutheri dogma, tam fi- dei catholicę absonum, & perniciosum, quod in suo illo libro de iniquissima libertate Chri- stiana commentus est: contra quod nos co- piofam disputationem instruximus in initio lib. 3. de nat. & grat. Dogma autem est, quod per solam fidem qua iustificamur, liberamur à tota lege: hoc est, legis obligatione. Nam cū per nos, inquit, legē nequeamus implere, vni- cō actu fidei nos Deus absoluit: vt postea nō iā ex obligatione, sed nostra sponte debeam⁹ præstare officia charitatis. Qui quidem pro- fectò absurdissimus error in Iouinianum im- pingit, qui referente Augustino, lib. de heres. cap. 82. dicebat, Neminem post receptū rege- nationis lauacrum posse amplius peccare. Eniuerò si nulla reliquitur iustis obligatio le-
gis,

Ex corde

In quam tra- diti estis.

Lutherani.

Aug.

Pectus apo- stoli.

Gratia Deo.

Noui inter- pretes.

gis, & peccatū nihil aliud sit, quā legis transgressio, sit, vt nullo modo possint delinquere. Et præterea si nulla lege tenerentur iusti, profectō in sua positi libertatē non essent tanto robore firmati in officiis virtutis. Fuit sanē Adam in illo felicitatis culmine, legi obligatus, & nihilo secius corruit, quomodo nō sint modō iusti sub legis iugo? At fatemur, posse quēpiam eō sanctimonix prouehi, vt nullā renitentiam sensualitatis præsentiat, vbi iam per charitatem foras misso timore, omnia faciat ex amore filiali, neq; indigeat metu legis in quem illa sententiā competeret, Iusto non est lex posita. Sed tamen quōd aliqui, vel ipsi confirmati apostoli, ita sint exempti vinculo legis, vt licet illam transgredierentur, non peccarent, hæresis est manifestaria. In patria faciet nos illa beata visio prorsus impeccabiles, gratia verō huius vitæ, non item. Plurimis illic quidem egimus aduersus hūc errorem, cuius hic tamen eō meminere, quōd illum aperte hic cōdemnat Apostolus: vbi ait, quōd qui se per gratiam præbuit iustitiæ, seruus illius est, atq; adeo obnoxius euangelicæ legi: iuxta verbum Christi, Euntes docete omnes gentes, baptizantes eos, & docentes eos seruire omnia quæcunq; mandauī vobis. Quare & iustissimus quisq; sibi dictum putet, Si vis ad vitam ingredi, serua mandata.

Humanum dico propter infirmitatem carnis vestræ: sicut enim exhibuistis membra vestra seruire immunditiæ & iniquitati ad iniquitatē, ita nunc exhibete membra vestra seruire iustitiæ, in sanctificationem.

Tertia pars capituli.

Tertiam hic possumus designare partē huius capitis, in qua postq̃ principālē conclusiōnē, puta quōd non est iacendum in peccato, persuasit, alliciēdo Romanos cōmendatione latissimi beneficii suscepti in baptismo, eadē confirmat confundendo eos oner e flagitiōrū & scelerū, à quibus erepti fuerant. Atqui est præterea exaggeratio & amplificatio præcedētis proximę adhortationis. Cum enim eos cohortatus sit, ne membra exhiberent arma iniquitatis peccato, sed Deo potius arma iustitię, orationem hac maximē comparatione attolit. (*Humanum dico propter infirmitatem carnis vestræ.*) Præambula est excusatio, quæ acrimonię plurimū ac ponderis adfert ad com-

mouendos animos. Quasi dicat, Non audeo vobis pro dignitate rei & diuino merito significare, quanta fide & cura deberetis exhibere membra vestra Deo: sed demissus accommodatusq; imbecillitati carnis vestræ, humanū quidpiam & humile dico: hoc enim hic significat, humanum, quod est, fragili conditioni humanæ attemperatum. Atqui secundum Augustinum in epist. ad Anast. & in sermone quodam de verbis Apostoli, hæc intelligentia est huius, quod ait, humanum dico, Homines dulcedine illectantur ad flagitia: timore tamen poenę deterrentur, si non à voluntate, saltem ab opere peccati. Iustitiæ autem non solum seruiendum est ob suauitatē quæ est in opere, sed incumbendum est etiam illi, & ita constanter inhærendum, vt nullus metus possit inde hominē dimouere. Cuius rei clarissima exempla dederunt nobis martyres Christi, & illic quoq; Paulus fortissimus seruus iustitię: vbi ait, Quis nos separabit à charitate Christi? Vult ergo dicere secundum Augustinum, quōd si non legitimo hoc modo, qui iustitiæ debetur, exhibemur illi membra, vt nullo scilicet timore ab eius obsequio absterreamur, saltem seruiamus illi sicut solemus peccato, ob dulcedinem & voluptatem illius: & non sit seruitiū nostrum peruersum: puta, quōd cum ad peccandum, non metu, sed amore peliciamur, ad opera iustitiæ, non amore ducamur, sed trahamur timore. At verō forsan & aliū intellectum admittere etiam potest similitudo hæc Pauli. Nempē quōd cum homines, & maximē illi Romani, vt suarum potirentur cupiditatum, nihil reliqui faciebāt, sed fortunas omnes, honoremq; & vitam posthabebant, adhortatur eos, vt tali fide & constantia reuocati in lucē gratiæ, seruiant iustitiæ, caduca omnia & peritura propter illam relinquentes. Itaq; non ait, humanū dico, vt tēperet & diminuat modum, quo debemus seruire iustitiæ, sed vt se excuset, quōd non sit veritus conferre cū turpitudine peccati dignitatē iustitię: quippe cū omni procul cōparatione supraq; omnē modum seruiendū esset constantius iustitiæ, quā iniquitati, secundum illud Baruch. 4. Sicut fuit sensus vester dum erratis à Deo, decies tantū iterum conuertentes requiretis eum. Hoc planē corruptissimi perditissimiq; homines experiri in se possunt, Quid enim non designant, cui non se obiciunt discrimini, vt animum expleant? Atq; hoc est quod subdit. (*Sicut exhibuistis membra vestra seruire, etc.*)

August.

Alius intellectus.

Baruch. 4.

Quem ergo iam non depudeat Christiani peccatoris hominem, non eam nauare operam virtuti, quam pendebat vitiositati? Aut quis suauissimum iugum Christi importabile iudicet, ad quod ferendum ij prorsus labores exiguntur à nobis, quos nostra spontè in seruitio peccati collocamus? (*Seruire immunditiæ & iniquitati ad iniquitatem.*) Sed & membra singula ipsius antithesis neruos quoque adhibent orationi. Ecquid enim turpius & imagine Dei, quæ in homine est, indignius, quam exhibere membra immunditiæ & iniquitati, vt mancipia dæmonum sint & seruitia, quæ per momentaneas voluptates in perpetua supplicia proiciantur? Quid autem pulchrius aut decentius, quam membra exhibere Deo in sanctificationem, quæ membra in hoc officium ab ipso creata sunt, vt laboribus exiguis mactata refloreat sempiterna gloria? Immunditia, nomen est flagitiorum carnalium, quæ capite primo subnotauit illo verbo, Tradidit illos Deus in desideria cordis & in immunditiam. Iniquitatis, verò appellatione comprehenduntur peccata, quæ fiunt in iniuriam proximi. Adicit autem, ad iniquitatem, in hoc sensu, quod serui iniquitatis iugiter iniquitati adiungat aliam iniquitatem. Haud tamen inde fit licitum, vt in ipsa intus traductione textus (qui corundam ausus est) plures particule adhibeantur, quam sint in textu. Licentissima in quam translatio quorundam est, seruire iniquitati ad aliam atq; aliam iniquitatem, satis enim fuisset cum sanctis Patribus in commentario expositionem hanc adscribere: eò vel maxime, quod & hæc ipsa lectio, iniquitati ad iniquitatem, eundem potest exhibere sensum.

Neq; verò sunt prorsus refutandi, qui alium sensum his verbis concipiunt: nempe vt, iniquitatem, posteriori loco, non accipiatur pro speciali iniustitia, quæ est ad alterum, vt in priori loco: sed generaliter pro vniuersa vitiositate: vt referatur quoq; ad immunditiam, atq; adeo tertium membrum, exprimat finem duorum præcedentium datiuorum. (*Ita nunc exhibete membra vestra seruire iustitiæ in sanctificationem.*) Immunditiæ & iniquitati vnæ est regione collocavit sanctificationem, quæ cordis puritatem & æquitatem animi significat.

Sanctum. Est enim sanctum, cum de Deo dicitur, qui est sanctitatis exemplar, idem quod mundum, purumq; & omni corruptione liberum. Vnde illud Leui. 19. Sancti estote: quoniam ego sanctus sum. In nobis autem sanctum, idem

est, quod sanctum: hoc est ab omni forde & inquinamine mundatum, & depuratum, ac Deo dicatum: imò ad quandam diuinitatis communicationem euectum, & secundum latinam interpretationem, sanguine consecratum. Ad quem nos maxime modum sanctificauit proprio sanguine Christus. Qui ait, Sanctifica eos in veritate tua. Et paulò post, Et pro eis ego sanctifico me ipsum, vt sint & ipsi sanctificati in veritate. Et Ephē. 1. Elegit nos vt essemus sancti & immaculati. Et. 1. Thess. 4. Deus vocauit nos, non ad immunditiam, sed ad sanctificationem. Vnde sanctificatio idem ferme theologis est, quod iustificatio: qua propter accipitur & pro mundatione à priori peccato, & pro confirmatione in bono, & pro augmentatione ipsius. Atq; hanc ob rem simul ambo in Apocal. componuntur, Qui iustus est, iustificetur adhuc, & sanctus sanctificetur adhuc. Sicut ergo iniqui immunditiæ seruiunt & iniquitati ad iniquitatem, ita & qui sacramento baptismi initiantur, debent Christo, qui factus est nobis sapientia à Deo, & iustitia, & sanctificatio, assensum cumprimis præbere, ad assequendam iustitiam, & membra deinceps ad percolendam augmentandamq; sanctificationem. Iuxta illud. 2. Cor. 7. Has habete promissiones charissimi mundemus nos ab omni inquinamento carnis, & spiritus: per ficientes sanctificationem in timore Dei.

Cum enim serui essetis peccati, liberi fuistis iustitiæ. Quem ergo fructum habuistis tunc in illis, in quibus nunc erubescitis? Nam finis illorum mors est.

Vnum patentius expandit præfatæ comparisonis, manifestando diuersissimam rationem & intervallum inter effectus qui oriuntur ex seruitute peccati, qua antea premebatur, & eos qui proueniunt à iustitiæ famulatu, ad quem per baptismum transmigrarunt. Constituit autem discrimen inter tria, scilicet inter seruitutem peccati & seruitutem iustitiæ & inter fructum illius, & fructum istius: atq; adeo inter fines. Ait ergo. (*Cum enim serui essetis peccati, liberi fuistis iustitiæ.*) Ea est inter alia sententia Prosperi, quod vt nemo potest absq; domino: neq; verò seruitus vsquam est respectu vnius absq; libertate respectu alterius: neq; libertas respectu vnius absq; seruitute respectu alterius. Et hoc est, quod ait Paulus

Ioan. 17.

Ephē. 1.

1. Thess. 4.

Apoc. 22.

1. Cor. 2.

2. Cor. 7.

sententia
prosperi.

Paulus, Cum serui essetis peccati, liberi fuistis iustitiæ. Respondenter præcedenti verbo, liberi à peccato, serui facti estis iustitiæ. *Seruus peccati.* Idioma hoc, appellare scilicet iniquos seruos peccati, Christus primū docuit Ioan. 8. quod ideo apostoli prædicatione sua celebrant in odium gentium, qui pro libertate ducebant animo obsequi, eumque quocunque collibitum esset, relaxare. Liberi autem dicuntur iustitiæ (est enim datiuus) qui iustitiæ iugo reiecto liberè seruiunt peccato. Id quod in illos potissimum competit, qui non ex inscitia, vel ex aliqua subrepente passione, sed perfrieta fronte in ditionem peccati sese dediderunt: in quos antea dicebamus apertè regnare peccatum. Hi enim dum nullo frano iustitiæ colibentur, nulloque metu cunctantur parere peccato, liberi omnino sunt iustitiæ: id est, legibus eius exēpti. Itaq; primus effectus seruitutis peccati, est hominem abducere ab obsequio iustitiæ. Sed neque hoc verbum sua caret ironia atq; adeo emphasi: dixit enim, liberi iustitiæ, ad eorum confusionem: cum illa non sit vera libertas, sed durissima, dirissimaque & infelicissima seruitus. Non enim vera libertas in hoc posita est, vt facias quicquid libet: nisi sit rationi consentaneū. Est enim homo rationale animal: hoc est, ratione viuere natum: ideoque cum voluntas nata perinde sit rationem sequi, tunc maximè captiua tenetur, cum à rationis lege & ordine seducitur. At quia in homine duplex est appetitus, puta, sensualis, ratione materiæ & generis, qui omnibus ideo est animalibus communis, & rationalis virtutē formæ, vnde homo speciem sortitur: quando voluptatibus sensuum traditi in illis oblectamur, etsi voluntas tunc maximè captiua tenetur, ne in rationis viam & ordinem redeat, tamen dicitur libertas secundum quid, quæ est secundum materiale appetitum: at quādiu rationi subdita est, tunc utiq; sua fruitur genuina naturalique libertate: quæ illi conuenit ratione specificæ formæ. Quo fit, vt quò fuerit quis confirmator in bono: vt voluntas sanctissimæ Virginis & apostolorum, eò fuerit magis libera: atque adeo in cælo, vt sunt diui illi diuino amore confirmatissimi, ita sit eorum voluntas maximè libera. Enimvero vbinam maior potest excogitari libertas, quàm in Deo? qui tamen peccare nequit: quoniam peccare non est potestas, sed infirmitas. Atq; ideo nescio an adstruxerim, hac de causa diuersa phrasi

Paulum vsum fuisse, vt de peccato dixerit, liberati à peccato, serui facti estis iustitiæ, de iustitia verò, cum serui essetis peccati, liberi fuistis, non à iustitia, sed iustitiæ: hoc est, liberi fuistis iniuriam iniicientes iustitiæ. (*Quem ergo fructum habuistis tunc in illis, in quibus nunc erubescitis?*) Post primum effectum peccati: *Secundus effectus peccati.* qui est abstrahere hominem à famulatu iustitiæ, sequitur eius fructus: qui est confusio & pudor. At verò quia hic non est fructus nisi per antiphrasin à contrario sensu: imò nullus est peccati fructus, vtitur interrogatione sibi familiari: qua profectò eloquentissimè fructum eum nominat, quem tacere simulat. Ex illa, inquit, peccati tyrannide, in quam ita vos penitus contulistis, vt principatum iustitiæ omnino abiiceretis, quem fructum habuistis? Etsi videatur interrogatio hæc præ se ferre negatiuum responsum: quasi diceret, Nullum, tamen in verbo, erubescitis, designat fructum peccati. Consequitur enim peccatum protinus erubescencia: vt in prima Adæ præuaricatione vsu venit, comedentis de arbore, quæ primos peccati fructus emisit. Vnde in Psalm. Erubescant impij, & deducantur in infernum. Hanc enim primam poenam luit rationalis homo cum primū aliquid contra rationem admittit: vnde autem erubescencia exoritur, nullus potest aliò provenire bonus fructus. Sed nescio quid mihi Paulinæ mentis prospicere videor sub oculis, tunc, & nunc. Peccatum enim dum adest actu, erubescenciam abstergit de fronte: vt sese homo liberius oblectet. Imo verò quia tunc turpitudinis deformitas minus noscitur, non est adeo efficax ad pariendum pudorē: maximè in illis qui se longè subtraxerunt famulatu iustitiæ: calore autē deferuente, tunc, quia peccatū lucidius deprehenditur, incipit rubescere erubescencia: atq; eò magis, quò homo ad meliorem mentē cōuersus elōgator fit à peccato. Optimè ergo discreuit tēpora, quæ fructum tunc habuistis in illis, in quib⁹ nūc erubescitis, quod est, voluptas illa quā tunc præsentiebatis, quemnam vobis fructū tulit præter hanc præsentē iam modò erubescenciā? Diuersa autem est iustitiæ natura: qui enim non sese totos illi manciparūt, præcipua eius opera, quæ stultitia sunt apud homines, aggredi erubescunt. Vnde Christus redemptor noster, vbi ad tollendam suam crucem nos inuitat, statim subdit, Qui me erubuerit & meos sermones, hunc filius hominis erubescet, cū venerit in maiestate sua, & patris, *Luc. 9.*

& sanctorum angelorum. Qui verò dulcedinem eius affatim degustauerit, nō solum nula verecundia arceri potest ab officiis: quæ sapientia sunt apud Deum, verum pro summo illa ducit honore. Vnde Paul. Non enim erubescō Euangeliū. Et, Absit mihi gloriari nisi in cruce domini. (*Nam finis illorum mors.*) Post fructum peccati, cōstituit finem, qui est mors. Et loquitur de vtraq; morte, tam temporali, q̄ æterna. Illa enim statuta erat in pœnam peccati: cuius perinde causa prima fuit peccatū Adæ: taneti per omnia deinde peccata hominū causa eadem & ratio augeatur. Sed & iniquis à morte temporali cōmigratio fit ad æternam, vbi peccaminum fructus, scilicet pudorē, grauiorēq; alios ac perhorrendos æternum percipiunt.

Nunc verò liberati à peccato, serui autem facti Deo, habetis fructum vestrum in sanctificationē, finem verò vitam æternam.

Tribus superioribus membris peccati, tria contraria supponit iustitiæ. Nunc verò liberati à peccato, serui facti Deo, vbi summa est libertas (nam seruire Deo, regnare est) habetis fructum vestrum in sanctificationem. Perseuerat in metaphora, quam suprà proposuit de complantatione nostra similitudini mortis Christi, qui arbor fuit illi primorum parentum contraria, cuius scilicet virtute florescit fructescitque Christianorum Ecclesia. Etenim (vti illic citabamus) sicut non potest palmes ferre fructum à semetipso, ita neq; nos nisi in Christo māserimus. Fructus autem hic est sanctificatio nostra: hoc est, mētis purificatio: hæc enim per opera iustitiæ fit, promanantia ex fide, quæ per charitatem operatur: secundum illud Gal. 5. fructus spiritus sunt charitas, pax gaudium, &c. Hæc autem fructificandi virtus à Deo per venas voluntatis nostræ ab ipso attactē & prēmotaē deriuatur. Vnde Act. 15. de Deo, tanquam de primo auctore legitur, quod ipse sit fide purificans corda. Et in Psal. Cor mundum crea in me Deus. Sed quia nos etiam ad hanc nostri sanctificationem cooperamur, ait Iacobus, Emundate manus peccatores, & purificate corda duplices animo. (*Finem verò vitam æternam.*) Arboris quidem postremus finis, est fructus: hominis verò, non quidem fructus, sed fruitio est summus finis, hoc est, fructuum perceptio. Et ideo hic distinxit inter

fructum voluntatis nostræ, quæ est arbor bona vel mala, ferēsque; proinde bonos malosque; fructus, & finem ipsius hominis, qui est æterna, vel mors, vel vita. Sed est oculatissimè speculandum, quomodo vita æterna consistat in perceptione fructuum. Est nanq; vita æterna, ait ipsa veritas, vt cognoscant te, Deum verum, & quem misisti Iesum Christū. Hoc est, vt te in hac vita per specularem fidem cognoscentes, spe concupiscant, & charitate percolant, & tandem deamatum facili cognitione comprehendant videndo. Qua ratione vita beata, vt cognitione hic inchoatur, ita & illic consummatur. Ob idque licet charitas in hac vita præstantior sit fide, quia ob hoc cognoscimus, vt per amorem curramus (nam etsi habuero inquit fidem, ita vt montes transferam, charitatem autem nō habeam, nihil sum) tamē in patria præstantior est visio charitate (sicuti auctore Arist. præstantior est intellectus volūtate) nam per intellectum comprehendimus Deum, quem voluntate amamus, perque eundem adeo intellectum cōcupitis in cœlo potimur. Hoc enim inter apprehensiuam potētiam & appetitiuam interest, quod per appetitiuam in obiectum ferimur: per apprehensiuā verò (quod nomen ipsum sonat) ipsum apprehēdimus. Cum ergo beatitudo in comprehensione & possessione Dei consistat: iuxta illud, Sic currite vt apprehendatis, fit, vt in visione sit posita beatitudo. Est enim beatus, vt ait. 13. de Trin. Aug. qui habet quicquid vult, & nihil mali vult: nō ergo beatitudo est amare quod habes, sed habere quod amas. Vnde quāuis visio illa, nisi Deus dilectus esset videntibus, neq; delectaret, neq; proinde bearet, ipsa est nihilo minus beatitudo. Ad propositum ergo Pauli vt descendamus, Cum ratio videnti Deum, in qua vita æterna consistit, sit puritas & mundities cordis: iuxta illud, Beati mundo corde: quoniam ipsi Deum videbūt, mūdities autem idem sit, quod sanctificatio per opera iustitiæ, quæ ex charitate fiunt, atque adeo quō mūdus est cor, & purificati⁹, eo sit in patria visio perspicatior, optimè fructibus sanctificationis præstituit tanq̄ finem, vitā æternam. ¶ Per hæc vtiq; ratio dilucescit, tum intelligendi, tum etiam terminādi litem illam scholasticam de actu, in quo beatitudo consistit. Haud enim lis est (vt plurimi falsò existimant) an consistat in fruitione: quippe quod S. Thomas, si penitus inspiciatur, nunquā negauit. Neq; verò dubitauit, quin fruitio

Vita æterna.

Ioa. 17.

Beatitudo in visione.

1. Cor. 9.

August.

Mat. 5.

In quo actu beatitudo cōsistit.

tio

tio esset actus voluntatis. At dissidium est, consistat ne in amore, vt alij autumant, qui est actus elicitus voluntatis, an in visione, vt ipse scitè constituit, quæ est actus ab eadem voluntate imperatus. Sunt enim qui arbitrantur fruitionem, idem esse, quod amorem Dei visi: cum tamen non sit nisi visio ipsius amati. Est enim, re qualibet frui, idem, quod fructum ab illa capere: id est, rei potiri, quam amamus. Vnde quia voluntas est, quæ per desiderium fertur in rem absentem, & dum adest, conquiescit in illa, eadem quoq; voluntas est, quæ aliis vtitur potentiis ad percipiendum amatæ rei fructum: nempe quæ per gustum: fruitur pomò: & per visum, pulchro: & per odoratum, odore: &c. tãquam per actiones à se ipsa, non quidem elicitas, sed imperatas. Cum ergo Deus non fiat præsens nisi per intellectualem conspectum, fit, vt per intellectum fruatur ipso volùtas, atq; adeo homo, voluptatemq; inde percipiat. Quocirca S. Tho. 1.2, q. 11. visio inquit, in quantum est visio, actus est intellectus: in quantum verò est bonum & finis, est voluntatis obiectum: & hoc modo est eius fruitio. Vnde finem, inquit, hunc intellectus consequitur tanquam potentia agens, voluntas autem tãquam potentia mouens ad finem, & fruens fine iam adepto. Hactenus ille. Est ergo fruitio, visio ipsa, quæ actus est vtriusq; potentiae: scilicet voluntatis mouentis, intellectusq; elicientis. Hoc si meditatiùs perspectiusq; specularentur multi scholastici, non ita incallum digladiarentur de verbis Augusti. qui diuersis in locis videtur de hac re diuersa sentire: alicubi scilicet quòd beatitudo consistat in visione, alibi verò quòd còsistat in fruitione, cum idem sit prorsus Augustino visio & fruitio. Ait etenim in de mori. Eccle. Quid est aliud quod dicimus frui, nisi præsto habere quod diligis. Nò dixit, diligere quod habes, sed habere quod diligis. Nihil ergo obstat quod ait. 1. de doct. Christ. & 10. de Trin. Frui est amore inhærere alicui rei propter seipsam: eadem enim autoritate vtitur loco citato S. Tho. ad probandum fruitionem esse actum voluntatis: & tamen inde non colligit, quòd amor sit fruitio, sed quòd visio, quæ motione voluntatis elicitur ab intellectu, sit fruitio: nam & de vsu ait pariter idem August. quòd sit amor, quo diligimus rem propter aliud: & tamen vsus equi aut cibi non est amor, quo res illas propter nos diligimus: sed certè vsus equi est equitatio, & vsus cibi gustatio.

Ideoq; in hoc sensu accipiendum est frui, est amore inhærere rei, quòd tunc fruimur, quãdo in re possessa amorem sistimus: haud tamen formaliter (vt aiunt) fruimur: nisi per actum potentiae, quæ propria est illius obiecti, & eodem amore adinouetur ad percipiendum ipsum. Igitur neque vllò pacto obstat, sicubi apud sanctos fruitio appelletur summum bonum, siquidè fruitio, ipsa est visio. Vnde idem ipse August. in epist. de videndo Deum, ad Paulinum, visio, inquit, est summa merces, quæ promittitur diligētibus Deum: iuxta verbum Christi, Si quis diligit me, ego diligam eum, & ostendam me ipsum illi. Et lib. 1. de Trin. Visio sola est summum bonū. Et in lib. de spi. & anim cap. 57. Deum videre summa felicitas est, summa iucunditas, vita æterna, vita beata. Video me longius digressum, quàm pro ratione fortè còmentarij par erat. Sed tamen hucusque me contulit causa hæc exponendi, quàm speciosè fructui, qui est sanctificatio, vitam æternam, ceu finem, adiunxerit, quæ est fruitio.

August.

Stipendia enim peccati mors: gratia autem Dei vita æterna in Christo Iesu domino nostro.

Quoniã de morte & vita: æqua ratione videri poterat locutus, hanc erradi occasionem summouet, dicēs, Non cadē prorsus ratione còsciscere sibi iniquos mortem, qua iusti sibi còparant vitam: est enim stipendium peccati mors, gratia autē Dei, vita æterna, Quod est dicere, Serui peccati proprio Marte stipendia faciunt mortis: effingit enim illos, veluti milites sub vexillis peccati, qui suis propriis viribus, vel suis potius cupiditatib⁹, quæ verius sunt morbi & ægitudines ex infirmitate & languore naturæ prouenientes, conquirūt sibi mercedem mortis. Iusti verò, qui & ipsi per gratiam Dei sunt iustitiæ milites, ita per sua strenua opera: hoc est, fidem seruantes, & cursum consummantes, merent coronam iustitiæ in vita æterna: vt tamen illam non debeant suis propriis viribus & naturalibus operibus adscribere, sed diuinæ gratiæ: per quam tum in talem militiam asciti sunt, tum etiam in acie ducuntur, & de Deo bene merentur. Hunc autem locum nobis obiectant Lutherani contra meritum iustorum operum, per quæ Theologi, iuxta veritatem euangelicam, mereri iustum docent vitam æternam: de qua re lib. nost. 3. de nat. & grat. 7. latif.

Lutherani.

Lib. 3. de na.

et gra. ca. 7

latif.

Fruitio.

August.

August. latissimè disputauimus. Obiiciunt inquam, quod ait Paul. Gratia Dei vita æterna. Respondet illis tamen apertissimè August. & in epist. ad Sixtum, quæ est. 105. & de gra. & lib. arbi. cap. 7. quibus locis hoc legitimè interpretatur Paulinum verbum. Sciscitatur enim quasi ex hac sententia subinferēs. Nul- la ne igitur sunt merita iustorum? Et respon- det, Sunt planè, quia iusti sunt: sed vt iusti fi- rent, merita non fuerunt. Et infra, Vnde ipsa vita æterna, quæ in fine sine fine habebitur: & ideo meritis præcedētibz redditur: tamē quia eadem merita, quibus redditur, non à nobis parata sunt per nostram sufficiētiā, sed in nobis facta per gratiam, etiam ipsa (sci- licet vita æterna) gratia nuncupatur: neque ideo quia meritis non datur, sed quia data sunt & ipsa merita, quibus datur. Et inferius, Cū dixisset (scilicet Paul. hoc loco) stipen- dium autem peccati mors, quis non congruē- tissimè & conuenienter addere iudicaret, stipendium autem iustitiæ vita æterna? & ve- rum est, inquit, quia sicut merito peccati tā- quam stipendium redditur mors, ita merito iustitiæ tanquam stipendium vita æterna, vn- de etiam & merces appellatur plurimis san- ctarum scripturarum locis, &c. Hæc August. & alia plura, quibus edisserit, vitam æternam esse quoq; militantium stipendium: sed ne merita ipsa quibus datur, nostris viribus ad- scriberemus: quæ tamē gratia Dei connitun- tur, ad amputādum hanc impiam gloriatio- nem, dicit Apostolus, Gratia Dei vita æter- na in Christo Iesu domino nostro, id est, per eius virtutem & meritum: cuius mem- bra sunt iusti omnes, veluti palmites fructifi- cantes in vite.

CAP. SEPTIMUM.



An ignoratis fratres (scientibus enim le- gem loquor) quia lex in homine do- minatur quāto tē- pore viuit?

*Argumentū
huius capituli.*

Discurrit per omnia à quibus sumus be- neficio Christianæ gratiæ liberati. Egit enim hætenus de liberatione à peccato, iam verò in hoc capite docere instituit, quemadmo- dum sumus per eandem gratiam Mosaica le- ge soluti. Erat enim hic inter præcipuos Iu-

dæorum errores, quod lex vetus non esset per Euangelium antiquanda. Tanti nanque suam pendebant legem, vt, veluti quæ à Deo fuisset etiam lata, sic digna esset, quæ simul cū euangelica custodiretur. Possumus autem & *Distributio.* præsens capitulū in tria distribuere membra. In primo commōstrat eos, qui in baptisma- te moriuntur cum Christo, absolui illic à le- ge Mosis, instar mulieris, quæ defuncto viro soluitur iure matrimonij, quo illi fuerat ad- dicta, vt liberè possit alteri nubere. In secun- cundo ab illo scilicet verbo, Quid ergo di- cemus, diluit obiectionem, ne quis inde col- ligeret, malam fuisse iniustamq; eiusmodi le- gem. In tertia demum sectione quæ illic inci- pit, Simus enim, ostendit legem fuisse bonā. At quoniā initium huius capituli non adeo est patēter cum calce superioris cōtextū: videbi- tur alicui fortè Apost. quasi ex abrupto tran- silire in nouam materiam: est hic veruntamē regressus ad demonstrandam conclusionem illam, quam iamdudum proposuerat, Nō su- mus sub lege, sed sub gratia, cuius sermonem interpolauit, vt responderet ad illam interro- gationem, Quid ergo? Peccauimus quoniam non sumus sub lege? Ad propositā ergo con- clusionem reuertus ait. (*An ignoratis fratres.*) Solennè enim (vt iam dicimus) est Paulo schema hoc interrogādi, vbi de reliqua & cōpertissima rationē inuit. Quasi dicat, Nō est cur ignoretis. (*Scientibus enim legē loquor.*) Ob hanc autem parenthesin, quidā accipiūt hoc verbū de lege naturali dictum: nam Roma- ni quibus scribebat, non illam Mosis (vt isti opinantur) sed hanc tantū sciebāt: putantq; hoc dixisse propter legem matrimonialem, à qua iamiam cogitabat exemplum petere. Sed tamē intellectus Apostolo congruēti- or est, vt hoc de lege veteri intelligamus, quā vo- lebat demonstrare antiquatā fuisse. Id quod vel ipsa parēthesis psuadet. Etenim quia non oībus Romanis, sed illis à Iudaismo cōuer- sis nota erat lex illa, quasi cū ipsis peculiariter rem haberet, ait, An ignoratis fratres. Scien- tibus enim legem, & eius mysteria loquor: qua forma ait & paulo inferius, Simus quo- niam lex spiritualis est. Et ideo fortè (vt ait Orig.) appellauit eos propriè fratres in agni- tione legis. Quinimò & lex ipsa matrimo- nij (etiam si de hac loqueretur) nō erat Gen- tibz, veluti Iudæis, obseruata & præcognita. (*Quia lex dominatur in homine quāto tēpore viuit.*) Verbum, viuit, anceps est, quod potest & legi accommodari: vt vult Origen. scilicet quan-

quanto tempore. viuit lex: sed tamē commo-
dius refertur (vt sentit Chry.) ad hominem:
id est, quādiu viuit homo, vt quāprimū
compertum fiet.

Nam quæ sub viro est mulier,
viuente viro, alligata est legi: si au-
tem mortuus fuerit vir eius, solu-
ta est a lege viri. Igitur viuente vi-
ro, vocabitur adultera, si fuerit cū
alio viro: si autem mortuus fuerit
vir eius, liberata est a lege viri, vt
non sit adultera, si fuerit cum alio
viro: Itaque fratres mei & vos
mortificati estis legi per corpus
Christi, vt sitis alterius qui ex
mortuis resurrexit, vt fructifice-
tis Deo.

Neminem hic conturber, an exemplum
hoc indissolubilis coniugij ex Euangelio in-
tulit, vbi non permittitur diuortium, an
ex lege antiqua, in qua permittebatur, vbi
ideo non erat necessarium, vt viuente viro,
semper esset mulier alligata legi viri: qua ra-
tione non videtur constare veritas hic. Pau-
li, si inde petatur exemplum. Neminem in-
quam hoc commoueat: quandoquidem ma-
nifestū est, exemplū ab Apostolo, inductū
esse ex lege ipsa per se coniugatorum in sua
ipsius natura absq; vlla dispensatione con-
siderata: siue in lege scripta rem spectes, siue in
Euangelio. Vbi & Chry. annotauit, noluisse
Paulum similitudinē ducere a libertate mu-
lieris repudiata: quoniam illic aliquid subie-
rat culpæ: sed a libertate vidue, quæ naturalis
est. Nam vt Augu. lib. de nup. commemorat,
Nuptiæ sunt bona mortalium ad perpetuan-
dam speciem: quamobrem in resurrectione
neq; nubent neq; nubentur. Ob idq; vteruis
moriatur coniugum, alter fit matrimonio li-
ber, adeo vt etiam si defunctus resurgeret, vt
Lazarus, vidua non tenebatur amplius vin-
culo matrimonij. Quod enim legitur Heb. ii.
Acceperunt mulieres de resurrectione mor-
tuos suos, nō sic intelligitur, quasi resumerēt
maritos ad instaurandum matrimonium, sed
quod miraculo prophetarū susceperūt suos
mortuos in lucem restitutos: puta, vel filios,
vel fratres, vel etiam eos, qui fuerant mariti:

vt in historiis Helix & Helisai scriptum est.
In hac quidem similitudine Orig. & Chry. Orig.
quos & Ambro. sequitur & sermē interpre-
tes, virum priorem, quo mortuo, libera fit
vxor, comparant legi veteri: mulierem au-
tem Iudæo, qui lege illa ligabatur, a qua per
baptismum dissoluitur & sociatur alteri vi-
ro, qui est Christus. Sed tamen tunc non vi-
detur vnde quæque quadrare similitudo. An-
imq; per mortem viri mulierem liberari le-
ge matrimonij: in applicatione verō contra-
rium apparet. Nam cum homo sacramento
baptismi initiatur, lex vetus nō moritur, sed
haptizatus ipse, vt præfatus est Paulus, vbi
ait, In morte ipsius baptizati sumus. Quæ di-
uisionis figura subiungit hic, Et vos mortifi-
cati estis legi. Orig. quidem cui & Ambrosi-
adscriptur, vt in sua comparatione persi-
stat, ait, legem ipsam antiquam emortuam
censeri per baptismum: scilicet, quod mor-
tuis illic est sensus literalis, vbi & viuere
cepit spiritualis. Ambro. verō ait, quod non
est mortua pars illa legis, moralia iubens: vt
puta quæ naturalis est: sed altera quæ ad ce-
rimonialia & iudicialia attinebat. Quæ de-
causa supra vbi habetur, Lex dominatur in
homine quādiu viuit, verbum, viuit, refe-
rebant ad legem, quæ moritur in baptismo.
At verō quantum hoc quidem veritatem ha-
beat, quod cessatio legis, mors quædam eius
sit, tamē hic Paul. nihil commemorat de mor-
te legis, sed de cessatione per mortem spiri-
tualem hominis. Ob idq; Chry. putat ar-
gumentum a Paulo formari a minore ad ma-
ius: nempe quod si mulier defuncto viro: so-
luta est lege matrimonij, vel paui, vel maiori
ratione soluitur per suam ipsius mortē, quæ
mulierem representat qui in baptismo mor-
itur. Arbitror autem (si verbum authoritati
Patrum, expositionis gratia adiungere licet)
quod diuicidior fiat sensus Pauli, si non po-
namus virum qui moritur, loco legis quæ ces-
sauit, sed legem ipsam: matrimonialē, cui
subiicitur vterq; coniunx vniū altero: quod
& Aug. lib. 83. q. 9. 66. spectare videtur. Itaq;
voluerit Paul. hunc cōstruere syllogismum,
Quicumque viuit in aliquo statu & ordine,
quādiu viuit in illo, subiectus est legi illius:
status: sed cum primum de illo decesserit, so-
lutus est illa lege: vt miles quādiu est bel-
lo adscriptus, mactatus est legi militari: vnde
de si abcesserit emancipatur quoq; a lege,
ergo Iudæus quādiu viuit in Iudaismo an-
te Christum, passum obligari lege Mo-
sis:

Orig.

Ambro.

Chrysof.

Authoris ex-
positio.

August.

orig. dicitur

si cum primū autē mortuus fuerit Iudaismo, statim relaxatur illa lege: moritur autē Iudaismo, cū sacramentum suscipit baptis-
mi, illi ergo absoluitur illa lege: Quocirca non induxit hic mortem viri aliam ob cau-
sam, nisi vt ostenderet, quod tunc mulier ab-
dicatur statu matrimonij: ex quo inferret, quod & perinde soluitur lege illius. Atque
hūc sensum forsan intuitus Interpres, trāstul-
lit, viuēte viro alligata est legi, & non vt isti
neoterici, nouitatis amantissimi, viuēti viro
alligata est per legem. Est enim viro Græcè
in datiuo: sed tamen qui seruit quoq; ablati-
uo absoluto. Et Pauli propositū non fuit ad-
ducere similitudinem, quod sicut mulier alli-
gata est viro, ita & Iudæus legi: sed quod si-
cut mulier, superflite viro, alligata est legi, &
Iudæus dum viuēbat in Iudaismo, subiectus
erat veteri legi. Sed & hoc quoq; contēplor
hic in ingenio magnifico Pauli, quod non sa-
tis duxit meminisse ligaminis vxoris sub le-
ge cōiugij: sed subnexuit & verbum de adul-
terio, quod mulier facit, si viuente viro copu-
letur cum alio, (*Ignor viuente viro vocabitur
adultera, &c.*) Nimirum vt respondēter lo-
queretur ad verba celebratissima in antiqua
lege, vbi conquerebatur Deus, quod sua spre-
ta lege, quæ legitimæ erat vxor, adulteraretur
populus ad idola: peruersus enim ama-
toribus suis, Cuius figuræ illud est Hiere. 3.
Si dimiserit vir vxorem suam, & recedens
ab eo duxerit virum alterum, nunquid reuer-
tetur ad eam vltra? Tu autem fornicata es cū
amatoribus multis, tamen reuētere ad me,
dicit dominus. Ne ergo excusationem inde
sibi obtenderent Iudæi, quod suscipiētes le-
gem Christi non deberēt veterem relinque-
re, sed illam vnā retinere: ne velut adulteri,
vt olim increparentur, ait, quod viuente vi-
ro tunc censetur cognominaturque mulier
adultera, si transit ad alterum, tanquam vio-
latrix fidei matrimonij: mortuo tamen viro,
quia lege amplius connubij non tenetur, po-
test aliud legitimè contrahere cum alio viro,
sine nota adulterij. In Græcis exemplaribus,
quæ modò circūferuntur, neq; est, eius, neq;
viri, sed sic, si autē mortuus fuerit vir, libera-
ta est à lege. At verò forsan Interpres ita inue-
nit, & quantum ad sententiam nihil refert:
& ita legunt Patres. Sed & quod ait, Si fue-
rit cum alio viro, itidem carpūt: quod verten-
dum esset, si fuerit alterius viri, simili phrasi
qua statim dicit, vt sitis alteri. Sed profectò
significantius est, si fuerit cum altero viro: nā

si fuerit alterius, amphibolū erat ad id, quod
est, ancillam esse alterius viri: sed esse cum al-
tero, turpitudine præ se fert, quā & hic oportuit
exprimi: & infra vbi mentio fit de ma-
trimonio spirituali Christi, non, sed honesti-
ori verbo cauēri & contēgi. (*Itaque fra-
tres mei & vos mortificati estis legi per corpus Chri-
sti.*) Post priorem præmissam exemplo dilu-
cidatam: scilicet, quod nemo obligatur lege
status cuiusq; nisi quādiu in illo perstiterit:
ex quo si abierit, solutus est illa lege, subsumit
alterā. Itaq; fratres mei, Etenim cū acer-
bum esset Iudæorum auribus extinctionē le-
gis audire, edulcat verbum & lenit, dicens,
Fratres mei. (*Vos mortificati estis per corpus Chri-
sti.*) Respectari lectori opus est ad superiores
metaphoras: quibus explicuit Paulus mortificatos
illos fuisse in baptismo, atque adeò
consecratos corpori Christi, tanquam mem-
bra: veluti sterili ramus cōseritur fecundæ
arbori, vnde vitalem exugat humorem, neq;
amplius viuat illa vitæ specie, qua prius, sed
illa penitus quæ est arboris. Vnde Ephes. 1. *Ephes. 1.*
Ipsū dedit caput supra omnem Ecclesiam, *Simile.*
quæ est corpus ipsius. Ob idq; veluti alimen-
tū dum in membra coalescunt, propriam re-
linquunt substantiam, vt vita hominis viuāt:
ita in baptismo mortificari nos ait Paul. per
corpus Christi quod efficitur. Id quod &
sacrosanctum Eucharistiæ sacramētum cibi
& potus representat, vbi non ipse in nos) vt *August.*
ait August. sed nos in ipsum mutamur. Vel
foran ait, per corpus Christi (quod probè
trahat Ambros.) quia per corpus cruci defi-
xum mortē peccati peremit, & vita nos gra-
tiæ donauit. (*Vt suis alterius qui ex mortuis re-
surrexit.*) Profectò eloquētissimè differit my-
sterium: nam quia in baptismo & morimur
antiquæ vitæ, & resurgimus in nouā, signifi-
cātissimè dixit, vt sitis alterius, scilicet, viuē-
tia mēbra, qui ex mortuis resurrexit: id est,
qui mortuū est (vt suprà meminerat) propter
delicta nostra, & resurrexit propter iustifica-
tionem nostram. Vnde Esaiæ. 53. Si posuerit
animam suam pro peccato, videbit semē lon-
gæuū. Et de se ipse, Cū exaltatus fuero à
terra, omnia traham ad me ipsum. (*Vt fructifi-
cemus Deo.*) Perdurat in metaphora planta-
tionis in Christo: & alludit ad id simul
quod dixerat, cū serui essetis peccati, quem
fructum habuistis? Quasi dicat, vt non pecca-
to iam, sed Deo feramus fructus. Vel forsan
spectat spirituale connubium, quod Chri-
stiani contrahunt cum Christo: de quo alibi
Paul.

*Cōtra nouos
interpretes.*

*Ingenium
Pauli.*

Hiere. 3.

*Græcæ exem-
plaria.*

Cū alio viro

2. Cor. II.
Orig.

Esa. 54.

Ioan. 15.
Gala. 4.

1. Cor. 4.

Paul. Dispondi vos vni viro virginem castam exhibere Christo. Quod & Orige. legem illam antiquam adumbrasse agnouit, quæ iubebat, vt mulier mortuo priore viro, de quo semen nõ suscepit, fratri eius nuberet: spiritus enim legis qui est Christus, frater erat illius sensus literalis, qui morte ipsius Christi abolitus est: cui quidem spiritui quæ nupserint animæ, longam sobolem procreabunt. At quia Iudæi coniugium hoc repudiarent, in quod sterilis gentilitas finem dedit, completum est Esaie vaticinium, Lætare sterilis quæ non paris: erumpe & clama quæ non parturis: quoniam multi filij desertæ, magis quàm illius quæ habet virum. Sed & mutatio personæ animaduertendâ est Pauli: quippe qui per secundam dicere orsus, mortificati estis; per primam concludit, vt fructificemus, nimirum qui semine sancto foetus erat, feruoreque idcirco accensus, non solum ferre sibi fructus, sed & illos propagare, de quibus ait Christus, Ecce posui vos vt eatis, & fructum afferatis. Hoc enim semine & Galatas iterum, vt filiolos parturiebat, & Corinthios ginebat in Christo.

Cum enim essemus in carne, passionibus peccatorum, quæ per legem erant, operabatur in membris nostris, vt fructificarent morti: nunc autem soluti sumus à lege mortis in qua detinebamur: ita vt seruiamus in nouitate spiritus, & non in vetustate literæ.

Dilucidat, cõfirmatque sententiâ, quæ admodum scilicet gratia eos eruiisset à lege. Vbi hoc animaduertendû est, quod statum illum legis, quæ eò quod subintravit, vt abundaret delictum, appellauit statum peccati, Cum essetis serui peccati, eadem hic ratione appellat statum carnis: Non quod lex peccatum esset, vt quod primum responsum ire testinatur, sed ob rationes, quas supra denarrauimus inter exponendum legis occasionem ad peccandû. Et quia Paulus, Iudæus fuerat, ait in prima persona. (Cum essemus in carne.) Erat quidem in corpore, sed tamen caro, licet nonnunquam in scriptura, idem sit, quod corpus, vel homo, vt, verbum caro factum est: Apostolo tamen hic ipsum idem est, quod paulò ante appellauit veterem hominem, hoc est, portio inferior, quæ spiri-

tui aduersatur: in epe sensualis appetitus, quatenus est iustitia originali denudatus. Hac enim ratione concupiscit aduersus spiritum, & mentem infestat, & radix est, fomentumque peccatorum. Quinimo hoc loco præsentem quidpiam adhuc aliud sibi vult. Dicens enim, Cum essemus in carne, insinuatiam non esse in carne, sed in spiritu: & tamè paulò inferius non negat, se habere carnem repugnantem legi mentis: Vbi ait, Non habitat in me, hoc est, in carne mea bonum. Ergo esse in carne, idem præ se fert, quod esse sub potestate & tyrannide carnis: hoc est sub ea lege, quæ non per se suppetias ferret subditis ad faciendum quod iubebat, sed carnis appetentiâ obiter irritabat, pro qua ideo carne, potius quam pro spiritu, præliabatur. Sub qua proinde lege, quasi præsidio destituti, traditi erant in ditionem carnis. Tunc ergo (Passiones peccatorum, quæ per legem erant, operabantur in membris nostris.) Alij transferunt, affectiones, seu affectus: sed iam antea explicuimus, satis esse propriam vocem passionis, ad exprimendum animi agnitiones & morbos. Vocat passionibus peccatorum, illas, quæ tum causæ prius sunt peccatorum, tum etiam post modum ipsorum effectus. Inualescunt enim passionibus, vegetanturque, & feruentius ebulliunt & instigant assuetudine peccandi. Ait verò, quæ per legem erant, in hærens semper in superiori sententiâ, quod lex subintravit. vt abundaret delictum. Quamuis Orige. perseverare contēdit, legem hic subintelligere membrorum, quæ pugnat aduersus spiritum. Hic verumtamen intellectus non adeo cõsentaneus est: quia sermo hic fit de ea lege, de qua cõfestum quæstionem submouet Paul. an sit peccatum: quæ quidem quæstio de lege scripta proculdubio intelligitur, quæ antea dixerat, & subintrasse, vt abundaret delictum, & cessasse ad præsentiam lucis euangelicæ. Operabantur, id est: efficaces erant in membris nostris. (vt fructificarent morti.) Non quod peccatum in membris forinsecus consummetur, sed in cõsensu voluntatis, nec quoadusque consummatarum fuerit, generet mortem. Nam concupiscentia (ait Iacobus, cum conceperit, parit peccatum: quod cum fuerit consummatum, generat mortem.) Sed ait, in membris, vel quod membra appellat potentias etiâ interiores animæ, vel quod dum consensus per membra disfluens propalatur, tunc proprie fructificat morti, hoc est, multiplicat & coaceruat peccata. Et respicit ad illud superius, Non exhibeatis membra vestra seruire iniquitati ad iniquitatem.

Dici-

Caro.

Iacobi. I.

*Fructificare
morti.*

Dicimur autē per peccatū fructificare mortē, eō quod mors fuit pœna & stipēdium peccati. Iugiter enim t̄git scopum illū suū, Per vnum hominem peccatum, & per peccatū mors. Pari enim modo quo peccatū peperit mortē, nutrit augetq; eandem sub imagine fructificātis arboris. Nam (vt iam dudū contemplabar) arbor fuit, in qua peccatum mortē germinauit. Neq; hic nomine mortis, solū tēporalem intelligit: licet & huic quoq; iniqui fructificāt, dū corpus prauis exercitiis inaniūt iugiter, & absūmūt, verū & eternā in quā supplicia indies coaugmētant, thesaurizātes irā in die irā, Quēquidē supplicia, mortem secundam appellat Ioan. vt cap. 5. dicebamur. (*Nunc autem soluti sumus à lege mortis, in qua detinebamur.*) Recentiores isti transferūt,

*Variatio in
terpretum.*

soluti sumus à lege moriētes, seu mortui, ei, in qua detinebamur: id est, ob hoc sumus soluti à lege, quod mortui sumus ei: scilicet, legi per baptismum. Et quidem fatendum est, in codicibus modò Græcis ita haberi: quomodo & legit Theophylactus. Quin verò

Orig. Orige. licet vtramq; lectionem referat, si tamen penitius perpendatur eius commentaria, hæc est, quam ipse probat. Ait enim, soluti sumus à lege mortui. Nisi enim quis mortuus fuerit in Christo, ab ista lege non soluitur. Et subdit, Scio & in aliis exēplaribus scriptū esse, à lege mortis in qua detinebamur: sed hoc, id est, mortui, verius est & rectius. Hæc Orige. qui ita legendus est. Neque verò diffiteri possumus, quin sit lectio hæc illi superiori verbo germanior, mortificati estis legi. At verò postq̄ (teste Orige. alia exēplaria habebant, à lege mortis, quam literam Latini suscipiunt, nō est cur condemnetur Interpres: vnde Ambros. Lex inquit, mortis dicta est, quia punit reos: mortificat enim peccatores. Alludit forsan ad illud Heb. 10. Irritam quis faciens legem Moysi: sine vlla miseratione duobus vel tribus testibus moritur. Vel dicitur lex mortis, quia obiter occidebat. Vnde August. lib. 83. q. 66. Locum huius per alium. 1. Cor. 15. dilucidat. Ait enim, Lex mortis dicitur, quia stipēdium peccati, mors: aculeus mortis, peccatum: virtus verò peccati, lex. Hæc ille. Igitur quia lex est virtus, per occasionem augens peccatum, cuius stipēdiū est mors, lex illa quæ non erat in auxilium, cognominabatur lex mortis: (*Ita vt seruamus in nouitate spiritus, & non in vetustate literæ.*) Per conclusionē patētiore ea facit, quæ præfatus est. Fuit enim mirific⁹ decursus oratio-

*Ambros. lex
mortis.*

Heb. 10.

*Aug. lib. 83.
quest. 66.*

nis Pauli, si bene propositum eius colligere possum. Cōposuit enim primū in capite, veluti radices duas, legem & gratiam, Non sumus sub lege, sed sub gratia. Mox tanquā inter proximos earum effectus comparationem fecit inter peccatum & iustitiam, cū serui essetis peccati, liberi facti estis iustitiæ, effectus inquam: quoniam lex præter ipsius intentionem incidenter fuit occasio peccati: gratia verò, propria causa iustitiæ. Tertiò quia lex nō est causa peccati, nisi per carnē: contulit carnem cum spiritu: puta cum superiori portione mentis, cui ratio præest: hunc enim spiritum ad Gala. ait concupiscere aduersus carnem. Quartò hic demum quasi periodum faciens gradationis, comparat vetustatem literæ ad nouitatem spiritus, qui sub illa occulebatur. Vocat enim vetustatem literæ, literam ipsam, vt contra spiritualementem distinguitur. De quib⁹. 2. Cor. 3. Litera occidit, spiritus autem viuificat, illam appellat vetustam, hunc verò nouum: quia non prius quod spirituale est, sed quod animale, deinde quod spūale: quo reuelato, patefactoque spiritu, vetustas illa literæ senio confecta expirauit, quando Christus, qui legem impleuit, clamauit in cruce, Cōsummatum est. Est ergo, legem occasione fuisse peccandi (quod prius dixerat) idem prorsus, quod litera eius occidere, quod modò insinuat. Id quod scitè August. denarrat lib. de spiri. & lit. cap. 14. Vbi edocet nomine occidētis literæ, non solummodo sacramentorum cerimonias intelligi à Paulo, quæ cū figuræ essent prorsus, & futurorum vmbra, abolitæ per veritatem Euangelij sunt: atque adeo si ad literam iam nunc obseruentur, animam per culpam occidunt, sed & decalogum significari ipsū. Is enim intellectus facile ex verbis Apostoli eruitur. Disgnoscit siquidem illic inter legē nostram & antiquam: quod nostra, scripta sit spū Dei viui in tabulis cordis carnalib⁹, illa verò in tabulis lapideis: in quib⁹ tabulis palam est, decalogum extare ad literam: in mentes verò nostras effusus est spiritus auxiliator ad eundem seruādum. Cū igitur statim subiungat, ministrū se esse noui testamēti, non literæ occidentis, sed spiritus viuificātis, manifestè demonstrat decalogum ipsū, quatenus iubebat præcise, nō autem per sacramēta iam factæ redemptionis subditis fauebat occidere. Quo sensu ait alibi, Virtus peccati lex. Hoc autem luculentius cōfestim lucebit, vbi declarat Paul. quemadmodum

Decursus orationis Pauli.

2. Cor. 3.

1. Cor. 15.

*August.
Litera occi-
dit.*

1. Cor. 15.

occasione

Epilogus ces-
sationis le-
gē.

occasione accepta peccatum per mandatum operatum est concupiscentiam. Igitur ut verba huius membri in pauca referam. Instituit Romanos, & in illis nos quoq; Paul. legem antiquatam fuisse abolitam & extinctam. Et intellige abolitam omnino totam quantum ad vinculum obligandi, quod lex illa habebat, siue cerimonialia spectes, siue iudicialia, siue moralia: de tota enim lege ait simpliciter Paul. Hebr. 7. Translatō sacerdotio, necesse est, ut legis translatio fiat. Et loco modo citato. 2. Corint. 3. post mentionem gloriæ Moſis promulgantis legem ait, illam esse euacuatam per gloriam Christi. Nisi quod cum tria fuerint illic præceptorum genera, moralia, tanquam ius naturæ (quod vniuersum orbem semper obligat) iussa sunt denuo, explicatiusq; sancita per Christum: cerimonialia verò, quoniam figura erant futurorum, adeo cessauerunt, ut non liceat iam illa seruare: neque rursus innouare: essent quippe nunc falsa signa: sed iudicialia, quanquam non sunt per Christum instaurata, licitum nihilo secius est Christianis ea rursus concedere, ut quod persoluatur furtum ad quadruplum, vel septuplū. Quapropter axioma illud, Moralia mandata non cessauerunt, non est eo significato audiendum, quod ob vinculum illius legis perdurent, sed hoc prorsus sensu, quod qua ratione in illa lege, eadem & in nostra debuerunt, & sunt vera præcepta. Quod autem cessauerit lex illa per Euangelium, probat Apostolus, eo quod status ille erat imperfectus: hoc est, status legis iubentis, & non iuantis, ob idq; obiter faultrici peccati & carnis, & literaliter occidentis: quem idcirco statum cessasse liquet, eo quod per Euangelicū beneficiū Christi subuecti ad eum gradum & ordinem sumus, qui est gratiæ & iustitiæ & spiritus nostri dimicantis, & spiritus Dei viuificantis.

SECVN-
da pars capi-
tuli.

Quid ergo dicemus? Lex peccatum est: Absit.

Secunda hæc portio est huius capituli, in qua illorum cogitatus præuenit pseudoapostolorum, qui criminari illum iniuriarum poterant, quas visus hætenus est irrogasse legi, ubi illam dixit sub ingressam ut abundaret delictum, iram fuisse operatam, seruos constituisse peccati & carnis, concitasse peccatorum passiones: atq; adeo nos ab illa, veluti à lege mortis Euangelium eripuisse: cum tamen à Deo fuisset edita, à sanctisq; Patribus sanctif-

simè suscepta & culta. Quinimò Manichæi Manichæi. hæc Pauli (ut eis videbatur) vituperatione & proscriptione legis suam fulciebant blasphemiam, quod lex vetus mala fuisset, & commentū mali Dei. (Quid ergo dicemus?) Id. quod alij confingere possent de dictis Paul. ipsemet secum expostulat. Quid ergo ex dictis colligamus? Nunquid legem, peccatum fuisse: legem quidem per se ipsam suspicari nemo poterat esse propriè peccatum, ut quod in cogitatione penitus, verbo, vel actione est hominis: cum lex non sit nisi regula quædam, quæ si in iniqua sit, peccatum quidem esse potest, eo duntaxat modo, quo curuitas lineæ, quæ recta esse debet, peccatum dicitur. Obiectio ergo quæ Paulo fieri poterat, erat, quod positio illius legis fuisset peccatum, aut obseruatio, vel fortè, legem esse peccatum per metaphoram: puta, causam peccati: Paulus verò proponit quæstionem sub grauiori forma, qua potuit. Vbi verò respondit, Absit, omnes rationes interdicat, quibus aliqua impingi potest legi macula culpæ, vel legillatori Deo, vel eiusdem cultoribus. Estq; responsio ad quæstionem, cuius affirmatio vsq; adeo est absurda, ut potius abominatione digna sit & detestatione, quam responso. Quapropter Manichæi fumine conuincuntur absurditatis, quod neq; hac execratoria responsione deuictos se agnoscebant, sed aiebant, Paulum ita respondisse, ne scandalum daret: cum profecto, si lex, mala fuisset, nunquā sanctus Apostolus per mendacium subterfugisset scandalum. Imò verò (ut est in scholijs Hiero.) Si ut scandalum vitaret, vel quauis alia causa, neq; hic, neq; vsquam alibi asseruit malam fuisse legem, vnde illi contrarium eliciebant?

Manichæi.

Sed peccatum non cognoui: nisi per legem: nam concupiscentiam nesciebam, nisi lex diceret, Non concupisces.

Prosequitur responsum dilucidare & amplificare per defensionem legis. Et primò ex- Legis natura
primit, quodnam sit propositum & ingenium per se cuiusvis legis. Deinde, quodnam ab illa homines damnum per accidēs acceperint. Officiū naturaq; legis est, quid rectū, quidve prauum patefacere. Est enim rationis norma (ut cap. 3. super illud, Per legem cognitio peccati, dicebamus) viam aperiens voluntati, qua debet recta actiones suas dirigere. Quocirca lucerna à Sapiente dicta est, & lux, & via. Et Prouerb. 6.
N in Psal.

Psal. 18. in Psal. Præceptum Domini lucidum illuminans oculos. Et quia lex omnis iusta, splendor quidam est, & scintilla legis eternæ, cuius ideo autoritate lex omnis subnititur, ait Sapientia, Per me reges regnant, & legum conditores iusta decernunt. Eandem ob causam & Christus, qui ut legum conditor illuxit orbi, modo lucem mundi, modo viam, veritatem & vitam prædicabat sese. Bene ergo ait Paulus, Peccatum non cognoui nisi per legem, quoniam peccatum, neq; excogitari potest, nisi sit contra legem: sicuti nec obliquum quidpiam aut deviū, nisi in ordine ad certam normam & rectitudinē. Vnde Aristote. Rectum inquit, index est sui & obliqui. Orige. autem verbum hoc, & quæ in hanc rationem hic cōgerit Paulus, de lege penitus naturæ cuncta interpretatur: nam cum ante legem scriptam Adam, Cain, Pharaō, & qui in Sodomis perierunt, quinimō & Gentes omnes naturali lumine discerniculum boni & mali deprehendissent, (aliās non fuissent puniti) non poterat, inquit, de lege scripta enunciare Apostolus, quod sine illa nunquam innotuisset peccatum. At verò hoc vnum pro indubitato hic fixum habere debemus & constitutissimum, quod loquatur Paulus de lege hac, quam videri hætenus poterat diffamasse. Etenim ne eò quis verba sua diuerteret, ut putaret, legi obtrectasse, compurgat se modò. Quod autē hætenus de lege veteri fuerit proloquutus, per ea quæ dicta sunt, liquet. Nunquā enim de lege naturæ, quatenus semper consignata fuit, futuraq; est in mētibus hominum, dixisset, subintravit (cum verbum hoc temporariam legem significet) neq; quod nos mortui fuimus illi, vel quod ab eius dominatu fuimus liberati, ut seruiremus in nouitate spiritus, & non in vetustate literæ: hoc quippe vetustatis epitheton legi scriptæ propriè adscribitur. Accedit & subiunctū exemplū præcepti illius, Non cōcupisces, quod rem abunde cōfirmat: quandoquidem hoc inter alia præcepta legis Moysi scriptū legimus. Exod. 20. Loquitur ergo (ut Chrysost. & cæteri Patres cōsentiunt) de lege Moisaica, in qua tamē ius quoq; nature scriptum erat. At verò ad plenam intelligentiam hic Pauli, sic ipsum contemplantur, ut qui personā induerit totius humani generis, ut in se ipso mortalium progressum, carnisq; pugnam delinearet. Quapropter quædam dicit, quæ homini sub peccato agentis cōpetunt, qualis ipse erat ante suam cōversionem, quædā verò homini cōgruentia, dum

est in gratia, in qua erat dum hæc scribebat. Ab ipsa verò generali legis cuiusq; cōditione exorsus proponit, Peccatum nō cognoui nisi per legem, id est, homines nullū possunt peccatum iudicare nisi per legem aliquam. Quare Adam ante legem positam cognoscere nō poterat peccatum, qua ratione diuinæ voluntati contrarium est, nisi per legem nature sibi menti impressam ac fidei splendore illustratam intelligeret id quod est contra rationem, diuinæ aduersari voluntati. Et pariter Ethnicis lege naturæ irradiati, quadantenus rationē peccati attigerunt: nempe hanc primū in naturam esse deformitatem omni peccato, quod sit à ratione distortum, mox plurima scelerū genera, perturbationes pacis esse tranquillitatisq; Reipublicæ: quas perturbationes prouida natura illo præcepto cauit, Ne facias alijs, quod tibi fieri non vis: Quocirca omnes iniuriæ tum ciuium, tum præsertim Reipublicæ ubiq; gentium vindicabantur. Quinimō & eousq; philosophando prouecti sunt, ut cōiicerent & deorum quoq; iram irritari malefactoris hominū, quos ideo placare propitiareq; curabant. Ille enim naturæ radius, quo Deus per creaturas cognoscebatur, prima esse rerū causa, supremusq; naturalis finis, satis erat, ut gentes intelligerent, seruitium illi eadem ratione cultumq; deberi. Imò neq; solū in hac vita poenas Deo pendere sceleratos homines putabant, verū & in futuro æuo. At verò cum naturaliter Deus non cognoscatur, ut finis supernaturalis, in cuius præsentia & confortio vera consistit foelicitas, legitimā ignorabant rationē peccati: quod est (authore August.) dictum vel factum vel concupitum contra legē Dei: quæ ratio peccati, auersio à Deo est, ob quam dignus sit homo, tum exilio à regno cœlorum, tum perpetuis cruciatibus inferni. Loquimur de gentibus in genere: nam si qui fuerunt egregij, quibus altiori radio suæ sapiētiæ Deus affulserit: ut Noë, Abraham, Iob, & similes, haud illos hic cōprehendimus. Quinimō neq; interna peccata, quæ intus cogitatione consummantur, satis nouerant, neq; omnia externa, quæ consistunt in opere: ut puta, quæ citra iniuriam & damnum alterius perpetrantur: qualis est libera venus, & si quæ sunt talia. Lex autem scripta hæc omnia explicatius docuit. Ob idq; Apostolus postq̃ in genere proposuit munus legis, quæcunq; illa sit, quod est, rationē peccati utcunq; proderet, exemplum supponit speciale scriptæ legis, per quod testatur de ipsa loqui.

Cognitio peccati apud Ethnicos.

Peccati definitio.

Paulus personā induit humani generis.

(Non

(Nam concupiscentiam nesciebam, nisi lex diceret, Non concupisces. Non intelligas, quod absq; lege nō sentitur concupiscentiæ illecebra, præsentifcunt enim & beluæ, sed quod nesciebat esse peccatum, nisi lex diceret. Sed nunquid præceptio hæc non iuris etiam naturæ est? Est quidem: at quandiu non fuit scripta in tabulis Moysis, sed tantum in mentibus hominū, non omnino innotuerat quantæ esset obligationis. Primū quod gentes forsan credebāt in sola cogitatione: quippe qua, nisi in opus prodeat, nullum datur damnum alteri, nullā subesserationē peccati. Secundū quod quantū aliquando talis ratio peccati fuisset eodē lumine naturali cognita, tamen iam in illo seculo, quo data est lex, oblitterata propemodū erat lex naturæ: adeo vt sola concupiscentia mali non censeretur esse peccatum. Quod & sub lege ipsa scripta vsu etiam iam venerat tempore redemptoris nostri: cuius ideo rei Iudæos commonefaciebat. Audistis quia dictum est antiquis, Non moechaberis, ego autē dico vobis, Quicumq; viderit mulierem ad concupiscendū eam, iam moechatus est eam in corde suo. Et tertio licet ratio intus naturalis illud dictaret, tamen leges humanæ, quales tunc solē erant scriptæ, actum interiorem nec prohibent, nec vlciscuntur. Hæc igitur vel maxima fortē, vel ex præcipuis causis fuit, cur non vsus fuerit exemplo alius cuiuslibet præcepti: vt furti aut homicidij: quæ notissima erant crimina in iure naturæ, sed huius propriē quod nō adeo patebat. Tametsi alia sit præterea ratio; quam allegat Aug. in glo. Nempē quod elegit Apostolus hoc generale peccatum: quia omne peccatum ex concupiscentia nascitur. Veruntamen non ita intelligendus est Aug. vt cogitauerit præceptū hoc citatum hic ab Apostolo generale esse, ad omnium peccatorum concupiscentiam protensum: vt est concupiscentia cibi, vindictæ. &c. Est enim speciale in nonum & decimum decalogi diuisum, illisq; duobus, Non moechaberis, Non furtum facies, appensum: vt patet Exo. 20. & Deut. 5. Non concupisces domum proximi tui, non desiderabis vxorem eius, non seruum, nec bouem. &c. Quæ quidem concupiscentia peculiariter, præter opus, prohibita est in his duabus materijs ob singularem voluptatem, quæ intus etiam sola cogitatione captatur de re venerea, & de re utili. August. verò voluit dicere concupiscentiam esse generale peccatum, quia hæc specialis concupiscentia oculorum, quæ est auaritia,

causa est & radix omnium malorum: vt habetur. 1. Timoth. 6. quatenus rerum opulentia instrumentum est, fomentum & administriculum omnium cupiditatum. Quanquā aliquando August. non tam exponens singulare præceptum decalogi, quā generale illud Eccli. 18. Post concupiscentias tuas non eas, Et illud superius Pauli, Non regnet peccatū in vestro mortali corpore, vt obediat concupiscentijs eius: hoc etiam, Non concupisces, vsq; ad vniuersam concupiscentiam dilatat. Vnde de nup. & concu. lib. 1. cap. 23. concupiscentia inquit, in renatis non est peccatum, quando illi ad illicita opera non consentitur. Vt si non sit quod scriptum est, Non concupisces, fiat saltem quod alibi legitur, Post concupiscentias tuas non eas. Et libr. de spi. & lit. cap. 36. ait, Quod in hac vita non implemus, Non concupisces, sed, concupiscentijs non obedias. Quod quidem dictum Lutherus impendio magnificauit, quasi suo fauisset errori, qui fuit, concupiscentiam ipsam sensualitatis, quæ diuicatio est aduersus spiritum, ante assensionem quoq; & negligentiam rationis, peccatum esse, neq; baptismo neq; vllō alio sacramento aut remedio in hac vita debile: quem errorem lib. 1. de nat. & gra. Lib. 1. de nat. & gra. cap. 11. & 12. satis expugnauimus. Cum tamen August. id penitus censuerit, quod nō implemus in hac vita, vt concupiscentia non insurgat, non titillet, non oppugnet & insultet, non tamen quod non implemus; quatenus præceptum est. Illud enim præceptum non vetat carnis pugnam & luctam, quæ naturalis est, sed solā inhibet voluntatē, qua ideo sola ipsum transgredimur, per quam & regnare incipit peccatum. Ob idq; Christus redemptor noster nō docuit nos orare, ne tentemur, sed ne inducamur in tentationem. Cur autem exemplum non adiunxit legalium aut ceremonialium, perfacile est conijcere. Ponendū quippe erat exemplum rei quæ erat mala, sed nesciebatur esse talis: iudicialia verò & ceremonialia genere suo nec bona erant nec mala, quocirca lex non solum ostendebat, sed constituebat ea talia.

Occasione autem accepta, peccatum per mandatum operatum est in me omnem concupiscentiam.

Constituto proposito & directa intentione legis, quæ est, peccatum detegere, indicant-

N 2 do virtut-

Matth. 5.

August.

Non concupisces.

Eccli. 18.

Lutherani.

Lib. 1. de nat. & gra. cap. 11. & 12.

Matth. 6.

do virtutis semitam, atq; adeo ducere subditos, vt recta in finem, scopumq; rationis perducantur, subscribit id quod per accidens inde & incidenter cōtingit prauis hominibus. Nam iustis quidem non est nisi bonum: ob idq; ait, (*Occasione accepta*) Accepta, ex eo inquit, quod lex per se ipsa non dat occasionē illā, sed homines vitio suo & naturæ corrupte illam accipiunt, ijs rationibus, quæ supra satis explicatæ sunt super illo verbo, cap. 5. Lex subintravit, vt abundaret delictum, Primum ex parte obiecti, eo quod vt fuerit ratio peccati maximè manifesta, ita minima relinquitur peccatori excusationis causa. Et secundò peculiariter à lege scripta capta est maior occasio propter multitudinem præceptionū. Sed tertio ex parte subiecti, quia omne cōtrarium renititur suo contrario, & ideo quò libertas pluribus prohibitionibus arctatur & obsequitur, impetuosius cupido effertur in vetita: id quod illic effusius reliquimus disertum. Nec est quod culpa in Deum latorem legis refundatur magis quàm ob id quod sensus nobis dedit, quibus malè vtimur, vel magis quàm in medicum, (vt ait Chryso.) qui febricitanti nocuā aquā interdicit, vnde accensa peius sitis ægrotum vincit, vt periculosius bibat. Eo vel maximè, quod fidelis est Deus qui nunq; præcipit, nisi quæ implere homo potest, nili sua abutatur libertate. Quæ & homines in legibus ferendis imitari tenentur, ne legū numerositate scandalū dent, & occasionē offerant facilius peiusq; collabendi. (*Peccatum per mandatum operatum est in me omnem concupiscentiam*) Idem est dicere, per mandatū, quod per legem: nam mandatum, quædam lex est. Et spectat fortè ad illud prænominatum mandatū, Non concupisces. Veruntamē appellatione hic peccati, quidam diabolus intelligunt, qui causa fuit homini primumq; initium peccati. Hæc tamen vsurpatio nimium distrahit nomen à suo proprio significato. Et profectò cui constitutum est, verba quàm minime possibile fuerit alienare à sua proprietate, non compellitur aliter hic accipere, quàm est eius primæua significatio. Etenim peccatum ipsum mente apprehensum operatur cōcupiscentiam: hoc est, appetitionem eiusdem futuri peccati, sic enim accipitur hic concupiscentia: scilicet pro actu concupiscendi. Quemadmodum & finis mente conceptus causa est electionis mediocrū. Et ideo vbi occasio cohibentis māuati, illecebra, vel quæuis alia affectio praua inflammatur, ipsum etiam

futurū peccatum operatur eandem appetitionem. Attamen August. quem pleriq; sequuntur *August.* expositores, nominatione peccati intelligit concupiscentiā ipsam, quæ est vis & potētia cōcupiscendi: hæc nanq; peccatū dicitur, quoniam est peccati primi Ade, tum effectus, tum etiā tradux, qua in nos profunditur, atq; adeo nostrorum actualium causa. Quāq; & pro originali peccato cōgruit in præsentia nomine vt, quinimo & pro ipso Adæ delicto, per quod & peccatum in nos transit & mors. Enimuerò quia (vt author idem est Aug. in de nup. & concu. & alibi sæpe) diluto reatu culpæ in baptismo, remanet concupiscentia, vt pugnet cum nostra infirmitate eadem concupiscentia est velut administra virtus primi illius peccati protoparentis, per quam idem ipsum censetur existere vigereq; in nostro mortali corpore ad oppugnandū spiritū. In quo forsan sensu ait infra, peccatū habitare in nobis. Nisi quod mihi semper fit verisimilius, sermonē hic subtexere Paul. de peccatis, quæ succreuerūt occasione scriptę legis: iuxta secundā acceptionē à nobis tactā. Vbi autem ait, Omnē concupiscentiam, significat omnes prauas affectiones in omni peccatorū genere, siue, à radice concupiscibili dimanēt, siue ab irascibili. Et loquitur sub persona hoīs nondum reconciliati. Quod verò ait, operatum, eadē phrasi id repetit, qua supra dixerat, lex iram operatur, temperatius hic autem ait, nō quod mandatū operatur concupiscentiā, sed quod peccatum per mandatū, à quo accipit occasionē, id patrauit. Scrupulosum veruntamen fuisset verbum, qd peccatū per mandatū operaretur cōcupiscentiam, suspicionē generans, an mandatū esset directā causa mali, nisi præmisisset, occasione accepta. Et eodem sensu: scilicet, obiter & per occasionem, intelligendum est & illud. 1. Cor. 15. Virtus peccati, lex. Et quod supra dixerat, Passiones peccatorum quæ per legem sunt. Neq; verò lex tantum vetus hac ratione, sed & euangelica (vt notauit Chryso.) si gratiā separet, nempè ipse decalog⁹, occasio quoq; est malis, mali. At qui & cōsilia & monitauitatis hoīb⁹ occasiones sunt delinquendi. v. g. vbi qui cōsultat, inuisus ingratusq; est audiēt. Vnde illud, Si nō venissem & locutus eis nō fuissem, peccatū nō haberēt. Quin & sancta ipsa, pposita nonnunq; sunt habēti. offendiculū ruinæ, nō solū eo qd sanctis operibus infidiatur inanis gloria, verū qd dū fortis armatus, pspicit scopatā cōsciētiā, nequiore instruct⁹ satellitio instaurat pugnā.

Sine

Nulla in deū
refunditur
culpa.

Lex humana
quomodo sit
ferenda.

Peccati appellatione.

Virtus peccati, lex.

10. 17. 15.

Sine lege enim peccatum mortuum erat, ego autem vivebam sine lege aliquando.

Exponit causam superioris asserti, ut coniunctio, enim, subindicat. Aperit, inquam, quo pacto lex occasio fuerit augendi peccati: discernens inter duo tempora, prius, in quo peccatum mortuum iacebat, quia tunc homo sine lege vivebat, posterius, in quo mortuus est homo, quia peccatum reuixit. Quum enim dixisset, occasione mandati peccatum peperisse omnem concupiscentiam, subdit causam.

(Sine lege enim peccatum mortuum erat: ego autem vivebam sine lege aliquando) Mortuum peccatum, si vim prorsus significati teneas, tunc existimatur, quando nullum est, seu quod nondum est commissum, seu quod iam est remissum. Sed mortuum nihilominus dicitur latine quod emarcuit, aut quavis ratione debile est & elanguidum, & viribus enervatum, ad operandum secundum naturam suam, ut supra in, emortuum corpus Abraham, & emortuam vulvam Saræ, adnotauimus. Iuxta hos igitur duos significatus bifariam exponitur hic textus. Orig. in sua interpretatione persistens, quod de lege naturæ habeatur hic sermo, sententiã refert ad singulos mortalium, qui ante usum rationis sine lege, quæ nos obliget, viuimus, quo ideo ætatis peccatum in nobis actuale mortuum est. Nam licet infans rem designet, quæ genere suo peccatum sit, nihil illi imputatur. Et subdit, quod si hic non sit intellectus Pauli, quo modo verum est, quod ait, se aliquando sine lege vixisse: quippe qui in peccato originali, & sub lege Moïsis natus est. Attamen quia Paulus de lege hic diuinitus præter naturalem positam, & nomine humani generis continenter videtur loqui, postquam homo rationis lineam ingressus est: alij, quibus facilius subscriberem, hunc locum interpretantur de protoplasto Adam. Is enim tantisper in paradiso sine lege positus: id est, nullum, fuit peccatum. Sed præcepto dato expegefactus est appetitus, atque adeo suggestionem serpentis violatum præceptum. At verò quoniam Apostolus longa iam hætenus orationis seriè de lege Moïsis, deque eius antiquatione loquitur (ut supra præmonstrabamus) non est credibile, aliorum sermonem deflexisse, ut Chrysost. ex professio contra hanc secundò recitatam opinionem reclamauit. Eò vel maxime, quod persulit Paul. in explanatione illius quod dixe-

rat, Concupiscentiam nesciebam, nisi lex diceret, Non concupisces, quod quidem præceptum non primis parentibus, sed Moïsaico populo positum fuit. Et præterea illud quod supra dixit cap. 5. Vsq; ad legem enim peccatum erat in mundo, peccatum autem non imputabatur, cum lex non esset, in confesso omnibus est, de lege Moïsis intelligendum esse: est autem sententia hæc eadē illi prorsus, illiusve expositio. Quãobrem non est cur à Chrysostomo, Ambr. & August. & alijs huius ordinis Patribus declinemus, qui planè hanc literam de lege Moïsis interpretantur. Hoc nimirum sensu, quod sine lege scripta peccatum erat mortuum: hoc est, secundum Aug. lib. 83. q. 66. Non imputabatur, ut supra dixit, licet re vera esset. Vel quia lex naturæ non satis aperiebat peccati rationem, uti supra enarrabamus. Vel quod tunc temporis obnubilata iam erat, & ferè de mentibus hominum abrasa. Et hoc est quod subdit, Ego autem: id est, homo, sine lege vivebam. Sunt autem quibus talis placet lectio huius literæ, ut punctum illic figatur, Ego autem vivebam aliquando: scilicet, vita spirituali, quando nondum erat lex: ut, vivebat, contraponatur morti peccati: sicuti statim vitæ peccati contraponitur mors hominis. Et dicebatur secundum istos tunc homo vivere, qua ratione mortuum erat peccatum. Nimirum quod cum non satis cognosceretur, non adeo vivebat ad interficiendum hominē spirituali morte. Sed profectò non huc videtur vergere mens Pauli. Sed ait: Ego autem sine lege vivebam, hoc est, lege destitutus vitam degebam. Quo verbo causam reddit præcedentis, ac si dixisset, sine lege peccatum mortuum erat: ego enim aliquando eram sine lege. Dubium tamen inde hic exurgit, quod ignorantia iuris naturalis non excusat: & ideo quantuncumque; obscurata esset huiusmodi lex, non excusabantur qui illam offendeabant. Quinimò acius essent accusandi: nam quanto culpa ex libidinis vehementia magis ignoratur, tanto ob affectatam ignorantiam degrauiatur magis: nulla ergo est causa cur tunc peccatum diceretur mortuum. Responsio autem est, quod neque Paul. illos tunc mortales excusatos contendit, quinimò cap. 1. acerrimè accusationi subiecit idololatrias, atque alios turpes flagitiososque; Gentium, quod cum Deum cognouissent aut certè nosse debuissent, tam peruersis moribus in eum peccassent. Sed ait, peccatum fuisse mortuum, in cognitione hominū, qui præterquam quod multa tunc nesciebant

Concors interpretatio Patrum.

Ego autem.

Dubitatio.

*Ignorantia
quomodo
excusat.*

esse peccata, quæ verè erant, legitima peccati ratio eos celabatur: vt supra expositum est. Et ideo peccatum in sua existimatione languebat, emarcidumq; erat, & inualidum, ad deterrendum eos: quapropter ignauia & socordia torpebant. Adde, quòd quauis ignorantia affectata non excuset, quando tamen tractu aliquo temporis in aliqua natione corruptissimis moribus lumen naturæ obtenebratur, tunc etfi scelerum capitalium ignorantia non excuset, tamen aliorum minoru obliuio, quæ sunt etiam contra ius naturæ, vel minuit, vel fortè nonnunq tollit culpam: præsertim quando ferè orbis tali ignorantia excæcatus erat. His ergo rationibus, mortuum: hoc est, exile & tenuè tunc erat peccatum respectu temporis, quo lex diuina resplenduit Israeliticæ plebi.

Sed cùm venisset mandatum, peccatum reuixit. Ego autè mortuus sum, & inuentum est, mihi mandatum quod erat ad vitam, hoc esse ad mortem.

Priori differentia temporis supponit posteriore, vbi accedente lege, & humanas mentes illustrante, reuiuiscens peccatum, hominè coniecit in mortem: scilicet, animæ: sic enim necesse est vsurpare hic vocem, mors. Tota hæc autè oratio nihil aliud est, quàm expositio illius sæpè repetita sententiæ, quòd lex & vetando illud, quod lubet, libidinem auget, & manifestando peccatum, excusationem adimit, præsertim diuina lex quæ aperit, peccatum, tum aduersari Deo, tum etiam & priuatione diuinæ foelicitatis, & solutione æterni supplicij dignum esse. Hoc enim pacto & peccatū inolefcit inualefcitq; & hominè perimit. Quocirca si peccatū ea ratione mortuū erat, quòd non satis noscebatur, ea quoq; ratione moritur homo reuiuēte peccato, quòd cognoscit se peccare, vt August. ead. quæst. ait. Perseuerat hic autem personam agere hominis sub potestate peccati viuentis. At neq; secundum Orige. qui hanc temporum vicissitudinem ad illud confinium ætatum refert, vbi ratio incipit lucescere, neque secundum alios, qui hoc accommodant ad statum primorum parentum: accipi ita propriè potest, quod ait, mortuū & reuixit, nam quòd nunquàm vixit, non est mortuum: ob idq; in statu innocentia peccatum nullum erat mortuū, nec propriè reuixit. Idemq; comperitur

in puero ante rationis lineam. At secundum vulgatam glossam, peccatum, quod in mundi primordijs vigente lege naturæ viuebat, mortuum iam tunc erat prope ante diluuiū, & post in seculo Abrahæ, vbi idololatria in numero flagitiorū satellitio stipata, in mundum grassabatur: atq; adeò obnubilabat humanas mentes, vt vix vlla esset existimatio peccati: reuixit autem occasione scriptæ legis: quòd enim arctius interdicti Iudæi erant idolorum cultu, eò magis impiè in eum impingebant, minusq; ideo excusabantur. Vt autem Romanos iugiter admonitos habeat, hanc peccati resurrectionem, hominisq; mortem, non vitio legis obuénisse, subdit. (*Et inuentum est, mihi mandatum, quod erat ad vitam, esse ad mortem.*) Quasi dicat. Non hæc erat mandati intentio, sed inuentum est: id est, vitio hominū repertum deprehensumq; est, seu vsu venit, vt mandatum, quod suo opte proposito datū erat mihi ad vitam: hoc est, vt ostendendo enormitatem peccati, quod est Dei offensio, & sublimitatem præmij, quod virtuti proponit, supplicijq; acerbiter, quod peccatoribus cōminatur, à peccato me cohiberet, transmitteretq; in viam iustitiæ, idem mandatum inuentum est celsisse mihi in mortem.

Nam peccatum, occasione accepta per mandatum, seduxit me, & per illud occidit.

Repetitio ferè est conclusionis supraposita. Est enim oratoris mos, conclusionem repetere. At quia mortis meminit, in quam illos ait peccatum per mandatum adegisse verbis nonnihil differentibus vtitur. Dixerat enim, quòd peccatum occasione accepta per mandatum operatum est concupiscentiam, modò ait, occasione accepta per mandatum seduxit me & per illud occidit. Perspice què admodum ad propositum respectet, ad compositionem scilicet peccati & mortis, quæ per Adam ingressa in orbem in initio dixerat. Nam, seduxit, idem est, quod in peccatum induxit, per quod me occidit. Perparui tamè refert, an quod ait, per mandatum ad, occasione accepta, an verò ad, seduxit, apponas: *Seduxit.* nam & per mandatum accepta est occasio, & eadem ratione per ipsum seduxit, atque adeò occidit. Verbum hoc quidem, seduxit, illis fauet, qui hanc literam interpretantur de statu primorum parentum, vbi ait Eua, Serpens seduxit me. At verò referri etiam commodissimè potest ad tempus scriptæ legis.

Enimverò

*Mortuum
reuixit.*

August.

Enimuerò licet lex, quatenus in mentem irradiat detegendo illi peccatum, neminem decipiat, sed instruat: tamen peccatum per ipsam seducit. Hoc autem seducere August. q. sæpe citata inter. 83. bifariam exponit, primò quòd suasio delectationis vehementior est dum adest prohibitio, yti in adulterio, quàm in matrimonio. Secundò quòd quæ homo facit secundum iussa legis, sibi attribuit, nisi fides doceat referenda esse in Deum. Sed forsan congruentior sit & planior sensus, quòd eadem ratione, qua concupiscentia per legem ardentius inflammatur, homo seducitur, & excæcatus, decipitur, leuius innoxiusq; quàm par esset, reputando peccatum: qua tandem causa ad deceptorium imperium particulare intellectus labefactatur, vt fieri imperet, quod non decet. Hanc siquidem ob rem dixit Aristote. Omnis peccans est ignorans. Etenim neque Euam seduxisset serpens, dicens, Nequaquàm moriemini, nisi cupidus cibi eam præmolisset. In qua profectò tentatione, nostra quoq; depicta est: nam pariter nos dæmon circunuenit vbi ebullit passio, attenuando & exinaniendo grauitatem noxiæ, qua nos seductione excæcatus occidit. Atqui & verbum, occidit, videtur cum præuaricatione illa Adæ admodum quadrare: illa siquidem, peccatū fuit, per quod mors ingressa est in mundum. At competit nihilominus suo modo & cuiusq; peccato, non solum si de morte animæ verbū intelligatur, quæ est ipsummet peccatum, sed etiam si extendatur ad mortem tam corporis, quàm animæ, quæ consistit in morborum & calamitatum sensu, vt cap. 8. latius dicturi sumus. Mors etenim corporis in reprobis transitus est ad æternā illam inferni, vbi tam anima, quàm corpus mortis doloribus & tormentis eisdemq; sæuius acerbiorq; discruciantur, quàm dum corpus erat mortale. Quam idcirco Ioan. in Apoc. (vt cap. 5. dicebamus) appellat mortem secundam, eandemq; ait iustos nō visuros. Ob idq; cum per vnū quodlibet delictum accessio fiat illis supplicij, fit, vt quodlibet nos verè occidat. Quapropter ait Theophy. Mors hæc & ad culpam potest & ad poenam referri. Sed & quod ait, peccatum per mandatum occidit, eodem relabitur cum illo. 2. Corin. 3. Litera occidit: hoc est, lex iubens, non iuuans.

Theophyl.

2. Corin. 3.

Itaq; & lex quidem sancta, & mandatum sanctum & iustum, & bonum.

Concludit vtiq; responsum, quòd institue-^{Quatuor} rat in defensionem legis. Sunt tamē qui qua-^{comata.} tuor hæc cōmata ita distribuāt, vt, lex sancta, ad totam legem relatum velint, mandatū verò sanctum, ad cerimonialia, quibus populus emundabatur: sed, iustum, ad iudicialia, quibus homines inter se exequabantur: bonum, autem, ad honestatem moralium. Siquibus verò forsan hæc tam excogitata distributio nō perplaceat, omnia de tota lege asserta possunt audiri. Lex enim, & documenta completur, & exempla, atq; monita, & præterea mandata. Proponit ergo prius totam legem fuisse sanctam: hoc est, puram & incorruptā, alludens ad proprium verbum legis, quòd est, sancire, atq; id quidem quò ad omnes eius partes, secundum illud Psalmi. Lex Domini immaculata. Deinde in specie subdit, & mandatum sanctum, cuiusvis generis mandatum intelligas. Nam & iudicialia quoq; & cerimonialia, perinde atque moralia, ad populi sanctitatem instituta erant & ordinata. Subtextit autem, iustum, quòd rectitudinem & equitatem in se legis significat, & bonum, quantum ad effectum eius: qui est secundum Aristote. ^{p̄sal. 18.} 2. Ethicor. vt bonos faciat ciues. Vnde vbi dixit Psalmista, Lex Domini immaculata, statim subdit, Conuertens animas: & testimonium fidele, sapientiam præstans paruulis, id est, ineruditis & humilibus. Iustitiæ Domini recte. &c. Hoc ergo est, quòd lex est in se: vnde Manichæi, & Marcionis hæresis palam damnatur, eorumq; in legem blasphemia, quam quidem legem diffamabant, & tanquam malam proscribebant. Nam quòd legitur Ezech. 2. Dedi eis præcepta non bona, huc penitus refertur, quòd præcepta cerimonialia erant imperfecta, quæ gratiam non cōferebant, neq; erant perpetuo duratura: vnde & de iudicialibus subditur, Et iudicia in quibus non viuunt. Quid autem fecerit lex per accidens, subdit. ^{Manichæi.} ^{Ezech. 2.}

Quod ergo bonum est, mihi factum est mors. Absit. Sed peccatum, vt appareat peccatum, per bonum operatum est mihi mortem, vt fiat supra modum peccās peccatum per mandatum.

Proponit autē accidentariū transuersumq; effectum legis per modum quæstionis. Nunquid lex, quæ per se bona erat, facta est mihi

mors? Absit. Intuere attentè lector, quanta fide tueatur legem. Non enim satis duxit eam per se sanctam, iustam & bonam prædicare: sed si quis fortè cogitasset, saltem homines vitio suo eam deturpasse, fecisseq; ut ipsa esset lethifera, id etiam interdicto negat. Illa quippe ita suapte natura viuifica erat, dataq; adeò in subsidium vitæ, ut nullo modo, neq; per hominū corruptelam facta sit mortis causa.

(Sed peccatum ut appareat peccatum, per bonum operatum est mihi mortem.)

Id est, non ipsum mandatum legis seduxit & occidit hominem, (repræsentat enim hominem peccatis inquinatum,) sed peccatum, ut appareat peccatū, per bonum (scilicet mandatum) operatū est mihi mortē. At verò litera hæc variè distinguitur apud diuersos auctores. In nonnullis etenim Græcis exemplaribus clausula superioris textus sic terminatur, Quod ergo bonum est, factum est mihi mors: absit, sed peccatum, ut subintelligatur, factum est mihi mors, & inde subsequatur altera clausula, ut appareat peccatum, id est, ut seipsum proferat, per bonum operatum est, &c. At verò Origenes. Chrysost. Theophylas. cum Latinis omnibus sequuntur distinctionem, quæ est in nostra translatione. Hoc autem quod ait, peccatum, ut appareat peccatum, nonnulli sic exprimunt: peccatum: hoc est, iniquus animus, ut in sua se afferat libertate, cōtra prohibitionem prorumpens, per mandatum, quod suapte natura est bonum, operatur mortem. Attamen quam citati modo Patres concipiunt, planior intelligentia est. Peccatum (seu cōcupiscentiam intelligas, seu peccatum ipsum, pro ut supra exponebamus) ut vel per hoc se pandat, appareatq; quàm sit res iniqua & praua (puta quod optimis remedijs malè vtatur) per mandatum bonum, quod veluti salutifera medicina adhibitum est in remedium, operatum est mortem. At verò ne id de solo peccato Adæ dictum crederetur, per quod mors introiuit in mundum, addit. (Ut fiat supra modum peccans peccatum per mandatum.) Ac si dixisset. Nolo ego negare, ante scriptam legem per peccatum Adæ patuisse morti aditum in mundū: nam dictum est, quod per vnum hominem introiuit peccatum, & per peccatum mors: & quod ab Adam vsque ad Moysen regnavit mors, sed doceo, quod peccatum, quod per legem Moysi incrementum accepit, cumulatius & supramodum operatum est mortem, multiplicando mortis iura: qua ratione vnū peccatum, causa aliorum fit. Et hoc sonat

quod ait, ut fiat supra modum peccans peccatum per mandatum. In Græco nomen peccati, *ἁμαρτία*, fœminini generis est, cui apponitur adiectiuum, peccatrix. Et ideo Origenis interpretes transtulit, ut fiat peccator peccatum, hoc est peccatum ipsum fiat supra modum peccator, puta causa peccati. Sed interpretes noster ad attenuandam amphibologiam, ne, peccator, censeretur prædicatum esse hominis, transtulit per participium, ut peccatum fiat supra modum peccans, id est, peccatum per occasionem mandati fiat exuberantior vehementiorq; causa plurium peccatorum. Etenim quæ pauciora leuioraq; erant ante legem, plura, grauioraq; facta sunt occasione legis.

Origen. interpretes.

Scimus enim quod lex spiritualis est, ego autē carnalis sum, vānundatus sub peccato.

TERTIA pars capituli

Hactenus legem ab accusatione illorū defendit, qui illam, velut lethiferam damnare cogitarēt: iam nunc in hac tertia sectione huius capituli, quàm fuerit iusta & bona, aperire constituit; pergit ratione sumpta ab eiusdem legis optimo proposito, & quem in nobis fortitur saluberrimo effectu, qui est, spiritum aduersus carnem instruere, irrobore, iuuareq; & fouere. Sed est præterea particula hæc superioris expositoria. Edisserit hic enim Paulus id quod dixerat, non legem, quæ bona est, causam fuisse, vel peccati, vel mortis, sed peccatum per mandatum operatum fuisse vtrumq; malum. Id autem demonstrat per certamen & duellum, quod in nobis metipsis intestinum est inter carnem & spiritum: quæ duæ sunt diuersæ naturæ, ex quibus compacti sumus. Producit itaq; statim statuitq; contrarias partes, sibiq; inuicem aduersantes: nempe legem & carnem. In epistola ad Galat. inter portiones ipsas homini internas idem ait, bellum geri: Caro enim inquit, concupiscit aduersus spiritum, & spiritus aduersus carnem. Sed quia lex à parte eiusdem spiritus dimicat, rationem instituens, vetansq; carni succumbere, eadem hic prorsus pugnam depingit inter legem carnis & legem spiritus. Proponit igitur. (Scimus quod lex spiritualis est, ego autem carnalis.) Scimus inquit, hoc est, constitutissimum omnibusq; adeò in confesso esse debet, qui legis naturam scrutantur: ut ipse faciebat Paulus: sermonem nanq; profertur de lege Moysi, quæ quantum ad præcepta moralia, eadem erat cum nostra. Eandem

Galat. 5.

Variatio lectionis.

Origenes.

Peccatum ut appareat peccatum.

Lex spiritua-

lis.

Exod. 32.

Luc. 11.

2. Corin. 3.

Duae portio-
nes in boīe.Carnalis du-
pliciter.Vendit se bo-
mo peccan-
do.

Esa. 50.

dem quippe legem spiritualement cognominat. Primum ratione causæ: fuit enim in tabulis digito Dei scripta, ut habetur Exod. 32. digiti autem nomine, Spiritus sanctus nuncupatur: nam in hoc digito aiebat se Christus eicere dæmonia. Dicitur deinde spiritualis, ratione effectus: quoniam lex, regula est & norma spiritus colluctantis cum carne. Et præterea quia litera antiquæ legis, quæ figura erat & umbra futuri Euangelij, spiritualiter erat intelligenda. Hac inquam fortè ratione legem hic veterem appellat, legem spiritualement, id est, spiritus prænunciam: legem verò euangelicam appellat cap. proximo legem spiritus vitæ, legem scilicet, continentem in se præsentiam Christi, vel quia illa scripta erat in tabulis, hæc verò in cordibus spiritu Dei viuī: quod loco citato fufius exposituri sumus. (Ego autem carnalis.) In homine, ut qui ex anima constat & corpore, duæ discernuntur portiones, superior scilicet, cui ratio præest, & sensualis inferior, quæ iniussu rationis in obiecta sensibilia per se fertur. A priori homo est, diciturq; rationalistâ posteriori verò, sensualis & carnalis. Refert tamen plurimum ad intellectum huius literæ, illius hic meminisse, quod supra iterum à nobis dictum est: nempe illud esse simpliciter hominem, quod ei cōpetit ratione formæ, à qua sortitur speciem & nomen: illud autem secundum quid, quod competit ratione materiæ. At verò carnalis, bifariam dicitur, vel quia ratio per voluntatis assensionem subiugata est carni, vel quia citra huiusmodi assensum subiecta est pugne & molestiæ carnis. Modus prior competit solis peccatoribus, posterior verò patet lege cōmuni in omnes filios Adæ, quamlibet iustos: Vterq; autem modus conuenit homini ratione peccati. Et ideo subiungit. (Vendit se homo non alio precio, quam ut suū expleat sensualem appetitū: quò illud spectat Esa. 50. Ecce iniquitatibus vestris venditi estis. Igitur si carnalitatem accipias pro sola rebellione sensualitatis, quæ citra crimē reperitur etiam in viris iustis, in illam nos vendidit seruitutem primus parens, cuius præuaricatione dispoliati sumus originali iustitia. Si autem vsurpetur carnalitas priori modo pro victoria carnis, quam obtinet in solis iniquis, huic

tyrannidi quilibet per propriam voluntatem mancipatur. Secundū hos duos igitur signi- *Duplex sensus.* ficatus carnalis hominis geminus est, bipertitusq; sensus huius sermonis Pauli, vsq; ad finem capituli: Origenes nanq; super hunc locum & Chrysost. posteriorem amplexi sensum aiunt, hic Paulum personam agere illius, qui secundum carnem in peccati potestatem deditus viuī. In qua sententia fuit iunior August. ut patet lib. 83. questionum, q. 66. Vbi ait, verba hæc esse hominis sub lege constituti, nondum sub gratia. Postmodum verò senex, ut est videre contra Iulianum lib. 6. cap. 11. Et lib. 1. retract. cap. 23. Et latè lib. contra du. epist. Pela. ad Bonifa. His quippe locis inter enarrandum hunc locum, in cōtrariam abiit sententiam: nempe quòd loquatur hic Paulus in persona sanctorū, quorum gemitum, contra carnales cōcupiscentias dimicantium, videtur se hic audire. Quemadmodū inquit, locum hunc intellexit Hilar. Gregor. (scilicet Nazianzenus) Ambro. & ceteri Ecclesiæ sancti, notiq; doctores. Et reuera germanus hic intellectus est Pauli, & genuinus. Enim- *Sensus ger- ma- nis Pau- li.* uerò cum ab illo loco, Peccatum non cognoui nisi per legem, personam (ut diximus) humani generis indutus fuerit, personas subinde diuersas refert, nunc scilicet hominem gratia destitutum, nunc verò illum qui in gratia constitutus est: in quem aptissimè conuenit tota hæc subsequens oratio, ut per singula eius membra liquefceret.

Quodenim operor non intelligo, non enim quod volo bonū, hoc ago: sed quod odi malum, illud facio.

Sistamus ergo nobis ob oculos iustum quempiam, conflictu carnis afflictum, verbis nanq; illius instituit Apostolus, tum legis bonitatem & virtutem: tum etiam peccati, cōcupiscentiæq; malignitatem & pertinacissimā pugnam exaggerare, ut superiorem orationē amplificet. Nempe quòd peccatum, non modò in eo qui non vitur auxilio Dei per mandatum accumulat grauiora, verum in eū etiā quem adiuuerit eius gratia, infestissimè subfultat, instigando ad malū. In quo pariter & virtus gratiæ patientius exerit se se, ut quæ rationem continet, ne corruat. Sed est præterea obseruandus Apostolus, quemadmodum ob alternas vices spiritus & carnis alterum se à se ipso subinde inducit, duarum personarū vi-

August.

defunctus, carnalis scilicet & spiritualis. Augustino in lib. 83. questionum, & hic Ambrosio verbum hoc, Quod operor nō intelligo, perinde est, ac si dictum esset, peccata quæ facio nō cognosco: quia non illa inuenio scripta in regulis veritatis, Nam aliud per legem scio, aliud ago. Hæc autem expositio aptius quadraret, si verba hic texerentur de homine feruiente iniquitati. Nam si sermo fiat de viro iusto, cōgruentius exponitur ab alijs in hunc sensum, Id quod operor nō agnosco, hoc est, non approbo, sed me inscio, mea q; inconsulta voluntate, fit. Etenim cum orationem exorditur de illis motibus sensualitatis, quæ citra consensum voluntatis exiliunt, & voluntas nihil velit nisi præcognitum, initium capit dicendi à cognitione: proponens multa se operari per sensualitatem, nulla præuia cognitione intellectus, vel saltem absq; certo iudicio, quæ idcirco quantum ad rationem attinet, potius dicimur pati per sensus, quàm agere. (Non enim quod volo bonum, hoc ago: sed quod odi malum, illud facio.) Sunt exemplaria Græca, in quibus neutra illarum vocum, bonum, malum, extat: constat tamen, illis ex punctis, sententia eadē, licet per illas explicatio fiat. Et sunt inferius in simili oratione expressæ, vnde fit mihi coniectura (vt illic adnotabimus) hic nō ab Apostolo, sed ab aliquo fuisse adiectas, quia illas vidit infra extare. Est autem hoc tum declaratio, tum probatio proximi verbi. Quod enim dixerat, quod operor non intelligo, apertius significantiusq; profert. Non enim, & cæt. Est hic tamen ante oculos habenda diuisio illa peccatorum, quæ fit in commissionem, contra affirmatiuum præceptum: atq; omissionem, contra negatiuum: quam forsan nobis suggerit Paulus hac bimembri oratione, vbi ait, Non enim quod volo (puta opus affirmatiui, seu præcepti, seu consilij) illud ago, sed quod odi, (scilicet rem prohibitam) illud facio. At verò si in priori articulo intelligas, non ago, vbi adest necessarium tempus præcepti, nō id tunc ad statum viri iusti pertinet, siquidem omisio illa, lethalis est. Si autem ad tempus referas, quo consilium est facere, id & viro quoq; iusto vsu venire potest: nempe, vt renitentia sensualitatis id non faciat: puta obignauiam pigritiamvè, aut alium languorem, vel ægritudinem animæ. Pariter in posteriori membro, si quod odimus facimus, transgredientes præceptum, id quidem iustitiæ repugnat. Quod si nobis vel nolentibus, vel nō aduertentibus, sensua-

lis appetitus naturali surreptione nos subito impetat certè illic nihil subest, nec leuissimæ culpæ. At dum illecebra cōsq; prorepserit, vt attendens ratio in mora sit reprimēdi, culpa eò tunc innascitur venialis, quæ ante voluntatis assensum, vel in rem, vel in delectationem, haud est mortalis. Sciscitatur hic forsan addubitans quisquam, quomodo possunt actiones illæ contrariæ simul consistere & coherere? Videlicet voluntas absq; opere, & rursum, facere quod nolis. Facilis est responsio, quod dum quis non facit quod vult bonum, voluntas illa non est absoluta, & ad particulare determinata: hanc enim vbi facultas suppetit, protinus consequitur opus, sed esse potest voluntas in genere, vt idem sit, quod volo, ac si dicas, quod ratione admonitus sum velle. Potest esse & particularis, quam scholæ, explanationis gratia, permittunt, velleitatem appellari: quæ quidem non repugnat absolute appétitioni sensus in contrarium, qualis est, vellem facere, & nihilominus non facio. Eodem ferè modo alterum membrum audiendum est. Etenim dum nolo in peccatum consentire, non obstante quauis sensuali commotione, simpliciter & absolute illud odi: sed id dicor facere secundum quid per sensum: nam illud prorsus simpliciter agimus, quod per voluntatem agimus. Vbi autem assentimus malo, quod facimus, tunc iam non simpliciter odimus, quanuis qui cum vehementibus passionibus decertat, illisq; contra nititur, is quidem, dum superatur & vincitur, licet non simpliciter, tamen secundum quid per nolletatem (vt cum scholasticis sic loquamur) odit id, quod simpliciter vult & facit. Qua ratione ait. 3. Ethic. Aristot. quod qui in naufragio exonerat merces in mare, secundum quid nollet, sed simpliciter & in particulari vult.

Si autem quod nolo, illud facio, consentio legi, quoniam bona est. Nunc autem iam non ego operor illud, sed quod habitat in me peccatum.

Concludit vtrāq; propositionē, quam hic constituerat stabilire: puta & quod lex sancta sit, spiritualis & bona, & quod peccatum sit carnale & iniquum, sub quo homo venditus est, atque vtramque elicit ex proximè præfato verbo. Et de lege quidem sic, Si quod nolo inquit, illud facio, in hoc quod nolo, consentio legi, quia bona est, id est, obtempe-

Motus subitus.

Addubitatio

Conditionalis voluntas.

Aristote. 3. Ethic.

Peccatorum diuisio.

ro illi,



ro illi, seu illam probo, vt quam hoc testimo-
nio cognosco esse bonam, quod manifestat
mihi prohibetq; peccatum. De peccato autē
sic. (*Nunc autem. &c.*) Id est, si me nolente, le-
giq; consentiente illud operor, quod est ma-
lum, consequens fit: vt, neq; ego illud, neque
lex faciamus, sed quod habitat in me pecca-
tum. Perspice quomodo hic simpliciter facit
homo quod iudicio rationis agit per volun-
tatem: hac enim de causa non dixit solum,
voluntas consentit legi, Sed, ego consentio.
Neq; ait, Non voluntas operatur, at, Non
ego operor illud, sed quod habitat in me pec-
catum. Ex quo rursus subsequitur, sententiā
hanc de viro iusto enunciari, dissentiente à cu-
piditate carnis. Et respicit ad illud cap. 6. Non
exhibeatis membra vestra arma iniquitatis
peccato. Etenim dum per voluntatem non
exhibemus: huiusmodi arma, non nos, sed
concupiscentia citra culpam mortalem no-
stram operatur. Vnde. 2. Cor. 10. In carne, in-
quit, ambulantes non secundum carnem mi-
litamus. En locus vbi secundum August. &
complures enarratorum peccatum transfer-
tur, vt vsurpetur pro concupiscentia rebellan-
te contra rationem, tum quia causa, tum quia
effectus est peccati, licet (vt paulò ante dice-
bam) absq; vlla fortē figura intellexit pecca-
tum Adæ habitare in nobis, eò quòd concu-
piscencia virtus est, & seminarium, per quod
peccatum ipsum primi parentis, modo quo-
dam non improprio, habitat in nobis: partu-
ritq; nostra delicta, sicuti diabolus dicitur ha-
bitare in homine sceleratissimo & pestilen-
tissimo, tametsi in illo non sit per essentiam.
Et ait, non vtcunq; esse in nostra carne pecca-
tum, quasi in transcurfu, verum inhabitare,
tanquam rem nobis cognatam. Est enim vis
illa concupiscentiæ, si principia hominis na-
turalia spectes, naturalis & ingenua, quæ ho-
mini ideo condito in puris naturalibus inef-
fet: sed est nihilominus effectus peccati Adæ,
per quod iustitia originali nudati sumus, quæ
eiusmodi concupiscentiā rationi subiugabat.

Loquitur de
viro iusto.

2. Corin. 10.

Habitat in
me peccatum

Scio enim quòd non habitat
in me, hoc est, in carne mea, bo-
num. Nam velle adiacet mihi:
perficere autem bonum non in-
uenio. Non enim quod volo bo-
num, hoc facio: sed quod nolo
malum, hoc ago. Si autem quod

nolo, illud facio, iam nō ego ope-
ror illud, sed quod habitat in me
peccatum.

Probat breuissimè non habitare in nobis,
hoc est, in carne nostra bonum, sed peccatū:
id est, peccati reliquias & semina: eò quòd
velle adiacet nobis, perficere autem minimè.
Et spectat hoc verbum ad illud, Non enim
quod volo bonum, hoc ago, Sed intueri cor-
rectionem, in me, hoc est, in carne mea, Vt sis
continenter admonitus, id quod est in carne,
non esse simpliciter in homine, quatenus ra-
tionalis est. Admonemur eodem præterea
verbo, in anima iusti viceuersa non malum,
sed bonum habitare, hoc est, gratiam ac nu-
minis opem. Quocirca nihil huic loco repu-
gnat, quod capit. subsequenti ait, Inhabitare
in nobis spiritum Dei, qui in nos per sacrum
lauacrum effunditur. Neq; verò illud. 1. Co-
rin. 6. Nescitis quoniam membra vestra tem-
plum sunt Spiritus sancti: illic enim ius dun-
taxat exprimit, quòd Deus ratione creatio-
nis, sicuti & Christus causa redemptionis in
corpora habet nostra, ne exhibeamus eius
membra seruire iniquitati, sed illi tanq̃ tem-
plum eius manibus fabricatū, eiusq; cruore
reædificatū: q̃ obrem subdit, Empti estis pre-
cio magno, Hic veruntamē prodit malum ex
peccato Adæ in nostra carne relictum. Ducit
itaq; argumentum ab effectu, qui index est
signūq; & propalatio causæ hoc modo. Velle
adiacet mihi, perficere autē non item, experi-
mento ergo cōpertum habeo, nō habitare in
carne mea bonū, sed peccatū. Porro autē hoc
quod est, velle adiacet mihi, perficere autē bo-
nū, non inuenio, accommodare vno modo pos-
sumus viro iam sanctimoniam prouecto & cō-
summato, qualis erat Paulus. Et tunc facile est
videre, quo pacto similibus sanctis velle adia-
ceat: hoc est, præsto sit: habent enim virtutē cō-
suetudine ferè in naturā versam, vt in prōptu
habeat per Dei fauorē velle quicquid hone-
stum est. At verò argumentabitur quis fortē,
q̃ videtur & posse quoq; perficere: aliàs quo-
modo dicuntur perfecti, vt secernantur ab
incipientibus & proficientibus. Aug. lib. cita-
to contra Pelagianos ad Bonifa. ait, perficere,
hoc loco idē pollere, quod nullatenus concu-
piscere: id quod in hoc corruptibili corpore
nō est possibile, à quo idcirco corpore mor-
tis liberari cupiebat Apostolus, vt paulò hic
post subiungit: propter eum, quē patiebatur
angelum

1. Corin. 6.

Perficere.

August.

angelum Sathanæ ipsum colaphizantē: quæ etiam de causa castigabat corpus suum & in seruitutem redigebat. Potest autem & altera adhiberi ratio huic proxima. Videlicet quod in quantocunq; fuerit sanctitatis culmine iustus, non valet bonū ita perficere, quin quandoq; aliquid venialis culpæ illi obrepat, quo contaminetur eius opus. Nulla ergo repugnantia est, vt sit quis perfectus perfectione viæ, & tamen non adiaceat ei perficere, hoc est, omnia venialia cauere. Perfectio enim cœlestis patriæ est corpus habere spirituale, ob idq; neuti quam spiritui aduersum: perfectio autem viæ est recta illuc pergere: culpa verò venialis non est declinatio à recta via, sed demoratio quædam, quæ perfectioni huius seculi nō repugnat. Idem enim Apostolus qui ait, Si dixerimus quia peccatū nō habemus, ipsi nos seducimus, ait quoq; Qui seruat verbum eius, verè in hoc charitas Dei perfecta est. Quod vtiq; perfectionum discrimen insinuat Paulus ad Philippen. 3. Vbi prius ait, non quod iam acceperim, aut iam perfectus sim, postq; verò subdit, Quicunq; ergo perfecti sumus, hoc sentiamus. &c. Vt, prius, ad perfectionem triumphantium referas, posterius, verò ad hanc, quæ est militantium. Hanc veruntamen disputationem pluribus intruximus aduersus Lutheranos lib. 3. de na. & gra. cap. 4. qui veritati contrarij negant, præceptum dilectionis Dei perfectè in hac vita impleri posse, quod minus quauis actione nostra contra illud peccemus: nescientes destinguere inter perfectionem viæ, & perfectionem patriæ: quarum altera quidem meritum est per impletionem legis, altera verò præmium per fructus perceptionem. At verò si hanc eandem Paulinam sententiam coaptare volumus, vel proficientibus, vel incipientibus, clarius patebit quo pacto velle adiacet nobis: perficere autem, minimè. Oculata enim experientia docet, quanto sit difficilius opus bonum re exequi (si hoc fortè Apostolus appellat hic quoq; perficere) quàm illud velle, hoc est, animo proponere. Dum enim intemperatum, qui in omnem est libidinem effusus, timor Dei percellit, potest quidem à periculorum vnda in bonam mentem iactatus, sanctum concipere propositum, sed tamen vt opere id perficiat, illicitus est labor. Et incontinens, qui primordia tantum habet virtutis, duellumq; durum sustinet cum passionibus, citam habet voluntatem bonam: perficere autem opus, non item, quoadusque vir-

tus altas iecerit radices, & amore homo incipiat agere, quod timore cœperat. Huc pertinet parabola Euāgelij de semine iacto, quod cecidit, vel secus viam, vel in petrosis, vel inter spinas, quod ob varia impedimenta non retulit fructum. Hunc præterea sensum optimè tractat Origen, per exempla in alijs artibus. Qui enim, verbi gratia, vult sapiens fieri, non statim vt voluit, sapiens effectus est, sed adhibendus est labor, studium, sollicitudo, vigiliæ, doctrina & institutio: idque vsu venit in alijs quibusque artibus, atque adeo multò hæc magis necessaria sunt in comparanda vel pudicitia, vel mansuetudine, vel cæterarum vnaqualibet virtutum. Hæc fermè ille. Non quod, vel ad virtutis cognitionem longo opus sit studio, vel quod Deus præsto nō adsit nobis, sed quod ad perdomandum vim concupiscentiæ, ad fallendas mundi versutias ac technas, cauendaq; pericula, atq; adeo ad debellandas potestates aëris, omnis est cura necessaria, sedula vigilantia, summusq; conatus. Adeo vt tepidus frigidus peius audiat apud Deum: nam, vtinam calidus inquit, esses aut frigidus: sed quia tepidus es, incipiam te euomere de ore meo, Alludens ad gustum subcalidæ aquæ, quæ citius nauseam commouet, quàm si vel calida omnino esset, vel frigida. Potest tamen haud ineptè & perficere, hic vsurpari pro eo, quod est, perseverare vsque in finem: in quo plus etiam est difficultatis, quàm in eo, quod est, & velle, & operari bonum. Ad quam ideo perseverantiam singulare auxilium & fauorè agnoscunt theologi esse necessarium, præter illud, quod requiritur ad ingrediendum salutis viam. Est autem hic vnus, quem ex locis sacris pro se adferebant Pelagiani, dicentes, Saltem incipere opus iustitiæ apud Deum, esse à nobis: nam velle inquit, adiacet nobis. Erant autem vel in hoc iniqui hæretici, quod non auscultabant Paulum illis alibi respondentem. Ait enim Philippen. 3. Deus qui operatur in vobis & velle & perficere. Et Corinthijs, Non sumus sufficientes cogitare aliquid ex nobis: quæ tamen cogitatio voluntatem antecedit. Igitur vbi ait, velle adiacet mihi, non negat, quin illud sit quoq; donū Dei (loquitur enim in persona viri iusti de voluntate illa, quæ grata est Deo) sed hoc planè sibi vult, quod velle multis donatur, quibus non protinus datur perficere, vt expositum est. (Non enim quod volo bonum, hoc facio. &c.) Hæc verba eadē propemodū sunt, quæ supra sunt exposita:

Matth. 13.

Orig.

Vtinā sis frigidus. &c. Apoc. 3.

Ad perseverandum requiritur auxilium.

Pelagiani.

Philip. 2. 2. Corint. 3.

Perfectiones
presens ac
futuri seculi.

1. Ioan. 2.

Philip. 3.

Lib. 3. de na.
& gra. ca. 4.De incipientibus
& proficientibus.

exposita : nisi quod illic formam habebant propositionis, hic autem confirmata iam conclusionis. Atqui per hoc mihi suadetur, illic superius non esse in Paulo voces illas, bonū, malum, nam alias, non repetisset hæc verba, quæ omnino essent eadem, Sed cum illic in confuso dixisset, Non enim quod volo, hoc ago, sed quod odi, illud facio, nunc explicatius ex dictis concludit, quid illud sit, quod volo, quidq; illud, quod odi, nempe quod alterū sit bonum, alterum verò malum. Cætera illic enarrata sunt.

Inuenio igitur legem volenti mihi facere bonum, quoniā mihi malū adiacet. Condelector enim legi Dei secundum interiorem hominem.

Perseuerare etiamnum pergit in tractanda pandendaq; illa binembri propositione, lex spiritualis est, ego autem carnalis. Quorum priori membro appendit prius corollariam hanc expositioriam conclusionem, moxq; posteriori alteram. Dixerat legem spiritualemente, oculum semper habens ad legem Moysis spiritualitatem ergo eius elucidat, sic inferens ex ijs quæ dicta sunt. (*Inuenio igitur legem. &c.*) Hæc veruntamen conclusio non vno, nec simpliciter quidem modo exponitur. Est enim, vt Orige. Chryso. & Theophy. fatentur, obscura & trunca, alicuiusq; appetens supplementi. Atqui doctores isti, Ambrosiusq; & ad Bonifacium August. omnes illam interpretantur de lege Moysis, cuius & bonitas & pariter necessitas hic asseritur (vt aiunt) ab Apostolo: fuit enim necessaria ob malum illud, quod in carne abditum est nostra. Ob idq; Orige. ita paraphrastice legendum censet, Igitur quia malum mihi adiacet, volens facere bonū, inuenio legem Dei, & condelector ei. &c. Perparum differenter Chryso. Legem inquit, inuenio patrocinantem mihi volenti bonum facere: scilicet, contra malum, quod adiacet mihi. Et pariter Theophyla. quod & Ambro. propendet. Neq; profecto illud admodum respuerem interpretamentum, quod ab alijs excogitatur: videlicet, Inuenio legem, volenti mihi facere bonum ostendentem, quod malum illud, quod inuitus facio, mihi adiacet, non ipsi legi. Arridet enim hæc paraphrasis superiori sententiæ, qua dictum est, non legem, sed malum, quod in me habitat, causam esse in me peccati & mortis. At licet hunc sensum

de lege Moysis ob egregiam auctoritatem tantorum Patrum amplecti debeamus: in quorū gratiam, hanc ego feci diuisionem textus, vt id quod sequitur, condelector legi Dei, esset veluti appositio ad id quod præcesserat, Inuenio legem, Nihilominus tamen intonare hic aliud poterit Paulina mens cuiuspiam auribus: nempe vt cum ait, Inuenio legem, illam membrorum intelligat, vt dictio, quoniam, non sit causalis, sed sit potius veluti coniunctio, quod. Hoc modo, Inuenio legem volenti mihi facere bonum, legem, inquam, hanc, quod adiacet mihi malum, eandemq; adeo cohibentē, ne quod volo facere bonum, hoc agam. Vt deinde transitum faciat Paul. ad bonam legem, dicens, condelector enim, &c. Et rursus reuertatur ad explicandam legem membrorum, video aliam. Quauis tunc melius esset, autem, q. enim. Nam, enim, cum reddat causam superioris sententiæ, patrocinari videtur priori sensui, quem doctores sequuntur: quem ideo tenendus est, vt totus hic textus de lege bona, subsequens verò, video autem, de mala audiat. (*Condelector enim legi Dei secundum interiorem hominem*) Eandem hic legem Moysis cognominat legem Dei: interiorem autem hominem, intellectualem partem nuncupat, in qua est Dei imago, mentem scilicet, spiritum & rationem: qui quidem homo interne officia sua & munera complet per voluntatis arbitrium. Ad differentiā partis sensualis, quæ circa res corporeas versatur, & per corporeos sensus forinsecus mouetur, & sapenumero extra rationis lineam. Igitur distinctio inter hominem interiorem atq; exteriorem non eadem est, quæ inter animam & corpus. Nam homo nomen suppositi est, nō partis: sed ea quæ inter hominem, quatenus ratione & intellectu viget, quibus vititur contra inclinationem sensus, & eundem hominem quatenus sensuali appetitui obsequitur præter rationis ordinē. Eosdem appellat Eph. 4. Veterem & nouum hominem. Inter quos & certamen illud est, de quo ait ad Gala. Caro concupiscit aduersus spiritum, & spiritus aduersus carnē. Igitur vt supra dixerat, Consensio legi, quia bona est, ita & modò, condelector legi. Neq; ait solum, quod voluntas condelectatur, sed ipse: quia quod iudicio & voluntate fit, id homo absolute facit. Et ait, Condelector, geminam insinuans voluptatem, alteram carnis, alteram legis, ostendentis malignitatem carnis. Et ideo insinuat, quod licet secundum externum hominem condelectetur carni,

Coniectura
authoris.



Distinctio
inter hominem
interiorem &
exteriorem.

Eph. 4.

Gala. 5.

Orige.

Chryso.

carni, secundum tamen internum condelectatur legi Dei. Imò ille qui eousq; sanctitatis, quò Paulus, fuerit progressus, angelum quidem pati potest colaphizantem, haud tamen voluptatem carnis, quæ oblectet.

Video autem aliam legem in membris meis repugnantem legi mentis meæ, & captiuantem me in lege peccati, quæ est in membris meis.

Post declaratam particulam priorē supra assertę conclusionis, lex spiritalis est, attexit à modo & alterius expositionem, puta, ego autem carnalis venundatus sub peccato: Ait ergo, Video aliam legem in membris meis. In membris inquit, sicut supra dixerat, in me, hoc est, in carne mea, vt membra contra interiorem hominem collocet, quem iam nunc denominat mentem, in qua inscripta est lex Dei. Et ideo ait, aliam legem repugnantem legi mentis. Quatuor ergo nobis leges suggere hoc loco videtur Paulus, duas duabus alteris oppositas: scilicet, legem membrorum, legi mentis repugnantem: & legem peccati, legi etiam Dei aduersantem. Et quauis simplicius forsā alicui existimetur, legem mentis in eandem cum lege Dei coincidere, sicuti & legem membrorum cum lege peccati, non nihil tamen fortē discriminis ex rerum natura scrutari possumus. Etenim inter legem mentis, legemq; Dei ita differt, vt inter effectum & causam: est enim lex mentis nihil aliud quam impressio in mēte, & participatio quedam legis æternæ Dei: lex autem membrorum est inclinatio naturalis potentijs sensitiuis ingenta, & per membra diffusa, quæ in sua obiecta secundum vim suam totam profluunt: hæc etenim inclinatio lex sensualis naturæ dicitur: sicuti lex ignis est, sursum ferri: lex autē grauis, deorsum cadere: at lex peccati est impetus idem, quatenus voluntatem à ratione deflectit: illa enim est linea & norma, seu potius obliquitas, in qua consistit ratio peccati. Dicitur ergo lex peccati, quia sicut lex Dei dirigit mouetq; nos & ducit ad bonum rationis, ita & illa membrorum inclinatio dirigit, seu proprius, à ratione in obliquum diuertit nos ad malum. Vel nuncupatur lex peccati, ex eo quòd est quasi posita & præscripta à primo peccato Adæ tanq; eius effectus, ea ratione qua per illam præuicationē dissoluta est concupiscentia frēno originalis iustitiæ: Quini-

mò & à Deo quodammodo posita est. Non quòd Deus intentus fuerit ad malum, sed qd est effectus diuinæ legis, per quam talis mala inclinatio deserta fuit ab originali iustitia in poenam peccati, atq; adeò inflicta lapsæ naturæ ad exercitiū. Itaq; eadē inclinatio diuersis rationibus, & lex membrorum est, & lex peccati. Quapropter, vt de diuersis discretē fatur Apostolus, sed tamen cum ambæ existant in membris, ait, quòd lex membrorum captiuat hominē in lege peccati, quæ est in membris. Ex eo enim qd inclinatio illa & conatus naturæ quanta vi potest fertur in sensibilia, fit, vt voluntatē extra lineas rationis pertrahat, vbi fit mancipiū peccati. Igitur dimicat lex membrorum repugnando legi mentis, eò quòd ad diuersa conatur: vincit autem dum cedit voluntas desciscitq; à ratione in regnū peccati. Et annuit Paul. hoc verbo captiuitatis, ad id quòd supra dixerat, Cum serui essetis peccati. Quapropter de verbo hoc coniecturam faciebant illi, qui arbitrabantur hæc Paulū nō de se, sed sub iniquorum persona asserere, siquidem ipse nō erat captiuus sub lege peccati. At verò sub iugo esse peccati, nō solum ille censetur, qui peccato seruit, sed ille etiā (quanuis alio significato) qui molestias perfert, quas lex nobis peccati facessit.

Infelix ego homo, quis me liberabit de corpore mortis huius? Gratia Dei per Iesum Christum dominum nostrum. Igitur ego ipse mente seruius legi Dei, carne autem, legi peccati.

Claudit ergo orationem, quam inde exorsus est, vbi dixit, Per vnum hominem peccatum, & per peccatū mortem inoleuisse. Hanc utiq; mortis elegiam terminat exclamatione hac interrogantis, & responsione, & cōclusionē: quoniam trimembris est textus præsens. Peccati etenim sæuissimā seruitutē, quam in carne mortali perpetimur, magna hætenus exaggeratione prodidit, à qua nec per legem poterat, nec per gratiam videbat se liberari: nam rogauerat à se amoueri angelum, qui ipsum colaphizabat, à quā petitione fuerat repulsam passus. Igitur quasi sub iugo pressus altissimū ædit suspiriū. (Infelix ego homo quis me liberabit de corpore mortis huius?) In græco quoniam idē est casus ablatiui & genitiui, amphibolo-
lū est pronomē, vtrū legendū est, De corpore
mortis

Quatuor le-
ges.

Lex peccati.

Amphibolo-
giæ græcæ.

mortis hoc, an, De corpore mortis huius. At verò non solum Latini, sed Chry. & Orig. legunt, mortis huius. Et est sensus, Quis me liberabit de corpore, in quo hoc genus mortis adeò inoleuit, vt ferè inuitos homines contra legem & gratiã Dei sub iugum redigat peccati. Non ergo simpliciter corpore, quatenus sedes & organum naturale est animæ exui cupit: sed exoptat eo exonerari, qua ratione subiectum est corruptioni, eò quòd corpus quod corrumpitur aggrauat animam. Vbi & aliud designat spirituale corpus, in quo appetit viuere. Vnde 2. Cor. 5. Nolumus, inquit, expoliari, sed superueſtiri. Et veluti qui optimè nouit rationem veræ infœlicitatis & miserie, ita se infœlicè arbitrat, quòd vllò sit pacto legi peccati obnoxius. Miseria enim & calamitas nulla est, nisi quæ à peccato existit. Porro autem exclamatio hæc testimonio est, suam hic Paulū personā repræsentare: haud nanq; de tam profundo pectore haurire hoc suspirium poterat, Quis me liberabit de corpore mortis? nimirū euellente nos à lege Dei, nisi qui eodem affectu & feruore alibi resonat, Quis nos separabit à charitate Christi? Sed quanto hic pudore, vecordia, imò cecitas, duritiesq; nostra perfunditur. Ingemiscit lamentabiliter Paulus, dissolui cupiens corpore, vnde periculū imminebat peccandi, nobis autè adeò nullus inest flagitiorum nostrorū sensus, vt in eorum vinculis, non absq; gemitu modò, verū absque vllò metu iaceamus. (Gratia Dei per Iesum Christum dominum nostrum.) Chrysoſt. & Theophyl. atq; ad Alagassiam Hiero. non legunt, Dei, sed, Deo, puta, Gratias ago Deo. Quam lectionem recentiores interpretes amplexi multis verbis cõtendunt persuadere. Et fatemur in codicibus modò græcis ita plurimum legi. In nonnullis inquã citra cõtrouersiam per verbum, *ἡ χάρις*, quod est, gratias ago, in alijs verò non est nisi, gratia Deo. At verò si propositum hic phrasimque Pauli, solennemq; ipsius loquendi morem isti obseruassent, non adeò pugnanter illam propugnarent lectionem, sed in hanc potius vulgatam subscriberent. Hanc enim hic, quicquid ipsi fingant, magis videtur sequutus Orig. & alii Orig. & replicatissimè apertissimèq; inculcat Ambro. & citra vllam cõtrouersiam ubiq; Aug. quorum verba lectori cõmittimus speculanda & perpèdenda. Et primū, vt ipsis respodeamus, si græci codices ita quoq; ipsis sententibus variant, vt in nonnullis extet verbum, *ἡ χάρις τοῦ θεοῦ*, in alijs verò, *χάρις τοῦ κυρίου*,

gratia Deo, cur nobis nō similiter liceat cõiicere, sola vna litera nomen olim variasse, vt fuerit in plurimis, gratia Dei, quemadmodū transtulit noster interpres? Quod autem ad intentionem Pauli dictionemq; eius attinet, quantò sit accõmodatius, gratia Dei, quàm, Deo, palàm liquet. Interrogauit enim ore functus (vt supra diximus) humani generis, Quis nos liberabit de corpore mortis huius? Et respondet (vt ait Orig.) apostolica auctoritate, quòd nec lex, nec nostrorum operum meritum, sed sola Dei gratia per Iesum Christū. Id quod prothema ipsius est, & perpetuum propositum in hac epistola. Vnde supra capitul. 3. Iustificati gratis per gratiam ipsius. Et Ephe. 2. Gratia estis saluati per fidem. Quin & planè verbū illud Christi referre hic Paul. videtur, Si vos filius liberauerit, verè liberi estis. Sed aiunt isti, Ipsa quoq; gratiarū actio præ se ferret liberationem hanc Deo acceptā referri. Fatemur quidem, at non ita lucide: gratias enim non ageret Deo Paul. nisi beneficium ante commemorasset. Sed argumentantur rursus, quòd responsio, gratia Dei, non adeò poterat quadrare in personam Pauli: nam ipse non erat per gratiam liberandus, cum esset iam liberatus. Hoc tamen argumentum minorem vim præfert, quàm cui opus sit longa responsione; nam si interrogationem fecit nomine illius, qui iacet in culpa peccati, eidem indubiè auctoritate Apostolica respondet, & ita infractum est argumentum: si verò nomine iusti, qualis ipse erat, liquidum inde fit, vt ei quoq; respodeat. Nam liberari à corpore mortis, non est liberari solum à præſenti culpa, sed à grauamine & pondere moribundi corporis, cum quo nobis molestissimū est certamen, atq; à periculo, quod inde iusto etiam imminet relabedi. A quibus profectò malis etiam iustum gratia Christi iugiter liberat, corrumpendo indies hominem qui foris est, & innouando illum, qui est intus, quoadusq; absumpto corpore mortis huius reformet corpus humilitatis nostræ, configuratum corpori claritatis suæ. Quinimò consonat & locus præſens illi. 2. Cor. 12. vbi ter roganti liberari ab angelo colaphizante, responsum ei est, Sufficit tibi gratia mea: per hanc enim ait modò, liberari à corpore mortis. (Igitur ego ipse mente seruo legi Dei, carne autem legi peccati.) Qui Paulum anima duerterit, solitum esse sermonem absoluere illo verbo: Per Iesum Christū, arbitrabitur forsan illic fieri finem præcedentis cap. hic autè subse-

Gratia Dei.

Ephe. 2.

Ioan. 8.

2. Cor. 12.

2. Cor. 5.

Veram miseria

Vecordia hu
mana.

Variat lectio

Orig. & alii

subsequentis initium: at verò non est hæc nisi conclusio totius antecedentis orationis. Confert enim disputationis summam in hæc duo verba. Si hæc autem duo membra ad personam iusti ambo referantur, qui propriè seruit legi Dei, intelligendus est hoc penitus modo seruire legi peccati, quod caro in ipso, citra consensum in lethale crimen, bellum gerit aduersus spiritum: si autè (quod minimam habet probabilitatem) de iniquo hæc audias, qui propriè seruit legi peccati, illum dicere debes, seruire legi Dei, quæ ratione neq; in peccatore extincta est cōscientia, sed continenter reclamatur aduersus carnem. Quod autè fortè menti Pauli proximum arbitrarer, est, vt diuersos hic status hominum comprehendat, peccati scilicet & gratiæ, quos ab illo loco, sed peccatum non cognoui nisi per legem, depinxit. Et sic vtrunq; membrum tam seruire legi Dei, quam seruire legi peccati, propriè vsurpabimus: ita vt velit cōcludere, quod in hoc pertinacissimo prælio inter spiritum & carnem vicissitudo est: dum quandocq; victrice mente, seruimus legi Dei, quandoq; autè, superante carne, obsequimur legi peccati. Tractauimus autè hunc locum lib. 3. de nat. & gra. aduersus Lutherum, qui adeò retinere pertendit errorem illum, quod motus quicunq; cōcupiscentiæ esset inuitabile peccatum, vt alia fuerit correptus infania: scilicet, quod omne opus iustum, esset simul & bonum & malum. Quamobrem verba hæc Pauli non solum ad eundem statum personæ, verum ad eandem actionem accommodat: quæ quatenus à mente proficiscitur, bonam esse ait, sed quatenus procedit à carne, nihilo minus viciatam & malam: vnde colligit per nullum opus implere nos posse in hac vita dilectionis præceptum. Hunc veruntamen repugnantem boni & mali in eadem actione amplexum nōno sanè mentis potuisset concipere, sed qui ingenio erat, secum repugnante.

Mens Pauli.

Lib. 3. de nat. & gra. Lutherani.

CAP. OCTAVVM.



ambulat.

N I H I L ergo nūc dānationis est iis, qui sunt in Christo Iesu, qui non secundum carnem

In capite quinto post bonorum enarrationem, quæ nobis contulit fides, commemorare illa instituit, à quibus nos quoq; liberauit. Vnde illic de ablatione ab originali macula disputauit, & in cap. 6. de ptectione ab actualibus, & in septimo de absolutione à lege veteri: ex quibus in hoc tandem capitulo concludit, ab omni nos deniq; damnatione seruasse, tam culpæ, quam pœnæ. Quod fit, vt caput hoc quædam expositio totum sit eorum, quæ hætenus docuit. Est veruntamen aureum, & inter omnia huius epistolæ illustrissimum: in quo videlicet cum de spiritus muneribus disserere statuisset, spiritus ipse diuinus pleno numine in eius pectus illapsus videtur: cuius ideo suauitate & fragrantia singulis verbis redolet, charismatibusq; diffuit & exundat. Atqui, vt aliquam diuisionis lucem præmittamus, in quatuor partes fieri potest sectio huius capituli. In hoc enim primo membro constituit Apost. quod spiritu & gratia Christi seruati sumus à damnatione culpæ: in secundo, illinc scilicet, Quod si spiritus eius, quod sumus erepti à corporali morte: & in tertio, puta ab illo verbo, Similiter autem, q per eundem spiritum tuemur ab incommodis præsentis vitæ: ac deniq; postremò vbi ait, Quid ergo dicemus, concludit, nullam aduersus eos, qui membra sunt Christi existere posse hostilitatis, vel impugnationem, vel accusationem. Igitur ex illo seruii statu antiquæ legis, vbi seruierant homines peccato & morti, ex illaq; rixa legis membrorum cum lege mentis, veluti ex abissu quadam & voragine in lucem Euangelicam emergens, in hanc cōclusionem prorumpit, quæ capitalis est huius capituli. (Nihil ergo damnationis est iis, qui sunt in Christo Iesu.) Inde nobis tamè luculentior fiet illatio, & quæ subsequuntur perspectiora, si mentem Pauli retineamus, quam hætenus perpetuò obseruauimus de duobus malis, scilicet peccato & morte, in quas nos miseras præuaticatio Adæ coniecit. Cum enim in calce proximi capituli illa exclamatione conclusisset, Quis me liberabit de corpore mortis huius? Et respondisset, Gratia Dei. Inde modo infert, Nihil ergo nūc damnationis est iis, qui sunt in Christo Iesu. Ac si dixisset, Cum hæc duo fuissent mala, quorum eramus condemnati ob delictum Adæ, scilicet culpa peccati & pœna mortis, monstratumq; in superioribus fuerit, per gratiam Christi, peccato contrariam, reuocatos nos esse in vitam æternam, fit, vt nulla sit nobis damnatio reliqua, neq; à

Commendatio huius capituli.

Distributio.

Capitalis cōclusio.

neq; à lege peccati, neq; à lege mortis. Potest itidem & tanquā conclusio induci illius, nō quod volo bonū, hoc ago, sed quod odi malum, Et, Non ego iam operor illud, sed condelector legi, ac si dicat, Quauis caro cōtra spiritum insultās molestias exhibeat iis, qui sunt in Christo Iesu, nihil in eis tamen est damnationis, quia dum non cōsentiunt, non ipsi operantur illud: sed peccatum, quod per concupiscētiā habitat in carne. Ait verò, nunc, primū ad differentiam elapsi temporis antiquæ legis, quam suprà appellauit legē mortis, cō quod per eius occasionē peccatorum passiones exardebant. Et præterea forsan ad eximendum scrupulum, ne quis suspicaretur, exemptionem hanc ab omni damnatione non fieri per Christum in hoc seculo vsq; ad futurū, pro eo quod visus est hucusque Paulus conqueri, quod nō faceret quod vellet bonum, sed quod odisset malum, neq; liberari in hac vita posse à corpore mortis huius. Est ergo mens Apostoli dicere, quod cū sub antiqua lege, vbi tantū erat fides venturi Christi, eademque tunc exilis, peccatum per mandatum reos plurimos fecisset, atque adeo indies acriori damnationi obnoxios, nunc per legem spiritus effusi in nos abūdē, etsi rixa illa & præliū in corpore mortis perduret, nihil inde tamen damnationis (si vim; copiamque & affluentiam gratiæ spectes) contrahunt ij, qui sunt in Christo Iesu. Hoc autem postremo verbo admonemur, beneficium hoc non vniuersos mortales, sed illos penitus, qui fide per sacrum baptisma illi copulātur, suscipere, cō quod sunt in ipso sicut palmites in vite, in qua qui non manserit (vite id ipsa testante) non potest fructum ferre charitatis. At verò vt segnes ac desides commonefaciat, quod non confestim, vt quis fuerit incorporatus Christo, nimiū securus esse debet, quoniam neq; est adeo tutus, quin possit in eandem damnationem recidere, adiūgit. (*Qui non secundum carnem ambulant.*) Hoc est, qui non secundum carnem militant. Vnde. 2. Cor. 10. In carne ambulantes, non secundum carnem militamus. Militat enim secundum carnem, qui (vt suprà dixerat) per spontaneū assensum exhibet membra sua arma iniquitati. In nōnullis quidē Græcis exemplaribus adiectum legitur, sed secundum spiritum, quam adiectionem Orig. Theophylactusq; videntur legisse: Latini verò omnes eam subtrahunt: est autem paulò inferius expressa, & hic potest facili subintelligi. Offert

se hic veruntamē dubitatio. Videretur quippe nullum interstitium designare Paul. inter Patres sub veteri lege, & Christianos sub lege euangelica: nam pari iure qui tunc olim per fidem erant in Christo Iesu, neque ambulant secundum carnem, nihil habebāt vnde damnarentur. Sed est responsio, id Paulum minimē negare, vult autem explicare, primū (vt modò dicebamus) quod Spiritus sanctus copiosius, per pluraq; sacramenta nobis illapsus, multo nobis maiores vires sufficit ad expugnandam carnem, quā illis: ob idque quantum ad naturam potentiamq; gratiæ in hoc tempore attinet, tum liberiores sumus à damnatione, tum pariter maiori condemnatione digni, si cū tam multis auxiliis superari nos à carne permittim⁹. Sed præterea quacunque antiqui Patres sanctitate pollerent, non prorsus erant liberi à damnatione. Relegabantur enim in limbum, vbi præstolarentur aduentum Christi, qui precium persoluens debiti, panderet aditum regni. Quocirca liberatio à damnatione hoc tēpore Christi consummata est. Duplicis hic autem erroris admonitum esse lectorem operæ precii est. Fuerunt enim qui hoc loco decepti arbitrati sunt, omnes concupiscētiæ motus in infidelibus, illos etiam primos, rationē præuenientes, esse mortalia crimina. Sic nimirum arguentes, Infideles qui non sunt in Christo Iesu, sub sunt damnationi, quocunque ergo opere seruiunt legi peccati originalis, secundum carnis prudentiam, quæ inimica est Deo. Nulla hoc tamen probabilitate colligitur ex hoc loco. Etenim naturales motus, vt nullam habent rationem voluntarij, ita neq; vllam habere possunt rationē peccati, adeo annexū, innatumq; peccato est, vt sit voluntariū. Quinimò si illi naturales titillationes peccata essent infidelibus, grauioris essent culpæ fidelibus: vt qui vigilātius deberemus eas præscindere ob maiorem (qua suffusi sumus) lucē fidei. Id ergo tantūmodo sibi vult Paul. quod qui non sunt in Christo Iesu, non sunt liberi à damnatione: seruire autem legi peccati per carnos naturæ insultus citra voluntarium assensum, non est damnabile: quia hoc non est ambulare secundum carnē (quod ait Paul.) sed volūtariē incedere gressibus carnis, hoc est, secundum eam ambulare. Quocirca neq; volūtaria infidelium opera, genere suo bona, nisi vel iniquum eis finē præstintuant, vel circumstantiam prauam adiungant, cō tantū quod extra fidem fiant,

Patres non
erāt liberi à
damnatione.

Error.

Admonitio
Pauli.

2. Cor. 10.

Dubitatio.

O sunt



Lutherani.

sunt peccata: vt parētes colere, & naturalem fidem amicis seruare, &c. Id quod in fine lib. 1. de na. & gra. abundē disputauimus. At verò & alia Lutheranorū phrenesis, cuius iam dudum meminimus, hoc verbo Pauli confutata repellitur. Aiebat enim ille nouorū inuētor vsq; adeo motus cōcupiscētiæ quoscunq; intimē esse peccata, vt neque per baptismum remittantur, neq; per aliud sacramentum, sed hoc prorsus effici per fidem, vt nō imputentur: quam amentiam eodem opere lib. 1. & 3. effusissimē expugnauius. Eādem ergo hic Paul. proscribit, vbi ait, nihil damnationis esse iis, qui sunt in Christo Iesu. At perpende Latheranum cauillum. Aiunt, non dixisse Paulum, Nihil peccati est, sed, Nihil damnationis, quasi actus concupiscētiæ peccatum sit, damnatione dignum: sed in viro tamē iusto non damnatur, quia per fidem nō imputatur. Ecquid autem inconsideratius, sed & quid absurdius dici potest, quā manere in homine peccatum damnatione dignū, quod ab æquissimo Deo, cui odio est omnis iniquitas, non damnetur? Imo quid repugnantius est verbis Christi, quā quod in eo, cui per eius gratiam fit peccaminum condonatio, restet quidpiam damnatione dignum? Ait enim Ioan. 17. Pater sanctifica eos in veritate: sermo tuus veritas est. Et Ioan. 8. Si filius vos liberauerit, verē liberi eritis. Et Paul. Renouamini in iustitia & sanctitate veritatis: at vbi peccatum verē relinqueretur, ibi profectō nō esset vera sanctificatio, vera liberatio & vera renouatio, vt hisce sacris elogiis enunciat, sed certē ficta.

Lex enim spiritus vitæ in Christo Iesu liberauit me à lege peccati & mortis.

A lege peccati.

Subscribit causam prædictæ liberationis, eandemque verbis accommodatissimis. At ineptissimi profectō sunt & morosissimi, qui elegantiorē versionem existimant, à iure peccati, quā, à lege peccati, est enim Græcē, *vōuos*, quod verbum non accipitur hic pro, iure: hoc est, pro ditione & dominio peccati, sed certē pro lege, quæ occasio erat peccandi: vel pro irritamento carnis inclinante & mouente ad peccandum, quæ dicta est lex membrorum. Nam vt omnes hic expositores agnoscunt, confert hoc loco Paul. legem spiritus cum præfatis suprà legibus. Quatuor quippe leges prænotauimus in fine superio-

ris capitis, scilicet, legem membrorum repugnantem legi mentis, & legem peccati aduersantem legi Dei: quintam ergo hic subdit legem spiritus vitæ. Etenim quoniam à duplici damnatione, quam per Adam incurrimus, scilicet, peccati & mortis, liberi facti sumus per Christum: legem eius, cognominat legem spiritus, cōtra peccatum: & legem vitæ, contra mortem. Venustissima ergo oppositio est. (Lex enim spiritus vitæ in Christo liberauit me (hoc est genus humanum) à lege peccati & mortis.) Igitur veluti suprà inter legem membrorum & legem peccati, interq; legem mentis & legem Dei nonnullam rationem differentiæ dignouimus, ita hic inter legem mentis & legem spiritus vitæ fieri potest. Lex quippe mentis est naturalis impressio legis Dei in mente nostra, quæ ideo legem naturalem simul & Mosis, quantum ad moralia præcepta amplectitur: lex autem spiritus vitæ, est lex supernaturalis: puta fides infusa, quæ velut lex quædam & norma nos instituit quod debeamus legis opera referre, & vnde auxilium poscere ad faciendum ea. Fides inquam quæ per charitatem, cæterasq; virtutes operatur. Hæ nanq; virtutes sunt, quibus gratis in vitam spiritualem renascimur per Spiritū sanctū effusum in nos abundē. Vnde, auctore hic Chrysostomo, cum legem Mosis superius Apostolus appellasset spiritualem, vbi ait, scimus quoniam lex spiritualis est, legem Christi honorificentius denominat legem spiritus: nempe quod illa à Spiritui sancto data est tantummodò, hæc verò omnibus, qui illam susceperunt, Spiritum sanctum abundē impertitur. Sed age hanc toties recurrentem differentiam legum Mosis & euangelicæ semel examinemus. Lex nanq; Mosis, si præcepta consideres moralia, eadem erat quæ nobis data est: quæ quidem præcepta neq; tunc, neque modò absque fide & gratia Christi sufficiunt ad salutem. Si verò fidē & reliquos habitus spectes, quæ naturæ imbecillitati su perfunduntur, vt necessarij ad salutem, non alij nobis, quā illis, qui tunc iustificabātur impenduntur, neq; minorem in illis habebāt efficaciam ad reconciliandum & dignē implendam legem. Quid ergo est, quod lex Euangelica vocatur lex spiritus, de qua olim Jerem. prædixit, Dabo legem meam in visceribus eorum, & in corde eorum scribam eam. Et Paul. Epistola estis Christi ministrata à nobis, & scripta non atramento, sed spiritu Dei viui, non in tabulis lapideis, sed

Quinta lex.

Discrimen legis Mosis & nostræ.

Ier. 31.

2. Cor. 3.

sed in tabulis cordis carnalibus. Vbi & subdit, Quòd litera occidit, spiritus autem viuificat: Ad hoc dubium iam partim responsum à nobis est cap. 6. super verbo, Non estis sub lege, sed sub gratia, Eadem quippe ratione qua nostra dicitur lex gratiæ, videlicet quia lata est per Iesum Christum datorem gratiæ; tempore quo eandem nobis gratiam reconciliationis meruit, lex quoque dicitur spiritus vitæ: non quòd idem spiritus per fidem ipsius Christi non illaberetur etiã tunc cordibus Patrum, sed quòd Deus legem illam dedit scriptam in tabulis, quæ ideo non viuificabat, neque verò promulgator eius Moses, sed tamen lex nostra viua voce ab ore ipsius Christi filij Dei, Spiritus sancti officio concepti, transmissa est in audientium mentes. Cum eiusq; simul voce sese Spiritus sanctus insinuat in audientium pectora ad sciendum verbum. Vnde & populi confite

Ioan. 6. bantur verba eius esse verba eternæ vitæ: & mirabantur quòd doceret, sicut potestatem habens, & non sicut scribæ & Pharisei. Et eandem cõcessit apostolis Spiritus sancti potestatem: quam obrem in ciuitate sedere iussi sunt, donec infunderetur virtute ex alto, ne humana facultate crederentur prædicare. Et
Ioan. 20. alibi, Sicut misit me viuens, pater & ego mitto vos: accipite Spiritum sanctum, quorũ remiseritis peccata, remissa erunt. Sed præterea lex illa plurimum in cerimoniis posita erat, quæ non viuificabant, sicut sacramenta nostra: & quanuis per vnum circumcisionis sacramentum, quod ante legem traditum fuerat Abraham, fides applicata originale culpam deleteret, tamen nullum erat tunc aliud sacramentum per quod aucta illis gratia vigeret, neq; vllum per quod relapsi possent recuperare gratiam, neq; per quod sibi alimonia spiritualis cõtra pugnam carnis præberetur, qualia nobis indulta suffecta que sunt, veluti canales, per quos sanguis Christi permeas, spiritualement nobis gratiam sumministraret.

Nam quod impossibile erat legi in quo infirmabatur per carnem: Deus filium suum mittens in similitudinem carnis peccati, & de peccato damnauit peccatũ in carne, vt iustificatio legis impleretur in nobis, qui non secundum car-

nem ambulamus, sed secundum spiritum.

Probat iam modò legẽ spiritus in Christo homines liberaſſe à lege peccati, mox in ſecunda parte capituli nos quoq; ſeruafſe à lege mortis. Vtitur hic autem admirabili verborũ cõpendio, quibus antidotũ ſalutis noſtræ ſpecioſiſſima oratione ac rerũ cõtrapoſitione declarat, Chriſti videlicet incarnationis & neceſſitatẽ explicans, & modũ, & fructum. Prodidit enim hucufq; latiſſima diſputatione legis infirmitatẽ, quæ præterquàm q̃ peccati rationẽ aperiebat, nihil præterea auxiliij præſtabat ſpiritu aduerſus carnem: & ideo neq; ſufficiebat ad iuſtificandũ, neq; ad perficiẽda legis opera. En neceſſitatẽ, ob quã miſit Deus filiũ ſuum, qui nos tum iuſtos faceret, tum etiã adiuuaret ad implendã legẽ. Modus autẽ fuit, vt in carne, ſimili carni peccati infirmitati languẽtis noſtrę carnis mederetur, & de peccato damnaret peccatum, & morte vinceret mortem, & per reſurrectionem in nouam vitam reſtitueret nobis vitã, atq; adeo ſupremus fructus iuſtificationis cõpleretur in nobis. (*Nam quod impoſſibile erat legi.*) Gracẽ eſt in genitiuo, quod impoſſibile erat legis, id eſt, quæ impoſſibilitas, ſeu impoſſetia erat legis (quẽadmodũ legit & Ambr.) Sed tamẽ operæ precii fuit, Græcanicã phraſin, lucidius Latinẽ reddi per caſum dandi: quemadmodum Latini propemodum legũt & Orige. At nunquam obliſus Paul. honoris legis, apologiam & hic quoq; ipſius ſuborditur, quia non ait, illam fuiſſe malam, ſed imbecillam, infirmamq; & minimẽ efficacem: neque verò infirmitatem illi impingit, quaſi intrinſecus inhærentem, ſed quaſi extrinſecus ratione carnis ei adiacentem. Ob idq; ſubdit. (*In quo infirmabatur (puta lex) per carnem.*) Id eſt, qua parte carnis incurſionib; & pugnis infeſtabatur, ne præſtare homo poſſet bonum, quod volebat, ſed id quod nolebat faceret. Quò verbo illuc reſpexit, vbi dixerat, Cum eſſemus in carne, paſſiones peccatorum quæ per legem erant, operabantur in membris noſtris. Eò videlicet quòd lex non opem ferebat ad operandum, quod præcipiebat. Sed ſubiit me hic tamen ratio nonnulla hæſitandi: nam legis impoſſetia & infirmitas, ne efficax per ſe eſſet iuſtitie apud Deum, non illi accidebat ab infirmitate carnis, ſed ipſa eſt iuſtificationis natura, vt cum ſit ſupranaturalis, vires cuiuſcunq; creature.

Dubitatio.

& potestatem cuiusvis per se legis exuperet. Quocirca primi parētes in statu naturæ integræ, licet possent in natura illa sana ius omne implere, quantum ad substantiam operis, tamen iusti esse apud Deum nequiverant, nisi per gratiam Dei: hoc est, per singulare eius auxilium præter originalem iustitiā. Respondetur autem quod Paul. nihil hic horum diffinitur: at cum loquitur de statu hominis in peccato, in quo præter ipsam iustificationis excellentiam noua causa ratione carnis accedit, ut non solum non valeat iustitiam promereri apud Deum, verum neq; legem totā implere, quod ad substantiam operis, priori causa subiacita, huius solius, quam in superioribus discusserat, commemorat. (*Deus filium suum mittens in similitudinem carnis peccati.*) Filium suum, vni genitum eiusdemq; secum substantiæ. Misit, non creauit aut condidit, sed qui secum erat coæternus, eundem ad nos delegauit: non ut esset, ubi non fuerat, nam in mundo erat, ait Ioannes: nimirum qui per ipsum factus est, sed ut appareret, ubi inuisibili modo erat. Missio primum significat processionē, & hac ratione soli patri conueniē filium mittere, à quo & genitus est, sicuti patri & filio, Spiritum sanctum, qui ab utroq; spiratur: at præterea significat opus extra in termino: quod quidē effectus est Dei ea ratione, quæ est in trinitate vnus. Vbi ergo ait, quod Deus misit filium suum, nominatione Dei, patrem intelligit, ad quem filius refertur. (*In similitudinem carnis peccati.*) Caro peccati, hebraismus est, pro eo quod est, caro peccatrix, vel caro peccato obnoxia: sicut, vas electionis, vas electum. Et, filij iræ, filij obnoxij iræ. Non ait præcisē, in similitudinem carnis, nam verbum non per similitudinē, sed verè caro factum est, in qua & verè resurrexit: quam ipse veritatem carnis contestatur, ubi ait, Spiritus carnem & ossa non habet, sicut me videtis habere. Contra quam tamē veritatem exorta fuit Manichæorum blasphemia, de phantastico Christi corpore, sed ait, in similitudinem carnis peccati, quoniā neq; contraxit, neq; fecit: neq; (ut est. 2. Cor. 5.) peccatum nouit, eo quod (teste ad Mariā angelo) Spiritus sancti obubratione sanctus cōceptus est. Assumpsit autem vltro carnē peccatrici similem, dum verè infirmitates nostras portauit, languoresq; tulit, quos nos in poenā peccati necessario patimur. Peior ergo quæ curiosa est quorundā translatio hæc, sub specie carnis peccato obnoxie, multo enim hoc min⁹ significat, quæ pro

rei veritate. Venit quippe Christus in sacramento sub specie panis, licet naturam panis non assumat. At verò missum esse in similitudinem carnis peccati, significat, veram, eandemq; naturā assumpsisse, quæ in nobis est peccatrix. Est hic veruntamē ad penitiorem meditationē verborum Paul. illud recolendū, quod iamdiu confessi sumus, videlicet quod poterat Deus suā incōprehensibilē misericordiæ largitatē patefacere, condonando noxiā humano generi absq; vllō actu perfectē satisfactionis: attamē ut simul infinitæ suæ quoq; iustitiæ fieret satis, Deū decuit assumpta creata natura ad iustum satisfacere. Sed & in hoc præterea, tum summa iustitia, tum etiā immensa eius omnipotētia diluxit, quæ cum reparandus esset perditus homo, delendū scilicet eius peccatum, sananda caro, mors elimināda, instaurandaq; eius vita, accommodatissimis antidotis horū singula perfecit. Homo enim hominem redemit, qui (ut paulo ante dicebā) carnis nostræ infirmitati, in carne sua absq; peccato infirma meditatus, mortem moriendo destruxit, & vitam resurgēdo reparauit. At verò quoniā fieri nequiverat, ut pariter per peccatū, peccatū subuerteret, ut rem exaggeraret, verbisq; quæ maximè fieri posset, exornaret, ait, in similitudinē carnis peccati. Neq; verò id satis arbitrat⁹, adiecit. (*Et de peccato damnauit peccatum in carne.*) Ut hac quoq; verborum collusionē rem & venustaret, & magis etiā redderet stupendā. Quam quidē emphasin vehemēt⁹ adhuc extulit. 2. Cor. 5. Eum qui non nouerat peccatum, pro nobis Deus fecit peccatū. Et Gal. 3. Christus nos redemit de maledictō legis, fact⁹ pro nobis maledictū. Contextus autē orationis huius siue Græcè legas, siue Latine, non satis videtur esse perspicuus, sed appetēs potius supplemētū cuiuspiam. Atqui primū vocola, & redundare videtur: inepta enim est coniunctio verbi, damnauit, cum præcedenti participio, mittens, neq; si accipiatur pro eo, quod est, etiam (ut aliqui volunt) videtur quodnam officiū habeat. Et præterea desiderari nonnulli putāt aliquod hic verbum, videlicet, ut legant, quod impossibile erat legi, hoc Deus suppleuit seu sarcinuit, & præstitit, dum mittens filium suū de peccato dānauit peccatū, vel ut alij trāsferunt, Hoc Deus misso filio suo præstitit, ac de peccato condemnauit peccatum. At verò ut diffiteri non possumus, quin luculētior fiat oratio per huiusmodi verba, est tamen paraphrasis potius, quæ translatio: & ideo vna tantum

Infinita tum iustitia, tum misericordia Dei.

2. Cor. 5.

Gal. 3.

Obscurus textus.

Misio.

Luc. 24.

Cōtra novos traductores.

tum coniunctione expuncta, nullo præterea opus est supplemento. Sed sic optime constabit lectio, quod impossibile erat legi, Deus mittens filiū suū, de peccato damnauit peccatum, ita tamē vt impossibilitas legis nō ad id referatur, quod est, filiū mittere: ineptissima enim, talis esset relatio, eō quod lex non habet filiū, sed ad id quod est, peccatū damnare: hoc est, destruere & abolere, quæ erat intentio legis, nō autē facultas, vt exprimitur in subsequēti verbo, vt iustificatio legis perficeretur in carne. At dubia restat intelligentia huius, quod ait, de peccato damnauit peccatum. Et quidē Aug. lib. 3. cap. 6. contra duas epist. Pelag. triplicē expositionē attexit huic textui. Primam, vt nominatione hic peccati priori loco, humanitatē ipsam intelligamus. Et reuera hæc est, quæ omniū optime coaptatur verbis Apostoli: quod enim dixerat, in similitudinē carnis peccati, hoc ipsum explicare videtur, dū ait, de peccato, hoc est, de eadem humanitate peccatrici simili dānauit peccatum, eō quod rerū similitudines nominibus earundē rerum nūcupari solent, quarum sunt similes: sicuti Cæsaris imago, Cæsar nominatur. Idem ergo est, de peccato, quod, de carne, quam induerat speciē gerentē peccati. Contendit enim admirabilem omnipotētiam Dei per hoc magnificare, quod remediis vsus est, quæ essent, quantum rerum posibilitas ferret, morbis simillima. Altera expositio est, quæ prius fuit Origenis, vt peccatum, idem sit, quod hostia pro peccato. Pari enim metaphora dicebantur sacerdotes antiquæ legis comedere peccata populi, hoc est, hostias pro peccatis oblatas. Sed hæc tamē interpretatio illi loco. 2. Cor. 5. Eū qui nō nouerat peccatū, fecit Deus peccatū, accommodatior est, q̄ huic: fecit enim Deus filiū suū peccatū, hoc est, hostiā. Attamē nō tam propriē dicitur Deus de hostia dānasse peccatū, q̄ de carne. Neq; verō nūcupatur hic caro peccati, tam propter hoc, quod oblata est, p peccato, quā propter similitudinē, quā habuit cum peccato, vnde maximē effulsit omnipotētia Dei. Tertia verō expositio multo minus affinitatis habet cū eodē Paulino intellectu, quæ est hæc, Quod cum non dixerit, de peccato suo, sed indefinitē, de peccato, referri possit ad peccatū Iudæorū tradentium ipsum morti, in hoc sensu, De peccato Iudæorum condemnantium Christum, condemnauit Deus ipsum peccatum. Et enim Paul. non hoc significat, sed quod de illō peccato,

quod quodammodo assumpsit Christus, dum missus est in similitudinem carnis peccati, damnauit Deus peccatum. At perspice quod non dixit, Christus dānauit, sed, Deus per Christum, nam in peccatorum remissione consyderare est, tum meritū per quod remittuntur, tum etiam actionem ipsam primæ causæ, suprema scilicet autoritate remittentis. Meritum propriē competit Christo, quatenus homo erat mortalis: nā Deus per se, nisi in natura creata, mereri nō potest, sicut nec pati: autoritas verō primū cōuenit Deo, quaten⁹ vnus in trinitate: quia opera trinitatis indiuisa sunt extra: licet attribuatur patri, cui attribuitur omnipotētia. Vnde 2. Cor. 5. Deus erat in Christo mundum reconcilians sibi. Sed nunquid non aliud inuenisset Paulus accommodatius huic loco verbum, quā, damnauit, videri enim alicui posset significantius dixisse, destruxit, vel aboleuit, vel quid simile: nam damnare peccatum potius refertur ad condemnationem illius qui reus sit peccati, vt, In quacunq; hora comederitis, morte moriemini. Profecto hoc perpulchrē & quā probissimē contemptus est hic Chry. quod Deus non solo robore & potentia (vt suprà dicebamus) deleuit peccatum, sed æquissima iustitiæ ratione ipsum inuadens. Nempe quod (si ita nobis meditari fas est) Deus ipsum peccatum in iudicium detulit, inobedientiam scilicet Adæ, in quo tota eius soboles illi displicuit, cū cæteris culpis quas ipse, eiusq; posteritas occasione accepta per mandatum, accumulauit, cum quibus peccatis obedientia dilecti filij sui, in quo sibi bene cōplacuit, collata, quasi lata sententiā, peccatum condemnauit, vt nullum iam principatū haberet in orbe. At nomine causæ effectū simul intelligas: sicut enim in reo damnatio est causa suspendij, ita & vbi ait, damnauit, intelligit, quod condemnatum interemit, exterminauitq; quō ad culpam, sed debilitauit, infirmauitq; quō ad fomitem carnis, quem nō prorsus extinxit. (Vt iustificatio legis perficeretur in nobis.) Ecce fructum missionis Christi in similitudinem carnis peccati. Videlicet, quod cū legis intentio & propositū esset, homines, bonos apud Deum facere & absq; peccato viuentes, idq; efficere per se sibi esset impossibile (cuius cōtrarium falsō sibi Iudæi persuaferat) præstitum hoc, perfectumq; est per Christum in nobis. Et meditatio ait, perficeretur, quo verbo id ipsum denegauerat legi. Hebr. 7. vbi

Q 3 inquit,

De peccato.

August.

2. Cor. 5.

Deus damnauit peccatū.

2. Cor. 5.

Damnauit.

Chrys.

inquit, Nihil ad perfectum adduxit lex: Et Gal. 2. Si per legē est iustitia, Christus gratis mortuus est. (*Qui non secundum carnem ambulamus.*) Vt illi olim quando passionēs peccatorum, quæ per legem erāt (vt suprà dictum est) operabantur in membris. (*Sed secundum spiritum.*) De quo dictum est. Quod lex spiritus vitæ liberauit nos in Christo Iesu à lege peccati & mortis. Quauis hic forsan non speciatim dignoscit inter Iudæos & nos, sed simpliciter inter iustos & iniquos, vt statim videbimus. Vide quā sit vsus diuino artificio Paulus, cum carnem Christi induxit, quæ & inscia esset peccati, & tamen peccatrici carni similis, vt ex vno superare posset peccatū, & ex altero ipsum cōfundere, dum simili carne victum est, per quam vincebat, atq; adeo caro toties superata, de victore ipso peccato coronata triumpharet in Christo.

Qui enim secundum carnem sunt, quæ carnis sunt sapiunt: qui verò secundum spiritum sunt: quæ sunt spiritus sentiunt. Nam prudentia carnis mors est: prudentia autem spiritus, vita & pax.

Prosequitur explicatiū discriminē aperire, quod modò designauit inter eos, qui ambulant secundū carnem, & eos, qui ambulant secundum spiritum. Id quod Origē. inter Iudæos sub lege, & nos sub Euāgelio interiectū intelligit, quam intelligentiam latè tractaus ait, Iudæos esse secundum carnem, eò quod secundum carnalem sensum, qui occidit, legem intelligentes, non veniūt ad Christum, qui est vita, & ideo illis prudentia carnis, mors est, nos autem secundum spiritum eam audientes, ea quæ spiritus sunt sentimus, quibus ideo prudentia spiritus per Christum, vita & pax est. Attamen doctores reliqui non vsq; adeo coarctant hæc verba, sed vniuersalem differentiam carnalium hominum atq; spiritualium hīc internoscunt, & ad rem forsan propius. Est enim propositum Pauli definire eos, qui liberantur à lege peccati & mortis, quod illi sint præcisē qui spiritui seruiūt. Igitur esse quoq; secundum carnē, idem est, quod deditos esse carni, seu, vitā degere carnalem. Eademq; analogia, esse secundum spiritum, idem est, quod deuotos esse dicatosq; spiritui: est namq; hebraismus Paulo frequentissimus. Et quoniā auctore Aristotele qua-

lis vnusquisque est, talis sibi finis esse videtur, taleq; habet rerum iudiciū, consequens fit, vt qui secundum carnem sunt, quæ carnis sunt sapiant, id est, probet & sequantur: qui verò secundum spiritum, spiritualia contrā præferāt: Græcè autem secundū membrum, neq; priori loco habet, sunt, neque verò, sentiunt, sed sic omnino habet, Qui enim secundum carnem sunt, quæ carnis sunt sapiūt: qui verò secundum spiritum, quæ sunt spiritus. Insimulatur ergo interpres, tum quod nullū verbum debuisset addere, eò quod iam subintelligeretur ex priori membro, tum quod si aliquod volebat exprimere, id ipsum debuisset repetere, quod est, sapiunt. At verò forsan interpres diuersa verba legit: & ideo Ambr. & interpres Origenis vtriusq; meminerunt: & re vera, sapiunt, & sentiunt, in proposito mutuò se dilucidāt. Nam sapere in rebus practicis, non solū dicit actum intellectus, sed respicit quoq; volūtatis affectum & gustum rerum: quocirca sapientia hæc, quædam sensatio mentis est, sicuti huiusmodi sensatio, quædam sapientia. Et videtur interpres cōsultò permutasse voces, vt diceret, Quæ carnis sunt, sapiunt, vbi quadrare aptius videbatur, sentiunt, & quæ sunt spiritus sentiunt, vbi accommodatiū apperebat esse, sapiunt, sed hoc fecit vt. admoneret, quod vt carnis sua est sapientia, ita & spiritui suus quoque inest sensus & gustus. Hoc autem iterum repetendum occurreret super verbis, prudentia carnis, &, sapientia carnis. (*Nam prudentia carnis, mors est: prudentia autem spiritus, vita & pax.*) Sunt qui duos hīc syllogismos existimēt ab Apostolo structos. Vnum ex parte carnis tale, Quicumq; sequuntur prudentiam carnis, ducuntur ad mortem: illi autem qui sunt secundum carnem, sequuntur prudentiam carnis, nam sapiunt quæ sunt carnis: qui ergo sunt secundum carnem, ducuntur ad mortem. Alterum huic similem ex parte spiritus, Quicumque sequuntur prudentiam spiritus, consequuntur vitam & pacem: qui sunt secundum spiritum, sequuntur prudentiam spiritus, quia sentiunt secundum spiritum: ergo qui sunt secundum spiritum, consequuntur vitam & pacem. At verò qui penitus inspexerit verborum formam, vix ita iudicabit: quoniam seorsum distinguit Paul. duo membra: vt vbi ait: prudentia carnis, mors est, reddat causam illius asserti, qui secundum carnem sunt, &c. vel fortè est eius potius conclusio vel expositio. Et pariter quod ait, prudentia

dentia autem spiritus, vita & pax, subdit velut causam vel expositionem alterius membri, qui verò secundum spiritum, &c. Ob idq; legitima forsan distributio est, vt textus qui hunc præsentem antecessit, scilicet, Qui enim secundum carnem, &c. referatur ad superiorem proximum, veluti eius explicatio; nimirum, vt ex hoc, quod est esse secundum carnem, inferatur id quod dixerat, ambulare secundum carnem, hoc modo, Quicūque sunt secundum carnem, sapiunt secundum carnem: qui autem sapiunt secundum carnem, ambulant, hoc est, operantur secundum carnem: ergo qui sunt secundum carnem, ambulant secundum carnem. Esse enim secundum carnem dicit intentionem finis, quæ est agibilibus fundamentum: vnde actiones hominum gubernantur: sicuti actiones cuiusque rei sunt secundum naturam ipsius substantiæ. Et pari modo quicūq; sunt secundum spiritum, sentiunt secundum spiritum: qui autem sentiunt secundum spiritum, ambulant secundum spiritum: ergo quicūq; sunt secundum spiritum, ambulant secundum spiritum. Hic autem textus quem modò tractamus, licet præ se ferat speciem causæ, forsan est potius vel conclusio, vel si maius, diffinitio & expositio illius quod est, sapere secundum carnem, ita vt vocula, nam, fungatur vice huius, quod est, quocirca, vel, quapropter, nam quod prudentia carnis sit mors, non est causa cur qui sunt secundum carnem, sapiant secundum carnem, sed verus effectus: sapere enim secundum carnem, idem est quod prudentia carnis, quæ causa est mortis. Vult ergo forsan dicere, quod cum illi qui sunt secundum carnem, sapiant secundum carnem: sapere autem secundum carnem, delinquere sit & peccare, fit, vt huiusmodi prudentia carnis mors sit, hoc est, causa mortis. Vnde Augustinus in tract. psal. 34. Peccatum inquit, mors est, sicut lingua Latina dicitur, non membrum oris, sed oratio eius. Ita vt quo schemate supra diximus, concupiscētiam esse peccatum, hoc est, causam peccati, eodem tam peccatum, quàm prudentia carnis, quod idem est, dicitur mors, vt nomen effectus tribuamus causæ. Et æqua ratione cum sentire secundum spiritum: idem sit, quod operari opera vitæ, fit, vt talis prudentia spiritus sit vita & pax.

Prudentia. Prudentia secundum Aristotelē, ratio est re-

Etibi. 6. Et agibilibus: quod ideo nomē propriè congruit prudentiæ spiritus: trāsferitur autem, vt per similitudinem significet astutiam versu-

tiamq;, & quam appellat alibi Paul. stultitiā apud Deum, atq; hic prudentiam carnis. Est autem munus veræ prudentiæ triplex: nempe, vt supposita recta intentione finis, & solerter de agendis consultemus, & consulentes rectè ad eligendum iudicemus, & post electionē, citò constāterq; præcipiamus. Enimvero rectam intentionem finis virtutes aliæ morales quæ sunt in affectu, faciunt: temperatus enim proponit temperatè viuere: & fortis, strenuè agere: & iustus: iustè: prudentia autem versatur circa mediā. Vnde colligit Aristot. veram prudentiam connexionem habere cum omnibus virtutibus: nam qui non est bene affectus circa fines omnium virtutum, nequit de illis rectum ferre iudiciū, atq; adeo neque prudentia vigere. Ad rem ergo, qui secundum carnem est, hoc est, affectum habēs carni infixum (vt intemperatus & iniustus) prauam habet intentionem finis: ob idq; sapit secundum carnem, hoc est, mediā omnia illò refert. Atque hæc est prudentia carnis, quæ ad illum adipiscendum finem de omnibus cōsultat, iudicat, & præcipit. Vnde alij pro eo quod est, prudentia, transferunt, cura, seu, studium & sollicitudo, secundum illud, Car-

Rom. 13. nis curam ne feceritis in desideriis. Et pari modo, qui est secundum spiritum, hoc est, virtutibus præditus, rectam habet intentionem finis, & ideo sentit secundum spiritum, quæ appellatur eadem ratione, prudentia spiritus. Et quemadmodum prudentia carnis, mors est, hoc est, causa mortis, ita & prudentia spiritus, est vita, secundū illud ad Gal. Qui seminat in spiritu, de spiritu metet vitam æternam. Et est quoq; pax, tum in hac vita, tum potissimū in futura: iuxta illud ad Gal. Fructus spiritus, charitas, gaudium, & pax. Et in psalm. Pax multa diligentibus legem tuam domine. Et consultissimè cōgruentissimeque composuit hic vitam & pacem, vt sensuales homines pudefaceret, qui arbitrantur, suis expletis desideriis, pace frui: iustos autem calamitatibus huius mūdi attritos, & persecutionibus cōpressos, pace carere, cum tamen contrā stet veritas.

Quoniam sapiētia carnis inimica est Deo, legi enim Dei non est subiecta, nec enim potest.

Probat etiam nunc proximam sententiā, quā ex superiori colligerat, huiusmodi syllogismo. Quicquid Deo inimicū est, mortis est

*Defensio in-
terpretis.*

causa: sapientia carnis inimica est Deo, eò q̄ legi Dei non est subiecta, quia neq; potest, ergo est causa mortis. Sed tamē hic quoq; neo-
terici isti latinissimi remordent interpretem, quod idem Græcum verbum diuersis reddit Latinē, neq; sine vitiosa affectatione: eadem quippe vox quę est suprà: nempe, *φρόνιμα*, est & hic, & tamen superius vertit, prudentia carnis, hic verò, sapientia. Sed profectò (præterquam quod grauiores authores id nunquā adnotarunt, sed vtroque promiscuē vsi sunt verbo) S. Thom. doctē pro interprete respondet. Nimirum quod sapientia est cognitio altissimæ causæ à qua alię pendunt: quamobrē in vnaquaque arte ille solus est sapiens, qui primam nouit causam: vt in ædificatoria, nō ille qui cædit lapides, sed architectus habetur & est sapiens: iuxta illud ad Corinth. Vt sapiens architectus fundamentum posui. Et inde fit consequens, vt etiam in rebus agibilibus spiritualis homo, qui bonā habet æstimationem de fine humanę vitæ, sapiens dicatur, ideoq; & prudentia quedā est practica sapientia. Et pari ratione prudentia carnis & sapiētia carnis, idē sunt: tunc maximē quādo ex adiacēte verbo legitima deprehēditur significatio. Est autē modò in plurimis codicibus Græcis, inimicitia, pro eo qd' nos habem⁹, inimica, sed cū minimē referat: credibile tamē est, ita legisse interptem: quandoquidē & Orig. ipse Græc⁹ & Theop. ita vidētur legisse & Amb. & Aug. & Hier. in scholiis. Lutherani autē ad illam suam adfurdam causam paulò ante memoratam, qua defensant quoscunq; motus concupiscentię, etiam naturales, peccata esse: & hunc quoq; locum Pauli pertrahunt, vbi ait, quod sapientia carnis inimica est Deo, quibus lib. 1. de nat. & gra. respondebamus, quod si prudētiā hic carnis pro sola pugna, qua se naturaliter attollit contra spiritum, accipias, tunc eo duntaxat modo vitium est & peccatum, quo claudicatio tibię, vel quęuis alia deformitas peccatū est naturale. Non quod natura potentię concupiscibilis nō sit à Deo, vt Manichæi ex hoc quoque loco colligebāt, sed quod rebellio eius, vulnus est, quod natura accepit ab Adā: quę eatenus inimica est Deo, quatenus, veluti legi Dei rebellis, insurgit præliaturq; cōtra spiritū. Et isto quoq; modo legi nō est subiecta, nec subiici in hac vita potest: quoniā huiusmodi insultus, naturales sunt. Haud tamē ita est ei inimica, vt cui aliqd in sit culpæ quoad usq; voluntas, vel assentiat, (quæ est morta-

lis) vel saltē in mōra sit & negligētia, q̄ venialis est. Et hoc forsan pacto probē intelligitur Paulus appellans prudentiam carnis illas naturales affectiones. Si autē accipiat, vt omnes prudentiæ partes cōprehendat, quę sunt iudicare & præcipere secundū intentionem carnis: in summa, pro cura & studio carnis, tūc indubitò vera inimicitia est Dei. Quod autem huiusmodi prudentia, siue rebellionē tantū carnis significet, siue veram culpam, non possit esse legi subiecta, facillimum est intellectu, potest enim legis trāsgressor subiici legi, quapropter dictū suprà est, liberati à peccato, serui facti Deo, sicuti qui friget calescere potest. Quod autē trāsgressio ipsa fieri possit subdita, non aliter est possibile, q̄ quod frigus in calorē transeat. Et nota quod propriē inimicitia non geritur cū lege, sed cū Deo: sed subiectio fit Deo per legem: & ideo ait, Inimica est Deo, quia legi Dei nō est subiecta: nā qui cū Deo nō est, contra Deum est:

Inimicitia.

Qui autem in carne sunt, Deo placere non possunt. Vos autē in carne non estis, sed in spiritu: si tamē spiritus Dei habitat in vobis. Si quis autem spiritū Christi non habet, hic non est eius.

Lutherani.

*Inimica
est Deo.*

Id quod de prudētia carnis & spirit⁹ abstractè tractauit, ad hoīes iam nūc in cōclusionē huius primę sectionis accommodat, quasi repetēs id quod suprà dixerat. Qui secundū carnē sunt, q̄ carnis sunt sapiūt. Inde em̄ subinfert, eosdē Deo placere nō posse, adiuncta altera pmissa, q̄ illa sapiētia carnis inimica est deo: hoc pacto. Quicūq; secundum carnem sunt, sapiūt secundum carnē: sapiētia carnis inimica est Deo, ergo q̄ in carne sunt, Deo placere nō possunt. (Vos autē in carne nō estis, sed in spiritu.) Sātissimē profectò, vt suū erat pecc⁹, in cōclusionē nō instituit solū intellectū docēdo, sed affectū quoq; excitat exhortando: huc enim euāgelicū doctōrē doctrinā vbiq; referre cōdecet. Et est quasi secūda pmissa alteri⁹ syllogismi de altero spirit⁹ mēbro cōstructi, qui talis est. Qui sunt secundū spiritū, secundū spiritū sentiunt: vos autē in carne nō estis, sed in spiritu: debetis ergo secundū spiritū sentire: ea scilicet quę spirit⁹ sunt, probare, curare, conari & p̄ficere, illis vtiq; oblectari, & iis quę carnis sunt caducis & perituris post terga relictis,

lictis, carnem pro humana facultate in spiritum cōuertere. In hoc enim caro colluctatur aduersus spiritum, vt ipsum carneum efficiat, atq; illam homo patiatur sententiam, Nō per manebit spiritus meus in homine in æternū, quia caro est. Atq; in hoc quoq; spiritus obnititur carni, vt illa prorsus subacta & exhausta, dicere valeat cum Paulo, Viuo ego iā nō ego, sed viuit in me Christus. Adiecit autem. *(Si tamen spiritus Dei habitat in vobis)* Iuxta illud. 1. Cor. 3. Templum Dei estis, & spiritus Dei habitat in vobis. Spiritum verò sanctum habitare in nobis, non per se intelligas, sed per charitatem, vt cap. 5. exponebamus. Particula autē græca, *ὅτι*, quæ hic redditur, si tamen, anceps est, veluti latinē, siquidem, quæ potest esse affirmatiua, & ita modò nonnulli transferunt, scilicet, vos autem non estis in carne, &c. siquidem, hoc est, quandoquidem spiritus Dei habitat in vobis: sed potest etiam esse dubitatiua, veluti, si quidem, cum diuiditur in duas. Vetus autem interpres ad tollendam amphibologiam, vertit dubitatiuē, si tamen. Poterāt enim illi, quamlibet Christiani, spiritum, hoc est, charitatem Dei, per peccati iniquitatem abieciſſe. Præterquam quòd dubitandi sensus germanior est huic textui, qui continuo sublequitur. Nam ad eius maiorem elucidationem subdit. *(Si quis autem spiritum Christi non habet, hic non est eius.)* Nā teste illo eximio charitatis doctore, in hoc cognoscimus q̃ in eo maneamus, & ipse in nobis, quoniam de spiritu suo dedit nobis. Vbi & hoc considerandum, quòd Spiritus sanctus qui à patre & filio procedit, vtriusque dicitur, & ab vtroq; mittitur. Et ideo vtrunq; ait Christus. Et, Quam pater mittet in nomine meo. Et, Quæ ego mittam vobis à patre. In qua tamen verborum varietate prioritas quædam originis dignoscitur: sanè quòd à patre, vt prius origine procedit filius, a quo & recepit, vt & ab ipso vna procedat Spiritus sanctus. Tametsi & hoc fortè illic suggeritur nobis, quòd Christo non solum quatenus Deus, sed qua ratione homo est ac redemptor, atq; ideo sanctificator noster, competat, modo quodam, Spiritum sanctum, mittere: non ea vtiq; ratione, qua missio processione dicit: nam Spiritus sanctus non procedit à Christo, in quantum homine, sed tamē ea ratione minus propriē, qua respicit terminum in quo Spiritus sanctus illud operatur, quod nobis tribuitur per beneficium redemptionis. Nam licet propriè mittere non competat nisi personæ, aqua missa

procedit, tamē largo modo concedit Augustinus de tri. quòd tota trinitas misit filium: quia in carnatio fuit effectus totius: & sic Spiritus sanctus misit filium: pari ergo modo dici permittitur, quod Christus in quantum redemptor, cui secundum potestatem illi datam cōuenit dare spiritum sanctum, iuxta illud data est mihi omnis potestas accipite spiritum sanctum, &c. mittat eum. Atq; hic inter alios bonus porro sensus illius est, Si nō abiero, paracletus non veniet ad vos: Si autē abiero, paracletus veniet ad vos. Erat quippe cōgruēs vt iret prius ipse in cœlū, vnde in quantum redemptor missus erat Spiritus sanctus. Ob idq; ait, Pater mittet in nomine meo, & ego mittā à patre. Sed vt ad Paulū regrediamur, hoc insuper his verbis admonemur, q̃ licet per fidē informē ea ratione mēbra simus Christi, quæ sufficit vt Christiani simpliciter nominemur & simus tñ quia illa fides mortua est, cōsequitur, vt & nos quoq; vita tñ Christiana careamus, q̃ cōsistit in charitate. Nā vt ait Ioānes, *Ioan. 6.* spūs est qui viuificat. Et ideo ait, Si quis spiritum Christi nō habet, hic nō est eius, nimirū vt viuidū membrū. Est quidē eius creatura (vt ait Orig.) veluti feræ sylvarū, iumenta in montibus & boues: haud veruntamen spiritualiter Deus est in illo. Nā si quis, inquit redemptor diliget me p̃r meus diligit eū, & ad eum veniemus? *Ioan. 14.*

Si autē Christus in vobis est, corpus quidē mortuum est propter peccatum, spiritus verò viuit propter iustificationem.

Videbitur hic fortè Paul. alicui secundā partē capituli inchoare, in qua deliberatione à lege mortis agit, attamē primā potius cēsendū est cōcludere de redēptione à lege peccati, vt patet per ipsam verborū effigie. Illi nāq; p̃ximò negationis verbo, si quis autē spū Christi non habet, hic nō est eius, cōtinuò opponit affirmationē. *(Si autē Christus in vobis est. &c.)* Nimirū eos p̃ueniēs, q̃ hoc modo redargueret. Quid nobis Paule persuadere cōtēdis seruatos nos esse à peccato, cū mortē cui in poenā peccati addicti eramus, nūc etiā p̃petimur? Est ergo responsū, quòd si Christus in illis est, quāuis corpus propter peccatū mortuū sit, hoc est, mortuū obnoxium, tñ peccatū ipsum nō viuit, imò est extinctū. Sed quia tā vita, q̃ mors peccati, circa spiritum ē, ait, spiritum viuere, p̃pter iustificationē qua peccatum interiit. Orig. autē censet pro eodē dictum esse, spiritum Christi, & Christum. Cui nō desunt qui adhærēt, propterea quòd

Gen. 6.

Gal. 2.

1. Cor. 3.

1. Ioan. 4.

Spiritus Dei
et spūs Christi.

Ioan. 14.

Si nō abiero.

Ioan. 6.

Ioan. 14.

Orig.

Christus in nobis tantummodo spiritualiter
Eph. 3. est per fidem & charitatem. Iuxta illud, Habi-
 tare Christum per fidem in cordibus vestris:
 ob idq; idem est, Christum à nobis haberi, &
 spiritum eius. At verò quanuis Christus & spi-
 ritus eius inseparabiles sint, discernere nihilo
 secius videtur inter eos. Pau. nam spiritū Chri-
 sti vocat Spiritum sanctum, per quem iam an-
 te cap. 5. dixerat diffundi charitatem in cordi-
 bus nostris. Quòd si de spiritu etiam in nobis
 recepto intelligatur, licet per ipsum Christus
 in nobis habitet, differunt tamen Christus &
 spiritus eius, sicut causa & effectus: qui enim
 Christum induit, spiritum Christi præ se fert.
Col. 3. Sapit inq; , redolet, gustat, operatur & sequi-
 tur, quæ Christi sunt, Iuxta illud, Si consurre-
 xistis cum Christo, quæ sursum sunt querite,
 quæ sursum sunt sapite. Vnde (Origene inter
 prete) Christus sapientia est, iustitia est, pax
 est, &c. Spiritus autem Christi est istorū Cha-
 rismatum imitatio. Ait ergo. (*Si Christus in vo-
 bis est, corpus quidem mortuū est propter peccatū, spiri-
 tus autem vivit.*) Breuiloquentia hæc Pauli nō
 nihil parturit ambiguitatis, an de spiritu sci-
 licet Christi postremum hoc verbum pronū-
 ciet, an verò de nostro. Confert enim hic, ho-
 minem in quo est Christus, cum Christo ipso
 cōmonitum eum faciens, qualiter Christum
 debeat imitari. De Christo enim supra dixe-
 rat, quòd semel pro peccato mortuus est, spi-
 ritus autem semper in illo fuit viuax, cuius vi-
 ta non fuit per mortem interrupta. Concludit
 ergo nunc pariter, illum in quo est Christus,
 corpus quidem mortuū gestare propter pec-
 catum, id est, moriendi necessitatē, sicuti fuit
 in Christo: nam ab hac morte tēporali, sicut
 se ipse non excepit, ita neq; nos eripuit. (*Spiri-
 tus verò vivit propter iustificationem.*) Spiritus (sci-
 licet ipsius Christi) vivit in illo propter iusti-
 ficationem, vel quam adeptus per Christum
 est iustus in sua reconciliatione, vel cuius de-
 inceps potitur operādo iusta. Mens ergo Pau-
 li indubitata est de morte hic fari, quæ est ani-
 mæ exhalatio, nam hoc ei propositum est, pæ-
 tefacere, quòd non obstāte hac corporis mor-
 te, quæ est pœna peccati, liberi sumus à pecca-
 to per spiritum iustificationis: dū scilicet hoc
 beneficiū sortiti, vita vivimus spirituali, quæ
 non abrumpitur per temporalem mortē, sed
 permanet in æternum. At verò nihil prope-
 modum ab eodem scopo deflectas, si cum O-
 rigene & Chrysost. & aliis sanctis hoc ipsum
 quoq; verbum intelligas de mortificatione
 corporis, qua iusti macerant mortificantq;

Breuiloquen-
 tia Pauli.

membra sua, mortem Christi iugiter circunfe-
 rentes, vt spiritus viuat propter iustificationē
 scilicet vt liberius sese attollat ad excelsa iusti-
 tiæ opera. Nam & hæc corporis afflictio, iugis
 continuaq; mors est. Quinimò & videtur præ-
 terea hic Paul. simul & causam reddere, cur
 dum à peccato liberamur, non protinus &
 iura mortis cessant. Est enim causa, quòd sicut
 oportuit Christum pati, & sic intrare in glo-
 riam suā, ita & nobis congruens fuit, vt à pec-
 cato seruatis mortalia corpora relinqueren-
 tur, in quibus cruces nos nostras tollentes, il-
 lum sequeremur. Hac enim de causa quā-
 primum dicturus est, regno nos filiorum po-
 tituros, si tamē compatimur, vt glorificemur.
 Alii textus Græci non habent, spiritus vivit,
 sed, spiritus vita (scilicet est) & ita crebrò hunc
 locum citat Aug. atq; ita hic legit Ambro. &
 Hilarius. Et consulto Chry. ait, quòd non di-
 xit, vivit, sed, vita. Nihilo minus Orig. legit, vi-
 uit, et scholia quæ intitantur Hieronymi, at-
 q; ipse etiam Aug. in quadam epistola ad Ho-
 noratum. Et consonantius respondet, vivit, q̄,
 vita, ei quod dictum est, mortuum corpus. At
 qui cum voces græcæ similitudinē sint, *ζωή*, & *ζῆ*,
 vita & vivit, facilis esse potuit lapsus. Qui au-
 tem, vita, legunt, intelligunt de ipso spiritu
 Christi, qui vita est nostra. At verò profectò
 (vt est in scholiis Hieronymi) congruentius
 esse videtur, vt nomen, spiritus, perinde atq;
 nomen, corpus, de nostro intelligatur: qui di-
 citur Christi, tanq̄ effectus eius: aliàs minus ef-
 fet antithesis speciosa. Neq; verò obstat, si le-
 gas, spiritus vita est, nam & si Spiritus sanctus
 vita sit nostra spiritualis, nihilo secius idem
 spiritus noster per Christum viuificatus, vita
 quoq; neq; ineptē, dici potest interna: quate-
 nus per ipsum in nobis habitat. Spiritus san-
 ctus. Et hoc idem explicatur per subiunctum
 verbum iustificationis: spiritus enim per ius-
 titiam vita est.

Cur nō hic à
 mortalitate
 liberamur.

Variatio tex-
 tus.

Quòd si spiritus eius qui sus-
 citavit Iesum à mortuis, habitat
 in vobis, qui suscitavit Iesum
 Christum à mortuis, viuificavit
 & mortalia corpora vestra, pro-
 pter inhabitantem spiritum eius
 in vobis.

Sequitur secūda pars huius capitis, in qua
 postq̄ prior articulus principalis conclusio-
 nis cōmonstratus est, scilicet, quòd lex Chri-
 sti

Secūda pars
 capituli.

si emancipauerit nos à lege peccati, demonstrare properat Paul. posteriorē: puta quemadmodum eadē nos seruauerit & à lege mortis, cui in poenam peccati subiecti eramus. In hac inquam secunda parte ostendit, quomodo hanc libertatem plenē in futuro seculo cōsequamur. Et in tertia, quo etiā pacto alleuemur & in hac vita, dum valentiores per eandem gratiam sumus aduersus incurfiones & molestias carnis. At cum idem sit, spiritus Christi, etiam in quantum redemptoris, & spiritus Dei, meditatio, nec sine optima causa ab spiritu Christi ad spiritum Dei se insinuat, eò quod Christus, & si in quantum Deus excitauit sese à mortuis, tamen in quantum homo (qua hic ratione loquitur de ipso Paul.) ab spiritu Dei in quo prima residet autoritas, suscitatus fuit. Et est appositā, venustissimaq; collectio, & ex genuina causa procedens, dū liberatio à morte ex liberatione à peccato infertur. Etenim sicuti ex morte animæ sequuta est mors corporis in Adam, & per eius spiritum inhabitantem in nobis peccatum introiuit in orbem, quo secundū animā mortui nascimur, & per peccatum mors corporis, ita per inhabitantē spiritum Christi in nobis prius viuificatur anima in hoc seculo, & per eundem spiritum, dum in futuro ab anima in corpus idē spiritus per dotes suas effunditur, viuificabuntur corpora nostra: siquidē dotes corporis à gloria animæ effluxuræ sunt in resurgētia corpora. Luculentissimē ergo postq̃ dixit, spiritum Christi in Christianis viuere, etiā dū hic corpus moritur, exinde protinus ratiocinatur alterū effectū eiusdē spiritus respectu corporis: videlicet, quod si spiritus Dei, qui suscitauit Iesum à mortuis habitat in eis, idē ipse, scilicet Deus, qui suscitauit Iesum à mortuis, viuificabit & mortalia eorum corpora propter inhabitantē eum.

Chrys. de spūm eius in eis. Chrys. in prima persona legit, nobis, sed plurimi sunt, qui cū vetere nostro interprete legunt in secunda, vobis, Est ergo syllogismus à positione eiusdē causæ ad positionē eiusdē effectus. Similem collectionem fusius dilucidat. 1. Cor. 15. Ex resurrectione Christi arguens resurrectionem nostram, & per hoc quod Deus suscitauit Christum, ostendens quod suscitaturus sit & nos. Etenim propterea spūs dei Christū quatenus hominē suscitauit, quod semper vixit in illo, etiā dum corpus mortale gerebat, atq; adeo effecit, vt per eiusdē mortē nostra deleteretur peccata. Igitur cū idē spūs cōmunicetur nobis per gratiā tanq̃ membris eiusdem Christi, eundē in no-

bis habebit effectū. Sunt enim corpora membraq; nostra tēplū Spiritus sancti, vt habetur. 1. Cor. 6. ob idq; vt sibi ea dignum faciat æter nū habitaculum, viuificabit illa, vt sint nunquam amplius interitura. At verò adnotandū est verborū discrimen. Etenim cum dixisset, suscitauit Christū, non subiunxit, suscitabit, sed, viuificauit mortalia corpora vestra, quoniam generalis resurrectio mortuorum, quam sit effectus Christi, qui vniuersalis est iudex bonorum & malorum, non tamen generaliter tam propriē est effectus spiritus eius sed particulariter, quantum ad iustos, qui resurgent in vitam eternā. Omnes enim resurgemus, inquit Paul. quia oēs oportet stare ante tribunal Christi, sed non omnes immutabimur, scilicet de morte ad vitā, sed illi qui participes erunt mortis, ac subinde spiritus eius. Vnde & ipse quoq; distinxit, vbi ait, Procedent alii in resurrectionem vitæ, alii verò in resurrectionē iudicii. Etenim cū infernus, perpetuatio sit mortis, illi non dicuntur viuificari, sed potius in æternā relegari mortem. Neq; verò ait solum, viuificauit vestra mortua corpora, sed, vestra mortalia, quoniam non solū ab actuali morte seruabuntur, sed etiam à mortalitate, ne vllas scilicet mortis reliquias, puta passiones, vel molestias sentiant. Hoc est enī liberari non tantū à morte, sed à lege mortis. Quanquā illi, qui arbitrantur nō omnes mortuos, sed eos, qui in die iudicii viui inuenientur, viuos quoq; absq; experientia mortis recepturos immortalia corpora: propterea hic putant, nō dixisse quod, viuificauit corpora mortua, sed, mortalia: De hoc aut. 1. ad Thes. 4 disputandū est (Per inhabitantē spūm eius in vobis) Relatiuū, eius, siue Deū referat, siue Christū, perparui interest, siquidē idē spiritus est vtriusq; tametsi non nihil energiæ & decoris adferat, si referat Christum, vtpote per quem cōmunicatur nobis idem spiritus, quo eius effitmur membra. Vbi obseruabit Chrys. quod non tantū dixit simpliciter, inhabitantē, quasi ad tempus, sed, inhabitantem, vt ostenderet omnimodam & continuam mansionem.

Ergo fratres debitores sumus non carni, vt secundum carnem viuamus: si enim secundum carnem vixeritis, moriemini: si autē spiritu facta carnis mortificaueritis, viuetis.

Ex

*Idē spūs Dei
& Christi.*

1. Cor. 15.

Mortalia.

Inhabitante.

Ex differentia, quam inter carnem & spiritum tanta verborum luculentia constituit, hoc demum exprimit corollarium, quod non carni debitores sumus, sed spiritui. Hoc enim videre videor in Paulo infixum propositum ab illo initio capitis. 6. vbi Christianos in morte Christi baptizari & sepeliri adstruxit, ut longa deinceps instructa oratione, ac legum carnis & spiritus repugnantia interiecta, communitos Romanos faceret, qui deberent seruitio se carnis subducere, ut subditi omnino essent obsequio spiritus. Intelligenda ergo est illatio hæc, tum ex verbis proximis, puta ex amplissimo beneficio viuificantis nos spiritus, tum etiam ex superioribus, vbi demonstrauit liberatos nos à lege peccati & mortis, atque adeo à lege carnis, quinimò & à lege veteri, in qua homines seruebant peccato & carni. Etenim si beneficia hæc per Christi gratiam & spiritum assequuti sumus, consequens planè fit, ut iam non carni neque antiquæ legi, carnaliter intellectæ, debitores sumus, sed spiritui Christi, qui illic delitescerat, spirituique nostro pugnanti aduersus carnem. Est autem meditati dignum, quemadmodum Deum nunquam, ut debitorem nostrum induxit, sed quasi ultro neum largitorem, qui gratuito nobis impertitus est huiusmodi dona: de nobis autem contra non satis duxit simpliciter dicere, quod deberemus quoque; vices illi gratis rependere, sed ait, debitores nos esse: maioris enim est emphasis, debitores, quod debemus. Deus namque per gratuita beneficia obligatos nos sibi, obstrictosque iure habet, ut suis eisdem beneficiis ac fauoribus benevtamur, iuxta illud. 2. Cor. 5. Si vnus pro omnibus mortuus est, ergo omnes mortui sunt & pro omnibus mortuus est Christus, ut qui viuunt, iam non sibi viuunt, sed ei qui pro ipsis mortuus est. Et. 1. Cor. 6. Empti estis precio magno, &c. At qui qua ratione nomen hic carnis, pro litera legis carnaliter intellectæ usurpatur, sententiam præ se fert aduersus Romanos ex Iudaismo conuersos, qui legis vinculum vnà cum Euangelio durare defendebant. Sed quatenus pro carnalibus affectibus et cupiditatibus accipitur, nos quoque omnes in Romanis videtur suggillare, qui ita carni obsecundamus & seruimus, ac si eius legi adstricti essemus & obligati. At verò quoniam quadantenus debitores sumus carni, scilicet ut quantum necessitas exigit nature, cibo vestituque corpora sustentemus, & dum egrotat medicatu etiam recreemus, non simpliciter negat, debitores nos esse carni, sed appposito

Debitores sumus
Deo.

2. Cor. 5.

1. Cor. 6.

moderamine, ut non secundum carnem viuamus. Viuere enim secundum carnem, est eius imperio sub esse, eiusque viuere legibus, desideriiisque parere. Cuius & illud simile est capit. 13. Carnis curam ne feceritis in desideriis. (Si enim secundum carnem vixeritis, moriemini: si autem spiritu facta carnis mortificaueritis, uiuetis.) Reddit causam cursumus debitores, non carni, sed spiritui: exponendo illud vbi dixerat, spiritum inhabitantem in nobis; corpora nostra viuificaturum: ut enim spiritus hic causa est corporum viuificatrix, ita & viuificandi modus est, si non secundum carnem, sed secundum spiritum continenter viuamus: iuxta illud Galat. 5. Si spiritum viuimus, spiritu & ambulemus. Nam qui perseverauerit usque in finem, hic saluus erit: viuere autem secundum carnem, est peccato seruire, cuius stipendium mors est. Quasi dicat, Non ideo quod spiritu Christi donati estis, & in vitam animæ restituti, tutam à Deo habetis vitæ eiusdem perpetuitatem, quæ futura est animæ & corporis, ut vobis liceat in segnitie & socordia, carni indulgentes, vitam degere. Nam hac ratione, viuificatore spiritu extincto, moriemini, prius secundum animam spiritualiter in hoc seculo, post verò in alio quoque secundum corpus eternaliter. (Scriptum enim est, non permansurum spiritum domini in æternum in homine, quia caro est) sed opus vobis est perpetuo indefessoque conatu in seruitio spiritus perdurare, ut vita hac perpetuo perfruamini. Quoniam cessante exercitio spirituali flaccescere, marcescereque protinus charitas incipit, & paulatim euanesceat. Et ait, si spiritu facta carnis mortificaueritis, quia omnino extingui non possumus & interire: nam (authore hic Aug. carnis concupiscentiis non consentire, magna laus est, omnino autem non habere, summa perfectio. Hactenus ille. Hæc autem perfectio futura est in altera vita. Neque verò mortificatio: huius vitæ subito fit, ut ait Orig. sed paulatim: primo enim languescere carnem in iis qui incipiunt, necesse est: tum deinde, cum ardentius proficere coeperint, non solum languescere, sed tabescere: vbi autem ad perfectum venerint, tum demum mortificata sunt opera carnis. Interimit autem huiusmodi spiritus carnis opera contrariis ad ministris, Vnde Paul. ad Gal. 5. operibus carnis, quæ sunt fornicatio, immunditia, impudicitia, &c. è regione locat fructus spiritus, qui sunt charitas, gaudium, pax, &c. Nempe ut per charitatem, mortificetur odium: tristitia verò huius seculi, per gaudium: sed per pacem, discor-

Gal. 5.

Viuere secundum
carnem.

Gen. 6.

Aug.

Orig.

Gal. 5.

discordia. Et eodē marte virtutes reliquæ suæ quæq; contraria expugnant vitia. At quia opera mortificare nequimus, nisi per mortificationem mēbrorum, quæ arma sunt iniquitatis, ait alibi, Mortificate mēbra vestra quæ sunt super terram. Verūm ne munus hoc Romani suis viribus adscriberent, nō ait simpliciter, si mortificaueritis, sed si spiritu (nimirū vobis diuinitus impertito) opera carnis, quæ natia vobis sunt & propria mortificaueritis

Quicumq; enim spiritu Dei aguntur, ij sunt filii Dei.

Subiicit rationem proximi verbi, scilicet, quod hoc nobis negotio agitur perpetuitas vite, si spiritu opera carnis mortificauerimus. Recolere hic veruntamen illud oportet, quod initio capit. 5. proposuit, gloriari scilicet Christianos spe cum primis gloriæ filiorum Dei, ac subinde in tribulationibus, intuitu illius tolleratis. Illa namq; duo membra respiciens prius hic filiorum rationē dilucidat, ac mox tribulationum indignitatem, præ gloria quæ illis proposita est; idq; eo loco, Non sunt cōdignæ. Ratio ergo qua utitur est huiusmodi, Quicumq; filii Dei sunt, ij & vita quoq; perfruuntur diuina (quæ est cum Deo sempiterna) quicumq; autem spiritu Dei aguntur, hi sunt filii Dei, ergo quicumq; spiritu Dei aguntur, viuent. Quæ erat propositio supra asserta nam idem est, spiritu facta carnis quenq; mortificare, quod spiritu Dei agi. Posteriorē præmissam proponit hic, ostensurus illic priorē, si autem filii, & heredes, Hæreditas namq; filiorū est vita æterna. Est autē propria genuinaq; ratio filii, agi spū patris, & maxime spiritalis filii. Etenim sicuti animalis vita per vitales spiritus à patre deriuatur in filium, per quos tum cōplexio patris, tum subinde affectus quoq; similes trāsfunduntur, ita & renatis in Christo per lauacrū regenerationis Spiritu sanctus effunditur abunde: vt ait alibi Paul. quo ad nutū Dei ducuntur, aguntur & gubernantur. neq; verò ait simpliciter, vt chrys. annotauit, Quicumq; spiritū dei acceperūt, sed, quicumq; spiritu Dei aguntur, ad denotandū quod ad adipiscendū filiorum hæreditatē nō satis est spiritu semel imbui diuino, nisi ductu gubernatūq; Dei, qui nauclerus est & aurga noster, continenter viuamus. Locum hunc pro seipsis pugnare Lutherani existimāt, qui demoliri cogitant libertatem arbitrii, contra quos lib. 1. de nat. & grat. disputationem late protulimus. Ex hoc enim quod ait Paulus,

aguntur, quod illi interpretantur, coguntur, & compelluntur, contingunt ita hominem agi diuino numine, vt fanaticus agitur furore: vel pecus, stimulo: quo nihil potest absurdius cogitari, vt illic patefecimus. At quod ad præsentem locum attinet primum græcè est, ἀγεται, quod latinè vtrunq; significat, scilicet, & aguntur, & ducuntur. Vnde cū et Math. 4. & Luc. 4. idem sit verbum, tametsi compositione differens, priori loco traductum est, Tūc ductus est Iesus à spiritu in desertū, posteriori verò, Christus agebatur à spiritu in desertū. Quod si, aguntur, idem sit, quod, ducuntur, argumentum euauit: nam ducuntur qui ratione & iudicio suapte sponte diriguntur ab alio & illectantur. Interpres autem intuitus hic non solum ductū spiritus sancti illuminantis intellectum, inuitantisq; affectum gubernari nos in vita spiritali, verūm & impulsu præmouentis corda nostra trahi, quamquam potuisset vertere, ducuntur, iuxta illud psal. *Psalm. 142.* Spiritus tuus bonus deducet me, consultius tamen transulit, aguntur, quo illam præuentionem exprimeret: haud tamen vllō inde colore præiudicatur libero arbitrio, quod minus liberè moueamur à Deo, vt in nostra sit potestate tactui digiti eius assentire. Sic enim attingit ad omnia fortiter, vt tamen singula disponat suauiter, iuxta cuiusq; naturā. Ita vt bruta & insensata naturaliter, hoc ē imposita necessitate moueat, nos autem, qui liberi sumus, liberè: nimirū pulsando ad ostiū, vt aperiri cōsentiamus: vocando, vt ad se veniamus, & alliciēdo vti gallina congregat pullos suos. Quāuis ad commendandam vim energiamq; diuinæ motionis, nonnunquam in scriptura extent verba violentiam præseferentia. Vt Esa. 59. Cum venerit quasi fluius violentus, quem spiritus dñi cogit, hoc est, cōgregat vel pellit. Et Ioan. 6. Nemo potest venire ad me, nisi pater meus traxerit eū. Vbi nō dixit, duxerit, sed, traxerit, vt ait exp̄sē Aug. non quod non liberè trahimur, sed ad significandum præmotionem, quam non tam aperte significat, ducere, Agi ergo à Deo non tollit libertatem. Cum enim Christus agebatur ab spiritu, neuiquam cogeatur.

Non enim accepistis spiritum seruitutis iterum in timore, sed accepistis spiritum adoptionis filiorum Dei, in quo clamamus Abba, pater.

Probat

Hæreditas filiorum.

Lutherani

Esa. 59.

Ioan. 6.

Probat eandem minorem præmissam, nõ modò à proprietate & qualitate doni Spiritus sancti, quod est filiorum proprium, puta amoris timorisq; filialis: verum & ex nostra ipsorum confessione. Sed est ad intelligentiã huius literæ opere precium de timoris amoris q; dono nonnihil præmeditari. Nam et si utrũ q; munus sit Spiritus sancti, in timore nos tamen tanq; seruos Dei constituit, cui seruimus vt domino: amore verò, ceu filios eiusdẽ, perficit, quem honoramus vt patrem. Vnde Malach. 1. Si ergo pater ego sum, vbi ẽ honor meus? Et si dominus ego sum, vbi est timor meus? Timoris itaq; obiectum, est malum: quod duplex est: nimirum vel pœna vel culpa. Sed & malum pœnæ aliud est existimatum, videlicet illegitimum, & aliud verum. Et secundũ hanc triformem diuisionem discernuntur timor mundanus, seruilis, & filialis. Timor ergo illius mali pœnæ, quod contrarium est bono, non vero, sed existimato, putà quod peruerse diligitur, humanus est & mūdānus: isq; effectus esse neutiq; potest Spiritus sancti, quoniam turpis est & prohibitus: vt cũ quis metu temporalis incommodi recedit à Deo. Cuius illo mandato Christi admonemur, Nolite timere eos, qui occidunt corpus, &c. hoc est, nolite pauore momẽtanæ mortis in æternam obrudi. Sed alius est timor mali, quod contrarium est naturali bono, qui timor nascitur à proprio amore. Atq; is quidem, si nullam illi indecẽtem circumstantiam adiungas, actus est obiecto habituq; suo bonus: nam quod se homo diligit (nisi illic finem mentẽq; sistat) quodq; contraria sibi mala exhorreat, bonum est. Ob idq; si metus hic respectũ habeat ad Deum, veluti eiusdẽ mali causam: vt cum quis vel inferorum tormenta, vel quæ suis alias pœnas, ne sibi à deo infligantur, per timescit, tunc quã ratione Deus vtcunq; timeatur, Spiritus sancti munus esse potest per speciale auxilium. Atq; hic dicitur seruilis metus qui verbis illis Deut. 5. commendatur. Quis det eostalem habere mentem, vt timeant me. Non quod sufficiens sit proximãq; ad gratiã præparatio, sed quod causa esse potest, per quam homo tandem redeat ad bonam mentem. Et ideo quãdo ex ignauia vel praua qualibet hominis affectione non per talem metum permouetur in odium peccati, vtcunque sit effectus Spiritus sancti, non tamen est simpliciter virtus: sed potest esse actus moraliter bonus, sicuti actus fidei informis. Quinimò licet metus ille in causa sit vitandi futuri pecca-

ti, quod alias committeretur, dum tamen nõ eò pertingit, vt commissi pœnitentiam ingereret, quatenus Deo offensæ, neq; tunc absolute dignus est virtutis nomine. Et hoc est, qd̃ ait August. quod licet talis homo bonum faciat, non tamen bene, hoc est, simpliciter bene: etsi nihil vetat, quod minus sit opus bonũ moraliter, humanæ laudis dignum. At si ita præcise tali metu quis culpam effugiat, vt illa sit mente, quod nisi pœnam metueret, minime ob diuinam reuerentiam abstineret à malo, talis mens peccatum est. Diuersos ergo gradus secum patitur metus seruilis. Potest enim esse extra gratiam, etiam dum sit donum Spiritus sancti per auxiliũ speciale. Neq; obstat quin actus similis haberi quoq; possit naturaliter. Potest item causa & genitrix esse veræ pœnitentię, dum quis metu pœnæ perculsus, eò vsq; prouehitur, vt tandem detestetur peccatum, quã ratione est Dei offensa: & tunc nequit esse nisi ab Spiritu sancto, atq; adeò manere aliquandiu potest cum charitate: q̃q; adulta iam perfectaq; charitas (teste Ioanne apostolo) foras post demum hunc mittat pœnarum timorem. Timor autem filialis & castus est metus & fuga mali culpæ, hoc est peccati ea ratione, quã est Dei offensa. Qui quidẽ metus germẽ diuini amoris est, eamq; ob causam filialis dicitur: nam filii reuerentia est, vt patris potius metuat offensionem, quàm proprium supplicium. Cuius contraria est conditio serui respectu heri. Quod fit, vt illud psalm. Initium sapientię timor Domini, de vtroque timore ratione sua & modo possit intelligi. Enimvero seruilis initium esse potest sapientię, veluti dispositio quẽdam antecedens gratiã q̃ten⁹ timore pœnæ, vt dictũ est, abominatur, nõnunq; aduersatur peccatũ. Iuxta illud Eccle. 1. Timor Dñi expellit peccatũ. Nominatio enim illic sapientiæ non solum cognitionem Dei, sed & directionem affectus comprehendit. quæ fit par gratiam. Timor autem filialis est initium, veluti primus effectus gratiæ, qui cum charitate vtq; adolescit perficiturq; Vnde eodem cap. ait Ecclesi. Plenitudo sapientiæ est timere Deum. Et in psal. Timor Domini sanctus permanet in seculum seculi. De quo heroico timore, & illud Esa. 7. Christo potissime decantatum, intelligendum est, Et replebit eũ spiritus timoris Domini. Quæ ergo res ad presentem expositionem attinet, Lex vet⁹ dono Spiritus sancti data est, hoc est, speciali reuelatione & motione Dei: per donum tamen timoris seruilis, Id quod per stre-

Diuersi gradus timoris seruilis.

Timor filialis.

Initium sapientiæ timor domini.

Eccle. 1.

Psal. 18.

Esa. 7.

Lex vetus donum timoris.

pentia

Malach. 1.

Timoris obiectum.

Mat. 10.

Seruilis metus.

Deut. 5.

illa tonitrua, micantia fulgura, ignisq; fumās,
& densissima nubes designabant, quibus per
census populus, veluti serui metu pollicita-
batur impletum seire legem. Lex autem euan-
gelica afflatu amoris donata nobis est, scripta
q; in mentibus. Quapropter & Gala. Pau. Pri-
mum testamentum praelignatum in filio an-
cillæ, ait, in monte Sinai populum illum in
seruitutem generasse, quæ est Agar, sed nouū
datum esse in Hierusalem, quæ libera est ma-
ter nostra. Qui idcirco spiritus donatus est
Christianæ familiæ, veluti ingenuis iam &
liberis, vt casto amore flagrant, vt igne illo
Spiritus sancti in Pentecoste significatum est,
post vehementem de coelo sonitum, non qui-
dem deterrentem, vt antiquus olim, sed exci-
tantem apostolorum mentes & corda. Haud
tamē ita hallucineris, vt cogites nullos ex Pa-
tribus vetustæ legis recepisse spiritū adoptio-
nis filiorum: nam quemuis iustum gratia ea-
dem quæ gratum eum Deo facit, & filium
vnā constituit. Vnde in psal. Ego dixi dii estis
& filii excelsi omnes. Et Esai. i. Filios enutri-
ui & exaltaui, ipsi autem spreuerunt me. Et
supra Paul. credentes omnes demonstrauit fi-
lios esse Abraham per fidem. De quibus Chri-
stus, Multi autem ab oriente & occidente ve-
nient, &c. Fili autem regni eiicientur foras. Si
cuti & in Euangelio vice versa ratione timo-
ris cognominantur saepenumero Christiani,
serui, Attamen duo hic Paul, nobis suggerit
inter antiquam nouamq; leges discrimina.
Primum quod lex prisca, dum ex vna parte
peccatum ostenderet, ex altera verò gratiam
non conferet (eo modo, quo crebrò supra re-
petiuimus, scilicet præter eam, quæ in circun-
cisione per fidem donabatur) ita excusatio-
nem peccati auferebat, vt tamen nihil per se
ad opera charitatis adiuuaret: & ideo veluti
seruos deterrebat: nostra verò per viuā Chri-
sti mortem, & viuam ipsius vocem, perq; sa-
cramentorum gratiam ceu filios nos amore
conciliauit. Sed alterum discrimen est, quod
licet per fidem Christi filii tunc olim consti-
tuebantur, erant tamen vt paruuli, quemad-
modum ait Gala. 4. nihil à seruis differentes,
sub elementis mundi, sub tutoribus & acto-
ribus hæreditatis possessione cohibiti: quod
paulò inferius repetendum nobis est. Nostrū
verò Euangelium aperit nobis regnum, vt fi-
liis iam adultis. Probat ergo eos, qui spiritu
Dei per Christum sibi participato aguntur,
filios esse Dei. (Non enim accepistis spiritum serui-
tutis in timore.) Videlicet vt olim sub lege.

Sed accepistis spiritum adoptionis filiorum Dei.) Ve-
runtamen perpende primū oppositionis
energiam. Etenim spiritui seruitutis non sim-
pliciter opponit spiritum libertatis, qui pro-
pria est illi ratione contrarius, sed, quod subli-
mius est, spiritum adoptionis filiorum. Non
enim solum sumus ceu manumissi & liberi,
sed asciti præterea in filios. Idē ergo hoc pror-
sus est illi, quod ait Christus redemptor no-
ster, Iam nō dicā vos seruos (nimirū vt anti-
quitus) sed amicos. Nisi quod plus est filius, q̃
amicus. Et Ioan. i. Dedit eis potestatem filios
Dei fieri. Qui talē potestatem nō habuissent Pa-
tres virtute legis. Et rursus Christus, Beati pa-
trifici, quoniam filii Dei vocabuntur. Freque-
ntissimaq; Christo fit mētio filiorū, ad extollē-
dum discrimen hoc inter legē suam & legem
Mosis. At recentiores interpretes neq; hic ve-
terē sine culpæ nota prætereunt: est enim græ-
cē vnica composita vox, υιοθεσία, hoc est, adop-
tionis: quam Interpres per tres reddidit, sci-
licet, adoptionis filiorum Dei. Quas quidem
non solum aiunt superuacaneas esse, cū satis
fuiſſet dicere, spiritum adoptionis, verū & ine-
ptē constructas. Nā adoptio filiorū incōgruē
dicitur passiuē, pro eo quod est, adoptio in fi-
lios. At verò quantū ad genitiuū, filiorū, atti-
net, profectò non solū non est incongruenter
appositus, verū fuit ad complendam senten-
tiam necessarius, qui & in voce Græca cōtine-
tur. Etenim vox, υιοθεσία, componitur ex dua-
bus, scilicet, filius, & positio, vt idem sit, quod
filii positio: hoc est, loco filii substitutio, qđ
Latini dicūt adoptionem. At quia solent etiā
extranei adoptari & subrogari, non in fi-
lios, sed in nepotes, secundum iurisperitos:
nempē qui legitimo filio succedant, vt discrimi-
naret Interpres inter has adoptiones, dis-
gregauit compositionem nominis Græci in
duo Latina, adoptionis filiorum, quod sanē
optimē dicitur pro eo quod est, adoptionis
filialis: sicuti dicitur, creatio episcopi, quan-
do ille qui nō est episcopus, assumitur in epi-
scopū. Adoptare enim filiū, est illū instituere
& creare filiū. At genitiuus, Dei, forsan adie-
ctus est diligentia alicuius, vt exprimeret sco-
pū desiderii nostri: quanq̃ neq; probabilitate
caret, illū extisse olim in Græcis. Nam supra
ca. 5. similes est oratio, Gloriamur ī spe gloriæ
filiorū Dei. Ait aut, spiritū adoptionis filiorū
Dei, ad differentiā naturalis filii, qualis Chri-
stus fuit, qui nec genitus est, nec procedit à pa-
tre per Spiritū sanctū, sed Spiritū san- potius
spiratur ab illo, prius origine genito à solo pa-
tre.

Gala. 3.

Sub lege erāt
filii Dei.

Psal. 81.

Esa. i.

Mat. 8.

Duo docu-
mēta Pauli.

Gala. 4.

Ioan. 15.

Ioan. i.

Mat. 5.

Defensio
Interpres.

Christus nō. tre. Neq; in quantum homo, licet fuerit cōce-
est filius ad- ptus de Spiritu sancto, est filius adoptiuus,
optiuus. quoniam adoptari nos in filios Dei, est accer-
 sari ad similitudinem & quandam participa-

tionem naturalis filiationis: siquidem (vt sta-
 tim Paul. dicturus est) prædestinauit nos De^o
 conformes fieri imaginis filii sui: per gratiam
 autem vnionis factum est, vt homo Christus
 sit filius, non participatiuè, sed verè naturalis
 qua propter non factus est de non filio filius.

Humanitas verò, licet fuerit assumpta, nō ta-
 men, nisi abusiue (vt Hilarius loquitur) dici-
 tur adoptata: quia adoptari est propriū sup-
 positi: quandoquidem filiatio proprietas per-
 sonalis est. Nos autem, quos Deus gratia &
 bonitate sua admittit ad suæ beatitudinis hæ-
 reditatem, propriè adoptamur. Hoc enim est
 & inter homines ciuilitè adoptari. Nisi quòd
 homo extraneum adoptat, quia probum illū
 studiosumq; nouit, Deus autem non sic, sed
 adoptando nos, bonos facit. Iuxta illud Phil.

Phil. i. 1. Prædestinauit nos in adoptionem filiorum
 Dei: videlicet absq; vllis nostris præeuntibus
 meritis. Ac præterea, homo alienum sibi sub-
 stituit in filium ad suam ipsius suplandam re-
 ficiendamq; filiorum orbitatem, Deus autem
 vt suam exuberantissimam abundantiam, quin
 diuinitatem etiam, ratione quadam, nobis cō-
 municet. (*In quo clamamus abba, pater.*) In quo,
 id est, cuius nomine appulsu & suggestione
 clamamus: hoc est, non voce tantūmodò, sed
 intimo corde, altissimoq; pectoris spiritu, ni-
 hil hæsitantes in fide, sed maxima cum fidu-
 cia ingemiscimus (vt ait inferius) & in hanc pa-
 ternitatis vocem prorumpimus. Eodem ferè

Gal. 4. schemate ait Galatis. Quia estis filii Dei, misit
 spiritum filii sui in corda vestra clamantem
 abba, pater. Dicitur enī spiritus clamare, quia
 nobis dicat vt clamemus: sicuti paulò inferi⁹
 ait hic, quòd postulat pro nobis, quia nos po-
 stulare instigat. Composuit autē Paulus am-
 bo nomina, quæ in græco quoque extant, sci-
 licet, Abba, Hebraicum & πατήρ, Græcum. Vt
 admoneret ambos, quib⁹ scribebat populos,
 Hæbreorum scilicet & Gentium per vnū an-
 gulare lapidem Iesum Christum coglutina-
 tos esse in vnā Ecclesiam, atq; adeo in ean-
 dem filiationem arrogatos, vt pari iure com-
 pellare possent vnum Deum patrem. Quam-
 obrem, pater, hoc loco non tantum in Deo
 opus creationis designat, nam eo iure non so-
 lum fidelium, sed vniuersorum est pater: iux-
 ta illud Deut. 32. Nunquid non ipse est pater
 tuus, qui possedit te, fecit & creauit te? Sed he-

neficiū quoq; repræsentat redemptionis,
 per quod nos in filios conscripsit. Vnde, vt
 per munus creationis omnis creatura diuinæ
 bonitatis facta fuit particeps, ita & homines
 per beneficium reconciliationis compotes fi-
 unt diuinæ filiationis. At verò paternitas hæc
 totius trinitatis est propria, vt cui toti conue-
 nit adoptare nos: & ideo nomine hic, patris,
 Deus denotatur, vt communis est tribus per-
 sonis. Sicuti & in oratione dominica, vbi pre-
 cantes dicimus, Pater noster: tametsi per quā-
 dam attributionem & primam quoq; trinita-
 tis personam, patrem iure adoptionis appel-
 lare nos decet, quippe cui proprium est gene-
 rare naturalem filium, cuius nos sumus ado-
 ptiti fratres. Vnde Ioan. 20. seorsum pronun-
 ciauit, patrem meum & patrem vestrum, quia
 diuersa ratione eandem personam appellam⁹
 patrem: nam sicut ipse per naturam splendor
 gloriæ est, & figura substantiæ patris, tales nos
 gradu & ordine nostro, sumus per lumen gra-
 tiæ. Hæc autem paternitatis appellatio, licet
 iustis omnibus fuerit semper competens, ta-
 men profectò nobis maximè sub lege gratiæ.
 Nam etsi tam sub lege nature, quàm sub lege
 scripta fuerint per fidem homines Deo in fi-
 lios. Deusq; illis in patrē, nunquam iussi sunt
 Deum pleno ore, vti nos, appellare patrem.

Atqui (vt adnotauit Chrysost.) adiecta Hebræa
 voce, quæ legitimorum puerorum potissima
 est, alludit fortè ad nomē, abba, quod ex dua-
 bus congeminitis initialibus literis alphabe-
 ti componitur, qua voce pueruli Hebræi pri-
 ma elementa balbutientes, vocitabant patres
 suos, sicuti Latini aiunt Pappe. Id quod & in
 ditium magnum est diuinæ in nos teneræ cha-
 ritatis: nempè quòd, velut proprios filiolos,
 hac nos indulgentia dignetur in lege gratiæ
 vt appellemus ipsum, abba, et, pater. Illud nā-
 q; Hierem. 3. Patrem vocabis me, de hoc no-
 stro quo nostraq; Christianorum Republica
 vaticinium erat. Quam quidem sanctissimam
 habuit Ecclesia considerationem in illa præ-
 fatiuncula, Præceptis salutaribus moniti, &
 diuina institutione formati, audemus dicere.
 Pater noster, &c. Quasi dixerit, aliàs nunquā
 hanc præsumeremus vocem ore formare. At-
 qui legem veterem perlustrantibus, cumque
 Euangelio conferentibus, liquidò apparebit
 discretio hæc, quæ est inter seruos & filios. Il-
 li namq; in primis opere tantum extra vt ser-
 ui ad oculum seruiebant: atq; id quā diu fla-
 gellum ob oculos imminerebat, haud tamē ex
 corde, filialiq; constantia. Nam vt ait Prophe-
 ta,

Paternitas

Ioan. 20.

Filii Dei.

Chrys.

Hierem. 3.

Ecclesie cō-
sideratio.Discretio in
seruos et
filios.

Pfal. 77. ta, quoties exacerbauerunt Deum in deserto, & in iram concitauerunt, cum occideret eos, quærebant eum & reuertebantur, & diluculo veniebant ad eum. Et, Dilexerunt eum in ore suo & lingua sua menti sunt ei, cor autem eorum non erat rectum cum eo, nec fides habiti sunt in testamento suo. Et ut in eodem psalmo latè enarrat, ocularibus beneficiis, temporaliumq; pollicitationibus allecti, presentibusq; castigationibus, ut seruilis populus, conterriti, vix in officio & legis custodia continebantur. Sed in lege euangelica omnia spiritualia sunt. Audistis quia dictum est antiquis, Non moechaberis, ego autem dico vobis, qui viderit mulierem ad concupiscendū eam, iam moechatus est eā in corde suo. In summa, nihil, aut pollicitus, aut cōminatus nobis est Christus temporalium, sed omnia eterna, ut spiritum nostrum ad cœlestia raperet, ne metu, ut hero, seruiremus ei: sed amore colere mus, ut patrem. O inestimabilem charitatem Christi. Quisnam regis filius non iniquissimo tulisset animo, ut pater suus vnumquemlibet plebei bubulciq; filium in proprium ad optionem ascisceret, in iusq; admitteret regni, quod ei soli erat legitimum? Et tamen Christus id non solum non inuidit nobis, verum effusione proprii sanguinis hoc nobis nomē comparauit, ita nos patrem nostrum compellare instituit, spiritūq; suum dedit nobis, in quo clamaremus, abba pater, Videte ergo (ut cum Ioan. sic concludentes admiremur) qualem charitatem dedit nobis pater, ut filii Dei nominemur & simus.

Christi beniguitas.

Ipse enim spiritus testimoniū reddit spiritui nostro, quòd sum⁹ filii Dei.

Expositio illius est quod dixerat, in quo clamamus abba, Quasi licadecerit, Hęc enim vox, qua nos profitemur filios, nō nostra est propria, ut vereri debeamus, ne falsa sit (quia omnis homo mendax) sed spiritus ipsius sancti suggestionem illam proferimus. Quomodo id autem fiat, ostendit: quoniam ipse spiritus (scilicet Dei, qui fallere nescit) testimoniū reddit spiritui nostro, quòd sumus filii Dei. Id quod nō est absq; asterisco prætereundum. Nimirum quòd idem spiritus, qui testimoniū tulit de missus cœlitus super Christum ascendentem de aquis baptismi, quando clara voce testatus est pater, Hic est filius meus dilectus, idem inquam spiritus, non quidem palā

externa voce, sed tamen interno, occulto quē dictamine cōtestatur spiritui nostro, & filios nos esse quoq; Dei per eiusdem Christi baptismi. Veruntamen textus hic non nihil habet ambiguitatis apud Græcos, propterea quòd illic nō est, testimoniū reddit, sed vnicum compositum verbum, cōtestatur. Quā literam sic quidam ex neotericis vertit, Idem spirit⁹ testatur vnā cum spiritu nostro, quòd simus filii Dei, ita ut velit, hoc quod est, spiritus cōtestatur spiritui nostro, non idem pollere, quòd Spiritus sanctus dat testimoniū nostro, sed quòd cōtestatur, hoc est, simul cum nostro testatur: sicuti ille mihi cōoperatur, qui mecum operatur: quasi duo sint testimonia, vel vnum duorum cōtestium. At verò profectò procul versio hæc distare videtur à Paulino ingenio: nam cum huiusmodi filiatio supra naturā nobis obtingat, nequit spiritus noster testis eius esse, sed totum testimoniū est ab Spiritu sancto, qui & eiusdem est filiationis author. Quam ob causam Paulus. i. Corin. 2. vbi illorum meminit honorum, quæ Deus præparauit diligentibus ipsum, putā quæ neq; oculus vidit, &c. statim subdit, nobis autem reuelauit Deus per spiritum suum. Et ex templō inferius, Quis enim scit quæ sunt hominis, nisi spiritus hominis, qui in ipso est? Ita, & quæ Dei sunt nemo cognouit nisi spiritus Dei. Spiritus ergo noster fidele testimoniū ferre non potest quòd simus filii Dei, nisi quatenus illud ei testimoniū Spiritus sanctus fert. Vnde interpret vetus, quò alterum abigeret sensum, non transtulit, cōtestatur, sed, quod citra amphibologiam idem valet, testimoniū reddit. Neq; est cur reprobetur verbū, reddit, in hoc significatu, quippè cum & pro eodem accipi latinè soleat, quod est, dare, vel ferre. Porro autem hic vnus est eorum locus, quos suæ opinioni illi obtendunt, qui, etiam inter catholicos in ea sunt opinione, ut existimēt certum fieri quemcunq; iustum suæ cum Deo reconciliationis & gratiæ: atq; ea quidem certitudine, aut ei simili, quæ est in dei catholice, putā quæ omnem prorsus dubitationem auferat. Quam quidem opinionē in calce tertii libri nostri de natu. & grat. latissimè expugnauimus, tam contra Lutheranos quā contra catholicos, qui licet diuersa ratione in eandem tamen conclusionem impingebant, Quam quidem apologiam rursus integrauius aduersus quendam reuerendum episcopum, vbi prædictam opinionem monstrare curauimus, non solum aduersam decre-

Defensio interpretis.

i. Cor. 2.

Cōtra certitudinem gratiæ.

Christus nō est filius adoptiuus. tre. Neq; in quantum homo, licet fuerit cōceptus de Spiritu sancto, est filius adoptiuus, quoniam adoptari nos in filios Dei, est accersiri ad similitudinem & quandam participationem naturalis filiationis: siquidem (vt statim Paul. dicturus est) prędestinauit nos Deo conformes fieri imaginis filii sui: per gratiam autem vnionis factum est, vt homo Christus sit filius, non participatiuē, sed verē naturalis qua propter non factus est de non filio filius.

Adoptari.

Phil. 1.

Gal. 4.

Abba pater.

Deut. 32.

Humanitas verò, licet fuerit assumpta, nō tamen, nisi abusiue (vt Hilarius loquitur) dicitur adoptata: quia adoptari est propriū suppositi: quandoquidem filiatio proprietas personalis est. Nos autem, quos Deus gratia & bonitate sua admittit ad suę beatitudinis hæreditatem, propriē adoptamur. Hoc enim est & inter homines ciuilitate adoptari. Nisi quòd homo extraneum adoptat, quia probum illū studiosumq; nouit, Deus autem non sic, sed adoptando nos, bonos facit. Iuxta illud Phil. 1. Prędestinauit nos in adoptionem filiorum Dei: videlicet absq; vllis nostris pręeuntibus meritis. Ac pręterea, homo alienum sibi substituit in filium ad suam ipsius suplendam reficiendamq; filiorum orbitatem, Deus autem vt suam exuberantissimam abundantiam, quin diuinitatem etiam, ratione quadam, nobis cōmunicet. (*In quo clamamus abba, pater.*) In quo, id est, cuius nomine impulsu & suggestionem clamamus: hoc est, non voce tantūmodò, sed intimo corde, altissimoq; pectoris spiritu, nihil hæsitantes in fide, sed maxima cum fiducia ingemiscimus (vt ait inferius) & in hanc paternitatis vocem prorumpimus. Eodem ferē schemate ait Galatis. Quia estis filii Dei, misit spiritum filii sui in corda vestra clamantem abba, pater. Dicitur enī spiritus clamare, quia nobis dictat vt clamemus: sicut paulò inferi⁹ ait hic, quòd postulat pro nobis, quia nos postulare instigat. Composuit autē Paulus ambo nomina, quę in gręco quoque extant, sci licet, Abba, Hebraicum & πατήρ, Gręcum. Vt admoneret ambos, quib⁹ scribebat populos, Hebreorum scilicet & Gentium per vnū angularem lapidem Iesum Christum coglutinatos esse in vnā Ecclesiam, atq; adeo in eandem filiationem arrogatos, vt pari iure compellare possent vnum Deum patrem. Quamobrem, pater, hoc loco non tantum in Deo opus creationis designat, nam eo iure non solum fidelium, sed vniuersorum est pater: iuxta illud Deut. 32. Nunquid non ipse est pater tuus, qui possedit te, fecit & creauit te? Sed be-

neficiū quoq; repręsentat redemptionis, per quod nos in filios conscripsit. Vnde, vt per munus creationis omnis creatura diuinę bonitatis facta fuit particeps, ita & homines per beneficium reconciliationis compotes fiunt diuinę filiationis. At verò paternitas hæc totius trinitatis est propria, vt cui toti conuenit adoptare nos: & ideo nomine hic, patris, Deus denotatur, vt communis est tribus personis. Sicuti & in oratione dominica, vbi precantes dicimus, Pater noster: tametsi per quādam attributionem & primam quoq; trinitatis personam, patrem iure adoptionis appellare nos decet, quippe cui proprium est generare naturalem filium, cuius nos sumus adoptitiū fratres. Vnde Ioan. 20. seorsum pronunciauit, patrem meum & patrem vestrum, quia diuersa ratione eandem personam appellam⁹ patrem: nam sicut ipse per naturam splendor glorię est, & figura subitantię patris, tales nos gradu & ordine nostro, sumus per lumen gratię. Hęc autem paternitatis appellatio, licet iustis omnibus fuerit semper competens, tamen profectò nobis maximē sub lege gratię. Nam etsi tam sub lege nature, quā sub lege scripta fuerint per fidem homines Deo in filios. Deusq; illis in patrē, nunquam iussi sunt Deum pleno ore, vt nos, appellare patrem. Atqui (vt adnotauit Chryso.) adiecta Hebręa voce, quę legitimorum puerorum potissima est, alludit fortē ad nomē, abba, quod ex duabus congeminationis initialibus literis alphabeti componitur, qua voce pueruli Hebręi prima elementa balbutientes, vocitabant patres suos, sicuti Latini aiunt Pappē. Id quod & in ditium magnum est diuinę in nos tenerę charitatis: nempe quòd, velut proprios filiolos, hac nos indulgentia dignetur in lege gratię vt appellemus ipsum, abba, et, pater. Illud nāq; Hierem. 3. Patrem vocabis me, de hoc nostro quo nostraq; Christianorum Republica vaticinium erat. Quam quidem sanctissimam habuit Ecclesia considerationem in illa pręfatuncula, Pręceptis salutaribus moniti, & diuina institutione formati, audemus dicere. Pater noster, &c, Quasi dixerit, aliàs nunquā hanc pręsumeremus vocem ore formare. Atqui legem veterem perlustrantibus, cumque Euāgelio conferentibus, liquidò apparebit discretio hæc, quę est inter seruos & filios. Illi namq; in primis opere tantū extra vt serui ad oculum seruiebant: atq; id quā diu flagellum ob oculos imminebat, haud tamē ex corde, filialiq; constantia. Nam vt ait Prophe-

Paternitas

Ioan. 20.

Filii Dei.

Chryso.

Hierem. 3.

Ecclesia cōsideratio.

Discrimē inter seruos & filios.

ta,

Psal. 77. ta, quoties exacerbauerunt Deum in deserto, & in iram concitauerunt, cum occideret eos, quærebant eum & reuertebantur, & diluculo veniebant ad eum. Et, Dilexerunt eum in ore suo & lingua sua menti sunt ei, cor autem eorum non erat rectum cum eo, nec fideles habiti sunt in testamento suo. Et ut in eodem psalmo latè enarrat, ocularibus beneficiis, temporaliumq; pollicitationibus allecti, presentibusq; castigationibus, ut seruilis populus, conterriti, vix in officio & legis custodia continebantur. Sed in lege euangelica omnia spiritualia sunt. Audistis quia dictum est antiquis, Non mœchaberis, ego autem dico vobis, qui viderit mulierem ad concupiscendū eam, iam mœchatus est eā in corde suo. In summa, nihil, aut pollicitus, aut cōminatus nobis est Christus temporalium, sed omnia æterna, ut spiritum nostrum ad cœlestia raperet, ne metu, ut hero, seruiremus ei: sed amore coleremus, ut patrem. O inæstimabilem charitatem Christi. Quisnam regis filius non iniquissimo tulisset animo, ut pater suus vnumquemlibet plebei bubulciq; filium in proprium ad optionem ascisceret, in iusq; admitteret regni, quod ei soli erat legitimum? Et tamen Christus id non solum non inuidit nobis, verum effusione proprii sanguinis hoc nobis nomē comparauit, ita nos patrem nostrum compellare instituit, spiritūq; suum dedit nobis, in quo clamaremus, abba pater, Videte ergo (ut cum Ioan. sic concludentes admiremur) qualem charitatem dedit nobis pater, ut filii Dei nominemur & simus.

Ipse enim spiritus testimoniū reddit spiritui nostro, quòd sum⁹ filii Dei.

Expositio illius est quod dixerat, in quo clamamus abba, Quasi licadicerit, Hęc enim vox, qua nos profitemur filios, nō nostra est propria, ut vereri debeamus, ne falsa sit (quia omnis homo mendax) sed spiritus ipsius sancti suggestionem illam proferimus. Quomodo id autem fiat, ostendit: quoniam ipse spiritus (scilicet Dei, qui fallere nescit) testimoniū reddit spiritui nostro, quòd sumus filii Dei. Id quod nō est absq; asterisco prætereundum. Nimirum quòd idem spiritus, qui testimoniū tulit de missis cœlitus super Christum ascendentem de aquis baptismi, quando clara voce testatus est pater, Hic est filius meus dilectus, idem inquam spiritus, non quidem palā

externa voce, sed tamen interno, occultoque dictamine cōtestatur spiritui nostro, & filios nos esse quoq; Dei per eiusdem Christi baptismi. Veruntamen textus hic non nihil habet ambiguitatis apud Græcos, propterea, quòd illic nō est, testimoniū reddit, sed vnicum compositum verbum, cōtestatur. Quā literam sic quidam ex neotericis vertit, Idem spirit⁹ testatur vnā cum spiritu nostro, quòd sumus filii Dei, ita ut velit, hoc quod est, spiritus cōtestatur spiritui nostro, non idem pollere, quòd Spiritus sanctus dat testimoniū nostro, sed quòd cōtestatur, hoc est, simul cum nostro testatur: sicuti ille mihi cōoperatur, qui mecum operatur: quasi duo sint testimonia, vel vnum duorum cōtestium. At verò profectò procul versio hæc distare videtur à Paulino ingenio: nam cum huiusmodi filiatio supra naturā nobis obtingat, nequit spiritus noster testis eius esse, sed totum testimoniū est ab Spiritu sancto, qui & eiusdem est filiationis author. Quam ob causam Paulus. 1. Corin. 2. vbi illorum meminit bonorum, quæ Deus præparauit diligentibus ipsum, putā quæ neq; oculus vidit, &c. statim subdit, nobis autem reuelauit Deus per spiritum suum. Et ex emplō inferius, Quis enim scit quæ sunt hominis, nisi spiritus hominis, qui in ipso est? Ita, & quæ Dei sunt nemo cognouit nisi spiritus Dei. Spiritus ergo noster fidele testimoniū ferre non potest quòd sumus filii Dei, nisi quatenus illud ei testimoniū Spiritus sanctus fert. Vnde interpret vetus, quò alterum abigeret sensum, non transtulit, cōtestatur, sed, quod citra amphibologiam idem valet, testimoniū reddit. Neq; est cur reprobetur verbū, reddit, in hoc significato, quippè cum & pro eodem accipi latinè soleat, quod est, dare, vel ferre. Porro autem hic vnus est eorum locus, quos suæ opinioni illi obtendunt, qui, etiam inter catholicos in ea sunt opinione, ut existimēt certum fieri quemcunq; iustum suæ cum Deo reconciliationis & gratiæ: atq; ea quidem certitudine, aut ei simili, quæ est fidei catholicæ, putā quæ omnem prorsus dubitationem auferat. Quam quidem opinionē in calce tertii libri nostri de natu. & grat. latissimè expugnauimus, tam contra Lutheranos quàm contra catholicos, qui licet diuersa ratione in eandem tamen conclusionem impingebant, Quam quidem apologiam rursus integrauimus aduersus quendam reuerendum episcopum, vbi prædictam opinionem monstrare curauimus, non solum aduersam decre-

Defensio interpretis.

1. Cor. 2.

Cōtra certitudinem gratia.

to Concilii, verum & esse creditu difficillimā: an verò id presterimus, alii iudices sunt. Hoc inquam paralogismo protegebant sese, Testimonium Spiritus sancti non potest non esse certum, Spiritus sanctus testatur nobis (authore hic Paulo) non esse filios Dei, ergo quemcumque constituit filium, eundem ipsum certum vna facit quod sit in gratia. Argumentum fuit antea Bucerii in colloquio Ratisponenē. ad quod ego securius iusto respondi eodem lib. concedens priorem assumptam: non potest non esse certum: cum tamen tutius cōcederemus: non potest non esse verū. Tametsi de subiunctis extemplo verbis deprehendere quisque poterat mentem nostram. Explicuimus tamen eandem tersius in præfata apologia. Concedimus ergo quod testimonium Spiritus sancti non potest non esse verissimū, attamen inde non protinus consequitur, vt fiat nobis certum certitudine fidei. Ad huiusmodi namq; certitudinem non fatesti testimonium esse Spiritus sancti, sed præterea exigitur, vt certum sit, illud in particulari testimonium ab Spiritu sancto procedere, sicuti certi sumus, scripturæ reuelationem diuinitus eluxisse: vel sicuti beatissima Virgini & apostolorum & aliis quibusdam sanctis per singulare priuilegiū sua est salus reuelata, quos hic exceptos supponimus. At lege communis Spiritus sanctus testimonium non palam exhibet: sicuti fuit illud de Christo super Iordanem, sed internè per coniecturas, quæ nō sunt adeo perspicuæ, quin possit angelus Satanæ, transfigurans se in angelum lucis, per similitudinem apparentiam hominem deludere. Et vt hoc omni proculdubio, manifestum fiat, potissimum argumentum ego mihi sumo ex presenti hoc loco Pauli. Testimonium enim hoc, de quo hic loquitur, est, quod Spiritus sanctus in eis, quos inhabitat, amorem castum semināt, coluemq; allectat, vt non timore, vt antiqui olim serui sub lege Moysi, sed prompto amore filiali pareant, iussuq; Dei spontanei faciāt tanquam filii iam idonei ad hæreditatem adëundam. Quod quidem testimonium perhibere inchoat (vt hic edocet Paul.) cuius iusto, & tamen luce clarior experientia est, illos qui recentiores sunt in gratia Dei, quos incipientes appellant, non protinus timorē deponere illū seruilem, vt supra diximus, qui via illis fuit ad veram charitatem, quoadusq; adeo sit perfecta charitas, vt huiusmodi timorem radicitus conuellat. Ergo Paulus loco præsentis solum habitum, ingenium, virtutem & naturam Spiritus

argumentū
validum.

sancti aperit, quæ est excelsum hunc amorem ingignere, admonendo nos, quanta fuerit erga nos charitas Dei, qui filium donauit nobis cōmeritandoq; quanta illi nostri sit paternæ cura, Huius autem certitudinem & firmitatē ob nostram prauam dispositionem non facit subito, sed tēporis successu, accumulando roborandoq; magis ac magis coniecturas secundum progressum & exercitium in operibus virtutis: ex quibus planè inualefcit quotidie per auxiliū Dei nostra fiducia. Quocirca paulò hic inferius, vbi tractat, quo pacto Spiritus sanctus interpellat pro nobis Deū, statim inducit scrutatorem cordiū, qui discernit quīnam spiritus in nobis loquatur. Hoc tamē fatendum est, quod possunt huiusmodi testimonia Spiritus sancti eousq; in prouectioribus sanctis increbrescere & virefcere, vt certus homo fiat sui status gratiæ, ea probabilitate, certitudine & firmitate, quæ sufficit inter homines humano more metū contrarium propellere, securumq; hominem facere: vt ego sum modò securus Romam extare, licet nō habeam certitudinem fidei diuinę, an postq; ego illam vidi, iam modò non extet. Quamobrem in opusculis nostris citatis hanc certitudinem appellabam coniecturalem, & moralem aut humanā: non, in quā, quod causa illius nō sit De⁹ sed quod modus eius non pertingit ad certitudinem & firmitatem sacre scripturæ, cui subesse non potest falsum, quinimò nescio an vllus vnq; ad tam altam certitudinem, quantā exemplo Romæ explicabam, fuerit subiectus siquidem experientia constat & hereticos sapissimè mendosis, fallacibusq; coniecturis adeo sibi habere persuasum, obsequiū se præstare Deo, quā inter catholicos iustissimū quemq; Talis autē certitudo non prouenit ex obiecti veritate: quā ideo hereticorum certitudinē in lib. de natu. & grat. appellabamus certitudinē, nō ex parte obiecti, sed ex parte subiecti. Similis huic Paulinæ est & sententia illa Ioannis, Tres sunt qui dāt testimoniū in terra, spiritus, aqua & sanguis. Super quo verbo Bernard. sermone. 1. & 2. in octa. Paschæ, testimonia, inquit, gratiæ Dei sunt, aut nullam habere conscientiam peccati post baptismū, aut lacrimarū fonte eorū sordes abluere, mox iugibus poenitentiae fructibus corpus affligere & veluti sanguinolento martyrio prauas affectiōes perimere, ac deniq; in operib⁹ spiritualibus exerceri. Hæc ille. Sed est aliud præterea indicium filiationis huius, auiditas audiendi verbum Dei: nam qui fili⁹ Dei est, verba Dei

Certitudo
gratiæ nostræ.

1. Ioan. 5.

Bernard.

Ioan. 8.

audit,

audit. Hæc autem omnia etiam in hereticis videas. Vnde idem Bernard. ser. 17. super Cantica, orandus inquit est tantum Deus, ut custodiat corda nostra & intelligentias nostras ne forte cum non aderit, adesse putemus, nostrumque pro ipso sequamur sensum, deuiantes. Venit namque & vadit prout vult, & nemo facile scit unde venit, aut quo vadat. At sunt verba hic Chrysostomi, quibus videtur insinuare hoc Spiritus sancti testimonium quod maximam & quam firmissimam certitudinem, putam fidei catholice in generare cuius iusto, quod sit in gratia. Ait namque, quod quando spiritus testatur, nulla relinquitur ambiguitas, uti si homo quispiam vel angelus id fuerit testatus vel pollicitus. Hæc autem & si quæ sunt id genus apud sanctos talia, quæ obiectari nobis solent ab istis assertoribus certitudinis gratiæ, nihil aliud comprobant, quam quod spiritus Dei non est de se fallax, sicut spiritus creature: inde tamen solum colligitur, quod ubi certus ego essem, hunc qui mihi loquitur, esse Spiritum sanctum, certus continuo fierem, verum esse testimonium, id quod non contingeret, si ille qui mihi fert testimonium, esset homo. Sed de his plurima illis, quos memorauimus opusculis.

Si autem filii, & hæredes: hæredes quidem Dei, cohæredes autem Christi. Si tamen cõpatimur, ut conglorificemur.

Diximus iam dudum Apostolum probare sententiam illam, quod spiritus sit viuificator mortalia corpora nostra, si tamen eodem spiritu facta carnis mortificauerimus, hoc syllogismo. Quicumque filii Dei sunt (scilicet usque ad finem) id & vita quoque perfruentur diuina quicumque autem spiritu Dei aguntur, sunt filii Dei: ergo quicumque spiritu Dei aguntur vita fruentur diuina. Posteriolem præmissam hætenus illustrauit, iam modò ad priorẽ reuertitur: hereditas enim Dei est vita æterna: ob idque tantumdem est dicere, si autem filii, ergo hæredes, ac si dixisset, Si filii, ergo vita viuens æterna. Ac deinde, quos spiritus constituet filios, eorum & viuificabit mortalia corpora: quod fuerat antea propositum. Est autem hic perspectu dignum quemadmodum neque vnguem à proposita differentia declinet inter statum antiquæ legis, & statum euangelicum, quod ille erat seruorum, iste autem filiorum. Quinimò hic eam maximè patefacit: nam et si electi illorum, in filios fuissent re-

cepti, erant tamen tanquam paruuli, quibus differre hereditas: nobis autem, nisi per nos steterit, ab hac vita absque mora transitus sit ad æternam: & ideo colligit, si filii & hæredes. Et Et quidem inter homines de adoptitiis neutrum fallit illatio: nam ad hoc adoptantur, ut in bonis succedant, secus autem de legitimis & naturalibus, quorum primogenito obuenit sepe numero hereditas integra. Vnde ut legitur Gene. 25. Abraham soli Isaac hereditatem reliquit, cæteris autem filiis elargitus est quædam munera. Quocirca Paulus vel illationem hanc fundat in eo, quod de filiis adoptitiis sermonem habeat, in quibus constans est illatio vel dignitatem filiorum Dei extollit, quod non primogenitum suum tantum, sed omnes in ius recipiat hereditatis: iuxta illud. 1. Pet. 1. Regenerauit nos in spem viuam in hereditatem. Etenim exiguitas angustiaque temporaliu bonorum, quorum quantum in plures dispertiuntur, minores singulis partes obtingunt, in causa est, ut reliquis filiis nonnunquam abdicatis, hereditas decernatur primogenito: hereditas autem Dei, est Deus ipse, qui bonorum externorum non indiget, sed suas in se vniuersas continet diuitias: vnde in psal. Dominus pars hereditatis meæ: Deus autem infinitum bonum est, qui non per partes communicatur nobis, neque dum communicatur minus ipse habet: sed (veluti sol) ut latissimè beando profunditur, ita est eius gloria cõsummatissima. Vnde aliud quoque patet discernimen, videlicet quod hereditas inter homines non aditur à successore usque ad mortem præcessoris, eo scilicet quod non posset vtrique sufficere: hereditas autem Dei non est defuncti successio, sed consortium Dei viuientis in secula seculorum. Tamen hoc quod inhumana hereditate perfectionis est, nempe ut testamentum morte testatoris confirmetur: & diuina quoque hereditate adnotauit Paulus Hebræ. 9. Testamentum enim, inquit, in mortuis confirmatum est, alioqui nondum valet, dum viuunt qui testatus est. Quare sicut vetus in sanguine hircorum & vitulorum dedicatum est, ita & nouum preciosissimo sanguine Christi per quem aditus ad hereditatem patefactus est, quem sanguis hircorum referare nequiuerat. Attamen non sumus heredes Christi, sed Dei: & ideo subdit (Hæredes quidem Dei: cohæredes autem Christi.) Quoniam Christus, inquam homo, non est pater noster, sed Deus, quem afflante Spiritu sancto appellamus. abba, patrem: Christus autem & caput nostrum est &

Gene. 25.

1. Pet. 1.

Deus hereditas nostra.
Psal. 15.

Aliud discernimen.

Testamentum hereditatis.

Heb. 9.

primogenitus frater, quem constituit hæredem vniuersorum, cuius idcirco & nos coheredes existimus. Est ergo hæc dilutio argumēti, quod quis posset Paulum subnotare, quod contraria dixisset, dum Christum induxerit tanquam datorem vitæ, quæ proprietas patris est, & tamen simul nos nuncupauerit filios Dei. Ait utiq; hæredes nos esse Dei, tanquam patris, coheredes autem Christi, tanquam fratris. Quā obrem supra dixit eum ipsum, qui suscitauit Christum Iesum, viuificaturum corpora nostra. Neq; verò quod supra narrabamus, nempe Christum non esse filium adoptiuum, obstat, quò min⁹ sit frater noster, eò enim quòd filius naturalis est, non est adoptiuus: sed tamen eadem ratione, qua naturalis est, primogenitus quoq; constituitur in multis fratrib⁹ vt ait inferius Paulus. Sed est hæc præterea cōmendatio eximia excellentissimæ charitatis Dei in nos, quam supra cœpimus denarrare. Etenim homo nunquam extraneū in ius filii adoptat nisi ob naturalium legitimorum q̄; inopiam, quasi alterum substituens loco naturalis filii, quo caret: Deus autem cum naturalem haberet eundemq; sibi æqualem, neq; nostro indigeret, vel obsequio, vel honore; accersuit nos in ius bonorum suorum, neq; verò in particulam eorum quampiam, sed in ipsam eandem hæreditatem, quæ filio suo vni genito & naturali debetur. Hæredes ergo Dei summus, quia sua ipsius diuinitate eius faciē conspicientes participabimus, cohæredes autem Chri. Primò quòd dum eadem visione similes futuri sumus Deo: iuxta illud, Cū apparuerit similes ei erimus, consimiles tunc erimus Christo, qui in summo gradu eadem perfruitur. Secundò quantum ad corpus, quòd reformabit corpora corruptionis nostrę figurata corpori claritatis sue, vt eadem immortalitatis gloria cum ipso donemur: iuxta illud inferius verbum, prædestinauit nos conformes fieri imaginis filii eius. Neq; id solū, sed in eundem locum subleuabimur, nam, volo, inquit, pater vt vbi sum ego, illic sit & minister meus. Et eodem nos titulo dignabitur: est enim ipse rex regum & dñus dominantium, atque sacerdos in æternum: sed & nos quoque, secundum verbum Petri, regale sacerdotium per ipsius gratiam. Et Propheta Constitues eos principes, &c. Quinimò vt probè Orige. meditatus est, cum pater omne iudicium dederit filio, idem fermè & filius suis cohæredibus tribuit, vbi ait, sedebitis & vos super duodecim sedes iudicantes duode-

cim tribus Israël: vt non solum in patrem hæreditatis, sed & in consortium eos potestatis ascisceret. Perspiciamus ergo atq; animo reputemus, quo Paulus produxerit extuleritque orationem ab illo proposito themate, Gloriamur in spe glorię filiorum Dei, Quamq; alte & perspectè arcana filiationis hui⁹ deprompserit, cuius per gratiam Christi potimur. Sumus etenim iam à Christo passo per eius pretium sanguinis non serui, sed filii Dei neq; qualescunq; filii, sed hæredes, neq; verò min⁹ hæreditatis q̄ Dei ipsius, cuius Christus est hæres, at verò ne quis nimium secur⁹. socordię se dedat, quasi taliter hæc dona per gratiam obtineamus, vt nullis op⁹ sit nostris laboribus: sicuti supra post gloriam spei filiorum, mentionē fecit gloriæ in tribulationib⁹, ita & modò subdit. (Si tamen compatimur, vt glorificemur.) Quemadmodum autem paulò ante adnotauimus super verbo, si tamen spiritus Dei habitat in vobis, ita & hic anceps est dictio Græca, ἵνα, potest enim assertiue legi seu causaliter, pro eo quod est, siquidem, vel, quādoquidem, vt sit causa superioris sententiæ: videlicet quòd si filii, & hæredes, eò quòd ob hoc compatimur Christo, vt cōglorificemur illi. At verò doctores non solū Latini, vt Ambro. & Aug. Verū & Græci, putā Orige. & Chrys. dubitatiue & ratiocinatiue hoc legūt vt est in traslatione nostra. Et proculdubio lectio hæc fidelius ac purius refert mētem Pauli: qui quidem, constituto fine & scopo gratiæ Dei, viam sternit, qua illuc per eandem gratiā perducamur. Quasi dicat. Hæc ita adipisci possumus per gratiam Dei: si tamē eadem gratia in nobis vacua non sit, sed eius ope compatimur Christo, vt vnā cum illo glorificemur. Vbi & causam quoque reddit, cur nobis vita immortalis corporum diferatur vsq; ad futurum seculum: ea enim est (sicuti supra dicebamus) vt quemadmodum oportuit pati Christum, & sic intrare in gloriam suā, eadē nos incedamus semita: nempe vt cōmortui in baptismo cū illo, crucem ipsius similiter baiulemus eiusq; mortificationē cū Paulo circūferentes, & quę defunt passionū eius ī nostro corpore cōplentes, dem⁹ operā, vt viuatur ipse in nobis Christus, cū quo nos viuam⁹ in æternū. Haud enim dissimiliter ait, ad Tim. Si cōmortui sumus, & conuiuemus: si substinemus, & conregnabimus. Sunt verò quibus translatio, cōpa- Defensio interpretis. timur, nō placet, ex eo quòd hoc potius significet, commisereri: & ideo dicendū censent, simul cū eo patimur, At verò interpretes seruati

Solutio dubii.

Cōmendatio charitatis Dei.

Charitatis diuina cōmendatio.

Cohæredes Christi.

Ioan. 12.

Apoc. 19.

1. Pet. 2.

Psal. 44.

Orig.

Mat. 19.

Cur diferatur nobis vita immortalis.

Col. 1.

2. Tim. 2.

re voluit verbum compositum, vt est græcè, quod profectò, & simul pati significat, quæ si significatū subsequens verbū, cōglorificemur, declarat. Atqui per hæc clarescit, q̄ sit nulla *Lutherani.* Lutheranorū argutia, quā ex hoc loco necūt contra operū merita. Arguunt etenim, quod si nulla sunt merita recōciliatricis gratiæ, per quā cōstituimur filii Dei, minimè vlla sunt vt tē eternæ: nam, si filii, inquit Paul. & hēredes: atq; adeo si gratis filii, gratis & hēredes. Si autē argumentatio hæc firma esset, nunq̄ iunxisset Apostolus, Si tamē cōpatimur. Respōsum ergo à nobis supra est in calce cap. 6. *Aug.* ex verbis Aug. in delib. arb. exponētis illud, Gratia Dei vita eterna. Vbi vsq; adeo non inficiatur, opera nostra esse verè merita vitæ æternæ, vt id ipsum iterū atq; iterum adstruat, sed quia gratia, inquit, per quam habēt vt sint merita, gratis nobis donatur, vita æterna dicitur & est gratia. Quocirca (vt li. de na. & grat. cap. 3. dicebamus) quāuis per adoptionis gratiā hēredes constituamur vitæ æternæ, nō fit continuò consequens, quod si gratiam nulla præcedunt merita, neq; vlla sint merita vitæ æternæ. Nam præterq̄ quod officia iusti à gratia proficiscētia, merita sint auctioris gloriæ, ipsē quoq; dispositiones gratiæ, quæ non sunt ipsius merita, sunt nihilominus merita gloriæ quatenus eadē gratia in eodē instanti tēporis vestiuntur: hoc est, quatenus opera sunt grati hōis. Id quod iā pridē prefati sumus cap. 2. sup verbo, Qui reddet vniciq; iuxta opera sua.

Existimo enim quod non sunt condignæ pāsiones huius temporis ad futuram gloriam, quæ reuelabitur in nobis.

Quoniā viam hanc eundē hēreditati cōmuniuit, si cum Christo vnā patiamur, necui hoc durū & grauē existimaretur, quasi quod magno cōstaret huiusmodi hēreditas, obuiā huic occurrit cogitationi, vt et pāsionū apparentē accerbitatē extenuet exinaniatq; respectu propositi brauii, & simul excellentiā ipsi⁹ gloriæ cōmendet, vt cui afflictiones huius seculi, persecutionesq; ac dirisimæ immanissimæq; mortes, quas martyres olim pro Christo subibant, pares nō sint. Quavtiq; oratiōe animos Romanis & in illis nobis ad tolerantia constantiamq; & perseuerantiā irroborat. Ait ergo, nil mirum si qui hēredes sum⁹ Dei, cohēredes autem Christi, quascunq; perferamus molestias & cruces: siquidem hæc om-

nia indigna sunt, quæ cum futura gloria componantur. (*Existimo enim quod non sunt cōdignæ, etc.*) Alii transferunt, reputo, sed profectò simplex verbum Græcum, λογίζομαι, syncerius transfertur per, existimo, & ad propositum accommodatius. Nam reputare, hoc est, secū cogitare, quiuis potest, etiam infidelis, illud quod non credit: existimare autem maiorem habet energiam: significat enim indubitato sic iudicare & censere. Respuunt quoq; vocē, condignæ, vertuntq; , pares, ne probare videantur scholasticum verbum, condigni meriti. At verò nō est, cur verbum receptissimum, omniumq; Patrū lectione celebratissimum, deferamus. Neq; rursus transferunt, quæ reuelabitur in nobis, sed, quæ reuelabitur in nos, ob id quod græcè accusatiuius est. Attamen solet sæpē atq; sæpius datius Latinus commodissime efferre accusatiuum Græcū: atq; hic præcipuē. Nam lectio illa, Quæ reuelabitur in nos, refertur ad gloriā, quæ Deus ipse est; quæ in nos tunc irradians effundetur. Dum verò legimus, Quæ reuelabitur in nobis, illam significamus gloriam, putā visionem, amorem, honoremq; , letitiā & requiē, quæ in nobis ipsis existet. De qua hic gloria loquit⁹ esse videtur Paul. Quam cū neq; oculus vidit, neq; auris audiuit, hic dicit, tūc fore reuelandā.

Vnde Paul. Vita vestra abscondita est cum Christo in Deo. In hac verò cōpositione, pāsiones huius temporis ad futuram gloriā, vastissimū interuallum depromit inter merita & præmia. Nempē quod pāsiones, tempora rię sint, breuiq; elapsurę: futura verò illa gloria nullo sit tempore emetienda. Porro autē vt in tempore nihil esse grauissimum potest, ita neq; in eternitate potest nō esse optatissimum. Vnde est illud, Id quod in presenti est momentaneum & leue tribulationis nostræ, supra modū in sublimitate eternū gloriæ pōdus operabitur in nobis, Non dixit, actiones aut opera, quæ nos impēdimus Deo, ne significaret aliquo Deū pacto indigere nostrorū operum, sed pāsiones quas pro Deo patimur vbi aliqua emicare videri poterat ratio meriti. Quocirca multo est maioris exaggeratiōis, quod non solum mandata Dei abiq; nostro detrimento facere, verū & angustias, calamitates, cruciatusq; & mortē p illo perpeti, nō æquatur illi glorię. Sed & hoc præterea merendum, quod pāsionibus non opponit requiem, quæ tamen pāsionum terminatiō est iuxta illud, Vt requiescant à laboribus suis, sed, quod amplius est, gloriā, hoc enim splēdo

Existimo.

Condignæ.

Reuelabitur in nobis.

Colo. 3.

2. Cor. 4.

Nō actiones sed pāsiones.

Non requiē sed gloriā.

Apoc. 14.

ris nomen homines ad laborum tolerantiam maximè excitat. Quo nomine & requies cōprehenditur summa. Obuiat hic autem argumentum nonnullum huic Pauli sententiæ. Nam si loqueretur de laboribus eorum, qui sunt extra gratiā Dei, manifestum esset, quomodo illi non sunt condigni futuræ gloriæ: nimirum quod nullius sunt existimationis apud ipsum: cum autem loquatur de afflictionibus iustorum, qui numine inspirati clamāt abba pater, quomodo verum est, non esse cōdignas gloriæ? Quandoquidem veritas est cōstitutissima, quod quatenus à gratia Dei emanant dignæ sunt coronæ iustitiæ. Iuxta illud.

2.Tim.4.

Bonum certamē certavi, &c. In reliquo reposita est mihi corona iustitiæ. Id quod libro. 3. de natura & grat. diffuse aduersus Lutheranostræctauimus. Responso est autem, quod ipsa eadem iustorum opera, etiam martyrum quos hic Paul. denotare videtur, si ratione obiecti perpendantur: vt porrigere indigenti potum aquæ frigidæ, duo erogare minuta, qui nimò & vitam atrocissimæ offerre morti, nullo possunt momento librari cū pondere infinitæ gloriæ: & hæc est doctrina hic Pauli ob idq; ait, pāsiones huius temporis, videlicet quæ bonis nos huius temporis orbant, cum illis æternis nulla proportionē conferuntur. Si autē considerentur, quatenus opera amicorum & filiorum Dei, ipsius operantium fauore, condigna certè eiusdem gloriæ sunt, veluti mercedis ipsis propositæ. Et hoc est, quod discipulum Timotheum docebat. At quamuis licitum sit alterum mentis oculum, iuxta verbum David, ad retributionem conicere selectissima tamē meditatio in rebus afflictis est, Deum ipsum solum tota mente spectare, qui per se quocunq; seruitio & obsequio nostro dignus est ob suam ipsius incomprehensibilem bonitatem: præterq̃ quod tormenta & crucem, quæ pro nobis passus est Christus, nullis nos possumus nostris compensare.

Nam expectatio creaturæ reuelationem filiorum Dei expectat.

Subiungit causam, seu potius indicium inæstimabilis futuræ gloriæ, quam pronunciauit incomparabilem esse laboribus nostris.

Indiciū duplex.

Indicium autem est, quod omnis creatura reuelationem illius gloriæ expectat. Idq; primū patefacit in genere, deinde illic, Non solum, in particulari de dignissimis creaturis. Estq; porro huiusmodi ratiocinatio aptissima. Nam cū natura habitusq; boni ex appetitu rerū quæ

in ipsum feruntur, perpendatur: iuxta illud philosophi in Ethicis, Bonum est quod omnia appetunt, ex propriis pulcherrimè ratiocinatur Paul. gloriā illam, quam expetit vniuersa creatura, supremum esse bonum, atq; adeo bonorū omniū spectatissimū, quibus bonis per pāsiones huius tēporis priuamur, quæ ideo pāsiones non sunt condignæ illius. Quo circa non ait, creatura vellet, quæ sanè conditionalis voluntas, esse vtq; potest impossibilia, neq; solum, vult, aut, appetit, quæ verba rebus quoq; incertis coaptari possunt, sed, expectat, quod firmam certamq; appetitionem designat. Quinimò verbum Græcum, ἀποδοῦναι, non simplicem expectationem, sed vehementer expectat.

Vehementer expectat.

Quam quidē emphasin interpres vetus non protulit, arbitratus fortè satis eam exprimi re duplicatione verborum, expectatio expectat. Nūcupat eam autē, gloriā filiorū Dei, illucrespectans, vbi cap. 5. proposuerat gloriationē in spe filiorū Dei, quā & nuper hæreditatem filiorū appellauerat. Haud veruntamen inter doctores cōuenit, q̃ se hic latè extendat nominationi creaturæ: quinimò Augu. ob hanc ambiguitatem reputat locum hunc difficilem. Orig. verò autumat nomine hic creaturæ, solum rationalem comprehendere, vt quæ capax est illius gloriæ, cuius iam angeli perfruuntur atq; hanc intelligentiam amplexatus est loco citato Aug. inquit, hominem, dici omnem creaturam, eò quod omnis creatura vel spiritalis est, vel corporalis, vel animalis, quæ tria mēbra in homine numerantur, quāuis lib. ad Orosium copiosius hoc edisserat. Et secundū hūc intellectum, creatura coetū hic significat tantum (vt quidam censent) iustorū, qui iam sunt filii, at nondū hæreditatē adepti: iuxta illud. Nunc filii Dei sumus, & nondum apparuit quid erimus. Sunt etenim in hoc seculo iusti in Christo, sicuti palmites in vite hyemali tempore, nempe afflictionibus & calamitatibus attriti & compressi, expectantes (vt habetur ad Tit.) beatā spem & aduentū gloriæ magni Dei. Qui idcirco dū tēpore suo fructus proferet suos, pauori maximo & terrori erūt impiis: qui ideo stupefacti subitatione (vt est in lib. Sapientię) insperatę salutis inclamabūt. Hi sunt quos habuim⁹ aliquādo in derisum? &c. Ecce quomodo computati sunt inter filios Dei. Vel fortè creaturæ appellationi multitudo hic subiicitur humani generis. Nā & ini-

Gloriam filiorum.

Creaturae nominatio.

Aug. lib. 83. quest. 67.

Orig.

Simile filiorum.

2. Ioan. 3.

Tit. 2.

Sap. 5.

Natura boni

qui ob hoc quòd ad imaginē Dei creati sunt eiusdem glorię capaces, naturali inclinatione illuc feruntur, sicuti materię appetitus ad formam. Cui sensui accomodari exemplum *Aug.* potest Augustini loco citato de coloribus pictori subiectis, qui sunt velut expectantes imaginem, in quam efformandi sunt: eadem quippe analogia & vniuersi mortales suapte natura appetunt per gratiā reformari, iidemq; in genere gloriam filiorū concupiscunt, quā ratione appetunt esse beati, quā verē beatitas illic omnino perficitur. At verò Chrys. interpretatio est, quę proximē ad Paulinum institutū accedere videtur: nempe quòd nomine creaturę, rerū vniuersitas veniat: saltem coelū cœliq; ambitu cōtenta: quā vt propter hominē facta sunt, ita & in illa suprema reuelatione filiorum Dei sunt cuncta innouanda. Vnde expectatio ait ille sanctus pater, adstringitur hoc loco insensibili mundo, eò nimirum schemate, quo in scriptura dicuntur fluiui plaudētes, collesq; & montes saltantes. Hęc etenim interpretatio plurimum adfert energię ad explicandam excellentiam glorię quā hic Paulus instituit efferre: nam id quod omnis creatura tā anxie expectatione desiderat, esse nō potest nisi summum bonum, & pręterea cum hic & in subsequētib; continenter Paul. videatur distinguere inter creaturā & filios Dei argumentum est creaturę nomen patere ad omnem in vniuersum. Nō quòd comminisci cogitemus expectationem hanc naturalē designare appetitum creaturę insensibilis, siquidem innouatio illa futura mundi, supernaturalis erit: sed tamen quia per æternam Dei dispositionem innouāndus est mundus, & ab infectione repurgandus, quam ab hominum vitis contraxit, expectari innouationem illam ab vniuerso mundo, haud incongruē dici potest. Fuit veruntamen hinc exortus quorundam error, quos illic refert Augu. colligentium ex hoc loco, quòd & angeli ipsi ingemiscunt, expectantes inortalium resurrectionem, quā si antea non sint in æternam beatitudinem recipiendi: hoc autem nō cogitauit hic Paul. vt qui alibi ait, Cupio dissolui & esse cum Christo. Et alibi. Quod cupiebat perigrinari à corpore vt præsens esset ad Dominum: apertē docens, post hanc peregrinationem absq; temporis intercapedine patere iustis conspectum Dei, nisi aliqua eos purgatio forsan remoretur in igne, atq; adeo angeli non est cur non sint in diuina præsētia. Sed loquitur hic de creatura corporea. Quauis neq; abs re longē

fateri possumus & angelos reuelationem hęc Angelorum expectare: sine gemitu tamen: nam quib; gaudio expectatio. dium est super vno peccatore poenitentiam agente, nil mirum si & desiderium habeant, non quidem ad spei virtutem spectans, quā nulla in eis est, sed ad ardorem charitatis, quā in nos sunt propensi: desiderium, inq; potius di societate totius humani generis, nā de animabus haud dubium est, quin sint expectantes corporibus reuestiri. In dæmonibus verò nulla spes est, ob quam huiusmodi filiorū reuelationem expectent, Nisi per abusum dixeris, sperare expetereq; vltimā iniquorum cōdemnationē, quos deinde cum corporibus discrucient. Sed hic iam sermo extra causam fit.

Vanitati enim creatura subiecta est, non volens, sed propter eum qui subiecit eam in spe.

Optimam assertioni suę cōsignat causam, desiderium enim ex defectu rei nascitur desideratę, vanum autem est, quod caret suo fine ex propriis ergo probat auidā expectationē creaturę, ex eo videlicet, quòd vanitati subiecta est proprioq; caret fine. Vanitas hęc igitur creaturę non est ita prorsus mendacium, *Vanitas creatura.* vt non sint quod apparent, sed est quædam quasi frustratio finis. Etenim cum vniciq; rei natius sit amor sui, cui & subinde congenitus appetitus existendi, hunc tamen finem consequi nulli sublunarium rerum perpetuò contingit. Veruntamē extat in eis quædā perpetuitatis imago, dum vbi vnū corrumpitur indiuiduum, aliud gignitur. Qua ratione fit, vt omnia se mutuò interimant, vt sua ipsorū internitione speciem suam seruent. Atq; hac de causa res haud constanter homini cōferūt quod pollicentur. Est nanq; tibus propter vitam hominis, quam tamen perpetuam efficere nequit: & arbor vt fructus ferat, quę nihil minus fructificando senescit vsq; ad interitum. Id quod & in voluptatibus, diuitiis, & honoribus, quę sunt vel concupiscentia carnis, vel concupiscentia oculorum, vel superbia vitę, compertissimū est: nempe quod non eā pręstent animis requiē, dum possidentur, quā, dum desiderabātur, promittebant. Quā quidem ob causam vanitas hęc, genus quoddam mendacii est. Vnde Dauid, Vbi desiderium harum dilabentium rerum increpat, cōpositē ait, Vt quid diligitis vanitatem & quę *Psalm. 4.* ritis mendacium. Rursus, Quia vana omnia sunt, fit, vt eorū appetitus vanus sit. Atque

Ecclesi. 1.

Dubium opti-
mi soluitur.Vanitas
peccato ortu
babunt.Distingueda
expositio.

hoc fortè subnotauit Salomon illo verbo, Vanitas vanitatum, hoc est, appetitus vanus rerum futillum. At quia non solum singula, sed neq; omnia simul, quæ tandem vniuersa cessabunt, eandem hominis appetentiam complēt adiecit, Et omnia vanitas. Per hæc ergo dilucidatum dubium est, quod quis fortè sciscitaretur, nimirum quòd cum hæc rerum vicisitudo & inconstantia, natura sit rerum sensibilibus, cur vanitas iudicanda sit? Est, inquam, ratio quòd quum res inde vana existimetur, quòd suum non assequitur finem: finis autē omnium sit homo, sit, vt quia eius nō expleat appetitum, vana sint prorsus. Quò sit rursus (quod ad intellectum Pauli plurimū adnotasse refert) quòd si res in sua primæua conditione ante hominis peccatum reputentur, nō censeretur tunc propriè homo vanitati subiectus, tametsi res essent suapte natura corruptibiles, quia per iustitiam originalem & fructū arboris vitæ habuisset non moriendi possibilitatem, essetq; miseriarum omnium expers, ab vniuersisq; malis incolumis. Et præterea, nisi iniquatione humanæ culpæ corruptibilitas naturæ versa nobis fuisset in exitium & perniciem, conditio hominis, creaturæ subiecti, miseranda non esset, nec deploranda: siquidem eiusmodi corruptibilitas necessaria est omnino humanis vñibus, ornatuiq; & decori vniuersi. Si enim aer non esset corruptibilis & dissecabilis, tunc impossibilis esset animalium, tam progressus, quam inspiratio: neq; terra si esset incorruptibilis, culturæ esset proferendisq; fructibus apta: neque lapides cædi, aut sculpi possent, neque dolari ligna, neque animalium cadauera alimento essent nobis. Qua quidem meditatione excurrere quisq; potest latius per alia rerum spacia. At propter peccatum subiectus est homo vanitati. Etenim dum illam subiit sententiam in quacunque hora comederis ex eo, morte morieris, tunc ea quæ naturalia sunt, versa fue-
re mortali homini in detrimentum. Cœpit enim terra tribulis spinetisq; & id genus herbarum nocuentis syluescere, aerq; noxias densare nubes, & excutere nocua fulmina, cœli utiq; nunc caumate, nunc aliis tempestatibus nobis esse inclemētes, animaliaq; in nos sauire, quibus homo ideo in pœnam delicti per sententiam mortis subditus est. His ergo præmiditatis distinguenda, distribuendaque est huius textus expositio secundum diuersas acceptiones nomini, creatura, nuperrimè attributis. Si enim accipiat pro viro iu-

sto, ille porrò vanitati subiectus est, putà huic rerum inconstantissimæ vicissitudini, quæ spē immortalitatis protrahit. Subiectus est autē. (Non volens.) Vel quia mallet dissolui & esse cum Christo: vel quia non ex corde diligit hanc vanitatem, cuius contrarium Dauid de iniquis pronunciat: vel (quod rei magis consonat) quoniam istis molestiis atq; incommodis humanum genus subiectum est, non volens, sed propter Adæ peccatum, in quod filii propria voluntate non consenserunt. Et quāuis ipse consensit in culpam, tamen in eius intentione non erat subiici huiusmodi erumnis & miseriis, sed esse vt Deus sciens bonū & malum. Quo circa culpa quidem, voluntaria illi fuit, sicuti vnaquæq; nostra, nobis, pœna verò inuoluntaria. Putà, vt mulier in dolore pareret, terra germinaret spinas & tribulos, vbi alia mala, quæ, vel ab elementis, vel ab aliis animantibus aut inanimantibus nobis existunt, comprehenduntur. Quòd si creatura pro toto gñre nostro accipiat: iuxta illud, Vniuersa vanitas omnis homo viuens, eadem ferme expositione textus cōtent⁹ est: nisi quòd iniqui peius suæ spōte vanitati perniciosiusq; submittunt, dum propter hæc caduca Deū denegant. Si autem nomen pro vniuersitate rerum corporalium vsurpetur de his quidem manifestum est, quomodo omnia sint vanitati subiecta: etiam cœli, de quibus scriptum est, Opera manuum tuarum sunt cœli, ipsi peribunt, tu autem permanes, & omnes sicut vestimentum veterascent. Cui itidem suo modo vanitati eadem ratione subditæ sunt & intelligentiæ cœlorum motrices. Quod autē creaturæ irrationales, atque insensiles huic subdantur vanitati non volentes per metaphoram audiendum est, & bifariam meditando. Primū respectu naturalis appetitus. Nam vt in rebus corruptibilibus palam liquet, cuiusq; rei corruptio contra suam ipsi⁹ est inclinationem. Cœlum autem nihil non volens patitur: nisi dicas, inferiora hæc præter suam intētionem ab eo corrumpi, ideo quòd per cœlorum intentio non est nisi res progignere. At si ad rem proximè fari percipimus, subiectio hæc non volentium creaturarum ad peccati articulum referenda est, sicuti & de creatura rationali supra dictum est, Enī verò sicuti subditus tunc homo fuit non volens naturalibus rerum cōmotionibus, quando fæscere illi molestiam cœperunt, eadem tunc ratione & omnis creatura subiecta eidem tragicæ vanitati fuit, non volens, quia

Pœna nō est
voluntaria
vt culpa.

Psal. 38.

Psal. 101.

Creatura ir-
ratio. vni-
subie. nō vo-
lens.

quia videlicet nocere hominī prāter suam inclinationem cōepit. Etenim quanuis estus & frigora & reliquæ aëris inclementiæ, herbarumque & animalium qualitates à rerum natura proficiſcantur, tamen quòd hominī officiant & noceant, prāter eorum est institutum, sanè quum sint omnia propter hominem, hoc est, in bonum remq; ipsius effecta. Sed age aliter & hoc meditari tētemus. Non enim solū creatura non volens subdita est huic munerī offendendi hominem plectendiq; in poenā primi peccati, sed huic quoque iniquissimo oneri seruiendi illi ad perpetrādum alia vltro delicta, quæ pestilentissima vanitas est. Seruit nanq; illi lux solis, vt illa videat quæ ipsum turpiter alliciant: seruit & vmbra noctis, vt impudenter eadem perpetret: seruit & cibus & potus ad concitandos prauos affectus: seruiunt deniq; temporaria bona, in bonos vsus illi permilla, ad ambitionem, luxum, dissidia, iurgia, & alia id genus pestifera flagitia & scelera. Quā quidem ratione totus orbis tanquam hominum mancipium ipsorum quoque facinorum quodā modo fit particeps, eorumque vitiis non volens inficitur: à qua quidem contaminatione liberari perpurgariq; ingemiscens optat, quando libertas aduenerit filiorū Dei. Quin

*Angeli subie-
cti vanitati
humana.* verò angeli Dei, quibus peccatum illud displicuit, subiecti etiam sunt quodā pacto nō volētes eidem humanæ tragœdiæ, quatenus destinati nobis sunt custodes, & vt ait Paul. administratorij spiritus in ministerium missi propterea eos qui hæreditatem capiēt salutis:

Heb. I. adeo vt cū bella gerere, insignis sit mortaliū vanitas (meditatio est Orige.) tamen apud Danielem archangelus Michael introducit contra principem regni Persarum dimicans. Igitur nobiscum animo reputemus, qua nos hic confusione suffundat Paul. nēpe quòd nos scelerum nostrorum nō depudeat, quibus non solū nobis exitium cōparamus, verū & totam mundi machinam, gratia nostri fabricatam, coinquinamus ac foedissimè polluimus. Qui ideo mundus in diuino tribunali accusator nostri exurget, vbi su spira, quibus nunc cōtra nos querulus ingemiscit, representabit. Subiecta ergo vanitati omnis creatura est non volens. (*Sed propter eam qui subiecit eam in spe.*) Videlicet propter Deum, qui ita res dispēsaui ac disposuit. At cōsultò nihilo min⁹ arbitror, abstinuisse Apostolū ab his dispositionis verbis dixisseq; subiecit, vt non tam ad primā rerū institutio-

*Optima me-
ditatio.*

*Angeli subie-
cti vanitati
humana.*

*Bona confy-
deratio.*

nē hoc referretur, per quā res orbicularibus lationibus subsidētes mutux corruptioni & permutationi subiectæ fuere, q̄ ad peccati articulum: vbi quēadmodum expositū est, non solū homo verū omnis creatura submissa est huiusmodi vanitati & negotio, quod pręuaricatio Adæ illis exhibuit. Subiecit autem eam, inquit, (*In spe.*) Id quod de viris iustis manifestū est: quoniam afflictiones & pressuræ, quę ab hac illis existunt vanitate, cedūt eis in bonū, nutriuntq; illis confirmantque spem. Si autem ad iniquos id etiam extendamus, & illi quoq; quatenus imaginē Dei gerunt, per quam sunt beatitudinis capaces, sperare possunt reconciliationem per gratiam Dei: licet spes illa non sit apud Deum virtus. Facile etiam potest & ad vniuersam creaturam nomē spei transferri, qua nimirum diuinum propositū Dei significatur, quo disposuit per vltimā orbis conflagrationē mundum ab hoc seruitio liberare, ab istaq; repurgare contagio. Vnde & sequitur.

Quia & ipsa creatura liberabitur à seruitute corruptionis in libertatem gloriæ filiorum Dei.

Declarat vltimum verbum quod dixerat, in spe, & quantum ad, prædestinatos attinet certa nobis fide constat, quòd liberabuntur ab huiusmodi corruptione. Et tūc quòd ait, Quia & ipsa creatura, perinde est, ac si dixisset, non modò selectissimi (vti erant ipsi apostoli) sed omnes iusti liberabuntur. Si verò totum humanum genus comprehendatur nomine creaturæ, reprobi quidem eatenus liberabuntur, quòd immortalia corpora resument: verū non sic liberabuntur, vt libertatem recipiāt gloriæ filiorum Dei. Attamen hic vehementer locus vrget, quòd voce hætenus creaturæ, non solū rationalem designauerit Paul. sed totū, qui renouandus est, mūdum: quia non ait, creaturam ita liberatū iri, vt adeptura sit libertatem glorię filiorū, sed quòd liberabitur in libertatē illorū: hoc est, tunc à mortalitate & corruptione liberabitur, quādo filiorū libertas, quę finis est: ob quam fabricata est tota mundi machina celebriter fiet. Et confirmatur expositio hæc, quoniam si liberatio hæc creaturæ sic esset intelligenda, vt libertate, gloriaq; filiorum sit potitura, tunc non posset nec in superioribus nomē creaturæ vsurpari pro omnibus iustis, neq; pro illis solis: quoniam neq;

omnes qui in hoc seculo iusti sunt, beabuntur, quāvis spe (vt suprà diximus) expectent huiusmodi libertatē, sed illi duntaxat qui in gratia & iustitia decesserint: neq; verò omnes qui hīc aliquando fuerūt iniqui damnabuntur: nam & plurimi resipiscētes obtinebūt eandem gloriam. Soli ergo, cunctiq; prædestinati perfruentur hac gloriæ libertate. Paulus verò absq; discrepantia ait, quòd creatura liberabitur in libertatem filiorum. Vbi ingenio meo hoc diuina hęc philosophia representat, quòd corporeus mundus, quem philosophi propter hominem esse docuerunt, tam et si ob totum humanum genus fuerit conditus, potissimū tamē ob prædestinatos. Nā hominum vniuersitas, si diuinam rationem rimari volumus, illorum penitus causa creata est, quos in consortium suæ beatitudinis Deus suscipiet, quæ finis est mundi. Atq; hūc quidem sensum & subsequētia verba explicatius pandunt.

Scimus enim quòd omnis creatura ingemiscit & parturit vsque adhuc.

Quod enim tē dixerat simpliciter, creatura, nūc explicationis gratia ait, omnis creatura. Et qui de sola rationali verbū hoc interpretantur, dictum putant, omnis, quasi omnium hominum natio, sexus, ætas, & cōditio: omnes vtiq; Iudæi, Græci & Barbari: quia nemo est, iuxta superiorū expositionē, qui non sit beatitudinis capax, quam ideo nemo non appetit, saltē in genere, dum omnis exoptat esse beatus. Atq; hunc quidē appetitum significat verbum, ingemiscit. Et ait, Scimus, tanq̃ Apostolus, qui omnia iudicat. Et, vsque adhuc, id est, non solū sub antiqua lege, quādo neq; iustis dabatur aditus ad regnum, sed & nunc vsq; ad extremū vniuersaleq; iudicium. Attamen si de vniuersa creaturā intelligatur, tunc, ingemiscit, &, parturit, per metaphorā rebus irrationalibus trāsscribitur. Nō quòd suapte natura cessare appetant ab hac vanitate mutabilitatis & corruptionis, quæ illis naturalis est, sed quā ratione suprà diximus, quasi inuitas seruire mortali prauoq; & iniquo generi nostro, & ingemiscere quoq; dici possunt, libertatemq; parturire. At verò litera hæc nimīū variē transfertur. Alij quippe transferunt, congemiscit, & ita modō habent Græci codices: sed tamen (teste Origene) variabant olim, quorum pleriq; habebant,

ingemiscit, alij verò, congemiscit. At verò forsā, cōgemiscit, nihil aliud sonat, quā, ingemiscit, vt, con, idem sit quod, valde, Vel fortē, omnes simul creaturas ingemiscere. Sed & pro, parturit, alij transferunt, dolet, seu, condolet. Sunt veruntamen Græcē, *ὀδυρόω*, & *ὀδύρω*, quā simillima verba, quorum prius significat doleo, posterius verò parturio. Et est verisimile, hoc secundum interpretem legisse. Præter quā quòd nil refert: nam dolere in proposito dolores parturientis significat. Nisi quòd, parturit, significantius exprimit affectum potiundi gloria. Est enim luculentissima emphasis accommodatissimaq; ad exprimendum vehementiam desiderij, quod creaturam angit illius immensæ gloriæ. Siquidem vt acerrimus est dolor parturiētis, ita & maximū puerperæ gaudiū. Quā ideo metaphora & Christus in eodem proposito vsus est, Mulier cū parit tristitia habet, cū autē peperit puerū, iam non meminit pressuræ propter gaudiū. De hac vniuersali liberatione quā hic Paul. gemitu creaturæ, designat, tractat Aug. lib. 20. de ci. Dei, cap. 16. cuius sententiā Theologi secuti aiunt, suprema ignis conflagratione elementa quatuor repurganda, tuncq; orbes cœlorum sistendos, quā ratione generabiliū omnium corruptibiliumq; vicissitudo cessabit. Sed emerferunt iam nunc ex Lutheranis, qui vt nihil non detrectarent scholasticum, ad seue rare pergunt, non solū elementa, verū & mixta hæc corruptibilia innouanda, præter illa quæ imperfecta censentur, vt entoma & alia quæ putredine generantur. Argumentū nullum aliud adferūt, quā quòd hic Paul. citra discrimen ait, creaturam liberandam, quā liberationem omnis creatura suspirās expetit. Sunt tamen isti ridiculi. Nam quòd elementa perpetuò sint permanfura, vt cœlum, manifesta ratio est, quoniam suapte natura sunt secundum se tota perpetua, veluti præcipua membra quibus mundus consistit. De corruptibilibus verò ratio est longē diuersa. De quibus idcirco interrogandi isti statim sunt, an illa quæ iam effluxere, vt animalia bruta, arboresque & mineralia rursus instaurāda sunt: quod profectō affirmare nō possunt: quin risum moueant. Quo enim pacto eodem loco vnde successu temporis plurimæ arbores succreuerunt, repullulare omnes simul possent? Et tamen deberent tunc pari iure vniuersa redire, quæ ab orbe condito corrupta sunt. Sed & vrgendi sunt præterea

Ioan. 16.

August.

Bucerius.

ad quid essent reficienda, cum enim cuncta sunt propter hominē, cui nam tunc fructificarent? imo quomodo id, motu cœlorum cessante, valerent? Si autem illa non sunt reditura, sed illa quæ postrema die reperientur, sunt in æternum conseruanda, quam quæso huius figmenti causam comminisci poterūt? Presertim quod cessantibus cœlestib⁹ rationibus, quibus hæc inferiora nutriuntur & vegetantur, durare illa nequirent nisi perpetuo miraculo. At verò aiunt, hæc nō esse perpendenda philosophicis rationibus, sed iudicio Dei altissimo relinquēda: hoc enim sibi perfugium iam pridē munuere, dum studiū Philosophiæ abiecerunt. Profecto citius negandum illis fuisset, locum hunc de omni creatura intelligendum, quàm in talem improbabilitatem collaberentur. Dicamus ergo quod cum iudicium Dei, qui omnia suauiter disponit, ex rerum fine & congruitate nobis rimari liceat, liberatum iri probè coniciamus omnem creaturam ab hac vicissitudinis corruptionisquæ & generationis vanitate, per hoc quod perpetuæ mundi partes ab huiusmodi negotio in perpetuum requiescent.

Non solum autē illa, sed & nos ipsi primitias spiritus habētes, & ipsi intra nos gemimus adoptionem filiorum Dei, expectātes redemptionem corporis nostri.

Postquā extulit celsitudinem gloriæ per testimonium ab vniuersali desiderio omnis creaturæ accersitū, seu vniuersum genus humanum intelligas, seu orbem vniuersum, argumentum cōfirmatiū repetit, & ex peculiari desiderio per alterum iudicium excelsius effert, excellentissimæ creaturæ inter eas corporeas, quæ merè sunt creaturæ. *Non solum autem illa.* In Græco non est, illa, sed, non solum autem, Sicuti superius cap. 5. Non solum autem, sed & gloriamur. Colligitur verumtamen relatiuum hoc ex præcedentibus & sequentibus, quod & expressu necessariū fuit claritudinis gratia. (*Sed & nos ipsi primitias spiritus habentes.*) Orige. in postremo glossæ membro, cui & Ambro. adhæret, ubi Paul. ait, nos: sub persona Christianorū omnium id dixisse autumat. Quod & Hieronymianum scholium sic interpretatur. Videlicet quod licet Patres sub lege scripta spiritū habuissent, per quem ingemiscerent, expectantes gloriam filiorū, atq; suo modo non-

nulli in lege naturæ, non tamen tam amplā receperunt charismata, neque tantam gratiæ opulentiam, quantam Christiani. De quibus Heb. idem Apostolus, Hi omnes testimonio fidei probati non acceperūt repromissionē, Deo pro nobis melius aliquid prouidente. Vniuersalior tamen doctorum schola personas hic apostolorum peculiariter designari arbitratur, qui & Christianorum fuerunt primitiæ. Sunt etenim primitiæ in frugibus, fructus primi eiusdem speciei cum reliquis, solo tempore & preciositate præstantes: qui idcirco tam de area, quàm de torculari dicati erāt Deo in lege veteri, tanquam datori omnium honorum offerēdi. Vnde Paul. quicquid primi est gratiæ in area spiritali, primitias appellat. Qua ratione & ad Cor. Christum appellauit primitias resurgentiū. Et hic cap. postremo domum Epæneti, primitias Achaïæ. Et Thessalonicensium Ecclesiam, primitias quoq; in sanctificatione spiritus. Et pari ratione inter Christianos apostoli sunt primitiæ, nimirum quos Christus peculiariter elegit, quibusq; arcana fidei primitus reuelauit, vt irēt, & fructū ferrēt. Quæ quidē apostolorū functio prima est in Ecclesia, iuxta illud: Quosdam quidem posuit Deus in Ecclesia, primo apostolos, secundo prophetas, &c. Vnde ab Ecclesia receptū est, post sacratissimam Virginem, primo gratiæ & charitatis gradu, donatos esse diuinit⁹, siue virgines, siue martyres cogites. Neq; obstat, si qui martyrum truculentiores mortes fuerint perpessi, quàm illi: seu iora enim illi parati erāt obire. Præterq; quod prædicationes, itinera, & sudores eximie in illis erant charitatis testimonia. Hoc autem primitiarum nomē, scholiū, quod Hieronymo inscribitur, vsurpat, ad probandū q; in superioribus non fuerit prælocutus Apostolus de creatura alia, q; rationali. Nam putat hunc esse sensum Pauli. Nō solū alia quælibet creatura, quæ Spirit⁹ sancti fructus qualescunq; percepit, sed & nos ipsi, qui primitias eiusdem spiritus habemus. At verò non est adeo solidum argumentum, cōstat enim satis exaggeratio, si dicas, Non solum creatura vniuersa suo quæque gradu & ordine, verum & nos qui non modo Spiritū sanctum, sed eius primitias suscepimus, gemimus. (*Et ipsi intra nos gemimus adoptionem filiorum Dei.*) Nonnulli, dum nō penitus inspicūt phrasim hanc, ingemisco adoptionem, sed quasi incongruam ex eo reputant, quod, ingemisco, verbū est neutrum, figunt sic pun-

Heb. 11.

Primitia.

1. Cor. 15.

1. Cor. 12.

Hiero.

Variat mē.
cta,

Et intra nos gemimus, adoptionem filiorum Dei expectantes, ut quod residuum est, scilicet, redemptionem corporis nostri sit appositio quædã. At verò sicuti Latinum est, maritus ardet, ac deperit uxorem, quam ardentius amat, cuiusque amore deperit, ita hic, gemere adoptionem est, cum gemitu illam inhiare & sitire. Neque Græcè hic est, filiorum Dei, sed tantum, adoptionem, attamen in verbo ipso Græco ambæ voculæ abditæ continentur, ut suprà iam expositum reliquimus. Ait verò, intra nos, hoc est, intimo pectoris suspirio, ad augendam orationis vim: nam spes quæ differtur (ut est in Prouerbiis) affligit animam.

Phil. 1. Vnde, Coarctor enim, inquit, è duobus desiderium habens dissolui & esse cum Christo, multò magis melius: permanere autem in carne necessarium propter vos. Haud enim altius explicare poterat, quid erga illos amoris in animo gereret, quàm quod desiderio suo commigrandi ad Dominum anteferebat ipsorum necessitatem. At non meminit in presentia fortasse de huiusmodi desiderio: ipse enim se explicat de quo loquatur. (*Expectantes redemptionem corporis nostri.*) Ad expositionem namque inclinationis, in qua adoptio filiorum consistit: quæ quidem nòdum in omnimoda possessione posita est, sed in spe, quæ, nonnulla ex parte, usque ad vniuersalem resurrectionem corporis perdurabit. Quasi dicat, Non ita filiorum adoptionem per Spiritum sanctum accepimus, ut hereditatem fuerimus adepti. Quinimo non modò in hoc seculo non illius potimur, verum neque plenissimè statim in futuro. Nam quauis hac præ antiquis fruamur adoptione, quòd quum illi nec secundum animam nec secundum corpus euolare in coelum, nostris tamen animabus illud iam pateat, restat nihilo secius instauratio & reformatio corporum per immortalitatem, quæ complementum est huiusmodi adoptionis facienda in extremo iudicio. Dicitur hic autem redemptio corporis, id quod est, redemptio seu liberatio à mortali corpore: de quo paulò antè, Quis nos liberabit, &c. Vel quod eodem recidit, resumptio immortalis corporis.

Spe enim salui facti sumus.

Apertius iam adoptionis rationem deprobat. Vbi redargutioni occurrit quæ quis illi posset intètare, tali obiectionis præsumptione. Docuisti nos antea Paule, per fidem baptismi spiritum nos adoptionis recepisse,

iusque acquisiuisse certissimum hereditatis, quid ergo subiungis, non modò creaturam aliam, verum & vos, primores inter filios, eandem adoptionem cum gemitu exoptare? Respondet ergo, non modò hæc non repugnare, verum etiam esse germanè consequentia. Est enim fides substantia sperandarum rerum, argumentum non apparentium. Qua de re, ut fides cognitio est rei non visæ, ita & spes, desiderium est rei absentis. Hæc ergo propria ratio est iustificatricis fidei, ut nobis ostendat quid sperare debeamus, atque adeò nos confirmet, ut spe futurorum per charitatem legis opera faciamus. Igitur quo sensu illud suprà enarrauimus cap. 1. Iustus autem ex fide viuit, eodem ait hic, Spe salui facti sumus. Non enim operamur intuitu præmij quo iam fruimur, sed eius quod nos manere credimus in futurum. Quamobrem non sola fide iustificamur, sed accedente spe, quæ sequitur charitas. Nò enim sic seruati sumus à Christo, quòd illicò introducti simus ad hereditatem, sed quòd miseri ab illo sumus in spem hereditatis: nempe ea lege, ut cõpatiamur ad hoc ut cõglorificemur. Hoc enim superius pronuntiatum, & hic iterato dilucidat.

Spes autem quæ videtur nò est spes: nam quod videt quis, quid sperat? Si autem quod non videmus speramus, per patientiam expectamus.

Quoniam spei meminit, eius protinus definitionem supponit. Vtitur autem hic metonymia, quæ plus præ se fert ponderis, dum spem appellat, rem ipsam quæ speratur. Spes enim, inquit, quæ videtur, id est, res ipsa quæ possidetur, non amplius speratur. Ad exprimendum namque quanta sit connexio spei ad fidem, spem diffinit, non tam per rationem propriam, quàm per rationem fidei. Est quippe fides, intellectualis habitus eorum quæ non videntur: spes autem habitus appetitiuus eorum quæ nò possidentur. Igitur cum ait, Spem quæ videtur non esse spem, quia quod videt quis nò amplius sperat, idem pollet, videre quod tenere & possidere. Potest enim athleta sperare brauium, etsi illud ob oculos propositum videat, quia nondum illius est compos. Itaque spes tandiu durat, quandiu euidentis nò est rei assecutio: est siquidem spes in appetitu irascibili, quæ ideo non est nisi rei non solum absentis, verum arduæ obtentuque difficilis.

Fides & spes

Connexio spei cum fide.

In celo non
est spes.

cilis. Quocirca dum res ad euentiam ver-
git, iam spes transit in gaudium: veluti vsu
venit Duci quando victoria iam illi aperte
arridet. Quamobrem in coelo nullus est vir-
tuti spei locus, sed felices illæ animæ per cha-
ritatem optāt, tam beatitudinem nobis, q̄ si-
bi corpora, eò quòd futura hæc in verbo cō-
tuentur, iam non sicut ardua. At verò vt ad
digressum illum redeamus, vbi dicebam, vi-
dere, hîc pro eodem accipi, quod est, possi-
dere, nescio quid mihi nihilo minus suggere-
re videtur hoc verbo Paulus, quod propriū
est spei nostrę Christianæ. De aliis, inquam,
præmiis, quæ non solo visu possidentur, con-
gruentius significātusq̄; diceretur. Spes quę
tenetur non est spes: nam quod tenet quis
seu possidet, quid sperat? At de præmio illo
infinito, quod Deus est, quoniam nō alia ra-
tione & modo, q̄ videndo comprehenditur
& possidetur, appositissimē vsus est verbo,
videndi, pro verbo possidendi. (*Si autem quod
non videmus speramus, per patientiam expectamus.*)
Consuetissimū est Paulo ea quę prius simpli-
citer pronunciat, post exponēdo cōcludere.
Spectat ergo hoc loco, tum ad illam admoni-
tionē, si tamen compatimur, vt conglorifice-
mur, tum ad conclusionem illius, expectatio
creaturæ, &c. Spes enim in nobis, est patien-
tiæ genitrix: ob idq̄; ex præfatis concludit,
quod si ea speram⁹ quæ nō videmus, sed quę
obtētū difficilia sunt, multisq̄; euictis pericu-
lis adeunda, per patientiā expectamus. At nō
vnus simplicis generis patiētiā insinuat hîc
nobis, sed duplicē. Illā videlicet primū quæ
est lōganimitas ad expectandū & quanimiter
bonū illud excelsū, quod cū anxie percu-
pim⁹, diutissimē nobis protrahitur, iuxta il-
lud, Patiētes estote vsq̄; ad aduentū dñi. Nam
cū spes quæ differtur affligit animā, dilatio
illa in genere malorum est, circa quæ patien-
tia versatur. Sed præterea cū gloria hæc filio-
rum Dei, non nisi plurimis superatis pugnis
subactisq̄; hostib⁹ obtineatur, q̄ spe illius p-
petimur per huiusmodi etiā malorū patien-
tiā, hoc est, tolerantia, eandē gloriā expecta-
mus. Quocirca nescio qua ratione quidā co-
gitēt, hanc illationē Pauli infirmare. Quòd si
quis sperat quod nō videt, per patiētiā expe-
ctat, adferētes in contrariū argumētationē ab
strenuo duce, qui nō per patientiā expectat
victoriā, sed per magnanimitatē, qua hostem
impetit. Hoc etenim argumentum infirmissi-
mū est, nam duci & priore patientiæ genere
opus est ad deuorādum tardium temporis &

Patientia du-
plex.

Iaco. 5.

posteriore quoq̄; ad perferendū pōdus & pe-
ricula belli. Et simili modo in vita Christia-
na. Etenim & in Christiana quoque militiā,
quanuis fauorib⁹ & subsidiis Dei in ea mili-
tetur, tamē necessaria etiā est magnanimitas
& fortitudo ad aggredienda obeundāq̄; peri-
cula, arduosq̄; conflictus vsque ad mortem:
nempe vt oues sine pera & sine calceamentis
armatos lupos deterreāt & prosterneāt. Lon-
gē nanq̄; excellentior fortitudo est, eum qui
inermis est, expectare mortem pro Christo
q̄ armatum pugnam capeßere. Quam quidē
magnanimitatem nomine hîc patientiæ pa-
riter complexus est Paulus.

Similiter autem & spiritus ad-
iuuat infirmitatem nostram: nam
quid oremus sicut oportet, nesci-
mus: sed ipse spiritus postulat pro
nobis gemitib⁹ inenarrabilibus.

Sequitur tertia pars præsentis capituli, in *Tertia pars
capituli.*

qua postquā constituit Apostolus, quem-
admodum lex spiritus vitæ ereptura nos est
à lege mortis huius: hoc est, omnino à morta-
litate in futuro seculo; edisserit quo etiā
pacto nobis in præsentī adiumento sit inter
hostes & pericula, quæ nobis per totum vi-
tæ spaciū iminere videmus. Et quoniam
primum omnium nostrorum operum, pri-
musq̄; ad virtutem aggressus debet esse ora-
tio, imploratioque diuini numinis, vnde no-
bis, velle, prouenit & operari (quia neque co-
gitare per nos quicquā possumus Deo grā-
tum) primum quod nobis Spiritus sanctus
suppeditat auxilium, est docere nos orare, ac
subinde ad orandum appellare. Vbi hoc pri-
mū sapienter adnotauit Augus. admonuisse *Augus.*
hîc nos Paulum, quòd non solū merita
nostra non nobis arrogaremus, quæ dona
sunt Dei, verū & ipsam postulationem
auxilij, quæ à nobis videri posset ortum ha-
bere, Spiritui sancto trāscriberem⁹, qui nos,
tum docendo, tum etiā ad orandum exci-
tando, præuenit. Et vide. quā sit Pauli ver-
bis apta & coherens symmetria, quamq̄; ei-
dem spiritui Dei & Christi, qui datus est fi-
liis, omnia filiorū officia adscribit. Primum
quòd sit viuificaturus nostra mortalia cor-
pora, mox quòd in ipso clamamus, abba pa-
ter: deinde quòd testimonium reddit spiritui
nostro quòd sumus filij: nunc demum quòd
ipse qui nobis clamat, pater, postulat in no-
bis pro nobis sedulò apud eundem patrem.

Ad

Ad hæc ergo superiora refertur quod ait (*Similiter.*) Nam sicut alia spiritus facit, ita & *Variat (Adiuuat infirmitatem nostram.)* Græci modò co-
lectio. dices pluratiuè habent, infirmitates nostras, nihil tamen refert. Et est verisimile tempore Origenis in singulari numero habuisse: ita enim ipse legit in commentis, ubi ait, huiusmodi infirmitatē nostram à carne descendere. Nam teste ipso Salvatore, Spiritus quidem promptus est, caro autem infirma. (*Nam quid oremus, sicut oportet, nescimus.*) Ecce primū omnium præsidium Spiritus sancti, nempe mentem ad orandum instruere. Sunt nonnulli nescio quid commentantes in hunc locū, coniungentes scilicet particulam, sicut oportet, cū verbo nescim⁹: hoc modo, Non sicut oportet scimus, id est, non plenè scimus, quid Spiritus sanctus in nobis latenter oret. Ita vt non velit hīc Paulus, secundum istos taxare errorem nostrum, nescientium quid debeamus petere à Deo, sed admonere quòd sæpe Spiritus sanctus intra nos imprecatur multa nobis, quæ nos celat, gemitibus inenarrabilibus seu ineffabilibus: hoc est, nobis absconditis. At licet & hanc forsā occultationē spiritus subnotet hīc Paulus, vt quantotius videbimus, nihilo secius & alterius potissimū nostræ nos admonet ignorantia ac pariter beneficii, quod Spiritui sancto debemus. Et ideo particula, quod oportet, applicanda est ad verbum, oremus, hoc est, nescimus neque quid, neque quomodo nos oporteat orare. Sed fortè arguas contra, Nunquid non legislator noster Christus id planè nos perdocuit sub illo precationum compendio orationis dominicæ? Dubitatio est August. in libello de orando Deo ad Probam, sed tamen solutū facillima. Enimvero licet in genere planū sit, quidnā à Deo postulare debeamus, iuxta formam à Christo nobis præscriptā & quomodo: nam in fide nihil hæsitando (vt Iacōbus nos instituit) in particulari tamen propter nostras, tum ignorantias, tum maxime cupiditates, hallucinamur sæpissimè. Ob idq; vtrunq; membrum insinuat Paulus, inquit, Quid oremus, sicut oportet nescimus. Petimus enim crebrò, vt sanctificetur nomen Dei per aliquod nostrum opus, per quod iudicio nostro putamus illi obsequiū præstare: quod tamen, licet genere suo sit honestum, caret tamen temporis, lociue circumstantia. Nā (vt est in Prouerb.) est via quæ videtur homini iusta, nouissima autē eius deducit ad mortem. Vnde & sanctissimus Pau-

lus (vt cap. i. meminit) obsecrabat frequentius orationibus, si aliquo modo prosperum illi iter contingeret Romam, quod tamen diu illi protractum est, & ideo subiungit, in voluntate Dei, hoc est, si illi placeret. Et licet nobis panem nostrum quotidianum deponere, sed tamen adeò auaritia iudicium corrumpit, vt sæpe necessarium appareat vitæ, quod est impendio superfluens. Vnde sæpe numero diuitiæ (vt est apud Ecclesiasten) in Eccles. 5. malum domini sui conseruantur. Et nonnumquam metu, ne inducamur in tentationem plus nimio efflagitamus ab illa liberari, cum tamen ex re nostra quandoq; fuerit tētionibus superbiam nostrā deprimi. Vnde Paulus tertio deprecatus extinctionem stimuli carnis, exauditus non fuit. Prostremond & aduentum regni in nos optare quoque & petere sanctum est, & tamen filij Zebedæi aura humana attacti, id petentes, repulsi sunt. Vnde August. trac. 73. super Euangelium Ioan. August. & itidem super epist. ubi hæc fusius amplificat, Nonnumquam, inquit, tunc maxime exaudimur, quando quod petimus non adipiscimur: quia licet non audiamur ad nostram voluntatem, exaudimur tamen ad nostram salutem. Igitur quanuis precationes non inficiemur, quæ pro rebus tēporalibus, petentiq; peculiaribus in particulari fiunt, vt quæ eatenus licitæ sunt, quatenus pereas, tum Deum cōfitemur omnium authorem & prospectorem, tum etiam nos illi submittimus, illa flagitantes, quæ adminiculo nobis nonnumquam esse possunt ad suum ipsius cultū: consulti tamē cordatissimus quisq; arbitretur, nihil sibi in particulari efflagitandum, nisi quo nullo valet pacto malè vti: vt cor contritum, deduci in semitam mandatorum, & id genus reliqua, quæ à sanctis legimus exstulari. In reliquis nanq; quorum bonus esse potest & malus vsus, cōsultius forsā est nihil flagitare nisi generali nomine, vt ethnicus etiam Socrates hisce verbis docebat, bona à Deo petamus, hoc est, sub hoc generali nomine. Da quæ nobis bona sunt. Nā quantuncq; flagitationem nostram ita moderemur, si talis fuerit diuina voluntas, tamen semper illuc sese insinuat occultique repens voluntas nostra: auiditasq; illud impetrandi, quod nostra est voluptas. Sed satis fuerit generatim nostras illi proponere necessitates, atque illa quorum nos ipsi nobis videmur egere, citra petitionem patefacere. Infirmitas enim si sapiens fuerit, nūquam à medico

August.

Documentū sa-
luberrimū.

dico, vel aquam, vel aliam quauis medicinam postulat, sed tantum representabit sitim aut dolorem: quid autem fuerit conducent, medicus viderit. Prudentissima illa insinuatio sacratissimæ Virginis in nuptiis exemplo nobis semper fuerit, quæ in intempesta penuria vini, neque pudorem protulit conuiuatoris, neque ullam aliam attulit persuasionem, at vnico breuissimo verbo ait filio, Vinum non habent. Neque adiecit, Prospice illis, vinumque suffice, si tua est voluntas, sed tantum proposita indigentia, iudicio suo & arbitrio prouisionem reliquit. Christum quidem qui in sua petitione errare nequiuerat, condecuit veritatem imbecillitatemque humanæ naturæ sub illa conditione patefacere, Pater si possibile est, &c. nobis autem nihil amplius dicere tutum est, quam fiat voluntas tua sicut in cælo & in terra. Et quæ necessaria sunt & communia, petere, ut panem quotidianum. Etenim ut ad Paulinum institutum præsens reuertamur, admonitos hoc loco Romanos curauit, Christianosque vniuersos periculo subesse, ne dum identidem ea quæ non decent, Deum rogamus, vel annuens in nostra desideria tradat, vel renuens in odium nobis veniat. Præuenit enim illos qui possent cum Paulo de Deo hoc modo conqueri, Si spiritus Christi in nobis est, in quo clamamus, abba pater, cur non nobis impetrat apud patrem hanc liberationem filiorum, quam ingemiscientes affectamus, eruendo nos ab ista mortalitate, vel ab eius molestiis? Respondet, inquam, quia nescimus quid oremus. At pro amicis hæc petere temporalia, ut bonam valetudinem & familia, charitas est. Sicuti quod Ecclesia pro benignitate & fertilitate anni, uti in letaniis, proque aeris temperie oret, sancta est institutio: quoniam est pro bono communi. (Sed ipse spiritus postulat pro nobis gemitibus inenarrabilibus.) Quasi dicat, Illa quæ petentes non obtinemus, nostro spiritu petimus: quæ autem decent, spiritus Dei in nobis postulat, idque creberrimè contra nostram sententiam. Ex hoc loco Arriani & Macedoniani exultates arguebant, Spiritum sanctum esse creaturam: nam postulare non videtur Deo esse congruens. Ignorantia quippe horum schematum scripturæ quam sapissimè hereticos demerant. Profectò si vilius fuisset momenti argumentum hoc, non modò conuinceret, Spiritum sanctum non esse Deum, verum et se miseram creaturam à cælo exulantem:

nam aliàs quomodo ingemisceret? Non ergo Spiritus sanctus in seipso ingemiscit (ut ait August. trac. 6. super Euangelium, & super epistolam Ioan.) sed, in nobis: quia gemere nos facit. Etenim quemadmodum id quod ait Paulus ad Galat. Spiritum sanctum clamare in nobis abba pater, dixit hic suprà expositoriè, in quo clamamus, quasi eum clamare, sit facere nos clamare: ita quod ait, interpellat pro nobis, idem est, quod interpellare nos docet & instigat. Sicuti illum dicimus fecisse res nostras, qui nos consilio, vel re iuuat, vel imperio mouit. Ingemiscit ergo Spiritus sanctus in nobis secundum Augustinum per charitatē, quæ ab ipso in nos effunditur. Ob idque qui prudentia sua aliquid ingemiscens expetit, gemitum corui emittit, qui nunquam in arcem reuersus est: qui verò instinctu Spiritus sancti suspirat, gemitum ædit columbæ, quæ testis fuit, tum baptizati Christi, tum & gratie baptismatis nostri. Quod autem ait, interpellat, potius quàm interpellare facit, conuicio, emphasin esse, qua exprimitur, quod debeamus opera nostra pluris pendere, quòd dona sunt Spiritus sancti, quàm quòd officia sint nostra. Sed & hoc hic obseruandum est, & animo reponendum, quod non ait, interpellat orationibus prolixissimis & artificiosissimis, sed, gemitibus inenarrabilibus, hoc est, ineffabilibus. Quoniam orationis duplex est qualitas. Vna ornate lateque postulata explicare: altera verò identidè cum omni humilitate reuerentiaque eadem efflagitare. Prior superuacanea est apud Deum: atque adeo nobis interdicta, ubi ait Christus, Cum oratis, nolite multum loqui sicut ethnici faciunt, scit enim pater vester quid opus sit vobis, antequam petatis. Est enim duplex peccatum in tali multiloquio. Prius quòd Deum inscitie subnotamus: posterius quòd nostras illic affectiones battologia quadam inculcamus, quæ minus nobis expediunt. Posterior verò orationis conditio commendatissima semper fuit sanctis Dei: nempe frequentissimas orationes subinde integrare, gemitibusque & altis suspiriis illa, tum Ecclesiæ, tum nobis ipsis imprecari, quæ Deus se in nobis in bonum nostrum fore: iuxta illud Luc. Oportet semper orare & non deficere. Et ad Thess. Sine intermissione orate. Et ideo ait, gemitibus inenarrabilibus, id est, grauissimis & ex intimo corde profectis. Vel præterea inenarrabilibus, hoc est, nobis absconditis:

Gal. 4.

August.

Interpellat.

Notandum
verbum.Duplex ora-
tionis pars.

Mat. 6.

Luc. 18.

1. Thess. 5.

Arriani.

ditis: nam sæpe spiritus pro nobis intra nos petit, quod nos nescimus: vt in ecclasi patet. Hinc tamen non fit consequens opinio illa antea impugnata, quod non loquatur hic pariter Paulus de altera ignorantia nostra, nescientium, quid nos orare oporteat, vtrunque enim tangit. Quinimo ex eo quod quid oremus nescimus, fit vt ignoremus, quisnam spiritus, nobis orantibus, in nobis oret.

Qui autem scrutatur corda, scit quid desideret spiritus, quia secundum Deum postulat pro sanctis.

Quoniam dixerat nescire nos quid nobis orantibus expediat, ob idque alia esse nonnunquam quæ voluntas nostra postulat, alia verò quæ pro nobis precatur Spiritus sanctus, subdit, Deum solum iudicem esse, discretoremque horum spirituum, quippe cui soli competit corda renesque scrutari, non, inquam, inuestigando & disquirendo (quod verbum, scrutari, apud nos significat) sed simplici perspectu vniuersa vsque ad primas causas penetrando. Et forsan corda & renes caratione distinxit, qua supra dicebamus, intentionem ex hominis dispositione & affectione progigni: iuxta illud, Qualis vnusquisque est, talis sibi finis videtur. Ideo, inquam, nomine renum, vbi sedes est concupiscentiæ, cunctas hominis affectiones designauit, quæ ad voluntatem attinent: nomine verò cordis intentiones atque proposita inde in intellectum promanantia. Scrutatur ergo corda, quia non solum proposita nostra, sed & radices intuetur: neque radices tantum, verum & effectus & euentus. Prospicit enim qualiter id quod petimus casurum sit nobis: nam licet forsan temporaria bona nunc nobis quando ea expetimus conferrent, in causa tamen fortè essent alicuius futuri incommodi: & viceversa licet ea, quæ spiritus petit, modò non sint ex re nostra, fortasse sunt nobis in posterum collatura. Ex quibus omnibus Deus perpendit, an quod petimus, postulatio sit Spiritus sancti, an verò, seu carnis nostræ, seu Sathanæ suggestio. Quem maximè locum animaduerti opto ab assertoribus certitudinis gratiæ, ne vltèrius de illo suprà memorato testimonio Spiritus sancti hallucinentur, quod exhibet spiritui nostro filiationis nostræ: vnde paralogifantur, certos nos subinde fieri gratiæ certitudine fidei tollentis omnem ambiguitatem. Etenim quemadmodum

nobis non semper certò constat de petitionibus nostris, vtrum dictante Spiritu sancto fiant, an alter sit spiritus, qui fatur in nobis, ita neque certò scimus vtrum in nobis habitet Spiritus sanctus. Qui ergo scrutatur corda, inquit Paulus. (*Scit quid desideret spiritus.*) Scilicet, sanctus. Isti neoterici non transferunt, quid desideret, sed, scit sensum spiritus, quia Græcè, non verbum, sed nomen est, *φρόνιμα*, Abstinent autem interpretes à nomine sensus, tum quia non adeò congruebat in Spiritum sanctum, tum etiam quia per verbum, desideret, quod dictioni quoque, Græcè quadrat, germanius exprimitur orantis affectus. Atqui pari modo dicitur Spiritus sanctus desiderare, vt postulare, eò quod in nobis iusta suscitet desideria, ob idque subdit. (*Quia secundum Deum postulat.*) Spiritus quidem sanctus nihil potest nisi secundum Deum postulare: adiectum hoc verò censetur ad exponendum quod dixerat, scit, nempe vt intelligatur de notitia approbationis. Scit namque Deus & quid nos finistrè desideramus, & quæ nobis Sathan in animum inducit, sed hoc simplici intelligentia: ea verò quæ Spiritus sanctus postulat, agnoscit approbando, eò quod sunt secundum ipsum Deum. (*Pro sanctis.*) Hoc est, pro iustificatis: quoniam Spiritus sanctus non habitat nisi in his qui sunt in gratia: tametsi (vt non multò ante dicebamus) per subsidium speciale suggerit iniquis nonnunquam bona desideria, quæ remotæ sunt dispositiones ad gratiam. Vnde Aug. in epist. ad Sixtū ait super hunc locum, quod vnus idemque spiritus aliter adiuuat nondum inhabitans, aliter inhabitans. Nam nōdum habitans, homines adiuuat vt sint fideles: inhabitans verò adiuuat iam fideles. Et super Ioan. ait, quod peccatores sæpe exaudit. Ex hoc loco Pauli panditur Euāgelij intelligentia, Quicquid petieritis patrem in nomine meo, dabit vobis. Et, Omnis qui petit, accipit, &c. id enim in vniuersum verum est, de eo quod Spiritus sancti inspiratione iusti postulant: idem enim est prorsus, quod petimus nomine Christi, & quod petimus spiritu Christi. Aperitur etiam & intellectus Iacobi, vbi nos admonet, vt petamus confidenter, nihil in spe hæsitantes: haud enim hæsitare: data hypothesi, fas est. Hoc est, credere firmiter obligamur, quod si id, quod petimus, necessarium nobis fuerit ad salutem, id est, si Spiritus sanctus hoc postulet, obtinebimus. At verò quatenus hæsitamus, an peti-

Defensio interpretis.

August.

Quicquid petieritis &c.

Petere confider.

Corda & renes.

Ethic. 3.

Cōtra assertores certitudinis gratiæ.

Dubitatio.

tio nostra, postulatio sit Spiritus sancti, & he-
sitare quoque licet, an simus petitionem ade-
pturi. ¶ Meritissimo hic tamen, attentissi-
mus quisque lector habebit. Offert se enim
exemplo argumentum, quod non quic-
quid Deus nouerit nobis ad salutem con-
ferre, præstiturus sit semper. Petit enim sæ-
pe peccator resipiscantiam, quam non obti-
net: quinimo & ille qui est in gratia preca-
tur & eandem conuersionem alteri, qui est
in peccato, quam tamen non impetrat: & si-
bi aliquando cum sit pauper & priuatus ho-
mo exposcere contingit facultates, dignita-
tesq; amplissimas, quæ forsan illi essent vsui
ad culturam virtutum, conferrentq; illi po-
tius quam paupertas, ad salutem: cui tamen
petitioni non est necesse vt Deus annuat, a-
liās non tam infames essent cupiditates istæ
temporalium bonorū. In summa petit non-
nunquam iustus æquissimè protegi à malo
& perseverare in bono, & optat sibi à Deo
offerri locum, vbi martyrio possit amici-
tiam ipsius augere, quas tamen res non sem-
per vnus quilibet iustus assequitur. Hic ad
respondendum considerandæ illæ sunt con-
ditiones quatuor, quas Theologi in postu-
lationibus requirunt, vt sit infallibiliter im-
plenda, scilicet, vt quis, & pro se ipso petat,
& necessaria ad salutē, & piē, & perseveran-
ter. Quod est dicere, vt homo quicquid pe-
tat, necessariò, hoc est, infallibiliter assequa-
tur, debet illud ad iusticiam & meritum con-
digni pertinere: hoc enim importat, neces-
sariò, nulla est autem nostra iusticia, nisi quæ
misericordia innititur, & præueniente gra-
tia Dei. Quapropter prima gratia, vt non
cadit sub merito, ita neq; necessariò confer-
tur peccatori petenti, neque verò iustis pro
peccatore eam deprecantibus: quoniam nec
peccator sibi vllò pacto, neque iustus alteri
meretur de condigno gratiam: licet crebrò
vterq; audiat. Ob idq; cogitato Paul. pro
illis orare ait Spiritum sanctum, in quibus
inhabitat, tanquam in filis Dei, atque has
petitiones exaudiri à Deo. Præterea vbi pe-
titio, peccatum est, vt cum quis suprà suam
dignitatem & meritum quid petit, emanare
non potest ab Spiritu sancto, qui tētator
malorum non est: & ideo neque piē fit.
Sed neque vbi postulatio temporalium ci-
tra culpam fit, etiam si id quod petitur in
salutem animæ casurum esset, inde sequi-
tur, vt semper sit nobis impetrandum: quo-
niam diuina potestas nullis alligatur me-

*Quatuor cō-
ditiones pe-
titionis.*

diis bonorum temporalium, sed potest pau-
perem ad maiorem gradum iustitiæ per pau-
periem euehere, quàm per diuitias, & in-
firmum ad altiore, quàm per sanitatem,
nisi eius sit culpa. Et eam ob rem licet bo-
na temporalia instrumenta sint nonnunquā
virtutum, attamen quia malè illis vti possu-
mus, non sunt necessaria media ad salutem.
Ideoq; non ait Euangelistā, *Quærite per tem-* *Mat. 6.*
poralia bona regnū Dei; sed, *Quærite pri-*
mū regnum Dei, & hæc omnia adiicientur
vobis. De perseverantia autem eadem est ra-
tio, quæ de prima gratia. Enimuero cum ex
iugi motione Dei inclinantis nos ad bonum
pēdula sit semper, quæ motio initium est totius
meriti, nō cadit sub merito: vt in lib. de bono
perseuerantiæ author est Aug. At cū quis ma-
gnam gratiæ culmē deposcit, quia augmen-
tum gratiæ sibi iustus mereri potest de con-
digno, absq; dubio obtinebit, si perseverāter
petat. Sed est tamē notandum, quod quāuis
oratio & petitio quæ ab Spiritu sancto proce-
dit, meritoria sit, non tamē semper tanti præ-
mij quantū petitur, nisi alia adhibeātur egre-
gia officia. Ob idq; qui prouehi cupit ad glo-
riam Laurentij, si non martyrem esse datur,
plurima diuturnaq; opera per Dei gratiam
præstet, quæ equari possint illius martyrio:
quod est perseveranter petere. At plus iusto
iam sumus in materiam orationis immerfi.

Scimus autem, quoniam dili-
gētibus Deum omnia cooperan-
tur in bonum.

Post explicationē fauoris Spiritus sancti,
quo nobis in nostris dirigendis petitionib;
præsto est, secundū subrexit munus, quod in
hoc versatur, vt euentus quoq; omnium ope-
rum iustis, qui prædestinati sunt, bene vertat.
Est autē appositissima sententia hæc ad supe-
riora. Etenim cum docuisset, salutē eam nos
per Christum assequutos, quæ nōdum in re,
sed in spe posita est, nobisq; plurima opus es-
se patiētia in hac nostra mortalitate, per quā
ad futurā immortalemq; vitā perducamur,
neq; verò iustos in suis afflictis rebus semper
exaudiri, sed permitti vt calamitatibus pre-
mantur, congruentissimam iam nunc conso-
lationem supponit, atq; adeò explicatoriam
huius quod postremo dixerat: videlicet, Spi-
ritum sanctum secundū Deum orare pro san-
ctis. Obiicere enim quis poterat, quomodo
si Spiritum sanctū Deus nunq; non exaudit.

Q permit-

permittit eius alumnos tot perpeti incommoda. Respondet. (*Quoniam diligentibus Deum omnia cooperantur in bonum.*) Ad cuius maiorem confirmationem præmit, scimus, hoc est spirituales (vt ait alibi) qui iudicant omnia, & altissimas causas diuini cõsiliij speculatur, sciunt, hæc, quæ videntur mala, in bonum suum cedere dilectoribus Dei. In Græco idem verbum, *οὐκ ἔστιν*, feruere potest & plurali numero, vt omnia, sit nominatiuus. quemadmodum legit interpres noster, & singulari, vt, omnia, sit accusandi casus. Atqui nonnulli eorū quibus posterior hæc lectio placet, verbo, cooperatur, supponi volunt Spiritum sanctum, vt sit sensus, quod Spiritus sanctus iustis omnia cooperatur in bonum. At verò hic sensus nullo pacto consistit, sed hac admissa litera, vt, cooperatur, sit singulare subintelligendus est Deus, de quo præmiserat, secundum Deum, & de quo statim in causa subditur, Nam, quos præsciuit & prædestinauit conformes fieri imaginis filij sui. Et secundum hanc lectionem non ait, operatur, sed, cooperatur, quoniam iusti iam facti simul operantur per gratiam Dei. Est veruntamen plusquam probabile, vt verbum vsurpetur pluraliue, pro, cooperatur, siquidem Patres omnes non modò Latini, verum & Græci, vt Orige. Chry. & Theophyl. legunt cum interprete nostro. Vnde, cooperantur, idem est, quod omnia simul adiumento sunt iustis, vt promoueantur in bonum, siue prospera sint & læta, siue tristia & aduersa. Quocirca non dixit, Nulla eis tēporaria calamitas ingruit, sed, omnia illis cooperatur in bonum, vt potest quibus diuitiæ, instrumenta sunt misericordię: paupertas, humilitatis causa: bona valetudo, vires illis ministrat ad ferendos penitentię fructus: aduersa verò, materiam patientiæ. Sapientia, dum docent, promerentur Deum: ignorantia, dum discunt. In potestate constituti, felices sunt, quoniam iustitiam faciunt: & tyrannide oppressi, beati quoq; quoniam persecutionem patiuntur propter iustitiam. Infernus salutarem illis metum incutit, paradisi spem gignit. Peccata aliena cautiore illos faciunt: & propria, humiliore. Vnde Aug. in lib. de corrept. & gra. Adeò, inquit, iustis omnia cooperatur in bonum, vt etiam si qui eorum deuiant & exorbitant, etiam hoc ipsum eis faciat proficere in bonum: quia humiliores redeunt atq; doctiores. Vbi hoc obiter adnotandum est, qd non ita semper peccatum illis cedit in bonum, vt ad cõsummatio-

rem, vel certè parem gradū iustitiæ resurgat: sed ad hoc tamen, vt abiectiores sint in sua conscientia, & oculatius viuant, vt perseuerent. Vnde in Ecclesiastico scriptum est, Melior est iniquitas viri (hoc est, strenui militis Christi) quàm mulier (hoc est segnis homo & deses) benefaciens. Nam ille resurgit prudentior, vt Petrus, Dauid, & Ezechias: hunc verò bona sæpe actio securū reddit, ob idq; negligentior. Sed & hoc dignum est hęc contemplatione, quod cum sint ambo inuicē consequētia, diligi scilicet à Deo, ipsumq; diligere, & amor quo nos ipse diligit prima sit causa, cur omnia iusto cooperentur in bonum, haud tamen dixit, dilectis à Deo, sed, diligentibus Deum. Nempe vt vehementius nos ad amorem Dei pelliceret, qui amor instrumentum, causaque est, per quam Deus operatur in nobis. Etenim vt calor naturalis in eo qui optima viget cõplexione, quicquid alimenti apponas, rectè concoquit in bonumq; digerit sanguinem, ita & qui amore Dei feruet, quicquid accidit bene vertit, meritumq; inde conficit.

Ecclesi. 42.

His qui secundum propositū vocati sunt sancti.

Moderatio est superioris sententię. Enimvero ne quis ita eam audiret, vt crederet iustis vniuersis omnia succurrere in bonum, definitionem adhibet iustorum, de quibus loquitur. Quasi dicat, Non omnes iustos intelligas, sed eos omnino qui secundum propositum vocati sunt sancti. Græca modò exemplaria non habent, sancti, sed, His qui vocati sunt, neq; doctores Græci id legunt. Aug. verò legit, sancti. Nihil veruntamen sententię deperit vel accrescit per illam particulam. Et est phrasis Paulina: vt. i. cap. adnotauimus, vocatis sanctis, Tametsi hęc redundare videatur, nisi intelligas, Vocati ad sanctitatem. Quod verò ait, secundū propositum, Chry. interpretatur de proposito nostro: ac si dixerit Paul. Non sat est ad salutē vocatio Dei, nisi & nostrum accesserit propositum, puta, assensus. Neq; verò est, cur malè de hoc audiat Diuus hic, quem tamen nonnulli ex Lutheranis calumniantur: quasi videatur in Pelagianos propendere. Haud enim cogitauit proposito nostro quicquam meriti arrogare, quod sit causa vel prædestinationis, vel reconciliationis, sed hoc tantum, quod nemine Deus inuitū trahat, ob idq; subdit, Neq; enim necessitate coacta, neq; violenter facta est

Variatio lectionis.

Chrysost.

Lutherani.

Variatio lectionis.

Decoreptio ne. cap. 9.

Peccatum cedit in bonū.

est vocatio. Hoc ille. Quod profectò de a-
dultorum vocatione verissimum est: nam in
infantibus nullus est volùtatis vsus. At verò
secundum hoc Chrysostomi interpretamen-
tum nullos hìc Paul. intenderet accipere ius-
tos: quoniam omnibus adultæ ætatis, quan-
uis sint ex numero reproborum, necessariū
est vocationi Dei assentire. Paulus autem
exceptionem videtur aliquorum facere, qui
non sunt vocati secundum propositum. Ob
idq; indubitato loquitur de proposito Dei.
Id quod Orige. sic interpretatur, vt illi iusti
qui sunt in timore serui, non sint vocati se-
cundum propositum, scilicet charitatis, sed
illi in quibus perfecta charitas foras mittit ti-
morem. Attamen syncerus legitimusq; intel-
lectus Pauli est, quem Augustinus in lib. de
correp. & gra. & in alio de prædestin. sancto-
rum exponit. Est enim duplex vocatio Dei.
Vna generalis secundum præsentem cuiusq;
iustitiã, qua scilicet vocati omnes sunt quot-
quot gratiam receperint, vt Iudam comple-
ctaris, & illi similes. Altera est singularis præ-
destinatorū: atq; hi vocantur secundum pro-
positū Dei: nimirum quòd firmum fixumq;
illi est perducendi eos ad gloriã. Quod qui-
dem propositum illic appellatione voluntatis,
expressit redemptor noster, vbi ait, Hæc
est volùtas eius qui misit me, patris, vt omne
quod dedit mihi, non perdã ex eo quicq;, sed
resuscitem illud (scilicet ad gloriã) in nouis-
simo die. Et post, Quos dedisti mihi nō per-
didi ex eis quēq;. Atque hos ideo vocat ve-
rè discipulos, vbi ait, Si māsēritis in sermone
meo (nimirū vsque ad finem) verè discipuli
mei estis: Eademq; ratione de alio vocatorū
genere, putà à gratia recidentium ait Ioan.
Ex nobis prodierunt, sed non erant ex no-
bis: nam si fuissent ex nobis, permansissent
vtiq; nobiscum: omnes itaq; dicuntur simpli-
citer vocati, sed soli prædestinati, secundum
propositum vocati & electi: iuxta illud, Mul-
ti sunt vocati, pauci verò electi. De quib⁹ ele-
ctis ac prædestinatis tractatū hìc exorditur
Paul. quem protēsurus est per tria amodo ca-
pitula. Quibus igitur propriè cōpetit verbū
Pauli, Diligētibus Deū omnia cooperantur
in bonū. Et viceversa ait Chrys. illis qui non
diligunt Deum omnia damnosa esse, veluti
Iudæis: quorum culpam tam & signorum
ostensio per Christū, quàm eius sancta prædi-
catio degrauauit. Et Iudæ ac reliquis dam-
natis, qui in aliquo fuerūt gratiæ culmine, ex
hoc ipso beneficio accessio fit damnationis.

Procul hinc veruntamen illorum absit hære-
sis, quos Gilibertus commemorat sub Hono-
rio exortos, docētes, prædestinatis nihil posse
accidere spiritualis mali, neq; reprobis quic-
quam boni. Ecquis enim dubitet complures
prædestinatorum in peccato iacere nonnun-
quam? Vt in Paulo & Petro, Dauid & Mag-
dalena videre est: aut quis eò sit vsq; blasphemus,
vt neget peccatum, quamdiu durat, no-
xium esse peccatori? Et pari modo cum re-
probis sæpenumero vsu veniat in gratia de-
gere, quæ nulli tunc potest non esse utilis, fit
vt & reprobis aliquid etiã pro tempore pos-
sit operari in bonum. Quod ergo ex hoc lo-
co Pauli colligere licet, quantum ad gratiam
res attinet & peccata, hoc est dūtaxat, quòd
prædestinatis, cum sunt in gratia, tūc illa pec-
cata in quibus iacuerunt, possunt per fru-
ctus pœnitentiæ in bonum cedere, & repro-
bis contrā suscepta beneficia in supplicia gra-
uiora, dum damnantur.

Nam quos præsciuit, & præde-
stinavit conformes fieri imaginis
filii sui, vt sit ipse primogenitus in
multis fratribus.

Exponit id quod postremò dixit, His qui
secundum propositum vocati sunt, ac perin-
de probat, huiusmodi vocatis omnia concur-
rere in bonum, tali syllogismo. Quos Deus
ad suam gloriã destinavit, ad quam eos
ipse idcirco gubernādo promouet, his nihil
mali accidere potest, quod progressum eorū
impediat, sed omnia per diuinum fauorem
ad eundem finem adiūmēto illis erunt:
Deus autem quosdam secundum propositū
prædestinavit & vocauit ad suam gloriã, er-
go illis nihil accidere potest detrimēti, quod
non in idē bonum cooperetur. At suo more
primò probat minorem, & potissimū quia
maior assumpta per se est manifesta: quā ni-
hilo minus dilatat locupletatq; in .4. par. ca-
pituli: ab illo scilicet loco, Quid ergo dice-
mus? Ait ergo. (Quos præsciuit, & prædestinavit
conformes fieri, etc.) Iam inde à quadragin-
ta retro annis adeò recruduit apud istos neo-
tericos inuidia huius vocis, prædestinatio, inuisum.
vt non modò primo capite, vbi de Christo
fit sermo, pro, prædestinatus, declaratus,
substituant (vt illic notabamus) verū & hìc
in toto sermone, de nostra prædestinatione,
ab eodē verbo abhorreant. Sed aiunt, præfina-
uit, seu, prædefiniuit, id quod & scholasti-

ci iam gratis, & nimium istis nouatoribus defec-
rentes, suscipiunt. Cum non solum Aug. ubique;
verum & Origenis aliorumque; Grecorum ve-
tusti interpretes verbo predestinationis utan-
tur. Per quod cum significatio verbi, *προορισμός*,
fidelissimè redditur, tum etiam & res ipsa di-
uinae aeternaeque dispositionis significatius ex-
primitur. Est autem predestinatio (ut in lib.
eiusdem tituli author est Aug.) gratiae prepa-
ratio. Hoc autem verbum nonnulli intelli-
gunt de preparatione temporali, qua quis per
auxilium Dei disponitur ad gratiam. Atque hac
ratione discernunt hic inter, praesciuit, & pre-
destinavit. Nimirum quos ab aeterno praesci-
uit, in tempore predestinavit. Est autem fini-
stra haec intelligentia. Quandoquidem pre-
destinatio, aeterna quaedam praedeterminatio &
dispensatio diuina est de rebus futuris: quod
iam verbum, sacrorum eloquiorum more &
usu accipitur pro illa Dei ab aeterno desti-
natione, qua quosdam in supremum finem
suae beatitudinis destinavit: iuxta illud Pauli,
Sicut elegit nos in Christo ante mundi con-
stitutionem, ut essemus sancti: qui prede-
stinavit nos in adoptionem filiorum. Et al-
ludens ad propositum hic proximè memo-
ratum, subdit, Secundum propositum volun-
tatis suae, in laudem gloriae gratiae suae. Et
vero supposito, utramque; aeternam esse in Deo,
tam predestinationem, quam praescientiam,
sunt qui adstruant, praescientiam bonorum ope-
rum quae in aeternitate Dei praesentia sunt, cau-
sam illi fuisse predestinationis eorum. Non
quidem causam actus quoad eius substantiam,
quippe qui Deus ipse est, sed quoad effectum:
in hoc sensu, quod propter praevisa opera
predestinati sint. Atque hoc probant ex hoc
verborum ordine: nam sicut ait statim, Quos
predestinavit hos & vocavit (ubi praecedens
predestinatio designatur causa vocationis)
ita ait, Quos praesciuit, & predestinavit. Vbi
vocula, &, secundum istos non fert imaginem
simplicis coniunctionis, sed causalis: ac si di-
cas, eos & predestinavit: alias manca esset
oratio, Quod si istis opponas, quod non di-
xerit Paul. Quos praesciuit bonos, neu, Quo-
rum opera praesciuit bona, sed simpliciter,
Quos praesciuit fore, scilicet homines, ubi nul-
la designatur praevio bonorum operum, re-
spondent particulam, conformes fieri, &c.
utriusque verbo adiacere in hoc sensu, Quos
praesciuit conformes fieri imaginis filii eius,
eosdem ad eiusdem gloriam predestinavit.
Et reuera si tantum de supremo scopo & ef-

fectu predestinationis sic opinarentur, atque;
id de his qui usque; ad rationis usum adoleverunt,
nihil à veritate deviarè, in hoc videlicet sen-
su, quod statuit Deus propter opera quae ex
gratia Dei procedunt, elargiri gloriam: ut
cap. 2. super verbo, Qui reddet unicuique iux-
ta opera sua, disputabamus: parvulis autem
propter solum Christi meritum. Sed tamen
quia predestinatio non tantum gloriam, sed
omne beneficium denotat, complectiturque,
quod ad nostram salutem refertur: scilicet &
gratiam & quemvis libertatis motum per sin-
gularè Dei opem factum, fit, ut dicere quen-
quam propter praevisa opera predestinatum,
est manifestariè subscribere in Pelagionorum
errorè. Etenim (ut cap. 1. subnotabam, & no-
no iam proximo emunctius discutiam) cum
Deus ab aeterno eo modo statuit reconcilia-
re nos per gratiam, quo modo id in tempore fa-
cturus erat (blasphema enim haeresis esset
hoc negare) consequens palam fit, ut si Pe-
lagianum est sentire, quod gratia iustificans
datur propter opera, idem sit prorsus error
dicere, quod quis predestinetur propter praev-
isa opera: vel quia praevius est bene usus
gratia: nam id quod effectus est gratiae, ma-
gis repugnat esse causam predestinationis,
quae causa est gratiae, quam esse causam eius-
dem praecedentis gratiae. Sed de hoc super
loco de Iacob & Esau cap. subsequenti plura.
Igitur praevio meritum non est predesti-
nationis causa. Quamobrem, praesciuit, imprae-
sentiarum non dicit causam predestinatio-
nis, sed solum ordinem. Atque; ob hoc existi-
mant nonnulli subticuisse hic Paulum pronomen,
hoc, quod in subsequentibus membris
profert. Hoc autem non plane intelligo: imo
arbitror subintelligendum esse idem pronomen:
alias (ut dicebam) trunca esset oratio.
Communis ergo vulgataque; expositio est, ut
praescientia Dei accipiat hic pro simplici
cognitione rerum, quae neque; asserit neque; ne-
gat, eas fore: atque adeo neque; dicit voluntatem
Dei, neque; causam rerum: estque; communis
bonorum & malorum, quae scilicet Deus tam
bona, quam mala opera praevidet. Haec nan-
que praescientia natura praecedit predestina-
tionem, quae voluntatem includit destinan-
tem res ad suos fines. Itaque; sensus est, Quos
praenovit simplici intelligentia, hos & adiun-
cta voluntate predestinavit. Atqui ex hoc
communis sensu novum extruitur argumen-
tum contra illam modò impugnata opinionem,
quod praevio meritum sit causa predesti-

Ephe. 1.

An praesci. fuer.
causa predest.

Praesciuit.

Expositio
vulgata.

destinationis: nam scire Deum quosdam conformes fieri imaginis filij sui, hoc natura non antecedit, sed subsequitur prædestinationem: quandoquidem hæc iam est scientia futurorum rerum & euentuum præsupponentium voluntatem Dei, quæ est eorum causa. At verò argumentum existit hoc contra hanc communem opinionem, quòd Paul. videtur adæquare prædestinationem præscientiæ: nempe quòd eosdē omnes quos præsciuit Deus, prædestinauit: cum tamen scientia simplicis intelligentiæ latior lōge sit, vt quæ ad reprobos quoque (vt modò dicebamus) protendatur: imò verò vsus iam scholaris obtinuit, vt nomen præscientiæ ad reprobos peculiariter accommodetur, nempe quos vocant præscitos: vt distinguitur contra scientiam approbationis. Quamobrem alij (quorū est Orig.) nomine hīc præscientiæ, scientiā approbationis intelligunt, veleius saltem euentus, quòd est, conformes fieri imaginis Christi: iuxta illud, Nouit dominus qui sunt eius. Et Christus ipse pastor noster, Ego cognosco oues meas. Et de reprobis contra, Amen dico vobis, nūquam noui vos. Veruntamen si de hac præscientia fatur hīc Paul. necesse est dicere (vt modò arguebamus) quòd intelligat posterius natura fuisse præscitos, quàm prædestinatos: vt quos prædestinauit cōformes fieri, &c. eosdē sciuit fore cōformes filio suo, quoniam talis scientia prædestinationem supponit, per quam destinantur, vt sint conformes. Atq; hīc quidem sensus per placet nonnullis ex nostris. Sed tamen profectò durum esset, intelligentiam hanc obtrudere apostolicæ mēti: qui meditatō ordine præmisit, præsciuit. Dicam ergo quod in nostris prælectionibus scholasticis de hac re olim speculabar. Credo, equidem Deum neminem prædestinasse, neq; de rebus quicquā disposuisse, nisi præuio iudicio: puta quòd bonū id sit fieri: non quòd discursu opus Deo sit, sed quòd nihil de rebus statuatur, nisi consultò id bonum censeat. Equis enim hanc præclarissimā inter homines partem prudentiæ Deo adimat, qui fons est totius sapientiæ, quiq; in numero, pondere & mensura condidit vniuersa? Quapropter non solum simplici intelligentia præscit quos prædestinat, sed bonū prius natura iudicat, eos prædestinare. Sic igitur hunc locum subaudiamus, Quos præsciuit, hoc est, quos bonum iuxta suam regulam iudicauit beare, hos prædestinauit conformes fieri imaginis filij eius. At verò est in prom-

ptu obuium argumentum: nimirum quòd bonum esse hos beare, præsupponit voluntatem Dei, per quam est, quicquid est, bonum: ergo prius natura est, hos prædestinari ad beatitudinem, quàm bonum sit in mente diuina eos beare. Est veruntamen solutio facilis iis qui percipiunt, quomodo vnum sit causa alterius, & conuersim, in diuersis generibus causarum. In genere enim causæ efficiētis prius natura est prædestinatio, quàm quòd verum sit, hos fore beandos. Sed tamē in genere obiecti & quasi causæ finalis prius natura bonum iudicatur à Deo hos beare, q̄ eosdē ad beatitudinem destinet. Ecce quo pacto defensare vtrunq; possumus, & quòd de præscientia tantum prædestinatorum habeatur hīc sermo, & tamen non concedamus præuisa bona opera in causa fuisse prædestinationis. Si quæ autem verba apud sanctos offenderis, quibus innuere videantur præscita bona opera in causa fuisse prædestinationis: vt illud hīc Origenis, In quib⁹ sciēs quales essent, amorem suū Deus affectumq; posuit. Et illud Ambrosij, Istos quos præsciuit sibi deuotos, ipsos elegit ad promissa præmia capeßenda, hæc, inquam, & similia, vel intelligenda sunt quantum ad supremum finem prædestinationis modo prius exposito, puta quòd ad gloriam, cuius in adultis præcedunt merita: quæ sunt causa, non prædestinationis, sed effectus eius, videlicet gloriæ: quod cap. proximo enucleabitur, vel si intelligatur de prima gratia, tūc quia præuisa opera, licet non sint illius causa, sunt tamen dispositiones: in tali fortē sensu aiunt, q̄ illos quos præiudit adultos assensum præbituros suæ vocationi, prædestinauit, vocauit & iustificauit: haud tamen ita vt præuisio illa assensus fuerit causa prædestinationis ad gratiā, sicuti neq; opera ipsa, sunt eiusdē causa gratiæ, sed quòd sunt præuisa, veluti præparamenta ad primum prædestinationis effectum. (Conformes fieri imaginis filij sui.) Ecce scopum supremumque finem prædestinationis. Est enim Christus redemptor noster causa reparationis nostræ quatenus homo, non solum meritatoria & suo gradu efficiens, sed velut exemplar, cui⁹ instar beādi sunt omnes, quotquot participes sunt hereditatis suæ. Est enim quatenus homo, in culmine participatē beatitudinis, ad quam altiori humiliorive gradu accedent beati homines, quantò per ipsius gratiam & fauorem plus min⁹ve charitate profecerint: gradu, inquam, secūdum dotes, tum

Impugnatio
expositionis
vulgatæ.

Orig.

2. Tim. 2.
Ioh. 10.
Mat. 25.

Opinio ac
sententia au-
thoris.

Argumentū.

animi vt visionem, comprehensionem & amorem, tum corporis, quod cōfiguratur corpori claritatis eius. De angelis modò nil loquimur. At sunt qui existiment, consultò dixisse per genitiuū, conformes imaginis, nam si dixisset, imagini, significaretur similitudo ad Christum per tertium medium: vt si quis fieret conformis, non Cæsari, sed eius imagini. Cū autem dicitur, imaginis, significatur fieri nos conformes Christo per imaginem

1. Cor. 15. ipsius quā gestamus, iuxta verbū Apost. Sicut portauim⁹ imaginē terreni, portem⁹ imaginem & cōlestis. Sed reuera idem est, conformes imaginis, &, imagini, sicut idem est, similis cæsaris, &, cæsari. Et ideo vel est locutio intransitiua, hoc est, conformes imaginis, quæ est filius: est enim ipse imago inuilibilis Dei, vt alibi ait: vel, quod certius coniecere possumus, hebraismus est, assimilari & cōformari imagini cæsaris, pro eo quod est, cæsari, seu figuræ cæsaris. Vnde idem est, conformes imaginis filij, quod, cōformes filij, seu filio. Cuius formæ & illud est, Faciamus hominem ad imaginem & similitudinē nostrā.

Gen. 1. **Orig.** Orige. autem meditat̃ur, Christi animam potissimum esse imaginem Dei, & ideo nos fieri conformes imagini filij: id est, animæ filij. At verò cui hæc transitiua locutio ita multū placeret, intelligere forsan aptius posset nomine imaginis visionem beatificam Christi, per quam ipse, quā ratione est homo, similis est Deo, cui deitati per similes visiones beati omnes assimilātur: iuxta illud, Cū apparuerit, similes, ei erimus. Quāuis sublimius efferre audemus hāc nostri cōfigurationē ad imaginem eternā filij, in quantum Deus est. Etenim vt est ipse splendor gloriæ, & figura substantiæ patris, ita & beatorum chori splendore eiusdem deitatis rutilantes quadantenus præse ferunt deitatis imaginem: quod forsan mysterium psallebat ille Dauid, In splendoribus sanctorum ex vtero ante luciferum genui te. At cū sit ipse via, veritas, & vita, in hoc quoq; debemus mortali corpore specimen illius referre, qui ad ipsius exēplar contendimus immortalitatem induere: vt plantati (vt suprà dixit) similitudini mortis eius fructus percipiamus & resurrectionis. (Vt sit ipse primogenitus in multis fratribus,) Christus nō solum secundum eternam generationē absq; fratrum cōsortio vnigenitus est (vt ait Ioā.) existens in sinu patris, verū & secundum humanam est quoque vnigenitus: nimirum quā factum est, vt homo sit, non adoptiuus

(vt suprà dicebamus) sed idem ipse vnigenitus Dei filius: ad cuius personam assumpta est humanitas. Attamen dicitur primogenitus in multis fratribus. Primum secundum diuersas genituras æquiocē, vt sola vox sit communis. Nempe quod cū ipse sit filius naturalis, nos autem per eius gratiam adoptati: ipse est primogenitus: quoniam quotquot repositi in gratiam Dei sunt, per eius fidem constituti sunt filij: neque tamen admissi ad hæreditatem, quoadusque, vt primogenitus, ipse resurgeret primus. Quocirca secundum æternam generationem appellauit eum Apost. primogenitum omnis creaturæ, non quod iuxta Arrianam impietatem creatura sit, at quod de summa essentiæ cognitione, in qua omnis relucet creatura, genitus est. Sed præterea & secundum humanam natiuitatem, quoniam primus omnium resurrexit, nuncupauit eum rursus primogenitum mortuorū. At verò potest & modo aliquo vniocē, hoc est, per vnā formam dici primogenitus: nam eandem gratificatē gratiam, quam ipse, vt naturalis filius, factus homo suscepit, receperūt ab ipso alij, per quam filiorum albo adscribūtur. Atqui hoc honoris ad cumulū gloriæ christicolis accedit maximè: nempe quod nō solum suā cū illis beatitudinem cōmunicauit, verū quod ita essent patris sui ipsius filij, vt fratres essent sui: atq; ideo quem ipse inuocat, pater mi, nos quoq; adscititij appellem⁹ patrē nostrū. Per hæc deniq; luculētius patefcit, quomodo ipse cōstitutus sit hæres vniuersorū, nos verò cohæredes ipsius: nēpe quod ipsi etiā in quātū naturali filio, homini factō, debebatur hæreditas, nobis autē per ipsum cōmunis sit, tanq̃ eius mēbris. Quo ideo primogenituræ mysterio ad priscorū mortē alludit Paul. qui & modò inter nobiles viget, vt primogenito decerneretur hæreditas, cui onus incumberebat alendi fratres. Idēq; mysteriū adūbratū est in Isaac, Iacob & Manasse: qui paterna benedictione prægenitis fratribus prælati sunt.

Quos autē prædestinauit, hos et vocauit: & quos vocauit, hos & iustificauit quos autem iustificauit, illos & glorificauit.

Prosequitur explicare tum id quod dixerat, Vocati secundum propositū, tum etiam prædestinationis executionē. Contextit utiq; catherinā articulorū trium. Primus est. (Quos

præde-

prædestinavit, hos & vocavit.) Præscientia igitur ac prædestinatio, causæ sunt æternæ: vocatio verò, iustificatio, & magnificatio, temporales effectus. Porro autē quia primū iustificatio-
 nis fundamentū est fides, quæ per auditū suscipitur, primus prædestinationis effectus sta-
 tuitur vocatio: nam vox ad aures fit. Vnde
 Paul. Quomodo credēt nisi audiāt? Quomo-
 do autē audient sine prædicante? Ob idq; du-
 plex est vocatio: altera externa per prædica-
 tionē ad aures corporis: altera verò interna
 per inspirationē cordis. Sed vtraq; rursus du-
 plex. Nempe altera nō pertingens effectum
 ob duritiā cordis obturantis aures suas: de
 qua duritiā in Euāgelio, tum illa extat illo-
 rum parabola, qui vocati ad nuptias excusa-
 tiones prætexuerunt, tum & illa sententia, Si
 non venissem, & locutus eis non fuisset, pec-
 catum non haberēt. Et de hac vocatione ne-
 quaquā hic loquitur Paul. nam hoc vti que
 modo non solūm prædestinati, verū & vni-
 uersi mortalium quibus tuba intonuit euan-
 gelica, vocati sunt. Sed altera est vocatio quæ
 suum sortitur effectum, eorū scilicet, qui vel
 antē rationis vsum sacramento baptismi tin-
 guntur, vel post Euangelio assentiūt. Enim-
 uerò si ita esset fides opus Dei, vt nostra nō
 esset assensio necessaria, cogeret nos potius
 ceu brutas animantes, q̄ vt gallina congrega-
 ret: neq; inuicaret illo modo rogando, Veni-
 te ad me omnes. Et, Quid vult venire post
 me, &c. Sed quia nostro opus est spontaneo
 assensu, postq̄ dixit Christus, neminem pos-
 se venire ad patrem, nisi quem ipse traxerit,
 subiunxit, Omnis qui audiuit à patre & didi-
 cit: hoc est, auscultauit & assensit, venit ad
 me. At verò & hæc quoque efficax vocatio
 non vna est tātūm, sed bina. Nam vna est (vt
 paulò ante dicebamus) vocatio in diem, vi-
 delicet, secundum tēporariā & præsentem iu-
 stitiā: quomodo fuit vocatus & Iudas: quæ
 quidem in illa seminantis euangelica com-
 paratione delineatur, in parte scilicet semi-
 nis, quæ cecidit, vel in petrosi, vel secus viā:
 dedit enim fructum ad tempus, sed qui vel
 exaruit demum, vel ab auius cœli consum-
 ptus est. De quibus vocatis ait suprā citatus
 Ioan. Ex nobis exierūt, sed nō erāt ex nobis.
 Quocirca neque de ista vocatione loquitur
 hic Paul. Sed est altera secundū æternā præde-
 stinationē, veluti proprius eius effectus. Vn-
 de quod hic inquit, Quos prædestinavit, hos
 & vocavit, diffinitio est & explanatio illius
 quod dixerat, secundum propositum voca-

ti, hæc siquidem vocatio certissima est, veluti
 ipsa sempiterna prædestinatio: iuxta illud, Iu-
 ravit dominus exercitū, dicens, Si non vt pu-
 tauī, ita erit: & quomodo mente tractauī, sic
 eueniet. Atq; propter hæc certitudinē protu-
 lit verbo præteriti tres hos effect⁹ more pro-
 phetico, cum tamē tempore Pauli multi erāt
 vocati, multi autē vocandi. Præterq̄ quod vō-
 luit seruare decorem ac cōsonantiā omnium
 verborū cū priori, prædestinavit. (*Quos autē
 vocauit, hos & iustificauit.*) Quēadmodū voca-
 tio effectus est prædestinationis, ita & voca-
 tionis, iustificatio: nisi quod cū ambē simul
 sint tēpore, vocatio natura duntaxat antecē-
 dit. Haud enim verē dixeris, quia hic iustifi-
 catus est, ideo vocatur, sed eō potius quod
 vocatus, iustificatur: vocatio enim, motiōnē
 Dei significat trahentis hominem: iustifica-
 tio verò terminum: hoc est, reconciliationem
 per infusionem gratiæ Spiritus sancti in eum
 qui vocationi auscultat. De his autem verbis
 Pauli nancisci possent hæretici occasiōnē di-
 cendi, quod nemo est verē iustus, nisi qui est
 prædestinatus: nā videtur hic insinuare Pau-
 los solos iustificari, qui secundum prædesti-
 nationem vocantur. At verò cum diuina ope-
 ra, fictione careāt, diffiteri nemo potest, quin
 quicumque lauacro baptismi legitimē intin-
 gitur, iustificatricem gratiam recipiat, tam
 paruulus, quā adultus: & pari ratione quē-
 cunque verē poenituerit prauæ vitæ: nam in
 quacunque hora conuersus fuerit peccator,
 omnium, inquit, iniquitatū eius non recor-
 dabor: quorum tamē multi sunt reprobi,
 multiq; (vt ait Paul. à fide naufragātes. Sunt
 ergo plurimi ad tēpus iustificati, vt paulò
 ante dicebamus, licet non sint vocati secun-
 dum propositū. (*Quos autē iustificauit, hos &
 magnificauit.*) Verbum Græcum *δοξαοι*, germa-
 nus forsan versum fuisset per, glorificauit,
 quemadmodū multi sanctorū legunt, de glo-
 ria cœlesti id intelligentes: vt est videre apud
 Aug. lib. de correp. & gra. vbi ait, eam hic glo-
 riā intelligendā, de qua inquit ad Col. Cum
 Christus appareretur vita vestra, tunc & vos
 apparebitis cum ipso in Gloria. Significat ni-
 hilo minus & eadē vox Græca id, quod, ho-
 norifico, & magnifico. Et fortasse interpres
 vsus est verbo, magnificauit, vt non solūm
 gloriā illam cœlestē, verūm & magnifica spe-
 ciosaque dona, quæ in hac vita sanctis accre-
 scūt, complecteretur: puta, filios esse adopti-
 uos, vt ait Theoph. & similes filio Dei, vt ait
 Amb. qui etiā legit, magnificauit. Quod & al-
 Q 4 ludit.

Vocatio mul-
 tiplex.

Mat. 22.

Ioan. 15.

Ioan. 6.

Luc. 8.

Esa. 14.

Hæreticorū
 ansa.

Ezec. 18.

Col. 3.

ludit. Orig. quāvis ei² interpres, glorificauit, trāstulerit. Refert tamē adeo nihil, vt nūc ali qui Latini textus habeant, glorificauit.

Quid ergo dicemus ad hęc? Si Deus pro nobis, quis contra nos?

Quinta pars capituli.

Hic designauimus quartam sectionem huius cap. propterea q̄ tota hęc portio, exaggeratio quādam sit & conclusio beneficiorū, quæ filiis & hæredibus Dei impensa comime morauit Apost. Quæ idcirco particula interrogationibus frequens est, tum charismata Paulini pectoris flagrantibus, tum & in amorem Dei inflāmantibus Christianos animos. Insunt autem in hac prima interrogatione multa. Primū cum propositionē illam, Diligentibus Deum, &c. hoc syllogismo (vt dicebamus) instituerit concludere, Nemo nocuentū animæ inferre illis potest, quos Deus gubernat: Deus autem diligentes se gubernat: atq; hāc minorē hætenus cōmonstrauerit, quia eorum curā ab æterno gerit prædestinando, vocando, & magnificādo, aggreditur modō maiorē, scilicet, a nemine eos qui sic a Deo gubernātur, posse ledi. Quapropter hic primū ostendit, quod non possunt poena vlla affici, neq; ab hoste, neq; per alicuius boni priuationem: mox illic, Quis accusabit, pergit ostendere, quod neq; a malo culpæ quicquam est, quod timere debeant. Sed est præterea in eadem interrogatione vigor plurimum. (*Quid ergo dicemus ad hęc?*) Hoc est, cum Deo cura nostri tam altē infideat cordi, vt ab æterno nos prædestinauerit, deinde vocauerit, & iustificauerit, quibus & Spiritum sanctum donauit, qui profundis gemitibus interpellat pro nobis, quidnam dicere possumus? Hoc est, quibus verbis referre illi gratias possumus: aut quo non repleamur gaudio stuporeq; expauescamus, quod talem habeamus Deum, tam propitium, tam beneuolum & nostri amantem. Aut quis poterit, id quod suprà dictum est inficias ire, videlicet, diligentibus Deum, omnia cooperari in bonum? Nam quæ possunt voluntati Dei impedimēta resistere? Cūm (vt est in Prouer.) Nō sit sapientia, neq; prudentia, neq; consilium contra Dominum. Aut quisnam hostis illum offendat, quē Deus protegit? Vnde & sequitur. (*Si Deus pro nobis, quis contra nos?*) Haud negat existere contra nos aduersarium: nam

Pro. 21.

1. Pet. 5.

Ephe. 6.

tunc cōtradiceret coapostolo suo Petro, vbi ait, quod aduersarius noster diabolus sicut leo rugiens circuit querens quem deuoret,

& sibi ipsi, vbi ait, præliari contra nos, non solum carnem & sanguinem, verum & potestates aeris & principes tenebrarū. Sed perinde est, Quis cōtra nos, ac si dixisset, Quis preualebit nobis. Vnde Iob postquam in afflictis rebus mirificē diuinum fauorem expertus est, Pone me, inquit, iuxta te, & cuius vis manus pugnet contra me. Et in psal. Dauid, Dñs illuminatio mea & salus mea: quē timebo: Dñs defensor vitæ meæ, a quo trepidabo? Quo verbo vellicat exulceratq; socordia & prauitatē nostram, qui tantis præsidis subsecutisq; diuinis suffulti, quibus superare omnē hostē possumus, ita miserē succubamus, non solū acerrimæ, sed leuiusculæ etiā tentationi. Martyres fuerūt qui veritatē huius Paulinæ sententiæ satis comprobarūt, Si Deus pro nobis, quis cōtra nos, vt auctor est super Ioan. Aug. puta dum furēns in eos, & infremens mundus non modō nihil eos deterrebat, sed ingenti stupebat admiratione, quod nō esset potestas contra spiritum, qui vigeat in illis.

*Iob. 17.
Psal. 26.*

Socordia nostra.

Martyrum magnanimitas.

Qui etiam proprio filio suo nō pepercit, sed pro nobis omnibus tradidit illum: quomodo non etiā cū illo omnia nobis donauit?

Progreditur ad persuadendum quod neq; vllius rei defectum vel inopiam passuri sint, quos Deus ad suam gloriam destinauit: nam qui proprio, inquit, filio suo non pepercit, sed pro nobis omnibus tradidit illum, quomodo non etiam cum illo omnia nobis donauit? Relatiuum ergo, qui, indefinitē audiendum est videlicet, ille qui, &c. In Græco non est pronomen, suo, & est verisimile adiectitiuum esse, tum quia, proprio, idē pollet, tum & Græci omnes authores illud silent. Quinimo & Hila. lib. 2. de Trinit. adnotauit, dixisse, proprio, potius, quā, suo, ad explicandum quod sit ipsius patris solius: at nihil omnino incommodi sententiæ affert. Sed &, donauit, etiam variatur Græcē: nam complures codices habent de futuro, donabit, Attamen & plurimi sunt in quibus præteritum legitur. Neque vllius est momenti argumentum in cōtrarium, quod non sint in hoc seculo nobis omnia donata, sed in futuro donanda: siquidem iam sunt donata in spe certissima per Christum. Et ideo (vt suprà diximus) prophetarū stylo vsus est exprimendo res futuras per verba præteriti tēporis. (*Qui proprio filio.*) Quasi dicat, non vnicuique eorum.

rum, quos memorauimus in filios per baptis-
mū ascitos, sed naturali ab eterno sibi genito,
veluti splendori suæ substantiæ: huic nō peper-
cit. Idem fermè est quod ait Ioan. Sic Deus di-
lexit mundū, vt filiū suū vnigenitum daret.
At quod ait hic Paul. (*Non pepercit.*) Vehemē-
tissimæ est significantiæ. Nihil enim homo eo-
rum quæ possidet reliqui facit, vt proprio fi-
lio parcat, & tamen Deus non solum omnia
nobis donauit, verū neq; vt nobis parceret,
qui filii eramus peccati & iræ, pepercit pro-
prio filio. (*Sed pro nobis omnibus tradidit illum.*)
Et verbū hoc quoq; tradidit, expressiōe ad-
fert eximiæ charitatis: nemo enim traditur
pœnæ nisi peccati reus: Deus autem vt homi-
nibus parceret, iniquis & in seipsum iniuriis
& impiis, proprio filio, qui peccatū non fecit,
neq; inuētus est dolus in ore eius, sed toti⁹ est
fons bonitatis, nō pepercit, imò in eam tradi-
dit mortē, q̄ nos merebamur ipsi. Tradidit au-
tē, dum ipsum misit in similitudinē carnis pec-
cati: tunc enim (vt est apud Esa.) posuit in eo
iniquitatē oīm nostrū. Quin & ipse se quoq;
tradidit, dum charitate succensus, passio-
nis sua sponte obtulit. Aliter autē Iudas atq; Iu-
dæi eū tradiderunt, vt cap. 4. dicebamus. Sed
ait, pro omnibus, quia nō solū pro prædesti-
natis, in quibus obtinuit efficacia suæ passio-
nis, verū quantū ad sufficientiā, pro omnibus
peccatoribus peccatisq; (vt ait Ioan.) totius
mundi passus est. (*Quomodo et non etiam cum il-
lo omnia nobis donauit?*) Collectio est à maiori ad
minus: vbi alludit ad id quod dixerat, Hære-
des Dei, cohæredes autem Christi: nā si filiū
nobis dedit, quē fecerat hæredē vniuersorum
quomodo nō & eiusdē vniuersorum heredita-
tis non fecit nos participes? Possessuri autem
sumus vniuersa per visum dilectissimi nobis
dei in patria: nā quid nō videt (ait Greg.) qui
videntē omnia videt? Neq; illic tantū, verū
& in hoc seculo omniū quodāmodo rerum
sunt sancti possessores, iure Christi. Etenim
cum omnia per ipsum, & in ipso creata sint,
& ipse sit ante oēs, & omnia in ipso consent,
& ipse sit caput corporis Ecclesiæ, oīa iusti, ve-
luti eius membra possident, dum pessundant
dum scilicet oībus ad gloriā eius vtuntur, &
nihil eos remoratur in virtutis via, sed omnia
illis cooperatur in bonū. Ad hoc enim supra
assertū reuocat hic quoq; Pau. attentionē no-
strā. Adscripti inq; angeli nobis sunt, tum in
ministerium terrenæ militiæ, vt supra diximus,
tum in consortium cœlestis triumphī, & quæ
sub cœlo sunt, in vsum donata, & cœli ipsi in

habitaculum & perpetuam sedem. Vnde ad
Cor. Omnia vestra sunt: vos autem, Christi, 1. Cor. 3.
Christus autem Dei.

Quis accusabit aduersus electos
Dei? Deus qui iustificat, quis est
qui condemnet.

Postq̄ depulit Apost. è pectoribus filiorū
Dei timorem mali pœnæ, progreditur ad ma-
lū culpæ, vt eos securos faciat tam ab actore,
accusante, q̄ à condānante iudice. (*Quis accusa-
bit aduersus electos Dei?*) Quasi dicat, Nullus. Me-
ditatō autē non dixit, aduersus iustos, vel ad-
uersus vocatos, nā qui vtcūq; vocati sunt & ius-
ti ad tēpus, quia nō perseverant vsq; in finē,
non erunt ab accusatione immunes: sed tamē
electos, quos Deus prædestinauit, & secundū
propositum vocabit, nullus offendet accusa-
tor, Et subest in verbo, electos, propria huius
rei causa: nā eligere, idē est, quod, probare: ac-
cusare autē idem quod, improbare: quos ergo
Deus, falli nescius probatos habet, iidem nul-
lum subeūt reprobationis discriminē. Pulchrū
admodū est Chrysostomi exemplum. Si quis
enim peritissimus eligendi, vel equorum pul-
los, vel aurū, vel quauis rem aliam, optimo
consilio rem eligeret suæ artis, nullus auderet
in re electa quiquā reprehendere. (*Deus qui ius-
tificat, quis est qui condemnet?*) Sicuti electionem
Dei obiecit accusationi, ita & eius iustifica-
tionem opponit condemnationi. Aug. adno-
tauit, qua sit forma legendus hic locus: nam
licet per se sit clarissimus, non tamen desunt
qui arbitrentur, hoc quod ait, Deus qui iusti-
ficat, responsionem esse affirmatiuam præce-
dentis interrogati. Et qui vident non esse ac-
cusaturum electos, viciant præcedentem o-
rationem, hoc modo, Quis accusabit aduer-
santes, id est, eos qui aduersantur electis Dei?
Deus qui iustificat. Sunt tamen (vt bona ve-
nia dixerim) ridiculi intexentes apostolicæ
orationi nouum verbum. Vnde secundū Au-
gustinū cuilibet interrogationi subiicitur sua
responsio etiam interrogatiua, negationē in-
cludens: hoc modo, Quis accusabit aduersus
electos? Deus qui iustificat, videlicet eosdem.
Quasi dicat, Non. Quis condemnabit? Chri-
stus qui pro nobis mortuus est? Acti respon-
deat, Ablit. Hanc veruntamen lectionem ita
existimo probabilem, vt ea tamen probabi-
lior alicui forsan censeretur alia possit: nempe vt
prima interrogatio, Quis accusabit, suā in se
includat tacitam negationem, putā, nemo. Et

Aug. li. 3. de
doctr. Chri.

Q 5 hoc

Ioan. 3.

Esa. 53.

1. Ioan. 2.

Iustorum do-
minium

Col. 1.

hoc quod subditur, Deus qui iustificat, non habeat in hoc puncto interrogationē, sed sit pendens oratio: hoc modo, cum Deus sit qui iustificat, quis erit qui condemnet? hoc est nemo. Et est allusio ad tribunal supremi iudicis: cum enim prætor rerum iustificat, putat iustum pronunciat, non omnis misero abstergitur metus, ne rex, si ad ipsum appelletur, eum condemnet: quem verò rex absoluerit, ei sane nullus fit amplius reliquus metus. Optima ergo est illatio, Si Deus, quem nihil latet, & cuius potestate nulla est superior, hominē iustificat, nullus relinquitur condemnationis timor. Vnde Iob, ipso concedente pacem, quis est qui condemnet? Et David, Beati quorum remissæ sunt iniquitates, & quorū tecta sunt peccata, id est, ita abolita, ut nulla in perpetuum restet memoria ad confusionem illius, cui condonata sunt.

Iob. 34.
Psalm. 31.

Christus Iesus qui mortu⁹ est, imò qui & resurrexit, qui & est ad dexteram Dei, qui etiam interpellat pro nobis.

Diluit exceptionem, quam quis posset facere. Nempe quòd Christus tanq̃ legislator accusaturus sit transgressores legis: sicuti & de Mose ait, Est qui accusat vos Moyses, in quo speratis: & tanq̃ ille, qui constitutus est iudex viutorum & mortuorum, condemnaturus sit eosdem. Cum ergo ipsi etiam iusti sapenūmero delinquant, potuisset quis eis forsā talem metum incutere. Respondet autem Paul. quòd cum Christus mortuus sit pro nobis, non est ut sit à iustis metuendus, pro quibus mortu⁹ est. Potest ergo oratio hæc tota sub vna interrogatione proferri, præ se ferente negationē: non solum secundum Augustinum, verum secundum lectionem, quam modò probatiore arbitrabar: hoc modo, Cum Deus sit qui iustificet, quis est qui cōdemnet? Christus ne qui mortuus est, &c: Tanq̃ dicat, Nequaquā. Quòd si lubet eam assertiuē pronunciare, ad eundē tamen sensum est referenda: nempe ut sit probatio superioris proximæ sententiæ: hoc pacto, Cum Christus mortuus pro nobis sit, &c. liquidò constat, nullum existere posse contra nos accusatorem. Seu interroganter, Quis nam vel accusator cōtra prodibit, vel sedebit condemnator? (Imò & resurrexit.) Illuc retrorsum respicit, ubi ait cap. 4. Qui traditus est propter delicta nostra, & resurrexit propter iustificationē nostram. Nam licet redemptio per

mortem facta sit, tamen quia (ut ibi dicebamus) iustificatio, resurrectio quēdā est de morte ad vitam, optimē dixit, resurrexit propter iustificationem. Et eadem hic ratione quia iustificationis meminit, mentionem quoq; facit resurrectionis, per quam venit ad supremum iustificationis finem. Vtus est autem cōiunctione, imò, ad augendum orationis vim: nam cum (ut habetur ad Cor.) crucifixus sit ex infirmitate nostra, viuat autem ex virtute Dei, maiori esse debent fiducia iusti, eò quòd resurrexit, q̃ si solum fuisset mortuus pro nostra salute: nam inde spes nobis augetur, cum resurrectionis nostræ, tum etiam adiutorii ei⁹. Vnde & ad maiorem quoq; vehementiam addit (Qui est ad dexteram Dei, qui etiam interpellat pro nobis.) Perspice ergo, quam ex ordine disposita gradatione quatuor membrorum euexit spem filiorum Dei, ut in tuto eos constitueret ab omni malo. Et forsā pronomen illud, pro nobis, referendum est ad singula: quasi dicat, Non est, quòd Christum, vel tanq̃ accusatorem timeamus, vel tanq̃ iudicem: quando quidem mortu⁹ est pro nobis, resurrexit pro nobis, sedet ad dexteram patris pro nobis, & illic interpellat pro nobis: nam etsi Christo ut Dei filio naturali & resurrectio debebatur & tronus ad dexteram patris, hæc tamen omnia retulit in rem nostram, quæ rursus salus in eius gloriā refunditur. Atqui, ut commendatus redderet postremum membrum interpellationis, priora præmisit, & maximè tertium: nam cum interpellator humanus apud regem coram ipso stet, etiam si filius sit, quā non inde nos fiducia simus, qui filium Dei iure assidentem patri à dextris patronum habemus, qui pro nobis propitiator interpellat. Quod autem interpres transtulit, interpellat, postulat quoq; potuisset transferre: sicuti supra, Spiritus sanctus postulat pro nobis, nam idem verbum est, vel sola compositione alterum. Sed tamen interpellare idem valet. Quāuis meditatio forsā quod illic vertit, postulat hic traduxit, interpellat. Haud enim eandem nobis intelligētiam utrobique exhibet, etenim Spiritus sanctus neq; mediator est, neq; naturam assumpsit creatam, secundum quam posset orare, sed facit nos orare: Christus autem secundum proprietatem tāquam mediator inter nos & Deum orat pro nobis. Oratio ergo Spiritus sancti & non est interpellatio pro nobis: neq; nos pro nobis interpellamus, sed tanquam rei & miseri postullamus: Christus verò postulat pro nobis intercedēdo tanquam medius

2. Cor. 13.

Adnota di-
scrimen

medius aduocatus: iuxta illud, Aduocatū habemus apud patrem Iesum Christum iustum & ipse est propitiatio nostra, Quod quidē patrociniū & interpellandi munus etiam in hac vita mortali non solum re ipsa prestitit, vbi ait, Rogavi pro te vt non deficiat fides tua, verū & in futurum pollicitus est, vbi ait Rōgabo patrem, & alium paracletum dabit vobis. ¶ At super verbo, pro nobis, sciscitabitur quis forsan, an pro omnib⁹ in vniuersum interpellat Christus: nam vtrinq; militat argumentum. Cum enim passus fuerit pro peccatis totius mundi, consequens apparet, vt & pro vniuersis intercedat, etiam reprobis. Sed ab altera parte alterum argumentum occurrit: nempe quod Christus, nihil incassum cuiquam precatur, neq; in terra neq; in cōlo: ergo cum reprobi nunquam sint gloria potituri: non interpellat nisi pro iis quos Apostolus paulō ante designauerat vocatos secundū propositum. Est verū tamen facilis responsio, interpellationem Dei tam latē patere, q̄ eius passionem, ac pari modo: passus est autē quantum ad sufficientiam pro vniuerso humano genere: fit ergo vt in genere pro omnibus interpellat: quā oratio sufficiens de se est vniuersis: nisi iniqui sua obdurarent corda: iuxta illud, Auxiliū meū, Israel, ex te autem perditio tua. Neq; illa oratio generalis frustranea est, quandoquidem in electis suū fortitur effectum. At verō in particulari nihil simplici, et (quod aiunt) absoluta petitione precatur, nisi qđ plenē impetrat, vt puta prae destinatis solis gratiam et gloriā: iuxta illud, Non pro mundo rogo, sed pro his quos dedi sti mihi, quia tui sunt: hoc est, secundum certum propositum tibi electi: reprobis autem illis, qui nōnunq̄ in gratiam repositi sunt, illā etiam impetrat ad tempus: quam & in cruce meritis est. Vnde paulō inferius, Non pro eis autem rogo tantū, sed & pro eis qui credituri sunt per verbum eorum in me. Ex hoc autem apostolico loco tria Lutherani conficiūt argumenta in confirmationē trinitogmatis sui. Quippe ex illis verbis, Quis accusabit aduersus electos? De⁹ qui iustificat, quis est qui condemnet, Primō confirmāt illud toties memoratum de certitudine gratiæ. Sic videlicet hoc intelligentes, vt neq; in hac vita conscientia illius, qui est in gratia possit ipsum accusare. Quinimō & catholici aliquot, cum quib⁹ nobis disputatio fuit, huic etiam sententiæ cōnitebantur. Sed reor equidem inter explicandum paulō superius testimonium Spiritus-

sancti cōmonstratum esse, hunc sensum nulla posse ratione defendi. Ecquis enim ambigat, illos quos incipientes vocat, quinimō & pro- uectiores à propria conscientia crebrō remor- sos: nisi quis dicere audeat, neminem eorum, quos propria accusat cōscientia, in gratia Dei stare: contra quem non est amplius disputandum. Sententia ergo Pauli ad diem iudicii refertur, quando nulli locus dabitur accusatio- ni in eos, qui fuerint electi: vel si de statu hui⁹ vite audienda est, in hoc sensu est intelligēda, quod nullus nec demon neq; homo accusare iustum potest, accusatione procedente ad cō- demnationē: nil tamen vetat, quod minus dum quis heret dubius an sit iustificatus, inquietu- dinē patiatur conscientiæ. ¶ Alterum ex eisdē verbis adiiciunt argumentum ad negandum, tam satisfactiones huius seculi, q̄ purgatoriū alterius: nam cum (doctore Paulo) quos De⁹ iustificat nō sit qui cōdēmet, nemini eorū qui à deo iustificātur, vllē supersunt peccatorum reliquiæ, quarū ratione cōdēmetur ad pœ- nam, vel hoc, vel futuro seculo luendam. Exi- stimant enim, quod quemadmodum, tā gra- tia, q̄ satisfactio Christi per se fuit sufficientis- sima delictis totius mundi omnino delendis, ita copiose cuius nostrum equaliter applicetur, dum iustificamur. Nam aiunt per illam solam iustitiam, quē in Christo est, nobis im- putatā, omnes iustificari, quē cū vna eademq; omnibus imputetur, omnes reddit, nō modō ab omni pœna equēliberos, verum ad eādem gloriam pariter acceptos: vnde inferebat Lu- therus, non esse in maiori sanctitate dei parā Virginem (audi blasphemiam hominis) quā sit aliorum vnusquibet seruorum Dei. Discussimus autem hoc dogma de iustitia im- putata lib. 2. denat. & gra. ca. 20. & de satisfactiōe libro. 3. capit. 6. Ob idq; satis hic fuerit adno- tasse istorum absurditatem. Quis enim tam sit pertinaciter immerfus eorum commentis, vt persuadere sibi valeat, eum qui postquam totam vitam flagitiosissimē ac perditissimē degerit, quocunq; modo resipuerit, statim ad illud culmen sanctitatis subuehi, vbi nullos amplius debeat pœnitentię fructus, sed dign⁹ habeatur coelesti sede inter supremos sancto- rum, perinde atque Magdalena, cui demissa sunt peccata multa, quia dilexit plurimum: ac Paulus qui ineffabili admirandaquē con- uersione factus est ex persecutore vas electio- nis? Sanctorum igitur Ecclesia aliter semper alumnos suos docuit: nempe quod per gra- tiam & iustitiam Christi in ratione meri- ti &

Sententia
Pauli.

Error Luth-
erianorū de sa-
tisfactione.

Luce. 7.

Resolutio.

Luce. 22.

Ioan. 14.
Dubitatio.

Responsio.

Osce. 12.

Ioan. 17.

Lutherani.

ti & causæ efficientis iustificamur, per eam vero gratiam quam nobis infudit, iustificamur formaliter: putà paruuli per sacramentum e-quali gradu gratiæ, adulti verò, qui non nisi diuinitus moti & appulsi trahuntur secundum virtutis conatum, feruoremq; & gradū, quo vocationi Dei assentientes mouentur in Deum, tum iusti fiunt, tum & à reatu temporalis pœnæ absolvuntur. Vnde quantum ad præsentis loci enarrationē spectat, licet quos Deus iustificat, nullus alius possit condemnare, ipse autem æquissimus iudex, vtpote cui⁹ iustitia equalis est misericordiæ, cum non iustificet nisi volentem, exigit, vt qui minori cōtritione & dolore, quàm pro gravitate suorū criminum par erat, conuertitur, is iam in gratia constitutus fructibus deinde pœnitentiæ teporem suum & negligentiam recompenset, Qua ratione Ecclesiæ prælati autoritate sibi a Christo tradita huiusmodi satisfactiōes reposcunt à pœnitentibus, quas si non persoluerint, exacturus est Deus in futuro seculo: vt iuxta verbum Pauli, saluētur quasi per ignem. Quocirca vbi ait, Deus qui iustificat, quis est qui condemnet, nomine iustificatiōnis, tres omnes partes pœnitentiæ comprehendit, per quas Deus iustificat adultos: quibus ritè peractis, nemo est qui in extremo iudicio condemnet. ¶ Super ultimo autem verbo, qd Christus interpellat apud patrem pro nobis, obseruant idem Lutherani, neminem præterea sanctorum pro nobis orare: nam interpellandi, inquiunt, officium mediatoris est propriū, quivnus est Christus Iesus. At verò quāvis hoc gratis illis largiremur, quòd non sint à nobis orandi sancti propter illud infirmisimum euanidumq; eorum argumētum, quòd vt non audiunt, ita neq; agnoscūt petitiones nostras, tamen quòd ipsi, nobis etiam tacentibus, pro nobis intercedāt, nullatenus inficias ire possunt, cum ex suis ipsorū concessis, quæ negare nequeūt, lique scat. Respōdeant enim rogo, nū viri iusti in hoc seculo mutuis se iuvant, tum votis, tum etiam precatiōibus, atq; id ob vinculum charitatis? Hoc planè concedunt. Igitur cum ad illam felicitatem admissi solidiori sint nexu charitatis nobiscum coniuncti, nonne & in eisdem persistent votis erga nos, vt eandem videlicet nobis beatitudinē exoptent, cuius ipsi potiuntur? Et hanc item illationem firmam esse agnoscunt, quā qui dem cauillari non possunt. Igitur si illam nobis optāt gloriam, quis poterit diffiteri, quin eandē nobis deprecetur, atq; adeo p nobis

Deum exorent? Profectò cum officium hoc tam sit iustis laudabile in hac militia, quod est pro amicis orare, planissimū est, idem nobis officium beatos præstare, cuius scilicet vident egere nos maximè. Vnde liquidum fit, vt saltem eos veluti in nos beneficos debeam⁹ colere & venerari. Et adiuncto præterea, quòd hoc De⁹ honore dignatur sanctos suos, vt ab illis exorari velit: facile est colligere, quòd nostras illis preces representat, atq; adeo quòd religio nobis sit preces ad eos fundere. Sic eis igitur respondeamus, quòd interpellare, tanquam mediatorem, quem Deus inter se & nos constituit, cuiq; eodem iure debetur quicquid postulauerit, & à quo, veluti authore, expetendum est quicquid pertinet ad salutem, Christo domino nostro proprium est: quem ideo à nobis precibus adiri, vt misereatur nostri, cultus est latriæ. At verò interpellare, tanquam Dei amicum, atq; ideo aduocatū nostrum, cui de condigno & iustitia non debetur quod pro nobis postulat, ob idq; neq; author est collati beneficii, hoc planè cōmune est omnibus sanctis: quos idcirco dum precamur, vt orent pro nobis, minimè colimus latria, sed dulia.

Quis ergo nos separabit à charitate Christi? Tribulatio, an angustia, an persecutio, an fames, an nuditas, an periculum, an gladi⁹? Sicut scripum est, Quia propter te mortificamur tota die: æstimati sumus sicut oves occisionis.

En supremam huius capituli interrogatiōnem, quam Pau. ceu flammam Spiritus sancti de superiori oratione conceptam, expirat. Enimuerò cum tot charismatum dona tanto feruore denarrasset, & Christum demum in duxisset, pro nobis natum, ac passum; tamq; multis in nos modis beneficium, non potuit non ardentissimo amore lique scere, & velut indissolubili glutine cum eodem beneficentissimo Salvatore ferruminatus, in hunc tandem sensum prorumpere. (*Quis nos separabit à charitate Christi?*) Quam orationē meritisimo Aug. lib. 4. de doct. Christ. in exemplum adduxit earum, quæ in sacra scriptura granditer et cum vehementia prolatae sunt. Habet ergo interrogatiō hæc Pauli ex proximis verbis consequentiam hanc, Cum Christus Dei filius, vt prædestinatos vocaret, iustificaret, ac magni

Error Luth.
cōtra sancto-
rū orationes

Aug. li. 4. de
doctri. Chri-
sti.

magnificare, traditus sit, & vt fructus iustificationis iugiter vberiores nobis proueniant, ad dexteram patris continenter interpellet pro nobis, quis non illi, tot charitatis pignoribus prouocatus, in amore ita respondeat, vt nulla inde vi possit amoueri? Et est velut repetitio illi? Si Deus pro nobis, quis contra nos?

Lutherani.

Sunt veruntamen Lutherani, qui legitimum sensum huius loci perturbant. Aiunt scilicet, quod cum inquit Paul. Quis nos separabit à charitate Christi? non de illa loquitur charitate, qua nos Christum diligimus, sed de illa, qua nos ipse amat. At, quæ nam sententia in hoc sensu inesse potest, Quis nos separabit, ne Deus nos diligat? Dicendum enim fuisset tunc potius, Quis Deum separabit à charitate nostri? Aiunt autem, Quis separabit, idem designare, quod, Quis efficiet, vt dubitemus de charitate, qua Deus nos diligit, & non firma eam fide teneamus. Sed hæc manifestaria est distractio verborum ad improprietatem. Hæc autem omnia cōmenta confingunt, ne tantam dignitatem arrogent charitati & operibus nostris, quantam hic significat Paul. Quocunq; tamen se vertant, manifestissimū est, charitatem hic exprimere, qua erat i Deū ipse affixus. Nam Deus nunquam à nobis diligendis subtrahit sese, nisi quia ipsi nos ab ipsius charitate diuellimus. Atqui tribulationum huius vitæ, hæc est natura & contentio, vt ab ipsius amore nos & amicitia propellāt, Id quod in amicis Iob graphicè depictum est, qui hoc moliebantur, & in tentatore Christi. Contraria autem est charitatis virtus, Neq; tā tam energiam charitati sanctorum, tribuere, in iniuriam Dei vertitur, imò ad summam ei⁹ refertur gloriam: sanè qui quos prior ipse diligit, ad tantum sui ipsius amorem prouchat. In digressionem ergo regredientibus, nobis perspectum primum sit, quemadmodū in illa bimembri gloriatione perseverat Paul. cap. 5. proposita, quæ est in spe filiorum & in tribulationibus. Hac enim ratione, vt paulò ante post gloriam filiorum instinctu Spiritus sancti clamantium abba, pater, subiunxit, nō esse condignas passionibus huius temporis ad futuram eorum gloriam, ita & hic cōmemoratis beneficiis & auxiliis Christi, subdit, nullam in tribulationibus inesse vim, quæ nos ab ei⁹ charitate dislecare sufficiat. Est nanq; charitas aliarum omnium virtutum forma & consummatio, quæ ideo quocunq; delicto quālibet aliarum expugnante, disperit: atq; adeo eisdem vel affectionibus vel afflictionib⁹, qui

bus reliquæ impugnantur, concutitur & ipsa, At verò quauis non personas, sed res aduersas recenseat (vt tribulationem, & c.) haud tamen ait, quæ nam res, sed, quis nos separabit. Primum (quantum coniicio) vt persistat in eo quod dixerat, Si Deus pro nobis, quis contra nos? Deus qui iustificat, quis est qui condemnet, Nempe vt patrono adiutori⁹; Deo hostilem opponeret personam. Et præterea quia hæc omnia mala & nocumenta, veluti instrumenta quedam sunt, machinæ & tela, quibus nos trinus noster hostis oppugnat, scilicet Sathan, & mundus & propria caro. Effert autem hunc suum amoris indissolubilem nexum septem verborū exaggeratione, vel fortè quòd spiritus hunc illi numerum in animū suggessit, vel quòd hisce gradib⁹ calamitates omnes, & ærumnas huius mundi complex⁹ est. Sed vide quā nihil fecerit detrimenta illa & incōmoda, quæ filii huius seculi pro maximis ducunt: vt carere diuitiis, magistratib⁹ & similibus ambitionis titulis: hæc enim neq; leuissimè deberent turbare Christianum, sed illa penitus cōmemorat, quæ possent iustum etiā quempia detertere. Horum autē tria facit genera, scilicet præsentium, quæ vel actiones sunt, vel priuationes, tristitiā inferētes: & futurorū, quæ metū incutiunt. (Tribulatio.) Quæ à tribulo, vel ferreo, vel spineo ita nominatur. Cōplectitur autem hac voce aduersitates oēs quæ nobis forinsecus ab hoste inferuntur veluti calumnias (Vt ait Chry.) carceres, exilia, & id genus reliqua. (An angustia.) Tribulationi statim supponit angustiam: quæ duo etiā coniunxit cap. 2. in punitione malorum, Nā si in tribulatione vlla patet via, qua possis elabi, solatium est: si tamen omnis præcluditur, tunc angustatur animus, & tribulatio recrudescit. Vnde Dauid pro beneficio decātat, In tribulatione dilatasti mihi. Et Paul⁹, Tribulationem patimur, sed non angustiamur. Quapropter sicut tribulatio omnia significat externa bella, ita & angustia internas anxietates. (An persecutio.) Nonnulli Latini codices hoc tertio loco habent, an fames, & in sexto, persecutio, Attamen Græci omnes habent hic persecutio, & vetustiores Latini vsq; ad tēpus sancti Thomæ, qui eodem ordine legit: & profectò appositius multò. Nā persecutio est infestatio miseri, quousq; ois illi sit occlusa via salutis: atq; adeo in extremas coniiciatur angustias. Qua nimirum ratione optimè cū angustia cōponitur persecutio. (An fames.) Post tria positiua mala subiicit duo puatiua. Noīe autem

Psal. 4.

2. Cor. 4.

ti & causæ efficientis iustificamur, per eam vero gratiam quam nobis infudit, iustificamur formaliter: putà paruuli per sacramentum equali gradu gratiæ, adulti verò, qui non nisi diuinitus moti & appulsi trahuntur secundum virtutis conatum, feruoremq; & gradū, quo vocationi Dei assentientes mouentur in Deum, tum iusti fiunt, tum & à reatu temporalis poenæ absoluuntur. Vnde quantum ad præsentis loci enarrationē spectat, licet quos Deus iustificat, nullus alius possit condemnare, ipse autem æquissimus iudex, utpote cui⁹ iustitia equalis est misericordiæ, cum non iustificet nisi volentem, exigit, ut qui minori cōtritione & dolore, quàm pro grauitate suorum criminum par erat, conuertitur, is iam in gratia constitutus fructibus deinde poenitentiae teporem suum & negligentiam recompenset, Qua ratione Ecclesiæ prælati autoritate sibi a Christo tradita huiusmodi satisfactiōes reposcunt à poenitentibus, quas si non persoluerint, exacturus est Deus in futuro seculo: ut iuxta verbum Pauli, saluetur quasi per ignem. Quocirca ubi ait, Deus qui iustificat, quis est qui condemnet, nomine iustificationis, tres omnes partes poenitentiae comprehendit, per quas Deus iustificat adultos: quibus rite peractis, nemo est qui in extremo iudicio condemnet. ¶ Super ultimo autem verbo, quod Christus interpellat apud patrem pro nobis, obseruant idem Lutherani, neminem præterea sanctorum pro nobis orare: nam interpellandi, inquit, officium mediatoris est propriū, qui vnus est Christus Iesus. At verò quāuis hoc gratis illis largiremur, quod non sint à nobis orandi sancti propter illud infirmissimum euanidumq; eorum argumētum, quod ut non audiunt, ita neq; agnoscūt petitiones nostras, tamen quod ipsi, nobis etiam tacentibus, pro nobis intercedāt, nullatenus inficias ire possunt, cum ex suis ipsorum concessis, quæ negare nequeūt, liqueſcat. Respondeant enim rogo, nū viri iusti in hoc seculo mutuis se iuant, tum votis, tum etiam precatiōibus; atq; id ob vinculum charitatis? Hoc planè concedunt. Igitur cum ad illam felicitatem admissi solidiori sint nexu charitatis nobiscum coniuncti, nonne & in eisdem persistent votis erga nos, ut eandem videlicet nobis beatitudinē exoptent, cuius ipsi potiuntur? Et hanc item illationem firmam esse agnoscunt, quam qui dem cauillari non possunt. Igitur si illam nobis optāt gloriam, quis poterit diffiteri, quin eandē nobis deprecantur, atq; adeo p nobis

Deum exorent? Profectò cum officium hoc tam sit iustis laudabile in hac militia, quod est pro amicis orare, planissimū est, idem nobis officium beatos præstare, cuius scilicet vident egere nos maximè. Vnde liquidum fit, ut saltem eos veluti in nos beneficos debeamus colere & venerari. Et adiuncto præterea, quod hoc De⁹ honore dignatur sanctos suos, ut ab illis exorari velit: facile est colligere, quod nostras illis preces representat, atq; adeo quod religio nobis sit preces ad eos fundere. Sic eis igitur respondeamus, quod interpellare, tanquam mediatorem, quem Deus inter se & nos constituit, cuiq; eodem iure debetur quicquid postulauerit, & à quo, veluti authore, expetendum est quicquid pertinet ad salutem, Christo domino nostro proprium est: quem ideo à nobis precibus adiri, ut misereatur nostri, cultus est latriæ. At verò interpellare, tanquam Dei amicum, atq; ideo aduocatū nostrum, cui de condigno & iustitia non debetur quod pro nobis postulat, ob idq; neq; author est collati beneficii, hoc planè cōmune est omnibus sanctis: quos idcirco dum precamur, ut orent pro nobis, minimè colimus latria, sed dulcia.

Quis ergo nos separabit à charitate Christi? Tribulatio, an angustia, an persecutio, an fames, an nuditas, an periculum, an gladi⁹? Sicut scripum est, Quia propter te mortificamur tota die: aestimati sumus sicut oues occisionis.

En supremam huius capituli interrogatio nem, quam Pau. ceu flammam Spiritu sancti de superiori oratione conceptam, expirat. Enimuerò cum tot charismatum dona tanto feruore denarrasset, & Christum demum in duxisset, pro nobis natum, ac passum, tamq; multis in nos modis beneficium, non potuit non ardentissimo amore liqueſcere, & velut indissolubili glutine cum eodem beneficentissimo Salvatore ferruminatus, in hunc tandem sensum prorumpere. (*Quis nos separabit à charitate Christi?*) Quam orationē meritissimo Aug. lib. 4. de doct. Christi in exemplum adduxit earum, quæ in sacra scriptura granditer et cum vehementia prolatae sunt. Habet ergo interrogatio hæc Pauli ex proximis verbis consequentiam hanc, Cum Christus Dei filius, ut prædestinatos vocaret, iustificaret, ac magni

Error Luth.
contra sancto
rum orationes

Aug. li. 4. de
doct. Christi

magnificare, traditus sit, & vt fructus iustificationis iugiter vberiores nobis proueniant, ad dexteram patris continenter interpellat pro nobis, quis non illi, tot charitatis pignoribus prouocatus, in amore ita respondeat, vt nulla inde vi possit amoueri? Et est velut repetitio illi? Si Deus pro nobis, quis contra nos? *Lutherani.* Sunt veruntamen Lutherani, qui legitimum sensum huius loci perturbant. Aiunt scilicet, quod cum inquit Paul. Quis nos separabit à charitate Christi? non de illa loquitur charitate, qua nos Christum diligimus, sed de illa, qua nos ipse amat. At, quæ nam sententia in hoc sensu inesse potest, Quis nos separabit, ne Deus nos diligat? Dicendum enim fuisset tunc potius, Quis Deum separabit à charitate nostri? Aiunt autem, Quis separabit, idem designare, quod, Quis efficiet, vt dubitemus de charitate, qua Deus nos diligit, & non firma eam fide teneamus. Sed hæc manifestaria est distractio verborum ad improprietatem. Hæc autem omnia cōmenta confingunt, ne tantam dignitatem arrogent charitati & operibus nostris, quantam hic significat Paul. Quocunq; tamen se vertant, manifestissimū est, charitatem hic exprimere, qua erat i Deū ipse affixus. Nam Deus nunquam à nobis diligendis subtrahit sese, nisi quia ipsi nos ab ipsius charitate diuellimus. Atqui tribulationum huius vitæ, hæc est natura & contentio, vt ab ipsius amore nos & amicitia propellāt, Id quod in amicis Iob graphicè depictum est, qui hoc moliebantur, & in tentatore Christi. Contraria autem est charitatis virtus, Neq; tā tam energiam charitati sanctorum tribuere, in iniuriam Dei vertitur, imò ad summam ei⁹ refertur gloriam: sanè qui quos prior ipse diligit, ad tantum sui ipsius amorem prouehat. In digressionem ergo regredientibus, nobis perspectum primū sit, quemadmodū in illa bimembri gloriatione perseuerat Paul. cap. 5. proposita, quæ est in spe filiorum & in tribulationibus. Hac enim ratione, vt paulò ante post gloriam filiorum instinctu Spiritus sancti clamantium abba, pater, subiunxit, nō esse condignas passiones huius temporis ad futuram eorum gloriam, ita & hic cōmemoratis beneficiis & auxiliis Christi, subdit, nullam in tribulationibus inesse vim, quæ nos ab ei⁹ charitate dissecare sufficiat. Est nanq; charitas aliarum omnium virtutum forma & consummatio, quæ ideo quocunq; delicto quam libet aliarum expugnante, disperit: atq; adeo eisdem vel affectionibus vel afflictionib⁹, qui

bus reliquæ impugnantur, concutitur & ipsa, At verò quauis non personas, sed res aduersas recenseat (vt tribulationem, & c.) haud tamen ait, quæ nam res, sed, quis nos separabit. Primum (quantum coniicio) vt persistat in eo quod dixerat, Si Deus pro nobis, quis contra nos? Deus qui iustificat, quis est qui condemnet, Nempe vt patrono adiutori; Deo hostilem opponeret personam. Et præterea quia hæc omnia mala & nocumenta, veluti instrumenta quædam sunt, machinæ & tela, quibus nos trinus noster hostis oppugnat, scilicet Sathan, & mundus & propria caro. Effert autem hunc suum amoris indissolubilem nexum septem verborū exaggeratione, vel fortè quod spiritus hunc illi numerum in animū suggessit, vel quod hisce gradib⁹ calamitates omnes, & ærumnas huius mundi complex⁹ est. Sed vide quā nihili fecerit detrimenta illa & incōmoda, quæ filii huius seculi pro maximis ducunt: vt carere diuitiis, magistratib⁹ & similibus ambitionis titulis: hæc enim neq; leuissimè deberent turbare Christianum, sed illa penitus cōmemorat, quæ possent iustum etiā quempiā detertere. Horum autē tria facit genera, scilicet præsentium, quæ vel actiones sunt, vel priuationes, tristitiā inferētes: & futurorū, quæ metū incutiunt. (*Tribulatio.*) Quæ à tribulo, vel ferreo, vel spineo ita nominatur. Cōplectitur autem hac voce aduersitates oēs quæ nobis forinsecus ab hoste inferuntur veluti calumnias (Vt ait Chry.) carceres, exilia, & id genus reliqua. (*An angustia.*) Tribulationi statim supponit angustiam: quæ duo etiā coniunxit cap. 2. in punitione malorum, Nā si in tribulatione vlla patet via, qua possis elabi, solatium est: si tamen omnis præcluditur, tunc angustatur animus, & tribulatio recrudescit. Vnde Dauid pro beneficio decātat, In tribulatione dilatasti mihi. Et Paul⁹, Tribulationem patimur, sed non angustiamur. *Psal. 4. 2. Cor. 4.* Quapropter sicut tribulatio omnia significat externa bella, ita & angustia internas anxietates. (*An persecutio.*) Nonnulli Latini codices hoc tertio loco habent, an fames, & in sexto, persecutio, Attamen Græci omnes habent hic persecutio, & vetustiores Latini vsq; ad tēpus sancti Thomæ, qui eodem ordine legit: & pro festo appositius multò. Nā persecutio est infestatio miseri, quousq; ois illi sit occlusa via salutis: atq; adeo in extremas coniiciatur angustias. Qua nimirum ratione optimè cū angustia cōponitur persecutio. (*An fames.*) Post tria positiua mala subiicit duo puatiua. Noīe autem

autē famis, sitim quoq; intelligit, & morbos, et quanuis incommoditatem, quę penitus est in corpore. (*An nuditas.*) Et hac quoq; voce in digentiam pariter tecti designat, & penuriam rerum aliarum, quę nobis esse solent extrinsecus refrigeria aduersus aëris inclementiam: (*An periculum.*) Hoc iam demum in futuris malis est, quę metum offerunt. Videri autem posset nimium attento lectori peruersus hic ordo: nam periculum futuri mali minoris est vehementiæ, quàm actio præsentis: ob idq; ab hoc dicit fuisse inchoadum, vt oratio per gradus assurgeret. At verò vel Paulus hanc vilipē

2. Cor. II. debet curiositatem: vnde eadem serie ad Cor. post carceres & plagas diuersa periculorum genera recensuit, quę passus fuerat, vt fluminum, latronum, &c. Vel fortè hic periculum mortis subnotauit, quod vehemētius est, quàm prænominata alia mala. Ob idq; statim subdit. (*An gladius.*) Iam scilicet imminens capiti. Vbi vniuersa mortis genera, quę diri tyranni in martyres disquirebāt, significat. Meminit autem huius speciei, veluti & ad Heb. In occisione gladii mortui sunt, tum quia truncatio capitis, nisi feritas humani ingenii trunculentiores excogitasset mortes, deberet esse suprema, tum vt auctoritatem Psalmistæ venustius induceret. (*Sicut scriptum est, quia propter te mortificamur tota die, estimati sumus sicut oves occisionis.*)

Hebr. II. Scriptum hoc est in psalmo, vbi antiquorum afflictiones continentur, qui ob conseruatam religionem & cultum Dei à tyrannis macabantur. Qui pariter psalmi figura erat martyrum Ecclesiæ euangelicæ. At depingitur illiciti tyrannorum persecutio sub imagine que rimoniæ martyrum, quod immeriti sæua illa paterentur, Hæc omnia venerunt super nos, nec obliui sumus te, & iniquē non egimus in testamento tuo, &c. Non quod vera sit querimonia, neq; laus, quæ in ore proprio vilescit. Quod enim sancti consummatiores sunt, eò sese demissius humiliant: & sciunt præterea nō esse condignas passionem huius temporis ad futuram gloriam, quę reuelabitur in nobis: quem locum versat hic etiam nunc exornatq; Paulus. Sed vsus est Propheta illo schemate, vt admonitos faceret filios huius seculi, ne, dum viderent filios Dei tam crudelia pati, cogitarent in causa esse, vel eorum demerita, vel quod deserti à Deo essent & obliuioni dati. Atq; ad hoc ipsum propositum infert huc testimonium hoc Paulus: nempe ne id quod dixerat, omnia diligētibus Deum cooperari in bonum, atq; adeo neq; tyrannorum immani

tatem, neq; aduersitatem vllam deiicere eos posse ab eandem charitate, commentum eius esse & inuentum existimarent: sed scirent asseritum fuisse prophetarum prædicantiū Dei curam, quam gerit sanctorum suorum, quos videlicet per hanc mundi sequitiam ad cumulatiores coronas submouet. At singula verba expendenda sunt. Et primum sunt qui malent supprimendam hic fuisse latinē coniunctionem, quia, licet græcè extet, quoniam latino sermone non solet ita fieri citatio, sed simpliciter. Videlicet sicut scriptum est, Propter te mortificamur, &c. Est veruntamen, quicquid isti dixerint, receptissima phrasis apud Latinos. Ait autē, propter te, quia (vt author est in sermone de martyribus August.) Martyrem nō facit poena, sed causa. Vt enim Christus inter latrones diuersa causa crucifixus est, ita & in hac arē Ecclesiæ diuersis de causis eadem mala patiuntur homines. Tradunt enim latrones propter culpam: ambitiosi, propter vanam mundi gloriam: atq; alii propter alias cupiditates sese morti obiciunt. Aiunt enim & auari idolo suo, Propter te mortificamur tota die, sed respondeat martyribus Christus (ait Aug.) Si morieris inuenies & me simul & te, respondeat autem auaris aurum, Si naufragaueris, & me perdes & te. Quocirca Christus non simpliciter dixit, Beati qui persecutionem patiuntur, sed adiecit, propter iustitiā. Nec, Qui perdiderit animam suam, inueniet eam, sed, Qui perdiderit propter me. Et Petr^o, Nemo vestrum patiatur vt homicida aut fur, si autem vt Christianus, non erubescat. Quū enim Christus pro nobis, caput videlicet pro membris, & pro iniquis innocēs animam suā posuerit, quod nō membrum pro gloria summa ducat, capiti suo vitam rependere? Et eò magis quod aliās natura sua id membra faciunt pro capite. Atq; ob hoc potissimè quod Christus, bonorum nostrorum nō indigens, in hoc passus est, vt nobis à morte redemptis impertiret vitam: nos autem, vt mortalem vitam p̄ immortali cōmutem⁹. At verbū, mortificamur, non vsurpatur hic pro eo quod est, carnem macerare per opera poenitiæ: sicut ait ad Col. Mortificate membra vestra: sed pro eo quod est morti addici, hoc est, occidimur. (*Tota die.*) Videlicet, iugiter, & sine interuallo, siue hoc ad plures referatur, eò quod ex numero Christianorum vnus ac subinde alius & alius singulis diebus surripiebatur olim in supplicium, siue quod singuli perpetuò afflictabantur. Vt enim ait Chrysost. Cum natura

Aug.

Mat. 5. et. 10.

1. Pet. 4.

Col. 3.

tura

turæ nostræ datū sit; semel mori, tamen primitiui illi Christiani sua se spōte mille mortibus obiectabant propter Deum, iuxta illud, *2. Cor. 4.* Semper nos qui viuim⁹ in mortem tradimur propter Iesum. (*Aestimari sumus sicut oves occisionis.*) Aptissimē martyrum specimē in quibus macello destinatis exhibetur, non modō propter eorum, tum innocentiam, tum & patientiam, qui sine armis, sine pēra & sine baculo expectabant lupos, verū & propter modū & animum, quō interficiebantur. Quando enim ille qui hostis est, iniuriam arbitratur, in ferre, minus est metuendus, quia restincto odio, sopiri potest & ira: sed illi sunt maximē extimescēdi, qui cum sint crudelissimi, existimant id ex lege & religione decere. Tyranni verō necessarium ducebant, apostolos ac reliquos Christianos, tanquam pueriores legū & religionis supprimere & extinguere, quos idcirco perire atq; pecudes victui necessarias quotidie cēdebant, discruciabant, dissecabāt, ac dilaniabant, iuxta verbum Christi, Venit hora, vt omnis qui interficit vos, arbitretur se obsequium præstare Deo. Inter quos apostoli in primis habebantur, secundum illud, *1. Cor. 4.* Puto quōd Deus nos Apostolos nouissimos ostendit, tanq̃ morti destinatos, quia spectaculum facti sumus mundo.

Sed in his omnibus superamus propter eum qui dilexit nos. Certus sum enim quia neq; mors, neq; vita, neq; angeli, neq; principatus, neq; virtutes, neq; instantia, neq; futura, neq; fortitudo, neq; altitudo, neq; profundum, neq; creatura alia poterit nos separare à charitate Dei: quæ est in Christo Iesu Domino nostro.

Priori membro, hoc est, interrogationi subnequit posterius, vt respondeat. (*Sed in his omnibus superamus propter eum qui dilexit nos.*) Græcè eadem præpositio, *διὰ*, præposita genitiuo significat, per, cum accusatiuo verò, significat, propter, Et est coniectura variasse olim Græcos codices, quoniam inter doctores partim sequuntur priorem significationem, & maximē Græci, partim verò cum interprete nostro amplectuntur posteriore: vt Ambro. Hieron. & alii. Atq; hi vt significet causam finalem, & quasi redamationem, quōd hæc videlicet ma-

la redamando superamus propter eum, qui nos prior dilexit, quasi inde corroboremus dilectionem nostram, quod videamus quāto nos ipse prior amore fuerit complexus, Autamen diffiteri nequeo, quin magis mihi ardeat lectio, per quem, vt significetur causa efficiens: de qua paulō ante, Si Deus pro nobis quis contra nos. Est enim mos Pauli celeberrimus, vbicunq; in sermonem incidit de operibus hominis iam iustificati, vt cōcursum ex primat gratiæ cooperantis cum libero nostro arbitrio: vt est illud, Plus omnibus laboraui: non ego, sed gratia Dei mecum. Idq; ad elidendum duos extremos errores: alterum in quē isti etiam nunc Lutherani impegerunt, scilicet quōd ita sol⁹ Deus operetur in nobis absq; nostro libero arbitrio merita nostra, vt ipse dicatur mereri in nobis: alterum verō Pelagianorum, quōd non absq; Deo quicquam solidi meriti faciamus. Vnde postq̃ dixit, superamus, id moderatus est adiiciens, per eum qui dilexit nos, id est, qui sua nos dilectione præueniens, per Spiritum sanctum nos iuuat qui postulat pro nobis, perq; mediatorem ipsum qui interpellat pro nobis, & per alia peculiaris subsidia. Haud tamen ex hoc loco colligitur, vt Lutherani cēsent, de charitate qua nos Deus diligit, proposuisse Paulum, Quis nos separabit à charitate Christi. Imō sensus eius est, quōd ideo mala nequeunt nos separare à dilectione, qua nos ipsum diligimus, quia per suam ipse dilectionem nostri cōseruat nostrā ipsius. Superamus autem, idem hic representat, iuxta verbi Græci compositionem, quod superuincimus, vt quidpiam excellentiæ ultra id q̃ est, vincere, intelligamus: putā, facilitatem (vt ait Chryso.) & admirationem, cum qua martyres tropheā aduersus hostes statuebant. Primum quōd non solū inermes, verū suis ipsorum hostium armis confodiebant eos, dum quandoq; solo iussu demonia cogeant ē delubris exire, ipsaq; confringere idola, & aliquando ex ipsis incēdiis, quæ martyrio parabantur, exilientes flammæ ministros absumentes. Deinde quōd moriendo stupefaciebāt hostes suos demiranda constantia & alacritate, qua & expauesactos infideles in fidem pertrahebāt & religionem. Pro qua fide qui modō occisores erāt, subito sinebāt sese in eadē supplicia furripi, ad eō vt manifestē cōstaret, tyrānos illos non aduersus humanam potentiam, sed contra Dei virtutem bellum gerere. Vnde (vt habetur in Actis.) Videntes Iudæi Petri constantiam & Ioānis, intelligen-

Opinio auctoris.

1. Cor. 15. Duo errores

Super

tesq;

itesq; adeo, quod si eos occiderent, victoriam illis potius tribuerent, quam ab illis acciperent, ambigui dicebant, Quid faciemus hominibus istis? Optimè ergo ait Paulus, superamus per eum qui dilexit nos, quoniam vel in hoc maxime dilectionem suam erga martyres ostendebat Deus, quod tam illustres triumphos per eos de suis hostibus celebrabat: nō modo, asserens amicos suos in charitate aduersus opugnantium impetus, verum etiam frequentatis victoriis eandem charitatem in ipsorum pectoribus vegetando, irroborando plurimumq; adaugendo. Hæc enim cuncta subsunt verbo, superamus, vt qui per carnalia prælia extinguere in sanctis spiritum moliebantur, & à deuotione Dei abducere, magis eum ac magis eisdem machinis accenderent ac Deo conpingerent. Vide ergo quanta orationis luculentia differuerit duo illa præmissa, Si Deus pro nobis quis contra nos. Et Diligentibus Deum omnia cooperantur in bonum. (*Certus enim sum, &c.*) Inexplicabilis est profecto celsitudo huius apostolici affectus, iis vel maxime fœcordibus, qui talē spiritum non sumus experti. Videtur enim per hæc quatuor contrariorum paria, mortis scilicet & vitæ, spiritualium & corporalium, instantium & futurorum, altitudinis & profunditatis, vniuersitatem creaturæ, vniuersasq; tentamentorum phalanges in certamen prouocare, vt publicitus agnoscat mundus ineluctabilem potentiam & virtutem charitatis sanctorum, qui anchora fidei fundarunt sese in petra, quæ est Christus Iesus. Videre, inquam, tibi videaris bone lector hoc loco diuum hunc numine plenum, veluti nauim ita ad rupem colligatam, vt validissimis ventis susque deq; propulsata, nequeat tamen vlla procella conuelli. Aut tanquam solidissimum terre elementum, quod quauis ventorum furiam intus visceribus suscepit, fremitu in contraria diffillantium, ac impellentium, nulla tamen vi potest dirumpi. Certus enim, inquit, sum, hoc est, ea sum in Deū fiducia, vt persuasissimum habeam, quod neq; mors, neq; vita possit me separare, &c. In interrogatione quidem de futuro sciscitatus est, quis nos separabit, respondurum autem vis impetus non permisit illic responsum sistere, sed de possibili respondet, nulla nos res poterit separare. Atqui cum interrogationem per gradus temptationum deduxerit, responsum multo maiori emphasi per contraria extrema amplificat, quibus mundi omnes differentias amplecti-

tur. Neq; tamen absq; ordinis pulchritudine. Exorditur enim à causa finali, quæ prima est inter causas, nempe à supremis duobus obiectis duorum affectuum, timoris scilicet & amoris, qui radices omnium sunt passionum. (*Neq; mors, neq; vita.*) Primo verbo septem omnia membra expedit, quæ in interrogatione posuerat: cuncta enim illa, scilicet, tribulatio, angustia, &c, præcipitia sunt ad mortē, quæ gladio consummatur. Breuissima ergo vocula mortis mala omnia comprehendit, quorum metu deferere homo potest charitatem Dei. Morti autem adiunxit vitam: quo nomine vniuersa equidem bona veniunt, quæ allicere valent hominem. Ac si dixisset, Neq; qui mihi extrema supplicia minitaretur, quæ mortis atrocitatem exaugent, neq; qui vniuersa bona promitteret, quæ vitam exornant, quicquid apud me hac parte efficeret. Aut forte aliter. Neq; si Deus mihi mori præciperet, amor me vitæ vlllo pacto moueret: neq; si mihi ob necessitatem propagandæ fidei (vt insinuat ipse Phil. 1.) permanere in vita iuberet, desiderium tunc mortis quod maximum habeo, vt solutus corpore essem cum Christo, ab ipsius me charitate distraheret. Natū magnificabitur, inquit, Christus in corpore meo, siue per vitam, siue per mortē: mihi enim viuere Christus est, & mori lucrum, (*Neq; angeli, neq; principatus, neq; virtutes.*) Procedit ad causam efficiētem, quam explicat per aliam contrarietatem: quasi dicat. Neq; in spiritualibus, neq; in sensibilibus vlla est potestas, quæ mihi in hac re nocere valeat. At verò sublimis animus Pauli in hac præcipue verborum magnificentia, nō est dignatus visibilibus potestates nominare, vt diceret. Neq; præsides, neq; principes aut reges: sed de repente assurgit ad spiritualia, in quibus suprema inesse videtur creata potentia. Neq; angeli, neq; principatus, neq; virtutes. Pleriq; sanctorum de damnatis angelis dū taxat hoc intelligūt, eò quod Beati optare nemini possunt huiusmodi abstractionē à Deo. Chrysost. verò tam hic, quā libro. 1. de compūct. cordis, de spiritibus hoc celestibus interpretatur. Videri tamē hic Paulum oculatissimo cuiq; potest, neq; de his, neq; de illis speciatim meminisse, sed in genere utrosq; fuisse complexus, in nullis scilicet spiritibus talem esse potestatem cuiuscunq; sint voluntatis: putā neq; si principatus illos mediteris, de quibus ad Ephe. ait, colluctationem nobis esse aduersus principes & potestates, contra spiritualia nequitiae: neque verò si illos, qui sunt ante thronum

thronum Dei, hanc fingas prauā habere posse voluntatem. Etenim licet inter illos infernales nulla sit ordinis pulchritudo, sed sempiternus horror, est tamen in eorum confusione imago quaedam ordinis principatuum, in malū nostrum instructi. Has tamen potestates eius virtute vincimus, qui (vt habetur Col. 2.) expoliavit principatus & potestates, triumphās illos in semetipso. At verò, vt de felicibus spiritibus commentatio constet, per hyperbolē intelligendū hoc est, qualis est illa. Si ego vel angelus de cœlo aliter euangelizauerit vobis, præterq̃ quod euāgelizauimus vobis, anathema sit. Est enim amor inter cunctas animi affectiones, qui huiusmodi maxime hyperbolicis gaudet. Nam vt author est loco modò citato Chrysostomus, amantium mos est, vt amorem suum silentio tegere nequeant, sed necessariis suis & charis produunt, & flammās suās intra pectus cohibere non possunt. Hæc ille. Adde quod cum Deus (authore Bernardo) sine modo amandus sit, non potuit hic eximius amator modum torrenti orationis ponere, sed, vt ostenderet contra illam vim amoris nullā extare in creaturis facultatem, facilius, inquit, esset cœlicolis illis, diuino amore flagrantibus, velle me ab eodem amore diuellere, quā vt hoc cōficere possent. Protulit autem tres hierarchias: nempe angelorū, qui sunt nuntii, & (vt ait ad Heb.) administratorii spiritus, quos mittit Deus in ministerium propter eos qui hereditatem capient salutis. Ex quibus superiores archangeli delegantur ad summa negotia, veluti Gabriel ad virginem. Principatus autem sunt, qui prouinciis in custodiam præficiuntur: vt est apud Daniel. Sed virtutes, per quas prodigiosa fiunt miracula, vti fuit exsecratio maris rubri, Sodomorum euerio, & similia. Ait ergo. Quauis principatus omnes huic negotio prælati essent, cuius gratia & mitterentur omnes angeli, & virtutes miracula æderent, nihilò plus aduersum me proficerent, quā si imbecilles creaturæ essent. Asurgit enim oratio ab angelis ad virtutes. Abstinent autem hyperbolen à superioribus hierarchiis, putā, dominationibus thronisq; & aliis, quas Colos. 1. cōnumerauit, eò quod per has reliquas complectitur. Vel saltem nomine angelorum archangelos: nomine autem principatuum dominationes: sed nomine virtutum potestates. Supremā enim hierarchiā non decuit in exemplum huius rei prodere: vtpote quæ non tam ad creaturas, quā ad Deum respectum habet. Est enim seraph, idē

quod ardor charitatis Dei, & cherub. splendor scientiæ ipsius, & throni, sedes eius. (Neq; instantia, neq; futura.) Speciose sanè ad duo causarum genera circumstantias quoq; adhibet, quæ sunt temporis & loci. Præterita nanq; mouere non possunt, sed præsentia & futura tam ad amorem, quā ad metum: de quorū obiectis in primo membro dixerat. Præsentia siquidem bona gaudium adferunt & lætitiā ex eorum amore: futura verò spem, sicuti præsentia mala tristitiā & pauorem: futura verò formidinem & metum, (Neq; fortitudo) Multi sunt Græci codices in quibus hoc membrum non legitur. Quod cum non habeat, vt cætera, contrarium respondens, suspitio nonnullis est, non esse Paulinum. Atta mē vel interpretes illud græcè legir, quod est verisimile: vel si adiectitium est, nihil officit. Quod si apostolicum verbum est, vti credo, existimare adiectum esse, nō hoc loco, sed proximè post, virtutes, veluti complementum spiritualium potestatum, putā neq; angeli, neq; principatus, neq; virtutes, neq; vlla, si quæ alia est sublimior fortitudo. Nam vt habetur in Cant. 8. Fortis vt mors dilectio. (Neq; altitudo, neq; profundum,) Circumstantiam loci describit per dignissimas eius differentias. Etenim sicuti in corpore ex tribus dimensionibus prima est longitudo, ita & in loco præstantissima differentia est sursum ac deorsum. Pluribus autem modis exponitur. Primū vt ambē ad metū referantur, ac si dixisset. Neq; si quis mihi præcipitum minaretur vel ab altitudine summa, vel in profundissimum mare, quicq̃ expauescerem. Chrysostomus autem in de compunct. cordis per hyperbolen & hanc quoq; particulā intelligit de regno cœlorum, atq; infernorum fundo: hoc pacto. Neq; si à regno cœlorū perpetuò exulandum mihi esset, vel in gehennā descendendum pro Deo, ab eius discederem charitate. Quāquam luculentior forsan esset distributio amoris & timoris: tali ratione. Neq; amor altitudinis, putā, regni cœlorum, si il luc (per impossibile) nisi contra voluntatem Dei, nequirem ascendere, neq; timor gehennæ, si Deus illuc rē dmitteret, dimouere me posent ab eius amore. Alii autem tria hæc meditantur hic, quæ hominem possent commouere: nimirum coactionē, per fortitudinem cogentis: pauorem, per altitudinem auctoritatis: seductionem, per profunditatem sapientiæ: quorum nullum se, ait, vereri Paul.) Neq; creatura alia.) Conclusio est Rhetoribus solennis: vt qui post inductionem aliquorum sin-

Chryf. gulariū, tum demū appellatione generali reliqua omnia designant, vt generis vniuersitatē concludāt: quali dicat, Nulla cuiuscunq; generis creatura. Quāuis Chryso. non solū veras res, sed possibile quācunq; & quæ excogitari potest, censet Apostolū significasse. Id quod verisimile est, cū non solū concludat, separabit, vt in interrogatiōe, sed, nulla poterit nos separare à charitate Dei, quippè quæ diuinæ eius potētiae innititur, cui nemo potest resistere, (*Quæ est in Christo Iesu.*) Illis qui hanc totam orationē de charitate, qua Deus nos diligit intelligūt, perinde sonat, in Christo Iesu, ac si dixisset, Quæ charitas Dei per Christū applicata est nobis, & executioni mandata. Illis verò qui charitatē hic qua nos ipsum diligim⁹ (& quidē rectius) agnoscunt, idē est, in Christo Iesu, quod in virtute Christi Iesu. Nam charitas quæ per Spiritū sanctū nobis infusa est, in virtute Christi confertur nobis, & per eundē qui à dextris Dei interpellat pro nobis, custoditur & propugnatur. Hunc aut potissimū locū Pauli pro se agere arbitrantur defensores certitudinis gratiæ, scilicet, quo ait, Cert⁹ sum, &c. At verò nullo fauore patrocinator eis: nā vel de se pprie loquitur, vbi ait, nos, veluti quā cōfirmatus erat in gratia. Quā quidē cōfirmationē verisimillimū est fuisse ei reuelatam vbi audiuit, Sufficit tibi gratia mea. Vel si nomine omniū vel iustorū, vel prædestinatorū loquitur, ingeniū tantū & virtutem charitatis (authore hic S. Thoma.) explicat, quæ quātū ad se attinet, semper nos retinet cōiunctos cū Deo: cuius paulo ante meminit Apostolus. At verò quātum ad conditionē liberi arbitrii, cui⁹ facultas, seu potius difficultas & impotētia est, posse à gratia deficere, nō sumus adeo certi. Quapropter & Apostolus ipse castigabat aliquādo corpus suū, ne cū aliis prædicaret, efficeretur ipse reprob⁹. Sunt itē, qui opinātur de separatione finali duntaxat hic Paulū fuisse loquutū, scilicet quod nō poterat ita cadere à charitate, vt i peccato moreretur, nō autem de illa separatione quæ est ad tempus. Nam Petrus qui (vt ipsi censent) in eadē erat certitudine, lapsus fuit nihilò minus dū Christū negauit. Nescio tamen, an hoc ita sit. Si autē verū est, tunc nullū hinc argumētum colligere pro se possunt patroni certitudinis gratiæ: quippè qui asserere, neq; debent, neq; audent, quenquā, citra singulare priuilegiū, talē suæ prædestinatiōis certitudinē habere. Reor veruntamen (ni fallor) nō solū à finali, verūm & ab illo quoq; casu, qui est ad tempus, fuisse

certò tutum Paulū, eò quod in gratia erat cōfirmatus, sicuti & in Pentecoste alii Apostoli cuius reuelationem susceperat. Quocirca non eadem fuerat ratio de Petro, vt qui ante publicam missionem Spiritu sancti nondū erat in gratia confirmatus. Quod enim dixerat, Etiam si oportuerit me, mori tecum, non te negabo, non dixit, nisi explicando naturam præsentis charitatis, qua tunc fuerat infusus absq; respectu ad imbecillitatem liberi arbitrii. Nisi dicere magis placet, quod iudicio id humano affirmauit. Quoniā & simile nūc cōfidentiam efferre nōnulli possent, qui se se amore Dei inflammatos præsentiscunt, qui nihilò minus collabi possunt. Quinimò & temerarios hereticos reperias qui talibus verbis, qualibus hic Paulus, adstruant se non posse à charitate Dei semoueri, qua iuxta sua dogmata vigere se arbitrantur. Sed de his in lib. 3. de nat. & gra. in eiusq; apologia satis superq;

CAP. NONVM.



Veritatem dico in Christo Iesu, nō mēior, testimoniū mihi perhibente conscientia mea in spiritu sancto, quoniam tristitia mihi magna est, & continuus dolor cordi meo.

Expediuit ergo Paul. secundum membrū eorum quatuor, quæ in prologo designauimus, scilicet, de virtute eximia, excellentissimaq; potestate euangelicæ gratiæ, post quod sequitur tertium, in quo de origine eiusdem gratiæ orationem suborditur. Tres enim particulas dignouimus in propositione thematici huius epistolæ, quas interlineauimus, super verbo, reuelatur ira Dei, &c. Primam, virtus Dei est in salutem omniconfidenti. Secundam, Iudæo primum & Græco. Tertiam, Iustitia enim Dei in eo reuelatur. Hanc postremam tractauit in primis quatuor capitulis: primā verò in his quatuor proximè præcedentibus vt suis locis adnotauimus: & in hoc tertio membro quod per tria capitula deducitur, explicatur secunda: quemadmodum scilicet Iudæis simul ac Græcis beneficium euangelicū obtigerit, non ex meritis legis seu scriptæ, seu

seu naturalis, sed solo diuino beneplacito. Vbi verbum illud expādit ac dilucidat, quod proximē dixerat, *lis qui secundum propositum vocati sunt sancti, Quos enim prędestinauit, &c.* Huic autem pręsenti disputationi causam obtulit hęc expauescenda conditionis permutatio, Iudęi & Gręci: nempe quod cum soli Iudęi tot retro sęculis in cognitione veri Dei fuissent versati, eiusq; legem percoluissent, ipsiq; adeo proprię promissus fuisset Christus, in eius tandem aduentu ita excęcati disipuisissent, vt eū repudiatum crucifigerent. Eundem autem Getiles, quibus illuc vsq; lex illa, ipsius pręnuncia, ignota erat & inuisa, promptissima obedientia & alacritate suscepissent. Constituit ergo in hoc nono capite causam & modum, cur Iudęis pro maxima parte reiectis, Gentes per fidem in Ecclesiam Dei priores receptę sunt. In decimo verō deplorat miserandum Iudęorum lapsum, quem tamē ostendit non habuisse vsq; adeo excusationem, quin esset graui culpa denotā dus. Sed in vndecimo consolatur eos non nihil, tum quod eius casus non fuerit omnino vniuersalis, tum etiam quod post ingressum Gentium omnis demum Israel sit in salutem reuocandus. Hoc autem capitulum quatuor sectionibus absoluit: prius enim ad captandā Iudęorum beneuolentiam suam in eos propensum animum aperit, ipsoꝝq; commendat dignitatem. Mox illic, Non autem quod exciderit, commonstrat eandem dignitatem non iure hæreditario ab Abrahamo secundū carnem illis competere, sed secundum spiritū per æternam Dei electionem. Deinde illic, Quid ergo dicemus, appendit, soluitq; vnam atq; alteram dubitationem circa eandem conclusionem. Ac demum quartō illic, Quos & vocauit, concludit, eandem Dei electionem & vocationem non ad Iudęos tantum pertinere, sed patere quoque & Gentibus. Igitur ad exordium Pauli descēdamus. Quum hæten⁹ de necessitate fidei Christi, quę vnicū est fundamentum salutis, deq; eius præclarissima virtute copiose dixerit, progreditur vt edisserat, quā miserē Iudęi ab eadem fide, cuius tandiū fuerant professores, excidissent. At verō quia grauissimū eis esset, durissimūq; hoc audire, ne id pro contumelia ducerent, quam de odio Pauli proficisci existimarent, quo ipsos infectabatur, præmonstrat, quā eos indicibili amore fuerit semper prosequutus, nō solum dum ageret in Iudaismo, sed iam etiam Christianus. Simili tramite ingressus est ca. i.

vbi eorum reprehensionem adornabat, Testis mihi est Deus quod sine intermissione memoriam vestri facio, &c. Nouerat enim quantopere pręlatorum referret, subditos persuasos habere, nil se nisi paterno affectu erga eos gerere & sua: maxime illam gentem, quam omni lenitate decebat ad fidem inclinare. Sed tamē erat exaggeratio hęc amoris, scilicet quod anathema pro illis esse cuperet, tum perfecta creditu difficillima, tum repugnantiam præ se ferens, cum postremis verbis superioris capitis. Qui enim ea charitate Dei flagrabat, à qua nullatenus separari poterat, adeo vt dissolui cuperet, & esse cum Christo, quomodo & anathema ab eodem esse cupiebat pro fratribus? Hac ergo de causa asserit prius veritatem hanc cum attestatione Christi, Spiritus sancti, & conscientię suę. Iam enim simili loco cap. i. tractauimus de iuramento, quā sit non modò licitum, sed concedens, vbi talis addest necessitas. (*Veritatem dico in Christo Iesu, nō mentior.*) Potest quis, & dum falsitatem dicit, non mentiri, vtpote dum arbitratur se dicere verum, & dum veritatem fortē dicit, mentiri quia it contra mentem. Et ideo Paul. ambo copulauit. Optimē ergo obseruabit Origen. hoc quod ait, Veritatem in Christo Iesu: nam Caiphas licet verum prophetauit, tamen si ei⁹ intentionem spectes, non id dixit in Christo Iesu: quia quo ipse sensu loquebatur, non erat vera. Et Phytō ille, cuius spiritu puella veritatem inclamabat, iussus est nihilò minus exire tāquam iniquus veritatis assertor. Qui ergo alio spiritu, quā Christi, veritatem annunciat, mentitur nonnunquam, dum quod se latet, affirmat. Paul⁹ autē qui in Christo loquitur, hoc est, virtute & suggestione Christi (est enim hic idiotis finis eius, sicuti, Caritas quę est in Christo Iesu) veracissimē adiunxit, Et non mentior. (*Testimonium perhibente conscientia mea.*) Si compositionem verbi Gręci obserues, dicas forsan, contestante, seu, simul testante. At non est sensus, quod conscientia simul, & Christus attestentur, sed, Christus est conscientię author veritatis. Ob quam ideo amphibologiam tollendam transtulit interpres per hanc phrasin, quę idem pollet, quod, contestante. Addit ergo testimonium conscientię, velti explicationem proximi verbi, Non mentior, Nam loqui contra conscientiam, hoc est mentiri. Sed quia conscientia nonnunquam etiam potest errare, adiecit, In spiritu sancto, de quo paulò ante, Testimonium reddit spiritui nostro,

Pręlatorum munus erga subditos.

Act. 16.

R 2 quod

Distributio.

Diuisio capituli.

quod nimirū infallibile est. Itaq; sicuti quod ait, Testimonium perhibente conscientia, definitio illius est quod dixit, Non mentiri, ita & quod ait, In spiritu sancto, explicatio est prioris verbi, in Christo Iesu, eò quod spiritus virtute Christi nobis infunditur: (*Quoniam tristitia mihi magna est,*) Quoniam, pro, quod, quæ utiq; cōiunctione exprimitur asserta veritas. Tristitia, inq; magna, quia de re graui, impen-dioq; infausta, qualis erat aberratio Iudæorū à fide. Et præterea ex magno amore profecta nam amicorum mala, licet maxima sint, nisi maximè illi diligentur à nobis, non indolent nobis maximè. Ob idq; adiecit. (*Et continuus dolor cordi meo.*) Dolor enim, in corpore quidem est, sicuti tristitia in animo: vbi autem cum adiectione ait, dolor cordi, vehemētiam significat & acerbiteriam tristitiæ: est enim dolor cordis, discutiatio ipsius ex accepto vulnere. Et ait, continuus, exaggerationis gratia: quia quotiescunq; reminiscebatur, dolebat eorum miseriam. Sicuti capit. primo. Sine intermissione in orationibus meis, idem est quod, quotiescunq; oro. Neq; verò contrarius hic tibi videatur Paulus sibi ipsi, dum Philippensibus præcepit & Thessalonicensibus, gaudere in Domino semper: aut illi documento Ecclesi. 30. Tristitiam non des animæ tuæ. Haud enim probatur illic Stoicorum sententia, qui tristitiam passionesq; omnes reprobabant: sed præcipitur, vt gaudium in Domino continuum sit, ne interrumpatur per aduersam tristitiam, illam scilicet mundanam, quæ de amissione bonorum temporalium, aut de passione malorum procedens, amorem Dei corrodit vř tollit: tristitia verò de malis quæ à Deo nos distrahunt, vt tristitia peccatorum adeò non interdicitur, vt sit etiam sancta: quippe conducing ad gaudium, quod est in Domino. Cohærent enim tristitia & gaudium de malo & bono, quæ sunt contraria: imò & tristitia de amissione temporalis boni, quatenus bonum illud instrumentum est & medium adipiscendi Dei, licita est, & nonnunquam decens: siquidem & Christi anima sanctissima amissura vitam, tristata est vsque ad mortem. Commendatissima ergo est tristitia Pauli de peccato suæ gentis.

Optabam enim ego ipse anathema esse à Christo pro fratribus meis, qui sunt cognati mei secundum carnem.

Ecce eximium amoris exemplum ac penè incredibile signum. Anathema, ad literam est *Anathema.* sursum positum. Quod quidem nomen dona significat, quæ in templis pendebant, diuis sacrata, ab vsuq; humano seposita: ea vel maximè quæ ex hostium præda illis dicabantur. Inde tamen (vt Chrysostom. hic probè ait) *Chryso.* per contrarium sensum nomē deductum est, vt significet quicquid semotum est à Deo vel Ecclesia: itaq; separatio vtrubiq; eadem est, modus autem diuersus. Alia enim sunt anathemata, à quorum vsu honoris gratia abstinemus, ob id quod dicata sunt Deo: alia verò quæ vituperii causa à nobis alienamus, veluti sunt rebelles homines, quos ab se Ecclesia abruptit: secundum illud Apostoli, Si quis *1. Cor. 16.* non amat Dominum nostrum Iesum Christum, sit anathema. Atqui in hac postrema significatione vsurpatur hic, vt ablatius, à Christo, subindicat. At verò anathema à Christo fieri bifariam contingit: vno modo, cum quis voluntate ab eo desiscit. Et hoc nullatenus licet, cum teneamur Deum super omnia diligere, atque id minimè Paulus poterat, qui nulla re existimabat posse à charitate Christi deturbari. Sed sunt nihilò minus qui hunc sensum Paulo impingunt, pro eo tamen tempore, quo sub Iudaismo Ecclesiam Christi zelo Synagoga infestabatur. Et ideò aiunt, non de præsentia dixisse, opto, sed, optabam. At verò sensus hic ægrè potest sustineri. Primum quod nihil egregium tunc dixisset in cōmendationem amoris, quo erat in illos: quia persecutionem illam tunc temporis non pro illis tantum, sed pro seipso, quinimò (vt putabat) pro Deo faciebat. Quandoquidem odium illud Christi, non culpam, sed virtutem, officiumq; reputabat, ac religionem. Et præterea quoniam non solum amorem illum, quo olim fratres Iudæos diligebat hoc loco commendat, sed quo tunc Christianus erga illos erat affectus. Accipitur ergo, anathema, hoc est, separatio, in alio sensu, nempe pro eo quod est, abesse à Christi præsentia & fruitio ne, quam ardentissimè exoptabat. Ait verò, optabam, quia iam in præsentia cernebat, decretum esse à Deo, vt Iudæos in sua cæcitate permitteret: ob idquæ tunc forsan non optabat contrarium, sed antea. Vel certè, optabam, idem est, quod, optarim (vt aliis placet) nam græcè affines sunt significationes eiusdem vocis. Et sic transfert interpret Chrysostomi in 3. libr. de Sacerdotio. Nempe vt idem sit, optarim, quod, vtinam anathema ego esse possem

Conciliatio
locorum.

Ecclesi. 30.
Stoicorum
dogma.

sem pro fratribus. Etenim quò vehementiam affectus depromeret, nò ait simpliciter, velim sed, optarim, (*Ego ipse.*) Et hæc quoq; exaggeratio est, scilicet, ego ipse qui tam auidè sitio conspectum Christi, anathema esse optarim ab ipso, vt vos lucrifacerem, qui vltro per grauißimum infidelitatis crimen anathemata esse ab eo pergitis. Nam artificiose sub anathematis nomine, & suum officium, & eorū vnà scelus subnotauit. Interrogas autem. Si elongari à gloria Dei nequit homo nisi per culpā, quomodò id Paulus optare poterat. Ad hanc

Dubitatio.

interrogationem pleriq; respondent non nisi temporariam separationem, seu remotionē à gloria citra culpam optasse pro fratribus: iuxta illud, Coarctor ē duobus desiderii habens, dissolui & esse cum Christo, multò melius, permanere autem in carne, necessarium propter vos. Neq; verò si hanc receperis expositionem, exigua tibi videatur emphasis Pauli: cogita enim tecum, perpendeq; si vales, desiderium Pauli abeundi à corpore, fruendiq; suo Christo, vltra omnem modum excelluisse illud, quod mortales habent viuendi: vnde facile intelligas, quantò altius extulerit amorem suum erga fratres, dicens, optare se per annum, vel mensem in carne viuere, carereq; p illis beato illo conspectu Christi, quàm si vitæ cupietissimus paratum se diceret mortem oppetere pro amico. Veluti Dauid vbi optabat tribui sibi vt pro Absalone moreretur, nē pēvt propria morte filium recuperaret, Tamen si dum Originem Chrysostomū & Patres super hunc locum meditatus lego, sublimiorem mihi videor hic sensum intueri. Vis etenim amoris, vbi in ecstasi rapit amantem, nò finit rationes has circumspectare, vt sese latius proferat. Quocirca qui (vt paulò ante meditabar) neq; exulare à cælo, neq; in tartara detrudi vilius momēti arbitrabatur, vt separari posset à charitate Christi, eadem nunc charitate absq; præscriptione, vel temporis, vel loci ait; cupere se anathema esse à Christo pro fratribus: non considerans quo id pacto fieri possit. Quasi optasset charitas Dei in Paulo fructu gloriæ orbari, vt plures Deus haberet amatores. In quo profectò se maximè dilectio patrefacit. Vnde meritò irridet Chrysostom. eos qui appellatione hic anathematis intelligunt corporalem mortem, qua separatur homo ab humano consortio: tunc enim non dixisset, à Christo. Igitur sicuti pater dilectissimum filium nōnunquam peregrè dimittit abire, honoris aucupandi gratia, vbi amor ipse filii in

causa est, vt velit ab illo lōgè fieri, ita hic Paul. abesse longè cupit à fruitione Christi pro fratribus. At quoniam nōs ab hac dilectione q̄ lōgissimè absumus, fit vt neq; intelligere hæc possimus. Et Orig. vel in hoc etiam verum habere putat Euangelium. Qui vult animā suā saluā facere, perdet eam: & qui perdiderit, inueniet eam. Nam quid, ait, mirū, si Apostolus p fratrib⁹ anathema fieri velit, q̄ sciat eū qui in forma erat Dei, exinanisse se de ea, ac suscepisse formam serui, & factum esse pro nobis maledictū. Hæc ille. Pari ratione & illud Mo sis, Aut dimitte eis hanc noxam, aut si non facis, deleme de libro tuo, quem scripsisti, quod nonnulli interpretantur de libro, in quo erat inscriptus dux populi: Patres isti intelligunt, de libro vitæ. Id quod subsequens responsum Dei comprobare videtur. Qui peccauerit mihi, delebo eū de libro meo. (*Qui sunt cognati mei secundum carnem.*) Alii transferunt, consanguinei, quod idem valet, nisi quòd tunc redundaret, secundum carnem, nā cōsanguinei esse aliter nulli possunt. At quia cognatio communis est ad cognationem spiritualem & carnalem, cum verbum Græcū idem polleat, quod, eodem genere prognati, commodè transtulit interpretes, cognati secundum carnem, id est, ab Israele descendentes, vt proximo verbo exprimitur. Vnde secundum carnē, limitatio est illius, quod dixerat, fratribus, Nam qui fidem non receperant, non erant illi fratres secundū spiritum. At verò quanquā cognatio esset in parte causæ tantē beneuolentiæ, tamen potissima erat honor Dei, ob quem illis optabat conuersionem. Hic autem noster pudeat tempor & pectoris ficitas erga fratres, quos vel nulla ratione, vel ob hæc tantum caduca bona diligimus: at pro pereūtibus, Christi q; honorem ac fidem labefactantibus ac profligantibus neq; minimam curam gerimus, tantum abest, vt fieri velimus anathemata.

Mat. 16.

Exod. 32.

Phil. 1.

2. Reg. 18.

Qui sunt Israelitæ: quorum adoptio est filiorum, & gloria, & testamentum, & legislatio, & obsequium, & promissa: quorum Patres ex quibus est Christus secundum carnem: qui est super omnia Deus, benedictus in secula. Amē.

Subscribit amplissimam Iudæorum dignitatem, quā per octo priuilegia describit, vt inde tristitiæ suæ causam & doloris expandat, &

commiserationem eliciat infelicitatis eorum & calamitatis, atq; adeo vt eos hac nobilitatis cōmendatione ad fidem alliciat. Sed est nobis adnotandum, nullam hic virtutem Paul. aut dignitatem humanam laudasse in Iudeis, quā sibi possent insolenter arrogare, sed diuina penitus beneficia. Prima dignitas est generis.

2. Cor. II.

(*Qui sunt Israelitæ.*) Vbi rationem exponit suę cū illis cognationis: iuxta illud, Israelitæ sunt, & ego. Non autem appellat eos tantum gen⁹ Abrahę, sicuti & ibidem ait, Genus Abrahę sunt: & ego, sed Israelitas, Neq; id solū, vt eos fecerneret ab Ismaelitis, & à filiis Esau, sed ppter singulare celebratissimūq; factum Iacob, luctamē videlicet cum angelo. Vnde nomen datum illi est diuinitus Israel: quod est, videns Deum: vel secūdm alios, potens Dei, hoc est, potestatem habens in Deum: iuxta

Gen. 32.

verbum illud, Appellabitur nomen tuum Israel, quoniam si. contra Deum fortis fuisti, quanto magis contra homines praualebis. Et sequitur, Vocauitq; Iacob nomen loci illius Phanuel, dicens. Vidi Deum facie ad faciem, vbi significatur personę quidem inditum fuisse nomen à fortitudine, loco verò à visione. Quā perinde ratione pudore illos foedissimo conspergit, quod quum denomine illius Patriarchę gloriantur, qui angelum Dei vicit, angelis ipsi Sathanę tam turpiter man⁹ dedissent, vt fidem Dei reicerent. (*Quorum adoptio est filiorum.*) Non superfluit, filiorum, vt capite superiori adnotauim⁹, sed est periphraſis simplicis verbi Græci, *υιοθεσία*, idem pollentis, quod, positio filiorum, ad differentiam illius adoptionis, qua quis adoptatur in nepotem. Pulchrē ergo secundum priuilegium primo subiecit: est enim multo præclarior adoptio filiorum Dei, quā Israelis genus: ob quā filiationem de Israele ait dominus, Filius me⁹ primogenitus Israel. ¶ Addubitabit hic veruntamē quispiam, quomodo hic Paulus huiusmodi adoptionem priscis illis legis veteris adscribat, cum capite superiori inter alios & Christianos ita discriminauerit, vt illos spiritum tantū seruitutis accepisse in timore, nos autem spiritum adoptionis filiorum Dei, pronunciet. Ad hanc autem dīcūtionem, licet sint qui respondeant, spirituales olim Patres adoptionem filiorum recepisse per gratiam, carnales autem spiritū in timore, tamen quia non sic distinguit Paul. legitimus fortē intellectus est, quem (vt illic pręnotauimus) Apostolus ipse pandit Gal. scilicet, quod illi adoptionem quidem filiorum receperunt in circunci-

sione & sub lege, sed tamen tanquam paruuli atq; ætate minores, quā quibus esset hereditas tradenda, nos autem tanquam iam ætate legitima. Neq; obstat si qui, vel tunc olim, vel nunc, culpa sua huiusmodi adoptionis beneficiū vel non receperunt, vel nō seruant: quia Pau. tantū demonstrat diuinū propositū in cōferenda circūcisione & vtrāq; lege, quod fuit, vt homines gratis reconciliati, & in filios asciti, Deum colerent, vt patrem. Quapropter licet ex gentibus fuerint etiam nonnulli in gratiam filiorum recepti, populus ille tamen peculiare nomē filiorum Dei obtinuit in orbe.

Deut. 4.

Vnde Moses. Non est alia natio tam grandis, quæ habeat Deos appropinquantē sibi, sicut adest nobis Deus noster. Atq; hanc filiationis primogenituram probauit Christus, vocans eos filios. Nō est bonum sumere panem filiorum & mittere canibus. In cuius figuram, scilicet cœlestis hæreditatis, donata illis est terra promissionis, eiectis inde Gentibus. Quapropter & hoc quoq; verbo pudescit eos, quod qui præ reliquis nationibus filiorum prærogatiua fuerint insigniti, iam tunc adueniente primogenito Christo posthabiti fuerint Gentibus, cum quibus nunquam fuerat Deus cōuersatus. (*Et gloria.*) Non tam de gloria cœlesti loquitur, quā de virtutibus miraculisq; & portentis, quibus suā Deus gloriā illis, ceu filiis, manifestauit: vt fuerūt prodigia in Aegypto, in mari & in deserto. De quibus Moses.

Mat. 15.

Ecce gloria domini apparuit in nube. Et dum ædebatur lex, Habitauit, inquit, gloria domini super Sinai. Et Gloria domini impleuit tabernaculum. Idemq; legitur, de gloria templi. Et quod illa gloria figura esset cœlestis conferendæ per Christum, docuit ipse, cū se in mōte coram prophetis eiusdem legis transfigurauit. (*Et testamentum.*) Graphice pfecto & ex ordine innectit filiorum qualitates. Græcē autem pluratiuē legitur, *διαδούλων*, testamenta: At verò idem nomen in plurali numero significat hæreditatum distributiones, quæ obeundę sunt post testatoris mortem: sed tamen in singulari significat etiam pacta inter viuos atq; hæreditatem ipsam: & ideo, vt pacta & conuenta Dei, quæ cum ipsis pacifcebatur significaret, traduxit forsan interpretēs, testamentū.

Exod. 16, &

24. & 40.

3. Reg. 8.

Mat. 17.

Vnde Orig. Quoties peccauerunt, toties exheredati videntur. Et rursus. Quoties propitiatus est Deus, reuocauit eos, & in hereditatē suę possessionis adduxit, totiesq; reparasse testamentū credendus est. Hęc ille. Et pepigit De⁹ fœdera cum Abraham & aliis Patribus: vt in

Genesi

Exod. 4.

Dubitatio.

Gala. 4.

Genesi relatum est. Alii in plurali legētes, verbum referunt ad duo testamenta: scilicet vetus & nouum, quæ Paul. adnotauit. Quorum primum concessum illis est, alterum verò promissum. Si tamen, testamentum, singulariter legeris, pristinum illud intelligito, (*Et legislatio.*) Illis enim peculiariter inter nationes totius orbis scripta fuit lex. Et quoniam in lege tria erant mandatorum genera, nomine legis moralia comprehendit & iudicialia: sed quātū ad cerimonialia, subdit. (*Et obsequium.*) Vnde Orig. Obsequium, inquit, sacerdotalia dicit officia. Alii transferunt, cultus: nam græcè est, *λατρία*, & parui refert: nā & illa cerimonialia cultus quoq; erant. Nisi quòd fortè, obsequium, significantius explicat exteriores illas ceremonias, quàm, cultus, quod nomen ad internam animi reuerētiam propius attinet. Præterquàm quòd eodem nomine officium omne & obsequium legis pariter designatur. (*Et promissio.*) Nempè promissiones quæ de futuro Messia, deq; ei⁹ lege & gloria factæ sunt Patribus: utpote Abrahamæ, Isaac & Iacob, & populo exeunti de Aegypto: ut legitur in Genesi à. 12. cap. vsq; ad 22. Et in Exodo cap. 20. & duobus proximis. Ut intelligas adoptionem, illam antiquitus filiorum in sola fuisse positā pollicitatione & spe venturi, nostram verò iā esse in re. Quam ob causam Christus (ut infra 15. habetur) missus est minister circumcisionis ad confirmandas promissiones Patrum. (*Quorum Patres, ex quibus est Christus secundum carnem.*) Hoc est octauum postremum quæ atque ideo supremum Iudæorum decus, quòd Christus ex eorum prosapia fuerit deriuatus secundū carnem: iuxta illud, Dilexi Patres tuos & elegi semen eorum. Quo nam enim maiori honore dignari illam gentem Deus potuit, quàm ut suo ipsius vnigenito matrem ex eorum genere optaret? Ut idem esset & Dei filius & eorum consanguineus. Sed quo præterea potuit Paul. acriori spiculo Iudæorum scelus cæcitatemq; & impudentiam compungere, quàm commemoratione hac cognationis eorum cum Christo? Ut inde maximè puererent, obruerenturq; verecundia, quòd non solum Deum, sibi ipsis promissum, & missum abnegassent, sed eundem in carne crucifixissent, quam ab ipsis acceperat, eundemq; effudissent sanguinem, quem de suis ipsorum visceribus contraxerat. Quo profectò nefando facinore repudiari meruerunt, ut Gentes alienigenæ, quibuseum perimendum tradiderāt, eundem fide & obedientia susciperent, (*Qui*

est super omnia Deus, benedictus in secula. Speciosissima est præhabita orationis conclusio, eademq; per necessaria. Primum, ut quem hominem secundum carnem nominauerat, verum eundem Deum astrueret: veluti cap. 1. Qui factus est ei secundum carnem, qui prædestinatus est filius Dei. Deinde, ut diuinitatis Christi commemoratione Iudæorum tum nobilitatem, à quibus sanguinem duxit ad summum fastigium eueheret, si modò tātum beneficium agnouissent, tum culpam infamaret, quòd Deum verum explosissent, qui tam multis priuilegiis, quàm sunt in præsentia commemorata, eos illustrauerat, atq; adeò quem Patres eorum tam cupidè præstolabatur. Quocirca meritisimò hoc loco culpandus repellendusq; ille est, qui primus cogitauit vires huius loci eneruare, quas aduersus Arrium Patres omnes, tam Græci, quàm Latini semper agnouerunt. Ait enim ille, posse hanc clausulam ita distingui, Qui Christus est super omnia, ut, interiecto colo, sequatur Deus benedictus in secula, veluti gratiarum actio. Vel aliter, ut hoc relatiuum non referat Christum, sed superiori textu concludatur clausula, & relatiuum accipiatur indefinitè, in modum gratiarum actionis: hoc est, ille qui est super omnia Deus, sic benedictus in secula. Secundum quas, inquit, lectiones non sumitur argumentum diuinitatis Christi, idq; magno verborum molimine pertendit defensare. Sed profectò non erat opus catholico viro hunc ingenerare scrupulum in re conspicua. At quia alii, tum diligentissimi, tum doctissimi iustas apologias aduersus hunc authorem doctè ac pie instruxerunt, inter quos est pius & verè catholicus Titelmānus, nolo ego esse molestus. Est ergo planissimus hic locus de diuinitate Christi: nam absque dubio, relatiuum refert Christum, & colon illic figendū est, qui est super omnia Deus, ut, Benedictus in secula, adiaceat Christo, Deo. Vel si colon præponatur nomini, Deus, totum subsequens, Deus benedictus in secula, enunciat de eodem Christo. Vnde Orig. Ex ipsis ergo est & Christus secundum carnem, qui est super omnia benedictus Deus in secula. Christum aliud secundum carnem esse, & aliud secundum spiritum, iam in prioribus huius epistolæ partibus designauit, ubi dixit, Qui factus est ex semine Dauid secundum carnem, qui prædestinatus est filius Dei in virtute secundum spiritum sanctificationis. Quem ergo ibi secundum spi-

Erasmus.

Orig.

ritum, filium dixit, hic, procedente doctrinæ ordine, vtpote proficientibus auditoribus, Deum qui est super omnia benedictus, ipsum esse pronunciat. Hæc ille & alia in hanc sententiam plura. Quibus optimè adnotauit, quòd quem prius Paulus nō appertè Deum, sed filium Dei asseruerat, ne adoptiuum designasse crederetur, planissimè iam nunc appellat Deum. Et est calumnia indigna quæ a Christiano obiiceretur, dicere quòd hæc nō fuerit sententia Origen. sed interpretis correctio: nam est apertissima quoque sententia Cyrilli, Chrysostomi, & Augustini, & manifestissimè Ambrosii, qui ait, Si quis non putat de Christo dictum, qui est Deus, det personam de qua dicatur. Et Hieronym. notauit damnatas hic esse hæreses Manichæi & Photini, qui negabant veritatem carnis Christi, per hoc quod ait, Ex Patribus secundum carnem. Et hæreses Arii & Nestorii, in hoc quòd eundem qui est secundum carnem, affirmat esse super omnia Deum benedictum in secula. Quinimò & hoc ipsum quod ait, super omnia, certissima est & maxime propria dignitas Dei, vt quæ nulli potest creature competere. Vnde ad Philip. postquam de Christo præmiserat, quòd non rapinam arbitratus est, esse se æqualem Deo, subiecit, datum illi nomen super omne nomen, vt in nomine Iesu omne genu flectatur, cœlestiū, terrestrium, & infernorum. Et adiecit. Et omnis lingua confiteatur, quia dominus Iesus Christus in gloria est Dei patris. Operosum autē esset Augustinum, Cyrillum ac reliquos doctores huc adscire, qui concorditer in hanc sententiam hunc locum exponunt.

Non autem quòd exciderit verbum Dei. Non enim omnes qui ex circuncisiōe sunt Israel, hi sunt Israelitæ: neque qui semen sunt Abrahamæ; omnes filii. Sed in Isaac vocabitur tibi semen, id est, non qui filii carnis, hi filii Dei: sed qui filii sunt promissionis existimantur in semine. Promissionis enim verbum hoc est, secundum hoc tempus veniam, & erit saræ filius.

Sequitur secunda sectio huius capituli, in qua de origine gratiæ hoc Paul. constituit, quòd non hominum meritis, sed ex Dei prædestinatiōe ortum habeat. Vnde cū tot percensuerit Iudæorum priuilegia, explicatum pergit, quemadmodum illa omnia per gratiā Dei illis prouenerint. Et præterea cum miserum eorum casum fuerit lamentatus, præocupatiōe iam vtitur aduersus eos, ne inde colligerent, incertas ac vanas fuisse promissiones Dei: quarum inter cætera munera, modò meminit. Fuerat enim Patribus salutem pollicitus per semen Abrahamæ & Israel, ergo si tā numerosa pars eorum profapiæ orbata fuit illa fide & salute, cassæ videntur promissiones illæ. Hanc ergo collectionem præsecat, dicens Non autem quòd exciderit verbum Dei, hoc est, non ob id tanto merore conficior de abcessione vestra, quòd fides per vos pollicitationum Dei collapsa fuerit, & per culpam vestram, vel infracta, vel infirmata. (Non enim omnes qui ex circuncisione sunt Israel, hi sunt Israelitæ. &c.) Non solum in codicibus Græcis non legitur, ex circuncisione, verum neq; in vetustis Latinis. Neque est verisimile verbum esse Pauli, tum quia circuncisio non sumpsit initium in Iacob, tum quia multò aptius cohærēt hæc duo membra, sine tali adiectione, hoc pacto, Non enim omnes qui ex Israel sunt, neq; qui semen sunt Abrahamæ. Sed tamen nihil sententiæ deperit, si legatur, ex circuncisione. Neq; habetur græcè, Hi sunt Israelitæ, sed, ij sunt Israel, vt, Israel, sit in casu nominandi. Est enim celebre in sacra scriptura, vt gens nominetur à capite illius stirpis: vt tribus Iudæ dicitur Iudas. Consultò tamen fortè interpres vertit, Israelitæ, ad tollendam æquiocationem. Nam, Israel, potest latinè esse genitiui casus: quem sensum non præ se fert Pau. hic. Vel fortè (vti alii probè adnotarūt) quia Israel absolute dictum de gente, nō nisi vniuersam gentem Iudæorum significat. Israelitæ verò potest etiam accipi pro particula Israelis, de qua hic Paul. loquitur. (Neq; qui semen sunt Abrahamæ, omnes filii.) Ambrosius non legit, qui semen sunt, sed, quia semen sunt. Neq; huiusmodi lectio spernenda est: ita enim habent nonnulli Græci codices, hoc est, Non illa causa, &c. At pro literæ dilucidatione prenotemus, tres fuisse in signis Patres in lege celebratissimos, quibus, data fide, promissus fuit Messias, nempe Abraham, Isaac & Iacob. Patent enim promissa facta Abraham in figura terræ promissionis in Genesi à cap. 12. vsq; ad. 22. quæ eodem libro

cap.

Tres signis
patres.Hiero. contra
hereticos.

Philip. 2.

Secunda pars
capituli.

cap. 26. repetita sunt ad Isaac, & rursus ad Iacob cap. 28. Ob idq; Iudæi celeberrima appellatione dictabantur filij & semen Abraham: vt crebrò videre est in Genesi: & filij quoq; Israel, vt patet in Exodo. Abraham quidem, quia illi omnium primo & semini eius factæ sunt promissiones, vt ait Paul. Israelis verò, quoniā omnes eius filij tam ancillarū, quā præcipuarum vxorum connumerati sunt in populum Dei, cui per tribus distributo tradita est terra promissionis. Haud tamen solenniter nuncupabatur filij Isaac, quia neq; prim⁹ fuit cui facta esset promissio, neq; tota eius progenies hæreditatem illam adiuit terræ promissionis, sed solus Iacob, abdicato Esau. Quamobrem in duobus tantummodo his seminib⁹, scilicet Abraham & Israelis, ostendit hic Paul. non excidisse verbum Dei: idq; per quatuor oracula, bina vnus, totidemq; alterius. Neq; est prætereundū ingenium hic Apostolicū. Poterat enim per hoc defendere certitudinē & firmitatē diuinā promissionū, quòd particulariter quibusdam filiorum tam Abraham, quā Israel eas impleuerat, at ne quis redargueret, nō ideo fuisse illas promissiones satis solidas, quoniam neq; omnibus quibus fuerat salutem pollicitus, persoluisset eas, neque verò illis tantū, sed plurimis etiam ex gentilitate, commonstrat easdem promissiones in vniuersum fuisse completas omnibus, qui legitimè sunt filij Abraham: atq; illis duntaxat obuenire hæreditatē æternam: de qua spiritualiter intelligebatur. Ob idq; ait, Non enim omnes, hoc est, nō mihi illos obiciatis, qui ex semine, seu Israel, seu Abraham aberrarūt ab scopo fidei: illi nāq; non sunt legitimi filij secundum spiritū promissionum: quare ob excidium illorum non excidit verbum Dei. Qui autem fuerint legitimi filij, hic prius ostendit in filiis Abraham testimonio scripturæ Genesis. 21. (*Sed in Isaac vocabitur tibi semen.*) Et exponens spirituale sensum subdit, id est, (*Non qui filii carnis, sed filii Dei: sed qui filii sunt promissionis, existimantur in semine.*) Animaduertat hic ergo attentus lector diuinam expositionem Pauli præscarum promissionum. Vt enim ostendat nullo carnali iure, sed diuino bene placito obuenire nobis adoptionem, adducit duo commodatissima exempla filiorum Abraham & Isaac. Quorum vtriq; bini fuerunt filij Abraham nanque duas suscepit proles, Ismaelem scilicet maiorem natu, & Isaac minorem, quorum Ismaeli iure primogeni-

turæ competere videbatur hæreditas: non obstante quòd esset filius ancillæ. Nā in sōbole Israel nullum interiectum est discriminē inter filios ancillarum & vxorum in distributione hæreditatis. Sed nihilo minus præcipitur Abraham eicere filium ancillæ: quia in Isaac, inquit, vocabitur tibi semen: Adiecit autem Deus, Sed filium ancillæ faciam in gentem magnam, quia semen tuum est. Optimè id ergo interpretatur spiritualiter Paul. quòd non qui filij carnis, id est, qui ius habēt ex carne, sicuti Ismael, ij sunt filij Dei: sed qui filij sunt promissionis, id est, filij secundum electionem & promissionē Dei existimantur in semen videlicet Abraham. Multò autem explicatius habetur allegoria hæc ad Galat. vbi ait, filium ancillæ natum fuisse *Gala. 4.* secundum carnem, hoc est, naturali virtute carnis ex iuuentula: filium autem liberę per repromissionem: nimirum emortuis iam & deficientibus viribus naturæ, sed per miraculum Dei restitutis. Hæc enim omnia in typo facta sunt progignendi Christi adoptandorumq; mortalium per eius gratiam. Iudæi autem id intelligebant carnaliter. Vnde germanum possumus eruere sensum illius verbi Ioannis. 8. Nos ex fornicatione nō sumus nati: vnum patrem habemus Deum. Non enim vocabant Deum, patrem propter gratiam qua erant illi accepti, sed quia non per naturam, vt Ismael, sed super naturā per miraculosam electionem Dei fuerant nati. Nihil ergo hic restat dubitationis ab hoc argumento, quòd neque omnes filij Isaac salui facti sunt, neque verò illi soli. Siquidem Gentiles, siue ab Ismaele, siue ab Esau descendentes salui fieri poterant olim in lege naturæ per auxilium gratiæ Dei, qui & in aduentu Christi Iudæos ipsos anteuertunt. Nulla inquam ex parte ab hoc argumento infirmatur promissionum robur, quoniam sensus illorum oraculorum, interprete hic Paulo, spiritualis est: hoc tantū docens, quòd quemadmodum Ismael seniori, qui secundum carnem, hoc est, naturali virtute carnis fuerat genitus, prælatus est diuino beneplacito Isaac, qui fuit sola voluntate Dei ex effecta iam anu miraculosè procreatus, ita intelligamus, eis tantū atq; eisdem omnibus factam esse promissionē filiationis Dei, quos ipse secundum æternum propositum elegit: atq; eosdem prorsus censeret filios Abraham, qui eadem fide generantur, quam Abraham habuit de conceptu Isaac. De qua Paul. supra

cap. 4. illud antiquū elogiū citauit, Credidit Abraham Deo, & reputatum est illi ad iustitiam. Quā de causa superius cap. 2. distinxit Iudæum duplicem: nempe in manifesto, & in abscondito, & duplicem circumcisionem, cordis scilicet & carnis. Et cap. 4. commonstrauit, Abraham fuisse patrem omnium creditum. Et Christus in Euangelio ait, posse de lapidibus suscitare filios Abraham. Atque adeo hic Apostolus in eundem diuinum sensum spectatissimè adsciscit oraculum secundum ex Genesi. (*Promissionis enim verbum, hoc est, secundum hoc tempus veniam, & erit Saræ filius.*) Id est, secundum hoc tempus mihi ab æterno præfinitum & præfixum, Vbi tēpus gratiæ spiritualiter significatur. De quo tempore ad Galatas Paulus. Vbi venit plenitudo temporis misit Deus filium suum factum ex muliere, quippe ex Virgine per miraculum, præfiguratum in miraculosa generatione Isaac, vt adoptionem filiorum recipere-mus. Quod est velut expositio huius, quod ait hic, Et erit Saræ filius.

Non solum autem illa, sed & Rebecca ex vno concubitu habes Isaac patris nostri. Cum enim nondum nati fuissent, aut aliquid boni egissent, aut mali, vt secundum electionem propositum Dei mareret: non ex operibus, sed ex vocante dictum est ei: quia maior seruiet minori: sicut scriptum est, Iacob dilexi, Esau autem odio habui.

Procedit ad exemplum filiorum Isaac. Et quanuis in Græcis modo codicibus non est relatiuum, illa, tamen claritatis causa adiectū est: hoc verum tamen oculatoris est considerationis, quod isti neoterici reprehendere cōnituntur in veteri translatione. In Græcanicis enim iam nunc exemplaribus vbi nos legimus, concubitu, nō est *ἡ μήτηρ*, qui est accusatiuus generis foeminini, significans idem quod, cubile. Ob idq; aiunt, deprauatum esse hunc locum ab interprete veteri, & quantū ad verborū structuram, & quantū ad sententię fidem: nam ablatiuus, vno, masculini generis nequiuertat cum accusatiuo foeminino copulari: sed supplendus inquit, erat abla-

tiuus, filio, vt legeremus, Rebecca ex vno (scilicet filio, cubile habensi, i, matrimonialē thorū, Isaac patris nostri. Vel ita, vt ablatiuus, vno, coniungeretur cum, Isaac, in eodem casu. Nā genitiuus Græcus per ablatiuū quoq; reddi potest Latine: hoc modo, Rebecca ex vno Isaac patre nostro cubile habens. Nam aiūt, nihil Pauli retulisse, an vno coitu cōcepti fuissent illi gemini. At verò vt ab hoc potestremo verbo retundere horum censuram exordiamur, quoniā isti (vt sæpe adnotaui) non sunt ita multum obseruantes Theologiæ in scriptura sacra, ideo sunt tam nobis infestis: lōgè enim aliter sentiūt doctores omnes, non modò Latini, verum & Græci de isto vno concubitu. Cum enim Paul. prius induxisset exemplum de Ismaele & Isaac diuersis matribus, diuersisq; temporibus prognatis, quinimo sub diuersis patris cōditionib; qui Ismaelem sub præputio genuit, Isaac verò iam circumcissus, ne quis electionem Isaac præ Ismaele meritis parentum transcriberet, attexit exemplum alterum, in quo nulla cogitari potest generationis discrepantia, duorum scilicet gemellorum, qui non tantū iisdem parentibus, sed eodem prorsus temporis articulo geniti sunt, vbi non potuit diuersus affectus esse parentum. Et ideo ait. Ex eodem concubitu. Neque erat verbum adeo pudendum, quin deberet eo vti, vt fideliter mysterium expromeret. Nam præterquam, quod naturę rei nihil repugnat semen vnus cōgressus in diuersas cellulas matricis dispariri, ex quo duo simul foetus gignatur, haud dubium quin & hoc mysterij gratia prouisum fuerit diuinitus: vt scilicet specimen diuinę gratiæ esset expressus, qua gratia absque vlla meritorum differentia alios præ aliis elegit Deus ab æterno. Vnde Orige. Cum Rebecca ex vno concubitu Isaac geminos concepisset, nondum partu æditi, neque vllis actibus puerorum boni, malive inter homines habiti, erga Iacob diuina habetur dilectio. Et ita legit Irenęus lib. 3. aduersus hæreses. Et in cōmentariis Malachię Hierony. Et Augustin. ad Sixtum. Cuius, reliquis prætermis- *Irenęus. Hierony. August.* siss, verba audiamus in lib. de prædestin. & grat. capitu. 7. Vbi de hoc Rebecca conceptu ex vno concubitu latè disserit. Verba sunt hæc inter alia. Sed hic quid egerit hæc Apostolicę disputationis intētio satis admodum claret. Non solum enim fratres, sed & geminos, nec solum geminos, sed vno etiam cōcubitu fusos in vtero comparauit, vt quoniam

niam

niam in nondū natis, nondūq; aliquid operatis, nulla esse poterant momēta meritorū, nec ex parentum quidem meritis, quæ diuerso tempore varia esse potuerunt, aliquod contra gratiā relinqueretur obstaculum. Hactenus Augu. Debuiſſent ergo cenſores iſti explorare citi⁹, an aliqua eſſet mutatio in Phraſi Græca, quā ſanctorum torrenti ſeſe obii cere, Eō vel maxime quod lectio eorum nullo libi eſt Latinis recepta. Quid enim ſenſus præ ſe fert talis oratio, Cubile habēs Iſaac patris noſtri. Et multo minus ad rem pertinet, Cubile habens ex vno Iſaac patre noſtro. Neque adeo haberi debet pro irrefragabili iſtorū regula, q̄ ſcriptura, quæ de Græca facta eſt Latina, ſit ad amuſſim Græcæ lectionis corrigenda & collimanda. Nam potuit & Græca lapſu tēporis etiā vitari, maxime cū per tot retro annos fuerit res Græca à Turcis labefactata. Adeo vt poſſet iam nonnullis in locis per translationem Latinam emendari. Ad rem igitur, ſi duas literulas Græcas permittes, tota lectio noſtra conſtabit. Nempe ſi dicamus, vbi nunc Græcè habetur, *νοτρίῳ*, fuiſſe olim, *νοτρί*, qui eſt genitiuus maſculi generis, ablatiuo ſeruiens, idem ſignificans quod, cubile, & per figuram idem quod, concubitus, Eſt ergo ſic litera ordinanda. Non ſolum illa, ſcilicet Sara ex electione Dei peperit benedictionis prolem, ſed & Rebecca ex vno concubitu Iſaac patris noſtri habens, id eſt, concipiens, nimirum peperit ſimili electione Iacob. Eſt enim Latina dictio, habere ex aliquo, pro, concipere ex illo, Similitudo autem inter Rebecca & Saram patet, nam ſicut Sara, ſterilis fuit, ita & de Rebecca legitur Genef. 25. quod deprecatus eſt Iſaac Dominum pro vxore ſua, eō quod eſſet ſterilis, qui exaudiuit eum, & dedit conceptum Rebecca: illa autem collidentibus in vtero paruulis, conſuluit Dominum, qui reſpondens ait, duos populos ex vtero eius proliuros, ſed quorum maior ſeruiturus eſſet minori. Et ideo hīc Paul. excluſa ratione prorsus diuerſitatis meritorum ex parte parentum, eandem etiam præſcindit ex parte puerorum dicens. (Cum enim nondum nati fuiſſent, aut aliquid boni eguiſſent, aut mali, vt ſecundum electionem propositum Dei maneret.) Id eſt, vt liquidò conſtaret, ſolum diuinum propositum fuiſſe in cauſa, non autem opus aliquod vel parentum, vel natoꝝ (Non ex operibus.) Hoc eſt, non ob meritum operum. (Sed ex vocante.) Quod eſt, ex gratuito eius beneplacito dictum eſt ei, ſcilicet Rebecca, quia maior ſeruiet minori. Ecce primum testimonium ſecundi exempli, quod eſt hīc tertium in ordine. In cuius confirmationem ſubiungit & quartum ex Malachia. Vbi conferens Deus cum Idumæis Iſraelitas, ait, Iacob dilexi, Eſau autem odio habui: cuius ſenſum paulo poſt explicabimus. ¶ At ſubire hīc quempiam poſſet cogitatio, cū amor Dei erga nos, eternus ſit, quidnam referebat in paruulis nondum natis exemplum ſtatueret: ſiquidem & de adultis id pariter veriſſimum eſt, quod antequam quicquam boni operemur dilecti ſumus à Deo, per cuius dilectionem boni efficiamur. Reſponſum eſt autem, quod voluit Deus, interprete hīc Paulo, ad modum noſtræ intelligentiæ arcana illa ſua nobis pandere. Si enim exemplum in Cain & Abel, verbi gratia, poſuiſſet, aut in Dauid, & Saul, aut in Nabuchodonosor & Pharaone, cogitare quis forſan poſſet, præuiſa eorum diuerſa merita in cauſa fuiſſe, vt alterū prædeſtinaret, alterum verò reprobaſſet. In his autem, nullo libertatis uſu pollentibus, rem oculatiſſimè patefacit. Nempe quod cū ante eorum merita alter fuerit electus, alter verò odio habitus, neq; vlla fuerit facta præuiſionis mentio meritorum, in hac, ceu tabella, perſpectum nobis ſit prædeſtinationis myſterium: ſcilicet quod neque meritorum momenta, neq; eorum præuiſio fuerit cauſa huius diuerſitatis, neq; adeo in adultis & ratione vtētib; hoībus, ſed ſola volūtas diligētis & vocātis. Cui cōſonat illud ad Ephēſ. Elegit nos in Chriſto ante mundi conſtitutionē, vt eſſemus ſancti: id eſt, non ob præuiſam ſanctitatē nos elegit, ſed electio fuit ſanctitatis cauſa: vt q̄ totius explicabimus. Tres ergo errores hoc vno verbo repulſi ſunt. Primus utiq; Manichæoꝝ, qui diuerſitatē ingenioꝝ hominum, & eorum quæ illis contingunt conſtellationi natiuitatis tranſcribebant. Contra illud Hieremiæ. A ſignis coeli nolite metuere, quæ gentes timen. Secundus qui tāquam Origenis circunfertur. Nempe quod ob merita animarum, quæ cū angelis ſimul creatæ extra corpora eguiſſent, diuerſitas in hominib; proveniret. Et tertius Pelagianorum, quod ex præcedentibus meritis alij eſſent dilecti, alij verò odio habiti. Contra Manichæos enim facit quod ait Paulus. Quum nondum nati fuiſſent, & contra ſecundum errorem, id quod addit, Neque aliquid boni eguiſſent aut mali. Sed contra Pelagium illud

Malach. 1.

Dubitatio.

Ej. c. 1.

Tres errores.

Hier. 10.

Contra Græcos codices.

Similitudo inter Saram & Rebecca. Gen. 25.

lud subdit, Non ex operibus, sed ex vocāte. *Maiores* fer- Maiorem autem seruire minori duobus mo-
uict minori. dis exponunt. Primò ad literam in propriis
 illorū personis, vel populis inde ortis. Nam
 licet Esau nūquam fuerit seruus Iacob, gens
 tamen Idumæa, quæ genus erat Esau, serui-
 uit nonnunquam Israelitis: secundum illud
Psal. 59. Psalmi, In Idumæam extendam calcæamen-
 tum meum. Et huc alludit oraculum Gene-
Gen. 25. sis, Duo populi ex ventre tuo diuidentur, &
 populus populum superabit, & maior ser-
Malac. 1. uiet minori. Et Malachiæ. i. post illud suprà
 citatū testimoniū, Iacob dilexi, Esau autem
 odio habui, subsequitur, Et posui mōtes eius
 in solitudinem, & hæreditatem eius in dra-
 cones deserti. Et rursus isti (scilicet Idumæi)
 ædificabunt, & ego destruam, & vocabun-
 tur termini impietatis, & populus cui iratus
 est Dominus vsq; in æternum. Vel potest se-
 cundo modo spiritualiter exponi in typo;
 vt maior populus intelligatur esse Iudæorū
 familia: quæ quidem, vt Apostolus paulò an-
 te dixit, adoptionem primus accepit: iuxta
Exo. 4. illud Exodi, Primogenitus meus Israel: mi-
 norem autem censeamus populum Gentium,
 qui fidem Christi prius suscepit, & cui tan-
 quam serui famulantur modò Iudæi, circun-
 ferentes scripturas, vnde Christiani legiti-
 mos eruant sensus, quibus eos reuinciāt. Cir-
 ca hoc quidem verbum de libero Dei discrimi-
 mine inter Esau & Iacob enodanda est quæ-
 stio diuinæ, tam prædestinationis, quam re-
 probationis. Sed condecet prius subsequen-
 tem textū exponere, vbi Paulus duas quæ-
 stiones dissoluit, quæ plurimum ad rei euiden-
 tiam conferunt.

Quid ergo dicemus? Nunquid
 iniquitas apud Deū? Absit. Moy-
 si enim dicit, Miserebor cui miser-
 tus sum, & misericordiam præ-
 stabo cui miserebor: igitur non
 volentis neque currentis, sed mi-
 ferentis est Dei.

Est igitur hæc tertia sectio huius capituli,
 in qua Paul. obiectiones duas recutit ex pro-
 xima sententia emergentes. Prima est, quòd
 prædicta sententiā videtur æquissimum Deū
 iniquitatis arguere. Enimvero cū Deus
 humanum genus ex nihilo creauerit, sicuti
 omnium parens: qui quidem quantum ad ea
 quæ ad naturam nostram spectant, æquales

nos condidit, nempe potentiis & organis pa-
 riformiter præditos & ornatos, iniquum pri-
 ma fronte videtur, quòd ita inter nos discrimi-
 nauit, vt absq; vllō nostro merito alios
 sempiternæ beatitudini destinauerit, alios
 verò in perpetuum exiliū. Altera verò obie-
 ctio viceuersa est, quòd videtur ex eadem sen-
 tentia consequens fieri, vt nulla sit in nobis
 iniquitas: quandoquidem in nostra non sit
 facultate voluntati Dei resistere. Interrogat
 ergo Paul. more suo id quod caro, diuinæ mē-
 tis ignara, obiectare ei posset. (*Quid ergo dice-
 mus?*) Id est, quid ex superiorib⁹ colligamus.
 (*Nunquid iniquitas apud Deum?*) Scilicet est.
 (*Absit.*) Familiaris responsio est Pauli summa
 confidentia freti. (*Moyse enim dicit, Misere-
 bor cui misertus sum, & misericordiam præstabo cui
 miserebor.* Cū sententia superior bimembris
 fuerit, scilicet quòd Iacob gratis dilexerit,
 Esau autem odio habuerit, bipartitā quoq;
 subdit defensionē Dei, vt vtroq; eum modo
 vendicet ab iniquitate. Vnde quantū ad gra-
 tuitam dilectionem, inducit oraculum quòd
 est Exod. 33. apprimè præsentī proposito con- *Exod. 33.*
 gruens. Habetur enim illic sermo de impieta-
 te populi, qui vitulum in Deum cōflauerat.
 Cuius noxam cū Deum Moses deprecā-
 retur, respondit hæc verba, secundum trās-
 lationem nostram, Miserebor cui voluero: &
 clemēs ero in quem mihi placuerit: quæ Apo-
 stolus paulò hic differēter secundum septua-
 ginta citat. Ac si dixisset, Remittere culpā &
 in gratiam meam quenquam euocare, nō est
 in meritis hominum positum, neq; vlla esse
 potest illius causa, nisi meū prorsus beneplacitum.
 In Græco duo sunt distincta verba,
 ἰστώ, &, ἐπιτιμώ, Ac si dicas, Misereor, & com-
 misereor, quorum prius internum designat
 affectum alienæ miseriæ: posterius verò ex-
 ternum effectum ad eandem eleuandam. Et
 vtrobiq; copulatur præsens cum suo proprio
 futuro, scilicet, Miserebor cui misereor, &
 commiserabor cui commiserabor. Sed inter-
 pres pro præsentī vertit præteritum, miser-
 tus sum. Et vt lucidius in secundo membro
 exprimeret exteriorē effectum, vertit, Mi-
 sericordiam præstabo. Nec est cur reprehē-
 datur affectatæ copiæ, cū id fecerit expli-
 cationis gratia. August. verò & nonnulli le- *August.*
 gunt, Miserebor cui misertus fuero, & miseri-
 cordiam præstabo cui præstitero. Atqui sunt
 qui futurum ad vocationem referant, præter-
 ritum verò, ad prædestinationem: hoc est, mi-
 serebor vocādo, cuius sum in prædestinatio-
 ne

Tertia pars
 capituli.

Due quæ-
 stiones.

cinatio) videtur mihi Paul. hac vsus verborū (vt sic dicam) identitate, vt significantissimè omnem prærumperet causam prædestinationis, præter vnā Dei voluntatem: quemadmodum dialectici illius propositionis, quam appellant immediatam, nullam prorsus reddunt causam: Vt cur homo sit animal rationale, nulla est causa, nisi quia est animal rationale. Et in Metaphisicis Aristote. ridiculam existimat quæstionē, Cur homo est homo. Pari inquam modo si quæras, Cur Deus cuiuspiam præ aliis miseretur, nulla est causa, nisi quia illius miseretur. Seu, vt est in nostra translatione Exo. 33. quia illius vult misereri: & cur huic gratiam suam præstat, nulla est causa, nisi quia illi præstat, seu illi placet præstare. Quanquam fortè interpres consultò vertit, Misericordiā præstabo cuius miserebor, vt circulationem faceret ad primum verbum, hoc modo, Miserebor cuius animo meo misertus sum, & illi auxilia misericordiæ in tempore præstabo, cuius secundum meum internum affectum miserebor. Vide ergo, q̄ fuerint commentitiæ omnes causæ prædestinationis hoc vno verbo conuulsæ, quòd scilicet nec natiuitatis sydera (vt Manichæi dicebant) neq; animarum merita extra corpora (vt in Origenis Periarchon legitur) neq; opera præcedentia (vt blasphemauit Peleg.) in causa sunt gratiæ Dei, sed sola eius voluntas. Imo neq; operū præuisio, quæ gratiam subsequuntur, seu bonus gratiæ vsus, aliās illa adduxisset Paul. in causam, neq; dixisset ita nudè, Miserebor, cui misereor. Sed de hoc paulò post latius. Interim verò nota, quòd non solum diuinum elogiū citauit, sed Moysen, cui illud responsum est. Nam si propheta tantæ autoritatis sic Deus præcisè respondit, non est cur nos aliam perscrutemur suæ misericordiæ rationem & causam. (*Igitur non volentis neq; currentis, sed miserentis est Dei.*) Concludit vtiq; periodum: vtpote salutem nostram neq; volentis esse intrinsecus, neque forinsecus operantis. Congruè autem appellat cursum, exercitium operum. Vnde ad Corint. Qui in stadio currunt omnes quidem currunt, &c. Est enim militia nostra, imago quædam currentium ad brauium. Potest autem conclusio hæc vel ad meritum referri nostrum, vel ad nostram facultatem. Primo scilicet modo contra Pelagium, quòd salus nostra nostris meritis nō debetur, neq; animi, neq; corporis: iuxta illud. Ne dicas in corde tuo, propter iustitiam meā introduxit me Dominus,

vt terram hanc possiderem. Sed tamen ad rem aptius exponitur de nostra operandi facultate: quòd scilicet rectè velle aut operari, non est in facultate volentis posita, aut operantis, sed in diuina gratia & beneplacito. Secundum illud, Deus est qui operatur in vobis & velle & perficere. Et alibi, Non sumus sufficientes cogitare aliquid à nobis quasi ex nobis. Nemini autem censeatur hoc loco Paul. omnem nobis concursum adimere in nostra iustificatione, cū se res aliter habeat. Nam sicuti nos absq; Dei appulsu nihil possumus, ita neq; sine nostra assensione salutē nostram operaretur ipse in adultis. Sed caue in contrarium extremum relabaris, vt existimes hoc tantum velle, quòd non est solius hoīs volentis neq; currētis, sed simul Dei miserētis. Tunc enim pari ratione, versa oratione, diceres, q̄ non est solius Dei miserētis, sed hoīs quoq; simul volētis. Quā blasphemiam retundit Aug. lib. 2. de bo. perseuer. his verbis, Viuiamus rectè, si totū Deo demus, nō illi ex parte, & nobis ex parte. Et in Enchirid. cap. 32. Si propterea, inquit, dictū est. Non est volentis neq; currētis, sed Dei miserētis, quia ex vtroq; fit, id est, ex volūtate hoīs & misericordia Dei, cur non & contrario rectè dicitur, non miserētis est Dei, sed volētis est hoīs? Quia id misericordia Dei sola non implet. Quod tamen nullus Christianus dicere audeat. Hæc ille. Has veruntamen ambiguitates pro captu nostro expediuius lib. 1. de nat. & gra. Vbi certos ordines diuinarū operationū discreuimus. Sūt enim quidā actus erga nos Dei, quos sine nobis agit: vt prædestinatio, vocatio, admonitio, &c. De quib' hīc propriè loqui videtur Paul. sub figura nondū natorū Esau & Iacob. Quo ideo sensu absolutè verum est, nullatenus esse volentis neq; currentis, sed omnino miserentis Dei, vtpote eligentis alios, alios verò reprobantis. Aliæ verò sunt diuine motiones ita nos præuenientes, vt noster requiratur assensus, sicuti conuersio, ad quam adulti mouentur fide, spe, & charitate, de quibus nihilo minus motionibus ita dicere debemus, non esse volentis neque currentis, vt minimè liceat conuersim dicere, non esse solius Dei miserentis. Nam quum Deus non solum nobiscum operetur, sed sit causa quæ nos mouet ad agendum, illi tota debetur actio, veluti principali agenti. Non enim dicimus, Instrumentum ædificat, sed per instrumentū artifex. Nihil autē vetat, quò minus dicamus cum eodem August. Qui

Phil. 2.

2. Cor. 3.

Dubitatio.

August.

Lib. 1. de nat. & grat. cap. 1.

1. Cor. 9.
Militia nostra.

Deut. 9.

1. Cor. 3.

Dubitatio.

Qui creauit nos sine nobis, non saluabit nos sine nobis. Neq; obstat, quin hominis iam iustificati voluntati, & operi debeatur premiū tanquā merito nostro, quod est donum Dei. Tamen si & ille meritorū prouētus Deo sit quoq; adscribendus. Quoniam neque qui plantat est aliquid, neq; qui rigat, sed qui incrementum dat Deus. At forsā scisciteris, quomodo hīc Paul. Deū defendit, ab iniquitate, quia id non videtur clarē constituisse. Imo profectō id satis lucidē respondet. Nam si non ex debito, sed ex mera voluntate gratiam suam dispensat, & ubi non est debitum, sicuti nulla interuenit iustitia, ita neq; accidere potest iniquitas, nulla prædestinanti Deo potest impingi. Sed de hoc statim fusi?

Dicit enim scriptura Pharaoni, Quia in hoc ipsum excitaui te, vt ostendam in te virtutem meam, & vt annuncietur nomē meum in vniuersa terra. Ergo cui vult miseretur, & quē vult indurat.

Transit ad alterum mēbrum, quod ad reprobationem pertinet, vt ostendat, neq; illic vllam subesse iniustitiam. Nam cū nemini fuerit Deus hominū debitor, antequā quicquam per suam gratiam operetur, fit, vt sicuti mera eius est beneuolentia & liberalitas quorundam misereri, ita neq; vlla est iniquitas, si alios permittat voluntati suæ prauæ, quod hīc appellat, indurare. Accersit autem testimonium Exodi de Pharaone, cui dixit Deus. Idem enim significat, dicit scriptura, quod, dicit Deus per scripturā, seu, referente scriptura. Meminit verō Paulus scripturę, vt significaret, non tātū dictum esse Pharaoni, vt illis tunc temporis præsētibz splenderet gloria Dei, sed vt absētibz etiam nobis per scripturam eliceret. Vnde duę sunt partes diuini huius elogij, videlicet, In hoc ipsum excitaui te, vt ostendam in te virtutē meam (nimirum quantum ad præsētes) & vt annuncietur nomē meum in vniuersa terra, videlicet quantum ad absētes. Litera quidem nostra in Exodo sic habet, In hoc ipsum posui te. Et (vt notauit Ambros.) secundum aliam literam, seruauī te. Sed eundem omnes exhibent sensum. Est enim animaduertendum, sententiam hanc fuisse prolatam à Deo post facta illa stupenda signa, postq; terrificas quatuor plagas, ranarum vi

Notandum.

delicet, scyniphum, muscarum & hulerum, brutas animantes perimentium: quibus potētis commoueri debuisset Pharaō, vt Deo obsecundaret, atque ideo dignus erat, vt per eius iustitiā absumptus iam fuisset propter inobedientiā. Ob idq; ubi iam iam percutere minaretur populū ipsum cū rege, ait, In hoc te hucusq; seruauī, etsi fueris tanta rebellione grauissimam commeritis mortem, seu, quasi à mortuis excitaui, seu, posui in exemplum, vt iam nunc ostendam, tum quanta sit hominum durities mihi renitentium, tum q̄ sit mea in eos expauescenda potestas. (Igitur cui vult miseretur, & quem vult indurat.) Peroratio est præfata defensionis. Obiecerat enim, Nunquid iniquitas est apud Deum, & insinuanter concludit negationem, quam tu ita colligas, Si nulla est in hominibus ratio debiti, respectu diuinæ gratiæ, sed sola eius est clementia quorumpiam misereri, fit, vt neq; vlla sit iniquitas, si aliis non impēdat, quod naturæ ipsorum non debetur: quum scilicet gratia & gloria res sint supernaturales. Hunc autem locum prolixē tractauimus lib. primo de natu. & grat. aduersus Lutheranos. Quorum inter cætera dogmata absurdissimum & communi sensui repugnantissimum est, quod Deus non solū directē inclināt homines ad malum, verūm cogit, compellitq; . Vbi inauditas eorum assertiones (vt peiori verbo abstineam) recitauimus. Videlicet, quod non est in potestate nostra malas vias facere, sed mala opera in impiis sol⁹ De⁹ operatur. Et quod sit Dei propriū opus, non minus proditiō Iudæ, q̄ vocatiō Pauli, & quod sit Deus efficax causā nostræ indurationis; nostriq; traditionis in desideria mala. Aliās Deus inquit, non esset Deus: quoniā nō esset potens facere, quicquid vellet, aliāq; id genus, quibus nō solū liberum nobis arbitrium eripiunt, verūm nefanda adscribunt Deo. At quia amplam illic habuimus de hac re disputationem, quam & supra cap. i. super illud, Tradidite eos Deus, &c. summam perstrinximus, nihil aliud nunc, quā tædium commoueremus eius repetita iam repetitione. Idem ergo pollet hīc indurare (vt illic apertissimis testimoniis & rationibus cōmonstrauimus) quod, permittere hominem, suam insequi naturalem inclinationē, qui abusus misericordiæ Dei, magis ac magis recrudescit: iuxta illud Pauli, Ignoras quoniam benignitas Dei ad poenitentiā te adducit? Secundum autē duritiā tuā & impoenitens cor thesau-

Lib. 1. de nat. & gra. cap. 17. et. 18.

thesaurizas tibi iram in die iræ. Et illud Iob
 24. Dedit ei Deus locum poenitentiae, & ille
 abutitur eo in superbia: Deus autem vitur ma-
 la inclinatione naturali hominis, tū ad alios
 bonos fines, tum etiam ad manifestandam ius-
 titiam suam & potentiam, ut author est hic
 Orige. Paul. Vnde Orig. Vide inquit, quia non di-
 xit. Ad hoc ipsum te feci, alioqui ad cōdito-
 rem referri videretur culpa: sed ait, Ad hoc
 ipsum te suscitavi: hoc est, ut per animi tui
 malitiā, quā tibi infruitē & sine Dei timore
 viuendo quæstisti, & in alios irrogetur utilis
 & fructuosa correctio, & in te ipsum ad po-
 steritatis exemplū famosissimus cōferatur inte-
 ritus. Multa alia in hac sententiā superaddit.

Dicis itaque mihi, Quid adhuc
 quæritur: voluntati enim eius quis
 resistit?

Cum quæstionē priorē expediuerit, videli-
 cet, cum a Deo iniquitatem omnem propul-
 sauerit, gressum facit ad quæstionem secun-
 dam. (Dicis itaque mihi, quid adhuc quæritur?)
 Quidam & in hoc sensu locū hunc glossant,
 ut, quæritur, idē sit quod, interrogatur, à ver-
 bo, quæro, hoc est, cum tam proborū, quā
 reprobōrū nulla sit causa præter vnam Dei
 voluntatem, quid præter hanc alia quæritur.
 At nulla potest ratione consistere interpreta-
 tio hæc, neque cum præcedenti verbo, Dicis
 itaq; mihi, quod est verbum cuiuspiā redar-
 guentis Apostolum, neque cum subsequēti,
 Voluntati eius quis resistit? Præterquam
 quod verbum Græcum nō id quod, quæro,
 significat, sed idē quod, conquæritur, seu re-
 prehendit, seu accusat, vel culpat. Est ergo
 hic verbum, quæror, actiue significationis, ut
 subintelligatur, Deus. Itaq; quæstio secunda
 est quæ à reprobatis proponitur, veluti ab
 Esau & Pharaone. Estto Paule Deum ab ini-
 quitate tutatus fueris, propterea quod citra
 debitum cui vult miseretur, & quem vult in-
 durat, saltem hac tua postrema sententia, &
 nos quoq; protegis excusasq; ab iniquitate.
 Neq; est cur Deo cōqueratur de nobis. Nam
 si tales nos ipse fecit, cuius potestati nemo po-
 test resistere, & vbi nulla est libertas, nulla
 subesse potest culpa, nulla sumus reprehensio-
 ne digni, magis quā cœli rerumq; natura-
 lium vniuersitas, in quibus necesse est id per-
 agi quod de illis Deus statuerit. Atqui rela-
 tiuum, eius, vbi ait, Voluntati eius quis resi-
 stit, edocet verbo, conquæritur, Deum subi-

ci, quem relatiuum refert: aliās dixisset, Dei.

O homo, tu quis es qui respon-
 deas Deo? Nunquid dicit figmen-
 tum ei qui se finxit, Quid me fe-
 cisti sic? An non habet potesta-
 tem figulus luti ex eadem massa
 facere aliud quidem vas in hono-
 rem, aliud verò in contumeliam.

Eneruat ac dissoluit quæstionē per aliam
 interrogationē, qua obturare cōtendit eorū
 ora, qui ita insaniūt. Atqui verbū Græcū nō
 est simplex, respōdeas, sed, compositum, con-
 tra, seu ex aduerso respondeas, hoc est, con-
 tradicis & aduersarius es. Id quod & Chrys-
 ostomus adnotauit. Et Orige. distinguit inter fidelem
 seruū, qui volens intelligere ea, quæ decēt,
 Deum interrogat, sicuti vir desideriorū Da-
 niel, & eum qui causa disceptandi cum Deo
 submurmurat aduersus ipsum: ille enim dū
 quærit, inuenit, iuxta diuinū promissum, hic
 autem (quē subnotat hic Paul.) increpatione
 potius dignus est, quā responsione. Igi-
 tur ut ad interpretem reuertamur, respon-
 deas, dixit, pro eo quod est, respondere, id est,
 obmurmurare: vnde responsatores famuli di-
 cuntur, qui contra dominorum iussa, sua re-
 mittunt responsa. (Nunquid dicit figmentum ei,
 qui se finxit, quid me fecisti sic?) Græcē non est
 pronomen, se, sed meritò adiectum est eluci-
 dationis gratia. Attamen verba hæc nō tam
 diluendæ præsentī quæstioni cōgruere viden-
 tur, quā superioris responsum confirmare.
 Qua verò ratione ad huius quoque solutionem
 pertineant, dicemus protinus. Igitur
 quoniam inde iudicari Deus poterat à filiis
 huius seculi non esse custos æquitatis, quod
 cum pater esset omnium per creationem, a-
 lios destinasset ad regnum, alios ad exilium,
 respondet Paul. per aliam similitudinē sum-
 ptā ab arte figulina. Illic enim cum ante ope-
 rationē artificis massa illa lutea vna sit pror-
 sus, eadēq; informis, atq; eiusdē penitus quali-
 tatis, tota ratio diuinum formarū in ope-
 re resoluitur in ingenium arbitriumq; artifi-
 cis, qui pro libito suo aliud vas facit honori-
 ficum, aliud verò inhonorū. Ob idq; nullum
 eorum conqueri de artifice potest, cur id ta-
 le finxerit: existeret enim in prōptu ab il-
 lo respōsio, quia nihil in te meritis fuerat, ob
 quod te aliter efformare debuisses. Et hoc
 est quod subdit Apostolus. (An non habet po-
 testatem

Chrysost.
Orige.

Luc. II.

testatem figulus luti. Hoc est, plenum ius & arbitrium: nam id possumus, quod iure possumus. (Ex eadem massa.) Hoc est, nullam in se habente meritorum discrepantiam. (Facere aliud quidem vas in honorem, aliud verò in contumeliam?) Quidam tanquam venustius sit pulchriusq; schema, vertunt, aliud quidem vas in decus, aliud verò in dedecus. Interpres verò maluit proprietatem seruare Latini sermonis, quam affectare venustatem: atqui, decus & dedecus ad honorem & inhonorationem attinent, quæ ex rebus gestis comparantur, id quod rei præsentis, in nondum natis, minimè quadrabat: honor verò & contumelia, etiam

Elucidatio si
militudinis.

Iere. 18.

vbi nihil præcessit meritorum, locum habet, transferturq; ad vasorum vsum. At verò quò lucidius pateat similitudo, non est referenda ad creationem hominum ex nihilo: nam quauis & respectu talis creationis simus Deo, vt lutū in manu figuli, vt habetur Iere. 18, nempe, vt possit nos dissipare, sicut vasa figulus. Attamen in naturalibus omnes Deus plasmauit æquales: sed contemplanda est hinc natura iam creata, quæ nullum ius habet ad gratiam, eò quòd gratia & gloria supernaturalia sunt beneficia Dei. Hic itaque lucefcit exemplum: nam sicuti in massa luti nihil est, cur ex hac particula hoc figulus informet vasculum, & ex alia diuersum, præter solam eius voluntatem, ita neq; in mera natura nostra, cur hunc approbet, illū verò reprobet, aliquid existit. Quin verò si naturā tam angelicā, q̄ nostrā in sua primæua creatione meditemur, perspicacius erit exemplum. Destinavit enim Deus ab æterno totā angelicā naturam totāq; humanam, nisi per primos parentes stetit, in gratia creare, quod semē est gloriæ: tales enim creauit tam angelos, q̄ primos parentes, talesq; omnes posteros condidisset. Vbi ergo parentū culpa inde sumus filij deiecti, iam genus nostrā nō in puris naturalib⁹, sed tanq̄ infectū lutū cōsiderādum est, & à diuinā gratia reiectum. Quocirca si quos vult, in eandē gratiā restituit, eosdemq; ad gloriā perducit, alios verò in sua culpa relinquit, nō est cur isti querantur, potius q̄ vilis massa, cur non in vas decorum elaboratur. Si enim purissimū aurū in vas turpe conflaretur, haberet forsan vnde posset cōqueri. Quòd autem vile lutū non efformetur in regiam phialā, nulla apparet iniuriæ ratio. Vnde postq̄ propheta deplanxit, quēadmodum inquinatus esset populus, vti pānus mēstruatē, tunc subdit, Et nūc dñe pater noster es tu,

Esa. 64.

nos verò lutū, & fictor noster es tu, &c. Qua ergo de causa, et si Apost. hinc, vbi agit de natura nostra dum informis est, & carēs supernaturali dono, totā cōparat massā luteā, tamen vbi ad Timo. de eadē loquitur, post prædestinationē & vocationē cōsiderata, diuersitatem vasorū cōmemorat, In magna enim, inquit, domo nō solū sunt vasa aurea & argentea, sed & lignea & fictilia. ¶ Sed restat hinc tamē grauissimū dubium, quòd Paul. nō solū consulto nihil ad præsentē questionē respondet, verū astute (si fas esset de Paul. sic fari) videtur ad superioris responsionē diuertere & subterfugere. Etenim, vt in suo persistamus exēplo, licet vas in dedecus effictū, nō posset figulū postulare & accusare de iniquitate, quod tale id finxisset, cui nihil debebat: tamē si figulus increparet figuram & vilitatem vasis, meritò posset seipsum excusare, imo culpam in artificem reſpergere, cui libitū fuit, ita illud plasmare. Pari modo sensualis ac reprob⁹ homo posset dicere Deo, Esto nihil in te sit iniquitatis, q̄ me ita conderis, tamē non est, cur me in similes, ac vituperes, quòd ego talis sim, qualē tu me fecisti. Debuisset ergo Paul. ad hoc secūdum respondere, & non elabi & refugere ad primū. Bone Deus, quanta hinc comminiscuntur isti Lutherani absurda & prorsus inopinabilia. Audi inter alios Bucerum hoc loco, vbi contendit obduratos hoīes ac reprobos, authore Deo, imo cogēte Deo, patrare mala, & nihilo minus peccare. Quod licet nobis, inquit, non sit intelligibile, est nihilo min⁹ verissimū, ob idq; Paulū ait, nescisse quid respōderet. Audi ergo Lutheranū istum, quonā sensu legit hoc verbum, volūtati eius quis resistit? Voluntati Dei volentis Pharaonē, aut quemuis aliū scelestum peccare, quis resistit? quasi dicat, necessariū est vt peccet, vt ad id compulſus. Quocirca Deus ita, inquit, Pharaonē indurauit, vt voluerit ne iussui suo obtemperaret: imo Deus ipse fecit, vt nequam ille ei repugnaret: atq; adeò dum nō obtemperabat, faciebat id quod volebat Deus, eum facere. Imo verò neq; permittere Pharaonē potuit exire populū, Deo sic disponēte. Neq; id de reprobo tātū Pharaone ausus est adstruere, sed & de Dauide idē pergīt confirmare: scilicet quòd Deus immisit in cor eius, vt recenseret populum, quem ideo necessariò numerauit, aliās Deus fuisset, inquit, frustratus in opere suo. Et nihilo minus tam pharaon, q̄ Dauid grauiter peccauerunt. Quòd si hanc inharentiam

2. Timo. 2.

Dubitatio.

Lutheran.

tiā culpę in opere necessario intelligere nequimus, nihil inquit, miremur, dicēte Paulo. O homo tu quis es? credere nihilo minus incunctanter tenemur. Vide istorum portēta, & consydera, vt non eis desint patulę aures, in quas talia euomāt. Nam, vt complura quę capitulis nuper citatis lib. i. de nat. & grat. aduersus hęc mōstra coniecimus, interim prętermittamus, ecquis cogitare valeat, vt cūm Deus per Mosen Pharaoni tam instāter imperitaret dimittere populum, non id intēderet, quod pręcepto exprimebat? esset enim tunc pręceptio illa fictitia, quę Deum non decet. Iam si Deus volebat, vt Pharaon obtemperaret, tunc non obtēperans pręcepto Dei, obtēperasset nihilo minus eius voluntati, atq; adeo peccās non peccasset, quod est contradictio. Ad hęc, si in eius potestate nō erat populū dimittere, cogente Deo, obstanteq; vt non dimitteret, tunc pręterquā quod non peccabat, respondeant isti nobis, ad quid Deus pręcipiebat, vt dimitteret? Aiunt, vt Deus manifestam faceret potentiā suam. Sed profectō in prōptu est manifestū inconueniens. Ita enim condecebat Deum ostendere suam virtutem & potentiā, vt non posset redargui iniquitatis, sed laudaretur de summa iustitia: at dominus, qui seruū prius cathenis colligaret, moxq; incedere iuberet, & quia iussa non faceret, flagellis vsq; ad necem verberaret, non posset nō iniquissimus haberi. Virtus ergo Dei in Pharaone ex eo fuit commendatissima, quod summa erat iustitia, exterminare hominem vsq; adeo renitentem, non solūm iussui, sed voluntati eius & intētionī, cūm obedire potuisset. Quin verō, si nō erat intentio Dei, Pharaonem emollire vt pareret, ad quid ita sensim & per gradus adhibebat flagella, dum eius iussa retreſtabat, remittebatq; quoties obediebat, promittens dimittere populū. Quinimo, vt optime adnotauit Origē. adeo erat propositum Dei obduratum illum nequam emollire, vt quadantenus emolliuerit, cūm semel scilicet atq; iterum cōfessus peccatum suum, ire eos sinebat in desertum iter trium dierū. Sed indurabat rursus, inquit eum Deus, dum largitate suę misericordię indulgebat ei, permittendo sequi suam pessimam inclinationem, vt ait Paul. Tu autem secundum duritiā tuā, &c. Et hoc ipsum est, quod Augu. in de gra. & libe. arbitr. cap. 21. significat, vbi ait, Deum quosdam inclinare ad mala pro suis meritis. Nam quod non solūm non cogat, vt isti vo-

lunt, verūm neque directē inclinet, expressē ipse docet in lib. de prędest. & gra. cap. 14. his verbis, Si piē de Deo, sicut expedit, sentiam⁹, etiam Pharaoni datam misericordiam reperimus. Et cap. 15. Inter Nabuchodonosor & Pharaonē nihil aliud discriminis dignoscit, quā quod cūm ambo flagellis clementer fuissent admoniti, alter manum Dei sentiens in recordatione pprię iniquitatis ingemuit, alter libero contra Dei misericordissimā veritatem pugnavit arbitrio. Quocirca in libro ad Simplicianū discretē adnotauit, quod nō sicut dictum est, non volentis neq; currentis, sed miserentis est Dei, ita etiam dictum est, Non volentis neq; currentis, sed obdurantis est Dei. Quod si istorum vesaniam adhuc reficere lubet, nunquid non reprobi iussa Dei legitimē faciunt, quorum ideo opera sunt ei accepta? Quis dubitet? Tunc ergo intentio eius est, vt illi, quanuis reprobi, eius obsecundent voluntati; ergo quādo obedire renuūt, eandem habuit Deus intentionem, cui planē resistunt. Ad hęc. cum prędestinatis aliquid Deus iubet quod non faciunt, nonne intētio pręcipientis nihilo minus fuit, vt facerent? Quę ergo apparentia est, vt non sit idem ei propositū in reprobis. In summa, si aliquos Deus ita reprobat, vt eosdem ad malum cogat, neq; salutem eorum cupiat, neq; velit vt sibi obtemperēt, tunc non erit verum, quod Deus vult omnes homines saluos fieri, neq; vniuersis diceret. Cōuertimini ad me. Et, Venite ad me omnes. Neq; de vniuersis iniquis adeo per prophetas & apostolos in vtroque testamento cōquereretur, quod iussa sua ex-
Iacob. 1. cutiāt, negligantq; redire ad cor. Igitur cūm nos Iacōbus palām doceat, Deum intentato rem malorum esse, cōstitutissimum nobis sit Theologorum axioma, qd Deo authore nemo fit deterior, quātō minus Deo coactore & compulfore. Quocirca licet sacris elogiis doceamur. Deum quosdam exceçasse & indurasse, haud tamen ~~nequam~~ legitur, quod Deus voluerit, vel intēderit eorum peccatū. Nam cūm peccatum nihil aliud sit, quā dictum vel factum, ~~nequam~~ cogitatum cōtra legem Dei, quę regula est eternę mētis diuinę, tanta est repugnātia, Deum velle peccatū, quāta ipsum velle aliquid cōtra suam ipsius voluntatem & regulam. At his & pluribus dimissis, quę locis citatis aduersus Lutheranos de hac re cumulauimus, reuertamur ad secundam quæstionem Pauli, cur scilicet Deus conqueritur de iniquis, quos ab æterno ipse

S repro-

Orig.

Augu.

reprobauit. Porro autem legitima responsio est, inde esse laudabiles qui bene agunt, & culpabiles iniquos, nempe omnes delinquentes, siue reprobi sint, siue prædestinati, quod neque prædestinatio neque reprobatio necessitatem nobis imponit, neque tollit libertatem. Nam ubi nulla est libertas, nulla profectò, ut sæpenumero diximus, excogitari potest ratio vel meriti, vel culpæ. Et, ut existimo, ideo Pau. hoc tacitus præteriiuit responsum, quia non dubitauit, cõpertissimum esse omnibus naturali lumine. Tametsi neque illud omnino subticuit: quin verò in proximo statim textu illud nobis suggerit. At quia libertas arbitrij sine speciali auxilio Dei nihil potest boni agere, qd' sit vitæ æternæ meritorium, reuersus prius est per metaphorā figuli ad priorē quæstionem, cur alios iuuat, alios verò minimè. De qua quidem re hoc cum primis considerandū est in præsentiarum, quod licet prima causa, cur illos adiuuet, sit eius voluntas, tamen quod alios deferat, causa est voluntas eorum propria: iuxta

Osee. 13. illud Osee, Perditio, tua Israel: tantum ex me auxilium tuum. Documentum enim hoc altissima mente obseruandum est in hac materia: in hoc siquidem pũcto, solutio posterioris huius quæstionis cõsistit: nempe quod propterea reprob' accusandus venit corā Deo, quod liberè delinquit, perq; eū stat, quò minus ipsi opem Deus ferat, scilicet quia nō auscultat eius monitis, neque assentit inspirati & auxilianti. Quæ quidem solutio ex subiūctis verbis Pauli liquidò colligitur.

Quod si Deus volens ostendere iram, & notam facere potentiā suam, sustinuit in multa patientia vasa iræ apta in interitum, ut ostenderet diuitias gloriæ suæ in vasa misericordiæ, quæ præparauit in gloriam.

Concludit utique Paul. ut sibi mos est, quæstionum solutionem. At verò trunca tibi & manca videatur oratio & pendula, alterius utique appetens membri. Est enim cõditionale antecedens absque consequenti. Quamobrè nonnulli nō transferunt, Quod si, sed assertiuè, Siquidem volens Deus, &c. Attamen licet patientior fuisset tunc sententia & facilius, non tamen seruata fuisset fides interpretationis. Nam & Græcè oratio

ipsa Paulina habet schema hoc mutilum: id quod Orig. etiā Græcus adnotauit. Quocirca ut lib. 1. ad Simplic. ait Aug. Ex superioribus desumendū est membrum, ad quod hoc *August.* referatur, hoc pacto, Quod si De' volēs ostendere irā, &c. sustinuit vasa iræ, &c. quis es tu o homo qui respondeas Deo, seu, nunquid potēs est figul', &c. Vel supplēdū, cur tu iniquitatē impingas Deo? Atqui etsi persistere videatur Paul. in sola priori quæstione terminanda, quod quidem facit prius quātum ad reprobos, & posterius quātum ad prædestinatos, subdit tamē aperta verba, per quæ & secunda etiam quæstio dilucidatur. (*Quod si volens Deus ostendere iram, & notam facere potentiā suam.*) Ecce bimembrem finem Dei & propositum in reprobandis hominibus, inque eorum malis perferendis, scilicet primū ut ostendat iram, hoc est, iustitiā vindicatiuā, quæ speciem habet irati iudicis. In Deo enim (ut super illud, Reuelatur ira Dei, adnotaui-mus) nec passio est vlla, nec passionis imago, sed tamē effectus vlticis iustitiæ similes sunt effectibus iræ nostræ. Sed nō ait, ut exercent iram, ne videretur Deum ita depingere, qui irasci cuperet, sed ut ostenderet, hoc est, patefaceret suam iustitiā. Finis namq; Dei extra operātis, manifestatio est suæ bonitatis, aliarumq; eius perfectionum. Bonitatis autē duplex est ratio, nimirum iustitia & misericordia: quarum ut primam ostenderet, reprobauit quosdam, alios verò prædestinauit, ut patefaceret misericordiā. At non solū, inquit, volens ostendere iram, sed adiecit secundo, Et notam facere potentiā suam. Nam etsi in operibus misericordiæ, ut in creatione mundi, & in redemptione, latē pateat eius potentia, ait tamen, notam Deum potissimū facere suam potētiam in malorum punitione, ob id, quod eadem potentia videtur occultari. dum eosdem tolerat in hac vita. Dum enim conscelerati & impij tam nefandis facinoribus Deum irrident, qui altissimo id silentio dissimulat, cogitare possent filij huius seculi, causam dissimulationis esse, quod non est in eo potentia, qua se posset vlscisci. Hanc ergo potētiam notissimā Deus faciet in die iræ, ubi eosdem, veluti fauillam efflabit in ignem æternum. Nam licet in hac vita nonnunquā etiam animaduertat in malos diuersis flagellis, id tamen fit perquam raro: neque semper apertè constat, vindictam esse Dei, nisi rarissimè, ut in inundatione orbis, & in Sodomorum exustione, & huius generis quibusdam.

(Sustine-

Discrimē in
ter præde-
repro.

(*Sustinuit in multa patientia vasa iræ.*) Speculare hīc attentē lector discrimen inter prædestinationem & reprobationem, quod est primum respectu finis: finis enim reprobationis est, ostensio irę, prædestinationis verò, ostensio misericordię. Quapropter & vsus est quoq; diuersus: nam vtitur Deus ira in alteros, erga alteros verò, misericordia. Sed est tertio discrepantiā ex parte præparationis Dei. Quos enim prædestinat, eosdē & præparat ad finem, nempe vocando, iuuando, & per bona opera promouendo: quos verò reprobat, non itē præparat ad damnationē. Nam opera mala ob quę dānantur, sua ipsorum sunt propria. Et ideo non ait hīc, quod volens ostendere iram, voluit reprobos facere vasa irę, & aptare in interitū: imo vt ostenderet illorum opera adeo esse proprii ipsorū arbitrij, vt sint contra suam ipsius Dei voluntatem, ait, Sustinuit. Et alludit ad Pharaonē, in quo omnes pertinaces cumulantesq; peccata peccatis subnotat. Quos Deus non protinus de medio tollit, sed sustinet procrastinando vindictam. Et quātum ad ipsū quidem spectat, vt sua benignitate (iuxta verbū Pauli cap. 2.) & longanimitate ad pœnitentiam adducat, sed durities eorū est in causa, vt per accidens Deus velit in ipsis ostendere cumulatiū iram suam. Quos ideo vocat, vasa irę, sicuti contraria ratione dicitur, vas electiōis. Perseuerat enim in exemplo figuli, vt quos appellauerat vasa contumelię, cognominet nunc vasa irę: id est, qui se capaces fecerunt, qui replerentur ira Dei. (*Apta in interitum.*) Hoc est, non quod eos Deus aptauerit, sed quod inuenit illos per se ipsos aptatos. Huc ergo si Lutherani liberius oculatiūque inspicerent, planē agnoscerē, quā Deus neminem vult delinquere cōtra præceptiones suas, vt commentabantur superius in verbo, Voluntati eius, Quocirca neminem excæcat aut indurat, nisi eundē sustinendo in multa patientia. Atqui hisce verbis soluit Paul. secundam quęstionē, Quid adhuc quæritur? Quæritur enim Deus, eo quod non ipse est causa nostrorū criminum, sed nostra voluntas, quam ipse in multa patientia sustinet. (*Vt ostenderet diuitias glorię suę in vasa misericordię, quę præparauit in gloriā.*) Perspice diuersum finem, vsū & præparationem prædestinatorum. Finis enim est, vt ostenderet diuitias glorię suę, vsus autem, in vasa misericordię, hoc est, implendo illos misericordia: quos suprà appellauit, vasa honoris. Sed quantum ad

præparationem, cū de reprobis præmiserit, quod sustinuit eos vt vasa aptata in interitum, de prædestinatis subnectit, q̄ ipse præparauit eos in gloriā. Ambro. autem quauis ait hīc, quod Deus, sicut malos præparat ad interitum, ita & bonos præparat ad coronam, sanē audiendus est: non quod Deus sit causa reprobis suorum scelerum, sed quod eos destinauerit in interitū ob sua ipsorum delicta. Conclude ergo pendulam orationē, vt diximus, Quod si volens Deus sustinuit, &c. Tu quis es o homo qui respondeas Deo?

¶ Verumenimvero cū inter exponēdū nequiuimus cōmodē grauiora discutere, non possumus non tantisper digredi, quō illa dilucidemus. Cōsistunt hęc autē in tribus punctis. Primum circa illa verba, Cū nondum nati fuissent, &c. Non ex operibus, sed ex vocante dictum est, quia maior seruiet minori. Et, Iacob dilexi, Esau autem odio habui, dubitatio est, vtrum vera sententiā, indubitataq; sit, quam hīc Paul. constabilire videtur. Nempe quod sine aliquo meritorū respectu quosdam Deus ab æterno prædestinauerit, alios verò reprobauerit. Alia duo pūcta sunt quę in duabus subiūctis quæstionib⁹ attigit Pau. videlicet, an vel Deus ab iniquitate excusetur, vel homo à culpa. Haud tamen est animus, omnia scholastica huc euocare, sed ea prorsus quę pro ratione horū temporum arbitror necessaria. Prodierūt nanq; multi sub hoc etatis, non modò ab hæreticis, verū & à nobis, noua quędam euulgantes de hac re, quę sunt animaduersione digna. Exordiar ab iis igitur, quę vsq; ad hęc tempora constitutissima fuere semper, ac receptissima inter Theologos, vt per illa, neotericorū commenta examinētur. Et primum omnium, vt à significatione verbi, prædestinatio, initium petamus, illud iam & cap. 1. & cap. item. 8. aperuimus. Est enim prædestinatio pars quędam subiectiua, & species prouidentię. Nam cū prouidentia ordinatio quedam generalis sit rerū & æterna in suos ipsarū fines, siue naturalis finis sit, siue supernaturalis, prædestinatio (vt in vsu est inter sacrorū mystas) est particularis destinatio rationalis creature in suū supremum finem, ad quem supra naturam suā ductu & fauore Dei perducitur. Reprobatio verò est æterna quoque voluntas Dei permittendi quosdam per suū liberum arbitrium aberrare ab illo vltimo fine. Vnde prædestinationis finis (vt hīc edocet Paul.) est ostensio glorię & misericordię Dei: re-

Digressio de
prædestina-
tione.

Tria pūcta.

Prædestina-
tio quid sit.

Lutherani.

*Prædestina-
tio nil ponit
in nobis.*

*Prima qua-
estio.*

*Cōtra Bene-
dictinū quæ-
dā patrē aliā
catholicū.*

*Primum sup-
positum.*

probationis verò manifestatio iustitiæ ipsius
& patientiæ. Quarū neutra quicq̃ ponit in
homine, sed tantū in Deo: licet executio præ-
destinationis, vt iustificatio & glorificatio;
aliquid ponat in prædestinatis. Et vt interim
de reprobatione fileamus, quantum ad præ-
destinationem attinet, hoc semper rem hanc
fecit dubiam: nepe quod si Deus pro suo be-
neplacito absque vllō meritorum momento
quosdā peculiariter prædestinaret præ aliis,
appareret tūc Deus personarum respector:
& præterea quod non videtur stare posse li-
bertas arbitrii vnā cum tali prædestinatione,
vt quæstionib⁹ subsequētibus disputabimus.
Primā ergo quæstio est, an Deus ab æterno
quosdā gratis, hoc est, absq; operibus, vt cau-
sa, præiūsis, prædestinauerit, aliis prætermis-
sis, de quorum reprobatione post habebitur
sermo. Circa hanc quæstionem (ne altius, q̃
pro commentariorum ratione disputationē
repetamus) post definitionē Ecclesiæ aduer-
sus Pelagium, diffiteri nequit, qui fidem ca-
tholicam confitetur; prædestinatos fuisse ho-
mines absq; operibus, saltē præcedētibus gra-
tiam: hoc est, absque eo, q̃ præiūsa illa ope-
ra, vera causa extiterint. Est enim in homine
duo genera operum considerare, scilicet gra-
tiam præcedentium, & gratiam consequen-
tium. Quāmobrem miror quosdā, quendā
præsertim interpretem Chrysostomi, iam su-
pra cap. i. a nobis subnotatum, qui continen-
ter per sua hīc scholia in hac hæret sententia,
in quam & Chrysostomum cogere pertēdit,
quod nulla sit prædestinatio, tali modo, quo
eam scholastici cōstituunt, scilicet absq; ope-
rum præiūsiōe & causa: quin verò præiūsa
bona opera fuerint, inquit, prædestinationis
causa. Et quia video opinionem hanc sensim
irrepere nunc tēporis in quorundā animos;
molior ostendere, q̃ si de operibus præceden-
tibus gratiam intelligatur, vel de dispositio-
nibus ipsis & assensu nostro, qui necessarius
est in adultis cū auxilio Dei ad iustificationē
(in quo iste sensu palām illam defendit) Pe-
lagianus error sit manifestarius, cap. i. &
8. dicebamus. Et primum supponamus publi-
cam Christianorū confessionem, nimirū q̃
diuino cōspectui in sua ipsius eternitate præ-
sentes cū suis operib⁹: cognitio etenim illius,
qui vocat ea quæ nō sunt, tanq̃ ea quæ sunt,
nihil pendet ex tēpore, cū in sua eternitate
nulla sit successio, sed omnia vti præsentia cō-
tuetur. Præteritū nanq; & futurū differētiæ

sunt tēporis nostri. Neq; vnq̃ quicq̃, vel nō-
uit, quod nō ab æterno nouerit, vel voluit, q̃
non semper voluerit: esset quippe aliās natu-
rē mutabilis: cū tamē de se ipse enūciat, Ego
Deus, & non mutor. At quia diximus, præiū-
sas illi fuisse creaturas, nō solū intelligimus,
visas anteq̃ sint, sed visas etiam, anteq̃ ordina-
rētur in suos fines: visione autē simplicis in-
telligentiæ, vt cap. superiori exponēbamus.
Vidit, inq̃, Deus hoīes & eorum finem atq;
opera, anteq̃ eosdē ordinaret in talem finem,
ad quem præiūa eius gratia venturi erāt per
talia opera: sed tamen cognitio enunciatiua
qua iudicat, cōsecuturos nos esse tales fines,
non præsupponitur prædestinationi, sed effe-
ctus illius est. Etenim, si verum est, quod cap.
superiori dicebamus, prius natura videt per-
sonas, post iudicat, bonum esse ad talem finē
perducere, & post ideo easdē ad eundem fi-
nem prædestinat, iuxta verbum Pauli, Quos
præsciuit, & prædestinavit. Post tandem iudi-
cat obtenturas fore tales fines respectu tēpo-
ris nostri, vel obtinere respectu suæ eternita-
tis, vbi nihil est futurū. Cū hīc tamē audis,
ante, &, post, nullām in Deo suspiceris succes-
sionem actuum, sed signa tantū agnosce natu-
ræ. Secūdo supponamus, quod illa præiūsa
opera non possunt esse causa prædestinatio-
nis, quātum ad eius substantiā: hæc enim est
diuina essentia, quæ causam sui habere negt.
Quæstio ergo est, vtrum præiūsa opera bona,
causa extiterint prædestinationis, quantū ad
effectum. Hoc est, Vtrum propter illa opera
statuerit, illos ad gloriā perducere, gratiamq;
suā & auxilia impartiri. Atqui, vt distinctior
sit, luculentiorq; disputatio, intelligi hoc po-
test, vel de operibus præcedētibus gratiam,
vel de eandē subsequentibus. De præceden-
tibus inq̃ non tēpore dum homo est in pec-
cato: de illis enim, cū vel mala sint, vel non
Deo accepta, nulla est dubitatio. Sed intelli-
gūt isti de illis, quas proximas dispositiones
vocamus ad gratiam: quales sunt assensio no-
stra, motusq; fidei, spei & poenitentiæ per in-
spirationem Dei: affirmāt, inquam, isti, quod
Deus statuit restituere in suam gratiam eos,
quos præiūdit assensuros ei⁹ monitis & præ-
motrici voluntati. Ad horum autem impu-
gnationem statuamus exemplum in conuer-
sione Magdalenæ, de qua planius informa-
bitur argumentum, hoc pacto, Aut nullam
isti agnoscunt rationem veræ causæ præde-
stinationis in illis actibus cōuersionis Mag-
dalene, nisi hoc tantū, quod Deus consti-
tuit

Mala. 3.

*Secundum
suppositum.*

tuit impendere gratiam suam eis tātūm, qui non renuerent, sed annuentes præberent illi assensum: & hoc profectò nemo inficias iuit vnquam: neq; adeò esse quis potest ingenio obtusus, vt hoc neget: quandoquidem luce sit euidentius, eodem modo statuisse Deum reconciliare homines, quo reuera in tempore reconciliat: reconciliat autem adultorum neminem, nisi liberè assentientem & per suum auxilium dispositū: ergo talibus præcisè in sua æternitate statuit huiusmodi gratiam largiri. De adultis siquidē loquimur. De hoc ergo nulla est disputatio, nisi quòd discerniculum fieri debuit inter infantes & adultos, nam illi absq; vlla suorum operum præuisione prædestinati sunt. Aut verò vllam in illis actibus conuersionis agnoscunt verā causam prædestinationis, vt planè affirmant, in hoc enim versatur quæstio: & hoc proculdubio Pelagianū dogma est: id quod sic manifestum fit. Qui diceret, quòd iustificamur ex huiusmodi operibus, quomodo cunq; seu tempore, seu natura præcedentib⁹ gratiam, publicus esset Pelagianus, Cū ergo Deus ab æterno destinauerit homines ad suscipiendum eo modo gratiam, quo suscepturi eam sunt, absq; vlla dubitatione fit consequens, quòd præuisione operum quæ in re nō erant futura, causa gratiæ, non fuit causa prædestinationis ad eandem gratiam: atq; adeò subsequitur, vt quicumq; adstruxerit Deum prædestinasse hominem propter præuisa illa opera, sit ipse Pelagianus. Atqui hæc est ignorantia quæ istos fefellit, videlicet quòd non consyderauerunt, vnam eandemq; esse rationem & prædestinationis & iustificationis: & per hanc quæ in tempore fit sumendum esse illius iudicium. Quapropter illi, qui defendunt meritum de congruo, antecedēs gratiæ, sequenter opinantur, præuisa merita fuisse etiam illo modo causam prædestinationis: puta de congruo. Instruximus autem lib. 2. de natura & grat. capitu. 4. copiosam disputationem aduersus hanc opinionem meriti congrui in peccatore, quam profectò egerimè congruere censeo (ne peius dicam) non modò sanctis doctoribus, sed sacris litteris & conciliis. Commonet enim Augustinus Hypog. lib. 3. super illud Ephes. 2. Cū essemus mortui peccatis, conuiuificauit nos Christo, non esse in peccatore aliter meritum, quàm in mortuo. Et Paul. absolutè ait, Non ex operibus iustitiæ quæ fecimus nos. Et, Si ex meritis gratia, iam non est gratia.

Et in Concilio Arauficano cap. 25. Ipse Deus nobis, nullis præcedentibus bonis meritis, & fidem & amorem sui inspirat. Cui nunc decreto Concilium Tridentinum subscripsit. Adde, quòd in peccatore sicut nihil est condigni meriti, ita neq; congruitatis ad gratiā, sed Deo congruit misericordiam impendere auscultantibus vocationem suam: iuxta illud Psalmi, Misertus est dominus timētibus se. Et quod peius ab ista opinione audio est, quòd expressis verbis patronus eius confitetur, nisi ponatur hæc dispositio de congruo ex naturalibus, difficile esse saluare, quòd apud Deum non sit acceptio personarū. Etenim ad hoc suum argumentum, quod faciebat Pelagius, non hoc sancti Patres respondebant, quod certè respōdissent, si tale agnoscerent meritum congrui: sed respondebant, acceptionem personarū nullam esse, nisi vbi vlla est ratio debiti. Attamen, vt ad neotericos istos authores reuertamur, hi profectò, nihil distinguentes de congruo, verā causam prædestinationis adseuerant in operibus nostris præuisis concurrentib⁹ cum auxilio Dei ad iustificationem: qui ideo fateri coguntur, eadem exhibita opera causam esse iustificationis: atque adeò ad scopulum Pelagianum adiguntur. Fatemur autem illa dispositoria opera concurrere in genere causæ materialis, à qua non mouetur Deus, neq; ad prædestinandum neq; ad iustificandū. Sed est præterea argumentum efficax, quòd cum opera illa, quatenus preparatoria sunt ad gratiam, effectus sint prædestinationis, quia fiunt per auxilium speciale Dei mouentis nos in prædestinationis finem, nequeunt, vel esse, vel dici causa ipsius. Quocirca quicquid isti offēdissent, vel in Chrysostomo, vel in alio quouis Patrum, quod hanc sententiā auersari videretur, fateri potius deberent id se non percipere: quàm catholicam definitionem Ecclesiæ aduersus Pelagium diffiterentur. Quæ quidem Ecclesia consensu omnium Patrum scriptis dum pronunciauit, iuxta sententiam Pauli toties inculcatam, non iustificari nos ex operibus, ex consequenti sancit, neque ex eisdem prædestinari. In cuius testimonium hunc potissimum locum euocabant, vbi ait Paulus, Cū nondū nati fuissent, &c. cum aliis quæ hīc in eandem sententiā profert. Sed vide quòd hunc bonum patrem suapertraxerit opinatio. Etenim in scholio ante hæc verba, Cū nōdū nati essent, &c. cōfitemur, quòd si Paul. ex proprio sensu cuncta hæc lo

Psalm. 102.

Cassillus.

S 3 quere

Contra meritum de congruo.

Lib. 2. de natura & gratia. ca. 4.

August.

Tit. 3.

queretur, non essent absurda, quæ de prædestinatione dixerunt Theologi, sed necessaria viderentur. At verò Paul. inquit, nō ex se, sed ex Iudæorum concessu hæc disputat. Et facit Chysostrum eiusdem sententiæ auctorem, vbi ait, quod Paul. hic quæ sita dissoluit ex illis, quæ Iudæi negare non poterant. Et subdit prænotatus interpres, quod hoc non aduertentes Theologi, ita de prædestinatione loquuntur, vt arbitrium tollant, & diuinas literas diruāt, &c. Conglomerat enim infinita absurda, quæ ex prædestinationis opinione iudicio suo sequuntur. Ob idq; in subsequenti scholio cōcludit, causam prædestinationis ex parte nostri esse probitatem futurorū operū cum ope diuina. Vide inquā, cum negare nullo colore valeret verbis his Paulū pro Theologi sententiā de prædestinatione palam cōstitui, negare perrexit (quod nemo ante ipsum ausus vnquā est) ex se eadem affirmare, quod Theologi, ait, debuissent animaduvertere. Ac si scholastici primi rationē prædestinationis hoc loco agnouerint, & non potius Patres omnes & ecclesiastica cōcilia per hæc Paulina verba stabilissent aduersus Pelagiū, iustificationem nostrā nō fieri ex operibus: vnde (vt sæpe diximus) planē cōsequēs fit, neq; prædestinationem, causam ab eisde traxisse. At quod ait Paul. Cum nondum nati fuissent, nec aliquid boni egissent aut mali, non ex operib⁹, sed ex vocāte dictum est, &c. quisnam vel mutire ausit, non esse propriā eius sententiam. Sanē cum nihil prorsus aliud in hac epistola & illis quæ sunt ad Galathas, & ad Ephesios cōtendat, quā quod hic planē affirmat, videlicet quod nō ex operibus, sed gratis per fidem & per gratiam Christi iustificamur, atque adeo prædestinamur. Neq; vlla est apparentia in verbis Chrysostomi in contrarium. Nihil enim aliud ait, nisi quod vtitur Paul. testimoniis, quæ Iudæi inficiari non poterant. Iam verò si vsq; adeo constitutum est opinatoribus istis, quod si prædestinatio causam nō habet ab operibus liberi arbitrij, tunc Deus esset acceptor personarum, non reddens vnicuiq; iuxta opera sua, quid nobis de paruulis respōdeant prædestinatis, qui sacro fonte abluti, aliis pereuntibus, absq; vllō meritorum discerniculo seruantur? certē nihil habēt quod sibi prætexāt, nisi suffugiāt ad suam Pythagoricā commigrationem animarū: nempe quod puerorū animæ fuscipiant alia corpora, in quibus bona exhibeant opera, quorum causa prædesti-

nati sunt. Sed de hac absurditate satis iam superius. Aliorū verò fuit olim opinio aliquantulò tolerabilior: nempe, quod præuisa opera iustorum fuerint in causa suæ iustificationis, non illa quidem quæ in puncto iustificationis concurrunt, sed tamē ea quæ per vsum gratiæ subsequuntur. Vtputa quod Deus eisdem penitus constituisset gratiam suam communicare, quos præsciuit bene illa vsuros: sicuti rex quisq; providentissimus eum donaret equo in bello, quē nosset strenuē illo præliatum ire, illiq; arcem concrederet, quē existimaret constanter propugnaturum. In qua quidem opinione complures olim fuisse antiquorum, vel illud testimonio est, quod refert Prosper in epistola ad Augustinum sub his verbis. Illud etiam qualiter diluatur quæsumus, patienter insipientiam nostram ferendo, demonstres, quod retractatis priorum de hac re opinionib⁹ penē omniū par inuenitur & vna sententia, qua propositum & prædestinationem Dei secundum præscientiam receperunt, vt ob hoc Deus alios vasa honoris, alios cōtumeliæ fecerit, quia finē vniuscuiusq; præuiderit, & sub ipso gratiæ adiutorio, in qua futurus esset voluntate & actione præficerit. Quin etiā video plerosq; multos iam nunc temporis hanc opinionē plausibiliter fuscipere & fouere. Nam aliās percipere nequeunt, quo modo non sit Deus personarū acceptor, & præterea quo modo prædestinatio nō tollat libertatē arbitrij. Præterquā quod Paul. affirmat reddendum vnicuique iuxta opera sua, vbi explicitū à nobis est, gloriam reddi meritis, quæ effecta sunt gratiæ. Est nihilo minus opinio falsa, & sapiētum iudicio, sacræ scripturæ aduersa. Cuius ratio est illa, qua iam nūc refutabamus præcedentem opinionē. Opera, inquam, quæ effectus sunt prædestinationis, nequeunt esse ipsius causa motrix & efficiēs, de qua isti loquuntur: opera autem illa effectus sunt prædestinationis: nō igitur sunt causa. Prædestinatio enim (vti diximus) est destinatio ad illum supernaturalem finem, quem naturę viribus attingere non valemus. Et ideo quodcunque nos mediū illuc perducit, effectus est ipsius prædestinationis, id quod Paul. sapienter nos admonet, vbi prædestinatos nuncupat vasa misericordię, quæ Deus præparauit in gloriā. Quod fit, vt illa qua reconciliamus gratia, effectus sit prædestinationis: iuxta illud, Quos prædestinavit, hos & vocauit, & eosdem iustificauit, id est, quia prædestinavit, iustificauit.

Cum

Secunda opinio.

Prosper.

Opinio falsa.

Ex effectib⁹ prædestinationis vnus est alterius causa.

Cùm ergo opera quæ gloriæ sunt merita, effectus sint & munera eiusdem gratiæ, qua re & vtimur, fit, vt & eadem opera effectus itidem sint eiusdem prædestinationis. Atq; hîc proditur latens fallacia. Concedimus enim quòd inter effectus prædestinationis vn⁹ est alterius causa, at nullus esse potest causa prædestinationis. Etenim vt architectus prænoscentis præstituensq; prius finem, materiam subinde adparat, ita Deus, Iacob, v.g. prius prædestinauit ad vitã: ob idq; cõtulit ei gratiam, adiunxitque eius arbitrium, vt exhiberet opera, per quæ illuc perduceretur. Quæ idcirco opera tum effectus sunt gratiæ, tum & causa gloriæ. Quòd demum fit, vt gloria quæ supremus est finis, fit quidẽ in intẽtione Dei, prima, sed tamen in executione postrema. Atqui hac ratione cohærent Pauli asserta, vt i cap. 2. declarauimus, qui vbicũq; loquitur de gratia, illam ait gratis, & absq; operibus impendi nobis: vbi autem de gloria, illã propositam nobis esse adstruit propter opera. Est ergo paralogismus, dũ sic infer. Opera quæ vltus sunt gratiæ, sunt causa gloriæ: ergo sunt causa prædestinationis ad gloriã: sed hoc consequitur, quòd Deus prædestinauit nos, vt per hanc gratiam ac talia opera promoueret nos ad gloriam. Atq; hinc præterea conficitur argumentũ secundum cõtã istos. Etenim idem telum, quod in nos contorquent, in ipsos retorquebimus. Aiunt quippe, nisi Deus ob præuisa opera iustorum eos prædestinauerit, acceptorem esse personarum: hoc autem nec ipsi profectò excutere valent, nisi ratione nõstra. Nam si merita illa ob quæ homines prædestinantur, non nisi præueniente ope Dei fiunt, respondeant, cur e duobus. v.g. crucifixis latronib⁹ alteri proposuerit efficaciter auxiliari, alteri verò minime. Re vera nulla extitit alia causa, nisi quia neutri quicquã debebat. Sed tertio loco argumentum. Reprobis, ea malè vsuris, sæpenumero confert Deus gratiam: ergo & quam largitur prædestinatis nõ confert, præuidẽs tanquam causam, bonũ vsum eius: eadem nanq; est ratio ex parte Dei communicandi omnibus gratiam suam. Nisi ridiculus quis dixerit, quando duo paruuli baptizantur, quorum alter reprobus est, alter verò prædestinatus, diuersis eos rationibus abluisse Deum ab originis labe, recepisseq; in gratiam suam. Vnde tunc præterea consequeretur, quòd gratia, prædestinato collata propter præuisa opera, minorem haberet

rationem gratiæ, quàm illa quæ donatur reprobo omnimodè gratis. Adde quòd cùm prædestinatis ipsis sæpe & sæpius impartiat quoq; Deus gratiam, qua malè vtuntur relabentes in culpam, falsum est, quòd prædestinatorum gratia conferatur semper ob præuisa opera. Atque adeò fit, vt nec prædestinatio fiat propter huiuscemodi opera. Præterea argumentum est ineluctabile, quod in epistola ad Sixtum facit August. Gratia qua paruuli in baptismo abluuntur, qui ante rationis vsum obeunt mortem, haud illis impenditur ob præuisa opera, quæ nunquam facturi sunt: ergo neq; si essent victuri illam reciperent tali ratione: vnus enim rationis est gratia illa baptismalis. Nisi in hoc forsã deliramentum cum illis hæreticis quis præcipitur, qui aiebant, referente in eadem epistola Prospero, quòd ex paruulis tales perduntur, talesq; saluantur, quales futuros illos in annis maiorib⁹, si ad actiuam seruarentur ætatem, scientia diuina præuiderit. Quam vesaniam argutè in eadem epistola ad Sixtum, & in libr. de prædest. sanct. refutat, refutatque August. Nempe quòd Deus opera quæ nusquam erunt, vel coronet, vel puniat. Si enim Deus ei qui futurus erat bonus, illa causa per baptismum consulisset, seruasset tunc illum profectò quoadusque talia bona opera præstaret. Neque si Deus vindicaturus esset mala opera quæ iustus perpetraturus erat, si superuixisset, vera esset sententia Sapientis, quòd nonnunquam iustus raptus est, ne malitia mutaret intellectum eius, aut ne fictio deciperet animam illius. Ex his ergo illic Augustin. & libr. 1. contra Iulianum & sæpe alibi concludit, quòd prædestinatio non fit ex operibus neq; præcedentibus neque subsequenter. Id quod planè, silente etiam Augustino, Paul. ipse vbique proclamat, quippe qui absque vlla operum discretione omnia excludit à causa gratiæ. Ait, inquam, Non ex operibus iustitiæ quæ fecimus nos, sed secundum suam misericordiam saluos nos fecit. Et si non ex operibus, iam gratia nõ esset gratia: & talia quàm plurima. Neque verò satis isti quid dicant perpendunt: nam si Deus nos prædestinat propter futura opera quæ gratiã subsequuntur, necessarium illis fit, vt dicant quòd propterea quòd præuidit nos Deus dilecturos ipsum, dilexit ipse nos: quod quàm sit diuinis elogiis aduersum, nemo non videat, qui Ioannem & Paulum auscultauerit. In hoc

S 4 quip-

Quartum argumentum.

Sap. 4.

Descriptio Augustini.

Tit. 3.

Nõ perperant quid dicant.



1. Ioan. 4. quippe, inquit Ioānes, est charitas, non quasi nos dilexerimus Deum, sed quoniam ipse prior dilexit nos. Et Paulus hic infra, Quis prior dedit illi, & retribuetur ei. Et ad Ephe.

Ephe. 1. Elegit nos ante mundi constitutionem, ut essemus sancti. Non ait, quia praeuidit nos sanctos, sed, ut essemus sancti. Cui consonat dictum Christi, Non vos me elegistis,

1. Ioan. 15. sed ego elegi vos. In summa, si hanc praeuiforum operum efficientiam agnouisset Paulus in ratione praedestinationis, eorum sane meminisset operum, vel hic pro discrimine inter Esau & Iacob, vel infra cap. II. ubi discriminat inter Israel & Gentes, antequam in illam admirationem prorumperet, O altitudo diuitiarum sapientiae & scientiae Dei. Enimvero si praeuisa opera causa fuissent praedestinationis, cessaret omnino ratio dubitandi, aliquam esse in Deo personarum acceptionem, atque adeo nulla superesset admirandi occasio. Colligamus ergo tum demum, quod cum ex ordine, qui est in executione, iudicari debeat ordo praedestinationis, nequit absque periculo adseuerari, praeuisa opera nostra in causa ipsius fuisse. Sunt nihilominus complura sanctorum patrum scripta, quae ante ecclesiasticam censuram aduersus Pelagium potuissent legentium animos, in diuersam forte opinionem propellere. Etenim Orig. super illud, Cuius vult miseretur, & quem vult indurat, sciens, inquit, & praenoscens vniuscuiusque motibus & proposito utitur ad ea opera perficienda, quae vniuscuiusque animus ac voluntas eligit: veluti paterfamilias, qui sagaciter contemplatus seruorum ingenia, singulos illis muneribus & officiis deputat, ad quae aptos praenouerit. Et post illud, An non habet potestatem figulus, &c. Iacob inquit, quia mundauit semetipsum, fecit vas ad honorem, Esau autem, cuius animam non ita puram vidit, fecit vas ad contumeliam. Et Chrysostomus super illud, Cum nondum nati fuissent, interrogans cuius rei gratia in nondum natis vnum praeter altero elegerit. Respondet, causam esse, quod Deus non expectat, quemadmodum homo, ut ex rerum fine bonum iudicet aut malum, sed antequam quicquam generatur, nouit quod hic malus, ille vero non malus sit. Quam quidem sententiam perpetuo defensat. Atque in prologo super Malachiam

Sanctorum dicta in contrarium.

Orig. Etenim Orig. super illud, Cuius vult miseretur, & quem vult indurat, sciens, inquit, & praenoscens vniuscuiusque motibus & proposito utitur ad ea opera perficienda, quae vniuscuiusque animus ac voluntas eligit: veluti paterfamilias, qui sagaciter contemplatus seruorum ingenia, singulos illis muneribus & officiis deputat, ad quae aptos praenouerit. Et post illud, An non habet potestatem figulus, &c. Iacob inquit, quia mundauit semetipsum, fecit vas ad honorem, Esau autem, cuius animam non ita puram vidit, fecit vas ad contumeliam. Et Chrysostomus super illud, Cum nondum nati fuissent, interrogans cuius rei gratia in nondum natis vnum praeter altero elegerit. Respondet, causam esse, quod Deus non expectat, quemadmodum homo, ut ex rerum fine bonum iudicet aut malum, sed antequam quicquam generatur, nouit quod hic malus, ille vero non malus sit. Quam quidem sententiam perpetuo defensat. Atque in prologo super Malachiam

Chrysost.

Hiero. Hiero. Omnino, inquit, Iacob dilexit, Esau autem odio habuit, quia Iacob primum, Esau autem sciebat futurum iniquum. Et super e-

undem textum Ambro. Sciendo quid vnusquisque illorum futurus esset, dixit, Minor erit dignus, & maior indignus. Et inferius super illud, Miserebor, &c. id est, ei misericordiam dabo, quem praescij recto corde reuerfurum ad me: cui inter glossas ordinarias additur, & permansurum. Et subdit. Quod eum Deus vocat, quem sciat obaudire, & eum non vocat, quem sciuit minimè obaudire. At verò ad haec omnia respondendum forte est, sicuti S. Thom. respondit. i. p. q. 23. ad hoc postremum Ambrosij: nimirum quod loquuntur isti Patres de operibus subsequētibz gratiam: cuius usus causa fuit praedestinationis, non quidem quasi efficiens, sed finalis: elargitur enim nobis Deus gratia propter eius bonum usum: hoc est, non quia bene vsuri ea sumus, sed ut bene vtamur. Quamquam fortasse hoc prorsus sibi volunt, quod praedestinauerit Deus inter adultos, eos penitus quos praesciebat ei assensuros & cooperaturos. Non quod illa praeuifa opera essent praedestinationis causa, sed dispositiones in sensu supra nobis exposito ad eius effectum, scilicet ad gratiam. De Augustino autem hoc loco non meminerim. Nam illud eius dictum lib. 83. q. 68. super verbo Malachiae, Iacob dilexi, &c. Cui vult miseretur Deus, & quem vult indurat: sed haec voluntas Dei iniusta esse non potest: venit enim de occultissimis meritis, &c. non existimo (ut quidam autumant) sensum habere de meritis subsequētibz gratiam, sed loquebatur de praecedētibz. Tenebatur enim illo tunc errore antequam esset antistes, ut in questionibus super hanc epistolam videre est apud ipsum: de quo postea errore retractauit sese li. 1. Retract. cap. 23. ubi cum Ecclesia damnante Pelagium omnia haec merita diffitetur. Quod denique ait Petrus, Satagite ut per bona opera certam vestram vocationem & electionem faciatis, nihil obstat: quia neque vult opera causam absolutè esse praedestinationis, sed tantum esse causam, per quam Deus instituit ipsam exequi, scilicet quia utitur, ut nos ad praedestinatum finem perducat. Fit ergo electio nostra & vocatio certa per nostra opera, sicuti per causas secundas certi fiunt Dei effectus, quos per illas perficere constituit. At verò de reprobatione, an causam habeat in reprobis, maioris est momenti definire. Quod enim quospiam Deus ad suum, supernaturale nobis, regnum gratis admittat, nihil aliud quam bonitas eius est,

Responso ad sanctorum an thoritates.

De Augustino.

2. Pet. 1.

est. Quòd verò gratis alios in exilium emittat non potest non quandam crudelitatis cogitationem offerre humanis mentibus. Quocirca ex scholasticis nonnulli (vt Scotus) qui prædestinationis nullam nobis causam adscribunt, contrarium magis probant de reprobatione. At S. Thom. vt prædestinationis, ita neque reprobationis causam videtur reddere in nobis. Tametsi magnum interstitium inter huius illiusq; effectus agnoscat. At quanta nunc bili nonnulli exardescant aduersus diram (vt aiunt) reprobationis opinionem, quamquæ id immeritò, protinus perpendemus. Igitur vt ad rem ambiguam per ea, quæ certissima sunt, aditum aperiamus, patentissima est inter prædestinationem reprobationēq; discrepantia. Enimuerò effectus prædestinationis non solum est gloria, sed omnia media, quibus ipsam assequimur: ipse enim qui prædestinavit nos ad vitam, donauit nobis per suam gratiam velle & perficere: reprobationis autem effectus est, exclusio à regno, non autem culpa, cuius demerito infligitur illa poena. Hoc iam nuper adnotauimus super textu Pauli, vbi vasa misericordiæ ait præparari à Deo ad gloriam, vasa autem iræ apta per se esse ad interitum. Et est expressa sententia fidei nostræ Osee, Perditio, tua Israel: tantum ex me auxilium tuum. Per hæc ergo rimari causam possumus reprobationis. Etenim primùm omnium considerandus Deus est ab æterno statuisse vtrāq; naturam, tam angelicam, quàm humanam ad seipsum creare, ad sui scilicet imaginem, suęquæ ipsius beatitudinis capacem: quibus ideo decreuit leges ponere, ac suppētas ire, neque villo modo quantum in se esset, illis deesse, quò minus eadem beatitudine potirentur omnes, nisi sua ipsorum culpa obstaculo illis esset. Qua de causa & angelos & primos parentes in gratia, vel creauit, vel antequàm peccarent constituit. Vidit autem casum Adæ, atq; per eius culpam infectum iri omnes mortales, quorū alios nihilò minus pro suo beneplacito prædestinavit ad regnum, quos per suam misericordiam ad illud euexit, alios verò pro sua iustitia exclusit, quos nihilò minus nō nisi propter suam ipsorum culpā punire statuit: quoniam poena suapte natura non nisi ob culpā debetur. Qua propter illud, Deus vult omnes homines saluos fieri, vniuersim de omnibus est mortalibus intelligendum. Sed est tamen animaduertenda duplicis in Deo voluntatis distinctio, consequentis scilicet & an-

tecedentis: quam voluntatum differentiam theologi cum antiquo Damasceno meritò celebrant. Est enim voluntas consequens, ab-
Voluntas con-
 soluta quidem, de qua scriptum est, Omnia *sequens et an-*
 quæcunque voluit dominus fecit. Et, Volun-
tecedēs.
 tati eius quis resistet? Voluntas autem ante-
Psal. 134.
 cedens, est illa, qua Deus vult aliquid, non in particulari, simpliciter & absolute, sed secundum aliquam generalem rationem boni, & (vt more scholę loquamur) secundū quid. In exemplum profertur voluntas iusti iudicis, qui malefactorem, quatenus homo est & amicus, vellet seruare, quem tamen iustè suspendit. Pariter enim Deus vult omnes homines, quatenus sua sunt ipsius creatura & i-
i-
 mago, suęq; beatitudinis capaces, fieri saluos: licet vult iniquos supplicio affici perpetuo. Quocirca distinctio hæc nō accipitur ex parte Dei, vbi nihil est prius posteriusuē, sed ex parte obiecti, in quo ratio generalis boni prius consideratur, quàm ratio particularis qualitatis. Est quidem August. qui alicubi au-
Aug.
 thoritatem hanc de voluntate consequenti interpretatur, quę cum sic intellecta, nequeat vniuersaliter ad omnes homines extendi, ait, distributionem illam non esse, nisi accommodam, in hoc sensu, quòd vult fieri saluos quotquot sunt salui, de quouis hominum genere & conditione. Sed profectò, vt eximia eius semper autoritas illæsa permaneat, egrè accommodari potest glosamen hoc menti illic Pauli, vbi pro omnibus in vniuersum persuadebat discipulo vt oraret: qua de re plausibilis sequuntur doctores Damascenum, vt intelligatur omnino vniuersaliter, de antecedenti tamen voluntate, modo iam nunc exposito. At verò de voluntate hac sæpe in
Voluntas cō-
 scholis mecum deliberaui, an affirmarem il-
ditionalis.
 lam esse conditionalem: neque id tamen ausus sum, propterea quòd conditionalis volitio in hominibus, quam scholastici velleitatem appellant, imperfecta est: nempe quæ non habetur nisi vbi deest faciendi consequē diuē facultas: vt cupit mercator in naufragio vellet seruare mētes, quas tamen pro vita proiicit, & æquus iudex vellet seruare amicum, quem tamen condemnat sententia capitis: Deo igitur omnipotenti non videtur competens, vt quicquam conditionaliter velit, quod non est factururus. At nihilò minus non vsq; adeò pugnaciter renuerem, si quis diceret, vt quidam dicunt, illam esse conditionalem, eo quòd est de re, quam non ipse solus, sed nobis assentientibus facit. Saltem an-
 S 5 nuerem

Inter prædesti-
 & reprobationem
 quò differt.

Philip. 2.

Osee. 13.

Reprobatio-
 nis causa.

1. Tim. 2.

nuerem, vt conditionaliter more loquēdi humano exprimeretur: nempe quòd Deus vult omnes homines, & eorum quemcunq; quantum ad se attinet, saluos fieri, si modò ipsi voluerint, neque obstinauerint corda sua. Quæ idcirco voluntas non semper impletur, neq;

Voluntas antequam non semper impletur.

Ma. 22. et. 23.

vt ubi ait Christus, Quoties volui congregare vt gallina filios tuos, & noluisti. De qua ideo resistentia sapissimè cōqueritur Deus in scriptura sacra. Neque August. hunc receptissimū sensum dictę authoritatis ignorauit, imò aduersus articulos sibi falso impositos expressè illum probat: affirmans, Deum velle, vt omnes homines salui fiant: iuxta verbum,

1. Tim. 2.

inquit, Apostoli præcipientis, vt Deo pro omnibus supplicetur, ex quibus quòd multi, ait, pereunt, pereuntium est meritum: quòd multi saluantur, saluantis est donum. Hęc ille. Idē fermè repetit in de spir. & lit. cap. 3. 2. Et super Gene. contra Manichæos. Et quòd hic fuerit sensus Pauli, liquidum fit ex subiunctis illic verbis, Vnus est enim mediator, &c. qui dedit redemptionem semetipsum pro omnibus.

1. Ioan. 2.

Mortuus enim est Christus pro peccatis totius mundi, vt ait Ioan. Atq; in hoc sensu ait Chrysof.

Chrysof.

super hunc locum de Esau & Iacob, quòd quantum ad Deum attinet, saluæ fuissent omnes tribus Israel, atque adeò omnes mortales. Idemq; confirmat super illud *Ioan. 1.* Ioan. Erat lux vera quę illuminat omnem hominem venientem in hunc mundum. Hoc ergo fit nobis constitutissimum, quòd voluntate antecedenti vult totum mūdum seruatum iri, atq; adeò vniuersis paratus est auxiliis gratiæ, communibus saltem, succurrere. At voluntate absoluta quosdam prædestinauit, quosdam verò reprobauit, hoc est, quibusdam gloriam decreuit, quibusdam verò exilium. Id quod res ipsa in finali iudicio declarabit.

Vtrū reprobatio habeat causam.

¶ Percontaris ergo, his præhabitis, vtrum reprobatiōis sit vlla in nobis causa: hoc est vtrū Deus reprobauerit Esau propter eius præuifa mala opera, vel puerum absq; sacramento defunctum propter originalem culpam. Arbitror sub doctiorum iudicio sub distinctione respondendum inter causam meritoriam atq; finalem. Si enim de causa interrogas meritoria, respondetur quòd culpa nostra præuifa siue originalis tantum, vt in puero absq; baptismo pereunte, siue actualis tantum, vt in Christiano cum mortali crimine decedente:

siue vtraq; , vt in adultis fidelibus, vera causa fuit legitimaq; & directā reprobationis: nempe meritoria. Neq; hoc (nisi fallor) existimo S. Thom. negasse, sed concedit hic planè in fine secundę lectionis. Prædestinatio enim, vt dictum est, eò non potuit esse propter opera, quòd quatenus sunt meritoria, effectus sunt ipsius: cum ergo peccata nullatenus sunt effectus Dei, sed nostri, consequens fit, vt quo instanti naturæ Deus gratis destinauit Iacob in regnum, eodem propter eius præuifam culpā constitueret inde Esau depellere. Atq; hęc est planissima sententia Augustini in epistola ad Sixtum, ubi ait, Querimus meritum indurationis, & inuenimus. Meritò nanq; peccati vniuersa massa damnata est. Querimus autem meritum misericordiæ, nec inuenimus, quia nullum est: ne gratia euacuetur, si non gratis donetur. At obuiam nobis fortè hoc argumēto occurris. Sicuti effectus prædestinationis, est gratia, quę causa est bonorum operum, ita & reprobationis effectus est permissio & obduratio, quę causa est finalis peccati: ergo quatione opera non sunt causa prædestinationis, fit vt nec sint reprobationis: sed peccata effectus potius sint reprobationis, quàm causa. Punctum sanè aperis, vbi tota latet discriminis ratio. Gratia, inquam, causa directā est bonorum operum, atq; adeò natura prior: permissio verò Dei non sic est causa delictorum, neq; obdurationis, sed causa per accidēs, scilicet ablatio misericordiæ, quæ peccatum vel impediret, vel remoueret. Quod quidem assertum est Augustini in eadem epistola, ubi ait, Non indurat Deus impartiendo malitiā, sed non impartiendo misericordiam. Quò fit vt cum Deus paratissimus sit subuenire cuiusq; ad ostium pulsans, prius natura sit quā homo nolit assentire, quàm quòd Deus eum durato suo permittat arbitrio. Nam qui audit & didicit, venit ad me. Id quod maximè contemplandum est in verbo Osee, Perditio, tua Israel: tantum ex me auxilium tuum, nempe vt tota causa bonorum operum in Deum resoluatur, malorum verò in nos. Ob idq; præuifa opera mala, causa sunt reprobationis, bona verò non item prædestinationis. Quæ quidem meditatio ad elucidationem posterioris quęstionis Pauli obseruanda est maximè. Sed superest alterum argumentum ex dictis eiusdem. Pari nanq; ratione ait, absq; vllis propriis operibus Iacob dilectum, Esau autem odio habitum: ergo sicuti prædestinationis, ita neq; reprobationis vlla est causa. Nulla est verumtamen

S. Tho.

Hanc sententiam dei probat ut est ad causam. 2. torn. in 4. cap. in Aug. sol. 607. col. 1.

Argumentum elucidatoriū

Ioan. 6. Osee. 13.

runtamen consequentia, Nam Esau odio habitus est, nō tantum propter actualia, sed propter originale, quod à parentibus in utero traxerat. Tametsi de actualibus pœnas luit sensus, quas non luisset propter originale. Et hæc de causa, quæ demeritum fuit reprobationis. Attamen si de causâ scisciteris reprobationis, quæ finis fuit Dei reprobantis. Quod est dicere, Cum Deus sic omnes prædestinare potuisset, ut cumulatoribus auxiliis mutare potuisset iniquorum omnium mentes, vniuersosq; perducere ad beatitudinem, cur quosdam perire permisit. Hæc profectò causa est, quam hic docet Paul. Nimirum ut Deus ostendat iram suam & potentiam. Sicuti finis prædestinationis est, ut suam ostendat misericordiam. Neq; aliud puto quicquam noui S. To. cōminisci in illa responsione ad tertium argumentum quinti articuli. l. p. q. 23. Quapropter nec quod ipse ait, vllus negare valet, neq; meritò circūfertur, veluti author talis opiniōis, quòd sicut prædestinationis, ita neq; reprobationis vlla sit causa. ¶ Hæc igitur pro captu nostro dicta sint secundum antiquos Patres, ac doctores hætenus scholasticos. Est varuntamen & præter illum bonum patrem, cuius meminimus, quidam reuerendus episcopus, cum quo nobis controuersia fuit super decreto Concilii de certitudine gratiæ, qui in suo lib. de prædestinatione hanc receptissimam sententiam prædestinationis & reprobationis obnixè demoliri contendit. Et primùm duplicem gratis ac sine vlla prorsus, vel autoritate, vel ratione comminiscitur prædestinationem: primam quidem singularem, eorum scilicet, quos egregiè Deus dilexit, nempe quos secundum certum propositum (ut ait) certaq; media statuit volitione absoluta ad gloriam perducere: & horum prædestinatorum numerum fatetur esse certum, neq; augeri posse neq; minui: reliquam verò mortalium vniuersitatem, quos nos reprobatos dicimus, ait nihilò minus ita esse destinatos ad gloriam conditionali voluntate, ut sint in numero saluandorum. Quocirca prædestinatorum numerus inquit, qui secundum propositum sunt prædestinati, non adæquat numerum saluandorum, quia non solum eiusmodi prædestinati possunt saluari, sed mortales oēs propterea quòd voluntate antecedenti (vt à nobis confessum est) Deus vult omnes homines saluos fieri, mediāq; adhibere, quantum in se est, quibus omnes si volunt, assequantur salutem. Ob idq; cum Paul. ait. Quos prædestinavit, hos & vocauit, iustifi-

cavit, & glorificauit, intelligit inquit, præ aliis singulari priuilegio destinatos. Hinc aduersus reprobationis opinionem colligit, nullos fuisse reprobatos, eo modo quo Aug. & scholastici volūt, id est, nullos ab æterno odio Deo habitos, antequàm illi sua propria voluntate quidpiam mali egerint, Atqui contrariā opinionem, ait diram esse, & horribilem, & malèpiam, & contra vniuersam scripturam militantem. In cuius confirmationem densissima argumenta confarcinat. Et quoniam opinio hæc plebæis auribus applaudit, operæ præciū duximus illam excutere. Primùm igitur, q̄ sit extorta expositio Paulini verbi, Quos prædestinavit, &c. vel inde palàm fit, quòd nemo hætenus illam cogitauit: omnes enim, tam Græci, q̄ Latini patres sub verbo, prædestinavit, vnicum genus prædestinationis percipiunt, in quo ideo respectum vnanimiter agnoscunt oppositionis ad verbum, reprobauit, & nō relationem ad alios comuniter destinatos. Nam præ, non id subnotat, quod præ aliis altius destinati, sed præcessionem importat eternitatis ad tempus gratiæ. Nescio ergo quomodo hic auferit reuerendus pater citra, non solum Augustinum, verum sanctos omnes noua inauditaq; sua commentatione cōtemnere. Id quòd facit idem author, & super præsentī loco, Iacob dilexi, Esau autem odio habui, quo loco prædestinationis reprobationisq; discrimen oēs pariter consentunt, quotquot huc enarratores prodierunt. Vbi tamen ipse negat, vllā subesse reprobationis significationem: sed dicuntur inquit, odio illi haberi, qui comuniter destinati sunt, & saluandi, non simpliciter sed respectu singulariter prædestinatorum, scilicet quòd non sunt electi ad gratiam tam excellentē. Pespiciat autē, perpendatq; sapiens lector, vbi ex æquo odium Esau oppositū est dilectioni Iacob, an nō tā propriè accipiatur nomen odii, q̄ nomē dilectionis. His autē prætermisissis, arbitror (ut bona venia dixerim) de monstratione manifestis istius opinionē conuincere errores. Respōdeat enim quæso vtrū iniquos oēs in sua iniquitate vita decedētes Deo odio habeat absolute in altero seculo, illos, in q̄, quos missurus est in ignē eternū. Certè hoc negare non valet. Rursus vtrum ne illud absolute odium, absoluteq; illa puniendi voluntas in tēpore aduenit Deo, an potius fuerit in ipso sempiterna, credo dabit hoc secundum: imò planè hoc ipse concedit, aliàs Deus esset mutabilis. Cōcedat ergo (ni fallor) necessum est, reprobationē, quæ nihil aliud est, q̄ absolute

Nullos admittit fuisse reprobatos.

Finalis causa reprobationis.

S. Tho.

Ambro. Castrinus.

Duplex prædestinationis.

Opinionis confutatio.

*Secundum ar-
gumentum.*

Mat. 25.

luta voluntas Dei & æterna excludendi quosdam à regno. Dico excludendi, vt generalem pœnam, quæ communis est etiã decedētibz in solo originali complectar, qui nō sunt pasci pœnas sensus. Et confirmatur hæc ratio. Illo tunc articulo (vt sic de æternitate loquamur, vbi signa naturæ distinguimus) illo, inq̃ articulo, quo Deus quosdã certa absoluta quæ voluntate ordinauit ad gloriam, nunquid de reliquis aliquid etiã absolute definiuit? Quis ambigat. Etenim author iste non negat, quin Deo futura omnia fuerint ab æterno præuisa. Cum ergo in finali iudicio duas tantū hominum sortes discreturus sit Christus, eorum scilicet qui admittuntur in regnum, & aliorū qui demittuntur in ignem (vbi & infantium absq; sacramento defunctorum exilium citra ignem comprehenditur) consequens fit, vt Deus in illa æternitate quotquot absoluta voluntate non ordinauit ad gloriam, absoluta cōtrā destinauerit in exilium. Hoc autem est quod Patres intellexerunt nomine reprobationis. Non obstante quòd isti iidem reprobi antecedenti, & (vt hoc demus) conditionali voluntate fuerint dilecti, vtpote nisi se ipsi auersuri essent à diuina gratia. Fuit ergo manifestarius abusus, aliud genus prædestinatorū vel saluandorum excogitare, q̃ eorum qui absolute proposito & voluntate prædestinantur. Prædestinatio nanq; & reprobatio secundum absolutam voluntatem existimari debet, & non secundum conditionalem. Quapropter quanuis reprobi, vt inferius dicturi sumus, in sensu diuiso possint saluari, propterea quòd nulla illis libertas adempta est, non tamen sunt saluandi. Nam si gerundium: hoc fit, idem est, quòd, digni qui saluentur, si verò participium, idem quòd, illi qui saluabuntur: quarum neutra pars conuenit reprobis: quoniam aliòqui absoluta voluntate essent prædestinati. In summa sciscitor ab istis, an illi quos vocant saluandos, & nō prædestinatos absoluta voluntate, fuerint destinati ad gloriam, & tunc propriè sunt prædestinati, an verò non nisi conditionali & antecedenti, & tūc necesse est dicere, quòd nō peruenient ad gloriam: nam aliàs voluntas conferendē illis gloriæ æterna fuisset in Deo & absoluta: si ergo non sunt peruenturi ad gloriam, ergo neq; sunt saluandi, & ex consequenti mittendi sunt foras, atq; adeò exiliū absoluta voluntate decretum illis est ab æterno, quod est, eosdem esse reprobos. Rursum si solum ob conditionalem voluntatem Dei dicuntur homi-

*Tertium ar-
gumentum.*

nes saluandi, fit, vt vniuersi mortales sint saluandi, vel declaretur præter illos, qui absolute proposito sunt prædestinati, qui nam sunt saluandi, & qui minimè: quòd si vniuersi concedantur esse saluandi, consequens fiet, vt damnandi, hoc est, qui verè damnabuntur, sint saluandi. At cum hanc opinionem tot subsequatur absurda, patronus tamen eius adeò illam habet pro euidenti, vt plus quàm cecos existimet, qui eam non ingenuè confitentur. Perstat nihilo minus communis Patrum sententia, nullos esse saluandos, nisi qui sunt prædestinati, hoc est, absolute proposito & electione destinati: quorum numerus certus est, qui nec augeri potest, nec minui, vt in de cor. & grat. & alibi crebrò author est August. Inter quos tamen sunt nonnulli eximie prædestinati, vt cum primis beata Virgo, & post apostoli, tum quòd ad excelsum gradum gloriæ ordinati sunt, tum quòd fuerint in gratia confirmati: sed hoc nihil ad rem. Ruit itaq; tota machina argumentorum, quæ aduersus constitutissimam sententiam Patrum iste author instruxit. Primum enim est, quòd exhorret animus audire clementissimum Deum, vt ostenderet iustitiam suam, meditatū fuisse pœnas ante peccatum, tantamq; multitudinem, quā creauit mortalium, odio habuisse, antequàm esset odio digna. Hoc autem argumentum, si aduersus Lutheranorum sensum dirigatur, lethaliter illos configit, vt qui aiunt, Deum pro sua voluntate odisse quosdam, atq; adeò ita indurasse, antequàm quicquam boni agerent vel mali, ne iussa sua capessere valeant, & salui fieri: qua vtiq; ratione Deum faciunt authorem mali: Patres autem & scholastici non sic impiè obloquuntur, sed hoc prorsus quod in tempore fit, aiunt æternum fuisse in voluntate Dei: vnde sicut neminem punit, nisi ob commissa delicta, ita neminem reprobauit, nisi ob præquisitam eandem culpam. Quod ante diximus, id fecisse, vt ostenderet iustitiam suam, nemo profectò in sensu nostro negare potest. Nam quæro ab isto authore cum quo disputamus, Cū omnibus pueris prospicere Deus posset per sacramentum, cur aliquos perire sineret? Item cur illa signa quæ fecit in Israel, non fecit inter Tyros & Sydonios: quos ait Christus credituros fuisse, si ea vidissent? Præterea quàm obrem quum Pharaonem & reliquos obstinatos potuerit cumulatoribus auxiliis emolire, perditum eos ire permisit? Respondet iste, quia nemini quicquam debet. At licet responsio satis sit, vt Deus ab iniquitate vendicetur,

Aug.

*Respondetur
ad obiecta.*

Luc. 10.

cetur, non plenè satisfacit: nam cum neq; prædestinatis quicquam deberet, scrupulus restat cur efficax fuit in illos, non autem in istos. Et profectò nulla est causa finalis, nisi quam dat Paul. vt iustitia Dei appareret, quæ, si nullus esset infernus, non esset adeò illustris. Quam ergo causam finalem cernimus in tēporariis effectibus, qui in æternitate Dei fuerunt præmissi, eandem tribuimus reprobationi: punit autem malos ad ostensionem gloriæ suæ; eadem ergo de causa permisit eos in culpa, atq; adeò eosdem reprobauit. Non quòd hic finis odium ingenerauerit Deo, sed quòd odium, quod habeat ob culpam, illo fine non deleuit per misericordiam. Sed ais, crudelem fuisse Deum, dum tantam multitudinem odio habuerit. Respondeat ipse quæso an sit crudelis propterea quòd tantam multitudinem permittit ire præcipitem in perditionem, quantum in die iudicii conspiciemus: quòd si non est ob hoc dirus, profectò nec fuit, si, quod facit in tempore, decreuit in æternitate. Obiicit

2. Pet. 3. & illud Petri, quòd Deus nolit aliquos perire. Et, Quòd nò vult mortem impii, sed vt magis conuertatur, & sexcenta, vt inquit, huiusmodi talia. Sed respondeat ipse nobis, Nunquid Deus odio habet peccatores, & profectò odio odit illos, qui in peccato decedunt, & odio est Deo iniquus & iniquitas eius? Profectò respondere non potest, nisi sub distinctione, scilicet quòd voluntate antecedenti nolit aliquos perire, consequenti tamen permittit pereuntes perire, & odio habet illos. Has ergo voluntatum differentias, quas per effectus Dei deprehendimus, concedimus esse illi semper æternas. Reliquam suorum argumentorum phalagē per hæc pariter euanesce videas. Non erat ergo, cur iste reuerendus episcopus in proloquio sui libelli tot verbis pollicendo diceret, punctum se prædestinationis vera ratione attigisse, quæ Augustinum ac ceteros antea Patres cælata semper fuisset. His utiq; dilucidatis & præstitutis liquet responsio ad priorem quæstionem Pauli, nullam scilicet restare in Deo iniquitatem, eò quòd in sua prædestinatione nulla sunt præuisa humana debita misericordiæ, sed tantum reprobationis de merita. Et ideo quòd bonus fuerit in aliquos, nemo aliorum iniquitati tribuere valet, nisi cuius oculus, iuxta euangelicam parabolam, nequam est. Et est sanè mirandum inficiatores istos prædestinationis hoc nò animaduertisse, quemadmodum neq; ipsi aliter possunt respondere. Nam licet gratis donemus eis, præ-

destinatos propter sua præuisa bona opera electos fuisse, cum negare nequeant, eadē præuisa opera nò nisi Deo auctore perfici, responderetentur (vt supra dicebam) cur his præceteris fauit, opemq; tulit, vt suæ ipsius inspirationi assentirent. Ad quòd respondere aliud nequeunt, q̄ quòd nos respondemus: ergo in operibus meræ gratiæ nulla potest esse personarū acceptio, sed in operibus iustitiæ. Quod quidem perspicuus Paul. hic quidē non aliter liberat Deum hac iniquitatis macula; q̄ dicendo, quòd pro suo beneplacito cui vult misereatur, & quem vult indurat: sed tamen vbi ca. 2. de iudicio finali sermonē texit, quia in operibus iusti vera est iustitia, atq; adeò acceptio esse posset personarum, si non pro conditione operum redderetur præmiū, non recurrit ad beneplacitum Dei, sed ait, quòd vniciq; reddet iuxta opera sua. Ob idq; David misericordiā & iudicium cantabat domino. Et Christ⁹, Nō, inquit, veni vt iudicem mundū, sed vt saluificem mundū, scilicet quia primus aduent⁹ summa est misericordia: erit autem quādo vrturus est iudex. Igitur si in genere quæsieris, cur quosdam prædestinauerit, quosdā reprobauerit, respondemus, quòd prædestinationis quidem nulla est in nobis causa: reprobationis; verò, meritū quidem est in nobis, finis autem in Deo. Si autē in particulari scrutari pergas, cur hos prædestinauit, vt Iacob & Paulū, hos verò reprobauerit, vt Esau & Iudam. Respondet super Ioannem Augustinus cur hunc trahat, & illum non trahat, noli iudicare, si non vis errare. Quauis tractionis alia rō est, quia est prædestinationis effectus: ob idq; subdit, Nondum traheris, ora vt traharis. At non dixisset, Non est prædestinatus, ora vt prædestineris. Tametsi quia res nobis abdita est & recondita optare sibi quisque apud Deum potest. Vtinam & ego domine in numero sim prædestinatorum. ¶ Subsequitur tandē, vt de posteriori quæstione Pauli non nihil explicemus, quam sanè fatemur, difficilem semper explicatu fuisse. Scilicet cur de peccatoribus cōqueritur Deus, quos ipse reprobauerit: cū eius volūtati neq; possit resistere. Est nihilò minus responsio, quòd neq; prædestinatio neq; reprobatio quicq; nobis adimīt libertatis: aliàs nulla esse posset ratio aut meriti aut culpæ. At verò hinc nobis offunduntur dubitationis tenebrę, nempe quòd cū Dei, nec scietia seduci possit, nec voluntas mutari; iamq; Deus ab æterno nò modò præsciuerit, verum certo proposito constituerit, quid nā cuiq; sit obuen-

In operibus
meræ gratiæ
nō est personarum
acceptio.

Psal. 110.
Ioan. 12.

Epilogus.

Ad posteriorem
quæstionē
Pauli.

Responsio ad
priorem.

Mat. 20.

*Iudæorū pri
uilegia com
municata Ge
tilibus,*

Ephe. 2.

monstret cōmunicata esse per Christum Gen
tilibus. Primum enim priuilegium erat, quod
essent peculiariis popul^o Dei, & (vt est in Psal
mo) Oues pascuæ eius: à quorum conuersatio
ne alienatæ erant Gentes, vt habetur ad Ephe
sios, quasi hospites testamentorum: Christus
autem fecit vtraq; vnū, vt qui nō erant plebs
Dei, asciscerentur in plebem. Vnde Ambro.
& nonnulli Latini existimant hanc prophe
tiam ad literam fuisse prænunciatam de genti
litate. Orig. autē Chryl. & Græci arbitrātur de
Israele poti⁹ literalē illic sermonem haberi: id
qd' verisimili⁹ fit per prophetiā ipsam. Nā cū
cap. 1. in odiū pessimi Iehu cōminatus sic fuis
set dominus, Voca nomē eius, scilicet Israelis,
non populus meus, quia vos non populus
meus, & ego non ero vester. Postmodum di
uino suo more ad misericordiā versus ait sub
vaticinio venturi Christi, Sponsabo te mihi
in fide, &c. Et dicam, Non populo meo, popu
lus meus es tu, & ipse dicet, Deus meus es tu.
Est ergo mens Pauli ita colligere, Si tu Israel,
qui tua culpa, non populus iam merito eras,
in populum diuina misericordia reuocatus es
non mireris, quod Gentes quæ non appella
bantur Dei populus, fuerint in populum ac
cerfite. (*Et non dilectam, dilectam.*) In Osea nō est
hec particula, neq; propositum Pauli est præ
cisa verba citare, sed sententiam. Est enim po
pulo Dei peculiare, vt sit & ipsi dilectus. (*Et
non misericordiam consecutam, misericordiam conse
cutam.*) Tertium autem hoc membro non est
græcè apud Paulum. Tametsi Hieron. in com
mentariis Oseæ varias meminerit fuisse lectio
nes apud. 70. & in aliis translationibus. Est au
tem in Osea secundum translationem vulga
rem, Miserebor eius, quæ fuit absq; misericor
dia, & dicam nō populo meo, populus meus
es tu. Quocirca vel inde Paul. hoc citat, quod
est credibilis, vel alii hoc adiecerunt, quod
tamen nihil sententiæ officit. (*Erit in loco vbi
dictum est eis, Non plebs mea vos: ibi vocabuntur fi
lii Dei viui.*) Accessio suprema ad priuilegia Iu
dæorum erat, vt illorum esset adoptio filiorū:
quemadmodum dixit Paul. in initio huius ca
pituli: hoc ergo ait, cōmunicatum esse per
Christum vniuersis gentibus. In cuius figu
ram & testimoniū citat verbum eiusdem pro
phete, atq; id quidem significantissimè. Illic
enim de infidis tunc Iudæis per opprobrium
pronunciatum est verbum hoc, quod tamen
tunc temporis propriè competebat in popu
lum Gentium. Ait ergo Paul. quod in ipsis eis
dem locis, nimirum Gentilium, in quibus ve

rè tunc temporis dicebatur, Nō populus me⁹
vos, propterea quod falsos deos colebant, ibi
dem non solum populus Dei, sed, quod cum
mulatissimū est beneficium, filii Dei vocabū
tur. Et filii Dei viui. Ad differentiam mortuo
rū, qui habebantur pro diis. Atq; id nimirum
per Spiritum sanctum, clamantem abba, pa
ter. Et ait, ibi, hoc est, vbiq; terrarum absq; vl
la necessitate cōmigrādi in Iudæā: sicuti olim
necessum erat proselytis, qui volebant legem
Dei suscipere. Perinde ergo hoc est, atq; illud
quod Christ⁹ ait Samaritanæ, Venit hora quā
do neq; in monte hoc, neq; in Hierosolymis
adorabitis patrem, sed in spiritu & veritate.

Ioan. 4.

Esaïas autem clamat pro Israel,
Si fuerit numerus filiorum Israel
tanquā arena maris, reliquiæ sal
uæ fient. Verbum enim consum
mans & abreuians in æquitate:
quia verbum breuiatū faciet Do
minus super terram.

Post vaticinia, quibus sub figura Gētium
prædestinatio præcantata est, procedit ad duo
alia Iudæorū, quæ sunt apud Esaïam. Cōpri
mit autē eorū factum. Nā cum sub figura Gen
tiliū sine vlla exceptione dixisset Oseas, Vo
cabo non plebem meā, plebē meam, inducit
Esaïā proclamantē, id est, constanter & absq;
vlla hēsitatiōe clamantē, vt notum sit vniuer
so orbi, hoc prædestinationis munus, nō fuisse
in vniuersos Iudæos protensum, sed paucis
impensum: quā paucitatem, reliquias appel
lauit Esaïas, quo ideo nomine vtitur & Paul.
infra etiam cap. 11. Ad huius autē intellectū per
spiciendus est penitus propheticus sensus.
Est enim oraculū hoc Esaïæ. 10. Vbi ad literā,
interprete Hieronymo, loquitur de obsidio
ne Sennacherib, qui post translatas decē tri
bus Israel, regnante illic Osea, inuasit cæteras
duas trib⁹, eisq; penē absumptis, obsedit Eze
chiā in Hierusalē, qui tū demum diuino fauo
re per Esaïæ consolationē recreatus est, & per
angelum à vi Assiriorū liberatus, vt legitur.
4. Reg. 19. & Esa. 36. Ob idq; ait propheta, Si
fuerit numerus filiorum Israel, id est, omnes
duodecim tribus, tanquā arena maris (ita
enim legitur Gene. 22.) reliquiæ saluæ fient,
hoc est, particula reliqua, quæ cum Ezechia
seruata est Hierosolymis, ceteris decem tri
bus, plurimaq; duarum parte deperditis.
Id quod in figura seruatoris Christi pera
ctum

*Oraculū
Esaïæ.*

Etum est, qui veluti angelus Dei redemit orbem à diabolica tyrannide, sed duritia Iudæorum obfistente, non nisi particulam illorum lucrificet. (*Verbum enim cōsummans & abbrevians in equitate, quoniam verbum abbreviatum faciet Dominus super terram.*) In translatione nostra non legitur, nisi hoc pacto, Consummatio abbreviata inundabit iustitiam. Consummationē enim & abbreviationem Dominus Deus exercituum faciet in medio omnis terræ. Paulus verò citat crebrius lectionē Græcā septuaginta interpre. Ob id fortè, quòd conuersis scribebat pro plurima parte ex Gentibus, quibus illa translatio celebratior erat: quam neq; Iudæi repellebant, eò quòd à suis fuisset facta. Id quod in subsequētib; ferè perpetuò facit. Igitur si ad limam illius veteris lectionis hanc Pauli intelligere debeamus, idem est, verbū consummans & abbrevians, ac si dixisset, salutem enim cōsummauit, abbreviauitq; dominus, id est, in paucos coercuit, vt nomē, verbum, quod accusatiui casus est, vsurpetur pro re ipsa salutis: solet enim in sacra scriptura, verbum, accipi pro re gesta: vt apud Lucā, Videamus verbum quod factum est. Et pariter quod sequitur, Quia verbum abbreviatū faciet dominus, idem est, quòd, rem & salutē abbreviatam, At nihilò minus Hierony. illic, quinimò Latini omnes & Græci nomine hīc verbi, fidem Euangelicam intelligunt: Euangelica enim lex in pauca summat, & abbreviat antiquum verbum, id est, legem veterē: quoniam his duobus mandatis pendet lex & prophetæ, Diliges Dominū Deum tuum. &c. Item sicut ait Chrysost. omnibus illis ceremonijs & operibus legalibus semotis, fides breuib; verbis pollicetur salutē. Nam, Qui crediderit & baptizatus fuerit saluus erit. Est ergo lex Euangelica, & verbum, hoc est, sermonem abbrevians, & verbum abbreviatum, quod fecit dominus. Quòd autem ait, In equitate, propterea dictum est, quòd Euangelium suauitate nullam intulit iniuriam legi, quin potius & figuras omnes illius re ipsa cōpleuit, & præcepta naturalia retinuit. Vel ad rem fortè propinquius, quia fides nostra citra iniuriam solas reliquias Israelis seruauit, licet longè fuerit patientior in nationes Gentium. Sunt qui interpretem culpant, quòd nō transulerit, sermonem consummans & abbrevians, vt caueret ab amphibologia nominis, verbum, quod potest esse nominatiui casus, cū hīc sit accusatiui. Sed nil mirum si id fortè fecerit, vt sub ampla significatione verbi li-

bertatem illis permetteret, qui vellent intelligere verbum incarnatum, quòd Deus pro salute nostra abbreviauit, hoc est, sub angustijs carnis exinanitum misit. Cui non malè consono id quod addit, super terram, neq; oratio continuò subtexta de semine.

Verbum incarnatum.

Et sicut prædixit Esaïas, Nisi Dominus Sabaoth reliquisset nobis semen, sicut Sodoma facti essemus, & sicut Gomorra similes fuissēmus.

Inducit vaticinium aliud eiusdem Esaïæ in confirmationem superioris. Ait autem, prædixit, vel ad generalitatē alludens, quòd prophetæ antiquiores fuere, vel quia oraculum hoc, quod est cap. i. præcessit illud, quod modò citatum est. Atqui licitum est nomen hīc feminis, eisdem vtq; significationibus vsurpari, quas tribuimus nomini, verbū, Primū vt reliquiæ ipse seruata dicantur relictum semen, ne funditus aboleretur Israelis genus: vt sensus sit, Nisi Dominus virtutum ac potestatum (hoc enim sonat sabaoth) cui cōuenit humana scelera vindicare, sicuti Deo ultionum, hanc particulam seruasset, quæ veluti semen fructū ferret, sicut Sodoma & Gomorra fuissēmus: quorum genus extinctum est prorsus deletumq; nomen. Nam licet Loth cum suis sub figura fortè reliquiarum Israel seruatus fuerit, non tamen erat ex eorū sanguine. Atq; huc applaudit Chrysost. quinimò & Paul. infra cap. ii. Nunquid Deus repulit populum suum? Absit. Nam & ego Israelita sum ex semine Abraham. Et secundum hoc similitudo Israelitarum & Sodomorum non refertur ad culpam, sed ad pœnam. Non inquam, sensus est, nisi fuisset ob relictum semen, similia patrarēt facinora: sed quòd cū omnes fuissent in crimine, similiter fuissent prorsus absumpti. Secundo accipi potest & semen pro verbo fidei: nam semen est verbum Dei. Et secundū

Seminis nomen multiplex.

Chrysost.

Luc. 8.

hoc cōparatio intelligi vtroq; modo potest, putà quo ad pœnam: nam nisi nos fides seruasset, periissemus omnes, & quò ad culpam: quoniam nisi prædicatio Euangelica nos sustentaret, eadem maioraq; crimina, quàm Sodoma committeremus. Quinimò si ad populum Israel hoc referatur, peiora ipsi admiserunt. Quandoquidem Sodomitæ (vt ait Origē.) contra angelos hospites ius naturæ violare tentarunt: Israelitæ verò parentem Deum abnegantes ad idola defecerūt. Sed potest ni-

Origē.

T hilò

Paul. citat. 70.

Luc. 2.

Latini & Græci.

Matth. 22. Chrysost.

Mat. 10.

Defensio interpretis.

Gal. 3.

hilò fecius congruentissimè nomen seminis, de Christo hic enunciari: vti sancti interpretes enarrant. Quàm ob rem ad Gala. Paul. nō dicit, inquit (scilicet Gen. 22.) Et feminibus, quasi in multis, sed quasi in vno. Et semini tuo, qui est Christus. Et tūc similitudo vtroq; modo cōstat: nisi q̄ aptius quadrat quantum ad pœnas. Nempe quod nisi per Christum redempti, seruatiq; fuisset, perisset totum genus humanum ob culpam tum Adæ, tum cuiusq; propriā. Quod si semē pro fide Evangelica hic accipiat, tūc locum habet quod ait super Esaiam Hieron. porro vt Dominus Sabaoth, hoc est, virtutū, p̄dicetur de Christo: iuxta illud, Attollite portas. &c. Quis est iste rex gloria? Dominus fortis & potens Dominus virtutum, ipse est rex gloria: nimirum cui data est omnis potestas in coelo & in terra. Ipse enim est qui reliquit nobis huiusmodi semē. Sin verò nōe seminis Christus subnotetur, necesse est, vt Dñs Sabaoth accipiat pro Deo vno ac trino, qui nobis eum misit.

Hieron.

Psal. 23.

Matth. 28.

Quid ergo dicemus? Quod Gentes quæ non scētabantur iustitiam, apprehenderunt iustitiā: iustitiam autem quæ ex fide est: Israel verò scētando legem iustitiæ, in legem iustitiæ non peruenit. Quare? Quia non ex fide, sed quasi ex operibus.

More sibi consueto sub interrogationis schemate concludit. (*Quid ergo dicemus?*) Id est, quid ex his quæ hactenus tractauimus, dicamus colligi. (*Quod ergo dicemus?*) Id est, colligemus hanc expauescendam, nam mysterio plenam, discrepantiā inter Gentes atq; Iudeos, vtpotē quod illi qui nō scētabantur iustitiam, hos qui illam scētabantur, anteuerterūt, brauium videlicet præoccupantes ac præripientes. Vtitur enim mirifica, ad remq; accommodatissima metaphora duorum, quorum alter id quod sequitur nō consequitur, eò quod aliorum respiciens ad lapidem in itinere offendit, vbi cōcidit: alter verò ostenso de repēte scopo absq; vlla remora pertingit. Pari enim modo Iudei per legem, quasi per vmbra futurorum bonorū scētabantur veram iustitiam fidei, & tamen oblatum eis Christum, eiusdem fidei auctorem, non agnouerunt: ob idq; in illum veluti in lapidem impingentes collapsi sunt. Gentes

Heb. 10.

autem quæ (vt habetur ad Ephe.) erant sine Christo, hoc est, sine fide Christi, alienatæ à conuersatione Israel, atq; adeò non scētabantur eius iustitiam, eandem receperunt. Luceſcit ergo iam totus contextus Pauli, si nomine iustitiæ in hac perpetua oratione, illam quæ fidei est, intelligamus. Ait igitur, Gentes quæ non scētabantur iustitiam, quoniam licet essent naturali iure Gentiles imbuti, in quo præstare poterant naturalem iustitiam operum, hoc est, operā moraliter bona, quin etiā illi qui diuina essent ope illustrati ac suffulti, Deo valerent reconciliari, officiaq; illi grata offerre, tamen quia legē scriptam futuri Christi præſagam, per modum doctrinæ non habebant, non scētabantur iustitiam fidei. Alludit enim ad philosophos, quorum dicuntur esse scētæ, propterea quod in suis scholis singuli dogmata scētabantur. Apprehenderunt igitur Gentes quam nō scētabantur iustitiam. (*Iustitiam scilicet, quæ ex fide est.*) Ne in dubium nos conijceret, de qua loqueretur iustitia: nam aliæ iustitiæ, non simpliciter censentur hoc nomine. (*Israel verò scētando legem iustitiæ, in legem iustitiæ non peruenit.*) Legem antiquā appellant hic nōnulli legem iustitiæ: vel quia rectè intellecta, iusta erat: vel quia faciebat iustos, nō amore, sed timore. At verò genuinus sensus, si in metaphora persistere volumus, neq; nomen iustitiæ diuersimodè vsurpare, id sanè est, vt lex iustitiæ dicatur hic lex Evangelica, quam per antiquā scētabantur, id est, inuestigabant Iudei, quamq; modò appellauit iustitiam fidei. Et ideo ait, q̄ hanc legem iustitiæ, puta vbi vera iustitia est, præſtolantes & inquirentes nō inuenerunt. (*Quare? Quia non ex fide, sed quasi ex operibus.*) Videlicet querebant eam. Subdit enim causam, cur nō in eam legem iustitiæ peruenierunt, quam scētabantur. Et arridet ad eum, qui propterea rem propositam nō inuenit, q̄ nō ad rem, sed aliorum attentus est. Sic enim Iudei quoniā iustitiam verā per literā legis consecrabantur, arbitrati ex operibus iustificari, & non per fidem, nō crediderunt in eum, qui iustificat impium: nam (vt protinus dicturus est Pau. cap. proximo) finis legis, Christus est, ad iustitiā omni credenti. Vide quā fuerit populo illi deprauatus affectus, nempe quod cum legem veluti lumē Deus illis irradiasset, in quo Christi fidem prospicerent, vt eum paratiores susciperent, eadem lege ita sese obtenebrarunt, vt veluti in caligine oberrantes ad ipsum pro maxima parte allisi, corruerint.

Intellectus
Pauli in
textus.Scētaban-
tur.

Offen-

Offenderunt enim in lapidem
offensionis. sicut scriptum est. Ec-
ce pono in Sion lapidem offensio-
nis, & petram scandali: & oīs qui
credit in eum, non confundetur.

Subscribit rationem frustrationis Israel, &
loquitur semper de Israele pro maxima par-
te, quæ ab alienata est à fide Christi, prose-
quiturq; perpetuò coeptam metaphoram il-
lius, qui in stadio offendit ad lapidem, cuius
causa non venit ad metam. Impegerunt au-
tem Iudæi in Christum, primum quòd velut
pusillus aduenit, contactusq; vilitate huma-
nitatis nostræ in similitudinem carnis pecca-
ti: & ideo non solum non fuit ab illis prospe-
ctus, verum etiam despectus: iuxta illud,
Quasi absconditus vultus eius & despectus,
vnde non reputauimus eum: deinde corticem
literæ antiquæ legis respicientes spiritum nō
penitus scrutabantur, in quo Christum cer-
nere poterant. Et quoniam lapidi Christum
comparat, in quo viator pedem lædit, subscri-
bit rei vaticinium trimembre. (*Sicut scriptum
est.*) Puta apud Esaïam: apud quem tamen
non est sub vno tenore totum hoc elogium:
at cap. 28. sunt verba hæc, Ecce ego mittam in
fundamentis Sion lapidem probatum angu-
larem. &c. Qui crediderit non festinet. Vn-
de desumptum est primum, postremumq;
membrum citationis huius: medium autem
ex cap. 8. vbi legitur, Dominum exercituum
ipsum sanctificate, ipse pauor vester. &c. Et
erit vobis in sanctificationem: in lapidem au-
tem offensionis & in petram scandali duabus
domibus Israel. Est namq; in diuinis eloquijs
celeberrimum, vt dicatur Christus per meta-
phoram lapis. Qui excisus est de monte sine
manibus, hunc enim descendente de cœlo
concepit Virgo sine semine. Et quantum ad
diuinum propositum spectat, lapis dictus est
propter allusionem ad ædificium Ecclesiæ,
quæ fabrica eius est: figuratus est in lapide il-
lo reprobato ab ædificatoribus templi, po-
stea verò constituto in caput anguli. Compe-
git enim veluti angularis lapis duos populos
in vnam Ecclesiæ vniuersitatem. Vnde alibi
Paul. Fundamentum aliud nemo potest po-
nere præter id quod positum est, quod est
Christus Iesus. At verò diuersa hominum af-
fectio in causa fuit, vt diuersis, diuersus fieret.
Vnde ad Corinth. Paul. Prædicamus Chri-
stum crucifixum. Iudæis quidem scandalum,

Gentibus verò stultitiam: ipsis autem voca-
tis. &c. Dei virtutem, & Dei sapientiam. Et
Luc. 2. Ecce positus est hic in ruinam & in re-
surrectionem multorum in Israel, & in signū
cui contradicetur. En quid est offendere in
Christum, ac veluti offendiculo cōfringi, nem-
pe contradicere illi: nam si non venisset & lo-
cutus eis non fuisset, peccatum non haberet.
Vnde Matth. Qui ceciderit super lapidem
istum, confringetur, super quem verò cecide-
rit, conteret eum. Nam quando humilis appa-
ruit, tunc qui se illi nō subdiderunt, cadentes
super illum, veluti vasa fictilia, fracti tantum
sunt, quia poterant per misericordiam rur-
sus consolidari: sed cū in montem creuerit,
puta cū excelsus venerit ad iudicandum,
corruet super illos tanquā suæ potestati sub-
iectos, & tunc sicuti obduratos lapides vsque
adeo conteret, vt nullus fiat reliquus reficien-
di locus. (*Et omnis qui credit in eum non confun-
detur.*) In veteri translatione non est apud
Esaïam, nisi, Qui crediderit non festinet, Pau-
lus autem, citat translationes. 70. interpretū,
vbi pro, non festinet, habetur, non confunde-
tur, quod idem est. Siquidem confusio innas-
citur credenti quando non ita accidit, vt cre-
dit, ob idq; sollicitus festinat, vt quod credit
cernat, ne confundatur. Igitur, non festinet,
idem est, quod qui in hunc lapidem credide-
rit, sedato sit animo, quia non confundetur.
Nam licet moram fecerit (vt est apud alium
vatem) non tardabit.

CAP. DECIMVM.



Ratres, voluntas
quidē cordis mei
& obsecratio ad
Deum, fit pro illis
in salutem.

Postquam in genere Apostolus cap. præce-
denti de origine gentis disseruit, nempe quòd
ex mera Dei voluntate procedat, vniuersisq;
promiscuè exposita sit tam Græcis, quàm Iu-
dæis, quinimò reliquijs tantum Israel seruatis,
Gentiles reliquæ multitudini prælati fuerint,
persistit hoc capite de eadem Iudæorum ca-
citate tractare. In quo quatuor agit. Explicat
enim primum ruinæ eorū causam, quæ cū
ex ignorantia prodierit miseranda est. Secun-
dò illic, Moyse enim, constituit discrimen in-
ter legis iustitiam, & iustitiam fidei. Tertio il-
lic, Om-

Esa. 53.

Christus 14.
ps.
Dan. 2.Psal. 117.
& Act. 4.

1. Corin. 3.

1. Corin. 1.

lic, Omnis qui credit, explicat eiusdem latitudinem fructuumq; , & promulgationis modum. Quarto illic demum, Sed dicò, demonstrat, quòd eadem Iudæorum ignorantia non fuit usq; adeò innocens, vt culpam prorsus dilueret. Igitur in fronte statim sanctam vrbani tatem Apostolici pectoris agnosce. Etenim (vt in initio præcedētis capituli adnotauimus) nullum vnquam locum accusationis, vel ob iurgationis aggreditur, nisi amorem suum & beneuolentiam præfatus, qua lenitate acerb itatem futuræ orationis mitiget. Cùm ergo in conclusione superioris capituli eos per illam comparisonem ad Gentes, rubore suffu derit, quòd fide illis Gentes anteissent, quam ipsi per legem sectabantur, lenit nunc verbi asperitatem, ne suspitionem illis faciat, quòd præ odio id dixerit. Ob idq; ait, (Fratres.) No men enim est amoris, quo indiscriminatum conuersos prosequabatur ex utroq; populo. Sicuti Christus admonet, Omnes vos, fratres estis. (Voluntas quidem cordis mei.) Verbum Græ cum quod hîc transfertur, voluntas, idem pol let quod, bona voluntas, id quod alij trans ferunt, propensa voluntas, sed tamen, bona, plus dicit, & accommodatius est ad propo situm. Et subintelligitur in hoc quod subdi tur, In salutem. Atqui, cordis mei, auxesis est, & exaggeratio amoris. (Et obsecratio ad Deum fit pro illis in salutem.) Vtrunq; membrum ad hoc referendum est, quod ait, pro illis, id est, voluntas mea: nam votum & desiderium fit pro illis, & obsecratio item mea ad Deum: nisi quòd, fit, congruentius refertur ad obsecra tionem, & ideo alij vertunt, fit pro illis, vt, fit, referatur aptius ad voluntatem. Atqui lo quitur de tertia persona, eò quòd loquitur cōuersis de alijs offendentibus in Christum. Tametsi in textu Græco non est nisi, pro Is rael, quod idem est. Sed attende, quòd non ait, obsecratio mea, seu oris mei, sicut, volun tas cordis mei: nam obsecratio non solùm ab illo, sed paritèr ab Ecclesia quæ cum ipso erat, fiebat, Sed ait, voluntas mea, vt cuius so lius poterat conscientia sua testimonium fer re. Nam exterior obsecratio sine interna vo luntate, inutilis est. Tametsi parum referat si, cordis mei, ad obsecrationem quoque suam propriam referatur. Addit autem, in salutem, iuxta verbum Iacobi, Orate pro inuicem vt saluemini. Vbi probè adnotant enarratores, orandum esse ex intimo corde pro infideli bus, vt veniant in agnitionem fidei, quæ do num Dei est.

Matth. 23.

Iaco. 5.

Ephe. 2.

Testimonium enim perhibeo illis, quòd æmulationem quidem, Dei habent, sed non secundum scientiam. Ignorantes enim iustitiam Dei, & suam quæren tes statuere, iustitiæ Dei non sunt subiecti.

Ecce nonnullam Iudæorū excusationem: est enim leuius delictum, quod ignorantia pa rit: quocirca eiusmodi culpa commiseratione digna est. (Æmulationem.) Alij vertunt, studiū, sed profectò incongruè: est enim græcè, *zēlos*, quod quidem nomen feruorem significat, siue in bonam, siue in malam partem. Zelare ergo pro Deo idem est, quòd feruētī amore ali quid in eius honorem persequi: iuxta illud, Æmulator enim vos Dei æmulatione: vbi non quadraret, studeo vobis Dei studio. Neq; ve rò hîc tam cōmodè diceretur, studium Dei ha bere, q̄ æmulationem, hoc est, amorem ferui dum. (Sed non secundum scientiam.) Huius quidē Paul. potuit certissimum testimonium perhi bere, quippe qui in se ipse expertus id ipsum fuerat. Ait enim ad Phil. secundum æmulationem se fuisse persequutum Ecclesiam Dei: at quia non erat secundum scientiam, non fuit prorsus immunis à culpa: ob idq; se cōfite tur fuisse blasphemū, persecutorem, contumelio sum. &c. Veruntamen, quia ignorantia nō ni hil adfert excusationis, alleuiantis culpā, sub dit, misericordiā se consecutū, quia ignorans fecit. Quòd enim populus ille Iudaicus tanti æstimasset legem suam, vt eius operibus se cre derent iustificari, à zelo Dei proficiscebatur, quem utiq; authorē profitebantur eiusdem legis. Eodemq; zelo Christum, facientem se Deum peccatorū condonatorē, perdere pro curarunt. Erat autem zelus cæcus, quia à lege ipsa, salutem per Christi doctrinā pollicente, erudiri poterant veritatē fidei. Porrò autē ad notandum est hîc, quòd cū voluntas, bona non sit, nisi de obiecto, quod nō solūm appa renter, sed verè sit honestum, intellectus autē officium sit, cæcam voluntatem edocere, fit, vt voluntas, quæ non sequitur scientiam, bona esse nequeat. Vnde Arist. inter conditiones iusti hanc præsertim constituit, vt sciens ope retur. (Ignorantes enim iustitiā Dei, & suam quæren tes statuere, iustitiæ Dei non sunt subiecti.) Graphicè fanè describit & ignorantia Iudæorū, & cul pam, & culpæ rursus nequā prolē. Internoscit enim

Defensio in terpretis.

3. Corin. 11.

Philip. 3.

1. Tim. 1.

Matth. 9.

Adnotandū.

Ethic. 2.

*Iustitia Dei
et iustitia
nostra.*

Heb. II.

enim primū inter duas iustitias, Dei scilicet alteram, atq; alterā Iudæorum propriā. Iustitiā Dei sepe numero diximus sic nūcupari, tum quod proprius eius effectus ac donū est, tum quod nos per eam, formaliter nobis inhærentem iustificat, hoc est, reconciliat remittendo culpam. Iustitia verò nostra est iustitia operum, putā opus moraliter bonū per vires naturales exhibitum, quod personam iustificare nō sufficit apud Deum, sed apud homines ciuili honestate: iuxta illud cap. 4. Si Abrahā ex operibus iustificatus est, habet gloriā, sed nō apud Deum. Ignorantia ergo Iudæorū erat de iustitia Dei sine cuius fide impossibile est illi placere. Inde q; primā hæc culpa promanabat, quod propriam iustitiam in obseruatione legis, secundum substantiam operū positam, statuebant veluti quæ ad salutem factis erat. Quo rursus tumore deturgentes iniquitatem alteram cumulabant, nolentes Christo auctori iustitiæ Dei esse subiecti. Est ergo explicatio hæc illius quod dixerat, Offenderunt in lapidem offensionis.

Finis enim legis Christus, ad iustitiam omni credenti.

Chrysost.

Prodit, explanatq; hanc Iudæorum prauitatem, qua scilicet ratione nō fuerint subiecti iustitiæ Dei. Neq; id solū, sed alias etiam eorū tenebras luculenter fugat. Poterant enim forsā (vt Chrysost. perspectè differit) duas iustitias Dei Iudæi confingere: scilicet legem veterem & nouā, atq; adeo respondere, quod licet nō essent subiecti nouæ, fuissent tamē veteri: quin verò recipientes nouā, debere nihilō secius antiquam retinere: hoc enim erat quod pertinacissimè defendebant. Vult ergo Paulus patefacere, non esse has duas leges omnino diuersas nec discrepantes, sed illam Mōsis viam esse ad hanc Christi: hanc autem illius finem & perfectionem: ob idq; qui hanc susceperit, illam secundum virtutem custodire, qui verò hanc repperit, eum neq; illam seruare. Ad huius autem liquidam intelligentiam cōsideratius meditandum est, quod finis cuiusvis legis (id quod & philosophi etiamnum profitebātur) est bonos facere ciues: quapropter & idem quoq; fuit finis Dei veterem edicentis legem. At quia bonitas apud ipsum supernaturalis est, quam ideò per se opera legis præstare nequiuert, finis proprius illius legis fuit Christus, qui per eam prænunciatus ac delineatus, auctor erat per suam ipsius fidē eiusdē bonitatis & iustitiæ. Ergo sicuti ciues

nō sunt subiecti iustitiæ à legislatore prospectæ, nisi legem colant intentione eiusdem legislatoris, scilicet vt tranquillitas status in Republica perseueret, & honestas ciuilis, ita neq; Iudæi facientes opera legis quod ad substantiā operum, nō autem intendentes iustificari per fidem Christi, qui finis erat legis, erant subiecti iustitiæ Dei. Ecce ergo cur ait, Christum esse finem legis ad iustitiam, id est, ad consecutionem veræ iustitiæ, non quidem omni operanti, sed omni credenti: neq; verò ad assecutionem iustitiæ tantam, quæ est expiatio peccatorum, sed ad culturam iustitiæ: nam quod lex requirit, fides præstat, hoc est, lex ad intentionē præcipientis non nisi per gratiam Christi impletur: Et hoc est quod ait Christus, Non veni soluere legē, sed adimplere: & quod dixit Paul. capit. octauo. Quod impossibile erat legi, &c. Deus filium suum mittens in similitudinem carnis peccati, de peccato damnauit peccatum, vt iustificatio legis impleretur in nobis. Et quod ait ad Galat. Lex pedagogus noster fuit. *Matth. 5. Gal. 3.*

Moyles enim scripsit, quoniam iustitiam quæ ex lege est, Qui fecerit homo, viuet in ea. Quæ autē ex fide est iustitia, sic dicit, Ne dixeris in corde tuo, Quis ascendet in cœlum? Id est, Christum deducere. Aut, quis descendet in abyssum? hoc est Christum à mortuis reuocare.

Sequitur secūda pars huius capituli, illius quidem differentiæ expositoria, quæ est inter iustitiam legis, seu operū, & iustitiā fidei: quæ quidem differentia, duplex est: videlicet & ex parte causæ: nam iustitia legis consistit in operibus legis faciendis: iustitia verò fidei, in credendo ex vero puroq; corde: & rursus ex parte finis & fructus: nam fructus iustitiæ legis est vita temporalis, fructus autē iustitiæ fidei, vita æterna. Vtitur autem duobus priscæ legis oraculis: altero quidem in sensu literalī relato, altero verò per mysteriū allegoriæ exposito. Primum est Leuit. 18. quod citat: attamen non ad literam, sed secundum sententiam. Sic enim habet secundum translationem nostrā. Custodite leges meas atq; iudicia, quæ faciēs homo viuet in eis. Et simile scriptum est in Ezech. 20. Sed & text. hic Græcus apud Paulum sic

*Finis cuiusvis
legis.*

*Defensio in-
terpretis.*

lum sic habet, Moses enim scripsit, Iustitiam quæ est ex lege: quoniam qui fecerit ea homo viuet in ipsis: vt, ea, referatur ad præcepta & iudicia. Sub quibus etiã verbis citatur idẽ locus ad Gal. Quapropter isti censores interpretis nostri cõnumerant hunc locũ inter manifestẽ deprauata: sed censura est nimium acerba, cũ nihil sententiæ demutetur: siue, dicas, qui fecerit iustitiam legis, siue, qui fecerit ea, puta præcepta. Et præsertim q̃ oratio Græca videtur trunca: q̃ ob rem alij coacti sunt permutare accusatiũ cũ ablatiuo; hoc modo, Scripsit de iustitia quæ ex lege est. &c. Quancunq; ergo sequamur lectionem, vult Paul. admonere Iudæos, nosq; in ipsis q̃ cultura legis quantũ ad substantiã operum præstat cultoribus per eadem opera vitam solummodò hanc temporariã. Id quod trifariam meditari possumus. Primum quod finis ciuilis legis est pax, per quam vita hæc humana protegitur, & cõseruatur. Secundò q̃ cũ legislator non habeat iudicare de obseruantia legis, quæ iustitia est apud Deum, sed linguã tantum cõpescere, & manus cohibere, in hunc tantum finẽ poenas mortis aliq; supplicia decernit. Quin Deus externẽ delinquentibus similes poenas inscripsit, vt in Leuit. Qui maledixerit. &c. morte morietur. Vnde Hebr. Paul. Irritam quis faciens legẽ Mosis absq; vlla misericordia morietur. Ob id igitur qui fecerit officia legis viuet in illis, hoc est, per illa. Sed tertio id peculiariter cõpetit antiquæ legi, cò quod temporaria bona pollicitabatur, quibus alitur humana vita. Ecce ergo quomodò iustitia legis consistit in operibus, id quod cap. 2. super illud, Non enim auditores legis iusti sunt apud Deum, explicuimus. Ad differentiam iustitiæ fidei quæ consistit in credendo ex corde. Et hoc est quod explicat Paulus hoc subiecto testimonio. (*Quæ autem ex fide est iustitia, sic dicit.*) Inducit verba Mosis, quæ consideratẽ prælegenda sunt, vt perspectius enucleetur mysterium. Pollicetur enim illic primũ Dominus, quod si dispersus fuerit Israel, captiuus inter Gentes, & fuerit poenitudine cordis ductus, miserebitur eius: rursumq; de cunctis populis congregabit, reducetq; in terram promissionis: quod quidem vaticinium erat venturi Messia: ad congregandam Ecclesiam, inducendamq; in regnum cœleste. Protinus idcirco Moses subiungit cõmendationem scriptæ legis, & vt reuertatur populus ad Dominum in toto corde, & in tota anima. &c. Et continuo quasi ore Dei subdit, Mandatum hoc

*Leuit. 20.
Hebr. 10.*

Deut. 30.

quod ego præcipio tibi hodie nõ supra te est, neq; procul positum, neq; in cœlo situm, vt possis dicere, Quis nostrũ valet ad cœlũ ascendere, vt audiamus atq; opere compleamus. Quocirca Apost. hic non citat hanc sententiã in sensu literali, is enim erat de præceptis legis, quæ in promptu erant ob oculos posita, vt implerentur, sed in sensu mystico. Qui quidem sensus auctoritate Pauli canonicus est & fides catholica: sicuti allegoricus sensus, quẽ exponit ad Galat. de duobus filiis Abrahamæ. Ob idq; non ait, Moses scripsit, sicuti proximẽ dixerat, sed facit loquentem iustitiã ipsam, quẽ abdebatũ in mysterio illo, seu fidem intelligas, seu Christum ipsum (vti sentit Orige.) qui, auctore ad Cor. Paulo, factus est nobis sapientia & iustitia. &c. Quocirca refellendus est ille grammaticus, qui accusatiuum vertit per ablatiuũ, putã, De ea autem quæ ex fide est iustitia, sic dicit, scilicet Moses. (*Ne dixeris in corde tuo, Quis ascendet in cœlum? Id est, Christum deducere.*) Mysterium utiq; consistit in hoc, quod mandatum, hoc est, lex, vt seruaretur quantum ad substantiã operum, haud opus habebat, vt quis, vel in cœlum transcenderet, vel mare trãsmitteret: erat quippẽ præsto in ore & in corde populi, vt illic subiungitur. Sed tamen, vt obseruaretur secundum intentionẽ præcipientis per opera Deo grata & ad vitam æternam accepta, præstolanda erat iustitia fidei quẽ supernaturalis est, cœlitusq; delata. Atq; huius fortẽ causa mysterij, mentio illic facta est cœli. Illud autem populus reputare poterat impossibile. Est autem phras̃is hæc Paulina, forsan Hebræa magis, quàm, vel Græca, vel Latina, ob idq; duriuscula. At ne expositionum cõfusio intelligentiã interturbet, vnã tantum subiiciam, quæ omnium maximẽ videtur germana. Admonet inquã, iustitia mentem humanã, quæ sedes est eius. Ne dixeris in corde tuo, id est, nec cogitatione talem dubitationem admittas, quæ desperantis est. Quis ascendet in cœlum, nempe vt mandatũ hoc, putã iustitiæ fidei inde ad nos deferat. Hoc est enim, ait Paul. Christum deducere, putã ab alto, deorsum deferre: hoc enim gręcẽ significat *καταγωγη*. Ac si dicat Paul. Qui enim sic loquitur, perinde habet ac si dixerit, Quis ascendet in cœlum, vt Christũ, qui author est talis iustitiæ ad nos deferat, quasi id reputans impossibile: veluti si necessarium esset, illuc quempiam ascendere, qui ad nos Christum deduceret, & nõ potius per suam ipse virtutem homo factus descenderet ac iustifi-

Gala. 4.

1. Corint. 1.

ac iustificantem fidem scripserit in cordibus nostris, opemq; adeo tulerit, ne opus sit, non modo in coelum ascendere, verum nec peragere terram, nec pedem loco mouere, ad complendam perfecte legem. Ob idq; qui sic vel haesitaret, vel desperaret, negaret utiq; articulum incarnationis. Quam ob rem non est ferendus alter grammaticus, qui mallet interpretem veris, Noli dicere, ut coccinne sequeretur illud, hoc est, Christum deducere. Nam praeter quod quod graece non est nisi, ne dixeris, error absurdus est, orationem illam, hoc est, Christum deducere, facere veluti accusatiuum illius verbi, noli, cum sit potius expositio Pauli. (*Aut, quis descendet in abyssum? Hoc est, Christum a mortuis reuocare.*) In loco citato Deut. non est nisi sic. Neq; illud mandatum est trans mare positum, vt causeris & dicas, Quis est nobis poterit transfretare mare, & illud ad nos vsq; deferre. At quia abyssus (quod nomen proprie significat fundum maris) transfertur & ad significandum inferos, interpretatur illud Paul. de mysterio resurrectionis Christi, Ne dixeris quis descendet in abyssum, vt inde eandem iustitiam nobis referat, Hoc enim est, inquit, Paul. Christum a mortuis reuocare, nempe negare eum mortuum fuisse, ad comparandam nobis iustitiam. Vel aliter, vt simul atq; praecedens membrum exponatur. Hoc enim est dicere, necessarium esse, vt quis in abyssum descendat, vt Christum a mortuis reuocet: quasi non per se ipse propria virtute deberet resurgere, & patres inde reuocare. Et per consequens qui hoc diceret, negaret mysterium mortis & resurrectionis. In summa, docet nos Paul. quod illis verbis Deute. iustitia ipsa, puta Christus praedixit articulos incarnationis, mortis & resurrectionis, quibus parata est nobis salus, atq; adeo ora eorum occlusisse, qui de huiusmodi articulis veluti impossibilitatibus haesitarent.

Sed quid dicit scriptura? Prope est verbum in ore tuo, & in corde tuo: hoc est, verbum fidei quod praedicamus. Quia si confitearis in ore tuo Dominum Iesum, & in corde tuo credideris, quod Deus illum suscitauit a mortuis, saluus eris. Corde enim creditur ad iustitiam, ore autem confessio fit ad salutem.

Prosequitur suam luculentius expositionem. Subsequitur namque eodem citato loco Deut. Sed iuxta te est sermo valde in corde tuo & in ore tuo, vt facias illud. Pau. vero solum citat, Prope est verbum in corde tuo, & in ore tuo, vt ex parte causae discriminet inter iustitiam legis, de qua dixerat, Qui fecerit homo, quia consistit in opere: & iustitiam fidei, quae consistit in corde, atq; in oris confessione. Ait ergo Paul. (*Hoc est verbum fidei quod praedicamus.*) Id est, hoc ipsum verbum quod illic asseritur esse in corde, & in ore, est illud quod nos praedicamus, puta Evangelica fides, quam non utique nobis opus est, coelum quaesitum euolare, aut transire pelagus, quia scripta est in cordibus nostris. Iuxta illud, Da *Hiere. 31.* bo legem meam in visceribus eorum, & in cordibus eorum scribam eam. Vnde causa effulget patetque; cur Iudaei, quam sectabantur iustitiam, non sunt adepti, Gentes vero de repente eam susceperunt: nempe quod haec iustitia non per longam scripturam aut exhaustos labores & sudores comparatur, sed tantum promptitudine animi & assensione cordis suscipitur, scribente eam in nobis digito Dei. (*Quia si confitearis in ore tuo Dominum Iesum, & in corde tuo credideris, quod Deus eum suscitauit a mortuis, saluus eris.*) Expositio est breuissimi compendii, quo iustitiam per fidem nascimur, atq; adeo vitam aeternam quae fructus eius est. Et alludit Pau. tum ad illa duo membra Deut. In corde tuo, & in ore tuo, tum ad duos articulos fidei iam nunc expositos in descensu de coelo, & recessu de abyssu: quibus sub epilogo continentur articuli redemptionis. Ait ergo, licet nulla in te opera tua praecesserint (quandoquidem ex operibus non iustificamur) sed tantum ore tuo confitearis Dominum Iesum, hoc est, Deum factum hominem: est enim Dominus nomen Dei, Iesus autem, hominis, & corde tuo credideris, quod Deus illum suscitauit a mortuis, saluus eris. Non dixit, Si credideris quod mortuus est, quia vana esset confessio mortis Christi, nisi crederemus resurrexisse. Nam & pagani credunt, mortuum fuisse illum hominem: sed quia Deum in illo non agnoscunt, resurrexisse negant. Nos autem resurrectionem credentes, tum ipsum contemur Deum, tum & cum ipso speramus resurgere, qui supremus est fructus iustitiae fidei. Vnde Paulus supra, Qui traditus est propter delicta nostra, & resurrexit propter iustificationem nostram. In circulo enim illo perfecta est, consummataque; salus nostra, vt qui captiuorum redemptor descendit de coelo, illuc fuerit regressus captiuam ducens captiuitatem. Ecce aliam differentiam inter iustitiam

Alia differē- stitiam legis, & iustitiam fidei, ratione finis.
tia inter in- Est enim, illius finis (vt diximus) vita tempo-
stitiam fidei ralis: huius autem, vita & salus æterna. Quod
et iustitiam si hîc fortè hæreas, nō satis esse credere & con-
operum. fiteri, absq; sacramenti susceptione. Nam, qui
Dubitatio. crediderit, inquit; & baptizatus fuerit saluus
Matth. vii. erit. Pete ab Augustino responsum super Ioā.
August. tract. 77. super illud, Iam vos mundi estis pro-
Ioan. 13. pter verbum, quod loquutus sum vobis. Non
 enim inquit, mundi estis propter baptismū,
 quo abluti estis, sed propter verbum. Nam
 detrāhe, inquit verbum, & aqua, non est, nisi
 aqua: sed accedit verbum ad elementum, &
 fit sacramentum. Nihil ergo vetat, quod fide
 eiusq; confessione iustificemur, & tamen ne-
 cessarius sit baptismus: quippè qui nihil aliud
 est, q̄ protestatio quædam ac confessio fidei.
 Tametsi in adultis altera sit etiam necessaria
 per charitatē cōfessio, per quā fides operatur.

Luthe. Quocirca vāfricies fuit hæretica Lutheri, quā
Lib. 2. de na. li. 2. de na. & gra. prodidimus, negare scilicet,
tu. et gratia sacramenta vllō esse pacto causam gratiæ, atq;
cap. 10. asserere, q̄ solo assensu mentis, quo credimus
 Christo pollicenti nobis salutē, iustificamur.
 In cuius sententiā impendiō q̄ subdolē citat
 hanc auctoritatē Augustini: ac si loquatur hîc
 August. de verbo, quod est pollicitatio Dei, &
 nō planē de illo, quod profert baptizās, Ego
 te baptizo. &c. per quod perficitur sacramen-
 tū, quo gratia confertur, vnde palā fit, nō sola
 fide quam verbis Dei præbemus, sed verbo,
 quod est sacramenti forma, quin verò toto sa-
 cramento fidei conferri nobis salutem. Quo-
 circa subiungit protinus Aug. Vnde ista tan-
 ta virtus aquæ, vt corpus tãgat, & cor abluat,
 nisi faciente verbo, non quia dicitur, sed quia
 creditur. Quinimò hæresis hæc Lutheri secū
 ipsa pugnat. Nam si iustificamur credētes ver-
 bis Christi, cum ipse dixerit, Qui crediderit
 & baptizatus fuerit, saluus erit, cōsequens fit,
 vt gratia ipsa virtusq; fidei suppeditetur no-
 bis per baptismū. (*Corde enim creditur ad iustitiā,*
ore autem confessio fit ad salutē.) Hic Pau. rationē
 reddit præcedentis sententiæ, illisq; satisfacit,
 qui redarguere eū molirentur, pugnantiā di-
 xisse. Statuit enim hætenus ac perpetuò con-
 stabiliuit, quod iustificamur per fidem sine
 operibus: fides autem solo corde suscipitur:
 quid ergo modò exposulat præterea iam
 nunc oris confessionem. Quinimò verba illa
 proximè antecedentiā, Si cōfitearis. &c. viden-
 tur malè cohærere. Si enim requiritur vt cōfi-
 teamur dñm Iesum, pariter exigitur vt eundē
 credamus resurrexisse à mortuis: similiter re-

quiritur vt idem cōfiteamur: cur ego distin-
 ctim ac distributē in vno membro dixit, cōfi-
 tearis, & in altero, credideris. Respōdet. Quia
 corde creditur ad iustitiā, ore autē cōfessio fit
 ad salutē. At verò & in his verbis videtur sub-
 esse ambiguitas: nam cū eadē res sint iustitia
 & salus, quicquid ad vnam est necessariū, est
 etiam operæ precii ad alterā. Quid ergo ait,
 Corde credi ad priorem, cōfessionem autem
 fieri ad posteriorem. Est igitur mens Pauli, q̄
 ad iustitiā, putā ad expianda piacula propi-
 ciandumq; Deum atq; ineundam gratiam
 amicitiamq; cum ipso, satis est, corde credere:
 nempè paruulis suscipere sacramentum fidei,
 adultis verò credere viua fide. At quia hæc
 spontanea voluntate suscipitur, adiecit, cor-
 de, iam enim supra exposuimus, cur nomine
 cordis voluntas designetur. Hoc enim differt
 inter scientiam & fidem, quod scientia vi ra-
 tionis demonstrantis ingignitur, fides autem
 quippè quæ non demonstratur, virtute susci-
 pitur voluntatis; captiuantis intellectum in
 obsequium Christi, qui ipsam infundit. Vn-
 de Aug, tract. 23. super Ioan. Cætera, inquit,
 potest homo nolens, credere autem non nisi
 volens. At tametsi iustitia hæc, salus quoq; di-
 catur, & sit, nō tamen est perfecta, sed initiata
 salus vsq; ad perceptum fructum æternæ vi-
 tæ. Iuxta illud, Salus autem mea in æternum
 erit. Ob idq; ait Apostol. quod quauis fide
 constituamur iusti, deinceps tamen necessa-
 rium est iusto ad obtinendam vitam æter-
 nam, ore confiteri fidem, vbicunq; se obtule-
 rit necessarium præcepti tempus. Est enim
 triplex confessio, scilicet, peccatorum, & be-
 neficiorum Dei, ac præterea confessio verita-
 tis diuinæ. Et de hac peculiariter loquitur hîc
 Paul. Hæc siquidem necessaria est sub pœna
 amittendæ salutis: vel quando exigitur à per-
 secutore fidei: quam porrò cōfessionem mar-
 tyres proprio sanguine celebrarunt: vel quan-
 do necessaria est subditis imminente pericu-
 lo hæreseos: quod munus propriè competit
 prælatis & doctoribus. Atqui hac ratione
 baptizatis delinitur chrisimate in frōte signū
 crucis, ne erubescant fidem publicitus confi-
 teri. Vnde Paul. Non erubescō Euangelium,
 Et Christus redemptor noster, Qui me eru-
 buerit coram hominibus, erubescam & ego
 eum coram patre meo, qui in cœlis est. Exten-
 ditur veruntamen & confessio laudis Dei, ac
 veritatis fidei ad obseruantiam mandatorū:
 quæ vtiq; post iustitiā, viua cordis fide sus-
 ceptam, necessaria est ad salutem æternam.

Igitur

Confessio fidei, observantia mandatorum.
Matth. 15. Igitur supra non pro eo distinxit inter, confitearis Dominum Iesum, & credideris resurrexisse, quod non sit in utroque; necessarium utrumque; sed ut utroque; alterum exprimeret: nempe ut admoneret, quod sicut confessio oris, nisi ex corde proficiatur, vana est, de qua Deus illic conqueritur, Populus hic labijs me honorat, cor autem eorum longè est à me, ita & fides cordis sterilis & infructuosa: nisi, ubi ratio exegerit, florem, frugemque; proferat confessionis, non solum oris, verum etiam operis. Etenim quanvis hic Paul. operum non meminerit, ne ultra lineam citati eloquij cordis & oris progrediretur, & ut iustitiam fidei seungeret à iustitia operum, haud tamen diffitetur, quin sint etiam iusto necessaria opera, per quæ fidem itidem cõfitemur, fructificantem in vitam æternam: secundum *Matth. 19.* verbum dominicum, Si vis ad vitam ingredi, serua mandata.

Dicit enim scriptura, Omnis qui credit in illum non confundetur. Non enim est distinctio Iudæi & Græci. Nam idem Dominus omnium, diues in omnes qui inuocant illum. Omnis enim quicumque inuocauerit nomen Domini, saluus erit.

TERTIA pars capituli Hic designari potest sectio tertia huius capituli, in qua Paul. explicando duos articulos de fide cordis, & oris confessione, tractat fidei, tum infinitam protensionem, tum ordinatissimam assencionem. Igitur quia dixerat, Corde creditur ad iustitiam, repetit elogium Esaie. 28. quod iam supra explicatum est. Omnis enim, inquit, qui crediderit (nempe viuenda fide) non confundetur. Nam quanvis iusti in hac vita qui vero corde credunt, sine decore sint villo, ac veluti vinea sub inclementia hyemis, nihil æstimati, atque adeo apud iniquos, veluti cõfusione & rubore suffusi: ubi tamen in tremendo iudicio apparuerint eorum fructus, tunc omni abiecta cõfusione computabuntur inter filios Dei: quod ipsi etiã iniqui, præ cõfusione gementes, inuiti confitebuntur, ut est apud Sapientem. Hi nanque, ut qui non puro, castoque; corde fidem colunt, tunc summa opplebuntur cõfusione, cum referentes Christo, quemadmodum in nomine eius prophetauerint, demonia eiecerint, actalia fecerint signa, audituri sunt ab ore diuino,

Nescio vos. (Non enim est distinctio Iudæi & Græci.) Id est, inter Iudæum & Græcum. Simile huic, illud est ad Col. ubi non est Gentilis & Iudæus, circumcisio, & præputium. &c. Exponit enim quod dixerat, Omnis, perseverans in explicatione illius, quod Christus est in salutem omni credenti. (Nam idem Dominus omnium, diues in omnes qui inuocant illum.) Quod autem nulla sit apud Deum, hominum distinctio, manifestum facit per duas perfectiones Dei: utpote quod Dominus sit omnium, & diues in omnes. Nam etsi illi tanquam vniuersorum Domino incumberet omnibus provide re, opulencia eius tamen villo esset modo limitata, non posset in omnes effundere, quicquid singuli expeterent. Et rursus quanvis imensa esset illius affluentia bonorum, nisi dominus esset omnium, non esset eius muneris omnibus prospicere. Est autem sicuti immensus dñs, & immense diues, qui hoc idcirco impensissimè à nobis postulat, ut amplissimè ab illo beneficia efflagitemus, quæ nobis cupit affatim elargiri, ob idque; nulla est apud ipsum personarum exceptio. In hanc ergo sententiã alterum adhibet testimoniũ quod est Iohel. 2. (Omnis enim qui inuocauerit nomen Domini saluus erit.) Enimvero postquam exposuit quod dixerat, Si credideris. &c. Et, Corde creditur ad iustitiã, restabat illi ut ad expositionem respiceret illius, Si confitearis. &c. atque illius, Confessio autem fit ad salutem. At verò, sicuti supra meditabar, nomẽ Domini bifariã hic dictũ audire possumus, nimirum aut de Deo trino, aut de Christo. Et enim quod prædictum est, Dñs vniuersorum, Deo conuenit: tum ratione creationis, tum etiã ratione redemptionis. Redemit enim sufficienter quantum in se fuit vniuersos quos creauerat, licet non omnibus applicata fuerit redemptionis efficacia sua ipsorum culpa, Dominatus attamen ratione priori, prius est Dei, quatenus vnus est in trinitate: posteriori verò ratione peculiariter obuinit Christo, qui iure redemptionis constitutus est hæres vniuersorum rex regum, & gloriæ Dñs. Ob idque; nihil mirum si hæc Iohelis prophetia vaticiniũ sit Christi. Atque adeo non incongruè Orig. in locutione hic nominis eiusdem Christi hoc loco agnouit: iuxta verbũ Pauli, Cum omnibus ijs qui inuocant nomẽ Domini Iesu Christi. Est enim epitheton hoc Christianorum, sicuti inter Gentes antiquitus singulæ religiones & sectæ suos inuocabant proprios deos, quos proprijs sacrificijs colebant. Inde inquã forsan: nempe in idololatrarum exprobratione, honoremque; Christianismi vsurpatum est ab

Psal. 17.

Inuocare nō
mē Domini.

est ab Ecclesia, pro eo quod est, Christiani, dicere, Ij qui inuocant nomē Domini Iesu Christi. Quocirca subdit hic Paul. Quomodo inuocabunt, nisi credant, Iudæos subiudicans, qui nō credebant in Christum. Est autem ea hic inuocatio intelligenda, quæ de legitima fide, affectuq; proficitur. Nam sunt de quibus ait David, Qui clamauerunt, nec erat qui saluos faceret ad Dominum, neq; exaudiuit eos. Quapropter nō abs re longè forsan dicamus, q̄ in Christū fide prospiciebant antiqui patres, quando inuocabant nomen Domini: uti Enos, qui cœpit inuocare nomē Domini. Et Moses, & Aaron, & Samuel quos inter eos Propheta recenset, qui inuocabāt nomē eius. Est igitur inuocare nomē Domini, idē quod, Deum confiteri vnicū salutis authorem, atq; ad eundem adorare, ab eodemq; petere fauorem & auxilia, sine quibus nihil per nos possumus apud ipsum.

Quomodo ergo inuocabunt eum, in quem non crediderunt? Aut quomodo credent ei, quem non audierunt? Quomodo autē audient sine prædicante? Quomodo verò prædicabunt, nisi mittantur? Sicut scriptum est: Quam speciosi pedes euangelizantium pacem, euangelizantium bona.

Haud tibi existimetur cathena hæc præter propositum fuisse ab Apostolo cōtexta, cum sit hic maximè oportuna, pluribus de causis. Enimuerò quoniā dixerat, Qui inuocauerit, necessariū fuit, inuocantiū qualitatem subscribere, quæ est, ut credant: atq; inde suborta ratio est contexendi modum & ordinem vocationis populorū ad fidem: Neimpè ut cōmonstraret, primū, neminē inuocare nomen Dñi, nisi qui legitimè vocatus prius fuerit diuinitus ad fidē, atq; hoc, ut animam amputaret Iudæis amatoribus suæ legis vsurpandi sibi hanc gloriā, q̄ ipsi essent soli in orbe, qui nomē Domini iuxta verbū Prophetæ inuocabant. At qui hac de causa (quod hic oculatissimè est cōsiderandum) ab inuocatione hominū assurgit vsq; ad missionē Dei, ut in eius diuinā beneuolentiā causas omnes salutis nostræ resoluat. Secundò hic declarare pergit, quod dixerat, Verbū fidei propè esse in corde & in ore, haud enim cordi imprimitur à Deo, nisi præ-

dicatoris ministerio; credibilia proponentis forinsecus. Ac tertio demum intendit Iudæos venia priuare, q̄ non crediderint. Nam cum fidem audierint, cui nō fuerunt obsequentes, nequeunt sibi prorsus ignorantia prætexere. Quinq; ergo ex ordine coordinatur hic Paul, hac speciosissima gradatione: putà, inuocare, credere, audire, quæ munera eorū sunt, qui vocantur: prædicare, & mittere, quæ officia sunt vocantiū. Et primū demonstrat innexā istorū dependentiā, scilicet q̄ nec primū absq; secundo, neq; hoc sine superioribus inesse potest. Secundò illic, Sed nō omnes, e conuerso cōmonstrat, q̄ superiora tria adesse possunt sine duobus, quæ sunt, credere, & inuocare, quæ licet hic prima cōnumerentur, sunt tamē generationis ordine postrema. Vtitur autem schemate interrogationis, uti solet ad maiorem vehementiā. (*Quomodo inuocabunt eum, in quem non crediderunt?*) Hic videas sermonē haberi de inuocatione legitima, quā, iuxta verbū Ioel, subsequitur salus, quæ porro fidē præsupponit. Etenim neq; inuocare homo potest, nisi eum vnde sperat salutē, neq; sperare utiq; nisi in eum, quē certo crediderit potentē succurrere. Quocirca iuxta qualitatem cognitionis est inuocatio. Gentiles inq; in lumine naturali inuocare eum poterāt, quæ agnoscebāt esse primā causam: & licet inuocatio illa non esset meritoria, illustrasset veruntamen illos tunc Deus lumine fidei. Est igitur in hac, sicuti & singulis subnexis interrogationibus, inclusa responsoria negatio, putà. Minimè, sine fide inuocabūt. Insimulantur hic autē Iudæi, q̄ licet Deum inuocassent, iniquè id tamen & infructuose: quoniā cum in Christū nō crederent, nō illum inuocabāt ut propitiatorē, per quē salus deriuanda esset omni credenti. Sed nunquid inuocatio fidē præsupponit formatā? Proculdubio præsupponit, ut meritoria sit. Possumus tamē laxius accipere inuocationē, id quod Orig. approbat, pro ea quæ cōmunis est oībus Christianis, à fide scilicet suborta, etiā dum est informis. Ut dignoscamus inter eos, qui generaliter inuocāt Christū dominū, & eos quos inhabitans Spiritus sanctus facit clamare abba, pater. (*Quomodo autem credent ei, quem non audierunt?*) Hoc enim propriè nomen fidei designat, puta assensum, qui autoritate dicentis gignitur in audiente. Hac quippe ratione secernitur à scientia & opinione, quarū altera per demonstrationē: altera verò probabili ratione ingenerantur. Ob idq; fides esse nequit, nisi ex auditu. Hac enim de re in Analecticis

Quinq; ex
ordine com-
ponuntur.

Iobel. 2.

Dubitatio.

Origē.

lecticis

lecticis posterioribus Aristoteles addiscentē admonet, quod oporteat, eum credere auctoritati, scilicet doctoris in initio, fidē præbere, anteq̃ ille demonstrando scientiā doceat. Subdit autē Pau. (*Quomodo autem audient sine predicante?*) Neq; verò hīc nos perturbet, duplicem esse auditum, scilicet internū & externū, atq; adeo audire quenq̃ posse intrinsecus fidem absq; ea, quæ forinsecus auditur prædicatio. Loquitur enim hīc Apost. de lege communi, quæ generalis est: illa enim intrinseca auditio peculiariter nonnullis, ob singulare priuilegiū accidit, veluti prophetis & quibusdā eximijs personis, iuxta illud, Audiā quid loquatur in me dñs Deus. At verò cōmunia dispensantur à Deo sapienter atq; suauiter, vtpote cum per superiores illa inferioribus impartitur. (*Quomodo verò predicabunt, nisi mittantur?*) Ecce supremā radicē & fontē, vnde causæ salutis nostræ promanāt, quæ Deus est. Ipse nanq; olim Patribus in prophetis, post modū verò locutus in filio, ac deinceps per apostolos, eiusq; successores lumine suæ fidei irradiauit orbē. Ob idq; ait Paul. Quomodo prædicabūt, videlicet mysteria fidei, nisi mittantur, à Deo scilicet, eius auctore. Nam filiū nemo nouit nisi pater, neq; patrē nisi filius, & cui filius voluerit reuelare. Mittit autem Deus prædicatores, aut per se ipse, vti olim prophetas: sicut ait Esaias, Dominus misit me & spiritus eius. Et tempore gratiæ proprium filiū, tanq̃ architectū, institutorem Ecclesiæ & prædicatorū magistrū: qui quidē sicuti legatus fuit à patre, ita & Apostolos subdelegauit. Etenim, Sicut misit me, inquit, viuens pater, & ego mitto vos. Ceteros autē Deus mittit Ecclesiæ autoritate & Prælatorum delectu. Vnde qui vos, inquit, audit, me audit, & qui vos spernit, me spernit. Est veruntamen discriminis plurimū. Nam quos per se Deus delegat, vt prophetas atq; apostolos, per se ipse edocet. Quibus idcirco præceptū est, Cum steteritis ante reges & præfides, nolite cogitare, quomodo aut quid loquimini: dabitur enim vobis in illa hora quid loquamini. Vnde ad illā primā euulgationem fidei expediuit delectum fieri rusticorum hominum, vt mundo persuasum fieret, non esse illam, humanam sapientiam, sed diuinitus afflatā. Iā verò post apostolos haud licet, aut doctoribus, aut concionatoribus, nouas reuelationes expetere, sed ea tantū elucidare, quæ prophetis & apostolis reuelata sunt, iuxta verbum Pauli, Edificati super fundamentum Apostolorum & prophetarum.

Quapropter præsumptio est, & superbia nefandissima ac pestilentissima, in hanc se quæpiam functionem immergere, sine longo, seduloq; & improbo studio theologiæ, & citra Ecclesiæ, maiorumq; auctoritatē & iussum. Hæc enim vel pessima pestis Ecclesiam hoc ætatis deuastauit: nempe omni Ecclesiastico ordine deleta auctoritatēq; de medio sublata, ad ciuilemq; potestatem peruersissimè transmissa, quilibet, vt libitum est, iniussi prodeūt prædicatores, sua quisq; placita imperito vulgo in animos obtrudentes, & sacram scripturam de suo cerebro interpretantes, atq; adeo fidē vnā in sexcentas proscindentes sectas. Ecquam enim aliam lernam edere potuit ille toties damnatus articulus Lutheri in proemio suorum articulorū, quod scripturæ proprio sint spiritu interpretandæ, neq; standū vlli conciliari vel Ecclesiasticæ auctoritati, quam postmodū auctoritatē art. 28. de medio tolerare proscribereq; conatur, vnicuiq; permittēs suo sensu abundare. Quod, q̃ sit pestiferū documentū in propatulo est. Nam cū Spiritus sanctus, quæ ait Luth. præsentissimū esse scripturæ sanctæ, nō viua voce loquatur: & natura, ingeniumq; hominū sit, vt tot sint capita quot sensus, fieri nequit minus, q̃ vt diuersi hoīes quantocunq; polleant ingenio diuersas sequantur sententias. Neq; fidendū est internæ reuelationi, quandoquidem angelus Sathan transfigurare se cōsueuerit in angelū lucis. Neq; verò vlli hominū sanctitati. Nam videmus sanctissimos homines ignorantes, q̃ certē nunq̃ vsu veniret, si Spiritus sanctus panderet sese cuicunq; legenti scripturas. Quam ob causam cum eiusdē Spiritus sancti munus sit, scripturas quas ipse cōdidit exponere (nā in hoc promissus nobis est à Christo, atque adeo missus qui permaneret nobiscū in æternum) nō potuit sanè cōsultius providere Ecclesiæ, quam statuendo, sicut Christus per ipsum instituit, auctoritatem vnā, eandemq; in terris summam, quæ nobis viua voce loqueretur, cuiq; nos deberemus esse dicto audientes: etiā si rationes eius nō intelligeremus, sed solū quia verbo ita nos credere iuberet. Aliās neq; inter doctos coponi vnquā possent cōtrouersiæ de fide, neq; animi indoctæ plebis pacari. Nam cū vulgus rationes & argumenta doctorū nō penitus calleat, imò nonnunq̃ vix intellectu capiat, quomodo conuinci potest ad credendū, vbi nulla sit autoritas, quæ ius habeat cogendi. Hæc autē autoritas profectò residere non potest, neq; in priuata persona,

Pestis Ecclesiæ.

Lerna Lutheri.

Spiritus non loquitur viua voce.

Pan. 14.

Auctoritas Ecclesiæ.

Psal. 84.

Heb. x.

Matth. 11.

Duobus modis mittit Deus prædicatores.

Esa. 48.

Ioan. 20.

Luc. 10.

Matth. 10.

Ephes. 2.

sona, neq; verò in civili potestate, quæ iudex esse nequit spiritualiū: necesse ergo fuerit, vt in capite & pleno corpore collocata sit totius Ecclesiæ. Cui nimirum cōgregatæ incumbat scripturā sacram rimari, & sanctorū Patrum exploratis scriptis & cōsultis, cuncta definire dubia, in suamq; sententiā populū cōpellere. Aliō qui profectò esse nō valet vna fides, sicuti est vnū baptisma. Siquidē vnitas hæc nō in hoc tantū consistit, quòd eosdē suscipiamus li-
 bros, sed q̄ eodem sensu scripturas teneamus, colamus & veneremur. At citant isti Augustinum dicentē, quòd omnia quæ sunt ad salutē necessaria, tradita sunt expresse in sacra scriptura. At tamen hæc verba nusquā sanè sunt apud Aug. sed hoc penitus in epistola contra Vincentium Donatistā, q̄ nihil sub spirituali sensu, hoc est, mystico continetur in scripturā, fidei necessarium, quod non alicubi per literalem sensum manifestè tradatur. Vbi non sentit quòd literalis sensus ita sit semper manifestus, vt nō cōtaminari, corrumpiq; ab hæreticis possit, atq; adeò vt non indigeat Ecclesiæ censura. Articuli nanq; diuinitatis & humanitatis Christi necessarij planè sunt, ob idq; in sensu literali expressi: at nihilò minus quot olim laborauerunt hæreticorū lacerationibus? Sed rursus aiūt, possunt esse in cœcumenico Concilio, viri, neq; moribus, neq; doctrina illustres, quomodo ergo obtemperandum est eorum sanctionibus? Profectò, si vel sanctitatē, vel humanā doctrinam, iudicē statuamus, non possumus non sæpè falli: tum q̄ multi sanctimoniam mentiuntur, illudentes humanis sensibus. Nam de hæreticis dictum est, vestitos esse ouina pelle, cum sint tamen lupi rapaces: tum q̄ & qui sanctissimi sunt, non protinus sunt doctissimi. Ad hæc, de doctrina varia sunt iudicia. Iamenim sub hoc ætatis illi habentur doctissimi, qui sunt eloquentissimi. Adde, q̄ quantacunq; fuerint doctrina, non potest euitari, quin diuersi diuersa probent, & ex populo diuersi diuersos sequantur. Cuius quidē veritatis, vel ipsi modò hæretici in tot factiones ancili, documēto nobis sunt ac ineluctabili testimonio: appellandum ergo nobis est ad Spiritum sanctum Ecclesiæ gubernatōrē, atq; adeò illi constanter fidendū, qui non permittet Ecclesiā legitimè cōgregatā errare in huiusmodi dubijs ac cōtrouersijs definiendis. Vnde Christus summus ac prouidentissimus pastor, intelligens, nō posse Ecclesiā in hac vita internis inspirationibus satis gubernari, quippe quæ inspira-

tiones sæpenumero ancipites nos habent, à quo nā spiritu oriantur, vicariū instituit suū, qui suas pasceret oues, pro quo singulariter pollicitus est orare, ne sua deficeret fides. Et
 Vbiq; inquit, fuerint duo vel tres in nomine meo cōgregati, in medio eorū sum. Igitur cū multa sint alia signa, quibus dignoscere possumus inter oues & lupos, certissimum omnium tamē, atq; infallibile est, authoritas Ecclesiæ. Qui enim per ipsam nō mittuntur, ex illis censendi sunt & habendi, quos per Hieremiā Deus infamat. Falso enim, inquit, propheta vaticinatur in nomine meo, Non misi eos, & non præcepi eis, neq; locutus sum ad eos: visionē mendacē, & diuinationē, & fraudulentiā, & seductionē cordis sui prophetant vobis. Et cap. 23. Non mittebam prophetas, & ipsi currebāt: nō loquebar ad eos, & ipsi prophetabāt. Non potuit calamitas horū temporum ab hoc verbo Pauli, Quomodo prædicabunt nisi mittantur, nō desistere nos in hoc diuerticulum. Tu autem piè lector tecum reputa, quemadmodū initium malorum, quæ aquilonaris flatus in Christianos conflauit, illud fūerit, quòd Ecclesiasticā authoritatem turpiter proiecerunt. Ad rem igitur vt redeamus, pungit hic Paul. Iudæorū hulus: ex eo enim nō rectē ingressi sunt ad fidem Christi, quòd Phariseis prædicatoribus suis auscultabant, qui non fuerant à Deo missi: sicuti fuit Ioannes Baptista Christi prænuncius. (Sicut scriptum est.) Vtpote Esaiæ. 52. (Quam speciosi pedes euangelizantium pacem, euangelizantium bonā.) Vbi litera nostra sic habet, Quam pulchri super montes pedes annunciantis & prædicantis pacem, annunciantis bonum, prædicantis salutē. &c. Cuius simile habetur Nahum. 1. Loquitur enim illic Esaias de reuocatione populi à Babylone, sed est vaticinium venturi Messie. Ob idq; tam festiua congeminatione verborum, prædicantis pacem, annunciantis bonum, & prædicantis salutem, affectum exprimit hominis gestientis prestolantisq; faustum aduentum Christi. Species quidem & pulchritudo rei potissimū in ordine cōsistit: quapropter pedes speciosi tribuuntur prophetis & prædicatoribus, vel propter ordinē progressus, quòd nō se insinuant in talē prouinciā, sed maiorū ordini & iudicio obsecundantes eam suscipiūt. Quam ob rem apostoli ordine & iussu distributi sunt per orbē. Vel forsan propter rectitudinē affectuum, iuxta illud, Pedes eorū pedes recti, quòd non scilicet ob peculiare commodum, sed ob gloriam Dei &

Luc. 22.
 Matth. 18.

Discrimē inter oues & lupos.

Hiere. 14.

Calamitas horum temporum.

Speciosi prædicantium pedes.

Ezech. 1.

Eph. 4.

Præuē intelligitur Aug.

Matth. 8.

Prouidētia Christi.

Dei & animarum salutem discurrunt. Allusio autem facta est, non ad aliud membrum, quā ad pedes. Primum ad significandū, quod debent prædicatores perambulare per orbem: mox quod quocumque peruenierint, gratus iucundusque haberi debet eorum aduentus: deinde quod cum pedes soleant puluere & luto sordescere, etiam si totum corpus munditie nitent: debent tamen prædicatores à leuissimis etiam cauere sordibus. Cuius mysterio Christus (quod probè adnotauit Orig.) cœna facta, antequam sacrosanctum mysterium unitatis & pacis conficeret, pedes discipulorum lauit, uti qui legatione fidei functuri circumire debebant orbem, annunciantes pacē eandem. Quem pedum nitorem & pulchritudinem ut patulam circumferrent, nudis pedibus ire iubentur. Vnde sponsa, quæ Ecclesiā significat. Laui, inquit, pedes meos, quomodo inquinabo illos? Et rursus, Quam pulchri sunt gressus tui in calceamentis filia principis. (*Euangelizantium pacem.*) Triplex bellum dissidiumque perspectum hic nobis sit, quod inimicus serpens antiquus seminauit. Primum videlicet internum in homine inter spiritum & carnem, & secundum externum inter homines & Deum, quod aliorum est origo. Qui enim Deo non subditur, nulla frui valet vera pace. Trinam ergo composuit pacem rex noster pacificus Christus, quam angeli in suo aduentu decantauerunt. Fuit enim cum primis Deus in illo (ut ait ad Corinth. Paul.) mundum reconcilians sibi, atque adeo pacificans (ut ait ad Coll.) Per sanguinem crucis eius, siue quæ in terris, siue quæ in coelis sunt. Coniunxit præterea duos Gentium ac Iudæorum populos. Vnde ad Ephes. Ipse est pax nostra, qui fecit utraque vnum. &c. De interna demum pace ait propheta, Pax multa diligentibus legem tuam. (*Euangelizantium bona.*) De bonis hoc cœlestibus intelligitur, in quorū possessione est pax, quæ exuperat omnem sensum: hæc etenim absoluta voce dicuntur bona. Illis namque vniuersa bona comprehenduntur. Vnde, petenti à Deo Moysi, ut ostenderet ei gloriam suam, responsum est, Ego ostendam omne bonum tibi. Et Christus de fidei & vigilantia seruo. Super omnia, inquit, bona sua constituet eum. His ergo duobus nominibus pacis ac honorū vniuersam materiam Euangelicam complexus est Apostolus: tametsi propheta explicatius adiecerit, Prædicantis salutē, quam nimirum operatus est Christus in medio terræ.

Sed nō omnes obediunt Euangelio. Esaias enim dicit, Domine: quis credidit auditui nostro? Ergo fides ex auditu, auditus autem per verbum Christi.

Prosequitur, ut demonstret, non conuerti dependentiam & nexum propositæ gradationis. Etenim quanuis nemo credat, nisi audiat, non illicō consequitur, ut quicumque audierit, is continuo credat. Hic porro in genere inobedientiam carpit, quam statim in particulari est in Iudæis reprehensurus. Et respondet argumento, quod illi possent Paulo ex suis ipsius dictis obmoliri, tale, Si ais Paule, non esse volentis neque currentis; sed Dei misereantis, & missos inquis, verbi precones, qui iam promulgarunt fidem, quid causæ reliquū est, cur non à nobis omnibus fuerit suscepta. Respondet inquam, Quia non omnes obediunt Euangelio. Quasi dicat, Ita fides donū est Dei, ut à nostra etiam dependeat libertate, voluntate, quam Deus non cogit. Atque ideo utitur obedientiæ verbo, quæ vltionē significat assensionē. Et propterea quod fides (ut diximus) non vigore rationis demonstratur, sed suscipitur obsequio voluntatis captiuantis intellectum. Atqui ne, ceu de re noua, demirarentur, adducit in testem Esaiam, ubi de Euangelica prædicatione usque adeo apertè vaticinatur, ut merito censeatur illic Euangelista. Ait enim raros fore qui credant annunciantibus Christū, quia apparebit despectus ac nouissimus virorum, & quasi absconditus, ita ut non reputetur. Quanuis de præterito dixerit, Quis credidit, ad maiorem rei futuræ affirmationē more prophetico. Neque est, Domine, in vulgari ædificatione, sed in illa septuaginta, quam citat continenter Paul. Igitur ubi ait, Quis credidit, non significat impossibilitatē, ut nemo sit crediturus, sicuti paulo ante dictū est, hinc, Quis ascendet in cœlum, ut Christum inde deducat, sed difficultatē, ut raritas prænuncietur credentium ex Israel: veluti in Psalmis, Quis ascendet in montē Domini, Quis est homo qui vult vitā. Id quod Latinis vsurpatissimū est, Quis leget hæc? Vnus aut alter. At verò, Quis credidit auditui, phrasim hebraicam est, pro eo quod est, Quis credidit auditis. Neque verò est, cur verum tam amaro Latini isti huius temporis cōfoderent hanc phrasin interpretis, ceu solecismū manifestariū, ut aiunt, & inexcusabilē, auditui nostro, pro eo quod est, ser-

Ioan. 13.

Cāt. 5. et 7.

Triplex bellum.

Pax triplex.

2. Corin. 5.

Coll. 1.

Ephes. 2.

Psalm. 118.

Exod. 33.

Matth. 24.

Fides ab huius
mana pendet
voluntate.

Esai. 53.

Psalm. 23.
et 33.Quis credit
dit auditui.

est sermonibus nostris. Nam præterquam, quod græcè plane extat, auditui, omnes hoc pacto legunt Patres, qui non infimo loco habentur inter Latinos, ut Ambro. & Hiero. nō modò in his quæ suo nomine circumferuntur scholijs, verum & super Esaiam lib. 15. & Aug. & id genus reliqui: quin etiā & Origenis interpres. Adde, quod huic phrasi concinnè & illa consonat, qua inferius ait, Fides ex auditu, Etenim qui vertisset hic, Quis credidit sermonibus nostris, posset post respōdenter vertere, Fides ex sermonibus. Neq; solum apud Esaiam, verum in Abdia eadem dictio est, Audium audiuius à Domino. Auditum, autē hic Amb. accipit pro mysterijs, quæ Apostoli audierunt à Deo, ut, nostro, accipiatur passiuè, hoc est, Quis credet quæ audiuius abs te, & loquimur. Sed forsā commodius vsurpatur pro auditu, quem populus audit à prædicatoribus, ut, nostro, accipiatur actiuè. Sic enim speciosius respondebit id quod sequitur, Fides ex auditu, nam fides ex auditione prædicatorum proximè generatur: tametsi eadem sint, quæ Apostoli internè audierunt à Deo, & quæ ab eorū ore populus audit extrinsecus. (Ergo fides ex auditu, auditus autem per verbum Christi.) Nihil contradictionis conuoluit, fidē intrinseco appulsu a filatuq; suffundi diuino, & tamen ex auditu extrinsecus fieri. Duo enim necessaria sunt ad comparandam fidem. Primum est inclinatio, qua quis appellatur ad credendum, & hanc per se Deus intus operatur. Sed requisitum est præterea, ut credibilia proponantur, exponanturq;: & hoc fit forinsecus per auditum: ut in Cornelio liquet, ad quem missus est Petrus, qui eum instrueret, & in Eunuchō, quem informauit Philippus. At verò vtraq; ratione est donum Dei, ut habetur ad Phil. Nam & ista externa credibilium prædicatio munus quoq; diuinum est quod per Apostolos, ac subinde per authoritatem Ecclesiæ, quæ numine sancto gubernatur, deflūxit. Atqui hoc Paul. tum su praetegit, ubi dixit, Quomodo prædicabūt, nisi mittantur, tum hīc apertius indicat dicēs, Auditus autem per verbum Christi. Accipi enim hīc potest casus hic gignendi, vel passiuè, pro eo quod est, verbum quod de Christo habetur: vel fortè actiuè, ut eius denotetur authoritas, prædicatores mittentis: aut (quod eodem cadit) suggestio per suum spiritum facta, qua sacra eloquia ad verum sensum enarrantur. Inspiratio etenim huiusmodi vel absq; medio fit ipsi prædicanti, vel

per legitima Patrum interpretamenta descendit. In Græcis modò codicibus non scribitur nisi, Verbum Dei, veruntamen coniecturam facit scriptum fuisse olim, verbum Christi, vel Græcus ipse Orige. qui nobiscum legit: attendens & ad Christi prædicationem, & ad eam, quæ de ipso fit.

Variat lectio

Sed dico, Nunquid non audierunt? Et quidem in omnem terrā exiuit sonus eorum, & in fines orbis terræ verba eorum.

Subsequitur quarta postremaq; sectio huius capituli, in qua postquam Iudæos quadantenus excusauit, propterea quod zelo cum ignorantia permixto fidem Christi repudiassent, priuat eos iam venia: quippè quos non ita multum protexerat ignorantia, eò quod non modò supina fuerat & crassa, verum & à Pharisaico in Christum liuore oculis eorum offusa. Igitur quoniam prolocutus est, neminem credere, nisi audiat, fidemq; ex auditu comparari, ne sibi obtenderent Iudæi propterea non dedisse fidem Christo, quod non audierant, interrogāter, ut solet (qui affectus maximam præ se fert confidentiam) accusationem eorum init. (Sed nunquid non audierunt?) Descendit nanq; sensim per gradus ad suggillationem cæcitatē Iudaicæ: & ideo in genere eos prius in vitio ponit. Excusatione inquam nudat non Iudæos modò, sed quot quot non crediderunt, siue ex Iudæis illi fuissent, siue ex Gentibus, Ad vniuersos quippè refertur quod ait, Non audierunt, ut hinc statim descendat illic speciatim ad Iudæos, Sed dico, Nunquid Israel. Et ait, Non audierunt, quod generalius est, quā, non cognouerūt: quod de Israele subiungit. (Et quidem in omnem terram exiuit sonus eorum, & in fines orbis terræ verba eorum.) Oratorio quidem artificio respondet, dum non simpliciter affirmat eos audisse, sed euocat à sua ipsorum lege testem, quo eos facit inexcusabiles, si audire renuerint: siquidem sonus verbaq; prædicationis quocunque terrarum peruenerint. Hoc veruntamen oraculum non vno sensu intelligi huc potest inductum: etenim literalis sensus apud prophetam de cœlis est, quos ait, enarrare gloriam Dei vniuerso orbi. Quocirca Hebræcè non est, sonus eorum, sed, regula eorum, hoc est, regularis eorum cursus, qui veluti publicus preco diuinam potentiā, sapientiamq; atq; in nos bonitatē proclamat, persuadetq; adeo,

QUARTA pars capituli

Multiplex expositio.

Psal. 18.

Sonus eorū.

Abdia. 1.

Ambro.

Duo ad fidē necessaria.

Act. 8. & 10.

Fides donum Dei. Philip.

adeò, q̄ debeat mundus vniuersus vnum Deū adorare & colere. Quapropter forsan hīc Paul. vbi ait, eorū, cōelos ipsos ad literam intelligit: sed vtitur similitudine & analogia. Neip̄e quòd pari cursu & velocitate tuba Euangelica vniuersum orbem perlustrauit, quo cōeli, enarratores eiūsde gloriæ Dei, eundem percurrunt. Vel (quod maiori consensu receptum est) inducit vaticinium hoc in sensu allegorico, vt per cōelos, apostolos ipsos eorumq; successores significatos velit. At verò nondum conuenit inter Augustinū in epistola ad Euchi. Episcopum & Chrysostomum de intelligentia huius Paulinæ citationis. August. etenim negat sub id tunc temporis Pauli impletam ad literam fuisse prophetiā: quoniam multæ sunt gentes, quod certissimum, inquit, est nobis, in quibus nondū cōepit impleri: ob idq; ait, verbum præteriti neq; apud Prophetam, neq; apud Apostolum significare rem iam completam, at more prophetico certitudinem, ac immutabilitatem rei perficiendæ. Chrysost. verò ait, impletā tunc fuisse, idq; affirmare Paulum. Pro Chrysostomo facit, quòd si tunc non fuisset completa prophetia, nihil euinceret Paul. hoc testimonio: contendit enim excusationem repellere quorumcunq; non credentium, propterea quòd iam exierit sonus verbi vsq; ad extremos fines terræ. Nihilò minus Augustino patrocinari videtur Euangelium vbi ait Christus, Et prædicabitur hoc Euangelium regni in vniuerso orbe, & tunc veniet cōsummatio, videlicet, mundi. Vbi insinuat, nō fore implendum vaticinium hoc quoadusq; appropinquet cōsummatio rerum. Præterea vehemenssimum est argumentum, quod ad remotissimas insulas, ac demū vsq; ad antipodas tunc tempore Apostolorum non fuerit peruulgatum Euangelium. Hieron. super Matthæum videtur ratione aliqua litem dirimere. Ait enim, nullam remansisse gentem quæ Christi nomen ignoret. Et quanquam non habuerit, inquit, prædicatorem, tamen ex vicinis nationibus opinionem fidei non potest ignorare: opinionem inquit, hoc est, aliquem susurrum vel vocem. Vnde alij colligunt, q̄ fama tunc Euāgelij ad omnes permanuerat, puta à gente in gentē, & à natione in nationē delata: tamen consummatū effectū, videlicet vt vniuersus orbis fidem suscipiat, nō obtinebit prædicatio vsq; ad appetentē iam finem mundi. Et hoc aiunt, est quod prænunciat Christus loco citato. Profectò nihil ego de re hac defini-

re auferim. Haud tamē facilē crediderim Apostolum affirmare vsq; adeò intonuisse tunc Euangelicam vocem, vt ad singulas orbis particulas penetrasset, ita vt nulla esset iam tunc persona quæ excusari posset. Nam quanuis Deo hoc non solum possibile, verū & facilitum fuerit, non est tamen necessarium ad miraculum tam ingens suffugere: quoniam si des nō est propalata per angelos, sed per Apostolos & discipulos per orbem dispersos: qui etiam si alati fuissent, non potuissent ita perniciter orbem peruolare: neq; verò eorum sermonem per manus, toto transmissio pelago vsq; ad extremos mundi angulos perferre. Neq; hoc erat necessarium ad conuincendū, tum Iudæos, tum etiam cognitæ Gentes, q̄ non essent excusabiles. Intelligit ergo Apost. quòd iam tunc exisset sonus Apostolorū in omnes plagas mundi, in Asiam scilicet, Africam & Europam: nam fuerant iam dispersi: vt Petrus & Paulus occidentē versus, Matthæus verò ad Aethiopiam, & ad Indiam Thomas, atq; aliorum alij: ita vt quarta saltem nostra habitabilis plena esset Euangelio: quæ quidē habitabilis pars in sacra etiam scriptura solet appellari, vniuersus orbis. Vbi enim ait Lucas, exisse edictū à Cæsare Augusto, vt describeretur vniuersus orbis, non comprehendit, neu abditissimos insulares, neu extremos antipodas, vt quorum nomē ignotum tunc erat Romanis. Quo etiam pacto intelligitur & quod ait Apost. veritatem Euangelij esse in vniuerso mundo. Erant ergo tunc inter Gentes remotissimi plurimi, qui excusabantur ignorantia fidei Christi; hoc est, quos Euangelica prædicatio non constituabat in culpa. At verò nulli excusabantur ignorantia iuris naturæ: quod quidem si legitimē obseruassent, Deus illos irradiasset lumine fidei, vti cap. i. prædictum à nobis est, mittendo illis, non dicam angelum, sed certē hominem, qui eos erudiret, sicuti misit Cornelio Petrum: & Macedonibus, Paulū. Quanuis ante promulgationē sufficientem Euangelij non erat Gentibus necessaria expressior fides, quàm ante aduentum Christi.

Sed dico, Nunquid Israel non cognouit? Primus Moyses dicit, Ego ad æmulationem vos adducam in nō gentem, in gentem insipientem, in iram vos mittam.

Postquā in genere sustulit incredulis Paul. excusa-

Mens Pauli

Vniuersus orbis.

Luc. i.

Colloss. i.

Excusabantur nonnulli per ignorantiam.

Dissensus in
ter Aug. &
Chryso.

Matth. 24.

Hieron.

excusationis obtendiculum, descendit particulariter ad Iudæos. Poterant quippe sic forsan suum velare crimen, quod licet audissent Euangelium, haud tamen intellexissent. Ob idq; ait Apost. (*Sed dico, Nunquid Israel non cognouit?*) Id est, Nunquid non ea erant lege eruditi, eisq; obseruationibus instructi, quibus præ Gentibus poterant mysterium Christi percipere? (*Primus Moyses dicit.*) Primus, vel quod prophetarum princeps haberetur inter Iudæos: iuxta illud, Non surrexit vltra propheta in Israel sicut Moyses. Vel prior respectu Esaia, quem confestim adhibere cogitat in testem. (*Ego ad æmulationem vos adducam in non gentem.* &c.) Sententia hæc legitur in cantico illo Moysi, cuius ore illic dominus conquestus de generatione illa praua atq; peruersa, quod cum in dijs alienis prouocassent, & in abominationibus concitassent ad iram, quasi suum zelatus honorem, hanc subdit retributionis figuram, Ipsi me prouocauerunt in eo qui non erat Deus, & irritauerunt in vanitatibus suis, & ego prouocabo eos in eo, qui non est populus, & in gente stulta irritabo illos: sequitur tamē semper Paul. interpretationem septuaginta. Simile est apud Esaia, Eò quod appropinquat populus iste ore suo & labijs meis glorificat me, cor autē eius longē est à me. &c. Ideo ecce ego addam, vt admirationem faciam populo huic miraculo grandi & stupendo. Peribit enim sapientia à sapientibus, & intellectus prudentium eius abscondetur. Tenendum hoc igitur mente primum est, quemadmodum Deus in poenam Iudæos idololatriæ qua eum spreuerant, permisit, Christum verum Deum ignorare, quæ Gentes venerata sunt: atq; adeo permisit, vt liuida contabescerent inuidia ad iram excitarentur, veluti & ipsi concitauerant ipsum. Igitur quod ait, in non gentem, idem est quod, in non populum: idioma nanq; scripturæ est, vt populus ille selectus dicatur populus: hoc est, populus Dei, sicuti & ipse peculiariter nuncupatur, Deus Hebræorum & Abraham, & Isaac. &c. Sic enim sæpenumero eodem libro legitur, Te elegit dominus, vt sis ei populus peculiaris. Atq; idcirco Gentilitas dicebatur non populus. Quod quidem idioma parum attendentes transferunt hinc nonnulli, per gentem quæ non est gens, secum enim pugnant, gens quæ non est gens. At, nō gens, & non populus, significanter dicitur. Nam si cut Gentilitas illum, qui verus erat Deus, habebat pro non Deo, ita & Deus habebat eam

pro non populo: idemq; adeo cōminatus est populo ad idola conuerso. At peius isti hoc, quod interpretes noster traduxit, *Mittam vos in iram*, vertunt, prouocabo vos, quod sanè verbum scrupulum offert, quod Deus sit author iræ: prouocare enim, idem est quod, commouere: sed, mittere, mollius est, vt quo significatur permissio. Modus autem quo eos Deus ad æmulationem, hoc est, ad inuidiam adduxit, & exurentē zelum, fuit, quod Gentilitatem quæ non reputabatur eius populus, sed gens stulta & insipiens, qua ideo nihil erat apud Iudæos abiectius, despectiusq; ac vilius, eo fuerit honore dignatus, vt, ipsis posthabitis, in suam ipsius cognitionem perduceret, in suamq; , hoc est, Christi familiam reciperet. Qua nimirum ratione factum est, vt ab illo vsq; seculo populus ille, Deo pridem charissimus, omni sit vacuus honore & gloria, absq; regno & sedibus vagus, qui propriam legem, suis oculis occlusam, in alienorum manus traditam conspētat, à quibus veraciter intelligitur, reuelatisq; mysterijs colitur: iuxta prophetiam Esa. loco proximè citato. Dabitur liber nescienti literas, diciturq; ei, Lege: & respondebit, Nescio literas. In summa, id quod Gentibus illi olim exprobrabant, iam ipsi vt non populus Dei habentur. Per quam demū inuidiam in iram eos misit. Nam in inuidiæ sobole vna proles est ira. Ecce quā iusta talione poenas populus ille pertulit spreti Dei. Græcè quidem in datiuo, qui ablatiuo quoq; seruit, legitur, in nō gente. Interpretes vero sensum intuitus, transtulit, in nō gentem, id est, aduersus nō gentem, puta Gentilitatem, quæ habebatur pro non populo, & quæ inuidere deberet potius Iudæis, quod esset peculiaris populus. Vel, in non gentem. Hoc est, vt alios æmulemini, eò vos adducam, vt fitis nō gens: nempe vt zelo Gentilitatis quæ tunc fiet gēs mea tandem conuertamini. Ineptè ergo quidam transferunt, per non gentem, Nam præterquam, quod datiuus græcus non fert ita traduci, consonantior sensus literæ est, quod fuerint Iudæi adducti in inuidiam & iram aduersus Gentilitatem, quā quod per Gentilitatem fuerint adducti. Et præsertim versio hæc tolerari nequit, si, in non gentē, eum sensum redit, quem proximè exponebamus. Vnde ergo quā ad rem aptè & commodè allatum fuerit huc ab Apostolo oraculum hoc: haud enim per reliqua tantum scripturæ loca debuisset illi populo Christus innotescere, verum & per hoc quoq; quod viderent Gentes, quæ

Deut. 34.

Deut. 32.

Pœna Iudæorum de idololatriæ.

In non gentem.

Exod. 5.
Matth. 22.

Error aliorum interpretum.

Mittam vos in iram.

Iudæorum abiectio.

Error quorundam interpretum.

Altissimum testimonium

tes, quæ veluti brutæ despectui fuerat semper habite apud Deum, tanta alacritate præcurrere, eisq; ad ipm anteire. Debuissent enim tunc reminisci, an illa esset non gens, & gens insipiens, de qua fuerat eis Deus comminatus.

Nō est Deus crudelis.

Quocirca non est Deus hic censendus crudelis, dum illos in hanc permisit inuidiam & iram, sed benignus potius eorumque salutis appetens. Nam quos diuinus amor nō adduxerat, debuisset inuidia saltem Gentium & æmulatio ad fidem Christi permouere, ne scilicet alienigenæ talem illis honorem præriperent, vt cum ipsi quem tam diu sectabantur non inuenissent, Gentes, quem non quærebant, subito reperirent.

Esaïas audet & dicit, Inuentus sum à non quærentibus me, palam apparui iis, qui me non interrogabant. Ad Israël autem dicit, Tota die expandi manus meas ad populum non credentem & contradicentem.

Cōgeminat duo alia testimonia Esaïæ, quæ ambo quasi eodē cōtextu copulantur Esa. 65. Sed quoniā prius membrū ad Gētes, posterius verò ad Iudæos spectat, secuit in duo. Est autē exquisita Dei querimonia, qua, nisi plusq; ceteri fuissent, apertissimè, & veluti in speculo eis repræsentauit historiā, tã ingressus Gentilitatis, quàm Iudaicæ obstinationis. Atq; eam ob causam ait Paulus, Audet & dicit. Ambrosius legit, audit, puta à Deo, & dicit, sed tamen receptissima lectio est, audet, ac si dicat, audet dicere. Commendat namq; generosum inuitumq; animum Esaïæ, qui nullo mortis pauore conterritus (quam demum atrocissimā pertulit) propalā crimina exulcerabat, & cuiusq; generis propalabat veritatem. Ille, inquit, imò per eū Deus, ceu indignato animo exterās Gētes cum domestico populo cōfert, nempe quòd ab illis non quærentibus inuentus sit, ab his autē quos ipse anxie auidissimeq; ad se vocabat alliciebatq; fuerit repudiat. Litera nostra sic habet, Quæsierunt me, qui ante non interrogabant: inuenerunt, qui non quæsierunt me. Ecce ego, ecce ego ad Gētem, quæ non inuocabat nomen meum. Sed Paul. citat septuaginta. De Iudæis autem cōtrā subdit. (Tota die expandi manus meas ad populum nō credentem & contradicentem.) Emphasis est, Non credentem & contradicentem. Manus autem

Inuitus Esaia animus.

expandere, affectus illius est qui opem misero offert, si modò expandere, idē sit quod, porrigere: sin autem idem polleat, quod, aperire, amorem illius effert. qui vehemēter cupit amplexu accipere alium in suam amicitiam: sic uti est & illud euangelicum, Quoties volui congregare filios tuos, quemadmodum gallina. Quin verò Orige. & Augu. etiam ad patibulū crucis hoc referunt, vbi Christus expāsis manibus, tum genus vniuersum humanum ad se inuitauit, tum & peculiariter precatus Iudæis est apud patrem veniam, tanq̃ nescientibus quid facerent. Hoc igitur hic recolendum est, quod sæpè antea adnotauimus: nempe quòd vbiq; Deus legitur, aliquos indurare & excæcare, nulla significatur eius intentio ad malum hominis, sed obstinatum humanum cor ad eius misericordiam. Hac quippe ratioe hic Paul. sententiam Dei per Moſen, quòd adducturus esset Iudæos in inuidiam, missurusq; in irā, exponit per alterā, vbi affirmat, tota die, id est, perseveranter distentis brachiis Deum ad se eos illeſtasse, sed illi præ durtia cordis sui abusus fuisse diuina eius clementia.

Mat. 23.

Crux Christi.

CAP. XI.



Ico ergo, Nunquid Deus repulit populum suum? Absit. Nam & ego Israëlita sum, ex semine Abraham, de tribu Benjamin.

Obstendit Apostolus superiori capite Iudæorum ruinam, quatenus eorum causa & culpa id contigit. Puta quemadmodum in aduentu spectati Mesia, non nisi exigua Iudee gentis particula suscepisset eius fidem: quæ quidē cecitas licet non nihil habuisset excusationis, non tamen vsq; adeò, vt esset extra crimen. Iam nunc verò capite presenti de eadē ruina tractat, quatenus à Deo ob bonā causam permissa fuit. Vbi nonnulla eundem populum consolatione recreat, tum quòd neq; eorum aberratio & lapsus fuerit vniuersalis, tū quòd neque sit irreparabilis: & vtrunq; ob diuinā clementiam. Addit nihilò minus & quædam alia. Quocirca dissecare capitulum hoc possumus in quinq; vel membra, vel articulos. Primum enim demonstrat, quòd Iudæorum casus nō fuit generalis. Secundò illic, dico ergo, docet eun

Disiunctio capituli.

cet eundem lapsum, ut non fuit inutilis, sed à Deo permissus, ut Gentilitas ingrederetur ad fidem, ita, neq; esse irreparabilem. Tertiò illic, Quòd si aliqui, aufert Gentilibus ansam extollendi, efferendique se aduersus Iudæos, eò quod eorū ingressus mera fuit gratia Dei. Quartò ubi ait, Nolo vos ignorare, patefacit, quoad rei celsitudo permittit, mysterium eiusdem Iudaicæ cæcitat. Atq; adeò in fine, O altitudo, admiratione concludit capitulum. Igitur quoniam populum Israel testimonio legis in crimine constituerat incredulitatis & rebellionis, appellans eum non credentem & contradicentem, sedatos statim cōsolatione curauit eorum animos, qui amaritudine verbi perturbarentur. Reclamare nanq; possent, & cum Paulo sic expostulare. Nunquid qui populus Deo selectus ac dilectus fuimus, cui facta est Mesiæ promissio, in quo id circo fuit templum, lex, sacerdotium, circumcisio & reges, quorum est sanguine progenitus, tam turpem debuissimus perpeti à Deo repulsum, tantaq; ignominia Gentilitati post haberi? Talem enim obiectionem quasi ab illorum ore præcipit Paul. hac interrogatione, Dico ergo, Nunquid repulit Deus populum suū? Similis penè interrogatio est apud Psalmistam, Vt quid Deus repulisti in finem? (Ab sit.) Responso est execrantis, iuxta verbum Psalmistæ in alio psalmo, Quia non repellet dominus plebem suam, & veritatem suā non derelinquet. (Nam & ego Israelita sum, etc.) Tripliciter confirmat conclusionem. Primò per suum ipsius exēplum. Ac si dicat, Si Deus concepto odio statuisset repellere populum suū, nunquam me in hoc culmen fidei extulisset, qui sum nō solum Israelita, verum & ex semine Abrahæ: ad differentiam profelytorū, qui ab exteris nationibus adunabantur ad populum Israel. Neq; ex vna qualibet tribu, scilicet vel ancillarum, vel Lię minus dilectæ, sed ex Benjamin patri dilectissimo, quem ei nouissimum peperit charissima Rachel. Hanc sui sanguinis laudem, vel ob hanc commemorat causam, quòd censebat necessariam hic esse sui cōmendationem: sicuti ad 1. Cor. Israelitæ sunt, & ego. Semen Abrahæ sunt, & ego. Et ad Philip. Ex genere Israel, de tribu Benjamin. Vel id fortè fecit ad maiorem rei confirmationem, videlicet quòd cum ex visceribus Israel fuerit euocatus ad fidem, non gratis Deus ex suo odio repulit suam plebem.

Non repulit Deus plebem suā,

quam præsciuit.

Explicatè subdit conclusionē abditam sub verbo, Absit. Quæ quidem cōclusio secum adfert, tum suam restrictionem, tum pariter secundam probationem. Etenim ne quis cogitaret in vno tantū Paulo seruatum fuisse populū Israel, subnectit hac ratione, quòd Deus nō repulit quos præsciuit, ex quocunq; populo ij fuerint, vel natione, vel conditione: quinimò illos esse prorsus plebem suā, propriūq; populum suū: iuxta id quod supra dixerat ca. 9. Non omnes qui ex Israel, hi sunt Israelitæ. Et hæc est secūda conclusionis ratio, qua & Deū ostendit fidem suam liberaſse, quam suis pridem obstrinxerat pollicitationibus seruandi populum suū. Quoscunq; enim Deus præsciuit, illi præcise conscripti sunt in suū populū, eosdemq; adeò non repulit, quoniam Deus immutabilis est, nec falsus vnquam nec fallēs: multos autem præsciuit ex Iudæa gente, eosdem ergo non repulit. Optima igitur est annotatio Augustini in lib. de bo. perseuer. super hoc loco, vbi sic colligit, Nullus ergo qui hæc intelligit, negare, vel dubitare permittitur, vbi ait Apost. Non repulit Deus plebem suam quam præsciuit, prædestinationem significare voluisse. Hæc ille. Nam quanuis præscientia ad iniquos etiam extendatur, tamen de quibus præsciuit, bonum fore in gloriam ordinari (quemadmodum cap. 8. declarabamus) eosdem & prædestinauit. Ex quorum id circo numero, qui certus est, perditur nemo. De quibus ait Christus, Hæc est voluntas eius qui misit me patris, ut omne quod dedit mihi pater non perdam ex eo, sed resuscitem illud in nouissimo die, resurrectione videlicet illa, quæ est in vitam æternam. Chry. autē hic quòd & Ambro. tendit, glosſat, quem & præsciuit, hoc est, quem certò sciebat idoneum, fidemq; recepturum. At nō intelligunt diui isti, assensionem nostram in fidem, esse propriè causam prædestinationis, sicut nec est iustificationis: aliàs initium fidei esset à nobis, sed ad sensum supra à nobis explicatum, puta quòd sit dispositio, eaquæ prædestinationis opus. Quocirca non est cur transferatur (ut à quibusdam fit) quem prænouit, nimirum notitia approbationis, ut isti traductores volunt: hæc enim sequitur non solum prædestinationem, sed collationem præuisam gratiæ: approbat enim Deus, quos videt iustos.

An nescitis in Helia quid dicit scriptura, quemadmodum interpellat

Psal. 78.

Paulini generis commendatio.

1. Cor. 11.
Philip. 3.

August.

Ioan. 6.

pellat Deum aduersum Israel. Domine, prophetas tuos occiderunt, & altaria tua suffoderunt, & ego relictus sum solus, & quærun-
t animam meam. Sed quid dicit illi diuinum responsum? Reliqui mihi septem millia virorum, qui non curuauerunt genua ante Baal. Sic ergo & in hoc tempore, reliquie secundum electionem gratiæ factæ sunt. Si autem gratia, iam non ex operibus: alioquin gratia iam non est gratia.

Tertiam eiusdem conclusionis confirmationem extruit per Homœosin, hoc est, collationem ad Heliã. Huius historia est, 3. Reg. 19. quam hic Paul. subindicat figuram fuisse huius veritatis. Ait ergo. (*In Heliã.*) Id est, in historia Heliæ. Queritur enim illic cum Deo propheta de nefanda persecutione Achab & Iezabel sub verbis hic citatis. Ait autem prophetam interpellare aduersus Israel, non quidem ex tali odio, ut mala precetur populo sempiterna: est enim sanctum potius seruorum Dei peccatus, ut pro populo iugiter interpellaret, iuxta illud, Absit hoc peccatum à me in domino, ut cessarem orare pro vobis. Sed hoc dicit secundum ingenium prophetarum, qui ventura prædicunt nonnunquam stilo male præcadi, ut Hier. Confundantur qui me persequuntur, pro eo quod est, confundentur. Et tale est illud psalmi, Fac illis sicut Madian & Syfaret, & cætera quæ sequuntur: cuius figure est totus psalmus centesimus octauus, Constitue super eum peccatorem & diabolus stet à dextris eius, & cætera. Tametsi nihil vetat, quò minus sancti odio prosequantur malignantium Ecclesiam, imprecantes defringi eorum potentiam, qui in Ecclesiam Dei hostiliter grassantur: siquidem in die iudicii lætabitur iustus cum viderit vindictam, utpote æquissime voluntati Dei concors. (*Domine, prophetas tuos occiderunt, et altaria tua suffoderunt, & ego relictus sum solus, & quærun-
t animam meam.*) Verba hæc non simpliciter in confirmatione propositæ conclusionis adducit, verum & in hoc quoque, ut Iudæorum truculentissimam tyrannidē vituperet, adum-

bratamque; demonstret per suos ipsorum vates qui prædixerunt, quomodo non solum repulsi forent, verum, & persequuturi Ecclesiam Christi. Pari namque iniuria ipsi & altaria eius quoque diruere, & apostolos interimere con-
tebantur. Iugulauit enim eorum tyrannus Ioan-
nem, qui venerant in spiritu Heliæ, & Iacobum: & videns quod placeret eis, apposuit apprehendere & Petrum. Ipsi autem non modo Stephanum, quinimò & Christum ipsum occiderunt, Deum Heliæ. Vnde Christus in Euangelio, Ecce ego mitto ad vos prophetas, & sapientes, & scribas, & ex illis occidetis, &c. ut veniat super vos omnis sanguis iustus, qui effusus est super terram à sanguine Abel iusti, &c. Hoc autem nec nos prætereat, quæadmodum quod vitio dat & crimini illic propheta iniquis illis, scilicet suffodisse altaria, id laudi apponitur pietissimo Ezechie, qui videlicet zelo Dei sustulit excelsa & altaria. Nam ratione longè diuersa horum opera censentur. Erat enim præceptum, ut solum Hierosolymis offerrentur holocausta & victimæ: sed ante templi ædificationem cōcessum erat, ut diuersis locis altaria construerentur: hæc autem Achab & Iezabel abolere cupientes diuinum cultum subvertebant, quæ tamen ædificato templo religiosus Ezechias sanctè demolitus est. (*Et ego relictus sum solus.*) Relictus, inquit, sum solus, secundum suam existimationem, quoniam celauerat illuc usque; illum Deus alios fuisse superstites iustos, de quibus confestim ipse testatur, non incuruas-
se genua sua ad Baal. Vel ait, solus, qui zelo ita publico prædicet nomen tuum. Nam delitescebant alii. (*Et quærun-
t animam meam.*) Optimè ad literam græcā translulit interpretes. Neque opus fuerat (quod alii faciunt) demutare literam, trāsferentes, Insidiatur vitæ meæ: nam idem latine pollet, quærere animam, quod, insidiari vitæ. Sicuti, ponere animam pro amico, idem est, quod, ponere pro illo vitam. Miserat namque pessima Iezabel ei nuntium cum huiusmodi cōminatione. Hæc mihi faciant dii, & hæc addant, nisi hac hora cras posuero animam tuam, sicut animam vnius ex illis, scilicet prophetis Baal, quos interfecerat Helias ad torrentem Cison. (*Sed quid dicit illi diuinum responsum?*) Neque superfluit, diuinum, licet non sit expressum in Græco. Imò fuit operæ precium ad reddendam totam significationem nominis simplicis. *Χρηματισμός.* (*Reliqui mihi septem millia virorum, qui non incuruauerunt genua sua ad Baal.*) Litera nostra futurum habet, derelinquam mihi. Respondit enim Dominus

Act. 12.

Mat. 23.

Ezechias.

4. reg. 18.

Historia.

Deut. 12.

1. Reg. 12.

Hier. 17.

Psal. 82.

Helie, dum ita se afflictaret, vt reuèteretur ad vngendum Helisæum in prophetâ: Hazael vero & Iehu in reges. Vnde subditur, Et derelinquâ mihi in Israel septem millia virorum, qui non incuruauerunt genua sua ad Baal. Erat enim celebris inter deos illos, quos colebant Achab & Iezabel. Hoc est, Non perdâ totum populum, sed illa septem milia seruabo: quoniam nō incuruauerunt adorantes scilicet & colentes pro Deo Baal. Vel forsan, reliqui, id est, non permisi vt incuruarent genua sua, sed præseruavi eos, ne delinquerent: & tunc quadrat annotatio Augustini. s. quod significanter dictū est, reliqui, & non, relicti sunt; quoniam per gratiam Dei fuerūt seruata, Qui quidē sensus libentius applicabitur ad prædeterminationis opus. Et accipitur certus numer⁹ pro incerto. Haud enim præcisus ille numerus seruatorum credendus est, sed aliqua multitudo solent enim septem, & mille, quoniam numeri sunt perfecti & celebres, pro incerta multitudine vsurpari. Neq; solos viros, cōiectura est, fuisse seruatos, sed, p̄miscuē & mulieres, quæ comprehenduntur nominatione viri propter animi constantiam & robur. (*Sic ergo in hoc tempore reliquæ secundum electionem gratiæ Dei saluæ factæ sunt.*) Applicat exemplum ad rem propositam. Eodem enim, inquit, pacto, & in hoc tempore reliquæ Israel, id est, perexiguus numerus respectu multitudinis, quæ erat sicut arena maris (quemadmodum cap. 9. expositū est) secundum electionem gratiæ Dei saluæ factæ sunt. Sic, inquit, in hoc tempore, sicuti tunc olim, non solum quantum ad paruam numeri quantitatem, sed quantum ad modum. Nā etiam illi tempore Helix misericordia Dei seruati sunt. Et dicuntur, reliquæ, sicuti, contusis eiectisq; paleis, ait Theophyl. pura residēt grana. Ceterum, Dei, neque est græcè, neque plurimum à Patribus legitur. Imò neq; saluæ, Sed sic extat, In hoc tempore reliquæ Israel secundum gratiam factæ sunt, At quicquid de genitio, Dei, concesserimus, qui nihil sententiæ officit, tamen, saluæ, ab omnib⁹ legitur, & ab græco Origene, quod certum est testimonium, fuisse olim talem particulā: cō cum primis, quod absq; illa. mutilat⁹ videtur sermo. Hoc itaque in præsentiarum consideratē meditandum restat, quod non condecebat diuinam clementiam, vt populum illū, cui vni per totum orbem celeberrimo promissiones factæ fuerāt, eousq; in aduētū Christi diuina sua ope destitueret; vt nullam eius haberet rationem. Quocirca, vt August. tract.

psal. 87. luculenter edisserit, primitiæ fidei ex gente illa collectæ sunt. Etenim quando sola deipara Virgo inde fuisset electa, præclarissimè cum gente illa actum fuisset. Fuerunt nihil minus eiusdem populi & sponsus eius iustus Ioseph, & cum suis parentibus Ioānes baptista, Simeon, Anna, Nathanael ac deniq; apostoli: quibus & Stephanus martyrio coronat⁹ præiuit. Mox tria millia vno die sacro baptisinate tincta, ac subinde (quod ante Augustinum Chrysost. etiam considerauerat) quinq; millia, atq; iterum decem millia, quorum erat anima vna, & cor vnum in Deo. Præter aliam numerosam multitudinē, cuius mentio non habetur expressa in scriptura. (*Si autē gratia, iam non ex operibus: alioquin gratia iam non est gratia.*) Gratia in primo loco; efficiendi casus est. Hoc est, si ex grā saluæ factæ sunt reliquæ, non sunt saluæ ex operibus: alioqui quod dicitur, ex gratia, non esset vera gratia. Pugnat quippe secum, gratis quicquam donari, & operibus reddi. Est enim hoc iustitiæ opus, vt pote merces vel præmium: quam quidē iustitiæ rationem gratia excludit, cuius opus est mera donatio: id quod iam supra satis superq; expositum est. Græcè in iis qui circumferuntur codicibus continuò attexitur conuersio; Sin verò ex operibus iam non est grā. Quod eadem ratione liquidum fit, si modò additio hæc legitima est. Nam etsi Theophyl. illam legit, haud tamē. Orig. vel Chry. vel Latini norunt, neq; verò Aldina, neq; Hispaniensis editio habet, quod indicium est esse adiectitiam. Præsertim quod subnexa oratio, Alioquin gratia iam non est gratia, tantundem valet.

Quid ergo? Quod quærebat Israel, hoc non est consecutus; electio autem consecuta est: cæteri vero excæcati sunt.

Colligit tum demum ex his quæ dicta sunt interrogationis cōclusionem. (*Quid ergo?*) Scilicet tandē concludamus. (*Quod quærebat Israel, hoc non est consecutus.*) Hæc non interrogatio, sed negatiua est potius sententia, superiori cōcinnēs, vbi dixerat, quod Israel sectando legē iustitiæ in legē iustitiæ non peruenit: quia scilicet non ex fide, sed quasi ex legis operibus suam statuentes iustitiam; legi Dei non sunt subiecti. Quapropter nomen hic, Israel, nō de toto, sed de plurimo illō numero enunciātū arbitreris, qui excæcatus periit. (*Electio autem cōsecuta est.*) Responso est per distinctionē. Hoc est,

Laus virginis.

Act. 2.

Notandum.

est, reliqua illa pars, quæ secundum electionem fuerat predestinata, consecuta est, nempe iustitiam, quanuis illam non quæsiuisset, ut supra enarratum est, quoniam oblatam fidem prompto obsequio suscepit. (*Ceteri verò excæcati sunt.*) Nimirum, ut scopum non cerneret, quod sua ipsorum scripta lex per prophetarum, ceremoniarumq; lucem rectè ducebat.

Sicut scriptum est, Dedit illis Deus spiritum compunctionis, oculos, ut non videant: & aures, ut non audiāt usque in hodiernum diem. Et David dicit, Fiat mēsa eorum coram ipsis in laqueum, & in captionem, & in scandalum, & in retributionem illis. Obscurentur oculi eorum, ne videant, & dorsum eorum semper incurua.

Verbum hoc, dedit illis spiritum compunctionis, nō extat apud Esaiam cap. 6. unde subsequētia verba citantur, neq; alibi vsuam.

Orig. Qua de re Orig. coniectat adiectum esse ab Apostolo, veluti interpretamentum subsequētiū verborum prophetæ. At quia formam induit allegationis, alii volunt accersitum ex eodem vate cap. 29. vbi legitur, Inebriemini & non à vino, &c. quoniam miscuit vobis dominus spiritum soporis.

Compunctio

Quasi compunctio in præsentia idem sit quod, ab alienatio à sensu præ dolore, sopori simillima. Huic veruntamen interpretationi licet supposita verba, oculos, ut non videant, &c. haud illibenter suffragentur. Attamen verbum græcum, *ναρώνις*, non a deo patrocinaur. Idem enim pollet, quod, compunctio, quæ est vel in bonam partem facti poenitudo, vel in malam. Vtpote si dixeris, renitentia, & contra pungentem stimulum recalcitratio: quæ quidem significatio ad rem hic proximè spectat. Ob idq; fortasse ex alio loco Esaiæ, puta cap. 19. desumptum hoc est, vbi ait propheta, Dominus miscuit in medio eius spiritum vertiginis, & errare fecerunt Aegyptum, &c. Vt idem sit hic, compunctio, quod vertigo, hoc est, error, seu, seductio: sitq; allusio ad eum, qui mente consternatus circumambulans oberrat. Huic quidem simile illud est psalmi, Potasti nos vino compunctionis. Quod & spectare videtur Amb. vbi ait, compunctionem esse, habitum quendam animæ ad id quod peius est immutabiliter se habentem, ut

Psalm. 59.
Ambro.

compungi, sit incusso clauo ad aliquid infigi. (*Oculos ut non videant, & aures ut non audiant.*) In propheta cap. 6. prolixior est imprecatio, Ex cæca cor populi huius, & aures eius aggraua, & oculos eius claude, ne fortè videat oculis suis, & auribus suis audiat, & corde suo intelligat, (*vsq; in hodiernum diem.*) ab Apostolo adhibitum fuit, ut doceret prophetiā illā de illo tunc præsentem tempore Christi ab illis ignoti fuisse præscriptam. Idē nobis litigiū Lutherani, quod antea sæpè, & hoc loco offerūt, quippe quod Deus consultò immittat hominibus hæc oculorum cæcitatem, surditatemq; aurium. Sed hæc istorum enormē absurditatem iā satis supra depugnauimus, & latius lib. de nat. & gra. Vnde in præsentiarum Chry. causas, inquit, huius cæcitatis in eorum ipsorum caput deduxit Paul. ostendens, quod istud ex intempestiua contentione passi sunt. Et Aug. (prædestinationis aliàs reprobationisq; assertor) tract. 1. super Euāgelium Ioānis, Istis, inquit, (puta Deū facientibus authorem mali) respondemus præsciū futurorum per prophetā prædixisse infidelitatem Iudeorum, prædixisse tamē, non fecisse. Nō enim propterea quenquam Deus ad peccandum cogit, quia futura hominū peccata iam nouit: ipsorum enim præsciuit peccata, non sua. Vide quomodo si Deus author esset peccati, suū ipse esset peccatum. Et infra super hunc præsentem locum Esaiæ ad hoc argumentum videlicet quod Iudei non poterāt credere, eò quod (teste Esaiā) excæcauerat Deus eorum oculos: respōdet, quod ex eo non poterāt, quia nolebant: excæcat enim Deus, non adiuuādo, sed deferendo. Hęc Aug. Deferit autē, quia nos nolumus uti eius subsidio, ut illuminemur. Quid autem opus est sanctorum testimoniis, Chrus palā pferit hmoi cæcitatis causam, vbi ait apud Ioānē, Quomodo potestis credere qui gloriā ab inuicē accipitis, & gloriā quā à solo Deo est nō queritis? Ambitus ergo gloriæ in inuidiā de Christo latrapas illos ac legis doctores coniecit, Quæ quidem inuidia obtutū illis mentis atra caligine obduxit, ne Christi præsentia recto sensu inspiceret. Quocirca, ut agnouit hoc loco Chry. quod h. ait, Dedit illis, non operationem quandam Dei, sed concessionē, hoc est, permissionem significat. At nescio quid mihi contueri videor sub hac cæcitatis imagine, vbi non ait propheta, Erui illis oculos, ut non videant, conuellitq; aures, ut non audiāt, sed dedit oculos, ut non videāt, & aures, ut non audiant. Si enim non erant visuri, quid opus habebant oculis? Discernere; inquam, mihi vi-

Lutherani.

Chrysost.

Aug.

Ioan. 5.

*Dedit oculos
ut nō videāt*

detur propheta diuerfos non vidēdi modos. Etenim qui orbi sunt prorsus oculorum, non possunt visu seduci, quia neque corpora vident: qui autem lippi sunt, caliginatibusq; oculis, corpora quidem vident, minutas tamen linearum figuras minimē deprehēdunt. Quae sepe hallucinatiōe seducūt, aliud utiq; pro alio iudicantes. Sic ergo Iudaei, legis quidem corticem cernebant, non autem ad medullā vsq; penetrabant, ob idq; detortis sensibus se ducebantur. Quò fortē refertur (vt paulò ante meditabamur) compunctionis verbum. (Et *David dicit*.) Puta in Psalmo. 68. (*Fiat mensa eorum coram ipsis in laqueū, & in captionem, & in scandalum, & in retributionem illis.*) Mensa, in proposito vt (aliis pratermissis commentis) Origenem auscultemus, pagina est sacrae scripturae: de qua meminit Sapiētia ipsa, vbi ait, immolasse victimas, miscuisse vinum, ac proposuisse mensam suam. Hanc enim David nominauit locum pascuae: reficitur enim spiritus verbo Dei, eodemque alitur & corroboratur in omni virtutum genere. Vnde Apostolus, Lac potum dedi vobis, non escam. At si rem penitissimē scrutari optas, verba in eodem psalmo antecedentia respice. Lamentatur enim illic per Prophetam Christus, quemadmodum sitiētī in cruce, qua siti desiderium salutis vniuersi humani generis proferebat, fel fuerit illi à Iudaeis porrectum, aceto mixtum: hoc est, vinum scripturae in falsitatem & amaritudinem corruptum. Qua de re talionis illis poenam imprecatus Propheta, quinimò prophético more eandem definiens, exponensq; gustus eorum corruptionem, subiungit, Fiat mēsa eorum coram ipsis, puta scripta lex quae ante eorum conspectum posita est, vt veris eius sensus pascantur et potētur, fiat illis in laqueū & in captionem, hoc est, sinistra eius intelligentia extrangulentur & pereant. Ac si aperte futura prænunciando dixisset, Propterea Christum felle potabunt, quòd mensa eorum facta est illis in scandalum. Vel si conuersa ratio magis placet, Ab illo vsq; tempore quo fel acetumque Deo suo propinauerint, erit illis vicissim mensa illorum in laqueum, & in captionem, & in scandalum. (*In retributione illis.*) Vt qui ad mensam Deo suo fel in escam, acetumq; in potum apposuerunt, eisdem fiat mēsa in laqueum, Vnde Aug. super hunc psal. Fiat, inquit, non optantis est, sed prophetantis: non vt fiat, sed quia fiet. Est autem allusio ad muscipulam, vel ad plagas, aliaue illaqueandi ingenia, sub quibus abditur viscus ad

inescandum animalia. Pari siquidem modo Iudaei praesua inuidia & supbia seducti sunt & irretiti per literam falso scripturae intellectu. Nec satis duxit dicere, in laqueum, sed quo maiori affectu & vehementia rem depromeret, adiecit. (*In captionem.*) Hoc est, vt re vera capiantur. (*Et in scandalum.*) Quod est, in offendiculum. Solent enim parari quoq; machinae captandis feris, in quas machinas impingentes, occumbūt. Hoc igitur verbo illuc respicit, vbi dixerat, Offenderunt in lapidem offensionis. Origenem illam hic praeterea captionem Iudaeorum agnouit, quae per suas scripturas reuinciri possunt. Veluti fuit illa, vbi sciscitatus illos Christus, quid eis videretur de Christo, cuius scilicet esset filius, Responderunt, David, quasi tendentes rete, quo inuoluerentur: subiungens enim confestim Christus, Quomodo ergo David vocat eum, dominum? dicens, Dixit dominus domino meo, veluti complicati & victi obmutuerunt, Eodem deniq; pertinet quod subditur. (*Obscurentur oculi eorum ne videant.*) Nempe vt sic obtenebrati laqueo irretiantur, offendantq; in scandalum. (*Et dorsum eorum semper incurua.*) Multa hic comminiscuntur interpretes. Existimo tamen id prorsus Prophetam edocere, quòd obscuratis mentis oculis, quibus eruitur spiritalis scripturae intelligentia, illi, qui reliqui sunt literales sensus, tam multiplicium ceremoniarum ac rituum, nihil aliud sunt, quam grauissimum onus: quòd Iudaei ceu dorso gestantes, incuruantur, hoc est, veluti baiuli deprimuntur, qui onusti succumbunt moli. Qua ex causa, vt pote quia intellectus circa superna caecutit, consequens fit, vt & liberū arbitriū (quod appellatione quoq; dorsum venire potest, quo vitae negotia gerimus) ad terrena procliue, coelestibus posthabitis, demittatur.

Dico ergo, Nunquid sic offenderunt vt caderent? Absit. Sed illorum delicto, salus Gentibus, vt illos æmulentur.

Secunda pars capituli.

Praefatus deniq; Apost. Iudaeorum ruinam non fuisse generalem, ad secundum transit articulum huius capituli, vbi ostendit eandem ruinam neq; fuisse cassam, & inutilem, neque verò fore irreparabilem. Cum enim superiori oratione visus fuerit, tum Deo nonnullam notam crudelitatis inurere, qui tantam multitudinem perditum ire suerit, tum Iudaeos amariorum increpasse, quòd sic de via deflexissent,

iam

Prou. 9.

Psal. 22.

1. Cor. 3.
Expositio.

Mat. 27.

Aug.

Allusio ad
muscipulā.

iam nunc & pro Dei honore respondet, & eos pariter consolatur. Prius ergo patefacit cōmoditatem eorum lapsus. (*Nunquid offenderūt vt caderent?*) Græcanicis modò codicibus abest particula, sic, & sunt quibus illius adiectio videatur sensum peruertere. Apparet enim taliter præposita, vt cui respondeat coniunctiua, vt, atq; adeò reddat hunc sensum, Nunquid vsq; adeò offenderunt, vt re vera conciderent? Ac si dicas, Vsq; adeò cæsus est, vt fuerit occisus? Cum tamen Paul. non vertat in dubium, an ceciderint, sed legitimus sensus sit huiusmodi. Nunquid eo tantum fine & intentione permisi à Deo sunt offendere, hoc est, cadere, vt caderent: vbi particula, vt, nulli respondet sed est finalis. At verò & quanuis adiectitia fuisset, minimè hunc secundum sensum vitiat, quò minus legi quoq; possit. Et quanuis faciat priorem sensum, minimè aduersatur Paulinæ menti, quippe qui ambos prosequitur sensus. Duplici nanq; rationem negationem hanc confirmat, scilicet non illo tantum fine eos offendisse: vna, quia offensio illa fuit utilis ac frugifera: & secundum hanc rationē sequitur hunc sensum, quòd non illo fine permisit eos Deus offendere vt caderent, sed quòd is lapsus utilis esset. At altera præterea ratione idem probat: nempe quia casus ille est reparabilis. Cui quidem rationi aptissimè seruit particula, sic. Vtpote, Nunquid sic offenderunt, hoc est, permisi sunt corruere, vt vniuersi perpetuò lapsi absq; remedio iacerent. Hoc enim pacto legit Ambro. Nunquid sic offenderunt, vt curari non possent: sicuti diabolum legimus cecidisse: Similiq; modo legit tam Chrysost. quàm Orige. (*Abst.*) Familiaris est Apostolo responsio, dum partem affirmatiuam per abominationem repellit. Subiungit igitur præfixæ negationis priorem causam ab utili. (*Sed illorum delicto salus Gentibus, vt illos amulentur.*) Fuit enim Iudeorum cæcitas, ex re cum primis Gentilitati, mox eisdem etiam ipsis Iudæis commoda. Veruntamen à duplici hic errore cauendum nobis est. Prima cautio est, ne putemus neutiquam potuisse Gentes viam salutis ingredi, nisi depulsis Iudæis: quasi adeò angustauerit, strinxeritq; Deus aditum ad se, vt non posset vniuersum humanum genus sinu infinitæ misericordiæ suæ excipere. Est enim sinistra ac impia talis de Deo cogitatio. Nam utcunq; prædestinatorum numerus certus fuerit, vult tamen omnes saluos fieri, vt supra expositum est: ob idq; Christus salutis viam strauit, aperuitque

Aduplici errore cauendū.

omni credenti, Iudæo primùm ac Græco: ac ideo si nulli credere renuissent, omnes intrassent. Altera cautio est, ne vel suspitio nos tangat, consultò Deum excecasse eiecisseque Iudæos, vt Gentes ingrederentur, ne eum constituamus authorē mali: malitia enim Iudeorum & cruditas cordis in causa fuit prorsus incredulitatis eorum. Quid ergo? Nimirum quòd De⁹ qui nihil mali, nisi bona causa permittit in nobis, Iudæorū malo, quod ab ipsis ortum habuit, bene vsus est: sicuti induratione Pharaonis vsus est ad exaltationem nominis sui. Et ideo non ait Paul. quòd finis delicti fuit salus, sed quòd, delicto salus Gentibus cōparata est. Imò verò neque simpliciter (salua maiorum censura) confiterer, quòd illo fine permiserit Deus Iudæos in illam cæcitatem illabi: uti infra super verbo, cæcitas contigit in Israel, emunctius explicabitur. Trinam autē vtilitatis rationem meditantur hic Patres in delicto Iudæorum ad salutem Gentium. Prima est quòd eorum delictum, fuit homicidium illud ac deicidium, de quo Christum affixerunt patibulo, vnde vniuersa promanauit salus. Nā nisi illi Chrm detulissent fecissetq; reū mortis, mille in eum Gentes vsq; adeò impiè deliquissent: siquidem Pilatus subducere se nisus est tanto scelerī. Qua fortè de causa cum interpres, vt proximo verbo, caderent, arrideret, vertere potuisset, illorum casu, vel, lapsu, vt alii faciunt, maluit vertere, delicto, quod vox itidem græca significat: vt crimen lapsus, delicti nomine exaggeraret. Neque vllum est verbum, puta, fuit, aut, facta est salus, eò quòd plura huius figuræ possunt subintelligi. Et præterea, quoniam sunt Hebræi verborum auari, suas videlicet orationes verbo sepe orbantes substituo. Secunda ratio vtilitatis est, quòd propter repulsam, quam ab illis apostoli passi sunt, reuersi sunt ad Gentes. Hæc autem causa non fuit, vt simpliciter Gentes intrarent, sed vt Iudæos anteuerterent, fidemque prius susciperent. Vnde Paulus, Vobis oportebat primùm loqui verbum Dei: sed quoniam repulistis illud, conuertimur ad Gentes. Etenim (vt adnotauit Chrysostomus) non simpliciter Christus inibuit discipulos ire in viam Gentium, sed vt irent potius, id est, prius ad oues Israel. Id quod in parabola inuitatorum ad cœnam depictum est. Enimuerò quoniam illi conuiuium retractarunt, euocati sunt alii, corrasique ex vicis & plateis. Per quod rursus liquidò pa-

Trina vtilitas.

Mat. 27.

Secunda vtilitas.

Act. 13.

Mat. 10.

Luc. 14.

Tertia vtili
sus.

Aug.

tescit, quanta id polleat veritate, quod modo dicebamus: nempe quod Deus non excluderet meditatiō Iudæos, vt Gentibus locum cederent, sed eos fuerit potius paratissimus suscipere, eisdemq; priores, nisi ingredi abnuissent. Tertiam verò commoditatis rationem nasci sunt Gentiles ob Iudæorum lapsum, quam Augusti. edisserit in enarratione psalmi. 58. Nempe quod ob suam impoenitentiam dispersi sunt inter Gentes, baiulantes legem, vetusq; testamentum: cuius testimonio fulciuntur Christiani, ac suam constabiliunt fidem. Est namq; robustissimum testimonium, fidem nostram irroborans (vt ca. 1. narrabamus) quod tot retrò seculis promissus, expectatusq; fuerit Christus, cuius historia incorruptis illibatisq; scripturis perpetuæ fuit memoriæ prodita. Si autem vniuersa statim Iudæa conuersa fuisset ad fidem, decursis tunc demum aliquot seculis, nationes reliquæ possent eam nobis inficiari, inquiētes, commenta esse nostra. Vbi verò inimici ipsi nostri pernegantes aduenisse Messiam, vniuersum mundum oberrent, confitentes ac prædicantes vetustissimam promissi fidem, suumq; offerentes testamentum, in quo signa perspiciuntur clarissima, testesq; inuictissimi, tum temporis, tum etiam qualitatum & conditionum eiusdem venturi Messie, maximo fides nostra stabilitamento solidatur. Hoc ergo prophetabat Dauid, vbi aiebat, Deus ostendit mihi super inimicos meos, ne occidas eos, ne quando obliuiscantur populi mei. Disperge illos in virtute tua, &c. (vt illos amulentur.) Diuus Thom. in hoc pro sua ingenii fecunditate assuetus, vt nullam, quæ vel excogitari possit intelligentiam prætereat, vtroq; sensu particulam hanc enarrat, seu intelligas, vt Gentes, Iudæos æmulentur, seu conuersim, vt Gentes æmulentur Iudæi. Græcè tamen nulla est amphibologia: quippe vbi nomen, Gentium, neutrius est generis, Iudæorum, autem masculini: cui ideo soli coniungi potest masculinum relatiuum. Quinimò neq; Latinis vlla est. Siquidem, illos, masculinum est, Gētibz, verò fœmininum. Syncerus ergo intellectus est, Vt Iudæi æmulentur Gentes. Ad quam cauendam amphibologiam, transferunt quidam, vt eos ad æmulandum prouocaret, scilicet Deus. Est veruntamen hæc paraphrastica traductio: nam græcè non est, nisi, ad æmulare, hoc est, ad æmulandum. Edocet ergo Paulus cecitatem Iudæorum non solum Gentibus, verum & Iudæis

ipsis in rem fuisse: nempe vt zelo & inuidia Gentium ad fidem properantius festinarent: quemadmodum in calce superioris capitis expositum reliquimus. Experientia enim comperimus, Iudæorum plurimos emulatione perculsos Christianorum, in nostram se conferre familiam. Cernunt namq; aduenisse nobis omnia bona pariter cum illa: Christianam, inquam, sapientiam, accessionem nobis fecisse rerum, quibus floret humana felicitas, vtpote regnorum, potentatum cum optima Reipublicæ administratione, ac dignitate: adeo vt si ad Christianas leges syncerè & candidè vitam exigeremus nostram, Christiani sint inter mundi omnes nationes florentissimi, honoribusq; politicis, humanæ congruentibus dignitati fulgentissimi. Sed o nostrum Christianis indignissimum ingenium, adeo nos luxus & honorum ambitus exagitat, vt bellis nos continuis lacerantes Christianam pacem, profligatam iam exterminauerimus. Sed heu tempora luctuosissima. Quid pacem dixerim? Christianam iam propemodum Rempubicam habemus deploratam: adeo sub nomine libertatis velata exitiosissima carnis licentia scripturam peruertit, fidem dilaniat, religionem proscindit, apostasiam parit, rebellionem nutrit, hæreses fouet, fauetq; dissidiis. Equis ergo iam modo, vel Iudæorum, vel certè aliorum infidelium, qui nostri sunt nominis insectatores, æmulari nos cogitent, nisi Deus pro gloria nominis sui, suam instauret Ecclesiam?

Luctuosissima
pora nostra.

Quod si delictum illorum, diuitiæ sunt mundi, & diminutio eorum, diuitiæ Gentium, quantò magis plenitudo eorum.

Prosequitur Iudæorum solamen ratione secunda, ne animum despondeant, eò quod eorum iactura, & ruina recuperabilis sit. Hoc autem infra sectione quarta locupletius explicat: sed hic interim triplici ratione præmōstrat. Prima est hæc præsens, ab vtili quoq; sumpta per hanc collectionem, Si Iudæorum delictum & culpa delitiæ sunt mundi (quoniam per mortem Christi illiusmodi crimine patratam mundus vniuersus opulentissima misericordia Dei ditatus est) & eorum diminutio, hoc est, quod pro plurima numerosissimaque parte reiecti, rarissimi ingressi sunt, diuitiæ fuit Gentium, quantò magis plenitudo eorum locupletabit mundum. Et est

Triplex rō.

argu-

Psalm. 30.

argumentum à maiori: nam si de malo, quod per se aduersatur bono, per accidentariam occasionem diuina sapientia tantum eduxit bonum, quanto magis de bona ipsorum conuersione, quæ per se ordinatur in bonum, poterit mundum ad optimū perducere statum. Tunc enim vterq; conuersus populus absq; vlla æmulatione iustitiæ Dei vnanimiter percolēt. Huic si addamus ratiocinationi, diuinum propositum ad optima semper ferri, colligitur, quod tandem vniuersus Israel perducendus ad fidem sit, vt plenitudo salutis & gratiæ Christi ante finem mundi consummetur. Id quod paulò inferius Apostolus expressa sententia pronunciat. Sunt qui inter delictum & diminutionem ita discernunt, sicuti inter culpam & pœnam: nempe vt diminutio accipiat pro deiectione à celsitudine gloriæ, qua Iudæi refulgebant in orbe apud Deum. Planus veruntamē sensus non est, nisi quem tetigimus de diminutione numeri ingredientium ad fidem. Est enim secundum membrum, veluti prioris definitio & explanatio. Quod enim dixerat, delictum fuisse delicias mundi, exponit, subdens, eorum diminutionem fuisse diuitias Gētiū. Nam (vt iā hætenus, & infra fusiùs explicabitur) quò pauciores ingressi sunt Iudæi, plures lucrifactæ sunt Gentes. Quæ quidem quoniā multò erant maiori numero, quàm Iudæorum populus, idēq; sexcenties multiplicatus, maiori lōgē accessione per eas ditatus est mundus, q̄ fuerit Iudæorum iactura. At verò non dixit, conuersio eorum, sed, plenitudo, tum vt comparatio fieret ad diminutionem, tum maxime vt exprimeretur complementum, consummatio, & perfectio Christianæ salutis per reconciliationem mundi vniuersi, iuxta verbum domini, Prædicabitur Euangelium regni in vniuerso orbe, in testimonium omnibus gentibus, & tunc veniet consummatio. Atq; adeò, qui (iuxta verbum Dei) si mādāta eius seruassent, constituendi erant in caput, culpa sua constituentur in caudam.

Vobis enim dico Gentibus, Quamdiu quidem ego sum Gentium Apostolus, ministeriū meū honorificabo, si quo modo ad æmulandum prouocē carnē meā, & saluos faciam aliquos ex illis. Si enim amissio eorum reconci-

liatio est mundi, quæ assumptio, nisi vita ex mortuis?

Adhibet rationem secundam ad id quòd recuperatio Israel non sit desperata. Ratio autem est huiusmodi, Rerum desperatarum nulla est prudentia, vllam suscipere curam: secundum illud Ioan. Est peccatum ad mortem, nolo vt quis oret pro eo: ego verò (ait Paulus) etiam nunc conitor, si quos Iudæorum æmulatione vestri ad fidem prouocem, non ergo desperata mihi est deplorataq; eorum salus. Sapienter autem hanc iniit rationem per apostrophen ad Gentes. Ab initio enim statim epistolæ hucusque, vbi causam communem agit fidei, omnes simul conuersos alloquitur, Omnibus qui sunt Romæ, gratia vobis & pax, &c. Hic verò vbi peculiariter Iudæorum salutem procurare se meminit, singulariter ad Gentes sermonem conuertit, ne suspicarentur, quòd qui earum esset institutus Apostolus, transferret se ad Iudæos. Ait ergo. (*Vobis enim dico Gentibus, Quamdiu quidem ego sum Gentium Apostolus.*) Alij transferunt, quatenus, id est, qua ratione Apostolus sum. Attamen cū vox Græca utrūq; permittat, aptius hîc quadrat, quamdiu, hoc est, quanto tempore fuerim vester Apostolus: nō quòd subindicauerit, aliquando se abdicaturum eiusmodi functione. Sed eo schemate fatur, quo dicimus, Quamdiu vixero. (*Ministerium meum honorificabo.*) Hoc est, quamdiu vestri curam gesserō (geram autem vsq; ad mortem) in honorem huius muneris cessurum est, si prouocem, &c. vt subsequitur in textu. Alij in præsentī verunt, honorifico, sed cū futurum & præsens Græcè vnica litera discriminet, facilis est coniectura, interpretem legisse futurum. Et licet parui referat, tamen congruentius esse videtur adverbio, quamdiu, si legamus, honorificabo. At non ait, honorifico vos, ne vitium illis vanæ gloriæ offerret, sed, ministeriū meum, quod in gloriam Dei cedit. Vel forsan vt eos haberet admonitos, non ea se causa meminisse eiectionis æmulationisq; Iudæorum, vt inde Gentilitas insolesceret, sed vt tanquam fidelis minister mysterium diuinum panderet. Haud veruntamen ex eo quòd Paulus decretus fuerit Gentibus in Apostolū (vt compertū est in Act.) vlla consequentia elicitur, interdictum illi fuisse Israelitis prædicare. Legimus nanque in Actis ad Ananiam dictum, quòd esset vas electio-

Inter delictū
& diminu-
tionem.

Mat. 24.

Deut. 28.

C.

Act. 13.

Act. 9.

V 5 electio-

electionis, vt portaret nomen Dei corā Gentibus, & regibus, & filiis Israel. (*Si quo modo ad emulandum prouocem carnem meam, & saluos faciam aliquos ex illis.*) Nempe vt Iudæi vos æmulentur. Duplici enim de causa per hunc suū affectū honestabat suū ministerium. Prima quia fouebat propositum Dei, qui (vt paulò ante dixerat) eorum delictum in salutē Gentium vertit, vt easdem æmulerentur: mox q̄ & hoc ad cumulum honoris Gentibus accresceret, quòd ita elucerent in orbe, vt vel Israelitæ ipsi, qui peculium fuerant Dei, illarum æmulatione reuocarētur in gregem. Vbi autem sermonem stringit angustiis illis, si quo modo saluos faciam aliquos, remordet (secundum Chrysostomum) Iudæorum obstinationem & difficultatem, vt possent vel illa ratione adduci ad fidem. Sed tamen verbo, carnem meam, naturalem præcipuè affectum sanguinis profert, qui vsq; adeò est penitus homini ingenuus, vt in illo etiam epulone tartareis flammis tradito perduraret, qui reuocari in lucem exoptabat, vt quinque suos fratres admoneret. Qua de causa nihil mirū, si in sanctissimis visceribus Pauli ardentem vigeret. Deinde eadem verbi teneritudine, & Iudæorum animos demulcet emollitq̄, vt fraterna sua monita amanter excipiant. At verò quod inquit, saluos faciam, non est arrogantia illi vertendum: nouerat enim proprium esse Dei munus saluos facere credentes: sed tamen faciam, inquit, tanquam fidei minister, colendo agrum dominicum: quem admodum ait alibi, Ego plantaui: Apollo rigauit, Deus autem incrementum dedit. (*Si enim amissio eorum reconciliatio est mundi, quæ assumptio, nisi vita ex mortuis?*) Videtur hæc veluti explicatio repetitio illius quod antea dixerat, Si delictū illorum diuitiæ sunt mūdi, quanto magis plenitudo: nam & illud pariter vt hic, post verbum æmulationis subiunxit. Est nihilo secius & expositio hui⁹ quòd præmiserat, Saluos faciam. Cū autem illic dixisset, delictum, hic non nominat, nisi, amissionem, quæ per delictum facta est. Dicitur enim casus eorum, amissio, propterea quod essent veluti serui familiares & domestici Dei. Sicuti per serui fugam iactura fit domino. Tamen si verbum Græcum emūctius redderetur fortè per, adiectio, vel, reiectio, nisi q̄ hoc ad reprobationem Dei referretur, amissio verò ad malam eorum voluntatem. Et ideo nihil interest ad rei veritatem. Ait ergo. (*Si amissio eorum reconciliatio est mundi.*) Allu-

dens ad recompensationē amissionis vnus amicus, quæ fit, dum vno deperdito, plures acquiruntur. (*Quæ assumptio, nisi vita ex mortuis.*) Est veruntamen mihi illatio hæc Pauli non ita multū patens, neque vbi ait, vita ex mortuis, constitutum est inter interpretes, quid sibi velit. Origenes. nanque atq; Chrysostomus. ad resurrectionem hoc referunt vniuersæ carnis in die iudicii. Quod si verū est, possumus hoc pacto consequētiam Pauli interpretari. Si amissio Iudæorum reconciliatio fuit reliqui orbis, consequens fit, vt eorum assumptio (ait assumptio, quia Deo trahente facienda est) vita sit ex mortuis: hoc est, cōsequens fit, vt Iudaismo ad finem assumpto nihil amplius restet, vt resurrectio fiat vniuersalis: quippe quæ tunc futura est, cū euangelica buccina intonuerit, suumq; effectum obtinuerit in vniuersum mūdum. Vbi probè notauit Chrysostomus. quòd sicuti Iudæorum amissio non fuit causa, sed occasio reconciliandæ Gentilitatis, talis occasio erit resurrectionis, eorundē susceptio. Neq; incongruēs hic sensus est ad explicandum quomodo honorificet Paul. ministerium suum: nam finis euangelici muneris illa est vniuersalis cōuersio. Attamen non ita tunc planè exponitur quod dixerat, Vt saluos faciā aliquos, quod procurare hic videtur. Potest ergo secundo modo hic locus intelligi de morte spiritali per peccatum Iudæorum, & de vita per gratiam Gentium. Et tunc collectio eius est huiusmodi, Si amissio illorum, hoc est, spiritalis mors, reconciliatio, hoc est, vita spiritalis fuit mundi, puta, occasio vitæ, susceptio illorum erit resuscitatio ab eadem morte in similem vitam: quod cū ego procurē, opto eos saluos facere.

Quòd si delibatio sancta est, & massa: & si radix sancta, & rami.

Tertiam deniq; adhibet rationem, ad confirmandam spem instaurandæ salutis Iudæorum ex natura & conditione Iudaici generis. Græcè, ἀραρχή, generaliter significat id, vnde principium ducitur alicuius rei: quod ideo interpret supra cap. 8. traduxit, primitias, Sed & ipsi primitias spiritus accepimus: sic enim nominantur fructus primi, qui offeruntur Deo. Alij transferunt, fermentum, vnde initium fit corruptionis massæ, quæ bonum est eius temperamētum. Hic autem interpreti visum est, accommodatius esse, delibatio, quæ est id, per quod iudicium rei sum-

Origenes.

Chrysostomus.

Delibatio.

Chrysostomus.

Luc. 10.

1. Cor. 3.

mitur. Parum ergo refert, si Origenis interpres legat, primitias, atque alij, fermentum, quod nescio cur Theophy. idem esse dixerit, quod, delibatio. Nam, delibatio, non est nisi degustatio fermentatæ massæ, ad deprehendendum, optimum ne habeat temperamen-

1. Cor. 5. tum. Igitur, quanuis ad Corinthios nomen Græcum, respectu fermenti transtulit, cōspersionem, puta fermentatam massam, hic, quoniam, primitiarum, nomen incongruū erat, cui responderet, vel, massa, vel, conspersio;

Leui. 7. transtulit, delibatio & massa. Et est allusio ad legem illam pacificorum, qua iuebatur populus pro gratiarum actione collyridas of ferre olei admitione conspersas, de quarum gustu sumebatur, inditium totius massæ, vt quales essent collyride, talis esset & tota massa. Est ergo argumentum Pauli per metaphoram huiusmodi efformatū, Si delibatio Israelis, puta Abraham & ceteri Patres ac prophetæ, qui fuere sicuti primitiæ illius segetis, sancta re vera fuit, fit, vt massa quoque sancta sit aptitudine: hoc est, non sit omnino veluti inhabilis reiecta, quin possit, licet modò accescat, fermento prædicationis euangelicæ in sanctitatem restitui. Et si radix sancta, scilicet iidem Patres, à quibus fuit soboles illa Hebræa propagata, fit, vt & rami, etiam si nunc ad tempus arefiant, repullulare valeant per culturam eiusdem apostolicæ prædicationis. Secundum hanc itaque expositionem repetitio est hæc, dum quos prius appellauit, delibationem, post nuncupat, radicem, & quos prius massam, postea nominat, ramos. Si autem aliorū sententia magis probatur, vtrinque ducit argumentum, puta & à prioribus ramis, & à primis radicibus: vt delibatio vsurpetur pro apostolis, insignibusque conuersis ex Iudaismo: radix verò pro antiquis Patribus, in hoc sensu, Quòd si ex illo populo tales sunt primitiæ oblatae Christo, quales sunt apostoli, non est massa adeò corrupta & inepta, quin possit fermentari: & si radix, &c. sicut prius. Et forsan diuersis fundamentis nituntur illationes istæ. Prior quidem de massa fundatur in sanctitate obseruatæ per gratiam legis. Videlicet, quòd si delibatio idonea erat culturæ illius legis, poterit & massa idonea esse per eandem gratiam. Posterior verò de ramis annititur conditioni naturæ & sanguinis Iudæorū: vt si natura radices apta fuit suscipiendæ gratiæ, erunt & rami: siquidē

Gal. 2. eiusdem naturæ sunt & sanguinis. Vnde Paulus ad Petrum, Nos natura Iudæi. Quod qui-

dem in præsentiarum, in commendationem Iudæorum commemorat, ne Gentes, vel ratione, vel legis naturæ, vel sanguinis & generis cristas contra Iudæos erigerent. Origeno mine vtroque, & primitiarum, & radices, vnum dominum Iesum Christum concipit, qui est primitiæ resurgentium, & radix resurgentium in eius membra. Vt argumentum Pauli sit, Quòd si ille fuit sanctus sine macula, & massa, & rami ei infiti eius fient participes sanctitatis. At forsan ita prope expositio hæc accedit ad metaphoram Pauli: vt vel ex subiunctis verbis compertius fiet.

1. Cor. 15.

Quòd si aliqui ex ramis fracti sunt, tu autem cum oleaster esses, insertus es in illis, & socius radices & pinguedinis oliuæ factus es, noli gloriari aduersus ramos. Quòd si gloriaris, non tu radicem portas, sed radix te.

3. Rom.

Subsequenter in hac tertia sectione præseruat Gentes à vitio superbiæ, quo turgidi insultare possent in Iudæos, quòd videlicet sua ipsorum gentiū causa fuissent de via depulsi, vt Gentilitati locum darent. Vtitur autem elegantissima, rei que, propositæ apprimè genuina metaphora, de olea & oleastro. Hæc verò vt pluris æstimes, memineris propositi Pauli, quòd à capite vsque quarto magis semper ac magis hucusque dilucidat. Nempe quòd quia promissio facta est Abraham, in cuius semine prænuntiatae sunt benedictum iri omnes Gentes, gratia Euangelij non est donata nisi filiis Abraham: at non illis tantum qui secundum carnem, sed cunctis qui secundum spiritum filij eius sunt, puta qui sectantur vestigia filij, etiam in præputio. Vnde ad Galat. Prouidens, inquit, scriptura, quia ex fili de iustificat Gentes Deus, prænuntiavit Abraham, quia benedicentur in te omnes Gentes. Atque hac de causa cap. 8. constituit, non omnes qui sunt ex semine Abraham, esse eius filios: neque verò eos tantum, iuxta verbum Christi, Potens est Deus de lapidibus istis, puta Ethnicis suscitare Abraham, fidelium Patri, filios. Hac igitur de causa hic Paulus stirpem Abraham appellat oliuam, iuxta verbū Hierem. Oliuam vberem, pulchram, fructiferam, speciosam vocauit dominus nomen tuū. Etenim quod significatissimè germē, quod Spiritus sancti succo alitur & fructificatur, oliuæ,

Tertia pars capituli.

Apptissima metaphora.

Gal. 3.

Mat. 3.

Hierem. 11.

inter

Gal. 2. humanum modum intelligendi hereditariae
 fucceſſionis. Hac ergo de causa poterant Iu-
 dæi quodam modo præ Gentibus, dici natu-
 rales rami. Vnde Paulus ad Petrum, Nos na-
 tura Iudæi, & non ex Gentibus peccatores.
 Quod autem ait, illis non peperciſſe, hoc pe-
 nitus ſonat, quod propter eorum obſtinatam
 perfidiam non peperciſſe illis, ſed commune
 lege ſine perſonarum acceptione, etiam ſi ca-
 ſum eorum præiudiſſet, ſiuit eos ſua ſpõte &
 arbitrio agere. Quod cum in vniuerſum cum
 omnibus obſeruet, idem ſibi metuere debet
 ſtantes per fidem Gentes. Vnde Sapiens, Bea-
 tus homo qui ſemper eſt pavidus.

Prover. 28.

Vide ergo bonitatem & ſeueri-
 tatem Dei: in eos quidem qui ce-
 ciderunt, ſeueritatem: in te autem
 bonitatem, ſi permanſeris in bo-
 nitate, alioquin & tu excide-
 ris. Sed & illi, ſi non permanſerint in
 incredulitate, inferentur: potes eſſe
 enim Deus iterum inferere illos.
 Nam ſi & tu ex naturali exciſus
 es oleaſtro, & contra naturam in-
 fertus es in bonam oliuam, quan-
 to magis ii qui ſecundum natu-
 ram inferentur ſuæ oliuæ.

Seueritas.

Concludit utiq; documentum, quo inter
 metu & ſpem cõſtituti recta ducantur. Seue-
 ritas nihil vitij ſignificat, ſed cenſoriam iudi-
 cis grauitatem, nihil de rigore iuris remitten-
 tis, quæ idcirco pars iuſtitia eſt. Iubet ergo
 Gentibus, vt ſeueritatem Dei in Iudæis me-
 ditantes non efferantur animis, ſed ſibi for-
 midantes caueant: & Deo de eius bonitate
 (quæ in præſentiarum idem ſignificat, quod
 benignitas vbertasq; diuinæ miſericordiæ)
 gratias referat. Iudæos autem clanculum ad-
 monet, vt à ſeueritatis metu, quam in ſe ex-
 perti ſunt, percuſſi, & ſpe bonitatis, quam in
 Gentibus contuentur allekti, gnauiſſe, ſedu-
 loq; ſatagant, vt reducantur in viam. Atqui
 & nobis id ipſum documētum ſaluberrimū
 eſt, vt qui ſibi iuſtus videtur, non nimiū ſibi
 placeat, vt i phariſæus publicanum deſpiciens,
 ſed ſibi idē metuat, quod in miſero cernit, il-
 liq; optet, quod ſe putat per miſericordiam
 Dei poſſidere. Iniquus autē non deſperet, ſed

Saluberrimū
 documētū.
 Luc. 18.

de benignitate diuinā, cuius alterū potiri exi-
 ſtimat, ſpem concipiat, qua animetur ad vir-
 tutem. (*Si permanſeris in bonitate, alioquin & tu
 excide-riſ.*) Perſeuerat utiq; apertiffimè pate-
 facere, ita ſalutem noſtrā, munus eſſe Dei, vt
 tamē in noſtra ſit poſitum libertate, tam opi-
 tulanti aſſentire, q̃ eius fauorē auerſari. Quo-
 circa quod ait, tu excide-riſ, licet ad popu-
 lum ex Gentibus conuerſum dictum ſit, ea-
 dem nihilo ſecius admonitio ad ſingulos no-
 ſtrum pertinet, contra quam hīc docent Lu-
 therani. Aiūt enim, quod licet alicui populo
 totum Euangelium nonnūquam auferatur,
 ſicuti Græcis compluribus & Sarracenis, &
 utiq; hereticorum Reipublicæ, tamen ſingu-
 li homines, qui Euangelium verē receperūt,
 excidere regno Dei non poſſunt. Volutan-
 tur nanq; in illo errore, quod ad ſolos præde-
 ſtinatos verē pertineat Euangelium, atq; eius
 gratia. Cum tamen orthodoxa veritas multo
 diuerſe nos doceat: etenim tam reprobi, q̃
 prædeſtinati, & verē ſepenumero in gra-
 tia, à qua excidunt, & verē rurfum in culpa, à
 qua reſurgūt. Vnde ad Cor. ſinguli admonē-
 tur, illo verbo, Qui ſtat, videat ne cadat. Et
 ad Gal. Videne tu tēteris. Ac demū in Apo-
 calypſi, Tene quod habes, vt nemo accipiat
 coronam tuam. (*Sed & illi, ſi non permanſerint
 in incredulitate, inferentur.*) Quauis iniqui re
 non vtantur auxilio Dei, veluti iuſti, quoniā
 tamen præſto Deus illis eſt, qui nō ſeſe auer-
 tunt, dicere poſſumus, quod licet in ſaculta-
 te peccatoris non ſit ſalus immediatē poſita,
 hoc ſaltem in eius eſt arbitrio ſitum, vt ſuppe-
 tiis diuinis vtatur, quibus illam obtineat. Et
 ideo ait, ſi non permanſerint, hoc eſt, ſi non
 ſua pectoris obſirmata cruditate peruerſum
 ſenſum retineant, inferentur. (*Potens eſt enim
 Deus iterū inferere illos.*) Sciscitetur hīc forſan
 quiſpiā, Ecquid ſibi vult ſcripturarum mos,
 quæ potentiā Dei frequēter ſolēt nobis per-
 ſuadere, vt eſt illud, Potens eſt Deus de lapi-
 dibus iſtis ſuſcitare filios Abrahæ, cum tamē
 homines, qui Deum ſemel cõfeſſi fuerint, de
 eius omnipotentia nihil addubitent, ſed heſi-
 tare tantū fortē aliqui poſſunt de eius vo-
 luntate propter ſua ipſorum crimina? In cau-
 ſa eſt forſan, quod de nulla re magis Deus
 perſuaſos nos vult habere, quā de ſua ipſi⁹
 bonitate ac beneficentia, quam eſt effunden-
 di cupientiſſimus, vſque adeo, vt de hoc ſe-
 curiſſimos eſſe velint cūctos mortales. Quo-
 circa diffidentiam noſtram hoc mucrone iu-
 gulat, quod qui de ſua promptiſſima volun-
 tate

Lutherani.

Orthodoxa
 veritas.

1. Cor. 10.

Gal. 6.

Apoc. 3.

Dubitatio.

Mat. 3.

tate nullatenus deberemus esse dubij, de sua omnipotentia videmur hæsitare. Igitur ad vellicandum malam existimationem Ethnicorum, si desperatam forsan habebat Iudæorum salutem, ait, Potens est Deus. Et adhibet rationem firmissimam. (*Nam si & tu ex naturali excisus es oleastro, & contra naturā, &c.*) Vehementiorem nanq; exaggerationem habet collectio hæc, quam superior, vbi collegit, Si Deus naturalibus ramis non pepercit, &c. Vehementiorem, inquam, quāto micantior est ac fulgētior misericordia Dei, quā eius iustitia. At verò quod ait, Contra naturam, non crude, vt sonat, excipiendum est. Deus enim cui natura, veluti auctori suo, obedientissimè paret, nihil agit contra naturam: quia neque vim vspiam infert rebus. Sicuti fluxus ac refluxus maris, tametsi esset aliquo pacto contra particularem naturam, quia tamen fit ab influxu cœlorum, cpi mare subditur, non est simpliciter cōtra naturam. Agit nihilo minus Deus supra naturam, vt cū visum cæco, mortuōq; vitam restituit. Infitæ ergo sunt Gentes contra naturam, eō significatu, quo Iudæi dicti sunt naturales rami, id est, contra quam naturalis ratio dictare poterat: nempe vt abiectus populus agrestisq; oleaster, familiæ Dei, hoc est, fidei sanctorum Patrum (quod hic Paul. appellat suam ipsorum) infererentur.

Nolo enim vos ignorare fratres mysterium hoc, vt non sitis vobismetipsis sapientes, quia cæcitas ex parte cōtigit in Israel, donec plenitudo Gentium intraret: & sic omnis Israel saluus fieret.

loco cadentium ramorum suffectum, adinuissertq; adeo eundem Gentium populum, ne altum saperet, subdit extēplō, Nolo enim vos ignorare fratres mysterium hoc, vt non sitis vobismetipsis sapientes. Alij transferūt, prudentes, sed iam diximus, sapientes, rei magis præsentī conuenire, vt quo nomine affectio inflati animi subnotatur. Vnde cū eade causa potuissent inolescere, quod Iudæi fuissent prorsus absque vlla spe salutis in æternum proiecti, ait, se nolle, vt mysterij ignorantia obtenebrati sibi metipsis videantur sapientes, cū reuera non essent. Et ideo dicit, apud vosmetipsos. (*Quia cæcitas ex parte contigit in Israel.*) Sunt qui Ambrosij auctoritate vtuntur, vt asserant nomen hoc, ex parte, nō ad numerum referri Iudæorum, sed ad tempus cæcitatis, quod non est perpetuum. At profectō hoc non dicit Ambros. neque cogitauit, sed hoc penitus, quod ad tempus cæcitatis obtusio data est Iudæis, his qui dum æmuli legis sunt, non viderunt dñm venisse. Vbi hoc quod est, ex parte, ad numerum refert: sicuti pleriq; faciunt enarratores, & facere dubio procul debent omnes. Nam etsi pars illa excæcata multō fuerit numerosior, quā saluæ reliquæ, nō est cur non designetur appellatione partis. Hic autem nihil verborum iterum atq; iterum repetere, quod Deus illius cæcitatis nullatenus fuerit effectrix causa: cuius contrarium non solum legi apud hæreticos, verum & nōnunquam catholicos idmussitantes audiui. Qui profectō Deum non solum tentatorem faciunt malorum, sed coangustant, vt non possit simul omnes visceribus suis capere: cū tamen (vt ait alibi Paulus) diues sit in misericordia, & hic paulo ante, Diues in omnes qui inuocāt illum. Quam ob causam Iudæis tanta sedulitate prædicaui Christus, vt ad se omnes pertraheret. Imo cū tam iusta indignatione olim Deus, post verò Christus decorum huiusmodi cæcitate conqueratur, quis dicat eūdem Deum fuisse eius authorem? Vnde quod Esaias dixerat, Excæca cor populi huius, Paul. veluti expositor, ait, Cæcitas cōtigit, ne videlicet cæcitatis causam Deo transcriberet, qui tamē nihil aliud fecit, quāmittere. Neq; verò ait, quod, cæcitas cōtigit, vt plenitudo intraret, ne quē suspitio irreperet, illo fine Deum illos excæcasse, sed, donec plenitudo. Quinimo (vt paulo ante insinuaui) neq; simpliciter concedendum est, quod Deus illo fine talem permisit cæcatē, in hoc videlicet sensu,

Ambros.

Ephe. 2.

Esa. 6.

Quarta pars capituli.

Secundū diuisionem nostram hæc quarta est sectio huius capituli, in qua Paul. propositionem hanc de errore Israelitico ampliori, quā hactenus, luce edisserit. Vocat autem mysterium rem hanc, tum quod arcanum sit sub altissimis Dei rationibus recōditum: vbi summæ rerum causæ delitescunt, tum quod hactenus sub metaphoræ enigmate de olea & oleastro, illud quodammodo occuluerit, quod iam palām profert. Sicuti ad Cor. Ecce mysterium vobis dico. Apostolis nanq; ait Christus, Vobis datum est nosse mysteria regni Dei. Cū ergo Iudæorum sobolem, oliuam fecisset, Gentilitatem verò, oleastrum,

1. Cor. 5.

Luc. 8.

fu, quòd cùm Iudæi non detrectassent, sed parati essent suscipere eius fauorem, ipse tamē amplioris lucri causa eos, vel recusauit, vel deferuit: sed secundum hunc potius intellectum, quòd cùm ipsi recusassent eius auxiliū, permisit eos in manus sui arbitrij: quod cùm ab æterno præscisset, inde constituit sua permissione, quinimo eorum peccato uti ad illū finem. Quocirca mysterium hoc non in hoc positum est, quòd cæcitas Israel illo fine facta est, sed hoc vocat mysterium, quòd cæcitas illa non est perpetua, ut Gentes opinari possent, sed temporaria. Quæ quidem cæcitatē caligo, ingressis Gentibus, abstergenda est Iudeorum oculis. Excecauit ergo eos, uti diximus, inuidia sua & legis zelus, ut ait hic Ambro. Et in sermone de illuminatione cæcatorum August. Illud quippe miraculosum beneficium, mysterium illuminandæ Gentilitatis adumbrabat: & ideo subdit Christus, In illud iudicium venisse in mundum, tanquam lumen quod illuminat omnem hominem, ut qui non vident, videant, id est, qui se non videre humiliter cōfitentur, uti Gentes, illuminentur: & qui vident, cæci fiant, id est, qui cæcitatem suam non cōfitentur, uti elati Iudæi, grauius obdurētur: & eò vsq; grauius, ut lumen ipsum suum crucifigant, quæ crucifixa lux cæcos illuminat. Tametsi Orig. Iudeorū inuidiam in illam diaboli resoluit, qua peccatum intrauit in mūdum. Ait enim, cæcitatem hanc ab illis sine dubio angelis obtentu inuidiæ & emulationis illatam, qui ceterarum Gētiū fortiti fuerant principatū. Quod quidem, inquit, passus est Deus. Ab angelis inquā malis. De quibus subdit, Aduertentes enim ad se per peccati illecebras Dei plebem, locum fecerunt Gentibus ingrediendi in hæreditatem. (*Donec plenitudo Gentium intraret, & sic omnis Israel saluus fieret.*) Vi de ordinem & seriem conuersionis Iudeorū ac Gentium. Primitiæ quidem Iudeorum primitias antecesserunt Gentium: in cuius signū prius pastores adorauerunt natum saluatorem, quā Magi. Prius Baptista & Apostoli & Simeon & tales susceperunt eius fidem, quā Cornelius & Paulus Sergius, qui primitiæ fuerunt Gentium. Atq; id nimirum in honorem legis: Haud enim fieri aliter decebat, quin quæ in hoc tot retro seculis posita erat illi populo, ut viam, veluti dux fidei, sterneret venturo Mesiæ, eadem venienti primam faceret oblationem mundi. Sed tamen quia Iudæorum cæcitas per occasionem via

fuit, qua Gentes essent ingressuræ, duratura est quoadusq; plenitudo Gentium, quæ saluanda erat, fidem recipiat: & tunc (ut sic loqui nobis liceat) perfuncta eadem cæcitas vices suas, per eiusdem lucem fidei abstergeretur, ut omnis intret Israel.

Sicut scriptum est: Veniet ex Sion, qui eripiat, & auertat impietatem à Iacob. Et hoc illis à me testamentum cū abstulero peccata eorum.

Cōfirmat assertam sententiam autoritate prophetica. Oraculū autē hoc desumptū est à prophetia Esaiæ. Quauis neq; omnia illic sint verba, neq; in editione Hebræa eodē contextu. Sic enim nos legimus. Et timebūt qui ab occidente, nomen Domini, & qui ab ortu solis, gloriam eius, cū venerit quasi fluiuius violentus, quem spiritus Domini cogit, & venerit Sion redemptor. Vbi manifestum est, Sion, datū esse casus, ut subiuncta declarant verba, Et eis qui redeunt ab iniquitate in Iacob. Quæ quidem verba punctim & quasi digito indicant conuersionem Israelis in verum Iacob. In septuaginta verò, quos more suo citat Apostolus, legitur. Et veniet de Sio, qui liberet & auertat impietates à Iacob. Tā etsi Orig. legisse videatur, propter Sion, & Hieron. propinquus Sion, ut, propter, idē sit quod, prope. Et profectò huic sensui, quòd videlicet venerit, propter Sion, vel, Sion, in datiuo adstipulatur concors Zacharias, ubi ait, Exulta satis filia Sion, iubila filia Hierusalem, Ecce rex tuus veniet tibi. Venit enim Christus ad Saluandum Sion, puta Iudæos, quibus metropolis erat Hierusalem, ubi erat arx Sion. Sed venit nihilominus etiam ex eodem populo. (*Et hoc illis à me testamentum cū abstulero peccata eorum.*) Hoc neque in Hebræo habetur, neq; apud septuaginta, sed adiectio est Pauli, ad interpretandum quo modo eripuerit auerteritq; Deus impietatem Iacob: haud enim hoc fecit beneficio testamenti veteris. Nā (ut ait ad Heb.) impossibile est sanguine taurorum & hircorum auferri peccata. Quapropter Hieron. (vnde nonnulli autumant, petiū esse hoc testimonium à Paulo) Feriam, inquit, domui Israel & domui Iudæ fœdus nouum. Dabo legem meam in visceribus eorum, &c. Est enim Pauli perpetua vigilia, nec vllam Iudæis ansam relinquat arrogandi suæ legi salutis beneficiū.

¶ Hec

Ambro.
August.

Ioan. 9.

Orig.

Esa. 59.

Orig.

Zach. 9.

Heb. 10.

Hier. 31.

Dubitatio. **H**æc autem hîc forsan dubitatio occupare cuiuspiam animum poterit, an ne plenitudo hæc Gentium vniuersitasq; saluandi Israelis ante extremum diem ita sit prorsus auscultanda, vt nullus fiat reliquus Iudæus aut Gentilis, aut Mahometus, qui non fidem Christi suscipiat. Videtur enim hoc Paul. hîc palam adseuerare, & tamen testimonium hoc subscriptum non idem apparet euincere: at hoc solum, quod Christus esset venturus vniuersalis redemptor. Neque verò illud Matthæi, Prædicabitur Euangelium hoc vniuerso orbi, & tunc erit consummatio. Illic enim hoc penitus prædixit Christus, quod vox euangelica in vniuersum sit mundum perferenda: *Mat. 24.* quod & illud spectat, Videbit omnis caro salutare Dei. Quod autem vniuersi sint ei auscultaturi, nō definitur. Neq; verò illud Ioā. *Luc. 3.* Alias oues oportet me adducere, quæ non sunt ex hoc ouili, vt fiat vnum ouile & vnus pastor, hoc omnino comprobatur: quippe vbi Christus de vocatione Gentium potius loquebatur in vnā Ecclesiam, extra quam non est salus, vt fuerat ante aduentum Christi. Quod autem vniuersi adscribendi essent eidem Ecclesiæ, non affirmatur. *Orig.* ergo, Quis nā, inquit, sit iste omnis Israel qui saluus fiet: vel quæ erit ista plenitudo etiā Gētiū, Deus solus nouit & vnigenitus eius, & si qui fortè amici ei⁹ sunt. Vbi ad plenitudinē prædestinatorū respicit: ita, vt illi sint prorsus conuertendi, qui sunt prædestinati. At profectò Pau. aliud quidpiā magis egregiū videtur docere: nā hoc, quod Orig. innuit, nulli poterat esse dubiū. Et tamē Esa. non solū, eo capitulo, quo hîc ab Apostolo citat⁹ est, verū à quadragesimo vsq; ad finē, nō tractat nisi de hac conuersione. Et, Si ad cardines coeli fueris dissipatus, inde retrahet te Domin⁹ Deus tuus. *Deut. 30.* Hierony. super psalmum. 20. & in deciuita. Dei Aug. authores sunt, imo publicitus hoc Ecclesia amplexata est, quod circa finē mundi dimittēdi sunt Helias & Enoch, qui superstitēs modò sunt: Vti apud Malachiam pollicitus est Deus, quorum prædicatione conuocandus conuertendusq; est populus Israel in Ecclesiam Christi. Sic enim Malachias, Ego mittam vobis Heliam prophetam antequā veniet dies Domini magnus & horribilis, & conuertet cor patrum ad filios, & cor filiorum ad patres eorum. Etenim aperiendo spiritualementem sensum scripturæ efficiet, vt sensus populi tunc superstitis concors sit sensui Patrum. Vbi & inspectanda est illius po-

puli tenacitas, qui Christum cum apostolis repellentes, solis suis prophetis fidem dabūt. *Veritas tenenda.* Tenendum ergo est inconcussè, plenitudinē Gentium omnemq; Israelē receptum iri in Ecclesiam Christi ante Diem Domini: siquidem irrefragabile est Pauli testimonium. At vt nomen plenitudinis, eo vsq; sit arctè intelligendum, vt nulla in vllō mūdi angulo persona remāsura sit in sua perfidia, an verò plenitudinem, vocat eum solum numerum, quem Deus decreuit adducere, vt ait Orig. vel (quod verisimilius est) plenitudinem, cēset ferè omnem Gētilitatem (sic enim vsurpari etiam potest plenitudinis nomen) aliorum esto iudiciū. Haud enim dubiū est, quin dies illa, quā Antichristi persecutio anteibit, inuentura sit plerisq; in diuersis criminibus: hac quippe de causa ventura prænnunciatur, vt fur in nocte, & quod sit homines occupatura, vt ait Christus, sicuti in diebus Noë edentes & bibentes, & vxores ducentes. Si ergo aliorum scelerū genera illuc vsq; durabunt, coniectura fit, vt & infidelitatis quoq; impietas sit in aliquibus duratura. *1. Thess. 5. Luc. 17.*

Secundum Euangelium quidem inimici propter vos, secundum electionē autem, charissimi propter Patres. Sine pœnitentia enim sunt dona & vocatio Dei.

Corellariū est hoc proximæ conclusioni appensum. Id quod Aug. in de prædes. sanct. diligenter ait esse intelligendum. Intelligit hoc autem ipse veluti expositionem esse superiorum appendicem: nempe quod Iudæi inimici facti sunt nostri secundum Euangelium, quia scilicet eorum delictum occidentium Christi Euangelio profuit. (Propter vos.) Quod est, propter vestrum commodū, illo iam hætenus exposito modo. Quod autē additur, Secundū electionē charissimi propter Patres, referēdum est, inquit, ad electos; Nēpe vt de quibus paulò ante dixerat, quod quærebat Israel, hoc non est consecutus, eosdem hic appellet inimicos. De quibus verò subiunxerat. Electio autem consequuta est, eosdem nuncupet amicos propter Patres. Neq; verò est, cur hîc à quibusdam etiam catholicis, flagelletur Aug. quod docuerit reprobationem Iudæorum meditatō fuisse factam à Deo ante eorum præuisa peccata, vt illis Gentes anteferebat. Hanc enim sibi maculam Aug. ibidem diluit, vbi subdit, Est ergo

in malorum potestate peccare: vt autem peccando, hoc, vel hoc, illa malitia faciant, non est in eorum potestate, sed Dei diuidentis tenebras. Vbi malitiæ bonū vsum tribuit Deo, causam verò, nō item, sed iniquis. At quāuis hoc Augustinianū glossamen Amb. & theologorum pleriq; amplectantur, forsan alius est apostolicus sensus, quem Orige. & Hieronymiana scholia inspiciunt: nempe vt sit hæc præoccupatio & ad Gentes responsio, quæ sic possent disputare cum Paulo, Vt cunq; Iudæi excæcati fuerint, tamen cū apertè Euāgelium oppugnent, nosque interdicere contentur ingressu ipsius, commineretur quidem, vt Christiani homines cum illis vicissim inimicitias geramus: atq; adeò tu ipse cum primis Paule, qui es Christianorū informator. Colligit ergo ex dictis Pauli huiusmodi responsum, aduersus Gentes. Quāuis inimici nostri sint secundum Euāgelium, hoc est, in causa & receptione Euāgelij, cui suas obmoliūtur machinas, & inimici quidem propter vos, eò quod occludere vobis contendunt salutis viam: qua de re & repugnare nos illis obnitiq; tenemur: sunt nihilo secius diligēdi secundum electionem, propter Patres. Secundum quem sensum nulla cogit necessitas, vt inimici & charissimi ad diuersos (vt vult Augustin. referatur: nam iidem diuersa ratione, & insectandi sunt veluti hostes, & diligendi merito Patrum: iniquos enim odio habemus propter iniquitatem: illis tamē optamus precamurq; salutem. Paul. ergo nihil distinguit de personis, sed in genere loquitur de illa prole & sobole Abraham: docens ita esse à nobis reprehēdendos, vt tamen procuremus eorum salutē propter Patres. Quam ob rem quod ait, secundum electionem, nō refertur ad illos qui venientem Christum acceperūt, sed vniuersaliter ad prædestinationē. Et quod ait, propter Patres, non tale designat meritū Patrū, quod dicitur de cōdigno, vt propter illud cōferenda sit filiis salutaris gratia, sicuti ob meritū Christi cōfertur nobis (blasphema enim est talis cogitatio) sed ait, ppter Patres, hoc est, propter promissiones factas Patribus. Eò enim miserabiliores sunt Iudæi reliquis totius orbis, q̃ beneficio, suis maioribus ac parētib; promisso, sint orbatī, eoq; sunt à nobis maiori ex charitate, tum orationib; adiuuādi, tum etiā instātius exorandi & adducēdi. (*Sine pœnitētia enim sunt dona & vocatio Dei.*) Interpretatio huius loci Ambrosiana, non vsque adeò amicē adhæret superiori

textui: nēpe, vt pœnitētia hīc accipiatur pro sacramento pœnitentiæ, quod ante baptismum nō est necessariū, & ideo in hoc sensu, sine pœnitētia fiat vocatio per donū baptismale. Est ergo sensus planus, vt Paulus hic respōdeat alteri argumentationi, quā potuissent Gētiles integrare. Videlicet, q̃ etsi Deus electionem pridem fecisset illorum Patrum, qui essent radix sancti germinis, tamen iam pœnitūdine ductus, totam illam profapiam abdicasset hæreditate. Respondet ergo, non esse tale ingenium diuinū, quinimo tum alia eius dona, tum maximē vocatio sine pœnitētia sunt, quoniā nunquā eum propositi sui pœnitet: ob idq; paratissimus est complere in filiis, quod promisit eorum Patribus: in filiis videlicet, qui non detrectauerint eius fidē. Vnde Græcē vnum est adiectiuū nomen, Impœnitibilia (vt sic loquamur) sunt dona Dei. Sed arguis, Nunquid nō multos in suam recipit gratiam, qua eosdem rursus expoliat, vt Iudam & similes: iuxta illud, Tollite talentum ab eo, & date ei qui habet decem talēta: ergo aliquando Deum pœnitet collati beneficij. Ob hoc argumentū distinctione nonnulli vtuntur: nempe quod propositi prædestinationis nunquā eum pœnitet: sed tamē quantum ad gratiam, qua quis secundū præsentem iustitiam donatur, nonnunquam eum subit pœnitudo. Profectò nulla est necessitas quæ in talem nos cogat distinctionem: nunq̃ enim eum pœnitet propositi sui in conferendis bonis, eò quod semper propositū est optimum: qua propter neq; deest ille vnquā nobis, sed nos & nobis ipsis, & gratiæ eius: iuxta illud. Contemplantur ne quis desit gratiæ Dei. Ob idq; propter mutationem nostram, & quia nos tædet amicitia, eamq; deponimus, priuat nos collatis beneficiis: vti illū seruū talento, quod suffodit in terram. Eodemq; intellectu dixit, Pœnitet me fecisse hominem: nempe quia homines eum deseruerant: ita absq; pœnitūdinis affectione animaduertit in illos, atq; animaduertet in filium pater, quem genuisse pœniteret.

Mat. 25.

Heb. 10.

Gen. 6.

Sicut enim aliquando & vos non credidistis Deo, nunc autem misericordiam cōsecuti estis propter incredulitatem illorum, ita & isti nunc non crediderunt in vestram misericordiam, vt & ipsi

miser-

miseriordiam cōsequantur. Conclufit enim Deus omnia in incredulitate, vt omnium mifereatur.

Adhibet tum demū cōclufionis poftremā cōfirmationem à fimili per eum locū, Ab eo quod minus videtur inefle ad id quod magis: vbi latè refplendet difpenfatio Dei ordi-
nantis in bonum mala. (*Sicut enim aliquando & vos non credidiftis Deo.*) Initiū inde ducit, vnde orbis in duos populos fciffus fuit: videlicet quādo Deus genus Abrahæ, cū quo de fide vēturi tractare cœpit, charactere circūcifionis infigniuit, quo efllet à reliquo orbe interno-
tus, cō q̃ Iudæi verum Deum adorarent, & colerent. Ab illo enim tunc tempore vſq; ad Chriſtum Gentes extra ſynagogam in incredulitate detinebantur. Non quod legem veterem tenerentur recipere, ſed quod plurimū idōlis ſeruiebant, neque vnum venerabantur Deum: iuxta illud, Eratis illo tempore ſine Chriſto in hoc mundo. Et tunc quidem Gentium incredulitas fidei Iudeorum ſeruiebat. Nam inde animos accipiebant, vt ingentiores Deo gratias referrent, qui eos ex toto orbe delegiſſet. Tameſi non nunquā expemlo earundem Gentium peruertebantur ad idōla. At in aduentu Chriſti res conuerſa fuit, vt Iudæi incredulitate excæcati aditum facerent Gentibus ad eandem fidem: & ſic per occaſionem viceuerſa incredulitas Iudæorū ſeruit nunc Gētibus. Attamē ſicuti non omnes olim Gentes perierunt in incredulitate: nam ſaluari per gratiam Dei poterant in legē naturæ, ita neque in aduentu Chriſti caligo infidelitatis Iudæis omnibus offuſa eſt. Colligit ergo rationem ab vno ad alterum extremum per diuerſa media, hoc modo, Sicut vos ab incredulitate ad fidem & miſericordiam veniſtis, propter incredulitatē, hoc eſt, incredulitate, ſeu, per incredulitatem Iudæorum, ita & iſti, ſcilicet Iudæi, nunc non crediderunt in veſtram miſericordiam, id eſt, in Euangelium, quod veſtra eſt miſericordia, non crediderunt, ſeu vt per occaſionem, incredulitas eorum cederet vobis in miſericordiam. Sed tamē ob hunc demum finem non crediderunt, vt ipſi conſequantur miſericordiam: nempe vt æmulatione veſtri (quemadmodum iam dictum eſt) miſericordiam etiā conſequantur, Eſt ergo ſedes argumenti hęc à minori ad maius. Si incredulitas ergo Iudæorum quæ de ſe pernicioſa eſt, ita per be-

neficiū facta eſt vobis commoda, puta medium vt euocaremini ab incredulitate, quæ vobis erat ceu natiua, ad fidem, multò erit maioris vigoris medium, veſtra fides, vt quæ lux de ſe eſt mundi, vt ab incredulitate ſua, quæ accidentaria illis fuit, reuocentur in ſuam, veluti natiuam, fidem. Appellamus natiuam incredulitatem Gentium, natiuam autem Iudæorum fidem, eo ſignificatu, quo Gentes appellauit Paul. natura oleaſtrum, Iudæos autem, naturales ramos. (*Concluſit enim Deus omnia in incredulitate, vt omnium mifereatur.*) Et hęc pariter reſponſio eſt ad tacitam interrogationem, quam obiicere poſſet admiratio humana: Quid enim opus erat Deo hac viciffitudine fidei & incredulitatis, vt alterna ope ſibi mutuò ſeruient duo populi ad conſummationem & plenitudinem credentium? Hęc enim dubietas facile quidē per hoc diſſolui poterat, quòd Deus non fuit cauſa incredulitatis neu Iudæis, neu Gentibus: ita enim hic adnotauit Orige. ſcilicet quòd non eis ipſe iniecerit incredulitatis propositum. Haſtenus ille. At verò propterea quòd Deus non permittit mala, niſi vt prouentus fiat bonorum locupletius, reſpondet Paul. nempe quòd permiſſio hęc diuina, conſeclufio fuit totius humani generis in incredulitate, vt omnium mifereretur, id eſt, vt patētiffimum eſſet atq; illuſtriſſimū, quòd per ſolam miſericordiam Dei exorta fuiſſet orbi ſalus. Etenim ſi totus Iudaicus populus de improuiſo lumen ſuſcepiſſet fidei, anſam perinde nāciſceretur dicendi, quòd meritò legiſ à ſe tandiu obſeruatae promeruiffet ſalutem, quæ illi erat, veluti hæreditarium ius. Igitur vt omnes in vniuerſum mortales exequarētur, permiſi ſunt in incredulitatem corrue-
re. Simili ratione & ſchemate ſupra cap. 3. totum reum conſtituit Apoſtolus humanum genus, vt omne os, inquit, obſtruatur, & ſubditus fiat omnis mundus Deo. Et ad Gala. Cōclufit ſcriptura omnia ſub peccato, vt promiſſio ex fide Ieſu Chriſti daretur credentibus. At præter hanc cauſam, aliam explicui-
mus in calce ſuperioris capituli: nempe quòd fuerunt permiſi Iudæi excæcati in poenam ſuæ priſtinæ idōlolatriæ.

Orige.

Alia bona
cauſa cæcitas
iſtius Iſrael.

Gala. 3.

O altitudo diuitiarum ſapiētiae & ſcientiæ Dei, quàm incomprehenſibilia ſunt iudicia eius, & inueſtigabiles viæ eius!

*Quinta pars
capituli.*

Concludit utiq; in hac quinta vltimāq; sectione huius capituli superiorem tractatum, prorumpens in admirationem. Quæ quidem conclusio pulcherrima est, eademq; appositissima, non modò huic postremæ sententiæ, verum & rei toti prædestinationis, quam in hac tertia parte huius epistolæ, à calce scilicet octavi capituli hucusq; pertractauit: quippe quæ res, in abyssu profundissimè, inaccessibiq; lucis ac sapientiæ Dei sit recondita. At verò huic proximè orationi propriissimè coaptatur, qua constituit cæcitatem Israel contigisse, vt plenitudo Gentium intraret, qua ingressa, saluum tunc demum factum iri omnem Israel. Vnde Orig. existimat: stupore hoc & pauore correptum fuisse Apostolum, quòd cum ditissimum agnouisset Deum in misericordia, inq; omnes qui inuocant ipsum propensissimum seruata vtriq; populo, quinimo singulis mortalium sua libertate, malitia Iudæorum, quæ perniciofa erat ipsis vtentibus, palmam cõferret Gentilibus. Sed profectò & inde quoq; poterat in eandem admirationem traduci, quòd vsq; adeò permittat Deus homines sua perfrui libertate: vt cum Gentibus & Iudæis idem prædicaretur Euāgelium, eisdemq; signis asseretur, Iudæi, qui Dei erant peculium, oculos occluderent: exteriverò mortales, nunquàm antea instructi, tantā obedientia susciperet lumen fidei. Imo verò inde etiam potuit eodem pauore affici, quòd cum potuisset Iudæos multiplicatis forsā auxiliis & appulsibus pertrahere, non illos prædestinauerit, statueritq; seruare, sicuti Gentes. Id quod in vniuersum de discrimine inter prædestinatos & reprobos cogitare quisq; potest. Atq; ideo dixerim non solū ad proximam clausulam, sed ad totam causam posse admirationem hanc referri. Qua quidem admiratione significare curauit Apostolus, ita se docuisse rem hanc, vt nemo tamen arbitraretur ad supremam causam, materiam resoluendo retulisse: cum sit admiratione potius contegenda, quàm nimio adeunda eloquio. (*Oratio.*) Hoc est, profunditas & impenetrabilis abyssus: sicuti & puteus dicitur altus, & altum mare. (*Diuitiarum sapientiæ & scientiæ Dei.*) In Græco bina est coniunctio, scilicet, diuitiarum & sapientiæ & scientiæ Dei, & ita legit Orig. atq; Theop. qui ait, diuitias bonitatē appellari, quæ à sapientiā, scientiāq; ratione distinguitur. Veluti Apof. supra cap. 2. An diuitias bonitatis eius, &c. Neq; verò nosster interpres vsq; adeò aperte auersatur hanc

*Causa admira-
tionis Pauli.*

lectionem, quin possit in eodē sensu audiri: nam solet Latinus sermo subticere coniunctionē, quæ virtute intelligitur: ac si diceret, immensitas bonitatis, sapientiæ & scientiæ, Tametsi forma substantiui, diuitiarum, aliū nobis exerit intellectum, nempe vt sapiētiæ, & scientiæ, sint genitiui recti, à, diuitiarum. Iuxta illud, In quo sunt omnes thesauri sapientiæ & scientiæ absconditi, eò vel maxime quòd, diuitias, nusquam sine suo profert genitiuo, Neq; verò lectio Græca hunc sensum respuit, quoniam geminata coniunctio non impedit, quin ambo genitiui regantur ab eodem nomine. Dicimus enim, Est mihi thesaurus & argenti, & auri. Suspexit autem ad sapientiam & scientiam Dei, per quam res inferiores gubernat & dispensat secundū suas secretissimas regulas. Quidam autem non aliter discernunt inter sapientiam & scientiā, quæ inter speciē & genus: nempe quibus scientia idem est, quod cognitio: sapientia verò, species illa scientiæ, per quam supremum fit de rebus iudicium, ordoque earum disponitur. At verò tunc non dixisset, Sapientiæ & scientiæ, sed viceversa: quoniam genus non addit super speciem, sed species cōtra supra genus. Et ideo forsā sapientia refertur ad cognitionem diuinorū. Est enim cognitio altissimarum causarum: scientia verò, ad cognitionem rerum creatarum, quas in sua essentia intuetur Deus. Atq; hanc forsā differentiam verbis proximè subiunctis iteratò subindicat. Neq; verò satis arbitratus dicere, sapientiam & scientiam, neq; diuitias sapientiæ & scientiæ, duabus superlationis vocibus rem auxit, ò altitudo diuitiarum, hoc est, consummatio & sine vllō termino infinita opulentia & thesaurus sapientiæ & scientiæ. Est enim Deus per se sapientia, atque adeò perennis fons luminum, vnde omnis promanat creata cognitio. Propter immensitatem ergo & infinitatē obiecti cogniti, quod est sua essentia, dixit, altitudo, sed propter affluentiam, qua in angelos & homines, reuelationes, tam scientiarū naturalium, q̃ supernaturalium mysteriorū effundit, adiecit, diuitiarū, vsus namq; diuitiarum est earum magnifica dispensatio. (*Quam incōprehensibilia sunt iudicia eius & inuestigabiles viæ eius.*) Explanatio est altitudinis. Possunt autem ambo hæc membra eodem referri, puta ad sapientiam, per quam iudicium initur, accipiturq; de rebus, vt vias, humano more appellauerit, rationes, quib⁹ cōsultatio vtrinq; agitur, vestiganturq; media, ad finem commo-

Col. 2.

Sapientia & scientia.

modiora, de quibus feratur iudiciū. Vel for-
 fan, iudicium, respondet verbo, sapientiae, cu-
 ius est de altissimis causis iudicare, viæ, verò
 nomini, scientiae, per quam res condidit, vt
 vias nuncupaueri, rationes rerū, quibus ex-
 tra se Deus exit operando. At verò res bifa-
 riam dicitur comprehendi. Vno modo quan-
 do cognoscitur quantum secundum naturā
 suam cognoscibilis est. Quocirca cū Deus
 infinitæ sit substantiæ & essentiae, infinito mo-
 do cognoscibilis est, atq; adeo à se solo com-
 prehensibilis. Et quia quicquid est in ipso sua
 est simplicissima essentia, quicquid habet est
 simpliciter comprehensibile, quod hīc de eius
 iudiciis affirmat Paul. Alio modo dicitur res
 comprehensibilis, eò quòd apprehenditur &
 tenetur: tenet nanq; prædam vertagus, licet
 non totam ambiat bestiolam, quo pacto bea-
 ti comprehendunt Deum, cōprehensione ni-
 mirum illa qua terminatur spes: iuxta illud,
 Sic currite vt comprehendatis. Sed illa com-
 prehensio nihil vetat, quominus Deus sit sim-
 pliciter incomprehensibilis, eiusq; pariter iu-
 dicia. Viæ autem dicuntur & verè sunt inue-
 stigabiles, hoc est, imperscrutabiles, siue ad
 rationes iudicij id referas, siue ad rationes ex-
 ternarum rerum, quæ à Deo prodeunt. Alij
 transferūt, in inuestigabiles, ad cauendā am-
 phibologiam: nam, inuestigabiles, si ab inue-
 stigo deriuetur, affirmatoria vox est: at satis
 dilucidatur ambiguitas per negationē præce-
 dentis vocis: qui enim dixit, incomprehensi-
 bilia, palām est eundem dixisse, inuestigabi-
 les, pro eo quod est, non vestigabiles. Dispo-
 sitissimè autē distribuit nomina, dum iudicia
 appellauit incomprehensibilia, rationes autē
 iudiciorum, inuestigabiles vias. Ex eo enim
 iudicia nequeunt comprehendendi, quòd ratio-
 nes indagandæ rei non sunt nobis perscruta-
 biles. Quibus utiq; vocibus exposuit, easdē ni-
 hilominus elucidare adhuc pergit luculētī.

Quis enim cognouit sensum
 domini? Aut quis cōsiliarius eius
 fuit? Aut quis prior dedit illi, &
 retribuetur ei?

Cōfirmat etenim, iudicia Dei incōprehen-
 sibilia esse, testimonio Esaie, cuius litera secū-
 dum nostram trāssationem sic habet in cap.
 40. Quis adiuuit spiritum domini? Aut quis
 cōsiliarius eius fuit? Septuaginta verò habēt,
 Quis cognouit sensum. Etenim qui consiliū

ab alio petit, cuius prudētia adiuuētur, men-
 tem suam ei reteggit & patefacit: quapropter
 idē est, ab alio tuū iuuari spiritum, quod, tuū
 ab eo cognosci sensum. Ob idq; secundū mē-
 brum optimè potest accipi tanq; expositoria
 descriptio prioris. Vt idē sit. Quis nouit sen-
 sum Domini. Et, Quis consiliarius eius fuit.
 Sed tamen quia alia etiam via quis potest co-
 gnoscere alienum sensum, licet non sit adhibi-
 tus in consilium, propter acumē suū & soler-
 tiam ingenij: veluti duo etiam distincta intel-
 ligi cōmodius possunt, quæ simul ambo peri-
 tius enucleāt incomprehensibilitatē iudicio-
 rum Dei. Quasi dicat. Quis vnq; non dicam
 cōprehendit, verūm (quod minus est) nouit
 sensum domini, per propriam scilicet sapien-
 tiam ac diligētiam absq; diuinā reuelatione.
 Vnde Sapiens, Sensum tuum quis scire pote-
 rit, nisi tu dederis sapientiam, & miseris Spi-
 ritum sanctum tuum de altissimis? (Aut quis
 consiliarius eius fuit?) Hoc est, Quis potuit eum
 perinde consilio iuuare, ac si non sit ipse om-
 nisciens, atque ideo ob indigentiam alteri re-
 uelauerit diuinam suam mentem. Vnde Hie-
 re. Quis affuit in consilio domini. Quòd si

Sap. 9.

neutra ratione vllus nouit eius sensum, imo
 neq; nosse potuit (huiusmodi nanq; interro-
 gationes impossibilitatem præferunt) sit, vt
 incomprehensibilia sint eius iudicia, viæque
 ipsius inuestigabiles. Adiecit autem. (Aut quis
 prior dedit illi, & retribuetur ei?) Eadē ferè ver-
 ba sunt apud Iob, Quis antè dedit mihi, vt
 reddam ei, Nescio tamen an Iob citauerit hīc
 Paul. Conferunt tamē ad rem præsentem plu-
 rimū: nempe ad ostendendum, neminem
 vnquam à Deo affici iniuria. Verbi gratia,
 Quauis Israelitas in sua cæcitate iacere per-
 miserit, & Gētes illuminauerit, quia vbi nul-
 la extat ratio iustitiæ, nulla subesse potest
 iniuriæ nota, cū autē nullus prior dederit
 Deo, cui tanq; debitor teneatur iustum repen-
 dere, nemo aduersus illū agere potest de in-
 iustitia & iniquitate. Demonstratur præterea
 hac noua ratione altitudo diuitiarū Dei, in-
 exhaustusq; eius thesaurus: per hoc scilicet,
 quòd nostrorum bonorum nō indiget. Nam
 hac de causa à nemine prior ipse recipit, sed
 prius ipse in omnes effluit largissimè, quæ ei
 nos retribuam? Iuxta illud, Tua sunt omnia,

Hier. 23.

Iob. 41.

1. Para. vlt.

fat vnicuiq; citra iniuriā, quodcūq; vult. De cui⁹ idcirco rationib⁹ nihil nos aliud debem⁹ perscrutari, q̄ quod nobis ipse reuelauerit.

Quoniā ex ipso, & per ipsum, & in ipso sunt omnia, ipsi gloria in secula seculorum, Amen.

Elegantissima profectō est non solū cōprehensio totius clausulæ, verū peroratio totius causæ de fide & gratia Christi, deq̄e virtute Euangelij: de quibus à principio statum epistolę constituere proposuit, in illis propositam nobis esse nostrā salutē. Quam quidē causam hucusq; locupletissimē peregit. Hanc etenim veritatem sic concludit, vt postrema sententia sit, Deum esse optimum authorē, tam naturalium bonorū, q̄ supernaturalium, eūdemq; absq; vlla vel dependentia, vel indigētia cuiusuis alius generis causę, quę sit illi vel materia, vel exemplar, vel minister, vel adiutoriū, vel instrumētū. Quatuor enim causarū genera philosophis innotuerūt, putā finis, qui primū mouet agentem: & materia, quę recipit formā: & agens quę in materiam inducit formā: atq; adeo forma quę dat esse, speciēq; rei. Quorū vtiq; singula genera singulas habent peculiare prepositiones. Fit enim res propter finē, ex agente, per formā, & de materia. Igitur si mundi creationē spectem⁹, vbi nulla fuit materia, omnia sunt ex ipso efficiēte, & p ipsum, in genere causę formalis, & in ipso, hoc est, propter ipsum in genere causę finalis. Vnde qd' ait, ex ipso, initiū significat motus, quod quidē in causis secundis triplex est. Fit enim res ex agēte & de materia, & ex contrario: vt phiala ex aurifice, & de auro, & ex nō phiala, vti ait philosophus: putā ex informi auri massa, vel ex alio vase. Deus autē neq; ex materia creauit orbē, neq; verō ex contrario, sed ex nihilo, iuxta illud, Ex nihilo nati sum⁹. Vnde eius arguitur infinita, potentia: nā si formā ex aliqua materię potētia educere, virtutē magnā arguit in agēte, eandem formā de minori educere potentia, maioris erit virtutis indicium: atq; adeo fit, vt virtus, quę de nulla subiecta materia creauit orbem, sit infinita. (Et per ipsum.) Hoc in primis quod ait, per ipsum, & formam cōpositionis excludit, & accidens, & exemplar, quę res ab ipso Deo non distinguuntur: agit enim ignis per suam formam perq; calorē, & instar exemplaris à natura propositi. Sicuti pictor de exemplari exprimit imaginē: Deus

Quatuor
causarū ge-
nera.

Sap. 2.
Infinita po-
tentia Dei.

autem per suam simplicissimam essentiam, quę virtus est infinita, atq; etiam exemplar in qua rationes lucent, ac ideę rerum vniuersarum. Sed excludit etiam alienam auctoritatem & cōsortium, ac genus deniq; iuuenis & instrumenti. Agit enim artifex per instrumētum & prator per regem: hoc est, per eius auctoritatem, & rex per consiliarios & per prætorem tanquam per ministros: Deus autē nullo vsus est instrumento in prima rerum conditione. Neq; ministro: saltem dum angelos primam, rudemq; materiam creauit: nā ipsis fuisse vsum ministris in rerū post dispositione nihil phibet. Neq; verō auscultauit superiorem potestatem, vt quę nulla esse poterat: iam verō res cōditas per alios gubernat, non quibus ipse indigeat, sed quibus infundit virtutem: iuxta illud. Per me reges regnant. (Et in ipso.) Præpositio, in, non designat hīc materiam, sed repetere potest habitudinem causę efficientis: vt pote in cuius potestate, dispositione, & ditione, & arbitrio cūcta sunt posita: & vt est in psalmo, In cuius manu sunt omnes fines terrę. Et, In quo vi-

Prov. 8.

Psalm 94.
Act. 17.

Apoc. 1.

Malach. 1.

Phil. p. 2.
su

1. Cor. 4.

su omne genu flectatur. Debeturque eidem Deo præterea gloria, quæ est clara cum laude notitia, atque inde maxima, quod à nullo quicquam accepit, vel consilij, vel potestatis, vel virtutis, vel sapientiæ: debetur enim propriè gloria illi, qui de se habet quicquid habet. Vnde per contrarium ait Paul. Si accepisti, quid gloriaris, quasi nō acceperis. Qua ratione de virtutibus, quæ in nobis sunt, Deo debetur honor & gloria: nobis autem id honoris atq; gloriæ, quod secundum suam mensuram & beneplacitū donaturus est ipse nobis in regno suo. (*In secula seculorum.*) Seculum pro curriculo vsurpari solet centum annorū, quo plurimū tempore durare potest longissima vita hominis. Accipitur nihilominus & pro toto tempore huius mortalis vitæ: ita enim distinguimus inter hoc seculū, & futurū: eternitas verò non dicitur propriè seculū, si ad etimologiam spectes: quia neque sequitur, hoc est, neq; succedit, neq; reuoluitur, sed est perpetua, vnaq; & inuariata duratio. Dicitur autem, seculum seculorum, id est, duratio eminente virtute continēs omnia secula. Sed tamen, quod comprehendantur felices illæ beatorum vitæ, gradu suo & ordinis pulchritudine dispositæ, dicitur pluratiuè, secula seculorum. (*Amen.*) Vtrunque significat hoc

Mat. 6.
Psal. 105.

Hebraicum nomē, scilicet, & ita est, vt, Amen dico vobis, & ita fiat: vt, Dicit omnis populus: Amen, amen, hoc est, fiat, fiat, Et utroque etiam modo aptè hic vsurpari potest. Nam & ita est, quod Deo est honor & gloria perpetua: & idem solemus nos illi precari, vt sit nomen domini benedictum in secula. Sicuti & vbi ait Paul. ipsi honor & gloria, subintelligi potest & verbum, est, & verbum, detur, seu, habeatur.

CAP. V. T. XII.



Oscro itaque vos fratres per misericordiam Dei, vt exhibeatis corpora vestra hostiam viuētem, sanctam, Deo placentē, rationabile obsequium vestrum.

Expedit ergo optimè Paul. hucusq; tractatū fidei, quod hic negociū potissimè suscepit: hunc etenim tribus mēbris dissecuit, dū in quatuor primis capitulis de fidei neces-

sitate, atq; in quatuor subsequētib; de eius facultate & potestate, in trib; autē iam proximis de eius origine luculētissimè dixit. In hoc ergo iam quarto mēbro, per quinq; capitula protenso, de eius vsu sanctissima energia sermonē profectur. Nēpe quos iusti iam gratis constituti debeamus animos accipere, ne huiusmodi ineffabilis gratia vacua in nobis, frustranea; sit, sed omnē ei percolēdæ naueamus operā. Enimvero in capite hoc duodecimo constituit, quēadmodū vir iustus debeat se erga Deum gerere: debeat inquā morū sanctitatem in ordine ad Deum componere, quantamq; illi seruare fidem, ad perfectionē totis neruis connitendo. In tertiodecimo verò qualem se exhibere debeat inferior superioribus, scilicet per obediētiā. Et in quatuordecimo qualem se vice versa præstare superior teneatur infirmis ac pusillis in fide, cauendo ne illis scandalum offerat: sed in quintodecimo, quemadmodum iidem superiores debeant pusillorum infirmitates ac molestias æquanimiter sustinere. Nam caput sextumdecimū salutationibus expenditur. Quæ verò alia specialiter intermiscuerit, suis videbuntur locis. Quocirca membrum hoc postremum, non tam in disputationibus ad erudiendum intellectum versatur (vt præcedentia) quā in doctrina instructioneq; morali ad afficiendos permouendosq; animos. At verò capitulū præfens in quatuor possumus distinguere membra. In primo nanque præmittit in genere, vt debeāt iusti obsequia sua exhibere Deo: In secundo verò illinc scilicet, Dico enim, descendit ad singularia obsequia, quæ præeminentes personæ debent Deo in vsu gratiarū, quæ dicuntur gratis datæ. Sed in tertio, quod incipit, Dilectio verò sine simulatione, agit de mutuo obsequio charitatis, quæ communis est omnibus amicis. Atq; in quarto deniq; vbi ait, Benedicite persequentibus vos, adhibet officia, quæ etiam inimicis debemus. Exorditur autem in genere ad obsequium exhortari, vt inde ad speciem descendat: estq; bipartitū exordiū, dum prius id quod corporis est, deinde id etiam quod animæ, admonet exhibendum. Atqui cōiunctio, itaq; non modò cum proximis verbis orationem copulat, sed & illationem quoq; designare videtur ex tota oratione, quam de gratia & misericordia Christi continenter habuit: quāuis ad postrema verba superioris capituli peculiarius arrideat. Etenim ne admiratio illa de incomprehensibilibus iudiciis

Distributio
quinque capitulorum.

Diuisio capituli.

Dei, alios suæ cecitati permittentis, alios vero ex suis tenebris euocantis, segniores redderet Romanos, ut qui inde colligerent, superuacanea esse charitatis officia, siquidem iam constitutum esset, firmumque Deo, quos esset feruaturus, quosque reiecturus, subdit. *Obsecro itaque vos fratres.*) Tam, obsecro, quam, fratres, verba sunt hominis non autoritate imperantis, sed fraterna se charitate submittentis, ut hac sua humilitate tum Romanorum beneuolentiā venaretur, tum adeo vehementius eos emolliret. Vnde ad Philemonem, Multam, inquit, fiduciam habens in Christo Iesu imperandi tibi quod ad rem pertinet propter charitatem magis obsecro. (*Per misericordiam Dei.*) In Græcis modò pluraliter extat, miserationes, sed nihil sententiæ incolumitati incommodat. Est autem obsecratio, per sacra testatio. Ob idque Paul. Romanos obsecrat, per eandem ipsam misericordiā Dei, per quā hactenus ostendit iustitiæ salutisque beneficiū eis fuisse collatum: ac si Deum ipsum (ut ait Chryso.) supplicem eorum oculis obtulisset: perinde atque si diues, qui postea quā fuerat in egenos beneficentissimus, supplicem se illis daret, perque beneficia illis ab se collata, officiū expostularet ab illis aliquod. Atqui cum hæc misericordia in conferendis beneficiis gratiæ à prædestinatione deriuetur (de qua supra, Cui vult miseretur, & quem vult inducat) admonet eos ne ea, quæ de prædestinatione dicta sunt, animos eis torpore remittant: nihil enim sancti in prædestinatione Dei est, quā quod coronabitur, qui legitime certauerit. Per eandem ergo vos misericordiam hortor, per quam absque vestra præcedenti iustitia iusti effecti estis, ut per eiusdem gratiæ culturam in officiis vos exerceatis iustitiæ, cuius fructus vobis ipsis sunt prouenturi. (*Ut exhibeatis corpora vestra.*) A corporibus ob id arbitrandum est inchoasse, ut eos haberet compositos, non satis esse, animo intus Deum colere spiritualiter, nisi & corpora etiam Deo litarent per operum sacrificia. Alij vertunt, ut præbeatis, Nam licet utranque versionem dictio Græca permittat, exhibetur, inquit, id quod promissum est, præbetur autem illud, quod ad usum subministratur: quod loco presenti congruentius censent. At verò vel nulla est differentia, vel maiorem aculeum habet, exhibere, tam hic, quam supra capitu. 6. Exhibete membra vestra arma iustitiæ: tum quod propterea debemus illa exhibere, quod illa promissimus

Obsecratio.

sacramento baptismatis, tum quod in hoc illa polliciti sumus, ut illa exponerem⁹ periculo in prælium aduersus Satan, cui bellum indiximus pro Christo (*Hostiam viuentem.*) Hostia, ab hostis, dicitur: erat enim *Hostia.* victima inter prophanas gentes, quæ in protectione ad bellum placandis diis pro victoria litabatur. In sacris autem antiquæ legis erat victima pacificorum & pro gratiarum actione, quæ in partes diuidebatur, & sanguine circa altare effuso comburebatur extra castra, vel foris extra templum. Ait ergo, hostiam viuentem. Primum quia viuia animalia offerebantur, quæ postea sacrificus mactabat. Sed præterea mysterium hic prodit Apostolus abolitæ legis: nempe quod hostiæ illæ, oblationes, sacrificia & holocausta occisorum animalium non sint iam necessaria: erat quippe status ille status peccati, ut capitu. 5. expositum est, quia nondum facta erat redemptio: regnante autem peccato, regnabat & mors. Ita enim ait Paul. quod regnabat peccatum in mortem. Et ideo victima illæ pro peccatis occidebantur in figuram occidendi Christi, qui morte sua mortem erat occisurus, hoc est, donaturus vitam, mortis nesciam. Quocirca, celebrata iam redemptione, quæ fuit figurarum veritas, cessauit hostiarum necessitas, quæ offerebantur viuæ in mortem. Et hoc est quod ait Paul. hostiam viuentem, hoc est, exhibete vosmet ipsos veluti sacrificia, non quæ sacerdos debeat mactare, sed vice versa vos ipsi mortificate viuentia membra vestra, ne concupiscentiis carnis viuāt: Mortificate scilicet per operum sacrificia, quæ summus sacerdos Christus moriens viuificauit, dum per proprium sanguinem vos iustificans, subministrauit vobis virtutem, qua viuia sint opera vestra, & in conspectu Dei grata. Sunt qui meditentur Paulum dixisse, viuentem, ad differentiam martyrij, ad quod hic non exhortabatur Romanos, sed ad communem legis culturam per charitatis officia. At profecto nullum videtur excludere Christianum opus, sed in vniuersum vult, ut exhibeamus corpora nostra hostiam viuentem fide, quæ per charitatem operatur: iuxta illud, Quod nunc viuio in carne, in fide viuio filij Dei. Siue per communia opera, quibus iustitia colitur: qualia sunt mandata, Vnum cole Deum, Charos venerare parentes, & similia, de quibus supra dixit, Exhibete membra vestra seruire iustitiæ. Siue per alia quæ sunt poenitiæ fructus,

Leu. 3. 7.

Gala. 2.

etus, vt per vigilias & ieiunia & reliquas
 1. Cor. 9. carnis macerationes: de quibus ait, Caltigo
 corpus meum, & in seruitutem redigo. Si-
 ue etiam per sacrificium martyrii, vbi ratio
 causam obtulerit. Vnde, Ego, inquit, iam
 2. Tim. 4. delibor, hoc est, immolor, & tempus meæ re-
 solutionis instat. Quomodo autem membra
 fiât viua hostia, habes apud Chrysostomum:
 nempe si oculus scortationi non seruiat, ne-
 q; rapinæ manus, neq; venter delitiis, neque
 cor iram foueat, neque turpia loquatur lin-
 gua. Et Origen. ad brutas illas hostias Leuit.
 spectans tunc, inquit, vnusquisq; vitulum im-
 molat, cum superbiam corporis vincit, tunc
 arietem iugulat, cum superat iracundiam, tū
 in holocaustum offert hircum, cum libidine
 vincit, tunc denique columbas aut turtures,
 cum vagos & lubricos cogitationum vola-
 tus refecat (*Sanctam.*) Secunda conditio victi-
 mæ erat, vt esset sancta, hoc est, integra, pura,
 Deo utiq; consecrata, incorrupta, incontami-
 nata & sine macula. Sæpissime nanq; in Le-
 uitico legitur. Masculus immaculatus & agn⁹
 anniculus sine macula. Et capit. 22. iubetur ne
 id quod cæcum fuerit, vel fractum, vel cica-
 tricem habens offeratur domino. Et alius vates,
 Mala. 1. Maledictus dolosus qui habet in grege
 suo masculum, & votum faciens immolat de-
 bile domino. Talem ergo se hostiam debet of-
 ferre iustus, vt scilicet per internam deuotio-
 nis sanctitatem & puritatem corporea mem-
 bra integra, pura & immaculata mancipet di-
 uinis obsequiis: iuxta illud, Sanctificamini
 & estote sancti, &c. (*Deo placentem.*) Condi-
 tio hæc veluti conclusio est superiorum: ho-
 stia enim viua & sancta non potest, non Deo
 placere, sed adiecta est ad significandum di-
 scretionē operis, quæ Deū maximè delectat.
 Est enim prudentia veluti sal, quo victima
 iubeatur condiri, Quo quidem sale condi-
 tum opus, dum igne charitatis adoletur, ob-
 seruatio quædam spiritualis est legis illius,
 1. Cor. 12. qua præceptum erat, vt oblata omnia ado-
 leret sacerdos super altare in holocaustum,
 & in odorem suauissimum domino. (*Ratio-
 nabile obsequium vestrum.*) Rationabile, hic in-
 terpretes, inter quos est diuus Thomas, in ea
 significatione audiunt, quæ est, vt obsequiū
 sit ad rationis trutinam exactum ac modera-
 tum. Sed tamen isti nimii censores tale in-
 terpretamentum ferre non possunt. Vnde
 Erasmus cō- tra S. Thom. coryphæus eorum Erasmus in illo indice, cui
 magnificum titulum fecit, nempe de locis ob-
 securis, in quibus manifestè lapsi sunt magni

nominis interpretes, hunc quoq; locum de-
 notauit. Vbi addit, dandam esse veniam Tho-
 mæ quòd, rationabile, tali significatu vsur-
 pauit, quippè qui ex inscitia linguæ Græcæ
 hoc dixit: cum tamen hic, inquit, non esset
 transferendum, rationabile obsequium, sed,
 rationalem cultum; hoc est, rationis partici-
 pem. Iubet enim hic Paul. inquit, immolan-
 dam Deo esse victimam, non brutam (vt o-
 lim) sed rationis participem, puta hominem
 ipsum. At verò quantum ad vocem, cultum,
 attinet, quæ græcè est, λατρεία, potest quidem
 & per, obsequium, verti: atq; hic ex eo con-
 gruentius, quòd agitur de externis seruitiis
 corporum: nam cultus ad animum propri⁹
 refertur. Quòd verò addit, de, rationabili, pro-
 fectò non erat vt inter obscura loca scripturæ
 hoc referret, in quo sunt lapsi interpretes ma-
 gni nominis. Haud enim res adeò erat abstru-
 sa, λόγιον, vtrunq; significare, scilicet & ratio-
 nale animal, quod est, rationis particeps, &
 rationale, quod est rationis mensura mode-
 ratum, quin potuisset S. Thom. atq; alii infe-
 rioris nominis illud nouisse, maximè quòd
 non fuit adeò negligens in indagandis Græ-
 cis. At S. Thom. secutus est Ambrosium, cui
 ius commētum sic habet, Vt autem obsequii
 nostri effectum habere possimus, seruata ius-
 titia, pudorem custodiamus: nihil enim pro-
 ficat pudor, nec rationabilis potest videri, ne-
 glecta iustitia. Et Augustinum haud græcè i-
 gnarum, qui lib. 10. de ciuita. Dei, & vbiq; simi-
 liter intelligit. Sunt & scholia sub titulo Hie-
 ronymi, quæ ipsi fatentur ab optimo autho-
 re fuisse conscripta, qui locum hunc sic inter-
 prestantur, Omne opus bonum, quodcunq;
 facit homo, tunc placet Deo si rationabiliter
 fiat. Sed ad fert pro se ille author Origenem
 Græcum cuius verba sunt, Qui cultus, quo-
 niam dudum in pecudum mutorum corpo-
 ribus consistebat, nunc in corpore rationalis
 hominis offeratur, & corpora magis vestra,
 quam pecudes fiant sacrificium Deo. Hæc au-
 tem verba nihil ad rem, quippè quibus nō ex-
 plicat Origen. particulam, rationabile obse-
 quium, sed illam priorem, vt exhibeatis cor-
 pora vestra, hoc est, non animalium corpora
 irrationalium, vt olim: inferius autem vbi sin-
 gulas exponit particulas, scilicet, sanctam, &
 Deo placentem, subdit. Hæc autem omnia ra-
 tionabilis cultus est Dei. Potest enim pro ta-
 li cultu reddi, vbi rationabile obsequium ap-
 pellat, illud, quod est ratione præscriptum.
 Et Theophyl. apertissimè glossat rationabi-

Rationabile
obsequium.

Ambro.

August.

le obsequium esse illud, quod ratione & iure optimo Deo impeditur, ut nostra, inquit, omnia & ratio moderetur & æquitas. Sed aiunt isti, Theophylactum recessisse à simplicitate sermonis apostolici. At non, ut credo, ob imperitiam linguæ Græcæ, quod obiciebāt Thomæ. Sed age prætermisissis doctoribus in verbis ipsis apostolicis perscrutemur, utrum nam sensum lubentius admittant. Profectò quavis membra ipsa corporea, hostia dicatur, inep̄tè tamen dici possunt rationalis cultus. Enimvero cult⁹ nō est id, quod Deo offertur, sed veneratio & reuerentia quæ actione ipsa fit Deo. Ob idq; licet membra per macerationē, vel aliud virtutis officium hostia fiant, non tamen dicere tam propriè possumus, quòd homo exhibet membra, ut rationalem cultum, quàm quòd exhibet rationale obsequium: vocamus nāq; oblatum munus, obsequium. Quin verò hoc quòd ait, rationale obsequium, expressior est descriptio illius, quod præcesserat, Deo placentem, haud enim sat est ad perfectionem operis, ut bonum sit ex obiecto nisi fuerit loci & temporis aliisq; suis numeris circumscriptum & absolutum: id quod paulò ante appellabamus, sal virtutis: iuxta illud, *1. Cor. 14.* Omnia honestè & secundum ordinem fiant in vobis. Etenim si prælatus tēpore, quo prædicare deberet aliis, se dederet exercitiis corporeis: vel quando necessarius esset infirmis procurandis, tunc contemplationi studio vè mancipatus surriperet se se, non exhiberet rationale obsequium. Adde quòd cum opus externum, medium sit ad alendam, augendāq; animi sanctitatem & charitatem, fit, ut sicuti sanitas non operatur sub pondere aut mensura, sed simpliciter: pharmaci verò & medicaminum reliquorum certa esse debet, limitata quolosis, quæ sit sanitati conducentior, ita quavis sanctitas interius nullo sit limite circumscribenda: nam Deus (ut ait Bernardus) deamandus est sine modo: tamen corporalia obsequia, prudentia sunt, & rationis discretione liberanda & moderanda: qua ratione commodiora sint conferriq; magis possint ad spirituales actiones perficiendas. Vnde qui inediis ac ciliis aliisq; id genus carnis afflictionib⁹ vires, vel exinaniret, vel extenuaret, quas commodius fructuosiusq; in aliis spiritualibus actionibus posset collocare, eius profectò obsequium non esset rationale. Vnde ad Thimothæum Paul. Exerce te ipsum ad pietatem: nam corporalis exercitatio ad modicum utilis est, pietas autem ad omnia. Ad

*1. Cor. 14.**Exemplum a
pharmacis.**Bernard.**1. Tim. 4.*

modicum, autem intelligas, habito respectu ad opera pietatis. Non ergo est cur isti nostri trilingues in Thomam & talem doctorum ordinem tam pròdeant crebrò censores, ad captandam auram & fauorem vulgi, quòd omnem rerum cognitionem in linguarum peritia & politie arbitrantur esse recondita.

*Contra gr̃
maticos.*

Et nolite cōformari huic seculo, sed reformamini in nouitate sensus vestri, ut probetis quæ sit voluntas Dei bona, & beneplacens, & perfecta.

Adiungit & in genere corporeis obsequiis reformationem animi, vnde virtus emanat ad opus. Cōstituit autem animi puritatem in sequestratione à figura huius seculi, & conformatione ad formam alterius futuri. Etenim ubi ait, huic seculo, alterum futurum subindicat. Igitur cum supra cap. 6. commortuos nos ostenderit Christo in baptismate, ut cum eodem resurgentes in nouitate vitæ ambulemus, infert inde modò documentum, ne conformemur huic seculo, cuius vita caduca est cum eiusdem seculi tempore, & mortalis, morte illa, quæ fuit peccati supplicium, à quo nos Christus eripuit: sed conformemur in nouitate sensus, immortalis vitæ. Vnde ad Cor. Sicut portavimus imaginem terreni, portemus & imaginem cœlestis. Et ad Ephe. deponere nos iubet secundum pristinam conuersationem veterem hominem qui corrumpitur, & renouari spiritu mentis nostræ, atq; induere nouum hominem, qui secundum Deum creatus est. (Et nolite conformari huic seculo, sed reformamini. etc.) Græcæ duo sunt hoc loco verba diuersæ compositionis, σχηµατίζεσθαι, & καταµορφόσθαι, quorum prius deducitur à σχῆµα, quod est, figura, & posterius à µορφή, quod est, forma. Potuisset ergo traducere interpretes, Et nolite cōfigurari huic seculo, sed reformamini, &c.

*1. Cor. 15.**Ephe. 4.*

Quod enim quidam transferunt, sed renouamini, forsan id faciunt, alludentes ad id quod sequitur, in nouitate, traduentes huc verbū, quod est ad Ephe. 4. ἀνανεώσαι, quod profectò diuersæ est figuræ & significationis. Hanc igitur speculatus Chrylost. discrepantiam figuræ, & formæ, ait commoneri nos hic, ne cōfiguremur figuræ huius seculi: figura enim significat id quod non est stabile & firmum, sed vile & inane. Vnde ad Corin. Præterit figura huius mundi. Sed reformemur per nouitatē sensus vera forma virtutis, Et ideo non dixit

*Chrys.**1. Cor. 7.*

dixit Paul. configuramini, sed, reformamini, forma enim solidum quid significat. Figuram itaq; si proieceris, confestim ad formā venies. Hæc Chrysost. Nos autem vbi aiebat supra Paul. prædestinatos nos à Deo conformes fieri imagini filii sui, hoc utiq; cōtemplabamur, quā debeamus studere ipsi in hoc seculo conformari, si cupimus conformes illi fieri in cœlo. Et ait forsan, reformamini, spectans ad primum statum hominis sub originali iustitia. Quasi dicat. Restituamini in illam formam. (*In nouitate sensus vestri*) Alii transferunt, mentis, attamen, vñs, græcè idem quoque significat, quod, sensus, putà, partem prudentiæ, per quam gustum & iudicium captamus de rebus. Et vocat, nouitatem sensus, spiritū, quem nobis ingenuit Christus, nouus Adam. Cōfiguramur igitur huic seculo, dū voluptatib⁹ vanitatibusque ipsius amore defigimur. Tunc etenim vicissim res ipsæ, veluti æneum sigillum, in cordibus nostris, quæ earum libidine, dulcedineque vt cera mollescunt, imprimuntur, in suam nos ipsarum vanitatem transformantes. Vnde illud verum est, Vbi est thesaurus tuus, ibi & cor tuum. Quò utique fit, vt quocunque nos ducunt, sequamur & quomodocunq; permutentur, & nos pariter demutemur, atq; hac demum ratione (vt aiebat Oseas) abominabiles efficitur, sicut ea, quæ diligimus. (*Vt probetis quæ sit voluntas Dei.*) Probare, non hoc loco simpliciter est tētare, sed delibando experiendoque approbare: Deus nanq; non tam nuda speculatione, quā conuersationis suauitate cognoscitur: iuxta illud Psalmi, Gustate & videte, quā suauis est dominus. Qua de re interpres prudenter transtulit, In nouitate sensus. Præfati enim sumus cap. 8. super illud, de prudentia, carnis & spiritu: quemadmodum prudentia qua de agendis iudicamus, non est nuda cognitio, sed illa quæ ex affectione appetitus ingignitur: quæ ideo consistere nequit, nisi cōnexionem omnium virtutum subnixā: qualiter enim vnusquisq; affect⁹ est, tale de rebus fert iudicium. Optimè ergo instituit nos Paul. vt reformemur in nouitate sensus, vt probemus quæ sit voluntas Dei. Nam qui vetustate carnis infecti sunt, non magis diuinam possunt approbare voluntatem, quā qui vitio laborant linguæ, dulcorem mellis. (*Bona & beneplacens & perfecta.*) In Græco nomen voluntatis, *θέλημα*, neutrum est: cuius itidem neutrius generis sunt & tria hæc nomina, Quæ idcirco orationem reddunt amphibolam.

Possunt enim omnia tria epitheta esse voluntatis Dei, quam lectionem secutus est verus interpres: sed tamen possunt, & substantiue accipi, vt seorsum per zeugma regantur à verbo, probetis, hoc est, vt probetis quæ sit voluntas Dei, quid bonum, quid placens (scilicet Deo) quid deniq; perfectum. Quo pacto legit hic Ambro. & Hierony. in scholiis, & lib. 1. de ciuitate Dei August. quos meritò sequi possumus. At verò Græci omnes patrocinantur lectioni nostræ. Quinimò interpres Origenis lectionem Augustini censet esse Latinam translationem, & hanc nostram ait haberi apud Græcos interpretes. Sed nunquid pōt voluntas Dei esse nō bona, vel sibi displicens, vel imperfecta? Nullo modo. Duplicem ergo interpretationem subscribit Theophyla. Primam quæ est Chrysost. vt voluntas Dei accipiatur pro eius lege, quæ à theologis dicitur voluntas signi: & subnotetur hic differentia inter vetus testamentum & nouum: lex enim illa, voluntas Dei erat, verum non principalis, sed ob illorum infirmitatem ad tempus concessa, quæ ideo non iustificabat: vt noua: atq; ideo nec perfecta erat, nec beneplacens, nec absolutè bona. Vel aliter secundum Basilium & Originem. Voluntas Dei, si accipiatur pro eius volitione & iussu, non potest non esse perfectissima: si autem pro permissione, vt quis eat secundum desideria cordis, non est bona. Quinimò & institutio Saulis in regem, ait Orig. fuit quidem voluntas Dei non tamen beneplacita neq; perfecta, quia iratus Deus, quòd se ipsum nollēt Iudæi habere regē, instituit illum, neq; in bonum eius, neq; in rem populi. Prior forsan expositio aptius coheret rei præsentī, vbi agit Paul. de inuocatione hominis per legē euangelicam: si tamē non simpliciter negemus, legem veterem fuisse bonam & sanctam, quod supra affirmauit Paul. sed hoc tantum dicam⁹ quòd non iustificabat. At verò neq; posterior interpretatio omnino videtur à proposito dissilire: qui enim vetustate peccati inueteratus est, id se penitenter quod permissione Dei agit, falsus arbitrat⁹ esse voluntatem Dei, qui verò spū Dei agit, qui (vt supra dictū est) docet nos qd petam⁹, nō ita hallucinatur.

Dico enim per gratiam quæ data est mihi, omnib⁹ qui sunt inter vos. Non plus sapere, quā oportet sapere. Sed sapere ad sobrietatē

&

Configuramur.

Mat. 6.

Oseas. 9.

Psal. 33.

Esai. 3.

& vnicuiq; sicut Deus diuisit mē-
suram fidei.

*Secūda pars
capituli.*

Sequitur secundum membrum huius ca-
pituli, in quo à generali exhortatione descē-
dit ad obsequia particularia, quæ in Ecclesia
maiores debent minoribus per gratiarum do-
na, quæ dicuntur gratis datæ. Præmittit autē
statim capitalem eandemq; saluberrimā præ-
ceptionem, donorum vsui maximè necessa-
riam. Virtus nanq; humilitatis ac modestiæ
cum cunctis in vniuersum, veluti omnium
virtutum parēs, necessaria est, tum præsertim
doctoribus, quos sciētia suapte natura inflat,
atque aliis magistratibus, aut quauis præemi-
nentia fungentibus in Ecclesia Dei. Vnde

Mat. 5. Christus inde orsus est leges ponere. Beati
pauperes spiritu. Sed contundit hic peculiari-
ter Iudæorum fastum, ac superbiam: qui (vt
dixit cap. 2.) duces cæcorum, insipientiumq;
eruditores se iactabant. (*Dico enim per gratiam
quæ data est mihi.*) Nullibi non effulget Pauli-
na modestia. Supra vbi non iubebat, sed ad-
monebat, Obsecro, inquit, nō per mea in vos
merita, sed per eam, qua in vos Deus vsus est,
misericordiā: hic verò vbi præceptoris perso-
nam suscipit, neque ait, præcipio, neq; iubeo,
sed, dico: tametsi non idem est hic, dico, quod,
loquor, sed idem modestè prolatum, quod, iu-
beo, vel exhortor, vel, edico, vt ait Theophyl.
Neq; ait, per meam auctoritatem, ne vllum si-
bi arrogaret honoris titulum, sed, per gratiam
quæ data est mihi, hoc est, quæ nullis meis me-
ritis, sed in vestram vtilitatem donata est mi-
hi. Gratiam enim hic non appellat, illam quæ
gratum facit, sed apostolicum munus. Et vide
quot hic de causis, quamquæ ad rem accom-
modatis, meminerit apostolicæ functionis
sub nomine gratiæ. Primū vt se humiliter
gereret. Secundò vt suam illis auctoritatem,
veluti à Deo receptam, commendaret. Et ter-
tiò, vt necessitatem hoc in præsentia iubendi
excusaret: poterant enim eum redarguere,
quòd qui de humilitate præceptum daret, i-
dem ipse insolentia præcipiendi superbiret.

Hac igitur moderatiōe se purgat, Qui de gra-
tiarum distributione, diuisioneq; functionū
dicere propero, hoc pro mea apostolatus gra-
tia necessariū duco vos habere præmonitos:
puta non plus sapere, &c. Vbi acutè nec sine
fructu adnotauit Orige. quantum interfit, dū
quid doces, aut præcipis, an id facias auctori-
tate & eloquentia humana, an verò functio-
ne diuina. Sunt enim eloquentes uiri & erudi-

ti, qui ingenti cum applausu cōcionantes au-
diuntur, tñ neminē auditorū sua eloquētia, vel
corde cōpungunt, vel afficiunt, vel ad religio-
nis culturam stimulant, eò quòd re vera non
spiritu Dei aguntur (*Omnibus qui sunt inter vos*)
In Græco singularis numeri est, *Omni* qui est
in vobis, sed nihil refert. Est autem paraphra-
sis potius. quàm versio, illa quorundam trans-
latio, *Omni* qui versatur inter vos, & quæ for-
san sententiam mutat. Nam versari etiam po-
terat inter Christianos alii, qui nō essent Chri-
stiani, quibus tamen Paul. nō loquitur, sed
illis præcise qui sunt in eorum numero, putā
Christianis. Atq; Orige. putat cum conuersis
ex Gētilitate habere hic Paulum sermonem, *Orige.*
nimirum quos superius admonuerat, vt non
essent sibi met ipsis sapientes. Sed est multò
verisimilius omnibus loqui collectim Chri-
stianis. Quinimò cum antè per apostrophē
ad Gentiles vertisset peculiariter orationem,
ideo hic dixit, *Omnibus* qui sunt inter vos,
videlicet, ne putarent singulariter illis, veluti
supra, iubere, sed omnes intelligerēt id quod
supra Gentes specialiter admonuerat, genera-
liter iam vniuersos exhortari, nā à principio
capitis, Obsecro itaq; vos, omnibus in com-
mune loquitur. Et quanuis sacerdotibus &
maioribus congruentior sit præceptio, edici-
tur lex tamen omnibus cuiuscunq; ætatis, se-
xus, sortis, & conditionis, vnicuiq; pro mune-
re sibi iniuncto: nempe vt tam senes, q̄ iuue-
nes, pro ratione ætatis: tam masculus, q̄ fœmi-
na, pro ratione sexus: tam magister, q̄ discipu-
lus, pro ratione dignitatis: tñ dominus, quàm
seruus, tam persona itaq; publica, quàm priua-
ta, pro sua quisq; conditione infra lineas gra-
tiæ sibi donatæ se contineat. (*Non plus sapere,
quàm oportet sapere.*) Præceptionem bipertitur
in prohibitionem & affirmatiuā præscriptio-
nem. Græcè vnicum est compositum verbum
ac si dicas, non super sapere, seu, supersentire,
vtrunq; enim significat, & (vt sæpè diximus)
ad vsum prudentiæ refertur, siue bonum, siue
malum, Interpretes verò, quia de opinione hic
potius intellectus, quàm de voluntatis sensus
vè affectione fit sermo, trāstulit, plus sapere,
q̄ oportet. Alii (vt more suo accersita elegan-
tia orationem incrustēt) paraphrasim potius
pēstant. quàm versionem, his verbis, Ne quis
arroganter de se sentiat, &c. Præterquā quòd
& sententiæ veritatem vitiant. Nam sicut quis
potest arroganter loqui, citra hoc quòd sa-
piat vltra, quàm oportet, nimirum dum ve-
ritatem cum supercilio docet: ita vice versa,
citra

citra arrogantiam, alio infectus humore, docere potest quæ non oportet. Id quod etiam hic vetat Apost. Plus ergo sapere est, vel sibi quempiam illam scientiam arrogare, quæ nõ est pro capto suo, vel pro munere sibi iniuncto: aut quomodocunq; aliter lineas transilire veritatis. Quod quidem vitium Origen. in omnium virtutum genere grassari autumat. Ut si quis sub specie iustitiæ erga vindictas nimius fiat, aut sub liberalitatis prætextu sua dilapidet bona. Hæc ille. At verò peculiariter hoc competit in hæreticos, qui secundum intellectum errant. Verbi gratia, Illi quorum

1. Tim. 4. Apostolus meminit, qui habentes cauteriatam conscientiam prohibebant nubere, & à cibis abstinere, quos Deus creauit, plus sapiebant, quàm oportet, tam de castitate, quàm de abstinentia, Sicuti econuerso, qui prædicaret, simplicem scortationem non esse peccatum, aut nulla ratione abstinendum à carnibus, eundem dicere quodam pacto possumus, minus de eisdem virtutibus sapere, quàm oportet. Etenim quanuis reuera in alterutrū quis erret extremū, minus sapit, quàm oportet (vterque enim minus sapiebat de Christo, scilicet, tam Arrius, qui eum faciebat, essentia alium à patre, quàm Sabellius, qui eandem eum personā reputabat) tamen quando quis efferendo dignitatem rei, limites veritatis transmittit, peculiariter dicitur plus de illa re sapere, quàm oportet: qui verò contrà minus, quàm pro rei dignitate sentit, modo quodam dicitur minus de ea sapere, quàm oportet. Tametsi mens hic Pauli non sit nisi coercere vnumquemq; intra suam pelliculam, & præscriptum sibi munus: ob idq; subdit. (*Sed sapere ad sobrietatem.*) Hæc enim est pars altera præceptionis affirmatiua. Quæ quidem non solum intelligenda est tanquā negatio extremi per excessum (tunc enim nihil aliud esset, quàm superioris repetitio) sed includit pariter condemnationem alterius contrarii extremi, qui est per defectum, vt sit affirmatoria exhortatio. Solent enim meticulosi homines ac vecordes prætextu humilitatis sordes pusillanimitatis suæ atq; ignauie obtegere: subducentes se negotiis publicis, ac maximè fidei, vbi sua opus esset doctrina & diligentia. Ob idq; ita compescenda nobis est, infrenandaq; superbia, vt tamen non sit deferendum officium, sed sapiendum ad sobrietatem, hoc est, ad eunda prouincia quæ nobis incumbit: ne abscondentes receptum talentum, poenas in die iudicii pendamus iacturæ factæ in vsura Dei. Alii

transferunt, ad modestiam, alii verò, ad temperantiam. Sed profectò optimè verbum Græcum translatus est, ad sobrietatem, quæ virtus, licet propriè circa luxus, vel victus vel vestitus exposita sit, transfertur tamen ad alia, quæ pondere & mensura moderata sunt: quam quidem modestiæ & temperantiæ virtutem Cicero frugalitatem appellat. (*Et vnicuique sicut Deus diuisit mensuram fidei.*) Græcè non est coniunctio, & sine qua lenius cohæret oratio. Alii autem transferunt, Sicut vnicuique Deus diuisit, vel, prout vnicuique. Quæ quidem ordinis facies concinnior apparet: attamen Græcè non est, nisi vt iacet apud nostrum interpretem. Qui sanè voluit eundem seruare contextum, vt oratio Latina restaret anceps, sicut est Græca. Nam si dicas, sicut vnicuiq; diuisit, necesse est, vt datius seruiat verbo, diuisit. Si autem, vnicuique, præcedat, potest & eidem subiici verbo: & nihilò minus præcedenti, dico, hoc est, Dico vnicuiq; sapere ad sobrietatem, sicut Deus illi diuisit. Mensuram fidei vocat, donorum modum, quæ Deus impertit ministris fidei ad eam euulgandam & confirmandam. Quinimò & ipsa fides, quæ (iuxta sententiam Apostoli) donum Dei est, datur quoq; ad mensuram. Cuius documentum est, quod discipuli petierunt à Christo, vt augeret eis fidem. Vbi autem ait Ioan. Non ad mensuram dat Deus spiritum, de capite nostro Christo peculiariter loquitur, in quo (vt est ad Coloss.) habitat diuinitatis plenitudo. Ecce mensura, qua metiri quisq; debet existimationem sui, donum scilicet, quo donatus est diuinitus, & munus, ad quod est assumptus. Cognoscet autem vnusquisq; an sit munus suū legitimum, si via & ordine & maiorum autoritate, iuxta euangelicam sententiam, fuerit super candelabrum erectus. Doctores verò magna opus habent prudentia atq; humilitate, sobrietateq; præcipua, aliorum iudicium de semetipsis explorantes, sua semper verètes, alienaq; omni procul liuore, sed discendi studio, perlustrantes. Hoc enim vitium quod hic proscribere curauit Aposto. atque ab Ecclesia Dei eliminare, est illud quod cū aliàs semper, tum maximè his temporibus hac errorum turbulenta tempestate eam obnubilauit: neque tamen cessat, susque, deq; iactare. Meam ego cū primis ignorantiam confiteor, sed tamen neque hoc denuò lamentari hic definam. Prodiere inquàm, qui sola instructi linguarum cognitione omnes theologiæ numeros profitentur: qui & vulgo per

Origen.

In hæreticos.

1. Tim. 4.

Plus minus
ve sapere.

Vitium pusillanimitatis.

Ephe. 2.

Luc. 17.

Ioon. 3.

Col. 2.

Mat. 5.

vitium superbie.

Cōtra tem-
perarios in sa-
cræ scriptu-
ram.

go perſuaſerunt, non alia opus eſſe eruditione ad intelligendos doctores & eloquia ſacra. Vnde uſu venit, ut quicumq; , non modò eorum qui latinè ſciunt, ſed opificum & plebei-
orum iudex eſſe contendat ſanctæ paginæ, neq; aliud credere & tenere velit, quàm quod planè intellexerit. Cum tamen myſteria ſcripturæ improbi-
ori opus habeant ſtudio longiori; tempore, antequàm medullitus eruatur. Quin multò profectò longiori, quàm vel iurium facultas, vel philoſophiæ, vel aliarum artium, in quibus tamen nemini fidem damus, antequàm in doctorum ſcholis impenſiſſimo ſtudio bonam ætatis partem expenderit.

Sicut enim in vno corpore multa membra habemus, omnia autem membra non eundem actum habent: ita multi vnū corpus ſumus in Chriſto, ſinguli autem alter alterius membra: habentes donationes ſecundum gratiam; quæ data eſt nobis, differentes.

Dilucidare pergit tum id quod iuſſerat, ne quis plus ſapiat quàm oportet, ſed vnusquisq; ad ſobrietatem, tum etiam diuerſam chariſmatum adminiſtrationem, quā in hac ſectione propoſuit patefacere. Vtrumq; autem demonſtrat ſolenni illo luculentifſimoq; exemplo membrorum vnus corporis: quod iterum ad Corin. atq; ad Ephe. denuò repetit. Si-
mililitudo in tribus. mililitudo autem conſiſtit in tribus, nempe in corporis vnitate, membrorum multitudine & varietate, officiorumq; & uſu diuerſitate. Etenim ſicut vnus corporis vna eſt viuificatrix anima, ita & Chriſtianiſ omnibus ſpiritualiter vnus eſt pro anima Deus: nempe qui ſicuti anima, corpus, ita viuificat animā. At tamen Chriſtus principium eſt huius ſpiritualis vitæ: iuxta illud, Primus Adam factus eſt in animam viuentem: nouiſſimus autem in ſpiritū viuificantē. Tamen ſi propterea quod eiufdem nobiſcum eſt naturæ appellat eum, non animam, ſed caput Eccleſiæ. Ipſum enim inquit, dedit caput ſuper omnem Eccleſiam, quæ eſt corpus eius. Vnde veluti in homine animalis virtus ex eodem viſtu ſpiritus generat, nutritq; diuerſos, diuerſis, ſcilicet, ſenſu organoſ attemperatos: putà alioſ, qui viſui ſeruiant: alioſ, qui auditui: ita & Chriſtus per ſuum viuificantem ſpiritum (de quo ſupra

cap. 8. Si quis ſpiritum Chriſti non habet, hic nō eſt eius) aliis ſuppeditat ſpiritum prophetiæ, aliis linguarum donum, aliis autem gratiam doctri-næ, aliis prudentiam ad gubernandum. Ut qui meditatione ſcripturæ ſanctæ, & quæ illi ancillantur ſciētiarum naturalium ſtudio incumbunt, ſint veluti oculi: vulgus autem, ut auditus, qui ſenſus eſt ad hauriendā diſciplinam. Et qui miſeris ſubleuandis mancipantur, ſint veluti manus & pedes: qui verò ſubſtantia abundant huius mundi, velut ſtomachus & inopū alimonia. Liquet ergo exemplum Pauli, (*Sicut in uno corpore multa membra habemus, ita multi, &c.*) Multi, hoc loco nō accipiuntur ut opponantur, paucis, ad ſignificandum numeroſam membrorum copiam (ne quis ſe illa meditatione fatiget, an ſit in Eccleſia magnus paruusvè Chriſtianorū numerus,) ſed accipitur ut opponitur, vni, ad ſignificandum pluralem numerum. (*In Chriſto.*) Hic non exprimitur exactiſſima ſimilitudo: haud enim Chriſtus eſt corpus ex pluribus compactum membris: ſicuti in vno corpore multa ſunt membra, ſed eſt caput noſtrum, & ſons vitæ, cuius nos ſumus reliquum corpus. (*Singuli autem alter alterius membra.*) Duo hic de membrorum natura veniunt animaduertenda. Primū quod ratio membrorum non conſiſtit ſim-
pliciter in hoc quod ſit pars (partes enim lapidis non ſunt membra) ſed in hoc quod ſingulare vnumquodq; habeat officium in corpore, ab alterius officio differens: ſicuti oculus, manus & pes. Ob idq; dixit, multa nos habere membra in vno corpore, quæ non omnia eundem actum habent. Secundum eſt, quod membrum non ſolū relationem habet ad corpus, ſed quatenus vnum alteri opitulatur, & omnia vicaria ſe opera mutuò iuuant, vnum dicitur alterius membrum. Videt namq; oculus pedi, quem oculus pes reciproco obſequio portat: manusq; & os ſeruiunt ſtomacho, qui omnia nutrit membra. Hanc veruntamen ſpecioſiſſimam membrorum varietatem in corpore myſtico pluribus de cauſis inſtitutam oportuit. Primum quod humana non fert imbecillitas & capacitatis anguſtia, ut vnus pluribus præpoleat dignitatibus ac muneribus, ob idq; condecens fuit, ut (ſicut in ciuili Republica) multitudine ſuppleretur, quod ſinguli præſtare non valent. Secundò propter pulchritudinem, quæ ordinum varietate coſtat. Sed cauſa omnium potiſſima fuit, ut charitatis nexus indiſſolubili-
or opera fieret in Deum: decuit enim maximè, alioſ aliorum

Duo ad aduer-
tenda membro-
rum genera.

1. Cor. 12.

Ephe. 4.

Similitudo
in tribus.

1. Cor. 15.

Ephe. 1.

opera indigere, vt propter mutuas necessitudines cresceret charitatis vinculum, palamq; adeo fieret, vnum esse omnium parētem, qui vniuersalem nostri curam gerit: siquidem tanta nos cōglutinavit amoris vicissitudine. Vnde hoc planum fit, quod sequitur. (*Habentes donationes, secundum gratiam, quæ data est nobis, differentes.*) Donationes, pro, donis, dixit, quæ græcè dicuntur charismata. Et, differentes, accusatiuus est, adiacens nomini, donationes. Etenim dona non solum secundum gratiam conferuntur, sed secundum eandem distribuuntur differenter, prout Deus vult. Haud equidem prorsum negauerim, quin Deus in distributione munerum ac functionum, quæ dicuntur gratiæ gratis datæ, respectum habeat nonnūquam ad ingenia & dotes naturales personarum, quæ sunt etiam dona & talenta Dei. Non quidem tanquam ad condigna merita: nam huiusmodi gratiæ dona non cadunt sub tali merito: sed tanquam author naturæ, qui vult bonis naturalibus vtī ad commodiorem executionem munerum, quæ ad publicam salutem instituit. Haud inquam diffitear, quin licet apostolos de media plebe accersuerit, quos dignos ipse faceret tantæ legationis, in Petro nihilominus, quem Ecclesiæ præfecit, inspexerit, tum alias qualitates, gubernatore dignas, tum fortè animi magnitudinem. Et in Paulo, quem Gentium conuersioni destinauit, & constantiam, & ad persuadendum vim, & indefessum animum ad superandum cuiusvis generis labores. Et quicquid sit de apostolis, dubitare non possumus, quin in eligendis iam nunc, assumendisq; Ecclesiæ ministris talis inter alios haberi debeat naturalium qualitatum respectus, etiam dum electioni Spiritus sanctus suo interest numine. At tamē quia, hoc non obstante respectu, omnia id genus charismata, quæ, Deo authore, dispensantur, gratis ab ipso tribuuntur, bene ait Paulus, secundum gratiam differentes. Quemadmodū ait alibi, Vnusquisque proprium donum habet ex Deo, vnus quidem sic, alius verò sic. Et in parabola euangelica vni dantur quinque; ta lenta, alii duo, alii verò vnum. Perspectum id demum nobis sit, quomodo vtrūq; membrū superioris sententiæ sit in hoc exemplo manifestum. Etenim quemadmodum nullum membrorum officium alterius sibi usurpat, sed suū quodlibet propriū seruat: ita neq; nos oportet sapere supra quàm oportet, arrogantes nobis superiorum scientiam, seu aliorum facultatem. Imò (quod ait ad Corin. Paul.) non po-

test dicere oculus manui, Opera tua non indigeo, id de se quisq; humiliter sentiat, vt scilicet qui vel doctrina, vel consilio eguerint, ab aliis petant, qui suppeditare valent. Sed rursus, vt membrum nunquam officio suo deest: vel publico, ad seruitium corporis: vel particulari, in obsequium alius membri: ita & nos sapiamus ad sobrietatem, alter alterius onera portantes: & vnusquisq;, veluti ait Petrus, sicut accepit gratiam in alterutrum, illam administrantes. Nempe vt manus & pedes stomacho seruiant, à quo vicissim alatur, & cæcus claudum baiulet, qui mutuo beneficio eum rectè ducat. 1. Pet. 4.

Siue prophetiam secundum rationem fidei, siue mysterium ministrando, siue qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate,

Explicare prosequitur particulares gratiarum functiones, quas sub illa confusione incluserat, Habentes donationes differentes, vt singulatim dona suis vellet ornamentis. Pro latat autem explicationem vsq; ad finem capituli: quam triginta sex mēbris, ac præceptionibus speciosissimè articulat: quibus Christianum hominem instituit, armat, circumuallat, ac munit, vt ad omnia sit aduersa paratus, ad omniaq; promptus charitatis officia. Hæc ergo postremam particulam secundæ sectionis septem membris articulisq; perstringit. Neq; verò sunt absq; ordinis pulchritudine disposita & collocata: Præponit enim duo, quæ ad res diuinas pertinet, vt inde gradum faciat ad humana. (*Siue prophetiam.*) Prophetia idem est, 1. Reg. 9. quod visio, secundum illud, Qui propheta hodie dicitur, vocabatur olim videns. Procul, autem, vel ad tēpus refertur, vel ad rei maiestatem & celsitudinem. Vnde propheta dicitur, qui vel de futuris contingentibus vaticinatur, vel cui Deus sua per se reuelat arcana, quæ supra sensum hominis sunt. At verò qui futura prædicat, vsitati⁹ dicitur propheta, propter eorū cognitionē, quæ de se nō sūt cognoscibilia, quippe quæ non existunt. Nam cui reuelantur inuisibilia Dei, licet digniori perfundatur cognitionis luce, tñ quoniam per se ipsa maxime sunt cognoscibilia, non tam iuxta notionem nominis dicitur propheta, hoc est, procul vidēs.

Ob

Notandū de
nature doti-
bus.

1. Cor. 7.

Mat. 25.

Ob idquē antiqui vates futura mysteria Christi præcipientes primò occurrunt intellectu nostro sub prophetarū appellatione. De quibus Christus, Omnes, inquit, prophetæ & lex usque ad Ioannem prophetauerunt. Vnde

Ioan. 1.

Ephe. 4.

2. Pet. 1.

Iob. 2.

Apostolus

propheta

differtur.

Prophetia

ratio.

Nō est nunc

in Ecclesia

prophetia.

Ephe. 2.

1. Cor. 12.

Mar. vii.

Prophetia

litter accipi-

tur.

Apostolus ad Ephesios inter apostolos discernit, ac prophetas, ubi ait, Dedit quosdam apostolos quosdam autem prophetas. Licet apostoli vere sint prophetæ: iuxta verbum Petri, Habemus firmiorem propheticum sermonem. De quibus apostolis Iohel. Effundam de spiritu meo super omnem carnem, & prophetabunt filii vestri. Addit nihilò minus, apostolatus, super prophetiam, prouinciam promulgandæ fidei cum miraculorū virtute, atque adeò vniuersalem Ecclesiæ gubernationem. Prophetia ergo propriè in hoc consistit, quòd sit immediata Dei reuelatio, quam, scilicet, per se Deus facit. Nos etenim, quibus per Christi & apostolorum prædicationem detecta sunt arcana fidei, nō sumus prophetæ. Huius equidem idcirco hic meminerim, vt admonerem, munus hoc prophetandi iam non existere in Ecclesia, neque à defunctis apostolis extitisse: quia nulla est in Ecclesia potestas condendi sacram scripturam: sed hoc duntaxat est in capite & in tota legitime congregata stabilitum, vt in exponenda scriptura, puta in cōdendo symbolo, colligendoque illo ex sacra scriptura errare non possit, præside illi afflanteque Spiritu sancto. Hæc autem nō est immediata reuelatio, & ideo neque prophetica sed est vsus reuelationis factæ prophetis & apostolis. Vnde ad Ephesios. Paul. iam non estis, inquit, hospites & aduenæ, sed estis ciues sanctorum, superædificati super fundamentum apostolorum & prophetarum. Hoc enim prophetiæ donum tantum fuit necessarium in primordiis Ecclesiæ: sicuti & alia quædam gratiarum dona; quæ ad Cor. commemorantur puta, gratia sanitatum, operatio virtutum, & linguarum genera. Hæc, inquam, dum fides erat in cunabulis, operæ precium erant ad eius irroborationem: qua ratione pollicitus est Christus, vt eos qui crederent, hæc sequerentur, vt dæmonia eiicerent, languores curarēt, &c. Illa autem cessante necessitate, iam non sunt charismata hæc ordinaria in Ecclesia. Igitur si propriè hic loquitur Apostolus de prophetia, ad suum ipsius tempus referendū est: at verò maximam habet probabilitatem, vt non tam arctè vocem vsurpauerit. Accipitur ergo fortasse prophetia & pro scientia theologiæ, qua sacra pagina spiritu propheti

co tradita elucidatur, ac populo declarata perfertur: iuxta illud, Qui prophetat, omnibus loquitur ad ædificationem, exhortationem, & consolationem. Ad quam prophetiam adhibere, studiū, possibile nobis est (vt ait Origenes.) & in nostra potestate, Addiderim hic autem sanctos Ecclesiæ Patres, vt Augustinum, Hieronymum, Chrysostomum, & reliquos huius classis speciali numine fuisse afflatos, altiorique lumine suffusos, quā sit naturale, ad interpretandam sacram scripturā. Haud enim naturali acumine intellectus valuisse tanta dexteritate, ac certitudine vera sensa scripturæ enucleare. Tamen non eò usque fuerint illuminati, vt eorum dicta pro fidei decretis sint habenda (sicuti Augustinus ipse confitetur) quo gradu sanctiones habentur vniuersalis Ecclesiæ. Quin verò & ex scholasticis doctoribus nihil mirum si nonnulli, & eiusmodi subsidia & illuminationes susceperint: dico S. Thomam, Bonauenturam, & si qui sunt alii: adeò fuit tum difficile, tum necessariū, sacra eloquia, Patrumque sententias stylo scholastico digerere, in suaque principia resolvere, atque disponere, vt doctrina, siue quæ ad res diuinas & sacramenta, siue quæ ad humanos mores, quoquo pacto pertinet, paratior esset, & perspectior. Neque ideo nō sunt huiusmodi scholasticæ lucubrationes, æstimandæ, quòd nonnulli eas sophismatibus ac neniariis tritis indigne obnubilauerint, sed, illis amputatis, repurgandæ sunt. Hanc nobis meditatio nē obtulit prophetiæ ratio. (Secundum rationem fidei.) Græcè est, secundum analogiam fidei, quod interpretes Origenis cesserint transferendum fuisse, secundum cōpetentem mensuram fidei. Et Ambrosius legit, secundum operationem fidei. Quam quidē mensuram ita interpretatur Origenes, quòd prophetia datur vnicuique iuxta mensuram, quam habet fidei. Itaque quanta est in aliquo fides, tantundem illi conferatur prophetiæ. Vnde infertur quòd vnusquislibet multum valet ad augmentum suæ fidei operari, vt iuxta eandem mensuram donetur postea dono prophetiæ. Ex quo infertur, verbum illud ad Cor. Vnicuique datur manifestatio spiritus ad vtilitatem, intelligendum esse, ad vtilitatem illi cui datur: licet nonnunquam ipse abutatur dono Dei. At verò aliud est, quod hic videtur Paulus sentire: nempe quod prophetia & datur, & tractari debet secundum mensuram & rationem fidei, non quidem secundum quantitatem fidei, quam habet propheta, sed secundum generalem rationem fidei. Est namque prophetia, veritas quædam: regula autem verita-

1. Cor. 14.

Patres Ecclesiæ.

Doctores scholastici.

Origenes.

1. Cor. 12.

tis

tis petenda est ab obiecto: est enim veritas ad æquationem quædam cognitionis ad obiectum: nam ab eo quod res est vel nō est, propositio est vera vel falsa. Hanc ergo ob causam statuit Apost. mensuram & rationē veritatis prophetiæ, sumendam esse à ratione fidei, cui elucidandæ deferuit. Quocirca optimè traduxit interpres, secundum rationem fidei, nam, ratio, plus dicit & explicat, q̃ mensura, quæ tantum refertur ad quantitatem. Ratio quippè addit, & qualitatem, & modum. Vnde prophetia apostolorum lucidior fuit & explicatior, q̃ prophetia antiquorū prophetarum, secundum rationē fidei, quæ in noua lege apertior est. Neq; verò prophetia datur tam ad particularem vtilitatem recipientis, q̃ ad publicam Ecclesiæ: ob idq; nonnūq̃ homines vel aliās nequam, vel multò minoris sanctimonix altiori pollent dono theologiæ, q̃ alij sanctitate prouectiores. Regulā ergo hic præscribit Apost. ad quā examinanda, perpendendaq; est prophetia: nempe vt qui infra lineas fidei prophetauerint, veri habeantur prophete: qui verò illas violauerint, proscribantur vt pseudoprophetæ. At verò de cōstructione orationis nō omnino liquet: videtur enim textus verbo aliquo orbatus. Sunt ergo qui arbitrātur, in his omnibus subsequētibus articulis eclipses esse, propter neglectum Paulini sermonis, ita vt in singulis subaudiēda sint verba, hoc pacto: Siue quis prophetiam habet iuxta rationē fidei, in ea maneat: siue ministerium habet in ministrando, in eo maneat. &c. At profectō non sunt vsq; adeo vitiosæ eclipses, quin repetitione superiorum verborum facile reficiantur. Est enim hæc, explanatio (vti diximus) proximè præcedentium verborum, Habentes donationes. &c. Hæc autem verba, si ad proximam duntaxat sententiam referantur, hunc sensum faciunt, quod in corpore mystico singuli sumus alter alterius membra, habentes differentes donationes: siue prophetiam secundum rationem fidei, siue ministerium in ministrando. &c. vbi nullius opus est suppletionem verbi, cum subintelligatur participium, habentes. Sed tamen tunc præcisè explicatur quo modo sumus alter alterius membra. Si verò referantur eadem verba ad superiorem sententiam, sapere ad sobrietatem, cui famulari potius videtur stylus orationis, tunc aliter dispensanda est lectio, schemate scilicet præceptorio, quod maiorem habet energiam: vt sit hic sensus, Qui veluti alter alterius membra; differentes habemus donatio-

Regula prophetiæ.

nes, sapiamus ad sobrietatem: siue prophetiam (videlicet habens) secundum rationem fidei (scilicet sapiat) & ita in cæteris: sic videlicet vt in quolibet membro discernas inter donum nobis collatum, & modum, quod eo debemus fungi. (Siue ministerium in ministrando.) Hoc est, qui donum ministerij suscepit, intra eandem se functionem contineat. Hoc enim secundū est munus, quod ad res diuinas pertinet, nimirum administratio sacramentorū, aliorumq; ministeriorū: iuxta verbum Apostoli, Sic nos existimet homo, vt ministros Christi, & dispensatores ministeriorum eius. Ad has ergo duas potissimum curas assumptum se arbitretur vnusquisq; antistes, nempe ad interpretationem scripturæ sacræ, & ad administrandū. Vnde Christus, Qui maior, inquit, est inter vos, sit sicut minister vester: quia nec filius hominis venit ministrari, sed administrare. Et est legendū eodē supplemento, quo præcedens membrum: puta, siue ministeriū (scilicet susceperis) in ministrando (nimirum modestiam & sobrietatem serues) neq; te sublimius efferas, vt maiora tibi vsurpes. (Siue qui docet in doctrina.) Hæc quinq; subsequētia, non verba, sed participia sunt græcæ: quæ ideo in hanc relatiuorum faciem vertenda erant. Pertinent autem omnia ad humana munera & beneficia. Quorum duo priora ad intellectum pertinent, speculatiuum & practicum. Quapropter, doctrina, latius patet, q̃ prophetia, extenditur namq; & ad humanas scientias & facultates: per quod etiam munus frugis esse quis potest proximo suo. Admonet ergo, vt qui munus accepit docendi, illo penitus fungatur, intraq; illius limites coercitus, se exercent. Est namq; legendum sicuti superius membrum, Qui docet (hoc est, qui tali gratia donatus est) in doctrina, scilicet præstet officium membri. (Qui exhortatur in exhortando.) En munus alterum ad scientiam practicam spectans. Atqui græcè nomen est, in exhortatione, sed tantundem valet. Distinxit exhortationem à doctrina: nam duo sunt per se officia: licet in concionatore, qui minister est verbi, coniuncta sint. Suggillat hanc autem Apost. & condemnat plurimorum vitium, quod proles est superbix: nempe eorum, qui nunquam illo vitæ instituto contenti sunt, ad quod sunt aptissimè nati, & in quo posset maximè vel Ecclesiæ, vel Reipublicæ esse emolumento, sed satietate naufragantes, alias ambiunt rationes viuendi, in quibus vel multò minus, vel certè nihil, aut prodesse possunt,

1. Cor. 4.

Antistites curæ.

Matth. 20.

Qui nō sunt sua sorte contenti.

aut proficere. (*Qui tribuit in simplicitate.*) Hæc iam exteriora sunt beneficia. Neq; tibi videatur inepta coniunctio simplicitatis cum donatione: est namq; pulcherrima. Instituit nos enim his verbis Paul. ad beneficentiam, quæ ut est in Republica maximè necessaria, ac subinde Deo gratissima, ita esse debet simplicissima, & a liberalitatis virtute syncerissimè proficiscens, ut puta, quæ nihil commixtū habeat, non solum iniquitatis, verum neque respectus ad retributionem, sed sit, tum purissima, tum etiā castissima. Sunt etenim qui personatis donationibus circumveniunt fratres: utpote qui sub imagine magnificentiæ, eos qui in crimine fauere possunt, aut quomodolibet in rebus turpibus deferuire, seducunt & illectant, quod sanè abominabile est scelus. Sunt & alij, minus quidē iniqui, sed tamen virtutem liberalitatis corrumpentes, qui scilicet intuitu aucupandi beneficium maius, beneficos se mentiuntur. Cum tamen Christus redemptor noster, non solum vsuram in beneficijs collocandis vetuerit, verum & intentionē repetendi gratiam pro gratia, Cum facis enim, inquit, prandium aut coenam, noli vocare amicos tuos, neq; vicinos & diuites, ne fortē & ipsi te reinuient, & fiat tibi retributio: sed voca pauperes & debiles. &c. & beatus eris, quia non habent retribuere tibi: retribuetur enim tibi in resurrectione iustorū. Inter naturales quidem philosophos hac penitus ratione malè audiebant, qui non syncera liberalitate beneficia conferebant, sed fœnerabant potius, quod inde efficiebantur ingrati, qui recipiebant. Vnde Seneca, Demus beneficia, non fœneremus. Dignus est decipi, qui de recipiendo cogitauit, cum daret: Christianis autem longè speciosior excellentiorq; esse debet puritas in largiendo miseris: nempe ut neq; gratitudinem (quanuis virtus hæc sit in recipiente) expectemus ab illo: quippe cum Christus ipse constitutus sit pro ipsis fideiussor. Sed quid fideiussor dixerim? debitorem se perinde constituit, ac si ipse reciperet. Etenim quod vni, inquit, ex minimis meis fecistis, mihi fecistis. Et in die iudicii, Esuriui, & dedistis mihi manducare: Sitiui, & dedistis mihi bibere. Graue igitur vitium est ingratitudinis, sed grauissimum inter Christianos, non tribuere in simplicitate, cum quicquid in pauperes profundimus, Deo nostro erogamus, qui sanguinem pro nobis effudit suum. (*Qui præest in solitudine.*) Quauis spiritualis præidentis munia prima fron-

tè proposuit, scilicet prophetiam, & ministerium, tamen quia præidentia vox magistratus omnes, etiam seculares, complectitur, hæc inter beneficos meminit præidentium: quasi beneficiorum genus, quæ tribuuntur, in duas personarum species distinguens, scilicet publicas & priuatas. Tribuit enim solertiam suam, & curam subditis suis, quicumque præses. Sed vide cum aliæ sint virtutes aliq; præfecturæ munia, in vna solitudine posuit huiusmodi officium. Etenim qui in functione episcopatus, seu magistratus cuiuscunque solitudinem præstat, reliquos numeros dignitatis suæ facile explebit. Acerrimo igitur hoc spiculo vulnerantur præidentes, potissimum Ecclesiastici, qui vel gregi suo quauis de causa absunt, vel eius curæ indormiunt, vel, quod detestabilius est, quam Ecclesiæ debent solitudinem, eandem seculo manciparunt. Et cum seculares quoq; prohibiti sint verbis Christi soliti esse in crastinum, spiritualibus ipsi rebus præidentes, ea deuexantur mundana solitudine, ut per vanos honores, vanaq; huius seculi nomina suum sategant illustrare sanguinem, non Christi. Obedi-
Matth. 6.
Heb. 13.
Indicium in tempora nostra.
2. Corint. II.
 te, inquit Paulus, præpositis vestris, & subiaceatis eis. Ipsi enim peruigilant, quasi rationē reddituri pro animabus vestris. Quod quidē exhortamentum dum meditatiū mecum reputo, nō aliud video ius prælatos habere exigendi subditorum obedientiam, quā quod talem illorum habeant vigilantiam & solertiam, qualem habere debent, qui reddituri sunt rationem effusi cruoris Iesu Christi, in animarum precium. Quocirca iudicium Dei existimo, ac iustam ultionem & vindictam, quod postquā neglexere eiecereq; prorsus prælati solitudinem Ecclesiarum, fuerit plebes in eam abire rebellionem aduersus summas Ecclesiæ dignitates, qualem aliàs nunquam viderunt orthodoxorum oculi. Et, quod indolendum est maximè, nullus est in Ecclesia, vel dolor, vel sensus tam ingentis calamitatis. Pau. quidem, qui instantia quotidiana, solitudineq; omnium Ecclesiarum agebatur, Quis, inquit, infirmatur, & ego non infirmor? Quis scandalizatur, & ego non vror? Nos autem, quos nulla tangit solitudo, dicere tam impudenter possumus, quā verè. Plurimi perditissimis erroribus iugulantur, & nos non sentimus. Plurimi scandalis exuruntur, & nulla nos charitate calefcimus. (*Qui miseretur in hilaritate.*) Post misericordiam eorum propriam, qui præsunt, dicit in genere

Personata
domus.

Lac. 14.

Seneca.

Matth. 25.

Quò fit, vt ille quoq; , qui turpi adactus est voluptati, cuidam adhæreat bono: nempe secundum sensum, vel secundum fictam rationem.

Triplex bonum.

At verò in bonum legitimum, nō, nisi per virtutem ferimur. Quin verò, cum tria sint bonorum genera, scilicet, vtile, delectabile, & honestum. De hoc postremo loquitur hic Apost. Est enim bonum honestum, idem quod honorificum, vtpote cui proprie debetur honor, ceu genuino virtutis obiecto. Vtili autem bono haud vtiq; fas est adhærescere: quanuis illud obiter, & in transitu liceat, propter aliud concupiscere. Dicitur enim vtile, quod condecens est & commodum ad consecutionem finis, qui est bonum honestum. Qualia sunt hæc temporaria & lubrica bona. Ob idq; , veluti medicinis, ita sub certo pondere & mensura vtendum nobis est illis, quantum par est ad vitæ necessarium subsidium, per quam tendimus in bonum honestum. Delectabile autem bonum haud per se habet bonitatis rationem, sed ab alio bono eam trahit, ex quo innascitur.

Simile à medicinis.

Delectabile bonum.

Ethic. 10.

Soli Deo adhaerendum.

Quocirca (authore Aristotele) talis est delectatio, qualis res illa cuius possessione capitur. Est enim voluptas de re illicita, lætifera: de re autem utili, utilis: sed illa quæ à virtute expetitur, vera est & legitima: at illa denique optima, quam beatorum chori de diuina præsentia suscipiunt. In summa bonum cui adhærendum est, solus est Deus: siquidē nihil amandum verè est, nisi, vel ipse, vel tandem propter ipsum. Meritissimò ergo Paul. non dixit simpliciter, diligentes bonum, sicuti dixerat, odientes malum, sed, adhærentes bono, hoc est, confixi, & veluti adglutinati, & compacti in id quod honestum est: sicuti de se dixerat, Quis nos separabit à charitate Christi? Nempe vt quicquid in vita tractemus, ad illius normam exigamus. Est ergo saluificum hoc documentum apostolicum, vt sic semper inter bonum & malum vigilanter discernamus, vt neque odium mali amorem lædat boni, neq; amor, malum vllum permisceat cum bono, sed sit syncerus ac purus. Nimirum vt ita odio habeamus peccatum in proximo, vt tamen personæ bene precemur, opitemur, & subueniamus. Rursus, vt amicū eatenus diligamus, quatenus lex honestatis permittit. Videlicet ne amor eius & necessitudo in aliquod nos propellat facinus, quod sit contra diuinā voluntatem. Is enim legitimus est sensus illius, Qui non reliquerit patrem, aut matrem, aut uxorem, propter me, non est me dignus. Sensus, inquam, est, Qui aliqua carnis necessitu-

Salutiferum documentum.

Matth. 10.

dine inductus vt meam violet amicitiam, non omnia tunc potius fœdera, ac sanguinis conjunctionem, & vincula abruperit, nō est mea gratia dignus.

Charitate fraternitatis inuicem diligentes, honore inuicem præuenientes, sollicitudine non pigri, spiritu feruentes.

Tribus iam ergo mēbris de substantia charitatis præfixis ad alia descendit, quibus qualitates, conditiones, numeros & ornamenta eiusdem patefacit. Quorum hæc quatuor respectum habent ad proximos. Et primò proponit æqualitatē interni amoris, quo debent esse inter se Christiani. Etenim cum in Republica diuersæ sint necessitudines & amoris respectus, puta superiorum ad inferiores, & inferiorum ad superiores, præcipit nihilominus, vt tanquam fratres nos omnes æqualitate quadā amoris mutuo prosequamur. Non quod gradus, qui inter homines extant, velit permiscere & confundere, sed quod respectu Dei omnes sumus fratres. Nam si naturam spectes, omnes ab eodem opifice conditi sumus, eodem orbis domicilio cohabitantes, eodemq; aëre refocillamur, & alimur & vīctū, eandem vtiq; imaginem creatoris gestamus. Si verò gratiam suspicias, eodem nos Christus redemit sanguine, eodemq; idcirco Christiani omnes baptismò sumus regeniti sub gremio vnius matris Ecclesiæ, eodemq; pascimur, ac potamur sacramento corporis & sanguinis Christi. In summa vnus Deus omnibus, vna fides, vnum baptisma, atq; adeo vna colligati religione, quin etiam vnius corporis membra. (*Charitate fraternitatis inuicem diligentes.*) Nonnulli textus habent, charitatem, in accusatiuo. Sed tamen græcè non est, nisi, charitate. Et est impendiō quàm probabile, sic prorsus scripsisse Paulum. Id quod patet per subiunctam voculam, inuicē, haud enim inuicem diligimus charitatem, sed nos mutuo per charitatem. Et præterea, quia eandem præ se ferunt effigiem subsequētia membra, honore inuicem præuenientes. &c. Tametsi nonnulli superlationis gratia ad maiorem vehementiam dictum esse existimant, charitatem, per accusatiuum, eò quod non solum nos ipsos, sed & charitatem quoq; debeamus diligere. At profectò non videtur huc Paul. respexisse. Ambro. enim non legit, nisi, fraternitatis amore inuicem benigni, quò & omnes ferē

Ephe. 4.

Variatio lectionis.

Ambro.

ferè enarratores, tam Græci, quàm Latini propendunt. Quin & verbum adiectum græcè id demonstrat: haud enim est participium, diligentes, sed nomen φιλόστοργοι, quod est, ad mutuum amorem propensi. Imò verò quāuis ad omnem amicitiam & beneuolentiam se se hoc nomen expandat, eum tamen proprius significat eximium amorem, quo sunt parentes in filios. Itaq; vtroq; nomine curauit iubendum nobis maximè commendandumq; nostrum inter nos amorem, vt scilicet sit ea æqualitate, quæ est inter fratres, eo tamen ardoris affectu, qui est parentum ad filios. Hac enim de causa in Ecclesia nullo se alio nomine salutabant olim Christiani, quàm fratris. Qui mos iam nunc inter solos est monachos: reliqui autem dicuntur proximi: nempe quòd in vno parente nostro Deo debemus nos diligere, cuius nexu, plusquam propinqui sumus. Vnde illud Ioan. Si quis non diligit fratrem suum, quem videt, Deum quem non videt quomodo potest diligit? Et, Si quis habuerit substantiam huius mundi, & viderit fratrem suum necesse habere, & clauserit viscera sua ab eo, quomodo charitas Dei manet in illo? Attamen quantum ad culmen, caloremq; dilectionis imitari debemus caput nostrum, cuius præceptum est, vt diligamus inuicem, sicut ipse dilexit nos. *Honore inuicem præuenientes.*) Inter externa amoris officia meritò primo loco honorem collocat, primum q; hic virtutis est præmium: mox q; cum eum ipsum plurimi faciunt mortales, plurimum quoq; refert ad pandendas amicitiae fores, ad easdemq; cōtrahendas, instaurandas, retinendasq; & percolendas. Et præterea q; cum honor, quæ frater defert fratri, referatur in patrem, honor habitus proximo, Deo ipsi exhibetur. Nomen græcum, προσηγουµένος, ancipitem facit orationem, scilicet, honore inuicem præcellentes, & honore præuenientes, at nulla est suspitio, q; Pau. incitaret gloriosos Romanos ad ambiendam honoris excellentiā. Quocirca vniuersi citra discrimen enarratores subscribunt interpreti nostro, præuenientes. Sed vide non ait, honore inuicem reddentes, sed, honore præuenientes, vt paritatem fraternitatis exponat. In Republica quippe ciuili maiores non præueniunt honore subditos, sed ab illis eum expectant exiguntq;: at inter Christianos non sic, sed exemplo illius, qui pedes discipulorum primus lauit, quò quisq; superior est, eo debet officijs inferioribus anteire. Nam hoc est, inquit, præceptum meum, vt quemadmodum ego feci

vobis, & vos faciatis. At neq; iidem sunt, neq; verò pares honores, quos sibi inuicem debent Christiani, sed sub honoris nominatione omnia munera, beneficiaq; & obsequia audiamus oportet, quæ suo quisq; gradu & ordine alteri debet. Præueniat igitur filius patrè obsequio & reuerentia, & vbi necessitas incidet, re etiam & subsidio: pater verò, filium educatione, correctione, consilio, & necessario victu. Præueniat dominum subditus veneratione & obedientia: subditum autem dominus, munificentia & fauore. Profectò si Paulum attenta mente intonantem audieris, Honore inuicem præuenientes, audire tibi hominem videaris, omni nos cura sollicitantem, feruentiq; pectore instigantem ac perurgentem, ne vlla nos prætereat occasio, sed simus peruigiles ad conglutinandas aggregandasq; species omnes amicitiae, quibus fouetur Christiana familia. Ob idq; subdit (*Solitudinem non pigri.*) Etenim quoniam, præuenientes, idem est quod, impigrè, sollicitèq; percurrentes, subdit, solitudine non pigri, hoc est, nō desides, non somnolenti ac focordes, sed illa solertia & vigilantia culturæ charitatis instantes, vt mutuis officijs alter alterum præueniatis. (*Spiritu feruentes.*) Quemadmodum anima causa est corpori, tum membrorum compaginis, tum vt singula sua promptè munia expediāt, ita & in anima est spiritus ad compingendos Christianos charitatis glutino, excutientumq; omnem torporem ac teporem, vt presto sit quisq; subleuandis fratrū indigentijs. Et ideo postquam adhortatus est Romanos ad officia charitatis impigrè præstanda, subdit, spiritu feruentes. Et est allusio ad ebullientem aquam, cui internus calor requietem non permittit, sed eam motitat cōcitatisimè. Huius enim instar nos exercent affectiones nostræ: tum prauæ, vt ira & turpis amor: tum honestæ, & maximè illæ, quæ spiritu Dei suscitantur. Quamobrem (vt August. serm. de blasphem. author est) Spiritu sancto & igne baptizādos aiebat Ioan. Christianos. Et Christus, Ignem, inquit, veni mittere in mundū: & alibi, Refrigescet charitas multorum. Hucusq; August. Hoc ergo qui carent spiritu, veluti lethargo indormiunt, & turgescunt hydrophisi, paralyticiq; dissoluuntur. Confestim namque Christiani, diuino abeunte spiritu, gelati, somno capiuntur rerū huius seculi, indeq; superbiæ tumore inflati, dissociari à se inuicem pergunt. Nam vnusquisq; quæ sua sunt querentes, suaq; singuli defensores placita, Chri-

Honores
diuersi.

Commenda-
tio fraterni
amoris.

Christiano-
rū salutatio.

1. Ioan. 4.

1. Ioan. 3.

Ioan. 15.

Honoris cō-
mendatio.

Honore
præue.

Ioan. 13.

August.

Luc. 12.

Matt. 24.

Qui carer spi-
ritu sancto.

Philip. 2.

Inconfutiles Christi tunicæ.
Matth. 27. stiana fœdera rumpunt, vnitatemq; fidei, inconfutilem Iesu Christi tunicam, discindunt, peiores militibus illis, qui eatenus sunt illam venerati, vt potius quàm diuiderent, fortirentur de illa. Idem tamen imago præsentium temporū huiusmodi nobis offert meditationes.

Domino seruiētes, spe gaudentes, in tribulatione patientes, orationi instantes.

Domino seruientes.

Hæc iam quatuor præceptorum membra ordinem proximè habent ad Deum. Tametsi affinitas græcorum nominum, *ναῖρος, κούρος*, temporis, domino, amphibologiam creauerit, vtum dixerit Paul. temporis seruiētes, an, domino seruientes. Sed nota, vt isti neoterici quancunq; capient nouitatis anam. Quoniā vnus Ambro. legit, temporis, hæc illis magis arridet lectio, contra doctorum, tam Græcorum, quàm Latinorum vniuersitatem. At verò alij, seruire temporis, Ambrosium imitati, pro eo vsurpant, quod est, aptis locis & temporibus, pensataq; personarum qualitate, de fide & religione loqui, ac cætera præstare charitatis officia. Alij verò, tempus, pro occasione accipiunt, vt secundum antiquum philosophorum prouerbiū, nullam permittamus occasionem elabi ad bene agendum, sed omnem obseruamus opportunitatem, vbi possumus siue beneficia nostra, siue officia collocare. Attamen profectò nulla, vel q̄ tenuissima est, huius lectionis probabilitas, sed est constantissimum, Paulinam esse, Deo seruientes. Nam præterq̄ quod hæc lectio iam vniuersim extat, tam græcè, q̄ latinè, argumentū firmissimum est, semper sic extitisse apud Græcos, tum quod vniuersi eiusdem linguæ ita incunstanter legunt, tum quod & ipse idem Amb. qui latinè reperit, temporis seruientes, fatetur græcè existere, domino seruientes. Et vice versa cum Orig. legat, domino seruientes, vel ipse, vel eius interpres affirmat, id quod in nōnullis Latinorum exemplaribus ponitur, temporis seruientes, inconuenienter esset insertum. Et ad Marcellam Hieron. in eos profectò acriter inuehitur, qui tali vtuntur lectione. Et quod ait Ambr. huic loco nō competere, domino seruientes, eò quod cum singula obsequia & seruitia Dei sint hæcenus commemorata, non opus erat subiungere, veluti in summa, Deo seruientes, hoc, inquam, profectò (salua grauiissima eius autoritate vsq; adeo parum mouet, vt contraria ratio sit congruentissima. Nam cum hæc superiora opera & ser-

Hieron.

uitia diuersa intentione & proposito præstari ab homine possint, commodissima vtique fuit, & opportunè adiecta doctrina, vt sic simus solitudine non pigri, & spiritu feruentes, vt in diligendis honorandisq; fratribus arbitremur, nos non mundo, nec carni, sed vni Deo seruire. Nam quicquid (vt ait Chrys.) in fratrem feceris, in dominum tuum pertingit, & quasi ipse bene abs te affectus esset, ita tibi mercedem rependet. Hæc ille. Itaq; instituit nos Paul. quemadmodum in Deum omnis referenda sit virtus nostra. Nam aliter perpetuò durare nequit, vel solitudo charitatis, vel feruens spiritus. Sed quando nulla alia esset coniectura, legendum esse, domino seruientes, subsequens particula id facit manifestum. (*Spe gaudentes.*) Seruit enim quisq; domino suo spe mercedis: quæ quidem spes, licet ratione dilationis affligat: iuxta illud, Spes quæ differtur affligit animam, tamen ratione certitudinis gaudium parit: tum præsertim quando certitudo autoritate Dei innitur. Quam ob causam cap. 1. dixit, iustum ex fide viuere, & cap. 5. iustificatos ex fide gloriari in spe gloriæ filiorum Dei: neq; id solum, sed in tribulationibus: quoniam tribulatio patientiam operatur, &c. Eademq; rursus ratione, & in præsentia cum gaudio spei componit, & patientiam in tribulationibus: subdens. (*In tribulatione patientes.*) Etenim (vt illic adnotabamus) tametsi spes secundum philosophos, nō sit, nisi de futuris bonis, gaudium autem de præsentibus (sicuti tristitia de præsentibus malis) tanta est tamen firmitas spei nostræ, vt longè superet propellatq; tristitiam præsentium malorum. Vnde sancti, non solum sunt tribulationum patientes, verum etiam atrocissimis ipsis tribulationibus delectantur. Virtus enim non est hoc nomine digna, quoadusq; sit cum alacritate cōiuncta: nam quandiu cū mœstitia sit, nō potest esse in opere promptitudo: vnde illud, Hilarem datorem diligit Deus. At verò ne nobis inetipis gloriam vsurpemus victoriæ aduersus tentamenta, appositissimè subdit. (*Orationi instantes.*) Hoc est, ab eodem Deo nostro, cui seruimus, vires ipsas efflagitantes, quibus in obsequio sustentemur. Plurima enim nobis, eademq; præclara emolumenta confert orationis sedulitas. Primum siquidē nobis nos ipsos repræsentat, vt nostram ipsorum tenuitatem infirmitatemq; & indigentiam cognoscentes, abiectiones nos reputemus, atque adeo à nobis ipsis despecti submittamus nos supplices deo. Secundo per

Chrysost.

Prover. 13.

2. Corint. 9.

Orationis utilitas.

orationem

orationē Deum pluris estimamus, eundemq; religiosius suspicimus, vtpote à quo tum suppetias petimus, tum deniq; speramus prēmia. Et tertio eisdem precationibus, pro quanto à charitate proficiscuntur, eadem meremur, quæ petimus: ac deniq; quatenus eius gratia & fauore oramus, sanè qui ad orandum nos tantopere instigat, orationibus ipsis tribuit, ea quæ ad gratiæ cultum & incrementum cōferunt. Postremò per orationem ei cuncta nostra beneficia accepta referimus. Ob idq; nō ait solūm, orantes, sed, orationi instantes, hoc est, iugiter ac sedulò improbeq; orantes: iuxta verbum Christi, Oportet semper orare, & nunquam deficere. Haud enim solo Christi testimonio tam crebrò nos ad orandum instigantis, verū longissimo vsu & more cōpertum habuere semper viri sancti, frustra Christianos accingi ad colendam religionem sine assiduitate orationis: neq; vllum vnquam altius fuisse sanctimonia promotum, quàm fuerit in oratione perseuerans.

Necessitatibus sanctorum cōmunicantes, hospitalitatem sectantes.

Post generalia officia beneuolentiæ descendit ad illa quæ in quasdam singulares personas amicorum conferuntur, quales sunt & sancti & hospites. Ambro. pro ablatiuo, necessitatibus, legit, memorijs. Et ita vel Orige. vel eius interpretes ait, meminisse habere in exemplaribus Latinis. Et potuit similitudo vocum græcarum, *μνηταίς*, memorijs, *χρηταίς*, necessitatibus in causa fuisse, vt alterum pro altero trāscriberetur. Sed neq; sensus vsq; adeò differunt, quin sint magis affines, quàm voces. Ambro. enim duobus modis hoc interpretatur. Priori, vt illi dicantur sanctorum memorijs comunicantes, qui æmuli sunt vitæ sanctorum, quasi ipsorum semper memores. Posteriori, vt illi sint sanctorum memores, qui in sanctorū sumptus bona sua erogant: nam & isto maximè modo in memoria habemus sanctos. Quo quidē secundo sensu ad lectionē alludit nostrā, qua legimus, vsibus, seu, necessitatibus, quam ferè Patres in vniuersum sequuntur. Vnde Orig. & Chry. & Theophyl. verbum obseruant, comunicantes, nempe quòd non est Paul. contentus dicere, subuenientes, sed ait, cōmunicantes. Nam dum necessitatibus vsibusq; sanctorū succurrimus, quasi mercimonium exercemus. Etenim si stipem præbemus, spem remunerationis con-

cupimus, atq; adeò censunt cum illis habemus communem. Atqui quod ait, sanctorum, biferiam interpretari possumus. Vno scilicet modo, vt ordo hīc designetur charitatis: nam in eleemosynarum dispensatione sancti & iusti cæteris paribus præferendi sunt, tum quòd ratione suæ probitatis digniores sint, tum etiā quòd sint suis orationibus fructuosiores. Vnde Christus, Facite vobis amicos de mammona iniquitatis, vt cum defeceritis, accipiant vos in æterna tabernacula. Haud tamen cogitauit Paul. pauperes, qui extra gratiam Dei viuunt, iure expoliare petendi recipiendiq; eleemosynas. Illud nanq; Sapientis, Da iusto, & non recipias peccatorem, haud sic audiendum est, quòd peccatoribus non sit etiam largiendum, sed secundum interpretamentum Augustini, quòd nō est illis opitulandum in perniciem eorum, puta ad fouendum eorum peccata. Potest nihilò minus altera esse intelligentia huius Paulini verbi de sanctis peculiariter, qui erant Hierosolymis, vel alibi etiā forsan cultui diuino dicati: qui, cum nō essent tunc decimarum prouentus, alendi erant piorum eleemosynis. Nam de beneficentia in genere iam supra dixerat, Qui miseretur in hilaritate. Harum etenim eleemosynarum, quæ colligebantur pro sanctis, meminit infra cap: 15. Vbi ait, quòd Macedonia & Achaia probauerunt collationem aliquam facere in pauperes sanctos, qui sunt in Hierusalem. Et ad Gal. ait, sibi & Barnabæ negocium esse datū pauperum. Et ad Cor. De collectis autē quæ fiunt in sanctos, sicut ordinaui Ecclesijs Galatiæ, ita & vos facite. (*Hospitalitatem sectantes.*) Ne per omnia pietatis officia sermonem protraheret, vnius meminit hospitalitatis, quæ est omnium, tum amplissimum, tum ideo clarissimum. Enimuerò qui, hospitalis est, ad hoc pauperes sub tectum recipit, vt famelicum refocillet, nudum induat, infirmum recreet, & quauis alia re indigenti prospiciat. Hac enim de causa nō solūm apud sanctos patriarchas veteris testamenti, vt Abraham & Lóth, & reliquos tanto fuit semper in precio hospitalitas, verū & apud Gentes nullum fuit preclarius beneuolentiæ, vel inditiū, vel munus. Adeò vt Ioui ipsi hoc hospitalitatis epithetò fuerit inter alia celeberrimū. Qua de re in primordijs Ecclesiæ summa impendebatur opera varijs xenodochiorum generibus extruendis, aduenisq; & peregrinis consolandis. Etenim quòd nam esse potest, vel inter Christianos præsertim, cui dētius charitatis documen-

Luc. 18.

Ambro.

Luc. 16.

Ecc. 12.

Gal. 2.

1. Corint. 16.

Laus hospitalitatis.



Matth. 8.

Gen. 18.

Gen. 19.

Non sumpe-
regremini cli-
minandi.QVARTA
pars capituliTribus bene-
meremur de
aliquo.

Matth. 5.

tum, quàm illos qui non parentibus modò, sed patria orbatì, omniq; præsidiò destituti in alienis regionibus oberrant, illis visceribus tractare, quibus Deus ipse factus est pro nobis peregrinus in terra, neq; foueam cum vulpibus habens, neq; cum auibus nidum, neq; verò præter crucem locum alium, vbi moriens reclinaret caput? Hac ergo de re hic Paul. non satis arbitratus est dicere, hospitalitatem exercentes, sed ait, sectantes, nimirum quoniam neq; satis existimare deberet Christianus, aduentantibus ad se ostium pandere: at deberet, exemplo Abrahæ & Loth, in vias & campos prodire, vt obuios quosq;, pro facultate sua, domum adduceret, qua charitate aliquando mereretur angelos Dei hospitio suscipere. Traetauimus autem hunc locum locupletius in deliberatione nostra de pauperibus ad Principem Hispaniarum. Vbi pro tenuitate institutum illud taxare & proscribere conatus sum, nonnullis locis receptum, vt peregrini pauperes tempore necessitatis nò nisi in triduum recipiantur ac tolerantur. Enimuerò licet ordo charitatis hoc postulet, vt nostris citius, quàm alienis succurramus, & qui non potest, non teneatur alienigenis prouidere, tamen nò possunt pauperes iure, quod habent, naturali & euangelico, priuari, quocunq; discurrendi, & vbicunq; manendi, & cuicunq; exponendi miseriae suas & calamitates, nisi essent forsan, vel sine necessitate vagabundi, vel insidiatore, vel quomodo-cunq; aliter criminosi: id quod copiosius illic, vrgentiusq; perstrinximus.

Benedicite persequētibus vos, benedicite, & nolite maledicere.

Hic fecimus sectionem quartam huius capituli, ob id quòd digressio fit ad officia, quæ præstanda sunt inimicis: quæ sexdecim membris ab Apostolo distinguuntur. Cum enim tribus maximè demereri possimus inimicos, scilicet, beneuolentia, concordia, & beneficentia, duo hæc prima pertinent ad beneuolentiam, ac sex deinde proxima ad concordiam: sed octo postrema ab illo verbo, Nulli malum pro malo, spectant ad beneficentiam. Hic autē locus de fonte illius doctrinæ Christi promanat, Nisi abundauerit iustitia vestra plusquàm Scribarum & Phariseorum, non intrabitis in regnum cœlorum. At recentiores isti traductores, despicientes verbum, benedicere, aut vertunt, bene loquamini de his qui vos insectantur, aut, bene precemini

ijs. Sed profectò dum verborum nitorem affectant, veritatem sententiæ vitiant: nam bene loqui de aliquo, nò nisi ad laudes eius prædicandas attinet. Bene autem precari, idē est, quod, bona alijs optare vel postulare: at verò, benedicere, vtrumq; comprehendit. Quocirca, licet Chryso. & Orig. benedicere, exponant, pro hoc quod est, bene precari, textus tamen simpliciter & syncerè transcribendus est vt iacet græcè. Est enim græcè, *εὐλογεῖτε*, quod est, benedicite, &c. vt sua generalitate omnes ambiat modos benedicendi. Et certè multò minus conueniebat transferre, bene loquamini de his, &c. Nam vt ipse, qui sic transfert, in suis annotationibus, confitetur, nò iubet hic Paul. vt laudemus insectatores nostros: bene autem loqui de aliquo, nihil aliud est, q̃ ipsum laudare. Tria ergo nos in genere admonet Pau. verbo benedicendi, scilicet, vt corde & ore bona optemus & precemur inimicis nostris, puta respicientiā, & salutē aīæ. Deinde vt blandē & leniter eos admoneam⁹, dulciq; respōso eorū irā restinguamus, ac deniq; eorū, si quas habēt virtutes, laudibus cōmendemus. Hac enim ratione (vt ait Chry.) *Chryso.* multa acquirimus lucra. Primū enim multū erga Christū demonstramus amorē, dum eius causa nihili iniurias facimus: deinde fidē alterius vitæ profitemur, pro eo q̃ respectu illius pro nihilo ducimus humana bona: ac tertio inimicos ipsos euincere, ac nobis deuincire curamus. Sed perspice quanta sit in Paulo exaggerationis vehementia: nò enim cōtēntus fuit docere sic nos cū philosophis, Nolite iniuriarū meminisse, sed sit vobis earū obliuio. Neq; verò satis habuit dicere, benedicite maledicentibus, aut, bene precamini malè precantibus, sed exigit, vt si qui non solū dictis, verū factis nos extremisq; iniurijs insectantur, eis nos cōtrā, nò modò nullum referamus nocumentū, verū, benedicamus, hoc est, honorē, vti beneuoli deferamus. Hæc autē affirmatoria admonitio duobus modis est in præcepto, extra quos casus relinquitur sub consilio. Est enim præceptum, ne inimicos à dilectione & oratione generali excipiamus. Si enim, dum quis petit quotidianū panē, aut aduentū regni in oratione dominica, excluderet inimicos, delictum esset: multoq; grauius, si id faceret sacerdos in sacris: nam à dilectione proximorum nemo excipitur. Vnde in tempore necessitatis, qui secundus est casus, tenemur quoq; inimico succurrere: secundū illud, Si occurreris boui aut asino inimici tui erranti, reducas eū, Deum

Exod. 23.

Deum quidē imitātes, qui generali providen-
tia naturæ, solē suū oriri facit super bonos &
malos. In orationibus autē & subuentioni-
bus peculiaribus ac liberis, nō quidē est præ-
ceptū, sed tamē est consiliū, inimicorū quoq;
meminisse: exemplo Christi, qui pro inimicis
exorauit. Dum autē inimicus respicit, mise-
ricordiā petens cū satisfactione, præceptū est,
in amicitia eū recipere, ita nos enim Christus
orare patrē instituit, vt dimitteret nobis debi-
ta nostra, sicut & nos dimittimus debitorib⁹
nostris. Hæc autē inimicorū dilectio, sic expo-
sita, quanuis fuerit Christi verbis in Euange-
lio expressior, latebat tamē in iure naturæ, si-
cuti reliqua moralia præcepta. Quod enim
ait, dictū esse antiquis, Odio habebis inimicū
tuum, nō sic intelligendū est, vt illud esset in
lege, sed q̄ cum præcisē habeatur, Diliges ami-
cum tuum sicut teipsum, Pharisei interpreta-
bantur, odio habēdos inimicos. Vnde quod
subiungit, Ego autē dico vobis, diligite inimi-
cos vestros. Et, Orate pro persequētibus vos,
quod hīc Pau. ait, benedicite, reuelatio est præ-
ceptionis, quæ delitescbat in iure naturæ,
nondū satis philosophis cognito. (*Benedicite,
& nolite maledicere.*) Sicuti supra dixit, Odiētes
malum, adhærentes bono, ita & hīc non satis
duxit, cōmendare nobis benedictiā, sed de-
terret nos etiā à maledictia: nēpe vt benedi-
ctio & beneuolētia nostra sincera castaq; sit.
Sunt em̄ qui impuro sunt, dupliciq; animo,
qui videlicet, vel iuxta dictū Psal. ore loquun-
tur pacē cū proximo suo, mala autē in cordi-
bus eorū: vel nō secundū rationis normā, sed
prout sibi, vel cōducit, vel libet, nunc benedi-
cūt, statimq; maledicunt: iuxta illud, Ex ipso
ore p̄cedit benedictio & maledictio. Et sub-
dit, Nō oportet fratres mei hæc ita fieri. Nun-
quid fons de eodē foramine emanat dulcē &
amarā aquā. Contra hoc autē documentū vi-
dentur viri sancti sēpē maledixisse, tam homi-
nibus, q̄ insensatis rebus. Maledixit enim He-
lisenus in noīe domini pueris qui ei illudebāt,
quos ideo vr̄si lacerauerūt. Maledixit & Iob
dici natiuitatis suæ. Quinimò & Pau. ipsi sa-
cerdoti, Percutiet te Deus paries dealbate. Re-
spōsio autē est facillima, q̄ maledicere alteri,
optādo illi, precādōue malē, formaliter (quod
aiūt) hoc est, ea penitus intētiōne, quæ in ma-
lū illius fertur, nō licet: sed tamē optare alteri
malū, quod philosophi vocant, materialiter,
intētiōne boni, quando via & ordine fit, tunc
legitimū est & bonū. Siue id fiat enunciando
veritatē, quæ necessariō adiacet rei: veluti Iob

enunciauit malignitatem præsentis vitæ: siue
proferendo sententiā cōtra iniquos, vt, Male-
dictus, qui nō permanet in sermonibus legis
huius: siue eorū p̄cā in honorē Dei prophe-
tando, vt fecit Esa. siue corripiendo, vt fecit
Paul. Quanuis si sciuisset esse sacerdotem, ab-
stinuisset. Quinimò ad defensionē nostram
optare etiam possumus hostium exitiū, vt
quos & bello quoq; petere licet. Mala autem
culpæ & supplicia inferni nemini optare pos-
sumus. Esset enim hoc, optare, vt quis esset
inimicus Deo, quod charitati repugnat, qua
est à nobis diligendus. Haud tamen inde col-
ligas (vt quidā nimīū boni arbitrantur) neu-
tquam licere nobis inuasorē occidere, quem
credimus in peccato esse: nam aliās neq; Tur-
cas ius permetteret nobis debellare, neq; ob-
duratos hæreticos comburere.

Gaudere cum gaudentibus, fle-
re cum flentibus. Id ipsum inui-
cem sentientes.

Post monita beneuolentiæ subscribit tria
alia, quibus cōcordia cōstat, vigetq; inter fra-
tres, & quæ maxima sunt charitatis testimo-
nia. In græco infinitiuus est, gaudere, sed quia
solent Græci infinitiuo vt loco imperatiui,
transferūt nōnulli per imperatiuū, gaudete,
& alij per gerundiū, gaudendū. At simplicior
translatio est per infinitiuum, vt sicuti græcē,
ita & latinē suppleatur alterum verbum, scilicet,
gaudere oportet. Patescit enim manife-
stissimē membrorum colligantia in vno cor-
pore, quando affectione vnus afficiuntur &
reliqua omnia: vt de prosperitate amici vnā
cū illo gaudeamus, contristemurq; illi de
sua aduerlitate. In summa, hoc docet hīc Pau.
quod prædicabant philosophi, Amicus alter
ego. Nisi quòd sale Christianæ sapientiæ con-
dienda est hæc sententia. Haud enim letandū
nobis est, vbicunq; letatur proximus, neque
quocunq; mœrore cōmunicandū nobis est
cum illo, sed iuxta charitatis præscriptū, quæ
non congaudet super iniquitate, congaudet
autē veritati. Si enim orū quispiā, qui (iuxta
prouerbiū) letantur cū malē fecerint, exul-
tat de vana huius seculi prosperitate, per ini-
quitatē parta, aut de vindicta per iniuriā ob-
tenta, aut de quouis alio malorū genere, po-
tius nobis indolenda est eius miseria, q̄ illo
turpi gaudio aspergamur. At dū quis de ope-
re virtutis delectatur, vel de aliquo admissō
flagitio tristatur, tunc maximē, vt imaginem
præferant membrorum Christi, afficiendus
est sumi-

Luc. 23.

Mattb. 6.

Lec. 19.

Mattb. 5.

Psal. 27.

Iaco. 3.

4. reg. 2.

Iob. 3.

Act. 23.

Maledicere,
qua ratione
liceat.

De cōcordia

Sana intelli-
gentia.

1. Corinth. 13.

Prouerb. 2.

est similiter proximus quisq; Tametsi & de rebus quoq; tam prosperis, q̄ aduersis huius seculi gaudere nonnunq̄ modeste liceat, & modica tristitia tangi, quatenus bona sunt natura, vel mala: vt contristari de morte amici, congratulari q; de eius foelicitate. Nihil enim ita dilectionem conciliat (ait Chrys.) q̄ quod gaudiū & tristitiā inuicē inter nos cōmuniter habemus. Neq; Paul. subueniri semper calamitati proximi iubet, quia id sepe numero nō est possibile: sed si tollere non potes, produc lachrymas, & maiorem partem sustulisti. Et si prosperitatē illius augere nō vales, congaude, & multū augmenti attulisti. Hęc Chry. Quocirca hīc præcipuē locum habet documentū Pauli, vt alter alterius onera portemus: qui enim flet cū flentibus, dum partē oneris suscipit, mœstitiā eleuat amici. Sed hoc præterea cum eodē S. Chry. obseruandū est nobis, longē nimirum esse difficilius, gaudere cum gaudentibus, multo q; clarius charitatis inditiū, q̄ flere cum flentibus. Hoc enim posterius ipsa natura vltro facit. Nam cū in calamitatibus proximi nulla sit inuidiæ materia, nemo est adeo saxeus, qui illic nō defleat: at quod quis nō solum nō inuideat ei, qui clarus est ac celebris, sed & congaudeat, generosæ mentis est. Lachrymando ergo, misericordē te facis: gaudento verò, liuore te ipsum liberas. Hęc ferē Chry. (*Id ipsum inuicem sentientes*). Hęc est concordia cōsummatio, Idē velle atq; idē nolle. Quanq̄ Orige. quidem atq; Chry. hoc verbū ita prorsus interpretentur, vt idem quisq; de seipso, quod de proximo suo, sentiat. Verbi gratia, Si magnum te esse putas, si bonū, &c. talem & proximum existimes: si illum exilē & fragilem suspicaris, talem te quoq; recognoscas. Quod quidem dictum ab Apost. putant ad edomandam superbiam, quæ inimica est cōcordiæ, & qua maximē laborabant Romani. At forsitan alia est mēs Pauli. Nam phrasīs hęc, id ipsum sentientes, potius significare vnitatem videtur sententiæ, in quam fratres debent cōuenire: quæ quidem radix est & fomentū pacis. Etenim, nec quantū ad intellectum speculatiuū, nihil officiat charitati, quæ est in voluntate, sententiarū diuersitas, quæ provenit ex vigore rationis, vti in Geometria & philosophia, tamē secundū intellectū practicū, vt in agendorū consilijs & iudicijs, dū Ecclesiæ, vel collegij discinduntur ingenia in diuersas sententias, facillē subsequitur animorum diuortium, quo extinguitur charitas.

¶ Addubitare veruntamen hīc quis posset.

Nunquid & in cōsultationibus ipsis & cōfessionibus fratrum & patrum esse potest? Imò debet esse nonnunq̄ dissensio. Etenim neq; oēs sunt eiusdē, vel ingenij, vel scientiæ, vel prudentiæ. Et sunt nonnunq̄ viri sancti, qui sua simplicitate à veritate declināt, quibus nō est cōsentiendū. Quid ergo hīc sibi vult Paul? Forsan quis facillē respōdeat, nihil aliud sibi velle, q̄ quod sumus id ipsum inuicē sentientes, dū id quod sentitur, verū sit. At profectō excelsum ingenium Pauli altius euolat, dum ait: Id ipsum alias exposuisset se ipse dicens, Id ipsum, vt verum & bonum omnes sentientes. Adde quod cū veritas crebrò & plurimū lateat, parū conducere hoc eius documentum: nam sæpe, dum quisq; quod verum putat, sentiret, non id ipsum sentirent omnes. Instituit ergo hīc Paul. (quantum iudico) nihil aliud, quam Christianorum intentionem & propositū, vt videlicet vnusquisq; q̄ fieri possit maximē, intendat semper & proponat cōuenire in sensu cum fratre suo. Condemnat, inquam, illos, qui in disciplinis & consilijs, siue scripto, siue verbo, nihil magis præ se ferunt, q̄ singulares haberi, aliena scilicet, impugnare: & aliquid stabilire quod egregium, singulareq; sit, quæ quidē insolentia mater est schismatis. Paulinum ergo documentum est, vt quicquid in aliena sententia, veritatis, vel cernimus, vel olfacimus, probemus & elucidemus: quicquid verò suspicamur falsitatis, blandissimē ad veritatis lineas reducamus, neq; nostra retineamus mordicus, sed faciles nos præbeamus correctoribus nostris: ita enim facillē coire possumus in eundē sensum fidei, coalescereq; inter nos poterit sancta charitatis concordia.

Non alta sapientes, sed humilibus cōsentientes. Nolite esse prudentes apud vosmetipsos.

Diuellit deniq; ex animis nostris impedimenta, quæ obstare nobis possunt, quō minus sumus vnanimiter id ipsum sentientes, quæ licet triformem habeant effigiem, in vnum tamen propemodum coincidunt. Inde enim primum quis ægrè ac duriter alienæ foelicitati congratulatur, miserisq; commiserescit, ac deniq; in sententiam aliorum venit, quod altē de se sapit, ac magnis inhiat: inde nanq; reliquos despiciit, indignosq; iudicat prosperis, neq; eorum calamitates pro malis dūcit, atque adeo neminem talem existimat, cuius iudicio debeat auscultare. Est autē hęc repetitio illius, quod capite superiori dixerat, Noli

Sententia
lutaris Pauli

Expositio.

Gal. 6.

Facilius
tristari.

Mēs Pauli.

Dubitatio.

rat, Noli altū sapere. Meritissimò enim Paul. identidem inculcat malignitatem huius vitij: non solū quòd neophitis Romanis ex vtroq; populo conuersis curatione talis morbi opus erat, verū quòd (vt ait Chrysof.) nihil adeò corpus Ecclesiæ scindit, atque superbia. Alta ergo sapere (quod nos hīc Paul. dehortatur) vel est arduum quidpiam comminisci, vt esse videamur extra gregem, vel plurimum nobis sapientiæ tribuere: vtraque enim insolentiae species pacem conturbat. (*Sed humilibus consentientes.*) Humilis hīc (vt bene adnotauit Chrysof. & verbum ipsum græcum sonat) non eos denotat solos, qui virtute humilitatis præstant, sed eos qui humili sunt loco, seu nati, seu habiti: puta, plebeios, pauperes & abiectos. Deijcit enim superbiorum fastum & supercilia, adhortans eos, ne dedignentur infimis quibuscunque consentire, vbi veritatē agnoscunt. Ne vlla scilicet disparitas, vel sanguinis, vel officij, vel sortis deniq;, vel conditionis obstaculo sit, quò minus sanum sensum, consilium & documentum à quocunq; proferatur, veneremur, & osculemur. Vnde quod interprestransulit, consentientes, potest & ad verbum græcum traduci, obsecundantes & obtemperantes, quod vehementiorem hīc habet significationem. (*Nolite esse prudentes opud vosmetipsos.*) Quasi citationem arbitratrur hanc Ambr. ab Esaia, vbi habetur, Væ qui sapientes estis in oculis vestris, & coram vobismetipsis prudentes. Et est forsā explicatio primi membri, Non alta sapientes, si accipiatrur in secūdo sensu expositionis nostræ. Est enim nihil magis in perniciem hominis, quàm cum de se ipse iudicium profert. Nam amor proprius libertatem adimit, & arbitriū rectè iudicandi, & maximè de æstimatione propriij ingenij & scientiæ. Est quippe homini, quatenus rationale est animal, is à natura infixus, tum appetitus sciendi, tum subinde amor propriæ sapientiæ, vt cum sint qui alijs in rebus cedant facilè alteri, hac verò parte vix vllum inuenias mortalium, qui seipsum penitus agnoscat, alteriue concedat. Cui vefaniæ proximū est, vt homo plenus opinione sui, sibi ipsi arbitretur (vt ait Chry.) sufficere, neq; alius, vel ope, vel opera indigere: homini autem sic adfecto nulla inesse potest charitas in proximos. Qua igitur de causa nos contrà Deus constituit alterum alterius membra, vt nullus sit adeò sapiens, prudens, diues, sanus, potens deniq; & excelsus, qui non in eadem etiam re qua pollet, egeat alterius iuamine

& officio. Id quod summum est humanæ societatis vinculum.

Nulli malum pro malo reddentes.

Præmonitis, quæ ad beneuolentiā & cōcordiam attinēt, prosequitur de beneficentia erga eosdē inimicos dicere. Primū hoc autem membrū, licet ea generalitate ab aliquo posset audiri, vt formam præferat consilij: existimo tamen, verbis legitimè perpenfis, & libratīs, vi pollere præcepti. Etenim in primis neq; inhibet hīc Pau. neq; verò consulit publicæ potestati, ne malefactoribus rependat supplicium pro crimine: hoc enim si formaliter (vt cum philosophis loquamur) verba accipiantur, non est, reddere malum pro malo, sed bono iustitiæ vindicare malum, resarcireq; acceptum damnum. Sed neq; præcipit priuatis personis iniuriā pāsis, vt quod acceperūt detrimentum, remittant: licet nonnunquam cadere id posset sub consilium. Nam ius habēt, quinimò obligantur nonnunquam illi, qui, vel honore, vel bonis expoliati sunt, illa repetere, maximè vbi eis, vel pro sua familia, vel pro Repub. indigent (dummodò id ordine iuris faciant) quoniā neq; hoc est, reddere malum pro malo, sed recuperare sublatū bonū. At verò tunc prorsus quis reddit malum pro malo (quod prohibitione hac Paulina cauetur) quando inimico suo, à quo lacesitus est, damnum dat, siue in bonis, siue in fama, vel honore, quod vel non est necessarium ad restituendum sibi amissum bonum, vel id non facit ordine iuris. Vti si quis palma percussus, percussorem reperiatur: vel qui in bonis læsus est, honorem alterius lædat: vel quoniā quis falsum testimonium in me dixit, falsum egovicissim reijcio aduersus illum: vel si postquam mihi iam plenè satisfactum est, nocere offensori adhuc persisto. Quæ quidem omnes retaliationones ex odio proficiuntur, peccatæq; sunt adeò iniustitiæ aduersus hāc Pauli præceptionem. Quamobrem absq; vlla exceptione amici, vel inimici, Christiani, Iudæi, vel Pagani, nulli reddendum est malum pro malo. Tametsi quantum ad satisfactionem, recompensatio fieri possit inter datum, acceptumq; detrimentum. Posset autem audiri hoc, tanquam consilium, si reddere malum vsq; ad illud extendas, quod est, priuatio beneficentiæ: vt si quis beneficijs adfectus, iniurius esset in suum benefactorem: subtrahere tunc quidem benefactori liceret.

Prōvidentes

Chrysof.

Esa. 5.

Homines per
necies alia
pere.

Ephe. 4.

Prouidentes bona, nō tantum corā Deo, sed etiam corā omnibus hominibus, si fieri potest.

In exemplaribus Græcis quæ modò extant, non sunt hæc verba, Non solum coram Deo, sed etiam, sed hæc prorsus, Prouidentes bona coram omnibus hominibus. Dubium autem est, an desint Græcis, adiecta ne sint Latinis. Nam Græci interpretes illa non legunt, legit ea tamen Ambro. in textu, interpretaturq; in commento. Et Hieron. in epistola de vitando suspecto contubernio, & alij Latini. Et quanuis, licet non essent verba Pauli, manifestum sit, subintelligenda esse, est tamē verisimile, non fuisse ab illo prætermissa: quoniam non admonuisset Romanos, ut coram hominibus prouiderent bona, quin præmonuisset, ut cum primis Deo studerēt placere: siquidem ubi vtrunq; obseruari non potest, potius permittere debemus, ut homines scandalum accipiant de opere nostro, quàm vel minimum faciamus opus, quod Deo displiceat. Vnde non absq; optima ratione, particula illa, si fieri potest, ab aliquibus adfuitur his præcedentibus verbis: quorum nos ideo lectionem sequimur. Nam cū perdifficile sit, Deo semper, hominibusq; omnibus placere, ait, quòd si fieri potest, non solum corā Deo, sed corā omnibus hominibus prouideamus bona. Et quanuis parū videatur congruere superiori clausule, congruit tamen. Hortatur enim nos, ut non modò nulli reddamus malum pro malo, sed ut illis qui nos iniuria laceſunt, rependamus amicorum officia. Quanq; græcè accusatiuis ille pluralis, *τακαλά*, vim habere consuevit aduerbij, bene, ob idq; alij legunt, bene prouideamus. Quòd si aliquando petenda est nobis vindicta, admonemur hic, ut ea prudētia id faciamus, ut nemini esse possimus offendiculo. Instruimur deniq; talibus semper actiones nostras circumstantijs vestiri, ut dignæ sint apud omnes commendatione & laude. At verò bene obseruauit Orig. non exhortari nos solum, ut prouideamus placere hominibus, quasi hunc præstituentes finem actionibus nostris, cum ipse contra ad Gal. confiteatur, quòd si hominibus placere vellet Christi seruus non esset, sed commonefacit ut bona prouideamus coram hominibus ad gloriam Dei: iuxta illud, Sic luceat lux vestra coram hominibus, ut videant opera vestra bona, & glorificent patrem vestrum, qui in coelis est.

Orig.

Gal. 1.

Matth. 5.

Quod in vobis est, cum omnibus hominibus pacem habentes.

Alij sunt qui particulam, si fieri potest, cū hac præſenti oratione coordiuntur, videlicet, Si fieri potest quod in vobis est. Sed profectò aptius cohæret (ut diximus) superiori: non solum propter rationem à nobis allatam, sed quia hic redundare videtur. Satis enim est dicere, Quod in vobis est. Hoc nanq; certū est fieri posse, ut quantum in nobis sit, seruemus pacem: ob idq; nihil opus erat illud adijcere. Tametsi parū referat, alterutri parti adiaceat. Ait autem, Quod in vobis est, hoc est, quantum in vobis est, propterea quòd cū pax ab vtraq; parte dependeat, nō semper in nostra est facultate. Instituimur ergo, ut nemini vel causam præbeamus, vel ansam, seu belli, seu litis: neq; vllum, quod in nobis sit, prætermittamus officium ad asserendam retinendamq; pacem. Hac enim ratione iuxta verba Psal. *Psalm. 119* consequi possumus, ut, etiam cū his qui oderrunt pacem, simus pacifici. Quòd si quis fortè odio nos habeat gratis, bello nos, inquam, per iniuriam petat, aut lite moleſtet, tunc secundum verbum Christi pax nostra reuertetur ad nos. Neq; verò priuamur per hanc *Matth. 10.* exhortationem Pauli iure defendendi nos. Quanquam salutare consilium sit, idq; Christianis cū primis, ut si quis voluerit nobiscum contendere in iudicio, & tunicam nostram tollere, dimittamus ei & pallium, ad redimendum tempus: atq; hoc quàm maximè ad declinanda, propellendamq; publica bella, quæ, ut nos longa experimenta malo nostro docuerunt, neq; geri neq; patrari possunt, sine illis incommodis ac detrimentis, cladibus ac pestibus, quibus in Christianorum perniciem esse nequeūt acerbiora. Nam ut agrorum populationes, compilatasq; villas, incendia vrbium, adulteria, stupra, innocentium strages, filios patribus, virisq; matres orbatas, euerſas aras, sacra prophanaq; omnia diruta, aliaq; id genus violata iura fileamus, quæ fari horret animus, nullum post se bellum, ubi gestum est, virtutis, pietatisve, aut Christianæ religionis vestigiū relinquit: sed siluescere illic videas, efferariq; protinus humanos animos. In vna quidem fidei ac religionis causa, ubi aliud nullum remediū tentandum restat, pium, sanctumq; est bellū: in cæteris autem, ut non in eorum opinionē inclino, qui nullatenus fas esse autumāt, ut bellicis reges se suaq; iura defendāt, illatasq; propulſent

Dehortatio à neſtendis bellis.

pulsent iniurias, tamen non dubito, quin sit prius summa adhibenda Christiano principi cura & solertia explorandi examinandiq; an iustam habeat causam suscipiendi bellum, tantum abest, ut temerè debeat inferre. Est enim quàm rarissimus casus, in quo nō vtraq; pars est in culpa, & vix ullus, in quo illa quæ iustior est, non sit in dubio. Ecquis autē Christianus, dubia causa, in tantum se se malorum barathrum ingurgitet, de quibus est Deo responsurus in die iræ? Sed quid ego verba prodigo, alia instructus esse deberet eloquentia, vel alio certè diuinitus spiritu donatus, qui monarchis potens esset persuadere, ut hanc rabidam bellandi insaniam, pestilentissimamq; furiam, & immanissimam pestem suis, imò Christi populis cauerent: vel his maxime temporibus, dum tam est inter Christianos pax necessaria ad erigendam fidem, Ecclesiæq; religionem, quam, tum alia nostra peccata, tum bella quoq; prostrauere.

Non vosmetipsos defendentes charissimi, sed date locum iræ. Scriptum est enim, Mihi vindictam, & ego retribuam, dicit dominus.

Si, defendentes, secundum suam publicam significationem in præsentiarum usurparetur, non præ se ferrent verba hæc vigorem præcepti. Suppetit nanque unicuiq; ius priuata autoritate, si bona id fide faciat, vim vi repellendi, tutandiq; se, honoremq; suum & bona: quin etiam suos. Imò Apostolus quoq; procurauit se defendere à coniuratione Iudæorum per milites Tribuni. Sed esset nonnunquā forsan cuiuspiam consilium, idq; perrarum, non se defendere: iuxta illud, Si quis te percusserit in vna maxilla, præbe ei & alteram: quod quidem in præparatione animi obseruandum est, ut executioni mandetur, dum est necessarium. Nam Christus alapa percussus, quia id necessarium non erat, inquit, loquutus sum, testimonium perhibe de malo: sin autem bene, cur me cædis? Vbi autem opus fuit, non solum faciem, verū corpus exhibuit cruci. At verò liquidum est, defendentes, nō accipi in præsentia, nisi pro eo, quod est, vindicantes, id enim prorsus significat participium græcum *ἐκδικῶντες*. Idq; confirmatur ex subiuncto verbo, sed date locum iræ, defensio quippe absq; vitio iræ fieri po-

test, vindicatio autem minimè, priuata autoritate. Sed confirmatur euidentius ex supposito testimonio, Mihi vindictam. Quod quidem nomen græcum, *ἐκδίκησις*, ab eodem verbo cadit. Itaq; textus est, Non vos vindicantes charissimi, scriptum enim est, Mihi vindictam. Hoc autem inter vindictam & defensionem interest, quòd defensio fit in ipso aggressu ad cauendam propulsandamq; oblatam iniuriam: vindicatio autem est repensio ac retaliatio post iniuriam acceptam. Non est autem cur acri censura insimuletur interpres, qui transtulerit, defendentes, nam solet etiā hoc verbum nonnunquam in scripturis pro eo accipi, quod est, vindicare, ut quidam optimè adnotarunt in Apocalypsi. Nam quod vulgata lectio habet, Vsq; quo non vindicas sanguinem nostrum, in Ecclesijs canitur, Vsq; quo non defendis. Et legitur de Nabuchodonosor, quòd iurauit defendere se de regionibus illis, quæ repulerant nuncios suos. Et ca. 2. quòd factum est verbum in domo eius, ut defenderet se, id est, ut vlcisceretur, vindicaretq; se de accepta iniuria. Neq; verò Pau. simpliciter inhihet vindictam: nam licet cuiusq; vindicare se per legem & publicam potestatem: sed prudenter ait, Non vosmetipsos, hoc est, manu vestra defendentes, id est, vindicantes charissimi. Adiecit enim suaue hoc charitatis nomen, ut præceptionem edulcaret, quæ humano sensui amara videri poterat. Quocirca exhortatio hæc Pauli auctoritatem habet præcepti, & eiusdem omnino præcepti, quo supra iusserat, ne cui redderemus malum pro malo. Idem enim est prorsus odium, idemq; crimē post acceptum damnum vel iniuriam, vindicare se hominē proprio brachio, quod, reddere malum pro malo: quod quia fieri non potest absq; odio & ira, subdit. (Sed date locum iræ.) Et possumus hoc quidem de triplici ira interpretari. Primum de ira ipsius iniuria affecti, sanè qui cum ultione abstinet, locū dat, id est, cedit propriæ iræ, deferuereq; eam, abireq; finit. Et hic est planus sensus, cui consonat vltimum verbum capituli, Noli vinci à malo. Qui enim iræ non parcit, ab eadem vincitur. Orig. autē & ad iram hoc refert illius, qui iniuriā irrogat: quippe cui iræ, ille qui læsus est, locum dat, ut transeat. Cum enim quis videt sibi nō resisti, tunc lenitate alterius confusus, remittit, deponitq; irā. Veruntamen & idem quoq; Orig. & Chry. & Theo. iram etiā hic Dei meditantur. Etenim cum quis nō vlciscitur se se, sed irā abstergit propriam, relinquit lo-

Differt inter vindictā & defensionē.

Apoc. 6.

Iudith. 11.

Habet vim præcepti.

Triplicis iræ.

Orig.

Act. 23.

Matth. 5.

Ioan. 18.

quit locum irę Dei, qui est Deus ultionum, vt de ira iudicet sumatq; suppliciu. Quod quidem interpretamētum eliciunt ex subiuncta autoritate. (*Scriptum est enim, Mihi vindictam, & ego retribuam.*) Quasi dicat, Date locum irę illius, cui cōpetit proprię vindicta. Tamen si nihilò incongruentius coaptabitur testimoniū hoc primę expositioni: nam propterea debet quis dare locum proprię irę, quod proprium Dei munus est vindicare, atque eorum quos ipse instituit iustitię ministros. Quam ob causam, qui propria se potestate vlciscitur, & sibi malus est, dum peccat, & alteri iniquus, quia propria eū lędit autoritate, imò hac ratione iniquior, q̃ in se expertus est, q̃ sit atrox malum, iniuriā pati, quod forsan nō fuerat expertus, qui prior iniuriā fecerat. Et est præterea in Deum iniurius: non solū, q̃ in ipsum delinquit, sed quod ipsius officium & autoritatē sibi vsurpat publicorumq; iudicū, quos ipse vindices iustitię constituit. Elogium hoc est in cantico Moſis, vbi, vindictam, non est in accusatiuo, sed in casu nominandi. Mea est ultio, & ego retribuam in tempore. In quo etiam casu est hoc loco gręcę. Legentibus autem, vindictam, ex verbo, date, supplendum est aliud, puta, reseruate, vel quid simile. (*Dicit dominus.*) Hoc non expressum est apud Moſen in Deut. sed quoniam verba sunt illa Dei, adiecit hoc Paul. vt maius esset authoramentum ac pondus testimonij. ¶ Verum enim uerò respondere hoc loco operę precium duxerim, si qui sunt forsan reclamātes, cur his qui iniurijs lacerati sunt, non liceat iniuriā ab se reuellere, parem in hostem reiiciendo. Hoc enim potissimū ius sibi arrogāt nobiles, quibus vix dissuadendo persuadeas, quin liceat acceptam iniuriā proprio Marte vindicare: nam aliās existimant honori suo nō fore satis cōsultum. Quinimò blasphemios hac parte audias, qui dicāt, Deū nō licitē potuisse eos priuare hoc iure protegendī honorē suū. At est nihilò minus nō solū diuino iure, sed ratione optima naturali sic sanctissimē prouisum, prospectumq; humano generi, vt iniuriā, anteq̃ accipias, propulsare tibi liceat, sicuti vna quęq; res resistit suo contrario: quoniam nō ubiq; præsto est autoritas publica, quę possit aggressores arcere: sed vbi iam accepta est iniuria, hoc etiam est consultissimū, vt illam persequi non liceat, nisi per certos, eosdemq; publicos ministros. Primū, quia executio iustitię vim exigit coercendi, quę non esse semper potest in priuata persona: ob idq; si

ultio priuato iure facienda esset, non æquā patēret omnibus iustitia: nam potentes vlciscerentur se: debiles verò ac tenues minimē. Præterea crudeles ac truces homines vindictam fumerent, mansueti autem facilē remitterent, & sic mali impunē peccarent in perniciem bonorum. Adde, quod si cuius licitū esset, arbitratu suo iniuriā compensare, cū nullus sit equus iudex in propria causa, pro minimo accepto damno maximū redderet: idq; pars rursus læsa refarcire procuraret: & sic omnia fusq; deq; pertraherentur: neq; vlla posset cōstare pax. Igitur si vis Deum pro tanto beneficio (vti decet) diligere, non solū consideres, quod te prohibuit vindictam tuo nutu de alio sumere, sed quod alios vniuersos coercuit, ne de te ipsi fumerent, cū delinqueres: tunc etenim certò perpendes, quā fuerit lex sancta. Ad nobiles autem vt descendamus, in quorum gratiam, hanc fecimus digressionē, non vetuit eos Deus, iacturam honoris reficere, sed ordinem in bonum suum ipsorum illis præscripsit. Hoc autem attentissimē considerandum illis esset, quod cū honos præmium sit virtutis, nullum est ius defendendi honorem, nisi vbi propugnatur virtus: cuius virtutis patrocinium potissimū nobilitati incumbit. Cū ergo facultate propria pœnas ab inimico deposcere, non sit virtus, (vt ratio ne iam monstratū est) sit, vt neq; legitimē ratione illa defendatur honor. Sed aiunt, saltem duello, quod principis autoritate initur, id facere licet. Prolixam quidem disputationem duelli angustia huc commentariorum non admittit, sed vt gratis duella, quę nusquam licita sunt, cōcederemus nobilibus, quā nunc tamen temeritate permittuntur, nullo colore fucari possunt. Prima nanq; conditio antiqui duelli erat, vt crimen, de quo decertaretur, dignum esset morte, si comprobari posset: deinde quod ita esset occultum, vt non posset per publicam autoritatem cōperiri. Vt si quis alterius dictum negāret ac refutaret in re occulta, quę capitalis esset: modò autem eò absurditatis peruentum est, vt licet crimen palām sit, cognosciuē legitimē à iudice possit, publicoq; iudicio puniri, nihilò minus contra omne ius conceditur, duello id decerni. Præterea in quauis leuissima re quis alteri dicat, Mentiris, liberum est iam alteri, imò teneatur, vt aiunt, secundum ius nobilitatis in duellum eum euocare: quo profectò nihil pugnatiùs nobilitati contradicit. Nam etsi, conuiuium, illud sit, est tamen leue, cui prin-

Deut. 32.

Debitatio.

De nobilitate.

Quaratione defendendus est honor.

De duello.

De nobilitate iure.

Cur nō sitli citavindicta priuata auctoritate.

cui princeps non posset decernere capitale supplicium: pro culpa autem, de qua auctoritas publica non posset exigere supplicium capitis, etiam si esset publica, nulla est virtus, imò summa est iniuria, offerre intentareq; delinquenti mortem: si autem non est virtus, profectò neq; est honos, sed maximum nobilitatis dedecus. Nihil enim ex diametro magis cum nobilitate pugnat, quàm iniuriam facere: quòd si virtus non est, duellum offerre, fit porrò, vt neq; suscipere: atq; adeò si in vno non est honos, neq; in altero est, nisi dedecus. Hæc autem adeò sunt manifesta, vt respòdere aliter nequeant, q̃ quòd alia sit habenda ratio secundum Euangelium, alia verò secundum nobilitatis morem: quo quid dici potest maiori cū blasphemia & absurditate? Etenim cum nobilitas, decus sit & splendor Reipub. quæ nam quæso iura consonare magis debēt Euangelio, naturali q; æquitati, quàm leges nobilitatis? Quòd si nobilitas cum Euangelio non cōsentiret, nihil habendum esset in Christiana Repub. vilius abiectiusq;. Sed redeamus ad textum.

Sed si esurierit inimicus tuus, ciba illum: si sitit, potum da illi: hoc enim faciens carbones ignis congeres super caput eius.

Dixerat benedicendum esse inimicis: sed ne quis putaret in officio oris sistendam fore charitatem, adiecit partes ambas beneficentiæ, videlicet, non solum nulli reddendum malum pro malo, verum & benefaciendum esse inimicis: iuxta præceptum Christi, Benefacite his qui vos oderunt, vt sitis filij patris vestri, qui solem suum oriri facit super bonos & malos. Et videtur Paul. totam hanc auctoritatem ex Prouerb. desumpsisse. Vbi legitur, Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & dominus reddet tibi. Cuius præcepti vis & forma solum ad tempus necessitatis extenditur. Vbi enim, seu extrema, seu graui necessitate inimicus perurgitur, tenemur ei suppeditare necessaria ad vitam. Extra illos autem casus non est, nisi consilium (vt supra expositum est) & propterea tantum meminit cibi & potus, qui sunt ad vitæ necessaria. (Hoc enim faciens, carbones ignis congeres super caput eius.) De hisce quidem carbonibus bina circumfertur tum Origenis, tum aliorum enarratorum interpretatio: nam car-

bones ignis in malam inq; bonā partē vsurpantur in scriptura. Sunt enim carbones, qui maiorem vim ignis retinent, atq; adeò vehementius exurunt, quàm flamma: quibus ideo significantur supplicia damnatorum: iuxta illud, Carbones succensi sunt ab eo. Et, Cadent *Psal. 173* super eos carbones. Vnde secundum priorē *Eccl. 139* expositionem, quæ Chrysostomo nimium probatur, videtur hîc Paul. alludere ad illud superius verbum, Mihi vindictam, quasi respondeat his, quibus iussit, vt darent locum iræ, reclamantibus, cur debeant inimici impune fecisse eis iniuriam. Ait scilicet, vestrum est benefacere illis: nam isto modo si non resipuerint, cumulator erit Deo causa succendendi carbones in illos. Non quòd Paul. illos admoneat, vt tale, dum benefaciunt, habeant propositum & finem: esset enim hoc contra charitatem, sed quòd hoc dicat, quasi per modum prophetiæ, & prænunciationis futuri iudicii. Congruentior autem expositio est, vt, carbones, in bonam partem intelligamus: cōgruentior, inquam, non solum Paulino pectori, verum & verbis eius. Non enim admoneret nos ad officia charitatis, nisi propter bonum, ipso rum etiam inimicorum, quos tali arte subdit statim vincendos esse à nobis in bono. Maxime cum à Salomone adiectū sit. Et dominus reddet tibi. Edocet ergo quòd hac benefaciendi ratione carbones charitatis congeremus super caput inimici. Ait, super caput, quia inde totū corpus gubernatur. Est ergo sensus, quòd charitate mentē eius inflammasimus, vt intentionem, & subinde officia erga nos mutet. Nam etsi saxeus ferreusq; esset quis ad beneuolentiam, nō posset amore præuentus, & ab illo maxime, cui causam potius odiendi dedit, non emolliiri & liquefieri, vt veluti carbones ignem, ita deinde perpetuò conseruet charitatem aduersus eiusmodi suum benefactorem.

Noli vinci à malo. Sed vince in bono malum.

Egregia est explicatio conclusioq; omnium quæ de beneuolentia, beneficentiāq; erga inimicos disseruit. Videns enim adeò esse innatum hominibus à natura appetitum victoriæ, vt nemini possit persuaderi, non esse bonum vincere inimicum, id quod omnium naturam conari experimur, ait, Non contendi tibi hætenus persuadere, ne vincere procures, sed hoc tantum, ne à malo finas te vinci, quod turpissimū est: eoneris autem vt malū bono

Matth. 5.

Prouerb. 25.

Carbones ignis.

bono vincas, quod est pulcherrimum. Speciosa enim est antithesis, inter vinci à malo, & vincere in bono malum. Hoc veruntamen quod ait, bonum & malum, non vno duntaxat modo possumus intelligere. Etenim si dum qui iniuria adficitur, tunc ira percitus in hostem refurgit, quanto feruentius in ipsum vel conuiitijs debacchatur, vel inflammatur cæde, tanto peius turpiusq; succumbit furori & iræ, quæ illum, veluti bestiam calcaribus stimulat. Neq; verò ab illo solo malo, sed à dæmone ipso superatur: qui nimirum hoc fine spiritû furoris immiserat in cor illius, per quem iniuriam conflauit, vt ambos hostes eodem crimine conuolueret. Quocirca neq; solummodo tu, qui bonus eras, à malo iræ, maloq; dæmone victus es, verum spiritus Christi, qui te, dū Christi eras membrum, agebat, extinctus per te est. Atq; huius te admonet Paul. Vbi ait, Noli vinci à malo. Sed tamen vbi ab ira abstinēs, aggressoremq; despicias, mansuetudine tua & magnanimitate, quæ bonum est virtutis, multa mala debellas. Iram quippè propriā in te primum interficis: mox hostem tuū rubore perfundis & pudore: atq; adeo spiritus in te Christi spiritum Sathanę deuictum tibi tradit, triumphosq; ac palmam defert, trophæaq; statuit triumphanti.

CAP. XIII.



OMNIS anima potestatibus sublimioribus subdita sit.

In his quinq; postremis capitulis (vt dictum est) tractat Apost. de vfu gratiæ. Postquàm ergo in superiore præmonuit, quemadmodum se homo habere debeat in ordine ad Deum, informans videlicet vniuersos Christianos, veluti vnius corporis membra, quemadmodum Deo debeant inferuire, dona illa & munera inferioribus dispensando, quæ ab ipso ad publicam vtilitatem receperunt, hoc iam capite instruere nos incipit, quales nos debeamus exhibere proximis. Tres igitur sunt partes huius capituli. In priori namq; agit de obedientia, quam populus debet maioribus, præfectisq; suis. In secunda verò quæ incipit, Nemini quicquam debeatis, prosequitur de iustitia dicere, quæ est inter pares. In tertia deniq; ab illo verbo, Et hoc

scientes, tandem concludit, quemadmodum se quisq;, suosq; mores componere debeat. Vt cum in superiori capite ordinem elucidauerit superiorum ad inferiores, tres hîc alios respectus hominis constituat, scilicet ad superiorem, ad æqualem, & ad seipsum. Et quia obedientia, initium est & caput totius disciplinæ, quæ in moribus instituendis posita est, inde exorditur. Atqui subnotare forsân, refutaretq; hic proposuit Paul. heresim illam Gaulonitarum, de qua lib. 18. meminit Iosephus à Iuda quodam Gaulonita oborta, qui negabat censum & obedientiam deberi Cæsari, aut prophanis vllis principibus à Iudæis propter libertatem legis, quam à Deo receperat: cui idcirco soli aiebat, eos esse subiectos. Ob quem errorem Pharisei conuenerunt Christum, sciscitantes, an liceret censum dare Cæsari. Atq; inde fortasse error idem serpere perrexerat in Christianorum Ecclesiam, ob libertatem euangelicam: iuxta illud, Si filius vos liberauit, verè liberi eritis. Et alibi significauit Iesus Petro, liberos esse filios à solutione didrachmatis: licet ad vitandum scandalum præceperit illud exolui. Error hic veruntamen inde vel maxime cõuincitur, quòd fides nostra naturalem iustitiæ ordinem non subuertit, sed perfecit: est autem naturalis ordo, vt subditi sint inferiores superioribus magistratibus: nam hæc mortalis vita aliter transigi, gubernariq; nequit. Vnde etsi Christus animas nobis liberauerit à seruitute peccati: (vt patet ex verborum contextu Ioan. 8. & supra hic cap. 8. Lex spiritus in Christo Iesu liberauit me à lege peccati & mortis) corpora tamen semper manent defectibus molestijsq; carnis subdita: secundum autem corpus, homo subditur homini: postquam autem Christus tradiderit regnum Deo & patri, tunc euacuabit omnem principatum & potestatem, quibus opus iam tunc non erit, vbi corpus fuerit liberum à seruitute mortis huius. Igitur cum Paul. cap. 8. multa de Christiana libertate dixisset, necessarium hîc duxit, erudire Christianos, ne inde in errorem laberentur nimis libertatis. (*Omnis anima.*) Hebræorum more, hominē appellat animam, secundum illud, Delebitur anima illa de populo suo. Quanquā non abs re Orige. adnotauerit, dixisse, animam, ad differentiam spiritus: nam quandiu domino cõiuncti sumus, vnus spiritus sumus cum illo, atq; illa ratione illi soli subditi. Anima autem dicitur per respectū ad corpus, quod actuat: secundum quam rationem subiectus est homini

Heresis Gaulonitarum.
Cap. 1. & 2.

Matth. 22.

Ioan. 8.

Matth. 17.

1. Corin. 15.

Gen. 17.

mini homo. Et dixit propterea forsan, anima quę humana intelligitur, ad significandū nō tanq̃ brutas nos pecudes debere obedire, sed ratione & prudētia, quę viget in anima: neq; ad oculum seruientes, sed ex animo & voluntate. Dicitq; omnis, vt neminē excipiat, nec sacerdotes, (vt ait Chryf.) neq; monachos, neq; seculares, neq; verò apostolos, neq; euāgelistas, neq; prophetas: suum enim quisq; habet pręlatū. Per hanc ergo sententiam illa Begardorum hæresis proscribitur, qui aiebant, eò perfectionis posse hominem peruenire, vt nemini iam sit subditus. Nō est hic tamen disputandi locus, an Ecclesiastici, exempti sint à secularibus aliquo iure: neq; verò decernēdi, an Papa, seu Cōciliū superiorē habeāt, nec ne: sed hoc tantū credendū, quòd lege cōmuni omnis anima sit sub potestate aliqua humana. De hac. n. potestate loquitur hic Paul. non quę in domino Deo est, sed quę à domino Deo est. (*Potestatibus sublimioribus.*) In Græco non est comparatiuum nomen, sed participium, *ὑπερέχουσιν*, præcellentibus. Et ita illud interpret ipse vertit Petri, tanquā præcellenti, sed idem pollet, sublimioribus. Nam, *ὑπέρ*, comparationis quoq; præpositio est. Et quāuis ad Titum, non dixerit, nisi, Admone illos principibus & potestatibus subditos esse, dicto obedire, adiecit hic tamen, sublimioribus, pro eo quòd est, legitimis, & iure creatis: vt excluderet illegitimos & tyrannos, qui per iniuriam præsumunt. Et præterea id forsan apposuit, ad denotandum rationem, qua debent subditi obedire magistratibus: quę quidem fundatur in iure publicę authoritatis. Quocirca licet prælat⁹ aut princeps, inferior sit, vel scientia, vel virtute, parendum illi nihilo minus est, quatenus sublimiori. Id quòd generalius explicat⁹ est apud Petrū, Subditi estote in omni timore dominis nō tantū bonis & modestis, sed etiam discolis, Vbi & infideles ipsos subindicauit, quibus, si sint aliās legitimi, saluaq; id religione fieri potest, tenentur etiam Christiani parere: contrā quā in ortu Ecclesię, opinabantur nōnulli Christiani. (*Subditi sit.*) Vt scilicet dicto sit audiēs per omnia: iuxta illud, Obedite per omnia dominis carnalibus. Intelligitur autē (nisi ali quid iusserit contrā q̃ fas est, & religio) nam tunc, Obedire oportet Deo, magis q̃ hoibus. Nō est enim potestas nisi à Deo quę autem sunt à Deo, ordinata sunt: Itaq; qui resistit potestati,

Dei ordinationi resistit.

Subdit rationes plures præceptionis propositę. Sex nanq; elicere possum⁹. Prima su- *Sex rationes* mitur à causa efficiente, parendū scilicet esse potestatibus, quia nulla est potestas, nisi à domino Deo, cui subdita est omnis creatura. Secunda deducitur à bono ordinis: cū enim bonum vniuscuiusq; rei sit, suum tenere ordinem, & potestates quę à Deo sunt, ordinatę sint, cōdecens est, vt vnusquisq; obtemperet potestati. Et tertia colligitur à terrore culpę. Qui enim resistit potestati, ille resistit Deo: à cuius obediētia resilire peccatū est. At verò quanuis si membratim textū hunc legas, tres istas possis rationes discernere: vnicum tamē syllogismum extruere videtur hic Paul. quo illis forsan respondet, qui conqueri possent apud ipsum, cur cū regno cōclorum essent adscripti per obedientiam Christi, eosdem ipse vellet submittere humanis potestatibus. Ratiocinatur ergo sic, Nulla est potestas nisi à Deo, potestates autem, quę à Deo sunt, ordinatę sunt (duplici scilicet ordine, tā inter se vt alię sint aliis subordinate, q̃ in ordine ad ipsum Deū, vt scilicet oēs volūtati ei⁹ seruiāt) ergo quicumq; potestati humanę resistit, ordinationi Dei resistit. Vnde fit consequens, vt quo iure tenemur subdi Deo, teneamur subdi hominibus. (*Non est potestas nisi à Deo.*) Vide quòd euaserit pertinax illa Lutheranorum vesania, quòd Deus sit causa peccati. Putant enim vsq; adeò hoc certum esse, vt quomodocunq; vel iure, vel iniuria fuerit quis in potestatem & magistratum, siue adscitus, siue intrusus, parendum illi sit, quoniā siue, bonus in bonū populi, siue malus in pœnam eiusdē, vterq; aiunt, est institutus à Deo, cui ideo obtemperare tenemur. Vnde Bucer. *BUCERUS.* super hunc locum, Cū queritur, inquit, cui parendum, non est spectādum, qualis sit qui potestatem exercet, nec quo iure, vel iniuria quis potestatem inuaserit, qua vēr ratione eā administret, sed tātum, si potestatem habeat: Si enim quis potestate pollet, iā indubitātū est, illum à Deo eam potestatem accepisse: vnde sine omni exceptiōe illi te permittas oportet, & pareas ex animo, sed secundum Deum. Hęc ille. Ecquid autem potest incredibilem execrabilisq; proferri, quā quòd qui per apertam vel tyrannidem, vel seditionem, vel vim aliam, vel nefas, principatum inuasit, ille fuerit nutu & voluntate Dei assumptus, illiq; sit præcepto Dei obtemperandum. Tunc pro

fecto verum esset, ius esse in armis. At talis est istorum constantia. Ex vna parte negant vicario Christi obedientiam, & ex altera iubent cuicumque tyranno obsequendum. Sed non est, cur hic nos isti demorentur. Quantum autem ad hunc locum attinet, quauis potestas pro potente non nunquam usurpetur, hic tamen non asserit Paul. Quod omnis potes, hoc est, omnis praefectus, aut princeps sit a Deo institutus, sed quod omnis potestas per abstractionem a quauis persona, est a domino Deo.

Nota regula Quicquid enim de Deo & nobis dicitur, ab ipso, tanquam a primo fonte in nos deriuatur, puta, omnis substantia, sapientia, & vir-

Ephe. 3. tus, &c. iuxta illud, Ex quo omnis paternitas in coelis & in terra nominatur. Et ideo ab eo est omnis potestas, ordo, & Hierarchia: ut ius mariti in uxorem, patris in filium, regis in regnum, &c. Assumptio autem & usus potestatis, ubi legitime sunt, tunc sunt a Deo, siue immediate, sicuti Saul, & Dauid, quos ipse creauit: siue per impressionem naturalis luminis, quo illustrata Respublica regem creant, vel alios magistratus. Quando vero per

Amos. 6. nefas quis surripit dominatum, ut illi qui aiunt apud Amos, Nunquid in fortitudine nostra assumpsimus nobis cornua? tunc absit blasphemiam, ut dicamus, Deum esse authorem: con-

Osee. 8. queritur enim per Oseam, Ipsi regnauerunt & non ex me: principes extiterunt & non cognoui. De quo cap. 10. super verbo, Quomodo praedicabunt, nisi mittantur, plura scripsimus. Tamen hoc fatendum sit, quod sicuti cetera peccata, ita & tyrannos, corruptosque principes & antilites permittat saepe & sapius Deus ad vindictam scelerum populi: secundum illud, Qui regnare fecit hominem hypocritam propter peccata populi. Et, Dedi eis

Tob. 34. regem in ira mea. Sicuti & diabolo (ut August. in lib. de nat. boni differit) permisit potestatem tendandi Iob, & colaphizandi Paulum, nihilominus pro iniqua ipsorum principum voluntate nocendi, mittentur in ignem aeternum cum diabolo & angelis eius. Idem censendum est de potestatis usu: quando enim iuxta praescripta legis quis imperat, Deo id faciat authorem: secundum illud, Per me reges regnant: peruersus autem usus non est a Deo: alias conuentus ille regum, de quo est in

Prouer. 8. Psalmo, Astiterunt reges terrae & principes conuenerunt in vnum aduersus dominum, ope quoque & opera Dei fuisset celebratus: quod ingens esset blasphemiam, si affirmaretur. Hoc autem non est in praesentiarum silendum,

quod non quilibet principis aut praelati abusus, facultatem faciet subditis detrectandi illi obedientiam: sed ubi esset aperta, vel tyrannis, vel iniquitas. Hinc fit, ut neque potentia ad peccandum a domino Deo sit, nisi naturaliter intellexeris, ut oculum, vel manum: neque potestas hostis ad irrogandam iniuriam, cui ideo obsecundare non debemus, sed obistere.

Neque utique quousque alia iniqua potentia. (*Quae autem sunt a Deo, ordinatae sunt.*) Textus Graecus sic habet, Quae autem sunt potestates a Deo, ordinatae sunt. Et sententia quidem eadem omnino est, nisi quod translatio veteris interpretis, paulo rem profert generalius. Et forsitan ipse ita legit in neutro genere, suppresso nomine, potestates. Sed quantum ad comma, citra controuersiam, figendum est post ablatiuum, a Deo. Nam si illud preponas, tunc frigida restat oratio, videlicet, Quae autem sunt, a Deo ordinatae sunt. Et praeterea non cohaeret proxime precedenti: cum enim secundum virtutem dixisset, omnem potestatem esse a Deo, subdit, ea autem quaecumque a Deo procedunt, ordinate procedere. (*Itaque qui resistit potestati, Dei ordinationi resistit.*) Hoc iam expositum est, sed caue a quorundam errore, qui ex his verbis Pauli colligunt, nullam esse proprie legem humanam, neque vim ullam esse in homine obligandi sub peccato mortali, sed legem ipsam humanam esse a Deo, cui resistit, qui potestati resistit. Isti enim non vident quomodo aliud sit, Deum ipsum legem per se immediate ponere, sicuti legem tulit antiquo populo, quam, Moysi promulgandam dedit, & Christus nobis: quae ideo dicitur lex diuina, aliud vero, potestatem dare hominibus, per quam ipsi leges ferant humanas, quae vim habent obligandi sub peccato mortali, etiam si late sint a principibus secularibus propter facultatem, quae ipsis est diuinitus collata. Vnde quando hic dicit Paul. quod, qui potestati resistit, ordinationi Dei resistit, non ait, quod qui legi hominis resistit, legi tunc Dei resistit: quali eadem sit lex humana & diuina, sed quod ordinationi Dei resistit, qui scilicet potestates humanas & inter seipsas, & ad seipsum ordinatas esse voluit.

Qui autem resistunt, ipsi sibi damnationem acquirunt: nam principes non sunt timori boni operis, sed mali.

Subdit rationem quartam (si sic diuidere iuuat)

uat) à terrore poenę. Qui enim amore filiali feruiunt, metu culpę sunt maioribus obediētes: quę culpa committitur, dum resistitur ordinationi Dei: qui autem timore aguntur feruili, si non culpam, saltem damnationem exhorreant, Et quod ait, acquiritur, Alii transferunt, accipitur, vel, adiscunt, quod idem est prorsus. Vult enim dicere Paul. (& id verbū Græcum significat) quod non fortuitò incurrunť damnationem, quasi aliunde obortam, sed ipsi sunt ipsius causa iudicii, quod in se prouocant, tam supplicii scilicet temporalis inflictiab humana potestate, quàm æterni, quod est inexorabile: vtriq; enim iudici poenas dabunt. (*Nam principes non sunt timori boni operis, sed mali.*) Græca litera sic habet, Principes non sunt terror bonorum operũ, sed malorum. Phrasis autem illa in nominatiuo nō est tam Latina, q̃ Hebraica: dicimus enim latinā, infernus est mihi terrori, non terror. Et ideo interpret permutauit casum: & forsan legit, operis, in singulari: quod quidē nomē, ne faceret potius parapsalin, quàm translationem, non ausus est mutare in participiũ: tametsi fuisset venustior ac significatiōr oratio, Non sunt timori bene operanti, sed malē operanti. Quocirca in hoc sensu accipiendũ est, timori boni operis, quoniā princeps non est terrori operi, sed operanti. Quanuis dicamus etiam latinē, quod princeps punit & vlciscitur malefacta, pro eo quod est, supplicio afficit malefactorē. Est veruntamen animaduertendus laconismus Pauli: sua enim sermo nis breuitate multa comprehendit. Etenim vt causam redderet, cur resistentes potestati incurrant damnationē, satis fuisset dicere, quod princeps est timori malefactoribus, adiecit nihilò minus, non esse timori bene agentibus, vt studiosos strenuos ac milites Christi confirmaret, consolidaretq; in bono virtutis. Reclamare enim possent eiusmodi iusti, Quid nos instituis, timore poenę seruire, quē timorem charitas foras mittit? Respondet ergo, principes non esse positos ad terrorem bonis, sicuti nec lex posita est iusto, sed rebellibus. Quocirca vbi tyrannus sua abusus potestate, minis ac terrore, iustos persequitur, quo eos à sancto proposito dimoueat, nō est cur eum metuant, sed potius cur contemnant. Vnde Aug. Si potius obediendum est maiori prælato, quàm minori, vt Imperatori, quàm proconsuli, multò æquius obediendũ est Deo, quàm hominibus. In summa, quod ait Paul. principem non esse bonis ad terro-

rem, id præclarissimis exēplis docuerunt nos Christi martyres, nihil teterrimis mortibus absterriti, fide illius oraculi edocti, Beati qui persecutionem patiuntur propter iustitiam. *Mat. 5.*

Vis autem non timere potestatem? bonum fac, & habebis laudem ex illa. Dei enim minister est tibi in bonum.

Tradit consequenter bimembre, idemq; salutiferum documētum, quod suę doctrinę appēdix est. Enimuerò si princeps delinquentibus est in timorem, iustis verò minimē, consequens fit, vt si quis voluerit timorem excutere publicę potestatis, bonũ faciat: tũ enim non modò nō reportabit vituperium ex illa, verũ & laudem. Atq; id non tunc tantum modò, quando potestas legitima est, sancteq; ac legitimē administrata, verũ etiam dum est tyrannica. Principi enim, cuius mun⁹ est, bonos facere ciues, atque adeò cuius legitimo magistratui, vtroq; icumbit modo, subditos retinere in pace & iustitia, scilicet, suppliciis arcendo à malo, beneficiisq; & præmiis, alligando ad bonum. Vnde Petr. Siue ducibus, *1. Pet. 2.* tanquàm ab eo misis ad vindictam malefactorum, laudem verò bonorum. Quocirca nomine hic, laudis, non solum præconium intelligit, quo Respublica debet studiosos commendare & animare, verũ præmia etiā & dignitates publicas, quę propositę sunt scētatoribus virtutis. Debent enim digniores promoueri ad publicas administrationes, nō solum quia sanctius illis fungentur, verũ etiam in laudem & præmium virtutis, quę honoribus alitur. Quinimò & punitio ipsa iniquorum in laudem cedit iustis. Quod si tyrannus est, qui Rempub. occupat, quiq; adeò probos, sanctosq; & benemeritos nō laudat, sed odiis & iniuriis insectatur, nihilò minus, imò multò plus laudis sua patientia reportabunt: vt Aug. in sermo. de beato Laurentio concionatur. Quod enim martyres peiori sunt ludibrio & vituperio lucidati, maiori sunt honore habiti in Ecclesia. Et quando laude omni fraudarentur humana, erit iustis abunde laus in altera vita, qua Christus eos honorificabit in conspectu patris & sanctorum angelorum. Quamobrem de vtraq; potestate, iusta scilicet & iniqua intelligere quoq; & hanc causam possumus, quā subdit Paul. (*De enim minister est tibi in bonũ.*) Illum enim principē, qui equ⁹ est & bon⁹, manifestũ est, admini-

Laconismus
Pauli.

1. Ioan. 4.

11. q. 3. can.
Qui resistit.

1. Ioan. 12.

strum esse Dei, eodem fine & scopo ab eo institutum, quæ ipse propositum sibi habet in gubernatione orbis: puta propter bonum nostrum & gloriam suam. Quod & minister ipse omnia refert: nam agentium subordinatorum idem est finis. Ob idq; sicuti Deus, ita & talis minister, tam reprehensione malorum, quæ laude bonorum, bonum utriusque procurat. Sed & tyranni etiam principes, tametsi non sint diuinitus assumpti, quatenus tamen permixti sunt in correptionem populi, ministri etiam Dei sunt in bonum quoque nostrum, secundum illud, Assur virga furoris mei & baculus ipse est. Tametsi ipsi bonum nostrum non procurent. Quin verò & demones ministerium Dei exercent in bonum nostrum: ut in Iob compertum habemus. Nam diligentibus Deum omnia cooperantur in bonum. Vnde per hoc quod ait, Tibi in bonum, quintam rationem insinuat obediendi potestatibus, quæ quidem sumitur à fine, sicuti prima sumpta est à causa efficiente. Sunt veruntamen qui adnotant, transferendum fuisse, non, minister, sed, ministra, ut accommodaretur nomini, potestas, præcedenti: nam Græcè, *διδου*, utriusque est generis. At verò congruentius translatum est, minister, ut referatur ad hominem: qui significatur etiam nomine, potestatis, de quo infra, Non sine causa gladium portat.

Si autem malum feceris, time: non enim sine causa gladium portat. Dei enim minister est, vindex in iram, ei qui malum agit.

Alterum membrum eiusdem documenti ex eisdem pariter verbis superioribus colligit. Si enim potestas timori est malis, fit, ut qui male fecerint, non esse debeant extra metum. Nametsi quandoque elabantur manibus temporalium iudicum, non tamē euadent ultionem Dei. Quanquā hic de timore propriè loquitur, qui debetur principibus secularibus, tanquā à Deo præfatis: eis enim propriè conuenit potestas gladii. (Non enim sine causa gladium portat. Dei enim minister est, vindex in iram, etc.) Hoc est, non frustra portat gladium, sed ut eum timeamus, veluti ministrum, per quem Deus suam exerit exequiturque irā. Hæc enim supplicia, quæ humanis legibus decreta sunt malefactoribus, licet non sint in euāgelio proposita, tamen, quatenus naturali lumine, diuinitus principibus irradiato, constituitur, executio sunt in parte iræ Dei, quæ

in die iudicii consummabitur. Ideoque si cum patientia & æquanimitate suscipiantur ab his, qui in gratia Dei moriuntur, in sortem illis computatur eorum cruciatuum, qui sunt in purgatorio: sin verò qui supplicio plectitur, maculam culpæ per poenitentiam non abstergit, is in hac vita incipit poenas pendere, quas laturus est in inferno perpetuas. Hæc ergo inquit, de causa princeps gladium portat. Nomine gladii, coercitiua potestas significatur, quam iurisprudentes appellat merum imperium, potestatem scilicet vite & mortis. Aiunt enim, merum esse imperium, potestatem habere gladii. Nam (ut alibi diximus) omnia capitalia supplicia appellatione gladii nuncupantur, eo quod capitis detruncatio vltimissima est sceleratorum mors. In cuius signum principibus habentibus merum imperium nudus gladius præfertur. Tametsi & magistratum portare gladium, pro eo quoque accipitur, quod est, terrifico satellitio stipatum incedere, lictoresque secum afferre, securibus armatos, fascibusque instructos ad administrandam iustitiam.

Gladius.

Ideoque necessitate subditi estote, non solum propter iram, sed etiam propter conscientiam.

Concludit denique propositam præceptionem: nempe necessarium esse, ut obediamus prælatis. Græcis idē casus est, pro datiuo & effectiuo: ob idque Latini quidam codices habent hic, Necessitati subditi estote. Sed absque dubio non ē legendum nisi, necessitate. Ac si cōcluseret, Igitur ob necessitatē subditi estote. (Non solum propter iram, sed etiam propter conscientiam.) Duas enim inter alias sub signauimus rationes obedientię: alterā pro his qui amore seruiant, scilicet, ne resistent ordinationi Dei, in quo est culpa: alterā pro illis qui timore in officio continentur, putā ne sibi damnationē cōciscant. Et quia secundum hoc obsequium, non est si liorū, sed seruorum, ait, obediendum esse non solum propter irā, scilicet ultionis metu, sed propter conscientiam, nimirum quia conscii sumus, hanc esse ordinationē Dei, cui ex charitate obtemperandum est. Ambrosius autem sic interpretatur, Non solum timore presentis poenæ, sed propter conscientiam futuri iudicii. Chrysostomus (quod in priorem recidit expositionem) ait, Non solum metu poenę obediās, sed propter bona, quorum conscius es prouenire ex huiusmodi obedientia: qualia sunt, vindicatio

Ambrosius

Chrysostomus

dicatio malefactorum, promotio bonorum, pax deniq; & tranquillitas Reipub. quæ si situleris, neq; vita præsens consistere potest.

Ideo enim & tributa præstatis: ministri enim Dei sunt, in hoc ipsum seruientes.

Sexta ratio. Hanc possumus veluti sextam rationem interpretari, præcipuæ conclusionis, quæ sumitur à signo. Etenim tributorum pensio signum est obedientiæ: cui ergo tributum soluiamus, obedire tenemur. Sed ne quis existimaret tributa per tyrannidem esse imposita, adiecit, hanc esse ordinationem Dei, ut qui veluti eius ministri, curam nostri gerunt, rebusq; publicis prospiciunt, cui intenti muneri, vacare nequeunt (neq; verò id decet) seu agriculturæ, seu negotiationi, aliuè serui li arti, eisdem nos partem nostrorum prouentuum pendamus, quibus alantur, pro sua in nos impensa opera. Hæc enim ratio est & iustitia exigendi, persoluendiq; tributa. Quam ob rem subdit. (*In hoc ipsum seruientes.*) Quod quidem bifariam potest exponi, Vno modo in hoc ipsum, id est, ob hanc ipsam mercedem: iuxta illud, *Quis pascit gregem & de la-*
Luc. 10. *ste eius non edet?* Et in Euangelio, *Dignus est operarius mercede sua, Non quòd finis optimi principis debet esse merces, sed bonum publicum: at quòd ob suum officium rependendum est ei tale seruitium. Sed forsan, in hoc ipsum, non refertur nisi ad proximum verbum, Ministri Dei sunt, in hoc ipsum, scilicet ministerium, seu finem seruientes, & incumbentes. Vnde quando nulla esset alia ratio tributorum, satis esset, quòd cum Deus sit dominus nostrorum bonorum, illiq; sint eius ministri, potuit nos per idem ius naturæ, quo principes seculares instituuntur, obligare ad tributa: sicuti per ius diuinum, quo instituta est potestas Hierarchiæ ecclesiasticæ, potuit etiam populum adstringere, ut eis qui altari seruiunt, temporalia subministraret.*

Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem.

Premisso tributorum iure appendit præceptum soluendi. (*Reddite ergo omnibus debita.*) Non ait, date, seu donate munera, quia tributum non est gratiosa donatio, sed reddite

debita, quia opus est iustitiæ. (*Cui tributum, tributum: cui vectigal, vectigal.*) Hoc est, cui debetis tributum, reddite tributum, &c. Tria sunt genera sub quibus quicquid penditur principi, comprehenditur: scilicet tributum, vectigal & census. Tributum, quod soluitur ex bonis ciuium propter administrationem Reipubl. quam scilicet princeps armis tueri debet, moribus ornare, in pace deniq; & tranquillitate custodire: atq; hoc (exceptis his qui priuilegio sunt exempti) deberet exigi, pro ratione substantiæ cuiusq; ciuis, ut esset legitimum. Vnde tributum à tribuendo dicitur, seu potius à contribuendo. Vectigal autem à vehendo dicitur: & penditur ex iis mercibus quæ vehuntur, ad sustentationem murorum, pontium, aliorumq; ædificiorum Reipub. Sed cæsus soluitur de capite, in signum subiectionis id est, secundum numerum personarum, quæ recensentur: iuxta illud, *Exiit edictum à Cæsare Augusto, ut describeretur vniuersus orbis: hoc autem tertium, quia non tantum præse fert honestatis, subiecit hic Paul. (Cui timorem, timorem: cui honorem, honorem.)* Non composuit amorem cum timore: quoniam amor vniuersis debetur: hic autem propriè loquitur de his, quæ debentur superiori: princeps autem qui in hoc imaginem Dei gerit, & dominus est, ratione cuius debetur ei timor secundum illud, *Nonne dominum & patrem vocatis me?* Et, *Si dominus sum ego, ubi est timor meus?* & *si pater sum, ubi est honor meus?* Et respicit hic forsan ad illa duo genera obedientium, quos antehac adnotauimus, quorum alteri timore damnationis obsequentes sunt, alteri verò amore, ne resistent ordinationi Dei: in quo maximè honorem deferunt principi. Quocirca non præcipit simpliciter, timorem reddi, quasi hoc sit optimum virtutis officium, sed ex suppositione, ut commonuerat supra, *Si malum feceris, time. Honor quippe est, qui secundum Aristotel. præcipuum est premium, quod debetur legum custodi, & inter Christianos debetur, ut pro illis iuges fundamus preces, iuxta illud, Obsecro primum omnium fieri obsecrationes pro Regibus & omnibus, qui in sublimitate sunt constituti, ut tranquillam & quietam vitam agamus. Sed & hoc demum animaduertendum est in præsentiarum, quòd non distribuit hæc quatuor, quasi diuersis personis debita. Nam eidem principi omnia debentur: at hoc tantum constituit, quòd quisq; cuiq; id soluat, quod illi debet. Est namq; qui vecti-*

*Tria tributa
rū genera.*

Vectigal.

Census.

Luc. 1.

Malach. 1.

*Honor.
Ethic. 3.*

1. Tim. 2.

gal debet, & non tributum: & est cui honor debetur, & non timor: & cui honor & timor, vt patri: non autem aut tributum, aut vectigal: sed hæc minima sunt. Non est hic autem disputandi locus, exempti ne sint tributorum onere sacerdotes, vel iure diuino, vel saltem principum, non solum pro eo quod vncti sunt domini, verum & propterea quod sunt obsequio publico spirituali mancipati. Qua ratione etiam & prophanis olim Gentibus mos erat & religio, sacerdotes liberare tributis, vt memoriæ proditum est in Gene. de Aegyptiorum sacerdotibus. Neq; verò locus est disserendi, quibus modis ius & æquum transgredi principibus cōtingat in exactione tributorum: nempè dū, vel non pro ratione necessitatis, vel non in publicam vtilitatem, sed ad proprium luxū illa distorquent: hæc siquidem hic Paul. non tangit.

Gen. 47.

Nemini quicquam debeatis, nisi vt inuicem diligatis: qui enim diligit proximum, legem impleuit.

Secūda pars capituli.

Hic secum textum, vt breuiloquiū hoc de dilectione, sit secunda pars capituli, in qua Paul. postquā de officiis, quæ superioribus peculiariter debentur, præcepta dedit, dilatat sermonē vniuersaliter ad omnes proximos: explicando charitatis mandatum, quod vna causa est sufficiens implendi omnia, quæ iussa sunt. Igitur cū affirmando iussisset, Reddite omnibus debita, iam nunc negatiuam partem, quæ inde sequitur, subiunxit. (*Nemini quicquam debeatis.*) Hoc est, non solum superioribus (vti admonitum est) verum neq; inferioribus, neq; æqualibus in mora sitis soluendi debita, sed statò tempore reddite: secundū illud, Non morabitur opus mercenarii tui apud te, vsq; mane. Est enim retentio alieni, inuito domino, species furti, obnoxia etiam restitutioni si dilatio temporis damnum detur creditori. (*Nisi vt inuicem diligatis.*) Oratio hæc syncerè & simpliciter audienti forsā non ingigneret exceptiuum sensum, sed hunc, Nemini quicquā debeatis, sed inuicem diligatis. Vt, quoniam duo sunt contraria, quicquā alicui deberi, & inuicem omnes diligere, edoceat nos, quod cū nemini quicquā debuerimus, tunc inuicem diligemus. Ac si dixisset, Neminem lædatis, sed satagite vt inuicem diligatis, Non enim est

Leuit. 19.

Paul. ita multū amator compti sermonis. Et profectò qui hunc sensum ex his verbis conciperet, non longè forsan distaret à mente Pauli. At verò Chrysostom. primus, post *Chrys.* verò August. in epistola ad Seuerum, & in alia ad Celestinum, ac subiinde pleriq; expostitorum, verbum hoc audiunt in sensu, vt iacet, exceptiuo, qui ideò reuerenter auscultandi sunt & tenendi. Secundū quos sensus est Pauli, vt nemini quicquā debeamus, præter vnā dilectionem: quod quidem debitum, cū semper soluitur, nusquā vsque adeò persoluitur, vt non debeatur. Deo enim & parentibus ideò nunquā satis obsequia rependimus pro beneficiis, quia non potest inter nos & ipsos reperiri æquale: iuxta illud psalmi, Quid retribuam domino pro omnibus quæ retribuit mihi? Cæteris proximis nunquam non debemus amorem, propterea quod (vt ait loco citatò August. ad Celestinum) cū redditur, nō amittitur, sed potius reddendo multiplicatur: imò hoc est charitatem habere erga aliquem, quod, charitatē illi reddere: & reddere, quod, habere. Contrā quā in pecunia contingit: hæc enim nō habetur nisi dū non redditur: & quod plus illius redditur, minus habetur. Vnde non præcipit Paul. Vt donemus charitatem gratis, quasi indebitam, sed vt semper reddamus, quasi semper debitam: quia nullum est tempus, in quo non possit occurrere vel necessitas consilium præstandi officium vè vllum, aut signum charitatis. (*Qui enim diligit proximum, legem impleuit.*) In Græco codice est, qui diligit alterum, & ita aiunt quidam transferendum fuisse, vt non solum proximus, sed Deus comprehenderetur. Sed est satis inept⁹, qui propterea existimet, dictum esse, alterum, vt Deus cum homine nominaretur. Haud enim scriptura tali vucula Deum commiscet cum hominibus. Vnde quanuis Aug. alicubi, alterum, legat, nihilò minus & ipse frequētius, & authores omnes, tam Græci, quā Latini, nō legunt, nisi, proximum, vt est crebro in vtroq; testamento: vel quod forsā olim in Græco hic etiam erat πλησιον, proximum, vel quod, ἑταίρον, idem *Proximus.* etiam significat, quod proximus: putā, illum qui nobis conuiuit, necessitudine scilicet aliqua nobiscum coniunctus: vtpote, vel sanguine, vel ciuitatis vicinitate, vel Christianismo: vel certè quod omnes homines sumus sub cura ynius parentis Dei. Sed est quæstio, quā mouet Aug. in expositiōe ad Gal. Cū duo *Dubitatio.* sint

Mat. 22. sint mandata (vt ait Christus) in quibus vniuersa lex pendet & propheta, Diliges dominum Deum tuum, quod est primum: & deinde proximum sicut teipsum, quomodo hic ait Paul. Qui diligit proximum, vniuersam eundem implere legem. Forſan ad quaestionem quis (neq; verò abs re longè) respòdeat, quòd Paul. in praesentia non meminit, nisi de lege qua est in secunda tabula, vbi officia continentur, quæ sunt exhibenda proximo. Nam neq; hæc tenus sermonem duxit, nisi de huiusmodi præceptis: neq; in subiuncto exemplo mentionem facit aliorum, sed, Non adulterabis, Non occides, & c. Secundum formam qua

Leui. 19. est in Leuiti. vbi prætermisſis præceptis primæ tabulae, connumeratisq; vniuersis, quibus vincula societatis humanæ continentur, nihil de dilectione Dei subiungitur, sed hoc tantum, Diliges amicum tuum sicut teipsum, dicit dominus. Itaq; Paul. non loquitur nisi secundum præsentem sermonem, scilicet, quòd qui proximum diligit, omnia præcepta complet, quæ sunt erga ipsum: sicuti qui Deum diligit, omnia quoq; implet, quæ erga ipsum existunt. Neq; de modo implendi quicquid affirmat, an legem impleat, quòd ad intentionem præcipiētis, ex charitate infusa, nec ne. At verò si impletio hæc intelligatur quòd ad intentionem præcipiētis, tunc quia sic impleri nequit absq; vera dilectione Dei, necesse est descendere in alteram expositionem: nempe quòd subticuit de dilectione Dei, eò quòd tunc verum habet altera expositio, propter nexum dilectionis Dei & proximi, qui diligit proximum, Diligit Deum & vice versa: nam in dilectione proximi abditur dilectio Dei, tanquam vera eius causa, & in dilectione Dei dilectio proximi, tanquam inseparabilis eius effectus. Quam ob causam (vt lib. 8. de Trin. adnotauit Aug.) solet in scriptura alterum mandatum, sine alterius mentione proferri. Vt in Deut. Quid dominus Deus tuus petit à te, nisi vt timeas dominum, & ambules in viis eius, & diligas eum. Et conuersa vice in Euange. Hoc vobis mando, vt diligatis inuicem. Addit autem idem Aug. loco citato super Galat. propterea meminisse hic citius Paulum dilectionis proximi, quam Dei, ad imitationem legis, quòd Deum quis facile mentiri potest à se diligi, quia rariores tentationes id probant: in dilectione autem proximi facilius conuincimur eam non habere, quia plures occurrunt casus, quibus id probatur. Vnde sapienter Ioan. per dilectionem proximi rimatur dilectionem Dei, vbi ait, Qui non diligit

fratrem suum, quem videt, Deum quem non videt, quomodo potest diligere? At re vera meminit solius dilectionis proximi, quia de officiis inter proximos mutuis sermonem præcise instituerat. Expositioni autem Origenis, quòd accipiatur hic, proximus, pro Christo, qui in euang. talem se inducit, vt sit sensus, quòd qui diligit Christum, facile omnia complet, non vltimè; adeò libenter applaudit Paulinus textus.

Luc. 10.

Nam, Non adulterabis, Non occides, Non furaberis, Non falsum testimonium dices, Non concupisces, & si quod est aliud mandatum, in hoc verbo instauratur, Diliges proximum tuum sicut teipsum.

Non est hic, quòd exponenda sit ratio horum præceptorum, sicuti in proprio loco: quia tantum exempli gratia allata sunt huc. Hoc autem satis fuerit adnotasse, quòd idcirco non meminit præceptorum primæ tabulae, quòd de sola charitate proximi (vti modo dicebam) dicere proposuerat. Neq; verò quartum affirmatum præceptum de honore parentum commemorandum duxit, eò quòd neq; est adeò vniuersale, cum neq; omnes habeant parentes, vel consanguineos, vel facultatem subueniendi: neq; ita est pro quouis tempore obligans, vti negatiua hæc quinq; quæ vt vniuersos, ita & pro semper (vt aiunt) obligant. Quorum tria priora ad iniurias spectant, quæ opere inferuntur, siue in personam propriam alterius, siue in personam ei coniunctam, siue in exteriora bona. Quartum verò attinet ad iniurias, quæ verbo fiunt. Et quintum, ad peccatum cordis. (Et si quod est aliud mandatum.) Adiecit more illorum, qui inductione vtuntur, quibus non opus est per omnia singularia progredi, sed, quibusdam recensitis, quæ quæ eiusdem rationis sub genere comprehendere, (In hoc verbo instauratur, Diliges, & c.) Verbum hic Græcum, ἀγαπήσεις, complures permittit versiones: Vnde aliqui transferunt, In summam huius verbi rediguntur, alii, hoc sermone summam comprehenditur, & posset ad litteram transferri, hoc verbo recapitulatur. Et Ambro. legit, consummatur. Nam, in istaurari, aiunt (quod est inter prioris exemplaris restitui) non videtur ad rem proximè accedere: nam præceptum non restituitur, seu

Z 4 readi-

Aug. de Trin. adnotauit Aug.) solet in scriptura alterum mandatum, sine alterius mentione proferri. Vt in Deut. Quid dominus Deus tuus petit à te, nisi vt timeas dominum, & ambules in viis eius, & diligas eum. Et conuersa vice in Euange. Hoc vobis mando, vt diligatis inuicem. Addit autem idem Aug. loco citato super Galat. propterea meminisse hic citius Paulum dilectionis proximi, quam Dei, ad imitationem legis, quòd Deum quis facile mentiri potest à se diligi, quia rariores tentationes id probant: in dilectione autem proximi facilius conuincimur eam non habere, quia plures occurrunt casus, quibus id probatur. Vnde sapienter Ioan. per dilectionem proximi rimatur dilectionem Dei, vbi ait, Qui non diligit

reædificatur, quod sonat verbum, instauratur. At verò interpret non illum forsan secutus est sensum, qui istis probatur: videlicet quòd omnia simul præcepta comprehensim cõtineantur sub isto, sicut particularia præcepta sub generali: quanquàm hoc verissimum sit, sed hunc potius, quòd aliorum quodlibet particularium non est secundum virtutē nisi quædam dilectio proximi: & ideo in vno quolibet illorum hoc generale virtute repetitur. Quem sensum præ se fert *Cyrillus*, lib. 9. super Ioannem: atq; idem significanter exprimitur per verbum instaurandi, quod vox ipsa Græca non fert illibenter. Quasi dixisset, Qui iubet proximum diligere, iubet non mœchari, & non occidere, & reliqua. Itaque hoc verbum, Diliges proximum, singula aliorum instaurat, hoc est, fundat, corroborat & consolidat, veluti causa & stabilimentum omnium. Neq; opus est, vt vsq; adeò adamusim etymologiæ verba vsurpentur. Neq; verò omnes Grammatici admittunt, quòd instaurare sit instar prioris staurare, vt sic dicamus, sed est in statum suum rem quamlibet redigere, Quamobrem non ineptè, instauratur, pro eo accipitur, quod est, confirmatur, & roboratur. Atque huc pertinet Origeniãna interpretatio, quæ exponit dilectionē, causam esse implendi oĩa mandata. Per hoc quod qui proximum diligit, is neq; adulterium cõmittit, neq; homicidium, aut furtum, &c. (*Diliges proximum tuum sicut teipsum*.) Hoc est, ad eundem finem, qui Deus est. Vel quod idem pollet, sicut te, non propter alium diligis, sed omnia alia bona propter teipsum, referēdo te in solum Deum, ita, & proximum non diligas, nisi propter seipsum, hoc est, non propter tuum commodum, tuam vè voluptatē, sicuti diligis equum tuum amore concupiscētiæ, sed bene illi velis, bonaq; precator propter seipsum, ac si esset alter tu: hic enim syncerus, Christianusq; adeò sensus est illius inter philosophos celebratæ sentētiæ, Amicus, alter ego. Qui enim sic diligit amicum, nullatenus illi erit, vel iniurius, vel nocuus, atque adeò totam erga eum legem impleuit. Quod si alterum propter te, remq; tuā diligas, neq; eum tunc diligis sicut teipsum, neq; in tuto ille est, ne cessante tuo cõmodo, eum lædas.

Dilectio proximi malum non operatur. Plenitudo ergo legis est dilectio.

Cõclusio est superiorū dilucidatoria. Probat enim, quòd qui proximum diligit, legem implet: quoniam dilectio malum non operatur. Quo pacto ait alibi, dilectio non agit perperam. Et qua ratione subticuit affirmatoria præcepta, eadem quoq; silet officia positiua charitatis. Nam charitas non solū non agit malum, verū agit bonum, quod pertinet ad affirmatiuum præceptum. Sed quoniã sola negatiua commemorauerat, quibus dūtaxat prohibetur malum, ait, Dilectio proximi, malum non operatur. Alii transferunt, proximo. Nam Græcum aduerbium, πλησίον, solo articulo, τῷ, vel, τῷ, variato, potest transferri, dilectio illius qui proximè est, id est, proximi, vel, dilectio illi q̄ proximè est, malū non operatur. At verò licet parum referat, præcedentibus tamen multò congruentior est genitiuus, qui adiaceat nomini, dilectio. Atq; inde infert. (*Plenitudo ergo legis est dilectio.*) Et perspice quòd cū in specie id tantū proposuisset, quòd dilectio proximi esset impletio legis, concludit tamen, quòd plenitudo legis est dilectio, in genere, vt tam Dei q̄ proximi intelligamus. Vel quia in dilectione proximi (vti diximus) includitur dilectio Dei: vel quia (vti per priorem expositionem insinuauimus) nihil vult aliud constituere, quàm quòd, sicut dilectio proximi plenitudo est legis positæ erga proximum, ita dilectio Dei plenitudo est legis, & præceptorum erga Deum. Et potest conclusio, vel in ratione causæ intelligi, scilicet, quòd per dilectionem impletur tota lex (sicuti modò dicebamus) vel certè formaliter, quoniã plenitudo, hoc est, impletio legis, perfectioq; & complementum, & cõsummatio eius, nihil aliud est, quàm dilectio in opere. Vnde ad Col. *Col. 3.* Charitatē habete, quod est vinculum perfectionis. Quòd si placet plenitudinē legis, finē ipsum legis appellare, & tūc quoq; plenitudo legis est dilectio: nam finis præcepti, charitas.

Et hoc, sciētes tempus, quia hora est iam nos de somno surgere. Nunc enim propior est nostra salus, quàm cū credidimus.

In hac tertia parte capituli post institutionem hominis in ordine ad maiores, ac deinde in ordine ad æquales, efformat eum in ordine ad seipsum. Fit autem partis huius cum superiori colligantia sub exaggeratione figura, à temporis congruentia & opportunitate, Quo-

Tertia pars capituli.

Quocirca non est continuatio consideranda cum proximis verbis, sed cum illis superioribus exhortationibus, Necesse est, Reddite omnibus debita, &c. Illas enim ut altius imprimat Romanorum mentibus, ait, (*Et hoc,*) Quasi dicat, atque id maxime. Haud enim legendum est. Et hoc scientes tempus, Ut pronomine, hoc, adiectiuum sit dic, tempus, Nullum enim phrasim Græca permittit locum huic amphibologie, quippe ubi pronomine neutrius est generis, temporis autem nomen masculini. (*Scientes tempus,*) Hoc est, temporis opportunitatem & decentiam. Etenim inter reliquas circumstantias, illa quæ temporis est præcipue mouet. Quam ob rem Ecclesiastes sua singulis negotiis accommodat tempora. Nam ut ait rursus cap. 8. omni negotio tempus est & opportunitas. Quæ autem sit hæc temporis decens occasio, declarat, (*Quia hora est nos iam de somno surgere.*) Alij transferunt, quia opportunum est. Sed profecto cum Græcè expressè sit, hora, non erat causa quare aliud nomen affectaretur. Atque ob id minus, quod, hora, pressius denotat momentum surgendi, quam si dicas, tempestiuum, quod esse potest, etiam dum non instat punctum. Et ut nihil non sua eloquentia commaculent, pro, à somno surgere, transferunt, à somno expergisci: cum Græcè non sit nisi verbum, quod proprie significat surgere: idem scilicet quod est apud Mattheum, Surge & accipe puerum. Et de socro Petri, Surrexit & ministravit eis, & ubicunque Latine est surgere. Atqui ut alij scientissime obseruauerunt, plus est surgere, quam expergisci: sunt enim quos expergefatos à somno pigritia remoratur ne exurgant. Immo si ad animam id referas, sunt quidem qui expergefati à peccato, hoc est, illustrati, & per veritatis lumen à cæcitate liberati, adhuc vel ignauia, vel malitia decumbunt in sua prauitate. Paulus autem non solum nos contedit à somno excitare, sed urgere quoque, ut neque segnitie & ignauia teneamur, quo minus festini exurgamus à somno ignorantie, & culpæ, & negligentie. Est enim somnus gloriæ, de quo in Psalmo, In pace in idipsum dormiam, à quo nunquam deturbabimur: & somnus contem-
plationis: de quo in Canticis, Dilectus admo-
 net ne excitetur dilecta: & est somnus natura-
 ræ, putæ, vel mors, de qua ad Thessal. Nolo
 vos ignorare de dormientibus, à qua suscita-
 bimur postrema hora mundi: vel requies à
 vigilia, cuius hic similitudine utitur Paul. ac

denique culpæ, ignorantie, & desidiæ, à quo commonefiunt Romani ut surgant. De qua hic autem hora nos admoneat Paul. exponere progreditur. (*Nunc enim propior est nostra salus, quam cum credidimus.*) Græcè non est, propior, sed, propius, genere neutro, quod quidem amphibolam reddit orationem apud Græcos. Potest siquidem verti, Nunc propius nobis est salus, vel, Nunc propius est nostra salus: nam, *ἡ σῶσις*, vtraque hic potest transferri voce, scilicet, & nobis, & nostra. Et ideo secundam lectionem secutus interpres, mutauit neutrum comparatiuum nomen in masculinum, quod sententiæ nihil prorsus incommodat. Subscribit ergo Paul. duas causas, ob quas hora sit iam de somno surgere. Vnam, quia propior est nostra salus: alteram in subsequenti textu, Quia iam aduentat dies. Variæ autem circumscribuntur glossæ huic textui, secundum quod tempus credendi, salusque atque appropinquatio salutis pluribus modis exponitur. At primum omnium salutis nomen in confesso est significare hic salutem æternam: nempe iustificationem, quæ in hoc seculo fit per gratiam, & possessionem vitæ in altero, quæ fit per gloriam. Vnde tam Origen. quam Chrysost. salutis tempus appellant articulum illum, quo in futuro seculo consummabitur hæc salus: siue vniuersalem consummationem intelligas in die iudicii, siue singulorum proprias in cuiusque obitu. Quocirca Chrysost. appropinquare salutem existimat tractu temporis præsentis vitæ. Haud veruntamen ita adamsim explicat quid hoc sit, quod ait Paulus, quam cum credidimus. Alij verò nomine salutis, intelligunt, redemptionem factam per Christum. Sed hoc quod est, propius accedere, quam cum credidimus, non omnes vno modo glossant. Sed alij sic, quod, cum ad salutem per opera charitatis progrediamur, propior est sua cuique salus, dum prouectior est studio-
 sis operibus, quam dum credere coepit, & maxime, quam dum fides est informis. Atque idcirco admonet (inquiunt) Romanos Paul. propinquiores iam tunc factos, dum illis scribebat, quam dum primum fidem susceperunt. Ait enim Chrysost. quod forsitan tractu temporis coeperant iam languescere in operibus charitatis: & ideo eos admonet, quod potius deberent vigilantiores esse, quanto longius tempus egissent in Christianismo. Ut autem sensum, qui penitissimus est menti Pauli. ex-
 ramus, id quod cap. 7. in verbis eius consy-
 ramus, id quod cap. 7. in verbis eius consy-

Orig. &
Chrysost.

Sensus syn-
crus Pauli.

Z 5 dera-

Eccles. 3.
& 8.

Mat. 2. & 8.

Son. triplex.
Psal. 4.

Cant. 2.

1. Thess. 4.

derabam, hîc etiam meditandum est, hîc siquidem & qui subsequitur sermo, per illud maxime capitulû dilucidatur. Repræsentat inquam hoc loco personam publicam totius humani generis, à tempore, quo in Abraham primordia suscepit fidei Christi, vsque ad Christum passum: cuius passione apertum est regnum cœlorum, ac iustis omnibus factum est peruium: per huius namque possessionem regni, cōsummatio fit salutis nostræ: à qua possessione Patres antiqui arcebantur expectantes salutis pretium. Paul. igitur veluti publicus eiusdem salutis præco, exhortatur hîc Romanos, atq; in ipsis vniuersum orbem, instigatque per hoc ad virtutis officia, quod iam nunc, patrata redemptione, multo fit propinquior salus hominibus, quam cum crediderūt: nempe dum per Abraham mundus recepit ab ore Dei fidem. Veluti si Parisiensis modò doctor in cathedra nomine totius vniuersitatis: quæ cœpit ante mille annos: diceret, Nunc illustriores sumus literis, quam cum primas scholas instituimus: aut si in suo Senatu diceret dux Venetus, Potentiores sumus quam cum prima iecimus fundamenta vrbis. Idem in summa videtur concionari hîc Paul. quod Ioannes, vbi clamabat, Poenitentiam agite, appropinquabit regnum cœlorum. ¶ At dubium tunc nihilo minus restat, an salus hîc pro redemptione ad iustificandum, regnumq; aperiendum accipiat, an verò pro gloriæ possessione. Nā si prius dederis membrum, tunc non debuisset dicere, propior est, sed iam venit. Ioānes quidem rectè dicit, appropinquabit, quia Christus, nec regni valuas reuerauerat, nec de illo coeperat prædicare. Paul. autem scribebat, post gratiā iam redemptionis exhibitiā. Quod aut accipiat, p adeptiōe vitæ æternæ in futuro seculo nō adeò apparet consonū instituto hîc Pauli, vbi tantum videtur cōferre statum nascentis fidei sub vmbra Christi, per Abraham ad statum eiusdem per Christum explicat: etenim cū fides, via sit ad salutē, quò explicatior est fides, eò propinquior est salus. Respondendum est forsan, quod non accipitur hoc loco præcisè salus, aut pro iustificatione, aut pro possessione cœlestis vitæ, sed comprehensim pro ambabus. Et vult sibi Apostolus, quod aperto iam regno cœlorum, quod ante redēptum orbem non patebat, explicatq; fide per Euangelium, suffectisq; diuinitus tot sacramentis & auxiliis ad faciendā opera, quæ fides per charitatem

operatur, propior est nostra salus, hoc est, p̄rator & promptior: vtpote quod planior est via, faciliorq; vt quisq; valeat, tum ad fidem venire, per quam applicatur facta redēptio, tum maxime fide imbutus, officia præstare, ad quæ nos eadem erigit fides, allicitq; & impellit, quam dum fides in incunabilis erat sub lege, ac veluti sub nubilo delitescibat: nec tot erant nobis auxilia suppeditata ad promouendum per salutis tramites.

Nox præcessit, dies autem appropinquauit. Abiciamus ergo opera tenebrarum, & induamur arma lucis. Sicut in die honestè ambulemus.

Hæc est persuasio secunda, cur debeamus studiosis operibus incumbere, tam in proximis, vt iam denarrauit, quam in nosipso, vt mox dicturus properat: nempe quoniā nox præcessit, dies autē appropinquauit. Videntur autem duo hæc membra non valdè spontaneè cohærere. Nā vbi nox præcessit, tunc dies non appropinquat, sed iam eluxit. Ad hoc autem respondetur, quod secundum binam interpretationem superioris textus de appropinquante salute, bipartita quoq; est & huius expositio. Authores enim Græci, Origen. Chrysost. & planissimè Theophyla. qui, appropinquare salutem, ad aduentum gloriæ spectare putant, totam præsentem vitam appellant noctem, illamq; supernam inaccessibili luce Dei, sanctorumq; splendoribus rutilantem, censent diei appellatione. Quocirca non legunt, Nox præcessit, sed, processit, seu progressa est, ad diluculum properans, etsi nondum sit peracta. Cui quidem expositioni fauorabile est verbum Græcum, προηορτο, Nam præpositio, προ, Græcè idem significat quod pro, Latine, Et phrasis præterea hæc Pauli tali lectione videtur gaudere: nocte enim procedente, tunc appetit aurora, diesque appropinquat. Neque illibenter res ipsa talem lectionem suscipit: nam tota hæc vita, tum peccatorum, tum etiam ignorantie tenebris obscuratur, plus scilicet sub lege veteri, minus autem sub euangelica. Et hoc est, noctem processisse, nimirum quasi vsque ad crepuscula diei esse iam promotam. At verò Hieronym. Ambros. & Latini omnes nō legunt nisi, præcessit. Quapropter non est cur dicamus librariorum vitio pro, processit, scriptū esse, præcessit, imo est credibi-

Exemplum.

Mat. 3.

Dubitatio.



dibilius ita vertisse interpretem. Nam, πρὸς, Græcè nonnunquam etiam vsurpatur pro eo quod Latinis est, præ. Atque hæc quidem lectio multò grauius fideliusq; seruit proposito Pauli, qui tum in tota hac epistola, tum maximè tam. cap. 7. quàm hoc loco, qui illi confinis est conferre persistit statum veteris legis cum euangelico. Quem quidem priscum statum illic appellat statum peccati, in quo passiones peccatorum per legem vivebant: atque hanc maximè ob causam vocat illum hic, noctem. Et præterea quia fides tunc nubi-
Malac. vii. *Ioan. 9.* *1. Pet. 1.* *1. Thes. 5.* *Ambro.*
 bila erat, & cærimoniarum illarum omnino futurorum umbræ, atque adeò homines somnolenti, defidiaque & torpore sopiti. Statum verò euangelicum producit hic, ceu diem, in quo Christus, veluti solis iubar per iustifican-
Gratia crepusculum.
 tem gratiam cœpit orbem irradiare, iuxta illud, Vobis timētibus nomen meum orietur sol iustitiæ. Et Christus ipse, Me oportet operari opera eius, qui misit me, donec dies est. Et infra, Quandiu in mundo sum, lux sum mundi. Fides nanq; sole splendidius refulget, iuxta illud, Habetis propheticum sermonem, cui benefacitis attendentes, quasi lucernæ lucenti in caliginoso loco, id est, quæ caliginem fugauit antiquā. Eandem similitudinē diei & noctis persequitur, ad Thess. Vbi ait, Non estis in tenebris, sed filij lucis: igitur non dormiamus, sicuti & ceteri, sed vigilemus & sobrij simus. Vnde Ambrosio hoc noctis nomine vetus homo significatur, qui per baptismum innouatus est. Argumentum autem suprâ obiectum de verbo, appropinquauit, facile quis posset sic eludere. Quod qui dixit, appropinquauit, tali præterito significauit, diem iam esse, vt, dies appropinquauit, idem sit quod, accessit. Attamen, licet non taliter vsurpetur, sed pro eo, quod dicimus, proximè est, nihilominus respōdetur, quod non dixit, dies venit, sed, proximus est. Primum quia lux hæc nōdum erat omnibus applicata, sed iustis. Et ideo ait, appropinquauit, sicuti de salute dixerat, prior est, nempe quia paratissima est lux hæc illuminare omnē hominē venientem in hunc mundū, nisi quis propria culpa suos cōtegat mētis oculos. Et præterea quoniam lux gratiæ semper progreditur & augefcit, quoadusq; lumine gloriæ cōsummetur: sicuti & de salute prænotauimus. Ob idq; ait, appropinquauit, id est, cœpit iā quasi in crepusculo lucescere. Haud enim ineptè gratiam respectu gloriæ crepusculum diei nuncupaueris. (Abiiciamus ergo

opera tenebrarum.) Applicatio est hæc, exempli diei & noctis. Etenim morale est, vilibus obsoletisque homines noctu indui, negligentiusq; curare ea, quæ ad cultum pertinent, eò quod, offusis tunc tenebris, nemo videat habitum nostrum: interdum verò cum omni decoro vnusquisque studet prodire. Ait ergo Paulus, qui hætenus sub frigore & nubilo legis iacui, vbi nec fides adeò elucebat, neq; auxilia suppetebant, vt charitatis calore accenderemur, nunc, aduentante die (quam horam esse dixerat surgendi à somno) abiiciamus opera tenebrarum. Loquitur in prima persona, ne aliis videatur, non sibi cum aliis legem ponere. Appellat autem opera tenebrarum, peccata: quoniam, & deficiente rationis luce concipiuntur: nam omnis peccans est ignorans: & non nisi in tenebris exercentur: quoniam qui malè agit odit lucem: & ad tenebras illas exteriores nos extrahunt, in quas (iuxta verbum euangelici domini, qui fecit nuptias filio suo) proici iubebitur quisquis aderit absque veste nuptiali. (Et induamur arma lucis.) Contrariis omnino de causis virtutum opera, non solū ornamenta sunt lucis, verū & arma, quibus spiritus pugnat aduersus carnem. Gignuntur enim, vegetanturq; rationis radio, diuinitus micæte, dignaq; sunt, quæ in meridie fiant, & in conspectu hominum, qui videntes glorificent patrem, qui in cœlis est. Et præterea ad illā nos lucem prouehunt, quā Deus habitat inaccessible. De his ergo ait Apostolus. Induite vos armaturā Dei, vt possitis stare aduersus insidias diaboli. Et infra. State & succingite lumbos vestros in veritate, & induite lorica iustitiæ, &c. (Sicut in die honestè ambulemus.) For-
Opera tenebrarum.
Ethi. 3.
Ioan. 3.
Mat. 22.
Arma lucis.
Mat. 5.
Ephe. vi.
 san quis particulā, sicut, diuidat in duas. Sic induamur, vt honestè ambulemus: tamē Græcè vnica simplex est, vt, vel si dicas, quasi, hoc est, armemur arma lucis tanquam honestè, putā cum decoro & decenter ambulantes: quod est, incedentes & prodeuntes in lucem diei, quando circumquaque ab omnibus conspicimur ac iudicamur.

Non in comestationibus & ebrietatibus, non in cubilibus, & impudiciis, non in cōtentione, & æmulatione: sed induimini dominum Iesum Christū, & carnis curam ne feceritis in desideriis.

Expli-

Explicationem subiicit vtriusq; mēbri superioris præceptionis, tā illius scilicet, quod est, abicere tenebrarū opera, quā alterius, quod est, induere arma lucis. At quāuis vniuersa delictorum, flagitiorumq; genera, opera sint tenebrarum, rationibus modò scriptis sex tamē peculiariter hīc commemorat. Haud enim per trāsgressiones omnes discurrit, quarum prohibitiones iam modò exempli gratia, recensuit. Et quamuis omne quod est in mundo, sit vel concupiscentia carnis, vel concupiscentia oculorum, vel superbia vitæ, nihil tamen de concupiscentia oculorū, hoc est, de auaritiæ criminibus commemorat, quæ ad iniuriam pertinent aduersus proximos: quoniam hīc tantūm hominem informare, componereque instituit erga seipsum. Ob idq; ea penitus refert, quibus vtrāq; partem sensitiui appetitus reformet, scilicet, concupiscibilem, & irascibilem. Concupiscibilis autem in eas fertur voluptates, quæ ad cōseruandum, vel indiuiduum per cibum & potū: vel speciem per concubitum attinent. Quinimo videre hīc mihi videtur Paul. vt decorū exempli & similitudinis seruaret diei & noctis, illa prorsus vitia subnotare, quæ ad literam noctu plurimūm perpetrātur. Comeffationes enim, etsi apud antiquos conuiuia generaliter dicātur, vbi singuli sua symbola cōferunt, vsurpatur tamē propriè nomen hoc pro illis intempestis cōiuiis, quæ post cœnā fiūt: veluti ientaculum, epulum est, quod fit ante prandium, & merenda, quæ ante cœnam. Dnde, καμῶν, quod hīc ponitur Græcè, Deum significat infamem, qui illis præsidebat nocturnis comeffationibus. Hæc enim conuiuia ad multam noctem protrahi solita, luxu lasciuiisq; instructa, plurimā parturiūt, proferuntq; flagitiorū ac scelerum segetē: interq; maximè sunt crapulæ, ac temulentia, impudiciatq; ac deniq; lites & iurgia. Quocirca talia conuenticula, non tam conuiuia, à conuiuendo dicendū sunt, quā combibia, hoc est, compotatiōes, quas Græci, συμποσία, dicunt. Est veruntamen adnotandum, quod si nomen gulæ solūm dicat vitium ordinis, ad suum peculiare obiectum & finem: scilicet, nimium appetere delectationes cibi & potus, genere suo, non est mortale peccatum, sed veniale: at quatenus importat corruptum ordinem ad supremum finem, putā ad Deum: nimirum quando cibo & potu ita fruitur homo, vt paratus ob hoc sit transgredi præcepta Dei, tunc est lethiferum. Hanc

enim voluptatis fruitionem, tanquā summi finis, subnotauit Apostol. ad Philipp. in illis *Phil. 3.* quorum Deus venter est. At verò ebrietas, *Ebrietas.* quia non solūm nimium potum significat, sed rationis priuationem, genere suo dicit lethale flagitium. Est autem præterea vitium hoc, ea ratione capitale, qua caput, radixq; & mater est aliorum flagitiorum: vel quinq; maximè quæ. 31. Moralium refert Gregorius: *Grego.* putā, ineptæ letitiæ, scurrilitatis, immunditiæ, multiloquii, atq; hebetudinis mentis. Quæ de re Apostol. ebriosos connumerans cum idōlis seruētibus, præcipit cum huiusmodi infamibus nec cibum sumendum esse. Conferamus ergo cum huius enormitate vitij, vsum *Enormitas gulæ.* & morem, qui magna iam ex parte orbem Christianum inuasit. Non enim eò tantūm res processit, vt pro nulla ducatur impudentia talium gregi commisceri, verū eò vsque, vt pro magno ducatur honor, huiusmodi crapulis ingurgitari, propinationibus conuiuas prouocare, feritatemq; ipsam gulæ stimulare & irritare, ad prosternendam, iugulandamq; rationem, vnde homo & rem sortitur & nomen. Quo reuera nihil esse potest naturæ nostræ repugnantius. Irrationale quippe animal, nulla, vel vi, vel arte euinci potest, vt ultra naturæ necessitatem pabulum insumat: homo verò, in hoc ratione dotatus, vt frugalius parcusq; viueret, eo ipso, quod rationalis est, brutorum metas transgreditur, vimq; vsq; ad rationis ipsius interniciem infert naturæ suæ. (Nō in cubilibus & impudiciis.) Post comeffationes & ebrietates quid nam cōiunctius subiungeret, quā cubilia & impudicitias? Ecquid enim aliud ignis, structis lignis, faciat, quā ardere? Hæc autem duo ad diuersa nonnulli referunt, vt cubilis nomine tantūm delicias, molliciemq; lecti intelligant, ad captandam voluptatem somni, quod genere suo non esset mortale, nisi sicut de gula diximus. At forsan cubilium appellatione, scortationes ipsas spurcosq; complexus significat, quos explicatius cognominat impudicitias. Nam, cubile, Latine, sicuti & Græcè, κοῖτη, & si lectum quoq; significet, vsitatus tamen est, vt accipiatur pro ferarum lustris, à luto dictis: hoc est, pro paludibus & coenosis locis, in quibus feræ cubāt: quapropter cubilis nomine, infamiam & dedecus subnotat Paul. spurciciæ hominum, qui veluti pecora voluntur in stercore & luto. Acerrima hinc ergo colligitur accusatio in eos, quos hæc ope *Contra mago* mifeſtarios *peccatores.* ra tenebrarum non depudet in publico petrare.

Concupiscibilis & irascibilis.

Nocturna delicta.

Gula vitij.

petrare. Quos enim tenebrarum nomen non absterret arcetq; à crimine, conterritos salutem habeat, ne nocturna luculentaque tenebrarum opera luci offundat, atq; illos offendant, qui induti sunt armis lucis. Deus namq;

Mat. 5. qui nihil optatius à nobis desiderat, quàm vt luceant opera nostra bona, vt glorificetur ab hominibus, nihil ideo fert grauius, quàm eum (iuxta verbum psalmi) gloriari in malitia, qui potens est in iniquitate. (*Non in contentione et emulatione.*) Hec iam vitia ad appetitum irascibilem attinēt. Sed tamen ex temulentia ipsa & calore vini in comestationibus plurimum suboriuntur inter cōpotores. Quam ob rem cum calor potus silētium rumpit, facilē colloquium prorumpit in clamores & contentiones, extenditur nihilo minus præceptio ad omnes cuiusvis generis contentiones, vt initio subsequēntis capitis patebit. Sunt autē cum contentionibus, emulatio & inuidia arētissima affinitate coniunctæ. Est inquam, in primis inuidia contentionis mater: inuidus namq; cum ferre nequeat aliorum sentētiā, promptissimus est, vt contradictionibus contendat. Et sæpe cōtentione ipsa æmulatio crescit & inuidia. Optimè ergo sunt hīc ab Apostolo composita post, comestationes. (*Sed induamini dominum Iesum Christum.*) Explicuit opera tenebrarum, quæ abiicienda nobis sunt: declarat ergo iam, quid sit arma induere lucis, idque cum maxima orationis sublimitate & vehementia. Etenim quoniam arma lucis, virtutes sunt vniuersæ, quibus Christo in hac vita aduersus Sathanam militamus, fons autem earum ac robur idem ipse sit, cuius merito, fides cum virtutibus ceteris infusa nobis est, non satis arbitratus est, obsecrasse, vt nos virtutibus adornemus, sed adhortatur, vt Christum ipsum induamus, hoc est, ita per virtutum exercitiū Christū imitemur, vt nihil in nobis, nisi eius appareat imago, ad modū indumenti, quod solū se repræsentat in homine. Itaq; induere Christum idem sit, quod, ipsum imitari. Vel, si mauis, idē quod, demutari in ipsum, suscipiendo eius figuram: sicuti qui creatur in regem, induit personam regis, & qui assumitur ad functionem episcopatus, induit personam episcopi. Per hanc etenim metaphoram dixit ad Gal. Quicumq; in Christo baptizati estis, Christum induistis. Qua etiam ratione ad Ephes. ait, Christum habitare per fidem in cordibus nostris. Contendit nos ergo Apostol. tam extrinsecus, quàm intrinsecus Christo implere & perornare: nempe, vt qui per fidem in baptismo merita eius participamus, postmodum per imitationem eundem foris referamus, vt non nos in nobis, sed Christus semper viuat. Ob idque subiungit. (*Et carnis curam ne feceritis in desideriis.*) Haud enim (vt cap. 8. diximus) interdixit nobis omnem curam carnis vsque adeò, vt non debeamus ei in necessariis providere: quandoquidem iuxta eius testimonium, Nemo carnem suam odio habet, sed nutrit & fouet: sed hoc tantum à nobis deposcit, quod non geramus eius curam in desideriis, hoc est, in inexplebili auiditate, ac si hæc corporea vita esset finis nostræ, cui deberemus studia nostra referre: hoc enim est, quod supra cap. 8. nos prohibuit, vbi ait, Debitores sumus, non carni, vt secundum carnem viuamus, sed spiritui, cui vita ipsa carnis referenda est, & secundum eius leges transigenda.

CAP. V. T. XIII.



Infirmum autem in fide, assumite, non in disceptationib⁹ cogitationū.

Cum capite. 12. perfectorum officia docuerit, & capite proximo obedientiam peculiariter demonstrauerit, quam inferiores superioribus debent, in hoc iam & subsequenti demonstrat officia, quæ perfecti & robusti in fide debent debilibus, in hoc quidem, quomodo non debent eos spernere, nec scandalizare. In quinto decimo vero, quomodo debent eorum imbecillitatem ac infirmitatem sustinere. Hæc enim opera ad vsum gratiæ pertinent, de quo tractat in his quatuor capitulis. In duo ergo partiamur capitulum præfens. In altera enim parte prohibet, firmos ne infirmos spernant, infirmosq; vicissim ne alios iudicent. Et in altera, Sed hoc iudicate magis, inhihet scandalum: nempe vt nemo illis offendiculum ponat. Attamen licet in vniuersum de quouis genere infirmitatis doctrina hæc sit intelligenda, præsertim spiritualis, ad peculiarem tamen eius intellectum prænotare opus est, quod tunc dū Ecclesia veluti infans erat, quidam conuersorum ex Iudaismo (quod iam alibi supra tetigi-

Distributio capituli.

Infirmas.

Inuidia.

Induere Christum.

Gal. 3.

Ephes. 3.

tigimus) credebant, contendebantque, per Euangelium non fuisse antiquatam legem, sed cum illo potius obseruandam. Id quod latè patet Actuum. 15. Et hoc appellat infirmos in fide, quasi nondum satis progressos confirmatosq; in cognitione fidei. Præfigit ergo statim capitalem propositionem, quam continuo declarat, ac subinde probat. (*Infirmum autem in fide assumite.*) Græcè non habetur præpositio, in. At verò sententiam non modò non variat, verùm elucidat: nam cum nomen fidei, quandam per se significet cognitionis infirmitatem, quam Aposto. ad Corinth. appellat cognitionem ex parte, si tantum dixisset, infirmum fide, amphibolum esset, an tantum vellet dicere, infirmum ob hoc quòd non claram, sed obscuram cognitionem habet: id quod omnibus Christianis commune est. Cum autem ait, Infirmum in fide, languorem quendam infirmitatemq; & imbecillitatem intelligit illius, qui nò admodum fide prouectus est, & irrobatus. De hac nanq; infirmitate sermonem hìc instituit, non de corporea. Eadem enim ratione & cap. 4. de Abraham dictum est, quòd non infirmatus est in fide. Sed & pro, assumite, alij transferunt, adiuuate. Solemus enim adiuuare infirmos. At præterquam quòd verbi Græci, προσλαμβάνω, propriissima significatio est, accipio, & assumo, idemq; verbum sit paulò inferius, Deus illum assumpsit, congruentius etiam est proposito: iubet enim vt talem infirmum non protinus à nostro còtubernio proiciamus, sed illum, vt recuperemus, benignè suscipiamus: exemplo Dei, qui nostras infirmitates assumpsit. (*Non in disceptationibus cogitationum.*) Græcè accusatiue est, disceptationes, ob idq; alij transferunt, Nò ad disceptationes cogitationum, seu, ad iudicationes. At frequētissimum Græcis est, sub hac figura accusatiuo vti pro ablatiuo: qua ratione vltimum verbum Græcum superioris capitis est, in desideria, pro, in desiderijs. Haud enim & Pau. finem assumptionis exprimere cogitauit, scilicet ne eo fine quis assumeret infirmum, vt disceptationibus cum illo ageret, siue, vt de illis ambo diiudicarent: sed explicat modum, quo eū debemus suscipere: scilicet ne disceptationibus cum illo contendamus, sed leniter & blandè amplexemur & informemus. Disceptatio, enim nò idem est, quod, disputatio, sed idem, quod, còtentio, quod in malum sonat. Alludit enim ad id, quod in calce superioris capi-

tis adimonuerat, Non in contentione & emulatione. Quinimo hìc est nodus còtinuationis capituli huius cum superiori. Quum enim dehortaretur Romanos à contentione, appositissimè subdit, Infirmum in fide assumite absq; còtentione & disceptatione. Tametsi & transferri potuit, Non in iudicationibus

Alius enim credit se manducare omnia: qui autem infirmus est, olus manducet. Is qui manducat, non manducantem non spernat: & qui non manducat, manducantem non iudicet.

Tres sunt in hoc textu propositiones. Prima videlicet bimembris, quæ est velut descriptio horum, quæ sunt, Infirmus in fide, & firmus in fide, duæ autem, quæ habent præceptionum vim. Etenim inter legis cerimonias, quædam erant de delectu ciborum, quæ scriptæ sunt in Leuitico. Vbi interdicebatur populus ille esu animalium plurium, nò solum terrestrium, verùm & aquatiliū & volatiliū, tum ob rationes alias, quas hìc non est locus enarrare, tum etiam ob mysteria & figuras rerum, quæ futuræ erant tempore gratiæ: quæ ideo cerimoniarum non erant duraturæ, nisi vsq; ad veritatis præsentiam. Distinguit autem Augustin. contra Hieronymum tria tempora. Primum ante Christi passionem, quo præcepta illa viuebant, vigebantq; & obligabant: secundum à passionis articulo vsq; ad sufficientem promulgationē Euangelij, quo quidem mortua erant, quia neminem obligabant: nec quicquam proderant: at nondū erāt mortifera, sed illis licita, qui ex Iudaismo conuertebantur: dum modò nemo in illis spem sic firmaret, vt crederet absq; illis fidem & gratiam Christi non iustificare. Fuit quippe prouidenter ignorātia illa permixta aliquantulo tēporis tractu, vt synagoga, non veluti Gentilitas proscriberetur, sed sepeliretur cum honore. De quo secūdo tempore intelligendus est hoc loco Paulus. Tertium verò tēpus est post sufficientē promulgationem Euangelij, quando lethifera sunt, veluti falsa signa futuræ rei, quæ iam est præterita. Igitur Romani, non solum ex Gentilitate conuersi, verùm & quidā ex Iudaismo, prouectiores in fide, credebant cessasse legalia, atq; adeò per veritatem euāgelicam factā fuisse facultatem edēdi quælibet: sicuti Petro *Act. 10.* ostend-

Leuit. 11.

Aug. distinguit tria tempora.

ostēsum fuit in linteo animalium pleno, atq; hos cēset firmioris fidei. Sed erant alij pusilli ex Iudaismo cācutientes ignorātia, quōd nō licebat immundis vesci: quos appellat infirmos in fide. Vnde illos firmiores admonet, vt hos assumant. Ait ergo. (*Alius.*) Nempe doctior per fidem. (*Credit se manducare omnia.*) Hoc est, licitum esse omnium ciborum esum citra delectum. Et ait, credit, quasi per fidem, ad quē gradū fidei alij nondum erant progressi. At pronomen, se, nō extat Græcē. Sed tamen nihil rem vitiat. Sunt autem, qui paraphrasin hīc faciunt potius, quā translationem transferentes, Alius quidem credit vescendum esse quibuscumlibet, cū tamen Græcē nihil aliud sit, quā, manducare omnia, qui quidem hebraismus est eundem reddens sensum. Sed vide quā de nihilo taxare hīc isti pergunt interpretem. Aiunt quōd nō debuisset vertere, omnia, sed, quāuis, seu, quālibet, hoc est, sine delectu. Nam quis posset inquirunt, edere omnia? Vide in quā cauillum. Græcē enim in primis est, *πάντα*, quod est, omnia. Sed præterea, quis nam posset suspicari, hoc insinuari per hanc orationem, qd ad perfectionem fidei pertineat, deuorare simul omnes, ac singulas escas? Præsertim cū, omnia (nisi apud nimium grammaticos) consuevit quoq; nonnunquam accipi in eodem sensu, pro eo quod est, quālibet. Alioqui cur non simile illud corrigunt, Omne quod in macello vānit, Et, Omne quod vobis apponitur manducate. Haud enim hortari illic nos cogitat, vt omnia veluti helluones deglutiamus, sed quōd absq; discrimine quolibet vtamur cibo, pro sua quisque necessitate & indigentia. (*Qui autem infirmus est.*) Nimirum qui arbitratur non licere communibus vti. (*Oculus manducet.*) Hoc est, ab omnibus abstinere, quæ sunt lege prohibita, in quib⁹ putat periculū existere peccandi. Quāuis nondū planē constet, an interpretes transcripserint de præsentī, manducat, sicuti modō est in codice Græco, responderet ad verbum prioris membri, alius credit. Etenim forsan legit Græcē, manducet, Nam quod ei quidem obijciunt, nemini præcipere hīc Apostolum oculus manducare, nullius est momenti: quoniam verbum, manducet, non præceptorium est in præsentiarum, sed permissorium. Enim uerō quoniam non solum ex omni genere animalium (vt diximus) interdicta essent Iudæis plurima, verū & licitas carnes certo præscripto modo deberent occidere, euilce-

rare, & mundare, antequā comederēt: quā nunc de causa carnibus abstinent, quæ à Christianis maculata sunt, ideo supersticiosi illi adeo sese alienabant ab aliorum conuietū, vt solis oleribus victitarent: simulantes forsan (vt vult Chrysostomus. id non legis obseruandæ gratia facere; sed propter ieiunium. Ex oleribus namq; sicuti neq; ex fructibus, nihil lege prohibebatur: eō quōd simplicissima essent hominum alimenta, in ipso statim orbis exordio primis mortalium concessa, Ecce dedi vobis omnem herbam adferentem semen *Gen. 1.* super terram, & vniuersa ligna, &c. vt sint vobis in escam. Et quāuis in paradiso interdicta fuit arbor vna, tamen cū prohibitionem illam fuissent primi parētes transgressi, noluit postmodum Deus Mosaicū populū interdicto cuiuscūque, vel oleris, vel arboris detertere. Debemus hīc tamē illud recolere. quod præfati sumus, putā quōd quādo Paul. permittebat Iudæis conuersis abstinere ab immundis, durabat tempus, quo ignorantia cessationis legalium nō erat peccatum: tunc enim licitum erat sic ignorantibus abstinere propter existimatum periculum culpæ in esu illorum: secus verō nunc. Quin verō apostolus ipse Petrus in eadem fuit aliquando ignorantia, quoad vsq; properans ad Cornelium, *Act. 10.* vbi iam commercium cum Gentibus inibat, per linteum cōmunibus animalibus plenum admonitus fuit, licere iam deinde promiscuum communemq; ciborum vsum. Adde igitur, quōd non valentibus ignorantiam euincere, necessarium erat, ne cōtra conscientiam agerent: nam qui amat periculum, peribit in illo. Haud tamen sic intelligendus est in præsentiarum Paul. vt qui legales illas obseruantias probet, sed veritus (vt ait Chrysostomus) ne perfectiores minuta illa nimio rigore emendare volentes, infirmos illos abalienarent à fide, præcipit, ne illos contemnant. Quō fit, (vt in prologo prænotauimus.) Epistolā hanc in qua has tolerat obseruantias legis, prius fuisse scriptam, quā ad *Colossenses*, quos veluti Christianos solidioris iam fidei admonet, sicuti radicatos iam in ipsa & confirmatos, *Col. 2.* ne quos eos decipiat per philosophiā & inane fallaciā, secundū traditionē hominū, & secundū elementa mūdi, & non secundū Christum. Et infra, Neino ergo vos iudicet in cibo aut in potu, aut in parte diei festi, aut neomeniæ, aut sabbatorum, quæ sunt vmbra futurorū. Et, Dies obseruatis, & mēses, & tempora, & *Gal. 4.* annos: timeo ne sine causa laborauerim in vobis.

1. Cor. 10.

Eccles. 3.

Col. 2.

Gal. 4.

bis. Veruntamē quāuis hic qui expositus est genuinus sit, syncerusq; sensus Pauli, haud tam aspernanda est alia glossa Augustini, quæ inter ordinarias extat, nempe vt infirmus quoque censeatur in præsentia ille, qui licet omnia credat, est tamen infirmus in operibus fidei: vtpote qui acrem cum carne pugnam sustinet: huic etenim salubre est, à carnibus & huius generis solidioribus, calidioribusq; alimentis abstinere, oleribusq; & tenuioribus sustentari: non propter legalē immunditiam, sed vt per inediam escam fomentumque vitiorum indomitæ carni subducat. Huiusmodi enim infirmū, nil mirum, si etiā hīc Paul. assumendum, hoc est, tolerādum iubet ab illis, qui cū sint validiores, edere absque periculo possunt omnia. (*Is qui manducat, non manducantem non spernat.*) Haud intelligas, Is qui manducat olus, sed, is qui manducat omnia, puta, infirmus in fide, non manducantem, scilicet infirmum, &c. (*Et qui non manducat.*) Puta infirmus non manducans omnia. (*Manducantem non iudicat.*) Nota sermonem hunc de manducantibus & non manducantibus, inde originem, ordinemq; ducere, vbi admonuit. Curam carnis ne feceritis in desideriiis. Congruentissima autem profectò dispensatione distribuit duo hæc verba, suum vtriq; proprium tribuens, vtpote firmo, & infirmo. Est enim periculum quod propriè excellentioribus, & quauis dote præstantibus, siue spiritali, siue seculari, imminet, inferiores humilioresq; despiciere, & contemptui habere: quandoquidem excellentia superbiam parturit. Ob idq; admonet, ne illi robustiores Christiani, imbecilliores aspernētur, veluti obseruatores illarum minutiarū legis, quæ non erant, nisi quædam puerorum elementa, agentium sub pædagogia, quæ quidē elementa iam non conueniebant hæredibus in legitima ætate. Est enim forsā allusio ad homines, quibus, viris iam factis puerorum rudimenta ludibrio sunt. Quocirca isti in præsentiarum non censentur firmiores in fide, eò quod prouectiores essent operibus fidei, puta charitate, per quam fides operatur. Nam tales perfecti neminē despicerent: sed dicuntur firmiores in cognitione fidei, eiusq; intelligentia. Quæ quidem, vbi nō adest charitas, inflare etiam solet hominem, sicuti aliæ scientiæ. Infermioribus autem & imbecillioribus, quibus non congruit superiores spernere, eò quod materiā non habent superbiæ, alterum genuinum est vitium inuidiæ, ex quo nasci-

tur illa ægritudo animi, vt de superiorib; malè apud seipso incipiant iudicare. Hanc igitur ob rem dehortatur vicissim pusillos, ne firmiores in fide iudicent, quod videlicet, vti ventri seruientes, cibis vniuersis Gentilium vterentur, in præiudiciū & ignominiam legis. Iudicare, hīc ergo pro, condemnare, vsurpatur: nam nisi sententiā apud nos feramus de fratre, non est mortale peccatum. Et discussio, citra suspicionem, de aliena vita nulla est culpa: in suspicionem verò, est venialis. Sed est præterea perpendenda hīc humana peruersio. Infermiores, inquam, quo nomine indoctiores subnotat, qui peritiorum iudicio stare deberent, ij sunt quos citius inuadit iudicandi libido: sapientiores verò, quibus maxime incumbit humiliores blandè corripere & instruere, procliuius sunt ad contemnendum, quàm ad corrigendum. Quocirca (vt ait Chry.) Apost. nō prohibet in priori membro, ne qui manducat, non manducantē corrigit, aut doceat, sed ne contemnat. Neq; in secundo vetat, quominus infirmo, qui scandalum accipit, conuenire illum liceat, qui dare videtur, & interrogare, cur ita faciat, sed hoc tantū iubet, ne inaudita causa, temerè sententiā ferat de opere, nempe de quo latet, qua intētionē, quæue causa, rationeq; fiat. Facile applicari hoc etiam potest ad alium sensum, si nomine infirmi, pugnantē cum carne intelligas, vel eum qui fructibus poenitentiae carnem affligit parsimonia victus. ¶ Oportum esset hīc, & præter commentariorum legem, multis verbis cum Lutheranis concertare de ciborum delectu, quem tum per alia loca scripturæ, tum etiā per hunc proscribere moliti sunt, & à Christianorum familia turpiter profligare. Id nimirum nobis calumniantes, quod Iudaismum his cerimoniis profiteamur, in quo huiusmodi delectus iussus erat. Neque id solū, sed quod cum illis hæreticis cōspiramus, quos Paul. futuros pronūciauit, prohibētes nubere, & abstinere à cibis, quos Deus creauit ad percipiendum cum gratiarum actione fidelibus: cū tamen Christus commonitos nos fecerit, nō quod intrat per os coinquinare animā, sed cogitationes quæ exeunt à corde. At verò, vt de multis pauca dicamus, non vident, quantò ipsi apertius in illorum militet castris, de quibus idē Apost. ait, scpe se & flentem meminisse, inimicis crucis Christi, quorū Deus venter est, & gloria in confusione ipsorum, qui terrena sapiunt. Vbi Helluonem Cherintū designauit, eiusq; asseclam

Humana
peruersio.

Superbia excellentioribus insidiatur.

Gal. 4.

Lutherani
de delectu ciborum.

1. Tim. 4.

Mat. 15.

Philip. 3.

Pusillorum morbus inuidia.

Iouiniani. affeclam Iouinianum, quem Hiero. Christianorum Epicurū appellat. Huius quippe hæresis inter alias fuit (referente id Augustino, lib. de hæres. cap. 82.) nullum habendum esse Christianis ciborum delectum. Eandemque post hæresim Vualdenses & Hussitæ suscitauerunt, quorum scholæ lubentissimus sese Lutherus fatetur addiditum. Igitur ciborum delectus, abstinentiaq; à carnibus, tribus potest fieri de causis. Prima, quasi sua sint natura

Triplex abstinentia causa.

Gen. 1.

male & immūde: uti Taciani, Priscillianistæ, & alij eiusdem sectæ prædicabant, infamantes cum Manicheis creaturas Dei: de quibus tamen ipse testatur, quod vidit cuncta, quæ fecerat, & erant valde bona. Tamen si Iouinianus inde maximè collapsus est in hunc errorem, quod coitum animalium putabat esse rem foedam & execrabilem, inde enim tam nuptias vituperabat, quam esum carniū ex animalium congressu nascentium. Hos ergo hæreticos atq; hanc abstinentiæ causam condemnat Paul. loco citato ad Timotheum, ut patet ex subiunctis eius verbis, Quia omnis creatura Dei bona est. Quasi illi inde improbasent carniū cibū, quod eas reputassent natura sua sordidas. Atq; idē significat aliis suppositis verbis, Nihil reiiciendum, quod cū gratiarum actione suscipitur. Secunda causa huiusmodi delectus esse potest, Mosaica, utpote si ea ratione, qua à Iudæis, in fieret, quæ itidem causa absurda esset. Multis veruntamen interuallis delectus ciborum apud Iu-

Delectus ciborum apud nos diuersus ab illo Iudeo rum.

daeos diuersus erat à nostro. Primū, quod illi non omnes in vniuersum carnes abiiciebant, neque certis temporibus, sed vice versa, quasdam certas perpetuo tempore, ut illorū animalium, quæ vngulam non findunt, neq; ruminant, atq; aliorum aliis de causis. Neque verò tantum carnes erant illis interdictæ, verum & pisces cōplures. In summa, illi ob immunditiam corporalem, quæ inde contrahabatur, & potissimū veluti in signum mysteriumq; futurorū abstinebant. Nos verò contrā non in perpetuum (nisi quis ex voto, tali sese consecrauerit religioni) sed statis temporibus ab omni carniū genere abstinemus: nō utiq; veluti cerimoniam obseruantes, quæ sit futurorum umbra, sed primū, ut (secundū Ioan. 1. n. 3. exhortationē) delictorum debita fructibus poenitentiae compensemus: mox ut corpora, exēplo Pauli, tali inedia castigantes, in seruitutem redigamus: nepe ut, tum rationi ad reliqua virtutū officia libētius promptiusq; obsequantur, tum ut animū finant liberius spiri-

tualium contemplationi & exercitio vacare. Adde q̄ per ieiunium (ut ait Grego.) decimas Deo soluimus vitæ, quā nobis ipse donauit. Nam cū vita in victu consistat, hoc modo genium nostrū defraudātes, particulam vitæ auctori nostro offerimus. Ad hæc deniq; & hoc quoq; modo (iuxta monitū dñi) animā nostrā odimus in hoc mūdo, quā custodimus in vitā eternā. His autē rationibus adeo delectus carniū nō est superstitiosus, ut qui negāt eum esse ad vitā Christianā, tum necessariū, tum ideo cōsultissimè ac sanctissimè institutū, sint planè hæretici: quemadmodū in Cōciliis Gangrēsi, Toletano, & aliis sancitū est. Neq; id profectò temerè, sed explorata prius veneranda abstinentiæ antiquitate, quæ ab ipsa statim terrestri paradiso, vbi vnicū fuit tantum abstinentiæ præceptū, ortum ducit. Id quod nobis documēto est, q̄ sit mater vitiorū oīm gula, quamq; per abstinentiā refecentur vniuersorū fibre. Quod rursus, & Mosaicū ieiuniū in susceptione legis, & syluester locustarū victus præcursoris, & abstinentia legislatoris nostri Christi quadraginta dierum, & pugna dæmonis, qui primos parētes gulæ mucrone iugulauit, quo primū spiculo aggressus est Christum, maximè contestantur. Ellet hīc autem prælongum, perq; graue, vtriusque testamenti exempla de abstinentia & ieiunio perlustrare: in quibus videas q̄ nemo vnquā, vel priorum, vel posteriorū Patrum vllum q̄ egregiū facinus attentauerit, nisi sancto abstinentiæ fulcimento præmunitus. Fuere nanq; semper sanctorū proceres, tā sacris elogiis, q̄ experimēto edocti, quod sicut corporeis, ita & spiritalibus morbis medēdis, nullū, q̄ dieta, præsentis est remediū, nullaq; ad bonā valetudinē vtriusq; hoīs salubrior medicina. Alij verò sunt qui in suis propugnaculis Ecclesiæ aduersus Lutherū iustos de hac re tractatus instruxere, ut longissimos, ita profectò eruditione & pietate conspersos maximè. ¶ Sed

Greg.

Ioan. 12.

Conciliorū decreta.

Exo. 24.

Mat. 3. 4.

De carniū interdicto.

Auctoritas Ecclesiæ.

AA cum

cum Paul. de illa in presentiarum nihil meminerit: attamen illam pro constitutissima supponamus ex verbis Euangelij, vbi Petrus constitutus est pastor, & Ecclesiae gubernator: & Mat. 18. vbi ait illi Christus, Quod qui Ecclesiam non audierit, sit ei sicut Ethnicus & publicanus: & vbi ait, Qui vos audit, me audit: & qui vos spernit, me spernit: & vbi praecipit Paul. Vt omnis anima potestatibus superioribus subiiciatur: quia talis potestas non sine causa gladium portat, aut spiritualem videlicet, aut secularem: quas duas potestates comprobauit Christus, vbi offerentibus ei discipulis duos gladios, respondit satis esse. Hac igitur ecclesiastica auctoritate supposita, quod eius usus in delectu ciborum sanctissimus fuerit, negare nemo potest spiritualis homo. Cum enim in antiqua lege tot fuissent sancita ieiunia, non solum veluti cerimonie ad corporalem munditiam, sed veluti leges morum, repurgandis animis conducentes, & lex nostra multo sit, quam illa spiritualior, ut quae non Scribarum tantum more, & Pharisaorum, sed abundantius nobis iubet iustitiam colere, prauasque cogitationes repurgare, acquirissimum profectio fuit & consultissimum, ut abstinentiae nobis praecepta cumulerentur: nempe ut corpus liberiori spiritui seruiret. Libertas etenim Christiana haec est, ut spiritus liber sit à tyrannide corporis: cui natium nimirum est, ut quod ciborum lautitia lasciuiet magis, ferocire peius soleat. His ideo ecclesiasticis legibus emacerandi corporis iugum domini suauiter sit, & onus leuius. Etenim, si arbitrio & libertati hominum, frugalitas & parsimonia victus permitteretur, vix esset qui illa obseruaret, quae tamen necessaria est ad expeditius seruanda praecepta domini. At verò quantum ad interdictum attinet carni, licet sint alij in piscibus & fructibus cibi, quibus ad horam feruentius incalescit, irretiturque libido, tamen carnes suo genere, sunt solidioris alimentum, per quas ideo plus virum accrescit carni nostrae ad debellandum spiritum, quam per esum piscium, vel per potum vini. Quam ob causam cum per leges non tam particulares casus prouideri possint, quam ea cauere debeant, quae plurimum contingunt, Ecclesia in ieiuniis usum carni interdixit, numerumque coarctauit refectorum: quantitatem verò, aliorumque ciborum qualitatem reliquit arbitrio nostro, quibus ratione, & naturae lege salutarem modum imponamus. Ad duas ergo obiectiones ex Paulo ad Timotheum, & ex Iudaico ritu iam

responsum est, ad tertiam verò ex dicto Christi, Non quod intrat per os coinquinat hominem: vix est qui absque stomacho respondere valeat: adeo est vasa & impudens intelligentia, quam nobis opponunt. Haud enim illic vlla erat mentio de ciborum discrimine, sed cum superstitiosi illi Pharisei in lotionum manuum & vasorum, & ciborum, sanctitatem collocassent, reprehendit eos Christus, dicens, quod ciborum sordes, siue carnes sint, siue pisces, siue alij cuiusque generis: sordes, inquam, quas ab immunditie manuum, vel vasorum contrahunt, non coinquinant hominem, sed cogitationes quae exeunt de corde. Vel si iniquationem aliam ciborum subnotauit, fuit legalis illa: de qua censebantur enim pollui Iudaei tactu immundorum ciborum, qui lege iudicabantur polluti: quas cerimonias, tanquam iam cessassent, damnat illic Christus. Quodnam ergo quaeso obmoliri quis potest ab hoc loco argumentum contra delectum ciborum? Eadem profectio leuitate hoc ipso testimonio posset dicere, quod vinum intras per os usque ad ebrietatem, & ingluuias ciborum, quocumque fiat excessu non coinquinat hominem: cum tamen in hoc committatur peccatum gulae. Imò liceret venenum sumere, si tam laxus esset intellectus huius, Non quod intrat per os. Quod si tu dicas peccatum consistere in consensu culpae, quae tali crapula committitur, ita nos dicimus, quod cum esus carniū vires subministret corpori aduersus spiritum, unde periculum existit mali consensus, & prauas cogitationes foueat, quae exeunt de corde, salutaris est huiusmodi abstinentia: quam ideo sancte indixit Ecclesia, cui non parere crimen est. Huius farinae sunt sensus omnes, quibus alia scripturae loca nobis opponunt: quapropter molestius esset respondere, quam est ad rem operae precium.

Deus enim illum assumpsit.

Corroborat ea, quae posuit praecepta rationibus tribus. Prima est, quoniam dominus illum assumpsit. Hoc autem relatiuum ferè ab enarratoribus eum, quem firmum haecenus perfectioremque appellauimus, referre censetur, ut ratio haec ad proxima verba spectet, quibus admonebat infirmum, ne firmiorem iudicaret, ne Deo irrogaret iniuriā, quippe qui illum, scilicet firmum, assumpsit ad suum diuinum iudiciū, ut qui solus sit scrutator cordium. At verò qui consideratius discrimen Pauli perpenderit inter, infirmum, & firmum, secus forsitan iudicabit:

cabit: nempe quòd relatiuum referat, infirmum. Nam cum de illo priorem sermonem proposuisset, exhortas quidem perfectiores, vt illum assumerent, hoc est, blandis correctionibus recuperaret, interiecto hucusq; hyperbato, quod ei frequens est, reddit hic tandem rationem, quia scilicet Deus assumpsit talem infirmum: puta dum in humana natura infirmitates nostras tulit, & languores portauit. Assumpsit scilicet, non ad iudicandum, sed ad eius gratiam (vt ait Amb.) & vt diuinis eum fauoribus sanaret ac refocillaret. Itaque ratio hæc referenda est non ad proxima verba, sed ad illa prima, Infirmum assumite, vt consonet verbum verbo, & ratio sumatur ab exemplo: videlicet, quòd sicut se Christus submisit, accommodauitq; infirmitatibus nostris, ita inter nos, qui membra eius sumus, valentior pars imbecilliori condoleat, & succurrat. Alias, si aliter senseris, fateri teneris, quòd cum Paul. diuifum admonuerit prius firmiorem, ne contemneret infirmum, post verò infirmum, ne iudicaret firmum, illius prioris membri nullam subscripserit rationem. Accedit huc, quòd Deus non assumpsit homines ad iudicium, sed hoc illi natura sua conuenit, quatenus Deus est: sicuti assumpsit humanam naturam, quam sanaret. Quapropter, si illud sibi Paul. voluisset, non dixisset, Deus illum assumpsit, sed, Deus iudex illius est. Id quod tanquam per se notum in secunda ratione supponit, vt videbimus. Vnde August.

Chrysost.

Tu quis es, qui iudicas alienum seruum?

Secundum opinionem inter doctores vulgatam, qui superiorem textum priori sensu interpretantur, præfens litera cum superiori proxima continuatur, tanquam pars primæ rationis, hoc modo. Si Deus homines ad suum ipsius tribunal assumpsit, tu, scilicet infirme, quis es, qui iudicas alienum seruum? Itaque secundum istos prima hic ratio finitur, initium vero secundæ fit à proximo textu, domino suo stat, vel cadit. At verò si alter sensus placeat superioris textus, quæ sensum magis pro-

babam, illic finitur prima ratio ad firmiores pertinens, ne contemnant, sed assument infirmum, quoniam Deus illum assumpsit: & hic initur ratio secunda, qua fit transitus ad admonitionem infirmi, ne iudicet firmiores: quæ quidem diuifio placet Chrysostomo. Est ergo secundum virtutem ratio hæc secunda talis, Iudicare alterum est iurisdictionis actio, illi nimirum competens, qui, veluti dominus, ius habet auctoritatemq; cognoscendi subditorum causas & merita: nemo autem mortaliū talem habet auctoritatem in alios homines: cognoscendi scilicet, suorum factorum causas radicibus, quæ intus in corde delitescunt, sed solus Deus: ergo nemini præter ipsum, fas est alterum iudicare. At quia ambæ antecedentes propositiones lumine naturali notissimæ erant, illis subtacitis, breuissima obiurgatione ait, Tu quis es, qui alienum seruum iudicas? Quòd si te hic fortè scrupulus pungit, quòd videatur Pau. contra publicam veritatem omne humanum iudicium condemnare, facillimè tibi ipse respondeas, omnem auctoritatem iudicandi, quæ in hominibus est, diuinitus esse concessam: iuxta illud superioris verbum, Non est potestas nisi à Deo. Et, Per me reges regnant. Tradidit autem nobis huiusmodi iudiciariam potestatem certis limitibus circumscriptam, vt videlicet iudicium coactiuum in publicis magistratibus resideret, ad coercendum malefactores, legitimis testibus patentes. Id quod Paul. supra comprobauit, vbi iussit omni animæ, vt sit potestati subiecta: scrutari autem renes & corda, ex quibus infallibile sumitur iudicium operum, sibi soli reseruauit. Vnde sicut prætor auctoritatem violat sibi à principe indultam, si eam supergreditur: ita & nostrum quilibet delinquit, dum temerè iudicat fratrem, cuius cor non patet. Et hic est in præsentia sensus Pauli.

Prov. 8.

Domino suo stat, aut cadit: stabit autem: potens est enim Deus statuere illum.

Hæc (vt dicebamus) est secunda ratio secundum illos, quibus prior probatur sensus illius verbi, Deus assumpsit illum, nimirum vt Paul. absterreat, secundum istos, infirmum ne alium iudicet: tum quia Deus assumpsit illum, tum quia homo ipsi Deo stat, aut cadit. At verò persequendo posteriorem sensum, quem priori prætulimus, hæc non est noua ratio capitalis conclusionis, sed confirmatio rationis proximi-

AA 2 mæ.

me. Ex eo namq; nefas est, alienū seruum iudicare, quòd quicumq; sub cura est alterius, soli proprio domino stat, aut cadit: hoc est, si probè agit, in emolumentū honoremq; illius cedit, & si prauè, in eius quoq; dedecus & incommodum. Quapropter illi incumbit, veluti rei suę cura proprii serui: cui⁹ ideo ius vsurpat qui alienum iudicat, stet ne, an cadat: hoc est, opus quod facit, quo animo, vel causa faciat, vnde habet, vt vel casus sit, vel virtus. Potest hæc veruntamen litera duplici sensu legi. Vno modo, vt sit locus ab exemplo. Vi delictet, quòd sicut inter homines, quoniā seruus domino suo stat, vel cadit, haud licet alienum iudicare, ita sit respectu Dei. Secundum quem sensum non cogimur dicere, quòd qui peccat, domino Deo cadat, hoc est, noceat: vel qui rectè agit, illi stet, hoc est, quidpiam emolumenti, illi adferat: contra illud, Si peccaueris, quid ei nocebis: porrò si iustè egeris, quid ei donabis. Sed potest nihilo secius legi etiam, veluti de Deo ipso dictum: nam licet bonorum nostrorum non egeat, tamē ob nostra bona opera (vt ipse testatur) glorificatur ab hominibus, & ob nostra delicta blasphematur eius nomen, vt supra cap. 2. dixit Apосто. Tācti & hoc quod ait, domino suo stat, vel cadit, perinde esse potest, ac si dixisset, In conspectu domini sui, hoc est, iudicio eius id agit: secundum illud, Qui iudicat me, dominus est. (*Stabit autem.*) Prouidenter moderatur quod dixerat, stat aut cadit, non solum ob id quòd citius existimare debemus, fratrem stare, q̄ cadere, sed vt noua ratione inhibeat nobis temerariū iudicium. Duobus enim potissimū nominibus (vt in lib. de ser. do. in monte, author est Aug.) temerariè fertur de occultis iudicium, tum quòd incertum est, quo animo quis quid faciat, tum maxime, quòd qualis futurus tandem sit, qui malus modò apparet, iudicare non possumus. Priorē ergo rationē tetigit in præcedentibus Paul. quia tale iudicium nobis non est à Deo commissum: posteriore autē subdit cum ait, stabit autē, hoc est, statuatur, & stabilietur, si fortè ceciderit. At verò ne quis cogitaret suis se viribus posse quenquā fulcire, & in gratiā restituere, vt resurgat, subdit. (*Potens est enim Deus statuere illum.*) Suo scilicet fauore & ope, absque eius meritis. Hoc enim ipse differt ab humanis dominis, in quorum non est potestate emendare semper familiam suam.

Nam alius iudicat diē inter diē,

alius autem iudicat omnē diem.

Ambr. quē nōnulli sequuntur, arbitratu perseverare hīc Paulum in sermone de delectu ciborum. Nam erant in lege certis diebus decreta ieiunia, vt patet in Leuitic. Decimo die mensis septimi, dies expiationum erit celeberrimus, affligetisq; animas vestras in eo, &c. Quæ ideo stata ieiunia pusilli seruabant, iudicantes inter diem quo erat ieiunandum, & alios: alij verò progressiores in fide, illis abiectis ceremoniis, omnem diem citra discrimen existimabāt aptum, vt vnusquilibet pro sua necessitate abstinere. Vel secundum Theophylactum quidam, licet non abstinerent carne suilla perpetuò, id tamē quibuscūq; diebus faciebant. At verò facilius crederem, vt Paul. peracto sermone de ieiuniis & abstinentia carniū, ad alteram iam nunc ceremoniam diei festi transferit. Erant enim in lege festi dies, in quibus necesse erat feriari, vacareq; ab opere, vt paschata, & sabbata, & neomeniæ. Ob idq; sicuti de abstinentia proposuit, quòd alius credit se manducare omnia, alius verò manducat olus, ita & seorsum de festis subdit, quòd alius iudicat diem inter diē, alius verò iudicat omnē diem. Pari namque modo distinxit loco supra citato, Nemo vos iudicet in cibo aut potu, aut in parte diei festi. At verò quauis Græcè idem sit hīc verbum, putà, *νομιζω*, quòd superius illic, manducantem non iudicet, Et, Tu quis es, qui iudicas, potuisset hīc tamen luculentius verti, discernit, quā, iudicat, vtrunq; enim vox Græca significat: & in hac posteriori significatione accipitur hoc loco, alius scilicet, discernit, & diiudicat inter diem & diē, putà, festū, & non festum. Quauis Hiero. lib. 2. ad Iovinianum legat, alius iudicat diem plusquam diem, hoc est, supra aliū diem, vt maiori honore habeat vnum, quā alterum, scilicet ille qui infirmus est: alius verò, putà, prouectior in fide, omnes dies facit æquales, hoc est, antiqua sabbata non custodit. Quocirca qui seruat illas neomenias, non debet aliū iudicare. Absit tamē, vt quis hīc existimet Paulum dies festos Christianorum improbare. Neq; enim supra delectum ciborum nostrū, neq; hīc celebritates nostras condemnat, sed illas tantum ceremonias antiquas subnotat, pro illo tempore, quo licet inanes erāt, haud tamen erant condemnatę. Nam Galatas postea acriter obiurgat, quòd menses, & tempora, & annos obseruent.

Vnus.

Leui. 23.

Col. 2.

Hiero.

Gal. 4.

Iob. 35.

1. Cor. 4.

Duobus modis fertur temerarium iudicium.

Vnusquisq; in suo sensu abūdet.

Sententia hæc graui est cēsurā & circumspectiōe expendenda. In primis vbi lex adest, nemini licet sensu suo & capite abūdere, præter præscriptum legis. Præterea vt Theophy. sanctissimè admonet, cum de dogmatibus agitur, nemo debet suo sensu duci, sed ea reuerēter auscultare, quæ à maiorib; tradita sunt. In his ergo tantum in quibus infra lineas legis, & honestatis, diuersum possumus sequi tramitē, vnusquisq; sequi potest sensum suum: tum quia nemini contra propriam conscientiam licet facere, tum quia vnusquisq; in his præsertim, quæ ad domandam carnem pertinent, melius nouit quid sibi expediat, quodq; sibi institutum vitæ magis cōgruat, q̃ alij qui alienum ingenium & inclinationes callere nequeūt. Debemus enim omnes, vt nos ad Cor. exhortatur Paul. ad ædificationem Ecclesiæ procurare, vt abundemus: sed tamen in hac via Dei (vt ait Augu.) alius sic, alius sic ibat. Tametsi in omnibus admonemur Sapientis prouerbio, Habe fiduciam in domino ex toto corde tuo, & ne innitaris prudentiæ tuæ. Quocirca non hic omnino videtur Paul. vel præcipere, vel consulere, vt suo quisq; innitatur sensu: quinimo salutare consilium est, vt cordatos semper cōsulamur probos amicos, sed commonefacit exploratores, censoresq; alienæ vitæ, vt in his quæ dextrè, sinistrèq; interpretari possunt, suū quenq; sensum sequi sinant, potius quàm ob res exigui momenti fratrem cōturbent. Nisi forsan alius haud displicet sensus, vt videlicet proprio sensu abundare, in præsentiarum idem sit, quod proprio sensu certū esse quemlibet, seu propriæ menti satisfacere, in iis quæ agit. Itaque admonet neophitos illos, atq; in illis nos omnes, nō vt de nostro proprio sensu sententiā capiamus in agibilibus, sed vt nihil aggrediamur, antequam sim⁹ apud nos certi, habeamusq; persuasum, id quod inceptamus, vel decere, vel saltē licere, ne propriæ conscientiæ contraueniamus. At prior, est legitimus sensus.

Qui sapit diē, domino sapit. Et qui manducat, domino manducat: gratias enim agit Deo. Et qui non māducat, domino non manducat: & gratias agit Deo.

In Græcis codicibus additur priori affirmationi sua contraria negatio, scilicet, Qui

sapit diem, domino sapit: & qui nō sapit, domino non sapit. Et sic legit Theoph. At verò probabilius est, adiectionem esse alicuius interpretis, propter hanc coniecturā, quod de manducantibus vtrunq; subdit, qui manducat, & qui non manducat. Nam est verissimilius, ambas affirmationes simul cōposuisse, Qui sapit diem, domino sapit. Et qui manducat, domino manducat. Sed postea ex negationibus, cum eadem esset vtriusq; ratio; satis duxit, vnam non manducantiū in exemplum adferre. Confirmat igitur sententiam proximam, scilicet, vt vnusquisq; suo permittatur abundare sensu, eò quod domino suo stat, aut cadit, siue in ciborum delectu, siue in festorum obseruantia: nam vtriq; communis est ratio. Eademq; triplex. Arguit enim primò ex actione Christiana, secundò ex intentione, & tertio ex conditione. Ait ergo. (*Qui sapit diem.*) De quo suprā dixerat, Qui iudicat inter diem & diem. Vnde et si Ambros. sapere diem, pro eo interpretetur quod est, semper abstinere, quod perfectorum est, tamē si perpetuam ab initio dictionem Pauli speculeris, refertur hoc potius ad infirmū in fide, dignoscentem inter diem & diem. Est ergo sensus, qui curat, seu obseruat diem præ alio die (*Domino sapit.*) Alludit ad superius verbum, domino suo stat, aut cadit, quod in subsequentibus explicatius edisserit, id est, putās se obsequium præstare domino suo, id facit in honorē ipsius. (*Et qui manducat, domino manducat.*) Caue hic existimes & hanc affirmationem ad infirmum in fide pertinere: nam vt discernere dies, sicuti & cibos, infirmorum erat, ita manducare, scilicet indiscriminatim omnia, ad valentiores in fide pertinebat: de quibus ait suprā, Alius credit se manducare omnia. Vnde sciens profectò, & prudens sic affirmationes has composuit, vt tamē firmiores infirmis opponeret. (*Gratias enim agit Deo.*) Causa hæc ad vtrunq; superius membrum refertur. Nam siue infirmus, dierū, ciborumq; discretor sit, siue firmus, manducans omnia, neque sabbata obseruans, vterq; agit gratias Deo, id est, facit, vt per obseruantiam legis Dei gratias illi referat de receptis beneficiis. Licet ratione diuersa: ille nimirum, quia putat obseruandas esse antiquas ceremonias cū noua lege: hic verò, quia illas credit esse antiquatas & abolitas. Sed spectat forsan hoc verbum gratiarum actionis, ad ritus, tam obseruandi festi, quàm fumendi cibi. Nam ideo tam ille populus, q̃ nos, dieb; festis feriamur,

cessamusq; ab opere, vt deo vacantes, gratias illi referamus. Et pariter dum ad mentem sedemus, instituto non modo Apostolorum antiquissimo, verum ipsius Christi, & prius escas benedicimus, & post gratias agimus. Id quod Paul. veluti inditiū profert, & quod infirmus domino suo sapiebat diem, & quod robustior in fide domino suo manducabat omnia. (*Et qui non manducat, domino suo non manducat: & gratias agit Deo.*) Sunt qui, non manducare, de illis dictum putant, qui abstinent omni die: sed tamen non huc spectat Apostolus, vt huiusmodi laudabiles abstinentias commendet, sed vt illas permittat antiquas: vnde, qui non manducat, idem est ei quod, infirmus cibos obseruās, de quo supra dixit, Olus manducet. Sed quod hic quoq; domino suo non manducat, probat, quia vt gratias quoq; Deo agat, legem iuxta suā conscientiam obseruat.

Nemo enim nostrum sibi viuuit, & nemo sibi moritur. Siue enim viuimus, domino viuimus: siue morimur, domino morimur.

Monstrauit ex humanis actionibus, quomodo quisque domino suo stet, aut cadat, ob idque nullus sit iudicandus, sed suo sensui permittendus: prosequitur iam modo idem monstrare ex humana intentione, à qua dimanant actiones. Viuere enim quen
Viuere alicui. quā alteri, est vitam propriā in alterum tota intentione referre, tanquam in eum propter quem viuuit, atq; adeo illi obsequi. Et pari ratione alicui quempiam mori, est quod mors in illius iacturam vel lucrum cedat: sicuti iumentum, vel mancipium, quod quis propria pecunia emit, domino viuuit, & moritur. Ait ergo Paul. quod Christiani à Christo redempti, non nobis ipsis viuimus, nec nobis ipsis morimur: quinimo siue viuimus, domino viuimus: siue morimur, domino morimur. Si autem, viuimus, non solum debitū, sed actum dicat, intelligendum præcisè est de iustis, qualis erat Paul. qui in prima persona loquitur. His namq; vitam suam totam Deo cōsecrāt, viuuntque non ipsi, sed viuuit in eis Christus. Vt autem Christiani omnes comprehendantur, idem est, non nobis viuimus, quod, non nobis debemus viuere: hoc est, non debemus propriæ voluntati obsecundare: nam qui amat animā suam in hoc mundo, perdet eam: sed id quod oratione dominica precamur,

Fiat voluntas tua, moribus debemus præstare. Tametsi cum ait, neminem sibi viuere, sed domino, forsan neq; ad actum spectat, neque ad nostrum debitum, sed ad ius, quod Deus in nos habet, vnde debitum nostrum manat. Ac si dicat, vita nostra non est nostra, sed domini: cuius idcirco proprium est iudicare intentiones nostras & opera. Ob idq; duorum hic reddit rationes: nempe cur tam qui sapit diem, quā qui manducat, & qui non manducat, omnes id faciūt domino, quoniam scilicet in eum referunt intentionem: & præterea cur si stant, vel cadunt, non sint ab hominibus iudicandi, sed à domino, cui stant, vel cadunt. At verò quod ait, neminem sibi mori, sed domino, quidam referunt ad spiritualem mortem, quæ fit per peccatum: vt idem sit, neminem sibi, sed domino viuere & mori, quod ei ipsi stare, vel cadere. Alij verò id applicant ad mortem quæ fit per gratiam in baptismo, vbi domino mancipamur. Attamen syncerior planiorq; sensus esse videtur de vita & morte temporali. Etenim sicuti de vita, ita & de morte verum est, quod qualiscunq; ipsa fuerit, domino fit, vel iactura, vel lucrum. Cum enim nos (vt sæpe diximus) in hoc Deus tū creauerit, tū redemerit, vt gloriā suæ diuinitatis in nos effunderet, quo ipsa esset quodāmodo extēsiō, fit, vt vbi quis in iniquitate sua moritur, non solum sibi, sed Deo quoq; iacturā faciat vite, tam naturalis, q̄ gratiæ, quā Deusei donauerat illo fine, quo frustratur: sicut & contraria ratione Deo quoq; facit lucrū, qui moritur iustus. Quapropter non est veritus cōparare se pastori, qui perdit tam ouem quæsitum de monte descendit.

Luc. 15.

Siue ergo viuimus, siue morimur, domini sumus. In hoc enim Christus mortuus est, & resurrexit, vt & viuorum & mortuorum dominetur.

Declarare hic pergit conditionē nostram, vtpote quēadmodum sumus serui & mancipia domini, vt sicut actiones per intentionē patefecit, quoniā Deo viuimus, ita intentionem & vitam, qualis sit, commonstret ex conditione & statu nostro. Id autem pronūciat, veluti superiorum conclusionē. (*Siue ergo viuimus, siue morimur, domini sumus.*) Hoc est, vsque adeo creatura sumus, figmētumq; Dei, vt nō solū viuētes, sicuti serui, ciuiliū dñorum, qui per mortē à seruitute liberātur, verū & mortui,

tui, etiā dñi sum⁹, siue miseros illos cōsideres, qui tāquam mastigie apud inferos perpetuis suppliciis adaecti sunt, siue felices cœlicolas, qui, ceu liberi sempiternē fruuntur conspectu domini, ac patris sui. (*In hoc enim Christus mortuus est, & resurrexit, vt viuorum & mortuorum dominetur.*) Subiicit causam cur, tam mor-

tui, quā viui, domini sumus. At in nonnullis Græcorū textibus, post verbum, resurrexit, additur, & reuixit. Origē. autem in commento non legit, resurrexit, sed tantū, mortuus est, & reuixit. Ambro. autem legit alio ordine, scilicet, In hoc Christus vixit, & mortuus est, & resurrexit, hoc est, in hoc vitam assumpsit, secundū quam mortuus est, & reuixit. Hæc autem varietas, lectionumq; discrepantia certitudinem aufert, quæ nam sit legitima lectio Pauli: ob idq; cum resurrexit, & reuixit, idem polleant, cōiectura fit, adiectiōnem illam fuisse alicuius interpretis. Sed hoc indignum responsione est: quod quidam carpit in interprete, nempe quod participium præteriti temporis nō debuit transferri, mortuus est, sed, mortuus fuit. Nam cū modò viuat, non cohæret, vt simul sit mortuus. Quod quidem iste adnotamentum subticuisset, si cōsuluisset Ecclesiæ symbola, in quibus pariter confitemur, quod mortuus est. Et præterea si in regulis, tam Grāmaticæ, q̄ Dialecticæ animaduertisset, quod præteritū quando habet vim participii, absq; discrimine exprimitur per, est, vel, fuit, vt amatus est, vel fuit. Haud ergo repugnat, quod Christus viuit, & tamen mortuus est, id est, obiit. Repugnaret autem, si, mortuus, haberet vim nominis. Est autē hic præterea facillima dubitatio, quæ Originē nō præterit. Nunquid non Deus, etiam si Christus non induisset carnē, dominus est viuorum & mortuorum? Ecquis hoc diffiteatur, cū sit ipse dominus vitæ & mortis? Quid ergo ait Paul. in hoc mortuum esse Christum, & resurrexisse vt esset dominus? Breuissima est responsio, quod vno modo creaturis omnib⁹ dominatur De⁹ iure creationis: sicuti omnipotens, qui omnia ex nihilo condidit. At verò quantum ad dominium spirituale, quod est per gratiā, nō solum Deus, in quantum Deus, verum Dei filius, in quantum homo dominium habet regni cœlestis: qui ideo constitutus est iudex viuorum & mortuorum, eò quod morte sua redemit nos, comparauitq; nobis recōciliationis gratiam: ad quem ideo pertinet & viuus in hoc seculo charismata dispensare, & in alte-

ro mortuos, vel ad sedes admittere regni, vel in tartara inde demittere. Vnde ad Philip. Quia humiliavit, inquit, se vsq; ad mortem, *Philip. 2.* exaltauit illū Deus, deditq; illi nomen quod est super omne nomen, vt in nomine Iesu omne genu flectatur, cœlestium, terrestrium, & infernorum. Et de se ipse dominus, *Data Mat. vi.* est mihi omnis potestas in cœlo & in terra. Optimè ergo ait Paul. In hoc mortuum esse & resurrexisse, vt viuorum dominaretur & mortuorum: vt mors Christi mortuis responderet, & resurrectio, viuus. Morte enim sua redemit nos, iusq; in nos acquisiuit, veluti in seruos: sed tamen resurrectio terminus fuit mortis: nam per mortem destruxit mortem nostram, vt resurgeremus in nouam vitam: quoniam si nō resurrexisset, neq; corpora nostra resurgerent: quæ tamen resurrectio nostra effectus est ipsius mortis. Quā ob causam, sicuti supra cap. 4. simul ambo copulauit, Qui traditus est propter delicta nostra, et resurrexit propter iustificationem nostram, ita & coniunctim hic ait, In hoc, mortuus est, & resurrexit, vt viuorū dominaretur & mortuorum. Nonnullis autem placet, mortuos hic tantū designari, qui in domino moriuntur. Quasi dicat, In hoc mortuus est, vt mortē nostram spiritualement destrueret, atque adeò qui corporaliter moriuntur, non simpliciter moriantur, sed sub dominio Christi, cœlestis hæreditatis perpetuò potiātur. At verò quauis refragari non debemus, quin huiusmodi mortuis peculiari prærogatiua dominetur: si quidem peculiariter dicuntur mortui eius, vt capite primo elucidauimus super verbo, mortuorum Iesu Christi, tamen verisimilius est, vt in vniuersum mortuos hic oēs complexim significauerit: dominatur enim & illis qui iullū suo in infernū detrusi poenas illi pendunt violatę fidei seruorum. Atq; hac ratione optimè cōcludit id, quod supra proposuerat: nimirū vt nemo iudicet alienū seruum, eò quod domino suo stet, aut cadat.

Tu autem quid ~~iudica~~ fratrē tuum? aut tu quare spernis fratrē tuum? Omnes enim stabimus ante tribunal Christi.

Postq̄ rationibus singulis singula conclusionis membra confirmauit, videlicet, ne maiores, pusillos spernant, quia dominus assumpsit eos, & ne pusilli, doctiores in fide iudicēt tanquā alienos seruos, tertiam nunc ratio-

Tertia ratio nem adhibet vtrifq; communem. Qua quidē biformi ratiōe vtrofq; & amore lenit, & terrore percellit. Ait ergo. (Tu autem.) Nempe infirme, quem etiā superius anteposuit. (*Quid iudicas fratrem tuum?*) Nomine fratris, quod est necessitudinis & amoris, illum cōfundit, qui alterum iudicat: cum ambo sint filii eiusdem patris, cui soli deferendum est liberorum iudicium. (Aut tu.) Nimirum firmior. (*Quare spernis fratrem tuum?*) Est enim frater æqualitatis quoq; nomen, & eorum qui pari sunt dignitate in cōspectu Dei: quorum ideo nemo debet alios spernere & despicere, quasi excellentior. (*Omnes enim stabimus ante tribunal Christi.*) Tribunal, à tribu dicitur: est enim excelsus locus, vnde iudex ius tribubus dicebat: indeq; & tribuni nomen. Speciose ergo tribunalis appellatio trāsferitur ad diuinam, eandemque terrificam maiestatem Christi, sedentis ad iudicium: ante quod sistendi omnes sumus, statuendiq; responsuri rationē de minimo etiam verbo ocioso. Quod quidem Christi tribunal (vt obseruauit Orige.) idem est cum Dei tribunali: testante ipso Christo, Pater omnia mea, tua sunt, & tua, mea. Quod quidem expauescendum tribunal graphicē delineat illic Daniel, Aspiciebam donec throni positi sunt: & antiquus dierum sedit, & indumentum eius sicut nix candidum, & capilli capitis eius sicuti lana munda. Thronus eius flammæ ignis, rotæ ei⁹ ignis accensus, fluius igneus rapidusq; egrediebatur à facie eius. Millia milla ministrabant ei, & decies millies centena millia assidebant ei. Ad iudicium sedit, & libri aperti sunt. Atqui Orige. vnus tantum censet superiorum membri, altero prætermisso, reddere hic Paulum rationem: nempe cur pusillus nō habeat instructiores iudicare, quippe quod hoc tale iudicium Deo sit referuandum. Sed tamen forsan & vtrunq; attingit hæc ratio. Territat enim firmiores in fide, ne imbecillos despiciant, eò quod nullam habeant respectu Dei præcellentiam, quando quidē omnes ex æquitate, veluti subiecti & serui, inter quos nulla est præeminentia, spectantes iudiciū Dei, per quod qui in hoc seculo aliis præferuntur, maioriq; habetur honore, iudicabuntur forsan minori digni, vel fortè honore nullo, sed vituperio. Pusillos autem cohibet, ne alios ante tempus sic præiudicent, ac si non essent à Deo iudicandi, sed spectent diuinum iudicium, neq; illud sibi præsumāt. At verò quod ait, Omnes stabimus, neque

Prophetæ contradicit, vbi inquit, quod nō psal. 1. resurgēt impii in iudicio, neq; iudici ipsi, vbi pollicetur discipulis suis, quod cum ipse venierit in sede maiestatis suæ, sedebunt secum super sedes iudicantes: sed referuntur hæc ad diuerfas rationes iudicii. Nam quantum ad meritorum discussionem, neq; infideles, qui nunquam fuerunt in Republica Christi, iudicabuntur, neq; verò Apostoli quorum patentissima merita nō indigēt discussione, sed assidebūt iudici. At verò vt seniam auscultēt, vel præmii, vel supplicii vniuersi stabunt ante tribunal Christi: veluti in humano iudicio stantes rei, sententiam audiunt. Vnde ad Cor. 2. Cor. 5. Omnes nos manifestari oportet ante tribunal Christi, vt referat vnusquisq; propria corporis prout gessit, siue bonum, siue malum.

Scriptum est enim, Viuo ego dicit dominus, quoniam mihi fletetur omne genu, & omnis lingua confitebitur Deo.

Corroborat assertionem suam testimonio Esaia. 45. capite, quò vehementiori pauore concutiat eorum animos. Sunt enim tria in hoc elogio, quibus eos exteret. Primum, iuramentum Dei. Etenim licet Deus, qui summa est veritas, nil opus habeat iuramento, vel stabilimento alio, vt ei quicquid affirmauerit, habeatur fides, tamen in rebus quæ nostra maximè referunt, ad maiorem commendationem firmitatis, immutabilitatisq; suæ iuramento vtitur. Nam Iurauit dominus (inquit David) & non pœnitebit eum. At psal. 5. quoniam testis, nisi oculatus fuerit, non est legitimus: & de rebus longè à nobis tempore distantibus, mortui citari in testes non possunt, mos antiquitus solennis iurandi fuit, Viuit dominus, hoc est, viuit qui mori non potest, sed omni tempore & loco oculatus est omnium testis. Hanc enim existimo conuenire magis expositionem iurationis huius, q̄ si dicas, Viuit dominus, id est, per vitam domini, Dei autem iuramentum est, Viuo ego, indeq; forsan forma prædicta iurandi ad homines deriuata est. Vnde ad Hebræos Paul. Homines per maiorem se iurant: Deus quoniam neminē habuit, per quem iuraret maiore, per semetipsum iurauit. Atqui iuramentum hoc non solum ad Deum secundum diuinitatem, verum ad Christum secundum huminitatem (vt ait Ambro.) refertur. Ambro. Cui propheticum illud oraculum cōgruit, & ait,

Mos iurandi.
Viuit dñs.

Heb. 6.

ait, Viuo ego, quasi dicat, quāvis fuerim peccato mortuus semel, viuo iam tamen Deo, iuxta sententiā Pauli cap. 8. (*Quoniam mihi flectetur omne genu.*) Ecce territantium secundū, id quod non solū de trino Deo, verūm & de Christo intelligendum est, inquantū redemptore: secundū verbū nuper citatū ad Philip.

Philip. 2.

Quo verbo peculiariter concutit elatos neophytos, pusillorum despectores. Si enim omnes flexurifunt genua in conspectu Dei, non est, cureius paruulos contemnant. In Greco actiuum est verbū, omne genu flectet se, Sed tamen sunt phrasēs nonnunquam, quæ in diuersis linguis licitē mutantur in diuersas facies: maximē quādo sola est differentia in voce actiua & passiua: sicuti & verbū proximē præcedens, stabim⁹, græcē est passiuum, sistemur, vel, statuemur, tamen absq; vitio proferri latinē potuit, stabimus. Quauis, flectetur, nescio quid coactionis designet, quod nō est in verbo actiuo, flectet se. Iusti enim qui resurgent in vitam æternam, sua se sponte inclinabunt, & adorabunt iudicem: sed iniqui resurgētes in condēnationē, quasi vi quadā flectentur. Neq; ita genuflexio intelligenda est corporalis (vt ait Orig.) nā nō solū de hominib⁹ in corporib⁹, verū & de animis in suo cuiusq; particulari iudicio, & spiritib⁹ angelicis hoc Pau. affirmat, qui non habēt corpora, sed significat more humano subiectionē & adorationē vniuersæ creaturæ: sicuti in Apocalypsi seniores dicuntur adorare viuētē in secula demittētes coronas suas. Ita enim supplices genua flectunt, & capita nudāt corā principibus. Tametsi haud est cur negemus, quin in resumptis corporibus gloriosis sancti genua flectant coram Deo. (*Et omnis lingua cōfitebitur Deo.*) Non solum trino, sed Deo homini Christo: vt est eadē autoritate ad Phil. Et omnis lingua confiteatur, quia dominus noster Iesus Christus in gloria est Dei patris. Confiteri autem Deo vbi simpliciter & absolutē dicitur, idem est, quod confessionem fidei, & laudis obedientiam illi præstare, & creaturam recognoscere, eius se ipsius esse figmentum. Quauis haud esset à re præsentī alienum, si intelligeretur de confessione peccatorum, quæ illic fiet apertē, nisi quod hæc nō competet sanctis angelis. Omnis autem lingua non solum id pollet quod, omnis natio, cuiuscunq; sit idiomatis, vt vniuersus comprehendatur mundus, sed omnis pariter cognitionis expressio & significatio, nō modo hominum, verūm & angelorum: qui per me-

Flectetur.

Orig.

Apoc. 4.

Cōfiteri Deo

Omnis lingua.

taphorā loqui existimatur: iuxta verbū Pauli ad Hebr. 2. In eo enim quod oīa ei subiecit, nihil dimisit non subiectū ei. Et licet nunc, vt ibidē subditur, nondū videamus oīa subiecta ei, tū verò cū tradiderit regnum patri, oīa vel vltro, vel vi prostrata erunt ipsi: secundū Davidis oraculū, Sede à dextris meis, donec ponam inimicos tuos scabellum pedum tuorum.

Psal. 109.

Itaque vnusquisque nostrum pro se rationem reddet Deo. Non ergo inuicem amplius iudicemus.

Concludit ergo ex his, quæ tanta copia & energia disseruit, quod postq̃ reddituri singuli sumus Deo rationem propriarum actionū, non amplius inuicem iudicemus. Colligam⁹ igitur & nos, quantæ sit prauitatis, crimē hoc temerarii iudicii, siue ex causis quibus procedit illud perpendamus, siue ex iniuria, qua iudicatus afficitur, siue ex cura, quam Deus gerit boni nominis nostri. Qui enim alterū iudicat, id quidem faciet, aut quod ex sua propria qualitate, quia paruus est, sinistrē de fratre iudicat, aut quod odio ipsum habet, & ideo facile de illo suspicatur mala. Est autem iniuria, haud sanē leuis, iudicium huiusmodi: potissimē cū id, quod temerē iudicam⁹, malū graue est: etiā si citra infamiā apud nos ipsos malē de altero sentiamus: nā statim venit nobis in cōtemptū. Quocirca licet diuersis vsus sit hic Pau. verbis, neu firm⁹ infirmū spernat, neu infirmus firmū iudicet, tamen & in firmo annexus est quoq; cōtemptus fratris, de quo sinistrē iudicat. Igitur vel in hoc Deus suū erga nos eximium amorem patefecit, maximē quod non modo nos coercuit, ne quis in fratrē, vel re, vel verbo iniurius esset, verū ne cogitatione illū lederet, vbi ait, Nolite iudicare, & nō iudicabimini. Qua quidē præceptione cōmonemur, quāti sit habēda bona existimatio proximi, quanq; ideo Deo sit turæ honor noster, cui tamē & nos adeo legitime honorē repēdimus; tā multis illi nominibus debitū. Fuerit hoc ergo hic nobis documentū, vt vbi ex leuibus factis coniecturis cohibere ingeniū nostrū humanū à sinistra suspitione proximi nequimus, in qua venialis est culpa, saltē à iudicio, puta à ferenda sententia nos cōtineamus, in qua si de re graui fertur, inest mortale crimen. Imò verò licet indicia adeò sint aperta, vt iudiciū non sit temerariū, neq;

Tria capita cōdēnandi temerarium iudicium.

Mat. 7.

AA 5 perinde

perinde vitiosum, metuenda est nihilo minus culpa; ne villo modo sumus vel nimii iudices, vel fratrum iniqui ocores.

Sed hoc iudicate magis, ne ponatis offendiculum fratri, vel scandalum.

Secūda pars capituli. Scandalū peccatū, & peccati causa.

Sequitur secūda pars capituli, in qua Paul. post deiectionem in proiectionibus tumorem, quo alios spernebāt. condemnatumq; in pusillis temerariū iudiciū, accusationē instruit scandalī: quod non modo peccatum est, vti duo superiora, sed causa etiam peccati in proximum, atq; adeo è regione pugnās cum charitate proximi, quā toto hoc capite intendit Paul. constabilire, consolidareq; inter fratres. Connexuit autē pulchrè verbum verbo, vt continuatio fieret sermonis. Cū enim concludisset, Nō ergo amplius inuicē iudicemus, subdit. (*Sed hoc iudicate magis, ne ponatis offendiculum fratri, vel scandalum.*) At licet videatur exhortatio perpetuari praeiſe aduersus pusillos, qui firmiores iudicabāt, tamē (vt in processu statim apparebit) apostrophē hic facit ad firmiores: quos vtiq; potissimum comonefacit, vt pusillos, nō solum non spernāt, verū neq; vt leuiculam cerimoniam depellant, concertationum acrimonia exasperent. Quin verò, vbi illos scandalizari nouerint esu immundorum ciborū, ab illis abstineāt, ne illis obiciant offendiculū. Nam etsi praeceptio vitandi scandalī oēs comprehendat, directius tamen respicit proiectiones, ne languidis sint scandalo. Atq; hinc fit, vt, iudicate, non in ea prorsus significatione, qua haecenus, accipiat, pro eo scilicet, quod est, condemnate fratrem, sed pro eo quod est, iudicio statuere: ac si dicat, Sed hoc potius rectum salutareq; & ideo necessariū iudicate & existimate. Cæterum quauis Latini idem omnino appellent offendiculum, quod Græcis scandalum, non nullam hic tamen videtur Paul. auxilium hac geminatione insinurare. Etenim suspicari non licet, alterum nōrum nominū adiectum esse ab aliquo interprete, quandoquidem in tria ipse Apost. connumerat, offenditur, aut scandalizatur, aut infirmatur. Igitur cum scandalum græcè à ruina dicatur, offendiculum autē Latinis nihil aliud sonet, q̄ impedimentum, seu peculiariter lapidē, in quem quis offendit & impingit, non nihil videtur explicatius connotare Pau. appellatione scandalī, q̄ nomine offendiculi, puta, impactionē quæ

Scandalū et offendiculum.

causa est ruinæ. Tametsi iam in vsu sit pro eodem vtrunq;. Est ergo scandalum secundum *Diffinitio Hieronymū super Matth. cap. 18. dictum vel factum, minus rectum, præbēs occasionē ruinæ.* nā sola quæ intus latet cogitatione, nemo dare potest scandalū alteri. Dicitur autē minus rectum id cui deest aliquid rectitudinis: nempe quod vel peccatū per se est, vel speciē habēs mali: vt recumbere in idolo, quod est exēplum Pauli, ex quo potest suspitio gigni, id fieri adorationis causa. Vel cum quis secreto loquitur cū foemina, vnde potest in malā suspicionē venire. Quamobrē præcipit Paul. Ab omni specie mali abstinete vos. Etenim vt in via corporali, & præsertim debilibus, ita & in spiritali opponere quis potest alteri obicē. Atq; id dupliciter. Vno modo, si illum directē & ex intentione contendit, vel seductione, vel inductione, vel exemplo, vel alia via labefactare: quod quidem peculiare peccatū est, in propria per se specie scandalī constitutum, idq; virtuti correctionis fraternæ suapte forma contrarium: quæ virtus in hoc exposita est, vt bonum spirituale fratris promoueamus. Altero verò modo cōtingit scandalum per accidens, vt cum quis vel peccatum, vel quod illius figuram habere potest, alia intentione faciat, q̄ vt fratrem præcipitet vnde tamen imbecillus scandalizatur. Tunc enim negligētia incautē id facientis, generalem fortitur per accidens rationem scandalī. At quia nemo vi compellitur, sufficienterū propellitur ad peccandum, sed liberē quisq; delinquit, nō ait Hiero. quod scandalum det causam peccandi, sed occasionem. Quo fit, vt cum dictum vel factum, nec peccatū sit, neq; imaginem illius præferat, nullam rationem habet scandalī dati. Potest verò inde scandalum quis accipere, quod dicitur scandalū acceptū Phariseorum: illi enim audito verbo Christi scandalizati sunt. Est ergo duplex scandalum, scilicet, pusillorum, & Phariseorum. Perfecti nanq;, vti qui soli immutabili Deo inhærent, non submutantur dictis, factisue aliorum. Vnde Hiero. super illud, Qui scandalizauerit vnum de pusillis istis. Nota inquit, quod qui scandalizatur, paruulus est, maiores verò non scandalizantur. Quocirca nullum dicitur scandalum perfectiorū. Quinimò neq; qui in statu sunt perfectionis, vllum dant scandalum, vtpote qui ea sunt circūspeditione & prospicientia, vt nihil admittant, quod vlli fratrum offensionī esse possit. Tametsi cum perfectioni vigē haud repugnēt venialia peccata,

1. Cor. 8.

1. Thes. vlt.

Scandalū vel per se, vel per accidens.

Mat. 18.

Scandalū phariseorum.

Mat. 18

cata, non video cur non accidere perfecto viro possit leue scandalum, vel accipere, vel dare. Quocirca haud plenè intelligo sanctum

S. Tho. Thomam grauissimum perspicatissimūq; horum examinatore. 1. 2. q. 43. vbi concedens cum Augustino, Petrum dum se subducebat, ne conuersi ex Iudaismo sentirent illum velsi communibus cum Gentibus, venialiter peccasse, negat tamen vllum dedisse scandalum. Nam si incauta illa inconsideratio vlllo fuit pacto reprehensibilis (vt ait Paulus) non fuit ob aliud, quàm quod in suam simulationem trahebat alios Iudæos, leuēque ideo saltem offerebat occasionem Gentibus, vnde possent meritò nonnullum incurere offendiculum: quod cauere procurabat Iudæis conuersis.

Gala. 2. Sed tamen forsan non cesset lectoris solertia percunctari, in quo hæc consistat ratio scandali. Vtrum ne quicūq; vel peccatum citra secreti cautionem committit, vel quidpiam aliud, quod tale censeferi possit, det scandalum. Sunt enim homines publici ac manifestari scelerosi, vt meretrices, lenones, & latrones, de quorum flagitiis & sceleribus nemo scandalizatur: quoniam adeò infectos habent hominum oculos, habenturq; ideo vsq; adeò corrupti & perditī, vt nemo, vel miretur, vel commoueat, quicquid perpetrent. Quinimò & sunt alia criminum genera, de quibus nemo scandalum accipit, eò quòd vulgò nulla notantur infamia: vt duellum, aulicorumq; adolescentium leues amores, & alia id genus, quę propter frequentissimum vsum nemini sunt dedecori, neq; inde vllus offenditur, quasi malo exemplo. Et præterea quoniam perfecti (vt dictum est) nulli subsunt periculo passui scandali, videtur, nullum esse scandalum,

In quo consistit ratio scandali.

Responsio.

coram ipsis peccare. Respondetur nihilo minus, nullam rem esse, vel peccatum, vel peccati similem, quæ, si ita fiat, vt in notitiam venire possit aliorum, non habet vnā, aut alteram rationem scandali. Vbi adnotandum est, quòd scandalum passium esse nō potest, nisi peccatum: hoc est enim scandalizari, quod peccare exemplo vel causa alterius. Primum autem peccatum quod progignit qui dat scandalum proximo, suapte natura est, temerarium iudicium: ob idq; appositissimè hic Paul. post accusationem temerè iudicantium commigravit ad condemnandum scandalum. Propterea enim pusilli malè iudicant de illis quæ præ se ferunt speciem mali, quia offenduntur scādalo. Et ideo post

admonitionem pusillorum ne malè iudicarent, qui est primus gradus passui scandali admonentur vicissim promotiores in fide, ne debiliores scandalizarent, præbendo illis ansam iudicandi. Hæc autem species passui scandali non crebrò suboritur, vbi crimina sunt omnino publica. Et minimè, si qui illa perpetrant, sunt in conspectu hominum habiti, vt perditissimi. Publica enim crimina iudicare esse mala, nō est peccatum: Tamet si quia omnes procliues sumus ad iudicandum peiora, semper est periculum, ne iudicemus illos peiores, quàm sunt. Secundus effectus scandali est, exemplo sum mouere alios, excitare quē ad malum. Et effectum hunc habere possunt etiam publici criminosi, & illæ præcipuè malorum species, quæ non habēt adiunctam infamiam. Est enim naturæ nostræ, imitare citius peiora, ad quæ pronior est nostra natura. Quo pacto vehementius præbent scandalum, quorum vitæ institutū maiorem præ se fert sanctimoniam. Dum enim in huiusmodi præstantioribus crimina conspiciamus, leuiora reputamus nostra. Sunt & alii effectus scandali: vt contemnere legem Dei, sinistreq; de Deo sentire: cum enim crebescere videmus mala, tunc vel legem iudicamus acerbam, quæ prohibuit difficilima, vel Deum alii suspicantur non ita grauitè offendi, postquàm hæc tolerat. In summa ratio scandali actiui non consistit in hoc quod alii actu accipiant scandalum, puta, delinquant, sed in hoc, quòd offeratur, vel causa, vel occasio. Differunt enim offendiculum in habitu, & offensio in actu, seu impactio, qua quis per passium scandalum corrui, esseq; potest prius absque posteriori: & vice versa, vt in scandalo Phariseorum. Quocirca & delinquere in conspectu perfectorum, circumstantia est noui peccati. Non solum quod & ipsi leuiusculè offendi possunt, & venialiter peccare, sed quia maiorem virtuti irrogat iniuriam, qui virtutis cultoribus, puritatisq; amatoribus vitiorum sordes ob oculos obiicit, vnde afficiantur contumelia.

De grauitate autem peccati scandali nosse restat, quod cum genere suo non sit mortale, quia tantum dicit dispositionem ad ruinam, esse potest veniale: puta, cum vel inductio nō fit, nisi ad veniale peccatum, vel quis ex veniali negligentia & inconsideratione quid facit, vnde alter scandalizatur: esse tamen potest mortale, vbi quis vel ad mortale peccatum alterum inducit, vel per grauem negligentiam

De grauitate peccati scandali.

gentiam talem præbet occasionem. Aliàs nõ
 Mat. 18. dixisset Christus, Væ homini illi per quem
 scandalum venit. Neq; quicquam contra fa-
 cit præcedens verbum, Necesse est vt veniant
 scandala. Haud enim illic significatur, quem-
 piam necessitate coactum scandalum dare:
 aliàs non esset peccatum. Sed significatur,
 vel necessitas consequentiæ, quod illa, quæ
 per Prophetas prænuntiata sunt scandala,
 necesse est, vt veniant. Vel necessitas finis:
 nempe quod expedit permitti scandala, vt
 probati, iuxta verbum Apostoli. i. ad Co-
 rinth. ii. manifesti fiant. Vel, quod proba-
 bilius est, subnotatur necessitas conditionis
 humanæ: quoniam pro fragilitate generis no-
 stri vitari non potest, quin aliquando orian-
 tur scādala, sicuti alia scelerum genera. Quin
 verò subscripta pœna scandalizantis, vt su-
 spensa mola asinaria, hoc est, ingentissimo la-
 pide asinarij molendini, ad collum eius, pro-
 iiciatur in profundum maris, indicium est,
 quàm sit graue hoc genus criminis, nempe
 cui non solum capitale supplicium inscriptū
 sit, verum illud, per quod à terra etiam, quæ
 hominibus est in sepulchrum, eiiciatur qui
 scandalum dederit.

Scio & confido in domino Ie-
 su, quia nihil cōmune per ipsum,
 nisi ei qui existimat quid cōmu-
 ne esse, illi commune est.

Proposita præceptione exponit rationem
 scādali in presenti materia. Etenim cū tam
 acriter coercuerit neophytos illos prouectio-
 nes in fide, ne paruulos despicerent, suspitio-
 nem illis potuisset iniicere, quod in eadem
 esset ipse infirmorum opinione, de obserua-
 tione legalium: hanc ergo suspicionis labem
 abstergendā hic curat. (*Scio & confido*) Con-
 fido, non dicit hic confidentiam, quæ est de
 futuro, vel de occulto, sed est auxelis, scio &
 confido, hoc est, scio, & certo certius habeo
 absq; vlla ~~hæsitatio~~ persuasissimum. (*In do-
 mino Iesu*) Hoc est, testimonio Iesu Christi,
 qui fallere nescit. Vel, in Christo Iesu, puta,
 in æquitate & veritate Christi Iesu, qui per
 suauitatem euangelicæ suæ legis. antiquis il-
 lis nos exoneravit ceremoniis. (*Quia nihil com-
 mune per ipsum.*) Communes appellat eisdem
 cibos, quos Iudæi appellabant immundos:
 Orig. nam commune (inquit Orig.) non erat vox
 Act. 10. celebris inter Iudæos, sicut in nouo testa-
 mento. Tametsi cū Petrus illam vsurpaue-

rit, conicere licet in vsu fuisse Iudæis, Dicitur
 autem commune, id quod vniuersis mortali-
 bus in vsu erat, præterquàm Iudæis. Vel for-
 san (vt ait Orig.) ad exemplum vasorum, nam
 illa quæ diuino cultui consecrabantur, dice-
 bantur sacra, reliqua verò communia, id est,
 prophana. Simili ergo modo cibos sibi con-
 cessos appellabant Iudæi puros & mundos,
 reliquos verò immūdos & prophanos: com-
 mune ergo idem arbitror esse quod prophā-
 num & irreligiosum, eò quod non sit lege &
 benedictione Dei destinatum victui. Et pari
 ratione tempus quoque, vtputa dies profes-
 stos, dici potest commune, hoc est, non dica-
 tum quieti & vacationi diuinorum, vt ambo
 superiora membra, de delectu, tam ciborum,
 quàm dierum hic subnotentur. Ait ergo
 Paulus nihil esse commune per ipsum. Alij
 transferunt, per se, siue, per seipsum, vt non
 referatur Christus, sed communis cibus, hoc
 est, nihil est per se natura sua immundum. Et
 forsan hoc bene habet: nam Græcè, *διὰ τοῦ*,
 per ipsum, & *διὰ τοῦ*, per se ipsum solo diffe-
 runt apiculo aspirationis. Attamen probabi-
 lius est, dixisse Apostolum, per ipsum, scili-
 cet Iesum, quæ proximè nominarat, hoc est,
 nihil per Christū, qui nos à vetustis cerimo-
 niis liberauit, cōmune est in Euāgelio. (*Nisi ei
 qui existimat quid commune esse, illi commune est.*)
 Id est, illis ex Iudaismo cōuersis, existimanti-
 bus perdurare legē, prohibentem cōmune,
 sit, vt cibus existimatus cōmunis, sit propter
 errantē eorū conscientiam. cōmunis, hoc est,
 illicitus. Nam conscientia non facit cibum ef-
 se communem: sed existimatio facit vsum, ef-
 se peccatum, quia sumitur tanquam illicitus.
 Per hunc ergo locum Pauli cōfirmatur theo-
 logicum dogma, quod conscientia erronea
 obligat. Huius autem ratio in promptu est pa-
 tētissima: nam actio speciem sortitur ab ob-
 iecto, secundum rationem qua apprehendi-
 tur. Etenim cū nihil sit volitum, nisi præ-
 cognitum, voluntas insequitur apprehensio-
 nem. Vnde qui rem accipit suam, putās eam
 esse alienam, furtum secundum virtutem co-
 ram Deo committit. Et qui feram sagitta con-
 figit, existimans esse hominem, homicidium
 perpetrat. In summa, Qui opus suum, morta-
 lem putat habere culpam, mortaliter peccat:
 & qui venialem, venialiter. Nisi casu, quo te-
 neretur scire tale opus esse mortale. Nam qui
 ratus, simplicem fornicationem esse venia-
 lem culpam, fornicaretur, mortaliter nihilo-
 minus delinqueret. Quocirca facere contra
 con-

conscientiam, non est speciale peccatum, sed reducitur ad eandem speciem, ac si fieret ex scientia. Sicuti econuersò illa quæ sunt genere suo mala per excusantem ignorantiam in ea sunt virtutis specie, ac si à sciente fierent & prudente. Fuit enim accessus Iacob ad Lyam, coniugalis virtus. At verò illa erroris conscientia, quæ post factum subsequitur, non ligat: vt si postquam quis spiculum iactauit in feram, arbitratur fuisse hominem, actio illa præterita nō fit ideo peccatum. Adde quod & vice versa dū quis id quod crimē est mortale, necessariū esse censet ad salutē, etiā talis obligat conscientia. Vt qui existimaret præceptum esse Dei, occidere puerum existentē in gratia, quem credens, post adultum decessurum in peccato, nisi durante illa conscientia illum occideret, peccatum esset illi: nam cum diuina præcepta per conscientia nostram applicentur ad vsum, id quod arbitratu esse præceptum, fit nobis obligatorium: neque tamen vlla inde simpliciter sequitur perplexitas, sed solum sequitur ex culpa nostra. Durante inquam, illo errore conscientie siue occidas, siue non occidas, vtroq; modo peccas. Sicuti sacerdos iniqui propositi peritax, die qua sacrum tenetur facere, vtroq; modo inficitur criminis labe, seu faciat, seu abstineat. Potest tamen & debet propositū prauum abiicere, sicuti & qui corrupto iudicio laborat, tenetur illud mutare. Vulgaria sunt hæc, sed tamen in præsentiarum memoratu necessaria. Illi nanq; neophyti infirmi, qui illas ceremonias iudicabant retinendas esse cum Euangelio, eo modo quo legitime seruabantur antiquitus (quod quidem iudicium, licet falsum, erat tamen illo tempore licitum) & si qui eò vsq; iudicarent illas necessarias, vt sine illis fides non posset iustificare (quod quidem iudicium, graue fuit semper peccatum) in vtroq; casu, durante corrupta illa conscientia, tenebantur illas seruare, etiam si seruare hoc secundo modo peccatum esset. Tenebantur tamen à iudicio illo repurgari. Quauis forsan Paul. non subnotet eos, nisi tanquam habentes iudicium illud falsum, licitum pro tunc tamen,

Si enim propter cibum frater tuus contristatur, iam non secundum charitatem ambulas.

Proposita ergo, expositaq; iussione devorando scandalo, persuadet nobis illam qua-

tuor rationibus, scilicet ab officio, quod ex *Quatuor rationes.* charitate debemus proximo: à reuerētia, quā ob religionem debemus Christo: à cura, quā debemus habere boni publici: ab obligatione, qua tenemur seruare pacem. Est veruntamen operepretium, vt energia harum rationum fiat perspicatior, præfigere ante oculos faciem illorum neotericorū. Fit enim ex hoc loco coniectura, quod multi ex Iudaismo cōuersi forsan sese plus equo oblectabant ciborum lasciuiis, qui permixti erant Christianis: erant quippe multi delicati cibi Iudæis prohibiti, vt suillæ carnes, lepores, & alia venationis genera: & in piscibus anguilla, & alii preciosi: de qua re scandalum alii pusillanimes accipiebant, credentes ceremonias antiquas illos abiicisse, non eò quod cessassent, sed vt lauitia illa ciborum, genio, ventriq; seruiret. Quā ob causam de Christiana religione non ita castè sentiebant, eò quod tam licentiosam facultatem faceret hominibus. Imò quid si cogitemus nonnullos etiam forsan conuerti tunc illius libertatis gratia. Quemadmodum si modo provincia quæpiam Saracenorum, qui potu vini interdicuntur, audita prædicatione Euangelii conuerteretur ad fidem, videntes autem aliqui eorum alios per libertatem euangelicam crapulæ se dedere, & ebrietatibus, scandalum acciperent, & à religione ideo Christiana absterrentur. Perinde ergo atq; tunc, Saracenis conuersis, catholicus concionatur prædicaret, ne prætextu libertatis Christianæ vino se ingurgitantes, scandalo essent neophytis aliis, prodit nunc Pau. Romanorum admonitor. Sed queris. Num conuersos omnes, tam ex Gentibus, quàm ex Iudæis carpit hoc sermone? Videtur enim nō omnes reprehendere, tum quia recentes illi ac tenelli Christiani ex Iudæis, non nisi de conuersis ex sua gente deberent accipere tale scandalum, quod suam legem defererent, tum quia difficile erat, venientes à gentilitate, priuare tot ciborum generibus, propter aliorum ignorantiam. At verò quauis potissimum ad conuersos ~~ex Iudæis~~ spectet fraterna hæc correptio, tangit nihilo minus & conuersos ex gentilitate: siquidem & ab illis prodibat quoq; scandalum: arbitrantibus Iudæis, quod etiam illi tenebantur iugū subire antiquæ legis. Nam, gratia sedandi huiusmodi turbas & rixas, celebratum fuit concilium illud Act. 15. vbi exposita fuit lex de cessatione horum legalium. Siquidem, permixtis in vniuersum aliis cibis, iussi sunt, in gratiam

gratiam Iudæorū, Christiani vniuersi, à contaminationibus simulachrorū, ab edendis scilicet animalium carnibus, quæ idolis immolabantur, cauere: de quibus idolotyis loquitur Paul. Corinth. (nam sacerdotes Gentiliū, carnes vendebant immolatas idolis) & à suffocatis & sanguine, quæ maximè exhorrebant Iudæi, vt posset conuictus coalescere inter omnes promiscuè Christianos. Quod quidem decretum cessante necessitate, cessauit.

Secus autem de fornicatione illic in perpetuum prohibita, eò quòd Ethnicorum plerique pro licita illam habebant. (*Si enim propter cibum, &c.*) Prima ergo ratio fumitur ab ingenio charitatis. Vide ergo quàm sit charitas ingenua, officiosaq; & morigera virtus, quippe quæ non solum non permittit, vt grauioribus iniuriis lædas fratrem, verum neque vt vlla eum afficias tristitia. Neque verò tantum prohibet, ne ius violemus alienum, vnde contristetur frater, verum, vt quo tristitiam illi caueamus, iuri nonnunquam cedamus nostro. Sic enim arguit Paul. Si propter cibum, scilicet, communem, quo tu indifferenter vteris, frater tuus, puta, infirmus, videns legem, quam vigere arbitratur, à te pessundari, contristatur, non secundum charitatem ambulas, sed eius leges transgredieris. Hic præterea nota primū damnum, quod illi pusilli contrahebant per datum scandalum, puta, tristitiam, quæ licet non esset per se peccatum, erat tamen causa temerariè iudicandi de illis, qui cibos non discernebant, quod (vt diximus) erat primum passiuum scandalum.

Dubitatio. Sed meritò hic dubius sciscitaris, an iubeamur sub obligatione, cuius transgressio sit mortalis, dimittere temporalia nostra, quorum plenum, planumq; habemus ius, ne fratri demus scandalum: nam de spiritualibus in subsequenti ratione tertia faciemus mentionem: videtur namq; si ita est, iugum suauis Christi ad graue nos onus obligare.

Responsio. Ad hanc quæstionem sub distinctione respondendū est. Si enim ille qui scandalum accipit, id facit ex ignorantia, vel illa penitus, cuius potest facile conuinci, sed aut per vafriem, aut per obstinationem scandalizatur, neutiquam tenemur morem gerere nequitiae eius: aliàs teneremur conuiuere hæreticis, puta, abstinere à carnibus, ne Ioviniani scandalizentur, & remittere furtum manifestario latroni, ne scādalo afficiatur, quòd est absurdū. Ideo quippe hanc quæstiunculam hic mouimus, quòd

sunt nonnulli vsq; adeò rigidè regulam illam charitatis intelligentes, spiritualia scilicet proximi præ nostris propriis temporalibus esse diligenda, vt quotiescunq; bona nostra, causa esset vllò pacto possunt euitandi peccatum in proximo, teneamur illa dispendere: quod profectò non est credibile. Illa enim regula charitatis solummodo constringimur porrigere temporalia bona, vbicunq; sunt necessaria ad salutem proximi spirituales: dum autem impudens quis sponte sua scandalizatur vel iurat se commissurum peccatum, nisi ego illi erogauero bona mea, vt si debitor qui solvere, potest, non vult mihi soluere, nisi furando: vel perucax muliercula dicit se corp^o exposituram, nisi ei quis donauerit certam pecuniam, nemo tenetur donare: quia licet possit donatio esse causa vitandi huiusmodi mala, non tamen sunt necessaria causa, quia illi sua sponte peccant sine necessitate. Tenentur enim potius mori, quam peccare. Secundo ergo modo quis scandalizatur, vel subest periculo alius peccati, nō quidem ex malitia, sed vel ex ignorantia, vel ex alio quocunq; defectu, cui non potest succurri, nisi subuentione proximi, & tunc tenemur nostra illi suppeditare, vel iuri aliàs nostro cedere: haud tamen in his quæ sunt nobis omnino necessaria. Atq; hic est casus præsentis loci. Illi etenim pusilli ignorantia tenebantur illius rei, quam non poterant pro tunc doceri, & ideo vel secretò debebant alii Christiani vti cibus communibus, sicuti fecit Petrus, qui clàm Iudæis, vescébatur cōmunibus inter gentes: vel abstinendum esset ab illis, ad vitandum scandalum: ab illis inquam cibus, qui non erant necessarij ad vitam: nam præceptum hoc vitandi scandali, præceptum est misericordiae, sicuti præceptū correctionis fraternæ: cui virtuti opponitur scandalum: ob idq; ad vitandum scandalum non tenetur quis vitam ponere: licet aliquādo esse posset consilium. Vnde Apostolus ad Corinth. eandem tractans materiam, licet præmisisset, Si esca scandalizat fratrem meum, tamen non subiunxit, non manducabo escas in æternum, sed, non manducabo carnes: vt sine quibus sustentari potest vita. Quin verò si ille qui scandalum accipit, vel quoduis aliud detrimentum ex ignorantia, fuerit eò vsq; admonitus, vt non possit iure & meritò ignorantiam obtendere, iam ex malitia censetur scandalizari. Hinc veruntamen suboritur dubiū in præsentī materia tale. Quando hanc Paulus scribebat epistolam, iam fuerat Petro in

lintheo

linleo reuelatio facta, quòd cessaret cerimonia de ciborū discerniculo: erat ergo iam sufficienter totus Christianismus eandem rem edoctus. Atq; adeò nemini esse deberet scandalo, promiscuus ciborum vsus, Respondetur, quòd illud mysterium Petri non erat tūc Romanis propalatum, vel saltem non erat plenè intellectum: vnde colligitur, quòd nō erat tunc celebratum concilium Act. 15. memoratum, vbi publicitus de hac re promulgata fuit lex.

Noli cibo tuo illum perdere, pro quo Christus mortuus est.

Secunda rō.

Secunda ratio sumitur à reuerentia, quam Christo auctori nostro debem⁹, & obsequio quē quidem ratio energiam habet, efficacem q; persuadēdi vigorem. Nempe vbi sunt quatuor luculentissimæ antitheses, inter nos, & Christum, inter cibum nostrū, & mortem ipsius, inter fratrem nostrum, & eius inimicos: inter, perdere, &, lucrari. (*Noli cibo tuo.*) Tu scilicet homuncio, communi tuo cibo & lauto, qui minimè tibi est ad vitam necessarius. (*illum perdere.*) Puta, fratrem tuum, cum quo es mutua charitate cōglutinat⁹ (*Pro quo Christus.*) Tanta intercapedine te superior, quanta est inter homuncionem & Deum: pro quo scilicet lucrando, qui non tunc frater, sed inimicus illi erat. (*Mortuus est.*) Hoc est, non cibum tantum, eodemq; vitæ superfluo, sese priuauit, sed vitam ipsam, & per mortem crucis tradidit. De quo inestimabili sumptu, dispēdioq; vita Dei perpendi potest, quàm sit preciosa spiritualis vita fratris, quam tu perdis. Perditio enim hæc fratris nō huc tantum refertur, quòd tenelli illi tali occasione impingebāt vel temerè iudicantes, vel de lege Christiana obloquentes, sed ad hoc etiā forsā, quòd nonnulli retrocedebāt à fide: alii verò remorabantur, ne illam susciperēt, atq; adeò mors Christi frustrabatur per illos suo fructu.

Non ergo blasphemetur bonum nostrum. Non est regnum Dei esca & potus, sed iustitia, & pax, & gaudium in spiritu sancto: qui enim in hoc seruit Christo, placet Deo, & probatus est hominibus.

Tertia rō.

Tertia ratio sumitur à cura, quam gerere tenemur boni publici nostri, & præsertim

Christianorum nominis. Græcè legitur, vestrum, sed tamen cum non sit differentia nisi in vna sola litera, sicuti latinè non est nisi in duabus, haud certum est, quid Paul. scripserit. Theophyl. legit, vestrum, Orige. verò & Latini, nostrum, & sententia eadem est. Et vocat, bonum nostrum, fidem & religionē nostram, qua liberati sumus ab illis ceremoniis: quæ quidem fides per abusum talis libertatis in nimio ciborum excessu & luxu vituperabatur ab illis infirmis. Eò enim vsq; prorumpebat scandalum illud infirmorum (vt supra denotaui) vt Christianismi religio apud illos malè audiret: nimirū quòd lex euangelica nimis esset laxa, nimiumq; animis obsequens subditorum, quod quidē redundabat in blasphemiam legislatoris.

Quandoquidem ille non eo fine eripuit nos ab illo ceremoniarum grauamine, delectuq; ciborum, vt cunctorum ingluvie onusti, voluptatibus, præ antiquis Patribus indulgeremus, sed ob id, quòd illa quæ figura erant & vmbra futurorum, veritate ipsa cōpleuit, abegitq; vt nos, veluti liberi, grandiori iam ætate ab illis puerorum rudimentis exempti, spōte nostra frugaliores essemus in victu, in aliis q; omnibus obsequentiores, (*Non est regnum Dei esca & potus.*) Respondet per hæc verba, cogitatibus illorum, qui sic possent insilire in Paulum. Lex nobis euangelica hanc fecit libertatē: quid nos ergo sancte Apostole, & ex lege nos nostra abducere moliris, & in antiquam retrudere? Respondet inquam, illis, quòd regnum Dei non est esca & potus. Regnum enim Dei appellat legem euangelicā, tum propter diuinam, quæ in eo floret, libertatem, tum quòd per illam panduntur nobis valuæ regni cœlorum: sic enim appellauit eam Præcursor, Poenitentia agite, appropinquabit enim regnum cœlorum: ac post Christus sæpissimè promiscuè, vel regnum cœlorum, vel regnum Dei. Responsio autem est huiusmodi, Si substantia, & silentiaq; regni Dei in esca consisteret & potus, à vobis exigeretur, vt huiusmodi libertati renuncietis: nam legem regni Dei nemo debet pro bono fratris violare: substantia autem ac neruus legis non est esca & potus, id est, non consistit in vsu communium ciborum, qui polluti reputabātur: sicuti eiusdem regni fructus in cœlo, vbi neque nubent, neq; vxores ducent, non captatur per fruitionem harum carnalium deliciarum. (*Sed iustitia, & pax, & gaudium in spiritu sancto.*) Cui quidem iustitia &

Mat. 3.

Mat. 11.

Luc. 11. et. 19

pac

paci accidentaria est ciborum libertas. Per iustitiam enim spiritualem & pacem ad cœlum progredimur : easdemq; illuc valemus nobiscum rapere ad perfectum gaudium : per carnales verò voluptates non item. Quoniā, neq; si comederimus, abundabimus : neq; si non comederimus, deficiemus. Arguit igitur

1. Cor. 8. Paul. Cum ab esca & potu non ita pendeat regnum Dei, vt putemus absq; esu carniū suillarum, aliarumq; id genus indifferentium salutem haberi non posse, non est cur tam tenaciter vsu & more, escarum libertatem defendatis, cum periculo spiritualium bonorū, & non potius quidpiam iuris vestri hac parte remittatis, vt iustitia, pace, & gaudio perfruinini in vnum cum fratribus. Perspice ergo quanto artificio illa componit ac comprehendit, in quibus custodiendis tum regnū Dei positum est, tum ideo versari debet Christianorum studium & religio. Initium enim regni cœlorum est iustificatio per Spiritum sanctum, progressus verò, cultura deinde eiusdem iustitiæ : effectus autem iustitiæ, est pax :

Esai. 32. opus enim iustitiæ, pax, inquit, Esaias : nam tunc pax vera est, cum vnusquisq; ius suum tranquillè possidet : quam quidem pacē propriè consequitur gaudium. Addit autem, In Spiritu sancto, quod ad singula trium præcedentium adiunctum est. Nam est altera naturalis iustitia operum, alteraq; iniquorum carnalis pax, quam Christus non venit mittere in terra, sed contrarium bellum : alterūq; eorum sensuale gaudium. In regno autem Dei, Spiritus sanctus per quem charitas effunditur, author est cœlestis iustitiæ, veræq; pacis ac gaudii spiritualis. Iuxta illud, Fructus spiritus, charitas, gaudium, pax. Hæc veruntamen perditum eunt scandalizatores fratrum.

Gal. 5. Primum enim iustitiam corrumpunt, cum nec charitatis debita solvunt, & fratribus offendiculo sunt, vt à gratia & iustitia decident mox pacem perturbant, ac deinde gaudium. Et alludit ad verbum primæ rationis, Si frater tuus ~~in regno~~ contristatur. Adnota

*Theologica
veritas.*

ri præterea in præsentiarum debet veritas illa theologica, quòd spiritualia, quæ necessaria sunt ad salutem, non sunt dimittenda, ob tollendum scandalum. Hoc etenim insinuat hic Paul. quòd si in regno, hoc est, i lege Dei, præciperetur communis ciborum vsus, tanquàm ad salutem necessarius, non esset utiq; per transgressionem illius mos gerendus infirmis, sed necessariò esset omnibus vtendum. At quia potest quis abstinere citra culpam,

dummodò id non fiat obseruandæ antiquæ legis gratia, indulgere hac parte possumus, ac debemus infirmorum imbecillitati. Non ergo licet vel furtum facere, vel homicidium, imò neq; minimū mendacium iocosum dicere, ad vitandum, vel maximum scandalum.

Alia verò spiritualia quæ sunt citra necessitatem salutis, vel differre ad tempus licet, vel dissimulare, vel occultare, ad vitandum scandalum pusillorum, haud tamen ad euitandū scandalum Phariseorum : cuius farinæ sunt heretici omnes. (*Qui enim in hoc seruit Christo, placet Deo, & probatus est hominibus.*) Sed neq; hic satis liquet, an legendum sit, in his, vt est græcè, putā, iustitia, pace, & gaudio : quæ admodū legit Chrys. & eius imitator Theop. an, in hoc, vt legit, Origen. nimirum in hoc Spiritu sancto : quoniam, Nemo dicit dominum Iesum, nisi in Spiritu sancto. Præterquā quòd

1. Cor. 10.

singulare pronomen extare hic potest pro plurali, vt sit demonstratio præcedentis sententiæ. Nempè quòd regnum Dei est iustitia, pax, & gaudium : in quibus seruire quisq; iustus debet. Nam proprium est filiorum regni, placere Deo, & hominibus : vt pote cum radix meritorum sit diligere Deum & homines : cōsummatio autem præmiorum, vt sis dilectus Deo, & hominibus. Qui ergo Christo in illis seruit, placet Deo, probaturq; hominibus : in quibus idcirco consistit regnū Dei, Sed expende verborum differentiam. Non dicit, Qui in his seruit Deo, sed, Christo : licet idem sit, Neq; qui placet Christo, sed Deo : quāuis nil differant. Et ratio differentiæ est, quòd Christus constitutus est rex huius regni à Deo, qui eiusdem regni est author : secū dum illud, Transtulit nos in regnum filii dilectionis suæ, Quod quidem regnum traditus ipse est deo & patri, Seruire autem debēt

Col. 1.

subditi regi, placere autem illi, qui regnum instituit, quiq; offensus erat. Et præterea forsan, in hoc, scilicet munere iustitiæ & pacis, peculiariter ait, seruire nos Christo, eò quod illas virtutes colimus, quas ipse tanto precio comparauit nobis. At verò licet non omnis qui seruit Christo & placet Deo, idem probetur omnibus hominibus (est enim perdifficile, etiam iusto, prudentiq; viro, placere Deo & hominibus) probatur tamen saltem filiis eiusdem regni, qui per eundem Spiritum sanctum iudicant opera fratrum. Et his ait Paul. probatum esse, qui seruit Christo. Quāuis, qui has potissimum virtutes iustitiæ & pacis protegit, illis etiam nequā, discolisq; hominibus

1. Cor. 15.

nibus gratus est. Vel forsan probatū esse ait hominibus, respiciendo ad illos pusillos: nā qui iustitiam & pacem, excusando scandala, colit, ille placendo hominibus placet Deo.

Itaq; quę pacis sunt, sectemur, & quę ædificationis sunt, inuicē custodiamus. Noli propter escam destruere opus Dei.

Quarta rō. Quarta demum ratio est proximē pręcedēti appendēs. Et sumitur à veneratione, in qua habere debemus pacem, quę opus est Dei, & à diligētia, qua ideo illā debemus protegere & fouere. Et ideo per modum conclusionis ait. (*Itaq; ea quę pacis sunt, sectemur.*) Veluti illud charitatis opus, per quod vnitas Christiani corporis maximē, tum continetur, tum etiam effulget. Perpectē autem obseruauit verbum Origen. videlicet quod non dixerit, teneamus, aut simpliciter, sequamur, sed, sectemur. Sicuti & Dauid non ait simpliciter, Inquire pacem, & sequere, sed, persequere eam. Ac si dicat, Etiam si ofores, perturbatoresq; pacis de medio eam sustulerint, quocūq; eam fugauerint, tu illam persequere, etiā cum labore tuo, cum damno, cum opprobrio quoq; Hęc feruē Origen. Quod est, si inimicus noster nihil de iure suo vult remittere, quinimō in nostrum conatur irrumpere cedamus illi. Verbi gratia, si quis voluerit tu nicam nostram tollere, dimittamus ei & pallium, vt expeditiores sectemur pacem: quę margarita est Christianis preciosissima: quā nobis Christus moriens dedit, testamentoq; reliquit, & signum esse voluit, quo sui discernantur discipuli. Nam in hoc, inquit, cognoscent homines, quod mei discipuli estis, si dilectionem habueritis ad inuicem. (*Et quę ædificationis sunt, inuicem custodiamus.*) In Græcis modō non est, custodiamus, sed, quę ædificationis, vt ex superiori oratione suppleatur, & sunt, &, sectemur, sed nihil refert. Optimē autem adiunxit paci, ædificationem: nam vbi non est pax, nullatenus potest ædificatio spiritualis proficere. Persistit præterea scitē in exhortatione vitandi scandali: nimirum per contrariam virtutem fraternæ correctionis, cuius officium est, bonum fratrum ædificare, iuuare, augere, & promouere. Ob idq; ait, inuicem, nempe vt infirmi, videntes eos qui perfectiores sunt & doctiores in fide, lautiori ciborum vsui parcere, vt eorum se infirmitati accomodent, per illorū

charitatem ædificentur. Et vice versa firmiores, cernentes, quod infirmi cum humilitate disciplinam amplectantur, permittunt quę se erudiri mysteria fidei, ædificentur quoq; per talem humilitatem. (*Noli propter escam destruere opus Dei.*) Verbum adhibet, cuius vigore impendiō corroborat rationem proximam. Sunt enim & escę quoq; opus Dei per creationem, & naturalem concursum ad sustentationem naturalis vitę: sed tamen charitas, iustitia, & pax, peculiari, supernaturaliq; cōcur su comparata nobis sunt per redemptionem Christi, ad vitam nanciscendam spiritualem: quę ideo hic dicitur propriē opus Dei, eiusq; ædificatio, cuius fundamentum est Christus: iuxta illud, Dei ædificatio estis. Et, Super-
ædificati super fundamentum Apostolorum
& Prophetarum ipso summo angulari lapi
de Christo Iesu, in quo omnis ædificatio cō
struēta crescit in templum sanctum in domi
no. Ex quo utiq; scripturam sermone in mo
rem venit Christianis, vt per bonum exem
plum fratris, dicantur alii ædificari. Est er
go adhortatio, obiurgationem adferens ve
hementem, ne propter eduliorum lautitiam
& luxum, quę corporalia vitę nō sunt neces
saria, destruatur spirituale opus dei, quod nō
Christus minori sumptu ædificauit, q̄ precio
sissimi sui sanguinis effusione.

L. Cor. 3.
Ephe. 2.

Mos Christi
anorū loquē
di ædificari.

Omnia quidem sunt munda, sed malum est homini qui per offendiculum manducat. Bonum est non manducare carnem, & nō bibere vinum, neq; in quo frater tuus offenditur, aut scandalizatur, aut infirmatur.

Quāuis videtur hęc superiorū repetitio, non est tñ omnino superflua, sed est materię epilatio necessaria, eademq; bipertita, tam infirmos porro comprehendens, q̄ firmiores. Nā cū in hoc sermone de ~~scandalis~~ firmiores visus fuerit suggillare, vellicat nunc pariter & infirmos. Colligit enim ex dictis, quod licet omnia sint natura sua pura & munda, bifariam tamen fieri possunt impura & illicita, nempe vel propter scandalum, quod prouectiores in fide dant opere suo fragilioribus manducando, vel propter conscientiam, si contra eam, infirmus edat. (*Omnia quidem sunt munda.*) Idem supra dixit, sed adiecit, per ipsum, scilicet, Christum, quia mundata per

BB ipsum

Ioan. 13.

ipsum sunt à pollutione illa & inquinamēto legalium. Nunc autem vbi absolute vocat, munda intelligit, natura sua: in qua natura relicta sunt beneficio euangelicæ libertatis. **Tit. I.** explicatius rem aperuit ad Titum, Omnia munda mundis, vbi spectauit & ad legales sordes ciborum, & ad munditiam baptismi, per quem subducti sumus iugo legis. Hoc est, illis qui baptismo abluti sunt, nihil est amplius à lege immundum: sed infidelibus, qui inquinatam gerunt conscientiam, non solum legales cibi, sed omnia sunt impura & fordida, quæ scilicet ex falsa sua fide faciunt, vt quàm proximè exposituri sumus. (*Sed malum est homini, qui per offendiculum manducat.*) Hic firmiores carpit, quos hæten^o culpauit. Propter quos & subdit. (*Bonum est non manducare carnem, & non bibere vinum.*) Adiecit, non bibere vinum, quò vigorosior esset oratio. Quasi diceret, Non solum carnes, quæ antiquis pollutæ habebantur, verum nullas carnes comedere, quin, verò & vinum non bibere, bonum est. (*Nec, in quo frater tuus offenditur, aut scandalizatur, aut infirmatur.*) Hoc est, & quodlibet aliud non comedere, nec bibere, nec loqui, nec facere, in quo frater tuus offenditur, &c. Nescio tamen, an tria hæc coaceruauerit Paul. non quòd diuersa sint, sed quòd rem eadem ad maiorem vehementiam inculcaret. Tametsi (vt supra dicebamus) offendi, solum significare videtur, in virtutis obstaculum occurrere: scandalizari verò, corruere. Quòd si dicere iuuat, tria hæc incommoda, vt distincta composuisse, dicere subinde tunc possumus, quòd respondēt ad illa tria quibus dixerat constare regnum cælorum. Offenditur enim quis, dum læditur in his quæ pertinent ad iustitiam: quia non redditur ei ius suum: cum tamen tenearis præcepto charitatis, non opponere illi offendiculum. (*Aut scandalizatur.*) Hoc est, impingit in idem offendiculum, collabiturq; in culpam, vtpotè, aut temere iudicando, aut illud patrando crimen, quod est effectus offendiculi: per quam quidem scandalizationem pax perturbatur, & profligatur, (*aut infirmatur.*) Puta in fide, in qua scilicet languere incipit, debilitariq; & vacillare, reputado illam minus honestam, vt supra expositum est: vnde gaudio priuatur quod secum adfert fides. At ne salubrem adnotatiunculam Origenis prætereamus, cum tam comedere, & vinum potare aliquando necessariū sit ad vitandum scandalum, quàm non comedere: vt cum quis eduliis & ferculis olim

vetitis abstinere, vel forsan vino, qui suspectus esset id facere, vel iudaizando, vel legem seruando Saracenorum, tamen affirmatiuæ partis non meminit, sed duntaxat negatiuæ, ad commendandam abstinentiæ virtutem, quæ à carnibus & vino, tum congruentissima est, tum vtilissima, tum etiam inter sanctos cōsuetissima, ac celebratissima.

Tu fidem habes: penes teipsum habes coram Deo.

Quemadmodum superius vbi aiebat, Regnū Dei nō est esca, nec potus, ita & hic dilucrescitur obiectiuncula perfectiorum in fide. Opposuisse enim ei hanc exceptionem. Fides euangelica est, licere vti cōmunibus: hæc ergo necesse est Christianis protestari suis morib⁹: hac ergo de causa, ne iudaizare videamur, nullū abiicimus cibū: nā aliàs vergeret nobis in detrimentum spirituale, quod nulla ratione incurrendum est. Ad hoc ergo respondet Paul. Quapropter post membrum illud, Tu fidem habes, alii signant comma, alii verò interrogationis notam, vt habeat quæstionis formā, Tu fidem habes: habe penes teipsum coram Deo. Et nihil omnino refert, alterutro legas modo, nisi quòd in interrogatiōe inest nescio quid acuminis. Et alludit ad illud verbum in initio capitis, Alius quidem credit manducare omnia. Quasi dicat, Si tu fidetenes, cessasse iam immūdorum præceptiones, retine penes teipsum hanc veritatem coram Deo, qui inspector est cordium, & vbi clanculò tibi licuerit, fruire hoc iure: at noli veritatem huiusmodi foris opere exerere, & prodere per scandalum aliorum. Sunt autem qui claritatis gratia legunt cum relatiuo, sine interrogatione, Tu fidem quam habes, græcè tamē nullum est relatiuum: licet sit in multis latinarum versionū. Alii nihilo minus pūctum nō collocant, nisi post illud relatiuum, ipsum, Tu fidem habes penes teipsum: habe coram Deo: sed tunc non est tam congruens interrogationis schema: & præterea mutatur sensus in hunc, Si fidem habes apud teipsum, habe & simul coram Deo: hoc est, nō ita vtaris illa fide, vt per offensionem fratris displiceas Deo. Sed prior sensus accommodatior apparet rei propositæ. At si illi adhuc instantius agerent, quòd superius ipse docuisset, nō sat esse, corde credere ad iustitiam, nisi ore (& pari ratione opere) confessio fiat ad salutem, duplici responsione potuisset facere illis satis. Vna, quòd non semper necessaria est cō-

Orig.

est confessio, re ipsa, & opere. Qui enim credit licitum esse matrimonium, non protinus tenetur vxorem ducere. Altera verò responsio est ad rem propior, quòd vbi veritas est, vel in sacra scriptura expressa, vel per publicam Ecclesiæ auctoritatem definita, tunc necessaria est vocalis confessio, vbicunq; casus rationem obtulerit confitendi: dum autem neq; plana est in scriptura sacra, neq; per Ecclesiam inde deducta, nemo constringitur illam confiteri, licet eam scienti negare non liceat. Haud enim fuisset fas, firmioribus in fide, ad tollendum pusillorum scandalum, de illa falsitate cum illis consentire, quòd legalia illa vim etiam tunc obligandi post mortem Christi retinerent,

Beatus qui non iudicat semetipsum in eo quod probat. Qui autem discernit, si manducauerit, damnatus est, quia non ex fide. Omne autem quod non est ex fide peccatum est.

Post documentum quod ad perfectiores attingebat, transfert se ad infirmos: docēs, quē ad modum & illis quoq; fiat impurum id quod natura sua & euangelica lege purum est. Ait enim (*Beatus est qui non iudicat semetipsum in eo quod probat.*) Hoc est secundum plerosq; omnes enarratores, beatus est, quem sua conscientia non remordet in eo quod probat: vt faciat, sed quicquid facit, quicquid, pacataq; conscientia facit. Vnde & Orig. & Chrys. & alii non agnoscunt sententiam hanc veritatem habere vniuersalem, sed de his tantum proferri, qui id quod faciunt recta fide & lege faciunt. Nam vbi quod quis facit, malum est & illicitum, multo est peius si securus id faciat: præsertim quando ignorantia non omnino excusat: longeque esset illi salubrius & commodius, si conscientia stimulo ageretur. Siquidem hac via posset induci, vt peritioribus consulis lumē reciperet, quo reuocaretur in viam. Atq; hic sensus haud prorsus grauiter quadrat infirmis, de quibus hic agit Paul. Nam etsi corrupto iudicio teneantur, quòd seruanda essent legalia, non erant forsan absq; graui remorsu conscientie: cum plerosq; Christianorum diuersum cernerent docere & facere. Qua de causa Paul. eos denotat, non peruenisse ad beatitudinem & gloriam Christianorum. Nam gloria nostra hæc est, inquit, alibi, testimonium conscientie nostræ.

Atque adeo eos instigat, vt peritiores obaudiant, à quibus instruatur: neq; illis sint vicissim scandalo, nolentes eos auscultare. At verò sensus hic, vt proposito præsentis congruat, præsupponit illos infirmos præsentiscere remorsum conscientia: quod non est certum. Et præterea non esset tam efficax hæc ratio apud illos infirmos, si non intelligeretur vniuersaliter, sed tunc præcise quando quis sequitur veram fidem & rectum iudicium. Nam responderent illi, tallem se habere fidem & iudicium rectum, & ideo beatos esse, quia nullo pacto seipsum iudicabāt. Ideo forsan non desint, qui bus alius secundus sensus simplicior videatur, probatioq; sit in eandem ferè tamen sententiam, Beatus qui semetipsum non iudicat in eo quod probat, hoc est, qui iudicium illius rei quam approbat, non sumit de suo capite: veluti sensus sui tenax: sed alios gratanter audit, & absque amara disceptatione consulit. Hæc enim sententia vniuersalis est, qua infirmorum tenacitas vellicatur, obtunditurq;, per quam pariter ipsi scandalum dabant firmioribus. At verò legitimum, necessariumq; sensum huius particulæ, ea quæ subsequitur, enodabit. (*Qui autem discernit si manducauerit, damnatus est.*) Iam hoc supra enarratum est. Si enim quis iudicat, siue recte, siue prauè, siue iuste, siue iniuste, habendum esse ciborum discerniculum, is si manducat communia, damnatus est, videlicet à seipso, & sua propria conscientia. Atq; hinc planissimus sensus eruitur superioris membri, Beatus qui semetipsum non iudicat in eo quod probat, id est, non condemnat seipsum in eo quod approbat, vt faciat. Itaq; docet hoc loco Christianam beatitudinem non in hoc solo consummari, quòd id quod probas, non sit per legem natura sua condemnatum, sed in hoc, quod nec lex te condemnet ex parte obiecti, neq; verò tua propria conscientia, contra quam facis. Sub qua quidem præmissa subsumit alteram. Ille autem qui contra suam conscientiam manducat omnia, licet rem faciat genere suo legitimam, non tamen ideo beatus est, quoniam in seipsum, hoc est, per suam contrariam conscientiam iudicat, hoc est, condemnat se. (*Quia non ex fide.*) Nempè operatur. Etenim fieri aliquid ex fide bifariam usu venit: nimirum, vel in genere, hoc est, secundum veritatem & sententiam fidei: & hoc non sufficit ad rectitudinem actionis humane, sed requiritur præterea, vt in particulari fiat ex fide applicata ad opus per conscientiam. Nam veritates fidei & leges per

Orig. &
Chrys.

2. Cor. 1.

conscientiam applicamus ad opus: ille ergo qui operatur id quod fides præcipit, contrarium tamen dictante conscientia, ideo peccat, quia non facit ex fide in particulari. Et ideo subdit maiorem præmissam, ad conficiendum totum syllogismum. (*Omne autem quod non est ex fide peccatum est,*) Resultat ergo syllogismus hic & iusta ratiocinatio. Omne opus quod non est ex fide, peccatum est, opus autem quod quis facit contra dictamen conscientiae suae, est opus non ex fide, ergo est peccatum: atque idcirco qui sic operatur, seipsum condemnatur: unde fit, ut non sit beatus, cum seipsum iudicet in eo quod probat. **A**t verò quāuis prospectus penetranti hic sensum Pauli, non est unde reliquus fiat scrupulus, sunt tamen qui hanc ultimam sententiā, *Omne quod non est ex fide*, latius protendant, quā fuerit eius intentio. Sunt inquam Lutherani in hoc errore, qui existimant, vniuersa opera, qualiacumque sint, illius qui est in peccato, peccata esse simpliciter, & damnatione digna. In cuius confirmationē, præter alia euāgelica argumenta, & hunc quoque locū distortē pertrahūt. Id quidē arbitrati, quod talia opera non fiant ex fide: secundum sensum (ut putant) Pauli, hoc est, non referantur in Deum: iuxta eius alterum documentum, *Omnia in gloriā Dei facite*. Persuaserunt enim sibi, nulloatenus opus referri in Deum, nisi ab eo qui est in gratia, citra quam relationem prauum est aiunt, quicquid homo facit. Quinimò & conueniunt Catholicos, qui ita censent, sequētes hac partē pietissimum ac meritō celebratissimum Roffensem. Imò censent in ea fuisse opinionem non modò Gregorium Ariminensem, verum & S. Thomā. Contra quā opinionem, latissimam habuimus disputationē, pluribus capitulis distinctam, circa finem primi libri de natura & gratia, ubi inter alia primū dilucidauimus, quemadmodū nō fuerit opinio Gregorii, ut quā plurimi arbitrantur: nam ille duntaxat sustinet, omne opus esse peccatum, quod ad Deum (ut ait) non refertur in Deum. **E**t quāuis tamen nescio quid specialis auxilii citra gratiam in infidelibus, ad referendum nonnulla opera in Deum, relatione quā sufficit, ut opus sit, saltem moraliter bonum. Patefecimus præterea, quā longē S. Thomas fuerit non solum à Lutheranorum errore, verū & ab opinione Gregorii. Constitui-mus denique pluribus rationibus & sanctorū testimoniis, ad hoc ut opus fiat absque vlla culpa & labe, satis esse, si fiat propter bonum ho-

nestū, neque proponatur illi iniquus finis, neui apponatur circumstantia praua. Nam cum res honestæ suapte primæua conditione & natura sint in Deum relatæ, ut quæ propter seipsum cōdidit, fit, ut quodcumque opus, factum propter honestum finem naturalem sufficenter referatur in Deum, ut sit moraliter bonū: atque adeo tunc gradu suo fiat in gloriam Dei. Neque alio opus est speciali eius succursu: sed sicuti creaturas alias ad fines suos naturales, ita & hominem, qui animal est rationale, naturali influentia summouet ad suum naturalem, ciuilemque finem, qui est operari secundū rationem: quod ad moralem actionis probitatem sat est. Sententia apertissima est Augustini, tum alibi sæpe, tum Hypog. lib. 3. ubi statetur de homine lapsō in peccatum, libero vigere arbitrio, iudicioque rationis, nō per quod sit idoneus, quæ ad Deum pertinet, sine Deo, aut inchoare aut certē peragere, sed tantum in operibus vite præsentis, tam bonis, quā etiam malis. Bonis dico, quæ de bono naturæ oriuntur, id est, velle laborare in agro, velle manducare, & bibere, velle habere amicū, & huius generis complura. Hæc ille. Vbi bona appellat opera, hæc ciuilia, quæ etiā à peccatore honesto sine exhibentur. Et de spiritu & littera capit. 28. Nihil profunt impiō ali qua bona opera, sine quibus difficillimè vita cuiuslibet pessimi hominis inuenitur. Ecce vocat bona opera impij, quæ tamen ad vitā æternam nihil profunt. Atqui sententia hæc nostra constabilita est decreto Tridentinæ Synodi, can. 7. Ex hoc autem decepti sunt tantum Grego. qui cogitur in peccatoribus adseuerare auxilium speciale, ad opus moraliter bonum necessarium, quod alij asserentes omnia delictoris opera esse delicta, quod Augu. & Patres omnes hæc opera moraliter bona, quæ non procedunt ex charitate, meritissimò excludunt ab officiis, quæ simpliciter censentur virtutis nomine. Nam reuera, nisi cum moderamine restrictè dixeris, bona moraliter, non sunt digna opera quæ dicantur absolute bona, nisi illa prorsus quæ à charitate procedūt quæ omnium est virtutum forma: iuxta documentum illud Augustini in de grat. & libe. arbit. cap. 8. Quicquid se putauerit homo facere bene, si fiat sine charitate, nullo modo fit bene. Ex huius ergo rei inconsideratione ubicumque apud ipsum vel apud alios Patres legunt, opera extra charitatem non esse bona, aut non esse virtutis officia, inferunt esse mala, & peccata: cum tamen sit medium in-

Augu.

Tridentina
Synodus.Deceptio
contraria
opinionis.Documentū
Augustini.

ter hæc extrema, Solum enim intelligūt, non esse bona apud Deū, nec simpliciter. In quo sensu & lib. 4. contra Iulianum cap. 3. disertè confirmat, non esse verè iustum, nisi qui ex se deviuit: neq; esse veram iustitiam, nisi vbi est regnum Dei: neq; veras virtutes, nisi vbi est vera sapientia & charitas Dei. Qua de re inquit, neq; apud Romanos, neq; apud Græcos Gentiles verè erāt sapiētes, neq; verè studiosi. Atqui secūdum hāc vtiq; intelligentiā audiēdū & illud est, quod ait in lib. sentē. Prosperi, super hunc locū præsentem Pauli, Oīm infidelium vita peccatum est. Aliās, si intelligeret, singula eorū opera, quacūq; ratione hāt esse peccata, sibi ipsi aduersaretur in locis supra citatis: vbi confessus est, aliqua esse iniquorum opera, eō vsq; saltem bona, vt non sint peccata. Ait ergo, Omnis vita, quia penè omnia opera referūt in falsam religionē. Vnde & quod subdit. Et nihil bonum sine summo bono, intelligit de bonitate simpliciter dicta, quæ est apud Deū. Id quod ex subiunctis continuò verbis eius liquet. Vbi enim dēest agnitio æternæ & incommutabilis veritatis, falsa virtus est, etiam in optimis moribus. Perspice quod citra cognitionem incommutabilis veritatis non ait, omnia esse peccata, sed ait, nō esse nisi falsam virtutem, etiam in optimis moribus. Nunq̄ enim peccata appellasset falsam virtutem, neq; optimos mores, sed id sentit de operib⁹ moraliter bonis. Igitur vt in digressum reuertamur, quod ait, Paul. Omne quod non est ex fide, peccatum esse, affirmatiuè intelligit, secūdū virtutem: id quod palam supra fecimus, hoc suo consulto præsentī proposito. Adducit enim hoc ad probandum, quod ille qui contra conscientiam manducat omnia, seipsum condemnat, quia contrauenit fidei, quæ per conscientiam applicatur ad op⁹. Quocirca infidelium opera, non solum illa, quæ falsa fides sua præcipit, verū & quæ genere suo sunt bona: vt venerari parentes, debita soluere, subuenire pauperibus, & similia: quia plurimum ea præstant, referendo illa in suam falsam religionē, omnia sunt peccata. Ob idq; ait Augustin. in loco proximè citato, omnem eorum vitā esse peccatum. Et ad Titum (vt supra retulimus) ait Paul. Infidelibus nihil est mundum: nempe eorum quæ agunt ex sua infidelitate. Si hæc tamen commemorata opera genere suo bona, faciant solo fine, à natura eis præscripto, sūt planè moraliter bona. Sed arguis contra, Cuncta opera, quæ homo facit in gra-

Bonum argumentum.

tia, genere suo bona, quibus, nec finis, nec circumstantia adiacet, quæ secum adferant venialem culpam, referuntur in Deum, sine alia actuali relatione, eō quod omnia virtualiter (vt aiunt) procedunt ex gratia: ergo pari ratione omnia illa quæ fiūt in peccato, referuntur in malum finem, & quæ fiunt in infidelitate, secundum virtutem referuntur in falsum deum, seu in falsum cultum: quia æqua ratione videntur omnia ex peccato, vel ex infidelitate promanare. Haud quidem est par ratio, nam cum honesta opera natura sua & genere, sint in Deum verum ordinata, non autē in deum falsum, neq; in malum finem, quoties fiant sine aliquo peruerso fine, secūdum virtutem referuntur in verum Deum: in falsum autem, non item, neq; in malum finem: nisi per aliquam actualem intentionem & propositum referantur in ipsum. Sunt nihilo minus qui volunt restringere hanc Pauli sententiam, vt etiam in sensu negatiuo sit vera. Nempè quod illa quæ sunt propriè opera fidei, scilicet, quæ nata sunt, debentq; genere suo, ex fide procedere, illa inquit, nisi fiant ex fide, peccata sunt. Et talia sunt, cibos discernere, vel promiscuè omnes manducare. Sed reuera hoc nō planè percipio: nam si intelligant per hæc ceremonias illas quas fides supra ius naturæ instituit, non video cur in illis non possit quoq; contingere opus moraliter bonum, etiam si nō referretur in Deum, per supernaturalem fidem, & gratiam. Ob id q; si in sensu negatiuo defendere essem ego compulsus, omne quod non est ex fide, peccatū esse, libentius extenderem hoc quod est, procedere ex fide, ad illa etiam opera, quæ procedunt ex naturali iudicio recte rationis: nā illa quoq; præcipit fides: in quo ideo sensu, nisi op⁹ processerit ex fide, peccatū erit, quia neq; erit bonū morale. Per hæc tandem & ad illud quoq; Oīa in gloriā Dei facite, respondetur, vt in calce libri primi de natu. & grat. respondebamus: nempe quod si; referre in gloriā Dei, idem sit quod ex charitate facere, & verba sint præcepto obligant pro semper, vt aiunt, sicuti nec precepta reliqua affirmatiua, sed quando occurrit necessarius casus singularis præcepti charitatis, vt cap. 22. explicuimus: & præterea libro. 3. ca. 3. Si verò sit consilium neutriquā euincit, vt opus quod non sic refertur, sit protinus peccatum. At forsan illic, gloria, in alio sensu euāgelico accipitur. Iubemur illic nāq; hoc prorsus, vt talia sint opera nostra, quæ natura sua

In sensu negatiuo.

1. Cor. 10.

BB 3 referan-

referantur in Deum (qualia non sunt peccata) ut videntes glorificent patrem nostrum, qui in coelis est. Qua quidem ratione & opera quoque moraliter bona (ut supra commo strabam) per vires etiam naturales suo modo & gradu referuntur in gloriam Dei.

CAPVT. XV.



Debemus autem nos firmiores imbecillitates infirmorum sustinere, & non nobis placere. Vnusquisque vestrum proximo suo placeat in bonum, ad ædificationem.

Cœpit in superiori capite officia eorum qui præstantiores sunt in fide, tractare: nimirum quæ inualidis & imbecillis debent. Quorum duo expediunt: nempe ut tum benigne eos ac dulciter debeant suscipere, tum etiam nullo eis esse offendiculo. Nunc in hoc præfenti adiicit & de tertio dicere, quæ admodum scilicet debeant eos strenuè, & cū omni mansuetudine perferre. Possumus autem particulas quinque huius capituli discernere. In prima namque proponit ac corroborat capitalem conclusionem, nempe quod debeant firmiores infirmorum imbecillitates sustinere. In secunda, propter quod suscipite, maioris explicationis ac roborationis causa explicat munus functionemque Christi in carne. In tertia, Certus sum autem, quasi ad conclusionem epistolæ vergens purgat, excusatque se humanissime apud Romanos, quod eos omni dilectione & scientia plenos, tam longa epistola, tamque cū libertate curauerit instruere, & admonere. In quarta, Propter quod in pediebat, defendit dilationem suam, ut qui æquissimis obstitus impedimentis, tam diu distulisset eos inuisere. In postrema denique, Quod spero vos, deposcit eorum suffragia apud Deum, ut confectis, quæ apud Gentibus, & erga Hierosolymitanos incubebant ei negotiis, daretur ei otium, ut posset eos visitare. Atqui capitulum hoc, ut citra salutationes, postremum est, ita profecto & beneuolentiæ redolet sanctissimam. Ut sicubi in decursu epistolæ aliquam fuerit visus spargere amarulentiæ, hac in calce suauitate & dulcedine eos afficiat, relinquatque adeo reconciliatos, (Debemus

Distributio capituli.

autem nos firmiores imbecillitates infirmorum sustinere.) Bipertita est conclusio: in partem videlicet affirmatiuam, & partem negatiuam, Estque veluti resumptio initii superioris capitis. Quod enim illic dixerat, Infirmitas in fide assumite, hic quasi repetendo proponit latius exponere: porro persistens in tolerantia commendanda infirmorum, diiudicantium inter cibos ac inter dies. Ait verò, Debemus, ne quis arbitretur patientiam in tolerandis fratribus, officium esse gratis præstitum. Est enim debitum ex lege fraternæ charitatis. Et quidem græcè *Variat lectio* non est comparatiuum, firmiores, sed positiuum, firmi, seu, validi & potentes. Interpretes autem modestiæ fortè consulens, quoniam absolute, firmi, potentes, & robusti, nescio quid insolentiae præ se fert, transtulit, firmiores, quod tantum dicit comparisonem ad infirmos: quæ quidem comparatio moderatior est. Neque verò (ut adnotauit Origen.) censendus est hic *Orig.* Paul. cōtrauenisse Sapientis documēto, Laudet te proximus tuus, & non ostium: haud *Prouer. 27.* enim laudis gratia, in prima persona dixit, firmiores debemus, sed humilitatis potius: ut cum aliis fateretur obsequium debitum sustinendi infirmos. Qua etiam de causa et si non *1. Cor. 9.* se simpliciter pronunciet infirmum, ait tamē *Discrimē inter robur corporale, ac firmitatē spirituale.* factus sum, infirmus infirmis, ut infirmos lucrificarem. Perspectum ergo nobis hic sit discrimen inter vigorem corporalem virium, fortitudinemque secularium militum, & illud robur spirituale virtutum, quod nobis obuenit ab ingenio fidei, quodque à nobis idcirco hic exigit Paulus. Validi enim & fortes, illi habentur in bello, qui hostes supprimunt & conterunt: firmitas autem virtutum, & maxime in familia Christiana, in hoc se contrario demonstrat, quod inualidos subleuet, eorum langores sustineat & comportet. In hoc inquam, Deus vult homines substantia huius mundi abundare, non ut pauperes, si quid habent bonorum reliquum deglubant, sed ut eorum inopiam eleuent. Et eo fine, alios qui vel ingenio, vel scientia & prudentia valerent instituit, non ut ignorantes, vel aspernentur, vel decipiant, sed ut clementer eorum ignorantiam ferant, doctrinamque eos & consilio iuuent. In summa per hoc maxime ostendas, quo usque per virtutum gradus fueris progressus, si eos qui contrariis vitiis succubunt, neque fugaueris, neque fugeris, sed toleraueris, sed consolidaueris, sed correxeris, sed alio quouis pacto iuueris, illos lucrificans Deo, vniuersorum pastori, patri, ac domino. Sunt enim in spiri- *Exemplum.* tuali

tuali structura Ecclesiæ firmiores, ac sancto-
rum proceres, sicuti in materialibus ædificiis
robustiores lapides, qui firmamento subsi-
dent, æreque; columnę, quibus pōdus ac mo-
les innitur, solidioraque; ligna, quib⁹ totū ædi-
ficiū illaqueatur. Quin verò neq; satis est,
vt firmiores infirmorum imbecillitates susti-
neant, hoc est, tolerant cum patientia, sed ne-
cesse est, vt illas importent, hoc est, humeris
propriis suscipiant, ad alleuandum eorum
onus: iuxta præscriptum Pauli, Alter alterius

Gal. 6. onera portate: imò instar Christi, qui lan-
guores nostros spōtè tulit, & infirmitates por-
tauit. (*Et non nobis placere*) Ecce alteram con-
clusionis partem negatiuam. Submonet nāq;
impedimentum quod nobis obstat, quo mi-
nus fratrum molellias feramus equo animo:
hoc enim obstaculū est proprius amor. Cum
tamen virtutes, vel illæ maximè, quæ benefi-
cio Dei nobis suppeditantur, non vt nobis in
hac vita placeamus, donantur nobis, sed vt
fratribus per earum officia placentes, Deum
promereamur, qui nobis sempiternum gau-
dium rependat. Ob hoc enim Paul. sciens sci-
licet, quod charitas patiēs est, neq; æmulatur,

1. Cor. 10. neq; quarit quę sua sunt, Ego, inquit, per oīa
omnibus placeo, nō querēs, quod mihi vtile
est, sed quod multis, vt salui fiāt. (*Vnusquisq; ve-
strum proximo suo placeat in bonum, ad ædificationē*)
Explicatio est propositæ exhortationis. Ete-
nim quoniam vetuerat, ne nobis placeremus
vt nemini videretur licentiam indulgere ap-
plaudendi per omnia amicis modum præscri-
bit. (*Vnusquisq; vestrum.*) Græcè non est, nisi,
nostrū, quod videtur respondere primæ per-
sonæ superioris verbi, debemus. Sed tamen
cū in illa lingua, per exigua distātia vnus lite-
rulæ differāt hæc duo pronomina, nondum
certum est, vtrum dixerit Paul. nostrum, an,
vestrum. Maximè quod crebrò vtitur huius-
modi apostrophe. Et videtur congruentius,
vestrū, vt referatur ad verberandum lites &
iurgia Romanorum, inter quos neutra pars
alteri, sed sibi placere vtrāq; studebat, Debe-
mus ergo placere fratribus, non quidem eo-
rum animis obsequētes, quocunq; eos corru-
ptæ affectiones propulerint (vt iam supra di-
ctū est) sed (*In bonum.*) Scilicet spirituale ipso-
rum (*Ad ædificationem.*) Quod verbum iam
paulò ante præmissum est. Sunt nanq; iusti,

Exemplum
1. Pet. 2. eiusq; fidei robur, fundatis extruitur spiritua-
le ædificiū Ecclesię, quod habitaculum est
Spiritus sancti iuxta illud, Nescitis quia tem-

plum Dei estis. Distinguūtur autem horum **1. Cor. 3.**
lapidum status duo. Alter est in hac militan-
ti Ecclesia, vbi virtutum exercitio & cultu-
ra excuduntur, quadrantur, poliuntur, peror-
nāturq; deniq; & adparantur: iuxta verbū
Apostoli, In in Christo omnis ædificatio cō-
structa, crescit in templum sanctum in domi-
no. Alter verò est in Ecclesia triumphanti, **Ephe. 2.**
quando vnusquisq; in parte ædificiū, subli-
miori scilicet, aut inferiori, digniori; aut mi-
nus digna collocabitur, prout quisq; vsu diui-
nę gratię efformauerit se in hac militia. In cu-
ius figuram legitur, quod cū templum ædi-
ficaretur, neq; malleus audiebatur, neq; secu-
ris, neq; vllum aliud ferramentum, sed foris **3. Reg. 6.**
omnia cudebātur & dolabantur: nēpè quod
in cælesti beatitudine non erit amplius, neq;
luctus, neq; clamor, sed hic omnia sunt pera-
genda, perq; ferenda. Quocirca hic quisq; si-
bi prospiciat per momentaneos istos sudo-
res, & agones huius vitæ, qualis esse velit in
illa sempiterna requie. Optimè ergo ait Paul.
vt placeamus fratribus ad ædificationem: nē
pe vt nos omnes vicaria opera ad hoc vnum
ædificiū magis ac magis promoueamur.

Etenim Christus non sibi pla-
cuit, sed sicut scriptum est, impro-
peria impropertium tibi, ceci-
derunt super me.

Ex partibus propositæ præceptionis, scili-
cet, quod debemus sustinere infirmos, neque
nobis placere, probat prius posteriorem, vt
priorem post concludat. Probat inquam, exē-
plo Christi, qui exemplar est vnicum vitæ
nostrę, cuius scilicet imagini (vt cap. 8. medi-
tabar) prædestinauit nos Deus fieri confor-
mes, per merita quidem in hac vita, & in al-
tera per gloriam. At verò Paul. in quo Chri-
stus plūsquàm ipse in se, viuebat, cuiuscunq;
nos admoneat virtutis (vt Chrysost. adnota-
uit) Christum in exemplum, proponit.

Hortatur nos etenim, vt diligamus inuicem,
sicut Christus dilexit nos. Et vt eum osi-
nas faciamus, sicut Christus egenus fa-
ctus est pro nobis, cum diues esset. Admonet **1. Ioan. 13.**
hic ergo, ne nobis ipsis studeamus placere, **2. Cor. 8.**
sed fratribus: exemplo Christi, qui sibi
non placuit. Haud tamen intelligas, non
placuit, simpliciter: nam placuit ei seruare
nos per crucem, cui oblatus est, quia ipse vo-
luit: sed tamen ait, non placuit, tum respectu
naturę diuinę: secundum quam non compe-

tebat Deo mortalem assumere ad suū perficiendum diuinum gaudium, tum etiam respectu humanæ, cuius naturæ aduersabatur supplicia, & mors: vnde illa oratio dimanauit, *Mat. 26.* *Pater si possibile est. Tamen tandem adiecerit, Non mea voluntas, sed tua fiat. Et quia difficile erat creditu, quod Deus nō sibi placeret, subscripsit prophetiū testimoniū ex psalmo.*

68. *(Sicut scriptum est, Improperia improperantium tibi, ceciderunt super me.)* In translatione nostra habetur, opprobria exprobrantium tibi: sed idē est. Verba sunt filii ad patrem: quorū cū sit eadem voluntas, qui glorificat vnum, glorificat alterum, vt ait filius ipse: atq; adeo opprobria quæ iaciuntur in patrē, iaciuntur in filium. Haud veruntamen, cadere, seu incidere in hoc sensu accipitur in præsentia, vt qui improperat patri, improperet filio. Nā licet hoc suam habeat veritatē, nō tamen per id exprimitur, quemadmodum Christus non sibi placuerit. Sed referendum est ad poenam, in

Duo sensus

Esa. 53.

1. Pet. 2.

altero duorum sensuum. Vno modo, si improperium generale sit nomen omnium peccatorum. Nam per quodcūq; peccatum derelinquitur Deus, quod est improperii genus & opprobrii. Et tunc est sensus, quod per solutio omnium peccatorum, quæ sunt improperia improperantium patri, incidit in Christum: in quo posuit Deus iniquitatem omnium nostrum. Et Petrus, Peccata nostra pertulit in corpore suo super lignum. Vel altero modo ad rem forsan propius, si improperiū accipiat singulariter, p̄ blasphemias & opprobriis quæ in Christum coniecerunt eius crucifixores. Tunc enim est sensus talis, Supplicia eorum & tormenta qui tibi tunc improperabant, cum filium tuum afficerent ignominia crucis, ceciderūt in me: qui quidē illa sensibus ipsis percepi & pertuli: secundū quos sensus mihi displicebāt: sed sustinui vt fide & constantia negotiū trāfigerem humani generis. Addit & alium sensum Chrys.

Chrys.

nēpe quod cum iidem ipsi, putā Iudæi, qui in veteri testamento Deo improperabant, infanierint & aduersus Christum, ideo ait Christus, Improperia improperantium tibi ceciderūt, seu inciderunt super me. Neq; Orig. ad crucifixores tantum hæc improperia refert, sed ad eos quoq; qui facta Christi carpebant & taxabant. Siue enim cum publicanis & peccatoribus māducabat, siue eorum obsequia acceptabat, vt Magdalene vnguentum, & Iachrymas, hæc omnia Christo exprobrabant, ac, velut crimina improperabant.

Quæcunque enim scripta sunt ad nostram doctrinam scripta sunt, vt per patientiam & consolationem scripturarū spem habeamus.

Nequi rem nimis arduam arbitrarentur, exemplum Christi imitandum fore, responderentq; adeo non fuisse perpeffum illa opprobria per modum exempli, quod nos imitaremur, sed veluti meritum, quo nos redimeret, subdit documentum hoc Paul. omnia scilicet quæ scripta sunt, etiam de Christo, ad nostram doctrinam & institutionem scripta esse. Quod quidem documentum in hoc maxime loco, prope finē epistolæ posuit, vt rationem redderet, cur tam crebro per totam vsus fuerit scripturæ testimoniis. Græcè autem nō est simplex verbum, scripta, sed, præscripta, in vtroq; loco. Qua de re neoterici interpretem insinulant, quod nō transcripserit, Quæcūq; præscripta sunt, ad nostram doctrinā præscripta sunt. Nā, præscripta, duo inquit, denotare potest, vel quod mysteria Christi scripta sunt anteq̃ exhibita: vt patet in oraculo hoc citato: & quod promissiones antea fuerint etiam scripto mandata, quā cōpletæ. At verò interpres non est necessarium arbitratus transferre, præscripta, siquidē simplex præteritum abundē exprimit illa iā antea fuisse scripta. Quin verò lucidius censuit, scripta, ac minus amphibolum: nam, præscripta, accipi potest in alio sensu, pro his quæ sunt præordinata. Neq; verò Paul. arctare cogitauit nomen ad mysteria sola venturi Messie, quæ scripta sunt anteq̃ peracta, vel ad pollicitationes, quæ scriptæ sunt prius q̃ solutæ, sed in vniuersum oīa quæ scripta sunt, ait, ad nostram eruditionē esse scripta. Sicuti supra cap. 4. ait, Historiam fidei Abrahæ non tantū propter ipsum, verūm propter nos scriptam esse, vt per illam edoceremur iustificationis modum & ordinem. Et de duobus eius liberis affirmat per allegoriam significasse duo testamēta, & tamen res illæ antea fuere gestæ, q̃ per Moysen literis exaratæ. Vnde quis propositum, cuius gratia admonitos hic nos voluit Paul. sacra elogia ad nostram doctrinam esse scripta, hoc fuerit propriè de oraculo hoc Davidis, Christi mysterium prophetantis, tamen legitimus sensus ei⁹ est, legē vniuersim antiquam ad nostram, qui sub gratia sumus euangelica, informationem memoriæ pro-

Gal. 4.

proditam fuisse: sicuti cap. I. adnotauimus super verbo, in scripturis sanctis, & cap. II. ubi dicebamus, Iudæos inimicos nostros circumferre modo scripta testimonia Christi, ad illuminationem Gentium: qua inter alias, ratione, cæcitas contigit in Israel, ut plenitudo Gentium intraret. Veruntamen iam nunc post scriptum testamentum nouum, & ad illud quoque;

2. Tim. 3. protenditur assertum hoc. Nam, Omnis doctrina diuinitus inspirata utilis est ad docendum, ad arguendum, &c. Sunt autem inter scripturas sacras genera complura. Quædam enim scripta sunt propter cognitionem fidei, ut scilicet vnus Deus, eiusque virtus & voluntas nobis innotesceret. Ut, Audi Israel, dominus Deus tuus vnus est. In principio creauit Deus, &c. cum historia tota conditi orbis, rerumque dispositionis, nempe quod reliqua ex nihilo, homo de limo terre, mulier de viri costa, fuerint effecta. Alia verò sunt scripta, eademque plurima, ad mysteria Christi pertinentia: quæ recensere non est opus. Sed alia deinde sunt tradita ad morum nostrorum institutionem: veluti præcepta, & consilia, & reliqua per

Plura genera scripturæ sacræ.

Deu. 6. quæ informamur: Ut, Non obstruas os bovi trituranti: vnde (expositor Paulus) instrui

1. Cor. 9. mur, ut qui spiritualia seminant, possint & temporalia metere. Huc accedunt exempla eorum qui virtute aliqua præcelluerunt: ut fides Abrahæ, castitas Ioseph, animus Iudith, & id genus alia. Atqui ad hæc directius spectat hic Paulus. sed proximè ad exempla eorum, qui post patientiam, tolerantiamque malorum, consolationem receperunt diuinitus.

Psal. 93. Veluti Dauid, qui aiebat, Secundum multitudinem dolorum meorum in corde meo, consolationes tuæ lætificauerunt animam meam.

Iaco. 5. Et Iob, de quo Iacobus, Patientiam Iob audistis, & finem domini vidistis. Inter quos princeps est Christus, cuius hic producit exemplum: & de quo Paulus. Qui proposito sibi gaudio sustinuit crucem. Ob hoc ergo explicans fructum, qui nobis de scripturarum agro prouenit, subdit, (Ut per patientiam & consolationem scripturarum, spem habeamus.) Genitiuus, scripturarum, binum potest reddere sensum. Priorem de spe, quam per patientiam & consolationes, quæ scriptæ sunt in sacra scriptura, concipiunt studiosi ipsius: eos scilicet meditati, quos post patientiam in aduersis, rerum prosperitate consolatus est Deus: quorum exemplo spes nostra firmatur, & erigitur, certioresque efficitur, quod si eorum patientiam fuerimus imitati, pari quoque remuneratione,

& consolatione potiemur, vel in hoc seculo, vel in futuro. Potest forsan accipi genitiuus actiue, in hoc sensu, ut per consolationes, quas per lectionem & contemplationem, dulcedinemque sacræ scripturæ recipimus spem habeamus. Sed hæc intelligentia non est tam affinis præsentis proposito: maxime quod patientia scripturarum in hoc sensu non tam propriè dicitur.

Deus autem patientiæ & solatii, det vobis id ipsum sapere in alterutrum, secundum Iesum Christum, ut vnanimis vno ore honorificetis Deum, & patrem domini nostri Iesu Christi.

Pulcherrimo hic ordine Paulus procedit, proposito enim exemplo Christi, subiunctoque testimonio scripturæ, admonuit, deinde illud scriptum esse ob nostram imitationem, iamque modò, ut nemo suspicaretur, vires sufficere naturales, ut quis assecla sit Christi, eiusque sequatur vestigia, subiungit precationis suffragium apud Deum, qui illis huiusmodi suppeditet vires. Sed vide quàm id pulchrè & ex arte. Etenim quoniam propositum præceptum biforme erat, ut scilicet debeamus, & tolerare infirmos, & nobis non placere, ad cuius partem affirmatiuam necessaria est patientia, ad negatiuam autem consolatio, quæ nobis reficiat neglectum gaudium: ob hanc causam supposito Christi exemplo subiunxit, ut per patientiam & consolationem scripturarum, spem habeamus. Et eadè ratione ait modò, Deus autem patientiæ, & solatii, &c. Et videtur iam hic Paulus. quasi receptui canere, finemque dicendi appetere: huiusmodi enim benedictionibus ac precationibus in vsu christianis est, ab illo tunc seculo epistolas concludere. Igitur cum per patientiam & consolationem, dixerat foueri spem, subdit. (Deus autem patientiæ & solatii.) Idem verbum quod proximè transtulit per consolationem, id iam nunc transfert per solatium, nihil est hic tamen vitiose affectionis. Est autem Deus, Deus patientiæ & solatii, eo quod author est omnium virtutum. In quo sensu Psalmista ipsam eum patientiam appellauit, Quoniam tu es patientia mea. Neque opus est supplere hic nomen, author, nam cum nomen ipsum, Deus, primam rerum causam significet, optima est connexio, Deus patientiæ & solatii. Vnde & ad Cor. appellat eum patrem misericordiarum, & Deum totius consolationis. (De

Receptui canit.

Psal. 70.

2. Cor. 1.

vobis id ipsum sapere in alterutrum.) Alij transferunt, idem sentire mutuò, sed profectò, id ipsum, vehemētiore habet significationē, tantum abest, vt sit vitiosa translatio: &, sapere, quoq; in presentia, idē est quod, sentire. Nam ex vnitatis iudicij, eò scilicet, q̄ omnes idem iudicant, eademq; intelligentia fidem interpretatur, emanat animorum cōcordia, vt oēs idem sentientes, vno subinde affectu sint in singulos singuli: quod ait hic Apōst. in alterutrum, hoc est, inuicē. Vnde alibi, Optime coniunxit causam cum suo effectu, Idem sapite, pacem habete. Sed quia potest etiam esse cōcordia inter iniquos, ad perpetrādum malū, adiecit. (Secundum Iesum Christum.) De quo ad Ephe. Ipse est pax nostra, q̄ fecit vtrāq; vnū: porrò per vnā fidē & legem. (Vt vniuerses.) Intra scilicet, per vnā fidē in intellectu, vnde charitas etiam vna in voluntatem deriuatur. (Vno ore.) Hoc est, vna eiusdē fidei cōfessione. Nam (vt supra dictū est) Corde creditur ad iustitiā, ore autē confessio fit ad salutē. (Honorificetis Deum) Potuit trāsferri, glorificetis: sed idem est prorsus. Etenim quāuis per reliqua etiam iusta opera gloriā & honorem deferamus Deo, per nullū tamē æquē, atq; per vnitatē & pacē. Vnde Christus id maximē precatus nobis est apud patrem, vt sicut ipsi vnū sunt, ita & nos vnum simus. Et subdit, Et sint consummati in vnū, vt cognoscat mundus, quia tu me misisti. Ob idq; forsā interpret non transtulit, glorificetis, sed, honorificetis, quod cū propriū sit liberorū, honorare patres: iuxta illud, Si pater ego sum, vbi est honor meus, nulla re habere possunt maiore honorem patri, q̄ si in concordia, vnitatis, & fraternae pace, sub iure paterno perseuerauerint. (Et patrem domini nostri Iesu Christi.) Officiū Christi eiusque obsequium fuit, patrem honorificare. Quapropter admonebat, vt talia essent opera nostra, vt videntes glorificarent patrem. Et aiebat. Ego honorifico patrem meum. Et in mortis articulo, Ego te inquit, clarificavi super terram. Ob hanc ergo causam adiecit hic Paul. memoriam patris domini nostri, &c. Ac si dixisset, Vt glorificantes Deum, honor idem refundatur in dominum nostrum Iesum Christū, qui in hoc missus est à patre, vt gloriā ipsius exaltaret.

Propter quod suscipite inuicē, sicut & Christus suscepit vos in honorem Dei.

Secundam hanc partem capituli diuisimus propter singularem materiam. Nam expectata posteriori parte conclusionis, quod nō debeamus nobis placere, reprehēso inquam amore proprio placendi nobis ipsis, qui impedimento esse solet, ne simus fratribus morigeri, concludit partem priorem affirmatiuam, vt scilicet obsequio in mutuo suscipiamus nos inuicem. In cuius confirmationem elucidatur, commendaturq; propositum aduētus Christi (Propter quod) Propter exemplum scilicet Christi, quod ad nostram doctrinā scriptum, est & propter vnanimitatē quā in gloriam Dei & pectore gestare, & ore atque opere representare tenemur. (Suscipite inuicem.) Plus concludit q̄ in capite admonuerat. Proposuit enim, quod debent firmiores infirmorum imbecillitates sustinere: sed quia de vnitatis animorum post meminit, iubet in cōclusionē, vt mutuis obsequiis suscipiam⁹ nos inuicem. Nemo enim est vsque adeo firmus, qui non in aliqua sit, vel infirmitate, vel inopia, atq; adeo qui non alterius ope indigeat, quia alia ex parte infirmus est. (Sicut & Christus suscepit vos.) Nonnulli textus habent, nos, sed iam diximus propter vicinitatem pronomini, non satis constare, quid Paul. scripserit. Hac autem similitudine vtrāq; mihi pars confirmari videtur. & quæ ad firmiores pertinet, quos superiori capite, & hic admonet, vt infirmiores suscipiant, & quæ ad infirmos, quos hortatus est, ne firmiores iudicent. Illam enim priorē corroborat, per hoc Paul. quod Christus neminem aspernatus, omnium infirmitates suscepit & languores, errantem quidem ouem queritans, quam humeris reportaret in cœlum: hanc autem posteriorem per hoc, quod non suscepit genus nostrum, ad iudicandum mundum, sed vt saluus fieret per ipsum: quo exēplo interdictū est nobis iudicare de fratribus, quo adusque ipse ueniat iudex. (In honorem Dei.) Alij transferunt, in gloriam, sicuti diximus super, honorificetis. At verò, δόξα, tam honorem significat, quā gloriam, & absque vlla affectionis lasciuiā, quā quidam hic reprehendūt, potuit transferri vtrinq; Suscepit ergo Christus nos in honorem Dei, vt iam supra proximē dicebamus, & ipse illic testatur, Ego honorifico patrem meum.

Dico enim Christum Iesum ministrū fuisse circūcisionis, propter

pter veritatem Dei, ad confirmandas promissiones patrum. Gentiles autem super misericordia honorare Deum.

Dico, verbū est hic doctoris exponētis sententiā suā, et mentē. Etenim cū simul omnib⁹ cōuersis, tam ex Gētilitate, q̄ ex Iudaismo, dixisset, Christus suscepit vos, obiurgandi inde ansam vterq; populus nācisci poterat, an vna ratione & causa, eodemq; modo, vniuersis mortalibus aduenisset, Iudei enim contendissent, se solos propriē ab illo fuisse susceptos, vt quibus promissus fuerat, & de quorum genere carnem assumpsit. Gentiles verò contrā reclamassent, sui potius causa aduenisse, vt in quos, repulsis ob suā cæcitatem Iudæis, profusior fuit eius misericordia. Vt ergo hāc litē dirimeret, explicat se apertius Pau. ostendēs, qd' secundū duas virtutes Dei, putā veritatē & misericordiā diuersis quodāmodo rationibus suscepit Christus illos duos populos, Iudæorum scilicet, tanq̄ veritatis minister, Gētiū verò, ceu largitor misericordiæ. (*Dico enim Christum Iesum ministrum fuisse circumcisionis.*) Circumcisionē appellat populum ipsum circumcissum: non solum ex eō, quod illo characterē secernebatur populus ille à reliquo orbe, sed quod illum suscepit Abraham in testimonium ac robur promissionū, quas Deus illi fecerat, quorumq; minister venit Christus vt Dei fidē persolueret. Sed attende, Non ait, dominū fuisse, aut patronū, aut quid simile, licet & dominus fuerit, & patronus, & legislator, sed ministrū fuisse: hoc enim noīe semper gauisus est Christus: non ob id tantū, vt suā nobis humilitatē cōmēdaret, quā nobis iusserrat vt discerem⁹ ab ipso: sed quod mysteriōrū Dei veritas exigebat, vt veniret (quemadmodū ipse fatetur) nō vt mūd⁹ ei ministraret, sed vt ipse ministraret nobis: minister enim est, q̄ nihil sui gratia facit, sed aliorū negotia gerit, quibus ministrat. Deus ergo vt mūdus ministraret illi, non opus habebat carnē induere, sed in rē nostrā factus est homo, vt nostram perageret causam: nos scilicet redimeret, doceret, sacramētis expiaret, legibus institueret, documētis, exēplisq; instrueret, monitis instigaret, cōminationibusq; & pollicitationibus reuocaret in viam salutis æternæ. Venit autē propriē minister Iudæorū, ad liberandā fidē Dei, quā p̄ suas liberas spōsiones quodā modo (si p̄ fas dicitur) Abrahæ & semini eius im-

pignorauerat. Atq; adeò ad cōplendā (vt ipse testatur) eorum legē, Vnde ad Ethnicā illam, *Mat. 5. et. 15.* Non sum, inquit, missus, nisi ad oues q̄ perierūt dom⁹ Israel. Enimvero sicut rex, q̄ aliqd fuisset pollicit⁹ regno, legatū mitteret, qui veluti ei⁹ minister promissā solueret, ita De⁹, cū vnigenitū filiū ad id perficiendū legasset, noluit, vt dedignaretur ministri noīe: tāta est in nos misericordia, tantoq; nos dignatur honore. (*Propter veritatem Dei, ad confirmandas promissiones Patrū.*) Ecce ministerij rationē & causam, vt immutabilis Dei veritas immota consisteret, ac subinde eius promissiones Patrib⁹ factas, firmas esse ostenderet. Cōposuit enim effectū cū causa: firmitas quippe sempiternæ veritatis Dei in causa est, vt eius quoq; promissiones sint firmissimæ. At recolēda hic nobis est cōsideratio, quā habuimus cap. 3. super verbo, Quid si quidā illorū non crediderunt, nēpe quod Paul. attētus est vbiq; ne Iudæi suspicarentur promissiones illas vim habuisse cuiusdā stipulationis, sub cōditione, si legē seruassent, atq; ideo fuisse per Christum ipsis impletas, quia legē seruauerunt. Hac. n. de causa refricatissimē exprobrauit illis, quoties legē preuaricati fuissent ad idōla etiā nōnūq; peruersi. Vnde qua ratione illic subiūxit, Est Deus homo verax: oīs autē homo mendax, & hic modo ait, Propter veritatē Dei, ad confirmandas promissiones Patrum, Quasi dicat, Non ideo venit Christus, quod filij promissiones Patrū, obseruatōe legis, cōfirmassent, sed ob solā veritatē Dei. Nā sicut sola misericordia fuit ratio largiter promittēdi, ita & sola veritas fuit causa firmiter adimplēdi. (*Gētes autē super misericordia honorare Deū.*) Aliqui Latini text⁹ habēt, honorate, in imperatiuo, vt fiat apostrophe ad Gētes: & esset profectō cōpositior oratio. Nā si dicas, honorare, nō ita lucidē coheret superiori mēbro. At verò Grēcè infinitiuius est. Quod quidē verbum nonnulli arbitrati copulandum esse, cū illo quod dixit, ministrum fuisse, transferunt sic, Dico Christum ministrum fuisse circumcisionis, ad confirmandas, &c. & vt Gētes p̄ misericordia glorificent Deū. At verò probabilius est, vt non referatur, nisi ad verbum, dico, in hoc sensu, dico & Christum ministrū fuisse, &c. & Gētes honorare, seu glorificare Deū. Fuisset forsan fluentior oratio, si dixisset Christum ministrum fuisse circumcisionis, & auctorē misericordiæ Gentium, super qua Deū debent honorare, attamen beneficium hoc Christi breuissimo laconismo complectitur, vbi

Dubitatio.

Tit. 3.

vbi ait, super misericordia Dei (nimirum per Christum exhibita) honorem esse habendum Deo. Et ait, Gentes honorare, seu glorificare Deum, non solum quod honorē illi deferrent, & gloriā, sed quod opus ipsum conuersionis ipsarum, in maximū Dei honorē cedit, & gloriā, qui tam insignē earū rationem habuerit. At verò merito hic sciscitatis, quid nam sibi voluerit Paul. per hanc distributionem veritatis & misericordiæ. Nam & Iudæi, sicuti & Gentes, per misericordiam redempti sunt. De vniuersis siquidē ait, quod secundum suam misericordiam saluos nos fecit. Et rursus, Gentes per Dei quoque veritatem idem beneficium susceperunt: non solum quod vniuersæ viæ domini misericordia & veritas, verū quod promissiones illæ, ad Gentes quoque attinebant, vt patet, tum ex Prophetis ab Apostolo subscriptis, tum ex verbis præcipue promissionis ipsius factæ Abrahæ. In semine tuo benedicentur omnes Gentes. Respondetur, nonnullum esse semper interstitium inter Iudæos & Gentes: nam licet promissum beneficium redēptionis ad vniuersum mundum esset dilatandum, & extendendum, tamen promissio facta est peculiariter Abrahæ, & semini eius: in cuius testimonium ipse solus cum suo semine obsignatus fuit caractere circūcisionis. Qua ratione comparatus est oliuæ, prolesq; eius secundum carnem appellatæ sunt ab Apostolo, naturales rami. Ob idq; licet per misericordiam factæ fuerint promissiones, tamen postquam factæ sunt, erant propter veritatem Dei, per iustitiam quandam confirmandæ & exhibendæ: qua ratione dictus est Christus minister Iudeorū, ad id delegatus. Gētibus verò licet & prophetiarū veritas, quæ de ea re præcantatæ fuerat, exposceret, vt in familiam Christi reciperentur, tamē quia illis nō fuit peculiariter facta promissio, sed tanquam insititiis ramis beneficium oliuæ communicatum est, ea carebant veritate iustitiæ, quæ in Iudæis erat. Quoniam licet Deus nulli creaturarum proprie obligatus, tamen modo nostro concipiendi, illi obligatus, cui promittit: per prophetias verò, nulli extra se. Atque hac ratione Gentes per meram misericordiam censentur euocatæ. Et hoc est, quod ait, super misericordia, id est, non propter veritatem, promissionis scilicet illis factæ, honorare Deum, qui illos, cum non essent naturales, fecit tamē ascititios filios Abrahæ: id quod magnificentiā, atque adeo honorem maximē & glo-

riam Dei commendat.

Sicut scriptum est, Propterea cōfitebor tibi in Gentibus domine, & nomini tuo cantabo. Et iterū dicit: Latamini Gentes cum plebe eius. Et iterum, Laudate omnes Gentes dominum, & magnificate eum omnes populi. Et rursus Esaias ait, Erit radix Iesse, & qui exurget regere Gentes, in eo Gentes sperabunt.

Postremum illud assertum de Gentibus, quatuor oraculis confirmat, ob multas causas. Primum, ne Iudæis res noua censeretur, attulisse Christum salutem Gentibus. Ostendit namque quod licet non fuerit promissio Gentibus facta, Deus tamen ab illo tempore per suos prophetas eam prænunciauit. Qua ratione insolentiam Iudæorum reprimit, ne ex hoc quod dixerat, ministrum circūcisionis, efferrent animos, dicentes, nullatenus venisse Christum in gratiam Gētium, sed quod sibi, suoq; parenti Abrahæ illud beneficium deberent. Secundò & Gentes ad maiore Dei amorem per hoc etiam allicit, quod non tantum beneficium illis esset, sed quod sempiternum suum propositum, tam antiquis vaticiniis iam multò antiquius significasset. Ac tertio demū amborum populorum animos inuicem conciliat, dum ostēdit amborum Deū, vnā eandemq; gessisse curam. Et poterat quidem Paul. multò huc plura adsciscere vetusta testimonia in fauorem Gentium: vt illud, In semine tuo benedicentur omnes Gentes. Et euidentissimum illud, Parū est vt sis mihi seruus ad suscitandas tribus Iacob, &c. Dedit in lucem Gentium. Et multa talia. Attamē quoniam dixerat, Gentes honorare, seu glorificare Deum super eius misericordia, adducit illa præcisē, in quibus aliqua fit mētio honoris & laudis Dei. Incipit ergo à confessione xpī, in cui⁹ psona ait Dauid (Propterea confitebor tibi in Gentibus domine, & nomini tuo cantabo.) In Græco nō est hic, domine, extat tamē in psalmo, & in Cātico. In quo expressē sunt verba hæc Pauli. Nā in psal. secundū editionē vulgare, non habetur nisi, in nationibus, &, psalmum dicā. Est autē cōfessio hæc gratiarū actio, quam Christus in persona sua agit patri, quod tantā ei, in quātum homini, contulit facul-

Gen. 22.

Esa. 49.

Psal. 17.

2. Reg. 22.

Confessio.

facultatem, tantoq; cum fuerit honore dignatus, ut fuerint per ipsum omnes Gentes seruata. Vel forsan, confitebor, idē est, quod, confiteri faciā Gentes. Sicuti ait Paul. Spiritū sanctum clamare abba, pater, eò quòd facit nos clamare. Nisi fortē loquitur caput pro corpore mystico. (Et iterum dicit, *Lætamini Gentes cū plebe eius.*) Hoc (ut ait Orig.) desumptū est ex **Gal. 4.** Cantico Moſis. Tametsi in additione vulgari non legamus nisi, Laudate Gentes populum eius. Quòcirca non est cur S. Tho. reprehendatur, ut à quibusdā reprehēditur, quòd hoc citatum putauerat ex Eſaiā cap. 35. Nō enim hoc fecit (ut credo) memoria lapsus, sed quòd verba Cātici parum cōſentiunt cum his apostolicis: & illo loco apud Eſaiā expreſſē hoc argumentū tractatur de lætitiā Gentium receptarum in cœtum fidelium. Sic enim capitulum incipit, Lætabitur deferta, & inuia. Et infrā, Et exultabit lætabunda & laudans, gloria libani data ei. Nisi dicamus cum Origene, quòd Paul. non tam verbis interpretū, quā sensibus scripturæ sæpe vtitur. Et ideo quod est in Cantico, Laudate Gentes populū eius, vel in alia translatione erat, Lætamini cum plebe eius, vel hunc facit sensum: nēpe quòd lætarentur Gentes, eò quòd iam essent in numero populi Dei. (Et iterum, *Laudate omnes Gentes dominū, & magnificate eum omnes populi.*) Hoc in psal. est. 116. Quanuis quod nos habemus, Laudate eum omnes populi, citat Paul. magnificate. Neque hoc existimetur interpret hic permutasse: non est hic Græcē apud Paulum aliud verbum quā in psalm. Id quod & Orig. adnotauit. Et distinctē Ambr. interpretatur, laudare, & magnificare. (Et rurſus Eſaiās ait, *Erit radix Ieſſe, & qui exurget regere Gentes, in eo Gentes sperabunt.*) Neque oraculum hoc sub eisdem verbis extat apud Eſaiā, sed sub his, Egredietur virga de radice Ieſſe, & flos de radice eius ascendet. Quanuis per totum capitulū extendatur prophetia aduentus Christi, ad recuperandas, gubernandasq; omnes nationes ex diuersis orbis angulis, in suam familiam reuocatas. Sed vide quo ordine contexit quatuor hæc elogia: cœpit enim à gratiarum actione Christi, & statim subiunxit, lætitiā Gentium, eò quòd annumeratę essent populo Dei: ac deinde collegit vniuersitatē Gentium laudes debere deo pro tanto beneficio: sed postremo quasi circulum orationis orbemque perficiens, reuertitur ad Christum, qui ex radice pullulans Ieſſe, de Iudaico populo exurrexit, ad regendum na-

tiones Gentium, in quo sita est omnium spes cū fecerit vtraque vnum. Ac per hæc: denique concludit vtrunque membrum supra propositum: quemadmodum scilicet & Christus fuerit minister circumcisionis, & Gentes honorent Deum super eius misericordia. At verò, Erit radix Ieſſe, vtroque modo interpretari possumus: nempe ut Patriarcha ipse Ieſſe, qui fuit pater Dauid, intelligatur suppositus verbo, erit. Ac si dicas. Erit Ieſſe tanquam radix, & qui ex illo exurget, &c. Qui quidem sensus natiuus esse videtur verborum prophetiæ. Sed tamen nil vetat, si Christus ipse appelletur à Propheta, vera radix Ieſſe, secundum vitam spiritualem, quā Ieſſe ipse, & omnes qui censentur filij Abraham, per fidem à Christo receperunt. Et tunc perinde est, Et qui exurget, ac si dixisset, Et radix ipsa spiritualis Ieſſe, quæ exurget.

Deus autem spei repleat vos omni gaudio, & pace in credendo, ut abundetis in spe, in virtute Spiritus sancti.

Quemadmodum superius post præceptū de tolerandis infirmis, negligēdoq; proprio gaudio, precationem adiecit, ut Deus patientiæ & solatij firmaret illos sancta concordia, ita & modo, quoniam immensi beneficii vtrique populo per Christum impenſi meminerat, simile subdit suffragium, idq; præfertim eò quòd iam verbum hoc, veluti conclusio est argumenti totius epistolæ. Nā ea quæ sequuntur ad purgationem iam suā & salutationes attinet. (Deus spei.) Alludit ad id quod paulò ante dixerat, Spē habeamus. Dicitur autem Deus, estq; Deus spei nostræ, tum quòd author est, non solum ipsius habitus spei, quē nobis infundit cum fide, verum omnium bonorum quę sperare possumus: tum maximē, quod ipse est objectū spei nostrę: id enim quod possidere speramus, est idē ipse: secundum illud psalmi, Spes mea Deus. (Psalm. 90.) Quoniam spes quæ differtur (ut est inter Prouerbia) affligit animā, optimē post spem, adiecit gaudiū. Hoc enim erit in patria, effectus possessionis eorum, quæ speramus. Quanquam hic non de gaudio illo cōsummato loquitur, sed de hoc quod in hac vita possumus habere per cōsolationem Dei, cōposuit enim gaudiū cū pace in credendo. Neq; obstat quod ait, repleat, nā est repletio

tio quoq; in via: non quidē cōsummata, sicut in patria, sed tamen pro qualitate et ratione fidei. Quemadmodum dixit capit. 5. gloriari sanctos in tribulationibus. Nā quod ait Chri

Mat. 5. stus, Beati qui lugent, quoniam ipsi consolabuntur, de consolatione quoq; intelligitur, quam secum adfert in hoc seculo, firma spes, (Et pace in credendo.) Perspice quanta congruentia & decore collocata sit hæc particula in calce epistolæ. Fuit enim eius argumentum (vt in proloquio dicebamus) de substantia fidei, de cuius mysteriis, sanoq; intellectu, disceptationes indies succrescebant inter Romanos, atq; adeo lites & iurgia: qua ratione hic de in firmorum tolerantia eos admonuit, à temerarioq; iudicio deterruit, quæ causa erant abigendi pacem, afficiendiq; eos tristitia & merore: nam gaudium durare nequit, vbi pax non viget. Deprecatur ergo Deum spei, vt repleat eos gaudio, & pace in credendo, hoc est, consensu & cōcordia, in intellectu fidei, quæ vna

Ephe. 4. est, sicuti vnus Deus, & vnum baptisma (vt abundetis in spe.) Spes quidem ex fide nascitur, quæ substantia est rerum sperandarum: fouetur autē, irroboraturq; vigore operum, quæ eadem fides per charitatem operatur: ob idq; scientissimè deprecatur ac prudentissimè, vt Deus spei per pacem in credendo adaugeat eis eandem spem, quam genuerat fides, sed discordia in fide attenuauerat. (Et virtute spiritus sancti.) Alii legunt, in virtute Spiritus sancti, & alii, per potestatem Spiritus sancti vt sit, sensus. Et pace, q̄ vigore Spiritus sancti gignitur & fouetur. At verò non solum Ambr. & Latini, verum & Græcus Orig. legit, & virtute Spiritus sancti. Haud tamen nomen hic virtutis, si verbum græcum consulas, significat virtutem theologicam, vel moralem, sed potestatem, seu vim, & fortitudinem, seu nomen Spiritus sancti. Sūt etenim græcè distinctæ voces, δύναμις, quod est potentia, & ἀρετή, quod est moralis virtus, quorū prius est hic, Sed nihilo minus forsan Apost. optabat Romanos repleri virtute, hoc est, potentia & robore Spiritus sancti, seu muniri, vt ait Orig. Quapropter haud quidem ab re longè virtutem hic charitatis insinuari existimemus: nō quod nomen græcum per se idem significet, sed quod charitas sit, quæ propriè attribuitur Spiritui sancto, atq; adeo per quam eius virtus præcipuè patefit: hanc enim effundit in nos abundè. Igitur maximo cum decoro tres hic diuinas virtutes salutis nostræ composuit, fidem scilicet, vnde spes nascitur, & cha

ritatem, per quam eadem fides opera facit, quæ sunt copiosioris beatitudinis merita,

Certus sum autem fratres mei & ego ipse de vobis, quoniam & ipsi pleni estis dilectione, repleti omni scientia, ita vt possitis alterutrum monere.

Tertia pars capituli.

Sequitur tertia pars huius capituli, in qua pertractato iam & absoluto argumēto, quod proposuerat de fide & gratia euangelica, iam quasi in peroratione, epistolari more & stylo purgat se ab offensione quam Romani sumplisse poterant, quod asperius, grauioriq; celsura q̄ par esset, eos tum per totam epistolā, tum maximè hic circa finem reprehendisset, nimiumq; sibi ipsi vsurpasset authoritatis in ipsis erudiendis: ac si nulla fuissent instructi doctrina fidei. Hanc igitur notam sibi abstergit, vt sūma cum lenitate & dulcedine, valeat, illis dicat. Assumpsit autem excusationis huius ansam ex proximo verbo, Deus autem spei repleat vos, &c. Vbi subnotasse eos visus est, carere illis virtutibus. Ait ergo, (Certus sum autem fratres mei & ego ipse de vobis.) Hoc est, per suasum habeo ex his quæ de vobis audiui. Et ait, fratres mei, ad maiorem expressionem charitatis. Sed & quod ait, ego ipse, auxilium suam habet, putā, ego ipse qui vestra vobis obicio crimina. (Quoniam & ipsi pleni estis dilectione, repleti omni scientia.) Pari modestia exorditur priorem ad Corin. In omnibus diuites facti estis in illo, in omni verbo, & in omni scientia. Hoc autem quod ait, pleni dilectione, non modò ad verbum, repleat, superioris deprecationis respondere putes, verum & ad exordium epistolæ, vbi dixerat, gratias ago Deo meo, quod fides vestra annuntiatur in vniuerso mundo. Etenim vt probè adnotauit Chrysost. tota hæc peroratio respectado procedit ad proœmium epistolæ, vt finis proœmio eadem vrbinitate & suauitate consonet: neq; ei obiectent Romani, quod cum eorum fidem laudauerit in exordio, illius fuerit per totum epistolæ textum oblitus. Alii veruntamen transferunt, non, dilectione, sed, bonitate, veluti modò habet textus græcus. Et ita legunt Græci interpretes Orig. & Chrys. At verò cum duæ voces Græce, ἀγαθὸσύνη, bonitate, ἀγαπᾶν, dilectione, sola vna litera differant, forsan reperit interpres noster secundam. Et perparum differunt. Accipitur enim hic, bonitas, non pro eo quod est, benignitas, seu fer

tilitas,

tilitas, sed (vt ait Chrysostom.) pro vniuersa virtute. Id quod & nomine dilectionis, planè significatur, eò quòd charitas initium est & forma virtutum omnium. Quinimo ad rem præsentem pertinacior est dilectionis vox. Etenim cùm docere, admonereq; alios, opus sit misericordiæ, duo sunt huic exercẽdo muneris requisita: nẽpe, & charitas in volũtate, & in intellectu scientia: quas ideo virtutes duas hic cõmemorat Apost. Quod verò ait, repleti, nõ simpliciter intelligas: Iesu Christi enim redemptoris nostri propriũ fuit, vt esset simpliciter plenus gratia & veritate, repletusq; timore domini. Neq; verò, repleti, idem est quod, cõsummati, sicuti erim⁹ in patria: neq; omnino idẽ quod perfecti summa perfectione viã: fuisse enim palpatio verius, q̃ laudatio: quoniã nondum ascenderant ad tantũ fastigium. Sed, repleti, idẽ est, quod sufficienti præditi dilectionis virtute, iustaq; referti sciẽtia, atq; idonea, vt possitis inuicẽ vos ipsi instituire. (Ita vt possitis alterutrum monere.) Alij textus nõ habet, alterutrum, sed, alios. At sunt Græcẽ etiam simillimæ voces, ἄλλος, alios, ἄλλους, alterutrum. Et ideo in exẽplari interpretis nostri forsan erat hæc posterior. Et est hic multò congruentior. Quemadmodum enim suprà dixit, Propter quod suscipite inuicem, eò quòd nemo tam est firmus, tamq; instructus, qui non aliena egeat ope & opera, ita & hic ait, alterutrum, non quòd deneget inter eos alios aliis doctrina longẽ præstare, sed quòd tali æqualitate expediebat loqui cũ gente honoris ambitiosa. At verò non ait, Vt possitis alterutrum docere, eò quòd neophyti nõ poterãt sciẽtia tunc rãta pollere mysteriorũ fidei, sed admonere qd' min⁹ est.

Audacius autem scripsi vobis fratres ex parte, tanquã in memoriam vos reducens, propter gratiã quæ data est mihi à Deo, vt sim minister Christi Iesu in Gentibus, sanctificans Euangelium Dei, vt fiat oblatio Gentium accepta & sanctificata in spiritu sancto.

Postquam exclusit falsam scribendi causam, deleuit scilicet illam notam, quòd inde motus fuerit ad scribendum, quillos existimaret, seu corruptos omnino moribus, seu doctrina vacuos, subscibit veras tres: quarum

primam adfert ab ipso nihilominus indigentia. Est autẽ præsens sermo omni humanitate affluẽs, arteq; diuina instructus, ac maxima elegantia conspicuus. (*Audacius autem scripsi vobis fratres ex parte.*) Perpende eximiam humilitatem. Apostolus Christi, diuina scientia suffusus, & tanq̃ vas electionis, diuino inductus spiritu, nõ veretur dicere audaci⁹ scripsisse. Quauis nullum hic confitetur temeritatis vitiũ. Nam etsi Apostolorũ confirmationi minimẽ repugnaret venialis culpa, tamẽ inter scribendũ, fungẽdumq; apostolico munere, neq; leuissimẽ labi poterant, quippe qui tunc organa agebant Spiritus sancti. Sed ait, audacius, hoc est, securius & confidentius, quasi fretus vestra humanitate & humilitate. Seu maiori cũ rigore & acrimonia, q̃ quẽ vestro iudicio appareat fortẽ necessaria. Et ait, fratres, nõ autẽ discipuli, aut qd simile, ne videretur quasi de throno doctoris, aut præceptoris loqui, sed tanquam par illis. (*Ex parte.*) Hæc particula non subsequẽti orationi copulatur, vt quidam arbitrat, scilicet, ex parte in memoriam vos reducens, sed est præcedẽtis moderatio. Et quidem Origenes ad illud eam refert quod ait, scripsi. Quẽadmodũ dicit alibi Paul. ex parte se cognoscere, & ex parte prophetare. Quasi non omnia mysteria enucleauerit, sed celauerit eos aliqua, quẽ latet sub reuelatione fidei: vnde alibi, Lac vobis dedi, non escam. Et Theophyl. ex parte scripsisse interpretatur, id est, placidẽ & breuiter. Alij hoc adiungunt aduerbio, audacius. Quasi diceret, audacius scripsisse ex parte, hoc est, respectu peritiorum ac prouectiorum in fide: non tamen omnino respectu omniũ. Vel audacius in aliqua parte epistolæ. Cõmodius autem refertur ad verbum, scripsi, vel si referatur ad aduerbium, audacius, idem est, audacius ex parte, quod audacius aliquo modo, seu paulò audacius. (*Tanquam in memoriam vos reducens.*) Ecce primã causam ex eorum necessitate. Quod quidem verbum eximiam quoq; præ se fert modicã & moderatiam. Non enim ait, docens vos, vt quos iam dixerat repletos esse omni scientia, sed reducẽs vos in memoriam: nam & doctissimi quiq; obliuiosi nihilo minus esse possunt, & illis qui sunt circũspectissimi opus nonnunq̃ est, vt in memoriam reuocetur alicuius obliuati officij. At verò non est ideo legitima versio quorundam transferentium, vt vestri reminiscens: siquidem participiũ Græcum, *μιμνήσκων*, non simpliciter significat id quod, remi-

Humilitas
eximia Pauli

1. Cor. 13.

1. Cor. 34

Prima scribẽ
di causa.

Tres cause
scribendi.

*Vrbana ad-
monitio.*

reminiscens, sed id quod, commune faciens: & in hoc sensu ait interpretes, In memoriam redu- cens. Hac enim vtuntur oratiuncula illi qui vrbane volunt alios admonere. Et presenti loco probatur inter Christianos mos iste ad- monendi, Volo tibi hoc in memoriam redu- cere. Qui enim sic admonet, nequaquam alte- rum subnotat, vel ignorantia, vel malignita- tis, sed obliuionis tantum. Quamquam hoc quod ait, In memoriam reducens, sunt qui ar- bitrentur dixisse, propter frequentia oracula testamenti veteris, quæ huc accersita expo- suit: sed tunc verbum hoc ad solos conuersos ex Iudaismo spectaret, in quorum memoria reuocabantur: cum autem ad omnes loqua- tur, probatior est expositio præcedens. At- qui (vt quemadmodum cœpimus) ad prolo- gum & hinc respiciamus, hæc est illa spiritua- lis gratia, quam illic aiebat optare se imparti ri Romanis: nempe, vt illos instrueret, insti- tueretq; in fide, Vnde & subdit, (*Propter gra- tiam quæ data est mihi à Deo.*) Respondenter ad id quod illic dixerat, Per quem accepimus gratiam & apostolatam, ad obediendum fi- dei in omnibus gentibus. Quapropter defi- niens hoc genus gratiæ, adiiecit. (*Vt sim minister Christi Iesu, in Gentibus.*) Quemadmodum su- præ dixerat, Quamdiu sum Gentium Aposto- lus, ministeriū meū honorificabo. Et rursus explicans actionē & functionem eiusdē mi- nisterij, subiūgit, (*Sanctificans Euangelium Dei.*) Atqui hic adhibetur secunda causa scribendi à suo ipsius officio & ministerio. Quasi dixisset, Ne vlla vos suspitio de me tēgat, quod vel loquendi libidine, vel gratia aucupandæ hu- manæ auræ in animum induxerim, vt ad vos scriberē, pēfate ad id me Dei iussu cōpulsus, qui ad hoc me tali gratia donauit, & autori- tate munivit, vt Euāgelium sanctificārē, hoc est sanctē administrarem. Vide ergo quanta symmetria concinat cum prima propositio- ne epistolæ, vbi ait, Paulus seruus Iesu Chri- sti vocatus Apostolus, segregatus in Euange- lium Dei. Quocirca hoc quod ait, sanctificās Euāgelium, non perinde audiendum nobis est, ac si dixisset, sanctum faciens: quemadmo- dum Ezechielis. 20. Ego dominus sanctificās eos. Et Christus, Sanctifica eos in veritate. Sed idem est quod, sanctum ostendens, secundum Hieronymiana scholia. Apostoli enim ver- bo, opere, & exemplo sanctum esse demon- strabant Euangelium. Quāuis interpretes Ori- genis, qui fertur ipse fuisse Hieronymus, ait id quod nos dicimus, sanctificans Euangelii

*Secunda cau-
sa.*

*Sanctificans
Euāgelium.*

Ioan. 17.

Dei, magnificentius à Græcis dici; ἁγιάζοντα, quod licet non plene, dici tamen à nobis po- test, significans Euangelium Dei, per quod ostenditur, sanctificale opus esse, annunciare Euangelium. Hæc ille. Quamobrem alij non transferunt, sanctificans, sed, vel celebrās, vel administrans Euangelium. Sed profectò neu- tro modo exprimitur medullitus energiaver- bi Græci: quippe quod non simpliciter signi- ficet, administrare, sed rem sacrā administra- re, seu quod ait Chryso. hostiam sacram, velu- ti sacerdos offerre. Vt sanctificans, non à san- ctitate, sed à sacro, idem sit, quod sacrificans. Et hoc propriè est Euangelium prædicare, scilicet sacrificare illud Deo, hoc est, offerre il- li homines per illud mortuos peccatis, veluti hostiam viuam. Cui quidem apprimè con- gruit subnexū verbū. (*Vt fiat oblatio Gētiū ac- cepta.*) Vbi & tertia causa superadditur, quæ fuit Paulo scribēdi, à fine ipso sumpta, qui & finis est eiusdē gratiæ apostolatus: nempe vt oblatio Gētiū esset Deo accepta: quoniam nihil Deo acceptū est, nisi per fidē Euāgelij. Atqui nomine hic Gentium, vniuersum or- bem intelligit Chry. vt respōdeat ei quod di- xerat in exordio, Vt aliquem fructum ha- beam in vobis, sicut & in cæteris Gentibus. Græcis ac Barbaris, sapientibus & insipien- tibus debitor sum. Et re vera hoc est apprimè verò simile: siquidem cōuersis ex vtroq; po- pulo scribit, & vtrorumq; defectus carpit in hac epistola. At tunc necessum esset, vt pari modo acciperetur nomen, Gentibus, paulò superius positum, vbi dixit, Vt sim minister Christi Iesu in Gentibus. Nam non est cen- sendus vti homonymia in eadem oratione: illic autem videtur vsurpasse nomen pro gen- tilitate: nam vbicumque se nominat Gen- tium ministrum, vel apostolum, existimatur de illis Gentibus loqui, ad quas fuit segrega- tus. Dicere ergo possumus, quod quēadmo- dum cap. ii. dixit, se ministeriū apostolatus Gentiū honorificare, vbi tamen Iudaismum ait se contendere in salutem reuocare, ita & hic, vbi vtrunq; populum instituit, peculiari- ter nihilo secius ait, vt oblatio Gentium acce- pta sit. Quamquam hoc forsan nō referat ad oblationem quæ facta est per hanc epistolā, sed ad illam quam iam fecerat in nationibus Gentium ab Hierusalem per circuitum vsq; ad Illyricum, vt quā primū commemoratu- rus est. (*Et sanctificata in spiritu sancto.*) Aliqui textus non habent coniunctionem, &, quod nōnullis probatius est, vt sit sensus, Vt obla- tio Gen-

*Tertia cau-
sa.*

Orig. tio Gentium sanctificata in Spiritu sancto, accepta fiat Deo. Quam quidem lectionem ita non respuo, vt tamen vulgarem citius admittam. Ad hoc enim veluti rem sacram Euāgelium propalabat Gentibus Paul. vt & per fidem accepta esset eius oblatio, & per Spiritum sanctum, cuius charitas vnā cum fide effunditur in nos abundē, esset sanctificata. Et alludit, secundum Origenem, ad sacrificia vetustæ legis. Nam sicut pontifices tunc oblaturi hostiā, providere debebāt, ne quidpiam in ea esset, aut maculæ, aut vitij, vt accepta fieret Deo, ita & sacerdos, qui verbum Dei enunciando, Euāgelium sanctificat, curare debet, ne qua in prædicando macula, ne quod in docendo vitium nascatur, sed semetipsum primò immolet, vt quos docet, ceu immaculatam etiam hostiam, offerat Deo.

Habeo igitur gloriam in Christo Iesu ad Deum. Non enim audeo aliquid loqui eorū, quæ per me non effecit Christus in obedientiam Gentium verbo & factis, in virtute signorum & prodigiorum, in virtute Spiritus sancti.

Attēta cōsideratione opus est semp apud Paulum: vigilantem enim hic prudentia & sapientia inter humilitatis virtutem, & sui muneris deiectionem velificat. Etenim quoniam superiori sermone adeo se per humilitatem submisisse visus est, vt minoris apud Romanos haberi posset eius epistola quā decenter, hic rursus sancta commendatione suam attollit functionē. Atq; id vel maximè propterea, quòd nimia humiliatio præiudicare poterat dignitati Christi: cuius virtute Euāgelium cum signis & prodigiis sacrificauerat. Et potissimū apud eius æmulos pseudoapostolos. Commēdat ergo primū omnium, officium suū ab autoritate qua pollet Christi. (*Habeo igitur gloriam in Christo Iesu ad Deum.*) Schema ipsum loquendi per illationem, cōsiderandum est. Quasi dixisset. Haud cogitatis idcirco me ita gelsisse humiliter, quòd non fuerit officium erga vos meū dignum gloria, sed id feci, vt concluderem, quicquid habeo gloriæ, id esse situm in Christo Iesu: cuius fungor autoritate: sed hæc tandem gloria refertur in Deum, qui eum nobis donauit, vt eius gloria profunderetur. Et alludit hoc verbo ad illud prologi, Non

enim erubescō Euāgelium. Atqui verbum Græcū, *καυχῶμαι*, magis propriè significat gloriationem, quā gloriam, quæ est, *δοξα*. Accipitur tamen Latine & gloria, pro gloriatione: nempe pro ea re de qua quis gloriatur: vt, Gloria nostra hæc est, testimonium conscientie nostræ. Et talis est hic eius significatus: vt interpret Origenis adnotauit. Qua de re Ambrosi. & alij Latini, gloriam, legunt. Item Græcè scriptum est, *τὰ πρὸς τοὺς Ἰδιῶν*, quod ad literam transcribendum esset, in iis quæ ad Deum (scilicet) pertinent: vt significaretur materia gloriationis. Et ita legit, exponitq; Theophy. gloriā scilicet non collocasse Paulum in vanis his momētaneis, sed in spiritualibus, quæ ad Deum attinent. At verò forsā interpret noster non legit primam syllabam *τὰ*, qua quidem expuncta, non fuit transferendum nisi, ad Deum, vt denotetur finis, ad quem est gloria traducēda, tanquam in eum a quo tradita sunt Christo omnia, & de quo ipse confitebatur, Pater in me manens, ipse Mat. ii. facit opera. Et ita legunt, non solum Ambrosi. & Hieron. & reliqui Latini, verum & Orig. etiam inter commētandum. Et respondet hoc verbum illi proemij, Non erubescō Euāgelium, virtus enim Dei est. (*Non enim audeo aliquid loqui eorum, quæ per me non effecit Christus.*) Excusatio est superbiæ & arrogantiae, quam liuidi, captantes verba Pauli, possent illi inscribere. Est autem phrasis non ita multum lucida: fuisset enim illustrior, si dixisset, Non audeo loqui, nisi ea quæ per me fecit Christus. In hoc enim affirmatio, exceptiuoq; sensu audienda est. Quasi dicat, Si audeo illa commemorare, quæ gelsi, non auferim tamen aliquid iactare, quod nō per me Christus effecerit: id est, non gloriator de aliquibus meis rebus gestis, tanquam meis propriis: tunc enim in eam impingerem sententiā dñi, Si ego glorifico meipsum, gloria mea nihil est. Sed tamen tum ea prorsus commendo, quæ per me fecit Christus, in eum ipsum refero gloriam. Erat quippe sancta modestia Pauli, vbiuis dicere aliquid ~~in suam~~ in suam vergeret laudem, excusare se prius & præpurigare, veluti. 2. ad Cor. ii. Vtinam sustineretis modicū quid insipientiæ meæ, &c. Quāquam haud prorsus repellerem sensum alterum, quē Orig. haurit ex his verbis: nempe vt velit Paul. dicere, quòd non vult commemorare aliena opera, quæ non per ipsum fecit Christus, sed per alios Apostolos: quasi cupiens de alienis laboribus gloriam au-

cupari, sed illa propriè, quæ per ipsum fecit. Concinit enim huic sensui id quod paulò inferius subiungit, prædicasse, videlicet se, vbi non erat nominatus Christus, ne super alienum fundamentum ædificaret. (*In obedientiam Gentium.*) Ecce fructum, de quo gloriatur, vbi Gentium (vt suprà) pro Gentilibus vsurpat, quorum erat propriè Apostolus. Et est sensus, Ea quæ Christus per me operatus est, in hoc ordinata sunt, vt Gentes obedirent Euangelio, & oblatio eius esset accepta Deo, & per Spiritũ sanctũ sanctificata. Quæ quidem particula ad illam spectat prologi, vbi aiebat, Per quem accepimus gratiam & apostolatũ, ad obediendum fidei in omnibus Gentibus, in quibus estis & vos vocati. (*Verbo.*) Scilicet prædicationis Euangelij. Quod quidem verbum virtute Spiritus sancti suggererebatur: iuxta illud Psalmi, Dominus dabit verbum euangelizantibus. Et Christus,

Psal. 67. Non enim vos estis qui loquimini, sed spiritus patris vestri, qui loquitur in vobis. (*Et factis.*) Hoc est, sanctis, incorruptisq; moribus, puraq; & admiranda conuersatione, per eandem Spiritus sancti opem à me præstitis. Exemplo nanque vitæ plurimũ fidei arrogabant Apostoli suæ prædicationi. (*In virtute signorum & prodigiorum.*) Hoc est, in virtute miraculorum. Quam quidem virtutem,

Mat. 10. veluti ad confirmationem Euangelij necessariam, tradidit eis Christus, vt patet. Inter signa autem & prodigia, sunt qui non aliter dignoscant, quàm inter minora & maiora miracula. Quo paulò explicat⁹ applaudit Theophylactus dicens, quòd signum sit illud insolitum, quod fit in rebus naturalib⁹: vt repentina salus socrus Petri à febre, quam longiori tempore potuisset sanare natura: prodigium autem sit illud, quod omnino fit præter naturam: vt restitutio visus cæco nato. Et re vera ita est, quòd prodigium portentosum quidpiam, demirandumq; significat: quasi porro dictum. Orige. autem applaudens ad nomen signi, ait, signum esse illud, quod miraculo futurũ aliquid significat: vt curatio populi à moribus serpentium per inspectionem illius ænei, qui pende-

Luc. 10. bat in ligno: prodigium autem nil aliud inquit, quàm miraculũ designat. (*In virtute Spiritus sancti.*) Hæc particula ad singula superiorum membra refertur, scilicet, verbo & factis, &c. Quanuis codices, qui modò circumferuntur Græci, non habeant, Spiritus sancti, sed, spiritus Dei, quod idem pollet. Neq; ve-

rò constat, quid Paul. scripserit: nam etiã inter Græcos est differentia. Chrysost. nanq; & Theophy. legunt, Dei, Orige. autem in commentis legit, sancti.

Ita vt ab Hierusalem per circumitum vsq; ad Illyricũ repleuerim Euangelium Christi.

Post laudem functionis suæ ab autoritate Christi, commendat eam secundò ab amplitudine effectus, quæ fuit mirè eximia, ita vt ab Hierusalem, inquit, per circumitũ vsq; ad Illyricum repleuerim Euangelium Christi. Quatuor sunt hic verba excellētis superlationis, ab Hierusalem ad Illyricum, quæ q̃ maxima est distātia ab oriēte ad occidētem septentrionalē. Est enim Illyricũ idem, quod Adriaticũ mare. At nō recta quidē tractũ illum emensus est, sed per longas ambages circumquaq; nũc ad septētrionē, nũc versus meridiem obambulans. Et si consulas cosinographos, qui ex Actis Apostolorum, aliisq; probatissimis historiis, itinera Pauli, & navigationes optimā fide collegerunt, comperias, peragrasse eum Arabiam, Syriã, Phœnicen, Samariam, Ciliciã, Lydiam, Pamphiliam, Lycaoniam, Ioniam, in qua Ephesus est, Phrygiam, Galatiam, Bithyniam, ac totam penē Asiã minorē: atq; hinc Aegeo mari traiecto in Macedoniã, in qua Thessalonica est, peruenisse, & Atticã, Achaiã, in qua Corinthus est, ac meliorem Græciæ partem percurrisse: in Cyprum, Rhodum, Coum, Chion, & Cretam adnauigasse. Fulmen dixeris cœlo delapsũ, quod in angulos omnes ferè mūdĩ infiliuit, igne euangelico omnia replens. Post demum captus Hierosolymis à Iudæis, appellauit, tanquam Romanus ciuis, ad Neronem Cæsarē, vnde idcirco ereptus à militibus Romanis, per mare & per terras delatus est ad mare Adriaticum, cuius hic meminit, ac deinde naufragus reiectus est in Meliten, quæ est Malta, vnde in Siciliam, ac demum in Italiam nauigauit. (*Repleuerim Euangelium Christi.*) Græcè quidem accusatiuus est, Euangelium, sed sunt qui transferunt per ablatiuũ: existimantes sensum Pauli fuisse, quòd repleuerit nationes illas euangelica veritate. Attamen, tam Latini, quàm Græci legunt, Euangelium. Quocirca non censetur ille fuisse sensus Pauli, sed hic quem eruit Theoph. Nempe non dixisse, prædicaui, sed, compleui Euangelium, vt argueret, se non inanem habuisse sermonē,

Latissima peregrinatio Pauli.

Orig. cat: quasi porro dictum. Orige. autem applaudens ad nomen signi, ait, signum esse illud, quod miraculo futurũ aliquid significat: vt curatio populi à moribus serpentium per inspectionem illius ænei, qui pende-

Nam. II.

sermonem, sed vtilem plurimis & perfectum. Haftenus ille. Igitur & verbum etiam hoc laudi apponitur Paulinae functioni, quod non incassum tam multis nationibus Euangelium predicauerit, sed ea eloquentia, energia & spiritu, eaq; signorum prodigiorumq; virtute munus euangelicum omnibus suis numeris compleuerit, ut euocatis, conuersisq; Gentibus, quibus fuerat destinatus Apostolus, metam eius & scopum attigerit. Atq; hac de causa toties hic Gentium meminit, videlicet, Ut sim minister Christi in Gentibus, Ut fiat oblatio Gentium: nempe quod fructus suae praedicationis inter Gentes prouenerit. Quocirca dixerat in proloquio, Ut aliquem fructum habeam in vobis, sicut in ceteris Gentibus.

Sic autem predicaui Euangelium hoc, non vbi nominatus est Christus, ne super alienum fundamentum aedificarem: sed sicut scriptum est, Quibus non est annunciatum de eo, videbunt, & qui non audierunt de eo, intelligent.

Tres intellectus.

Tertio deniq; commendat, effertq; munus praedicationis suae, à difficultate & exhaustis laboribus, quibus defudauit. Plures autem intellectus attribui possunt huic textui. Vnus, qui Ambrosianus est, quod non predicauerit, vbi per pseudoapostolos nominatus fuerat Christus, ne super alienum fundamentum, hoc est, corruptum & deprauatum, aedificaret, sed illos anteuerterit, ne negotium ei facefferent reuellendi falsa eorum dogmata. Sed tamen haec intelligentia non adeo libenter seruit in praesentia menti Pauli: tum quia nullum hic notat falsum fundamentum, quod destruendum esset, sed alienum super quod esset aedificandum: tum etiam quod vaticinium citatum Esaiæ ægrè admittit talem sensum. Secundus intellectus esse posset, quæ enarratores sequuntur, quod non predicauit vbi alij integri, legitimiq; discipuli Euangelium seminauerant, super quorum ipse fundamentum aedificaret. Cuius contrarium contigit ei postea Romæ, vbi tum alij, tum etiam Petrus antecesserant. Qui quidem sensus bene quadrat superiori verbo, Non audeo aliquid loqui, quæ per me non effecit Christus, si tamen probabilis est secundus sensus, quæ illi subscripsimus. Et quanuis videatur intelligentia hæc non nihil secum adferre inanis gloriæ,

quod scilicet ipse solus iesserit primam fundamenta, struxeritq; totum ædificium, tamen (ut ait Origen.) contrario sensu hoc dixit Paul. nempe, ne Romani putarent, quod ad illos scriberet, huius gloriolæ causa, quod vellet emendare & perficere tanquam architectus illam doctrinam, quam ab aliis receperant. Poterant enim illi dicere, Habemus nostros doctores, quisnam te illis præfecit? ob idq; ait, Non soleo ab alienis laboribus gloriam aucupari: illos videlicet, vel mihi adscribendo, vel vbi non opus est, collimando, & corrigendo, sed illas semper assumpsi provincias, in quibus Christus, non solum non fuit creditus, verum neque auditus, neque villo modo nominatus. Tametsi nihil vetet, ut per hoc etiam voluerit commendare labores suos (ut dicebamus) & pericula, superatasque difficultates: erat enim ei talis commendatio necessaria, ut fidem suam & autoritatē constabiliret, irroboraretq; apud Romanos, quæ pseudoapostoli labefactare moliebantur.

Sensus verus.

At verò dum vim oraculi Esaiæ hic citati mecum reputo, aliud præterea quidpiam dicere hic mihi videtur Paul. utpote quod predicauerit solis Gentibus, inter quas non fuit nominatus Christus, per legem veterem, neque prænunciatus, neq; præfiguratus, neq; expectatus. In hoc enim semper versatur, ut adstruat se Gentium apostolum, à tempore quo cum Barnaba segregatus est in Gentes. Atq; hic sensus est, quem subscriptum oraculum sibi vendicat. Sed ait, predicaui, pro eo quod est, procuraui semper, & præ me tuli predicare, uti habet phrasis Græca: quoniam aliquando etiam predicauit in Antiochia, vbi alij predicauerant, uti patet Act. n. (Sicut scriptum est.) Porro Esaiæ. 2. vbi palam de Gentium vocatione & obedientia vaticinabatur. Quoniam quibus non est annunciatum de eo, scilicet, Christo, videbunt: & qui non audierunt de eo, intelligent. Et alludit ad alterum vaticinium eiusdem Prophetæ, quod supra cap. ii. citauit de Iudæis, Dedit eis Deus oculos, ut non videant, & aures, ut non audiant. Etenim quoniam duo ista sensoria organa auctantur nobis ad comparandam rerum cognitionem, puta oculi, via inuentionis: aures autem, per viam disciplinæ, occlusa sunt Iudæis, aperta verò Ethnicis, ut illi qui per legem signa viderant, mysteriaq; audierant Christi, venientem postmodum, nec visu deprehenderent, nec auditu. Gentes autem quæ antea nihil de illo vel viderant, vel audierant,

præsentem extemplo ac de repente ausculta-
rent, & adorarent.

Propter quod & impediēbar
plurimum venire ad vos: & pro-
hibitum sum vsq; adhuc.

Quarta pars
capituli.

Sequitur quarta pars capituli, in qua post-
quam se purgauerit de stylo scribendi, qui
paulo audacior iusto apparere poterat Ro-
manis, excusat impedimenta, quibus inhibi-
tus est, illos antea visum ire, ut maiori cum
benevolentia finem faciat, exponatq; adeo
id quod in exordio dixerat, Sæpe proposui
venire ad vos, & prohibitum sum vsq; adhuc.
(Propter quod) Hoc est, propter has meas tam
longas peregrinationes. (Impediēbar plurimum
venire ad vos.) Alij transferunt, Præpeditus
sum sæpe, sed idem est, Impediēbar, &, præ-
peditus. Atqui & aduerbium Græcum, *καί*
πολλά, utrumque habet significatum, sæpe, &
plurimum: & utrumque contingebat Paulo,
scilicet, ut identidem proponens descendere
in Italiam, impediretur, & etiam plurimum,
hoc est, arduis negotiis, Spiritu sancto aliter
disponente: de quo plura diximus cap. 10. lo-
co iam proximè citato. At verò, vsque ad-
huc, non est Græcè: & forsā aliquis inter-
pres illud inferuit, propterea quod talia ad-
uerbia sunt capite primo.

Nunc verò ulterius locum nō
habens in his regionibus, cupidi-
tatem autem habens veniendi ad
vos ex multis iam præcedentibus
annis, cum in Hispaniam profici-
sci cœpero, spero quod præteries
videam vos, & à vobis deducar
illuc, si vobis primū ex parte frui-
tus fuero.

Premisso obstaculo ne videretur illis ver-
ba dante, illo iam cessante, exple-
bit desiderium suum. Ait ergo (Nunc verò ulte-
rius locum non habens in his regionibus.) Videli-
cet quem iam non visitauerim, & in quo
non compleuerim Evangelium, secundum
voluntatem Dei. (Cupiditatem autem habens ve-
niendi ad vos ex multis iam præcedentibus annis.)
Codices Græci non habent, præcedentibus,
sed, ex multis annis. Et forsā quispiam cla-
ritatem nimium affectans, hanc particulam

adiicit, quæ tamen nihil prorsus veritati
sententia adfert detrimenti. (Cum in Hispaniam
proficisci cœpero.) In Græcis modò codicibus
est, *ὥς ἵνα*, quod transferendum erat condi-
tionaliter, puta, Ut si proficiscar in Hispani-
am, vel, quandocunque instituero pro-
ficisci. At verò forsā in codice interpretis
non erat, *ὥς ἵνα*, sed, *ὥς ἄν*, quod probè tran-
stulit assertiuè, Cum in Hispaniam proficisci
cœpero. Et licet videatur nonnullo pacto
variari sententia, est tamen hæc interpretis
probabilior: quoniam verisimile est, consti-
tuisse iam tunc apud se, vbi primū expeditus
esset, iter arripere in Hispaniā: nam asser-
tiuè ait inferius, Hoc cum cōsummauero per
vos, proficiscar in Hispaniam. (Spero quod præ-
teriens videam vos.) Igitur non ex principali
instituto, sed obiter, & in transitu pollicetur
eos salutare. Nam quanvis Romani in nume-
ro essent Gētium, quorum erat ipse Aposto-
lus, tamen quoniam institutum eius erat, ut
proximè iam dixit, non prædicare vbi Chri-
stus fuisset nominatus, & Romam iam ad-
uentassent discipuli, qui forsā per Italiam
dispersi erant, destinauerat potius in Hispani-
am penetrare, quo nondum fuerat Euange-
lium perlatum, ut orbem propemodū tunc
cognitum, puta ab Arabia & Syria ad Gades
vsq; perlustrare. Quæ quidem fors forsā il-
li obtigit in distributione prouinciārū, quan-
do alij ad Indos, alij ad Aethiopes: alij verò
aliorum dimissi sunt. Ut vel in hoc Christo
famularetur. De quo propheta, Dedi te in
lucem Gentium, ut sis mihi salus mea vsque
ad extremum terræ. Quamobrem ne videre-
tur in aliam prouinciā, quā in eam quam
animo susceperat, intentionem dirigere, ait,
Spero quod præteriens, &c. Eò præsertim
quod iam sciebat Petrum illuc antecessurū,
veluti proprius eorum apostolus, & pastor.
(Et à vobis adducar illuc.) Quoniam Hispani
in Romanorum erant ditioe, quibus ideo
Romanis nota erāt itinera in Hispaniā, qui-
busq; & Galli, & prouinciæ omnes interme-
diæ parebāt, tutò ab illis poterat conduci in
Hispaniam. Nam etsi nullus Paulum tange-
ret metus mortis, vbi esset pro Christo ne-
cessaria, erat tamen sancta prudentia, inco-
lumen se pro viribus seruare, ut utilior esset,
fructuosiorq; Ecclesiæ Dei. Qua de causa & Ast. 9.
Damasci in porta demissus est de muro. Et
in fine prioris ad Corinth. Apud vos, inquit,
forsitan hyemabo, ut vos me deducatis quo-
cunq; iero. (Si vobis primū ex parte fructus fue-
ro.)

ro.) Nunquam fui obliuiscitur Paul. aut beneuoli animi quem erga Romanos gerebat. Dixerat in exordio, se vehementer cupere, Romanos visere, vt aliquid eis impartiretur gratiæ spiritualis, & vt aliquam mutuò consolationem acciperent, & vt aliquem in eis haberet fructum: nūc autem, quasi promissi sui oblitus, dixit, Non nisi in trāsitu eos visu rum. Corrigit ergo verbum, Ne ita putassent properè transiturum, quin cum eis esset aliquandiu commoraturus. Ob idq; ait, Si vobis primū ex parte fruius fuero. Alij transferunt, si vobis tamen impletus fuero, quem significatum præ se fert vox Græca. Attamen interpres noster sensum poti⁹ inspexit, quā vocis faciem. Nam, impletus vobis, ineptè dicitur, nisi per circumloquium, vt alij transferunt, verteretur, Si tamen vestra consuetudine prius expletus fuero. Interpres autem ne faceret paraphrasin, transtulit sensum verbi. Quod autem ait, ex parte, alij referunt, ad tempus, nempe vt aliquo tempore fruar vobis: alij verò ad iustos: hoc est, fruar vobis, non quidem cunctis, sed probis & sanctis. Nam cū iuxta doctrinam Augustini in lib. de doct. Christ. non liceat frui nisi solo Deo, creaturis autem nō nisi in ipso, iuxta verbū Pauli ad Philemonem, Tefrater fruar in domino, iniquis & peccatoribus non poterat frui Paulus, sed condolare eorum sorti. At verò congruētius est longè, vt referatur ad verbum ipsum fruendi. Est nanq; amoris exaggeratio, & cupidinis, qua tenebatur oblectandi se cum illis. Ac si dixisset. Nō possum vsq; adeò præsentia frui vestra, vt pro votis animū expleam meum: fruar tamen ex parte, quantum itineris ac negotiorū ratio permiserit. ¶ Colligere autē forsā quis posset ex his verbis Pauli, ad Hispanias perrexisse, aliās falsò dixisset, illuc se profecturum. Attamen citra controuersiam est, nunquam illuc penetrasse, licet ita proposuisset. Nam cū hæc scribebat, agebat in Achaia, vt ait hic Origenes, vbi est Corinthus. Pergebat autem tunc ire Hierosolymas, quo asportabat eleemosynas pauperum, quas Macedonia. & Achaia subministrauerant: vt patet in subiūcto hoc textu. Quod quidē secundum fuit iter, quod illi Hierosolymas contigit, post illud à Damasco, quando mansit in vrbe tantū dies quindecim. Post hæc autem quā plurimas cōfecit alias peregrinationes: ac demum Hierosolymis captus (vt dicebamus) à Iudæis fuit: & quoniam appellauit ad Neronem, in-

Non aditit
Paul. Hispaniam.

de deuectus est à militibus Cæsarianis Romanam. Vnde palām fit, non ea de causa com-
measse Romanam, qua apud se cōstituerat, sed
vinctum catena fuisse perlatum: vt insinua-
tur Act. vlt. vel saltem in custodia. Sunt autē
qui aiunt, in illo biennio, quo (vt ibidem legi-
tur) permissus fuit permanere sibi met cū cu-
stodiente se milite, in Hispaniā commigrasse:
at reuera nulla hæc opinio probabilitate sul-
citur. Si enim custodiebatur à milite, quomodo
permitteretur tam longè abscedere ab vr-
be? Eò vel maximè quòd expressè illic subiungitur, mansisse biennio toto in suo cōdu-
cto: & suscipiebat (inquit Lucas) omnes qui
ingrediebantur ad ipsum, prædicans regnum
Dei. Vnde cōstat, toto illo tempore fuisse re-
clusum, vel saltem non permissum excedere
Roma. In fine autem biēnij fuit martyrio co-
ronatus cū Petro. Accedit huc, quod si vsq;
ad Hispaniā fuisset peregrinatus, Lucas ipse,
qui tanto studio omnia naufragia & stationes
sigillatim sua est historia persequit⁹, hæc
tam insignem apostolicam functionem non
prætermisisset. Constituerat enim (vt vide-
tur) Apostolorum Actus vsq; ad postremos
carceres Pauli percensere. Vel si non Lucas,
saltē non defuisset, qui rem tam memorabi-
lem memoriæ proderet: sicuti de Iacobo fa-
ctum est. Vnde concors est doctorum senten-
tia, epistolas illas sex aut septē, quas in pro-
logo dicebamus à Roma destinasse ad diuer-
sas Ecclesias, in vinculis dictasse. Igitur sicuti
Corinthiis pollicitus fuerat, se ad illos con-
cessurum, apud quos nihilominus posteriori
se epistola purgat, dicens, non fuisse vsum le-
uitate, licet nō soluisset promissum: eò quòd
nō esset in sua facultate situm, est, & non, sed
in diuina voluntate, ita & in proposito dicen-
dum est, quòd ipse proposuit itinerare in Hi-
spaniam, sed Deus aliter disposuit. Et talis est
sententia ac responsio apud Gelasium papā,
quòd Apost. non fefellit, nec fuit sibi contra-
rius, eò quòd cū ad Hispaniā se promississet
iturū, dispositione diuina, maioribus occupa-
tus causis, implere nō potuit quod promisit.
Quod si quis obiecerit, Cū esset propheta,
quomodo nō præuidit obstitura impedimē-
ta anteq̃ polliceretur. Respondetur, quòd in
his quæ nō erant ad salutem necessaria, nempe
vbi non cōdebant, neq; exponebant scrip-
turam sacram, non erat necesse, vt omnia
Apostolis futura reuelarentur diuinitus spiri-
tu prophetico. Constat enim Helisæus
quòd Deus celauerat eum mortē filij Sum-
CC 3 nami-

Act. 28.

22. q. 2. can.
beatus Paul.

Argumentū.

4. Reg. 4.

namitidis. Quin verò & Paulo ipsi Agabus propheta prenunciauit, quemadmodum alli-
Ast. 11. et. 20 gendus esset à Iudæis Hierosolymis, tradendusq; in manus Gētū, quod ipse ignorabat.

Nunc igitur proficiscar in Hierusalem ministrare sanctis. Probauerunt enim Macedonia & Achaia collationem aliquam facere in pauperes sanctos, qui sunt in Hierusalem.

Quoniā pollicitus est, inuisurū se illos, ne videatur tēpus sine causa protrahere, subiūgit necessitatē, per quā non sibi licebat eò statim properare. Ob idq; ait (*Hinc statim proficiscar in Hierusalem.*) Textus Græc⁹ habet de præsenti, proficiscor ministrās. Sed cū futurum à præsenti sola vna litera distet, non est certū an olim fuerit futurum. Et ad sententiā nihil omnino refert, iam enim sese accingebat ad

Augst. iter (*Ministrare sanctis.*) Augst. post alios super epistolam ad Gal. & in lib. de catechizandis rudibus hanc eleemosynarū rationem deducit ab illo Christianorum instituto, quod cō-

Ast. 4. fluentes ad baptisina, quibus erat cor vnū, & anima vna, nihil suum dicebant, sed ponebāt sua quisq; propria ad pedes Apostolorū, quę singulis, prout cuiq; op⁹ erat, distribuerētur. Hoc autem non fiebat nisi tantūm Hierosolymis, & in circumiacente Iudæa. Neq; verò compellebātur Christiani vniuersi id facere, sed in suo cuiusq; erat arbitrio: vt colligitur ex capitulo statim quinto. Vbi Ananię, qui fraudauerat de pretio agri, ait Petrus, Nonne manens tibi manebat, & venundatum in tua erat potestate? Quocirca nō omnes Christiani erāt in tali paupertate, sed tamē cōplures: & præcipuē sacerdotes, & Ecclesiarum ministri, quibus tunc nō erant decretæ decimæ. Neq; omni tempore laborabant inopia, sed tunc maximē ingruente illa fame: quam cū

Ast. 11. Agabus propheta significasset per spiritum famem magnam futuram, quæ fuit sub Claudio, discipuli proposuerūt in ministeriū mittere habitantibus in Iudæa fratribus per manus Barnabæ & Pauli. Quapropter ait ad

Gal. 2. Gal. quod cū ipsi segregarentur ad prædicandum Gentibus, hoc insuper negotium acceptarūt, vt memores essent pauperum: illorum nimirum qui erant in Iudæa. De quibus quidē eleemosynis meminit in vtraq; epistola ad Cor. Et quanuis dum priorem ad illos

daret, nondum certò statuisset, an ipse per se delaturus esset easdem eleemosynas, an per alios missurus (vt legitur cap. vlt.) tandē ipse negotium suscepit. Vbi dignissimum adnotatur esse munus dispensandi eleemosynas, vt cui præcipui Ecclesiæ prælati destinantur. Neq; ait tantū, asportare, sed, ministrare: ibat enim vt ipse illas distribueret pro cuiusq; necessitate. (*Probauerūt enim Macedonia & Achaia.*) Propinquæ erāt regiones (*Collationem aliquam facere.*) Harum collationum formam præscribit Corinthiis loco modò citato. Alij autem vertunt, communionem, seu communicationem, propterea quod diuites communicabant pauperibus bona sua. (*In pauperes sanctorum qui sunt in Hierusalem.*) Hoc est, in subsidiū, & ad subleuandam egestatem pauperū. Non enim ait, in totam urbem, vel, in omnes sanctos, sed, In pauperes sanctorum. Hoc est, in eos qui ex numero sanctorū pauperie premuntur. Atqui hac quidē collectarum commemoratione allicere cōtendit & Romanos, vt aliorum exēplo adducti, simili beneficio eandē beneuolentiā proferāt in eosdē Hierosolymitanos, quibus vtroq; nomine & iure tenentur: nempe & naturali lege, quia pauperes erant: & Christiana pietate, quia sancti. Simili enim modo & Corinthios loco iam dudum citato allexit Galatarum exemplo. Quin & Galatas ipsos, Macedones & Acheos vehementer extimulat, vt maiora ac maiora faciāt: dum eos in exemplū profert talis enim debet esse antistitis prudentia in laudandis subditorum officiis.

Placuit enim eis, & debitores sunt eorum. Nam si spiritualium eorum participes facti sunt Gentiles, debent & in carnalibus ministrare illis.

Subdit causam ac debitū collectarū eleemosynarū. (*Placuit enim eis, & debitores sunt eorum.*) Idē verbū Græcū quod suprà retulerit per, probauerūt, vertit hic per, placuit, id quod nō est illi dandū affectationis vitio: quandoquidem id fecit propterea, quod cū eiisdē sint ambo significatus, vnum per alterū elucidatur. Et præterea quia optimē coherent, placuit, &, debitores sunt. Est enim auxesis. Ac si dixisset, Non solūm id debito fecerunt. Similia enim misericordię officia penē connexas habēt *Eleemosynarū debitum:* rationes consilij & debiti. Est enim debita eleemosyna

mosyna de superfluo iis qui in extrema sunt, vel graui necessitate: extra illos autem casus, opus est consilij. At quoniā neq; liquidò semper constat, quando adfit tam grauis necessitas, neq; equi sumus iudices, quid nobis sufficiat, quidq; redundet: neq; verò sit lege semper definitum, quātū debeas erogare, nemo debet Christianus tā graues spectare necessitates, nec tam rigidè seruare statum suū, nec tam parcus esse in operibus misericordiæ, siquidem illi hæc rependuntur, qui pro nobis propriam dispendit vitam. Vnde Apost. vbi animare contēdit Corinthios ad huiusmodi

2. Cor. 9. eleemosynas, Vnusquisq; inquit, prout destinauit in corde suo, & non ex tristitia, & necessitate, &c. (*Nam si spiritualium participes facti sunt Gentiles, debent & in carnalibus ministrare eis.*) Subnectit causam illius quod dixit, debitores, nam qui recipiunt spiritualia, debent eos alere qui illa ministrant. Hinc nonnulla capitur coniectura, quòd vbi suprā dixit, In sanctos, peculiariter intellexerit ecclesiasticos, sacramentorum scilicet & verbi administratos. Nam isti erant propriè, per quos, Gentiles participabāt spiritualia. Tamen si licet ad pauperes omnes referatur, quod probabilius est, stat etiā tunc ratio. Nam Hierusalem, quò missus est ad Iudæos peculiariter Christus, vbi & patrata sunt salutis mysteria, & illustrator spiritus linguis donauit promulgatores verbi, censetur ab Apostolo, sicuti emporium, vnde diuulgata, deriuataq; est fides in orbem, atque adeò tota Hierusalem existimata est communicasse spiritualia per Apostolos & discipulos, inde per orbem dimissos. Vnde supra cap. 9. de Iudæis aiebat, Quorum adoptio est filiorum, & gloria, &c. Et cap. 11. iudicauit Gentes vt ramos insertos oliuæ, adscitosq; in socios pinguedinis. Sed vide nō ait spirituales ministros debitores esse spiritualium. Nam licet prædicatores, dispensatoresq; sacramentorum, antea etiam quā vllas recipiant eleemosynas, ex officio teneātur disseminare verbum, aliāq; præstare spiritualium munia, & maxime Apostoli & discipuli, legatione fungentes Christi, sunt tamen beneficia hæc Dei, nihil debentis hominibus, atque adeò gratis illis impēsa: quæ ideo gratis etiam administranda sunt. Attamen populus verè debitor est illos sustentandi. Non quidem ratione iustitiæ commutatiuæ, sicuti ex emptione & conductione contrahitur debitum: non enim venduntur spiritualia: sed tamē illo iure, quo tēporalia sunt

*Spiritualia
nō debentur,
sed tēporalia*

propter spiritualia, ceu est propter animam corpus. Et ideo non ait, quòd sicuti Gentiles emerunt, sed, sicuti participes facti sunt spiritualiū. Neq; ait, quòd debēt soluere id quod receperūt, quippe quod nullo est pretio estimandum, sed quòd debent ministrare: nempe sicut illi ministrāt in spiritualibus. Vt sint in summa ecclesiastici (quemadmodum hic ait August.) tanquam milites Christi, plebes autem, tanquā stipendiarij, prouinciales. Appellatione autē carnaliū, omnia veniunt temporalia, quæ carni famulantur. Sed dixit, In carnalib⁹, tum q̄ carnalia & spiritualia, sicut spiritus & caro, recta ex diametro opponuntur, tum etiā quòd satis deberent esse contenti ecclesiastici viri subsidio necessario, ad sustentationē vitæ, quæ noīe carnis designatur.

August.

Carnalia.

Hoc igitur cū consummauero, & assignauero eis fructū hūc, per vos proficiscar in Hispaniam: scio autem quoniam veniens ad vos, in abundantia benedictionis Euangelij Christi veniam.

Præmissio negotio quod eū remorabatur, repetit pollicitationē suā, q̄ cū id consummauerit, statim demigratur⁹ sit in Hispaniā. (*Hoc igitur cū consummauero, & assignauero.*) Seu cōsignauero, & obsignauero (*Eis fructū hūc.*) Vide quanta cū dignitate de eleemosynis loquatur. Nō enim eas sic simpliciter appellat, sed fructū. Veleorū scilicet pauperū qui eas recipiebāt, veluti subsidia, quæ ob recepta spiritualia munera Gentes illis rependebāt pro suis laboribus: secundum illud, Si nos vobis spiritualia seminamus, magnū est, si nos temporalia vestra metamus? In quo sensu, assignauero, idem est quod, in ærariū pauperū, quasi communē eorum fructum sibi debitū reposuero. Vel forsan appellat fructum eorundem ipsorum qui eleemosynas erogabāt, thesaurizantes, iuxta verbum Euangelij, thesauros suos in cœlis, vbi ab ærugine & rutilatione non corroduntur. Vnde secundum hunc sensum, assignauero, idem est quod, recondidero in cœlestem thesaurū, quo in æterna beatitudine largitores ipsi perfruentur. (*Per vos proficiscar in Hispaniam.*) Id est, per vos transibo. Et, per vos, id est, adiutus opera vestra, per quorum auxilia à vobis (vt nuper dixit) illuc deducar. (*Scito autem.*) Hoc est, confido in misericordia Christi. (*Quoniam veniens ad*

Eleemosynarū dignitas.

1. Cor. 9.

Mat. 6.

vos, in abundantia benedictionis Christi veniam.)

Codices qui nunc habentur Græci, habent alium genituum, In abundantia benedictionis Euangelij Christi. Et ita legit consultò in commento Chrysost. dicens, quòd hic adiecit, Euangelij. Origen. autem non legit: unde fit verisimile, non extitisse in exemplari, quovsus est noster interpres, Neq; quidpiam momenti vel adfert, vel aufert sententiæ. Et quanuis id quod interpres trāstulit, In abundantia, transferre potuisset, In plenitudine, tamen cūm nomē vtrāq; ferat significationem, vsus est moderatori verbo. Nam, In plenitudine, quandam præ se videtur ferre insolentiæ notam: quasi allaturus esset ipse benedictionis plenitudinem, completumq; & perfectionem. Abundantia, autem solūm significat maiorem copiam, quā tūc habebant. Erat enim mos vetus (vt ait Chryso.) eleemosynas omnes, benedictionem appellare, hoc est, benignitatem ac largitatem. Vnde

1. Cor. 9. ad Corinth. Et præparent promissam benedictionem, scilicet, eleemosynam, tanquā benedictionem, id est, affluentiam, non tāquam auaritiam: nam, Qui parcē seminat, parcē & metet. Vnde ad vtrūq; eleemosynarum genus potest hoc referri, spiritualium scilicet & temporalium. Sunt autē, qui non intelligāt dixisse hic Paulum, allaturum se illam benedictionis abundantiam, sed inuenturum illic multiplicatam iam gratiā Euāgelij per alios. At verò phrasis alium suggerit intellectum: nēpe quòd vel ipse esset allaturus, vel quòd cum eius aduentu prouētura esset illa abundantia. Id quod congruenter respondet propositioni exordij, vbi dixit, sæpe proposuisse venire ad eos, vt aliquem fructum haberet in eis. Neque verò hoc Paulo attribuendum est arrogantē, siquidem nō suis viribus subnixus, hoc pollicetur, sed virtute Christi. Atque hoc potius adiecit in laudem & commendationem ipsoꝝ, quā quòd se ipsum extulerit. Ac si dixisset, Spero adeo vos esse paratos in Euāgelium Christi, adeoque aui-

In plenitudine.

Obsecro ergo vos fratres per dominum nostrum Iesum Christum, & per charitatem Sancti spiritus, vt adiuuetis me in orationibus pro me ad Deum, vt liberer ab infidelibus, qui sunt in Iudæa, & obsequii mei oblatio accepta fiat in Hierusalem sanctis, vt veniam ad vos in gaudio, per voluntatem Dei, vt refrigerer vobiscū. Deus autem pacis sit cum omnibus vobis, Amen.

Sequitur tandē quinta postremaq; particula huius capituli, quæ cōclusio est totius epistolæ, eadēq; cōgruentissima. Etenim quoniam à precationibus exordiū sumpsit, quas ipse pro Romanis fundebat: nam sine intermissione, inquit, memoriam vestri facio semper in orationibus meis, iure optimo in calce easdem vicissim ab illis repetit preces, à quibus & ipse adiuuetur, tanquā eorū Apostolus, qui illam sustinebat prouinciā, in eorum rem & commodum. Vnde meritò Christianis in morem abiit, tali facie postulationis orationum, epistolas suas concludere. Vbi & consideratē præterea animaduertendum est, quanti facienda sint fratrum suffragia, & maximē vbi duo vel tres congregantur in nomine Christi, quando vas electionis Paul. tot muneribus, gratiarumq; priuilegiis ditatus diuinitus, tanta cum obsecratione à Romanis, tunc in fide nouitiis, illa efflagitat. Quod si viuentium in hac militia tanti æstimandæ sunt huiusmodi orationes, quanto sunt maiori pretio habēdę illę triumphantium in conspectu Dei, qui cum ipso absoluta sunt charitate coniuncti, qua & nos maximē prosequuntur. Quo fit, vt si Deo gloria est, vt viuentes in hoc seculo mutuis nos adiuuemus precationibus, quas alij ab aliis vicissim petam⁹ apud ipsum, multò erit maior, vt easdem ab illis triumphantibus cœlicolis expostulemus. Vnde & liquidò cōsequitur, vt ipse illis preces repræsentet nostras, contra quam suis Lutherani persuadere pertendunt. Igitur Paul. in sua professione ad Hierosolymas, vbi & infidiæ illi à Iudæis neciebantur, & acceptum optabat fieri officium suum & munus, sanctas orationes deposcit, quibus

Quinta pars capituli.

Suffragia plurimi facienda.

quibus in vtroq; adiuuetur. Sunt autē in hoc textu particulæ quatuor: nam primum præmittit obsecrationem per duo sacra, mox subdit duo, in quibus cupit orationum presidium: deinde supponit, quo fine illa desideret: ac postremo bene illis ipse vicissim precatur. (*Obsecro ergo vos fratres.*) Obsecratio, est obtestatio per sacra: quæ duo idcirco maxima subnectit. (*Per dominum nostrum Iesum Christum.*) Cuius & legatione fungimur, & negotia gerimus, causamq; agimus, pro qua factus homo non recusauit ipse mori. (*Et per charitatem sancti spiritus.*) Quam ipse tanquam spiritus Dei, & Christi, & virtute eius redemptionis effudit in nos abunde, vt vno teneremur vinculo, vnumq; essemus in Deo, sicuti & pater, & filius, vnum sunt. Haud veruntamen hic meminit patris, quoniam in hac epistola nullam iniuit de Trinitate disputationem, sed de Christo redemptore, deq; satisfactore spiritu sancto: per quas relatiue per sonas & pater quoq; ipsarum origo insinuat. (*Vt adiuuetis me in orationibus pro me ad Deum.*) Obsecrationi appendit petitionē. Quod autem hic ait, adiuuetis, vehementiorem habet græcæ significationē, puta, adiuuetis periclitantem in pugna: hoc est, simul mecum vestris orationibus pro me fusis ad Deum, pugnetis, seu agonem sustineatis. Et quanuis Origen. vel eius interpres hoc referat ad pugnam, qua Paul. per orationes etiam pugnat, vt sit tandem sensus, Vt adiuuetis me in agone & certamine orationum persistētem. At forsan tamen congruentius refertur ad alios eius labores & pericula: vt palam fit ex subiuncto continuo textu. (*Vt liberet ab infidelibus qui sunt in Iudæa.*) Ecce vnum in quo prius suppetias exoptat. Haud te vlla tamen attingat cogitatio, quod qui supra dixerit, neque per vllum periculum, per persecutionē, aut gladium potuisse dimoueri à charitate Christi, optet modo liberari à Iudæis, ob metum aliquem persecutionis aut mortis, quam paratissimus erat oppetere pro Christo: sed tamē quod in agro dñi vberiore posset ferre frugem, procurat sanctissimis mediis iuxta voluntatē Dei, prolongare vitam. Coarctabatur enim ē duobus desiderijs: cupiebat inquam, vna parte dissolui, & esse cum Christo, sed ex alia tanquam meliori, permanere propter fratres. Atqui iam ei animus forsan prælagiebat periculum mortis, quā post per tulit. Vnde in illo postremo itinere, quo capi

Aet. 20.

endus festinabat Hierosolymas, Et nūc ecce

inquit, ego alligatus spiritu vado in Hierusalem, quæ in ea vêtura sunt mihi, ignorās: nisi quod spiritus sanctus per oēs ciuitates mihi protestatur, dicēs, quoniam vincula & tribulationes Hierosolymis me manent. Ecce quo modo in confuso, & successu temporis reuelabat Paulo spiritus sanctus vincula: non autem qualiter esset tradendus in manus Gentium, quod post prædixit ei Agabus. Quocirca forsan hic nō appellat infideles, eos solos Iudæos, qui nondum susceperant Euangelium, verum & pseudo apostolos, qui etiam si crediderant, æmulatores tamen erant legis, obiiicientes Paulo, quod discessionē doceret à Mose eorum qui per Gentes erant Iudæorum, dicens, non debere eos circumcidere filios suos, &c. Hac enim de causa, & quia Gentiles induxerat in templum, coniectus est in vincula, vt ibidem refertur. (*Et vt obsequii mei oblatio accepta fiat in Hierusalem sanctis.*) Alterum ob quod fauorē petit, est, vt acceptabile fiat munus suum sanctis, quibus eleemosynas defererebat. Et quidē græcæ non est, nisi, Vt ministerium meum acceptum fiat. Et videtur aptius conuenire rei veritati: nam Paul. nō erat, qui tale eleemosynarum obsequium offerebat, sed tantū minister, cuius sollicitudine cōfectæ erant, & ministerio mittebantur. At reuera idem pollet traslatio interpretis. Vbi enim ait, obsequii mei oblatio, non significat, eleemosynas esse Pauli, sed offerri per obsequium & ministerium Pauli. Imò Ambro.

Aet. 21.

Ambro.

Dubitatio

ptum ei sit: nempe vt eleemosynę nō fuerint, vel ex rapina, vel per vim extortę, &c. Nihil minus phrasis, In Hierusalem sanctis, egerimē ferret, vt esset ablatius: legendum est ergo in datiuo, vt accepta sit sanctis. Nectit enim membrum cum membro: nempe cupit liberari ab infidelibus qui sunt in Iudęa, ne ab illis p̄peditus, eleemosynas, vel nunquā perferat v̄q; ad Hierusalem, vel nimiū sero, quando gratiā temporis non habeant. Ait ergo, Et vt oblatio accepta illis fiat, & grata, tanquā optatissima. Ac si dixisset, & vt sanctis qui sunt in Hierusalem, hanc adferam cōsolationem, & recreationem, qua animos eorum exhilarē: vnde gratias Deo mecum referant de charitate & benignitate Gentilium, qui non ex tristitia, vel coactu, vel alia prauitate, aut vanitate ducti, sed pro eleemosynarum dignitate hilarib⁹ animis gratiosum hoc munus illis offerunt: quasi profitentes ac remunerantes spiritualia bona, quę per eorum delegatos concionatores susceperunt. (Vt veniam ad vos in gaudio, per voluntatē Dei.) Ad est finis prior, cur tā liberari perciperet à Iudæis, & falsis fratribus, q̄ gratum haberi obsequium suum apud sanctos: nempe vt vtrinq; gaudio perfunderetur, quod Romanis, dum ad illos perueniret, cōmunicaret. Et respondet illi verbo exordii, Osecrans, si quomodo prosperum iter habeā veniendi ad vos in voluntate Dei. Eadē enim ratione & hic appositum, per voluntatem dei, extra cuius ordinem nihil, aut tractabat vnq̄, aut animo proponebat. Et forsan quod ait, in gaudio, percusso id iam animo dicebat: futurū enim erat, vt nō cum gaudio, quod per hoc verbum intelligerent Romani, venturus esset ad illos, sed in compedibus, & cum catena: de qua, pertractus Romam, ait, Propter spem Israel catena hac circumdatus sum. Tametsi illud erat ei summum gaudium, cui nulla erat gloria, nisi in cruce domini. (Vt refrigerer vobiscum.) Hic est finis alter prioris, ob quem, videlicet cum gaudio, optabat Rōnā progredi. Alii transferunt, & alii, vt requiescam. Sed idem est, refrigerer: nam quid est refrigerium, nisi requies quēdā, & refocillatio. Quo verbo respondet exordium, vbi aiebat, ad confirmandum vos, id est, simul confirmari in vobis. Et ait, refrigerer, conspectu vestro ab æstu laborum, anfractuum, periculorum, & aduersitatum, quę perpeffus sum inter Gentes. Quo etiam refrigerationis verbo videtur, licet futurorum hac parte nescius, carceres

suos prædicere, Romę futuros, quorum refrigerio qui fuerat peregrinationibus fatigatus prædicationibus attritus, iactatus pelago, laboribus deniq; confectus, recreandus erat.

(Deus autem pacis sit cum omnibus vobis.) Prius quidem dixerat, Deus autem patientię & solatii det vobis id ipsum sapere, hoc est, animorum concordiam. Deinde, Deus autem spei, repleat vos omni gaudio: nimirū quod concordię prouentus est: iam nunc vero in epistolę conclusionē, Deus inquit, pacis sit cum omnibus vobis. Quo quidē verbo ostēdit, totum epistolę argumentum huc instituisse, vt in pace eos, & concordia, & ynanimitate confirmaret, qui proprius effectus est atque adeo irrefragabile testimonium susceptę fidei. Optimē ergo concludit, quod cap. 5. iubere proposuerat illis verbis, Iustificati ergo ex fide, pacem habeamus ad Deum, per dominum nostrum Iesum Christum (Amen.) Sic fiat.

CAPVT. XVI.



Commendo autem vobis Phœben sororem nostram, quę est in ministro Ecclesię, quę est Cenchreis, vt eam suscipiatis in domino dignē sanctis, & assistatis ei, in quocunq; negotio vestri indiguerit etenim ipsa quoque assistit multis, & mihi ipsi.

Capitulum hoc postremum salutationibus totum expensum est. Id autem quinq; particulis distribuitur. In hac enim prima breuissima commendat Romanis Phœben *Distributio capituli.* Cenchrensem, latricem huius epistolę, quam misit (vt diximus ab initio) à Corintho, cui⁹ portus est Cenchrę. In secunda, Salute Priscam, saluere iubet plurimos Christianorum qui agebant Romę. In tertia verò, Rogo autem vos, iubet illos cauere ab pseudo apostolis. Sed in quarta, Salutat vos, salutes mittit Romanis, eorum qui in Achaia erant cum ipso. Ac deniq; in quinta, Et aiunt, epistolam absoluit per gratiarum actionem, quas refert Deo. Solennē quidem erat Paulo, vt in omnibus suis epistolis cernere est, finem epistolę saluta-

salutationibus occupare. Id quod apud Marcionem (vt infra videbimus) & alios hæreticos non nihil eius autoritatis deterebat, & extenuabat: nempe quod tãram in salutationibus haberet rationem priuatarum personarum, & maximè muliercularum. At profecto qui ebullientem tunc Christi sanguinem feruentemq; adeò charitatem inter fratres puillam tunc Ecclesiæ fuerit contẽplatus, lōgè aliter sentiat. Erat enim tũc maximè operẽpretium, ad incitandam, fouendamq; nascentem religionẽ, insignes personas omnibus esse notas, vt mutuis virtutis exemplis, sese omnes extimularent & promouerent: inter quos vel hac ratione sanctitas coalesceret inter gentes Christiani nominis inimicas. Erat quoq; ad rem decentissimum, suis quemq; laudib; prosequi, qui aliquid emolumenti, suis, vel fauoribus vel sudoribus attulissent Ecclesiæ, vt alii ad similia excitarentur. Qua quidem de causa Apost. neminem ferè huiusmodi salutationibus nominat, quem non suis titulis & virtutibus efferat, & exornet. Erant enim tũc persone illæ (vt Chrysost. luculentur disseruit) digniores multo, quæ in pretio haberentur, quàm ditissimi modo homines, & inter seculares clarissimi. (*Commendo vobis Phœben.*) Proprium nomen est insignis mulieris: ac si dicas, Lunam, quæ hospitio suscipiebat discipulos, ac, pauperes Christi: quam ideo appellat sororem nostram, sicuti & viros appellat fratres. (*Quæ in ministerio est Ecclesiæ quæ est Cenchris.*) Id est, quæ victum ministrat, & necessaria Ecclesiæ, vtputa, sanctorum congregationi, qui commorantur Cenchris: pauperibus scilicet, & illis præsertim, qui ministri erant verbi, & sacramentorum dispensatores. Alii transferunt, Cenchreis, vt sit nomen trisyllabum. Sed tamen de orthographia priorum nominum vix esse potest certa notitia, neq; apud Latinos, neque apud Græcos. Quocirca neq; de hoc, neq; de cæteris nominibus, quæ hic subscribuntur, magna nos vexabit sollicitudo, quibus sint characteribus exaranda. Igitur, quæ est Cenchris, idem est, quod Cenchrensis. Et refertur, non tam ad Phœben, quàm ad Ecclesiam. (*Vt eam suscipias in domino dignè sanctis.*) Quoniam, dignè sanctis, non adeò redolet latinam phrasim, quàm græcam, sunt qui legant, dignè satis, sed profectò frigidior tunc esset oratio. Neq; dubiũ est, quin legendũ sit, dignè sanctis. Maxime cũ græcè tam sit magna distãtia talium vocum. Et est forsan hebraismus, ac si dixisset

Denominib;
propriis

pro sanctorum dignitate: hoc est, prout sanctos decet. Siue illud referas ad Phœben, puta, prout condecens est, & dignum, suscipi, tractariq; sanctos: siue referatur ad ipsos, qui hospitio debent recipere peregrinos, videlicet, prout decet sanctos, vt recipiant, tum externos omnes, tum maximè probos. (*Vt assistas ei.*) Quauis (vt Paul. instituit Timotheum) nemo militans Deo, implicare se debeat secularibus negotiis, ea ratione qua seculares homines sese illis immergunt, neu ad aucupandum fauorem populi, neu ambitus, vel lucri gratia, tamen pietatis officia & misericordiæ in negotiis beben collocari, pupillorum maximè ac viduarum: quorum causæ sunt in sacra scriptura tanta inculcatione cõmendatæ: idq; præsertim quando tales personæ frugi sunt, vtilesque Ecclesiæ. Enimuero sicuti (vt docebat paulò ante Paul.) illi, qui spiritualia suscipiunt, refundere debent tẽporalia sua, ita & vice versa viri religiosi non se debent subducere, si, quatenus metæ suæ religionis negotia illis secularia limittant, & circumscribunt, fauere vllò modo in temporalibus possunt suis benefactoribus: vel eatenus saltem quatenus non fiat illis iniuria, vsque adeò est iustitia, digna virtus, quam vniuersi tueantur mortales. Cum ergo Phœbe esset Ecclesiæ fructuosa, rogat Romanos Paul. vt ei assistant, hoc est, opulentur & patrocinentur. Cum enim Achei, provinciales essent Romanorum, & Phœbe matrona esset illustris (vt coniectare inde vel maximè licet, quod per ipsam Apost. scripserit, & Romanis, & de re tam egregii momenti) vsu venerat, vt negotia haberet Romæ, in quibus fauore indigebat & patrocinio: ob idque ait (*In quocunq; negotio vestri indiguerit*) Seu, vobis indiguerit. Dicimus enim, te, & tui indigeo. (*Etenim ipsa quoq; assistit multis, & mihi ipsi.*) Et ex his quoq; verbis argumentum sumitur quod esset fœmina præcipuæ autoritatis Cenchris. Atqui ex ista commendationis forma collectum est, per hanc matronam esse hanc epistolam. Neq; verò est cur debeat vllus miraculum reputare, quod negotium tanti ponderis & autoritatis committeret sapientissimus Apost. vni fœminæ. Haud enim iudicanda est Ecclesia in sua infantia, de maiestate quã modo in tẽporalibus habet. Tunc enim cũ nõ esset tãta personarũ copia, vt posset vir aliquis maioris autoritatis, tanto maioris, terrarumq; tractu mitti Romã ex Achaia, nil mirũ si sanctę fœminæ, Ecclesiæq; Cenchrensis

2. Tim. 2.

Iustitia.

Epistola per
Phœbe missa

chrēsis fautori & hospitæ, & quæ nō erat plebeia, sed, quæ creditur cum comitatu & comitatu ad nauigasse Romam, epistolam concederet Paul. Cui quidem epistolæ nihil inde apud Romanos deperibat vel fidei, vel maiestatis.

Salutate Priscam, & Aquilam, adiutores meos in Christo Iesu, qui pro anima mea suas ceruices supposuerunt, quibus non solum ego gratias ago, sed & cunctæ Ecclesiæ Gentium: & domesticam Ecclesiam eorum.

Secunda pars capituli.

Orig.

In hac secunda parte capituli, saluationes intexit, quas ad personas mittit, tunc Romæ degentes, numero vigintiocto. Etenim Roman scribens, quo vndiq; terrarum Christiani concurrebant, multo plures mittit salutationes, quàm in aliqua cæterarum epistolarum. Neq; numeri prolixitatem fastidit, dū modo officium præstet christiani pectoris. Primi ergo sunt Aquila, & Prisca, eius vxor. Quauis vxorem prænominauerit, eò forsan quod ob insignem probitatem præclari esset nominis. Atqui secundum Origenem & Chrysostomum, hi sunt illi duo ciues Corinthii, quorum hospitio exceptus est Paul. dū Athenis veniret Corinthum. Qui quidem Aquila professione Iudæus, genere fuit Ponticus, cuius vxor illic non Prisca, sed Priscilla vocatur: nisi forsan diminutiū sit ab eo quod est, Prisca. Eratque eiusdem artis cum Paulo, puta, scēnificatoræ, hoc est, consuendorum tabernaculorum. Qua de causa dicitur Act. 18. ad illum diuertisse, cum applicaret Corinthum. Neque Corinthi modo, sed & Ephesi prius constat habitasse. Ex quo loco cum Paul. misisset ad Corinthios priorem epistolam, quæ hanc antecessit, ait cap. vltimo inter alias salutationes, Salutant vos in domino ~~Paul. & Priscilla~~, & Priscilla, cum domestica sua Ecclesia, apud quos & hospitor *Adiutores meos in Christo Iesu.* Non quidem adiutores in prædicta arte mechanica, sed vel in prædiciis, subsidiisq; sufficiendis euangelicis viris: vel forsan in persuatione ipsa euangelica: erat enim fortè personæ potentes, non modo facultatibus huius mundi verum & opere & sermone. (*Qui pro anima mea suas ceruices supposuerunt.*) Hoc credibile est contigisse in periculo, quod eodem capite, Act. 18. legitur

subiisse Corinthi. Quauis nonnulli hæreāt hoc loco, eò quod non videntur illis tempora conuenire: nam (vt illic scribitur) coniuges isti receperant se Corinthum, pulsi Roma edicto Claudii, qui inde ppulit Iudæos. Hæc autem epistola videtur missa Romanis, antequam isti Roma decederent, aliàs non iuberet eos saluere, quasi Romæ habitantes, ob id q; aiunt, de alio hic periculo meminisse Paulum. Sed tamen dicendum, quod isti bis fuerunt Romæ, vnde semel per Claudium relegati, aduentarunt Ephesum, & post, Corinthum, quando & Paulum tecto donarunt, suoq; ipsorum periculo, illum eripuerunt à furore populi: post verò cessante persecutione Claudii, reuerfi fuerunt Romam. Et fortè tanquā discipuli, ad propalandum Euangelium: siquidem eos appellat Paul. adiutores in Christo Iesu. Moram ergo illic trahebant, quādo hæc epistolam scripsit Paul. reduces ab Achaia: (*Quibus non solum ego gratias ago, sed & cuncta Ecclesia Gentium.*) Hinc constat, graue obuiisse periculum illustres hos Christianos, vt Paulum seruarent siquidem ipse contestatur, de eorum beneficio gratias illis haberi à cunctis Gentium Ecclesiis, tanquam de salute seruata sui proprii Apostoli. *Chaud tamen qui-* *Hic non fuit Aquila inter pres.*
spiam decipiatur, opinatus, hunc fuisse Aquilam, qui secundus fuit interpret veteris testamenti: nam licet & ille fuerit genere Ponticus fuit tamen) vt Epiphanius in lib. de mensuris & de scripturæ interpretibus, author est) post Christi passionem annis ferè ducentis: nempe sub adriano, qui abnegato, cui crediderat, christianismo, profelytus fuit, & circumcissus Iudæus, atq; adeo Christiani nominis infestissimus osor. Quem ideo Hierony. in prologo super Iob. inter iudaizantes hæreticos connumerat. Hic scripsit sub Sixto pōtifice octauo à Petro. (*Et domesticam Ecclesiam eorum.*) Videlicet Salutate. Domesticam Ecclesiam appellat familiam suam ob probatam religionem, & fortè celebrem inter christianos: propterea (vt ait Chrysost.) quod biennio habuerāt Paulum hospitio: à quo ideo fuere sanetè instituti. Et sit coniectura, hominem fuisse prædiutem, qui egentes Christianos in domum reciperet, quam veluti collegium instrueret, & gubernaret: similibus enim verbis vitur ad Corinth. Quocirca cum in græco expresse sit, Ecclesiam, gratiam, & energiā verbo detrahunt, illi, qui transferunt, congregationem: quod nomen & de quauis seculari vulgariquē congregatione prædicatur: cum tamen Paul.

Paul. ob claritudinem sanctitatis, appellauerit Ecclesiam: & quia hospitio credentes admitteret: vt post Origenem, Chrysost. quoque & Theophyl. adnotarunt,

Salutate Epānetum dilectum mihi: qui est primitiuus Asiæ in Christo Iesu.

Tertio loco collocat Epānetum, sibi dilectum. Alii scribunt sine diphtongo, & alii cum aspiratione, Ephānetum: sicuti Aquila, alii scribunt, Acyla. Sed nihil de hoc certi (vt diximus) venari possumus. Atamen si Græcus hic erat, verisimile est, scribendum esse, per diphtongum, sine aspiratione: vt Epānetus idem sit quod laudatus, vel, laudabilis. (*Qui est primitiuus Ecclesie Asiæ in Christo Iesu.*) Alii textus habent, non, Asiæ, sed, Achaia. Neq; habent, primitiuus, sed, primitiæ, quod germanius esse videtur verbo græco. Et, primitiæ Achaia, idem est quod, prima fruges christianismi in Achaia: puta, qui primus illic suscepit fidem. At eiusdem significationis esse potest & primitiuus. Nisi quod potest & pro eo quoque accipi, quod est, præcipuus inter fideles, vel Asiæ, vel Achaia. Sed tamen quantum ad prouinciam, licet Chrysost. cū suo Theophylacto legant, Achaia, non ideo fit inde compertum, ita scripsisse Paulum: non solum quod Latini legunt, Asiæ, verum quod antiquissimus etiam Origenes idē tidem, & crebrò ita legit, & ita constat extitisse in antiquissimo codice græco. Sed & argumentum Origenis magnum est. Nam in priori epistola ad Corinthios, vocat Apost. Stephanum, fortunatum, & Achaicum, primitias Achaia: inter quos non ponit Epānetum. Vnde idem Origenes. II. Homilia, super Numeros, Alios inquit, appellat Apost. primitias Asiæ; alios verò primitias Achaia. Probabile ergo fit, vt aliqui textum hunc græcū mutauerint, scribentes, Achaia, pro, Asia, eò quod sic erat in epistola ad Corinth. cum tamen illic non connumeretur iste Epānetus. Colligitur hinc autem, fuisse Achaicum, vel Asiaticum, qui in obsequium etiam fidei trāsmigrauerat Romam.

Salutate Mariam, quæ multum laborauit in nobis.

Interferit foeminas viris: & est Mariæ commendatio, quod multum laborauit erga Ec-

clesiam. Est veruntamen dubium, an legendum sit, laborauit in nobis, sicut est in textu græco, an verò, in vobis, quod non caret probabilitate. Nam de foemina non est adeò verisimile, vt de viris, quod prius fuerit in Achaia, vel in alio loco, vbi multum laborasset erga Paulum, & inde postea commeauerit Romam. Sed apparet probabilius, fuisse ciuem Romam, quæ operam nauasset nascenti Ecclesie Romanæ, fortè vt inter diuersos populos pacem componeret, alia uere opitu laretur. Quanuis nihil vetet, vt, sicuti Phoebe ita & hæc aliundè venisset Romam, essetque Paulo de facie nota.

Salutate Andronicum & Iuniam, cognatos & concaptiuos meos, qui sunt nobiles in Apostolis, qui & ante me fuerunt in Christo.

Alii legunt, Iuliam, inde adducti, quod nomen est Romanum. Ac si, Iulia, foemina esset, & forsan Andronici vxor. Sed multò est probabilius, legendum esse, Iuniam, vt sit nomen viri, Iunias. Secus autè de Iulia foemina, quā inferius nominat. Haud enim fuerant Romani, sed conuersi ex Iudaismo: vt patet ex subiunctis verbis. (*Cognatos meos.*) Hoc est, eiusdē mecum generis, puta, Iudæos: sicuti cap. 9. dixerat, Qui sunt cognati mei secundum carnem. Quanuis cum inter has salutationes nō omnes Iudæos appellet cognatos, forsan de alia cognatione loquitur magis peculiari, puta baptismali, vel spiritali quauis alia: vt infra ex Origene adnotauimus. (*Et concaptiuos.*) Non legitur de hac captiuitate, vbi nam fuerit: quo ideo nomine Chrysost. non peculiariter illos carceres, sed vniuersos Pauli labores intelligit. Orig. autem, captiuitatem, quæ erat sub culpa & sub lege. Sed est verisimilius, quod fuerint alicubi cum paulo à persecutoribus comprehensi. (*Qui sunt nobiles in Apostolis*) Magno hic nomine illos honorat, appellans eos non modo Apostolos, sed, ~~conspicuos~~ nobiles. Vnde coniecturam facit Origenes, fuisse ex numero septuaginta duorum discipulorum. (*Qui & ante me fuerunt in Christo Iesu.*) Id est, Qui antequam ego, susceperunt fidem. Ex quo etiam colligitur non infimum argumentum pro sententia Origenis: nempe quod fuerint tempore Christi, inter discipulos; atq; adeò Romam adiunissent, fungentes euangelico munere.

Salutate

Salutate Ampliatū, dilectum mihi in domino. Salutate Urbanum, adiutorem nostrum in Christo Iesu, & Stachyn dilectum meum. Salutate Apellem, probum in Christo. Salutate eos, qui sunt ex Aristoboli domo. Salutate Herodionem cognatum meum. Salutate eos, qui sunt ex Narcissi domo, qui sunt in domino. Salutate Tryphænam, & Tryphosam, quæ laborant in domino. Salutate Persidem charissimam, quæ multum laboravit in domino. Salutate Rufum electum in domino, & matrem eius, & meam. Salutate Asyncritum, Phlegontem, Hermam, Patrobam, Hermen, & qui cum eis sunt fratres. Salutate Philologum, & Iuliam, Nereum, & sororem eius, & Olympiadem, & omnes qui cum eis sunt, sanctos. Salutate inuicem in osculo sancto. Salutant vos omnes Ecclesiæ Christi.

Subscribit viginti duas præterea salutationes. (*Salutate ampliatus dilectum, &c.*) Græcè non est nisi, Ampliam, cuius rectus, Amplias, sicuti, Iunias. Sed interpres ex græco nomine, vel hebreo, fecit latinum. Sicut si ab Amyntas, dixisses, Amynthatus, vel à Iosyas, Iosyatus. Neque est dilectissimum, ut aliqui textus latini habent sed dilectum. Id quod & Origen. annotavit, dicens, quod quamvis nihil huic egregium videatur adscribere, tamen hoc ipso quod dilectus erat Paul. laudabilis est. (*Salutate urbanum adiutorem nostrum in Christo Iesu.*) Forasan erat & minister verbi. (*Et Stachyn dilectum meum.*) Fortasse erant sodales, vel alia necessitudine coniuncti: quos ideo eadem salutatione complexus est. Et quando aliud non addit honoris titulum, saltem appellat eos di-

lectos, quod inditium est eorum sanctimonie. (*Salutate Apellem, probum in Christo.*) Alii transferunt, probatum, Græcè tamen non est participium, sed nomen, probum, eiusdem tamen significationis. Et sunt qui putent) referente Theophylacto) dictum, Probum, ad differentiam alterius Apellis iniqui. Sed vide quantacum fide dispensat sua singulis encomia. Non enim ad captandam gratiam, sed iudicio suum cuique ius tribuit. Hunc ergo non ab officio, vel adiutorio, sed inde laudat, quod esset probatæ virtutis. Hæc namque; eximia erat commendatio, maxime ab ore Pauli, nescientis blandiri hominibus. Neque; (ut Chrysostomus adnotavit) quencumque appellat, vel dominum, vel quid simile, quod tantum ad honoris titulum spectet, sed illa penitus de singulis profert, quæ sunt virtutis. (*Salutate eos qui sunt ex Aristoboli domo.*) Hunc Aristobolum, ait Ambrosius. congregatorem fuisse fidelium: & quia ille forsan, vel mortuus erat, vel absens, domum eius, veluti scholam fidei, & morum, salutabat: citra quemcunque tamen titulum, tantum religionis tyrones. (*Salutate Herodionem, cognatum meum.*) Probabile est, fuisse Iudæum, nisi alia illi erat ratione cognatus: sicuti & de Andronico & Iunia prænotauimus. (*Salutate eos, qui sunt ex Narcissi domo, qui sunt in domino.*) Hunc Ambrosius. ait fuisse presbyterum, officio functum peregrini, qui exhortationibus firmabat credentes. Et quia nondum compertum erat Apostolo, an tota, quam collegerat familiam, firma esset in fide, non omnes salutabat, sed eos inquit, qui sunt in domino. Nemini enim salutem dicere consueverat, nisi ei, quem charitate censebat Deo coniunctum. Eum, quippe qui non amat dominum nostrum Iesum Christum, anathema esse iubet in alia epistola. (*Salutate Tryphænam, & Tryphosam, quæ laborant in domino.*) Eo scilicet modo, quo de Maria dictum est. Idemque; sentiendum & de Perside, de qua subdit, (*Salutate Persidem charissimam, quæ multum laboravit in domino.*) Nisi quod hanc superioribus prætulit, tum quod eam charissimam compellat: quamvis græcè non sit nisi, dilectam, tum quod multum ait laborasse in domino, exhortationibus scilicet, & subsidiis. (*Salutate Rufum electum in domino.*) Sicuti de Apelle diximus, ita & hunc non à ministerio ullo commendat, sed quod esset electus in domino. Id quod maximè encomiū erat. Non enim de illa tantum electione intelligit generali, quæ sunt omnes electi ante mundi constitutionem, sed significat, virum fuisse,

1. Cor. vii.

Eph. 8.

fuisse, selectę rareq; sanctitatis. (Et matrem eius) Scilicet, secundum carnem. (Et meam.) Vt quæcum maternis viscerib⁹ tractasset. Quod quidem verbum, & altam humilitatē Pauli profert, & egregiam adfert laudem illi sanctæ fœminæ. (Salutate Afyncritum, & Phlegontem, Hermam, Patrobam, Hermen, & qui cum eo sunt fratres.) Hos quinq; vna eademq; simplici salutatione comprehendit, cum suis sodalibus: erant enim forsan in eadem familia. Hermam prior loco ab Herimas: posteriori verò Herimen ab Hermes, quod est Mercurius. Illum autē Hermam putat Orig. fuisse authorem libelli, qui inscribitur, Pastor. (Salutate Philologum, & Iuliam, Nereum, & sororem eius: & Olympiadem, & omnes qui cum eis sunt sanctos.) Et hos quoq; ex eadem ratione citra vllum titulum salutat eò quòd nihil præstantius agnoscebat in illis, nisi quòd dignierant salutatione. Aliqui verò textus pro, Olympiadem, habet, Olympam, ab, Olympas. (Salutate inuicem in osculo sancto.) Ne illi qui præteriti erant absq; salutatione, aliis nominatis inuiderent, neu qui nominati erant, alios despicerent, subdit hoc pacis & concordie verbum, vt se inuicem salutet in osculo sancto, hoc est, non libidinoso: de quo vt in Prou. est, Apprehensum deosculatur iuuenem: neq; sub dolo, de quo ibidem, Meliora sunt vulnera diligentis, q̃ fraudulenti oscula inimici: sed sancto & honesto. Et al ludit (vt ait Oorig. ad osculū pacis, quo Christiani inter sacra se inuicem suscipiebant. (Salutant vos omnes Ecclesia Christi.) Percunctatur hic Origen. quo modo cum in vna esset Ecclesia Achaia, omnium nomine salutabat Romanos, et respōdet quòd id faciebat, eò quòd vnus erat spiritus Pauli, & omnium Ecclesiarum, quæ orationibus communibus pro omnium salutate precabantur. Sed forsan hoc affirmat de omnibus Ecclesiis, quas ipse perluastrauerat. Nam apud omnes mentionem habebat Romanorum, omnesq; illum forsan rogabant, vt communi nomine salutaret eos Christianos, qui erāt Romę: ad quam urbem vndiq; confluebatur.

Rogo autem vos fratres, vt obseruetis eos qui dissensiones & offendicula, præter doctrinam quam vos didicistis, faciunt, & declinate ab illis.

Tertia pars capituli. Cum probos & sanctimonia precellentes diuersis salutationibus honestauerit, suisque

extulerit honoris nominibus, in hac tertia parte capituli admonitionem subtexit, vt à prauis, fallisq; discipulis caueant. Habet autem pars hæc quatuor, quinqueuē membra. Proponit ergo exhortationem maxima cū dulcedine & suauitate sermonis. (Rogo autem vos fratres.) Siue, obsecro, dixeris, siue, oro. per parui refert: induit enim personam, non vel præceptoris, vel accusatoris, sed æqualis fratris, placidè consulētis, & cohortantis. (Vt obseruetis.) Hoc est, vt impediō q̃ solertissimè cōsideretis & perpendatis. Obseruat enim quis alterum, vel insidias ei tendendo ad nocendū iuxta verbum Psal. Obseruat peccator iustū, vel ad imitandum: secundum illud, Obseruate eos qui ita ambulant, sicut habetis formā nostram, vel ad fugiendum, quod hic precando admonet Paulus. (Eos qui dissensiones & offendicula, præter doctrinam, quam vos didicistis, faciunt.) Hoc verbo, secundum omnes enarratores, pseudo apostolos subnotat, qui legalia pertendebant Christianis obtrudere: vnde dissidia primū ac lites promanabant, quibus Ecclesia in sectas discindebatur: mox scādala & offendicula: quę (vt cap. 14. visum est) prouectiores, neq; inter cibos, neq; inter dies discernentes, obiciebant infirmis. Sed vide quemadmodum, veluti propriam ac peculia rē Christianorum, eam doctrinā censeat, quæ his per omnia repugnat dissensionibus, seditionibus, ac offendiculis: non solum quòd apud Esaiā ita cautum est, Auferte offendicula de medio populi mei, verū quòd in Evangelio nihil inculcatius, maioriq; cum vehemētia & exaggeratione docemur Christiani, quā charitatem & pacem. In hoc enim, inquit Christus, cognoscent omnes quia mei discipuli estis, si dilectionem habueritis ad inuicem. Et alibi, Beati pacifici: quoniā filii Dei vocabuntur. Nempe tanquam rex pacificus coadunans vtrūq; populum in vnum ouile, & pacificans quæ in coelis, & quæ in terra sunt. (Et declinate ab illis.) Non ait, Patienter ferte, toleratēq; illos, neq; Docete, aut, informate, sed, declinate ab illis. Quāquam enim perentia vlla est & probabilitas, quòd hæreticus, schismaticus, vel seditiosus, cæteri q; in bonum publicum pestilentes, ignorantia laborant, salutare est, & charitatis officium, illos blandè ferre, veritatisquē admonere. Nam ignorantia medicabile est vitium: sed vbi primū constat, proteruia iam, studioq;, & animositate herere suis sectis, statim declinandi sunt: secundum aliud etiam Apostoli præce-

Psal. 36.
Philip. 3.

Ioan. 13.

Mat. 5.

Col. 1.

Tit. 3.
2. Thes. 3.

præceptum, Hæreticum hominem post primam & secundam correptionem, deuita. Et, Subtrahatis vos ab omni fratre inordinate ambulante. Declinandi inquam, sunt, vel certe extirpandi, de medioq; tollendi: ne quorū salus membrorum deplorata est, eorum contagio reliquum inficiat corpus.

Huiusmodi enim Christo domino nostro non seruiunt, sed suo ventri: & per dulces sermones & benedictiones seducunt corda innocentium.

Subscribit secundo loco causam, cur debeāt Romani fugere talem hominum pestē. Huiusmodi enim inquit: nimirum homines, non seruiunt, Christo, sed ventri. Haud verū tamen existimes hic illos subindicare, qui nō discernentes cibos, sed omnia manducantes, scandalo erant pusillis. Perpetuat namq; orationem de pseudo apostolis, legalium patronis, ac propugnatoribus: in quibus describit hæreticos omnes & schismaticos, & eos qui tumultus excitant. Id enim omnes faciunt vētris causa, hoc est, vt suo genio indulgeant, suisq; fruantur cupiditatibus, & vt per quæstus auramq; populi ad maiores prouecti dignitates, nomina sibi faciant ampliora. Hęc enim omnia corporalia ac temporalia intelligit nomine ventris, quo significatur corpora rea hęc vita temporalis. Eadem quippe ratione ait ad Philippē. eorum eis ventrem esse pro Deo. Et ad Titum iactauit in istos illud Epimenidis, de Cretensisibus, Malæ bestię, vē tres pigri. Et Christus de eodem illos vitio criminatur, nempe qui amant salutationes in foro, & primas cathedras, & primos accubitus, qui & deuorant domos viduarum (Et per dulces sermones & benedictiones seducunt corda innocentium.) Benedictiones, idem est quod, bona verba: quasi assentationes & palpationes, per quas vafri homines seducunt corda innocentium. Appellat innocentes, simplices, &

Phelip. 3.
Tit. 1.

Luc. 20.

qui, acie ambulantes, sed sunt faciles, ob idq; sequaces cuiusq; doctrinæ. Sic enim illi falsi fratres sub ouina pelle (vt ait Christus) rapaces lupi, per talem blandiloquentiam inescabant plebem.

Mat. 8.

Vestra enim obedientia in omni loco diuulgata est. Gaudeo igitur in vobis. Sed volo vos sa-

pientes esse in bono, & simplices in malo.

Tertiò subdit etiamnum causam, cur eos duxerit sic admonendos. Eam autem causam inducit vrbaniſsimē, captata eorum beneuolentia, ab obedientia & obsequio. Est enim obedientia ita laudi danda, & commendanda, vt tamen cautio fiat, ne facilitas adfit cuiusq; credendi spiritui. Ait ergo. (Vestra enim obedientia in omni loco diuulgata est.) Alii transferunt, In omnes permanauit, sed profectò nō nihil versio hęc mutat sententiæ: significat enim quod Romani docuerint, omnes Gentes obedire. Vbi enim dicimus, cuiuspiam doctrinam permanasse in alios, id intelligimus, quod ab illo, ceu à fonte, fuerit talis doctrina deriuata. Paul. autem non vult dicere, nisi quod eorum obediētia adeo est celebris, vt omnibus fuerit nationibus diuulgata, & nota. Respiciens ad illud procemii, Fides vestra annunciat in vniuerso mundo: quod hic ait, In omni loco. Vnde sicut illic dixit, Primū gratias ago, quod fides vestra, &c.

ita & hic subdit. (Gaudeo igitur in vobis.) Eò videlicet, quod tam prompti sitis ad parendū Euangelio. (Sed volo vos sapientes quidem esse in

Vertex Christi
stiana milita.

bono, & simplices in malo.) En vertex quo totus Christianæ disciplinæ vsus versatur, si sapiēs sis ac prudens in bonum, simplex autem, rudisq; adeo ac syncerus in malum. Contrā quā de aliis ait Iere. Qui sapientes sunt, vt faciant mala: bene autem facere nesciunt. Nempe si quemadmodum solertissimus quisq; artifex nihil studii sui in aliis collocat, sed ea satagit perſcrutari & callere, quæ ad propriam artē attinent, illi soli inuigilat, & incumbit, vt no uis eam inuentionibus locupetet, ita & ty te præstiteris in omni virtutum cultura, cuius te proprium opificem Deus constituit. Puta si vbicunq; se materia obtulerit virtutis, illic summopere studeas, qua maximè ratione possis, illam suis numeris explere. Sed vbi materia se dederit, virtuti contraria, illic technas, & quæ ad sapientiam attinent secularem, vel ignores, vel dissimules, vel prorsus abhorreas. Verbi gratia. Vt ab Origene petamus exemplum, Si vbi pulsamur iniuria, non sumus callidi, non versuti, artes & argumenta quærentes, ad vindicandum nos, sed in hoc potius vires ingenii intendamus, vt propriam reprimamus iram, & (vt Paul. supra nos docuit) vincam⁹ in bono malum, stultiq; habeamur huius mundi, non reddentes malum pro malo, vt

Iere. 4.

lo, vt

lo, vt sapientes simus apud Deum, qui ait; Mihi vindictam, & ego retribuam. Pari ratione si reliquis virtutibus, humilitatis scilicet, iustitiæ & temperantiæ cognoscendis, comparandisq; , operam nauemus omnē & studiū. Enimvero in seculari disciplina, qua superbia gignitur, nutriunturq; reliqua vitia, quò minus fueris progressus, magis te arbitrare profecisse. Sed heu miseram sortem nostri humani ingenii. Quoniam affectio animi, acumen intellectus exacuit; & præsentia hæc sensuاليا vrgentius affectum permouent, quàm spiritualia, comparatum mortalibus est, vt filii huius seculi prudentiores sint filiis lucis: nempe vt plures modos, viasq; excogitent explendi animum suum, quàm filii lucis complendi

Miseram hominum sortem.

Sapientes vt serpentes. &c. Sapientes esse, vt serpentes, simplices verò sicut columbæ. Quò enim prudentia, vbi cum simplicitate columbina coniungitur, preciosior est; eò est perniciosior, si adiungitur malignitatis serpentis. Vnde malignus spiritus, quò nos in culpam proiiceret, callidi serpentis induit formam: paracletus autem spiritus, qui nos restituit in gratiam, sub effigie apparuit simplicis columbæ. Vt ad Paulum igitur redeamus, Optat Romanos sapientes fieri in bonum, simplices autem in malum. Nempe ne pro sapientia ducant, cuius præstare obedientiam, sed sapienter momēta doctrinæ, doctorumq; , liberent & expendant. Et vnde veritas eluxerit, illuc sapienter propendeant: sed à quibus prodierint humanæ fallaciæ, ab illis astutē & prudenter fugiant.

Sapientes vt serpentes. &c. Mat. 10.

Gen. 3.

Mat. 3.

Deus autem pacis conterat Sathanam sub pedibus vestris velociter. Gratia domini nostri Iesu Christi vobiscum.

Quarto loco imprecatur illis pacem & gratiam Dei, cuius fauore liberari queant à nequitia illorum, qui falsa illi dogmata prædicabant. Est autem consideranda antithesis inter Deum pacis, & Sathanam. Idem enim est, Sathanas, quod, aduersarius. Secundum illud Petri, Aduersarius vester diabolus, &c. & ille quidem aduersarius qui discordias ferit, & conserit bella. Vnde, vbi nos legimus, Suscitauit dominus aduersarium Salomoni, græcè est, Sathanam, qui aduersatur Salomoni, hoc est, pacifico. Ait ergo Paul. Deus autem pacis conterat Sathanā sub pedibus vestris velociter, Sathanam, hoc est, perturbatorē

pacis. Alii textus Græci habent, conteret, de futuro: & ita habent Græci: & sic legit Orig. & Chrys. in cōmento: quanuis de Chrysostomo nihil comperti habeam. Ait enim quòd non dixit, subdet, sed quod magis est, conteret, sed hæc tamen verba referens Theophyl. ait, Neq; subdat, intulit, sed quod acrius est, cōterat, dixit. Est autē certum, Theophylactum retulisse verba Chrysostomi. Quòd autem Theophyl. optatiuum legerit, ipse testatur, subiungens, Conterat verò, & optātis est, & prædicētis futurum. Atqui & per idem contestatur, nihil referre: nam verbum optatiui, per modum prophetiæ, vim quoq; habet indicatiui futuri. Neq; verò ait tantum, conteret, sed, conteret sub pedibus vestris, atq; id fiet velociter, hoc est, breui & celeriter. Et forsan spectat ad tempus sui aduentus. Poterat enim id citra iactantiam polliceri in virtutē Christi, qui, referente id Luca, Apostolis potestatem contulit calcandi supra serpentes, & scorpiones, & omnem virtutem inimici. Sicuti Malachias prædixerat illo vaticinio, Calcabitis impios, cum fuerint sicut cinis, sub planta pedum vestrorum. At verò non ait, Conteram ego, neq; Vos conteretis, sed, Deus conterat. Ad cuius maiorem explicationem subdit, (Gratia domini nostri Iesu Christi vobiscum.) Vbi probè adnotauit Orig. gratiam Dei, & gratiam domini nostri Iesu Christi, eandem esse. Nam eam ob causam, cum dixisset, Deus pacis conterat, vt significaret quicquid ad nostram redemptionem pertinet, per gratiam id Christi perfici, subiunxit. Gratia domini nostri Iesu Christi vobiscum.

Luc. 10.

Mala. 4.

Salutat vos Timotheus adiutor meus, & Lucius, & Iason, & Sosipater cognati mei. Saluto ego vos Tertius, qui scripsi epistolam in domino. Salutat vos Caius hospes meus & vniversæ Ecclesiæ. Salutat vos Erastus arcarius ciuitatis, & Quartus frater. Gratia domini nostri Iesu Christi cum omnibus vobis. Amen.

In hac breuissima quarta sectione mittit Romanis salutes, quorundam nomine, qui focii illi aderant in re euangelica. Sunt autem numero octo. (Salutat vos Timotheus, adiutor

Quarta pars capituli.

for meus.) Hoc est, collega & socius, & coepiscopus, & (vt ait Ambr.) consors laborum meorum. Hic (vt habetur Act. 16.) fuit Derbæus natione, patre gentili natus, sed matre Iudæa. Qua ratione fuit à Paulo circumcissus, ad sedandum Iudæorum tumultum. Fuit deniq; inelytus eius discipulus. (*Et Lucius.*) Hunc subopinatur Orig. fuisse Lucam Euangelistam, iuxta latinam declinationem. De quo ad Colossen. Salutat vos Lucas medicus carissimus, (*Et Iason.*) Hic Cyprius fuit genere, antiquus discipulus, qui Thessalonicae sese pro Paulo & Sylla obiecit populari furori: vt Actuum. 17. scribitur. (*Et Sosipater.*) Et hic quoq; Actu. 20. commemoratur Sosipater Pyrrhi Berrhœensis. (*Cognati mei.*) Hic sciscitatur Orig. quomodo Paulo, qui Tharsi Ciliciæ natus erat, & Hebræus genere, cognatus fuerit vel Derbensis Timotheus, vel Iason Thessalonicensis, vel Berrhœensis Sosipater. Nam si ob id appellauerit cognatos, quod erant Iudæi, omnes sic debuisset appellare Iudæos. Respondet ergo quod aliam forsan cognationem commemorat ex baptismo contractam. Nam licet non fuerit Paul. missus baptizare (vt eius vtamur verbis) sed euangelizare, baptizabat nihilo minus nonnullos, vt eodem loco ad Corinth. testatur. Sed de hac Origenis sententia illi iudices sunt. (*Saluto vos ego Tertius, qui scripsi epistolam in domino.*) Alii codices habent, Terentius, sed legendum est, Tertius, cum Origene, & Chrysostomo, & Ambrosio, qui ait, Tertius, nomine, non numero. Nam sicut apud Romanos prænomena erant, vel nomina, Quintus, & Sextus, ita & hic amanuensis Pauli appellabatur Tertius: & alius hic statim nūcupatur Quartus. Scribebat quidem sæpe Paul. manu propria totas epistolas: vt patet ad Galat. & ad Philemonem: vtebatur nihilo fecius aliquando manu alterius: sed tunc salutationē propria subsignabat: vt videre est in. 2. ad Thessa. ne à suis æmulis eius epistolæ adulterarentur. Fuit autem antiquus mos amanuensium, de facultate eorum, nomine proprio salutem dicere. (*Salutat vos Caius hospes meus.*) Quando Aquila erat Corinthi, apud ipsū hospitabatur Paul. sed illo absente, qui tunc erat Romæ, diuersa batur apud Caium, quem ipse baptizauerat: vt testatur. 1. ad Corinth. 1. (*Et vniuersa Ecclesia.*) In lingua latina, vbi genitiuus singularis similis est plurali nominatiuo, dubiū fit, an intelligat, quod salutāt simul, & Caius, & vniuersa Ecclesia, sicuti legit Amb. Sed quia ver-

bum singulare non quadrat plurali nomini, aliqui legunt, Et vniuersa Ecclesia. At verò Græcè nullus datur locus amphibologiæ, sed est genitiuus singularis numeri: vt sit sensus, Caius qui est hospes meus, ac totius Ecclesiæ, nempe qui non me solum, sed totam Ecclesiam, hoc est, pauperes & peregrinos communi hospitio excipit, salutat vos. Fuit enim inter Christianos tunc illustrissimus, nempe dignus, vt de cuius charitatis ac pietatis commendatione ac laude, scriberet Ioannes tertiam Canonicam. (*Salutat vos Erasmus arcarius ciuitatis.*) Quod est, publico ærario præfectus, quem dicebant, Quæstorem. Et quanq̃ nō nominet cuius ciuitatis, verisimile est, fuisse quæstorem Corinthi. Neq; verò officii eius & magistratus meminit, eo quod eius modi amplitudinem dignitatum magnificaret, sed quia tunc tenera Ecclesia non nihil splendoris inde accipiebat, quod fidem, personæ etiam illustres susciperent. Qua ratione & de Cornelio Centurione metio fit in Actibus Apostolorum. Et ad Philip. Paul. ipse, Salutat vos, inquit, omnes sancti, maximè autem qui de Cæsaris domo sunt, (*Et Quartus frater.*) Nomen erat proprium illius, quem octauum ac postremum huc producit, (*Gratia domini nostri Iesu Christi cum omnibus vobis. Amen.*) Salutatio est quam Paul. post alienas, veluti propriam, subscrit. Est nihilo minus apud aliquos sub iudice, vtrum cū paulò ante eadem ferè verba præmiserit, vtroq; ne loco eadem scripserit Paul. an verò seu in superiori, seu in hoc, adiecta sint ab aliquo interpretum. Amb. enim atq; Orige. superius quidem legunt, hic verò minimè. Chrysosto. verò contrà superiori loco ea præterit, hoc verò legit. Sed Theophylact. vtrobiq; ea commentatur. Quod si altero loco redundant, facilius crederem redundare superius, quàm hic, pro eo quod mos sit Pauli, vbique ei obseruatissimus, calcem epistolæ per huiusmodi salutationem finire: tutius autem crediderimus, vtrobiq; fuisse à Paulò conscripta.

Ei autem qui potens est vos conformare iuxta Euangelium meum, & prædicationem Iesu Christi, secundum reuelationem mysterii temporibus æternis taciti, quod nunc patefactum est per scripturas Prophetarum, secundum

cundum præceptum æterni Dei, ad obeditionem fidei, in cunctis Gentibus cogniti, soli sapienti Deo per Iesum Christum, cui honor & gloria in secula seculorū, Amen.

Quarta pars capituli. Particulam hanc quintam huius capituli, postremamq; totius epistolæ, Marcion hæreticus interpolator euangelicæ, Apostolicæque doctrinæ, vt author est Origen. de hac epistola abstulit. Quinimò cum in calce capit. i. 4. eam suo tempore reperisset, inde vsque ad finem, putà, quintum decimum, ac sextum decimum capitulum deleuit: vt finis epistolæ concluderetur illo verbo, Omne quod non est ex fide, peccatum est. Vtraque enim duo hæc postrema capitula indigna reputabat, quæ Paulo inscriberentur: hoc præsertim sextum decimum, eò quòd totum sit salutationibus expensum, quæ (vt dicebat) apostolicam non referunt auctoritatem. Huic autem blasphemix iam supra responsum est. Neq; de his duobus capitulis dubitatum inter orthodoxos vnquam fuit, quin sint pro canonicis habita. At verò particula hæc, multi sunt codices græci, in quibus nō legitur, licet plures sint in quibus extat: de qua iam nunc hæsitare non licet. At verò nondum satis constat inter catholicos interpretes, vtro in loco collocata fuerit ab Apostolo, hoc scilicet, an in fine quarti decimi capitis. Chrysost. nanq; non hic, sed illic eam interpretatur. Cui consentit Theophyl. licet eius interpres non eā transfulerit latine. Orig. autē & Ambr. & reliqui legunt hoc loco. Nec profectò probabilitate caret opinio Chrysostomi, tum quòd verba hæc de fidelium confirmatione (vt considerare est in commentario Chrysostomi) congruentissimè adaptantur tractatui illius capituli, de litibus & iurgiis Romanorum, fide vacillantium, dum infirmi firmiores iudicabant, illi autem contemnebant, scandalizabantq; infirmos: tum etiam quòd hic post salutationes non adeò ad rem propriè appenditur. Tametsi, honor & gloria in secula seculorum, non ineptus sit finis. Adde quòd (vt supra dicebamus) solennissimum est Paulo, epistolas omnes precatione illa concludere, Gratia domini nostri Iesu Christi cum omnibus vobis, Amen. Adeò vt Ambr. licet hanc particulam hic in-

terfertā legerit, illam nihilo minùs precationem huic postposuit, quæ esset epistolæ finis. At sequamur regiam interpretum viam. Sed offundit præterea obscuritatis nonnihil tum prolixum hyperbaton, tum præsertim relatiuum, cui, in fine adiectum, quod reddit totam præsentem orationem truncam, & verbi appetentem. Sententia ergo est, vt honor & gloria habeatur omnipotenti Deo, qui potēs est Romanos confirmare in fide. Sed eam tamen nonnullis aliis confert membris. (*Ei autem.*) Scilicet, Deo vni in Trinitate. Haud enim de Patre seorsum dictum existimes (*Qui potens est vos confirmare.*) Videlicet, ne disputationibus & simultatib⁹ litigantes, nature pergatis in fide: hoc enim est quod per totā epistolam proposuerat illis dissuadendo per suadere, ne de fidei sensu tanta cū pertinacia digladiaretur, (*iuxta Euangelium meum & prædicationem Iesu Christi.*) Exultimauerim, secundum membrum, appositionem esse, & declarationem prioris. Per Christum enim dominum (vt habetur ad Heb. 2.) initium accepit enarrari salutem euangelicam. De quo ait Matthæus, quòd circuibat prædicans Euangelium regni, sed per illum deriuata est prædicatio ad Apostolos. Vnde idem sunt, iuxta Euangelium meum, id est, quod ego prædico, &, per prædicationem Iesu Christi, qui illud & prædicare cœpit, & reuelauit nobis: quibus idem iussit prædicare. Ne putaret ideo dixisse, meum, quòd ab eo esset inuentum. Ait ergo, confirmare vos iuxta Euangelium meum, &c. ac si dixisset, Potēs est Deus eo vsque vos promouere, vt sitis confirmati, & solidati in fide, iuxta veram intelligētiam euangelicam: (*Secundum reuelationem mysterii, temporibus æternis taciti.*) Mysterium hoc, illud esse arbitrantur interpretum quipiam, quòd Gentes forent ad fidem euangelicam, vna cum Iudæis, euocandæ: hoc enim ait fuisse tacitum, propterea quòd non fuerunt illis factæ promissiones. Et secundum hunc sensum induxit hoc Paul. tum ne discederet à sua functione, quæ propriè versabatur, tum etiam ad pacandum Iudeorum tumultus, contententium, non esse Ethnicos admit tendos, saltem pari cum eis iure, in familiam Christi. Fauet huic sensui, quòd ad Ephē. hoc vocat sacramentum absconditum, Gentes esse coheredes, & incorporales, & participes promissionis Dei in Christo Iesu per euangelium. Alii verò esse putant mysteriū redemptionis incarnati Dei: & quidem

Mysterium

Ephē. 3.

multò probabilius. Nā hic nō loquitur Paul. peculiariter Gentilibus, sed ex utroq; populo conuersis. Quamobrem subdit, Ad obedi- tionem fidei in cunctis Gentibus cogniti. Tā etsi reuera vtrunq; vno verbo comprehendi- tur, putā, & mysterium redemptionis, & eius vniuersalis fructus participandus Gentibus.

Col. 1.

Vnde ad Col. Deus inquit, voluit notas face- re diuitias sacramēti huius in Gētibus, quod est Christus. Hoc autem mysterium ait taci- tum fuisse temporibus æternis. Vel quod æ- ternitatem ipsam, quæ vniuerse continet vir- tute tempora, appellat æterna tempora: quæ- admodum Iob immensitatem diuinæ substā- tiæ dimensionibus quantitatis corporeæ de- scribit, vbi ait, Longior terra mensura eius, & latior mari. Vel (quod certius credi potest) tē- pora æterna appellat secula omnia, à creatio- ne mundi. Ac si dixisset, perpetuis tempori- bus. Nam etsi mysteriū hoc in æternitate deli- tuerit, tamen cum ante mundi creationē non fuissent quibus denunciaretur, nō dicitur tā propriè tunc, vel tacitū, vel occultum fuisse.

Æterna tem-
pora.

Tacitum.

Tacitum, autem idem est quod, occultum. Sed quia innotescere nō potuit, nisi per diui- nam reuelationem, quæ quædam propalatio est, quasi per loquelam, ait, tacitum, hoc est, silentio contectū. Optimè ergo dixit, confir- mandos fore Christianos, iuxta præscriptum Euangelii, & prædicationis Christi, secundū reuelationē mysterii vniuersalis redemptio- nis: id est, per hoc quod sano, legitimoquē intellectu reuelaretur, quemadmodum Chri- stus vniuersalis est redemptor, perfectorque & consummator antiquæ legis, qui abolitis omnibus eius cerimoniis in vnam familiam & legem adunaturus esset cunctarum Gen- tium vniuersitatem. Vellicat enim semper cō- tentiones Iudæorum, de retinendis priscis ce- rimoniis. (Quod nunc patefactum est per scriptu- ras prophetarum.)

Dubitatio.

Videri hic sciolis ac rudiori- bus posset Paul. nō solūm veritati contrarius sed suis sibi dictis repugnare. Ait enim myste- riū hoc tacitum fuisse tēporibus æternis, vsq; nō solum tēporibus æternis, vsq; ad tēpus euangelicū. Id autē in primis videtur falsum. Nā fuit innumeris Prophetarū oraculis prædictū, Imò per totā legem præfiguratum. Neq; id solūm, verūm & ab orbe statim condito, sub illo mysterio Aeuæ, de costa viri efformatæ, Ad præuisum vt concors Patrū asserit sententia. Quinimò & Iob, aliisq; ex gētilitate subindicatū. Neq; solum incarnationis mysterium, sed quod be- neficium hoc esset etiam ad Gentes proferē-

dū, erat prophetis oraculis decantatum: vt capite præcedenti ex professo ipse demōstra- uit Aposto. Adde quod cūm dicat hic Paul. patefactum fuisse per scripturas Prophetarū nimirum antiquæ legis, contradicere videtur sibi, qui ait, tacitum fuisse æternis temporib⁹. Ad hoc autem facillima est responsio, quam cap. iam. 3. dilucidauimus super verbo, Nunc autem sine lege iustitia Dei manifestata est, testificata à lege & prophetis. Haud enim hic negat Paul. quin fuerit mysteriū hoc præ- figuratum & prænuntiaturum: sed hoc tantum quod fuerit lucidè patefactum, hoc est, expō- situm, amotisq; figurarum, prophetarumq; velaminibus, apertè reuelatum. Fuit enim an- tiquitus sub vmbraculis præcognitum popu- lo, licet prophetis ipsis (vt ait Orige.) maiori luce præuisum: manifestatum verò (vt dixit capit. 3. & patefactum (vt ait hic) nunquam, nisi per Euangelium. Vnde quod hic subdit, patefactum esse per scripturas prophetarum intelligit, per patentem, dilucidamq; earum intelligentiam, quam Christus & eius Apo- stoli per Euangelium expositam prædicauē- runt. Quod cap. 3. dixerat, Testificata à lege & prophetis. Vnde ad Gal. Priusquā veni- ret fides, sub lege custodiebamur conclusi in- cam fidem quæ reuelanda erat. Et loco ad Ephesios citato. Aliis inquit generationibus non est agnitum filiis hominum, sicuti nunc manifestū est sanctis Apostolis eius & Pro- phetis in spiritu, esse Gentes coheredes. (Secū- dum præceptum æterni Dei, ad obedi- tionem fidei in cū- ctis Gentibus cogniti.) Ait Paul. Dei, secundum suum hebraisum, pro eo quod latinus dice- ret, eius, vel eiusdem æterni Dei, vt referret si- gnificatum pronomini, ei. Sed ait, æterni Dei, sicuti dixerat, æternis temporibus, vt exprimeret, mysterium hoc, nō fuisse reuela- tum, vel fortuitò, vel ob temporalia mortali- um merita, sed per gratiam & præceptum Dei, qui quod in tempore exequitur, in æter- nitate præordinauit. Quod vero ait, præce- ptum, nescio an ad præceptum Christo à Patre impositum, de redimendo humano ge- nere, fundandaq; Ecclesia in fide referatur: iuxta illud, Sicut mandatum dedit mihi pa- ter, sic facio. Quāuis vt in nostris scholasticis prælectionibus solebam pro capto meo opi- nari, id non fuerit propriè præceptum, quod secum adferret obligationem ad culpam, si violaretur: quandoquidem illud non erat Christo necessarium, vt qui transgredi vo- luntatem patris non poterat. Sed idem est, Si

Responsio.

Gal. 3.

Ioh. 24.

cut man-



cut mandatum dedit mihi Pater, quod, Sicut mihi commendauit Pater, seu, iuxta negotium quod mihi demādaui. Sicuti ait Euangelista. Opus consummaui, quod dedisti mihi, vt faciam. Vel ait hic Paul. secundum præceptum æterni Dei, datū Apostolis, & discipulis, & vniuersali Ecclesiæ, de prædicanda fide. Vel idem est, præceptum, quod, ordinatio Dei. Nisi hoc magis placeat, vt dicamus, id quod ait, secundum præceptum, non solū huc pertinere, quòd sit mysterium secundum præceptum Dei diuulgatum, sed ad hoc potius (vt verba sonant) quòd sit secundū præceptum, etiam cognitum ad obedientiam fidei: vt significetur præceptum, quo vniuersus mūdus tenetur, vbi in notitiam peruenerit Euangelium, obedire fidei. Et ideo perpetuo contextu ait, Secundum præceptum, ad obeditionem fidei in cūctis Gentibus cogniti. Sicuti dixerat in exordio, Ad obediendum fidei in omnibus Gentibus. Vnde, Gētibus, hic cum signo vniuersali, cūctis, non pro Ethnicis tantū, sed pro vniuersis mortalibus accipitur. (*Soli sapienti Deo.*) Adiectiuum est superioris pronominis, ei. Meminit autē consultò sapientiæ diuinæ, propterea quòd dixerat, Reuelationem mysterij taciti, vt significaret, in sempiterna eius sapientia fuisse mysterium hoc absconditum, & per eandem solam reuelatum. Nam quæ sunt Dei (vt inquit ad Cor. Paul.) nemo nouit, nisi spiritus Dei. Et vt Sapientia ipsa testatur. Filiū nemo nouit, nisi Pater, neq; Patrē nisi Filius, & cui Filius voluit reuelare. Quod autem ait, soli, vel adiacere potest tantū, Deo, vt sit sensus, Soli Deo, qui est sapiens, honor & gloria: sicuti alibi dixit, Soli Deo. Vel potest adharere adiectiuo, sapienti, vt sit sensus, Deo, qui solus est sapiens. Nam sicuti ex eo quod per se habet esse, & non aliundè, absolutè & simpliciter dicitur esse: secundum illud, Ego sum qui sum. Et, Qui est, misit me ad vos, ita & quia est ipsa per se sapientia, dicitur solus sapiens: creaturæ verò, eiusdem sapientiæ participatione, fiunt sapientes. Qua figura loquendi ait Christus, Nemo bonus, nisi solus Deus: Et hic sensus melius seruit proposito. Nam designat, mysteriū hoc, de quo agitur, esse per se sola sapientia Dei cognitum. (*Per Iesum Christum, Cui honor & gloria.*) Accusatiuus, per Iesum Christum, non potest adiungi orationi præcedenti, soli sapiēti Deo. Nam si Pater (vt ait August.) non est sapiens, sapientia genita, cò quòd Pater nihil recipit à Fi-

lio, sed Filius à Patre, multo minus est sapiēs per Christum, in quantum homo. Nisi dicas, sapiēti per Christum, hoc est, cuius sapiētia manifestata est per Christum: quæ esset interpretatio valde peregrina. Adiungitur ergo subsequenti orationi, honor & gloria. At verò hoc relatiuum, cui, negotium exhibet cunētis interpretibus, eò quòd totam orationem obnubilat: illo enim expuncto, clarissimus est sensus. Ei scilicet, qui potens est, &c. soli sapiēti, per Iesum Christum, honor & gloria, supple sit: hoc est, propter hoc quod nobis donauit Iesum Christum redemptorem, atque ideo dominum nostrum. Vel, per Iesum Christum, qui Patrem glorificauit, & honorauit, per hoc quòd eius gloriam, & honorem mundo patefecit, vt iam suprà exposuimus: iuxta verbum eiusdem Saluatoris, Ego te clarificauit super terram. At verò Ioan. 17. ubi ait, cui, refertur Christus: si autem Christo intelligitur dici honor & gloria, tota præcedens oratio manet trunca, suoque orbata verbo. Quamobrem Augustin. libr. 3. contra Maximinum cap. 13. arbitratur, reficiendam esse sic orationem. Ei soli sapiēti, sit scilicet, gloria, cui per Iesum Christum est gloria. Quali dicat, Nulli est vera gloria, nisi cui per Christum est gloria. Græcè enim solum habetur, gloria, & forsan vox, honor, adiecta est ex epistola ad Timoth. Ille autem cui violentum apparuerit supplementum hoc, aliud excoget, vel glossamen, vel responsum. Nam ab iis cere relatiuum, quod vniuersim & Græcè & Latine est in omnibus exemplaribus, nonnulla videretur temeritas. Et quòd aliquid desideretur quod Paul. scripsit, nò esset adeò assertu securum. (*In secula seculorum. Amen.*) Hæc iam adiectio suprà exposita est in calce. ii. cap. ¶ In Græcis autem codicibus extra textum subscribitur in pede. (*Ad Romanos scripta; à Corinthio, per Phœben, Ecclesiæ, quæ est in Cenchris, ministram.*) De hoc autem satis superq; à nobis dictum est in prologo. Peruen tum igitur nobis est ad finem destinati operis. Nescio an me Paul. sua tumescen tibus securitate, tum maximè mysteriorum vbertate prolixiorè iusto fecerit. Et habebor talis, si multa hic sunt quæ demi possint. Ceterum si ubi, vel negligentia, vel certè in scitia collapsus sum, imo quia crebrò me collapsum ve reor, quicumq; orthodoxus admoneat, Ecclesiæ iudicet, ignoscat Deus, qui est benedictus in secula.

FINIS.

Handwritten text in the top left section, appearing to be a list or series of notes.

Handwritten text in the top right section, continuing the notes or list.

Handwritten text in the middle left section.

Handwritten text in the middle right section.

Handwritten text in the lower middle left section.

Handwritten text in the lower middle right section.

Handwritten text in the bottom left section.

Handwritten text in the bottom right section.





021154120



35

Polin Epistol.

410

Uax. 62. 11. 5.

colorchecker classic



calibrite